

غلاصة البيان
تفسير القرآن

٩-١٠



نور
27

R. Y
2373

۲۷

طقوزنجی جلد

T. C.

MİLLÎ EĞİTİM BAKANLIĞI
RAGİP P. ZARFIYIPLIĞI

MÜDÜRLÜĞÜ

Sayı: 2073

7-8-1

محمد واهی

قونیہ مبعوث سابق

شہزادہ ہاشمی : اوقاف اسلامیہ مطبعہ سی

۱۳۴۰ — ۱۳۴۳



۹۵۳ شیخی ضرورده : اوده طقوزخی ضرورده
۹۵۴ اوده شیخی ضرورده :

904

903

حییینه تخصیص ایتدیکی بر معجزه بی بیان ایتش و بو معجزه بی بیانه ذاتی جمیع نقائصدن تنزیله باشلامشدر . زیرا تسبیح ؛ جمیع نقائصده تنزیله معناسه در . عظمت و جلالتی ادر ا کدن عقول بشر عاجز اولدیغه اشارت ایچون ذات الوهیتدن ایهامه دلالت ایدن (الذی) لفظیله تعبیرایده رک (سبحان الذی) بیورمشدر . سبحان لفظی تنزیله معناسه تسبیح اولدینی کی تسبیح علم شخصی اولارق دخی استعمال اولونور .

(اسراء) کیمه کونورمک و کونورمک معناسه اولدینی حالده اسراء مدتک غایت آز اولدیغه اشارت ایچون اسرادن صکره آز اولدیغه دلالت ایدن تنوینله (لیلا) کلمه سی وارد اولمشدر . چونکه ؛ رسول الله کیجه نک بعضیسنده مکدن پک اوزاق مسافه ده اولان بیت مقدسه و آندن سایه و سمانن اللهم دیله دیکی محله کیتمش و کلمشدر . آیتده مسجد اقصی ایله مراد ؛ بیت مقدس . مکرمه اوزاق اولدیغه اقصی دنیلمشدر . مسجد اقصانک اطراف باغلی و باغچهلر و هر نوع نعمتلرله طولو اولدینی جهته دنیا نعمتلری خصوصنده مبارک اولدینی کی دین خصوصنده دخی مبارکدر . زیرا بیت مقدس ؛ مقر انبیا و محل وحی الهی و صلحانک معبیدر . اکثر انبیانک معجزه لری و آثار غریبه اوراده ظهور ایتدیکندن جناب حق مبارک اولدینی بیان ایتمشدر . بناء علیه ؛ مادی و معنوی محل مبارک دینکه شایاندر . عبدالله مراد ؛ رسول الله و الله راجع ضمیره اضافی رسول الله تعظیم ایچوندر .

بیضاوینک و خازنک بیانلری و جهله رسول الله معراج نفوس حرم شریفدن کیتمش و کلمشدر و آیتک ظاهری ده نفس حرمدن اولدیغه دلالت ایدر . بعض روایتده (ابوطالب) ک کریمه سی ام هاتنه نک خانه سندن کیتمشدر . بو روایت ، آیتک ظاهرینه مخالف دکدر . زیرا ؛ حرم داخلنک کلیمه مسجد حرام دنیلیمک صحیح اولدیغندن ام هاتنه نک خانه سی ده حرم داخلنده اولدینی جهته مسجد حرام اطلاق اولونا بیلیر .

رسول الله معراجی هجرت نبویه دن بر سنه اول واقع اولمشدر . کرچه روح نبویمیدر ، جسدی روحیله برابر میدر ، اویقو حالده میدر ، اویانق حالده میدر ؛ دییه معراجک کیفیتده اختلاف ایتمشلر ایه ده اصح اولان اویانق اولدینی حالده جسد مع الروح

خلاصة النيات

اون بشنچی جزو

سورة اسراء

مکه مکرمه ده نازل اولان سوره لر دندر . آنجق سکنز آیتک مدینه منوره ده نازل اولدینی (ابن عباس) حضرت لر دندن مرویدر . بوز اوه آتی حاویدر .

بِسْمِ اللَّهِ الرَّحْمَنِ الرَّحِيمِ

سُبْحَانَ الَّذِي أَسْرَى بِعَبْدِهِ لَيْلًا مِنَ الْمَسْجِدِ الْحَرَامِ إِلَى الْمَسْجِدِ الْأَقْصَا الَّذِي بَارَكْنَا حَوْلَهُ لِنُرِيَهُ مِنَ الْأَيْتَانِ

[جمیع نقائصدن تنزیله ایدرم شول ذات اجل و اعلائی که او ذات شریف کندی عبد اخصی اولان حییینی کیجه ایله مسجد حرامدن مسجد اقصایه کونوردی که او مسجد اقصانک اطرافنده باغلی و باغچهلری و هر درلو میوه لری و سائر نعمتلری خلق ایتمکه مبارک قیلدق و بوز عبد اخصمه قدرتمزه دلالت ایدن بعض آیتلری میزی کونورمک ایچون مسجد حرامدن قدس شریفه کیجه ایله کونوردک .]

إِنَّهُ هُوَ السَّمِيعُ الْبَصِيرُ

[زیرا ؛ الله تعالی قولنک سوزلرینی ایشیتیر و ایشلرینی بیلیر و لیاقتنه کوره اکرامله تلطیف ایدر .]

نیسابوریده بیان اولوندینی و جهله جناب حق (سوره نحل) ک آخرنده مکارم اخلاقک جوامعیله امر ایتدکن صکره بو سوره نک اولنده انبیاء سائرده سبق ایتوب آنجق

ذات رسول الله معراجی واقع اولمشدر . چونکه؛ رسول الله معراجك صباحنده معراجی خبر ویرنجہ مشرکر رسول الله طعنه فرصت عد ایدہرك تكذیبه قالدیشدیلر و بربرلرینه قوشوشدیلر و یکی مسلمان اولمش بعض کیمسه لرك ارتدادینه سبب اولدیلر . اکر رؤیا اولمش اولسه ایدی هیچ کیمسه نك اعتراضه هدف اولمازدی . چونکه؛ رؤیاده هر کس برچوق یرلر کزدر و او یائق حالنده حوصله بشرک قبول ایتیه چکی غریبه لر سیر ایدر . شو حالده رسول الله معراجی او یائق حالنده جسدیه برابر واقع اولمشدر که مشرکرک عقللری حیرت ایتدیکندن اعتراضه قالدیشمشلر حتی ابوبکر رضی الله عنه حضر تدرینه قور کلشلر و « کوردکی ارقداشك نلر سویلیور؟ » دیمشدر . حضرت ابو بکر مشرکرک بو سوزلری ایشیدنجه « بوندن دها زیاده سنی سویلسه رسول اللهی ینه تصدیق ایدرم » دیمسی اوزرینه صریحه عنواتی احراز ایتمشدر .

آز زمانده بو قدر مسافه نك قطع اولونمسه کنججه: اجسامده سیر سریع واقعدر . مثلا روز کارك آز زمانده برچوق مسافه قطع ایتدیکی وسلیان علیه السلامك روز کار واسطه سیله اوزاق مسافه لری قطع ایتسی و بو کون موطور واسطه سیله طیاره لرك خاطر و خیالك فوقنده مسافه لر قطع ایتسی بالجمله اجسامك سیر سریعی قابل اولدیغنه دلالت ایدر . اجسامك جمله سی اعراضی قبولده مساویدر . شو قدر که جناب حق هر بری برر خاصه ایله متماز قلمشدر ، آنجق بوامتياز برنده جائز و ممکن اولان شیک دیکرنده جوازینه مانع دکلدرد . بناء علیه ؛ جسم رسول اللهه جناب حقك بو سیر سریعی خلق ایدوب آز زمانده برچوق یرلر کوروب کلکسند بر مانع بو قدر . شو حالده معراج نبوی یی رؤیا ایله تأویله ده احتیاج بو قدر . چونکه ؛ بر جسمك آز زمانده برچوق مسافه یی قطع ایتسی ممکن و واقع اولونجه رسول اللهك حقنده بعید عد ایتکده معنی بو قدر . باخصوص شو زمانده بر طاقم آلات و ادوات واسطه سیله طیاره لرك هواده ساعتده یوزلرجه کیلومتر و سرعتله اوچدیغنی و آز زمانده برچوق مسافه قطع ایتدیکنی کورن کیمسه نك رسول الله حقنده واقع اولان سرعت عجبیه نك قدرت الهیه به نسبتله خارق العاده و فوق الطیعه اولارق و قوعنده تردد ایتسند بر معنی بو قدر . زیرا بعض اسباب و آلاتله آحاد ناس ایچون واقع و ممکن اولان بر شیک قوه قدسیه صاحبی و هر کسدن زیاده عند الله قدری عالی اولان نبی ذیشان حقنده ظهورینه تردندن جائز اولسون .

عبد لفظی لسان عربده رومد برابر جسمه دیمسی دخی رسول اللهك معراجك روحله برابر جسدیه واقع اولدیغنه صراحة دلالت ایدر .

معراجدن مقصد اصلی ؛ انبیادن هر بری آری آری جناب حقك تلطف ایتدیکی کی حیینی ده بومثللو عجائبی سیر ایتدیر مکله تلطف اولدیغنی کی رسول اللهك قلبه قوت و شجاعت ایچون ارواح قدسیه و عالم ملکوتیه انسیت ایتدیر مکدر . چونکه ؛ یر یوزنده کور و له یین آیات بیناتی و عجائب و غرائی کور مسی و عالم افلا کده اولان صنایع الهیه یی رأی العین مشاهده ایتسی قلب نبویلرینك قوت و متانتنه سبب اولدیغندن امر دعوتیه اقدامی و اعداء دین اوزرینه شجاعتی و دینی تأسیس و اعلا خصوصنده سعی و غیرتی تکمل ایدہ جکسند شبهه بو قدر . بناء علیه ؛ رسول اللهده هر کسدن زیاده قوت قلب و شجاعت اولدیغنی تواترله ثابتدر .

رسول اللهك مکدن قدسه قدر معراجی ؛ بو آیتله ثابت اولدیغندن قطعیدر . بناء علیه ؛ انکار ایدن صراحت قرآنی انکار ایتدیکندن کافردر . قدسدن سایه قدر معراجی ؛ حدیث مشهورله ثابت اولدیغندن انکار ایدن کیمسه ضلالت ارتکاب ایتمش اولور . سنانك ماوراسنه معراجی ؛ حدیث آحادله ثابت اولدیغندن بوجهتی انکار ایدن کافر اولماز ولکن فاسق اولور .

الله تعالی نك نور ایمانه موفق قیلدیغنی کیمسه لر قدرت الهیه نك برچوق عجائب و غرائبی هر آن مشاهده و آنده اولان صنایع غریبه یی کورونجه رسولنی بر کیجه نك بعضی سنده مسجد حرامدن مسجد اقصایه و آندن سایه و سادن دیله دیکی محللره کورتوروب سیر ایتدیر مکله تلطفنی چوق کورمز . نهدن چوق کورسون و نهدن محال عد ایتسون . مثلا کونشك جرمك بر طرفندن دیکر طرفنه قدر مسافه سنك کره ارضك یوز آلتش کسور مثلی اولدیغنی و بومسافه یی بر ثانیه ده قطع ایتدیکی فن هیئتجه ثابت اولمشدر . کره شمسده بو قدر سرعتی خلق ایدن خلاقك رسولنك جسمنده دخی خلق ایتسنه کی مانع تصور اولونا بیلور . اوت ! عقل سقیم اربابی قدرت الهیه یی تقدیر ایدہ مدیکندن تصورات فکریه سی قیصه اولدیغنی جهته طبیعتنده اولان خسته شیطانك اغفالاتی ده انضمام ایدنجه کندی کی قوه قدسیه دن بی خبر اولان انسانلره قیاس ایدہرك فخر کائنات حقنده دخی بومثللو الطاف الهیه یی قیصقانتق ایستر . اوت ! هوانك فوقنده طبقات برودت و طبقات حرارت بولوندیغندن انسان ایچون

اوطبقه لردن يول بولوب كيتمك على العاده ممكن اوليه بيلير . فقط اوطبقه لرى خلق ايدن واجب الوجود ايسته ديكي برقولنه اوطبقه لردن يول ويروب كوتوره مزى ؟ وخارق العاده على العاده قياس قبول ايدرمى ؟ سورة نسا ده حضرت عيساك سمايه قالديرلسى حقنده بويحه متعلق برنبذه بيان سبق ايتشدرد . [١]

* *

واجب تعالى رسولك رسالتى معراجله تأييد ايتديكى بيان نصكره موسى عليه السلامى توراتله تأييد ايتديكى بيان ايتك اوزره ﴿ وَآتَيْنَا مُوسَى الْكِتَابَ وَجَعَلْنَاهُ هُدًى لِّبَنِي إِسْرَءِيلَ أَلَّا يَتَّخِذُوا مِن دُونِي وَكِيلًا ﴾ بيوريور .

[بزموسى عليه السلامه تورات دنيلن كتابى وردك و اوكتابى بنى اسرائيله هدايت قيلدق وديدك كه « سز بنم غيرى بر كيمسهي امور كزه وكيل اتخاذا ايتميك وايشكزى آنجق بكا حواله ايدك واعتماد كز بكا اولسون . »]

﴿ ذُرِّيَّةٌ مِّنْ حَمَلِنَا مَعَ نُوحٍ ﴾

[اى نوحله برابر كميده كوتوردى كمز كيمسه لك ذريتى ! سزه نوح عليه السلامه برابر بز نجات وردك .]

﴿ إِنَّهُ كَانَ عَبْدًا شَكُورًا ﴾

[زيرا ؛ نوح عليه السلام چوق شكر ايدر برعبد ايدى .]

يعنى ؛ بز محمد عليه السلامه معراجله اكرام ايتديكمز كى محمد عليه السلامدن اول موسى عليه السلامده كتاب ويرمكه اكرام ايتدك كه رسالتى تأييد اولسون و اوكتابى بنى اسرائيله طوغرو يولى كوسترر هدايت قيلدق . بناء عليه ؛ اوكتاب واسطه سيله آنلرى ظلمات جهلدن نور ايمانه ودين حقه اصال ايتدك وآنلره ديدك كه « اى بنى اسرائيل !

بنم غيرى ، مخلوقاتمدن بر كيمسهي بكا شريك وامور كزه وكيل اتخاذا ايتميك . زيرا ؛ هرامور كزى بكا حواله ايدوب بوتون اعتماد كز بكا اولق لازمدر . چونكه ؛ بندن غيرى معبود اولمادىنى كى اعتماد لايق بر كيمسده يوقدر . اى نوحله برابر كميده كوتوردى كمز كيمسه لك ذريتى اولان انسانلر ! نوحله برابر كميده كوتورمكه بز سزه اكرام ايتدك . بابالريكزى هلا كدن قورتارمقله سزى ده قورتاردق . زيرا ؛ نوح عليه السلام هر نعمتك قدرينى بيلير وشكرينى ادا ايدر برعبد مخلصمزدى . بناء عليه ؛ طوفاندن آنى وآنكله برابر اجداد كزك صلبنده سزى ده خلاص ايدنجه نعمت خلاصكزك شكرينى ادا ايتكز واجبدر . زيرا ؛ حضرت نوحك شكرى خلاصكزه سبب اولدينى كى سزك شكر كزده انواع بلایادن خلاصكزه و برطامق نعمتله نائل اولمكزه سبب اولسون . شو حالده نعمتلىمزه شكر ايدك كه بلالردن قورتولاسكز .

واجب تعالى بو آيتده حضرت نوحى چوق شكر ايتمسيله ثنا ايتدى . چونكه ؛ مدار كده ونيسابور يده بيان اولوندينى وجهله حضرت نوح برشى يمز وايچمز و كيمز الا « الحمد لله » جمله جليله سيله جناب حقه حمد ايتدكدن صوكره بير ، ايچر وكيردى . ايشته بوندن دولاييدر كه الله تعالى شكر اسميله ثنا ايتمش وبحق شاكريندن اولدينى بيانله قوللرينى حضرت نوح كى هر نعمته شكر ايتمكه ترغيب بيورمشدر .

آيت جليله ؛ انسان ايچون اك اعلى مرتبه نك توحيد ايتمك مرتبه سى اولديغنه دلالت ايدر . زيرا ؛ واجب تعالى بزم پيغمبريمزك معراجنى بيان نصكره موسى عليه السلامى توراتله تالطيف ايتديكى و توراتك بنى اسرائيله هدايت اولدينى و توراتك كوستردىكى يول اللهك غيرى بى بروكيل اتخاذا ايتمك اولدينى بيان ؛ توحيدله امرى متضمن اولدينى جهته توراتك خلاصه سى ؛ توحيدله امر اولديغنه صرامه دلالت ايدر .

خلاصه ؛ جناب حقك حضرت موسايه توراتى ويرديكى و توراتك بنى اسرائيله هدايت اولدينى و توراتده اللهك غيرى به اعتماد ايتمكدن نهى ايتديكى و حضرت نوحله برابر كميده بولنوب طوفاندن خلاص اولان كيمسه لك ذريتلىنك حضرت نوح كى

هر نعمته شكر ايتلمی لازم کلدیکی وحضرت نوحك غایت چوق شکر ایدر برعبد شکور اولدیغی بو آیتدن مستفاد اولان فوائد جمله سنددر .

* *

واجب تعالی توراتی بنی اسرائیله هدایت قیلدیغی بیاندنصکره بنی اسرائیل اکثریسی توراتله اهتدا ایتدکلرینی بیان ایتک اوزره ﴿ وَ قَضَيْنَا إِلَىٰ بَنِي إِسْرَءِیْلَ فِی الْکِتَابِ لُتُقْسِدُوْا فِی الْاَرْضِ مَرَّتَیْنِ وَلَتَعْلُنَّ عُلُوًّا کَبِیْرًا ﴾ بیوریور .

[بز توراتده بنی اسرائیله خبر ویردک و دیدک که « ذاتمه یمین ایدرم که سز شام و قدس اراضیسی ایکی کره افساد ایده جک والته طاعت الهیه مزدن چیقاجق و کبر ایده جک وانیا اوزرینه علویت دعواسنده بولونا جقسکز . »]

یعنی ؛ بز موسی علیه السلامه ویردیکمز توراتده قطعی صورتده وحی ایتدک و دیدک که « ذات الوهیتمه یمین ایدرم که سز البته توراته مخالفتله ایکی کره ارضی افساد وناسه ظلم ایدر وانیا اوزرینه علویت دعواسنده بولنور و اطاعتدن تکبر ایدرسکز . » ایشته بو سوزلرمزله حکم ایتدک و حکمیزک اثری ظهور ایتدی .

تفسیر خازنده بیان اولوندیغی وجهله بو آیتده ارض له مراد ؛ شام و قدس اراضی سیر . ایکی افسادده برنجیسی ؛ زکریا علیه السلامک قتل و ارمیانک حبسی و سائر جنایتلر بر .

ایکنجیسی ؛ عیسی علیه السلامک قتل و حضرت عیسا ک قتل قفسه ایتدکری و ناسه ظلم و تعسیرلری . چونکه ؛ آنلر توراتک احکامنی آرقه لرینه آتارق انواع جنایاتی ایشله مک صورتیه دائره شریعتدن چیقمش و محرمانک حرمتنی استخفاف ایتمکه انواع جرائمی مباح عد ایدر بردرجیه کملشردی . بناء علیه ؛ بوندن صکره کی آیتده بیان اولوناجنی وجهله جناب حق تربیه لرینی ویردی . چونکه ؛ نعمت الله افندیکنک بیانی وجهله انبیایه تعظیمی قالدیرمقله اهانت و استخفاف ایده رک عقلا دن عد ایتدکلری کی سفاهتله اتهام و تکذیب ایتشلردی . زیرا ؛ بر شیتک چوقلنی ناس آره سندده قیمتنی آزالتمق عادت اولدیغندن بنی اسرائیلده انبیانک کثرتی ؛ استخفافه جرأتلرینه سبب اولمشدر .

فخر رازیده بیان اولوندیغی وجهله قضا ؛ حکم بر شیتی کسرب آتمی معناسنه ایسه ده بو آیتده قضا ؛ رحی ایدر بنی اسرائیلک افساد لرینی کنیدلرینه یلدرمک معناسندر . زیرا ؛ جناب حقک اخباری تخلف ایتوب البته واقع اولدیغندن قضا لفظی حکم قطعی معناسنی متضمن اولدیغی جهته افسادده قضا ایله تعبیر اولمشدر . چونکه ؛ عینیه واقع اولاجق وقوعاتی خبر و یروب و خبر ویرلدیکی کی واقع اولسی حکم منزلنده اولدیغی جهته (قضینا) وارد اولمشدر .

* *

واجب تعالی بنی اسرائیلک ارضی افساد ایده جکلرینی توراتده خبر ویردیکنی بیاندنصکره آنلرک ارتکاب ایتدکلری افساد مقابلنده انتقامنی آلدیغی بیانه امت محمدی انتباهه دعوت ایتک اوزره ﴿ فَاِذَا جَاءَ وَعْدُ اُولَیْهُمَا بَعَثْنَا عَلَیْکُمْ عِبَادًا اَنَا اُولٰٓئِیْ بِاَسْ شَدِیْدٍ ﴾ بیوریور .

[آنلره وعد اولنان ایکی فساددن برنجی دفعه ده ارتکاب ایتدکلری جنایتک انتقامی زمانی کلدیکنده ای بنی اسرائیل سزک اوزریکزه شدتله قوت صاحبی قوللریمز کوندردک .]

﴿ فَجَاسُوا خِلَالَ الدِّيَارِ وَكَانَ وَعْدًا مَّفْعُولًا ﴾

[بناء علیه اوقوت صاحبی قوللریمز سزک اولریکزک آره لرینی آرادیلر و مملکتکزده سزی بولوب اهلاک ایتک ایچون کزدیلر و بنی اسرائیلک بویولده عذاب اولونملری البته ایشلنمسی لازم اولان وعد الهی ایدی .]

یعنی ؛ توراتده بنی اسرائیلک ایکی کره ارضی افساد ایده جکلری بیان اولونوبده برنجی دفعه افسادلرک انتقاملرینی آلمق زمانی کلنجه بزم قوت و سلطنت صاحبی قوللریمز سزک اوزریکزه کوندردک که آنلر سزدن ایشله دیککز جنایتلرک انتقامنی آسونلر و سزه انتقام

ایچون کلدکلرنده سزی اولریکز آردسندہ آرادر و بولدقلرینی اتلاف ایدرلر و سزک جنایتکزه مقابل اہلاک اولونماکز وقوعی لابد اولان وعد الہی اولدی و بناء علیہ ؛ وعد الہی یرینی بولدی . زیرا بو عذاب ؛ سزک ایشله دیککیز کناہلریکزک نتیجہ سی اولدیغدن مستحق اولدیغکز جزایی کوردیکیز .

خازنک و طبرینک بیانی و (خدیفہ بن الیمانی) حضہ تلرینک رسول اللہدن روایتہ نظرآ وعداولی ایلہ مراد ؛ نورائیک اعظمہ ربانی نہ کلہ شہوات نفسانیہ لرینہ اتباع ایتلمہرہر . شوکت و قوت صاحبی اولان قوللرلہ مراد ؛ (بخت نصر) و عسکرہرہر . چونکہ ؛ بنی اسرائیل تربیہ یہ مستحق اولدقلری زمان اللہ تعالی آنلرہ مجوسی اولان (بخت نصر) ی مسلط قیلدی . بناء علیہ ؛ او مجوسی بو یوکلرینی قتل ایتدی و کوچوکلرینی و قادیلرینی اسیر آلدی و ماللرینی یغما و بلدہ لرینی تخریب ایتدی حتی تورانی یاقدی و مسجد اقصایی آخور یابدی و تورانی تلاوتلہ مشغول اولان بیکلرجه کیمسہ لری قتل ایتد کدنصکرہ اسیرلری آلدی بابلہ کوتوردی و بابلہ آنلری خدمات شاقہدہ استخدام ایتدی . برچوق مدت صکرہ (بخت نصر) ک وفاتیلہ یرینہ کلن (کورس) بنی اسرائیلدن برخاتون ایلہ تزوج ایتکلہ اوخاتونک رجاسیلہ بقیہ بنی اسرائیلہ ملککلرینہ اعادہ اولوندی .

* *

واجب تعالی بنی اسرائیلک برنجی دفعہ معصیتلرینہ مقابل اخذ انتقامی بیاندنصکرہ تکرار بنی اسرائیلہ قوت و یردیکنی بیان ایتک اوزرہ ﴿ثُمَّ رَدَدْنَا لَكُمُ الْكُرَّةَ عَلَيْهِمْ وَأَمْدَدْنَاكُمْ بِأَمْوَالٍ وَبَنِينَ وَجَعَلْنَاكُمْ أَكْثَرَ نَفِيرًا﴾ بیوریور .

[ای بنی اسرائیل ! قوت صاحبی کیمسہ لری سزہ مسلط قیلد کدنصکرہ سزک دشمنلریکز اوزرینہ سزہ غلبہ و یردک و قوت و دولتکزی رد و سزہ اموال و اوغلانلر و یرمکلہ امداد ایتدک و عسکریونندن سزی دشمنلریکزدن دها چوق قیلدق .]

یعنی ؛ سزک جنایتکزاوزرینہ بزقوللریمزدن قوتی سزہ کافی شدت صاحبی کیمسہ لری

سزک اوزریکزه کوندروب تربیہ ایتد کدنصکرہ بز دشمنلریکز اوزرینہ غلبہ ایدہ جک قدر سزک قوت و دولتکزی اعادہ ایتدک . طاغلمش اولانلریکز طوبیلاندی و اسیر اولانلریکز قورتولدی تکرار بردولت تشکیلہ موفق اولدیکیز و بزاموال و اولاد و یرمکلہ سزہ امداد ایتدک و سزی عسکر جهندن چوق قیلدق کہ دشمنہ قارشی کیدہ جک قدر عسکریکزده حاصل اولدی .

مدار کده بیان اولوندینی وجهلہ بنی اسرائیلہ دولتلرینک اعادہ سی فساددن تائب و مستغفر اولوب تکبردن واز کچد کدنصکرہ واقع اولشدر .

بیضاوینک بیانی وجهلہ نفیر ؛ برآرہ یہ طوبی و نوب دشمنہ قارشی کیدہ عسکرہرہر . بنی اسرائیل مضمحل اولارق (بخت نصر) آئندہ اسیر و مملکتلری خراب اولد کدنصکرہ دولتلرینک تکرار اعادہ اولوندیغہ و اموال و اولادلہ قوت بولدقلرینہ و عسکرلرینک چوغالوب دشمنلرینہ غالب بر حالہ کلدکلرینہ بو آیت دلالت ایدرہ . بناء علیہ ؛ انسانلرک کندی دینلری اوزرینہ ملتزلندن بر حکومت آئندہ بولونملری حقارندہ اک بویوک نعمت اولدیغہ دخی دلالت ایدر . زیرا ؛ بنی اسرائیلک حکومتلرینک انقراضدنصکرہ اعادہ سنی جناب حق نعمت صرہ سندہ بیان ایتمشدر . شو حالہ اولاد ، اموال ، اتباع و اعوان نعمت اولدینی کبی دولتک قدرتی و عسکرک کثرتی دخی نعمتدر . چونکہ دولت ؛ ملتک حامیسی و عسکرده ملت و مملکتک بکجیسیدر . بناء علیہ ؛ دیانت و عدالت اوزرہ حکم ایدن حکومت هر شخص حقندہ نعمت اولدیغندن او حکومتک قدرتی بیلوب شکرینی اداسنی کندینہ واجب عدایدہ رک کمال اطاعتلہ برابر قدرتی نسبتندہ حکومتک شوکتی تزییدہ سعی ایتسی لازمدر .

بو آیت ؛ اوج حکم اوزرہ مشتملدر . برنجیسی ؛ بنی اسرائیلک حکومتی منقرضہ اولد کدنصکرہ اعادہ اولونمسیدرہر . ایکنجیسی ؛ اموال و اولاد امداد اولونمسیدرہر . اوچنجیسی ؛ یرمہ عسکرہ مالک اولمسیدرہر .

* *

واجب تعالی بنی اسرائیلک عصیانلری اوزرینہ قوت صاحبی کیمسہ لری کوندردک تأدیب ایدوب قوتلرینک تکرار اعادہ اولوندیغنی بیاندنصکرہ بنی اسرائیلہ واقع اولان

ارشاداتی بیان ایتک اوزره ﴿إِنْ أَحْسَنْتُمْ أَحْسَنْتُمْ لِأَنْفُسِكُمْ وَإِنْ أَسَأْتُمْ فَلَهَا﴾
بیوریور.

[ای بنی اسرائیل! اگر کندی جنسکزه احسان والله تعالی به ایمان و عبادتکزه کال انقیاد اوزره ادا و دوام ایدرسه کز منفعتی کندی نفسکزه در و اگر کوتولک ایدر و کناهلری ارتکاب ایدرسه کز مضرتی کندی کزده در.]

﴿فَإِذَا جَاءَ وَعْدُ الْآخِرَةِ لِيَسُوءُوا وُجُوهَكُمْ وَلِيَدْخُلُوا الْمَسْجِدَ كَمَا دَخَلُوهُ أَوَّلَ مَرَّةٍ﴾

[سزک، ایملک و کوتولک کندی نفسکزه عائد اولونجه ایکنجی جنایتک انتقامنک وعدی وزمانی کلدیکنده قوت و شوکت صاحبی کیمسه لری کوندردک که سزک یوزلریکزه کوتولک ایتسونلر. و اول کوندردیکمز شدت وصولت صاحبی کیمسه لک مسجد حرامه اول کوروب تخریب ایتدکاری کبی مسجد حرامه کیرسونلر ایچون بز قوت و شدت صاحبی قوللریمزی کوندریرز که سزدن جنایتکزه انتقامی آسونلر.]

﴿وَلِيُتَبِّرُوا مَا عَلَوْا تَتْبِيرًا﴾

[و آنلری غالب اولدقلری شیلری اهلک ایدرجه سنه اهلک ایتسونلر ایچون کوندردک.]

یعنی؛ ای بنی اسرائیل! بر کره عصیانکزه اوزره قوت صاحبی قوللریمزی سزه کوندردک و آنلر واسطه سیله سزی تربیه ایتدک و مستحق اولدیغکزه جزایی ویردک. بعده توبه و استغفار ایدنجه دولتکزی اعاده و عسکریکزی و اولاد و اموالکزی احسان ایتدک. شو حالده بوندنصکره ابناء جنسکزه احسان ایدوب نفسکزه اولان قنالقلمی ترک و ایمان ایدره ک عملکزی اصلاح ایدرسه کز نفسکزه ایملک ایتش اولورسکزه. زیرا؛ ایمانکزه و احسانکزه فائده لری سزه عائددر و اگر کوتولک ایدرسه کز نفسکزه کوتولک ایتش اولورسکزه. زیرا؛ وزر و وبالی سزه راجعدر. چونکه؛ الله تعالی محسنک احساندن و کوتولک کوتولک کوندرندن غنیدر. بناء علیه؛ هر کسک ایملکی و کوتولکی

کندینه عائددر. ای بنی اسرائیل! ایملک و کوتولک کندی کزه عائد اولونجه برنجی دفعه کوتولککزه آجیسنی طاندقدن صکره توبه ایدره ک ایملک باشلا دیکنر. آنک مقابلنده دولت و قوتکزه اعاده سیله فائده سنی کوردیکزه. شو حالده ایکنجی مرهده یحی علیه السلامی قتل و عیسی علیه السلامی قتل جسارت ایتک کبی جنایتلره باشلا یجنه سزه اولجه وعدایتدیکمز ایکنجی جنایتکزه زمانی کلدیکنده آنک جزاسنی کورمکزه ایچون تکرار قوت و سلطنت صاحبی قوللریمزی سزه کوندریرز که آنلر سزه اثری یوزلریکزه کوریله جک درجهده کوتولک ایتسونلر و کندی کزی قتل ایتک و چو قلمریکزی و قادیلریکزی اسیر آلق و ماللریکزی یغما ایتک کبی حقارتلری سزه یاسونلر و اولکی جنایتکزه اوزرینه سزی تربیه ایچون کوندردیکمز کیمسه لر مسجد کوروب تخریب ایتدکاری کبی ایکنجی دفعه تربیه کز ایچون کوندردیکمز کیمسه لر مسجد کیرسونلر و تخریب ایتسونلر و غالب اولدقلری شیلرک جمله سنی آسونلر و اهلک ایتسونلر. زیرا؛ طاعات و عدالتک برکتیه جناب حق قوللرینه انواع خیرات و برکت قبولرینی آجیدنی کبی کناهلرک شامتیه عاصیلر اوزرینه انواع عقوبات قبولرینی آچار و کناهلرلری انواع حقارتیه معروض قیلار.

تفسیر طبریده بیان اولوندینی وجهله واجب تعالی ایکی کره افساد ایدوب مقابلنده ایکی کره جزا کوره جکلمرینی تورانده بیان ایتدیکی کبی بو آیتک مآلنی انیادن بعض نی واسطه سیله تبلیغ بیورمشدی. ایشه جناب حقک، بنی اسرائیلک دولترینک محوینه سبب؛ عصیانلری و دولترینک تکرار اعاده سنه سبب ایسه عصیاندن ندامت ایدوب اطاعت ایتلمی اولدیغنی و تکرار عصیانه عودتله منقرض اولدقلرینی قرآنده امت محمدیه بیانی؛ بر دستور اعظم و درس عبرتدر که آنلرک سرگذشتی حکایه ایتسی قوللرینی انتباهه دعوتدر. زیرا «ایملک؛ انواع خیراتی جالب و کوتولک ایسه انواع حقارتی موجب اولدیغنی» بیان ایتک؛ «هر زمان انسانلرده بو احوالک جاری اولاجغنی» بیان ایتدک و اولهده اولدیغنی میدانده بر حقیقتدر. بناء علیه؛ مادیاتی معنویاتدن آیرمق ایسته ینلر ازلی بر اراده یه قارشى بداهتدن و حقیقتک خلاقی حرکتدن باشقه برشی ادعا ایدمه زلر. چونکه بو آیت؛ مادیاتک معنویاته شدتله مربوط اولدیغنه صراحتله دلالت ایدر. بنی اسرائیلک معنویاتی آفاق آلتنه

آلوب غیب ایتلری، مادی حکومتلرینک غیب اولسی و کندیلرینک دشمنلرینک آیقلری آلتند قالملی و مملکتلرینک خراب اولسی مادیاتک معنویاتله قائم اولدیغنه وشو حالده ملتک معنویاتله رعایتی مادیاتک قوتنه سبب اولاجغنه و معنویاتی غیب ایدن ملتک انقراضه محکوم اولدیغنه دلالت ایتزمی؟ كذلك مادیات اولمازسه معنویاتی ادا ایتک ممکن اولورمی؟ یونان، استیلا ایتدیکی یرلرده مناره لرده اذان محمدی بی لایقيله اوقوتدیمی؟ واهالی سربستجه عبادت ایتدیمی؟ بو احوالک جمله سی مادیات و معنویاتک یکدیگرینه شدتله مربوط اولدیغنه دلالت ایتیمورمی؟ معنویاتک مادیاتدن مقدم اولدیغنی جناب حق بو آیت و بونک امثالی آیتلرله بیان ایتدیمی؟ بو آیتده بنی اسرائیلک معنویاتی اخلاص ایتلری مادی قوت و حکومتلرینک ضیاعنه سبب اولدیغنی بیان ایتک معنویاتک مقدم اولدیغنی بیان ایتک دکلیدر؟ حکومت بر دینله مقید اولمازسه دیانت پرور اولان بر ملتک معنویاتده حکومته ارتباطی اولورمی؟ معنویاتده ارتباط اولمازسه حکومت قوتی نره دن آلاچق؟ شو حالده حکومت ضعیف دوشمزمی؟ والحاصل کرک تاریخ کرک شریعت؛ بر ملتک پایدار اولسی ایچون مادیات و معنویاتی یکدیگرینه مزج ایدره رک ایکیسی برلکده ایلری کوتورمه که و یکدیگرندن آیرمیوب ارتباطی محافظه ایتمه که متوقف اولدیغنه شهادت ایتمکده درلر.

بیضاوی و خازنک بیسانلری وجهله ایکنجی دفعه بنی اسرائیله مسلط اولان روم و یونان ملکلری اولدیغنی بیان ایدنلر وار ایسه ده اصح اولان برنجی ده مسلط اولان بابل ملکلرندن (نحت نصر) ایکنجی ده مسلط اولان ینه بابل ملکلرندن (خردوش) در. چونکه؛ نجی علیه السلامی قتل ایتلری اوزرینه جناب حق (خردوش) ی مسلط قیلدی و بنی اسرائیلی تماماً مضمحل ایتدی و حکومتلری کلیاً محو اولدی. بر مدت صکره اولانجه نفوسلری بیت مقدس اطرافه طویلانش و حکومتلری یوق ایسه ده بیت مقدسه ریاست آنلرده اولقله آز و چوق موجودیتلرینی محافظه ایدوب طورورکن تکرار انواع بدعت و فساد ایجادینه باشلاچله الله تعالی بوجنایتلرینه جزا اولارق روم ملکلرندن (یتوس) ی مسلط قیلدی و قدس جوارنده اولان بلده لرینی تخریب و موجود نفوسلرینی طرد و تبعید ایتمه که یهودیلرک بویونلرینه ذل و مسکنتی طاقدی که الی یوم القیام پریشان و متفرق

و حقارت آلتند ازلکه محکوم اولمشلردر. بناء علیه؛ یهود ملتق هر زرده کورولسه و نه قدر زنکین اولسه حقیر و ذلیل کورولور و اصلاً ثروت نعمتک اثری اوزرلرند کورولمز. چونکه؛ اللهم ذلیل قیلدیغنی هیچ برکیمسه عزیز قیلاماز.

* *

واجب تعالی بنی اسرائیله واقع اولان خطابندن بعض آخری بیان ایتک اوزره ﴿عَسَىٰ رَبُّكُمْ أَنْ يَرْحَمَكُمْ وَإِنْ عُذْتُمْ عُنَّا وَجَعَلْنَا جَهَنَّمَ لِلْكَافِرِينَ حَصِيرًا﴾ بیوریور.

[ای بنی اسرائیل! اگر توبه ایدرسه کز ربکزرک سزه مرحمت ایتمی مأمولدر و اگر معصیته عودت ایدرسه کز بزده سزدن اخذ انتقامه عودت ایدرز و آخرتده جهنمی کافرله حبسخانه قیلدق.]

یعنی؛ ای بنی اسرائیل! برنجی جنایتکزدن صکره قصور کزه ندامت ایدرسه کز ربکزرک مرحمت ایدوب قصور کزی عفو ایتمی مأمولدر. زیرا؛ صدق خلوصه درگاهنه التجا ایدنلره رحمتی غالبدر و اگر سز تکرار جنایت عودت ایدرسه کز بزده عقوبت ایتمه عودت ایدرز و دنیا ده عقوبتله عودت ایتدی کمز کی آخرتده دخی بز جهنمی کافرله زندان قیلارز که آندن ابداً چیقمازلر و جهنمی آنلره حصیر قیلارز که دوشکلری آتش اولور. فخر رازینک بیانی وجهله یهودیلر الله و کوندلریش اولدیغنی شریعتنه و رسوللرینه قارشى عصیانلری سببیه کونا کون عقوبتله مبتلا اولدقلری کی زمان سعادتده بزم نیمززه عصیان ایدوب تورانده اولان اوصاف نبویه لرینه قارشى کستخانه تحریفانده بولندقلرندن جناب حق جزیره العربده اولان بقیه لرینی مسلمانلرک قیلدیچلرندن کچیردی و بر قسمی جزیره العربدن طرد ایتدی. یالکز عقوبات دنیویه ایله قالمیوب آخرتده دخی عذابدن قور تولامیه جقلری صراحة بیان اولونمش و کافر اولدقلری ده تصریح ایدلشد. خلاصه؛ واجب تعالی نک معصیته توبه ایدنلره مرحمت ایتمی مأمول قوی اولدیغنی

واكر معصيته عودت ايدرلرسه جناب حَقَّكَ انتقامه عودت ايدجكي وجهنمك كافرلره ابدأ چيقلماز بر محبوسخانه اولاجنى بوآيتدن مستفاد اولان فوائد جمله سندندر .

واجب تعالى رسولنى معراجله تلطيف و موسى عليه السلامى تورانى ازال ايتمكله تكريم وعاصيلرى بر طقم عقوباتله تعذيب و دشمنلرى مسلط قيلمقله تحقير ايتديكى بيانه قوللرى عبادته ترغيب ايتد كدنصكره قرآنك قوللرى اطاعته دعوت ايتديكى بيان ايتك اوزره ﴿ إِنَّ هَذَا الْقُرْآنَ يَهْدِي لِلَّتِي هِيَ أَقْوَمُ وَيُبَشِّرُ الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ أَجْرًا كَبِيرًا ﴾ . بيوريور .

[شو قرآن، ناسك كافهسى عدالته زياده و طريقتده آچيق اولان يوللره هدايتده قيلار، يعنى طوغرو يوللرى كوستير و عمل صالح ايشلهين مؤمنلرى بويوك اجرله تبشير ايدر .]

﴿ وَأَنَّ الَّذِينَ لَا يُؤْمِنُونَ بِالْآخِرَةِ أَغْتَابًا لَّهُمْ عَذَابًا أَلِيمًا ﴾

[وشول كيمسهلر كه آنلر آخريه ايمان ايتزلر . بز آنلر ايجون آخريته عذاب اليم حاضرلادق .]

يعنى ؛ حقله باطل بينى تفريق ايدن قرآن جميع ناسه عدالتدن عبارت اولان طريق حقى كوستير كه او طريق ؛ طريقتك اك طوغروسى در و او قرآن شول مؤمنلرى اجر كيرله تبشير ايدر كه او مؤمنلر عمل صالح ايشلرلر . آنلر ايجون بويوك اجر اولمسيله تبشير ايدر . چونكه ؛ آنلر ايمانلرى عمللرى ايله تقويه ايتدكلرندن و مأمور اولدقلرى تكاليفى يرينه كتيردكلرندن آنلرى اجر كير اولان جنت و فوز و فلاحله مسرور ايدر وشول كيمسهلر كه آنلر آخريته ايمان ايتزلر . آنلر ايجون بز الم ويره جك عذابى حاضرلادق . بناء عليه ؛ مؤمنلر جنتده ابدأ رفاه و سعادتلرينه مقابل كافرلر ابدأ جهنمده كمال حقارت و ذلت ايجنده عذاب دائى ايله معذب اولورلر .

فخر رازينك بيانى وجهله واجب تعالى بوآيتده قرآنى اوج صفته تا اتمشور :

برنجيسى ؛ انسانلرى من اولاره اعتقاد و اصلح اولاره اعماله ارشاد اتمشور . بناء عليه ؛ قرآنه ياپيشانك طوغرو يوله ياپيشمش اولاجنده شبه يوقدر . ايكنجيسى ؛ قرآنك پانه ايتديكى اعتقادى و عمل صالحى ايشلرلرى قرآنك جنته تبشير اتمشور . چونكه ؛ طوغرو يول طوتان كيمسهك خير كيره نائل اولاجنده تردد اولونماز . اوچنجيسى ؛ قرآنك پانه ايتديكى طريقه سلوك ايتميشور ؛ هر يك حاضرلاندقنى پانه اتمشور . چونكه ؛ طريق خيره سلوك ايدن كيمسه خير كيره نائل اولونجه او طريق ترك ايدنلر ك ضرر عظيمه و شر كيره دوچار اولاجقلرى شبهه سزدر . (يهدى للتى هي اقوم) قرآنه طريقتك اك طوغرو هدايتده قيمور ديمكدر . چونكه خازنده و مدار كده بيان اولوندينى وجهله اقوم ؛ اك طوغرو و اك صواب بر بول ديمكدر .

خلاصه ؛ قرآنك طريق مستقيمه انسانلرى هدايتده قيلدينى و عمل صالح ايشلهين مؤمنلرى جنتله و جنتده بويوك اجرلره تبشير ايتديكى و آخريته ايمان ايتمين كافرلره عذاب اليمك حاضرلاندقنى بوآيتدن مستفاد اولان فوائد جمله سندندر .

واجب تعالى قرآنك اعدل طريقه هدايتده قيلدينى بياندنصكره قرآنه تمسك ايتمينلر ك حاللرى بيان ايتك اوزره ﴿ وَيَذَعُ الْإِنْسَانَ بِالْشَّرِّ دُعَاءَهُ بِالْخَيْرِ ﴾ . بيوريور . [انسان خيره دعا ايتديكى كى نفسنه شرله دخى دعا ايدر .]

﴿ وَكَانَ الْإِنْسَانُ عُجُولًا ﴾

[حالبوكه انسان هرشيده عجله ايدر اولدى .]

يعنى ؛ انسانك اخلاق مذمومه سندن بريى ده فرحلى حالنده خيره دعا ايتديكى كى غضب حالنده نفسنه و اولادينه و ماله شرله دعا اتمشور . انسان، حال سرورنده خيره دعايه فصل سرعت ايدر سه كدرلى حالنده ده شرله دعايه اويله جه سرعت ايدر . زيرا انسان ؛ عجولدر . چونكه ايسته ديكي شيتك على العجله ميدانه كلمسى شدتله آرزو ايدر . بناء عليه ؛ اكر انسانك خلاصه البيان : طقوزنجى جلد — ۲

خبرله دعای مستجاب اولدینی کبی شرله دعای ده مستجاب اولسه ایدی در حال هلاک اولوردی
ولکن غضبه اولان دعاده تهوور ایجابی اخلاص اولمادیغندن مستجاب اولماز. یعنی؛ انسان
دوشونمکسزین غضب حالده کندی نفسی، مالی و اولادی علیه دعا ایله غضبی تسکین
ایدر ولکن جان صیقیتسیله یادیغی دعاده تأثیر اولماز.

فخر رازی وقاضینک بیانلرینه نظراً غضب اوزره ازواج مطهراتدن بعضیسه رسول
اللهدن دخی دعانک وقوعی مرویدر. چونکه؛ رسول الله (سوده) رضی الله تعالی عنهایه
بر اسیر تسلیم ایدر. (سوده) حضرتلری کیجه اسیرک ایگله یشنه دایاناماز. ایکلتیسنک
سببی صورار. أَلَنْک وَايَاغْنَكْ صِيقِي باغلانديغندن مضطرب اولدیغنی سوبله نجه (سوده)
رضی الله عنهایه اسیرک، أَلَنْی که وشه تیر. اسیر أَلَنْی چیقاروب فرار ایدنجه رسول الله «یاربی!
(سوده) نَک أَلَنْی کس» دیه رک دعا ایدر. رسول اللهک بودعای اوزرینه (سوده) رضی الله
عنهایه أَلَنْک بر آفته اوغرامسنه انتظار ایدر. رسول اللهک غضبی ساکن اولونجه اصحابنه خطاباً «بن
اهلمدن عذابه مستحق اولیان بر کیمسه یه دعا ایتدم. لطف الهی بنم دعای قبول اتمه مکدر.
زیرا؛ بن ده سزک کبی بشرم. بناءً علیه؛ سزک غضب ایتدیگکسز کبی بن ده غضب ایدرم»
دیگله غضبه واقع اولان دعانک قبول اولونمایه جغه اشارت ایتشد.

انسانک شرله دعای؛ بر بلانک کلمنی تمنی ایتمی وخیر ظنیه ایسته دیکی شینک منبع
شر اولوب آندن بر چوق ضرر تولد ایتسیدر. زیرا انسان؛ جهالت سبی ایله حقنده
شر اولان بر شینی خیر ظنیه ایسته دیکی چوق کره واقع اولور.

فخر رازینک بیاننه نظراً انسان ایله مراد؛ جنسی انسانمه. شو حالده جنس انسانک
دین و دنیا خصوصنده تأخیری مطلوب اولان شینی تعجیل ایتمک صفت لازمه سندن اولسنه
آیت دلالت ایدر. یعنی جنسنده بوخصلت واردر، فقط جنسنده اولمقدن هر فردنده
اولق لازم کلمز.

بیضاوینک بیانی وجهله بو آیتده انسان ایله مراد؛ کافر و دعا ایله مراد؛ عذاب
استعجال اتمی اولق احتمالی واردر. زیرا؛ مشرک لردن (نضر بن حارث) وامثالی
(اللهم انصر خیر الحزین) یعنی «یاربی! شو ایکی جماعتدن هانکیسی خیری ایسه
آکا نصرت ویر» و «اگر محمد ﷺ دیدیکی طوغرو ایسه بزم اوزریمزه سمدن

طاش یاغیر، دیگله دعا ایدر لردی. شو حالده آیت؛ بونلر وامثالی حقنده نازل اولق
احتمالی وار ایسه ده اعتبار لفظک عمومته در. بناءً علیه؛ بالعموم انسانلرده استعجال
واردر. او حالده آیت کافرله شاملدر.

خلاصه؛ انسانده ایکی صفت واردر: برنجیسی؛ ای جاننده نفسنه، ماله و اولادینده
خیرله دعا اتمکدر. ایکنجیسی؛ غضب زماننده شرله دعا اتمکدر.

واجب تعالی انسانلره احسان ایتدیکی نعمت دینه اولان قرآنک بعض اوصافی
بیاندنصرکه دنیا نعمتلردن بعضیلرینی بیان ایتمک اوزره ﴿وَجَعَلْنَا اللَّيْلَ وَالنَّهَارَ
آيَاتٍ﴾ بیوریور.

[بز عظیم الشان کیجه ایله کوندوزی قدرت کامله مزه دلالت ایدر علامتله قیلدق.]

﴿فَمَحَوْنَا آيَةَ اللَّيْلِ وَجَعَلْنَا آيَةَ النَّهَارِ مُبْصِرَةً لِّتَبْتَغُوا فَضْلًا مِّن رَّبِّكُمْ﴾

[شو حالده بز کیجه نک علامتی کوندوزک ضیاسیله کیدردک و کوندوزک علامتی؛
کوندوزی ضیالی و کیجه ده کورولیان شیلری کوستریجی قیلدق که سز ربکزک فضلی
اولان رزقکزی آرایاسکز.]

﴿وَلِتَعْلَمُوا عَدَدَ السِّنِينَ وَالْحِسَابِ﴾

[وبز کیجه بی و کوندوزی علامت قیلدق که سز سنه لرك عددی و حسابی بیله سکز.]

﴿وَكَلَّ شَيْءٍ فَضْلُهُ تَفْصِيلاً﴾

[بز هر شینی تفصیل ایدر جه سنه تفصیل ایتدک.]

یعنی؛ انسانلره بر چوق نعمتلریمز واردر. اونعمتلر جمله سندن اولارق بز کیجه نک
قارا کلمنی و کوندوزک ضیاسی و کیجه ده آبی و کوندوزده کونشی وحدانیت مزه و قدرت
قاهره مزه دلالت ایدر دلیلر قیلدق. چونکه؛ کیجه و کوندوزک باشقه صورتله جریانه

امكان وار ايكن شو كوريلن آثار وانتظام اوزره جريان ايدوب اصلا تخلف ايتهمسي فاعل مختارك وجودينه دليلدر و بز كيجهنك علامتي كوندوزك ضياسيله كيدر دك . بناء عليه ؛ كوش طوغونجه قمر ك ضياسي غيب اولور و بز كوندوزك علامتي اولان كوش ضيالي وهرشيئي كوستر برحاله قيلدق كه سز ربكزدن رزقكزي ايسته يسكز وسنه لك صايلريني و ايشلريكزك حسابي بيله سكز و بزديوي و اخروي محتاج اولديغكزهرشيئي كاليله تفصيل ايتدك وسزك ايچون بيلنميه جك برشي براقداق .

فخر رازي و خازنك بيانلرينه نظراً قدرت الله دلالت ايدن علامتله ؛ كيميه ايد كوندوزك كنف بيلميه . چونكه ليل و نهار ؛ ناسك امور دينيه و دنيويه لرينه دلالت ايدر بر مرشد مثابه سنده درلر . زيرا ؛ ليل و نهار دن هر برينك ديكرينه ضد اولديغي حالده بربري آرقه سنده برسياق اوزره دوام ايدوب انتظاملرينه خلل كليهرك جريانلري برموجد حقيقتك وجودينه دلالت ايتمكه اساسات اعتقاديده دن اولان توحيد ايصال ايتدكزي كبي دنيا ايشلرنده و معيشت خصوصنده دخي كيجه و كوندوزك خدمتلري ميدانده در . چونكه ؛ كيجه اولسه انسانلرده لايقيه استراحت اولاميه حني كبي كوندوز اولسه امور معيشتي تدوير و كسب تجارت دخي اولاماز . شو حالده هر ايكيديده ديني و دنيوي ايشلرك محور لايقنده جريانه سبب يكانه درلر .

كيجهنك علامتي اولان قمر ك محونده ايكي احتمال واردر : برنجيسي ؛ آيك اونه بشنده صكره ضيانتك ناقص ايتميه . چونكه ؛ اون بشنه قدر ضيانتك تكملندن صكره آيك نهايته قدر تناقص ايتمي و نهايته بالكلية زائل اولسي محودر . ايكنجيسي ؛ قمر ك ضيانتك بيلنميه . چونكه ؛ فخر رازي و خازنك بيانلري وجهله الله تعالى شمسله قمر ضياده مساوي خلق ايتمشدي ولكن كيجه ايله كوندوزك بربردن فرق اولسي ايچون قمر ك ضياسي سيلنمش و يالكز نوري قالمشدر .

كيجه ايله كوندوزك علامت اولارق بومنوال اوزره خلق اولونملري سنه لك عددي و ناسك محتاج اولديغي امور و حساب بيلنسون ايچون اولديغي جناب حق بوآيتده صراحة بيان ايتمشدر . چونكه ؛ كيجه و كوندوز بربردن فرقلي اولارق بومنوال اوزره خلق اولونمسلردى اوقانك حسابي بيلنمديكندن امور معيشت معطل اولوردى . زيرا ؛

زراعت و فلاح و واخذ و اعطا خصوصنده ناسك محتاج اولدقلى بورجلرينك تاديه زماني تعيين ممكن اولمازدى وهرشيئك موسمي و بالخاصه اسلاميته مهم اولان نمازك وقتي تعيين وزكانك حول حولاني و حجك موسمي بيلمك مشكل اولوردى . بناء عليه ؛ جناب حق قوللريني هرشیده مشکلاتدن قورتارمق ايچون كيجه ايله كوندوزي خلق ايتدي كه وقت مرهونه قدر عالمك اعماري يوليله جريان ايتسون .

زمانك اساسي ؛ درت سيمره كه ساعتلك تركيله كونلر و كونلرك تركيله هفته روهفته لك تركيله آيلر و آيلرك تركيله سنلر حاصل اولور و بودرت مرتبه دن صكره مرتبه يوقدر ، آنجق تكرار واردر . حسابك اساسي ده درت سيمره : آمار ، عيمرات ، مات ، ألوف در . يعني برلر ، اونلر ، يوزلر و بيكلردر . بونلردن صكره ده عدد يوقدر ، تكرار واردر .

خلاصه ؛ كيجه ايله كوندوزك وحدانيت دليل اولدقلى و كيجه ايله قمر ك ضياسي محو اولوب يالكز نورينك قالدغي و انسانلرك رزقلريني طلب ايتلري ايچون كوندوزك ضيالي اولسي و حسابلرك و آيلرك و ييللرك عددلري بيلمك ايچون كيجه ايله كوندوزك مختلف صورته خلق اولونسي وهرشيئك كتابده لايقيه تفصيل ايدلديكي بوآيتدن مستفاد اولان فوائد جمله سندندر .

واجب تعالى دنياده انسانلره هرشيئي تفصيل ايتديكني بياندن صكره آخرته هر كسك دفتر اعمالى بوغازينه طاقيلاجغي بيان ايتك اوزره ﴿ وَكُلَّ إِنْسَانٍ أَلْزَمْنَاهُ طَائِرَهُ فِي عُنُقِهِ ﴾ بيوريور .

[بز افراد انساندن هر فردك دفتر اعمالى بوغازينه طاقار و كندينه لازم قيلارز .]

﴿ وَنُخْرِجُ لَهُ يَوْمَ الْقِيَمَةِ كِتَابًا يَلْقَاهُ مَنْشُورًا ﴾

[وهر انسان ايچون يوم قيامته علمي جامع بر كتاب چيقاريرز كه او كتاب انسانه آچيق اولديني حالده قارشى كاير و بويته طاقيير .]

﴿ إقْرَأْ كِتَابَكَ ﴾

[وهرانسانه خطاب ایدہ رک « سن اوقو کتابکی » دیرز .]

﴿ كَفَىٰ بِنَفْسِكَ الْيَوْمَ عَلَيْكَ حَسِيبًا ﴾

[زیرا او کتاب ؛ بوکون حساب یونندن سکا کافیدر دیمکله کتابی اوقومه سنی کندینه امر ایدرز .]

یعنی ؛ بز انسانک امور و معاشی انتظام اوزره ترتیب ایدوب حاله موافق خلق ایدنجه انسانک ایشله مش اولدینی صالح و فاسد عملی بیان ایدر بر کتابی کندینه لازم قیلار و بوینته طاقارز . بناء علیه ؛ انساندن عملی و عملی دفتر آیرلاز و یوم قیامتده عمل دفتر ، آجیق اولدینی حالده هراسانه قارشلی کلیر . چونکه ؛ آجیق اولونجه ملا ناسده آله ویریلیر و هرکس عملنه مطلع اولور . اکر عملی صالح اولورسه دفترک آجیق اولمسی عمل صاحبی حقنده تعظیم و زینت اولور و اکر عملی فاسد اولورسه دفترک آجیق اولمسی حقنده تحقیر اولور و کتابی آله کلنجه طرف الیهیدن « ای مکلف اولان انسان ! اوقو کتابی ، بو کتاب ؛ حساب یونندن سکا کافیدر . شو حالده باشقه محاسبه جییه احتیاج یوقدر ، دینیر . جناب حق خیر و شر عملک لزومنه اشارت ایچون هراسانه عملی الزام ایدہ جکنی بیان ایتشد . شو قدر که اعمالی صالح اولورسه صاحبنه زینت اولور و اعمالی کوتو اولورسه صاحبی حقنده عار و قباح اولدینی کی صاحبک بوینته بوقاغی اولور . دنیا ده اوقومق و یازمق بیلمه یئرک آخرته کندی دفترلرینی اوقویه جقلرینه جناب حق اشارت بیورمشدر . چونکه قرآنله امر ایتک ؛ قرآنله مقتدر اولاجقلرینه دلالت ایدر . زیرا ؛ قرآنله مقتدر اولیان کیمسه « سن قرائت ایت » دیمک عبث اولاجنی کی امرده امر تعجیزی اولور .

بیضاوی و نيسابورینک بیانلری وجهله بو آیتده طائر ايله مراد ؛ انسانک عمل دفتر بره . چونکه ؛ زمان جاهلیه ده عربلر برایش طوئا جقلرنده قوشک صاغ طرفه اوچسنی خیره وصول طرفه اوچسنی شره علامت صایدقلری کی انسانک عملی خیر اولورسه دفتر صاغ طرفندن ویریلوب خیره علامت و عملی سیئه اولورسه صول طرفندن ویریلوب شره علامت اولدینی جهنله عمل دفترینی اوچان قوشه تشبیهله عمل دفترندن طائرله تعبیر اولونمشدر . یعنی آیتده هر نه قدر « هرکس طائرنی لازم قیلارز » دیمکله طائر دینمش ایسه ده عمل و عملک دفتر مراد

اولونمشدر . (حییاً) محاسب معناسنه اولدینه نظر آ معنای نظم : [سنک نفسک محاسبه جی یونندن سکا کافیدر . باشقه محاسبه احتیاج یوق] دیمکدر .

خلاصه ؛ هراسانک دفتر اعمالی بویننده طاقیلی کی کندندن آیرلیه جنی و هرکس آجیق اولدینی حالده کتابک کندینه ویریله جکی و هر شخصه کندی عمل دفترینی اوقو دینه جکی و کتابک حساب یونندن کندینه کافی اولدینی بیان اولوناجنی بو آیتدن مستفاد اولان فوائد جمله سنددر .

واجب تعالی هراسانک عملی کندندن آیرلیه جفی بیان ایتدیکی کی هرکس عملک منفعتی و مضرتی کندینه عائد اولدینی دخی بیان ایتک اوزره ﴿ مَنِ اهْتَدَىٰ فَإِنَّمَا يَهْتَدِي لِنَفْسِهِ ﴾ بیوریور .

[بر کیمسه طوغرو یوله کیمک صورتیه اهتدا ایدرسه اهتداسی آنجق کندی نفسنه در .]

﴿ وَمَنْ ضَلَّ فَإِنَّمَا يَضِلُّ عَلَيْهَا ﴾

[واکر طوغرو یولدن چیقه ق صورتیه ضلالتی ارتکاب ایدرسه آنجق ضلالتی کندی نفسک علینه در .]

﴿ وَلَا تَزِرُ وَازِرَةٌ وِزْرَ أُخْرَىٰ ﴾

[هیچ بر کیمسه آخر بر کیمسه نک وزرینی کوتوره مز .]

﴿ وَمَا كُنَّا مُعَذِّبِينَ حَتَّىٰ نَبْعَثَ رَسُولًا ﴾

[وناسی طریق حقه دعوت ایدہ جک بر رسول کوندرمدکجه هیچ بر کیمسه یه بز عذاب ایدر اولماق .]

یعنی ؛ بر کیمسه قرآنک امرینه امثال ونهیندن اجتناب ایدہ رک طریق حقه سلوک ایتمکله اهتدا ایدرسه آنک اهتداسی آنجق کندی ایچوندر . زیرا ؛ طوغرو یوله یایشه سندن

حاصل اولاجق منفعت آنجق کندینه عأددر ، غیره سرائی یوقدر واکر برکیمسه قرآنک امر ایتدیکی مأموراتی ترک ایتمک ونهی ایتدیکی منہیاتی ایشله مک صورتیله طریق استقامتدن چیقار ضلالتی ارتکاب ایدرسه آنک ضلالتدن حاصل اولاجق وزر ووبال آنجق کندی مضرتنه در . چونکه ؛ هیچ بر نفس عاصیه یعنی وزر ووبال کوتورن کیمسه باشقه سنک کنهانی کوتوره مز . کذلک برکیمسه باشقه سنک ثوابی ده آلاز . شو حالده عمل صالحک ثوابی آتی ایشله ن کیمسه یه وکنهانی وزر ووبالی اوکنهانی ارتکاب ایدنلره عأددر . بناء علیه ؛ هیچ برکیمسه آخرک یوکنی کوتورمز وخلق ارشاد ایدوب طریق حقه دعوت ایده جک برسول کوندرنجیه قدر هیچ برکیمسه یه بز عذاب ایدر اولماق ، اما رسولمز دعوت ایدوب طریق حق کوسترد کدنصکره اجابت ایتمینلره عذاب ایدرز . چونکه ؛ رسول کوندروب دین حقه دعوتدنصکره اجابت ایتمینلر ایچون معذرت قالماز . بناء علیه ؛ ائمه حنفیه عندنده احکام شرعیه نک معرفت الهیه دن باشقه سی شرعه ثابتدر . اما معرفت الهیه ؛ عقل ایله ثابتدر . یعنی شریعت صداسی ایشتمه ن برکیمسه کندی عقلی ایله بوعالم مکوناتک بر خالق بولوندیغنی واولخالقک واحد حقیقی اولدیغنی بیلیمی لازمدر . چونکه بوعالم ؛ اللهم وارلقه آجیق بر دلیل اولدیغندن بونی اثبات ایتمک شریعتدن ایشتمک محتاج دکلددر . خلاصه ؛ طریق حقه اهتدا ایدن کیمسه نک اهتداسندن منفعت کندینه راجع اولدیغنی کبی ضلالت ارتکاب ایدنلرک ضررلری ده کندیلرینه عأد اولدیغنی و برکیمسه آخرک کنهانی کوتورمیه جکی وجناب حق قوللرینه طوغرو یولی کوستر برسول کوندرمدکجه عذاب ایتیه جکی بوآبتدن مستفاد اولان فوائد جمله سنددر .

واجب تعالی رسول کوندرد کدنصکره عذابه مستحق اولانلری بیان ایتمک اوزره

﴿وَإِذَا أَرَدْنَا أَنْ نُهْلِكَ قَرْيَةً أَمَرْنَا مُتْرَفِيهَا﴾ بیوریور .

[بز برقریه بی اهلاک ایتمک مراد ایتدیکمزده اوقریه نک زنکینلرینه ونعمت صاحب لرینه کوندردیکمز رسولمز واسطه سیله عبادت ایتلرینی امر ایدرز .]

﴿فَفَسَقُوا فِيهَا فَحَقَّ عَلَيْهَا الْقَوْلُ﴾

[رسولمز آنلره عبادت ایتلرینی امر ایدنجه آنلر اوقریه ده اطاعتدن چیقارلر . بناء علیه ؛ اوقریه اهالیسی اوزرینه عذابه امری موجب اولان کله واجب اولور .]

﴿فَدَمَّرْنَاَهَا تَدْمِيرًا﴾

[آنلرک اوزرینه عذاب حق اولونجه بز اوقریه اهالیسی اهلاک ایدرجه سنه اهلاک ایدرز .]

﴿وَكَمْ أَهْلَكْنَا مِنَ الْقُرُونِ مِنْ بَعْدِ نُوحٍ﴾

[بز نوح علیه السلام دنصکره قرون ماضیه دن چوق قریلر اهلاک ایتدک .]

﴿وَكُنِيَ بِرَبِّكَ بِذُنُوبٍ عِمَادٍ خَبِيرًا بَصِيرًا﴾

[وربک تعالی قوللرینک کنهالرینی بیلیمک وکورمک جهتندن کافی اولدی .]

یعنی ؛ بزم اراده مز برقریه نک اهلاکنه تعلق ایتدیکنده و اوقریه نک هلاک اولق زمانی یاقلاشدیغنده آنلره کوندردیکمز رسولمز واسطه سیله بز اوقریه نک نعمت و ثروت صاحب لرینه اطاعتله امر ایدرز و اوقریه ده راحت و مالدار و خاطرلی اولانلر رسولمزک امرینه اطاعتدن چیقوب فسق اختیار ایدنجه اوقریه اهالیسی اوزرینه عذابی ایجاب ایدر امر مزله حکم ثابت و واقع اولدی و عذابه صورت قطعیه ده مستحق اولدیلر . بناء علیه ؛ بز آنلری فسقلری سببیه اهلاک ایتمکله اهلاک ایتدک . حتی آنلردن بر فرد قالمادیغنی کبی اولردن وسائر عمراناتلردن بر اثر بیلله قالمادی و فاسقلری اهلاک ایتمک بزم ایچون یکی بر عادت دکلددر . زیرا ؛ نوح علیه السلام دنصکره کچمش ملتزدن چوق قریله لری بز اهلاک ایتدک . چونکه ؛ جمله سی اطاعتدن چیقیدیلر و کوندردیکمز رسوللریمزک سوزلرینی دیکله یوب نصیحتلرینی قبول ایتیدیلر . بناء علیه ؛ مستحق اولدقلری جزایی کوردیلر وربک تعالی قوللرینک کنهالرینی بیلیمک وکورمک جهتندن کافیدرکه هلاکه مستحق اولانلرک عصیانلرینی بیلیر ودرحال اهلاک ایدر . چونکه ؛ جمیع معلوماته عالم وکورو لمسی ممکن اولان هر شیئی کوردیکندن عاصیلرک عصیانلری عندالهیده محقق اولدیغنی جهتله باشقه شاهد ایسته مز .

قرن؛ یوز بکرمی و یاخود یوز و یاخود سکاوه سنه اولسنه دائر اختلاف وارسه ده اصح اولان بر قرن؛ یوز سدر. چونکه؛ تفسیر خازنده بیان اولوندیغنه نظراً رسول الله بر چوجغک باشنه الی قویارق «شوجوجق بر قرن یشار» بیوروب او چوجغک یاشنی تعداده دقت ایدیلوب یوز یاشنده وفات ایتدیکی مرویدر. شور وایتیه نظراً بر قرن یوز سنه در وزمانزده قرن مقامنده عصر کلهسی استعمال اولونیور. بناء علیه؛ یوز سنه به بر عصر دنیلیمکده در.

انسانلرده مملکتک زنکین و اشراف و راحت اولانلرینی رئیس طایبق و آنلره تابع اولق عادت اولدیغندن جناب حق اهلا که مستحق اولان قریه نك متعم اولانلرینه اطاعتله امر ایدوب آنلرک طاعتدن چیققلرینی بیانله اکتفا ایتمشدر. چونکه رئیسله امر؛ آنلره تابع اولوب تقلید ایدنلره دخی امر اولدینی جهته فقرا کروهنی آریجه ذکره حاجت مس ایتمه مشدر.

بو آیتده عصیانلری سببیه هلا که مستحق اولان قریه نك اهلا کفی مراد ایدنجه متعملرینه اطاعتله امر اوزرینه متعملرک طاعتدن چیققلری و آنلر طاعتدن چیقینه قریه نك اهلا کنه دائر امرک ثابت اولوب هلا کترینه حکمک لاحق اولدینی و بونلرک تماماً اهلاک اولوندقلری ترتیب اوزره بیان اولونمشدر.

واجب تعالی انسانک عملی کندینه لازم اولدینی و فنا عمللری سببیه بر چوق قریه اهالیسنک اهلاک اولوندیغنی بیاندنصرکه عملک ایکی قسمی اولوب بری جهنمه استحقاقه و دیگرى جتنه استحقاقه سبب اولدینی بیان ایتک اوزره ﴿مَنْ كَانَ يُرِيدُ الْعَاجِلَةَ عَجَّلْنَا لَهُ فِيهَا مَا نَشَاءُ لِمَنْ نُرِيدُ﴾ بیوریور.

[اگر بر کیمسه عملیه یالکز دنیا لذتی مراد ایدرسه بز آنک ایچون دنیاده دیله دیکمزی ایسته دیکمز کیمسه به صورت مستعجله ده ویررز.]

﴿ثُمَّ جَعَلْنَا لَهُ جَهَنَّمَ يَصْلِيهَا مَذْمُومًا مَذْخُورًا﴾

[ایسته دیکنی ویرد کدنصرکه آنک ایچون بز جهنمی حاضر لارز. مذموم و مطرود اولدینی حالده او کیمسه جهنمه داخل اولور.]

﴿وَمَنْ أَرَادَ الْآخِرَةَ وَسَعَىٰ لَهَا سَعْيَهَا وَهُوَ مُؤْمِنٌ فَأُولَٰئِكَ كَانَ سَعْيُهُمْ مَشْكُورًا﴾

[اگر بر کیمسه عملیه آخرتی مراد ایدر و آخرت ایچون لایق وجه ایله مؤمن اولدینی حالده سعی ایدرسه ایشه شو آخرت ایچون سعی ایدن کیمسه لک سعیری مقبول و عندالله مرضی و ثوابی چوقدر.]

یعنی؛ بر کیمسه عملیه یالکز دنیای مراد ایدر و همی هان دنیایه مصروف اولور آنجق ایسته دیکنی دنیا ایچون ایستر و آخرتدن تماماً غافل اولورسه او کیمسه ایچون بز ایسته دیکمز مقداری دیله دیکمزه ویررز. زیرا؛ بز آنلرک ایسته دکلدن لایق اولدقلری متاع دنیایی بیلیر و اقتضاسنه کوره ویررز. بعده او کیمسه ایچون بز جهنمی حاضر لارز. بناء علیه؛ مذموم و رحمت الهیه دن مطرود اولدینی حالده جهنمه کیرر و اگر بر کیمسه کوندردیکمز رسولزده اطاعتله آنجق آخرتی مراد ایدر و مؤمن اولدینی حالده آخرت ایچون چالیشیر و عملیه رضاء الهی بی مراد ایدرسه ایشه عملیه آخرتی مراد ایدنلرک سعی عندالله مقبول و ثوابی چوقدر.

فخر رازینک بیانی وجهله دنیا مالی و منصبی سعادت آخرت اوزرینه ترجیح ایدوب انبیانک دعوتندن امتناع ایدن کافرلری امتحان و ابتلا ایچون ایسته دکلدینی مشیت الهیه سنه موافق اولارق علی العجله و یروب بعده جهنمی حاضر لایوب ملوم و حقیر و رحمت الهیه دن اوزاق اولارق جهنمه داخل اولاجقلرینی واجب تعالی بو آیتده بیان بیورمشدر. بناء علیه؛ بر کیمسه نك رزقنده دنیاچه وسعت او کیمسه نك مقبولیتنه واللهم آذن راضی اولدیغنه دلالت ایتمز. زیرا عملیه یالکز دنیا نعمتی مراد ایدنلره ایسته دکلدن بر مقدار ویره جکنی بیاندنصرکه ملوم و مطرود اولارق جهنمه داخل اولاجقنی بیان ایتک؛ او کیمسه نك دنیاچه نائل اولدینی نعمتک مقبول اولدیغنه دلالت ایتدیکنی بیان ایتمکدر.

دنیا بی آخرت اوزرینه ترجیح ایدنلرک هپی دنیادن ایسته دکلدی نعمته نائل

اولاميه جقلىرى بىانله جناب حق دنيايى دين اوزرينه ترجيح ايدنلىرى شدتله منع ايتمىدرد .
چونكه ؛ آيتده واجب تعالى دنيايى مراد ايدنلردن كندى ديله ديكى كيمسه يه ويره جكنى
بيان ايتمىدرد . شو حالده هرايسته يه ايتستد يكنى ويره يه جكنى و دنيايى تقديم ايدنلردن
كيمه ويره مسنى مراد ايدرسه اكا ويره جكنى تصريح ايتمىدرد . چونكه ؛ بىضاوينك بىانى
وجهله هرايسته ين ايتستد يكنه نائل اولامدينى كى هر شخصك ده ايتستد يكنى شيتك جميعيسنه
نائل اولامدينى معلومدر .

واجب تعالى آخرتى دنيا اوزرينه ترجيح ايدنلرك ثوابه نائل اولملىرى اوج شرطله
مشروط قيلمىدرد . برنجيسى ؛ فخر رازينك بىانى وجهله ثوابت اخرويه يه نائل اولمق
ايچون عمليده آخرتى مراد ايتمىدرد . چونكه ؛ آخرت اجرى نيت خالصيه باغليدركه
عبادتدن مقصد رضاء بارى اولدينى جهتله رضا البته نيت صحيحه ايله اولور . بناء عليه
انسانك عبادتدن مقصدى ؛ عبوديتك وظيفه سنى ايفسا ايتمكه جناب حقه تعظيمى علت
غايه طابق لازمدر . ايكنجيسى ؛ شريعتك بىانى وجهله رضاء بارى و آخرت ايجوره
جالتشمىدرد . زيرا ؛ شرعك خلافى اعماليله رضا آرامقده فائده يوقدر . مثلاً مشركر
كنديلرينه شفاعت ايدمك اميديله بوتلره عبادتله اللهه تقرب قصد ايدرلر . حالبوكه
بوعبادتدن فائده شويله طورسون بلكه مضرت كورورلر . اوچنجيسى ؛ عملدن انتفاع
ايتك ايمانه متوقف اولديغندن مؤمن اولمى شرطدر . بناء عليه ؛ ايمان اولمازسه فروع
اعمالدن هيچ برنده فائده يوقدر . زيرا ؛ اساس اعتقاد فاسد اولونجه او فاسد اوزره
بنا قيلنان عمل البته فاسد اولور .

طبريده بىان اولوندينى وجهله بو آيتده عاجله ايله مراد ؛ دنيا و نعمتمىدرد .
(مدحوراً) (مطروداً من رحمة الله) ديمىدرد . سعينك مشكور اولمى ايله مراد ؛
الله تعالى نك معبى مقابلى مسنانه ثوابى هر وه و برك و ميثاقى عفو ايتمىدرد . يعنى « عملى
عند الله مقبول اولوب ثوابى چوق اولمقدر » .

واجب تعالى عمليه دنيا اجرينى و ياخود آخرت اجرينى مراد ايدنلرك نائل اولاجقلىرى

ثوابى و عقابى بياندنصكره مؤمن و كافرك دنيايه احسان الهيدن محروم اولميه جقلىرى
بيان ايتك اوزره ﴿ كَلَّا نُمَدِّهُ هُوَ لَا وَهُوَ لَا مِنْ عَطَاءِ رَبِّكَ وَمَا كَانَ عَطَاءُ
رَبِّكَ مَحْظُورًا ﴾ بيوريور .

[مطيع و عاصيدن هر برلرينه بز امداد ايدر ، شونلرى و اونلرى حبيم ربك
تعالى عطا سندن هر برلرينه دنيايه بعض ايتستد دكلىرینه موفق قيلارز . حالبوكه ربك تعالى نك
احسانى دنيايه مؤمن و كافر هيچ بر كيمسه دن ممنوع اولمادى . بناء عليه ؛ هر كس حصه سنه
نائل اولور هيچ بريسى نصيبندن محروم اولماز .] شو حالده دنيايه رزق خصوصنده
مؤمنله كافرك هيچ فرق يوقدر . زيرا ؛ جمله سنك رازقى و خالقى الله تعالى در كه باب الهيده
وامور دنيايه جمله سى مساويدر . شو حالده كافرك كفرندن دولايى جناب حق رزقى
كسمز و مؤمنك ايمانندن دولايى رزقى بول و يرمنز . بناء عليه ؛ تقسيمات نهدن عبارت
ايسه هر كس آنى آرار و بولور .

﴿ أُنْظُرْ كَيْفَ فَضَّلْنَا بَعْضَهُمْ عَلَى بَعْضٍ ﴾

[نظر ايت ، كور حبيم ! دنيايه بعضيلرينى مال ، منصب ، ثروت ، سامان ،
اولاد و اعوان جهتندن بعض آخر اوزرينه فصل تفضيل ايتك] چونكه ؛ بعض آخرى
فقروفاقه و انواع مذلتله مبتلا قيلدق .

﴿ وَلِلْآخِرَةِ أَكْبَرُ دَرَجَاتٍ وَأَكْبَرُ تَفْضِيلًا ﴾

[ودرجه جهتندن آخرت البته بويوك اولدينى كى انسانلرك بعضيلرينى بعضيلر اوزرينه
تفضيل جهتندن دخى آخرتك تفضيلي بويوكدر .] زيرا منافع آخرت ؛ باقى و دائم
اولديغندن زواله معروض اولان منافع دنيايه البته بويوكدر و كافرلرله مؤمنلر آره سنده
آخرته بويوك فرق واردر . چونكه ؛ مؤمنلر جنته و كافرلر جهنمه كيره جكلرى جهتله مرتبه لر
آره سنده تفاوت كلى واردر و مؤمنلرك مشركر اوزرينه فضيلتلرى اوراده كوريله جكدرد .
واجب تعالى دنيا نعمتلرنده كافرله مؤمنك مساوى اولديغنى و كفر ك رزقه مانع
اولمادىغنى بو آيتله بيان بيورمىدرد . (كلاً) مؤمنلر لافروده هر برى ديمىدرد . (نمد)

امداد؛ دوام اوزره احسانه امدوب طور مقدر. (هؤلاء) مؤمنده و طافره ائمه. (عطاء) اللہک احسانی دیمکر. (محظوراً) (ممنوعاً) و (منقوصاً) معنایه در. یعنی ربک تعالیٰ نیک احسانی مؤمن و طافره هیچ بر کیمسه منع اولونماز و نقصانه و برلز دیمکر. دیاده انسانلرک بعضیلرینی بعضیسی اوزرینه تفضیلی کورولدیکی کبی آخرته تفضیلک دها بویوک اولدیغنی بیانله جناب حق قوللرینی آخرت فضیلتی اکتسابه تشویق ایتشد.

واجب تعالیٰ عملیه دنیا و یا آخرت مراد ایدنلرک حاللرینی و دنیاچه هرکسک عطیه الهیه دن حصه مند اولوب دنیا نعمتی ممنوع اولمادیغنی بیاندنصرکه کافرک ارتکاب ایتدکری شرکک اهل ایمانه لایق اولمادیغنی بیان اتمک اوزره ﴿لَا تَجْعَلْ مَعَ اللَّهِ إِلَهًا آخَرَ فَتَقْعُدَ مَذْمُومًا مَّخْذُولًا﴾ بیوریور.

[اللهمه برابر معبود آخر اتخاذ اتمه که مذموم و یاردیمسز اوتورمیه سک.]

یعنی؛ عملندن آخرت مراد اتمک و عملندن منفعت کورمک ایمانه متوقف اولونجه ای خطابه قابلیتی اولان انسان! سن اللهه برابر باشقه بر معبوده عبادت واللهدن غیری معبوءک وجودینی اعتقاد اتمه که ناس عندنده و الله تعالیٰ حضورنده ملوم و محزون و یاردیمسز اوتورمیه سک. زیرا؛ الله تعالیٰ شریک و نظیردن منزله اولدیغنی حالده الله شریک اعتقاد ایدرک اللهک غیرینی عبادته مستحق کورن کیمسه بالعموم مؤمنلر و ملکر و الله تعالیٰ عندنده مذموم اولدیغنی کبی هرکس طرفندن معاونتدن و یاردیمدن دخی محروم اولور.

فخررازیلک بیانی وجهله بو آیتده خطاب؛ ظاهرده رسول اللهه ایسه ده حقیقتده خطاب؛ امتهدر. یا ضرر مطلقا انسانه خطابدر. چونکه؛ رسول الله بوتون معاصیدن معصوم اولدیغنی کبی شرکدن معصوم اولدیغنی ده اولویتله ثابت اولدیغندن رسول اللهک اله آخرک وجودینی اعتقاد اتمسی و ملوم و مذموم اولارق اوتورمسی متصور اولاماز. مدارکده

بیان اولوندیغنی وجهله (مخذولاً) خذلانمدر. خذلان؛ یاردیمسز و برسانه و هرکسده محبوب برمالده قالمقدر. شو حالده اللهک وحدانیتی انکارله شرک ایدن کیمسه اللهک و یردیکی نعمتک شکرینی ادا ایتیموب کفران نعمت ایتدیگندن ذمه و خذلانه مستحق اولدیغنی جناب حق بو آیتله بیان بیورمشد. بناء علیه؛ انسانه لایق اولان ربسه عبادتله مشغول اولمق اولدیغنی بیان و ایمانده رکن اعظم اولان وحدانیتله ارشاد واللهمک غیرینی معبود اتخاذندن نهی اتمکله ایمانده اسالاس اولان نقطه بی تعیین ایتشد. زیرا عبادت، تعظیمرک غایه سی اولدیغندن آنحق عظمتک غایه سی و انعام و احسانک نهیه سی کندینه مخصوص اولان الله تعالیٰ یه اولابیلیر، آنک باشقه سنه اولاماز.

واجب تعالیٰ اله آخری اعتقاد جائز اولمادیغنی بیاندنصرکه آنحق عبادتک کندی ذاته مخصوص اولدیغنی بیان اتمک اوزره ﴿وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا﴾ بیوریور.

[والله تعالیٰ هیچ برشیته عبادت ایتیموب آنحق ذاته عبادت اتمکزله حکم ایتدی. چونکه؛ کندندن باشقه عبادته مستحق یوقدر.] زیرا؛ خالق و رازق و هرشیئی انعام ایدن آنحق واجب الوجود اولدیغندن عبادته اهلده اودر. [وربک تعالیٰ آنایه و بابایه احسان اتمکزله دخی حکم ایتدی.] زیرا؛ آنا کز و بابا کز وجود ظاهریکزه سبب اولوب حال صباوتکزه سزه یا پمش اولدقلری انعام و احسانلرینه مقابل سزکده آنلره احسان واکرامده بولونمکزه واجبدر. بناء علیه؛ آنلرک شرعه موافق و سزک مقتدر اولدیغکزه تکلیفلرینی رد اتمکزه جائز دکدر. شو حالده اللهه عبودیتکزه و ایجابنه کوره عبادتکزه فصل واجب ایسه والدینکزه اطاعتکزه اولیه جه واجبدر.

واجب تعالیٰ والدینه احسانله امردنصرکه احسانک کیفیتنی تعیین و تفصیل اتمک

اوزره ﴿ اِمَّا يَنْفَرُ عِنْدَكَ الْكِبَرُ اَحَدُهَا اَوْ كِلَاهُمَا فَلَا تَقُلْ لَهُمَا اَفٍّ وَلَا تَهْزُهُمَا وَقُلْ لَهُمَا قَوْلًا كَرِيمًا ﴾ بیوریور .

[آنا و بابا کدن بریسی و یاخود ایکسی سنک عندکده قوجه لئه بالغ اولور و حال عجزه کلیرلرله سن اصلا آنلره سرت سویله یوب یوزیکی ا کیشتمه و سکا برشی تکلیف ایدرلرله آنلری رد ایتمه و آنلره کوزل سوز سویله و طاتلی سویلکه تلطیف ایت .]

﴿ وَاخْفِضْ لَهُمَا جَنَاحَ الذُّلِّ مِنَ الرَّحْمَةِ ﴾

[و آنلر ایچون شفقت و مرحمتکدن نشأت ایدن تواضع قنادرلیکی دوشه که آنلره قارشی کبر ایتمش اولیه سک .]

﴿ وَقُلْ رَبِّ ارْحَمْهُمَا كَمَا رَبَّيَانِي صَغِيرًا ﴾

[و یا لکزه دنیاده رعایتله اکتفا ایتمه و دی که « ای بنم ربم ! والدهم و پدرمه سن مرحمت ایت و حال صبا و تمده و کمال عجز و ضعف صره سنده آنلرک بنی تربیه ایتدکلی کی سن ده آنلره لطفی احسان ایت .] و بوضورتله آنلره آخرت ایچون ده دعا ایت یعنی ؛ والده و پدر کدن بریسی و یا ایکسی سنک یانکده بولنور و حال شیخوخته بالغ اولورلرله سن آنلره حدت ایدرک « ثووف » بیله دیعه و آنلری کوجندیره جک درجه ده شدتلی صدا ایله یوزیکی ا کیشتمه که آنلری کوجندیرمش اولیه سک و آنلر احتیاجلری ایجابی سکا برشی تکلیف ایدرلرله سن آنلری منع ایتمه و آنلره غایت ملایم و طاتلی سویله که رضالریخی تحصیل ایتمش اولاسک و ایسته دکلی شیدن و از کچیرمک ایچون غلظت و شدت کوستر مه . چونکه ؛ آنلره حسن ادب و کوزل معاشرت لازمدر و سن والده و پدرک ایچون مرحمت و شفقت ایجابی تواضع و ذل و مسکنت قنادرلیکی دوشه که محتاج اولدقلری شیلری یرینه کتیرمکه حقلرینه رعایت ایتمش اولاسک و یا لکزه دنیاده رعایتله اکتفا ایتمه ، بلکه آخرت ایچون ده آنلره دعا ایت و « یاربی ! والدهم و پدرم چوجق اولدیلیم حالده بنی تربیه ایتدکلی کی سن ده آنلره مرحمت ایت » دیمکه جناب حقک رحمتی جلب ایدرک دعاده بولون .

واجب تعالی والدینه اطاعتک اهمیتته اشارت ایچون بو آیتده ابویه اطاعتی کندی ذاته عبادته مقارن اولارق ذکر ایتمشدر . بناء علیه ؛ والدینی احسان اوزرینه تقدیم واحسانی تعظیمه دلالت ایدن تنوینله نکره اولارق ایراد ایتمی دخی والدینه رعایتک کمال اهمیتته اشارتدر . چونکه ؛ والده و پدرک انسانه حرمتی پک زیاده محتاج اولدینی حال صبا و تمده اولدیغدن غایت بویوک اولدینی جهته او قیمتدار حقلرینه مکافات اولمق اوزره جناب حق آنلره احسانک بویوک اولمسیله امر ایتمشدر .

(الکبر) والدینک برلری ایله مراد ؛ قورملی و اختیار زمانلریمده (اف) بوز املک و ازی و بره جک بیئی کور و بجه انسانک اغزیمده بیقانه (تورف) لفظیمده شو حالده والدینه ازی و بره جک هر نوع کراهتدن احتراز واجب اولمندن کنایه اولدینی جهته ازی و بره جک هر شیدن نهی ایتمکدر .

فخر رازینک بیانی وجهله انسانک بدایه تولدنندن نهایت مومنه قدر معامله سی ؛ ایکیمده : برنجیسی ؛ خالقده ، ایکنجیسی ؛ مخلوقده . الله تعالی ایله اولان معامله نک روحی ؛ عبودیتده اولانه ذلتی و الوهیتده اولانه عزتی یلویب رینه کمال تعظیم ایدرک امرینه لایقید امتثال و نهیینه امتثال ایتمکدر . مخلوقله معامله نک اساسی ؛ شفقت و مرحمت ایدرک ظلمده احتراز ایتمکدر . مخلوقات ایچندن انسانه اک زیاده یقین و شفقت لایق اولان ابوینی اولدینی جهته آنلره رعایتی جناب حق سائرلرینه تقدیم ایلش و رعایتک وجوبیه حکم ایتمشدر . ایسته بو آیت جلیله ؛ بر عائله جمعیتده کی امتزاجک اس الیاسی اولان ابوینله اولاد آره سنده اولاجق رعایتی و لازم اولان ادابی بیانله امتزاجک کیفیتنی و انتظامک اصولنی تعیین بیورمشدر . حتی بر کیمسه نک ابوینی کافر اولسه دخی او کیمسه ایچون ابوینی حقنده شوا حکامه رعایت واجبدر . چونکه ؛ محتاج اولدقلرنده احسان ایتمک و ازی ایلمه مک و ایسته دکلی شیدن منع ایتمه مک و کوزل سوز سویله مک و آنلره تواضع قنادرلیخی آچق و اجبدر . بناء علیه ؛ کافر اولملری بوکی رعایتله مانع دکلددر . آنجق هدایتلرینه دعا ایتمکده جائزدر . چونکه ؛ جناب حق مرحمتله دعایی امر ایدیور . مرحمتله دعاده ایسه هدایتله دعا داخلدر . شو حالده ابویه رعایت خصوصنده ابوینک

مؤمن و کافر اولملری بینده فرق اولمادیغدن ابونى هانكى صنفدن اولورسه اولسون صورت مشروعهده رعایت واجبد.

خلاصه؛ انسانلرك آنا و بابالرينه رعایت واحسان ايتملری واجب واختیار حاللرندہ معاونتہ احتیاجلری نسبتندہ دها زیادہ حرمت لازم و آنلرك كوچنه جكلری هر درلو اذی ویره جك معامله یا بمق و آرزولرندن شدتله منع ایتك حرام و كوزل سوز سویله مكله حسن معاشرتك واجب و آنلره تواضع ایتك و مرحمت قنادرینی دوشه مك لازم اولدینی و اولادی صباوتندہ تربیه لینه مكافات اولارق اولادك آنلره رحمتله دعا ایتسی لازم كلدیكى بو آیتدن مستفاد اولان فوائد جمله سنددر.

واجب تعالی ابونیه رعایتك لزومی بیاندنصكره رعایتدن امتناع ایدنلری تهدید ایتك اوزره

﴿رَبُّكُمْ أَعْلَمُ بِمَا فِي نُفُوسِكُمْ﴾ بیوریور.

[سزك ربكز قبلریكزده اولان اسرار كزی هر كسدن زیادہ بیلیر .]

﴿إِنْ تَكُونُوا صَالِحِينَ فَإِنَّهُ كَانَ لِلْأَوَّابِينَ غَفُورًا﴾

[اكر سز صالح اولورسه كز جناب حق قصور كزی عفو ایدر . زیرا؛ ربكز كال اخلاصه توبه ایدنلرك كنهلرینی ستر ایدر .]

یعنی؛ والده و پدریکزه اطاعتده ظاهر یکز باطنکزه موافق اولمق لازمدر. زیرا؛ ربكز سزك قبلریكزده والده و پدریکزه احسان و یا اذی ایتك و یا خود بعض خدمتلرینی کریمه کورمك کی کیزی اسرار کزی هر كسدن زیادہ بیلیر و علمنك مقتضاسنه کوره مجازات ایدر . اكر سز والدینکزه خدمتکزه خدمتی اصلاح و نفسکزه دوشوندیکز فسادی صلاحه تبدیل ایدر و قبلکزی کیزله دیککز فناقلردن تطهیر ایدر سه کز ربكز سزك قصورلریکزی عفو ایدر . زیرا؛ ایشله دیککی خطالره كال صمیمیتله توبه ایدر ك درگاهنه التجا ایدنلرك كنهلرینی ستر ایدر . بناء علیه؛ ابونیه استقال ایتك و قبلنده بغضی صاقلامق و اولملرینی ایسته مك کی شیلری قبلندن چیقارمادجه

عفو الهی به مظهر اولاماز . زیرا؛ بونلردن نفسی تطهیر ایتدکجه صلحادن اولاماز و صلحادن اولامانجه عفو مستحق اولاماز . چونکه عفو استحقاقی؛ جناب حق صلحادن اولملرینه تعلیق ایتشددر .

مدار کده بیان اولوندینی وجهله اوآیین؛ هر شیده الله تعالی به ربوع ایتکله رحمتہ النجا ایدر ك قصورنك عفونی ایسته مك عادتی اولاده کیمسدر . بوکا نظراً آیت؛ هر گناهه توبه ایدن کیمسه لره شامل اولوب یالکز ابونیه قصور ایدنلره مخصوص دکلددر . تفسیر طبریده بیان اولوندیغنه نظراً بو آیتده صلاح له مراد؛ والدیه مقننه قبلنده بنفسه و عداوت کی شیلری بیقارم و آنلره مقننه نامور اولدینی ایلیکی ایسته مك و مقنرینی رینه کتیر مک اقدام ایتکدر . اوآیین ایله مراد؛ نسبیج و استغفار و درام ایدندر .

واجب تعالی ذاته عبادتی و ابونیه رعایتی بیاندنصكره ابونيك غیری رعایت لازم اولان کیمسه لری بیان ایتك اوزره ﴿وَاتِ ذَا الْقُرْبَىٰ حَقَّهُ وَالْمِسْكِينَ وَابْنَ السَّبِيلِ﴾ بیوریور .

[سکا قرابت صاحبی اولان اقربانك و مسکینك و مسافر اولان یولچینك حقنی ویر بخل ایتمه .]

﴿وَلَا تُبْذَرْ تَبَذَّرَ﴾ إِنَّ الْمُبَذِّرِينَ كَانُوا إِخْوَانَ الشَّيَاطِينِ ﴿

[بونلرك حقنی ویر مکده اسراف ایدر جهسنه اسراف ایتمه . زیرا مسرفلر؛ شیطانلرك قرداشلریدر .]

﴿وَكَانَ الشَّيْطَانُ لِرَبِّهِ كَفُورًا﴾

[حالبوکه شیطان ربسنه شدتله کفر ایتدی .]

یعنی؛ ای مکلف اولان انسان؛ سن واجب اولان رعایتی والده و پدریکه حصر ایتمه ، بلکه ابونيك طرفندن سکا منسوب اولان اقربانك حقوقه رعایتله زنکین

اولانلرينه تعظيم وفقير اولانلرينه محتاج اولدقلري معاوتى ياقمقله آنلرك حقنى لايق اولديغى وجهله ويركه حقوق قرابتة رعایت ايتمش اولاسك واقربانك غیری مسكينلره ومملكتندن اوزاقلاشمش ياننده معيشته كافي پارهسى بولونمايان يولچيلره مالكدن مقتدر اولديغك مقدارى وير، بخل ايمكه كه ابناء جنسكه رعایت ايتمش اولاسك وبالعموم احسانكده عدالت واقتصاد دقت ايت ومقتضای عدالتدن چيقارق اسراف ايمكه . زیرا مسرفلر ؛ شيطانلرك قرداشلريدرك . چونكه ؛ ماللرينى شيطانلرك اغواسيله مصرفنك غیری به وبر طاقم لايق اولسادق حرام محللره كبر وغرور وريا وسمعه كې اخلاق ذميمة ايله صرف ايتمكله شيطانك اغفالاتنه آلدانقلردن شیطانه قرداش اولديلر . حالوكه شيطان ؛ نعمتيله پرورده اولديغى ربسنة شدتله كفر ايدر اولدى . بناءً عليه ؛ شيطان انسانلردن آلداته بيلديكنى كفران نعمته سوق ايدر واکا دوست وقرداش اولور .

تفسير خازنده بيان اولونديغى وجهله خطاب ؛ ظاهرده رسول الله ايسهده حقيقتده قابل خطاب اولان بالعموم مكلفينه در . چونكه ؛ واجب تعالى بالعموم انسانلره ابوينه رعایتله امر ايتدكدنصكره اقربا وتعلقاته رعایتله امر ايتمشدر . اقربانك حقوقى ؛ صدق ريم و محبت و حسن معاشرت و محتاج اولانلرك نفقه سنى مقتدر اولديغى مقدار و بر مكره . بناءً عليه ؛ امام اعظم عندنده بو آيتله استدلال ايدرك اقربادن فقير اولانلرك نفقه سنى ويرمك واجبدرك . اسراف ؛ مالى مملتك غیری به و مالايعنى به و محله لزومنه فضل صرف ايتمكدرك . مسرفلرك ؛ شيطانك قرداشلرى اولملرى ايله مراد ؛ شیطانه اطاعتلرله دولوبى آنلرك دوستلرى و بمكردرك . بناءً عليه ؛ جناب حق بو آيتله مسرفلرى شدتله ذم ايتمشدر . زیرا ؛ عندالله وعندالناس شيطاندن دها مذموم بر كيمسه اولماديغى حالده مسرفلر شيطانك قرداشلرى اولديغى بيان ايتمك صوك درجه ذم اولديغى كې اسرافدن شدتله منعى متضمندر . شيطانك كفران نعمته پك ايلرى كيتديكنى بيان ايتمك ؛ شیطانه اتباعدن شدتله نهى ايتمكدرك .

اسراف ؛ انسانلرى مهلكهيه دوشورن اخلاق ذميمة نك برنجيلرندندر . بناءً عليه ؛ جناب حق مسرفلرك شيطانك قرداشلرى اولدقلرينى بيانله اسرافدن قوللرينى منع ايتمشدر . رسول اللهك آبدست صوينده دخى اسرافى منع ايتمشى اسرافك ذمند كافيدير . چونكه

ييساوينك بياننه نظراً اصحابدن (سعد) حضرتلرى آبدست آليركن رسول الله « بو اسراف نه در؟ ياسعد! » بيورمسي اوزرينه (سعد) حضرتلرى « آبدست صوينده اسراف اولورمى؟ يا رسول الله! » ديجه رسول اللهك « اوت! نهر جارى اوزرندك آبدست السك ينه اسراف اولور » بيوردىغى مرويدر . باطله صرف اولنان اموالك كليسى اسرافدر . بناءً عليه ؛ انسانلرك شريعتمرك تجويز ايتديكى لعنيات وسائرديه واسراف وجه اوزره لزومندن زياده ابنيه صرفياتكده اسرافده داخل اولديغى خازنك جمله بياناندندر .

واجب تعالى بو آيتده مكارم اخلاقك روحنى قوللرينه تعليم ايتمشدر . زیرا ؛ ابوينه رعایتدنصكره اقربايه واجابدن محتاج اولانلره ووطنندن برسيله اوزاق دوشمش اولان يولچيلره وغربايه رعایت و حسن معاشرت و آنلرك احتياجلرينى دفع ايتمك لازم اولديغى بياندنصكره انسانك مابه القوامى وادامه حيسانه مدارى اولان مالى اسرافدن نهى ومسرفلرك شیطانه قرداش اولديغى بيان ايتمكله مديتده لازم اولان تعاون و يارديملاشمه نك اساسى قورمق و ابناء جنسنه معاونتك لزومنه اشارت ايتمكله قواعدى تأسيس ايتمك قوللر همچون عزايى عاليه نك اك يوكسك طبقه سنه ارشاد ايتمكدرك . ايشته زمانمزد مدنيك افتخار ايتديكى « دارالايتم » و « معاونت اجتماعيه » كې مؤسسسلر بو وبونك امثالى آيات بيناته مستنددر . بناءً عليه ؛ بونلردن اجاننده هيچ برار اولماديغى زمانلرده حكومات اسلاميه رجالندن وسائر ناسدن برچوق كيمسلر ، بو كې مؤسسسلر ميدانه قومشلر و برطاقم و قنلر وجوده كتيرمشلر و بو اوغورده برچوق فدا كارلقلر ، عالمه مسلمانلر واسطه سيله انتشار ايتمشدر . لكن بر آرائق اسلاميتك بو كې اثرلرينه باقيلمامله اهل اولمش و برچوقلرى خراب اولمش و وارداتى نا اهللر اللرينه كچمش ومقصد فوت اولمش . بونده قصور كيمده در؟ بونلرى ميدانه كتيرنلرده مى ، يوقسه محافظه ايدمىوب ضايع ايدنلرده مى ؟ بوراسنى ارباب وجدان محاكمه ايدر . ايشته ياراسه قوشنك كوئشى كوره ميوب انكار ايتديكى كې احكام شريعتدن خبردار اولميان كيمسه لرده بو قدر آثار اسلاميه يي كورمز واجانبك ميدانه كتيرديكى بعض اثرلره اسلاميته اعتراض ايتمك ايستلر . حالوكه (ومن يضل الله فاه من هاد) يعنى « اللهك اضلال ايتديكى كيمسه يي هيچ بر كيمسه هدايتده قيلاماز » . بناءً عليه ؛ جناب حق دن توفيق و هدايت ايستمك لازمدر .

خلاصه ؛ اقربایه و فقرایه و یو جلیره و سائر معاونت لازم کلن یرلره معاونتک واجب اولوب کرمک معاونت و کرمک سائر خصوصاً سائده اسرافک حرام اولدینی و مسرفلرک شیطانلره قردادش اولدقلری و شیطانک ربسنه کفران نعمت ایتدیکی و تبعیت ایدنلری کفران نعمته سوق ایلدیکی بو آیتدن مستفاد اولان فوائد جمله سننددر .

واجب تعالی اقربایه و فقرایه و یو جلیره رعایتک لزومنی بیاندنصرکه ماده رعایتهم مقتدر اولیانلر طرفندن آنلره لایق اولان معاملهینی بیان ایتک اوزره ﴿ وَ اِمَّا تُعْرِضَنَّ عَنْهُمْ ابْتِغَاءَ رَحْمَةٍ مِنْ رَبِّكَ تَرْجُوهَا فَقُلْ لَهُمْ قَوْلًا مَيْسُورًا ﴾ بیوریور .

[حییم ! اکر یانکده آنلره ویره جک عطیه بولنمادیغندن دولای ربک تعالی دن امید ایتدییک رزق آرامق ایچون سن آنلردن اعراض ایدرسک آنلره کوزل سوز سویله که محزون اولماسونلر .]

یعنی ؛ حییم ! اقربا ، مسکین و ابن سبیل کبی محتاج معاونت اولانلره یانکده ایسته دکلری شی بولونمادیغندن دولای آچیقندن رد ایتمکدن جبا ایدر و منفعتک دو قونامیه جنی تحقق ایدرده ربک تعالی دن امید ایتدییک رزقک کلکی ایچون اعراض ایدرسک سن آنلره غایت قولای و کوزل سوز سویله که آنلری مأیوس ایتیه سک و کوزل وعدلرده بولون که قلمبرینی تطیب ایتش اولاسک .

بیضاوینک بیانی وجهله قول میسور ؛ ایتمکسیریه کوزل سوز ایلر رد ایتمکسیریه . یاخود (سرهل الله علینا وعلیکم) ، یاخود (اغناکم الله) کبی کلمات طیب ایلر دعا ایتمکسیریه ، یاخود هر کسبه متعارف اولاره سوزی سوبله مکسیریه . چونکه ؛ متعارف اولاره سوزی سوبله مکسیریه کرمهک اولادیفنره قول میسور دیمشدر .

تفسیر خازنده بیان اولوندینی وجهله بو آیت ؛ فقراء اصحابدن بعض کیمسه لر حقلرنده نازل اولمشدر . زیرا ؛ آنلر بعض زمانده رسول اللهدن محتاج اولدقلری شیلری ایسترلر . رسول اللهده بولونانی ویرر و بولونمادیغنی وقده آنلری آچیقندن رد ایتمکدن جبا

ایدر و سکوتله و سوزلردن اعراضله کچشدیرردی . جناب حق بو آیتده فقراء اصحابه قارشی رسولنک معامله سنی بیانله قوللرینک فقرایه قارشی آلا جقلری وضعیت و حرکتلرینی تعریف ایتش و بوجهته فقرانک حقوقنی محافظه بیورمشدر .

رزقندن رحمتله تعبیر اولونمشدر . زیرا رزق ؛ قوللره اللهک رحمتی و احسانیدر . یاننده رزق بولونمایان برکیمسه نک رزقنی طلب ایتک لازم اولدیغنه اشارت ایچون رزقک بولونامسندن طلب معناسنه اولان ابتعا لفظیه تعبیر اولوندینی مدارکک جمله بیاناندندر .

واجب تعالی انفاقله امردنصرکه انفاقک آدابی بیان ایتک اوزره ﴿ وَلَا تَجْعَلْ يَدَكَ مَغْلُولَةً اِلَىٰ عُنُقِكَ ﴾ بیوریور .

[الکی بوینته باغلی قیلما و ورلمسی لازم اولان انفاقندن بخل ایتمه .]

﴿ وَلَا تَبْسُطْهَا کُلَّ الْبَسِطِ فَتَقْعُدَ مَلُومًا مَحْسُورًا ﴾

[و صرفیائده الکی بوتون بوتون آچا که الکده اولان مالکی تماماً صرف ایدوبده ملوم و یورغون اولارق اوتورمیه سک]

﴿ اِنَّ رَبَّكَ يَبْسُطُ الرِّزْقَ لِمَنْ يَشَاءُ وَيَقْدِرُ ﴾

[زیرا ؛ ربک تعالی دیله دیکی قولنه رزق بول و دیله دیکنه رزق طار ویرر]

﴿ اِنَّهٗ كَانَ بِعِبَادِهٖ خَبِيرًا بَصِيرًا ﴾

[چونکه ؛ ربک تعالی قوللرینک احوالی بیلیر و کورور .] بناء علیه ؛ هر کسک حالته کوره رزقنی ویرر .

یعنی ؛ حییم ! فقرایه و اقربایه و سائر محتاج اولانلره صرفیائده ، الکی بوینته باغلی قیلما که نفسکه و اهل و عیالکه و سائر محتاج اولانلره صرف ایتمکدن چکینمیه سک . یعنی بخل سببیه اوزریکه واجب اولان انفاق منع ایدوب الی بوینته باغلی کبی اولما .

بناءً عليه؛ لازم اولان یرده لزومی قدر صرف ایت و صرفیاده الکی تماماً آچوب اولانجه مالکی صرف ایدوبده یورغون ونادم و عندالله و عندالناس ملوم اولارق اوتورما . زیرا؛ الکی بالکلیه آچار و ماملکیکی صرف ایدرسک اسراف ایتیش اولدیغک جهته عندالله و عندالناس مذموم اولاجغک کی معیشتکده دخی مشکلات چکر و حیرته اولور و رزق خصوصنده یورغون برحاله ندامت اوزره اوتورورسک . شوخالده بخلدن واسرافدن اجتناب ایدرهک ایکیسنک آره سنده بر طریق اقتصاد اختیار ایت که راحت اولاسک . زیرا؛ ربک تعالی قوللرینک احوال باطنیه لرینی بیلوب واحوال ظاهریه لرینی کوردیکندن ایسته دیکی قولنک رزقنی بول و ایسته دیکنک رزقنی طار ویرر هیچ برکیمسه قاریشاماز .

بیضاوینک بیانی وجهله جناب حق بوآینده محتاج اولانلره اتفاق خصوصنده افراطله تفریطدن نهی ایتمشدر . زیرا افراط؛ اسراف و تفریط؛ بخل اولدیغدن ایکیسیده مذمومدر . مالی تماماً ضایع ایدن کیمسه بی اولاد و عیالی ، احباب و یاران ذم ایتدکلرندن هرکس نظرنده ملوم اولاجغنی بیان ایتمشدر . چونکه؛ اولاد و عیالی سفاهتله آج براقانلر هرکس عندنده مذموملردر و رزق خصوصنده مشقت چکه چکی جهته بورولمه معنانه محسور دیمشدر . عبادک رزقنده کوریلن تفاوت و تفاضل مصالح عباده رعایت ایچون اولدیغنی جناب حق صراحةً بیان ایتمشدر . زیرا دیله دیکنه بول و دیله دیکنه طار ویردیکنی بیانی؛ قوللرینک حاللرینی کوروب بیلدیکنی بیان ایتسیله تعلیل بیورمسی هرکسک حالنه موافق اولارق احسان ایتدیکنی بیاندر .

نیسابوریده بیان اولوندیغنی وجهله (محسوراً) بورولمکرده قاطی بورغونه معنانه در . چونکه؛ اسرافله مالی ضایع ایدن کیمسه مقاصد و حوایج جهته یورویه من . زیرا اموال؛ حوایجی قضا خصوصنده انسانک بیندی منزلنده اولدیغندن اسرافله انسه مالی بمبارانه کیمسه بنیمسز قالاوه و بورولمکرده عاجز اولانه کیمسه بلزه دیکنده محسور دینلمشدر بیضاوی ، خازن و نیسابورینک بیانلری وجهله حضور رسالته برصبی کلوب « والدم برکوملک ایستر » دیمسی و رسول اللهکده بر ساعت صکره کل بیورمسی اوزرینه چوجق آناسنه کیدوب آناسی « کیت رسول الله صیرتکده کی کوملکی ویره جکسکدی » دیمکه چوجنی تکرار کوندروب چوجقده رسول الله « اوزرنده کی کوملکی ویره جکسک » دیمسی

متعاقب رسول اللهک اوزرنده کی کوملکی ویرمسی دوشونمسی اوزرینه بو آیتک نازل اولدیغنی مرویدر .

واجب تعالی قوللرینک رزقنی دیله دیکی وجه اوزره ویردیکنی بیاندنصره انسانلرک رزق طارلغندن قورقارلی جائز اولمادیغنی بیان ایتک اوزره ﴿ وَلَا تَقْتُلُوا أَوْلَادَكُمْ خَشِيَةَ إِمْلَاقٍ ﴾ بیوریور .

[اولادکزی قوروقفاقه قورقوسندن دولایی قتل ایتمهک .]

﴿ نَحْنُ نَرْزُقُهُمْ وَإِنَّا كَٰمٌ ﴾

[زیرا؛ آنلری وسزی بز مرزوق ایدرز .]

﴿ إِن قَتَلْتُمْهُمْ كَانَ خِطَاً كَبِيراً ﴾

[چونکه؛ آنلرک قتلی بویوک کنه اولدی .]

یعنی ؛ الله تعالی دیله دیکی قولنک رزقنی بول و دیله دیکنک رزقنی طار ویروب بالعموم قوللرک رزق ید قدرت السیهده اولونجه ای مکلف اولان انسانلر ! سر فقر وفاقه و احتیاج ارزاق قورقوسیه رخصت شرعیه اولمقسزین چوجقلریکزی قتل ایتمهک . زیرا؛ بز آنلری وسزی مرزوق ایدرز . چونکه ؛ خلق ایتدیکنز کوچوک و بویوک قوللرینک رزق بز احسانمزلدر . بناءً علیه ؛ رزق قورقوسنه بناءً چوجقلریکزی قتل ایتمکه فائده کز اولمادیغنی کی مادی و معنوی مضرتکزده واردر . زیرا ؛ آنلرک قتلی بویوک کنه در و آنلری قتل ایتمکه دنیاوه رزقکز چوغلادیغنی کی قتل ایتدیکنز زمانده طارالماز . حالبوکه رخصت شرعیه اولمقسزین بنیه انسانییه بی افنا ایتک انتظام عالمی خللدار ایتدیکندن بغیرحق انسانک قتلی جمیع ادیانده حرام قیلنمشدر . بناءً علیه قتلک جزاسی ؛ جهنمدر . بالخاصه یکی میدانه ککش معصوم چوجنی قتل ایتک وحشتک اشنعیدر . چونکه؛ میدانه ککش حاصلاتی بلاسبب ضایع ایتمکه آخرته عذاب اولدیغنی کی دنیاچه

نسلنك انقراضه بادی اولدیغندن فلا کتدر. بو عالم اسبابده اسباب مسبیاته باغلی اولدیغنی کی هر شئک بر قارشیلغی وارد. ایسته بواساسه بناء جناب حق انسانک حال صباوتنده ابونک یامش اولدقلری لطف واحسان، شفقت و مرحمتلرینه مکافات اولق اوزره انسانک اختیار اولوب حال عجزه دوشدکلی زمان ابونته اطاعت واحسانی واجب قلمشدر. چونکه؛ اولادک حال صباوتنده والده و پدرندن باشه مؤننه و مشقته تکفل و تحمل ایدجک بر کیمسه اولمادیغندن واجب تعالی مرحمت السیه و مصلحت سبحانیسه بناء ابون اوزرینه اولادک مصالحی تسویه و مشقتلرینه تحملی واجب قیلدی که حال عجز لرنده اولاددن انتفاع ایتسونلر و اولادک ضیاعیه نسل منقرض اولوب عالم خراب اولماون. کذلک اولاد اوزرینه ابونته اطاعت واجب اولمسه ایدی والده و پدر آخر عمرنده منفعت کورمه جکلرینی نظر اعتباره آلاق ابون، چو جقلرک مشقتلرینی اختیار ایتزلر و نسلده انقراض کلیدی. شو حالده عالمک اعماری ابونک اولاده شفقتله حال طفولیت و زمان صباوتنده بسله یوب بو یونملری و اولادکده ابونته اطاعت ایدرک قوجهلق سبیلله حال عجزه دوشدکلی زمان خدمتلرنده بولونملری و نفقه لرینی و یرملری واجب قلمشدر که وقت مرهونه قدر عالم معمور اولسون. ایسته شو اساسه بناء رزق قورقوسندن و اولادک مشقتند فطولای آنلری اتلاف ایتک بویوک کناه اولدیغنی جناب حق بیانه قتلدن نهی ایتشدر. چونکه اولادی قتل؛ بیان اولوندیغنی وجهله نسلک انقراضه بادی اولدیغنی کی جناب حقه سوء ظنی ده موجب اولورد زیرا؛ رزقندن قورقارق بر چو جقلرک قتلنه قدر کیتک الله تعالی نك رزق خصوصتده قوللرینه و یرمش اولدیغنی تأمیناته اعتماد سزلغی ایجاب ایدر. حالوکه الله سوء ظن؛ مأمور اولدیغمز تعظیمه منافی اولوب جائز دکدر و اولادی قتل ایسه اوزریمزه واجب اولان شفقتنه مغایردر و اولاد، انسانک کندی جزئی اولدیغنی جهته آکا محبت کندی جزئیه محبت و آکا اهانت کندی جزئیه اهانتدر و جزئیه اهانت ایسه اخلاق ذمیمه نك الکفاسی اولدیغندن جناب حق بو آیتله نهی ایتشدر. اولادی قتل، زمان جاهلیه عادات کریمه سندندر. چونکه؛ آنلر اوج سبیلله اولادی قتل ایدر لر دی؛ برنجیسی، رزق قورقوسیم. ایکنجیسی، قتل اولدیغنی کفرینی بولوب برمه ملک قورقوسیم. چونکه؛ کفونک غیری به و یرمک آنلر ایچون پک بویوک بر عار ایدی. اوچنجیسی؛ آنلر آره سنده یک رواجی اولاده نهب و غارتنه دشمن آنلر کجوب اسیر

دوشمنیمه قورقوسیم. ایسته شو سبیلردن دولای رزق قورقوسی اهمیتلی اولدیغندن جناب حق اولادی رزق قورقوسنه بناء قتلدن نهی ایتشدر که دیگر سبیلره بناء قتلک جائز اولیه حنی اولویتله ثابتدر.

.*

واجب تعالی اولادی ضیاعدن محافظه ایچون مادی قتلدن نهی ایتدیگی کی معنوی قتلدن دخی نهی ایتک اوزره ﴿وَلَا تَقْرَبُوا الرِّثْيَ اِنَّهٗ كَانَ فَاحِشَةً وَسَاءَ سَبِيلًا﴾ بیوریور.

[زنایه یقین اولماک. زیرا زنا؛ نفسنده چیرکین بر شی اولدیغنی کی طریق یونندن دخی غایت کوتو بر طریق اولدی.]

یعنی؛ اولاد کزی ماده قتلدن نهی اولوندیغکز کی معنای قتلدن دخی منع اولوندیکز. بناء علیه؛ زنا یی موجب اولان مقدماتی ایشله مهیک که زنایه یقین اولیه سکز. زیرا زنا؛ انسانلره لایق اولدق بر قباحتر. چونکه زنا؛ عدالتی اسقاط و مروتی ازاله و حکمت تناسلی ابطال ایدر چیرکین بر شیدر که نسلک انقراضه بادی و فتنه عظیمه یی او یاندیرمه کافی انسانلر ایچون بویوک بر مهلکه در.

تفسیر خازنده بیان اولوندیغنی وجهله زنا نك حرمتنه سبب؛ کناه اولمقله زانی به حد شرعی لازم کلسی اولدیغنی کی نسلک ضیاعنه و عالمک انقراضه و زنا یوزندن وقوع بولاجق جنک وجدال سبیلله عالمک انتظامنه خلل کلسی و انسانلرک راحتسز اولماید. چونکه زنا؛ غیرک حرمتی ویا کریمه سنی ویا همشیره سنی غصب ایتک صورتیه اولاجغندن البته جنک وجداله سبب اولاجنی کی اسباب انتفاعکده الکفاسیدر. زیرا؛ زنا سبیلله بویوک عائله لر و قبیله لر آره سنده وقوع بولان فتنه لرک قاصیرغه کی طرفینی یاقوب قاووردیغنی و آز وقت ظرفنده بر چوق نفوسلرک هدر اولوب خانمانلرک خراب اولدیغنی و جانیلرله حبس خانه لرک طولدیغنی و بوقدر دغدغه نك سببی ایسه بر کیمسه نك بر قاج دقیقه شهوات نفسانیسه نه اویمقدن عبارت اولدیغنی عالمده هر زمان کورولن و انکاری قابل اولمیان بر حقیقتدر. بناء علیه؛ هر شیده قوللرینه لطفی عمومی اولان واجب الوجود بو خصوصده دخی قوللرندن

مرحمتی اسیر که مش و مرحمتی ایجابی زنای حرام قلمقله اهل ایمان و انصافه زنانک اک فنا بر طریق اولدینگی بیانله قبولرینی قیامشدر. اکر زنا قبولری آجیق اولسه ارککله خاتون بیننده اختصاص اولمادیغندن برکیمسه ایسته دیکی قادینه وقادین ده ایسته دیکی برکیمسه ایله قضاء شهوته مقتدر اولونجه انسانله بهایم آره سنده اصلا فرق اولمایوب انسانک قدسیتی و مزایای ضایع اولدینی کی عائله تشکیلاتی ده قابل اولمازدی. عائله تشکیلاتی زنا سببیه یوق اولونجه نظام عالمکده مختل اولاجنی طبعیدر. فخر رازینک بیانی وجهله خاتوندن مقصد؛ یالکر قضاء شهوت دکدر، بلکه عائله تشکیلاتیه خانونک خاننک تنظیماته و ما کولات و مشروبات و مهمات سائر نک ترتیب و احضارینه و امور بیتییه تدبیر و زوجک خارجدن کتیردیکی اشیای محافظه و عائله خلقنک امور اصلاحیه سنه نظارت ایتمکه اداره بیتییه آله آلق عائله نک داخلی انتظامی یولنه قویمقدر. ایشته شومهماتک کافه سنی اجرا ایده بیلیمک؛ او خاتونک همتی آنجق زوجنه منحصر اولوب سائر رجاله تماسدن امیدى منقطع اولقله حاصل اولدیغنده شبهه یوقدر. بومقاصدک حصولی باب زنای قیامقله اولاجغندن جناب حق زنای حرمت قطعیه ایله حرام قلمشدر. بوحقایق دوشونه مهین و هراملی ایسته دیکی بردن نفسی تطمینه منحصر اولان بعض کیمسهر ارکک و قادینک بهایم سوروسی کی برآراده ایسته دیکی یرلرده کز مسنی ایسترلر وقادین ایسته دیکی ارککله نهدن کوروشمسون دیه رک آوازی یوکسلتمکدن چکنمزلر.

زنانک حرمتی بیانله برابر جناب حق بوآیتده زنای اوج صفتد توصیف اتمشدر:

برنجیسی؛ فاحشه اولمیسیر. چونکه فاحشه؛ عقدک و شرعک میرکین عذر ایتدیکی و معصیت اولقمده مریبی تجاوز ایدره شیمیر. ایکنجیسی؛ باثقه آیتده جناب حق زنای مقت اولقمده توصیف اتمشدر. چونکه؛ زانیه اولان خاتون هرکس نظرنده منفور اولدینی جهته آنکه ازدواجه رغبت ایدن اولمادینی کی مهمات و مصالحندن بر شینک محافظه سنه هیچ کیمسه امین اولمایوب اعتماد ایدلمدیکندن جناب حق زنای کراهت معناسنه اولان مقت ایله توصیف اتمشدر. اوچنجیسی؛ زنانک اک کونو بر طریق اولمیسیر.

چونکه؛ جناب حق بوآیتده زنانک اک چیرکین بر طریق اولدینگی (ساءسیلا) جهله جلیله سیله بیان ایتمشدر.

..

واجب تعالی وجود انسانی افنایه سبب اولان زندان نهی ایتدیکی کی قتلدن دخی نهی ایتک اوزره ﴿وَلَا تَقْتُلُوا النَّفْسَ الَّتِي حَرَّمَ اللَّهُ إِلَّا بِالْحَقِّ﴾ بیوریور. [اللهم حرام قیلدینی نفسی قتل ایتمک، آنجق او نفسک قتلنی ایجاب ایدر بر حق اولورسه آنکه قتل ایدک.]

﴿وَمَنْ قُتِلَ مَظْلُومًا فَقَدْ جَعَلْنَا لَوْلِيٍّ سُلْطَانًا﴾

[واکر بر کیمسه مظلوما قتل اولونورسه آنک ولیسی ایچون قاتلدن اخذ انتقامه بز قدرت و قهر و غلبه و سلطنت و یردک.] بناء علیه؛ حاکمک حکمیله قصاص ایتدیرر و انتقاملرینی آلیرلر.

﴿فَلَا يُسْرِفُ فِي الْقَتْلِ إِنَّهُ كَانَ مَنْصُورًا﴾

[بناء علیه؛ مقتولک ولیسی بر آدم بدلنده ایکی آدم قتل ایتک کی بر صورته قتله اسراف ایتسون. زیرا؛ مقتولک ولیسی حاکمک معاونتلیله منصوردر. شوحالده جناب حقک و یردیکی فرصته حدینی تجاوز ایتسون.]

یعنی؛ زنای منعه معنی قتلدن نهی اولوندیغکز کی ماده قتلدن دخی نهی اولوندیگز. بناء علیه؛ بغیر حق اللهم حرام قیلدینی بر نفسی قتل ایتمک. زیرا نفس انسانی؛ بیت الهی اولدیغندن آتی تخریب ایتک پک بویوک کناهدر. آنجق اونفسک قتلنی ایجاب ایدر قصاص وحد شرعی و ارتداد کی برسیله قتله رخصت شرعیه اولورسه قتل ایدرسکز و اکر بر کیمسه رخصت شرعیه اولقسزین مظلوم اولارق قتل اولونورسه بز اومقتولک ولیسی ایچون قاتلدن انتقامی آلمغه قدرت و قوت و سلطنت و یردک که حاکمک حکمیله قاتلی قصاص ایتدیرمک صورتیه انتقامی آلیر و مقتولک ولیسی انتقامه قادر اولونجه بوقوتدن استفاده و قدرتی سؤ استعمال ایدره رک قاتلک غیری بی و یاخود بر مقتول

بدلنده ایکی کیمسه بی قتل ایتک صورتیه قتلده اسراف ایتسون . زیرا مقتول ؛ مظلوم و عندالله منصور و مرحومدر . چونکه؛ دنیا ده قاتله قصاص و آخرتده شهادت ثوابی المقله طرف السهیدن نصرت اولونور . بناء علیه ؛ مقتولک انتقامی المق ایچون و لیس قتلده اسراف ایدوب حدینی تجاوز ایتسون .

فخر رازینک بیانی وجهله قتل مضرت اولوب مضرتک ازاله سی واجب اولدینی جهته بغیر حق قتل جمیع ادیانده حرام اولدینی کی انسانک یارادلمسندن مقصد ؛ الله عبادته اشتغال اولدینی و بواسطه ایه وجوده توقف ایتدیکی جهته عبادتک موقوف علیهی اولان وجودی افنا ایتک البته حرام قیلنمشدر . بناء علیه ؛ رسول الله (الادی بنیان الرب ملعون من هدم بنیان الرب) بیورمشدر . یعنی « آدم رب تعالی نک بناسیدر . رب تعالی نک بناسنی ییقان ملعوندر » دیمک اولور . ایشته بو حدیث شریفده رسول الله قتلک حرام اولسنک سببی بیان بیورمشدر . شو حالده قتلده اصل اولان ؛ حرام اولمقدر . فقط بو اصل اولان حرمتی بعض اسباب طولانیسیله ترک ایتک جائز اولدیغه اشارت ایچون جناب حق « قتل ایتک ، (الابالحق) » بیورمشدر .

بر انسانک قتلنی مباح قیلان سبب عارضی اومدر : برنجیسی ؛ ارتماد ایتکمر . زیرا ؛ مرتدک قتل لازمدر .

ایکنجیسی ؛ باشده نظام کیمسه اولور برکیمسه نک زنا ایتسیر . زیرا ؛ زنا ایدن کیمسه نک رجله اولدورولسی لازمدر .

اوچنجیسی ؛ بغیر مری برکیمسه بی قتل ایتکمر . چونکه ؛ قاتلک قصاصله اولدورولسی لازمدر .

مخاربه ده دشمنی اولدورمک و شرینی دفع ایتک واجب ویر یوزنده افساده سعی ایدن طاغیرلی قتل ایتک لازم اولدینی دیگر آیت جلیله ده تفصیل ایتدیکندن بو آیتده اولان (الابالحق) اجمالی آنلرده تفصیل ایتشدر . شو حالده اصل اولان حرمتی ازاله ایدن اسباب بیه بالغ اولمشدر که انسانک قتلنی مباح قیلان : قصاص ، زنا ، ارتماد ، کفر و فساد معنی ایتکمر .

لواطه ، سحر ، الت جارحنک غیری برشیه قتل ، زکاتی ادادن امتناع ، نمازی ترک ایتک و بهایمه زنا ایتک قتل ایجاب ایدوب ایتیه جکنده فقهانک اختلافی وارد . بناء علیه ؛ امام اعظم عندنده بونلردن هیچ بریسی قتل ایجاب ایتز و تعزیر شرعی ایه تأدیب اولونور . شافی عندنده بو افعالی ایشلهین کیمسه قتل اولونور .

خلاصه ؛ بغیر حق قتلک حرام اولدینی و مقتولک و لیسنه قصاص ایچون قدرت ویرلدیکی و بوقدرتده سؤ استعمال ایدره قتلده اسرافک جائز اولدینی و مقتولک عندالله منصور اولدینی بو آیتدن مستفاد اولان فوائد جمله سنددر .

واجب تعالی انسانک ضیاعنه سبب اولان زنا و قتلدن نهی ایه نفوس بشرک ضیاعدن محافظه سی لازم اولدینی توصیه ایتد کدنصکره حیات بشره خادم اولان اموالی صیانتک و اموال ایچنده بالخاصه یتیملرک اموالی محافظه نک لزومی توصیه ایتک اوزره ﴿ وَلَا تَقْرَبُوا مَالَ الْيَتِيمِ إِلَّا بِالَّتِي هِيَ أَحْسَنُ حَتَّىٰ يَبْلُغَ أَشُدَّهُ ﴾ بیوریور .

[یتیم اولان برچوچ رشدینه بالغ اولونجهیه قدرمالنه یقین اولماک . الا مالی تجارتله عمالاندرمق و محافظه ایتک صورتیه یقین اولک .]

﴿ وَأَوْفُوا بِالْعَهْدِ إِنَّ الْعَهْدَ كَانَ مَسْئُولًا ﴾

[واللهم واللهم قوللرینه قارش عهدی یرینه کتیرک . زیرا ؛ هرکس عهدندن سؤال اولونا جقدر .]

یعنی ؛ یتیم چو جقلرک ماللرینه سؤ نیت و ظلم طریقله یقین اولماک ، آنحق اوچوچ رشدینه بالغ اولوب خیری شردن فرق ایدوب تکالیف السیه ایه مکلف اولونجهیه قدر ماللرینی تجارتله زیاده لندیرمک و تعمیره محتاج اولانلرینی تعمیر ایتک کی حاللرینه مناسب و یتیملرک مصلحتلرینه موافق کوزل بر صورتله یقین اولک که آنلر انتفاع ایتسون ، متضرر اولسونلر و رشدینه بالغ اولوب ماللرنده لایقیه تصرف ایده جکلرینه دائر قناعت کلد کدنصکره ماللرینی کندیلرینه تسلیم ایدک و آنلرک و لیس ویا وصیسی اولمقله ماللرینی و کندیلرینی

محافظة ايتك ايچون ويرديكيز عهدي ايفا ايدك نقصان براقايك. زيرا؛ عهد كز دن الله قارشى اولسون، كرك اللهك قوللرينه قارشى اولسون سؤال اولنه حق و نقض ايدنلر مسئول وعهدينى يرينه كيتيرنلرده مأجور اولاجقلردر. تكاليف الهيهك كافه سى اللهه قوللرى آره سنده عهد اولدينى كى قوللرك يكدىكرينه قارشى معاملهلر دى عهدهدر. بء عليه؛ هر شخصك التزام ايتديكى عهدينى يرينه كيتيرمسى واجبدر. شو حالده انسانلر بيشده جريان ايدن بيع و شرا، عقد و يمن، نذر و عقد صلح و عقد نكاح كى معاملاتك كافه سى عهدهدر داخل اولديغدن بو آيت معاملاتك صحته و هر برينك مقتضاسنه كوره ايفاسنك وجوبه دلالت ايتديكى كى انسانلر بيشده جريان ايدن معاملاتك انتظامنى تأسيس و حسن جريانى تأمين ايتمشدر. چونكه؛ عهدينى ايفا ايتمين مسئولدر دينجه هرعاقلك عهدينى ايفايه سى ايتمسى لازمدر كه ايفا ايتمكه مسئوليتدن قورتولسون.

تفسير خازنده بيان اولوندينى وجهله اشدله مراد؛ عقل فاسل صامى اولوب مالندره نمير و تصرف قدرت كلوب هانوره از دواجه اهليتدر.

واجب تعالى ايتامك مالى محافظهك لزومنى بياندر نكره بالعموم معاملاتده اموالى ضياعدن محافظهك لزومنى توصيه ايتك اوزره ﴿وَأَوْفُوا الْكَيْلَ إِذَا كِلْتُمْ﴾ بيوريوره [ذخيره يي اولچديكيزده كيلهك حقنى ويرك، نقصان اولچمهيك.]

﴿وَزِنُوا بِالْقِسْطِ أَسِ الْمُسْتَقِيمِ﴾

[و ترازو ايله طارتديغكيزده مستقيم وعدالتله طارتك.]

﴿ذَلِكَ خَيْرٌ وَأَخْسَنُ تَأْوِيلًا﴾

[شو كيلهك حقنى ويرمك وعدالتله طارتمق نقصان ويرمكدن خيرلى و عاقبت جهتندن غايت كوزلدر.]

يعنى؛ هر خصوصده عهد كزى ايفا ايتمكه مأمور اولديغكيز كى صامش اولديغكيز

ذخيره كزى مشترى يه ويرمك اوزره اولچديكيزده كيلهك حقنى تمام ويرك، نقصان ويرمهيك كه غيرك حقوقنه تجاوز ايتيه سكز و طارتلقله صامش عادت اولان شيلرى صاتوب ترازو ايله طارتديغكيزده طوغرو وعدالتله طارتك، نقصان طارتماك كه مشترينك حقنى آلمش اوليه سكز. ايشته شو طوغرو اولچمك و طارتمق؛ نقصان اولچمك و طارتمقندن خيرليدر و معاملاتده طوغرو لاق رزقى جالب اولديغدن عاقبت جهتندن غايت كوزلدر. چونكه؛ ترازو كيلدن چالان كيمسه حال حاضرده فضله برشى قازانير كى كورو نورسده چالمش اولدينى آرز برشى آنك ماللك بركتنى محو ايتديكندن آنك عاقبتى قنادر. اما طوغرو اولان كيمسه آرز قازانير كى كورو نرسده نتيجهده بركتلى و نمالى اولدينى جهته عاقبتى پارلاق اولور.

فخر رازى و خازنده بيان اولوندينى وجهله اولچكده و ترازوده سرقى غايت آرز اولدينى حالده بونلردن سرقى ايدن كيمسه حقنده تهديد شدتليدر. چونكه؛ ناسك بوتون معاملاتى اولچويه و طارتقى به تعلق ايتديكندن بونلرده خير سزلق بوتون معاملاتده خلل و يروب سكته ايراث ايتديكى جهته معاملات تجاريه يي انتظامندن چيقارديغدن شرع شريف انتظام عالمه خادم و امنيت عامه يي و خلقك يكدىكرينه اعتمادنى تأمين ايدن اولچكده و ترازوده سرقى شدتله منع ايتمشدر كه هر كس يكدىكردن امين اولسون و حقلى محفوظ قالسون. جناب حق، انسانلرك مرتبه لرى بوتون مخلوقاتك فوقنده اولدينى حالده بويه آرز برشيله نفسى تلويت ايتمكدن مرتبه انسانيتى محافظهك لزومنى قوللرينه توصيه ايتمشدر. زيرا؛ انسانك مرتبه سى بو كى خسيس شيلردن بك يوكسكدر.

كيلهده تام اولچن و ترازوى عدالتله طارتان كيمسهك عاقبت غنا و ثروت صاحبي اولاجغنه اشارت ايچون جناب حق تام اولچمك و طارتمق خيرلى و عاقبتنده كوزل اولاجغنى بيان ايتمشدر. چونكه تأويل؛ مجموع معناسنه اولان اول كله سندن آلتديغنه نظراً برشيك عاقبتنده مجموع ايمه يكي هاليدر. شو حالده بر كيمسه دنياده كيله و ترازوده طوغرو لنى التزام ايتديكى تقديرده هر كس نظرندره امانت صاحبي اولوب اعتماد عامه يي و امنيت عموميه يي قازانوب توجه عامه يه مظهر اولاجنى جهته آرزمان ايچنده بومثللو كيمسه لرك برچوق ثروت صاحبي اولدينى هر زمان كورو لمكدهدر. شو بيان اولونان؛ دنيا به نظر آدر، اما معاملاتده طوغرو لنى التزام ايدن كيمسهك آخرتده بويوك اجره نائل اولاجنى شبهه سزدر.

خلاصة البيان: طقوزنجى جلد - 4

خلاصه ؛ اولچوده و طاریتده حقنی و یرمک و عدالته رعایت ایتک واجب و بوضو و نوله عدالته رعایتک رزقی جالب و عاقبت یونندن غایت کوزل اولدیغی بو آیتدن مستفاد اولان فوائد جمله سنددر .

* *

واجب تعالی عهدی ایفا و کیله و ترازوده عدالته رعایتله امر دنصکره بیلیمه رک سوز سوبله مکدن نهی ایتک اوزره ﴿وَلَا تَقْفُ مَا لَيْسَ لَكَ بِهِ عِلْمٌ﴾ بیوریور .
[سنک ایچون علم یقین اولیان شیئه اتباع ایتمه .]

﴿إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا﴾

[زیرا ؛ قولا ق ، کوز ، قلب بونلرک جمله سی مسئولیت آلتنده در .]

یعنی ؛ انسان ایچون لازم اولان بیلدیکی شیئی سوبلکدر . بناء علیه ؛ سن بیلمدیکک شیلرک آرقه سنه اتباع ایتمه . زیرا ؛ ایشتدیگک یالانی طوضرو ظنیله سوبلرک . بناء علیه ؛ بر طاقم مفتریاده بولندیگک قولاغکدن و کورمکه بر جوق فتنه و فساد سبب اولان کوزلر کدن ویالان و افترا ایجادینه سبب اولان قلبکدن سؤال اولونا جقسک . ایشته شواعضالرک جمله سی مسئولیت آلتنده در . او حالده بر کیمسه حقنده بیلمدیکک بر شیئی اسناد ایدوب بیلیم دیمه و کورمدیککی کوردم و دویمادیگکی دویدم دیمکه ظن اوزرینه بر کیمسه بی اهام ایتمه . زیرا ؛ قولا ق ، کوز و قلب شو اعضالرک جمله سندن صاحبی مسئولدر . بناء علیه ؛ مسئولیتدن قورتولوق ایچون بونلری حسن استعمال ایتک لازمدر .

بیضاوینک بیانی وجهله بو آیتده بیلمدیکی شیئی اتباعدن نهی ایتک ؛ اعتقادیاده تقلیددن ویالان یره شهادتدن و غیره افترا دن ویالاندن و سائر قباچدن نهی متضمندر . بناء علیه ؛ اعتقادیاده ظنه اتباع ایتک اصلاً جائز دکدر . اما عملیاده ظنه اتباع جائزدر . مثلاً مفتینک فتوا سیله عوام ناسک عمل ایتسی و شاهدلرک شهادتلیله حاکمک حکمی واجبدر . کذلک طبییک دواسنی استعمال و قبله بی آرایان کیمسه به بر کیمسه نک خبریله عمل ایتسی جائزدر .

آیتک ظاهرینه نظراً شو اعضالرک ایشله دیکی عملدن مسئولدر . فقط اعضالرک مسئول

اولونجه اعضالرک صاحبکده مسئول اولاجنی اولویتله ثابتدر . بو آیت جلیله ، انسانی ظن اوزره حرکت ایتمکدن شدتله نهی ایتشددر و رسول اللهک (من قفا مؤمناً بما لیس فی حبسه الله فی ردغة الجبال حتی یأتی بالخرج) قول شریفی ده بومعنائی تأیید ایدر . یعنی « بر کیمسه بیلمدیکی و مؤمنده اولیان بر شیله مؤمنه اسناد ایدره رک تابع اولور و او مؤمنک آرقه سنه دوشرسه الله تعالی او کیمسه بی اهل جهنمک یا نملرندن آقان ایرینلر ایچنده حبس ایدر . حتی او کیمسه نک ، بو عذابدن قورتاره جق بر مخرج کتیرنجیه به یعنی توبه ایدنجیه قدر حبسه ستحقاقی دوام ایدر » دیمکدر . شو حالده مؤمنده اولیان بر شیئی اسناد ایدن کیمسه نک جزاسی اهل جهنک عصاره سی یعنی وجودلرندن آقان قانله قاریشیق صاری صولر ایچنده حبس اولمقددر . ایشله دیکی فعلی سببیله بوجزایه مستحق اولدقدنصکره ندامت ایدرسه او جزادن قورتولاجقنه حدیث شریف دلالت ایدر . خَبَال ؛ اهل مبرمخده آقانه قانه قاریشمه صاری صولر معناسنده در . رَدغة ؛ اوصولرک طوبه و نعمة اولدیغی موقورددر . مخرج ؛ محل خروج دیمکدر ، بوراده توبه معناسنده در . چونکه انسانی ایشله دیکی کناهک جزاسندن قورتاره جق مخرج ؛ توبه در .

خلاصه ؛ انسانک علمی لاحق اولماق بر شیئه اتباع ایدوب سوز سوبله مسی جائز اولما دیغی و کوزندن و قولاغندن و قلبندن مسئول اولاجنی بو آیتدن مستفاد اولان فوائد جمله سنددر .

* *

واجب تعالی بیلمدیکی شیئی ظن اوزره سوبله مکدن انسانی منع ایتد کدنصکره اخلاق ذمیمه نک باشلیجه سی اولان کبری نهی ایتک اوزره ﴿وَلَا تَمْشِ فِي الْأَرْضِ مَرَحًا﴾ بیوریور .

[سن ارض اوزرنده کمال سرور و کبرله یورومه .]

﴿إِنَّكَ لَنْ تَخْرِقَ الْأَرْضَ وَلَنْ تَبْلُغَ الْجِبَالَ طُولًا﴾

[زیرا ؛ سن کبرکله ارضی ده له من و اوزونلقده هیچ بر طاغه بالغ اولامازسک .]

﴿ كُلُّ ذَلِكَ كَانَ سَيِّئُهُ عِنْدَ رَبِّكَ مَكْرُوهًا ﴾

[شونهی اولنان شیرک هر برینک کناهی ربک تعالی عندده مکروهدر .]

یعنی ؛ ای تکالیف الهیه ایله مکلف اولان انسان ! سن کال غرور و سرور ایله کبر ایدهرک یر یوزنده یورومه . زیرا ؛ سن نه قدر شدتلی وسرت باصارق یورورسک ارضی یر تامز و آیاقلرکله یری دهله مزسک . چونکه ارض ؛ انسانلره تواضع اوزره حاضر لائمش اولدینی حالده سن نه قدر کبر ایتسهک و کندیک بکنسهک و باشقه لرینه فخر و غرور یاپسهک آیاقلرکله ارضی دهله جک قدر بر قدرته مالک دکلسک . شو حالده کبر ایدهرک سنده نه کی بر قوت وارکه کبر ایدرسک ؟ وسن نه قدر اوزون اولسهک طاغیر قدر اوزون اولوب طاغیره واصل اولامیه جفکدن نه قدر کبر ایتسهک و کندیک نه قدر بویوک فرض ایتسهک طاغیره مساوی اولامازسک . بناء علیه ؛ یورورکن کبر ایدهرک یورومه . زیرا ؛ کبر و غرورگه بر سبب یوقدر . ایشته شو سوردهک بدایه سندنبری نهی اولونان شیرک جمله سنک کناهی ربک تعالی عندده مغوض اولدی که آیری آیری هر برندن نهی ایتشد . چونکه ؛ هر برلرلنده انسان ایچون بویوک مضرتلر واردر .

بیضاوینک بیانی وجهله بو آیتده جناب حق انسانده کبرک حماقت اثری اولدیفنه اشارت ایتشد . چونکه ؛ « انسانک آیاغئک آلتنده ذلیل اولان طوپراغه بر تأثیر یاپامدینی کی اوزرنده اولان یوکسک طاغیره اولاشامدیفنی » بیان ایتک ؛ « بویاکیسی آره سنده محصور و ضعیف بر مخلوق اولدیفک حالده کبر ایتمه کندکده نه کی لیاقت کورویورسک که کبر ایدرسک » دیمکدر . زیرا ؛ سن طوپراغی دهلهک و طاغه اولاشمغه مقتدر اولامایچه کندکده اولان ذل و مسکنتی دوشونوب تواضع ایتک لازم ایکن بالعکس کبر و غرورک زهدن کلدی ؟ شو حالده ارض اوزرنده کبر ایدهرک یورومه . زیرا ؛ اللهک نهی ایتدیک شیرک هپسی کوتودر . بناء علیه ؛ کبر ایتمه لیاقتکده یوقدر .

(کل ذلك) بوسوردهده (لا تجعل مع الله الهًا آخر) آیتندن بورایه کلنجیه قدر واقع اولان یکریمی بش مسئله مهمهیه اشارت اولدینی قاضیتک جمله بیاناتندندر . آیتده (مکروها) بفرصه معانسه مرضی مقابلیدر . یعنی « شومنیاتک جمله سی مرضی الهینک خلاقی » دیمکدر .

*
*

واجب تعالی شو بیان اولنان مسائلک وحی الهی اولدیفنی بیان ایتک اوزره

﴿ ذَلِكَ مِمَّا أَوْحَى إِلَيْكَ رَبُّكَ مِنَ الْحِكْمَةِ ﴾ بیوریور .

[شو سوردهک اولندن بورایه قدر ذکر اولونان احکام ؛ حکمتدن اولدیفنی حالده حییم ! ربک تعالی نک سکا وحی ایتدیک احکامدندر و اخلاقده عدالتی متضمندر .]

﴿ وَلَا تَجْعَلْ مَعَ اللَّهِ إِلَهًا آخَرَ فَتُلْقَى فِي جَهَنَّمَ مَلُومًا مَذْحُورًا ﴾

[سن اللهله برابر اللهک باشقه براله اتخاذا ایتمه که مذموم و رحمت الهیهدن مطرود اولدیفک حالده جهنمه آتیلیمهسک .]

﴿ أَفَأَصْفِيكُمْ رَبُّكُمُ بِالْبَنِينَ وَاتَّخَذَ مِنَ الْمَلَائِكَةِ إِنَاثًا ﴾

[ای مشرکله ! سزظن ایدرمیسکزر که ربکز اولادک اکریمی اولان اوغلان اولادیه سزی اختیار ایتدی و شرافتله سزی متصف قیلدی ده کندی ذاته ملکدرن قیزلریمی اتخاذا ایتدی ؟]

﴿ إِنَّكُمْ لَتَقُولُونَ قَوْلًا عَظِيمًا ﴾

[ای مشرکله ! سز الله تعالی و ملکر حقنده محقق بویوک سوز سویلر وافترا ایدرسکزر .]

یعنی ، شو بیان اولونان مسائلک کلیسی حکمتدن اولارق رعایت واجب و جمیع ادیانده عمل ایتک لازم اولان مسائل اعتقادیه و عملیهدن اولوب ربک تعالی نک سکا وحی ایتدیک احکامدندر . چونکه ؛ بوا حکامک جمله سی توحیدی و انواع خیراتی آمرو جمیع مکروهانندن ناهیدر و سن اللهله برابر باشقه بر معبودک وجودینی اعتقاد ایتمه که ملوم و رحمت الهیهدن اوزاق اولدیفک حالده جهنمه آتیلیمهسک . اکر شرک ایدرسک جهنمه مذموم اولارق آتیلیمهسک و ربکزر سزه اوغلان اولادینی اختیاریه سزی صفوته و شرافتده قیلدی ده کندینه ملکری قیز اولادی اولارق می اختیار ایتدی ؟ والله تعالی نک جمیع کالاتی جامع

اولديغنی اعتقاد ايتديككز حالد ملڪلى اولاد اتخاذا ايتديكى فصل سويلرسكز ؟
وبو كى سوزلى سويلكه جسارتى زهدن آليورسكز ؟ زيرا ؛ سز الله تعالى وملڪلى
حقنده يك بويوك سوز سويلر واولاددن منز اولان الله تعالى به اولاد اسناد واولاد
اسنادنه كنديكزى ربكزاوزرينه تفضيل ايدرسكز . زيرا ؛ سوديككز اوغلان اولادى
كنديكزه خاص قيلار وسومديككز قيز اولادى ربكزه مخصوص قيلارسكز .
فخر رازينك بيانى وجهله احكام سابقه ؛ توحيدله امر وانواع خيراتى جامعدر وجميع اديانده
رعيت اولنوب نسخ قبول ايمهين احكامدندر . بناء عليه ؛ عين حكمت اولديغنى جناب حق
بوآيتده بيان ايتشد . چونكه حكمت ؛ معرفت الله بابر عمل ايمك بجزوه انواع
خيراتى بيلمكده .

بيضاوينك بيانى وجهله هرامورك بداهيسى ونهايسى توحيد اولوب واعمالك اس الاساسى
شركى نفي ايمك اولديغنى اشارت ايچون شوبيان اولنان احكامك بداهيسنده شركى ، نفي
افاده ايدن (لا تجعل مع الله الهآ آخر) ايله باشلانديغنى كى خاتمه سى دخى (ولا تجعل
مع الله الهآ آخر) نظميته نهايت بولشد . بداهيده دنياچه شرك اوزره ترتب ايدجك
ضررى ؛ نهايتده آخرتجه ترتب ايدجك ضررى بيانه جناب حق قوللرينك نفسلرينى ضرردن
وقايه ايتلرينه تنبيه ايلش واوغول اولادى كنديلرينه وقيز اولادى ربلرينه تخصيص ايتلرينى
انكار ايتشد .

الله تعالى ولد وزوجه اتخاذا دن منز اولديغنى حالد ولد اسنادى بويوك كناه اولديغنى كى
ملكوره ؛ ارككلك وديشيلك دن برى اولدقلى حالد انلر حقنده قيزلردر ديمك دخى
بويوك سوز وافترا اولديغنى بيان ايچون بويوك سوز سويله دكلى صراحة ذكر ايتشد .
چونكه ؛ شواسناد ايتدكلى شيلرك هر برى جناب حق تركيبى واحتياجى ايجاب ايتديكده
يك بويوك جنابت ايشله مشلدر . زيرا ؛ الوهيه احتياج نسبت ايتكدن دها بويوك بر
جنابت اولاماز .

واجب تعالى به ولد اسناد ايدنلرك اعتقادلرينى ابطال ايتدك نصكره ولد اسنادينك
فالننى دفعاتله بيان ايتديكى ذكر ايمك اوزره ﴿ وَلَقَدْ صَرَّفْنَا فِي هَذَا الْقُرْآنِ
لِيَذَّكَّرُوا وَمَا يَزِيدُهُمْ إِلَّا نُفُورًا ﴾ بيوريور .

[ذات الوهيمه يمين ايدرم كه زوجه وولد كى اماره حدوث واحتياج دن منز اولان
الله تعالى به ولد اسناد ايمك جنابت عظيمه اولديغنى شو قرآنده بز تكرار بتكرار بيان
ايتدك كه ناس بومثللو باطل اعتقادك وخاتمتى تذكريتسونلر ومتصح اولسونلر . حالبوكه
مشركلر متصح اولق شويله طورسون نفس قرآن وقرآنك احكامى آنلرك نفرتلرينى
وحقدن اعراضلرينى وباطله اصرارلرينى زياده ايدر .] زيرا ؛ قرآنى واحكامى قبوله رغبت
ايتيوب دائما تكذيب ايتدكارندن نفرت وفرارلرى تزايد ايتشد . قرآنده ايسه ضررب
امثال ودلائل قطعيه ايله دفعاتله كفر ك فنا برشى اولديغنى بيان اولوندى . بوياندى مقصد ؛
انسانلرك لايقيه دوشونوب عبرت آللى ومطلوب اولان غاييه سهولته واصل اولمليدر .
بيضاوينك بيانى وجهله بوآيتده (صرفنا) (كرنا) معناسنده . يعنى « بز قرآنك
بر جوق يرلرنده الله تعالى به ولد اسنادينك باطل اولديغنى مكرراً بيان ايتدك » ديمكده .
چونكه ؛ قرآنك بعض موضعنده بواسنادك بطلانى ، ضررب امثاله وديكر موضعنده حكم
قطعى ايله وديكر موضعنده دلائل قطعيه ايله بيان اولونمشدر . زيرا ؛ برمعاينى آكلاتمده
تكرار بتكرار سويلكده الفت ايجاب ايتديكى كى ايشيدنلرك قبلرينده اطمئنان ايجاب
ايتديكندن تاثيرى زياده اولاجغه بناء جناب حق مكرراً بيان ايتش ولكن بويان
مع التأسف كافرلرك نفرتلرينى موجب اولمشدر . جناب حق بوآيتده اهل ضلالك شدت
عناد صاحى اولدقلى كى توفيقندن محروم اولدقلى بيانه ذم ايتشد . چونكه
تكرار ذكر ايمك ؛ الفت ومحبت ايجاب ايدركن بالعكس نفرتى موجب اولملى عناد
وطغيانلرينك حدى تجاوز ايتديكده دلالت ايدر واليوم قرآنه خصومت ايدنلرك
حاللرى ده بويله در . نه قدر قرآن اوقونسه واحكامى ذكر اولونسه ارباب قساوته تاثير
ايتديكى كى نفرتلرينى تزييد ايتكده اولديغنى كورولور .

خلاصه ؛ ناسك تذكر ايتلرى ووحدانيته قولايقله واصل اولملى ايچون قرآنده
توحيدك دلائلى مكرراً ذكر اولونديغنى وحالبوكه بوذكردن مقصد اولان استدلال حاصل
اولسادىغنى كى توفيقدن محروم اولانلره ذكر اولونان دلائلك نفرت ويرديكى بوآيتدن
مستفاد اولان فوائد جمله سندنر .

واجب تعالی مشرکک اعتقادلرینی دلیل آخرله ابطال ایتک اوزره ﴿قُلْ لَوْ كَانَ مَعَهُ آلِهَةٌ كَمَا يَقُولُونَ إِذًا لَّابْتَغَوْا إِلَى ذِي الْعَرْشِ سَبِيلًا﴾ بیوریور.

[حبیب ذی شانم! سن مشرک ره دی که «ای مشرک! سزک دیدیککز کبی اللهله برابر باشقه معبودلر اولمش اولسه ایدی آنلر موجود اولدقلری تقدیرده عرش اعلانک صاحبی اولان خالق تعالی ایله محاربه ایتک وغالب اولوب ملکنی استیلا ایتک اوزره یول آرارلردی. حالبوکه سزک معبوددر دیهرک عبادت ایتدیککز بوتلریکزرک عرش اعلانک صاحبیه محاربه و آکا یول آرامغه اقتدارلری یوقدر. بناء علیه؛ آنلر الله تعالی نک شریکی ونظیری اولامازلر.]

﴿سُبْحَانَهُ وَتَعَالَى عَمَّا يَقُولُونَ عُلُوًّا كَبِيرًا﴾

[ذات الوهیتی مشرکک دیدکلی نقائصک جمعیسندن تنزیه ایدرم. زیرا الله تعالی؛ آنلرک دیدکلی واسناد ایتدکلی شیلرک جمله سندن پک بویوک علویتله عالی اولدی.]

یعنی؛ اللهله برابر باشقه معبودلر اولمش اولسه لر ایدی آنلر عرش اعلانک صاحبی اولان الله تعالی به غلبه ایتک اوزره یول آرارلر، البته بعضیسی بعضیسنه غلبه ایدردی. حالبوکه بویله برشی وقوع بولمادی. بناء علیه؛ اللهله برابر معبود آخر یوقدر. چونکه؛ بیضاوینک بیانی وجهله اکر موجود معبود آخر اولسه کندی قدرتی صینامق (ده نه مک) ایچون یا محاربه به قیام ایدر ویاخود کندینک عاجز، اللهک قادر اولدیغی بیلیر اطاعته باشلار وعابدلر زمره سنه داخل اولور. شو حالده الله تعالی به غلبه ایده جک بر معبودک بولونماسی واجب الوجودک شریکی اولمادیغنه دلالت ایدر. الله تعالی نک وجودی مراتب وجودک اعلا طبقه سنده واجب الوجود اولدیغندن اولاد اتخاذهن منزهدر. زیرا اولد اتخاذه؛ زواله معروض اولان وجودلرک شانی اولدیغندن وجودک ادنی مرتبه سنک خاصه سیدر. چونکه؛ کندی زواله معروض اولونجه نسلنک منقرض اولماسی ایچون ولد اتخاذهنه احتیاج کورور واسبابنه توسل ایدر. بناء علیه؛ زوالدن مصون اولان واجب

الوجودک ولد اتخاذهنه احتیاجی یوقدر. از لیدر، ابدیدر و جمیع صفات کالیه ایله متصف در. شو حالده ولد اتخاذه کبی خسیس شیلردن منز و پک عالی در.

واجب تعالی ذاتنک نقائصدن منز اولدیغی بیاندنصکره هر شیتک، الوهیتی نقائصدن تنزیه ایتدیکنی بیان ایتک اوزره ﴿تَسْبِيحٌ لَهُ السَّمَوَاتُ السَّبْعُ وَالْأَرْضُ وَمَنْ فِيهِنَّ﴾ بیوریور.

[یدی قات کوکدر ویر و کوکلرده ویرده اولان جمله موجودات الله تعالی نقائصدن تنزیه ایدرلر.]

﴿وَإِنْ مِنْ شَيْءٍ إِلَّا يُسَبِّحُ بِحَمْدِهِ﴾

[موجوداتدن هیچ برشی اولمادی، الا اللهک شناسنه ملابس اولارق نقائصدن تنزیه ایدرلر.]

﴿وَلَكِنْ سَآءَ أَنْتَ تَسْبِيحُهُمْ﴾

[ولکن سز آنلرک تسبیحلرینی آکلامازسکز.]

﴿إِنَّهُ كَانَ حَلِيمًا غَفُورًا﴾

[زیرا؛ الله تعالی حلیمدر. چونکه؛ تسبیحدن غفلت ایدنلرک عذابلرینی تعجیل ایتمز. وغفوردر. زیرا؛ قوللرینک کناهلرینی ستر ایدر.]

یعنی؛ کوکلرویر و بونلرده اولان موجوداتک جمله سی الله تعالی بی لوازم امکان واماره حدوثن تنزیه ایدرلر. زیرا؛ جمله سی حادث اولدیغندن کندیلرینی ایجاد ایدن و جمیع صفات کالیه ایله متصف بر موجد قدیمک وجودینه دلالت ایدر ولسان حال ایله تقدیس ایدرلر. وموجوداتدن هیچ برشی اولمادی، الا لسان حال ایله موجد حقیقینک شناسنه مقارن اولارق جناب حق هر بری کندی حالی ولسانیله نقائصدن تنزیه ایدرلر ولکن سز آنلره نظر عبرتله باقادیغکزندن تسبیحلرینی آکلامازسکز. حالبوکه موجوداتک

جمله سنده اولان ضایع غریبه ده صانعك جميع كالآله متصف وبالعوم نواقضدن منزله اولدیغنه دلالت واردر . الله تعالى تسبیحدن غفلتکزه بناءً عذابکزی تعجیل ایتمز . زیرا ؛ الله تعالى حلیمدر که تسبیحی ترك ایدنلری در حال مؤاخذه ایلز وغفوردر که کناه ایشله ینلره توبه ایدنجه قدر مساعده ایدر وتوبه لرینی قبول ایله عصیانلرینی ستر ایدر .

فخر رازینک بیانی وجهله حیات شانندن اولان مکلف ؛ واجب تعالی به ایکی مهتره

تسبیح ایدر : برنجیسی ؛ سبحانه الله . تملو الفاظ تقریبی لسانده ورد اتمکله تسبیح ایدر .

ایکنجیسی ؛ قدرت الهم لك كالاته دلالت ایدر احوال خصوصیه وعمومیه سید واجب تعالی لك نقائصره منزله اولدیغنه دلالت ایدر . تسبیح ایدر . اما حیات صفی اولوب مکلف اولیان بهایم و حیاتی اولیان جمادات آنجق لسان حاله یعنی هر برنده اولان عجائب وغرائبك خالقك جميع نقائصدن منزله اولوب جميع كالآله متصف اولدیغنه دلالت ایتك صورتیه تسبیح ایدرلر . چونکه تسبیحك معنایی ؛ نقائصره منزله اولدیغنی پایه اتمکله وشو صورتیه بیان ده مخلوقاتك کافه سنده موجوددر .

یاخود آیتده تسبیح ایله مراد ؛ محمد مخلوقاتك تکلم صورته تسبیح اتمکله ایدر . زیرا ؛ جناب حق جمله مخلوقاته کندیلرینه کوره لسان ووروب هر مخلوقه کندی لسانیه ذاتیه تسبیح ایتدیرمی بعدد کلدرد . چونکه ؛ مخلوقاتك کافه سنك لسانه تکلمه قابیلری واردر و یوقاروده بیان اولوندیغنی وجهله اجسام ؛ حیات و تکلم کی عوارضی قبول اتمکده مساویلردر . بناءً علیه ؛ هر جمله سنك لسانه تکلملری ممکندر . ایشه شوقابلیت و امکان اوزرینه جناب حقك هر برینه لسان ووروب تکلم صورتیه تسبیح ایتدیرمی قدرت الله نسبتله غایت قولای برشی اولدیغنی جهتله آتی بومعنایه حمل ایدوب لسان حاله تاویل اتمه مکدها اولادر و آنلرک تسبیح لرینی بزم آکلامادیغمزی بیان ایتکده بو معنایی تأیید ایدر . چونکه ؛ لسان حاله تسبیح آکلاشدیغندن او معنایه نظراً آکلامادیغمزی بیان زائد اولور و بزم آنلرک لسانلریله تسبیح لرینی فهم اتمه مکلمزدن مخلوقات سائره نك لسانه تسبیح اتمه ملرینی ایجاب ایتمز . بناءً علیه ؛ آنلرک کندیلرینه مخصوص لسانلریله تسبیح لری واردر ولکن بز بیلیمیز

« آغاچلرک و اوتلرک یاش اولدقلرنده تسبیح ایدوب قورودقلرنده تسبیحدن قالدقلرینه » دأر وارد اولان حدیث شریفده بومعنایی تأیید ایدر .

خلاصه ؛ سموات وارض و آنلرده موجود اولان مخلوقاتك رب لرینی تسبیح ایتدکلری و هر شینك الله تعالی بی ناسیله برابر تسبیح ایتدیکی ولکن بزم آنلرک تسبیح لرینی فهم ایتدیکمزی والله تعالی تسبیحدن غفلت ایدنلرک غفلته مقابل در حال مؤاخذه ایتدیکی و کناه لرینی ستر ایتدیکی بو آیتدن مستفاد اولان فوائد جمله سندندر .

واجب تعالی وحدانیتی و جميع نقائصدن منزله اولدیغنی بیاندنصکره مرتبه نبوتی بیان ایتك اوزره ﴿ وَإِذَا قَرَأْتَ الْقُرْآنَ جَعَلْنَا بَيْنَكَ وَبَيْنَ الَّذِينَ لَا يُؤْمِنُونَ بِالْآخِرَةِ حِجَابًا مَسْتُورًا ﴾ بیوریور .

[حبیلم سن قرآنی قرائت ایتدیککده بزنسکله آخرته ایمان اتمه ینلر آره سنده برپرده خلق ایدرز که اوپرده سنی ستر ایدر .]

﴿ وَجَعَلْنَا عَلَى قُلُوبِهِمْ أَكِنَّةً أَنْ يَفْقَهُوهُ وَفِي آذَانِهِمْ وَقْرًا ﴾

[و آخرته ایمان اتمه ینلرک قبلری اوزرینه قالین برپرده خلق ایدرز که آنلرک قرآنی آکلاملرینه مانع اولور و قولاقلرنده آغیرلق خلق ایدرز که قرآنی ایشتمکله موفق اولامازلر .]

یعنی ؛ یا ا کرم الرسل ! سن کمال خشوع اوزره قرآنی تلاوت ایدوب رموزاته و حقایقه مطلع اولدیغکده بز سنی دشمنلرک شرندن محافظه ایتك اوزره سنکله آخرته ایمان اتمه ین دشمنلرک بپنده برپرده خلق ایدرز که اوپرده سکاسوه قصد ایده جک دشمنلرک کوزلرندن سنی ستر ایدر . بناءً علیه ؛ آنلر سنی کوره مزملر و آنلر قرآنی فهم ایتملر . زیرا ؛ بز آنلرک قبلری اوزرنده برپرده خلق ایدرز که اوپرده آنلرک قرآنك حقایقی آکلاملرینه مانع اولور و قولاقلرنده بر آغیرلق خلق ایدرز که آنك سیبیه قرآنك معناسنی آکلامادقلری کی الفاظنی ده ایشتمزلر .

فخر رازینک بیانی وجهله بو آیت جلیله قریشدن بعض کیمسه لر حقنده نازل اولمشدر. چونکه؛ رسول الله ناس اوزرینه قرآنی اوقویوب تبلیغه باشلا دیغنده قریشدن بعضیلری ایصلیق چالار و بعضیلری آلرینی بربرینه وورر و بعضیلری شعرلر سویلکله خلقک ذهنی تشویش و رسول الله اذا ایدرلردی. ایشته اومثللو کیمسه لرک احوالی بیان و آنلری ذم ایچون الله تعالی بو آتی انزال بیورمشدر.

حتی (تبت) سوره سی نازل اولونجه (ابی لهب) ک حرمی رسول الله وورمق اوزره آلدن برطاشله حضور رسالته کلیر و معیت نبویه ده بولنان (ابوبکر) حضرت تدرینه «آرقداشک نره ده در؟ بی ذم ایدر مش. بن بو طاشله آنک باشی یاره جغم» دیسی اوزرینه ابوبکر حضرت تدری «رسول الله شعر سویلدی که سنی ذم ایتسون» بیورمشدر. اوقادین کیری دونوب کیدنجه حضرت (ابوبکر) «یار رسول الله! بو کافره سنی کورمدی» دیدیکنده رسول الله ک بو آتی قرائت ایتدیکی و آره مزه بر ملک پرده اولدی بیوردیغی مرویدر که بو آیتک سری ایشته بو صورتله ظهور ایتمشدر.

آیتده حجاب مستورله مراد، الله تعالی آنک کوزلر نه فله ایتدیکی بربره در که اوبرده سبیل آنلر رسول اللهی سو قصه زمانده کور مزلردی دیمکدر (مستوراً) اسم مفعول صیغه سی اوزرینه اسم فاعلدر. بناء علیه معناسی؛ بر حجاب که ساتر یعنی اوزر دیمکدر. چونکه حجاب؛ ساتر یعنی اوزر و سبیل، یوقسه اورتولمش معناسه دکدر. اگر (مستوراً) اسم معناسه اولسه اورتولی بر حجاب دیمک اولور که بونکده بر معناسی اولماز. کرچه کافرلر هر شیئی دویوب ایشیتیلر و کورورلر سه ده ایشتمکدن و کورمکدن حاصل اولاجق منفعتدن محروم اولدقلرینه اشارت ایچون قلبلرینه و کوزلرینه پرده چکلمش کبی کور و صاغیر منزلده اولدقلری بیان اولونمشدر. چونکه آنلر؛ ارباب لساندن قلبلریله معنایی فهم ایدر و قولاقلریله الفاظی ایشیتیر اولدقلری حالده اراده جزئیله لرینی ایشتمک و آ کلامغه صرف ایتمکدن امتناع و حق دویقمقدن استکاف ایدر که آیات بیناتک معنایی دوشونمکدن یوز چویروب اصلا میل ایتدکدرینه اشارت ایچون واجب تعالی بو آیتده قلبلری پرده لی و قولاقلری صاغیر اولدیغنی بیان ایتمشدر. زیرا؛ منفعتی فوت اولان نعمت یوق حکمنده در و قلبلرینک معنایی آ کلامقدن خالی اولدیغنی بیاندنصکره قولاقلرینک ایشتمکدن امتناع

ایتدیکنی بیان؛ کافرلرک حماقتده ترقیلرینی بیان ایچوندر. یعنی؛ «قلبلریله معنایی آ کلامق شویله دورسون هر کسک ایشتدیکی الفاظی بیله ایشتمک قولاقلرینی صرف ایتملر» دیمکدر.

واجب تعالی کافرلرک قرآنی ایشتمک ایچون قلبلرینی و قولاقلرینی صرف ایتدکدرینی بیاندنصکره کافرلرک قرآندن فرار ایتدکدری کبی توحیددن دخی فرار ایتدکدرینی بیان ایتک اوزره ﴿وَإِذَا ذُكِّرَتْ رَبَّكَ فِي الْقُرْآنِ وَخَدَهُ وَلَوْ عَلَىٰ آذَانِهِمْ نُفُورًا﴾ بیوریور.

[حجیم! سن، قرآنده یالکیز اولدینی حالده ربک تعالی به ذکر ایتدیکنکده آنلر سندن نفرت ایدر اولدقلری حالده آرقه لرینه دوزلر.]

یعنی؛ قرآنک اللهک ذکرینه و وحدانیتنه متعلق آیتلرینی تلاوت ایدوب مشرکلرک بوتلرینی ذکر ایتکسزین یالکیز الله تعالی بی ذکر ایتدیکنکده کافرلر آرقه لری اوزره نفرت ایدرک دوزلر و توحیدی مشعر اولان آیه اصلا التفات ایتملر. چونکه؛ شرکله مألوف اولدقلرندن وحدانیتی ایشتملر.

فخر رازینک بیانی وجهله مشرکلرک قرآنه قارشی وضعیتلری؛ ایکیم: برنجیسی؛ قرآنک اللهی ذکر اوزره مشتمل اولره آیتلری تلاوت اولوندیغنده معناسی فهم فکرلرینی صرف ایتیب مبهوت اولار و هیرنه قالمیر. ایکنجیسی؛ کلمه نومییری منضم اولره آیتلر اوقوندیغنده کمال نفرت فرار ایتلمیر.

تفسیر طبریده بیان اولوندیغی وجهله قوم نوح حضرت نوحک نصایحی ایشتمه مک ایچون آلرریله قولاقلرینی طیقادقلری کبی قوم رسول الله ده توحیدی و توحیده دلالت ایدن آیتلری ایشتمه مک ایچون حضور رسالتدن فرار ایدرلردی.

واجب تعالی قرآندن فرار ایتدکدرینی بیاندنصکره قرآنی دیکله ینلرک نه کبی غرضه

مبنی دیکله دکدرنی بیان اتمک اوزره ﴿ نَحْنُ اَعْلَمُ بِمَا يَسْتَمِعُونَ بِهِ اِذْ يَسْتَمِعُونَ اِلَيْكَ وَ اِذْ هُمْ نَجْوٰی ﴾ بیوریور .

[حیم ! مشرکر سنک سوزیکی ایشدکدرنده نه کی غرضه وسبیه مبنی ایشدکدرنی بز هر کسدن زیاده بیلیرز ونصل بیلیمه لم . سن سویلرکن آنلر حقکده وکندی آره لرده فیصلتی صاحبایدر .]

یعنی ؛ یا اکرم الرسل ! سن کافرلرک سوزیکی وقرائتیکی دیکله یوب دیکله مدکدرینه التفات اتمه . زیرا ؛ آنلر سوزیکی وتلاوتکی ایشدکدرنده تکذیب واستهزا اتمک غرضه بناء ایشدکدرنی بز هر کسدن زیاده بیلیرز . زیرا ؛ سن سویلرکن آنلر بیلرنده فیصلتی به باشلارلر .

تفسیر خازنده بیان اولوندینی وجهله مشرکر قرآنی برغرض صحیحه مبنی دیکله من ، بلکه استهزا وتکذیب کی برغرض فاسداوزره دیکلرلردی . حتی رسول الله قرآن تلاوت ایدرکن بیلرده فیصلتی یاپارلردی . چونکه ؛ آنلردن بعضیلری حاشا رسول الله « مجنوند » ، بعضیلری « ساحردر » و بعضیلری « کاهندر » دیمکه بربرلرینه کیزلیجه سویلرلردی . بناء علیه ؛ جناب حق بو آیتله رسولنه آنلرک حالنی بیلدیرمکه قرآنی دیکله یوب دیکله مهملرینه التفات اتمه مسنی توصیه ایشددر . چونکه ؛ ظاهرده دیکلر کی کورونسهر بیه باطنده مقصدلری فاسد وعداوتلری کیزلیدر . شوخالده جناب حق بو آیتله رسولنی تسلیه ایشددر . چونکه « آنلرک نه کی سبیه مبنی دیکله دکدرنی بز بیلیرز » دیمک ؛ « علممزک مقتضایی غرض فاسدلرینک و فیصلتیلرینک جزاسنی ویریرز » دیمکدر .

(واذهم نجوی) نجوی مصدر اولدیغنه نظراً (اذهم ذونجوی) یعنی آنلر نجوی

صاحببری دیمکدر . چونکه ؛ مشرکر عین نجوی اولماز ، بلکه نجوی صاحببری اولور . یا فیه فیصلتیلرینک چوقلغندن کنایه اولمق اوزره « آنلر حیم ! سنک حقکده او قدر فیصلتی یاپارلرکه کان عین فیصلتی کسلمشلردر » دیمکدر .

اهل حقه قارشی باطلی ارتکاب ایدنلرک هر زمانده حاللری ؛ کیزی قونوشمق وحق ییقمق ایچون بر طاقم افترالر تصنیع وحق التزام ایدنلری راحتسز ایلک ایچون

شوراده بوراده فیصلتی یایمق وحق اورتیمکدر . لکن هر زمان حق غلبه ایدر و باطلی ارتکاب ایدنلرک حیلهری آیاقلرینه دولاشمقدن خالی قالماز .

واجب تعالی کافرلرک رسول الله حقده کیزی قونوشدقدرنی اجمالاً بیاندنصرکه کیزی سوزلرینک نه دن عبارت اولدیغنی تفصیلاً بیان اتمک اوزره ﴿ اِذْ يَقُولُ الظَّالِمُونَ اِنْ تَتَّبِعُونَ اِلَّا رَجُلًا مَّسْحُورًا ﴾ بیوریور .

[ذکر ایت حیم ! شول زمانی که اوزمانده ظالملر سکا تبعیت ایدن مؤمنلره « سز اتباع ایتمزسکز ، الا سحر اولونمش بر رجله اتباع ایدرسکز » دیرلر .]

﴿ اُنْظُرْ کَیْفَ ضَرَبُوا لَكَ الْاَمْثَالَ فَضَلُّوا ﴾

[نظرایت باق حیم که ظالملر سکا ضروب امثالی نصل بیان ایتدیلر وضروب امثالی بیانه طریق حقندن نصل چیقیدیلر .]

﴿ فَلَا یَسْتَطِیْعُونَ سَبِیْلًا ﴾

[بناء علیه ؛ آنلر طریق حقه سلوکه قادر اولامازلر .]

یعنی ؛ ذکر ایت یا اکرم الرسل ! شول زمانی که اوزمانده سکا وقرآنه ایمان ایتمین ونفسنه وسائر ابناء جنسنه ظلم ایدن معند ظالملر اهل ایمانه « ای مؤمنلر ! سز اتباع اتمه دیکز ، آنحق سحر اولونمش و عقلی مختل اولمش و سوزی بربرینه قاریشمش بر کیمسه یه اتباع ایدیورسکز . بناء علیه ؛ سزک تبعیتکز خطادر » دیمکه سکا تبعیت ایدن اهل ایمانک ذهنلرینی اغفال اتمک ایستلر . نظرایت کور حیم ! سکا ساحر ، شاعر وکاهن دیمک کی نصل ضروب امثالربیان ایتدیلر که سنی بعضاً شاعره و بعضاً کاهنه و بعضاً ساحره تشبیه ایتدیلر وشو اسناد ایتدکدری شیلرک جمله سنده طریق حقندن چیقیدیلر وافترا و بهتانله ضلالتی ارتکاب ایتدیلر . بناء علیه ؛ کندیلرنجه هر کس نظرنده قبول اولونا جق طعنه صالح بریول بولمغه قادر اولامادیلر . زیرا ؛ طعنه وسیله اتخاذ ایتدکدری

شیلر هر کسجه حسن قبول کوره مدیکی کبی عالمه قارشى کولونج برشیلر اولدیغندن نه دییه جکلیرى
شاشدیلر وحیرتده قالدیلر و هر کسه دیکله نه جک برشی بولوب ایچندن چیقامادیلر. چونکه؛
رسول الله حقنده نه سویله سهر کندى قیلیرینک اینا نامدینى بر طاقم هذیاندن عبارتدر .
بو آیتده ضلالتلری ایله مراد؛ رسول الله اسناد ایشکلری شیلرده ضلالت اولدیغنه
اشارت اجمومه ضلالتلرینک ضرور امثالک نتیجه سی اولدیغنه دلالت ایدن فا لفظیله وارد
اولمشد .

فخر رازینک بیاننه نظراً بو آیت؛ قریشدن بعض کیمسه لر حقنده نازل اولمشد .
چونکه؛ رسول الله قریشک اشرافی دعوت ایتسنی حضرت علی به امر ایدر و حضرت علی ده آنلری
دعوت ایدر. رسول الله قرآن او قور و آنلری کلمه توحیده دعوت ایدر و اوراده بولنان اشراف .
رسول الله لایق اولماق شیلری بینلرنده سویله شورلر. جناب حق آنلرک حاللری بو آیتله رسولنه
تصویر ایدر. شو روایتیه نظراً قریش اشرافی یکدیگرینه «آمان تابع اولماک. اگر تابع
اولورسه کز بر رجل مجنونه تابع اولورسکز» دییه رک بر برلرینه وصایاده بولوندیله
و بونلرک بو منوال اوزره فیصیلتلری ظلم اولدیغنه اشارت ایچون واجب تعالی آنلری
ظالم عنوانیه ذکرله ظلملری تصریح ایتمشد . چونکه بیضاوینک بیانی وجهله مقام؛
ضمیر مقامی ایدی . زیرا (اذیقول الظالمون) یرنده (اذیقولون) دنیلسه اولابیلیرکن
ضمیر یرنده اسم ظاهر اولارق (الظالمون) کلمسی سویله دکاری سوزلرک ظلم اولدیغنی
عالمه اعلان ایلک و بو مثللو افترادن هر کسک حذر ایتسی لازم اولدیغنی بیلدیرمکدر .

*
*
*

واجب تعالی کافرلرک الهیاتده و نبویاتده شهلرینی بیاندن صکره امر آخرتده شهلرینی
بیان ایتک اوزره ﴿وَقَالُوا إِذَا كُنَّا عِظَامًا وَرُفَاتًا إِنْ أُنَّا لَمَبْعُوثُونَ خَلْقًا جَدِيدًا﴾
بیوریور .

[کافرلر دیدیلرکه «بزوفات ایدوب چورومش کیمک وتوز اولوب روز کارلر صاووردیغنده
قبریمزدن قالقوب یکی بر مخلوقی اولاجغز؟] کافرلر ایشه بو سوزلریله حشری واحواله
آخرتی انکار ایتدیلر .

(رفاتاً) بر شیتک اوفانوب روزگار کونوره جک قدر اینجه نوز اولمیسرر . کافرلرک
شهلر؛ «انسان وفات ایدنجه اعضالری قورور و جورور طوراعه قاریشیر . بناء علیه؛
وجود انسانده بولنان اجزاء مائه صویه واجزاء تراپیه طوراعه واجزاء ناریه آتسه
واجزاء هواپیه هواپیه قاریشدن صکره بونلرک جمعی وعینیه حیات بولسی ممکن دکادر .
دیرلر . بو شهلرک منشائی؛ قدرت الهیه بی ضعیف ونقصان کورمکدر . چونکه؛
الله تعالی نک علمنک کالنی و قدرت تامنی اعتقاد ایدنلره بونلر ایچون شهلریه محل قالماز .
زیرا؛ الله تعالی جمیع جزئیاتی بیلنجه انسانک اجزاسی هر نه قدر عالمک اجزاسنه قاریشورسه ده
هر جزئی علم الهیه معلوم و ممتاز اولدیغندن بهر ذره سنی واجب تعالی نک جمع ایده جکنده
شهلر یوقدر . والحاصل الله تعالی ممکناتک کافه سنی ایجاده قادر اولونجه انسانک طاغلمش
اجزالی جمیع ایتکه وعقلنی وفکرینی وسائر حسلرینی اعاده یه دخی قادردر . بناء علیه
بو آیت جلیله؛ حشرک، موتانک اجزاء منفرد سنی جمع ایتک صورته اولدیغنه دلالت ایدر .

*
*
*

واجب تعالی احوال آخرت حقنده کافرلرک شهلرینی بیاندن صکره آنلرک شهلرینه
جوابی بیان ایتک اوزره ﴿قُلْ كُونُوا حِجَارَةً أَوْ حَدِيدًا * أَوْ خَلْقًا مِّمَّا يَكْبُرُ
فِي صُدُورِكُمْ﴾ بیوریور .

[حییم؛ حشری انکار ایدن کافرلر سن دی که «سز طاش ویاخود دمیر ویاخود
قلبک زده دها بویوک حیات شانندن اولیان بر مخلوق اولک . بونلردن بریسی اولسه کز
دخی الله تعالی سزه حیات ویرر .]

﴿فَسَيَقُولُونَ مَنْ يُعِيدُنَا﴾

[دمیر، طاش ودها بویوک مخلوق اولدقلرنده دخی حیات بولاجقلری بیان اولونونجه
ینه او کافرلر «بزی کیم اعاده ایده جک وبزی اعاده یه کیمک قدرتی کافی اولابیلیر» دیمکله
قدرت الهیه بی انکار ایدرلر .]

﴿قُلِ الَّذِي فَطَرَكُمْ أَوَّلَ مَرَّةٍ﴾

[حېيم! سن آنلره دى كه « سزى اول خلق ايدن ذات اجل واعلا اعاده ايدر » .]

﴿ فَسَيُغْضُونَ إِلَيْكَ رُؤُسَهُمْ وَيَقُولُونَ مَتَى هُوَ ﴾

[سن آنلره « سزى اول امرده خلق ايدن اعاده ايدنه جك » ديمكه جواب ويرنجيه آنلر سكا قارشى تصديق ايدر كې باشلرينى صاللازلر وديرلر كه « نه زمان او قيامت ونه ده در اوكون ؟ » .]

﴿ قُلْ عَسَى أَنْ يَكُونَ قَرِيباً * يَوْمَ يَدْعُوكُمْ ﴾

[حېيم! « قيامت نه زماندر ؟ » ديه نلره سن دى كه « قيامتك وقوعى يقين مأمولدر شول كونده كه او كونده ربكز سزى محاسبه ايچون دعوت ايدر وسزده قيامتك وارلغى بيلرسكز » .]

﴿ فَاسْتَجِيبُوا بِحَمْدِهِ وَتَظُنُّونَ إِن لَبِثْتُمْ إِلَّا قَلِيلًا ﴾

[ربكز دعوت ايدنجه ربكزك دعوتنه ملابس اولارق سز اجابت ايدر ودنياده آز بر زمان مكث ايتديككزى ظن ايدرسكز .]

يعنى ؛ يا اكرم الرسل! حشرى انكار ايدن كافرلى الزام ايچون سن دى كه

« اى مشركلر! سز حشرى انكار ايتميك . زيرا ؛ انسانلر او چورومش اولان اجزالرينك دنياده حياتلى سبق ايتديكندن آنلرى تكرر احيا ؛ اسكى حياتلرينى اعاده اولديغى جهته بومثللو حشر ، بعيد عد ايديله جك برشى دكلدر . چونكه ؛ اولدن حياتله الفت ايدن اجزائك تكرر حيات بولمسند غراى موجب برشى يوقدر ، بلكه سز اصلا حيات ايله الفت ايتميك طاش ، دمير ويا خود قلككزده بك بويوك اولان سموات وارضدن حيات قبول ايتمى غايت اوزاق اولان بر مخلوق اولك . شو طاش ، دمير ويا باشقه حياتله متصف اولماق بر مخلوق اولسه كز وبونلر حيات بولملى سزك نفسكزده غايت اوزاق اولديغى حالده بونلردن بريى اولديغكزده بيله ينه الله تعالى سزى احيا ايدر . شو حالده طاش ، دمير اولديغكزده احياه قادر اولونجه اولدن حياتله الفت ايتمش اولان اجزالريكزى نه دن احياه قادر اولماسون وبونى نه ايچون اوزاق عد ايدرسكز ؟ » ديمكه سن جواب

ويرنجيه او كافرلر عنساد ايدنه البته ديرلر كه « بزي وفات ايدوب چورومش كيم اولدقنصكره كيم اعاده ايدنه جك وبومثللو احياه كيم قادر اولابيلور ؟ » . بسوزلريله قدرت السهيه ي انكاره جرأت ايدرلر . آنلر بوانكارلرى اوزرينه حېيم! سن دى كه « سزى شول الله تعالى احيا ايدر كه او الله تعالى سزى ابتداء خالكزده خلق ايدن خالكزدر زيرا ؛ بر ماده و مثال سبق ايتكميزين اول امرده سزى ايجاده قادر اولان الله تعالى البته اعاده كزه دخی قادردر » . سن بويله جواب ويرنجيه آنلر استهزا طريقيه باشلرينى صاللازلر وسكا قارشى كوزلريله وقاشلريله ظاهرده تصديق ايدر كې كورونوزلر ، حالبوكه مقصدلرى استهزادر وباشلرينى تحريك ايدنه جك « نه زماندر قيامت ونه وقت اولاجق بواحيا ؛ اول كچن رسوللرده سنك كې بودعواده بولونديلر . حالبوكه آنلر كيدهلى بيكلرجه سنه اولدى ، حالا وقوع بولمادى . يا محمد! ﷺ سنده آنلر كې حشر وقوعى ادعا ايديورسك . بو ؛ بيلنمز وتوكنمز بر دعوادر » ديمكه مدافعه ايدرلر . سن بومدافعه لرينه جوابده دى كه « قيامتك وقوعى يقين اولمى مأمولدر . زيرا ؛ امر رسالت بيتدى و اساس دين تحكيم اولوندى . بناء عليه ؛ چوق زمان كچمز وقوعبولور . شو حالده حشر ك وقوعى كوزنه شك شول كونده كه او كونده ربكز حشر ايدر ومحاسبه كز ايچون سزى دعوت ايدروسزده ربكزك قدرتى اقرار و ثنا ايدر اولديغكز حالده كمال اطاعتله اجابت ايدرسكز ويوم قيامتك شدتى واوزون مدتى كورونجه دنياده دورماديكز ، الا آز بر مدت دورديغكزى ظن ايدرسكز . چونكه ؛ دنيانك مدتى وسزك عمر كز نه قدر اوزون اولسه قيامت كونه نسبتله غايت آزا اولديغندن دنياده بر چوق زمان كچدى قيامت حالا وقوع بولمادى ديديككز حالده قيامته دنيانك مدتى نظر كزده غايت آز اولاجقدر »

تفسير خازنده بيان اولونديغى وجهله كافرله طاش ودمير اولملىله امر ؛ آنلرى تعجيز ايچوندر . كافرلر قلكلرنده بويوك اولان مخلوق له مراد ؛ بر وكوكلر اولق احتمالى اولديغى كې اولوم اولق احتمالى ده واردر . چونكه ؛ انسانلر ك نظرنده اولومدن دها بويوك برشى يوقدر . يعنى « سزك نظر كده بك بويوك اولان اولوم اولسه كز دخی الله تعالى سزى ينه احيا ايدر » ديمكدر .

شو حالده امر حقيقى اوليوب امر تعجيزى اولونجه معنای نظم : [بالفرض والتقدير

سز حیاته الفت ایتمین مخلوقاتدن بریسی اولسه کز دخی الله تعالى سزی احیا ایدر. زیرا؛ قدرتی بونلرک جمله سنی احیایه کافی اولونجه سزی احیایه قادر اولاجنی اولویتله ثابتدر. [یعنی «چورومش کیمیک اولمایکزده کیمیکدن ده سرت طاش ودها قوتلی دمیر ودها بویوک بر مخلوق اولک. زیرا؛ بونلردن بریسی دخی اولسه کز سزی الله تعالى احیا ایدر. چونکه؛ سزک اجزا کزک حیاتی قابلدنر والله تعالى ده احیایه قادردر» دیمک اولور. کافرلرک انکاری؛ ایکی شیئ مخصوصدر: برنجیسی؛ مورد سزک حیات قابلیتی نظار، ایکنجیسی؛ جناب سزک امیایه قدرتی نظاردر. بونک هر ایکی سنه ده جواب ویرلشددر.

بو آیتده حمدله مراد؛ امر السهریر. بوکا نظراً معنای نظم: [الله تعالى سزی دعوت ایدر، سزده امر السهی به اجابت ایدرسکز] دیمکدر. یاخود حمدله مراد؛ الله تعالى بی معرفت وطاعت و قدرتی ثاردر. بوکا نظراً معنای نظم: [ربکزک سزی حساب ایچون دعوت ایتدیکی کونده الهی بیلیر و امرینه اطاعتله قدرتی ثنا ایدر اولدیغکز حالده دعوتنه اجابت ایدرسکز] دیمکدر. الله تعالى نک کلامنده (عی) کله سی واجب معناسنه اولدیغندن «قیامت البته یقین» دیمکدر.

واجب تعالى کافرلرک آخرتی انکارلرینه ویریله جک جوابی بیاندنصکره کافرلری ارشاد ایچون سویله جک سوزلرک غایت ملایم اولسنی توصیه ایتک اوزره ﴿وَقُلْ لِعِبَادِي يَقُولُوا الَّتِي هِيَ أَحْسَنُ﴾ بیوریور.

[حبییم! مؤمن قوللریمه سن دی که «آنلر کافرلری ارشاد ایچون سویلشدکارنده غایت کوزل و طاتلی سویله ونلر».]

﴿إِنَّ الشَّيْطَانَ يَنْزِعُ بَيْنَهُمْ﴾

[زیرا؛ شیطان بینلرینی فتنه ایله تحریک و آره لرینه شر قویار.]

﴿إِنَّ الشَّيْطَانَ كَانَ لِلْإِنْسَانِ عَدُوًّا مُّبِينًا﴾

[چونکه شیطان؛ انسانه عداوتی میدانده بردشمن اولدی.]

یعنی؛ یا اکرم الرسل! سن وعظ ونصیحت صورتیه مؤمن قوللریمه دی که آنلر اصحاب ضلالی ارشاد ایچون سوز سویله مک و آنلرله مداوله افکار ایتک اوزره سوزه باشلا دقلرنده کافرلرک قبلرینی یوموشانه جق و رققلرینی جلب ایده جک سوز سویلسونلر و حسن قبول کوره جک کوزل سوزلری انتخاب ایدرک طریق حقه دعوت ایلسونلر که سوزلرینک تأثیری اولسون و آغیر و قبلرینی آجیده جق سوز سویلسونلر. قلبی رنجیده ایده جک سوزک تأثیری اولمادیکی کبی آره لرنده فتنه یده بادی اولور. زیرا شیطان؛ بینلرینی افسادله فتنه یه دوشورور. حتی فتنه یی منازعه یه و منازعه یی مقاتله یه قدر ایلروله تیر. و آره ده خصومتلر میدانه کلنجه نصیحتدن غرض فوت اولدیگی کبی بر جوق ضرر لر میدانه کلیر. چونکه شیطان؛ عداوتی آجیق بردشمندر و عداوتی ظاهر اولدیگی کبی فتنه سی ده دائمدر که هر زمان فرصته منتظردر. بناءً علیه؛ آله کچن فرصتی فوت ایتمز. شو حالده خلقی ارشاد ایچون نصیحت ایده جک کیمسه اوزرینه واجب اولان ناسی حقه دعوتده غایت طاتلی سویله یوب سرت سویله مه مکدر. چونکه؛ سوزده خشونت و غلظت دائماً خصمک عنادینه و تمردینه سبب اولدیگی هر زمان کورولن احوال دندر. ایشه بواساسه بناءً جناب حق قوللرینه کوزل سوزلرله سویلشمیلرینی امر ایتشددر.

تفسیر طبریده بیان اولوندینی وجهله (ینزع بینهم) (یفسد بینهم) معناسنده. یعنی «سوز سویله یینلر کوزل سویلسونلر. زیرا؛ فنا سویلرلرسه شیطان بینلرینی افساد و اوسوز سیبیله شری تحریک ایدر» دیمکدر.

واجب تعالى نصیحت و ارشاد ایچون سوز سویله جک کوزل سویلرلی لازم اولدیغنی بیاندنصکره سوزینی کوزل و چیرکین سویله یینلری بیلدیکنی بیانله هر کسک سویلدیکی سوزه دقت ایتسی لازم اولدیغنی توصیه ایتک اوزره ﴿رَبُّكُمْ أَغْلَمُ بِكُمْ﴾ بیوریور.

[سزک ربکز سزک حالکزی و سویلدیگکز سوزیکزی هر کسدن زیاده بیلیر.]

﴿ اِنْ يَشَأْ يُزْجِرْكُمْ اَوْ اِنْ يَشَأْ يُعْذِبْكُمْ ﴾

[اگر ديلرسه ربكز سزه مرحت ايدر واکر ديلرسه ربكز سزه عذاب ايدر .]

﴿ وَمَا اَرْسَلْنَاكَ عَلَيْهِمْ وَكِيلًا ﴾

[يا اکرم الرسل ! بز سنی آنلر اوزرينه وکیل کوندرمدک .]

﴿ وَرَبُّكَ اَعْلَمُ بِمَنْ فِي السَّمَوَاتِ وَالْاَرْضِ ﴾

[حبيم ! ربك تعالى یرده وکولکرده اولان جمله مخلوقاتي بيلير .]

یعنی ؛ ای وعظ ونصیحت ایتک صد دنده بولنان کیمسه لر! وعظک زده اهالی به « سز اهل ناردن سکز » و « هر بلایي کوره جکسکز » و « سز کوتو آدم لرسکز » کبی شدت و غاظتلی سویله مه یك ، بلکه وعظک زده کوزل کله لر سویله یك واکوزل کله لر شونلردر: « ای ناس! سزی برچوق نعمتلرله تربیه ایدن ربکز حالکزی وسوزیکزی ، وعبادت ویا قباحتکزی سزدن دها زیاده بیلیر . اکر الله تعالی ایسترسه سزی عبادته موفق قیلار و مرحت ايدر . بناء علیه اراده کزی ایمانه وطاعته صرف ايدر نجات بولورسکز و یاخود ایسترسه سزی کفر وسائر معصیت اوزره اولدورر ابدی نارجهنده قالیرسکز . شو حالده الله عبودیتک وظیفه سنی یرینه کتیر مکدن باشقه چاره کز یوقدر . بناء علیه ؛ اراده کزی خیره صرفه توفیق الهی به مظهر اولمکزی دوشونه رک خیراته سعی ایدک که ثمره سنی کوره سکز ، دیمکله خلقک رقتی جلب ایده جک نصایحه بولونک . حالبوکه حبیم ! بز سنی آنلر اوزرينه وکیل کوندرمدک ، بلکه بز سنی عبادته ترغیب و معصیتدن تنفیر ایچون کوندردک . شو حالده سنک وظیفه ک آنلره احکام شرعی بی تبلیغ ایتکدر . بزم حال وشانم زده آنلرک اراده لرینی صرفه کوره خیره موفق قیلیمق و یاخود شره آلت ایدوب رسوای ایتکدر . بناء علیه ؛ آنلره تبلیغ خصوصنده ملایم سویله و آنلردن واقع اولان یولسلر لقلره تحمل ایت . زیرا ؛ ربک تعالی نک علمی سزه منحصر دکلدر ، بلکه سموات وارضده بولنان جمله مخلوقاتي و هر برینک احوالی ولایق اولدقلری مرتبه لری بیلیر و علمنک مقتضای هر کسک استحقاقی ویرر .

نیسابوری وقاضینک بیانلرینه نظراً مشرک لک اصحاب کرامه اذاده یك ایلری کیتملری و اصحابک ده رسول الله شکایتلری اوزرينه بو آیتک نازل اولدینی مرویدر . یاخود مشرکلردن بریسنک حضرت عمره سوکوب حضرت عمرک آنی تأدیه قیام ایتسی اوزرينه بوکی یولسلرلی عفو ومداراته امر ایتک اوزره بو آیتک نازل اولدینی مرویدر . شور وایته نظراً آیت ؛ هر حالده یولسلرلی ایدنلره مدارات ایتک لازم اولدیغه دلالت ايدر .

واجب تعالی جمله نک احوالی بیلدیکنی بیاندنصکره انبیادن بعضی سنی بعض آخر اوزرينه تفضیل ایتدیکنی بیان ایتک اوزره ﴿ وَلَقَدْ فَضَّلْنَا بَعْضَ النَّبِیْنَ عَلٰی بَعْضٍ وَاتَيْنَا دَاوُدَ زَبُورًا ﴾ بیوریور .

[ذات الوهیتمه یمین ایدرم که بز انبیادن بعضیلرینی بعضیلری اوزرينه تفضیل ایتدک و انبیادن داوده زبور اسمنده کتابی ویردک .]

یعنی ؛ الله تعالی هر شیئی و هر کسک حالی بیلدیکندن ناسدن بعضیلرینی نبوته و بعضیلرینی ولایته اختیار و انبیادن بعضیلرینی ده دیکر لرلی اوزرينه تفضیل ايدر و ای مشرکار ! سز محمد علیه السلامه « ابوبالک یتیمدر » دیه رک نبوتی مناسب کور میورسکز . حالبوکه نبوته اهل اولانی و اولیانی الله تعالی بیلیر وسنت سنیه و خصلت حمیده جهشتدن فضیلتی زیاده اولانلری دیکر لرندن ممتاز قیلار . بناء علیه ؛ ابراهیم علیه السلامی خلت و کمال حلم و وقارله و موسی علیه السلامی تکلم و عصا وید بیضا وسائر معجزاته و عیسی علیه السلامی انواع معجزات و کراماته و سلیمان علیه السلامی ملک وسلطنتله و بزم رسولنزی ده انواع معجزات و شق قر و معراج کبی انبیاء سابقه ویرلین برچوق خارق العاده لرله ممتاز قیلمشدر . چونکه ؛ هر کسک استحقاقی ولایقنی بیلیر واستحقاقه کوره ویرر . ایشه بوقیلدن اولارق حضرت داوده زبورله ممتاز قیلنمشدر .

تفسیر خازنده بیان اولوندیغه نظراً زبور ؛ یوز الی سورة اوزره مشتملدر . بوتون آیتلری دعاء ثنا ، تهلیل و تحمیددن عبارتدر . حل و حرمت و عبادته دائر احکامی

متضمن دکلدر . بناءً علیه ؛ توراتک احکامیه عمل ایدرلردی و داود علیه السلام ده توراتک احکامیه حکم ایدر و زبوری یالکز اوراد اولارق تلاوت ایدردی . زبورده باشقه احکام اولمادیفی حالدہ رسول اللہک خاتم الانبیاء و امتنک ده امتلرک خیرلیسی اولاجنی ذکر اولوندیغندن جناب حق بوآیتده حضرت داودہ زبوری و یردیکنی تصریح ایتمشدر . یا فؤاد بوآیت یهودیلری رد ایچون نازل اولمشدر . چونکه ؛ یهودیلر توراتدن صکره کتاب نازل اولیه جغنی و حضرت موساندن صکره نبی بعث اولونیه جغنی ادعا ایتلری اوزرینه توراتدن صکره زبورک نازل اولدیغنی و موسی علیه السلام دن صکره حضرت داودک بعث اولوندیغنی بیانله آنلری رد ایچون بوآیت نازل اولمشدر .

فخر رازی و بیضاوینک بیانلری وجهله انبیانک تفضیلی فضائل نفسانیه و علائق جسمانیه دن علاقہ فی قطع ایتک صورتیه اولوب اموال و اتباعک چوقلغیه اولمادیغنه اشارت ایله داود علیه السلامک سلطنتی و ملکی ذکر اولونماشدر و آنجق فضیلت ؛ علمله و خصال حمیده ایله اولدیغندن حضرت داودک کتابی ذکر اولونمشدر .

واجب تعالی انیادن بعضیلرینی تفضیل ایتدیکنی بیاندن صکره مشرکلی الزام و اسکات ایچون ﴿ قُلْ اِذْعُوا الَّذِیْنَ زَعَمْتُمْ مِنْ دُوْنِہٖ ﴾ بیوریور .

[حییم ! مشرکله دی که « چاغیرک شول کیمسه لری که سز آنلری اللہک غیری معبود اولدقلرینی اعتقاد ایدیور دیکیز . چاغیرک آنلری سزه کلن بلا و مصیبتی سزدن دفع ایتسونلر . »]

﴿ فَلَا یَمْلِکُوْنَ کَشْفَ الضَّرِّ عَنْکُمْ وَلَا تُخَوِّیْلَکُمْ ﴾

[سز هر نه قدر بر فائده امید ایدرک آنلره عبادت ایتسه کزده آنلر سزدن هیچ بر ضرری قالدیرمغه مالک اولمادقلری کی سزدن آلوب باشقه سنه تبدیله ده مالک دکلردر .] و سزی مصیبتدن قورتارمق شویله طورسون کندی نفسلرندن بیلہ ضرری دفع ایدہ مزلر . شو حالدہ سز آنلره نه قدر یالوارسه کز و نه قدر عبادت ایتسه کز فائده سی اولمادیفی کی بر چوق ضررینی ده کوره جککیز شبهه سزدر .

فخر رازی و نیسابورینک بیانلرینه نظر آ ناسک بعضیسی ملکلی و بعضیسی عیسی

علیه السلامی و بعضیسی عزیر علیه السلامی معبود اتخاذ ایتدکلرندن آنلرک مذهب لرینک [بطلائی و بونلردن هیچ بریسی ناس اوزرینه نازل اولان قحط و غلاء فقر و فاقه ، امراض ، وبا و سائرہ کی آفتلردن هیچ بریسی اوزرلرندن قالدیرمغه و باشقه طرفه تحویلہ قادر اولامادقلرینی بیانله بو کی باطل اعتقادده بولونانلری انتباهه دعوت ایچون بو آیتک نازل اولدیفی مرویدر .

واجب تعالی مشرک لک معبود اعتقاد ایتدکلری شیلرک حال لرینی بیانله ارشاد ایتک اوزره ﴿ اُولَئِکَ الَّذِیْنَ یَدْعُوْنَ یَسْتَعُوْنَ اِلٰی رَبِّہُمْ الْوَسِیْلَةَ اَیُّہُمْ اَقْرَبُ وَ یَرْجُوْنَ رَحْمَتَہٗ وَ یَخَافُوْنَ عَذَابَہٗ ﴾ بیوریور .

[ایشته شو کافر لک معبود اتخاذ ایتدکلری و بعض آرزو لرینک حصولی ایچون دعا ایلدکلری ذاتلر رب لرینه وسیله آرارلر . زیرا ؛ او معبود طانیدقلری ملکک و بعض انبیا شدت احتیاج لرینه بناء رب لرینه اعمال صالحه و اخلاق مرضیه ایله تقربه وسیله آرارلر و هانکیسی دها یقیندر و دها یقین اولان تقربه وسیله آرایجه بر آرز اوزاق اولانلرک وسیله آراملری اولویتله ثابت اولور و او معبود طانیدقلری ذوات اللہک رحمتی رجا و امید ایدر و عذابندن قورقارلر .]

﴿ اِنَّ عَذَابَ رَبِّکَ کَانَ مُحْذَرًا ﴾

[زیرا ؛ حییم ! ربک تعالی نک عذابی قورقولمغه لایق اولدی .] چونکه عذاب ؛ محذوری یعنی قورقولودر . بناءً علیه ؛ کافر لک معبود اتخاذ ایتدکلری ملکک و عیسی و عزیر علیهما السلام رب لرینک عذابندن قورقار و رحمتی رجا ایدرلر که هر جمله سی عاجز اللہک قوللری و احتیاج ایچنده درلر . شو حالدہ بو ذوات اللہه عبادتله مشغول اولونجه کافر لک توحیدی اعتقادله عبادت ایتلری دها اولادر .

ابوالسعود افندیکن بیانی وجهله کافر لک الوهیتہ شریک اعتقاد ایدہ رک عبادت ایتدکلری ذواتک الوهیتله مناسبتلری اولمادیغنه و الوهیت مرتبه سندن غایت اوزاق اولدقلرینه اشارت ایچون بعد مراتبه موضوع اولان (اولک) لفظی وارد اولمشدر .

خلاصه ؛ کافرلرک معبود اتخاذا ایتدکری ذوات اللهک قوللری اولوب آنلرده سائر قوللرکی الله عبادتله تقرب ایتمک آرزوسنده بولندقلری واللهمک رحمتی امید وعذابندن اندیشه ایتدکری وکندیلمی عابد اولوب معبود اولمغه صلاحیتلری اولسادینی واللهمک عذاب قورقولمغه شایان اولوب محذوری وبناء علیه ؛ هرکسک عبادتی الله حصر ایتسی واجب اولدینی بو آیتدن مستفاد اولان فوائد جملا سندندر .

واجب تعالی عذابنک قورقولمغه شایان اولدینی بیاندنصکره بالفعل عذاب ایتدیکنی ودنیا نک عاقبتی بیان ایتمک اوزره ﴿ وَإِنْ مِنْ قَرْيَةٍ إِلَّا نَحْنُ مُهْلِكُوهَا قَبْلَ يَوْمِ الْعِیمَةِ أَوْ مُعَذِّبُوهَا عَذَابًا شَدِيدًا ﴾ بیوریور .

[هیچ برقریه اولمادی ، الا اوقریهی قیامتدن اول طاعون ، زلزله و خسوف کی بر آفته بز آنی اهلاک ایدرز ویاخود نهب و غارات ، قتل و اسارت و سائر بلایا و مصائب کی شدتلی عذابله بز اوقریهی تعذیب ایدرز .]

﴿ كَانَ ذَلِكَ فِي الْكِتَابِ مَسْطُورًا ﴾

[زیرا ؛ قیامت کونندن اول قریهلرک اهلاک ویاخود انواع مصیبتله تعذیب اولونماسی لوح محفوظده یازلدی .] بناء علیه ؛ یازلدینی وجهله واقع اولور اصلا خلاف اولماز . چونکه ؛ هرقریه نک کندی عصیانی وطریق حقندن چیقمله ضلالی وفسق و فجوری ارتکاب ایتدکجه موعود اولان زمانده اهلاکی محققدر . فخررازی ونیسابورینک بیانلری وجهله صلحانک موتله وظالملرکده عذابله اهلاک اولوناجنی مرویدر . بو آیت جلیله ؛ قیامتدن اول قریهلرک عاقبتی یا اهلاک ویاخود عذاب اولدیفنه دلالت ایدر .

مدارکده بیان اولوندینی وجهله (امام مقاتل) ک (ضحاک) دن روایتله نظراً آیتده قریه ایله مراد ؛ بالعموم قریهدر . زیرا قریه ؛ سیاق نفیده واقع اولدینی ایچون عمومه شاملدر . بناء علیه ؛ (مکه) نک حبش الیله ، (مدینه) نک آجقله ، (بصره) نک صویه غرق اولقله ، (ترمذ) طاعونله و سائر بلادک هر برلری برر بلایله اهلاک اولاجنی مرویدر .

واجب تعالی مشرک لرک مذهب لری نک بطلاتی وعصیان سبیلله قریهلرک اهلاکنی بیاندنصکره نبوته متعلق بعض مسائل بیان ایتمک اوزره ﴿ وَمَا مَنَعَنَا أَنْ نُرْسِلَ بِالْآيَاتِ إِلَّا أَنْ كَذَّبَ بِهَا الْأَوَّلُونَ ﴾ بیوریور .

[کافرلرک هر ایسته دکری آیتلرله رسول کوندرمه مزدن بزى هیچ برشی منع ایتدی ، الا ام ماضیه نک آیتلری تکذیب ایتلری منع ایتدی .]

یعنی ؛ حییم ! قریش قومنک سندن ایسته دکری معجزه لری ارسال ایتمکدن بزى هیچ برشی منع ایتدی . زیرا ؛ هر ایسته دکری نکی خلق ایتمکه قادرز ، آنحق اول کچن امتلرک ایسته دکری آیتلر کندیلمی کلهجه تکذیب ایتلری مانع اولمشدر . چونکه ؛ نرم عادت قدیمه مز برملت رسولندن ایسته دیکی معجزه ویریلورده ایمان ایتلرله درحال آنلری اهلاک ایتمکدر . بناء علیه ؛ قریشک سندن ایسته دکری آیتلری ویردی کمزده ایمان ایتمه نجه درحال اهلاک ایدرز . حالبوکه امت محمدیه نک عذاب قهرله هپسنگ بردن هلاک اولونمیه جقلرینه دأثر حکم الهی سبق ایتشدر . بناء علیه ؛ قریشک ایسته دکری معجزه لرک ویرلدیکی حقلرنده نعمتدر . چونکه ؛ عذاب لری نک تأخیرینه سیدر .

تفسیر خازنده بیان اولوندیفنه نظراً قریشک (جبل صفا) نک آلتون اولسنی رسول اللهدن معجزه اولارق ایسته ملری اوزرینه بو آیتک نازل اولدینی مرویدر .

اشبو سبب نزوله نظراً معنای آیت : [قریشک ایسته دکری آیتلری خلق ایتم . زیرا ؛ خلق ایتدیکمزده ایمان ایتمه جکلری جهتله درحال اهلاک ایدرز . چونکه ؛ ایسته دکری معجزه ویرلکدنصکره ایمان ایتمه یلری اهلاک ایتمک عادتدر . حالبوکه قریشی عذاب قهرله دفعة جملة سنی اهلاک ایتمه مک حکم مز سبق ایتدی که بونلردن بعضیلری مؤمن اولاجق و بعضیلرینک نسلندن مؤمن طوغاجق . بناء علیه ؛ بز آنلرک ایسته دکری ویرمدک که درحال اهلاک اولوب منقرض اولماسونلر .

واجب تعالی ایسته دکری آیت ویرلدیکی حالده ایمان ایتدکری جهتله نمود قومنی اهلاک ایتدیکنی بیان ایتمک اوزره ﴿ وَآتَيْنَا نَمُودَ النَّاقَةِ مُبْصِرَةً فَظَلَمُوا بِهَا ﴾ بیوریور .

[بز نمود قومنه کوزلری کوردیکی حالده ایسته دکلری دوهی ویردک آنلرده دوهیه ظلم ایتدیلر.]

﴿ وَمَا نُزِّلُ بِالْآيَاتِ إِلَّا تَخَوُّفًا ﴾

[حالبوکه بز آیتلری کوندرمز، آنجق قورقوتیق ایچون کوندریرز.] بناء علیه؛ قورقیانلری اهلاک ایدرز.

یعنی؛ کچمش ملتلك حاللرنده شك وعصیانلری سببيله هلاکرنده تردد ایدرزه کز نمود قومنی ذکر ایدک. زیرا؛ آنلر صالح علیه السلامک معجزات سائرهنه قناعت ایتیه رک طاشدن بر دوهنک حقیقه سنی ایسته دیلر. بز عظیم الشان آنلرک کوزلری کوردیکی حالده ایسته دکلری وجهله طاشدن بر دوه چیقاردق، کندیلرینه کوستردک وصالح علیه السلامک لسانی اوزره دوهی محافظه ورعایت ایتله رینی امر ایتدک. آنلر معجزه دی کوروب ایمان ایتدکلری کبی دوهنک محافظه منه دائر امر مزیده دیکله مدیلر. بناء علیه؛ دوهی اتلافله ظلم ایتدیلر. حالبوکه بز قومه ایسته دکلری معجزه یی کوندرمه یز، الا او قومی ایمان ایتدکلری صورتله عذابک کلمی وبلانک وقوع بولمسیله قورقوتیق ایچون کوندریرز. ایشته نمود قومنه ایسته دکلری معجزه یی ویردیکمز حالده ایمان ایتدکلری کبی معجزه اولان دوهیه تجاوز ایدوب نفسلرینه ظلم ایتدکلری جهته درحال اهلاک ایتدک. شو حالده حییم! اکر قریشک سنک معجزات سائرکه قناعت ایتدکسزین ایسته دکلری معجزه یی ویرسهک و (صفا) طاغی آلتونه قلب ایتسهک ایمان ایتدکلری صورتده درحال اهلاک ایده جکمز محققدر ولکن آنلرک عذاب قهرله بردن جمله سنک هلاک اولملری بو دنیاده مقدر اولمادیغندن ایسته دکلری آیتلری ویرمیه جکمز.

بیضاوینک بیانی وجهله معجزه؛ ایکی قسمدر: برنجیسی؛ الله تعالی نک رسولنه نبوتنی اثبات ایموره ویرمه اولمادیغنی معجزه در. بو قسم معجزه یه ایمان ایتمه مک درحال عذابی موجب اولماز. ایکنجیسی؛ انک ایتدیکمی معجزه در. امت، رسولک کوسترشم اولدینی معجزه یه قناعت ایتیه رک کندی آرزولری وجهله بر معجزه کتیرسه ایمان ایده جکلرینی وعد ایده رک ایسته دکلری معجزه در. ایشته ایسته دکلری معجزه ویریلورده

ایمان ایتزلرسه درحال اهلاک ایتک عادت الیه در وصالح علیه السلامک دوهیسی ایکنجی قسم معجزه دندر. بناء علیه؛ عدم ایمانلری درحال هلاکلرینی موجب اولمادر. نيسابوریده بیان اولوندینی وجهله واجب تعالی، بر قومک ایسته دیکی معجزه ویریلورده ایمان ایتدکلری صورتده اهلاک ایتک عادت قدیمه الیه سندن اولدیغنی نمود قومنی اهلاک ایتدیکنی بیانله اثبات ایتشد. زیرا؛ نمود قومنک قریه لری عربله جوار اولدیغندن شام جهته کیدوب کلرکن دائما کوردکلری جهته انکاری قابل اولمایان بر حقیقتدر.

واجب تعالی رسولنه ایسته دکلری معجزه نک غیری ویرمش اولدینی معجزه لره ایمان ایتدکلرینی بیانله ایسته دکلری معجزه ویرمش اولسه ایمان ایتیه جکلرینی اثبات ایتک اوزره ﴿وَإِذْ قُلْنَا لَكَ إِنَّ رَبَّكَ أَحَاطَ بِالنَّاسِ﴾ بیوریور.

[ذکر ایت حییم! شول زمانی که اوزمانده بزسکا دیدک که «ربک تعالی جمیع ناسی احاطه ایتدی.»] بناء علیه؛ جمله ناس قبضه قدرتنده اولدینی جهته مشیت الیه دن هیچ بریسی چیقاماز وهربری نه ایشله سه لر قدرالهی وجه اوزره ایشلر و قدرک خارجی برشیی ایشله یه مز. شو حالده سن تبلیغاتکه دوام ایت، هیچ بر کیمسه دن پروا ایتمه. زیرا؛ ربک تعالی سنی حفظ ایدر وشرلرینی سندن دفع ایدر. چونکه؛ جمله سی اللهم قدرتی آلتنده مقهور اولدقلرندن آنلرک کثرت و سلطنتلرندن اصلا اندیشه ایتمه مک لازمدر. حاقبت سن آنلره غلبه واستیلا ایده جکسک.

بیضاوی و نيسابورینک بیانلری وجهله بو آیت؛ بدر وقعه سنده وقوع بولاجق غلبه وظفری تبشیر ایتدیکمی جهته رسول اللهی تسلیه در. کرچه بدر وقعه سی آیتک نزولندن صکره ایه ده بدر وقعه سنده جناب حق قریشی احاطه سی محقق اولاجغه بناء (احاط) کله سی ماضی صیغه سیله وارد اولمادر.

واجب تعالی معجزه دن بعض آخری بیان ایتک اوزره ﴿وَمَا جَعَلْنَا الرُّؤْيَا الَّتِي أَرَيْنَاكَ إِلَّا فِتْنَةً لِلنَّاسِ وَالشَّجَرَةَ الْمَلْعُونَةَ فِي الْقُرْآنِ﴾ بیوریور.

[بزم سکا کو سترمش اولدیغمز رؤیای قیلماق، الا او رؤیای وهر کسک لسانده قرآنده لعنت اولنان آغاجی بز ناسه فتنه و امتحان قیلدق.] زیرا؛ ایمان ایدنلرله ایتمه ینلر بر بردن ایرلسون.

﴿وَنُخَوِّفُهُمْ فَمَا يَزِيدُهُمْ إِلَّا طُغْيَانًا كَبِيرًا﴾

[و بز ایمان ایتمه ینلری انواع تخویفاتله قورقوتورز و بزم قورقوتما من آنلره زیاده ایتمز، آنجق طغیانلرینی و حدلرینی تجاوزله ظلم و عدوانلرینی زیاده ایدر.]

بیضاوی، خازن و مدار کده بیان اولوندیغی وجهله بو آیتده ذکر اولونان رؤیاده اختلاف واردر. مفسریندن بعضیلری رؤیا ایله مراد؛ رسول الله **برده غلبه ایدمه بکنه دأر کوردیکی رؤیاده** دیدیلر. چونکه؛ رسول الله بدرده مشرکله غلبه ایدمه جکنی حتی مشرکله لاشه لرینک دوشه جکی محللری رؤیاده کوروب صباحنده بدر دنیلن قویونک یاننه کلدیکنده یارمغیله اشارت ایدمه رک «شو فلانک و شوراسی قریشدن دیگر فلانک قتل اولونوب یانه جنی محلد» دییه رک کوستردیکنی ایشیدن قریشیلر استهزا ایتدکلرندن آنلر حقلرنده بو رؤیا فتنه اولمشدر. چونکه؛ ایمان ایتمکلری کبی استهزاده ایتدیلر و وقوعات، رسول الله تصدیق ایدنجه اهل ایمان مستریخ اولدیلر. مشرکله تکذیبیلری و شرکده عناد و اصرارلری سببیه طغیانلری تزايد ایتدی. حتی خبر و یریلن شیلر عینیه ظهور ایدنجه «سحر در و کهاندر» دیملکه شرکله ینه بو کبی افترا لده انضمام ایتدی. نفاق و شقاقلری ده زیاده آرتدی. بعضیلری ده بو رؤیا ایله مراد؛ رسول الله **معراجمه کوردیکی عجب باندر** دیدیلر. چونکه؛ رسول الله معراجنی و کوردیکی غرابی خبر و یرنجه کافرلر رسول الله طعنه بونی وسیله اتخا ایدمه رک تکذیبیلرینی تزیید ایتدیلر و طغیانلرینی آرتدیردیلر و اهل ایمانی اغفاله چالیشدیلر. مؤمنلر ایسه تصدیق ایتدیلر. بناء علیه؛ معراج مسئله سی ناسه بر امتحان معامله سی و فتنه اولدی. تصدیق ایدنلر ایمانلرنده ثبات ایتدی و تکذیب ایدنلرده طغیانلرینی زیاده لشدیردیلر. یا خود رؤیا ایله مراد؛ **همیمه منسی رسول الله مکببی فتح ایدمه رک کیره بکنه دأر کوردیکی رؤیاده**. چونکه؛ رسول الله حدییه ده مصالحه عقد ایدلایکی سنه مکبه کیره جکنه دأر بر رؤیا کورمش و احبابنه ده سوله مشدی. حدییه

مصالحه سیله مکبه کیرمیوب عودت ایدنجه ناس آره سنده قیل و قالی موجب اولدیغندن حقلرنده بو رؤیا فتنه اولدی و سنه آتییه ده جناب حق رؤیاسنک اثرینی اظهارله رسولی تصدیق ایتمش و سورة فتحده «لقد صدق الله رسوله الرؤيا» آیتیه تصدیقنی بیان اولمشدر. ایشته رؤیا ایله مرادک هانکیسی اولسه ناسدن بر قسمی تصدیق دیگرکی تکذیب ایتدیکندن رؤیانک هراوچی ده ناس حقلنده امتحان اولمشدر.

فخر رازی، خازن و قاضینک بیانلری وجهله بو آیتده شجره ملعونه ایله مراد؛ **زقوم آغابیر**. چونکه؛ رسول الله جهنمه زقوم اسمنده بر آغاج اولاجغنی قرآنده بیان ایدنجه ابو جهل و آنک امثالی مشرکله کولدیله و دیدیلر که «محمد **صلی الله علیه و آله** جهنمک آتشی طاشلری یاقاجغنی بیان ایدرکن جهنمه آغاج اولدیغنی بیان ایدیور. حالبوکه آتسک شانی طاشدن اول آغاجی یاققدر. بناء علیه؛ جهنم آتشی طاشی یاقوب آغاجی یاقیه جق دیمک کولمکه شایان بر سوزدر». ایشته بو سوزلری اوزرینه زقوم آغاجی حقلرنده فتنه اولدی.

جهنمه جهنمه کوره زقوم و سائر کبی آغاجک بولونمسی عقلا عننده اوزاق برشی دکلد. زیرا؛ ذی روح حیوانک آتشدن تعیش ایتمسی ده غریب اولدیغنی حالده (سمندر) دینیلن حیوانک آتشدن تعیش ایتدیکنی معلومدر. حالبوکه بزله نسبتله احوال آخرت متشابهات قیلندن امر تعبدی اولدیغنی جهته اصدق مقال اولان فخر کائناتک خبرینه اینانمق لازمدر. چونکه؛ بودنیاده احوال آخرته مطلع اولمق امکانی اولمادیغندن صاحب شریعتک خبر و یردیکنه ایمان ایتمکدن باشقه چاره یوقدر.

جهنمه اولان زقوم آغاجی رحمت الهیه دن اوزاق اولدیغنی ایچون جناب حق زقوم آغاجنک ملعونه اولدیغنی و زقوم آغاجنی کافرلر شدته انکار ایلدکلرندن طغیانلرینی زیاده ایتدیکنی بیان ایتمشدر.

واجب تعالی رسولنک مشرکله طرفندن تکذیبیه اذا اولوندیغنی بیاندن صکره جمله انیسانک بومثللو اذایه مبتلا اولدقلرینی و حتی اول انبیا اولان آدم علیه السلامک ابلیس ایله مبتلا اولدیغنی بیان ایتمک اوزره ﴿وَإِذْ قُلْنَا لِلْمَلٰٓئِكَةِ اسْجُدُوا لِآدَمَ فَسَجَدُوا إِلَّا إِبْلِيسَ﴾ سیوریور.

[ذکر ایت حبیب ! شول زمانی که او زمانده بز ملکره « آدمه سجده ایدک » دیدک. بزم بو امرمن اوزرینه ملکر سجده ایتدیلر، آنجق ابلیس سجده ایتدی.]

﴿ قَالَ ءَاسْجُدْ لِمَنْ خَلَقْتَ طِينًا ﴾

[ابلیس امرمه مخالفت و اعتراض ایدره که « قوقش چاموردن خلق ایتدیکه کیمسه بن سجده ایدیم می ؟ » بو کی خسیس چاموردن خلق اولونان ذاته بن سجده ایتکلکم مفضولی افضل اوزرینه ترجیح اولدیغندن آکا سجده ایتک شرفه مانع دگیدر؟ بو امر، عزیزی ذلیل و ذلیلی عزیز قیلمقه امر اولدیغندن عقلک خلاقی برامردر « دیمکه واهی اعتراضه قالشدی و بونکله ده اکتفا ایتدی و سوزینه شونی ده علاوه ایتدی .

﴿ قَالَ أَرَأَيْتَ هَذَا الَّذِي كَرَّمْتَ عَلَيَّ ﴾

[« خبر ویر بکا یاربی ! شو بنم اوزریمه تکریم و تعظیم ایتدیکه ذاتی که بکا نسبتله آنک کرامتی ندر و آکا تعظیم ایتدیکمدن طولای بنی درکا هکدن طرد ایتک طوغرومی در ؟ » دیدی .]

﴿ لَنْ آخِرَ تَنِي إِلَى يَوْمِ الْقِيَمَةِ لَأُحْتَنِكَ ذُرِّيَّتَهُ إِلَّا قَلِيلًا ﴾

[ذات الوهیتکه یمن ایدرم که اگر بنی آنک ذری ایچنده یوم قیامته قدر تأخیر وابقا ایدرسه کالبته بن آنک ذریتنی اضلال و اغوا ایدرم، الا آنردن آز کیمسه لری اغوا ایدرم « دیمکه بنی آدمه قیامته قدر عداوت ایدر جکنه یمن ایتدی .] ایشته ابلیسک بو یمنی قرآنده جناب حق دفعاتله بیان بیورمقه امت محمدک ابلیسک شردن حذر اوزره بولونملری لازم اولدیغنی توصیه ایتشدرد . چونکه ؛ مهم اولان برشیثک اهمیتته بناء دفعاتله توصیه ایتک عادت اولدیغندن جناب حق ابلیسک مخالفتی و بنی آدمه خصومتته دائر یابدیغنی یمنلری متعدد سورهلرده بیان ایتشدرد که انسانلر بصیرت اوزرینه اولسونلر (لاحتکن) تفسیر طبریده و قاضیده بیان اولوندیغنی وجهله (لاستأصلهم بالاغواء)

معناسنهدر . یعنی « آنلری اغوا ایله اهلاک ایدرم » دیمکدر . یاخود (لاستولین علیهم) [یعنی « آنلره غلبه ایدر هر دیدیکمی یاپدیریم » دیمکدر . یاخود (لاستیمانهم) یعنی « آنلری

شره میل ایتدیریم » دیمکدر . یاخود (لاصلهم) یعنی « بن آنلری اضلال ایدرم » دیمکدر . کرچه شو تفسیرلرده الفاظ مختلف ایسه ده معناده بربرینه یقیندر . خلاصه سی « بن آنلری افساد ایدر صلاح اوزره بولوندورمام » دیمکدر .

ابلیس بنی آدمه غلبه ایدر جکنی و آنلری اغفاله موفق اولاجغنی ملکرک سوزلردن آکلامشدر . یاخود آدمک شهوت و غضب و وهم اوزره خلق اولونمندن آکلامشدر . چونکه ؛ بوصفتلر کندیسند بولونان ذاتک قولای اغفال اولوناجغنی فراستله آکلادیغنی قاضینک جمله بیاناتنددر .

خلاصه ؛ واجب تعالی نک حضرت آدمه تعظیم صورتیله ملکره سجده ایتملیه امر ایتدیکی و ابلیسک « چاموردن یاپیلیمش بر ذاته بن سجده ایدرم می ؟ » دیهرک اعتراض ایلدیکی « و بنم اوزریمه ترجیح ایتدیکه کیمسه نک کرامتی ندر؟ بکا خبر ویر » دیدیکی و بنی یوم قیامته قدر تأخیر ایدرسه آنک ذریتنی اغوا ایدر جکنه یمن و آنجق متشرع آز کیمسه لری اغوا ایدرمیه جکنی بیان ایتدیکی بو ایتدن مستفاد اولان فوائد جمله سندندر .

واجب تعالی شیطانک سجده دن نکولی اوزرینه درکا هندن طرد ایتدیکی بیان ایتک اوزره ﴿ قَالَ اذْهَبْ فَمَنْ تَبِعَكَ مِنْهُمْ فَإِنَّ جَهَنَّمَ جَزَاؤُكُمْ جَزَاءً مَوْفُورًا ﴾ بیوریور .

[ابلیس سجده دن امتناع ایدنجه الله تعالی دیدی که « یا ابلیس ! سن عزت حضورمدن کیت . سنک و بنی آدمدن سکا تابع اولان کیمسه لک جزا کز مکمل اولارق جهنمدر .]

یعنی ؛ شیطان بر طاقم اعتراض درمیان ایدره که سجده دن امتناع ایدوب بنی آدمی اضلال ایدر جکنه یمن ایدنجه غضب طریقله ابلیسه جناب حق « یا ملعون ! عز حضورمدن کیت . بیلدیکک ألكده ، ایسته دیکی ایشله . سن حضورمزدن طرد اولونونجه بنی آدمدن سکا تابع اولانلرده حضورمزدن طرد اولونمش و صلحا زمره سندن چیقمشلردر . زیرا جهنم ؛ سزک جزا کزدر که اوجزا سزه کافی و وافیدر و مکملدر و نقصان دکدر . چونکه ؛ مؤبد اولارق اوراده قالا جقسکز » دیمکه ابلیسی درکا هندن طرد ایتدی .

واجب تعالی ابلیسک سجده دن امتناعنه سپی ؛ کبری ، غروری و حسدی اولدیغنی بیانله خلاصه البیان : طقوزنجی جلد - ۶

کافر لک رسول الله ایمان ایتدکرینک سبی کبرلیله برابر ابلیسک اغواسی اولدیغی اشارت ایتشدیر .

واجب تعالی ابلیسی طردایتدیکنی بیاندنصکره ابلیسه واقع اولان خطابنی بیان ایتک اوزره
﴿ وَاسْتَفْزِزْ مَنْ اسْتَطَاعَتْ مِنْهُمْ بِصَوْتِكَ وَأَجْلِبْ عَلَيْهِمْ بِخَبْرِكَ وَرَجِلِكَ وَشَارِكُهُمْ فِي الْأَمْوَالِ وَالْأَوْلَادِ ﴾ بیوریور .

[ای ابلیس! بنی آدمدن اغفالنه قادراولدیغک کیمسه لری صدک ایلله ودعوتکله دورمه ازعاج ایت وسن بنیدلی ویایا عسکرلرکله آنلر اوزرینه صیحه ایلله وسن آنلره ماللرنده واولادلرنده اشتراک ایت .]

﴿ وَعِدْهُمْ وَمَا يَعِدُهُمُ الشَّيْطَانُ إِلَّا غُرُورًا ﴾
[وسن آنلره برطاقم یالانلره وعد ایت . حالبوکه شیطان آنلره وعد ایتمز، الا بر طاقم باطل اولان شیرلی تزیناندن عبارت اولان غرورله وعد ایدر .]

﴿ إِنَّ عِبَادِي لَيْسَ لَكَ عَلَيْهِمْ سُلْطَانٌ ﴾
[سنک ایچون بنم قوللرم اوزرینه قهر وغلبله وسلطنت اولمادی .]

﴿ وَكَفَى بِرَبِّكَ وَكِيلًا ﴾
[حالبوکه ربک تعالی آنلرک ایشلرینه وکیل یونندن کافی اولدی .]

یعنی؛ ای ابلیس! الی یوم القیام سکا مهلت ویردم . کیت ایسته دیکک محله بنی آدمدن اغواسنه مقتدر اولدیغک کیمسه لری او یونلر وتغیلر وسائر سکا متعلق چالغیلر وصدالره آنلری جاده توحید واستقامتدن چیقارمغه دعوتکله سعی ایت ووسوسه ایلله ذهنلرینی بوزمق ایچون دورمه عجله ایت وآنلری ازعاجله معصیت جهته علی طریق العجله تحریک ایت وآنلری برطاقم توهماتله قورقوت و معصیت جهته اورکوت که ایمانده قوی وضعیف اولانلر تمیز ایتسون وسکا تابع اولان واولمایان خلق نظرنده بیلنسون واکر

مجرد دعوت ایتک وقورقوتمقله بنی آدمک ایمانلرنده ثبات ایتسنه بناء آنلری ایماندن فرار ایتدیره مزسه ک عسکرندن بنیدلی ویایا اولانلرک هپسنی باشکله طویلا وبالجمله حیل ووسائسکله حایقیر وآنلری اغفاله چالیش ویمکن اولان اسبابه توسلده قصور ایتمه وآنلری سرقتدن ویول کسمکدن وربادن وسائر حرام جهتلردن قازاندیرمغه وقازاندقلمنی حرامه صرف ایتدیرمکله ماللرنده، وزنایه دعوت ایتک وادیان باطله یه سوقله چوجقلرنده سن آنلره شریک اول. آنلره فرائض، واجبات وسنن وادیان ترک ایتکده باس یوق ونظر شرعه ایشله نلسی لازم اولان شیرلی خفیف کوسترمکله برطاقم کناهلرده ضرر یوق دیمکله وعد ایت - زیرا؛ شیطانک وعدی اولماز، الا باطلی تزین ایتک صورتیه اولاجقندن - بومثللو غروری وعدله یولدن چیقارمغه سعی ایت ولکن سعیکله غلبه ایتکده لازم کلمز. چونکه؛ بزم قوللریمز اوزرینه سنک ایچون قهر وغلبله واستیلا ایتک یوقدر . زیرا؛ ارباب ایقاندن اولانلر سکا اصلا تبعیت ایتملر وربک تعالی یه متوکل اولوب تفویض امور ایدنلره ربک تعالی وکیل یونندن کافی اولدی . بناء علیه؛ مقرر ایمانده تقرر ایدن مؤمنلره سنک نفوذک اصلا تاثیر ایتمز، دیمکله واجب تعالی شیطانی طردینه بوجهلری ده علاوه ایتشدیر .

تفسیرخازنده بیان اولوندینی وجهله شیطانک انس وجندن عسکرلری واردر . زیرا؛ کناهه سعی ایدن آتلی ویایا ابلیسک آرزوسنه موافقت ایدن شیرلر هپ آنک عسکرلریدر . اموالده اشتراک ایلله مراد؛ هر ایدر قازانیلوب هر ایدر صرف اولونانه اموالده اشتراک ایدر .

شیطانک اشتراک ایتدیکی اولادله مراد؛ زناده واسباب هرمنده بر سببه حاصل اولانه وادیانه باطله کیمسه ترعیب ایتدکلی اولاد وهرمنه یقین اولدیغنده بسمه سن حاصل اولانه اولاددر . شیطانک وعدی ایلله مراد؛ کناهه ضرر وعبادته منفعت موق دیمکدر . چونکه؛ شیطان بر کیمسه یی یولدن چیقارمغه باشلا دیغنده «اولا آخرت یوق شو حالده عبادته چالیشمقده بر فائده اولمادیغی کبی کناهده یوق» دیمکله آلداتیر وبونکله اغفال ایده مزسه شهوات نفسانی سی جهتلدن آلداتیر وبونکله ده اغفاله موفق اولامازسه بعض عباداتی ترکله آلداتیر . والحاصل باشقه ایشی اولمادیغندن دائما انسانلری آلداتمغه فرصت آرار وهر فرصتدن استفادینی فوت ایتمز، چالیشیر . بناء علیه؛ واجب تعالی

شیطانك وعدينی بیان نکره وعدي قبول ایتمکن قوللرینی تنفیر ایچون شیطانك وعدي آنجق غرور اولدیغی بیان ایتشد. چونکه شیطان ؛ انسانی قضاء شهوته و ریاسته و دنیاوی آخرت اوزرینه ترجیحه و سائره کی کافق لذتندن دها زیاده سریع الزوال اولان شیرلی وعد ایتدیکندن وعدي غرور دن باشقه برشی اولمادیغی بیان اولومشدر .

شیطانك تسلط ایده میه جکی عباد له مراد ؛ انبیا ، اولیا و صلحاء ائمه . زیرا ؛ شیطان بوزمره لره تأثیر نفوذ ایده من . چونکه ؛ آنلر دائماً عبودیت نقطه سنده عبادتله اشتغال ایده رک شریعتیه حرکتلرینی توفیق ایتدکلرندن آنلره وسوسه سنی دوپوره ماز . بناء علیه ؛ الله تعالی بومثللو عابدلری آنك شردن محافظه ایدر .

تفسیر خازنده ذکر اولوندیغی وجهله شیطان طرد اولوندیغنده برطاقم سؤال صورار و دیرکه « یارب رسوللر کوندر دک و کتابلر انزال ایتدک . بنی آدم کتابلرینی قرائت ایدرلر . بن نه قرائت ایده حکم ؟ » . شیطانك بو سؤاللری اوزرینه جناب حق « سنك قرائتک شر قیلدر » بیورر . و « بنم یازیملم نه در ؟ » دییه سؤال ایدر . « آلره و قوللره ایکنه ایله یازمق در » جوابی ویریلور . و « بنم ایلچیلرم کیملر در ؟ » دینجه « فاجیلر در » دینور و « بنم طعام نه در ؟ » سؤاله « بسمله سز طعاملر در » و « و بنم شرابم نه در ؟ » سؤاله « سر خوشلق ورن هرشیدر » و « بنم اویم زه سیدر ؟ » سؤاله « حاملر در » و « بنم اذانم نه در ؟ » سؤاله ده « ساز و دود و کدر » جوابی ویریلور . ایسته شیطانك شو سؤاللرینه واجب تعالی نك بوموال اوزره جواب ویردیکی مرویدر .

واجب تعالی نك بو آیتده شیطان امرلری ؛ امر حقیقی دکلدر ، بلکه امرلر شیطان امر قهری و تهدیدیدر . یعنی شیطان بنی آدمی اغفال ایچون مساعدده ایستر و اغفاله چالیشه جفته بین ایدنجه واجب تعالی علی طریق القهر و التهید « هایدی ! بیلدیکیکی ایشله ، صکره باشنه کله جکنی دوشون و ایسته دیکیکی یاپ و لکن هر برندن مسئول سک » دیمکدر ، یوقسه فی الحقیقه امر دکلدر .

(واستفز) استفزاز ؛ قورقمق و قورقور ایدر بر طرفه جالفا نوب قالمق . شو حالده (واستفز) امری « سن آنلردن مقتدر اولدیغک کیسه لری قورقوت و معصیت جهته اور کوت » معنانه ایسه بوراده « سن مقتدر اولدیغک قدر ذلیل قیل و کنه

ایشلتمک استعجال و تکرار بتکرار اصرار ایتمکله ازعاج ایت ، دیمکدر . شیطانك صوتی ایله مراد ؛ لهویات و تفهیلر در و یا خود معصیه دعوت در .

(وأجل) صبر ایتمک معنانه در . (بخیلک) ده خیل ؛ آتی (ورجلک) ده کی رجل ؛ بابا عسکرلر در . یعنی « سن آتی و یا یا عسکرلر که آنلر اوزرینه صیحه ایله هجوم ایت ، ایسته دیگک قدر اغفاله چالیش » دیمکدر .

واجب تعالی شیطانك احوالی بیان نکره توحیدك دلیللرینی بیان ایتمک اوزره ﴿ رَبُّكُمُ الَّذِي يُرْجِي لَكُمْ الْفَلَکَ فِي الْبَحْرِ لِيَبْتَغُوا مِنْ فَضْلِهِ إِنَّهُ كَانَ بِكُمْ رَحِيماً ﴾ بیوریور .

[سزك ربكز شول ذات اجل واعلادر که اللهك فضلندن رزقکزی طلب ایتمک ایچون دریاده کیملری ایسته دیگکز محله سوره و کزذیرر . زیرا ؛ ربکز سزه مرحمت ایدر .] یعنی ؛ الله تعالی خالص قوللرینك وکیلدر . زیرا ؛ ربکز شول ذات کندی فضل و کرمدن انواع تجارتله معیشتکزی طلب و مملکتکزده اولیان رزقلری آلوب کتیره رک انتفاع ایتمکز و تحصیل علم و حج و مجاهده خصوصلرنده قولایلقله کیتمکز ایچون دریاده کیملری سزك منافعهکز اوغرنده کزذیرر و سزك واسطه کزله ایسته دیگکز یره سوره که رزقکز توسع ایتسون و معاملاتکزده زحمت چکمیسه سکز . زیرا ؛ ربکز رحیمدر ، سزه مرحمت ایدر و بالخاصه اخلاصله جانب معنویسنه توجه ایتدیگکزده سزذن احسانی اسیر که من و کیملر اسطه سیله سیر و سفریکزی تسهیل ایدر و بر چوق منافعهکزی سزه میسر قیلار . بناء علیه ؛ صاتیلاجق اشیاء کزی باشقه بلده لره کوتورور و او بلده لردن کندی بلده کزده اولیان نعمتلری آلیر کتیرر و بو وسیله ایله وسعت رزقه نائل اولور سکز . ایسته بو قدر نعمتلری سزه احسان ایدن ربکزك امری خلافتیه شیطانه اتباع ایتمک حاقندن باشقه برشی دکلدر . زیرا ؛ بو قدر نعمتلرینه مستغرق اولدیغی ربسنی بر اقوبده شردن باشقه ائدن برشی کله بن شیطانك سوزینه آدائق حاقندن باشقه نه اولابیلر ؟

﴿ وَإِذَا مَسَّكُمُ الضُّرُّ فِي الْبَحْرِ ضَلَّ مَنْ تَدْعُونَ إِلَّا إِيَّاهُ ﴾

[سزك كميكنز قيرلق ويا مخالف روزكار اسمكه درياده سزه بر ضرر اصابت ايتديكنده
اللهك غيري چاغيرديغكنز ويا لوا رد يغكنز پوتلريكنز وسائر اتباع واعوانكنز ويارديم
ايسته ديكنز شيلرك جمله سي سزك او هام و خيالته كنز دن غائب اولور ، آنجق الله تعالى به
التجا ايدر سكنز .] چونكه ؛ الله تعالى هر وقت حاضر و ناظر در . بناء عليه ؛ او شدتلي
وقت كزده همان واجب تعالى دن استمداد ايدر سكنز . زيرا ؛ عقل كزده و نظر كزده التجا
ايده جك باشقه كيمسه قالماز كه آ كا التجا ايده سكنز . مضايقه زمانده ماسواي ترك ايدوب
فطرت اصليه رجوعه ربسه التجا اتمك انسانده عادتدر . ايسته او زمانده شيطانده
غائب اولور . چونكه ؛ خيري سومديكي كي وسوسه سنه آلدانان كيمسه لري او مضايقه دن
قورتار مقوده آلدن كلز .

﴿ فَلَمَّا نَجَّيْكُمْ إِلَى الْبَرِّ أَعْرَضْتُمْ وَكَانَ الْإِنْسَانُ كَفُورًا ﴾

[وقتا كه واجب تعالى دعا كزي مستجاب قلوب سزي او طارلقدن قورتاره رق
قره به چيقارنجه در حال اخلاصه ايماندن و عبادتن اعراض ايدر و كفران نعمت ايدر سكنز .
زيرا انسان ؛ شدتله كفران نعمت ايدر اولدي .] چونكه ؛ انسانلر فرصته اسير اولدقارندن
طارلقدن قورتولونجه فطرتي ايجابي طار زمانده التجا ايتديكي ربسني اونو تمق و طغيان
اتمك عادتلايدر . ايسته طار زمانده ربسه يالوار مق اي بر شي اولديني حالده بوللغه
ايريشنجه ربسني اونو توب كفران نعمت اتمك كچير كين بر حال اولديغندن جناب حق
بومثللو كيمسه لري بو آيتده ذم ايتمشدر .

انسانلرك ربسه قارشى حاللري بويله اولديني كي يكديكرينه قارشى حاللري ده بويله در .
زيرا ؛ طارالديني زمانده التجا ايتديكي كيمسه بي بوللغه ايريشنجه اونو تمق و كفران نعمت
اتمك عادتدر . فقط نه قدر فنا بر جالدر كه انسانك ولي نعمتي اونو تمق ك فنا بر شي اولديني
جهتله اكثر يا جزاسني ده كورور ولكن ينه متنبه اولماز .

واجب تعالى ايسته بو كي كفران نعمت ايدنلري تهديد اتمك اوزره ﴿ أَقَامْتُمْ أَنْ

يُخْسِفَ بِكُمْ جَانِبَ الْبَرِّ أَوْ يُرْسِلَ عَلَيْكُمْ حَاصِبًا ثُمَّ لَا تَجِدُوا لَكُمْ وَكِيلًا ﴾

بيوريور .

[سز دريادن قورتولما كزه دائر الله شكر دن اعراض ايدرده قره به چيقديغكنزده
او چيقمش اولديغكنز قره جانبني سزكه برابر يره باتيرميه جغه امينمي اولديكنز ؛ يا خود
سزك اوزريكنزه شدتلي روزكار كوندروب طاشلري و چاقيللري اوزريكنزه صاووروب
هلاك ايتيه جكنه امين ميسكنز ؛ وبومثللو سبيلرله سزه هلاك كلكد كنصكره سز كنديكنزه
برحافظ ويا اعتماد ايده جك بر وكيل بولاماز سكنز .]

يعني ؛ دريادن قورتولديغكنزده قره جانبنه سزكه برابر يره باتيرمسندن امينمي
اولديكنز كه قره به چيقتنجه اطاعتدن اعراض و كفران نعمت ايدر سكنز ؛ و يا خود شدتلي
روزكار واسطه سيله كو كدن اوزريكنزه طاش ياغديروب اهلاك ايتمسندن امينمي اولديكنز كه
غرق اولقدن خلاص اولونجه الله اوني تور سكنز ؛ الله تعالى سزي بو سبيلردن بريسيه
اهلاك ايتد كدن صوكره سز كنديكنز ايجون بريارديمجي وهلا كدن قورتاره جق بروكيل
بولاماز سكنز . بو جهتلرني هيچ مي دوشونمز سكنز . زيرا ؛ اللهك غيري معبودلريكنز
و كنديكنزه بريارديمجي بيلديكنز كيمسه لر درياده سزه معاونت ايده ميوب غائب اولدقارلي
كي قره ده دخي مصيبت زماني غائب اولماز لرمي ؛ شو حالده درياده و قره ده انسانلر ايجون
دبلرندن باشقه التجا ايده جك بر كيمسه وارميدر ؛ البته بو قدر . بناء عليه ؛ درياده غرق
اتمكه قادر اولان الله تعالى قره ده دخي قارون كي طوپراغك آلتنه باتيرمغه قادر اولديغنده
شبهه مي ايدسيور سكنز كه اللهك عبادتدن اعراضله كفران نعمته جسارت ايدر سكنز ؟

(جانب البر) مامل بحر ديمكدر كه كيمره قورتولوب قره به هيقنجه زمانه فوت اتمك مزبه
كفرانه نعمت اتمك جسارت ايتد لري اشارت ايجوه (جانب البر) وارد اولمشدر .

خلاصه ؛ انسانلرك درياده و قره ده بر آفته هلا كدن امين اولما دقارلي جهتله هرايكيسنده ده
الله التجاي ترك اتمك لازم اولديني بو آيتدن مستفاد اولان فوائد جمله سنددر .

﴿ أَمْ أَمِنتُمْ أَنْ يُعِيدَ كُمْ فِيهِ تَارَةً أُخْرَى فَيُرْسِلَ عَلَيْكُمْ قَاصِفًا مِنَ الرِّيحِ فَيُغْرِقَكُم بِمَا كَفَرْتُمْ ثُمَّ لَا تَجِدُوا لَكُمْ عَلَيْنَاهُ تَبِعًا ﴾

[یاخود امین میسکزی الله تعالی نك ایکنجی مرده سزی دریایه اعاده ایدوبده اوزریکزه طاشی طوپراغی یرندن قالدیروب صاووره جق روزکاری کوندروبده کفران نعمتکزی سبیلہ غرق ایتسندن؟ و صکره سز کندیکزی ایچون بزم غرق سبیلہ اوزریمزه بردهواجی وحقکزی بزدن اینسته جک و سزه یاردم ایدہ جک برکیمہ بولامازسکزی که او کیمسه بزه تابع اولسونده سزک حقکزی بزدن آلسون .]

یعنی ؛ سز دریادن بردهعه قورتولونجه نه ایچون ایماندن اعراض ایدہ رک کفران نعمت ایدرسکزی ، یوقسه اللهک سزی بر کره دخی بعض اسباب خلق ایدہ رک دریایه اعاده ایدوبده اوزریکزه شدتلی روزکار کوندروب کفرکزی سبیلہ غرق ایتیه جکسه نه دن امین اولدیکزی ونه دن امین اولیورسکزی ؟ تکرار بویله برحاک وقوع بویله جغه دلیلکزی نه در ؟ و بزم سزی بوموال اوزره اهلا کدنصکره سزک ایچون بزم اوزریمزه تابع اولوب حقکزی آرایه جق بولامازسکزی .

(تیعاً) یاردمجی و برهم طلب ایتک ایچونه بورجهونک آرقنه دوشوب آلاجهفی ایستیه کیمسه در . شوخالده « سز بزم اوزریمزه تیبع بوله مازسکزی » دیمک ؛ « بزم سزی اهلاک ایتد کدنصکره سزه یاردم ایدہ جک وحقکزی بزدن آرایه جق برکیمسه بولامازسکزی . چونکه ؛ بزه قارشی برحق طلب دعواسنه قیام ایدہ جک هیچ برکیمسه اولاماز . زیرا ؛ بزم فعلمزدن مسئول دکاز » دیمکدر . بناء علیه ؛ هیچ برکیمسه بولوندینی حالک ایلکه ویاخود کوتولکه تحول ایتیه جکندن امین اولمالی و دائماً الله التجادن خالی قالمیلدر .

واجب تعالی اسباب تجارتی توسیع و انسانلرک راحتنی تأمین ایچون دریاده کیملری یوروتک کی بعض نعمتلرینی بیاندنصکره نعمت اخرای بیان ایتک اوزره ﴿ وَلَقَدْ كَرَّمْنَا بَنِي آدَمَ وَحَمَلْنَاهُمْ فِي الْبَرِّ وَالْبَحْرِ ﴾ بیوریور .

[ذات الوهیمه یمین ایدرم که محقق بزمی آدمی مکرم قیلدق وآنلری قرمه آتله ووده لرله وسائر بنید حیوانلری ودریاده کیملرله ایسته دکلری یرله کوتوردک .]

﴿ وَرَزَقْنَاهُمْ مِنَ الطَّيِّبَاتِ ﴾

[طعاملرک غایت کوزلرله آنلری مرزوق ایتدک .]

﴿ وَفَضَّلْنَاهُمْ عَلَى كَثِيرٍ مِّمَّنْ خَلَقْنَا تَفْضِيلاً ﴾

[وآنلری مخلوقاتمکزک چوقلری اوزرینه کرکی کی تفضیل ایتدک .]

یعنی ؛ ذاته قسم ایدرم که بزم محقق بنی آدمی کوزل واعتدال قامت و عقل و نطق و یازی یازمق و فهم و ادراک کی انواع کراماتله مکرم قیلدق وآنلره احسان ایتدیکمز کراماتی تقویه اولمق اوزره آنلری قرمه دوه ، آت و مرکب کی بینمکه آلت اولان حیوانلرله ودریاده کیملرله ایسته دکلری محملره کتوردک که اکراممکزک اثری خارجه کورولسون و نعمتمز تمام اولسون . بناء علیه ؛ حیوانلری و کیملری آنلره اطاعتی قیلدق که مصلحتلرنده استعمال ایله منفعت کورسونلر . بنی آدمی کسب یدلری اولان رزقک غایت کوزلرله مرزوق قیلدق . زیرا ؛ طعامک پیشمشنی و میوه نك ایرمشنی و مشروباتک غایت طاتیلسنی آنلره رزق اولارق ویردک که وجودلری راحت ایتسون و بوکوزل رزقلرک قازانسنه آنلر ایچون سبیلر حاضرلادق و منفعت کوره جکلری رزقلری مباح قیلدقه اسباب معیشتلرینی تسهیل ایتدک وآنلری خلق ایتدیکمز ذی روح و عقل صاحبی اولان و عقل صاحبی اولمایدن چوق کیمسه لر و جمادات اوزرینه تفضیل ایتدک که برطاقم مزایای عالیه و کرامات عدیده ایله خلافت الهیه و نیابت سبحانیه اهل اولسونر و قدرتلری و حسن تدبیر و اراده لری ایله عالی وقت مرهونه قدر اعمار ایتسونلر . ایسته عالمی اعمار اهلیتلری اعتباریله مخلوقات سائرده دن افضل اولملردر .

فخر رازی و قاضینک بیانلری وجهله انسانک مخلوقات سائر اوزرینه تفضیلنه سبب ؛ صورتنک کوزل و مزاجنک معتدل و بوننک اوزون و عقلی اولسی و سوزیله مقصدنی آکلاتمی و یازی یازمی و اسباب معیشتک و آخرتک یوللرینی بولسی و یر یوزنده اولان حیوانات سائر اوزرینه مسلط و صنایع غریبه بی ایجاده مقتدر و فکر و اراده صاحبی اولسی ودها نیجه مزایای عالییه مالک و تکالیف الهیه ایله مکلف اولمسیدر . لکن یونلردن فضیلتک باشلیجه سبی ؛ قوه عقیه و مدرکه صاحبی اولمسیدر . چونکه انسان ؛ روحله بدنن مرکبدر . انسانک روحی قوه مدرکه سبیلله جمیع ارواحدن افضلدر و بدن

انسان ده حسن خط و نطق و اعتدال قامت سببیه سائر ابدان افضلدر . اما انسان ده غذاء نما ، تولید ، تولد و حرکه بالاختر کی صفتلر وار ایسهده بونلرده حیوانات سائرده مشترک اولدینی جهته بونلر حیوانات سائردهن افضل اولسنی ایجاب ایتدیکندن مزایای عالیهن معدود دکلدر .

انسانه مسخر اولان مخلوقات ایچندن طوپراقله انتفاعی عمومیدر . زیر اطوپراق ؛ انسانی تربیه ایدر آناسی منزلده اولدیغندن یا تمسی ، اوتورمسی ، ییه جکی و کییه جکی و هر درلواستراحتی ارضله حاصلدر . آتله انتفاع معلوم اولدینی کی هواده ماده حیاتیه سندن معدوددر و صویکده منفعتی عمومیدر . چونکه ؛ ایچمکده و ییمک پیشیرمکده و تنظیفات خصوصنده صوانسانک مابه الحیاتی اولدینی کی زراعت و فلاح و دریاده کیلرک جریاننده دخی منفعتی معلومدر . انسان ، اجسام عالمندن معدنیات و حیواناتله دخی انتفاع ایتدیکی جهته بوتون دنیا انسان ایچون معمور برقریه و حاضر دوشه نمش برخانه منزلده و انسان ده دنیا ایچنده برخانه رئیس و امرینه امتثال اولونور بر پادشاه مثابه سندهدر . زیرا ؛ یر یوزنده بالعموم مخلوقات انسان حاکم و مخلوقات ده منافعه خادم و محکوم اولمقله انسان مکرم قیلمش و مخلوقات سائر طرف آهیدن کندیسنه احسان اولونمش کرامت و فضیلتدر . چونکه ؛ مخلوقات ؛ درت قسمر :

برنجیسی ؛ بالکز قوه عاقله مالکمه ، ملکر کی . ایکنجیسی ؛ بالکز قوه شهوانیه مالکمه ، بهایم کی . اوچنجیسی ؛ قوه عاقله و شهوانیه هیچ برسنه مالک دکلدر ، جادات کی .

دردنجیسی ؛ هم قوه عاقله و هم ده قوه شهوانیه مالکمه ، انسان کی . شوحالده انسان ایکی قوته مالک اولدیغندن اقسام سائردهن افضل اولمشدر . چونکه ؛ الله تعالی به مخلوقات ایچنده انساندن دها زیاده تقرب ایدن اولمادیغندن البته انسان افضلدر . زیرا ؛ انسانک قلبی معرفت الهیه ولسانی ذکر الهی و اعضاء سائرده سی طاعت الهیه ایله مشغوله اولدیغندن جناب حقه قربنده انسان جمله مخلوقاتدن اشرف و افضلدر . و انسان عقل و نطق کی جناب حقک مخلوقات سائرده خلق ایتدیکی بعض مزایا جهتندن مکرم و کسب ایش اولدینی عقائد حقه و اخلاق حمیده جهتندن مفضل اولدیغندن تکریم ایله تفضیل بیتنه فرق واردر . بناء علیه ؛ آیتده تکرار یوقدر . چونکه تکریم ؛ خلقت مهتر

و تفضیل ؛ اضمحور و کسب مهتره مصروفدر . کرچه ملکرده معرفت و عبادت الهیه ایله مشغوللر ایسهده ملکرده قوه شهوانیه اولمایوب انسان قوه شهوانیه ایله برابر عبادتله مشغول اولدیغندن رسل بشر ملکدن و عوام بشر عوام ملکدن افضلدر .

انسانک سعی ایله حاصل اولان مزایای ایچندن کتابت ؛ افضل اولسنک اسباب مهمه سندندر . چونکه ؛ انسانک استنباط ایده جکی مسائل غایت آز اولور و لکن استنباط ایتدیکی مسائلی قلمله برکتبه یازمقله تثبیت ایدر . ایکنجی بر انسان او مسئله یی تحقیقندن صکره کندی مطالعه سنی ضم و علاوه و کتابتله تقریر ایدر و بومنوال اوزره بطناً بعد بطن هرکن مطالعه سنی ضم و علاوه ایتمکه علوم و معارف و صنایع غریبه و هنرلر تکثر و تکمیل ایدر و شوتکمل ، کتابت سایه سنده اولدیغندن کتابت انسانده بر فضیلتدر . بناء علیه ؛ (اقرأ) سوردهنده جناب حق قلمک اسباب تعلیمندن اولدیغنی بیانه قلمک مزیتی اعلان ایتمشدر .

خلاصه ؛ انسانک جمله مخلوقاتدن مکرم اولسنی ایجاب ایدر بر طاقم مزایای عالییه مالک اولدینی و قردهده حیوانلر و دریاده و ابورلرله انسانک ایسته دیکی یرلره جناب حقک کونوردیکی و انواع طیبانه مرزوق قیلدینی و اکثر مخلوقات اوزرینه علم و عرفان و نطق و ادراک و کتابت و تجارتله تفضیل اولوندینی بوآیتدن مستفاد اولان فوائد جمله سندندر .

واجب تعالی دنیاده انسانک مکرم اولدینی بیاندن صکره آخرنده احوالی بیان ایتمک اوزره

﴿يَوْمَ نَدْعُوا كُلَّ اُنَاسٍ بِاِمَامِهِمْ﴾ بیوریور .

[ذکر ایت حییم ؛ شول کونی که او کونده بزناستک کلیسی اقتدا ایتدکری اماملرله دعوت ایدر و عرصه محشره جمع ایدرز .]

﴿فَمَنْ اُوْتِيَ كِتَابَهُ بِيَمِينِهِ فَاولئك يقرؤن کتَابَهُمْ وَلَا يَظْلَمُونَ قَتِيلًا﴾

[بز محشره آنلری دعوت ایدنجه شول بر کیسه که آنک کتابی صاغ طرفندن ویرلدی . ایسته آنلر کندی کتابلرینی او قورلر و چکردک اوزرنده اولان اوفاجق سیاه ایلیک مقداری بیله ظلم اولونمازلر .]

﴿ وَمَنْ كَانَ فِي هَذِهِ أَعْمَى فَهُوَ فِي الْآخِرَةِ أَعْمَى وَأَضَلُّ سَبِيلًا ﴾

[و بر کیمسه دار دنیاده حق کورمن کوزلری حق کورمک نقطه سندن اعمی اولورسه او کیمسه آخرتده نعمت الهیه بی کورمک جهتندن ده اعمی اولور و طوغرو بولی کورمکدن زیاده اوزا قدر .]

یعنی ؛ ذکر ایت حییم شول کونی که : او کونده بز ناسک کلیسنی دنیاده اقتدا ایتدکلی نیلری ومذهب صاحبی اماملیله عرصه محشره دعوت ایدر و آنلره عمللرندن صورارز . بزم دعوتیزه اجابت ایدنجه هرکسک عمل دفترلرندن عمارت اولان کتابلری کندیلرینه ویریلیر . بر کیمسه که آنک کتابی صاغ طرفندن ویریلیرسه کتابنک صاغ طرفندن ویرلسی اعمالنک خیر واحوالنک سعادت اولاجقنه دلیل اولدیغندن آنلر کتابلری کمال نشه ایله اوقورلر و آزیحق بر شیه بیه ظلم اولونمازلر و اما شول کیمسه که دنیاده حق کورمکدن کوزلری اعمی کبی قاپار ، حق کورمن . ایشه او کیمسه آخرتده اعمی کبی نعمتلری کورمکدن محروم و دنیاده کی ضلالتدن آخرتده کی ضلالی دها زیاده اولور . زیرا ؛ آخرتده اعماله استعداد قالمادیغی کبی آلتده اولماز و کندیسنه مهلتده ویرلر . چونکه ؛ کتابنک صول طرفندن ویرلسی اعمالنک شرواحوالنک شقاوت اولدیغنه دلیل اولدیغی جهته مایوس اولور و خجالت هر طرفی احاطه ایدر لسانی حبط اولدیغی کبی کوزلری ده حیرتندن هیچ بر طرفی کورمن اعمی کبی زویه کیده جکنی بیلر ونه یا باجغنی شاشیرر سرسم برحاله قالیر . بناء علیه ؛ او کیمسه جنته یول بولاماز وطریق یونندن غایت ضلالتده اولور .

تفسیر خازنده بیان اولوندیغی وجهله بونلرک دنیاده اعمی اولملری ایله مراد ؛

طریق حق کورمکده و طوغرو بول آرافنده کوزلری قایامقده ، یوقسه دنیاده حقیقی کوزلری کورمن معناسنه دکدر . آخرتده اعمی اولملری ایله مراد ؛ آخرت نعمتلری کورمکده محروم اولوب زویه کیده جکلی بوللری تاثیر ملیر .

بو آیتده ناسک اماملری ایله مراد ؛ هرکسک مقتدا برلیر . بناء علیه ؛ مؤمنلرک اماملری ؛ تابع اولدقلری نیلری دینده اقتدا ایتدکلی مذهب صاحب برلیر . نیسابورینک

بیانی وجهله یوم قیامتده هرامت نیلرینک اسملریله چاغریلور . مثلاً آخر زمان نیسنک اعمی « یا امت محمد ! » و دیگرلری ده « یا امت ابراهیم ! » ، « یا امت موسی ! » ، « یا امت عیسی ! » عنوانیه چاغریلورلر . شو حالده هرکس زماننک نیسنه ایمان واقتدا ایتلی که او نبینک بایراغی آلتنده بولونملی و آنک نامیه چاغریلیدر . کافرلرک اماملری ؛ دنیاده اقتدا ایتدکلی فرعون ، شراد و نمرود و هر زمانک کندیلرجه مقتدا برلری اولانه رئیس برلیر . بناء علیه ؛ آنلرده اتباع ایتدکلی رئیس لرینک اسملریله چاغریلورلر . مثلاً « یا اتباع فرعون ! » و « یا اتباع نمرود ! » عنوانیه دعوت اولونورلر . یا خود امام ایله مراد ؛ هرکسک اقتدا ایدر ب امطایده عمل ایتدیگی کتابده . شو حالده اهل قرآن « یا اهل قرآن ! » و اهل تورات « یا اهل تورات ! » و اهل انجیل « یا اهل انجیل ! » عنوانیه چاغریلورلر . یا خود امام ایله مراد ؛ دنیاده هرکسک ضیر و شمرده اقتدا ایتدیگی کیمسه در . بناء علیه ؛ هرکس دنیاده کیمک بایراغی آلتنده ایدر آفرنده دخی آنک بایراغی آلتنده بولونماهر دیمکدر . یا خود بیضاوینک بیانی وجهله امام ؛ آنا معناسنه ام لفظنک جمیدر . بوکا نظر آ هرکس آناسنک اسمیه چاغریلور و حضرت عیسانک حقنه حرمت و حضرت حسن و حسین افندیلریمزک شرفلری اظهار و اولاد زبانی رسوای ایتهمک ایچون هر شخصک والده سنک اسمیه چاغریلاجنی دخی مرویدر . « قیلاً » دفعاتله ذکر اولوندیغی وجهله آزیججه بر شیرنه کتابده در .

خلاصه ؛ آخرتده هرکس دنیاده کیمه اقتدا ایتش ایسه آنک اسمیه چاغریلوب و آنک بایراغی آلتنده بولوناجنی و دعوت اولوندقلرنده کتابلری صاغ طرفلرندن ویریلنر کال نشاطله کتابلری اوقویوب آزیحق بر شیه بیه ظلم اولونمایه جقلری و بودنیاده اعمی کبی کوزینی حقن قاپایان کیمسه نک آخرتده اعمی کبی نعمتلری کورمیه جکی و طوغرو بر یول بولامیه جنی بو آیتدن مستفاد اولان فوائد جمله سندنر .

واجب تعالی آخرتده هرکسک مقتدا بهی ایله دعوت اولوناجغنی و درجه لری بیاندن صوکره ارباب ضلالتک حیل و دسائسلری و آنلرک حیل لری نه میل ایتهمک لازم اولدیغنی بیان

ایتمک اوزره ﴿وَإِنْ كَادُوا لَيَفْتِنُوكَ عَنِ الَّذِي أَوْحَيْنَا إِلَيْكَ لَتَفْتَرِي عَلَيْنَا غَيْرَهُ﴾

بیوریور .

[حییم ! بزم سکا وحی ایتدیگمز آیتلرک غیر برشی سویله مکه بزم اوزریمزه افترا ایتمکک ایچون سکا وحی ایتدیگمز قرآنده سنی فتنهیه دوشورمکه کندی زعملرنجه یاقلاشدیلر .]

﴿وَإِذَا لَا تَأْخُذُكَ خَلِيلًا﴾

[وسن بزه افترا ایدرک آنلرک کیفه کوره سویله دیکک تقدیرده سنی دوست اتخاذایدرلر .]

یعنی ؛ یا اکرمرسل ! ارباب ضلال و فسادک سوزلرینه اهمیت ویرمه . زیرا ؛ آنلرک حال و شانلری بزم سکا وحی ایتدیگمز قرآنده سنی فتنهیه دوشورمک ایچون چالیشمقدرکه سنی قرآندن میل ایتدیرمکه سن قرآنک غیر آنلرک آرزولرینه موافق برشی سویله مکه بزه افترا ایدرک و سنی کندی آرزولرینه اویدورمق ایچون تشویق و ترغیب ایدرلر و کندی زعملرنجه همان همان فتنهیه دوشورمکه یاقلاشدیلر و تکلیفلرینی قبول ایتدیگک تقدیرده سکا دوست اولاجقلرینی وعد ایتدیلر .

فخررازی ، قاضی و خازنک بیانلری وجهله بوآیتک سبب نزولی ؛ طائفده (بنی قحیف) قبیله سندن بر جماعتک حضور رسالته کله رک رسول الله واقع اولان یولسز تکلیفلریدر . چونکه ؛ حضور رسالته کلوب « یا رسول الله ! بزه اوچ جهتله امتیاز و بررسهک بز سکا ایمان ایدرز . برنجیسی ؛ بزم نمازمزده رکوع ، سجود اولماسون . ایکنجیسی ؛ پوتلریمزله بر سنه دهها انتفاع ایدرلم و آلزله قیرمیهلم . اوچنجیسی ؛ عشر ویرمدیکمز کبی غزایه دعوت اولونمایلم و بزم وادیمز مکه وادیسی کبی حرمدن معدود اولسون و بومنوال اوزره بزمه معاهده یاپارسهک ایمان ایدرز » دیملری اوزرینه رسول الله « رکوع و سجود اولمایان دینده خیر اولماز . و پوتلریکزی کندی الکزله قیرماز بز قیراریز . و پوتلریکزه برسنه عبادتکزه مساعد ایتم » بیورونجه آنلر « یا رسول الله ! بز عرب ایچنده ممتاز برقبیلر . بناء علیه ؛ باشقه قبیله لر ویرمدیکک امتیازی بزه

ویرمیسک . اکر قبائل عرب نه ایچون بویه یایدک دیرلرسه الله تعالی بکا بویه امر ایتدی دیمکه آنلره جواب ویر ، دیملری اوزرینه آنلرک بو حاللرینی تصویر ایتمک اوزره بوآیتک نازل اولدینی مرویدر . بوکا نظراً معنای آیت : [بزم وحی ایتدیگمز احکامک غیر برحکم بزه افترا ایتمکه و وحی ایتدیگمز قرآندن حییم سنی دوندورمکه و احکامی دیکشدرمکه و کندیلرینه امتیاز آلمق کبی فتنه ایقاعنه چالیشدیلر و کندی زعملرنجه همان امللرینه موفق اولغه یاقلاشدیلر و اکر دیکلرینی قبول ایتسه ایدک سنی دوست اتخاذایده جکلردی] دیمکدر .

(کادوا) کله سندن مستفاد اولان قربیت معنای آنلرک کندی زعملرنجه دیمکدر . چونکه ؛ رسول اللهک آنلره مماشات ایتسی صورتیه فتنه ایقاعنه یاقلاشلاری محالدر . زیرا ؛ رسول اللهک ، قرآنک خلاقی آنلرک کیفه کوره سوز سویلسی محالدر . چونکه ؛ معصومدر ، سویله مز . جناب حق بوکبی شیلردن حییمنی محافظه ایلر و حکمت بعثتده بونی ایجاب ایدر ولکن آنلر بو خصوصه میل ایتدیرمکه و امللرینک ترویججه چوق چالیشدقلرینه و سویلدکلری سوزلرک رسول الله بردرجه تأثیر ایتدیکنی ظن ایتدکلرینه بناء جناب حق کندی زعملرنجه فتنه ایقاعنه یاقلاشدقلرینی بیان ایتمشدر .

واجب تعالی کافرلرک فتنه ایقاعنه چالیشدقلرینی بیاندنصکره آنلرک سعیلرینه قارشى رسولنی حمایه ایتدیکنی بیان ایتمک اوزره ﴿وَلَوْلَا أَنْ تُبَشِّرَنا لَقَدْ كُنَّا لِلْآيِهِمْ شَيْئًا قَلِيلًا﴾ بیوریور .

[حییم ! بز عنایت الهیه مزله سنی حق اوزره ثابت قیلماش اولسه ایدک آنلرک خدعه لرینک قوتنه بناء آنلرک تکلیفلرینی قبوله میل ایدر و آزیحق یاقلاشیردک .] یعنی ؛ میل ایتمک ولکن حیلهرینک قوتی میل ایتمکه یاقلاشیدردی ولکن بز حمایه ایتدک سنده یاقلاشمک .

﴿إِذَا لَاقَناكَ ضَعْفَ الْحَيَوةِ وَضَعْفَ الْمَمَاتِ ثُمَّ لَا تَجِدُناكَ عَلَيْنَا نَصِيرًا﴾

[اگر آنلرك خدعهلرى اوزرينه سن آزيحق ميل ايتمش اولسه ايدك بز سكادنياده عذاب دنيانك ايكي قاتى و آخرتده عذاب آخرتك ايكي قاتى طاديرردق و بز ايكي قات عذابى طاديردقدنصكره سن بزم اوزريزه بريارديمجي بولامازسك.]

يعنى ؛ حبيب ! اللهم لطفى سنكله برابرر . زيرا ؛ بز لطفمزله سنى قرآن اوزره ثابت قيلمامش اولسه ايدك آنلرك حيله و خدعهلرينك قوتنه بناء محقق سن آنلرك تكليفلرينه ميل ايدردك ولكن بزم عنايمز سنى حمايه ايتدى . بناء عليه ؛ سن آنلرك تكليفلرينه ميل ايتمكه ياقلاشماذك . زيرا ؛ بزم عصمتمز ياردم اينجه ميل ايتديك كى ميل ايتمكه يقين بيله اولماذك وا كر سن فرض محال اولارق آنلرك تكليفلريني قبوله ميل ايتمكه قريب اولمش اولسه ايدك بزسكا دنياده عذاب دنيانك ايكي قاتى و آخرتده عذاب آخرتك ايكي قاتى طاديرردق . زيرا ؛ منصب نبوته بويله برشيئك صدورى لايق اولماديغندن فرض محال اولارق صادر اولسه باشقهلرينه اولاجق عذابك ايكي قاتى اولوردى . و بز عذابى طاديرمش اولسه ق عذابى طاديردقدنصكره سن كندك ايچون بزم عليهمزه سندن عذابى دفع ايدجك و بز قارشى قوياحق بريارديمجي بولامازسك .

بيضاوينك بيانى وجهله بو آيت ؛ معصيتدن معصوم اولق جناب حقتك توفيقيله اولديغنه دلالت ايدر . زيرا ؛ رسول الله تعالى « بز سنى حق اوزره ثابت قيلمامش اولسه ايدك سن آنلره ميل ايتمكه يقين اولوردك و آنلر سنى فتنه دوشورمكه ياقلاشمشلدى » بيوردى كه « بز حفظ ايتدك اكر حفظ ايتسك مراملرينه نائل اولورلردى » ديمكدر . فتنه يقين اولق عين فتنه اولماديغندن رسول الله فتنه ده واقع اولماديغنه دخى دلالت ايدر . بناء عليه ؛ (بنى ثقيف) قيله سى چوق چالشمشلا ايسه ده رسول الله دن بوخصوصه دائر اصلا التفات كورمه مشلردر . چونكه ؛ آيتده (لولا) كلمه سى برشيئك وجودينه بناء غيرك امتناعه دلالت ايتديكندن واجب تعالى نك رسوائى ثابت قيلمى ميلك وقوعه مانع اولديغنى بيان ايتمكدركه « ثبات واقع اولونجه ميل ايتك تمتع اولدى » ديمكدر .

واجب تعالى كافرلك حيله لرندن بعض آخرى بيان ايتك اوزره ﴿ وَإِنْ كَادُوا

لَيْسَتَقِرُّوْكَ مِنَ الْأَرْضِ لِيُخْرِجُوكَ مِنْهَا ﴾ بيوريور .

[حبيب ! محقق كافرلر سنى ارض مكدن ازعاج ايدوب چيقارمغه يقين اولديلر .]

﴿ وَإِذَا لَا يَلْبَثُونَ خِلافَكَ إِلَّا قَلِيلًا ﴾

[وا كرسنى چيقارمش اولسه لردى سن چيققدنصكره مكده سنك خلافةك آنلر اكله شمز ، آنحق آز برمدت اكله شيرلردى .]

يعنى ؛ يا اكرم الرسل ! مكه مشركلرينك حال و شانلرى حيله و دسيسه ايله سنى قورقوتوب ازعاج ايدرك مضطر قيلمغه يقين اولديلر كه سنى مكه ارضندن چيقارسونلر و مكده حقه دعوت اولونمق اندیشه سندن قورتولسونلر ولكن سنى چيقاردقلرى تقديرده سنك آرقه كده آنلر مكده اقامت ايتملر ، الا آز برمدت اقامت ايدرلر .

نعمت الله افنديك و بيضاوينك بيانلرى وجهله رسول الله هجرتندنصكره آز برزمان اينجده بدر وقعه سنك ظهوريله (ابو جهل) و آنك امثالى رسول الله هجرته مجبور ايدنلر قيليجدن كچمكه آيتك سرى ظهور ايتدى و وعد الله ده يرينى بولدى . يا خود كافرلك رسول الله اخراج ايدمه مدكارينه آيت دلالت ايدر . چونكه ؛ آيتك معناسى : [هر نه قدر مشركلر رسول الله هجرت ايتديرمكه قريب اولديلر سده بالفعل هجرت ايتديره مديلر] ديمكدر . زيرا ؛ (كادوا) كلمه سندن مستفاد اولان قربيت بو معنائى مفيددر . آنلر چوق حيله لر دوشونمشلر و رسول الله مكدن چيقارمغه چوق چالشمشلا سده امر الله كدكجه رسول الله مقاومت ايدوب هجرت ايتدى و اون اوج سنه مكده تبليغاته دوام ايتدى و هجرته امر الله كدى و آنك اوزرينه هجرت ايلديكى ايچون مكه اهايسنه ده بوسيله عذاب كدى . چونكه ؛ عذابك كلمسى آنلرك چيقارمسنه معلق اولديغندن امر الله ايله چيقمى آنلرك عذابلرينه مانع اولمشدر . شويان اولونان معنا و تفصيلات آيتك مكده نازل اولديغنه نظر آدر .

بيضاوى و نيسابورينك بيانلرينه نظراً آيتك مدينه ده نازل اولدينى دخى مرويدر . چونكه ؛ رسول الله مدينه نى تشریف ايدنجه يهوديلر حسدايدهرك « يا رسول الله ! بوراسى انبيا مقامى دكلدر . انبيانك مقاملرى شامدر . شامه هجرت ايدرسه ك بزده ايمان ايدرز اما شامده روم عـ كرنندن قورقارسه ك الله تعالى رسوللرينى محافظه ايدر » ديملى اوزينه رسول الله شام جهته هجرته نيت ايتسنه بناء بو آيتك نازل اولدينى مرويدر . بوروايته خلاصة البيان : طقوزنجى جلد — ۷

نظراً آیتده ارض ایله مراد؛ ارضه مدینه و رسول اللهی هجرته تحریک ایدن قوم ایله مراد؛ مدینه ده بولونده یهودیلردن . بناء علیه ؛ یهودیلردن مدینه دن رسول اللهی هجرته تحریک ایدن (بنی قریظه) چوق زمان کچمکسزین بالعموم قتل اولوندی و (بنی نضیر) مدینه دن طرد اولونغله مدینه و اطراف یهودیلردن تطهیر اولوندی و حیلله لری کندی آياق لری نه دولاشدی .

واجب تعالی کافر لک مکدن و یا مدینه دن رسولنی چیقارمغه تشبث ایتدک لری بیاندن صکره بومثللو تشبث یکی بر عادت اولمایوب هر کلن رسوللرک قومندن واقع اولدیغنی بیانه رسولنی تسلیه ایتک اوزره ﴿ سُنَّةٌ مِّنْ قَدْ أَرْسَلْنَا قَبْلَكَ مِنْ رُّسُلِنَا وَلَا تَجِدُ لِسُنَّتِنَا تَحْوِيلاً ﴾ بیوریور .

[حبییم ! سندن اول رسوللریمزدن کوندر دیکمز کیمسه لر حقنده قومنک او رسولی هجرته مضطر قیلیمسی اللهک وضع ایتمش اولدیغنی بر سئندر . بناء علیه ؛ بزم سنتمز ایچون سن تبدیل و تغیر بولا مازسک .]

یعنی ؛ یا اکرم الرسل ! مشرک لک و یا یهودیلرک سنی وطنکدن چیقارمغه قیام ایتلری و آنلر اخراج ایدنجه ربک تعالی نک آنلری اهلاک ایتسی یکی بر عادت دکدر . زیرا ؛ سندن اول کلن رسوللرده دخی عادت الهیه بوموال اوزره جریان ایتشدر . چونکه ؛ هرامتدن، کندیلرینه بعث اولونان پیغمبرلرینی مملکتدن چیقارمغه تشبث واقع اولدی . و او رسولی چیقارنجه الله تعالی نک اوملتی اهلاک ایتسی عادت قدیمه سیدر . شو حالده حبییم ! سن بزم سنتمز و عادتمز ایچون بر تحویل کوره مز و بولا مازسک . زیرا ؛ رسوللرک هجرتلرینی امر ایتکده و هجرتدن صکره او قومی اهلاک ایلکده بزم حکمت خفیه مز واردر . او حکمته قوللریمز مطلع اولمازلر .

نیسابورینک بیانی وجهله ازله اسباب، مسیبتا ربط اولوندیغندن هر زمان ایچون معین بر حادثه، مربوط اولدیغنی سببک ظهوریله واقع اولسی محقق اولدیغندن او حادثه نی وقت

آخره تحویل ایتک اسبابی مسیبتدن آیرمقدر . بوايسه عقلاً وعادة محالدر . بناء علیه ؛ عادت الهیه نک تبدیلی ممکن دکدر .

واجب تعالی الهیه و نبوته و آخرته متعلق احوالی بیاندن صکره عبادتله امر ایتک اوزره ﴿ أَقِمِ الصَّلَاةَ لِدُلُوكِ الشَّمْسِ إِلَى غَسَقِ اللَّيْلِ وَقُرْآنَ الْفَجْرِ إِنَّ قُرْآنَ الْفَجْرِ كَانَ مَشْهُوداً ﴾ بیوریور .

[حبییم ! کونک زوالندن کیجه نک قارانلغنه قدر نمازک اقامه سنه و بالخاصه صباح نمازنده صباحک بیاضلغنه قدر قرائته دوام ایت . زیرا صباح نمازی ؛ انس و جن و ملکر طرفندن شهادت اولونا جقدر .] چونکه ؛ وقت صباحده جمله مخلوقات اویانق بولوندرندن عبادلرک عبادت لری کورنلر و ایشیدنلر حسن حاللرینه شهادت ایده جکلردر . بناء علیه ؛ انسانلرک وقت سحرده اویانق بولونملری و صباح نمازنده قرائته دواملری لازمدر .

بیضاوینک بیانی وجهله بو آیت بش وقت نمازه شاملدر . زیرا ؛ دلوک الشمس ؛ اولکه وایکندی نماز لری نه غسق اللیل ده آقشام و یا سو نماز لری نه و قرآن الفجر ایسه صباح نمازیه دلالت ایدر . قرائتمز نماز هائ اولمایوب صباح نمازنده قرائت هوق اولدیغیمونه صباح نمازیه قرآن فجر دیشدر . کیجه به و کوندرده مؤکل اولانه ملکر صباح وقتنده اجتماع ایدوب جماعت مسلمینه شاهد اولمقلری ایچونه صباح نمازیه مشهود دیشدر که ملکرک و سائر انس و جنک کوردکلری احواله شهادت ایده جکلرینه اشارت اولونمشدر . صباح نمازیه قرآن اطلاق اولونمسی ؛ قرائتک اوزون اولسی مطلوب اولدیغنه اشارتدر . بناء علیه ؛ اکثر فقها صباح نمازنده قرائتک اوزون اولسنک سنت سنیه دن اولدیغنه اتفاق ایتشدر .

واجب تعالی بش وقت نمازی ادایی امر ایتدکن صکره صلات تهجدله امر ایتک اوزره ﴿ وَمِنَ اللَّيْلِ فَتَهَجَّدْ بِهِ نَافِلَةً لَّكَ ﴾ بیوریور .

[کیجه نک بمضیسنده سکا زیاده و فضیلت اولارق قرآنله تهجد نمازینی ادا ایت .]

﴿عَسَىٰ أَنْ يَبْعَثَكَ رَبُّكَ مَقَامًا مَّحْمُودًا﴾

[حبییم! ربك تعالى نك سنی ممدوح اولان بر مقامده بعث ایتسی و او مقامده اقامه ایتسی، سنك ایچون مأمولدر.]

یعنی؛ یا اکرم الرسل! ربکه تقرب ایدوب ثوابك زیاده اولسنی ایسترسهك کیجه نك بعضی سنده اویقودن قالدق قرائت قرآنله تهجد نمازینی ادا ایتکه اوتتهجد نمازی سائر فرائض اوزرینه سنك ایچون زیاده بر فرض اولارق اداسنه سعی ایتده ثوابك زیاده اولسون. زیرا؛ ربك سنی مقام قربیت و درجه وصال اولان مقام محمودده اقامه ایده جکدر. فخر رازینك بیانی وجهله تهجد؛ برآر اریقور نصکره قالدقوب قبلانله نمازدر. اویقوی بولوب قالدقمقدمه مشقت و غیرتله حاصل اولدیغندن کلفته دلالت ایدن (تفعل) بابندن نهجدر دینمشدر. یاخود تهجد نمازی؛ قبرده و سكرات موشده انسانك راسته سبب اولاجغنه بناء تهجد دینمشدر. چونکه هجود؛ اریقور درامت معانیدر و تهجد ایسه اریقور درامنی نکره ادا ایدیلن نمازدر.

ابتداء اسلامده تهجد نمازی هر مؤمنه فرض ایکن بش وقت نماز فرض اولونجه امت حقنده تهجدك فرضیتی نسخ اولونش ایسه ده نافله اولارق مشروعیقی باقی قالمشدر. بناء علیه؛ امتك زهد و تقوی اربابندن تهجد نمازینه دوام ایدوب فضیلتی آلا ندر وارددر. اما رسول الله حقنده فرضیتی بو آیتله ثابتدر و خاصه نبیدندر و رسول الله ایچون زیاده بر شرف و فضیلتدر و صلوات مفروضه اوزرینه زائد بر فرض اولدینی جهته نافله و فرضیتی رسول الله مخصوص اولدیغنی بیان ایچون «سکا نافله» دینمشدر.

بو آیتده مقام محمود ایله مراد؛ رسول الله شفاعت مقامیدر. زیرا؛ او مقامده کناهکارلره و بیچاره لره شفاعت ایدنجه اهل محشر طرفندن رسول اللهک ثنا اولوناجغنه بناءً او مقامه محمور دینلمشدر. حتی او مقامده رسول اللهک چوق ثنا اولوناجغنه اشارت ایچون تعظیمه و کثرته دلالت ایدن تنوینله (محموداً) نکره اولارق وارد اولمشدر. چونکه؛ نعمت نه قدر بویوک اولورسه مقابلنده کی حد و ثنائکده او قدر چوق و بویوک

اولسنی لایقدر. بناءً علیه؛ مقام محمود له مراد؛ رسول اللهک عاصیده شفاعت مقامیدر. زیرا؛ انسانك عذابنی و سائر ضررینی دفع ایتک ثوابنی تزید ایتکدن دهامهمدر. چونکه؛ دفع مفسد جلب منفعتدن اولادر. شو حالده کناهك عفوینه دائر شفاعت درجاتك ترفیعنه شفاعتدن اهم اولدینی جهته چوق سیئاتك عفوی دها مناسب اولدیغندن مقام محمود له مراد؛ سیئاتك عفوینه دائر اولاده شفاعت مقامیدر. ایشته بومقام؛ جمله ناسك فوقنده بر مقامدرکه جناب حق آنی آنحق رسولنه احسان ایتشدر. چونکه عموم ناسه شفاعت؛ انبیا ایچندن انحق آخر زمان نبیسنه میسر اولاجغنه دائر اثر لر دخی بومعنائی تأیید ایدر.

واجب تعالى نك کلامنده (عسی) کلمه سی و محبوب معناسنه اولدیغندن او مقام محمودك رسول الله احسان اولوناجنی قطعی اولسنه دلالت ایدر.

نیسابوریده بیان اولوندینی وجهله بو آیتده مقام محمود له مراد؛ مقام شفاعت اولدیغنه (ابوهریره) حضرت لرندن مروی اولان بر حدیث شریفده دلالت ایدر. چونکه؛ رسول الله مقام محمودی تفسیر صدندنه بیورمشدرکه «مقام محمود؛ شول بر مقامدرکه او مقامده بن امتنه شفاعت ایدرم». ایشته بو حدیث؛ مقام محمودی تفسیردر. خلاصه؛ تهجد نمازی امت حقنده نافله و رسول الله حقنده واجب و مقام محمودك رسول الله مخصوص مقام شفاعت اولدینی بو آیتدن مستفاد اولان فوائد جمله سنددر.

**

واجب تعالى رسولنی مقام محموده بعث ایده جکنی بیاند نصکره او مقامی ربسندن استرحام

ایتمسی حبیینه تعلیم ایتک اوزره ﴿وَقُلْ رَبِّ اَدْخِلْنِيْ مُدْخَلَ صِدْقٍ وَّاَخْرِجْنِيْ مَخْرَجَ صِدْقٍ وَّاَجْعَلْ لِّيْ مِنْ لَّدُنْكَ سُلْطٰنًا نَّصِيْرًا﴾ بیوریور.

[حبییم! من ربکه مناجات کده دی که «ای نبم ربم! بنی جمیع زلهدن طاهر اولارق قبرمه راضی اولاجم بر مقامه ادخال و قبرمدن قالدیردیغکده بنی انواع کرامتله طولو راضی

اولاجم بر محله اخراج و بنم ایچون کندی عندکدن حجتلر خلق ایت که بن او حجتلرله بکا مخالفت ایدنلره مدافعه و او حجتلرک یاردیمله خصمه غلبه ایدیم و خصملم مغلوب اولارق دینی قبول و دعوتمه اجابت ایتسونلر « دیمکله استرحامده بولون .]

فخر رازی و نيسابوریده بیان اولوندی و جهله مخرج صدق له مراد؛ مکه و مدخل صدق له مراد؛ مدینه در . چونکه ؛ رسول اللهی مشرکلم مکدن چیقارمق ایچون بر جوق تشبثانده بولونملری اوزرینه جناب حق مکدن مدینه هجرت ایتسنی امر ایدنجه مکدن خروجی و مدینه دخیولی ضمنتده بو یولده مناجاتده بولونمسنی حبیبه تعلیم ایچون بو آیتک نازل اولدینی مرویدر . بوکا نظراً معنای آیت : [یاربی ! بنی مرضی و مقبول اولان مدینه اداخل و راضی اولاجم بر صورتده کافرلرک شردن امین اولارق مکدن چیقارکه حضور قبله عبادتکه دوام ایدیم و کندی عندکدن بکا سلطنت و قوت و یرکه او قوت بکا یاردیم ایتسون و دین اسلام منصور اولسون] دیمکدر .

یا خود مدخل صدق له مراد؛ نمازدر . بوکا نظراً معنای آیت : [یاربی ! بنی نمازه صدق و اخلاصله اداخل و نمازدن فراغده صدق و اخلاص و شکرکه قیام و دوامله اخراج ایت که عبودیتک وظیفه سنی لایقوله ادا ایتمش اولایم] دیمکدر .

یا خود هر شیء دخول و خروج شاملدر . بوکا نظراً معنای آیت : [یاربی ! مهمات دین و سائرده بنی اداخل ایتدیکک هر شیء عبودیتکده دوام و صداقتله برابر اداخل و اخراج ایتدیکک هر شیده عبودیتکده صداقتله برابر اخراج ایت که هر ایشه باشلا دیغمده صداقتله باشلایم و بوشلا دیغمده صداقتله بوشلایم] دیمکدر .

شوبیان اولونان معنالدن هر هانکیسی مراد اولونورسه اولونسون انسان ایچون لازم اولان امور مشروعه دن هر نهیه باشلا رسه حسن نیت و صداقتله اسرالتییه توفیق ایدهرک باشلامق و او ایشدن فراغده حسن صورتله چیقمق لازم اولدینی کبی بو یولده دعا ایتمک عبودیتک وظائفی جمله سندن اولدیغنه بو آیت دلالت ایدر .

واجب تعالی رسولنه یاردیم ایدهرک بر قدرت و سلطنت ایسته سنی امر ایتدکنصکره

رسولنک دعاسنی قبول ایتدیکنی بیان ایتمک اوزره ﴿ وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا ﴾ بیوریور .

[حبییم ! سن کافرلره دی که « حق اولان قرآن و اسلام کلدی و باطل اولان کفر و شرک مضمحل اولدی کیتدی . زیرا کفر ؛ حد ذاتنده مضمحل اولدی .]

بیضاوینک بیانی و جهله زهوق ؛ بِرْ شَيْئِكَ مَحْمُودِهِ بِمَقْصُودِ الْمُسْلِمِ . بناءً علیه ؛ دین اسلام کلنجه دین شرک محو رندن چیقدی . محافظه ایدن ارباب شرکک پریشان اولمسیله آیین شرکده مضمحل اولدی کیتدی . حتی امام (مسلم) و (بخاری) نک اتفاقلریله (ابن مسعود) حضرتلرینک روایت ایتدیکی بر حدیثده مکدن فتی کونی رسول اللهک کعبه نک اطرافنده اولان او چیوز آتمش بوتک هر برینه ائنده کی عصا ایله اشارت ایدهرک بو آیتی او قودینی و هر برینک کوزلرندن عصایی طاقوب یره یاتیردینی و اصحاب طرفندن هر برینک پارچه لاندینی و یالکز کعبه نک طامنده طونجیدن معمول (بنی خزاعه) نک برپوتی قالوب حضرت علییه امر ایله حضرت علینک چیقوب آنی ده یره آتوب پارچه لاندینی مفسرینک جمله بیاناتلرنددر .

فخر رازینک بیانی و جهله بو آیتده حق له مراد؛ دینه اسلام و شریعت احمدیه در . باطل ایله مراد ؛ دینه اسلامک غیره هر شیءدر . کرچه باطلک ده عالمده حکمفرما و رواج بولدینی زمانلر اولورسه ده ذاتنده مضمحل و دائماً زواله معروض و عاقبتی هلا کدره . خلاصه ؛ حقک کلدیکی یرده باطلک کیده جکی و باطل ایچون بعض زمانده بردولت و صولت اولورسه ده ثبات ایتیموب سریع الزوال و حقه قارشى باطلک دائماً مغلوب اولدینی بو آیتدن مستفاد اولان فوائد جمله سندندر .

واجب تعالی اعتقادات و عملیات و احوال آخرت و قضا و قدر و بالخاصه بش وقت نماز و تهجدله امر ایدوب و سائر منافع انسانییه بیاندنصکره بو احکامک کافه سی قرآنده موجود اولدینی جهتله اهل ایمانه قرآنک شفا و رحمت اولدینی بیان ایتمک اوزره

﴿وَنُزِّلُ مِنَ الْقُرْآنِ مَا هُوَ شِفَاءٌ وَرَحْمَةٌ لِّلْمُؤْمِنِينَ وَلَا يَرْيَدُ الظَّالِمِينَ الْآخِسَارَ﴾

بیوریور .

[بز قرآندن مؤمنلره شفا ورحمت اولان آیتلری انزال ایدرز . حالبوکه قرآن؛ ایمان ایتمین ظالملره زیاده ایتمز ، الا ضرر و زیانلرینی زیاده ایدر .]

یعنی ؛ قرآنده بیان اولونان احکام مؤمنلرک امراض باطنیه سی مثابه سنده اولان اعتقاد باطلی و امراض ظاهریه سی مثابه سنده اولان اخلاق ذمیمه یی ازاله و اعتقاد حقه و اخلاق حمیده یی ارشاد ایتدیکندن اهل ایمان ایچون عین شفا و احکامیه عمل ایتدکلری ایچون حقلرنده عین رحمتدر و لیکن قرآنه ایمان ایتمه مکله نفسلرینه ظلم ایدن کافرلرک قرآن ضررلرینی زیاده ایدر . چونکه ؛ هر آیت نازل اولدجه ایماندن امتناع ایتلمی بر ضرر اولدینی جهته هر بر آیت نازل اولونجه او آیه ایمان ایتمه ملری ضرر اوزرینه ضرر اولقله ضررلری تراید ایدر .

فخر رازینک بیانی وجهله انبیاء کرام حضراتی اطبا و امتلری ده تداییه محتاج اولان خسته لر و شریعتلرده طیبیک خسته یی و یرمش اولدینی دوا مثابه سنده اولدیغندن قرآنه ایمان ایدنلر طیبیک علاجنی استعمال ایله باذن الله شفا بولان خسته لر کی و کافرلرده طیبیه مراجعت ایتیموب هلاک اولانلر منزلنده اولدقلرینی جناب حق بو آیتله بیان بیورمشدر . بناء علیه ؛ دوانک امراض ظاهریه و باطنیه یی نظراً ایکی قسمی اولدیی کی دواء دینی ده ایکی قسمرکه برنجیسی ؛ امراض باطنیه مثابه سنده اولده اعتقاد باطله دواء ؛ ایکنجیسی ؛

امراض ظاهریه مثابه سنده اولده اضروف ذمیمه دواء .

بیضاوینک بیانه نظراً (من القرآن) ده اولان (من) بیانه اولدیغنه کوره قرآنک کلیمی شفا در . و (من) تبعیضیه اولدیغنه نظراً « قرآندن بعض شفا اولان آیتلری بز انزال ایدرز » دیمکدر . بوکا نظراً بو آیتده شفا ایله مراد ؛ شفا جسمانیه چونکه ؛ تبرکاً قرآنک قرائتیه برچوق خسته لرک شفا بولدینی هر زمان کورولدیکی جهته میدانده بر حقیقتدر . شوقدرکه شفاء جسمانی صاعلام اعتقاد مو قودر . زیرا ؛ علاجه تاثیر بر خلق ایدن الله تعالی کندی کلامنه مراجعت ایده رک شفاسنی خلق ایتسنی استرحام ایدن

کیسه نك علاج وسیله سیله شفاسنی خلق ایتدیکی کی قرآن وسیله سیله ده خلق ایده جکی اولویتله ثابت اولور . فقط قرآنک حقایقی و شفای خلق ایده جک الله تعالی نک کلامی اولدیغنی دوشونه رک اوقومق و اوفله مک لازمدر .

اصطلاح عمل ایدر کیسه رک سعادت ایتدیه نائل اولدقلرینه بناء اهل ایمانه قرآن رحمتدر . فقط مرضی ازاله منافعی جلب ایتک اوزرینه مقدم اولدینی جهته جناب حق ضرری ازاله قیلندن اولان شفای جلب منفعت قیلندن اولان رحمت اوزرینه تقدیم ایتشد . کافرلر قرآنی ایشیدنجه غضبه عداوت ایتدکلرندن احکامیه عمل ایتدکلری صورتده آلاچکلری اجری فوت ایتدکلری کی حقلرنده قرآن ضرردر . چونکه ؛ عمل ایتدکلری جهته معذب اولاجقلردر و هر آیت نازل اولدجه انکارلری کفر اوزره کفر اولدینی جهته کون بکون ضررلری تراید ایتشد .

واجب تعالی قرآنک مؤمنلره شفا ورحمت اولدیغنی بیاندنصکره انسانلرک لایق اولدینی قدر قرآنه یا پیشدادقلرینی بیان ایتک اوزره ﴿وَإِذَا أَنْعَمْنَا عَلَى الْإِنْسَانِ أَعْرَضَ وَنَأَ بِجَانِبِهِ﴾ بیوریور .

[بز انسانه نعمتمزی انعام ایتدیکمزده بز مذکر مزدن و دعوت مزدن اعراض ایدر ویاتی دوزر بذاته بزدن اوزا قلا شیر .]

﴿وَإِذَا مَسَّهُ الشَّرُّ كَانَ يَؤُوسًا﴾

[وانسانه برشر طوقوندیغنده درحال اللهم رحمتدن مأیوس اولور .]

﴿قُلْ كُلٌّ يَعْمَلُ عَلَى شَاكِلَتِهِ﴾

[حییم ! سن « هر کس کندی طریقی اوزرینه عمل ایدر » دی .]

﴿قَرَّبُكُمْ أَعْلَمُ بِمَنْ هُوَ أَهْدَى سَبِيلًا﴾

[هر کس کندی طریقه کوره عمل ایدنجه سزك ربكز طریقك زیاده طوغر وسنه سلوك ایدن کیمسه بی هر کسدن زیاده بیلیر .]

یعنی ؛ انسانك بر حال اوزره قراری و ثباتی یوقدر . زیرا ؛ بز انسانه لطفمزدن صحت بدن وعافیت و بول رزق و یروب معیشتی توسیع ایتك صورتیله انعام ایتدیکمزمده بزم ذکر مزدن و طریق حقه دعوتمزدن و حقنده شفا و رحمت اولان قرآندن اعراض ایدر و کندی ذاتیله بزه تقریدن اوزاقلاشیر . کآن هرشیدن مستغنی و کیمسه به احتیاجی یوقدر و آئنده اولان نعمتله همان کندی استحقاقی و امورنده مستقل کبی بر طورله حرکت و حقه اطاعتدن تکبر ایدر . او انسانه خسته لاق و فقر و فاقه کبی بر شر و بلا اصابت ایدر سه رحمت الهیه دن امیدنی بالکلیه کسرو یأس تامله مأیوس اولور و کندی هر نعمتدن محروم عد ایدر . حالبوکه تعظم و تکبرده افراط و یأس و حرمانده تقریط شرعاً و عقلاً مذمومدر . حییم ! حال و شانی بوندن عبارت اولان انسانه سن « حقی و حقسر و ضلالتده و هدایتده اولان هر شخص کندی حالی و وقتی مشابه اولدینی طریقت و احوال روحیه سی و مزاج بدننه موافق صورتده عمل ایدر » دیمکه هر کسك میسر اولدینی عملك کندی طوئدینی طریقك ایجابی اولدینی بیان ایت . زیرا ؛ هر کس اراده سی صرفه ایتدیکجهته موفق و میسر اولور . بناء علیه ؛ اکر انسانك نفسی شریره و خبیثه اولور سه آندن افعال قبیحه و اکر انسانك نفسی شریفه و طاهره اولور سه آندن ده افعال حسنه و اخلاق حمیده صدور ایدر . شو حالده افعالك ایلکی و کوتولکی نفسك ایلکنه و کوتولکنه تابعدر و هر کس کندی طینتی اوزرینه عمل ایدنجه سزك ربكز ، طریق طوغر و اولان و مطلوبه و صلتده و حقه اتباعده زیاده اولان کیمسه بی هر کسدن زیاده بیلیر . بناء علیه ؛ هر کسك طریقتی و مذهبی و عادتی اوزره نفسك طیب و یا خبثاتی ایجابی عمل ایتدیکنی بیانله قرآنك بعض کیمسه لر حقنده شفا و رحمت و بعض آخر حقنده هلاک و خسارینی موجب اولدینی تأکید و تأیید ایتشد . بر شیده ایکی جهته تأثیر معنویانده اولدینی کبی مادیانده دخی وارد . مثلاً کونش طوز گوانی دوگدورر ، حالبوکه قاری و یاغی آریتیر و چاشیر یقاییچینك چاشیرینی بیاضلاندرر فقط کندی قارار تیر . زیرا ؛ بر مؤثر دن صدور ایدن تأثیر محلك قابلیق و استعدادینه کوره فیضان ایدر . بناء علیه ؛ قرآن بعض کیمسه به شفا و رحمت اولدینی کبی بعض آخره ایمان ایتدیکندن حقنده عین مضرت اولور .

نیسابوریده بیان اولوندینی وجهله (نأ) بعد معناسنه در . یعنی « انسانه بزنعمت و یرنجیه یاتی دورمك و آرقه سی دو نمکه بزدن اوزاق اولور » دیمکدر . چونکه ؛ بر سوزی دیکه مکدن تکبر ایدن کیمسه دیکه مه مک ایچون آرقه سی دو نمك عاددر . کافر لر دخی نعمت الهیه به مستغرق اولونجه دعوت الهیه و بالخاصه قرآنه آرقه لرینی دور لر . (شاکنه) سیرت و طریقت و مزاجنه تابع اولور اموال که هدایت و ضلالت اوزره شکل ایدر مالی دیمکدر . شو حالده « هر انسان هدایت و یا ضلالتدن هانکی جهتی اختیار ایتش ایسه اختیار ایتدیکجهته آنك طریقتیدر که شاکنه سی » دیمکدر .

خازنده و بیضاویده بیان اولوندینی وجهله شاکنه ؛ جوهر روح معناسنه در . شو حالده « هر کس جوهر روحك ایجابی وجه اوزره عمل ایدر » دیمکدر . بناء علیه ؛ جوهر روحی طاهر اولور سه عملی طیب اولور و اکر جوهر روحی نجس اولور سه عملی خبیث اولور . طبریده بیان اولوندیغه نظراً شاکنه ، ربیع معناسنه دخی اولابیلیر . زیرا هر کس ؛ التزام ایتدیکجهته دین اوزره عمل ایدر . اما دینی حق اولور سه مطلوبه و اصل اولغله مثاب اولور و اکر دینی باطل اولور سه معذب اولور .

بو آیت ؛ درت همگی ماویدر : برنجیسی ؛ انسانه نعمته مستغرق اولدیفنده مقدره اعراضه ایدر اوزاقده شماسیدر . ایکنجیسی ؛ انسانه بر ضرر اصابت ایتدیکنده رحمت الهیه دنه امیدنی کسمیدر . اوچنجیسی ؛ انسانك جوهر روحك ایجاب ایتدیکجهته سیرت اوزره عمل ایتسیدر . دردنجیسی ، طوغر و بول طوتانه کیمسه لر رب تعالی نك هر کسره زیاده بیلیمیدر .

*

**

واجب تعالی انسانك حالت جلیه سندن و روحك تأثیرندن بحث ایدنجه روحدن بحث ایتك اوزره یهود و یاخود مشرکلك سئواللرینی ورسولنك جوابی بیان ضمتده ﴿ وَیَسْأَلُونَكَ عَنِ الرُّوحِ قُلِ الرُّوحُ مِنْ أَمْرِ رَبِّي ﴾ بیوریور .

[حییم آنلر سکا روحدن سئوال ایدر لر . سن « روح بنم ربك امرنددر » دیمکه جواب ویر .]

﴿وَمَا أُوتِیْتُمْ مِنَ الْعِلْمِ إِلَّا قَلِیْلًا﴾

[حالبوکه سزه علمدن ویرلدی، آنجق آز برشی ویرلدی.]

یعنی؛ یا اکرم الرسل! یهودیلر ویا مشرکله اجداده تعلق ایدن روحک ماهیت حقیقه سندن و مقدارندن و بدنه تعلقک کیفیتندن و جسده ارتباطندن و بدندن فصل انفصال ایتدیکندن سؤال ایدرلر. سن جوابکده «روحک حقیقی و بدنه کیفیت تعلق و بدندن انفصالی ربکم امرندن نشأت ایدر و علمی کندیته مخصوصدر. بناء علیه؛ روحک نه دن عبارت اولدیغه انسانلرک علمی لاحق اولاماز. ای انسانلر! سزه علمدن ویرلدی، الا آز برشی ویرلدی. شو حالده سز روحک نه دن عبارت اولدیغی و بدنه تعلق بیله مزسکیز» دیمکه آنلره جواب ویر.

فخر رازینک بیانی وجهله بو آیتده روح له مراد؛ قرآنه و یاخود جبریل امین اولدیغه دأر روایت واریسه ده اصح اولان روح له مراد؛ برنه تعلق ایدر و اجسامک هیاتنه سبب اولانه روحدر.

روحدن سؤال ایدن مریه بره ویرلدر و یاخود مکده مشرکدر. سؤال؛ روحک ماهیتندن و یا قدم و حدوشتندن و یاخود بدندن آیرلقدن صکره باقی اولوب اولمادیغندن و یاخود سعادت و شقاوتندن سؤال اولمق احتمالی وار ایسه ده اصح اولان سؤال؛ روحک ماهیتندن. چونکه امر السهیدن اولدیغی بیانه اکتفا؛ سؤالک، ماهیتندن سؤال اولوب قوللرک ماهیت روحی بیله میه جکلیته دلالت ایدر. اگر سؤال شویله تصویر اولونورسه که: «روح بدن داخلده بر جسم میدر؟ یاخود مزاج بدن میدر؟ و یاخود بدنه قائم بر عرض میدر؟». جوابده شویله تأویل اولنور: «روح امر السهی اولان کن» امریله حادث بر جوهردر که جسده مغایر حیات افاده ایتمی ایچون خلق اولونمش برشیدر. بناء علیه؛ قدیم دکلدرد.

فخر رازی و نيسابوریده بیان اولوندیغی وجهله انسانک نه دن عبارت اولدیغنده درت مذهب واردر:

برنجیسی؛ انسانه یالکز جسمدر. کرچه جمهور متکلمیندن بو مذهبی التزام ایدنلر وارسه ده باطلدر. چونکه جسم؛ زیاده ویا نقصانی قابل اولدیغندن شخص واحدک تبدیلی مستلزم اولدیغی کبی انسانک امور وخصوصی دوشوندیکنده بدندن غافل اولدیغی جهته انسان جسمدن عبارت اولدیغنده نفسدن غافل اولمق لازم کلیر و اعضا رینه کندی مضاف قیلوب بنم جسم و بنم آلم و بنم آیغم کبی ترکیاتله کندی اعضاسندن خبر ویردیکنده انسانک شو اعضا لردن باشقه برشی اولدیغه دلالت ایدر. زیرا؛ برشیئک نفسنه مضاف اولسی جائز اولمادیغندن هر حالده مضاف، مضاف الیه مغایر اولمق لازمدر. انسانک وفاتندن صکره او انسانه صدقه ویرمک و روحنه قرآن اوقومق کبی هدیه لر کوندرلمسک جوازی انسانک بوجسندن باشقه برشی اولدیغه دلالت ایدر. اگر انسان عین جسم اولسه جسم چور و یوب طویراغه قاریشدیغی و مدرک اولمادیغی جهته اکا صدقه ویرمک و هدیه کوندرمکده بر فائده اولمازدی. زیرا هدیه و زیارت؛ مدرکه اولور. کذلک رؤیاده میتک اولاد و احفادینه بعض وصایاده بولونمی و دنیا ده کی حاله تمثیل ایدر که کوروشوب قونوشمی انسانک جسندن عبارت اولمادیغه دلالت ایدر. چونکه؛ وصایاده بولونمق و قونوشمق جسمک وظیفه سی دکلدرد. جسندن آل، آباء، کوز و قولاق کبی بعض اعضانک نقصان اولماسندن انسانک تناقصی لازم کلیور. اگر انسان جسندن عبارت اولسه اعضانک تناقصیه انسانده تناقص ایدردی. کذلک رسول اللهک جبریل امینی (دحیه الکلبی) اسمنده بر انسان صورتنده کوردیکی مرویدر. حالبوکه بوصورته انسان جسمی وار ولکن انسان یوق ملک وار. والحاصل شو تفصیلاتدن اکلا شیلدیغی وجهله انسان یالکز جسمدن عبارت دکلدرد.

ایکنجیسی؛ انسانک جسم عرضیه مرکب اولمیدر. بو مذهبده باطلدر. زیرا؛ عرض قائم اولمادیغندن اگر عرض انسان اولسه بر زمانده مکلف اولانک دیگر زمانده مکلف اولماسی لازم کلیر. چونکه؛ بر زمانده موجود و مکلف اولان عرض دیگر زمانده یوقدر، بویسه باطلدر. بناء علیه؛ انسانک جسمله عرضدن مرکب اولسی ده باطلدر. اوچنجیسی؛ انسانک جوهر مجرد اولسی در. بوده باطلدر. زیرا؛ یالکز جوهر اولسه جسمک انساندن خارج برشی اولسی لازم کلیر. حالبوکه خارجه انسان بوجسمله

قائم وجسم انساندن باشقه برشی دکلدر . بناء علیه؛ انسانک جسمدن باشقه بر جوهر اولسی ده باطلدر .

دردنجیسی ، انسان بدن رومره مرکبده صحیح اولان ده بودر . چونکه ؛ تحقیقه کوره انسانک بدنی رحم مادرده تکمل ایدوب روحی قبوله استعداد تام وقابلیت کلدیکنده جناب حق آنک روحنی خلق ایدرکه روح بر جوهر نورانی اولوب شمسک ضیاسنک نفوذی کبی بدنه نفوذ ایدر وبجوهرک تبدیلی ، تحویلی وتفریقی ممکن دکلدر . عادتاً کول یاغنک کول پیراغنه و سیسام یاغنک سیسام دانه سنه سریانی کبی سریان ایدر وبوجهته بدنه حیات کلیر وحرکه یه تدبیر وتصرفه باشلار ونه زمان که روحله بدنک امتزاجنه خلل کلیر واجل موعودینه تصادف ایدن زمانده کول یاغنک باقاردن آریلوب ده پیراغنک قورودینی و سیسام یاغنک دانه دن آریلوب دانه نک برقاووز حالنده قالدینی کبی روح ده بدندن آریلور وجسد انسان ده معطل برحاله کلیر . چونکه بینرنده ارتباط قالمایچه موت حاصل اولور . بدن چورور طوپراغه قاریشیر روح باقی قالیر ووقت مرهونی کلوب جسدتکرار اعاده اولونونجه یه قدر انتظار ایدر . جسد اعاده اولونونجه روح کندی جسدینه عودت ایدر وعالم آخرت حاصل اولور . سؤال وحساب ایچون دعوت اولونور . بناء علیه سعید ایسه سعادتنه واکر شقی ایسه شقاوت ابدیه سنه اولاشیر . شو حالده روح وجسد باشقه باشقه شیلردر . اراده الهیه ایله احدهماک آخره امتزاجیه مجموعی بر آرایه کلمکه انسان اولور ، یوقسه یالکز جسد انسان اولاماز . اکر یالکز جسد انسان اولسه روحسز جسدک مکلف وقابل خطاب اولسی لازم کلیر ، بوا یسه باطلدر . چونکه ؛ روحسز حس وادراک اولماز که قابل خطاب اولسون . یالکز روح ده انسان اولاماز . زیرا یالکز روح ؛ تکالیف الهیه مکلف اولماز . چونکه ؛ مکلف اولسه بدنسز مکلف اولدینی وظیفه یی ادا ایتسی ممکن دکلدر . بناء علیه ؛ انسانک روحله بدندن مرکب اولدینی میدانده برحقیقتدر . لکن بدنه سرایت ایدن روحک حقیقتی وکنه وماهییتی نه دن عبارت اولدینی بیله نه مشدر . بعض اطبانک «روح قاندن عبارتدر . زیرا ؛ قان اولما یچه روح اولماز» دیدکلری یا کلشدر . اوت ؛ قان اولمایان جسمده جان اولماز ، بو طوغرودر . فقط بوندن قانک روح اولسی لازم کلر . زیرا ؛ قانله طولو اولان انسانلرده فجئه وفات ایدر لر . آنجق «قان بدنده روحک بقاسنه شرطدر» دنیلورسه بوسوز واقعه موافق اولایلور ، یوقسه قان

روح دکلدر . شورایی قطعیدر که روح جسده مغایر بر جوهردر وجسدله امتزاجی قابلدر وجسدله روح یکدیگرینه ربط اولونونجه تدبیر وتصرفه وایشلرینی تفکره قابل بر انسان اولدینی محقق وایکیسی بر برندن آریلنجه تکالیفدن وتصرفدن وارسته ومعطل اولارق قالدقلمی ده میدانده در .

تفسیر خازنده بیان اولوندیغه نظراً آیتک سبب نزولی ؛ مکلیلر اجتماع ایدرک «محمد ﷺ» بزم ایچمزدن نشأت ایتدی . حالی بیلیرز ، یالان سویلر دییه مه یز . بو ، نبوت دعواسنده بولونیور . مدینه ده کی یهودیلره بر جماعت کوندره لم . احوال نبوتدن سؤال ایتسونلر . یا قالم ! محمد ﷺ حالی انبیاء سابقه نک حالته ودعواسی انبیاء سابقه نک دعواسنه موافقیدر ؛ دیدیلر ومدینه یه بر جماعت کوندریلر . یهودیلر مشرک لک استفسارینه جواباً « محمد ﷺ دن (اصحاب کهف) و (اسکندر ذوالقرنین) و (روح) دن سؤال ایدک . اکر اولکیلره جواب ویرر روحه جواب ویرمزه نییدر » دیدیلر . مدینه یه کیدنلر کیری کلوب مشرک لک بواوچ شیدن سؤال ایتلمی اوزرینه (سوره کهف) ده تفصیلاً بیان اولونا جتی وجهله بوایتک نازل اولدینی مرویدر .

**

واجب تعالی انسانلره علمدن آرزو برشی ویرلدیکنی بیاندنصرکه دیلرسه او آزیحق شینی دخی آلمغه قادر اولدینی بیان ایتک اوزره ﴿وَلَيْنُشْنَا لَنَذْهَبَنَّ بِالَّذِي أَوْحَيْنَا إِلَيْكَ ثُمَّ لَا تَجِدُ لَكَ بِهِ عَلَيْنَا وَكِيلًا﴾ بیوریور .

[ذات الوهیمه یمین ایدرم که یا اکریم الرسل ! اکر بز ایسته سه ک عموم ناسی ارشاد ایچون سکا کوندردی کمز قرآنی البته بزم مصحف لردن قالدیر مق وحافظ لک قلب لردن سیلمکه کیده ریرز و آنی خاطر لردن چیقارد قدنصرکه حییم ! سن کندک ایچون بزم علیهمزه بر یاردیمچی بولاماز سک . زیرا ؛ سنک حقوقکی محافظه وسکا وکالت ایده جک بر کیمسه یوقدر .]

﴿إِلَّا رَحْمَةً مِنْ رَبِّكَ إِنَّ فَضْلَهُ كَانَ عَلَيْكَ كَبِيرًا﴾

[ولکن قرآنک بقاسی حییم ! ربکدن سکا احساندر . زیرا ؛ ربک تعالی نک سنک اوزریکه

احسانی بویوک اولدی . [چونکه ؛ قرآنی سکا انزال والی یوم القیام بقا ایتدیکی کبی
بنی آدمک اولوسی و انبیانک خاتمی قیلدی و مقام محمودی سکا ویردی . بونلرک جمله سی
حقکده بویوک فضل الهیدر .

تفسیر خازنده بیان اولوندیغی وجهله واجب تعالی بوآینده رسولنه ایکی جهتله نعمتی
بیان ایتشد . برنجیسی ؛ قرآنی قالدیرمه قدر ایکی قالدیرمیوب قیامت قدر ایضا تمسیرمه
ایکنجیسی ؛ فضل و کرمک رسولی اوزرینه بویوک اولسیرمه . دیلر سه قرآنی قالدیر مق
ایله مراد ؛ مصفردنه سبلمک و حافظلرک قبلدرمه الفاظی اوفوتبرمق . یوقسه اصل قرآنک
رفعی ممکن دکلد . زیرا ؛ کلام الله اولدیغی جهتله رفعی ممکن اولمادیغی کبی لوح محفوظده
دخی ثابتدر و قیامتک قیلنده قبلردن و مصحفردن قالدیریلایجی (ابن مسعود) دن
ودها بعض اصحابدن مرویدر . شوحالده قرآنک وحی اولونمسی احسان الهی اولدیغی کبی
بقاسی ده آیرجه بر احساندر . بناء علیه ؛ اهل ایمان موجبله عمل ایتک صورتیه بونعمتک
شکرینی ادا ایتلیدرلر .

واجب تعالی قرآنک فضل الهی اولدیغی بیان ایتدیکی کبی انس و جن جمع اولسه لر
قرآنک مثلنی کتیرمه قدر اولامیه جقلرینی بیان ایتک اوزره ﴿ قُلْ لِّیْنَ اجْتَمَعَتْ
الْاِنْسُ وَالْجِنُّ عَلٰی اَنْ یَّاتُوْا بِمِثْلِ هٰذَا الْقُرْاٰنِ لَا یَاْتُوْنَ بِمِثْلِهٖ وَلَوْ کَانَ بَعْضُهُمْ
لِبَعْضٍ ظَهِیْرًا ﴾ بیوریور .

[حییم ! سن قرآنه اعتراض ایدنلره دی که « الله تعالی یه یمین ایدرم که اکر انس
و جن بربرینه معاونت ایدر اولدیغی حالده شوقرآنک مثلنی کتیرمه اوزره اجتماع ایتمش
اولسه لر قرآنک مثلنی کتیره مزملر ولوسه بعضیسی بعضیسنه ظهیر و یاردیمچی اولسون .]
زیرا ؛ مثلنی کتیرمه قدرت بشردن خارجدر که مخلوق کلامی اولمقدن چوق یوکسکدر .
چونکه ؛ قرآنک نظمی و الفاظنک و آیتلرینک بربرینه ربطی و مغیباتدن خبر ویرمسی
معجزدر . بناء علیه ؛ بلاغتک اک یوکسک طبعه سندن اولدیغی جهتله بشرک سویله به بیله جکی
سوزلردن دکلد .

تفسیر خازنده بیان اولوندیغنه نظراً مشرک لک « بز قرآنک مثلنی کتیرمه مراد ایتسه ک
کتیررز » دیلرینه اوزرینه آنلری رد و تکذیب ایتک اوزره بوآیتک نازل اولدیغی
مرویدر . چوق چالیشوب قصه برسورمه ک بیله مثلنی کتیرمه ملریله آیتک سری ظهور
ایتمش و انسانلرک عجزی ثابت اولونجه قرآنک معجز اولدیغی تحقق ایلشدر . شو حالده
جنیلره نظراً معجز اولدیغی ایسه اولویتله ثابتدر . زیرا ؛ انسانلردن بلاغت و فصاحت
صاحبی لسان قرآن اوزره سویله یین عربلر عاجز اولونجه اولسانک غیری لسان صاحبی
اولان جنیلرک عجزی شبهه سزدر .

﴿ وَاَقَدْ صَرَّفْنَا لِلنَّاسِ فِيْ هٰذَا الْقُرْاٰنِ مِنْ كُلِّ مَثَلٍ فَاَبٰی اَكْثَرُ النَّاسِ
اِلَّا كُفُوْرًا ﴾

[ذاتمه یمین ایدرم که محقق شوقرآنده بز ناسه هر نوع معنایی و مثالی تکرار تکرار
بیان ایتک و اصلاً شبهه براقادق . ایشه قرآنده بز هر شیئی ایضاح ایتدی کمز حالده ناسک
اکثریسی قبولدن امتناع ایتدیلر ، اصلاً متعظ اولمادیلر و ضروب امثال آنلره زیاده
ایتمدی ، الا کمال شدله انکارلرینی زیاده ایتدی .]

یعنی ؛ ناسه شوقرآنده بز عبرته و احکام دنیایه و آخرته و نبوته و الهیاته و ام سالفه ک
احواله و جته و جهنمه و وعده و وعیده متعلق هر نوعدن مثاللر کتیردک و مقصدی ایضاح
ایتک . بز بویله تکرار تکرار بیان ایدنجه ناسک وظیفه سی ؛ موجبله عمل ایتک ایکن ناسک
اکثریسی کفران نعمت ایدره ک قرآنی قبولدن امتناع ایتدیلر . بناء علیه ؛ نبوتی انکارله
حال شرکده قالدیلر .

واجب تعالی قرآنک معجز اولدیغی و قرآنده ناسه احکامی آکلاتمق ایچون برچوق
مثاللر کتیردیکنی بیاندنصرکه مشرک لک قرآنه قناعت ایتیموب باشقه معجزه لر ایسته دکلرینی
بیان ایتک اوزره ﴿ وَقَالُوْا لَنْ نُّؤْمِنَ لَكَ حَتّٰی تَفْجُرَ لَنَا مِنَ الْاَرْضِ يَنْبُوعًا ﴾
بیوریور .

[کافر لر « یا محمد! ﷺ سن بزم ایچون مکه ارضندن پیکار لر آقیتوب میدانه کتیرمدکجه البته بز سکا ایمان اتمه بز » دیدیلر.] و بوقدرله ده اکتفا اتمه رک سوزلرینه شونی ده علاوه ایتدیلر و دیدیلر که :

﴿ أَوْ تَكُونُ لَكَ جَنَّةٌ مِنْ نَخِيلٍ وَعِنَبٍ فَتُفَجَّرَ الْأَنْهَارُ خِلَالَهَا تَفْجِيرًا ﴾

[« و یاخود سنک ایچون خرمدن و اوزومدن بر باغچه اولوب او باغچه نك آغاچلرینك آره لرندن نهر لر جریان ایدوب شدتله آقاده بزم سکا ایمان اتمه بز. »] ایشته بو کی منفعلری کورمدکجه ایمان اتمه بجه کلرینی بیانله برابرینه دیدیلر که :

﴿ أَوْ تُسْقِطَ السَّمَاءَ كَمَا زَعَمْتَ عَلَيْنَا كِسْفًا أَوْ تَأْتِي بِاللَّهِ وَالْمَلَائِكَةِ قَبِيلًا ﴾

[« و یاخود سنک سویلدیکک کی بزم اوزریمزه سمایی پارچه پارچه دوشورمدکجه و یاخود بزه قارشی آچقده الهی و ملکری کتیروب کوسترمده بزم سکا ایمان اتمه بز. »] دیمکه عذابک کلسنی و یاخود الهی و ملکری کورمک ایسته دیلر و بونکله ده قناعت ایتدیلر و دیدیلر که :

﴿ أَوْ يَكُونُ لَكَ بَيْتٌ مِنْ زُخْرُفٍ أَوْ تَرْقَى فِي السَّمَاءِ ﴾

[« و یاخود سنک ایچون آتوندن و کموشدن یا پلش مزین بر او اولماده بزم سکا ایمان اتمه بز سکا ایمان اتمه بز » دیمکه ایمانلرینی محاله تعلیق ایتدیلر.] و بالخاصه قرآنه ایمان اتمه بجه کلرینی بیان اتمک اوزره دیدیلر که :

﴿ وَلَنْ نُؤْمِنَ لِرُؤْسِكَ حَتَّى تُنْزِلَ عَلَيْنَا كِتَابًا نَقْرَؤُهُ ﴾

[« یا محمد! ﷺ سن بزم اوزریمزه آچیق بر کتاب انزال ایدوب او کتابی بز او قوماده مجرد سنک سمایه چیمقلغک ایچون البته بز سکا و قرآنه ایمان اتمه بز » دیمکه بر طاقم معجزات ایسته دیلر.]

﴿ قُلْ سُبْحَانَ رَبِّيَ هَلْ كُنْتُ إِلَّا بَشَرًا رَسُولًا ﴾

[حبیلم ! سن بونلره « بنی تربیه ایدن ربمی جمیع نقائصدن تنزیه ایدرم. زیرا ؛ بن اولمادم ، الا سنک کی بشر اولدم و طرف الهیدن سزی ارشاد ایچون کوندرلمش رسولم » دی و بو طلبلرینی رد ایت.]

یعنی ؛ مشرک لر ایمانلرینی محاله تعلیق ایده رک بر طاقم تکالیفده بولوندیلر. چونکه ؛ طبریده ، خازنده و نیسابوریده بیان اولوندی و جهله بر آقشام مکه نك اشرافی کعبه نك طامنه اجتماع ایده رک رسول الهی دعوت ایدر لر. رسول الله ایمانلرینه امید ایده رک تشریف ایدنجه « یا محمد! ﷺ سن غریب بر دعواده بولونیورسک. بوتلریمزه سب ایدوب آباء واجدادیمزی تحطه ایدیورسک. بوندن مقصدک دنیا ایسه نه ایسترسک ویره لم و کندیمزه سنی رئیس انتخاب ایدلم » دیدیلر. رسول الله « بن طرف الهیدن مبعوث رسولم. احکامی سزه تبلیغ ایتدم. قبول ایدرسه کز دنیا ده و آخرتده نصیبکزی آلیرسکز و اگر قبول ایترسه کز بوتون سعادتدن محروم اولورسکز » دینجه آنلر « مادام که سوز کدن دونمیورسک، نبوت دعواسنده اصرار ایدیورسک. شو تکلیفلریمزی قبول و آرزولریمزی یرینه کتیرده سکا ایمان ایدلم » دیمشردی. ایشته او مجلسده واقع اولان تکلیفلرینی تصویر ایچون جناب حق بو آیتلرینی انزال ایتمش و ایسته دکری آتی نوع معجزه دن هر برینی بیان بیورمشدر :

برجی طلبلری : دیدیلر که « یا محمد! ﷺ مادام که نبوت دعواسنده ثبات ایدیورسک. مکه اراضیسی طاردر. سن بزم ایچون مکه نك اطرافنده پیکار لر آقیت. بول بول ایچلم ، اکیلر اکلم ، باغ لر دیکلم. زراعتمز توسع ایتسون ، قارنمز طویسون بزده سکا ایمان ایدلم. بزه بویله بوللق تأمین ایتدکجه بز سکا ایمان اتمه بز. » بوتکلیفلرله مکه وادیلرنده شام وادیلری کی صولرک جریاتی ایسته دیلر.

ایکنجی طلبلری : دیدیلر که « عمومه عائد پیکار لر آقیمادیغکده ، باری کندی نفسکه عائد خرما و اوزوم آغاچلرله طولو بر باغ اولسون که او آغاچلرک آره لرندن صولر آقسون و آغاچلرده بر جوق میوه لر میدانه کلسون کوردم. » مشرک لر بویله بر باغچه کورمدکجه ایمان اتمه بجه کلرینی سویلدیلر.

اوینجی طلبلری : دیدیلر که « کرک عمومه عائدو کرک نفسکه عائدخیر یا پیمه حق ایسه ک باری شریاب. زیرا ؛ بعض کره بز ایمان ایتدیکمز تقدیرده سمان عذاب کله جکنی

سویلر سڭ. کندی اعتقادنجه او کله جڭ عذابی کثیر و سبایی پارچه پارچه اوزریمزه دوشور. بو صورتله سمان عذاب کله نجه ایمان ایتیه جڭلرینی سویلدر.

در دبی طلبیری: دیدیلر که « سن کندی طرفدن رسول اولدیغک اللهی و آنک ملکترینی بزه مقابل اولارق کثیر. آنلر سڭ رسول اولدیغکه شهادت ایتسونلر. بز آنلری قارشیمزده کورهم و آنلری کورمه نجه سکا ایمان ایتیهز ». بو طلبیریه ایمانلرینی محاله تعلیق ایتدیلر.

بشنجی طلبیری: دیدیلر که « سن کندی ایچون آلتوندن و کوشدن یا پلش مزین بر خانه انشا ایدوب کوزلریمز کورمدکجه ایمان ایتیهز ». ایشه بویه بر خانه یی کورمدکجه ایمان ایتیه جڭلرینی بیان ایتدیلر.

آلتنجی طلبیری: دیدیلر که « سن نردبان قوروب کوزومزک اوکنده سایه چیقما دجه بز سکا ایمان ایتیهز ». بو طلبیریه ایمانلرینی بر طاقم مشکلاته تعلیق ایتدیلر.

رسول الله بونلرک بو حاللرینی کوروب ایمانلردن مایوس اولونجه او مجلسدن قالقدی و رسول الله خاله سی اوغلو (عبدالله بن امیه) ده قالقدی و « یا محمد! ^{صلی الله علیه و آله} سن هیچ بر تکلیفی قبول ایتدک. سن سایه چیقسه ک دخی بزه سمان بر کتاب کتوروب او کتابی او قومادجه ساده مجرد سایه چیقدیغک ایچون البته بز سکا ایمان ایتیهز » دینجه جناب حق رسولنه « حییم! سن آنلرک بو طلبیرینه جواب اولارق بی انواع نعمتیریه تربیه ایدن ربمی جمیع نقائصدن تنزیه و جهالتکزه تعجب ایدرم. زیرا؛ بنده سزک کبی بשרم و بشریتده سزکله بنم هیچ بر فرقت یوقدر. شو قدر که بن طرف التهدید سزی ارشاد ایچون کوندرلش رسولم. سزک ایسته دیککز شیلری خلق ایده جڭ الله تعالی در. ایسترسه خلق ایدر، ایسته مزسه خلق ایتمز و بنم دعوامی اثباته کافی معجزه وارد. بناء علیه؛ سزک بونلری ایسته مکز عناددن عبارت اولدینی ایچون الله تعالی خلق ایتمز. زیرا؛ خلق ایتمز اولسه یته عناد ایده جڭ و باشقه شیلر ایسته یه جکسکز دی « بیوردی و خانه سعادتیه مایوس اعدوت ایدوب محزون اولونجه بووقعه یی تصویر و تسجیل ایچون بو آیتلر نازل اولمشدر. مشرکار الوهیتک اوصافی رسالته و رسالتک اوصافی الوهیتده آراقله جهالتلرینی تماماً میدان قویقلردن جناب حق رسولنه تسبیحه امر ایتمشدر. زیرا؛ « الله تعالی یی

بزه کتیرمه نجه سکا ایمان ایتیهز، دیمک جناب حقک کلک و کیتمکدن منز اولدیغی بیه مدکلرینی میدان قویمقدر.

بیضاوینک بیانی وجهله (ینوعاً) بر بطارکه صوری هوره، رانما آفاد کسبلر، (کسفاً) (لفظاً) و (معنی) و (قطعاً) کبی (ارجمه معناسه در. (قیلاً) دعواسه کفیل معناسه اولدیغی کبی مقابل معناسی دخی. مفیددر یعنی « الله تعالی یی دعوا که کفیل و شاهد اولدینی حالده بزه مقابل قارشیمزده کتیرمدکجه ایمان ایتیهز » دیمکدر. زخرف؛ آلتونده و کوشده نیت معناسه در. (لر قیک) بالکز سماءه چیقما دجه ایچونه ایمانه ایتیهز. بناء علیه؛ سماءه چیقما دجه برابر بزم او قویا چقمز مدره بر کتاب ده برابر کتیرملیک « دیمکدر.

واجب تعالی مشرکک شهبه لرینی و بعض طلبیرینی بیاندن صوکر بعض آخری بیان ایتک اوزره ﴿ وَمَا مَنَعَ النَّاسَ أَنْ يُؤْمِنُوا إِذْ جَاءَهُمُ الْهُدَى إِلَّا أَنْ قَالُوا أَبَعَثَ اللَّهُ بَشَرًا رَسُولًا ﴾ بیوریور.

[ناسه هدایت اولان قرآن کلدیکنده آنلری ایماندن هیچ بر شی منع ایتدی، آنجق « الله تعالی بشری رسول اولارق کوندردی؟ » دیملری منع ایتدی.]
﴿ قُلْ لَوْ كَانَ فِي الْأَرْضِ مِثْلُكَ يَمْشُونَ مُطْمَئِنِّينَ لَنَزَّلْنَا عَلَيْهِمْ مِنَ السَّمَاءِ مَلَكًا رَسُولًا ﴾

[حییم سن آنلره جوابده دی که « اکر یر یوزنده کال استراحتله اقامت ایدر اولدقلری حالده یورور ملک اولسه ایدی بز عظیم الشان آنلر اوزرینه سمان رسول اولارق ملک کوندرردک ولکن یر یوزنده اقامته و اعماره مأمور ملک اولما دیغندن ملکدن رسول کوندرمدک. »

یعنی؛ کافرلرک امر نبوتده شهبه لرندن بریسی ده بشریتی رسالته منافی کورملریدر. زیرا؛ ناسه طوغرو یولی کویستر عین هدایت اولان قرآن کلوب حقایقه مطلع اولدقلرنده

آنلری ایمان ایتمکدن هیچ برشی منع ایتدی، «الا الله تعالی بشری رسول اولارق کوندر دیمی؟» دیملی منع ایتدی. چونکه؛ آنلر بشریتله رسالت آره سنده منافات کوردیلر و «بشر» کندی مثللو بشرک نقصاتی اکاله نصل مأمور اولور؛ اکر الله قوللری اصلاح ایچون رسول کوندرمش اولسه ایدی ملک کوندرردی، دیمکه بشرک منصب رسالته تعیین اولونا جفنده شبهه ایتدیلر. حالبوکه دور آدمدن بری انسانلره رسول بشردن اولدینی و بالخاصه پک بویوک رسول طائیدقلری و کندیسنه نسبتله افتخار ایتدکلی ابراهیم علیه السلام بشر اولدینی بیلدکلی حالده شوا اعتراضلری حماقت و عنادلرینه صریح بر دلیلدی. یا اکر الم رسل! سن آنلرک شوا اعتراضلرینه قارشلی دی که «اگر یر یوزنده ساکن اولارق بنی آدم کی یورور ملک اولسه ایدی بز آنلر اوزرینه سمان کندی جنسلردن رسول اولارق ملک کوندرردک. زیرا؛ جنسک جنسه رسول اولسی عقله و حکمته موافقدر. چونکه؛ رسالته الفت و انسیت لازم و بویاسه بر برینک. حاله واقف اولان جنسیتله اولور. حالبوکه ملکله بشر آره سنده جنسیت اولمادیجی جهته امر رسالتدن مقصد اصلی اولان ارشاد و تبلیغات حاصل اولامز» دیمکه شبهه لرینی ازاله ایت.

تفسیر خازنده و نيسابوریده بیان اولوندیجی وجهله الله تعالی نك رسولنه ویرمش اولدینی قرآن وسائر معجزات بونلرک ایسته دکلی معجزه لردن دها بویوک و دعوا ی نبوتی اثباته کافی اولدیغندن باشقه معجزه ایسته مک مجرد عناد و مکابره دن عبارت اولدینی جهته ایمان ایتیه جکلرینی بیلدیکی ایچون جناب حق خلق ایتمه مشدر.

خلاصه: مشرک لک ایمانلرینه مانع اولان بشرک بشره رسالتی بعید عد ایتلی و یر یوزنده کی خلق ملک اولسه رسوللرینک دخی ملک اولاجنی وارض اوزرنده، اعمارینه مأمور وساکن اولان خلقک بشر اولدیغندن رسوللرینک ده بشر اولسی عقله و حکمته موافق اولدینی بو آیتدن مستفاد اولان فوائد جمله سنددر.

واجب تعالی کافر لک تعند و تمردلرینی بیاند نصکره معجزه طلبنه حاجت اولمادیجی. بیانله تهدید ایتک اوزره ﴿قُلْ كَفَىٰ بِاللَّهِ شَهِيدًا بَيْنِي وَبَيْنَكُمْ إِنَّهُ كَانَ بِعِبَادِهِ خَبِيرًا بَصِيرًا﴾ بیوریور.

[حییم! سن کافر لره جوابده دی که «الله تعالی دعوامک صادق اولدیغه یدمده معجزه لرمله شهادت ایتدی. بناء علیه؛ الله تعالی سزکله بنم بینمزده شاهد یونندن کافی اولدی. زیرا الله تعالی؛ قوللرینک ظاهر و باطن حاللرینی بیلیر و جمله ایشلرینی کورور.] شو حالده بنم نبوتمه الله تعالی شهادت ایدوب ائمه انواع معجزاتی خلق ایتمه نزعی قطع ایدر تأییدات الهیه سی میدانده اولدینی جهته سزک ایستدیکمز معجزه لره احتیاج قالماشدر بناء علیه؛ عناد کزک جزاسی سزه عاؤدر.]

بو آیت؛ رسول الهی تسلیه و کافر لری تهدیددر. چونکه؛ رسولنک دعوا سنه اللهک شاهد اولسی و قوللرینک احوالی بیلوب کورمی تسلیه و تهدیددن باشقه برشی دکدر.

واجب تعالی تهدیدینی اجمالاً بیاند نصکره هدایتده وضالته اولانلری تفصیل وضالاتی ارتکاب ایدنلری تهدید ایتک اوزره ﴿وَمَنْ يَهْدِ اللَّهُ فَبُهِيمٌ﴾ بیوریور. [اگر بر کیمسه بی الله تعالی هدایتده قیلارسه آنحق طوغرو بوله تمسکه مهتدی اودر.]

﴿وَمَنْ يَضِلَّ فَلَنْ يُجِدَ لَهُمْ أَوْلِيَاءَ مِنْ دُونِهِ﴾

[اگر بر کیمسه بی سواختیارینه بناء الله تعالی اضلال ایدر سه حییم! سن آنلر ایچون اللهک غیر البته دوستلر بولامازسک که اودوستلری آنلری اللهک عذابندن قورتارسون.]

﴿وَنَحْشُرُهُمْ يَوْمَ الْقِيَمَةِ عَلَىٰ وُجُوهِهِمْ عُمِيًَّا وَبُكْمًا وَصُمًّا﴾

[بز او اضلال ایتدیکمز کیمسه لری یوم قیامتده کور و دیلسز و صاغیر اولدقلری حالده یوزلری اوزرینه حشر ایدرز.]

﴿مَأْوَاهُمْ جَهَنَّمُ﴾

[زیرا؛ آنلرک محللری جهنمدر.]

﴿كُلَّمَا حَبَتِ زِدْنَاهُمْ سَعِيرًا﴾

[هر نه زمان آنلرک ائلرینی و دریلرینی یا ققله جهنمک علوی آزالیرسه بز آنلرک دریلرینی و ائلرینی اعاده ایتمکله آنلره جهنمک علوینی زیاده ایدرز .]

﴿ ذَٰلِكَ جَزَاؤُهُمْ بِأَنَّهُمْ كَفَرُوا بِآيَاتِنَا ﴾

[ایسته شو عذاب بزم آیتلریمزه کفرلری سببیه آنلرک جزاسیدر .]

یعنی ؛ برکیمسه اراده سنی هدایتیه صرفله الله تعالی آنی هدایتده قیلارسه آننجق طوغرو یولی بولمق سببیه هدایتیه واصل اولان اودر واما برکیمسه که اراده سنی ضلالتیه صرفله الله تعالی آنی ضلالتده قیلدی . حییم ! سن آنلرایچون اللهک غیری آنلری عذابدن قورتاره جق یاردیمجیلر بولامازسک و بز عظیم الشان آنلری یوم قیامتده کوزلری کورمن و قولاقلری طویماز و دیللری سویله من اولدقلری حالده حشر ایدرز . زیرا ؛ آنلر دنیاده ایمانی قبولدن استکبار ایتدکلی جهنمه دنیاده کی کبرلرینه جزا اولارق یوزلری اوزرینه ذلیل و حقیر اوله رق حشر اولنورلر . و دنیاده حق کورمدکلیینه مقابل کوزلری کور و حق دویمادقلرینه بدل قولاقلری صاغیر و طوغرو سویلدکلیینه بدل دیللری ططا اوله رق عرصه محشره کایرلر و دنیاده ایشله دکلی عمل اوزره جزا کورورلر . زیرا ؛ آنلرک صیغینه جق محللری جهنمدر و جهنمدن باشقیرلری یوقدر و هر نه زمان که ائلری و دریلری یا ققله جهنمک علوی سکونت بولور خقیقلرسه بز آنلرک مضمحل اولان وجودلرینی اعاده ایتمکله جهنمک علوینی زیاده ایدرز . چونکه ؛ آنلر آخرتی تکذیبیه اعاده بی انکار ایتشلردی . او انکارلرینه مقابل بز آنلرک یانمش وجودلرینی و جهنمک شدتی اعاده ایدر و دوام ایتدیررز . ایسته شونوع عذابلر بزم وحدانیتیمزه دلیل اولان آیتلره و قرآنه کفر ایتلری سببیه آنلرک جزالیدر .

بو آیتده بیان اولوندینی وجهله « یوزلری اوزرینه نصل یورورلر » سؤالنه رسول اللهک « دنیاده ایکی آیاقلری اوزرنده یوروتیمکه قادر اولان الله تعالی آخرتده یوزلری اوزرینه دخی یوروتیمکه قادردر » بیوردینی حضرت انسک روایتله نیسابوری و خازنک جمله بیاناتلرنددر . بناء علیه ؛ رسول اللهک « یوم قیامتده ناس اوچ صنف اوزره قالدقار : برنجیسی ؛ یا یا یورور . ایکنجیسی ؛ بیدلی یورور . اوچنجیسی ؛ یوزلری اوزرینه یورورلر » بیورنجه حاضر بولنان اصحاب کرام طرفندن « یوزلری اوزرینه نصل یورورلر » دنیلدیکنده عین

جوابی و یردیکی (ابوهریره) حضر تلرندن دخی مرویدر . شو حالده بو حدیثلر آتی تفسیر ایتدیکی جهنمه اهل کفرک آخرتده یوزلری اوزرینه حشر اولونا جقلری حقیقیدر ، تأویله حاجت یوقدر .

بیضاوی و نیسابوریده بیان اولوندینی وجهله کافرلرک کوزلری کورورسه ده راحت ایده جک و کوزلرینی دیکله ته جک شیلری کوره منلر و کذلک دیللری سویلرسه ده طرف السیدن قبول اولونا جق برشی سویله منلر و قولاقلری دو یارسه ده تلذذ ایدیه جکلری برشینی دو یمازلر دیمکدر . شو توجیهه نظراً کافرلرک کوره جکلرینی و دو یاجقلرینی و سویله من جکلرینی بیان ایدن آیتلره بو آیت بینه منافات یوقدر . یا ضوره بو آیت ابتداء حشر اولونا جقلرک حاللرینی بیان ایتشددر . چونکه ؛ بو حال اوزره حشر اولونوب بر مقدار جزا کورد کدنصکره عرصه محشرده قوالری کندیلرینه اعاده اولونا جنی مرویدر . بوکا نظراً کوره جکلرینی و دو یاجقلری و سویله من جکلرینی بیان ایدن آیتلر عرصه محشرده اولاجق حاللرینی بیان ایتدیکی جهنمه بو آیته منافی دکلردر .

خبت ؛ در رس و خقیقلرک معناسه در . سعیر ؛ جهنمک یانار علوی معناسه در . یعنی « هر نه زمان جهنمک آتشی خقیقلرسه بز آنی سوندورمن علوینی زیاده لندیررز » دیمکدر . خلاصه ؛ اللهک هدایتده قیلدینی کیمسه نک طوغرو یوله واصل اولاجنی و اللهک ضلالتده قیلدینی کیمسه لر ایچون یاردیمجینک بولونیمه جنی و آنلر قیامتده کور ، دیلسر و صاغیر اولارق قیرلرندن قالقه جقلری و آنلرک مسکنلری جهنم اولوب هر نه زمان جهنمک علوی سونمکه یوز طوتارسه علوینک تکرار زیاده لنه جکی و شو عذابلرک سبی آنلرک کفرلری اولدینی بو آیتدن مستفاد اولان فوائد جمله سنددر .

واجب تعالی نبوتی انکار ایدنلرک جوابلرینی و جزالرینی بیاندنصکره حشری انکار ایدنلرک جوابلرینی بیان ایتک اوزره ﴿ وَقَالُوا إِذَا كُنَّا عِظَامًا وَرُفَاتًا ۖ إِنَّا لَمَبْعُوثُونَ خَلْقًا جَدِيدًا ﴾ بیوربیور .

[کافرلر حشری انکار طریقله دیدیلرکه « بز وفات ایدوب کیمک اولوب وچورویوب توز اولدقدنصره قبرمزدن قالقوب یکی بر مخلوقی اولاجغز؟ بویه شی اولورمی وچورومش کیمک و اوفامش طوپراق یکی بر انسان اولورمی و بونی عقل قبول ایدرمی؟ » دیمکله حشری انکاره جسارت ایتدیلر.]

﴿ أَوَلَمْ يَرَوْا أَنَّ اللَّهَ الَّذِي خَلَقَ السَّمَوَاتِ وَالْأَرْضَ قَادِرٌ عَلَى أَنْ يَخْلُقَ مِثْلَهُمْ ﴾

[و شو منوال اوزره حشری انکار ایدرلرده بوقدر جسامته کولکری ویری خلق ایدن الله تعالی نك آنلرک مثلی خلق ایتمکه قادر اولدیغی کورمدیلرمی؟ و سموات و ارضک جسامتلینه باقوبده آنلری یار آتمه قادر اولان اللهک بونلری تکرار اعادهیه قادر اولدیغی بیلمدیلرمی؟] هم کوردیلر همده بیلدیلر. ابتداء ایجاد قادر اولان الله تعالی نك صکره اعادهیه قادر اولاجنی اولویتله ثابت دکلی؟ و اعاده، ابتداء ایجاددن ده قولاوی دکلی؟

﴿ وَجَعَلْ لَهُمْ أَجَلًا لَا رَيْبَ فِيهِ ﴾

[الله تعالی آنلر ایچون کندیسنده اصلا شبه اولیان بر اجل خلق ایتدیمی؟ و اجل خلق ایتدیکنی کورمدیلرمی؟ بوندهده شبهلری وارمیدر؟]

﴿ قَابِلِ الظَّالِمُونَ إِلَّا كُفُورًا ﴾

[بونلرک هپسنی کوزلری اوکنده کوروب بیلرلرولکن ظالملر هرشیدن امتناع ایدرلر، آنحق کفردن امتناع ایتمزلر.] چونکه؛ ظالملر حق قبولدن و حشری اقراردن و آخرته ایماندن امتناع ایدرلر و آنحق شدتله کفردن امتناع ایتمز و آنده اصرار ایدرلر.

بیضاوینک بیانی وجهله کندیسنده شبه اولیان اجل ایله مراد؛ هرکسک وفاتی ایچونه تعیین اولونانه زمانر. چونکه؛ بونده هیچ کیمسه نك شبهسی یوقدر. یاخود یوم قیامتدر. بوندهده شبه یوقدر. زیرا؛ عقلی و نقلی دلیلر قیامتده شبه بر اقامشدر. شو حالده قیامتک لوازمندن اولان حشرک وقوعنده دخی شبه یوقدر.

واجب تعالی مشرکک مکّه اراضیسنده صویک جریانی و باغلر و باغچلر میدان کلسی

ورزقلرینک چوق اولسنی ایسته دکلرینی و بشرینک رسالته منافی اولدیغی ادعا ایتدکلرینی و قیامتده ناصل حشر اولونا جقلرینی و حشری انکار ایتدکلرینی بیاندن صکرا اگر کندیلری ارضک خزینهلرینه مالک اولسلر بخل ایده جکلرینی بیان ایتک اوزره ﴿ قُلْ لَوْ أَنْتُمْ تَمْلِكُونَ خَزَائِنَ رَحْمَةِ رَبِّي إِذَا لَا مُمْسِكُكُمْ خَشْيَةَ الْإِنْفَاقِ وَكَانَ الْإِنْسَانُ قَتُورًا ﴾ بیوریور.

[حییم! سن کافرله دی که « اگر سز ربمک احسان خزینهلرینه مالک اولسه کز مالک اولدیغککز تقدیرده انفاق قورقوسندن امساک ایدرسکز ». حالبوکه انسان نفسنده ممسک اولدی.]

یعنی؛ مکّه حوالیسنده نهرلرک جریانیله حرانت وزراعتک توسعنی معجزه اولارق سندن ایسته ینلره سن دی که « جناب حقده سزک ظنککز کی بخل و امساک شائبهسی یوقدر. زیرا بخل و امساک؛ انسانلره مخصوص اخلاق ذمیمه دندر. بناء علیه؛ سز ربمک توکنمز رحمت خزینهلرینه مالک اولسه کز ایسته مالک اولدیغککز تقدیرده انفاق ایده مزسکز. چونکه؛ انفاق ایدنجه توکه نیر قورقوسی هر طرفکزی احاطه ایتدیکی جهته طبیعتکزده اولان بخل سزی انفاقدن منع ایدر. زیرا نفس انسان؛ بخیلدر.

تفسیر خازنده بیان اولوندیغی وجهله هر نه قدر انسانک بعض افرادنده جود و کرم و سخا اولورسهده اساس اعتباریله انسان محتاج وضعیف بر مخلوق اولدیغندن طبعنده امساک واردر. بناء علیه؛ بعض کیمسه ثواب امیدینه و بعضیسی ده مدح و ثنایه محبته بناء سخاوت یاپار، فقط امر عارضیدر. یاخود « جنس انسان ممسک » دیمکدر. شو حالده جنسینده بخل اولق هر فردنده بخل اولسنی ایجاب ایتمز. مثلاً « انبیاء کرام حضراتنده بخل اولماز » دیبه رک بو آیه اعتراض وارد اولماز. زیرا آیت؛ جنس انسانده بخل اولدیغی بیان ایدنجه بعض فردک سخاسی آیه منافی دینه مز. یاخود آیت؛ اکثرک حالنی بیان ایچون وارد اولمشدر. یعنی « اکثر انسان بخیل اولدی » دیمکدر.

واجب تعالیٰ مشرک‌ک‌رک‌ ال‌ک‌ب‌و‌ی‌و‌ک‌ معجزه اولان قرآنه قناعت ایتمه‌رک‌ باشقه معجزه ایسته‌دک‌ل‌ر‌نی بیان ایتد‌ک‌د‌ن‌ص‌ک‌ره حضرت موسانک برچوق معجزه‌سی اولدینی حالده فرعونک واتباعنک ایمان ایتد‌ک‌ل‌ر‌نی بیانله معجزه‌نک بر اولمسیله متعدد اولمسی بیننده فرق اولمادیغنی بیان ایتک اوزره ﴿وَلَقَدْ آتَيْنَا مُوسَىٰ تِسْعَ آيَاتٍ بَيِّنَاتٍ فَمَسَّئِلُ بَنِي إِسْرَءِيلَ إِذْ جَاءَهُمْ﴾ بیوریور.

[ذات‌الو‌ه‌ی‌ت‌مه یمین ایدرم که محقق موسی‌علیه‌السلامه بزطقوز آیت ویردک‌که اوآیتلر آجیق هرکسک آکلایه‌بیله‌جکی بردرجه‌ده‌در. بناء‌علیه؛ سؤال ایت حییم بنی اسرائیله موسی‌علیه‌السلام آنلره کلدیکنده نه کبی وقعه‌لر جریان ایتدی؟]

﴿فَقَالَ لَهُ فِرْعَوْنُ إِنِّي لَأَظُنُّكَ يَا مُوسَىٰ مَسْحُورًا﴾

[موسی‌علیه‌السلام فرعونه واتباعنه معجزه‌ل‌ر‌نی اظهار ایدنجه فرعون اکا دیدی‌که «یا موسی! بن سنی محقق سحر اولونمش وعقلنه برخلل کلمش ظن ایدیورم.»]

یعنی؛ ای — مشرک‌لر! چوق معجزه اولقله ایمان ایتکنز لازم کلز. زیرا؛ بز فرعون واتباعنه رسول کوندردیکنز موسی‌علیه‌السلامه نطقوز معجزه ویردک‌ وآنلر بو آجیق معجزه‌ل‌ری کوردک‌ل‌ری حالده ایمان ایتدیلر. شو حالده یا اکرم‌ال‌رسل! سن بنی اسرائیله سؤال ایت. موسی‌علیه‌السلام آنلره کلدیکنده نه لرسویه‌دیلر ومعجزه کلنجه نه ایچون ایمان ایتدیلر. ایسته آنلر، معجزه‌نک کثرتیه برابر ایمان ایتدک‌ل‌ری کبی مشرک‌ل‌رک‌ ایسته‌دک‌ل‌ری معجزه‌ل‌ری کتیره‌ک‌ینه ایمان ایتزلر. چونکه؛ معجزه‌نک چوقلغنی فائده ایتز، قناعت ایتک لازم‌در. حضرت موسی بوقدر آجیق معجزه‌ل‌ره کلدیکی حالده فرعون آکا «یا موسی! بن سنی سحر اولونمش ظن ایدیورم. زیرا؛ سویلدیکنک سوزلر عقلی تمام برکیمسه‌نک سوزی‌دک‌ل‌در» دیمکله ایماندن اعراض ایتدی، خازن، قاضی ونیسابورینک بیانلری وجهله حضرت موسی‌نک طقوز آیتی؛ عصا، بریضا، جگرکه، بت، قوربغه، نیک قبیلر هفتده قانه اولمسی، طائره صوبک آغسی، دکزک بول اولمسی وطور طاعنه بریاره‌نک برنده آریلوب بنی اسرائیلی نه‌برجه‌ایچونه باشلری اوزرنه دورمسی‌در.

بونلردن هر برینک تفصیلاتی بوندن اول بیان اولونمش‌در. یاخود آیت له مراد؛ محمد شریعت‌در وملت‌دره رعایت اولونانه املام دین‌دره. چونکه؛ بریهودینک رسول‌الله‌دن بوطقوز آیتک نه‌دن عبارت اولدیغنی سؤال ایتدیکنده رسول‌اللهک «الله تعالی‌یه شرک ایتمه‌ک‌ وبغیرحق برکیمسه‌بی اولدرمه‌ک‌ وبرکیمسه‌نک مالنی چالماق وزنا ایتمه‌ک‌ وربایمه‌ک‌ وبرکیمسه‌یه سحر ایتمه‌ک‌ وعقیفه اولان بر خاتونی زنا ایله اتهام ایتمه‌ک‌ وبری‌ال‌زمه اولان بر شخص حقنه ژورنال ویرمه‌ک‌ وائشای محاربه‌ده دشمندن قاجق‌در» دیمکله جواب ویردیکی (صفوان بن عسال) حضرتل‌رینک روایتله طبری، خازن وقاضینک جمله بیانل‌رن‌دندر. بوطقوز احکام؛ جمله انبیانک شریعتل‌رنده ثابت اولوب اصلاً نسخ وتبديل وقوع بولمامش‌در. بناء‌علیه؛ جمله ارباب دین بیننده بواحکام مرعی‌ال‌اجرادر. فخررازینک بیانی وجهله رسول‌اللهک بنی اسرائیلدن سؤالنک سبی؛ کندی جوابنک بنی اسرائیلک کتابل‌رینه موافق اولدیغنی آنلره بیلدیرمکله نبوتی تصدیق ایتدیرمک‌در. یاخود قاضینک بیانی وجهله (فاسئل) خطابی؛ حضرت موسای‌در. یعنی «یا موسی! بنی اسرائیلی فرعوندن سؤال ایت. آنلری ارض فلسطینه سنک آلوب کوتورمه‌ک‌ مساعده ایسته. ویرسه آل کوتور» دیمک‌در.

خلاصه؛ حضرت موسایه مهم طقوز معجزه ویاخود احکام ویرلدیکی وحضرت موسانک آنلره کلدیکنده ایمان ایدوب ایتدک‌ل‌ر‌نی بنی اسرائیلدن سؤاله رسول‌اللهک مأمور اولدینی وفرعونک حضرت موسایه «بن سنی سحر اولونمش وعقلی مختل اولمش ظن ایدیورم» دیدیکی بو آیتدن مستفاد اولان فوائد جمله‌سندندر.

واجب تعالیٰ فرعونک سوزینه قارشى موسی‌علیه‌السلامک جوابی بیان ایتک اوزره ﴿قَالَ لَقَدْ عَلِمْتَ مَا أَنْزَلَ هَؤُلَاءِ إِلَّا رَبُّ السَّمَوَاتِ وَالْأَرْضِ بِضَائِرٍ﴾ بیوریور.

[موسی‌علیه‌السلام جوابنده فرعونه دیدی‌که «الله یمین ایدرم شوآیتلری کوزل‌رک‌ کوره‌بیله‌جکی حالده آجیق اولارق انزال ایتدی، الایرک‌ وکوک‌ل‌رک‌ ربی انزال ایتدیکنی محقق سن بیلدک‌ وبیلدیکنک حالده عناد ایدیورسک.»]

﴿وَإِنِّي لَأَظُنُّكَ يَا فِرْعَوْنُ مَثْبُورًا﴾

[« حالبوکه یافرعون! بن سنی بوتون خیراتدن آیرلمش وحضورالسهیدن طرد اولونمش بر کیمسه ظن ایدیورم » دیمکه فرعونه مقابله ایتدی .]

یعنی ؛ موسی علیه السلام فرعونک سئوالنه جواباً « شو آیتلری دعوامک طوغرو اولدیغنه دلالت ایدر اولدیغی حالده انزال ایتدی ، الاسموات وارضک ربسی دعوامی اثبات ایچون انزال ایتدیکنی سن محقق بیلدک و بیلدیکنک حالده عناد ایتدیکنکندن بن سنی هلاکه مستحق بر مطرود ظن ایدیورم » دیمکه فرعوننی الزامه چالیشدی .

(بصائر) بیضاوینک بیانی وجهله (بینات تبصرک صدقی) معناسه در . یعنی «شو آیتلر بنم صدقی سکا کوستر بر طاقم بینلر اولدیغی حالده عالمک ربسی انزال ایتدی » دیمکه درکه بو آیتلرله حق و حقیقت کورولور ، فقط سن عناد ایدیورسک » دیمک اولور . (مثبوراً) **غیرده صرف وشر اوزره طبع اولونمش یعنی غیرده مجرد ایدرک شمرله الفت ایتسه** دیمکه در . حضرت موسی فرعونک ظنیله کنندی ظنی قارشولاشدیردی . چونکه ؛ فرعون آکا « بن سنی سحر اولونمش ظن ایدرم » دیدی . بوایه صرف یالاندن عبارت ایدی . حضرت موسی بوکا قارشو « ای فرعون! بوسوزلرکه بن سنی خیردن اوزاقلاشمش وشرله الفت ایتش بر کیمسه ظن ایدیورم » دیمکه مقابله ایتدی . موسی علیه السلامک بوکلامی فرعونک الهی بیلدیکنه دلالت ایدر . چونکه ؛ حضرت موسی فرعونک بو آیتلری انزال ایدن عالمک ربسی اولدیغی بیلدیکنی و لکن حسد و ریاسته محبت ایچون عناد ایتدیکنی بیان ایتش و بوکی خسیس شیلره آلدانارق کفری ارتکاب ایتدیکندن دولای هلاکه مستحق اولدیغی کندینه تفهیم ایتشدیر .

واجب تعالی موسی علیه السلامک شو جوابندن صکره فرعونک معامله سنی بیان ایتک

اوزره ﴿فَأَرَادَ أَنْ يَنْتَفِزَهُمْ مِنَ الْأَرْضِ فَأَغْرَقْنَاهُ وَمَنْ مَعَهُ جَمِيعًا﴾ بیوریور .

[موسی علیه السلامک مقابله سنه قارشو فرعون بنی اسرائیلی ارض مصردن قورقوتوب قاجیرمق مراد ایتدی . آنک شو حیله سی اوزرینه بفرعوننی و ماهیتنده اولان کیمسه لرک

جمعیسنی دکره غرق ایتدک . بناء علیه ؛ فرعونک بنی اسرائیله یامیش اولدیغی حیله یی علیه چویردک و آیاغنه طولاشدیردق .]

﴿وَقُلْنَا مِنْ بَعْدِهِ لِبَنِي إِسْرَءِئِيلَ اسْكُنُوا الْأَرْضَ﴾

[وفرعونک معیتله برابر انقراضندن صکره بنی اسرائیله دیدک که « ارض اوزرنده دشمنکر اولان فرعونک قورقوسندن امین اولارق ساکن اولک و راحت ایدک » .]

﴿فَإِذَا جَاءَ وَغَدُ الْأَخِرَةِ جِئْنَا بِكُمْ لَفِيفًا﴾

[« آخرتک وعدی و کونی اولان بوم قیامت کلدیکنده بزمی بر بریکرله ؛ صاحب کز اشقیاکرله عالمکز جاهلکزله ظالمکز مظلومکزله و عابد کز فاسقکزله قاریشیق اولدیغکز حالده کتیریرز و بینکرده حکمله سعید اولانلری شقی اولانلردن آیریرز » دیمکه بنی اسرائیلک خط حرکتلری تعین ایتدک .] فرعون بنی اسرائیلی تفرقه یه دوشوروب هر بنی بردورلو بهانه ایله اتهام ایدرک ارض مصردن قتل ، اتلاف و نفی ایتدک پریشان ایدوب چیقارمق و مصری آنلردن تخلیه و مصر اراضیسنی قبیللره تخصیص ایتک مراد ایدنجه الله تعالی حضرت موسی واسطه سیله بنی اسرائیلی خلاص و فرعوننی غرق ایتدیکنی بیان بیوردی که الی بوم القیام حیله دوشون و ظلمی اعتیاد ایدن کیمسه لره عبرت اولسون و بو کی ظلم و حیله نک عاقبتی هلاک اولدیغنی بیلسونلر ، جسارت ایتسونلر . چونکه ؛ بو کی وقوعات سابقه یی اسبابیله برابر جناب حقک بزه قرآنده بیان ایتسی بزم ایچون عبرت وعین نعمتدر .

بو آیتده اسکانه امر اولنان ارض له مراد ؛ ارض مصر اولدیغنه نظراً فرعونک غرقدره صکره حضرت موسانک بنی اسرائیل ایدر برابر مصره عودت ایدوب بر مدت اطله اولونمقلری فهم اولونورسه ده اصح اولان ارض له مراد ؛ مطلقاً ارض مصر و بنی اسرائیل مصره عودت ایتمه مشلر . زیرا ؛ دیگر آیتلرده فرعونک غرقندن صکره بنی اسرائیلک (ارض تیه) ده بر مدت قالدقلری و حضرت موسانک میقاتی و توراتک نزولی و تدریجاً بیت مقدسه مالک اولوب اوراده قرار ایتدکلی بیان اولونوب مصره عودتلیینه دائر بر صراحت یوقدر . شو قدرکه بعض آیتلرده فرعونک ملکنه وارث اولدقلرینه

اشارت وار ايسهده فرعونك مملكتى (ارض تيه) دده شامل اولدينى جهته مملكتندن برقسنه وارث اولدیلر ديمکدر .

خلاصه ؛ فرعونك بنی اسرائیلی بر طاقم اشکنجه لرله قورقوتوب مصر اراضی سندن آنلری چیقارمق مراد ایتدیکی و بواراده سی اوزرینه جناب حقه معیتله برابر فرعونى غرق و بنی اسرائیله فرعونى غرق ایتدکدن صکره ارض اوزرنده ساکن اولملى امر ایلدیکی و آخرتک زمانى کلدیکنده «سزى ایپکز کوتوکزه قاریشیق اولدینی حالدله عرصه محشره کتیررز» بیوردینی بو آیتدن مستفاد اولان فوائد جمله سندنر .

**

واجب تعالى حضرت موسائک معجزه لرینی و فرعونك غرق اولوندينى بيان ایتدیکی کبی قرآنک انزالى حق و حقیقه مقارن اولدینی دخی بیان ایتک اوزره ﴿وَبِالْحَقِّ أَنْزَلْنَاهُ وَبِالْحَقِّ نَزَلَ وَمَا أَرْسَلْنَاكَ إِلَّا مُبَشِّرًا وَنَذِيرًا﴾ بیوریور .

[بز قرآنى حقه مقارن اولارق انزال ایتدک و قرآنده حقه مقارن اولارق نازل اولدی . حییم ! بز سنی ارسال ایتدک ، الا مبشر و قومى انذار ایدیجی اولدیغک حالدله ارسال ایتدک .]

یعنی ؛ بز قرآنى حقه مقارن و انزالنى ایجاب ایدر حکمته مطابق اولارق انزال ایتدک که احکامى باطلدن عاری و امرلری و نهیلری و ضروب امثالى و رموزاتى و اشاراتى و معارف حقایق جمله سی آنجق حقه ملابس اولارق نازل اولدی و حییم ! بز سنی مقصدلردن هیچ بر مقصده مبنی قومه ارسال ایتدک ، آنجق مؤمنلری انواع خیرات و لذائذ آخرتله تبشیر ایدر و قرآنه ایمان ایتمینلری انواع عذابله قورقوتور اولدیغک حالدله ارسال ایتدک . شو حالدله قرآنک احکامى ؛ تبشیری و یا انذارى حاوی اولدینی کبی سنی رسول کوندر مکده کی حکمتده تبشیر و انذارله قوللری اصلاح ایتمکدر . بناء علیه قرآن ؛ انزالنى ایجاب ایدر حکمته موافق اولارق انزال اولوندينى کبی قوللرک اصلاحنه کافی احکام اوزرینه مشتمل اولدیغدن حق اولارقده نازل اولمشدر .

مدار کده بیان اولونديغه نظر آخسته اولان کیمسه اوزرینه بو آیت او قونور و او قویان کیمسه آغری اوزرینه ألى باصارسه بأذالله تعالى خسته لق زائل اولور .

قرآنک احکامى وحدانیت الهیه و صفات سبحانیه و نبوته و ملکله تعظیمه واحوال آخرته و احکام ثابته اوزرینه مشتمل اولدینی جهته حقه نازل اولدینی بیان اولوندينى کبی قرآن شریعت باقیه اوزرینه شامل اولدیغدن حقه مقارن اولارق انزال اولوندينى ده بیان اولومشدر .

بو آیت جلیلهده اولدیکی حق له مراد ؛ ارضک اعمالیه و انسانک اصلاصه و بر بوزمه فسادک رفته متعلو قرآنک انزالنى ایجاب ایدر حکمتدر . ایکنجی حق له مراد ؛ اعتقاداته و عملیه متعلو قرآنک مشتمل اولدینی اصطلاح اولدینی جهته معنار یئنده فرق اولدیغدن ایکنجی حق لفظی ضمیر موقعنده اسم ظاهر اولارق وارد اولمشدر . چونکه ؛ اگر ایکیسی بر معنایه اولسه ایدی (و بالحق) یرنده (و به نزل) ذیل سده اولاییلیدی .

**

واجب تعالى قرآنک حقه مقارن اولارق انزال اولوندينى بیاند نصکره قرآنک حقه باطل یئنی تقریق ایچون متفرق صورته نازل اولدینی بیان ایتک اوزره

﴿وَقُرْأْنَا فَرَقْنَاهُ لِتَقْرَأَهُ عَلَى النَّاسِ عَلَى مُكْثٍ وَنَزَّلْنَاهُ تَنْزِيلًا﴾ بیوریور .

[حییم ! سنک ، قرآنى تأنى ایله ناس اوزرینه او قوماک ایچون بز قرآنى فرقه فرقه قیلدق و یکریمى اوچ سنده او قرآنى انزال ایتمکله انزال ایتدک .]

یعنی ؛ کافرلر هر نه قدر جهالتلرینه بناء قرآنک مدون بر کتاب اولارق انزال اولونمادیغه اعتراض ایدر لرسده بز قرآنى تفصیل ایتدک و سوره لرینی و آیتلرینی آیری آیری انزال ایتدک که سن او قرآنى ناس اوزرینه عجله ایتمکسزین و مهلتله او قویاسک و حادثه نك ایجابنه و زمانک اقتضاسنه کوره انزال ایتدک که ناس کال تأنى و حضورله دیکله سونلر و معناسنی لایقيله آکلاسونلر و یکریمى اوچ سنده تدریجله انزال ایتدک که ناسه حفظی قولای اولسون و بر حادثیه کوره نازل اولدیغدن قیامته قدر او حکمى عین حادثه نك امثالنده تطبیق ایتمکده مشکلات چکسونلر .

نیسا بورینک بیانی وجهله بو آیت جلیله؛ قرآنك دفعه نازل اولادیغنه اعتراض ایدنلره جوابی و متفرق نازل اولدیغنك حکمتی ده متضمندر. زیرا؛ حوادثك حکمتی بیان ایچون هر حادثه بی مین آیت کلسی البته پایدار و معنیدار اولوب قیلرده تقرری زیاده اولاجغنده شبه اولادیغی کبی بر حادثهك حکمتی آ کلا یوب دیکله یوب هضم ایتد کدنصکره دیکر حادثه حقنده ایکنجی بر حکمك کلسی البته دفعه بر کتابك کلمسندن ده قوتلی و مزیتلی دره.

(فرقاء) یاریم یاریم تفصیل اوزرر کلمك معناسنه اولدیغی کبی مقدمه باطل بینتی تقریریه معناسنی دخی متضمندر. چونکه قرآن؛ متفرق اولارق نازل اولدیغی کبی حقه باطل بینتی دخی تقریق ایتدیکی معلومدر. مُمکث؛ مهلت و نانی معناسنه در که رسول اللهك آیتلر کلدکجه خلقك آ کلا یه بیله جکی بر راده ده اوقومسنی و عجله ایتمه سنی دخی متضمندر.

**

واجب تعالی قرآنك متفرق صورتده نازل اولدیغنك حکمتی بیاندنصکره رسولنه خطاب اولارق ﴿قُلْ آمِنُوا بِهِ اَوْ لَا تُؤْمِنُوا﴾ بیوریور.

[حییم سن قرآنه اعتراض ایدنلره دی که «ای» مشرکله! قرآنه ایمان ایدک و یا خود ایمان ایتدیک.] زیرا؛ قرآنه نظراً سزك ایمان ایدوب ایتمه مکنز مساویدر. چونکه؛ سزك ایمان ایتمه مکنزدن قرآنه بر ضرر کلز.

﴿اِنَّ الَّذِیْنَ اُوْتُوا الْعِلْمَ مِنْ قَبْلِهِ اِذَا يُتْلٰی عَلَیْهِمْ یَخْرُوْنَ لِلاَّذْقَانِ سُجَّدًا﴾

[زیرا شول کیمسه لر که قرآنك نزولدن آنلره علم ویرلشدی. آنلر اوزرینه قرآن تلاوت اولوندیغنده سجده ایدر اولدقلری حالده یوزلری اوزرینه قاپانیرلر.] ویا لکنز سجده یه قاپانمقله ا کتفا ایتزلر و سجده لرنده دیرلر که :

﴿وَيَقُولُوْنَ سُبْحٰنَ رَبِّنَا اِنْ كٰنَ وَعْدُ رَبِّنَا لَمَفْعُوْلًا﴾

[بز «ربمزی جميع نقائصدن تنزیه ایدرز. زیرا؛ ربمك و وعدی البته حقدر. بناء علیه؛ محقق واقع اولاجقدر. »]

یعنی؛ یا ا کرم الرسل! سن قرآنك مدون بر کتاب اولمادیغنه اعتراض ایدن مشرکله دی که «سزك قرآنه ایمان ایدوب ایتمه مکنز مساویدر. زیرا؛ ایمانکز قرآنه شرف ویرمیدیکی کبی ایمان ایتمه مکنزده نقصان اولمسنی ایجاب ایتز. بناء علیه؛ ایسترسه کز ایمان ایدک فائده کورک، ایسترسه کز ایمان ایتدیک ضرر کورک. چونکه؛ ایمان ایدرسه کز فائده سی و ایمان ایتزسه کز ضرری سزه عائددر. اما شول کیمسه لر که قرآنك نزولدن اول اهل کتابدن کندیلرینه علم ویریلوب طوغرو بر دین تحریسند بولونانلر و دین محمدینك ظهورینه انتظار ایدنلر اوزرینه طرف رسالتدن قرآن تلاوت اولوندیغنده اللهم امرینه تعظیم و قرآنك بخش ایتدیکی نعمته شکر ایچون سجده ایدرلر و سجده لرنده دیرلر که «بزم ربمزی جميع نقائصدن منز و مبرادر. بناء علیه؛ جميع نقائصدن تقدیس ایتد بزم اوزریمزه واجبدر. زیرا؛ ربمك کرک کتب سابقه ده و کرک قرآنده بزه وعدی البته واقع اولاجقدر. »

تفسیر خازنده بیان اولوندیغی وجهله قرآندن اول کندیلرینه کتاب ویریلن کیمسه لر ایله مراد؛ (ربمزه عمر و بنه نفیل) و (سلمانه فارسی) و اهل کتاب علماندره ایمانه ایدنلر. مدار کده بیان اولوندیغی وجهله بو آیتده وعد اللهی ایله مراد؛ نورانه و انجیلده قرآنك انزاله و آخر زمانه نبینك بعثت اولونا بغه دائر و عدالته بره. یعنی «بز ربمزی نقائصدن تنزیه ایدرز. زیرا؛ ربمك بزه وعد ایتدیکی قرآن و تبشیر ایتدیکی رسول البته حقدر و وعدی وجهله کلدیلر و بزه ایمان ایتدک» دیدیلر. (بخرون) یوزلری اوزرینه دوشدیلر دیمکدر. (للاذقان) ذقن لفظنك بمعبره. ذقن؛ بکله کبکی ایسه ده بوراده سمیره ایدنلرک یوزلری مراددر. یعنی «سجده ایچون اللهم امرینه تعظیم و وعد ایتدیکی قرآنی انزال ایدوب رسولنی کوندردیکنه شکر اولق اوزره یوزلری اوزرینه سجده ایتدیلر» دیمکدر.

﴿وَيَخْرُوْنَ لِلاَّذْقَانِ يَسْكُوْنَ﴾

[قرآنك حقایقه عالم اولانلر قرآنك معناسنی تفکر ایدوب حاصل اولان تأثر اوزرینه آغلار اولدقلری حالده سجده یه قاپانیرلر.]

﴿ وَيَزِيدُهُمْ خُشُوعًا ﴾

[قرآنی ایشتمک آنلرک رقت قلبلرینی زیاده ایدر.] زیرا؛ قرآن اوقونوب متضمن اولدینی حقایق دوشوندکجه اللهدن قورقورلی و تواضعلری و کوزلرینک یاشلری تزیایددر. مدارکده بیان اولوندینی وجهله (یحرون) تکرار ذکر اولوندی. زیرا مقصد؛ مختلفدر. چونکه؛ اولکنده سجدیه قایمقلری، ایکنجیده سجدیه آغدر اولرقلری مالیه قایمقلری بیان اولونمشدر. تفسیر خازنده بیان اولوندینی وجهله قرآن اوقونورکن آغلامق مستحب اولدیغه بوآیتده اشارت واردر. چونکه جناب حق تلاوت قرآن اثناسنده آغلایانلری بوآیتده ثنا ایشدر. خشوع؛ قلبک رقتیه برابر کوزک یاشارسیر.

..

واجب تعالی اهل علمدن ایمان ایدنلرک قرآن اوقوندیغنده سجدیه ایتدکلرینی و آغلادقلرینی و قرآن آنلرک خضوع و خشوعلرینی زیاده ایتدیکنی بیاندنصکره خشوعک کیفیتنی بیان ایتک اوزره ﴿ قُلْ ادْعُوا اللَّهَ اَوْ ادْعُوا الرَّحْمَنَ ﴾ بیوریور.

[حییم! سن ناسک غافل اولانلرینه دی که « سز ذات الوهیتی ایسترسه کز (الله) اسمیه چاغیرک ایسترسه کز (رحمن) اسمیه چاغیرک. »]

﴿ اَيَّا مَا تَدْعُوا فَلَهُ الْأَسْمَاءُ الْحُسْنَى ﴾

[اللهک اسملرندن کرک اسماء ذاتیه سندن و کرک اسماء صفاتییه سندن هانکیسیله چاغیریر و تسمیه ایدرسه کز اللهک ذاتیه و صفاتییه دلالت ایدر اسماء حسناهی واردر.]

﴿ وَلَا تَجْهَرْ بِصَلَاتِكَ وَلَا تُخَافِتْ بِهَا وَابْتَغِ بَيْنَ ذَلِكَ سَبِيلًا ﴾

[یا اکرم الرسل! نمازکی مشرکک ایشیده جکی قدر علی یاچه که مشرکک اطاله لسانلرینی موجب اولماسون و آرقه کده بولونان جماعتک ایشیتیمیه جکی قدر کیزلی یاچه که

جماعت قرآنی ایشیتیمکدن محروم اولماسون و جهله اخفا آره سنده بر طریق آرا که افراطله تقریطدن قورقورلیش و عدالته رعایت ایتیش اولاسک.]
بوراده ایکی آیت ترجمه اولونمشدر. برنجی آیتک سبب نزولی؛ رسول اللهک جناب حق (الله) و (رحمن) اسملریله ذکر ایتیمی اوزرینه (ابوجهل) و امثالی مشرکک محمد (صلی الله علیه و آله) بزی متعدد آله دن نهی ایتدیکی حالده کندی متعدد آله ذکر ایدیور. دیملری اوزرینه ذکر اولونان اسملرک جمله سی برذاتک اسمی اولدیغنی ودها بر جوق اسملری بولوندیغنی و ذاتیه و صفاتییه دلالت ایدن اسملردن هر هانکیسیله ذکر اولونسه جائز اولدیغنی بیان ایچون بوآیتک نازل اولدیغنی نیسابوری، قاضی و خازنک بیاناتی جمله سندنر. ایکنجی آیتک سبب نزولی؛ رسول الله جهراً قرائت اولونان نمازلری ادا ایدرکن رسول اللهک صداسنی ایشیدن مشرکک فنا سوبله ملری اوزرینه بو آیتک نازل اولدیغنی (ابن عباس) حضرتلرندن مرویدر.

بیضاوینک بیانی وجهله رسول الله اصحابنک احوالی تفتیش ایتدیکنده (ابوبکر) حضرتلرینی نمازده غایت کیزلی اوقودیغنی و حضرت عمرک بویوک صدا ایله ادا ایتدیکنی کورونجه (ابوبکر) دن کیزلی اوقودیغنی و (عمر) دن ده جهله اوقودیغنی سببنی سؤال ایدر. (ابوبکر) حضرتلری « ربمه مناجات ایدرم. ربم! حالی و حاجتمی بیلیر » جوابی و حضرت عمرده « شیطانی طرد ایتک ایچون جهراً قرائت ایدرم » جوابی ویرر. بوآیتک نزولی اوزرینه رسول الله (ابوبکر) « سن بر مقدار جهله قرائت ایت » و (عمر) ده « سن ده بر مقدار صدا کی ایندیر » امرینی ویردیکی مرویدر. چونکه هر شیده اقتصاد ایتک ممدوح اولدیغنی کبی قرائتده دخی اقتصادک خیرلی و ممدوح اولدیغنی جناب حق بو آیتله بیان ایتیش و قرائتده افراطله تقریط آراسنی بولغنی توصیه ایشدر.

نیسابوریده بیان اولوندیغنه نظراً بو آیتده صلات له مرادک دعا اولدیغنی حضرت (عائشه) و (ابوهریره) رضی الله عنهما دن مرویدر. زیرا؛ علی دعاده ریا و کناهلرینه استغفارده باشقلرینه کناهلرینی ایشیتدیرمک اولدیغندن شور و ایتیه نظراً دعاده خفی ایله علی آردسنی اختیار ایتک لازم اولدیغنه آیت دلالت ایدر.

..

واجب تعالی اسماء حسنا سیله ذکرک آدابنی بیاندنصکره حدایتهمک آدابنی بیان ایتمک اوزره
﴿ وَقُلِ الْحَمْدُ لِلّٰهِ الَّذِي لَمْ يَتَّخِذْ وَلَدًا وَلَمْ يَكُنْ لَهُ شَرِيْكٌ فِي الْمُلْكِ وَلَمْ يَكُنْ لَهُ
وَلِيٌّ مِنَ الذَّلِّ وَكَبِّرَهُ تَكْبِيرًا ﴾ بیوریور .

[حبییم ! سن اللهی ثنا ایتدیکنده دی که هر کسک مدح و ثنای شول الله تعالی به
مخصوصدر که او الله تعالی ولد اتخاذا ایتدی و آنک ملکنده شریکی اولمادی و الله تعالی نک
قدرتتک کالنه و عزت و جبروتنه بناء ذل و حقارتدن منز اولدینی جهته ذل و حقارتی
دفع ایتمک ایچون بر و لیس و یاردیمجیسی دخی اولمادی . چونکه ؛ بونلرک هیچ برینه
احتیاجی یوقدر . مع هذا الله تعالی بی تکبیر ایتمکه تکبیر ایت و صوری و معنوی تعظیمه
دوام ایت که و یردیکی نعمتتک شکرینی ادا ایتمش اولاسک .]

بیضاوینک بیانی وجهله بوآیت ؛ واجب تعالی نک هیچ برسیده یاردمیه محتاج اولمادیغنه
دلالت ایتدیکی کبی حمده استحقاقی ذاتی اعتباریله اولدیغنه دخی دلالت ایدر . بناء علیه ؛
عبد هر نه قدر الله تعالی به حدایتسه قصورینی اعترافله اللهم عظمتنه تکبیر آلمق واجبدر .
الله تعالی بی تکبیرک معناسی : ذاتنده تکبیر ؛ و موردی واجب لذاته اولدینی و موجوداتک
ظاهرنده مستغنی بر غنی مطلق بولونمیزی ، صفاتنده تکبیر ؛ صفاتتک بحدسی صفت
کمال اولوب زوالدره و بیدلدره منز وازی اولدینی و افعالنده و احکامنده تکبیر ؛
الله تعالی نک امرینه و نهینه اطاعت اولونور بر ملک معظم اولوب افعاله اعتراضه و اطمینانی
رده کیمسنتک حققی اولمادیغنی اعتقاد ایتمکره .

بو آیت جلیله ؛ الله تعالی به ولد اسناد ایدنلری رد ایتدیکی کبی مشرکلی دخی رد
ایتشددر .



رومی بیک اوچیوز اوتوز سنهسی کانون ثانیسنتک یکریمی بشنجی بازارکونه تصادف ایدن عربی
بیک اوچیوز اوتوز اوج سنهسی ربیع الاولنک یکریمی ایکنجی کوننده بوسوره نک ترجمهسی بعونه تعالی
ختم بولشددر .

سورة كهف

مکه مکرمه نازل اولان سوره لردندر . بوز اوره بر آتی جامعدر .

﴿ بِسْمِ اللّٰهِ الرَّحْمٰنِ الرَّحِیْمِ ﴾

﴿ الْحَمْدُ لِلّٰهِ الَّذِي أَنْزَلَ عَلَى عَبْدِهِ الْكِتَابَ ﴾

[حمد و ثنا شول الله تعالی به مخصوصدر که او الله تعالی عبداخصی اوزرینه کتاب معهود
اولان قرآنی انزال ایتدی .]

﴿ وَلَمْ يَجْعَلْ لَهُ عِوَجًا ﴾

[حالبو که الله تعالی قرآن ایچون لفظنده و معناسنده بر اکریتک قیلما دی .]

﴿ قَيِّمًا ﴾

[او کتابی مستقیم و معتدل و مصالح عبادی تمشیته کافی اولدینی حالده انزال ایتدی .]
یعنی ؛ هر کسک مدحی و ثنا ایتسی جمیع صفات کالیه بی جامع اولان الله تعالی به
مخصوصدر . او الله تعالی که کالات بشریه بی جامع اولان عبداخصی محمد علیه السلام اوزرینه
کتاب عظیم اولان قرآنی انزال ایتدی که او قرآنک لفظنده اختلاف و معناسنده اختلاف
کبی بر اکریتک قیلما دی . بناء علیه ؛ قوللری طریق حقه دعوتده نقصانی اولمادیغنی
کبی قرآنی معتدل و مصالح عبادی تمشیتده کافی و احکامنی افراط و تفریطدن عاری قیلدی که
قرآنله عمل ایدن کیمسه لر ایچوق اصلا کوجلاک یوقدر . زیرا ؛ احکامی دائما اقتصادی
و عدالتی متضمندر .

بیضاوینک بیانی وجهله واجب تعالی ، ذاتک حمده استحقاقی قرآنی انزال ایتسی
اوزرینه ترتیب ایتمکه قرآنک انسانلر حقنده پک بویوک نعمت اولدیغنه اشارت ایتشددر .
چونکه حمد و شکر ؛ نعمت مقابلنده اولدینی جهته قرآن اوزرینه حمدی ترتیب ، قرآنک

انسانلر حقنده بويوك نعمت اولديغنه دلالت ايدر كه قرآنی انزال اوزرينه حمدك لزومی بیان اولونمشدر. زیرا قرآن؛ انسانلرك منافع دینی و دنیویه لرینی جامع و معاد و معاشلرینك اصلاحنه کافی اولدیغندن نعم الهیهك بويوكيدر .

نعمت الله و ابوالسعود افندیلك بیانلری وجهله قرآن کندندن اول انزال اولنان کتابلرك نسخ اولونمايان احکامی و سعادت بشریهك اسبابی و اخلاق حمیده و اوصاف جمیلهك کافه سی جامع اولدیغندن شأنه تعظیم ایچون تعظیمه دلالت ایدن الف لام ايله (الکتاب) وارد اولمشدر. یعنی «قرآن؛ کتاب عظیم عنوائی احراز ایتكه شایان» دیمکدر .

رسول اللهك مرتبه عبودیتك الك يوكسك طبقه سنده اولدیغنه اشارت ایچون بوآیتده نام جلیلی واجب تعالی عهد عنوانیله ذکر ایتدیکی کبی شان نبویلرینه تعظیم ایچون کندنی ذاته راجع ضمیره اضافله (عبده) بیورمش و رسولنك عبد اولمسی بیانله حضرت عیسانك الوهیتنی اعتقاد ایدن کیمسه لرك مذهب لرینك بطلانی بیان و اعتقاد لرینی رد ایتمشدر. چونكه؛ آخر زمان پیغمبرینك اللهك قوی اولدیغنی بیان ایتك بالجمله رسوللرك قول اولدیغنی بیان ایتمکدر. گرچه قرآن عموم ناس حقنده نعمت اولارق انزال اولونمش ایسه ده کتابی خالق تالیغ ایدن رسول الله اولوب و رسول الله نعمت عمومه نعمت اولدیغنی جهته یالکز پیغمبریمز اوزرینه نزال اولوندیغنی بیان واسعی ذکرله اکتفا اولونمشدر. فخر رازینك بیانی وجهله (عوجاً) برشیره اکریلك معناسندر. بناء علیه قرآنده نقصان اولمادیغنه و توحید و نبوت و احکامی و وعد و وعیدی و امری و نهی و سائر ضروب امثالی و صصی حق و صادق اولوب خلل و نقصان اولمادیغنی کبی نظمنده بوزو قلق و معناسنده منافات و تناقض بولونمادیغنه اشارت ایچون قرآنده اصلاً اکریلك اولمادیغنی بیانله بلاغته مرتبه اعلايه بالغ اولدیغنی تقریر بیورمشدر .

(قیماً) غیرك مصاحفه قائم اولوب نمشیت ایتمکدر. بناء علیه قرآن؛ قوللرك مصالح و بنیه و تدبیر لرینه قائم اولوب هذلك طرفه ربوی بولمسه سبب اولدیغنده قیّم ايله توصیف اولونمشدر. چونكه ارواح بشر؛ چوجقلر کبی تربیه محتاج اولوب قرآن دخی شفقتی و مرحمتی بابا کبی آنلری تربیه ایتدیکنندن قیّم عنوائی احراز ایتمشدر .

فخر رازی و ابوالسعود افندیك بیانلری وجهله قرآنده عوج یعنی اکریلك اولماسنی بیان؛ عدالت و استقامت اوزره مشتمل اولدیغنی بیانی مستلزم ایسه ده اکریلك اولمادیغنی صراحة بیان و تأکید ایچون قیّم اولدیغنی بیان اولونمشدر .

بوآیتده واجب تعالی قرآنك داننده کامل اولدیغنه و غیرلرك افعال و اقوالنی اكال ایتدیكنه اشارت ایچون عوج اولمادیغنی و قیّم اولدیغنی بیان ایتمشدر. چونكه؛ قرآنده عوج اولماق؛ داننده کلامه و قیّم اولمق غیری اکلامه اشارتمدر. زیرا؛ قرآنه یایشان برکیمسه علم توحیده و احوال ملائکویه و نبوته و انبیانك اوصافه و قضا و قدره و احوال سایه و ارضه و آنلرك یکدیگرینه ارتباطنه و احوال آخرته و عالم ارواحك عالم اجسامه ارتباطنه و تعلقنه قرآنك بیانیله مطلع اولدیغندن البته قرآن، قوللرك نواقصنی اكال ایتدیکی شبهه سزدر. قاضی، خازن و مدارك بیانلری وجهله (قیماً) قرآنك قیّم اولمسی؛ کتب سابقهك صحت شهادت و صبر اولدیغنی نصیر و امطمانی نسخ ایتمکدر .

خلاصه؛ قرآنك انسانلر حقنده بويوك نعمت اولدیغنی و اولنمقی عبد اخصی اوزرینه انزال ایتدیکنه مقابل قوللرك الله حمد ایتمی لازم کلدیکی والله تعالیك قرآنی افراطله تقریظدن عاری مقتصد و مستقیم قیلوب قرآنك احکامنده اصلاً اکریلك اولمادیغنی بوآیتدن مستفاد اولان فوائد جمله سنددر .

**

واجب تعالی قرآنی انزال ایتمی اوزرینه حمده استحقاقی بیاندنصکره قرآنی انزالدن مقصدی بیان ایتك اوزره ﴿لِيُنذِرَ بَأْسًا شَدِيدًا مِّنْ لَّدُنْهُ﴾ بیوریور .

[رسولنك طرف التهدید نازل اولاجق شدتلی عذابله قوللرینی قورقوتمی ایچون الله تعالی قرآنی عبدي اوزرینه انزال ایتدی .]

﴿وَيُبَشِّرُ الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ أَجْرًا حَسَنًا﴾ مَا كَثِيرٌ فِيهِ آدَا ﴿

[و عمل صالح ايشلهين مؤمنلری ابدأ جتته قاليجی اولدقلری حالدہ جنتله تبشیر ایتسی ایچون عبادخی اولان محمد علیه السلام اوزرینه قرآنی انزال ایتدی .]

﴿وَيُنذِرَ الَّذِينَ قَالُوا اتَّخَذَ اللَّهُ وَلَدًا﴾

[دخی شول کیمسهلری شدتلی عذابله قورقوتقم ایچون الله تعالی قرآنی انزال ایتدی که آنلر «الله تعالی ولد اتخاذا ایتدی» دیدیلر .]

یعنی ؛ الله تعالی عبدی اوزرینه قرآنی انزال ایتدی که او عبد کندلی طرف الهمیسندن مأمور اولارق شدتلی عذابله کافرلری وبالخاصه «الله تعالی ولد اتخاذا ایتدی» دییهن یهودی ونصارایی و «ملکک الله قیزلیدر» دییهن مشرککری انذار وطریق نجاته سبب اولان اعمال صالحهیی ایشلهين مؤمنلری قرآنک تبشیراتی جمله سندن اولان جنتله و کوزله اجر اولان نعمتلری ایلله تبشیرایتسون و اومؤمنلرک ابدأ جتته قالا جقلرینی کندیلرینه مزده ایتمکه قوللری اعمال حسنهیه ترغیب ایلسون که مؤمنلر کوزل عمله دوام ایتسونلر و کافرلرده عصیانندن و از کچسونلر .

ابوالسعود اقدینک بیانی وجهله آخرته کوزل اجره نائل اولق دوام و استمرار اوزره عمل صالح ایشلمکه توقف ایتدیکنه اشارت ایچون استمراره دلالت ایدن مضارع صیغه سیله (يعملون) وارد اولمش و عمل صالحک قبولی و فائده سی ایمانه متوقف اولدیغندن مؤمن لفظی عمل اوزرینه تقدیم اولونمشدر . چونکه ؛ ایمان اولمايحه عملک فائده سی اولاماز .

بنیه بشری ، نجاسته بکزهين کفر وسائر کنههلردن تطهیر ایتمک تزینات قیلندن اولان ایمان و عمل صالح اوزرینه مقدم اولدیغندن تطهیر ایچون اولان انذار، تزیین قیلندن اولان تبشیر اوزرینه تقدیم اولونمشدر . چونکه ؛ برخانه بر طاقم سوپرونتودن تخلیه اولونما دجه دوشه نمز و تزیین اولونماز و كذلك انسانک قلبی ده کفردن تخلیه اولونما دجه ایمانه تزیین اولونماز .

فخر رازینک بیانی وجهله «الله تعالی یه ولد اتخاذا ایتدی» دییهن اوچ طائفه در . چونکه ؛ نصاردن بعضیلری عیسی علیه السلام ایچون و یهودیلر عزیر علیه السلام ایچون

اللهک اوغلوردر دیدککری کبی عربدن بعضیلری ده ملکک الله قیزلیدر دیدیلر . بومسئله نك تفصیلاتی سوره مریمده در .

بیضاوی ونیسابورینک بیانلری وجهله الله تعالی یه ولد اسناد ایدن کافرلری انذار بوندن اولکی انذارده داخل ايسه ده الله تعالی ولد اتخاذاندن منزله اولدیغی حالدہ «ولد اتخاذا ایتدی» دیمک کفرک اشغی اولدیغنه والله تعالی حقنده ولد اتخاذای احتیاج و ترکب حدوئی کبی شان الوهیته لایق اولما دق بر طاقم محذوری موجب اولدیغنه اشارت ایچون «ولد اتخاذا ایتدی» دییهنلری انذار آریجه ذکر اولونمشدر . چونکه ؛ قرآنده عمومی بر حکمی ذکر دنصکره او حکمدن بعض جزئیاتک عظمتنه اشارت ایچون خصوصی اولارق اوبعضک ذکر اولونمسی عادت اولدیغندن بوراده انذار تکرار ذکر اولونمشدر .

خلاصه قرآنی انزالدن مقصد ؛ کافرلری وبالخاصه الله ولد اسناد ایدن مشرککری عذابله قورقوتقم و مؤمنلری جنتله تبشیر ایتمک اولدیغی بو آیتلردن مستفاد اولان فوائد جمله سندن در .

واجب تعالی قرآنک انزالندن مقصد مؤمنلری جنتله تبشیر و مطلقا کافرلری وبالخاصه «الله تعالی ولد اتخاذا ایتدی» دییهنلری عذاب شدیدله انداز ایتمک اولدیغنی بیاندن صکره الله تعالی یه ولد اتخاذا ایتدی دییهنلرک مذهبلرینی ایکی جهتله ابطال ایتمک اوزره ﴿مَاهُمْ بِهِ مِنْ عِلْمٍ وَلَا إِلَهَ إِلَّا هُمْ﴾ بیوریور .

[الله تعالی یه ولد اسناد ایدنلرک و بابالرینک اسنادلرینه دائر اصلا علملری اولمادی .]

﴿كَبُرَتْ كَلِمَةً تَخْرُجُ مِنْ أَفْوَاهِهِمْ﴾

[آنلرک آغزلردن چیقان کلمه کفر پک بویوک اولدی .]

﴿إِنْ يَقُولُونَ إِلَّا كَذِبًا﴾

[زیرا ؛ آنلر سویله مزلر ، انحق یالان سویلرلر .]

یعنی ؛ واجب تعالی به ولد اتخاذ ابتدی دین کافر لک و بابالریک ولد اتخاذینه لازم کلن فساد و بو سوزک فغالغه اصلا علملری یوقدر . زیرا ؛ بوسوزی آنلر جهل و و هم کاذب اوزره سویلرلر و بر دلیله استناد و تحقیقه ابتنا ایده رک سویله مزلر و بابالریک تقلید ایدرلر سه ده بو خصوصه دائر بابالریک ده علملری یوقدر . شو حالده کک مقلد اولان اولاد و کک تقلید اولونان بابالر جمله سی جهالت کامله اوزره بناء کلام ایدرلر . چونکه ؛ سویلرکری سوزلری نه الهی مخلوقاتنه تشبیه و تشریک و ولده احتیاج کبی بر طاقم فساد لارم کادیکنی دوشونمورلر . اکر بوفسادی دوشونه بیلسه لردی الله ولد اسناد ایتمز لردی و آغزلرندن چیقان کلمه نک جزای نه عجائب بویوک اولدی که آنلر او کلمه نک بویوک جنایت اولدیغنی فرق ایده جک قدر علمه مالک دکلردر . زیرا ؛ بو سوزی سویله مزلر ، آنجق یالان و افترا اولارق سویلرلر و کندی کتابلرنده بویله برشی اولمادیغنی حالده کتابلری نه دخی اسنادله بهتان ایدرلر . بناء علیه الله ولد اتخاذ ایتسی محال اولدیغنه علملری تملق ایتدیکی بیان اولونمشدر . چونکه ؛ ولد یوق که علملری تعلق ایتسون .

فخر رازی و بیضاویک بیانلری وجهله جناب حق بو آیتده کافر لری ایکی مهترمه ذم اتمشدر : برنجیسی ؛ جهالت ، ایکنجیسی ؛ سویلرکری سوزلرک جنایت عظیم اولمیشدر . چونکه ؛ یهود و نصارانک اوللرنده الله تعالی به مؤثر معناسنجه اب اطلاق ایتک و بعض آثاره بر مؤثر اثری معناسنه ابن اطلاق ایتک وار ایسه ده صکره کلنلر اول کچنلرک مراد ایتدکری معنای تحقیق ایتکسزین حقیقی اب و ابن معناسنی مراد ایده رک الله تعالی به حاشا بابا و مضرت عیسی و عزیره اوغل اطلاق ایتمشدر .

بو سوزلرک فسادی میدانده اولدیغنی حالده تحقیق اوزره سویله میوب تقلید اوزره لسانلرندن فصل کلیرسه اولیجه ، چیقدیغنه اشارت ایچون آغزلرندن چیقدیغنی تصریح اولونمشدر . چونکه ؛ تحقیق اولسه بو کبی جنایتی میدانده اولان سوز سویلنمز و آزیحق عقلی اولان دوشونونجه بونک بطلانی بیلیر . آنلرک آغزلرندن چیقان کلمه ایله مراد ؛ الله تعالی ولد اتخاذ ایتری بیکلری کلمه اولدیغنی مدارکک جمله بیاناتندر .

..

واجب تعالی کافر لک حاللری بیاندن صکره رسولنی تسلیه ایتک اوزره ﴿ فَلَعَلَّكَ بَاخِعٌ نَفْسَكَ عَلَىٰ آثَارِهِمْ إِنْ لَمْ يُؤْمِنُوا بِهَذَا الْحَدِيثِ أَسَفًا ﴾ بیوریور .
[حبییم ؛ اکر کافر لر قرآنه ایمان ایتمز لسه کال اسفکدن آنلرک آرقه لرندن نفسکی قتل ایده جکسک .]

یعنی ؛ یا اکرم الرسل ؛ کافر لک قرآنه اعتراض و اطلی اعتقاد ایتدکری کورونجه آنلرک بو حاللری نه کال اسف و حزنکدن اکر آنلر شویکی نازل اولان قرآنه ایمان ایتمز لسه نفسکی قتل ایده جکسک . حالبوکه بوقدر حزن لازم دکلدر . بناء علیه ؛ آنلرک طعیانه و قرآنه ایمان ایتیموب دونوویردکلرنده آرقه لرندن نفسکی هلاک ایده جک درجه ده محزون اولما . زیرا ؛ بزنی عابدلری تبشیر و عاصیلری انذار ایچون کوندردک . بناء علیه ؛ تبشیر و انذار وظیفه سی ایفا ایتدکدنصکره سنک ایچون کدری موجب برشی یوقدر . زیرا ؛ سن آنلری ایمانه اجبار ایتکه مأمور دکلسک . شو حالده سن وظیفه کی اد ایتدکدنصکره ایمان ایدرلر سه فائده سی و ایتمز لسه ضرری آنلره عائد اولدیغندن سنک ایچون کدر لازم دکلدر .

بیضاوی و مدارکک بیانلری وجهله بو آیتده حدیث ایله مراد ؛ قرآندر . باخع ؛ قتل و اهملک ابریمی معناسنه در . اسفا ایله مراد ؛ شمت عززه و خزع و فزع معناسنه در .
(لعل) کلمه سندن مستفاد اولان ﴿ وَاُولَٰئِكَ مَخَاطِبُ ﴾ اولان رسول الله عاڈدر . یعنی « اکر شو قرآنه ایمان ایتمز لسه ایمان ایتدکری نه کال حزنکدن دولای نفسکی هلاک ایتک مأمولدر . زیرا دوام اوزره حزن ؛ سبب هلاکدر . » حدیث بو مقامده خبر معناسنه اولدیغندن کلام الله اولان قرآنک حادث اولسی لازم کلر .

..

واجب تعالی کافر لک ایمان ایتدکری نه رسول الله شدتله محزون اولدیغنی بیاندنصکره وحدانیتنه دلالت ایدن دلیللری ذکرله ایمان ایتمینلره تعریض و بالعموم انسانلر اوزرینه

نازل اولان احسانتی بیانله شکره و ایمانه دعوت ایتک اوزره ﴿إِنَّا جَعَلْنَا مَا عَلَى الْأَرْضِ زِينَةً لِّهَا لِنَبْلُوَهُمْ أَيُّهُمْ أَسْنُ عَمَلًا﴾ بیوریور .

[سرك هانكيز عمل يونندن زياده كوزل اولديغكزي امتحان ايچون يريوزنده اولان موجوداتی ارضه زينت قيلدق .]

﴿وَإِنَّا لَجَاعِلُونَ مَا عَلَيْهَا صَعِيدًا جُرُزًا﴾

[ويز ارض اوزرنده زينتلي كيدرر واوتدن و آغاچدن خالی قورو طوپراق دخی قيلارز .]

يعنی ؛ ارض اوزرنده بولونان نباتات و حيوانات و معدنيات و بونلردن حاصل اولان دانهلر و ميوهلر و چيچكلرك جمله سنی يريوزينه وير يوزنده اولان مخلوقات زينت قيلدق كه انسانلردن هانكيسي عمل جهندن زياده كوزل و زهد و تقوا سی فضله و دنیا متاعنه آلدانوب شهوات نفسانيه سینه اتباع ايتمز و زمانی مناسب اولان عمله صرف ايدر و وقتی ضایع ايتمز آنی بيلوب امتحان معامله سی یا بمق ايچون زينت قيلدق كه ارضك زينتلينه مغرور اولوب وقتی ضایع ايدنلرله او تربيتانی خيره صرف ايدوب زمانی ضایع ايتمه ينلر بيلنسون و هر كسك عملنه كوره جزا اولونسون و ارضی مزین قيلمقله برابر بز ارض اوزرنده اولان زينتلي قوروتور ارضی مصیقل و اصلا برشی بیتمز طوپراق دخی قيلارز. بناء عليه ؛ قورو طوپراق قيلمایوبده مزین قيلمیغمزه شکر ایتکمز لازمدر . چونکه ؛ معمور اولدقدنصكره خراب و یشیل اولدقدنصكره قورو و سیاه و حاصلات بیترکن بیتمز بر حاله ارجاع ایتک قدرتمز تحتندہ داخلدر . بناء عليه ؛ اوتلر قورور ، حیوانلر اولور و يريوزی عادتا مرمر طاش کبی پارلاق بر حال کسب ايدر . ايشته اوزمان انسانلرده ياشايماز . زیرا ؛ حیاتی ادامه ایدن نعمت زائل اولور . بناء عليه ؛ دنيا لذتلرندن محروم و مأیوس اولورلر . شو حالده دنيا يوزنده موجود نعمت و حدانيتمزه دلالت ايتديکی جهته انسانلرك ، هر برينه نظر عبرتله باقوب نفسنه انصاف ايدرك ايمان ايدوب موجود نعمتلك شکرینی ادا ایتلری واجبدر .

ارضك زينتی ، انسانلری امتحان ايچون اولمقله برابر كفر ايدنلردن نعمت اولان

اوزينتلر قطع اولونماز . شو حالده دنيا نعمتليرنك فيضانه كفر مانع دكلدر . بناء عليه ؛ كافرله مؤمن نعمت دنيايه مساويدر . زیرا ؛ كفرلك جزاسی آخرتده اولايغندن دنيا نعمتلرندن هيچ بر كافر محروم اولماز و هر كس نصيبی مقداری مرزوق اولور .

طبريده بيان اولوندينی وجهله صعيد ؛ آغاچدره و اوزنده مالی روز ارضدره . جرزا ؛ اصغر اوت بیتمه يارلاق طوپراقدر .

ابوالسعود افندينك بیانی وجهله ارضك اوت بیتمز پارلاق بر حال کسب ایتمی دنیانك عمری نهایت بولوب ارض اوزرنده اولان مخلوقات بالکلیه افنا اولونديغنده اولاجقدر . یعنی ؛ واجب تعالی ارضی برطاقم نعمتلي وزینتلي اعمار ایتد کدنصكره تخریب ایده جکفی بیان بیورمشدر . شو حالده بو آیت ؛ بوندن اولکی آیتده کی رسول اللهی تسلیه نك تماميدر . یعنی « حیدیم ! سکا انزال ایتدیکمز کتابی کافرلرك تکذیب ایتدکلرینی کوروبده نفسکی هلاک ایدرجه سینه محزون اولما . زیرا ؛ ارض اوزرنده اولان نعمتلي بز انسانلری امتحان ايچون زينت قيلدق . بناء عليه ؛ انسانلره امتحان معامله سی بیتوب دنيا عمرینی اکمال ایتمکله وقت مرهونی کلدیکنده بز آنلرك جمله سنی افنا ايدر هر کسك عملنه کوره جزا ويريرز . بناء عليه ؛ سن آنلرك حالرينه محزون اولما ، ديمکدر .

خلاصه ؛ ارضك زينتی و اوزرنده بولونان نعمتلي ، انسانلری امتحان و ابتلا ايچون اولوب منافعی تکالیفه مقابل قیلوب انسانلره نعمتلك شکرلی اولارق تکالیفی ادا واجب اولدينی و بناء عليه ؛ مکلف اولدينی عباداتی ادا ایتمکله نائل اولدينی نعمتلك شکرینی ادا ايدنلرله کفران نعمت ايدنلرك بینی بو وسیله ایله تفريق اولوندينی بو آیتدن مستفاد اولان فوائد جمله سندندر .

..

واجب تعالی رسولنی تسلیه ایتد کدنصكره امواتی حشره بر نمونه اولق اوزره اصحاب كهفك احوالی بیان ایتک اوزره ﴿أَمْ حَسِبْتَ أَنَّ أَصْحَابَ الْكَهْفِ وَالرَّقِيمِ كَانُوا مِنْ آيَاتِنَا عَجَبًا﴾ بیوریور .

[بلکه حییم ! (رقیم) طاغنده بولونان غارک یارانلری بزم آیتلریمزدن عجیب بر وقعه ظن ایتدک .]

﴿ اِذْ اَوَى الْفِتْيَةُ اِلَى الْكَهْفِ فَقَالُوا رَبَّنَا اتِّمِّمْ لَدُنْكَ رَحْمَةً وَهَيِّ لَنَا مِنْ اَمْرِنَا رَشَدًا ﴾

[ذکر ایت حییم ! شول زمانی که اوزمانده بش ویا سکز دلیقانی (رقیم) دینیلن طاغده موجود مغارهیه التجا ایتدیلر و دیدیلر که « یارب ! بزه کندی عندکدن رحمتکی احسان و لطفکله بزه یاریم ایت و دشمنمزدن بزی قورتار و بزم عملمزدن بزه هدایت و صلاح حاضرلا که بز آنکله معیشت ایدلم و مطلوبمزل اولان رضا که واصل اولالم . » دلیقانیلر بوسوزلریله ربلرینه تضرعده بولوندیلر]

یعنی ؛ ای رسول اکرم ! کهفه و (رقیم) اسمنده طاغده ملازمت ایدن کیمسه لرك قصه لرینی بزم آیتلریمزدن عجیب و غریب علامتدن اولدیغنی ظن ایتدکمی ؟ ناس بونلرك حاللرندن تعجب ایتدکلی کی وقوعنی اوزاق برشی عد ایدرلر . حالبوکه بونلردن دهه عجیب و غریب برچوق شیلر خلق ایتدیکمزی هر وقت کوردکلی ایچون بونلرك حاللرینه تعجبه برمعنا یوقدر . زیرا ؛ بزم قدرتمزه نسبتله بو مثللو وقوعات غایت اهورندر و عالمک اجزاسندن هر ذره سنه باقیدیغنده بونلردن دهه غریب نه عجائب کوریلور . بناء علیه ؛ آنلرك وقوعات نفسمنده خارق العاده ایسه دهه سائر دهه بویوک آیتلریمزه نظراً استبعاد اولونا جق شیلردن دکادر . ذکر ایت حییم ! شول زمانی که اوزمانده روم اشراقندن برقاچ دلیقانی زمانلری حکمداری اولان (دقیانوس) ک شرندن بزم عنایتمزه التجا قصد ایدرک (رقیم) اسمنده کی جیلده موجود مغارهیه فرارله صیغندیلر و بزدن استمداد ایدرک دیدیلر که « ای بزم ربمزل ! کندی عندکدن بزه مرحمت بیور و لطفکدن احسان ایت و دشمنمزلک شرندن بزی قورتار و سنک رضا کی تحصیل ایچون بزم عملمزله و معیشتمز ایچون صلاح و طوغرو یول حاضرلا که بز راحت قلبه سنک رضا کی تحصیل ایدلم » دیمکله و بوضورتله درکاهمزه التجا ایتدیلر .

بیضاوی و خازنک بیانلری وجهله (فتیه) فتی نک جمعی اولوب دلیقانیلر دیمکدر .

کهف ؛ بویوک بر مغاره در . رقیم ؛ مغاره کنده سنده بولونانه طاغک اسمیر . یاخود اصحاب کرمک اسملری یازمزه بر لوصنک اسمیر . بودلیقانیلر روم اشراقندن اولوب عدلری بش و یادی و یاخود سکز اولمسنده اختلاف وارددر . مغارهیه التجا لرینک سبی ؛ دین عیسی اوزره بولونان اهل ایمانی زمانلرینک پادشاهی پوت پرستکله دعوت ایدوب قبول ایدنلری پوته قربان کسوب قبول ایتدیلری قتل عام ایتدیکی صره دهه بونلر مذکور مغارهیه فرار ایتدیلر . بوندنصکره بیان اولونا جفی وجهله اوچیوز کسور سنه او یوقو حالنده غارده قالدیلر . بعده او یانوب ایچلرندن برینی اکمک آلمق ایچون (افسوس) که شیمدی بیلدیکمز مشهور (طرسوس) قصبه سنه کوندروب ناسک بونلرك حاللرینه واقف اولدقلرینی اکمک آلمق اوزره شهره کیدن کاوب سویله نیجه جناب حقندن روحلرینک قبض اولونمسنی ایسته ملری اوزرینه روحلری قبض اولونارق اوراده قالمشرددر .

واجب تعالی اصحاب کهفک غاره کلد کد نصکره او یوقویه یاتدقلرینی بیان ایتک اوزره ﴿ فَضَرَبْنَا عَلَى اُذُنِهِمْ فِي الْكَهْفِ سِنِينَ عَدَدًا ﴾ بیوریور .

[آنلر مغارهیه التجا ایدنجه بز آنلرك قولاقلرینه صدا ایشتمیه جک درجه ده قتی بر پرده قویدق که خارجدن او یقولرینه مانع اولاجق صدا ایشتمسولر . چونکه غارده آنلره صایلی سنه لرده او یوقو ویردک .] بناء علیه ؛ آنلر نیمکه و ایچمکه محتاج اولمقسزین اموات صورتنده دیری اولدقلری حالده جوق سنه لر او یقوده قالدیلر و حیات صوریه لوازمندن آنلرده هیچ بر اثر یوق ، آنجق نفسلری واردی و قولاقلرینه قونیلان پرده سبیلله او یقولرینه مانع اولاجق خارجدن برشی ده ایشتمزلردی .

﴿ ثُمَّ بَعَثْنَاهُمْ لِنَعْلَمَ اَيُّ الْحِزْبَيْنِ اَخْصَىٰ لِمَا لَبِثُوا اَمَدًا ﴾

[بوندن صکره بز آنلری قبردن موتا احیا ایدر کی او یقودن او یاندردق که آنلرك مغاره دهه او یوقو حالده مکث ایتدکلی مدت مدیده دهه اختلاف ایدن جماعتلردن هانکیسی دهه ای صایار و آنلرك او یوقو مدتلرینی کیم ای ضبط ایدر آتی بیللم .]

نیسا بورینک بیانی وجهله حزب له مراد؛ اصحاب کهف. چونکه؛ آنلر اویقودن اویانجه ایکیه آرلایلر. بر قسمی، بر کون ویاخود بر کونک نصفنده قرار ایتدکلرینه ذاهب اولدی. دیگر بر قسمی ده بزم بوراده نه قدر قرار ایتدیکمزی الله تعالی بیلیر دیدی. شو حالده حزین ایله مراد؛ کفیلریم. *

اصحاب کهفک دعالری مغاره ده آغیر اویقویه یا تملرینه و اویقو ایسه دشمنلرندن قورتولالرینه سبب اولدیغنه اشارت ایچون سبیته و ترتیه دلالت ایدن فالظیله (فضر بنا) وارد اولمشدر.

واجب تعالی اصحاب کهفک قصه لرینه اجمالاً اشارتدن صکره تفصیل ایتک اوزره
﴿ نَحْنُ نَقُصُّ عَلَيْكَ نَبَأَهُمْ بِالْحَقِّ ﴾ بیوریور.

[حییم! اصحاب کهفک خبرلرینی بز سکا واقعه مطابق وحقه مقارن اولارق حکایه ایدرز.]

﴿ إِنَّهُمْ قَتِيبَةٌ أَمَنُوا بِرَبِّهِمْ وَزِدْنَاهُمْ هُدًى ﴾

[آنلر بر قاج کنج دلقانلی درلر. ربلرینه ایمان ایتدیلر و بز آنلرک هدایتلرینی زیاده ایتدک.]

﴿ وَرَبَطْنَا عَلَى قُلُوبِهِمْ إِذْ قَامُوا فَقَالُوا رَبُّنَا رَبُّ السَّمَوَاتِ وَالْأَرْضِ ﴾

[و بز آنلرک قیلرینی بربرینه ربطله قوت ویردک شول زمانده که او زمانده آنلر ظالم ملکه قارشى سوزه قیام ایتدیلر و دیدیلر که « بزم ربمز سموات وارضک ربسیدر. بناء علیه؛ اللهک غیرى بر معبوده بز عبادت ایدمه یز. »]

﴿ لَنْ نَدْعُوا مِنْ دُونِهِ آلِهًا ﴾

[« اللهک غیرى بر معبوده بز البته چاغیرما یز. زیرا؛ اللهک غیرى عبادته مستحق بر کیسه یوقدر. »]

﴿ لَقَدْ قُلْنَا إِذَا شَطَطًا ﴾

[« الله یمین ایدرز که ای دقیانوس! اگر سنک تکلیفی قبول ایدوب اللهک غیرى به عبادت ایتدیکمز تقدیرده محقق باطل سوز سوبله مش و نفسمزه ظلم ایتش اولورز. » دلیقانیلر ایشه بو سوزلرله دقیانوسک تکلیفی رد ایتدیلر.]

یعنی؛ حییم! اصحاب کهفک مذکور مغاره ده اویقو حالده نه قدر قالدقلرنده اختلاف ایدن یهود و نصاری و سائر ملتلر آنلرک نه قدر قرار ایتدکلرینی واقعه مطابق اولارق بیلرملر. بناء علیه؛ بز آنلرک کیملر اولدیغنی و نه قدر مدت مغاره ده قالدقلرینک خبرینی سکا حقه مقارن و واقعه مطابق اولارق حکایه ایدرز. زیرا آنلر؛ روم اشراقندن و ارباب فتوت و مروندن بر قاج دلیقانیلر که آنلر ربلرینه ایمان و وحدانیتی تصدیق ایتدیلر. چونکه؛ آنلر عقل کامل و رشد تام صاحبی ارباب ادرا کدن اولدقلری جهته عقللرینی ماخلق لهنده استعمال ایتدیلر و بزده لطفمزدن آنلرک هدایتلرینی زیاده قیلمغه ایمانلرنده ثبات و آنلرک قیلرینی بربرینه ربطله متانت و شجاعت و یردک که قیلرینک بربرینه مربوط اولمسیله وطنلرینی ترکه و اقربا و احبابلرندن افتراقه و مألوفاتلرندن قطع علاقه به صبرله غدار پادشاهه قارشى قیامه و (دقیانوس) ک قارشوسنده کله حقى سوبلمکه جرأت و دین حقه معاونه مسارعت ایتدیلر. شول زمانده که او زمانده آنلر (دقیانوس) حضورنده قیام ایتدیلر و دیدیلر که « بزم ربمز سموات و ارضک ربسیدر. بناء علیه؛ اللهک غیرى بر معبوده البته بز عبادت ایتمه یز. زیرا؛ اللهک غیرى عبادته مستحق بر کیسه یوقدر والله یمین ایدرز که ای دقیانوس! سنک تکلیفی قبول ایدرک اللهک غیرینک الوهیتی اعتقاد ایدرسهک بو تقدیرده محقق باطل سوز سوبله مش و نفسمزه ظلم ایتش اولورز. » ایشه بو وجهله بلا پروا (دقیانوس) ک تکلیفی رد ایتدیلر.

خازنده تفصیلاً بیان اولوندیغنی وجهله اصحاب کهف بوسوزی (دقیانوس) ملا ناسده سوبله مشلردر. چونکه؛ (دقیانوس) آنلره حکومت قوناغنده بر جماعت ایچنده سوبلش آنلرده رد ایتشلر. زیرا؛ (دقیانوس) کندی پوت پرست اولدیغندن تبعه سنی ده پوت پرستلکه اجبار ایدردی و بونلرده اکثر روایت نظر آ (دقیانوس) ک مقربلرندن وارکان

حکومتدن اولدقلری جهته بر جوق کیمسه لر حاضر اولدینی حالد (دقیانوس) پوت پرستلکی تکلیف ایدر آنلرده شوکت و قوتندن پروا اتمه رک رده قیام ایتدکلرینی و « ربمز عالم علوی اولان کوکلرک و عالم سفلی اولان یرلرک ربسیدر » دیمکه (دقیانوس) ک دخی ربی اولدیغه اشارتله تکلیفی رد و مذهبی ابطال ایتدکلرینی جناب حق بو آیتده بیان ایتشدرد. چونکه؛ الله تعالی سموات و ارضک ربی اولونجه بالجمله موجوداتک ربی اولاجنی اولویتله ثابت اولدیغنی و اللهک غیری به عبادت اتمه جکلرینی و اگر اللهک غیری به عبادت ایدر لسه باطل شی ایشله مش و فنا سوز سویلش اولاجقلرینی بیانه ایمانلرنده ثباتلرینی اظهار و (دقیانوس) ی عالمه قارشى رسواى ایتدیلر. لکن (دقیانوس) « حقى قبول ایتدیره مه نجه عاقبت مذکور مغاره یه فراره مجبور اولدیلر. زیرا؛ اهل حق هر زمان عالی اولورسه ده بر مدت موقته بعض ارباب فسادک ظلمندن و مفسدندن فراره مجبوره اولور. چونکه عالم؛ ظلمه و فسقه و ارباب فساددن خالی اولمادیغنی جهته زمان زمان ارباب ناموسی رنجیده ایتدکلری و مفسدتلرینک رواج بولدیغنی و یانغین شراره سی کبی ارباب ناموسی یا قدینی کورولور و اوزمانده فرار ایدن قورتولور. ایشه اصحاب کهفده یانغین علوی کبی اطرافى صارمش اولان فتنه دن قاچوب قورتولانلردر .

تفسیر طبریده بیان اولوندیغنی وجهله (شططاً) مفرده اوزاقه و یا لاه اولور
سوز سوبله مک وظلمه مریبی تجاوز ایدرک فظاً سوبله مکدر . بوکا نظراً معنای نظم :
[الله یمن ایدرز که اگر بز اللهک غیری بر اله اعتقاد ایدر سه ک حقندن اوزاق سوز سوبله مش و ظلمده حدی تجاوز ایتش اولورز] دیمکدر .

..

واجب تعالی اصحاب کهفک (دقیانوس) « قارشى کله حقى سوبله مک جرأت واللهک غیری بر معبوده عبادت اتمه جکلرینی بیان اتمکه برابر (دقیانوس) « تعریض و سفاهته نسبت ایلر و سوبله کلری دیگر سوزلرینی بیان اتمک اوزره ﴿ هُوَ لَا قَوْمًا يَتَّخِذُوا مِنْ دُونِهِ آلِهَةً ﴾ بیوریور .

[ایشه شونلر بزم کندی قومزدرد . آنلر اللهک غیری معبودلر اتخاذا ایتدیلر .]

﴿ لَوْ لَا يَأْتُونَ عَلَيْهِمْ بِسُلْطَانٍ بَيِّنٍ ﴾

[کاشکه آنلر پوتلره عبادت اوزرینه آچیق دلیل کتیرمش اولسه لردی بزده اتباع ایدردک .]

﴿ فَمَنْ أَظْلَمُ مِمَّنْ افْتَرَىٰ عَلَى اللَّهِ كَذِبًا ﴾

[دلیلسر پوتلره عبادت ایدنجه الله تعالی اوزرینه یالان اولارق افترا ایدن کیمسه دن زیاده ظالم کیم اولابیلیر ؟ .]

یعنی ؛ اصحاب کهف کندیلرینی پوته عبادته دعوت ایدنلره توحیدی ارانه و کندیلرینک موحد اولدقلرینی بیاندن صکره پوت پرستلره تعریض ایدرک مذهبلرینک بر دلیله مستند اولمادیغنی و بو مثللو اعتقاد باطلی ارتکاب ایدنلرک الله افترا ایتدکلری جهته هر کسدن زیاده ظالم اولدقلرینی بیان صدندده « شو کورینن کیمسه لر بزم کندی قوم و قبیله مزدر . آنلر اللهک غیری بر طاقم پوتلری معبود اتخاذا ایتدیلر . کاشکه آنلر پوتلره عبادتلرینک حق اولدیغه دائر آچیق و دلالتی ظاهر بر دلیل کتیرمش اولسه لردی بزده اتباع ایدردک و لکن دلیل کتیرمدیلر و کتیره مزلر . زیرا ؛ پوتلره عبادتک بطلانی میدانده اولدیغندن حق اولدیغه دلیل کتیرمک محالدر . چونکه ؛ دلیل یوق که کتیرسونلر . بناء علیه پوتلره عبادت ؛ موضع لایقنک غیری به عبادت اولدینی جهته ظلم ایتش اولدیلر . شو حالد یالان اولارق الله افترا ده بولوندقلرندن ظالملردر . زیرا ؛ یالان اولارق الله افترا ایدن کیمسه لردن زیاده ظالم کیم اولابیلیر ؛ البته الله افترا ایدندن دها زیاده ظالم کیمسه اولاماز . چونکه ؛ شرکدن دها بویوک برجنایت یوقدر « دیمکه اصحاب کهف (دقیانوس) ک و اتباعنک الله افترا اتمکه زیاده ظالم اولدقلرینی و مذهبلرینک بر دلیله مستند اولمادیغنی جهته ظلمندن عبارت و باطل اولدیغنی بیان ایتش و بویله بر مذهب باطلی ارتکاب ایدنلرک حقیر و ذلیل اولدقلرینه اشارت ایچون تحقیر دلالت ایدن (هؤلاء) لفظله حقارتلرینه اشارت ایتدکلری کبی یالانجیلق و افتراء علی الله و ظالم اولدقلرینی بیانه دخی ذم اتمکه برابر بو سوزلریله پوت پرستلری الزام ایتش لردر . چونکه مذهبلرینه بر دلیل کتیرملرینی تکلیف ؛ محالی

تکلیفدر . زیرا ؛ باطلک صحتنه دلیل کتیرمک ممکن اولاماز . دلیل کتیره مهینجه البته عجزلری تحقق ایتشدر .

بیضاوینک بیانی وجهله دیاننده وبالخاصه اعتقادیانده دلیل قطعی لازم اولدیغنه ودلیلسز اعتقادیانک باطل اولوب تقلید جائز اولمادیغنه بو آیت دلالت ایدر . (اشاعره) عندنمه مقلدک ایمانی صحیح دکلدر ، اما (ماتریدییه) عندنمه صحیح ایسهده استدلالی ترکندن طولایی کنهاکار اولور .

خلاصه ؛ اصحاب کهفک کندی قوملرینه اشارت ایدرک « شو بزم قومنز اللهمک غیری معبودلر اتخاذ ایتدیلر » دیمکله قومک مشرک اولدقلربی بیان وشرکری اوزرینه بر دلیللری اولمادیغنی بیانه مذهبیرینی ابطال ویلان اولارق الله افترا ایدوب زیاده ظالم اولدقلربی درمیان ایتدکری بو آیتدن مستفاد اولان فوائد جمله سندندر .

* *

واجب تعالی اصحاب کهفک (دقیانوس) ی ردایتدکربی بیاندنصکره کندی آره لرندمه جریان ایدن محاوره لرینی بیان ایتک اوزره ﴿ وَإِذَا عَزَّزْتُهُمْ وَمَا يَغْبُدُونَ إِلَّا اللَّهَ فَأَوْا إِلَى الْكَهْفِ يَنْشُرْ لَكُمْ رَبُّكُمْ مِنْ رَحْمَتِهِ وَيَهَيِّئْ لَكُمْ مِنْ أَمْرِكُمْ مِرْفَقًا ﴾ بیوریور .

[سز قومکزدن و آنلرک اللهدن باشقه عبادت ایتدکری معبودلرندن آبرلدیغکزدمه مغاره بی قصد ایدک و او مغاره بی کندیکز مه مکان اتخاذ ایدک که ربکز کندی رحمتی سزه دوکسون و سزک ایشکزی سزه قولای قیلمله سزک ایچون راحت بر محل حاضر لاسون .]

یعنی ؛ اصحاب کهف (دقیانوس) قارشی قیام ایتدکدنصکره آنک شرنندن قودر تولوق ایچون کندیلرینه برملجاً آرامق اوزره استشاره لرندمه بر برلرینه دیدیلرکه « سز قومکزدن و آنلرک اللهک غیری عبادت ایتدکری معبودلرندن آبرلدیغکزدمه سز (رقیم) اسمنده اولان جبلده کی غاری قصد ایدک و اورایی کندیکز مه مسکن و عبادتکزه مسجد اتخاذ

ایدک که ربکز سزه رحمتی نشر ایتسون و رزقکزی بول ویرسون و معیشتکزی تأمین ایتسون و ایشکزی تسهیل ایتکله سزک ایچون راحت بر محل حاضر لاسون . ایشته بوسوزلریله کندی قوملرینی ومملکتلرینی ترکله فراره وغاره التجایه قرار ویردیلر . شو مشاوره لری ، دینلرینی محافظه قصدیله جناب حقه توکل نامی متضمن اولدیغندن مشاورهده درج ایتش اولدقلری رحمت الهیه نائل اولدقلری کبی اللهمک کندیلری ایچون راحت بر محل حاضر لایه جفنی امید ایتشلردی وشو امیدلرینه دخی نائل اولشلردر . زیرا ؛ جنساب حق مذکور غاری کندیلری ایچون محل استراحت قیلدیغندن بر چوق زمان اویقو ایله هرشیدن وارسته وراحت اولارق امرار اوقات ایتشلردر . چونکه ؛ اخلاص ایله برابر قدرت الهیه اعتماد ایدرک اسبابنه توسل ایدن قولای الله تعالی مقصدندن محروم ایتیه جکنه بو آیت دلالت ایدر . شو قدرکه اسبابنه لایقیله توسل ایتکله برابر اعتمادی تمام اولوق لازمدر .

اصحاب کهفک قومی پوتلرله برابر الله عبادت ایتدکربینه اشارت ایچون اللهمک ماعدا معبودلرینی ترکه قرار ویرمشلردرکه الله عبادتده جمله سی مشترکدر و قوملرندن عزلتری محقق اولدیغنه اشارت ایچون قطعیه دلالت ایدن (اذا) لفظیله ایراد کلام ایتشلردر . یعنی عزیمتلرندن دونیه جکربینه و مغاره بی تشریف ایده جکربینه قرارلری قطعی ایدی که اصلاً تردد یوقدی .

انسان ایچون دیننک احکامی اجرا ایده میه جکی محلدن حضور قبله دینی اجرا ایده جکی بر محله هجرت لازم اولدیغنه بو آیتده دلالت وارددر . زیرا انساندن مقصد ؛ عبودیت اولدیغندن عبودیتک وظیفه سی ادا ایده جک راحت بر محل آرامق وظیفه عبودیتدر .

اعتزال ؛ آبرلق و نرها بر محمد ﷺ . (مرفقاً) محل انتفاع و راحته . اصحاب کهف ، مشرک اولان قومی ترکه ؛ اللهمک رحمتی نشر ایده جکنی وانتفاع ایده جک بر محل حاضر لایه جفنی تعلیق ایتدیلر و مشرکری ترک ایدنجه هراکیسنده نائل اولدیلر . بناء علیه ؛ ظالملرله الفت ایدنلر مادی ومعنوی ضرر کوره جکری کبی ظلمه دن افتراقله عزلت ایدنلرک راحت ایده جکربینه آیتده اشارت وارددر .

* *

واجب تعالی اصحاب كهفك غاره فراره قرار ویرد کفرینی بیاندن صکره غاره فرارله اوراده
جریان ایدن احوالی بیان ایتک اوزره ﴿ وَ تَرَى الشَّمْسَ إِذَا طَلَعَتْ تَرَاوُرُ عَنْ
كَهْفِهِمْ ذَاتَ الْيَمِينِ وَإِذَا غَرَبَتْ تَقْرِضُهُمْ ذَاتَ الشِّمَالِ وَهُمْ فِي فَجْوَةٍ مِنْهُ ﴾

بیوریور .

[حیم ! سن آنلرک مغاره ده اویقو حاللرینه نظر ایتسهک کورورسک که کونش
طوغدیغنده مغاره لرندن صاغ جانبه میل ایدر . بناء علیه ؛ شمسک ضیاسی آنلری کورمن
و کونش اینمکه یا قلاشوب ایکندی وقتی اولدیغنده کورورسک که کونش آنلری ترکله
صول طرفه میل ایدر . بناء علیه ؛ آنلر کونشک حرارتندن اصلا اذالانمارلر . حالبوکه آنلر
مغاره نك اورتیه سنده غایت کنیش میدانلغنده درلر ، یوقسه غارک برکوشه سنده دکلردر .]

﴿ ذَلِكَ مِنْ آيَاتِ اللَّهِ ﴾

[ایشته شورحتی احسان و آنلرک اسباب استراحتلرینی تأمین ایتک و کونشک وسائر
مودیاتک اذالرندن بر جوق سنه لر محافظه ایدوب اویقو ایله راحت ایتدیرمک اللهک
عظمتیه و قدرته دلالت ایدن علامتلردندر .]

﴿ مَنْ يَهْدِ اللَّهُ فَهُوَ الْمُهْتَدِ ﴾

[اکر برکیمسه که الله تعالی آنی هدایتده قیلدی ، او کیمسه طوغرو یولی بولمشدر .
چونکه ؛ اللهک هدایتی آنی مطلوبنه اولاشدیرر .]

﴿ وَمَنْ يَضَلَّ فَلَنْ تُجِدَ لَهُ وَلِيًّا مُرْشِدًا ﴾

[واکر برکیمسه که الله تعالی آنی اضلال ایدرسه آنک ایچون سن شفاعت ایده جک
بر دوست و یول کوستره جک برمرشد بولامازسک .] زیرا ؛ او کیمسه اراده سنی ضلالته
صرف ایدوب الله تعالی ضلالنی خلقله اضلال ایدنجه او کیمسه اهتدایه میل ایتمزکه طوغرو
یوله واصل اولسون . چونکه ؛ اراده سنی شره صرف ایدنجه ضلالی کسب ایدر و کسب
ایتدیکی ضلالی الله تعالی خلق ایدنجه آنی عذابدن قورتاراجق بر دوست بولوناماز .

بیضاوی و مدارکک بیانلری وجهله (تراور) میل ایدر دیمکدر . (تقرضهم)
کونش آنلری قطع ایدر یعنی آنلرده اوزاقموشیر طوقوماز دیمکدر . (فجوة)
مغاره نك اورتیه سی و کنیش هوا آلاجه میدانلغی دیمکدر .

یعنی ؛ آنلر بوتون کوندوز محفوظ اولوب کولکده بولونقلرندن شمسک حرارتندن
متأذی اولماقلری کی البسه لری ده اسکیمه مشدر و غارک تام وسطنده هوا آلاجق میدانلغنده
اولدقلری جهتله تعفن ایتمه مش و مغاره نك قسوتندن دخی متأثر اولمامشدر .
اصحاب کهفی جناب حقک اوچیز کسور سنه بووجهله محافظه ایتسی خارق العاده
کرامات قیلندن اولدینی جهتله کرامات اولیانک حق اولدیغنه دلالت ایدر . کرامات
اولیانک علم کلامده بیان اولوندیغی وجهله انکاری غیر قابل بر حقیقتدر و اهل سنت
مذهبی ده بودر .

فخر رازینک بیانی وجهله ولی ؛ آریه کناه کیرمکسره عبادتی نوالی ایدوب والله
تعالی نك انواع طاعانی کنرینه توفیق ایتکله اضاف معاصیره حمایه ایتدیکی کیمسره . چونکه ؛
ایمانله برابر عبادته دوام ایدن و صلحادن اولان کیمسه نك الله تعالی و لیس اولدیغی
(الله ولی الذین آمنوا) ، (وهو يتولى الصالحين) ایتلریله بیان ایتش و ولی دینمکه شایان
اولان کیملر اولدیغی قوللرینه بیلدیرمشدر . شوخالده عبادته دوامه بالجمعه کناهلری نك
ایدوب برسنه قریبت کسب ایدر کیمسه ولیدر . کرامته کانجه ؛ کرامت ؛ عبیک برمنده ظهور
ایدره خارق العاده در . کرامتله معجزه بپننده فرق شودر ؛ معجزه ؛ نبوت دعواننده
بولونانه کیمسه نك برمنده ظهور ایدر خارق العاده در . کرامت ؛ نبوت دعواننده بولونمایانه
صلوا برمنده ظهور ایدر خارق العاده در . آنجق فرعونیه و دجال کی شریر برمنده ظهور ایدر
خارق العاده احوال استدر اراج اولوب معجزه و کرامات قیلندن دکلدر . چونکه ؛ شریر
یدنده ظهور ایتسی کرامت اولمادیغنه دلیل قویدر .

کرامتک ظهورینه دلیل نقلی ؛ حضرت مریمک و اصحاب کهفک و سلیمان علیه السلامک
وزیری که عرش بلقیسی کتیرن (آصف بن برخیا) نك قصه لری کی بر جوق دلیللر
واردر . دلیل عقلی ایسه بعض خالص قوللری یدنده اللهک خارق العاده خلقیه او قولنی

تلطیف ایتمسند عقلاً بر مانع یوقدر. چونکه عبد؛ عجزیه برابر اخلاص ایله اللهک بالمله امرینه امثال ونهیندن اجتنابله ربسک رضاسنی تحصیله چالشنجه او قولک بعض ایسته دیکنی ویرمکه جناب حقک تلطیف ایتمسند نه کی بر مانع تصور اولونور. یوقسه سودیکی قولنی بعض عطیه سیله ممنون ایتمه الله تعالی نک حاشا قدرتی یوقدر ویا خود او عبدک بوکی عطیه نائل اولغه استحقاقی یوقدر؟ برافندی سودیکی خدمتجیسنی ایسته دیک قدر عطیه ایله ممنون ایدرده الله تعالی سودیکی قولنی نهدن ممنون ایتسون وعقلاً بوکی عطیه دن نه کی بر مانع تصور اولونور؟ شوقدرکه کرامت صاحبی یدنده کرامتک ظهورینه مسرور اولماز. چونکه کرامت؛ عاقبت امنیت بخش ایتز که مسرور اولسون و کرامته مغرورده اولماز. چونکه غرور؛ شیطان ایشیدر. حتی ولی کرامته مغرور اولسه ولایت درجه سندن ساقط اولور. چونکه؛ انسان کامل کرامتی کورمز، آنجق او کرامتی ویرن الله تعالی نک عظمتنی وکندنده اولان ذاتی وقصورلری کورور، مخلوقاتی کورمز، یالکز خالق کورور. بناء علیه؛ کرامت صاحبی اکثریا کرامتی بیله بیلمز، آنجق مکلف اولدینی وظیفه سنی بیلیر.

خلاصه؛ اصحاب کهفک اوزون مدت مغاره ده کونشدن وسائر اذی ویره جک شیردن محفوظ قالدقلری وبونلری جناب حقک حفظی؛ قدرته دلالت ایدن علامت جمله سندن اولوب انسانلر ایچون عبرت آله جق بر غریبه اولدینی واصحاب کهف کی اللهک هدایتده قیلدینی کیسه لک مهتدی اولدقلری و (دقیانوس) واتباعی کی اللهک اضلال ایتدیک کیسه لرایچون حضور الهیده شفاعت اید جک بردوست و مرشد بولونمیه جفی بوآیتدن مستفاد اولان فوائد جمله سنددر.

**

واجب تعالی اصحاب کهفک او قولرینک کیفیتنی بیان ایتک اوزره ﴿وَنَحْسَبُهُمْ آيَاتًا﴾
﴿وَهُمْ رُقُودٌ﴾ بیوریور.

[حبییم! سن آنلری او یور اولدقلری حالده کورسهک او یانقلر ظن ایدرسک.]

﴿وَنُقَلِّبُھُمْ ذَاتَ الْيَمِینِ وَذَاتَ الشِّمَالِ﴾

[و بز آنلری صاغ وصول طرفلرینه دوندورورز.]

﴿وَكَلْبُهُمْ بِاَسِطٍ ذِرَاعِيْهِ بِالْوَصِيدِ﴾

[و آنلرک کلبلری ده مغاره نک قابوسی اوکندده قوللرینی دوشه مش یاتاردی.]

﴿لَوْ اَطَّلَعْتَ عَلَیْھِمْ لَوَلَّيْتَ مِنْھُمْ فِرَارًا وَلَمُلِئْتَ مِنْھُمْ رُغْبًا﴾

[اگر حبییم! سن آنلرک بو حاللرینه مطلع اولسه ایدک آنلردن فرار ایدره رک آرقه کی دوزدک و آنلردن قورقی ایله هر طرفک طولاردی.]

یعنی؛ ای رسول ذی شان! اصحاب کهفی بز هدایتده قیلدق وارچیوز کسور سنه مذکور مغاره ده محافظه ایتدک. اگر اوزمانده سن آنلری احوالده کورمش اولسهک کوزلری آجیق ونفسلری اینر چیقار وجودلرنده تعفن وشیشمک کی شیرل اولمادیغندن سن آنلری او یانق ظن ایدردک. حالبوکه آنلر او یورلردی و آنلرک صاغلرندن صوللرینه وصولرندن صاغلرینه دونمک ایجاب ایتدیکندده طوپراق تاثیر ایتسون ایچون بز آنلری صاغدن صوله وصولدن صاغه دوندوروردک و آنلره تبعیت ایدن کلبلری قابونک اشیکندده قوللرینی اوز آتمش اولدینی حالده یاتاردی. ایسته اوزمانده سن آنلرک حاللرینه مطلع اولسه ایدک آنلرده کوره جکک مهابت و مغاره ده اولان عظمت و وجودلرنده کی جسامتدن قورقار همان آرقه که دوزر قاچاردک و آنلردن هر طرفکی قورقو احاطه ایدردی. یعنی آنلری کورونجه وجودیکک هر طرفی قورقو ایله طولش بولونوردی.

تفسیر خازنده بیان اولوندیغنه نظراً اصحاب کهفک سینه ده بر کره عاشورا کونی بر طرفدن دیگر طرفه دوندکلری ویا خود سنده ایکی دفعه دوندکلری مروی ایسه ده آیتده دوندورلدکلری قطعیدر ولکن عددینی تعیین اولیوب (تقاهم) مضارع صیغه سی استمراره دلالت ایتدیک کی جهتله اقتضاسنه کوره دوندورلدکلرینی بیانلها کتفا ایتک دهامناسیدر. چونکه؛ عدده دلالت اولمادینی کی عددینی تعیینده بر فائده دخی یوقدر. مقصد؛ وجودلرینی طوپراق چور و تمه سی ایچون ایجابنده دوندورلدکلرینی بیان ایتمکدر. او یقواویویان کیسه نک صاغه وصولنه دونوب خبری اولمادینی کی اصحاب کهفده صاغلرینه وصوللرینه ایجاب ایتدکجه

دو زلردی. فقط بونلرک دونمسنه قدرتی ورن الله تعالی اولدیغندن آنلرک دونملری ذاتنه اسناد ایدهرک « بز دوندورورز » بیورمشدر. چونکه حقیقته آنلری دوندورن ؛ ذات باریدر . بوذاتلرک اویقو حالنده عادتک خلافی کوزلرینک آجیق اولسی و صاچلرینک و طیرناقلرینک اوزون اولسیله برابر وجودلرنده اولان مهابت غایت قورقونج برشکلده اولدیغندن رسول الله کورمش اولسه بیلر قورقو عارض اولاجغنی جناب حق بیان ایتشددر .

قاضینک ونعمت الله افندینک بیانلری وجهله بونلرک کلبلری ایله مراد؛ بونلر غلام کیمرکن آرقلرینه دوشن برکلبدر . چونکه ؛ آنلر فرار ایدرکن بو کلبک تبعیت ایتدیکی و دفعاتله رد ایتمشلرله ده کلبک دونمیدیکی حتی صوک دفعله طرد ایتدکلرنده جناب حق کلبک سویلسنه قدرت و یروب کلب « بن اللهک دوستلرینه محبت ایدنلردنم ، براقک بنی حاله ، سزکله کیده جکم » دیمسی اوزرینه حالی اوزره ترک ایدوب آنلرله کیدن بر کلب اولدیغنی مرویدر . یاخود بونلر رفافت ایدر برهوبانک کلبدر . چونکه ؛ بعض روایت نظرآ بونلر اثنای فرارده برچوبانه مسافر اولورلر . چوبان یمک ییدیرد کدنصکره اثنای صحبتده بونلرک حاللرینه واقف اولور و اهتدا ایدرک اتباع ایتدیکندن کلبده برابرلرنده کیمشددر . اصح اولان روایتده بو اولسه کرکدر . کلبک رنکی قزیله مائل صاری اولدیغنی و اسمی (قطمیر) ویا (ریان) و یاخود (صهبان) اولوب جتنده بولوناجق حیوانلرندن بریسی اولاجغنی تفسیر خازنک جمله روایاتنددر .

خلاصه ؛ اصحاب کهف اویور اولدقلری حالده کورولمش اولسه اویانق ظن اولوناجقلری و اویقو آره سنده صاغ وصول طرفلرینه دوندکلری و رفاقلرنده بولنان کلبک قبولری اوکنده آنلرله برابر بولوندیغنی واکر آنلرک بو حاللرینی کورمش اولسه عارض اولاجق قورقویه بناء رسول اللهک آرقه سنه دونه چکی بو آیتدن مستفاد اولان فوائد جمله سنددر .

..

واجب تعالی اصحاب کهفک اویقولرینی بیاندنصکره اویقودن اویاندیردیغنی بیان ایتمک اوزره ﴿ وَكَذَلِكَ بَعَثْنَاهُمْ لِيَتَسَاءَلُوا بَيْنَهُمْ ﴾ بیوریور .

[آنلری مغارده موته بکزر براویقو ایله اویوتوب محافظه ایتدیکنمز کبی بز آنلری اویقودن اویاندیردق و قبردن قالقار کبی قالدیردق که آنلر بربرلرندن اویقولرینک مدتی سورسونلر و مدت مدیده اویودقلرینی بیلسونلر]

﴿ قَالَ قَائِلٌ مِنْهُمْ كَمْ لَبِثْتُمْ ﴾

[آنلردن سوزر باشلایان کیمسه « بو غارده نه مقدار دوردیکنر ونه قدر اویقو اویودیکنر ، دیدی .]

﴿ قَالُوا لَبِثْنَا يَوْمًا أَوْ بَعْضَ يَوْمٍ ﴾

[آنلر ظن اوزره « برکون و یاخود برکونک نصفی دوردق » دیمکه جواب ویردیلر .]

﴿ قَالُوا رَبُّكُمْ أَعْلَمُ بِمَا لَبِثْتُمْ ﴾

[آنلر صاچلرینک و طیرناقلرینک اوزونلغنی کورونجه برچوق زمان اویودقلرینی ادراک ایتمکه اسکی سوزلرندن دوندیلر و دیدیلر که « ربکمز بو غارده مکث ایتدیکنمز مدتی سزدن دهها زیاده بیلیر . زیرا ؛ ربکمز هر زمان قائم و حاضردر . بز اویقوده اولدیغمز ایچون مدت تعیین ایدمه یز . »] بوسورتله اویقولرینک مدتنده کی عالمی الله حواله ایتدیلر .

﴿ فَأَبْعَثُوا أَحَدَكُمْ بِوَرِقِكُمْ هَذِهِ إِلَى الْمَدِينَةِ ﴾

[« ایچکزدن بریکزی شو پاره ایله قصبهیه کوندرك . »]

﴿ فَلْيَنْظُرْ آيُّهَا أَزْكَى طَعَامًا ﴾

[« وکوندردیکمز کیمسه نظر ایتسون ، باقسون قصبه اهایسندن هانکیسنک طعامی تمیز و حلال و طاطلی و اوجوزدر . »]

﴿ فَلْيَأْتِكُمْ بِرِزْقٍ مِنْهُ وَلْيَتَلَطَّفْ وَلَا يُشْعِرَنَّ بِكُمْ أَحَدًا ﴾

[« قصبهیه کیدن کیمسه طعاملرک هانکیسی طاهر اولدیغنی کورد کدنصکره آندن]

آلسون سزه بر مقدار رزقه کلسون و کوردیکی کیمسه لرله غایت طاتلی و ملائم کوروشسون و سزك حالکزی و مکانکزی هیچ بر کیمسه یه بیلدیر مسون .

﴿ إِنَّهُمْ إِنْ يَظْهَرُوا عَلَيْكُمْ يَرْجُمُوكُمْ أَوْ يُعِيدُوكُمْ فِي مِلَّتِهِمْ وَلَنْ تُفْلِحُوا إِذَا أَبَدَّا ﴾ بیوریور .

[« زیرا ؛ اگر آنلر سزك مکانکزی بیلیر و سزه غلبه ایدر لر سه سزی طاشله اولدور لر و یا خود کندی دینلرینه و ملتیرینه اعاده ایدر لر و ملتیرینه اعاده ایتدکری تقدیرده ابدآ سز فلاح و نجات بولاماز سکز » دیمکله قصبه یه کیده جک کیمسه نك پروغرامنی ترتیب ایتدیلر .]

یعنی ؛ بونلری اوزون مدت اویوندیغمز کبی حییم ! بیلرنده نه قدر اویودقلرینی بر لرندن سئوال ایتسونلر و مدت مدیده اویودقلرینی و کندیلرینه اولان لطف و احسانلری بیلسونلر و ربسنه التجا ایدن کیمسه نك دشمنك شردن قور تولاجفنه اطمئنانلری زیاده اولسون و ایمانلری قوت بولسون ایچون بز آنلری قبردن قالدقاز کبی اویقودن اویاندیردق و آنلر اویقودن اویانجه ایچلرندن رئیسلی مغارده نه مقدار مکث ایتدکرینی دیکر لرندن سئوال ایتدی . آنلرک مغارده کیرملری بر قوشلق وقتی اولوب اویقودن اوباندقلری ایکندی وقتی اولدیغنه نظر ایدرک بر کون و یا خود بر کونک نصفی قدر بر زمان مکث ایتدکرینی بیسانله جواب و یردیلر ایسه ده وجودلرینه و صاچلرینه و طیرناقلرینه و سائر احواللرینه نظر ایدرک آز بر زمان ایشی اولمادیغنی بیلدیلر و دیدیلر که « سز زمان و مدت تعیین ایتمکله مشغول اولماک . زیرا ؛ ربکز سزك نه مقدار مکث ایتدیککزی سزدن ده ای بیلیر . بناء علیه ؛ بزم ایچون شیمدی مهم مسئله اکنکدر . زیر ؛ قارنمز آچدر . شو حالده هر شیدن اول ایچکزدن بریکزی اکنک آلق ایچون شو پاره کزله مدینه یه کوندرك . کیتسون مدینه اهالیسندن هانکیسنک طعامی زیاده طاهر و حلال و اوجوزدر نظر ایتسون ، کورسون و ایسندن آلسون سزه و طعامدن بر مقدار رزقه کلسون و شهره داخل اولدیغنده اهالی ايله لطفله معامله یا یغنه غیرت ایتسون که صوئوق معامله یا یغنه خلقک خصوصتی جلب ایتسون . سزك حالکزی و بولوندیغکز محلکزی هیچ بر کیمسه یه بیلدیر مسون . زیرا ؛ آنلر

سزی بیلیر و غلبه ایدر لر سه سزی انواع اشکنجه ايله و طاشله اولدور لر و یا خود کندی ملتیرینه اعاده ایدر لر و اعاده ایتدکری تقدیرده البته اصلا فلاح بولماز و عذابدن قور تولماز سکز ، دیمکله کیده جک کیمسه نك خط حرکتی تعیین ایتدیلر و بو قرارلرنده طعامک ایسنی آلسنی و کتیر مسنی و آلاویره خصوصنده ناسله ملائمت اوزرینه بولونمسنی و حاللرینی و مکانلرینی کیمسه یه بیلدیرمه مسنی و بیلدیرر سه ضرر کوره جکلرینی درج ایتمکله مهم مسائل توصیه ایتدیلر و بو منوال اوزره قرار و یردیلر .

تفسیر خازنده بیان اولوندیغنه نظراً آنکله شدکری مدتک مقدارندن سئوال ایدن (مکسلینا) و یا خود (عیلخا) در . ورق ؛ مضروب و غیر مضروب کوسه یاریمه دینور سه ده فخر رازینک بیانی وجهله بونلرک آئنده کی پاره مضروب اولوب اوزرنده (دقیانوس) ک اسنی یازیلی اولدیغنی مرویدر . مدینه ايله مراد ؛ الیوم موجود و معمور اولاده (طرسوس) شهر بر . انسانک قوت یومیه یی کسبه و محندن جلبه سی ایتسی و ییه جکی رزقک ایسنی و تمیزی آلسی و رزق ایچون سی ایتسی امر مهم اولدیغنه و توکله مانع اولمادیغنه و ناسله معامله ده حسن معاشرته دقت ایتک لازم کلدیکنه و دشمندن نفسنی صاقلامق جائز اولدیغنه بو آیتده دلالت واردر . چونکه ؛ بو ذوات کرامک الله تعالی یه کمال توکلر یله برابر اویقودن اویانجه هر شیدن اول رزق چاره سنی دوشوندکرینی و سائر تعداد اولونان شیرلی کیده جک کیمسه نك پروغرامنده درج ایتدکرینی جناب حقک کتابنده بزره بیان ایتسی بزم ایچون مهم بر در سدر . بناء علیه ؛ بو آیتده بیان اولونان احکامه امت محمدک اعتنا و دقت ایتلری لازمدر . شو حالده طعام صاتون آلا جق کیمسه نك حلال اولانی و آلدانمایوب مهمالمن اوجوزینی آرامسی الزمدر .

واجب آملی اصحاب کهفک اویقودن قالدقنجه ایچلرندن قصبه یه اکنک ایچون کوندره جکلری کیمسه نك وظیفه سنی تعیینده کیمسه یه بیلدیرمه جکنی در میان ایتدکرینی بیاندنصرکه کیدن کیمسه ایچون صاقلامق ممکن اولمایوب هر کسک بیلدیکنی بیان ایتک اوزره

﴿ وَكَذَلِكَ أَغْتَرْنَا عَلَيْهِمْ لِيُغْلَبُوا إِنَّ وَعْدَ اللَّهِ حَقٌّ وَأَنَّ السَّاعَةَ لَا رَيْبَ فِيهَا ﴾

بیوریور .

[ایسته بزم آنلری اوزون مدت اویوتوب هر درلو ضرردن محافظه ایتدیکمز کبی بز آنلر اوزرینه اهالی بی مطلع قیلدق که ناس وعد الهینک حق اولدیغی و قیامتده شبه اولمادیغی بیلسونلر .]

﴿ إِذْ يَتَذَكَّرُونَ فِي نَارِهِمْ أَمْرَهُمْ ﴾

[بز آنلر اوزرینه ناسی مطلع قیلدق شول زمانده که او زمانده ناس امر دینلرنده وحشر اموات حقتده منازعه ایدرلردی .]

﴿ فَقَالُوا ابْنُوا عَلَيْهِمْ بُنْيَانًا ﴾

[ناس آنلر اوزرینه « اولر یاپک » دیدیلر .]

﴿ رَبُّهُمْ أَعْلَمُ بِهِمْ ﴾

[« آنلرک عددینی وحالترینی ربلی دهایی بیلیر » دیمکه حالترینه وعد دلرینه علمی الله حواله ایتدیلر .]

﴿ قَالَ الَّذِينَ غَلَبُوا عَلَىٰ أَمْرِهِمْ لَنَتَّخِذَنَّ عَلَيْهِمْ مَسْجِدًا ﴾

[او وقتده ناسک امرینه غالب اولان پادشاه و اتباعی « البته بز آنلر اوزرینه مسجد یاپار و صلی اتخاذا ایدرز » دیدیلر .]

یعنی ؛ بزم آنلری اوزون مدت اویوتوب وجسملرینی هر شیدن محافظه ایتدیکمز کبی بز ناسی آنلر اوزرینه مطلع قیلدق که ناس الله تعالی نلک انسانلری قیبلرندن احیا ایده جکنه دائر اولان وعدینک حق اولدیغی و قیامتک البته کلوب اصلا شبه اولمادیغی بیلسونلر . زیرا ؛ آنلرک اوزون مدت اویوتوب جسملرینه اصلا خلل کلمکسزین اویقودن اویانملری وفات ایدوب صکره بعث اولونملرینک عیندر . بناء علیه ؛ فصل که بر چوق اوبودقدن

صکره اویاندیلر ، اولد کدن صکره دخی بویله جه دیر یله جکلردر . کذلک قیامتک وقوعنده وامکاننده دخی شبه یوقدر . زیرا ؛ اوچوز سنه اصحاب کهفی اویوتوب جسملرینه خلل طاری اولمقسزین عین وجودله اویقودن اسکی حاللری اوزره قالدیرمغه قادر اولان الله تعالی جمیع ناسی اولدوروب صکره قیامتده دیرلتمکه دخی قادردر و بز اصحاب کهفک حالرینه ناسی شول زمانده مطلع قیلدق که او زمانده ناس حشر امواته دائر اعتقادیات حقتده منازعه ایدوب بعضیلری « یالکسز ارواح بعث اولونور » و بعضیلری ده « روح جسده برابر حشر اولونور » دیمکه اختلاف ایتدکلری بر زمانده بز اصحاب کهفی اوج یوز کسور سنه اویقودن صکره جسدلرینه خلل کلمکسزین بعث ایتدیمزله ارواح واجسادک برابر حشر اولوناجغنی ناسه آچیق صورتده بیان ایتدک و تکرار آنلرک روحلری قبض اولوندقدن صکره ناس بونلرک حاللرنده و اویقولرینک مدتنده اختلاف ایتدیلر . بناء علیه ؛ بعضیلری « آنلرک اوزرینه و مغاره نلک قوسنه بنا یاپک . ناس بونلرک قیبلرینی چیکنه مسونلر . زیرا ؛ آنلرک حاللرینی ربلی ائی بیلیر » دیدیلر و او وقتده ناسک امرینه غالب اولان پادشاه و آکا تابع اولان اهل ایمان « البته آنلر اوزرینه بز مسجد یاپار و ناسه مصلی اتخاذا ایدرز » دیدیلر و بونلر غلبه ایده رک زیارتجیلره نماز قیلدق ایچون مسجد یاپدیلر .

فخر رازی ، قاضی و نعمت الله افندینک بیانلری وجهله بونلر اویقودن اویانجه آیتده بیان اولوندیغی وجه اوزره شهره کیدوب طعام کتیره جک کیمسه نلک پروغرامنی ترتیب ایدوب ایچلرندن (یمایخا) نلک تبدیل جامه ایده رک احوالی کیمسه یه بیلدیر مکسزین کیدوب کلمسی مناسب کوردیلر . (یمایخا) تعریف وجهله قصبه یه کلدی . فقط بالطبع قصبه یی اسکی حالنده بولمادیغدن شبه اوزرینه لکمکجیلری دولاشور کن اکمک آلمق اوزره لکمکجینک برینه آئنده کی یاره یی ویرنجه لکمکجی پاره نلک اوزرنده (دقیانوس) ک اسمنی کورور و « بونی سن نره دن آلدک ، البته بردفینه بولدک » دییه رک (یمایخا) یی یاقلار . بولدک ، بولمادم کورولتوسی اوزرینه خلق تجمع ایدر و کورولتو حکومت عکس ایلر . مکر او زمانده دین عیسی اوزره (بیدروس) اسمنده مؤمن برپادشاهله خلق آره سنده حشر اموات حقتده برچوق منازعه و مباحثه جریان ایدیورمش . ملک ، امواتک روح و جسمله برابر حشر اولوناجغنی خلاصة البیان : طقوزنجی جلد — ۱۱

اعتقاد و ناسك اعتقادنی تصحیح ایچون بو خصوصه دعوت ایدر . ناسدن بر قسمی قبول دیگر قسمی حشرک یا لکیز روحه مخصوص اولوب جسدک حشر اولونمایه جنی اعتقادنده اصرار ایدر . ملک بونلره اعتقاد حق قبول ایتدیره میوب کون بکون نزاع و کورولتو چوغالوب حقیقتک کشف اولونوب منازعه نك اوکی آلتسنی جناب حقندن استرحام ایتدیکی بر زمانده اراده الهیه نك بونلرک حاللرینی خلقه بیلدیرمکله حقیقتک خلقه کشف اولونمسنه تعلق ایتدیکندن بونلرک حاللرینی کیزله ملری فائده ایتمز ، ایش میدان چیقار . (یملیخا) بی ملکک حضورینه کتیررلر . ملک (یملیخا) دن کیفیتی استیضاح ایدر . ملک ده برابر اولدینی حالده خلق (یملیخا) اوکارنده مغاره یه یاقلاشدقلرنده آرقداشلرینه خبر ویرمک اوزره (یملیخا) ایلری کیدر . وقوعانی آرقداشلرینه خبر ویرنجه روحلرینک قبض اولونمسنی جناب حقندن استرحام ایدرلر . دعا لری درکاه الوهیتده قبول اولونمقله روحلری قبض اولونور و جسدلری دخی خلقک کوزندن غیب اولور . اهالی تکرار منازعه یه باشلارلر . کافرلر « بونلر بزندنر مغاره قوسنه کلیدسا یاپه جغز » دیرلر سده ملک و اتباعی غلبه ایدر . مغاره نك قوسنی اوکنه مسجد یاپارلر . فقط ناسدن چوقلری بونلرک حشره بکزه یین بو حاللرندن استدلال ایدرک اهتدا ایدرلر و بو استدلاللرینه الله تعالی (لیعلموا ان وعد الله حق) جمله سیله اشارت ایتشدز . کرچه (یملیخا) کلوب آرقداشلرینه خبر ویردکنصکره اهالی ایله کوروشوب قونوشدقلرینه دأثر بر روایت وار ایسه ده بو روایت ضعیفدر . چونکه ؛ اهالینک « بونلر بزندنر ، سزندنر » کبی منازعه ایتلری و (ربهم اعلم بهم) جمله سیله بونلرک حاللرینه علمی الله تعالی یه حواله ایتلری کوروشمدکلرینه دلالت ایدر .

قاضینک بیاننه نظراً قومک نزاعی ، اعتقاد خصوصنده اولدینی کبی ایکنجی مرده ده وفاتلری خصوصنده اولسی دخی محتملدر . چونکه ؛ بعضیلری « بونلر حقیقه وفات ایتدیلر » بعضیلری ده « حقیقه وفات دکدر اولسکی کبی اویقودر » دیدیلر و بعضیلری « اولری یاقمقله قریه یاپالم » و بعضیلری ده « مسجد یاپالم » دیمکله نزاع ایتدیلر .

واجب تعالی اصحاب کهفک اویقودن اویاندقلرنده ناسک اختلافلرینی بیاندنصکره

رسول اللهک زماننده آنلرک عددی حقنده ناسک اختلافنی بیان ایتک اوزره ﴿ سَيَقُولُونَ ثَلَاثَةٌ رَّابِعُهُمْ كَلْبُهُمْ وَيَقُولُونَ خَمْسَةٌ سَادِسُهُمْ كَلْبُهُمْ رَجْمًا بِالْغَيْبِ وَيَقُولُونَ سَبْعَةٌ وَثَامِسُهُمْ كَلْبُهُمْ ﴾ بیوریور .

[ناس « اصحاب کهف اوچ کیشیدر ، آنلری درت قیلان کبلریدر » دیرلر . و ناسدن دیگر بر فرقه « آنلر بشدر ، آلتنجیلری کبلریدر » دیمکله غایبه سوز سویلر اولدقلری حالده مباحثه ایدرلر . زیرا ؛ آنلرک قاچ کیشی اولدیغنه دأثر آلرنده بر سندلری یوقدر . و دیگر بر طائفه آنلر « یدیدر ، سکزنجیلری کبلریدر » دیرلر .]

﴿ قُلْ رَبِّيَ أَعْلَمُ بِعَدَّتِهِمْ مَا يَعْلَمُهُمْ إِلَّا قَلِيلٌ ﴾

[حییم ! سن آنلره « اصحاب کهفک عددینی ربم تعالی آبی بیلیر ناسدن آنلرک عددینی بیلمز آنجق آزیجق کیمسلر بیلیر » دی .]

﴿ فَلَا تَمَارِفِهِمْ إِلَّا مَرَاءَ ظَاهِرًا ﴾

[آنلرک عددینی ناسدن غایت آز کیمسلر بیلنجه حییم ! سن آنلر حقنده مجادله ایتمه ، الا ظاهر اولارق مجادله ایت وسکا وحی اولونان احکامی سویله .]

﴿ وَلَا تَسْتَفْتِ فِيهِمْ مِنْهُمْ أَحَدًا ﴾

[و آنلر حقنده اهل کتابدن هیچ بر کیمسهن سئوال ایتمه .] زیرا ؛ وحی ایله سکا آنلرک حاللری بیان اولونونجه سنک اهل کتابدن سئوالک مناسب اولماز . چونکه ؛ وحی ایله بیلدکنصکره آنلره سئوال امتحان ایچون اولاجغنه بناء بو سئوال مرتبه نبوته لایق اولان مکارم اخلاقه منافیدر و استیضاح کیفیت صورتیله ده هیچ اولماز . زیرا ؛ آنلرک علمی قاصر اولدینی جهتله حقیقتی بیلمز لرکه سکا ایضاحات ویرسونلر . آنلرک سویله یه جکلری ظنه مستند اولوب سنک علمک ایسه وحیه مستند اولمقله قطعیدر . قطعی علمه قارشى ظنک حکمی اولماز .

خازن وقاضینک بیانلری وجهله « اصحاب کھفک عددی اوچدر، دردنجیسی کبلریدر »
دییه نلر نجران نصاراسی وحضرت عیسانک الوهیتی اعتقاد ایدن (یعقوبیه) فرقه سندن
(سید) اسمنده برکیمسه و آنک اتباعیدر . « آنلرک عددی بشدر، آلتنجیسی کبلریدر »
دییه نلر نصارادن الله تعالی اوچک اوچنجیسی اولدیغنی اعتقاد ایدن (نسطوریه) فرقه سندن
(عاقب) اسمنده برکیمسه و آنک اصحابیدر . مسلمانلرده « یدیدر، سکزننجیسی کبلریدر »
دیدیلر و بو مباحثه حضور رسالته جریان ایتشدرد . اوچ ویش دییه نلرک سوزلری طوغرو
اولمادیغنه اشارت ایچون واجب تعالی « غائبه سوز آتارلر » دیمکله اشارت ایتدیکی کبی
یدی دییه نلرک سوزلری طوغرو اولدیغنه ده « آنلرک عددی آز کیمسه بیلر » دیمکله اشارت
ایتشدرد . چونکه مسلمانلر رسول اللهدن ایشیتدکلرینی سوبله دکلی جهته آنلرک خبرلری
صحیحدر . زیرا ؛ واجب تعالی بو باده سوز سوبله نلری اوچه حصر ایتد کدنصکره
اولکی ایکی فرقه نلرک غائبه سوز سوبله بوب بیلمدکلرینی بیانله تزییف و اوچنجینک عقینده
آز کیمسه لرک بیلدیکنی بیانله اوچنجینک صحتی بیان ایتشدرد . شوخالده حضور رسالته
جریان ایدن سوزلری واجب تعالی بو آیتله بیان بیورمش و عددلرینک درت ویا آتی
اولدیغنه دائر سوز سوبانمدیکندن دردله آتی ذکر اولونماشدر .

فخر رازینک حضرت علیدن روایت مستنداً بیانله نظراً اصحاب کھفک عددی یدی در .
بونلردن آلتیسی ملکک قرناسندن اولوب اوچی ملکک صاغ طرفنده بولونورلر که
(یملیخا) ، (مکسامینا) و (مثلینا) در . بونلره اصحاب بمین دینور . دیگر اوچی ملکک
صول طرفنده بولونورلر که (مرنوش) ، (دبرنوش) و (شاذنوش) در . بونلرده اصحاب سار
دینور که (دقیانوس) بونلره مهماتی استشاره ایدرکن اعتقاد خصوصنده بینلرنده واقع
اولان اختلاف اوزرینه (دقیانوس) ی طریق حقه دعوت ایتشدرسه ده اجابت ایتمه بجه
ظلمندن قورقورلرینه بناءً فراره مجبور اولمشدر . بونلرک یدنجیلری (کفشططیوش) که
چوباندر و سکزننجیلری ده چوبانک کلیدر که اسمی (قطمیر) اولدیغنی مرویدر .

اصحاب کھفک اسملری یازیلوب یانغینک ایچنه آتیلیرسه باذن الله یانغینک سونه جکی
وچوق اغلایان چوجفک آغیدینی کسمک ایچون یازیلوب یاصدیغنک آلتنه قونورسه
آغیدینی کسه جکی و طوغورمق ایچون زحمت چکن خاتونک صول اویلوغنه باغلانیرسه

سهولت اولاجنی مرویدر . کرچه اصحاب کھفک اسملرنده بربرینه بکزمدمک بر چوق
روایتلر وار ایسه ده بر روایت مستنداً یازمش اولدیغنی اسمی کافیدر . چونکه ؛ اعتبار
مسمایه در . یازمش اولدیغنی اسملری آنلرک اسمی ظنیله یازمق باذن الله تأثیرده کافی اولدیغنی
نیسابورینک جمله بیاناننددر .

واجب تعالی اصحاب کھفک بعض احوالی بیاندنصکره رسولنه هرشیئی قصدینی مشیت
الهییه تعلیق ایتسنی توصیه ایتک اوزره ﴿ وَلَا تَقُولَنَّ لِشَئٍ اِنِّیْ فَاعِلٌ ذٰلِکَ غَدًا *
اِلَّا اَنۡ یَّشَآءَ اللّٰهُ ﴾ بیوریور .

[حبییم ! ایشله نمسی مراد ایتدیکنک بر شی ایچون « بن شوشیئی البته یارین ایشلرم »
دیمه ، الا اللهمک مشیتنه تعلیق ایتدیکنک وقت مستثادر .] یعنی « ان شاء الله شونی یارین
ایشلرم » دیدیکنک وقت مستثادر .

﴿ وَاذْكُرْ رَبَّکَ اِذَا نَسِیتَ ﴾

[حبییم ! ان شاء الله لفظنی اونوتدیغنکده ربک تعالی یی ذکر ایت .] یعنی اونوتدیغنک
خاطریکه کلدیکنده درحال « ان شاء الله » دی که اوایشک خلق اولونمسنه وسیله اولسون .

﴿ وَقُلْ عَسٰی اَنۡ یَّهْدِیَنَ رَبِّیْ لِاَقْرَبَ مِنْ هٰذَا رَشَدًا ﴾

[حبییم ! سن « ربکم اصحاب کھفک خبرندن دها زیاده صوابه یقین اولان
شیلره نبی ارشاد ایده جکنی اومارم » دیمکله بونلردن سؤال ایدنلره جواب ویر که دها زیاده
خبرلرک کشفیاتی ایسته مش اولاسک .]

یعنی ؛ یا اکرم الرسل ! برشیئی ایشله مک قصد ایتدیکنکده « ان شاء الله شواشی یارین
ایشلرم » دی . ان شاء الله لفظنی ترک ایده رک قطعاً ایشلرم دیمه . ان شاء الله لفظنی اونوتدیغنکده
خاطریکه کلدیکی ساعتده کچ شی قضا ایتک اوزره ان شاء الله دیمکله ربکی ذکر ایت که نسیانکه
کفارت اولسون . زیرا ؛ ایشله مسی اولی اولان برشیئی ترک ایدن کیمسه تسبیح واستغفار
واسم اللهی ذکر ایدرسه ترک ایتدیکی شیئی تدار که سبب اولور و حبییم سوزیکه شونی ده

علاوه ایت و « اومارم ربمندن شو اولونو تدیغ شیدن دها زیاده صوابه قریب اولان شیلره
بنی هدایتده قیلار » دیمکه اصحاب کهفک خبرلرندن دها قوی و نبوته دلالتده دها واضح
شیلره مطلع اولمگی ربکدن ایسته مش اولاسک .

بیضاوینک بیانی وجهله شو وعد الهی اوزرینه الله تعالی اصحاب کهفک خبرلرندن
دها اسکی انبیاء عظامک خبرلرینه و امتلریله اولان مباحثه لرینه و بر طاقم غایب لره و علامات
قیامت و دها بر جوق شیلره رسولنی مطلع قیلمشدر .

واجب تعالی « برشیئی ایشلرم » دیدیکنده ان شاء الله دیمسنی رسولنه واجب قیلدی .
چونکه ؛ ایلروده اولاجق برشیئی ایشله مکه موفق اولوب اولیه جنی معلوم اولمادیغندن
شاید ایشله یه مزسه یالان اولماسون ایچون « ان شاء الله » لفظیله مشیت الهیه تعلیقنی امر
ایتدی . بناء علیه ؛ هر مؤمن ایچون ایلروده ایشله یه جکی برشیئی خبر ویردیکنده
« ان شاء الله » دیمک لازمدر . چونکه رسول الله امر و نهی ؛ امتی حقنده امر و نهیدر . شو حالده
رسول الله ک نفی یالاندن وقایه وایشنک بیتمسنه وسیله اولمق ایچون « ان شاء الله » دیمسنی
لازم اولدیغنی کبی امتک دخی بر ایشی ایشله مکه نیت ایدوب ایشله یه حکم دییه رک خبر
ویردیکنده « ان شاء الله » دیمسنی لازمدر .

فخر رازینک بیانی وجهله (ابن عباس) حضرتلری « بر کیمسه خبر ویردیکی برشیده
ان شاء الله لفظنی اونو تورسه بر جوق زمان صکره ان شاء الله دیسه استثناسی صحیح اولور .
دیمش ایسه ده بالعموم فقها و بالخاصه امام اعظم بونک خلافتی اجتهاد ایتمشدر . چونکه ؛
ابن عباسک بیانی وجهله آلتی آی ویا برسنه اول سویله نیلن بر سوزه برسنه صکره ان شاء الله
لفظنی علاوه ایتمکه اوسوزک حکمنی تغیر ایده جک اولورسه اقرار طلاق و سائر عقود
شرعیه دن هیچ بریسی تقرر ایتمز . زیرا ؛ برسنه اول حرمنه طلاق ویرن بر کیمسه برسنه
صکره ندامت ایدنجه طلاقک حکمنی ابطال ایدرسه او بر سنه طرفنده خاتون مطلقه میدره
دکلیدر بناء علیه ؛ باشقه قرجه یه کیده بیله جکمی کیده میه جکمی آ کلاشیلا ماز . سائر
عقوداتده دخی حال بویله در . مثلاً اون کون اول بر مالنی صاتمش اولان بر کیمسه اون
کون صکره فیتانک فضل لغنی کوروب ان شاء الله دیمکه عقدک حکمنی ابطال ایدرسه هیچ
بر معامله یه اعتبار و اعتماد اولامیه جندن معاملات ناسک تماماً معطل اولاجنی شبهه سزدر .

بناء علیه ؛ سوزک تمامندن ولوبش دقیقه صکره اولسون « ان شاء الله » لفظنی هیچ بر حکمی
تغیر ایده مز .

حق مدار کده بیان اولوندیغنی وجهله (منصور) خلیفه بر کیمسه « امام اعظم جدک
ابن عباسه استثنا مسئله سنده مخالفت ایدیور » دیمسنی اوزرینه خلیفه حدتله تأدیپ ایتمک
اوزره امام اعظمی حضورینه جلبله نه ایچون مخالفت ایتدیکنی سئوال ایدنجه امام اعظم
حضرتلری « ابن عباسک مذہبی سنک علیهمکدر . زیرا ؛ برسوزدن برکون ویا بش کون
ویا خود اون بش کون صکره او سوزه علاوه اولونان ان شاء الله او سوزک حکمنی نقض
ایدجک اولسه ناسک سکا بیعتلرینک حکمی قالماز . چونکه ؛ بوکون بیعت ایدن کیمسه
برکون صکره سندن نفرت ایدر . سکا بیعت ان شاء الله لفظنی علاوه ایتمکه بیعتلرینی نقض
ایدر » دینجه منصورک ، امام اعظمی لوم ایدن کیمسه بی حضورندن طردایتدیکی مرویدر .
شو حالده آیتده « اونو تدیغکده ذکر ایت » دیمک « اسکی سوزیکه علاوه ایتمکه
آنک حکمنی تغیر ایت » دیمک دکلددر ، بلکه « تبرک و تین طریقله ذکر ایت که کچمشه
کفارت و بر دها اونو تمامغه سبب اولسون » دیمکدر . یا خود « برشیده ان شاء الله لفظنی
اونو تدیغکده او شی وجود بولما یجه ان شاء الله لفظنی ذکرله آندن دها ای برشی ایسته »
دیمکدر .

بو آیتک سبب نزولی ؛ بیضاوینک بیانی وجهله قریش مشرک لری رسول الله روحدن
واصحاب کهفدن و ذوالقرنیندن سئوال ایتدکدرنده رسول الله « یارین کلک خبر ویرهیم »
دیوب « ان شاء الله » دیمه مسنی اوزرینه اون بش ویا قرق کون وحیک کله مسنه رسول اللهک
محزون اولوب قریشک رسول الله قارشى اظهار شہادت ایتلری اوزرینه جبریل امینک بو آیتله
کلدیکی مرویدر . شو حالده وحیک تأخرینه سبب « ان شاء الله » کلمه طیبیه سنک ترک اولونمسی
اولدیغنی جناب حق بو آیتله بیان بیورمش و بو مثللو مقامده « ان شاء الله » لفظنی ذکر
ایتمک لازم اولدیغنی کرک رسولنه و کرک رسولنک امتنه توصیه ایتمشدر . بو آیت نازل
اولونجه رسول اللهک « ان شاء الله » دیدیکی مرویدر . فقط رسول اللهک « ان شاء الله » دیمسنی
« بر دها اونو تمام ان شاء الله » دیمکدر ، یوقسه اولجه سویله دیکی سوزینه علاوه دکلددر .

واجب تعالى اصحاب كهفك اويقولرينك مدتی بیان ایتك اوزره ﴿وَلَبِثُوا فِي كَهْفِهِمْ ثَلَاثَ مِائَةٍ سِنِينَ وَازْدَادُوا تِسْعًا﴾ بیوریور .

[اصحاب كهف مغاره لرنده اوچيوز سنه قرار وطقوز سنه ده زیاده ایتدیلر .]

﴿قُلِ اللَّهُ أَعْلَمُ بِمَا لَبِثُوا﴾

[حییم! «الله تعالی آنلرك دوردقلری مدتی هر كسدن زیاده بیلیر» دی .] وسوزیکه شونی ده علاوه ایت :

﴿لَهُ غِيبُ السَّمَوَاتِ وَالْأَرْضِ﴾

[زیرا ؛ سموات وارضك غیبی بیلمك الله مخصوصدر .] بناء علیه ؛ اصحاب كهفك مغاره ده وایقو حالده دوردقلری مدتی هر كسدن زیاده بیلمك الله مخصوصدر .

﴿أَبْصِرْ بِهِ وَاسْمِغْ﴾

[الله تعالی کوريله جك شیلری نه عجائب کورور وایشیديله جك شیلری نه عجائب ایشیتیر .]

﴿مَالَهُمْ مِنْ دُونِهِ مِنْ وَلِيٍّ﴾

[سموات وارض اهلنك اللهك غیرى هیچ بر یاردیمجیلری یوقدر .]

﴿وَلَا يُشْرِكْ فِي حُكْمِهِ أَحَدًا﴾

[والله تعالی حکمنده وغبی بیلمکده هیچ بر کیمسه بی کندینه شریك قیلماز .] چونکه ؛ ملکمنده و حکمنده مستقل اولدیغدن هیچ بر کیمسه نك مداخله حق یوقدر .

یعنی ؛ اصحاب كهفك (دقیانوس) ك شرندن فرار ایدرك مغاره یه التجا ایتدكلرنده جناب حقك لطفی اولارق آنلره ویرمش اولدیغی اویقو حالده آنلر مغاره لرنده اوچيوز سنه و اوچيوز سنه اوزرینه طقوز سنه دخی زیاده ایدرك اوچيوز طقوز سنه اکلندیلر . حییم ! آنلرك حاللرندن سوال ایدنلره جوابده الله تعالی آنلرك مغاره ده اکلندكلری

مدتی هر كسدن زیاده بیلیر و وحی ایله خبر ویردیکی ده بودر . شوحالده آنلر حقنده بو خبرك غیرى سوبله ن سوزلر طوغرو دكلدر . زیرا ؛ سموات وارضك کیزلی اسرارینی بیلمك الله مخصوصدر . بناء علیه ؛ اصحاب كهفك مكث ایتدكلری مدتی خطاسز بیلمك دخی الله مخصوصدر . الله تعالی کورولمك شانندن اولان شیلری نه عجائب کورور وایشیدمك شانندن اولان شیلری نه عجائب ایشیتیر . چونکه ؛ اللهك ایشیتمی و کورمی سائر ایشیدن و کورنلرك ایشیتملری و کورملری کبی دكلدر . زیرا ؛ لطیف و کشف ، کوچوك و بویوك جمله سی الله تعالی عندنه مساویدر و اهل سما و اهل ارضك اللهك غیرى هیچ بر یاردیمجیلری یوقدر والله تعالی حکمنده کندینه هیچ بر کیمسه بی شریك قیلماز . چونکه ؛ هر نه یه حکم ایتسه ملکمنده حکم ایتدیکندن حکمنده مستقلدر .

نعمت الله افندینك بیانی وجهله اصحاب كهفك اوچيوز طقوز سنه سی سنه شمسیه ویاخود سنه قریه اولق احتمالی وارسه ده صحیح اولان اوچيوز سنه ؛ سنه شمسیه درو اوچيوز طقوز سنه ؛ سنه قریه در . زیرا ؛ یوز سنه شمسیه یوز اوچ سنه قریه ایتدیکندن اوچيوز سنه شمسیه اوچيوز طقوز سنه قریه ایتشد . بوکا نظراً معنای نظم : [اصحاب كهف مغاره لرنده سنه شمسیه حسابيله اوچيوز سنه مكث ایتدیلر و سنه قریه حسابيله طقوز سنه دخی زیاده ایتدیلر] دیمکدر .

..

واجب تعالی رسولنه نسبتله مغبیاتدن اولان اصحاب كهفك احوالی بیساند نسكره اصحابيله برابر درسنه دوامنی امر ایتك اوزره ﴿وَاثُلُوا وُحًى إِلَيْكَ مِنْ كِتَابِ رَبِّكَ﴾ بیوریور .

[حییم ! ربك تعالی نك کتابندن سكا وحی اولونان آیتلری سن تلاوت ایت .]

﴿لَا مُبَدِّلَ لِكَلِمَاتِهِ﴾

[زیرا ؛ ربك تعالی نك کلمه لرینی تبدیل ایدن اولاماز .] چونکه ؛ کتابنده کندندن باشقه تصرف ایدن اولماز که کلمه لرینی تبدیل ایتسون . بناء علیه ؛ قیامته قدر قرآنك دكل بر کلمه سنی نك بر حرفنی بیله تبدیل ایتك هیچ بر کیمسه نك حدی دكلدر .

﴿ وَلَنْ تَجِدَ مِنْ دُونِهِ مُلْتَحَدًا ﴾

[ای رسول ذیشان ! البته سن ربکدن غیری برملجاً بولامازسک .] زیرا ؛ هرکسک هرشیده ملجائی اودر . كذلك سنک ملجائکده اودر .

یعنی ؛ حبییم ! سن مشرکک « قرآنک غیری بر کتاب کتیر » دیدکلرینی دیکلهمه وربک تعالی نک کتابندن سکا وحی ابتدکی آیتلرک الفاظنی قرائت واحکامیلہ عملہ دوام ایت . زیرا ؛ ربک تعالی نک کلملرینک کرک لفظنی وکرک حقیقی معناسنی تبدیلہ هیچ کیمسه نک قدرتی یوقدر . بناء علیه ؛ قرآنک الی یوم القیام بقای جناب حقک حمایہ الی آلتنددر وسن اللهک دوننده برملجاً البته بولامازسک . زیرا ؛ اللهک غیری جمله موجودات قهر الہی آلتندہ مقهور اولدیغندن اذن الہی خارجنده هیچ برکیمسه ملجاً اولامازک سن اللهک غیری برملجاً بولاسک .

ملحد ؛ صیغه مجهول برکه انبیا دیمکدر . انسانک باشی طارالیدغندہ او مضایقه دہ قرآنولر ایچونہ مراجعت ابتدکی کیمسہ ملحد دینورکہ ملجاً دیمکدر . تلاوت ؛ تبعیت معناسنی مشعر اولدیغندن بو آیت هم قرآنی تلاوته همده احکامنہ تبعیتہ شامل اولدیغنه بناء ایکی جهتہ دوامی آمردر . بناء علیه بو امردن مقصد ؛ یالکز تلاوت دکل بلکه تلاوته برابر احکامیلہ عملہ مداومتدر . شو حالده امت محمد تلاوت قرآنلہ برابر احکامنہ دقت ایتمکله مأمورددر .

خلاصہ ؛ قرآنی تلاوته برابر احکامیلہ عملک واجب اولدینی وجناب حقک کلملرینی تبدیل ممکن اولمادینی واللهک غیری هیچ کیمسه ایچون بر ملجاً بولونمادینی بو آیتدن مستفاد اولان فوائد جمله سندندر .

**

واجب تعالی قرآنی تلاوته برابر موجیلہ عمل واجب اولدیغنی بیان ابتدکی کبی کافرلرک قرآنک تبدیلی تکلیفلرینی ردلہ صبرہ ملازمتک لزومنی دخی بیان ایتمک اوزره

﴿ وَاصْبِرْ نَفْسَکَ مَعَ الَّذِينَ يَدْعُونَ رَبَّهُمْ بِالْغَدْوَةِ وَالْعَشِيِّ يُرِيدُونَ وَجْهَهُ ﴾
بیوریور .

[حبییم ! شول کیمسه لرلہ برابر نفسک صبرہ ملازمت ایت کہ او کیمسه لر ربلرینک رضاسنی مراد ایدر اولدقلری حالده آقشامده وصباحده وآنلرک آردسندہ اولان اوقاتک جمله سندہ الله عبادت ایدرلر .]

﴿ وَلَا تَعْدُ عَيْنَاکَ عَنْهُمْ تُرِيدُ زِينَةَ الْحَيَاةِ الدُّنْيَا ﴾

[ای رسول ذیشان ! سن حیات دنیانک زینتی واغنیانک ثروتی مراد ایدر اولدیغک حالده فقراء اصحابکدن کوزیکی آیروب باشقه طرفہ میل ایتمہ .]

﴿ وَلَا تَطْغِ مَنْ أَغْفَلْنَا قَلْبَهُ عَنْ ذِكْرِنَا وَاتَّبَعَ هَوَاهُ ﴾

[وبزم قلبلرینی ذکر مزدن غافل قیلدیغمز وکندی هوا و آرزوسنه اتباع ایدن کیمسه لرہ اطاعت ایتمہ وآنلرک باطل سوزلرینی دیکلهمہ .]

﴿ وَكَانَ أَمْرُهُ فُرُطًا ﴾

[زیرا ؛ ذکر دن غافل وهوسنه تابع اولان کیمسه نک ایشی باطل وحقدن اوزاق اولدی . بناء علیه ؛ اطاعتہ شایان دکدر .]

یعنی ؛ ای رسول مکرم ! کافرلرک سکا فقراء اصحابکی باشکدن طاغیت . زیرا ؛ آنلرک البسه لری اسکی وحاللری پریشان بزم شرف وحیثیتمز آنلرلہ برابر بولونمازمہ مانعدر . آنلرلہ بریرده بولونمق بزم ایچون عاردر . دیملرینہ التفات ایتمہ و سن شول کیمسه لرلہ برابر نفسک صبر توصیه ایت کہ آنلر آقشام وصباح رضاء الہی بی مراد ایدرک ربلرینہ عبادت ایدرلر . سن حیات دنیانک زینتی اولان مشرکک ثروتلرینہ نظر ایدرک فقراء اصحابکدن کوزلیکی چورمه . وبزم ذکر مزدن قلبنی قاپاتمقلہ غافل قیلدیغمز کیمسه ایله اتفاق ایتمہ . زیرا ؛ اومثللو کیمسه کندی هوا وهوسنه اتباع ایدرک آرزو ابتدکی شیئی ونفسنی کندیته معبود اتخاذا ایدرک مولاسنک امرندن چیقمشدر . بناء علیه ؛ آنک امری حدینی تجاوزلہ اسراف وضایع اولمشدر .

اصحاب کرامک اکثر اوقاتده عبادتله مشغول اولدقلرینه اشارت ایچون دعاو عبادتلیری صباح و آقشام اولدینی بیان اولوندینی کی استمراره دلالت ایدن مضارع صیغه سیله (یدعون) دخی وارد اولمشدر . چونکه ؛ صباح و آقشام زمانک ایکی طرفنی احاطه ایتدیکی کی جمیع زمانهده شاملدر و فقرایه محبتک لزومه اشارت ایچون « کوزلریکی آنلردن باشقه سینه چورمه » بیورمشدر که « نظر عطوفتکی آنلردن آیرمه و نظر حقارتله باقه » دیمکدر . ایشته باب الهیده زنکین و فقیر جمله سی مساوی و حقارت نظریله باقیلاجق بر کیمسه اولمایوب هر کس حریت تامه یه مالک اولدینی کی اللهک رضاسنی آرایان فقرا ، فاسق و فاجر اولان زنکینلردن عندالله دهها مقبول اولدینی جناب حق بو آیتله بیان و زنکینلرک فقرایه رعایت ایتلرینک لزومنی توصیه ایتمشدر .

(اغفلنا قلبه عن ذکرنا) « بز او کیمسه نیک قبلی ذکر مزده غافل قیلر » دیمک « بز آنی ذکر دن غافل اولدینی حالده شیطانک و سوسه سیله ترک ایتدک که شیطان آنلری اغفال ایله کفره و عصیان محبتلی و بابالرینی تقلید سیبیه آنلرک قلبه حق اولان شی کیرمن بر حالده قبلری قساوت پیدا ایتدی » دیمکدر . شو حالده غفلت آنلرک اراده لرینی صرفله و کنترلرینک کسبیه حاصل اولدیغندن جبر لازم گلر . چونکه ؛ هر نه قدر آنلرک غفلت لرینی جناب حق خلق ایتمش ایسه ده آنلر اراده لرینی صرفله کسب ایتمشلردر و غفلتی خلق ایتدیکی جهته جناب حق « بز قبلرینی غافل قیلدق » بیورمشدر . (فرطاً) ضایع ، معطل ، اسراف ، باطل و مقه مخالفت معنالری افاده ایدر . بوکا نظراً معنای نظم : [قلبی ذکر دن غافل اولارق کندی هواسنه و نفسه اتباع ایدن کیمسه نیک امری حقه مخالف و باطل و ضایع و کونلری معطل اولدی] دیمکدر .

خازن و قاضینک بیانلرینه نظراً آیت (عینه بن حصن) و (امیه بن خلف) و آنلرک امثالی صنادید قریش حقلرینه نازل اولمشدر . چونکه ؛ آنلردن (عینه) اسلام اولمازدن اول حضور رسالته فقراء اصحاب بولوندینی بر زمانده کلیر رسول الله « بونلرک قوقوسی سکا اذا ویرمزمی ؟ بزلر (مضر) قبیله سنک بویوکلری یز . بز ایمان ایدرسه ک هر قبیله ایمان ایدر . بناء علیه ؛ بونلری دفع ایت یانکدن که بز ایمان ایده لم . زیرا ؛ بز بونلرله برآرده بولونمی نفسمزه عارعد ایتدیکمز ایچون ایمان ایتمه یز » دیدی و بوسوزده صنادید قریشک اکثریسی متفقلردی . ایشته بوسوز اوزرینه آیتک نازل اولدینی مرویدر .

واجب تعالی بو آیتده کافرلری اوج صفته ذم ایتمشدر : برنجیسی ؛ قلبلرینک ذکر اللهیه غافل اولسی ، ایکنجیسی ؛ هوالرینه اتباع ایتلری ، اوچنجیسی ؛ ایشلرینک مقبره اوزانه اولسیدر . شو حالده بو اوج صفت هر کیمده بولونورسه عندالله مذموم و نظر حرمتدن ساقطدر . چونکه ؛ اللهک امری خلافده حرکت ایدن کیمسه اول و آخر رسوای اولدینی کی آخرتده دخی خسران ابدی یه مستحقدر . دنیانک لذتنه و ثروتنه طمع ایده رک فقرای حقیر کورمک ؛ قلبک معقولاتدن غفلتله محسوساته میل کلی ایله میل ایتسی نتیجه سیدر . انسان ایچون شرف ، نفسی ایمان و عبادتله تزیین ایتمکله اولوب ظاهرده اعضانک زینتیه اولما دیغنه بناء مشرک لرک بوسوزلری جهالتلری نتیجه سیدر . خلاصه ؛ عادلرله صحبت نفسی آلیشدر مقوله صبر ایتک لازم اولدینی و حیات دنیانک زینتیه مزین اولان زنکینلره التفاتله فقرای نظردن اسقاط ایتک جائز اولما دینی و ذکر دن و عبادتدن غافل و هواسنه تابع اولان کیمسه لره اطاعت ایتک و آنلرک سوزلرینه آلدانق طوغرو اولما دینی و اومثللو کیمسه لرک ایشلری حقدن اوزاق اولدینی جهته التفاته شایان اولما دقلری بو آیتدن مستفاد اولان فوائد جمله سیندندر .

واجب تعالی فقرا ایله برابر صبرک لزومنی و قریشک اغنیاسی کی قبلرینده فساد اولان زنکینلره میل اولونما مسنی رسولنه توصیه ایتدیکی کی زنکین و فقیر جمله سی احکام شریعتده مساوی اولدقلرینی دخی بیان ایتک اوزره ﴿ وَقُلِ الْحَقُّ مِنْ رَبِّکُمْ ﴾ بیوریور . [حییم ! اصحابک فقیرلرینی مجلسکدن طرد ایتکی سکا تکلیف ایدن صنادید قریشه سن دی که « حق اولان شی ؛ سزی خلق ایدن و انواع نعمت لریله تربیه ایدن و رسوللر کوندرمک و کتابلر انزال ایتمکله قوللرینه طوغرو یولی کوسترن ربکیز طرفدن کلدی .] و بنم وظیفهم ، طرف الهیدن کلن زنکین و فقیر جمله انسانلره و بالخاصه سزه تبلیغ ایتمکدر قبول ایدوب موجیله عمل ایتک و قبول ایتوب رد ایتک سزه عائد بر وظیفه در .

﴿ فَمَنْ شَاءَ فَلْيُؤْمِنْ وَمَنْ شَاءَ فَلْيُکْفُرْ ﴾

[بناءً عليه؛ ایستین ایمان ایتسون وایستین کفر ایتسون.] چونکه؛ ایمان ایدنهك منفعتی وایمان ایتمهينك مضرتی کنندینه عاندد. شو حالده منفعت و مضرتکزی دوشونهك سزسکز وربکزدن حق اولان احکام کلنجه خیر و شر، طوغرو واکری اولان یوللر بیان اولوندی. بناءً عليه؛ ایسته دیککز یولی اختیار ایدرسکز وبن سزك ایمان وکفردن هانکیسنی اختیار ایتکزه مبالات ایتم. زیرا؛ احکام الهیه سزك کیفکزه تابع دکلد. چونکه؛ هدایت وخذلانی سزك اراده کزی صرفکزی وجه اوزره خلق ایتك ید قدرت الهیه ده در. شو حالده سزك کیفکزی ایچون فقراء عباد حضور شریعتدن طرد اولونماز. زیرا؛ شریعت نظرنده جمله قوللر مساوی اولوب قبول ایدوب ایتمهكکه یکدیگرندن امتیاز ایدر. دیمکه کافرلرک باطل اولان مطلوبلرینی ردله فقراء اصحابکه مرحمت قنادرلرکی دوشه. زیرا آنلر؛ عندالله مقبوللردر.

تفسیرخازنده بیان اولوندینی وجهله آیتده کافرلری تهدید وارد. زیرا؛ ایسترسه کز ایمان ایدك، ایسترسه کز کفر ایدك اراده کز آلکزده در. ایسته دیککز کبی صرف ایدیهیلیرسکز، فقط صوکنی دوشونك «دیمکدر. شو حالده «ایستین کفر ایتسون» دیمک؛ آنلره کفرله امر دکلد، بلکه مجرد تهدید ایچوندر. یعنی «کفر کزده اصرار ایدیهیلیرسکز، لکن عاقبتنده باشکزه کهك عقوقی دوشونك وکفرک ایجاب ایتدیکی عذابی خاطر یکزدن چیقارمايك «دیمکدر. بوکی تهدیدلر انسانلرک محاوره سنده دخی جاری اولان شیردندر. مثلاً برکیمسه فنا برایش طوتا جفنده نصیحت دیککه مز، اوایشه مصر اولونجه نصیحت ایدن کیمسه «هایدی ایسته دیککی یاپ، بن قارشام» دیر و بونی سویه مکدن مقصدی اوایشی یا پمسیله امر دکلد، بلکه اوکا «هایدی بیلدیککی یاپ و لکن صوکنی دوشون «دیمکدر.

واجب تعالی کافرلری تهدید ایدوب احکام شرعیهك انسانلرک آرزولرینه تابع اولمادیغنی بیان ایتدیکی کبی شریعتی کندی هوای نفسانیه لینه تابع قیلمق ایسته یینلرک جزالرینی دخی بیان ایتك اوزره ﴿إِنَّا آغْتَدْنَا لِلظَّالِمِينَ نَارًا أَحَاطَ بِهِمْ سُرَادِقُهَا﴾ بیوریور.

[بز ظالملره بر آتش حاضر لادق که او آتشك چادره بکزه بن علوی آنلری احاطه ایدر و هر طرفلرینی چویرر.]

﴿وَأَن يَسْتَعِثُّوا يُغَاثُوا بِمَاءٍ كَالْمُهْلِ يَشْوِي الْوُجُوهَ﴾

[واکر آنلر او شدتلی آتشدن قورتولمق ایچون یاردیم ایسترلرسه اریمش دمیر و طونج کبی صیجاق صو ایلله یاردیم اولونورلر.] یعنی صیجاق صو ایلله جواب و بریلور که او صو یوزلرینی یاقار کباب ایدر.

﴿يَشْسُ الشَّرَابُ وَسَاءَتْ مُرْتَفَقًا﴾

[نه چیرکین شراب اولدی اریمش طونج کبی صو ونه کوتو محل و مسکن اولدی جهنم.] یعنی؛ فقراء اصحابی حقیر کورمک وایمانك یرینه کفری قویمقله ظلمی ارتکاب ایدن ظالملر ایچون بز بر آتش حاضر لادق که او آتشك علوی و دومانی آنلری احاطه ایدر، حتی نفس آلاچق بر یرلری قالماز واکر آنلر آتشدن قورتولمق و حرارتی سوندورمک ایچون صو ایلله یاردیم ایسترلرسه آنلر بر صو ایلله یاردیم اولونور که او صو معدنیادن کموش، آلتون، باقر، طونج و یاخود دمیر کبی آتشله ازیدلش برشی منزلنده اولارق آنکله یاردیم اولونورلر. او صو کبی شی آنلرک یوزلرینی پیشیرر، کباب ایدر. نه کوتو شراب اولدی او صو ونه فنا اولدی مسکن یونندن جهنم.

نیسابوری و بیضاوینك بیانلری وجهله بو آیتده ظالملری استهزا وارد. چونکه استغاثه؛ یاردیم ایسته مکدر. شو طلبلرینه ویاوارم لرینه قارشی آنلرک یوزلرینی کباب ایدیهك صیجاق صو ایلله یاردیم اولوناجقلرینی بیان؛ آنلرک کمال حقارتله یاردیم اولوناجقلرینی بیان ایتکدر که حقارتله یاردیم دیمک آنلری استهزادر.

جناب حق جهنمک ظالملر ایچون حاضر لاندیغنی بو آیتله بیان ایتشد. زیرا؛ ظالملر قرآندن اعراضله عدالت یرینه ظلمی وایمان یرینه کفری و مرحمت یرینه فقرایه حقارتی ارتکاب ایتدکلرندن جهنم عذابنه مستحق اولدقلری بیان اولونمشدر.

(سرادقها) سرادق؛ بیضاوی، نیسابوری و خازنک بیانلری وجهله مابره

معنائه ایسه ده بو مقامده هرهم آتشك جادیره بکزه به علوی و یاخود آتسه ظالمك هر طرفلرینی احاطه ایدوب آتشدن باشقه بر شی کوره میه جکلری کبی نفس آلق ایچون آتشدن طشره بر پنجره آراسه لر آتی دخی بولامیه جقلرینه اشارت اولونمشدر . چونکه ؛ احاطه ؛ هر طرفی اورتمکله اولدیغی کبی سراق یغنی چادیرده ایچنده بولونان کیمسه نك هر طرفی احاطه ایتدیکندن « سراق آنلری احاطه ایدر » دیمك « آجیق بر لرلی قالماس » دیمکدر . مهمل ؛ معنیاته آتسه اربعلی شیر . حرارتدن صویه محتاج اولدقلرنده آنلره ویریه جك اربمش آلتون ، کموش ویا طونج کبی بر شی درکه ده آنلره ویرمك ایچون کیریدن کلیرکن یوزلرینك دریسی دو کوب کباب ایده جکی بیان اولونمشدر . چونکه ، دنیاده نفسلرینك آرزو ایتدیکی منیهاته نائل اولدقلرنده یوزلرینك کولسنه بدل آخرتده امدادلرینه ایریشن صو یوزلرینی یا قاجقدر .

واجب تعالی کافرلرک عذابلرینك شدتی بیان ایتدیکی کبی مؤمنلرک جتده راحت وسعدتلرینی بیان ایتك اوزره ﴿ إِنَّ الَّذِينَ آمَنُوا وَعَمِلُوا الصَّالِحَاتِ إِنَّا لَا نُضِيعُ أَجْرَ مَنْ أَحْسَنَ عَمَلًا ﴾ بیوریور .

[شول کیمسه لرکه آنلر ربلرینه ایمان ایتدیلر و ایمانلرینی عمل صالح ایشله مکله تأیید وتقریر ایتدیلر . آنلرک اجرلری ضایع اولماز . زیرا ؛ عمل یونندن زیاده کوزل اولان کیمسه نك عملنی بزضایع ایتدیز . چونکه ؛ عمللرینك ثوابی ویرر ، اللرینی بوشه چیقارماز .]

﴿ أُولَئِكَ لَهُمْ جَنَّاتُ عَدْنٍ تَجْرِي مِنْ تَحْتِهِمُ الْأَنْهَارُ يُخَلَّوْنَ فِيهَا مِنْ أَسَاوِرَ مِنْ ذَهَبٍ ﴾

[ایشته ایمان ایدن وعمل صالح ایشله یئرلر ایچون جنات عدن وارکه او جتلدده

مؤمنلرک سرائلری آلتندن نهرلر جریان ایدر و اهل جنت او جتلدده آلتوندن بیله زیکلرله زینتله نیرلر ویا لکزه بیله زیکلرله زینتله اکتفا ایتزلر .]

﴿ وَيَلْبَسُونَ ثِيَابًا خُضْرًا مِنْ سُندُسٍ وَإِسْتَبْرَقٍ مُتَّكِئِينَ فِيهَا عَلَى الْأَرَائِكِ ﴾ [و آنلر سندالیه ، قوتوق و کرسیلر اوزرینه دایانارق اوطوردقلری حالدده اینجه و قالین طوقونمش یشیل البسه لر کیرلر .]

﴿ نِعْمَ الثَّوَابُ وَحَسُنَتْ مُرْتَفَقًا ﴾

[نه کوزل ثواب اولدی البسه وسائر زینتلر ونه کوزل راحت ایده جك قرارگاه اولدی جتلد .] شرائطنه رعایتله عمل ایدن مؤمنك عملنك ضایع اولمیه جغنی جناب حق بو آیتده صراحتله بیان بیورمش واجمالاً ذکر اولونمش اولان اجری ، جنتك اوصافی بیانه تفصیل ایتمشدر .

عدن ؛ اقامت معنائه اولدیغی جهته « مؤمنلر ایچون جنات عدن وار » دیمك « جنات اقامت وار » دیمکدر . اقامت محلنك خیرلیسی صوی بول اولان محل اولدیغی ایچون جناب حق جنتی آلتندن نهرلرک جریان ایتسیله توصیف ایتمش و انسانلر طبعاً زینته هوسکار اولدیغندن جناب حق اهل جنتك کرک معدنیات و کرک البسه لرله تزیین ایده جکلرینی بیانه قوللرینی جنتك درجه وزینتلرینی موجب اولان اعمال صالحیه ترغیب ایلشدرد . کرچه بزم زمانمزدده و بولوندیغمز دیارلریمزدده انسانلردن ارککلر آلتونله وبالخاصه بیله زینك و کردانلق کبی شیلرله زینتی قادینلره ترك ایتمشلر سده ازمته سابقه ده بو کبی شیلرک ارککلره دخی زینت اولدیغی ملتلرک وزمانلرک کچدیکی بعض تاریخلرده کورولمکده در . اما شریعت محمدیه ده آلتون و کموش و صرف ایپکدن طوقونمش البسه ایله زینتلنمك حرام اولسی دار تکلیف اولان دنیا به مخصوصدر . چونکه آخرت ؛ دار تکلیف اولمادیغندن اوراده حرام اولماز .

ارائیک ؛ اربکدنک جمعیدر . اربکه ؛ نيسابورینك بیانی وجهله یکی کلین سند الیه سی کبی زینتلنمک سند الیه و کرسیلر . دنیاده زینکینلر بو کبی شیلرله استراحت ایتدکلرندن جناب حق جنتك راحتنی قوللرینه بولرله تعریف ایدیور و نمونه اولارق بولری کوستریور . خلاصه البیان : طقوزنجی جلد — ۱۲

چونکه؛ جنتك راحتى انسانلره بیلدیرمك بوقدرله اولور، یوقسه جنتده انسانلرك خاطر وخیاله گلدك وبو دنیاده ادرا كندن عاجز اولدیغی نیجه زینتله وراحتله واردر .

واجب تعالی ثروتلرینه مغرور اولارق فقراء اصحابی بکشمه بن ظالملرك حاللرینی وعذابلرینی ومؤمنلرك حاللرینی ونائل اولاجقلری درجهلری بیاندنصکره زنکین اولان کافره فقیر اولان مؤمنك حاللرینی بر مثاله ایضاح ایتک اوزره ﴿وَاضْرِبْ لَهُمْ مَثَلًا رَجُلَيْنِ جَعَلْنَا لِاحَدِهِمَا جَنَّتَيْنِ مِنْ اَعْنَابٍ وَحَفَفْنَاهُمَا بِنَخْلٍ وَجَعَلْنَا بَيْنَهُمَا زَرْعًا﴾

بیوریور .

[حایم ! ماللرینه مغرور اولان ظالملره مثال اولارق ایکی کیمسه نك حاللرینی سن بیان وایضاح ایتک دنیا ثروته اعتماد اولونمیه جغنی وزنکینك فقیر وفقیركده زنکین اولاجغنی بیلسونلر . او ایکی کیمسه دن بریسی ایچون بز ایکی باغچه خلق ایتدك که باغچهلرك ایچنده اوزومدن چوبوقلره واطرافنی خرما آغاجیلره احاطه ایتدك وآره لرینی دخی بغدادی وآرپه کبی جوباتله طولو مزرعه قیلدق که باغچهلرده اصلا منفعتدن و واردادن خالی ، خراب وبوش محل قالمادی . بناء علیه ؛ باغچهلر دنیا نعمتلرله طولدی وکماله کلدی .]

﴿كَلَّمَا الْجَنَّتَيْنِ اَتَتْ اُكُلَهَا وَلَمْ تَظْلِمْ مِنْهُ شَيْئًا﴾

[او باغچهلرك هر ایکسی ده میوه لرینی وینه جک حاصلاتی تمام ویردیله . میوه لرندن هیچ برشی نقصان اولمادی . بناء علیه ؛ باغچه میوه سنی نقصان ویرمکه صاحبیه ظلمده ایتدی . شو حالده او کیمسه نك باغچه سی باشقه کیمسه لرك باغچه لرینه بکزه مز . زیرا ؛ باشقه کیمسه لرك باغچه لرینك میوه لری بعض سنه آز وبعض سنه چوق اولدیغی کبی بعض سنده هیچ اولماز .]

﴿وَجَزَّنا خِلَالَهُمَا نَهَرًا﴾ وَكَانَ لَهُ ثَمَرٌ ﴿

[بو نعمتلرك وسعتیه برابر او باغچهلرك اورته لرنده دواملی صولامق ایچون نه رلرده آقیتدق واکیمسه نك میوه لر وسائر نقود و مجوهراته دائر ماللری ده واردی .]

﴿فَقَالَ لِصَاحِبِهِ وَهُوَ يُحَاوِرُهُ اَنَا اَكْثَرُ مِنْكَ مَالًا وَاعْرِضْ نَفَرًا﴾

[شو بزم ویردیکمز نعمتلره مغرور وتفصیلاً بیان ایتدیکمز باغچه نك صاحبی ، کمال کبر وغرور وافتخارله محاوره ایدر اولدیغی حالده دیگر آرقداشیه دیدی که « بنم مالم سندن چوقدر . بومال سایه سنده بن ایسته دیکم مطلوبمه نائل اولورم وشهوات نفسانیه مدن هر شیئی آله ایدرم وبن اولاد واحفاد وخدم وحشم جهتدن دخی سندن قوتلی یم .] ایجابنده بونلر بکا یاردیم ایدرلر . وبن هیچ برشیده کوجلک چکم . زیرا ؛ اولاد واحفاد ، اعوان واتباعم سفرده وحضرده بکا یارغار اولورلر . سن ایسه بونلرك هپسندن محروم سک . »

﴿وَدَخَلَ جَنَّتَهُ وَهُوَ ظَالِمٌ لِنَفْسِهِ﴾

[ونفسنه ظلم ایدر اولدیغی حالده باغچه سنه کیردی .] حالبوکه اموالنه اعتماد ایده رك ربسنه عصیان ایتدیكندن نفسنه ظلمله عذاب الهی به حاضر لانه رق نفسی جهنمه عرض ایدیوردی ودنیا به حرص وطمعندن کبر وغرور وغفلت هر طرفنی احاطه ایده رك تکرار سوزه باشلادی و دیدی که :

﴿قَالَ مَا أَظُنُّ اَنْ تَبْدَ هَذِهِ اَبَدًا﴾

[« بن شو باغچه نك ابداً یقلوب خراب اولاجغنی ظن ایتم » دیمکه غرورینی اظهار ایتدی .] وبونکله دخی اکتفا ایتیه رك قیامتی انکار صد دنده :

﴿وَمَا أَظُنُّ السَّاعَةَ قَائِمَةً﴾

[« وقیامتك قائم اولاجغنی بن ظن ایتم .] زیرا ؛ نبوت دعواسنده بولونان ذواتك خبر ویردکاری قیامت یوقدرکه اوقیامتك کلمسیله بنم باغچه م خراب اولسون » دیمکه عالمك بقاسیله باغچه نك دخی بقاسنه حکم ایتدی وبونکله ده قالمادی وآخرتدن کنندینه هر کسدن زیاده برحق چیقارمق اوزره سورینه شونی ده علاوه ایده رك دیدی که :

﴿وَلَئِنْ رُدِدْتُ اِلَى رَبِّي لَأَجِدَنَّ خَيْرًا مِنْهَا مُنْقَلَبًا﴾

[« الله یمین ایدرم که اکر دیدکاری کبی قیامت قائم اولور ، بنده قبرمدن قالقار

ربك حضورینه رد اولونورسهم البته دنیاده کی باغچه دن دها خیرلیسنی بکا مرجع و منقلب اولارق بولورم . [چونکه ؛ بن دنیاده بو ثروته نائل اولدیم کی آخرتک وجودی فرض اولوندیغنده آخرتده دها زیاده سنه لایق اولورم . زیرا ؛ بنم استحقاقم ولیاقت بونی ایجاب ایدر] دیمکه آخرتی اعتقاد ایدنلری استهزا واستخفاف ایتدی .
فخر رازینک بیانی وجهله ذکر اولونان باغچه لره ، آغاجلرک چوقلغنه اشارت ایچون جنت دیمشدر . زیرا جنت ؛ آغاجی یک مروه اولاره یاغچیه دینور . جنت اعمدنک آغاجی مروه اولدیغنه بناء جنت دیمشدر . اکثر باغ صاحب لرینک عادت لری باغچه نک اطرافنی آغاجلره دوناتوب اورتاسنی زراعت ایچون خالی بر اقدقلرندن باغچه لرک عادت ناسه موافق اولدیغنه و باغچه لرک هم حظوظات نفسانیه پیهمده قوت یومیه پی جامع اولدیغنه اشارت ایچون اطرافلری آغاجلره واورته لری زراعتله طولو اولدیغنی بیانه باغچه لرک وسعتنه اشارت اولونمشدر . چونکه ؛ بیضاوی ومدار کده بیان اولوندیغنی وجهله (وحققنا هها بخل) (احطنا هها بخل) دیمکدر . یعنی « باغچه لری بز خرما آغاجلریله احاطه ایتدک و اطرافنی چویردک » معناسه در . (ان تید هذه) ترک و تفنی معناسه در . یعنی « شو باغچه نک بوقدر رونق ونضرتی ایله برابر هلاک اولاجغنی بن ظن ایتم » دیمکدر . (منقلباً) مرجع معناسه در . یعنی « دونوب دولاشوب واریله حق محل » دیمکدر .

واجب تعالی باغچه صاحبی اولان کافرک محاوره سنی بیان نصکره کافره جواب اولارق مؤمنک محاوره سنی بیان ایتک اورره ﴿ قَالَ لَهُ صَاحِبُهُ وَهُوَ يُحَاوِرُهُ أَكَفَرْتَ بِالَّذِي خَلَقَكَ مِنْ تُرَابٍ ثُمَّ مِنْ نُطْفَةٍ ثُمَّ سَوَّيَكَ رَجُلًا ﴾ بیوریور .

[باغچه سیله مغرور اولان کافره مؤمن اولان آرقداشی محاوره ایدر اولدیغنی حالده دیدی که « ای آرقداش ! سنی اولاً دنی اولان طوپراقدن و صکره برطاقم تبدلات وتغیراته او طوپراق نطنه اولوب هر کسک نجاست عد ایدره ک استکراه ایتدیکی نطفه دن خلق ایتد کدنصکره برطاقم نعمت لری ایله سنی تربیه ایله آفتدن سالم واعضالرکله بویله بر

رجل قیلان ربکه آخرتی انکارله کفرمی ایدیورسک ؛ و بونعمت لری کندی استحقاق کدن عد ایتمکدن اوتانمورمیسک ؟ » . بسوزلریله مؤمن ، کافر اولان آرقداشی تکدیر ایتدی . [﴿ لَكِنَّا هُوَ اللَّهُ رَبِّي وَلَا أُشْرِكُ بِرَبِّي أَحَدًا ﴾]

[لکن بن ، او خالق اولان الله تعالی بنم ربمدر و بن ربمه هیچ برکیمسه پی شریک قیلمام .] یعنی « سنک حاکم کفریات اولدیغنی آکلاشلدی لکن بن سنک کی ربمه کفر ایتم . زیرا ؛ آخرتی اقرار واعتقاد ایدرم . چونکه ؛ ربم بنی اولا طوپراقدن ، صکره نطفه دن خلق ایتدی . صکره اعضالرم تمام وعامل و بالغ بر رجل کامل قیلدی که ذاتی معرفتله عبادت و ویرمش اولدیغنی نعمت لره شکر ایدیم واعتقاد حق وعمل صالحله حسن جزایه نائل اولایم . شو حالده بن نصل انکار ایدرم ؟ او بنم ربمدر . بناء علیه ؛ بن ربمه مخلوقا دن هیچ برشینی شریک قیلمام . زیرا ؛ شریک ونظیردن منزهدر » دیمکه آرقداش نک باطل اعتقاده اولدیغنی بیانه حالته مناسب اولان اعتقاد حقه ارشاد ایتک ایسته دی . وسوزینه شونی ده علاوه ایتدی :

﴿ وَلَوْلَا إِذْ دَخَلْتَ جَنَّتَكَ قُلْتَ مَا شَاءَ اللَّهُ لَا قُوَّةَ إِلَّا بِاللَّهِ ﴾

[« کاشکه سن افتخار ایتدیکنک باغچه که کیردیکنکده بو باغچه خراب اولماز ، ابداً معمور قالیر دیبه جکنه اللهک پایدار اولسنی دیله دیکی شی پایدار اولور ، بقاسنی مراد ایتدیکی شی پایدار اولماز . زیرا ؛ تأیید وتخریبه کیمسه نک قوتی یوق ، آنجق اللهک قدرتی وقوتی وار دیبه ایدک حق کده انفع اولوردی » دیمکه آرقداش نه لایق اولان سوزلری تعلیم ایتدی وطوغرو یولی کوستردی .

﴿ إِنْ تَرَنِ أَنَا أَقَلَّ مِنْكَ مَالًا وَوَلَدًا ۖ فَعَسَىٰ رَبِّي أَنْ يُؤْتِيَنَّ خَيْرًا مِنْ جَنَّتِكَ ﴾

[ای کافر ! سن بنی مال و اولاد جهندن غایت آز و حقیر کور بیورسک . بن ربمک فضلندن ولطف واحسانندن اومارم که سنک تفوق دعواسنده بولوندیغک باغچه کدن دها خیرلیسنی بکا ویریر .] زیرا ؛ سنک مالک و اولادک چوق ایسه بنمده ایمان وعرفانم چوقدر واعتماد مالمه دکل اللهم در . چونکه ؛ الله تعالی هر ایسته دیکنی ایجاده قادر در .

﴿وَيُرْسِلَ عَلَيْهَا حُسْبَانًا مِّنَ السَّمَاءِ فَتُصْبِحُ صَعِيدًا زَلَقًا ۖ أَوْ يُصْبِحُ مَاؤها غُورًا﴾

[و اومارم که ریم سنک باغچهک اوزرینه آکسزین سمان صاعقه کوندر ، تخریب ایدر . برده سن کورورسک که صباح وقتی اوباغچه قوری وپارلاق آباق طوتماز و اوت بیتمز ویشیلکدن اثرقلامش برحاله کلش اولور ویاخود اورتاسندن آقان صو باتار، صوی درینه دوشر، باغچه بی صولاماز برحاله کلر.] چونکه ؛ ترا یوقاریده صو آشاغیده اولدیغدن صودن انتفاع ممکن اولماز .

﴿فَلَن تَسْتَطِيعَ لَهُ طَلَبًا﴾

[بناء علیه ؛ اوباتمش اولان صوی طلبه البته سن قادر اولامازسک.] وسن هر درلو اسبابه توسل ایتسهک وقویولر قازسهک وانواع دسائسه مراجعت ایلسهک برطامله صو چیقاره مزسک دیمکه کافره اعتقادینی تصحیح ایتک لازم اولدیغنی سویلدی .

فخررازی وقاضینک بیانلری وجهله آخرتی انکار کفر اولدیغدن مؤمن اولان رجل باغچه صاحبی آخرتی انکاری سببیه تکفیر ایتدیکی بیان اولونمشدر . چونکه آخرتی انکار ؛ دلیل قطعی ایله ثابت ضروریات دینی بی انکار اولدیگی کبی قدره اللهده شک اولدیغنی جهتهلہ دخی کفردر . بناء علیه ؛ مؤمن اولان رجل کافرک قدره اللهده شکنی ازاله ایچون واجب تعالی نک ابتداءً ایجاده قادر اولدیغدن بحاله طوبراقدن ونطفه دن خلق اولونارق تکلیفه مستعد برحاله کلوب مهمل بر اقلیمه جغنی بیان ایتمشدر که رجل کافرک آخرت حقنده شکی وترددی زائل اولسون واولاً ایجاده قادر اولانک اولدورد کدنصرکه احیایه دخی قادر اولاجغنی بیلسون . مائه مغرور اولان رجلک کفرینی بیاندنصرکه کندینک اعتقادینی وایماتی اظهارله اعتقادحق بیان ایتدیکی کبی فقر وغنا جمله سی جناب حقک خلقیه اولدیغنی دخی بیان ایتمشدر .

انسانک نائل اولدیغنی نعمتلرده هر زمان عجزینی اعتراف ایتک لازم اولدیغنه تنبیه ایچون « کاشکه باغچه که کیروب نعمتلری کوردیککده (ماشاء الله لا قوة الا بالله) دیسه

ایدک حقکده انفع اولوردی « دیمکه اللهک مراد ایتدیکی هرشی وجود بولوب مراد ایتدیکی وجود بولامیه جغه اشارتله هرشینک مراد الهی تحتنده اولدیغنی بیان ایتمشدر . بیضاوینک بیاننه نظراً رسول اللهک « بر کیمسه برشین کوروب تعجب ایتدیکنده (ماشاء الله لا قوة الا بالله) دیسه کوزی اوشینه ضرر ایتمز « بیوردینی مرویدر .

بیضاوینک بیانی وجهله (حسباناً) سمانه این ییلدیرملر دیمکدر . یعنی الله تعالی مغرور اولدیغک باغچه اوزرینه ییلدیرملر کوندر ، یاقار خراب ایدر « دیمکدر . (صیداً زلقاً) آباق قایا برده بارلاق مصفیل برارمه اولور دیمکدر . چونکه صعید ؛ اوزره و آغایر مهالی، بر بوزی . زلق ؛ قابمه معناسه در . (غوراً) بره بانمه معناسه در . یعنی « الله تعالی ییلدیرم کوندر ، باغچه کی یاقار ویشیلکدن بر اثر قلاماز . برده صباح وقتی کورورسک که پارلاق صیرجه کبی برتارلا اولمش ویاخود صوی یره باتار، صودن اثر قلاماز . بناء علیه ؛ سن صوی آریوب بولمه قادر اولامازسک . شو حالده باغچه یه مغرور اولما . زیرا ؛ هر وقت خرابه و تهلاکیه معروض « دیمکدر .

*
**

واجب تعالی مؤمنک دیدیکی وجهله باغچه نک خراب اولدیغنی بیان ایتک اوزره ﴿وَأُحِيطَ بِثَمَرِهِ فَأَصْبَحَ يُقَلِّبُ كَفِّهِ عَلَىٰ مَا انْفَقَ فِيهَا وَهِيَ خَاوِيَةٌ عَلَىٰ عُرُوشِهَا﴾ بیوریور .

[جناب حقک سمان کوندرمش اولدیغنی آفت سببیه کافر اولان رجلک باغچه سنک میوه سی احاطه اولوندی . بناء علیه ؛ میوه نک کافه سی هلاک اولدیغنی جهتهلہ اصلاً انتفاع ایدمک بر شی قالمادی و صوی یره بآتمقه باغچه نک رونقی ولطافتی زائل اولدی وذوق وصفاسندن اثر قالمادی جهتهلہ صباح باغچه صاحبی اُنک طیشنی ایچنه وایچنی طیشنه دوندوروب کمال تحسره باغچه نک اعمارینه وانشاسنه صرف ایتمش اولدیغنی پاره لره اسفنی اظهار ایدر . حالبوکه باغچه نک کوشکلری یره دوشمش، آغاچلری صاعقه دن یاغش ، صوی زلزله دن یره یاغش وبر کیجه ایچنده هر طرفی خراب اولمش .]

*
**

واجب تعالى ، شو حالى كورونجه كافرك سويلديكى سوزى بيان ايتك اوزره
﴿ وَيَقُولُ يَا لَيْتَنِي لَمْ أُشْرِكْ بِرَبِّي أَحَدًا ﴾ بيوريور .

[خراب اولان باغچهك صاحبي اولان مشرك «نه اولايدي بن ربه هيچ بر كيمسه ني شريك ايتيه ايدم ده بكا لاحق اولان بوضررل لاحق اوليه ايدى » ديمكه ضررك سببي شرك اولديغى بيان ايدر .]

﴿ وَلَمْ تَكُنْ لَهُ فِتْنَةٌ يَنْصُرُونَهُ مِنْ دُونِ اللَّهِ وَمَا كَانَ مُنتَصِرًا ﴾

[حالبوكه بو آفتك كلديكى زمانده اومشركه اللهك غيرى يارديم ايدر هيچ بر جماعت وبر كيمسه بولونماي وكندي ده بذاته قورتولامادي .] چونكه ؛ اوچه كنديك اعوان وانصارينك واولادينك چوقلغيله افتخار ايتديكندن اللهك غضبه قارشى هيچ برندن معاونت كورمديكى كي كندي ده اللهك غضبندن قاجوب قورتولامادي . بناء عليه ؛ اللهك انتقامى يرني بولدى وكافرده اللهدن ماعدا هيچ بر كيمسهك تأيري اولمايغنى آكلادي .

﴿ هُنَالِكَ الْوَلَايَةُ لِلَّهِ الْحَقِّ هُوَ خَيْرٌ ثَوَابًا وَخَيْرٌ عُقْبًا ﴾

[زيرا ؛ بومثللو وقوعات وحادثاته ولايت يارديم آنحق حق وثابت ودائم اولان الله تعالى به مخصوصدر وآنك غيرى او حادثه ني دفع ايدم جك بر كيمسه يوقدر . بناء عليه ؛ اللهك غيريدن يارديم بلكه مك جائز اولاماز والله تعالى قوللرينه ثواب ويرمك جهتندن خيرلى اولديغى كي عايلردن عاقبت انتقام آلمق جهتندن دخى خيرليدر .]

يعنى ؛ مؤمنله كافر قارشولاشديغنده يارديم الله مخصوص اولديغندن او ايماسنه نصرته اعزاز واعدا سنه اهانتله اذلال ايدر . بناء عليه ؛ اهل ايمان اعداسى اولان اهل كفره غلبه ايدر . فقط اهل ايمان ايچون دخى اخلاص واعتماد تامله چاليشمق ولايق وجهله عبوديتده دوام ايتك شرطدر .

انسانلرده بر شينك ضياعنه ندامتى وتحسرى بويوك اولديغنده ندامتى اظهار ايچون آلنى بربرينه وورمق عادت اولديغندن باغچهك ضياعنه اسفنى اظهار ايچون عادت وجهله آلنى دوندوروب اقطاردىنى وشو بلانك سببي شرك اولديغنه اشارت ايچون شرك ايتديكسه

ندامتى اظهار ايتديكى بيان اولونمشدر . شو بيان اولونان مثال ؛ برى مؤمن اولوب اسمى (عبدالله) وديكرى كافراولوب اسمى (اسود) كه عربدن و (بنى مخزوم) قيله سندن ايكي برادر بيننده واقع اولان محاوره ني ومحاوره اوزرينه وقع اولان حادثه ني بياندر . چونكه ؛ قاضى ، خازن وفخر رازينك بيانلرى وجهله بويكى قرداشك پدرلرندن انتقال ايدن بويوك ثروتى تقسيمدنصكره مؤمن اولان حصه سنه اصابت ايدن مالى صورت مشروعه ده صرفله طريق مستقيم سلوك ايدر وكافر اولان ده باغ وباغچه وارضى جسيمه آليروثروتى زياده له نير وماله مغرور اولارق بر طاقم ذوق وصفايه طالاروشهوات نفسانيه سنه تبعيته نهايت شر كه قدر جرأت ايدر . بعده بو آيتلرده بيان اولونديغى وجهله بينلرنده محاوره جريان ايدر . عاقبت غضب الهى باغچه سنى خراب ايدر . ثروت وسامانى ، هپسى محو اولور . چونكه ؛ شريعت پايشمايان كيمسهك عاقبتى دائما فلا كتدر . بناء عليه ؛ جناب حق مؤمنك بيانى وجهله حادثه ني خلق ايتمكه مؤمنك سوزينى تصديقه حق اظهار ايتمش وكافرى ده حقير وذليل قيلمش وهروقت مؤمنك امدادينه يتيشه جكنى تحت تعهده آلمش وولايتى كندى ذاته منحصر قيلمش وبونلر بيننده جريان ايدن محاوره ني ونتيجه سنى قرآنده مثال اولارق ذكر ايتمشدر كه مؤمنله كافرك حاللرى بونلره قياس اولونسون وانسانلر ايچون الى يوم القيام بر درس عبرت اولسون وهركس عمامنده شرعه تطيقيه حركت ايتسون . بويكى قرداشدن مؤمن اولان (عبدالله) ازواج رسول اللهدن (ام سلمه) حضرت تالرينك رسول اللهدن اولكى زوجى اولديغى مرويدر .

**

واجب تعالى دنيا ماله اعتمادك عاقبتى فلاكت اولديغنى بر مثاله ايضاح ايتديكى كي ديكر بر مثاله دخى ايضاح ايتك اوزره ﴿ وَاضْرِبْ لَهُم مَّثَلًا الْخَيْوَةَ الدُّنْيَا كَمَا أَنْزَلْنَاهُ مِنَ السَّمَاءِ فَاخْتَلَطَ بِهِ نَبَاتُ الْأَرْضِ فَأَصْبَحَ هَشِيمًا تَذْرُوهُ الرِّيَّاحُ وَكَانَ اللَّهُ عَلَى كُلِّ شَيْءٍ مُقْتَدِرًا ﴾ بيوريور .

[يا اكرم الرسل ! دنياك ماله وزينته آلدانانلره حيات دنياك صفتى وامثالى بيان

ایت که دنیا بزم سما جانبدن انزال ایتدیکمز یا غمور صوبی کیدر . زیرا ؛ او صوبی بزم
انزال ایدنجه یر یوزنده حاصل اولان اوتلرله قاریشیر ونضرت و بهجت پیدا ایدر . حق
او قدر کوزلله شیر که کورنلر حیران اولور . بوندنصکره او صو کونشک حرارتیله زائل
اولور و اوتلر قورور ، اجزالی طاعیلیر و صمان کی روز کار اوتلری صاوورر ، یر یوزنده
هیچ بر اثر قالماز . ایسته احوال دنیانک هیئت مجموعه سی بو کیدر . چونکه ؛ جناب حق
هر شی اوزرینه مقتدر قدرت کامله صاحبدر . [بناء علیه ؛ اولاً رحمت صولرینی انزال
ایله یر یوزنده اوتلرک کوکلریله قاریشدرر ، بعده اولمش انسانلر کی قورومش اوتلر
جان ویرر . یکیدن نشو و نما ایله ایجاد ایدر و صکره آنلری قوروتور اهللک ایدر .
ایسته دنیا ؛ اولاً انسانلرک یوزینه کولر ، تدریجاً نشو و نما بولور ، کوزل صورتده ظهور
ایدر ، ثروت و سامان صاحبی اولور . صکره قوجار لطافتی قاجار نهایت اولور و یوق اولور
بونلر هر کسک کوردیکی بر حقیقتدر . بناء علیه ؛ دنیا اعتماد شایان دکلدرد .

فخر رازی وقاضینک بیانلری وجهله رحمت صوینک اوتلره قاریشمسی ایله مراد ؛
صوبیک قونبد اوتلرک بر بینه قاریشمسیدر . یا خود طوریانه ایچنده صولرک و اوتلرک
کوکلریله و یا غومیلد قاریشوب نشو و نما بولمیسیدر . (هشیا) قورومسه اوت دیمکدر .
(تذروه الریاح) روزلار اوقورومسه اوتلری صاوورر دیمکدر . شو حالده « دنیا نعمتلری
اولا یشیل اوتلر کی روتقلی اولورسه ده بعده قورویوب روز کارک صاووردینی اوتلر کی
یوق اولور کیدر دیمک » اولور .

واجب تعالی دنیانک سریع الزوال اولدینی بر مثاله ایضاح ایتد کدنصکره دنیانک الک
قیمتدار اولان نعمتلری اولان مال و اولادکده فرح و سروری دکر بر شیلر اولمادیغنی
بیان ایتک اوزره ﴿ أَلْمَالُ وَالْبَنُونَ زِينَةُ الْحَيَاةِ الدُّنْيَا وَالْبَاقِيَاتُ الصَّالِحَاتُ خَيْرٌ
عِنْدَ رَبِّكَ ثَوَابًا وَخَيْرٌ أَمْلًا ﴾ بیوریور .

[مال و اولاد و بالخاصه اوغلان اولادی حیات دنیانک زینتدر و دنیا کی هر ایکسی ده

قانیدر و زواله معروضدر . زیرا ؛ اساسنده بقا اولما نجه فرغنده دخی بقا اولمیه جنی اولویتله
نابتدر و باقی اولان اعمال صالحه ربک تعالی غندنده ثواب و عاقبت امل یونندن خیرلیدر .
یعنی ؛ دنیانک الک قیمتی متاعی انسانلرک پک سودکاری مال و اولاد ؛ زینت ظاهر یه دن
عبارتدر . بناء علیه ؛ سائر زینتلری کی آنلرده زواله معروض اولوب اعتماد شایان
دکلدرد . آنجق اثری دنیاده و آخرتده سنکله باقی اولان اعمال صالحه در . زیرا اعمال
صالحه ؛ حبییم ! ربک تعالی غندنده ثواب جهتدن مالدن و اولاددن خیرلی اولدینی کی
وعاقبتده امید ایتدیک شیلر جهتندن ده خیرلیدر . او اعمال صالحه سببیله صاحبی آخرتده
آرزو ایتدیک نعمتله نائل اولور .

تفسیر خازنده و طبریده بیان اولوندینی وجهله باقیات صالحات ایله مراد ؛ بالجمد
اعمال صالیه و بالخاصه صلوات مفروضه و تسبیح و تهلیل و تکبیر در .

ابوالسعود افندینک بیانی وجهله ماله احتیاج اولاده احتیاجدن زیاده اولدیفنه اشارت
ایچون مال ، اولاد اوزرینه تقدیم اولونمشدر . چونکه ؛ نفقه یه مقتدر اولامایان کیمسه
اولادک مقدمه سی و سبب یکانه سی اولان نکاحه مقتدر اولامادیغنی جهتله مال مقدم اولدینی
کی وجودک بقاسی و نشو و نماسی دخی ماله محتاج اولدینی جهتله مال مقدمدر و اولاد سز
مال زینت اولابیلیر ولکن مال سز اولاد زینت اولاماز . چونکه ؛ مالی اولمایوب اولادی
اولان کیمسه نفقه خصوصنده کورمش اولدینی مشقت اولادله تزینه مانعدر . زیرا ؛
اولاد آنک حقنده کلفت و مشقتدر . شو حالده هر جهتدن مال ، اولاد اوزرینه مقدمدر .

واجب تعالی دنیانک زواله معروض اولدینی بیاندنصکره آخرتک شرفنی بیان ایتک
اوزره ﴿ وَيَوْمَ نُسَيِّرُ الْجِبَالَ وَتَرَى الْأَرْضَ بَارِزَةً وَحَشَرْنَا لَهُمْ فَلَمَّ نُبَادِرُ
مِنْهُمْ أَحَدًا ﴾ بیوریور .

[یا ا کرم الرسل ! ذکر ایت شول کونی که او کونده بزم طاعلری هواده یوروتور
وسنده ارضی میدانده آجیق بر صورتده کورورسک و بزم انسانلری جمع ایدرز . بناء علیه ؛
آنلردن هیچ بر کیمسه یی بزم ترک ایتمز و عرصه محشره هر برینی طوللارز .]

﴿وَعُرِضُوا عَلَىٰ رَبِّكَ صَفًّا﴾

[وانسانلر صف باغلامش اولدقلری حالدہ ربک تعالیٰ نیک حضورینہ عرض اولونورلر.]

﴿لَقَدْ جِئْتُمُونَا كَمَا خَلَقْنَاكُمْ أَوَّلَ مَرَّةٍ﴾

[و طرف الہیدن آنلرہ دنیلور کہ «ای انسانلر! سزی اول مرہدہ خلق ایتدی کمز کی محقق سز بزم حضور مزہ کلدی کمز.»]

﴿بَلْ زَعَمْتُمْ أَنَّنَا نَجْمٌ لَّكُمْ مَوْعِدًا﴾

[«بلکہ ظن ایتدی کمز کہ بز سزہ وعدہ مزی انجامز ایدہ جک بروقت خلق ایتیمہ جکز.»]

یعنی؛ حییم! ذکر ایت شول کونی کہ او کوندہ بز قدرت کاملہ مں وسطوت غالبہ مزله طاغری یرندن اوینہ اتیر، هوادہ بلوطلر کی کز دیر رز. حتی اجزالرینی طاغیر، ترکیلرینی بوزار وقوم کی صاوورز کہ سن یرلری طاغیرک آلتندن آچیغہ چیقمش اوتدن و آغاچدن وسائر عوارضدن خالی میداندہ دوز اووہ و انکیندن و یوکسکدن عاری ہر طرفی مساوی و ایچندہ اولان دینہ لری و قبردہ اولان اولولری طشرہ آتمش و صاقلی ہیچ بر شی قلماش کورورسک و او کوندہ بز ناسی حساب و جزا ایچون جمع ایدرز. بناء علیہ؛ ناسدن ہیچ بر کیسہ بی ترک ایتیمہ ز. ومالدن واولاددن خالی و البسہدن عاری عریان اولہرق جملہ سنی وعد اولونان محشرہ طویلارز و جمع اولونجہ جملہ سی صف بستہ اولارق ربک حضورینہ عرض اولونورلر و ہربری مساوی اولدقلری حالدہ کورولور و کمال سلطنت و مہابتلہ طرف الہیدن آنلرہ دنیلور کہ «بز سزی ابتداء دنیادہ ایجاد ایتدی کمز کی بو کون سز حساب کورمک و عملکزک مکافاتنی بولق ایچون بزم حضور مزہ کلدی کمز، بلکہ سز دنیادہ کمال غفلتکزدن پیغمبرلریکز طرفندن وعد اولونان بو کونی البتہ بز خلق ایتیمہ جک مزی ظن ایتدی کمز. بناء علیہ؛ رسل کرامی تکذیب ایتشدیکز.» دیملکہ خطاب الہی و اہل کفرہ عتاب سبحانی ظہور ایدر. فخر رازینک بیانی وجملہ طاغیرک سیرانی ایلہ مراد؛ عدم مرتبہ در کہ هوادہ ابرہ مقد صادر ولوب بومہ اولسیدر. ارضک بارزا اولسی ایلہ مراد؛ عمارتہ و طائرہ و آفاقرہ

اوزر مزہ بر شینک قلامسیدر. «سز اول خلق اولوندیغکز کی شیمدی بزہ کلدی کمز» خطابی قیامتی انکار ایدن کافرلرہ در، یوقسہ قیامتی اقرارلہ حاضر لقدہ بولونان اہل ایمانہ دکلدز.

خلاصہ؛ یوم قیامتہ طاغیرک هوادہ سیران ایدہ جکی وارض اوزرندہ بر شی قالمایوب میدانہ چیقوب دوز اووہ اولاجنی و ناسدن ہیچ بر کیسہ ترک اولونمقسزین جملہ سی محشرہ طویلانہ جنی و ہر کس بر سیاق اوزرہ صف اولارق رب تعالیٰ یہ عرض اولوناجقلری و طرف الہیدن «سزی اول خلق ایتدی کمز کی بو کون بزم حضور مزہ کلدی کمز، بلکہ سزک ایچون بویلہ بر کون خلق ایتیمہ جک مزی اعتقاد ایتدی کمز» دنیلہ جکی بو ایتدن مستفاد اولان فوائد جملہ سندندر.

واجب تعالیٰ ناسی قیامتہ محشرہ جمع ایدہ جکی بیاندنصکرہ ناس جمع اولوندیغندہ جریان ایدہ جک سوزلری و حاصل اولاجق احوالی بیان اتمک اوزرہ ﴿وَوُضِعَ الْكِتَابُ فَرَرَى الْحُزْمَيْنِ مُشْفِقِينَ﴾ بیوریور.

[او کوندہ ہر کسک دفتر اعمالنی بیان ایدن کتاب کندی اوکنہ قونور. او کتاب اوکنہ کلنجہ مجرملری، او کتابدہ اولان کناہلرندن قورقار اولدقلری حالدہ حییم سن کورورسک]

﴿وَيَقُولُونَ يَا وَيْلَتَىٰ مَا لَٰ هَٰذَا الْكِتَابِ لَا يُغَادِرُ صَغِيرَةً وَلَا كَبِيرَةً إِلَّا أَحْصَاهَا﴾

[و دیرلر کہ «کل ای بزم ہلا کمز کل! شو کتابہ نہ اولدی ونہ عجیب و غریب حالی وار کہ کوچوک و بوبوک ہیچ بر عمل ترک ایتز، الا ہر برینی صایار.» مجرملر بو سوزلریلہ اظہار تحسیر ایدرلر.]

﴿وَوَجَدُوا مَا عَمِلُوا حَاضِرًا وَلَا يَظْلِمُ رَبُّكَ أَحَدًا﴾

[و آنلر خیر و شر هر نه عمل ایشله دیلر سه آنی حاضر بولورلر و ربك تعالى ایشله مدیكى عملی یازمق صورتیله هیچ برکیمسه یه ظلم ایتمز .]
یعنی ؛ حییم ! بوندن اولکی آیتده بیان اولوندی و جهله صف بسته اولارق
عسکرک سلطانہ عرض اولوندی کبی محشرده انسانلر واجب تعالی یه عرض اولوندقلرنده
هرکسک کتابی کندی او کنه قونور . یعنی هرکسک اللرینه صاغندن ویا صولندن ویریلنجه
او کتابده هرکسک خطا و صواب عمللری یازیلی اولدیغندن مجرملری او کتابده کوردکلری
کناهلرندن قورقار اولدقلری حالده سن کورورسک و او کتابی کوروب ایچنده قباحترینه
واقف اولونجه . ای بزم هلا کمز کل ! بزه سنک کله جکک زمان کلدی . شو کتابه
نه اولیور و نه عجائب کتاب که بزم ایشله دیکمز بویوک و کوچوک کناهلردن هیچ برینی
ترک ایتمز ، الا هر برینی صایور . دیمکله ندامتلیخی اظهار ایدرلر و او کتابده ایشله دکلری
عمللرینک هپسنى بولورلر ، اصلا زیاده و نقصان اولماز و ربك تعالى هیچ برکیمسه یه ظلم
ایتمز که عمللرنده نقصان ویا زیاده اولسون . بناء علیه ؛ هرکس کندی عملنه کوره جزا
کورور . چونکه ظلم ؛ برئیی موضع لا یقنک غیر یه برعمو اولدیغندن واجب تعالی
هرکسک عملنه کوره جزای لایقنی ویردیکی جهته اصلا ظلم شائبه سی اولماز .

* *

واجب تعالی اهل ایمانک فقراسنی استهزا و حقیر کوروب تکبر و اعوان و انصارلری
ایله افتخار ایدن اهل کفری دنیانک زوالنی بیانله رد و آخرتده باشلرینه کله جک احوالی
بیانله تهدید ایتد کدنصکره ابلیسک حضرت آدمه تکبر ایتدیکنندن درگاه الوهیتدن طردله
تکبرینک ضررینی کوردیکنی بیانله دنیا به مغرور اولارق تکبر ایدنلری منع ایتک اوزره
﴿ وَاِذْ قُلْنَا لِلْمَلٰٓئِكَةِ اسْجُدُوْا لِاٰدَمَ فَسَجَدُوْا اِلَّا اِبْلٰسَ ﴾ بیوریور .

[یا اکرم الرسل ! ذکر ایت شول زمانی که اوزمانده بز ملکله « سز آدمه سجده
ایدک » دیدک . بوا میرمز اوزرینه ملکله تعظیم صورتیله سجده ایتدیلر ، الا ابلیس
سجده ایتدی .]

﴿ كَانَ مِنَ الْجِنِّ فَفَسَقَ عَنْ اَمْرِ رَبِّهٖ ﴾

[زیرا ؛ ابلیس جندن ایدی ، ملکوردن دکلدی . بناء علیه ؛ ربسک امرندن
چیقدی و اطاعتدن امتناع ایتدی .]

﴿ اَقْتَضٰ وْنَهٗ وَذَرٰ رَبَّهٗ اَوْلِيَّاءَ مِنْ دُونِیْ ﴾

[ابلیسک ربسنه عصیاتی بیلدیکنز حالده ای اولاد آدم ! سز آنی و ذریتنی
سیم غیری اولارق دوستلری اتخاذا ایدرسکز ؟]

﴿ وَهُمْ لَكُمْ عَدُوٌّ ﴾

[حالبوکه ابلیس و ذریتی سزک دشمنلریکنزدر .]

﴿ وَبَشِّرِ الظَّالِمِیْنَ بِذَلٰلٍ ﴾

[ظالملر ایچون اللهک دوستلغنی ابلیسک دوستلغنه واللهک عبادتی ابلیسه طاعته
تبدیل نه عجائب چیرکین اولدی .]

یعنی ؛ حییم ! ذکر ایت شول زمانی که اوزمانده بز آدم علیه السلامی کندیمره
خليفة قلوب علم و عرفاتی و خلافته استحقاقنی ملکله کوسترد کدنصکره آدمه سجده
ایتملرینی ملکله امر ایتدک . بزم امریمزی ایشیدنجه ملکله وقت کچیرمکسزین درحال
تعظیم صورتیله آدمه سجده ایتدیلر ، انجق ابلیس برطاق واهی اعتراضله جراتله سجدهدن
امتناع و تکبرینی اظهار ایتدی . زیرا ابلیس ؛ هر نه قدر ملکله ایچنده بولونمش ایشه ده
کندیسی جندن ایدی و ملکله هیئت مجموعه سنه سجده ایله امرده اوده داخل ایدی .
بناء علیه ؛ سجده یه مخالفت ایدنجه فاسق اولدی و ربسک امرندن چیقدی . ابلیسک حالی
بواولونجه مخالفتنی بیلیرده ای بنی آدم ! ابلیسی و ذریتنی اللهک دوننده دوستمی
اتخاذا ایدرسکز و آنک سوزینه آلدانیرده الله اعتمادی و عبادتی ترکمی ایدرسکز ؟
حالبوکه ابلیس و آنک ذریتی سزه دشمندرلر . شو حالده دشمنلری دوست اتخاذا ایتک سزه
خلاق اولورمی ؟ الله تعالی یه بدل یونندن ظالملر ایچون ابلیس نه چیرکین بدل اولدی

وظالمرك اللهه عبادتی ابلیسه عبادته تبدیل ایتلمری نه قدر فنا برشی اولدی وظالمرك اللهه دوستلغی ترك ایدهرک ابلیسی دوست اتخاذا ایتلمکده نه بویوک جنایت ایشله دیلر .

تفسیر خازنده بیان اولوندیغی وجهله ابلیس هر نه قدر ملک کردن استئنا اولونمش ايسه ده کندی جنددر، ملک کردن دکلدر . زیرا ؛ جندن اولدیغی جناب حق بوآیتده صراحة بیان بیوردی . بناء علیه ؛ ملک کردن استئنا اولوندیغی جهته ملک کردن ظن ایتک طوغرو دکلدر و ذریتی اولدیغی بیان ایتکده ملک کردن اولمادیغنه دلالت ایدر . چونکه ؛ ملک کرده ذریت یوآدر .

ابلیسک ذریتی نصل میدانه کلدیکنده اختلاف واردر . اصح اولان ارککی دیشیسنه تزوج صورتيله میدانه کلسیدر و ذریت میدانه کلدیجه بنی آدمه خصومت ایتک اوزره هربری بروظیفه تعیین اولونور وظیفه سنی تماميله ايفا ایدنجه بویوک شیطاندن مکافات آلیرومقریندن اولور . حضرت آدم بالعموم انسانلرک باباسی اولدیغی کبی ابلیس ده بالعموم شیطانلرک باباسیدر . جناب حق بو و بونک امثالی آیتلرده شیطانلرک انسانلره دشمن اولدیغی صراحتله بیان ایتشد . چونکه ؛ انسانلر آره سنده واقع اولان فتنه لر وضلاللر و فسق و فجورلر هپ شیطانک اغواسی و نفس اماره یه تبعیتله در . بناء علیه ؛ انسانلره وعظ و نصیحت و عبرت مؤثره اولق اوزره قرآنده ابلیسک عصیانی و تکبرینی حتی بنی آدمی اغوا و اغفال ایده جکنه دائر یمینی و انسانلری اضلال ایتک اوزره قیامته قدر مهلت ایسته دیکنی متعدد آیتلره بیان بیورمش و انسانلرک شرندن حذر ایتلمری الزم اولدیغی توصیه ایتشد . بوسورده ده دخی اصحابک فقراسنه حقارت نظریله باقارق ابلیس کبی تکبر ایدن کافرلره تنیه و آنلرک تکبرلری ده ابلیسک تکبری کبی اولدیغی و بوتکبره سوق ایدن شیطان اولوب شیطان ايسه قدیم بر دشمن اولدیغندن آنک اغفالاتنه آلدانماق لازم کلدیکنی بیانه تکبرک نتیجه سی فلاکت اولدیغی و شیطان کبی باب الهیدن طرد اولونا جقلری بیان ایتک اوزره بوآیتله دخی ابلیسک وقعه سی ذکر ایلش وعداوتنک دواملی اولدیغنه اشارت ایچون عداوتی جمله اسمیه اولارق (وهم لکم عدو) جمله سی وارد اولشد . بناء علیه ؛ انسانلرکده دوام اوزره شیطاندن احتراز ایتلمری لازمدر .

..

واجب تعالی ابلیسک عداوتی بیاندنصکره جهالتی بیان ایتک اوزره ﴿ مَا أَشْهَدُ لَهُمْ خَلَقَ السَّمَوَاتِ وَالْأَرْضِ وَلَا خَلَقَ أَنْفُسَهُمْ وَمَا كُنْتُ مُتَّخِذَ الْمُضِلِّينَ عَصُدًا ﴾ بیوریور .

[بن ابلیسی و ذریتی سموات وارضی ایجادده احضار ایتدیکم کبی کندی ذاتلری خلق ایتدیکمده دخی حاضر بولوندورمدم و بن انسانلری اضلال ایتمکه مشغول اولان شیطانلری یاردیجی اتخاذا ایتدم . شو حالده سز آنلری نصل دوست اتخاذا ایدرسکز ؟] یعنی ؛ ابلیسک عداوتيله برابر ذاتنده دوست اولمغه ایاقی ده یوقدر . زیرا ؛ بن ابلیسی و ذریتی یری و کولکری خلق ایتدیکمده احضار ایتدم . بناء علیه ؛ یرک و کولکرك خلقتنده مدخللری اولمادیغی کبی جهالتلری ده واردر . کذلک کندی نفسلری خلق ایتدیکمده دخی آنلری حاضر بولوندورمدم . شو حالده بربرلرینک خلق اولونماسنک کیفیتدن خبرلری یوقدر . بناء علیه ؛ نفسلرینک خلقتنه دخی جاهل اولدقلرندن دوست اتخاذا اولونمغه شایان دکلدر . زیرا ؛ حیل و دسائسدن و انسانلری اضلال ایتمکدن باشقه هیچ برشیئه اقتدارلری یوقدر . حالبوکه بن ، برطاقم ضلالت دریاسنه طامش اولان شیطانلری ایشلرمده قوت و یاردیجی اتخاذا ایدر اولمادم که سز آنلری بکاشریک قیلا سکز . چونکه ؛ بن امورمده و ملکمده تصرفده مستقلم . سز نصل اولیورکه آنلری دوست اتخاذا ایدر و آنلردن یاردیم بکارسکز ؟

بیضاوینک بیانی وجهله بوآیتده جناب حق عالم مکوناتی خلق ایتمکده حاضر اولمادقلری بیانه عبادته اشتراکه استحقاقلری اولمادیغی بیان ایتشد . چونکه عبادته اشتراکه ؛ خالقیتده اشتراکی ایجاب ایتدیکندن خالق اولمایان معبود اولاماز و شیطانلری ذم و یاردیم طلب اولونمغه لیاقتلری اولمادیغنه اشارت ایچون ضمیر موضعده (المضیلین) اسم ظاهر اولارق ورود ایتشد . شومعنی (ماشهدتهم) ده کی ضمیرک شیطانه و ذریتنه راجع اولدیغنه نظر آدر . اما ضمیر کافرلره راجع اولدیغنه نظراً معنای آیت : [بن کافرلری سموات و ارضک و کندیلرینک خلقتلرنده احضار ایدوب آنلردن یاردیم طلب ایتدم . زیرا ؛ حییم ! بن دینی تقویه و شریعتی تأیید ایچون ارباب ضلالی قوت اتخاذا ایدر اولمادم . شو حالده آنلر خلاصة البیان : طقوزنجی جلد — ۹۳

فصل اولیور که سکا « فقراء اصحابکی باشکدن طاغیت . زیرا ؛ آنلره برابر بولونمغی کندیمزه مناسب کورمدیکمزدن ایمان اتمه یز . اگر بونلری طاغیتیرسه ک بزیایمان ایدرز . بزم ایمانز سبیلله دین اسلام قوت بولور » دییه رک کندیلرنده بر قوت وعزت دعواسنده بولونورلر وبوکجی دعواده بولونمقدن حیا ایتمزلمی ؟ [دیمکدر .

واجب تعالی کافرلرک ابلهسه اتباع ایدره رک فقرا اوزرینه تکبرلرینی ونتیجه سنک فنا اولدیغی بیاندنصرکه یوم قیامتک شدتلرینی بیانله تهدیدایتمک اوزره ﴿ وَیَوْمَ یَقُولُ نَادُوا شُرَکَائِیَ الذِّینَ زَعَمْتُمْ ﴾ بیوریور .

[ذکر ایت حبییم ! شول زمانی که اوکونده کافرلری تکدیر اولق اوزره الله تعالی « ای کافرلر ! بنم شریکرم اولدیغی اعتقاد ایتدیککز وشفاعت ایدره جک ظنیه عبادت ایلدیککز معبودلریکزی چاغیرک » دیر .]

﴿ قَدْ عَوْهُمْ فَلَمْ یَسْتَجِیْبُوا لَهُمْ ﴾

[اللهک « چاغیرک معبودلریکزه » دیسی اوزرینه مشرکار معبودلرینه چاغیرلر ، فقط معبودلر مشرکاره جواب ویرمزلر .] چونکه ؛ هرکس کندی دردیه مشغول اولدیغندن هیچ کیمسه نک دیکرینه جوابه اقتداری اولماز .

﴿ وَجَعَلْنَا بَیْنَهُمْ مَوْبِقًا ﴾

[وبز عابدلره معبودلر آره سنده مهلاک اولان آتشی خلق ایتدک .]

﴿ وَرَأَى الْحُزْمُونَ النَّارَ فَظَنُّوا أَنَّهُمْ مُوَاقِعُوهَا ﴾

[ومجرملر جهنم آتشی کوردکلرنده ظن ایدرلرکه آنلر جهنمه داخل اولاجقلر .]

﴿ وَلَمْ یَجِدُوا عَنْهَا مَصْرِفًا ﴾

[وجهنمدن قورتولاجق برمکانده بولامیه جقلر .]

یعنی ؛ حبییم ! ذکر ایت شول کونی که اوکونده الله تعالی کافرلری تکدیر وعاله رسوای ایتک اوزره کافرلره « ای کافرلر ! دنیاده شیطانک سوزینه اتباع ایدره رک بکا شریک اولدقلرینی باطل اولارق اعتقاد ایتدیککز معبودلریکزی چاغیرک . کلسونلر سزی عذابدن قورتارسونلر وسزک حقکزده شفاعتده بولونسونلر . » دیمکه کافرلری توبیخ ایدر . بونک اوزرینه کافرلر « یاردیم ایدک » دییه رک معبودلرینه چاغیرلر . معبودلرده آنلره جواب ویرمزلر . زیرا ؛ جوابه اقتدارلری اولماز وبز آنلره معبودلر آره سنده مهلاک اولان جهنمک دره لرینی خلق ایدرز و او کناهکارلر جهنمه سوق اولوندقلرنده جهنم آتشی کورورلر وظن ایدرلرکه آنلر جهنمه قاریشوب جهنمه واقع اولاجقلر وبونی یقین اوزره بیلیرلر . وجهنمدن قورتولاجق بر محلده بولامازلر وجهنمه سوقه مأمور اولان ملکدر آنلری جهنمه قهرآ وجبرآ سوق ایدرلر .

فیخر رازینک بیانی وجهله بو آیتده شرکا ایلره مراد ؛ مطلقاً کافرلرک باطل معبودلری اولدیغی کبی شیطانیه وذریتی اولق احتمالی ده واردر . زیرا آنلر ؛ شیطانلرک اغفالاته امرلرینی اللهک امری اوزرینه تقدیم وترجیح ایتدکلرندن شیطانلره عبادت ایتش اولدقلری جهته واجب تعالی یوم قیامتده « چاغیرک معبودلریکزه » دیدیکنده آنلرده « بسوزیکزه باقدق وسزه تبعیت ایتدک وسزبزه برحق وعدلر بیان ایتشدیکز ، هایدی قورتارک بزی عذابدن » دیمکه ندا ایدرلر . شیطانلرایسه کندی دردلیله مشغول اولدقلری جهته جواب ویرمزلر وجهنمه کیردکلرنده کافرلره شیطان آره سنده جریان ایدره جک مخاصمه سوره ابراهیمده تفصیلاً بیان اولونمشدر [۱] یاخود مشرکلرک

معبودلری ایلره مراد ؛ حضرت عیسی وملکدرده آنلره چاغیرلر و « بزه شفاعت ایدک » دیرلر . کرک حضرت عیسی وکرک ملکدر آنلرک چاغیرملرینه التفات ایتزلر و حضرت عیسی جتنه وملکدرده مقاملرینه کیرنجه کافرلرده جهنمه قرار ایدرلر . الله تعالی آره لرنده محل هلاک اولان جهنمی وجهنمک دره لرینی حائل قیلدینی جهته عابدلر باطل اولارق معبود طانیدقلری ذواتی بردها کورده مزلر . (موبقاً) (مهلاکاً) معناسنده درکه

آره لر نه خلق اولونه مبرور و ياخود بوراده (موبقاً) عداوت معناسنه اولديغنه
نظراً عابدرله معبودلر آره لر نه عداوت خلق اولونا جفنى بياندر . بو آيتده « كافرلر جهنمه
واقع اولاجقلىرى ظن ايتديلر » ديمك « جهنمه كيره جكلرىنى يقيناً بيلديلر » ديمكدر .
چونكه ؛ دفتر اعمالى هر كسه و يريلوب هر فرد كندى عملنه مطلع اولونجه كافرلر جهنمه
كيره جكلرىنى يقيناً بيليرلر و جهنمدن قورتولمق ايجون بر چاره ده بولامازلر .

واجب تعالى كافرلر كبر و غرورلرينك فسادنى امثله عديده ايله ايضاح ايتد كندى صكره
شبهه لر ينك باطل اولدينى ظاهر اولمش ايسه ده مجادله دن كيرى قالمادقلىرى بيان ايتمك اوزره
﴿ وَلَقَدْ صَرَّفْنَا فِي هَذَا الْقُرْآنِ لِلنَّاسِ مِنْ كُلِّ مَثَلٍ وَكَانَ الْإِنْسَانُ أَكْثَرَ
شَيْءٍ جَدَلًا ﴾ بيوريور .

[ذات الوهيته يمين ايدرم كه محقق شو قرآن ده ناس ايجون محتاج اولدقلى هر
مثالى بز بيان ايتدك ، حالبوكه انسان مجادله جهنمدن هر شيدن چوق اولدى .]

يعنى ؛ اهل كفر جهنمدن قورتولمغه نصل يول بولاييليرلر ؛ البته بولامازلر . چونكه ؛
ذاتمه يمين ايدرم كه بز شو قرآن ده ناسه طوغرو يوللرى تماميله آكلا تقي ايجون محتاج
اولدقلى هر شيدن برر مثال كتيردك و بيان ايتدك كه اومثاللر آچيقدن مقصدلرينى ايضاح
وغفلتدن ايظا ايدر . لكن كافرلر اومثاللردن تنبه ايتدكلى كى ضرور امثاله متصحده
اولماديلر ، بلكه باطل ايله حقه مقابله و اهل حقه مكابره و مجادله دن كيرى قالماديلر . زيرا ؛
انسان مجادله جهنمدن مخلوقاتك كافه سندن چوق اولدى و حقه قارشى عناددن چكينه ديلر .
شوحالده كافرلر جهنمدن نصل قورتولاييليرلر ؛ البته قورتولامازلر ؟

تفسير طبريده بيان اولوندينى وجهله « صرفنا » (مثلاً) معناسه در . يعنى « بز شو قرآن ده
هر مثالدن تمثيل ايتدك » ديمكه بوندن اول كچمش اولان كافرله مؤمنك محاوره سنه
وباغچنك خراب اولمسنه و حيات دنيا نك زواله دائر مثاللره اشارت اولونمشددر . ياخود
(صرفنا) (وعظنا واحتججنا) معناسه در . يعنى « بز شو قرآن ده انسانلره هر دورلو

موعظه ايله وعظ و هر نوع دليللره احتجاج ايتدك و حجتلر كتيردك كه تذكر ايتسونلر
ومتعظ اولسونلر و قرآنه انتسابله الفت ايتدكلى كناهلردن واز كچسونلر ، ديمكدر كه
ضرور امثال انسانلر ك مصاحبت و منفعتلرى ايجون اولديغنه وجهله سى ، غافل اولان كيمسه لرى
ايظا مضرور بولونديغنه اشارت اولونمشددر .

بيضاوينك بيانى وجهله جدل ؛ باطل اولونه شئى الزامه مضرورمدر . شو حالده
جنس انسانده باطل ارتكابه حقه قارشى اعتراض چوق اولديغنى بيانله جناب حق بومثاللو
مثاللردن عبرت آلمه رق باطل ارتكاب ايدنلرى بو آيتله ذم ايتمشددر .

واجب تعالى انسانك مجادله يه حريص اولديغنى بياندى صكره ناسه قرآن و قرآنى تبليغ
ايدن رسول كلديكسند ايماندن منع ايدن اولمادىغنى بيان ايتمك اوزره ﴿ وَمَا مَنَعَ النَّاسَ
أَنْ يُؤْمِنُوا إِذْ جَاءَهُمُ الْهُدَى وَيَسْتَغْفِرُوا رَبَّهُمْ إِلَّا أَنْ تَأْتِيَهُمْ سُنَّةُ الْأَوَّلِينَ
أَوْ يَأْتِيَهُمُ الْعَذَابُ قُبُلًا ﴾ بيوريور .

[ايمانك لزومه دلالت ايدن دليللر ناسه كلديكسند ناسى ايماندن و ربلىنه استغفار
هيچ برشى منع ايتدى ، الا اول كچن امثله نازل اولان عذابك بونلره كلسى و ياخود
حيانده اولدقلى حالده بربرى متعاقب انواع عذابك كندى نلرينه كلسنى كوزه نملرى
مانع اولدى]

يعنى ؛ ناسه قرآن و احكام اسلاميه كلديكسند معتقدات دينيه ي تصديقله ايمان و كندى لر ينك
ايشله دكلى كناهلره توبه و استغفار ايتمكدن آنلرى هيچ برشى منع ايتدى ، الا ام
سالفه ده ايمان ايتدكلىنه بناءً جارى اولان عادتز اوزره عذاب دنويه نك و ياخود آچيقدن
عذابك بربرى متعاقب كلسنى انتظار ايتلرى مانع اولدى . چونكه ؛ ايمان ايتسه لر عذاب
كلز . شو حالده ايمان ايتديلر كه عذابك كلسنى بكلرلر . زيرا ؛ ايمانلرينه بر مانع اولمادىغنى
حالده ايمان ايتمه نملرى هر حالده بر عذابك كلسنى بلكه مكددر .

طبریده بیان اولوندیغی وجهله (قَبْلًا) انواع عذاب دیمکدر، یاخود آشکار اولدور
عذابك کلمسیرر و یاخود فجئة یعنی خبرلری اولقنیزین آکسزین عذابك کلمسیرر.
خلاصه؛ قرآن و رسول الله کلدکن صکره طوغرو یول تمام آبیان اولوندیغی ایچون
ناسی ایماندن و قصورلرینه استغفاردن بر مانع اولمادیغی و اعتذار ایده جک بر شیتک
قالمادیغی و کفرده دوام ایتدکاری صورتده بر برنی متعاقب عذاب دنیویه نك کلمسی محتمل
اولدیغی بو آیتدن مستفاد اولان فوائد جمله سندندر .

واجب تعالی کافرلرک ایمانلرینه بر مانع اولمادیغی بیاندن صکره رسل کرامک وظیفه لری
انذار و تبشیر اولدیغی و رسوللر وظیفه لرینی ایفا ایتدکاری حالده کافرلرک مجادله دن کیری
قالمادقلرینی بیان ایتک اوزره ﴿وَمَا تُزِيلُ الْمُرْسَلِينَ إِلَّا مُبَشِّرِينَ وَمُنْذِرِينَ﴾
بیوریور .
[بز رسوللری کوندرمدک ، الا قوللریمیزی تبشیر و انذار ایدر اولدقلری حالده
کوندردک .]

﴿وَيُجَادِلُ الَّذِينَ كَفَرُوا بِالْبَاطِلِ لِيُدْحِضُوا بِهِ الْحَقَّ﴾

[کافرلر باطل ایله مجادله ایدرلرکه او باطل ایله حق ازاله ایلسونلر .]

﴿وَاتَّخَذُوا آيَاتِي وَمَا أُنذِرُوا هُزُوًا﴾

[آنلر نیم آیتلریمی و انذار اولوندقلری انواع عذابی استهزا واکلنجه اتخاذ ایتدیلر .]

یعنی؛ بز رسوللریمیزی وظائفدن هیچ بر وظیفه ایله کوندرمدک ، آنجق مؤمنلری
عبادتلری اوزرینه ثواب و دنیاچه انواع فتوحات و فیوضات و آخرتده جنت و درجه لريله
تبشیر و کافرلری کفرلری و کناهلری اوزرینه ترتب ایده جک انواع بلیات و عقوبات
و آخرتده جهنم و درکه لريله قورقوتیق وظیفه سیله کوندردک که قوللریمیزی طاعاته ترغیب
و معاصیدن تنفیر ایتسونلر و رسوللر عبادک احوالی اصلاح ایچون کوندرلدکلری حالده

شول کیمسه لر باطل ایله رسل کرامه خصومت و مجادله ایدرلرکه آنلر کافر اولمشلردی
و آنلرک باطلی ارتکابه حقه قارشی اعتراضدن مقصدلری او باطل ایله حق کیدرسونلر
و باطلی حقه غالب قیلسونلر و آنلر یالکز باطلی التزامله حق ابطاله سعی ایتمکه دخی
قناعت ایتزلر ، بلکه نیم قدرتمه و حقه دلالت ایدن طوغرو یولی کوسترن آیتلریمی
و انذار اولوندقلری انواع عذابی استهزارینه و اویونجاقلرینه محل اتخاذ ایتدیلر و او
آیتلرک شاننه لایق اولمادق سحر ، شعر و اساطیر کاذبه دیمک کبی بر طاقم هزیانلرده
بولوندیلر . بناء علیه ؛ کافرلر رسل کرامک دعوتلرینه اجابت ایتدکاری کبی تبلیغ
ایتدکاری آیتلردن دخی متنبه و متنصح اولمادیلر . حالبوکه رسل کرامک کوستردکاری
دلیللری تدقیقه بالاخیار ایمان ایتلری لازم ایکن عکسنی التزام ایتدیلر و باطل ایله حقه
معارضه دن چکینمدیلر . زیرا ؛ فسوت قلب و جهالت هر طرفلرینی احاطه ایتدیکندن
دلیللری تدقیقه طوغرو یولی آرامادیلر . بناء علیه ؛ دنیاچه انواع اهانت و آخرتده انواع
عذابه مستحق اولدیلر .

خلاصه ؛ رسل کرامک وظیفه لری تبشیر و انذار اولدیغی و کافرلرک دائما حق ازاله
ایچون باطلی التزامله مجادله ایتدکاری و حقه دلالت ایدن آیتلری استهزا ایتک عادتلری
اولدیغی بو آیتدن مستفاد اولان فوائد جمله سندندر .

واجب تعالی کافرلرک باطل ایله حق ابطاله چالیشدقلرینی بیاندن صکره انواع عذابه
مستحق اولدقلرینی بیان ایتک اوزره ﴿وَمَنْ أَظْلَمُ مِمَّنْ ذُكِّرَ بِآيَاتِ رَبِّهِ فَأَعْرَضَ
عَنْهَا وَلَيْسَ مَا قَدَّمَتْ يَدَاهُ﴾ بیوریور .

[ربسنک آیتلریله و عطا اولونوبده او آیتلری قبولدن اعراض ایدن و ایشله مش اولدیغی
کفری و سائر کناهلری اونوتان و آیتلری گوشه نسیانه ترک ایدن کیمسه دن ده ا زیاده
ظالم کیم اولابیلیر ؟ البته کیمسه اولاماز . چونکه ؛ تلاوت اولونان آیتلری قبولدن
امتناع ایدوب بوندن اول آلريله کسب ایده رک تقدیم ایتش اولدقلری کناهلری اونوتیق
و توبه ایله آنلرک عفونی ایسته مه مک جنایتک پک بویوکیدر .] بناء علیه ؛ بومثلو جنایتلری

وانواع کفر وضلالی ارتکاب ایتکدن زیاده ظالم کیم اولاییلیر ؟ وبر چوق کناهلری ارتکاب ایدنلر آیتلرک معنلرینی دوشونمز .

﴿ إِنَّا جَعَلْنَا عَلَى قُلُوبِهِمْ أَكِنَّةً أَنْ يَفْقَهُوهُ وَفِي آذَانِهِمْ وَقْرًا ﴾

[زیرا ؛ بزآنلرک قایلری اوزرینه قرآنک معناسی آکلامغه مانع پرده لر خلق ایتدک که آنلر سوء اختیارلری نتیجہ سی آکلامقدن وتذکر وتاملدن محروملردر و آنلرک قولاقلرینه آغیرلق خلق ایتدک که قرآنی دیگله مک وایشیتمکدن امتناع ایدرلر . بناءً علیه ؛ قرآنله عمله وامر ونهیته امثاله موفق اولامازلر .] چونکه ؛ دائماً قایلری وقولاقلری کفریانه میل ایتدیکندن حقندن استنکاف ایتک عادتلری در .

﴿ وَإِنْ تَدْعُهُمْ إِلَى الْهُدَى فَلَنْ يَهْتَدُوا إِذًا أَبَدًا ﴾

[واکر حبیب ! سن آنلری هدایتدن عبارت اولان قرآنک احکامی وفوزوفلاحلرینه سبب اولان دین حق قبوله دعوت ایدرسه ک سن دعوت ایتدیگک تقدیرده آنلر ابدآ البته اهتدا ایتمز .] چونکه ؛ آنلرک قایلرینه اولان قساوت وقولاقلرینه اولان آغیرلق آنلرک دین حق قبوللرینه مانعدر . زیرا ؛ اراده لرینی ایمانی قبول ایتک جهته صرف ایتمز که حق قبول ایتسونلر ولکن « رسول کلسه دعوت ایتسه ایمان ایدردک » دیهرک اعتدارلرینه میدان قلامسی ایچون بز سنی کوندردک .

خلاصه ؛ آیات السیه دن اعراض وایشله دیکی کناهلری اونوتوب توبه ایتمه ین کیمسه دن دها زیاده ظالم اولمادیقی وکافرلرک قرآنی ادرا که مانع قایلرینه براده وایشیتمکه مانع قولاقلرینه آغیرلق اولدیقی وهرنه قدر رسول الله طرفندن هدایته دعوت اولونورلرسه ده اهتدا ایتیه جکلری بویآیدن مستفاد اولان فوائد جمله سنددر .

**

واجب تعالی آیتلری قبولدن اعراض ایدنلرک اهتدا ایدمه جکلرینی بیاندنصکره آیتلره ایمان ایتسه لر کچمش کناهلرینی مغفرت ایدمه جکینی بیان ایتک اوزره ﴿ وَرَبُّكَ الْغَفُورُ ذُو الرَّحْمَةِ ﴾ بیوریور .

[حبیب ! غفور اولان ربک تعالی رحمت ولطف واحسان صاحبدر .]

یعنی ؛ ای رسول اکرم ! کافرلرک سنی تکذیبله شرک اوزره اصرارلری عذابک کلمسی اقتضا ایدرسه ده سنک ربک تعالی قوللرینک کناهلرینی تمامیه ستر ایدیچی انعام واحسان صاحبدر . بناءً علیه ؛ آنلر توبه واستغفار ایتسه لر ایدی ربک قبول ایدر وکناهلرینی عفو ایدردی . زیرا ؛ رحمت صاحبی ولطفی بولدر ولکن آنلردن استغفار اولمادیغندن ربکدن ده عفو یوقدر .

قوللرینک کناهی چوق اولدیغنه اشارت ایچون مغفرتیه دلالت ایدن (الغفور) لفظی مبالغه صیغه سیله وارد اولمشدر . زیرا ؛ مغفرتک چوقلنی مغفرت اولونان کناهک چوقلنی مستلزمدر وکناهلری مغفرت ورحمت اوزرینه مقدم اولدیغنه اشارت ایچون مغفرت ، رحمت اوزرینه تقدیم اولونمشدر . چونکه کناهی مغفرت ؛ دفع مضرت قیلندن ورحمت ایتسه جلب منفعت قیلندن اولوب دفع مضرت جلب منفعت اوزرینه مقدم اولدینی جهته دفع مضرت قیلندن اولان مغفرت تقدیم قیلنمشدر .

**

واجب تعالی مغفرت ورحمت صاحبی اولدیغنی بیاندنصکره رحمت السیه سی جمله سنددن اولارق اهل شرکاک وسائر عصیان صاحبلرینک عذابلرینی تأخیر ایتدیگنی بیان ایتک اوزره ﴿ لَوْ يُؤَاخِذُ هُمْ بِمَا كَسَبُوا لَعَجَّلَ لَهُمُ الْعَذَابَ بَلْ لَهُمْ مَوْعِدٌ لَنْ يَجِدُوا مِنْ دُونِهِ مَوْثِقًا ﴾ بیوریور .

[اکر ربک تعالی آنلرک کسب ایتدکلری کناهلری سیبیلله آنلری مؤاخذه ایتمش اولسه ایدی بودنیاده آنلر ایچون عذابی تعجیل ایدر ، اصلاً زمان فوت ایتزدی ولکن ربک تعالی رحمت واحسان صاحبی اولدیغندن آنلره مهلت ویرر ومساعده ایدر ، بلکه آنلر ایچون عذابلرینه تعیین اولونمش بروقت معین وارکه اووقته عذابله آنلرمؤاخذه اولونورلرو اووقته نازل اولان عذابدن قورتولمق ایچون اللهم غیری برملجاً ورجوع ایدمه جک بر محل بولامازلر .] بناءً علیه ؛ اوزمان معذب اولاجقلردر .

﴿وَتِلْكَ الْقُرَىٰ أَهْلَكْنَاهُمْ لَمَّا ظَلَمُوا وَجَعَلْنَا لِمَهْلِكِهِمْ مَوْعِدًا﴾
[ایشته شو آنلرک هر زمان کوردلری عاد، هود، نوح و لوط قومک قریه لری اهل یسنی ظلم و کفر ایتدکری زمان اهلاك و آنلرک هلاکری ایچون وقت معین خلق ایتدک . او وقتده البته اهلاك اولوندیلر .]

یعنی؛ شوخرابه لری کوردلری کویلرک اهل یسنی فصل ظلملری سببیه اهلاك ایتدک ایسه مکه مشرک لری ده البته اهلاك ایدرز . شو قدرک آنلرک هلاکری ایچون بر وقت معین خلق ایتدیکمز کبی بونلرک هلاکری ایچون دخی بر وقت معین خلق ایتدک . البته او وقتده اهلاك مز محققدر . شو حالده بونلر عذابلریک تأخیرینه مغرور اولماسون بصیرت اوزره بولونسونلر .

(مونلا) «بوزمانی قورنولری ایچون رجوع ایلرک محل و ملجا در . یعنی» آنلره عذاب کلدیکنده قورتولاق ایچون بر ملجا بولامازلر «دیمکدر . اهل مکنک هلاکی آره صره وقوع بولان فتوحانده اولمشدر .

خلاصه؛ انسانلرک کسب ایتدکری کناهلری سببیه در حال مؤاخذه ایتمش اولسه عذابلری تعجیل ایده چکی ولکن جناب حق رحمت صاحبی اولدینی جهته عذابلری تأخیر ایتدیکی وعذابلرینه بروقت معین خلق ایدوب او وقت کلدیکنده عذابدن قورتولاق ایچون برماجا بولامیه جقلری و ظلملری سببیه هلاک اولان قریه لرک ده وقت معینه هلاک اولدقلری و آنلرک هلاکری بونلر ایچون عبرت مؤثره اولق لازم اولدینی بو آیتلردن مستفاد اولان فوائد جمله سنددر .

واجب تعالی تکبر ایدنلرک کبرلریک عاقبتی بیاندنصرکه موسی علیه السلام علو قدریله برابر تکبر ایتمکسزین حضرت خضر دن بیلمدیکی بعض لدنیانی تعلم ایتدیکنی بیان ایتک اوزره ﴿وَإِذْ قَالَ مُوسَىٰ لِفَتَاهُ لَا أَبْرَحُ حَتَّىٰ أَبْلُغَ مَجْمَعَ الْبَحْرَيْنِ أَوْ أَمْضِيَ حُقُبًا﴾ بیوریور .

[ذکر ایت حبیب ! شول زمانی که اوزمانده موسی علیه السلام خدمتجیسنه «ایکی دکزک برلشدیکی محله واصل اولماقجه و یاخود سکسان سنه یول یورومه دیکه بن اوطور ووب استراحت ایتیم» دیهرک خضری بولونجهیه قدر سیروسفر ایتسنی قصد ایتدیکنی بیان ایتدی .]

بیضاویک بیانی وجهله حضرت موسانک فتاسی؛ حضرت یونس در که یوسف علیه السلامک اوغلو (افرائیم) ک اوغلو (نون) ک اوغلو در . حضرت موسانک خدمتده بولونمیزی ایچون فقی سی دیندر . بحرین ایل مراد؛ بحر فارس و روم در . چونکه؛ خضر له ملاقاتک اوراده نصیب اولاجنی وعدا لولمشدی . (حقاً) اوزره مدت یاخود سکسانه سنه در . یعنی «دکزک برلشدیکی محله وارمق واکر واره مزسه چوق زمان سیروسفر ایدوب خضری بولونجهیه قدر اوتورمیه جغه عزم ایتدی» دیمکدر .

بیضاوی و خازنک بیانلری وجهله حضرت موسانک خضری آرامسنک سببی شویله در : فرعونک و قبیله سنک هلاکندنصرکه موسی علیه السلام بنی اسرائیله بلیغ بر وعظ ایدنجه بعض کیمسه طرفندن «بر یوزنده سندن اعلم بر کیمسه بیلیمیسک؟» دنیلدیکنده موسی علیه السلام «بیلیم» دیمسی اوزرینه جناب حق خضرک اعلم اولسنی بیان ایدنجه موسی علیه السلام خضر دن تحصیل علمه طالب اولوب نصل بولاجنی جناب حق دن سؤال ایدر . واجب تعالی «زنیله بر طوزلی بالق قویمنی و روم دکزیه فارس دکزینک برلشدیکی یره قدر کیتسنی و بالغی زدهده یتیرسه (غیب ایدر سه) خضری اوراده بولاجنی بیانله موسی علیه السلام خضره ملاقاتی تعیین و یوشعله برابر حضرت موسانک یوله چیقدیغنی و خضری بولونجهیه قدر یول یوروجکنه نیت ایتدیکنی جناب حق بو آیتده بیان بیوردی .

واجب تعالی خضری آرامق اوزره حضرت موسانک یوله چیقدیغنی بیاندنصرکه کوتورمش اولدینی بالغی یتیردیکنی بیان ایتک اوزره ﴿فَلَمَّا بَلَغَا مَجْمَعَ بَيْنَهُمَا نَسِيَا حُوتَهُمَا فَاتَّخَذَ سَبِيلَهُ فِي الْبَحْرِ سَرَبًا﴾ بیوریور .

[موسی علیه السلام یوله چیقنجه وقتا که خدمتجیسیله برابر ایکی دکزک برلشدیکی محله واصل اولونجه بالقلربی اونوتدیلر. بناء علیه؛ بالق دکزه یولنی کرداب اولارق اتخاذا ایتدی.]

﴿ فَلَمَّا جَاوَزَا قَالَ لِقِيَاهُ إِنَّا غَدَاءُ نَا لَقَدْ لَقِينَا مِنْ سَفَرِنَا هَذَا نَصَبًا ﴾

[وقتا که موسی علیه السلام و خدمتجیسی او محلی کچدیلسه موسی علیه السلام خدمتجیسنه «قوشلق طعائمزی کتیر بزه، ییلم. محقق شوسفرمزده بز مشقته اوغراق دیدی.» یعنی؛ موسی علیه السلام یوشع ایله برابر تعریف النبی وجهله زنبیله برطوزلی بالق قویدی و یوشعه «بالنی یتیردیکنی بکاخبر ویر، دیدی. یوله چیقدیله، وقتا که ایکی دکزک برلشدیکی محله واصل اولدیلسه بالنی اونوتدیلر. زیرا؛ بالق دیرلدی دکزه کیتدی. حضرت موسی بالنی صورمنی و یوشعه بالغک دکزه کیتدیکنی خبر ویرمکی اونوتدیلر. بالق ایسه دکزه یول بولدی کیتدی. وقتا که او محلی کچدیلسه حضرت موسی «کتیر قوشلق طعائمزی ییلم. محقق شو سفرمزده بز یورولدی» دیدی.

نعمت الله افدینک بیانی وجهله بالنی اونوتملرینک کیفیتی شوبله در: دکزلرک اجتماع ایتدیکی محله بر پیکار باشنده استراحت ایچون اکلشدکلرنده حضرت موسی بر طعاشی باشی آله یا صدق ایدرهک یاتار. یوشع آبدست آله، آبدست صویندن زنبیلک ایچنده کی بالغه طوقومسیله صودن خارق العاده اولارق بالق دیریلیر و دکزه کیدر و کیتدیکی یر بالغک جسامته کوره یول اولور. یوشع بو حالدن تعجب ایدر. حضرت موسی قالدیغنده خبر ویرمکی نیت ایدرسده حکمة الله اونوتور. حضرت موسی قالقار یوللرینه دوام ایدرلر برکون برکیجه کیتدکدنصکره قوشلق وقتی آیتده بیان اولوندیغی وجهله قوشلق طعامی ایسته ییجه بالغک دکزه کیتدیکنی و کیتدیکی محک کمر کی یول اولدیغی خبر ویرر. حضرت موسی دکزلرک برلشدیکی یره کلنجه به قدر یورولماش ایدی. فقط مطلوبک بولوندیغی محلی کچنجه یورولمش و یورولدیغی ده خبر ویرمشدر.

واجب تعالی بالنی اونوتدیلرینی بیلدکدنصکره بیلرندزه جریان ایدن محاوره یی و کیری

دوندکلرینی و خضری بولدقلرینی بیان ایتک اوزره ﴿ قَالَ أَرَأَيْتَ إِذْ أَوَيْنَا إِلَى الصَّخْرَةِ فَإِنِّي نَسِيتُ الْحَوْتَ ﴾ بیوریور.

[یوشع، موسی علیه السلامه «کوردکی شول زمانی که او زمانده بز صخره یی قصد ایتشدک. اوراده واقع اولان امر غریب حقنده نه بیورر ونه رأی ایدرسک؟ زیرا؛ بن بالغک حالی سکا سویلکی اونوتدم» دیمکه اونوتدیغی بیان ایتدی.]

﴿ وَمَا أُنْسَانِي إِلَّا الشَّيْطَانُ أَنْ أَذْكُرَهُ ﴾

[«بکا بالنی اونوتدورمدی، آنحق شیطان بالغک حالی سکا کرایمه می بکا اونوتدوردی»]

﴿ وَاتَّخَذَ سَبِيلَهُ فِي الْبَحْرِ عَجَبًا ﴾

[«بالق دکزه عجیب صورتده یول اتخاذا ایتدی.»]

﴿ قَالَ ذَلِكَ مَا كُنَّا نَبْغِ ﴾

[موسی علیه السلام «یا یوشع! ایشه سنک کوردیکک غریب و عجیب حال بزم آراد یغمز شیر» دیمکه مطلوبک اوراده اولدیغنه اشارت ایتدی.]

﴿ فَارْتَدَّا عَلَىٰ آثَارِهِمَا قَصَصًا ﴾

[و محاوره اوزرینه موسی یوشعه برابر وقوعاتی حکایه ایدرهک ایزلری اوزرینه دوندیلر.]

﴿ فَوَجَدَ عَبْدًا مِنْ عِبَادِنَا آتَيْنَاهُ رَحْمَةً مِنْ عِنْدِنَا وَعَلَّمْنَاهُ مِنْ لَدُنَّا عِلْمًا ﴾

[و کیری دونوب صخره مذکوریه کلنجه بزم قوللریمزدن برقولازی بولدیلر که او قولزه بزکندی عندمزدن نعمت و یردک و بزآنی کندی عندمزدن برعلمه تعلیم ایتدک که او علم کتاب و یا بر استاذدن تعلم واسطه سیله دکل، بلکه بزم اکا بیلدیردیکمز بعض اسرار و اشیادن بعض شیئک لدنیاتی اکا بیلدیرمکدن عبارتدر.]

یعنی؛ حضرت موسی «یورولدی کتیر طعائمزی ییلم» دینجه بالغک دکزه کیتدیکی یوشعک خاطرینه کلیر. بالقدن کورمش اولدیغی حال عجیبی حکایه به باشلارودیر که «یاموسی!

کوردکی نزد کز کنارنده پیکار باشند کی طاشه کلوب سن اوراده استراحت ایچون یاندیغسکده
بنم آبدست صویندن صیچرایانلرک بالغ، طوقونماسیله بالق دکره کتدی و کتدیکی محل
کندینه کوره یول اولدی. بونی سزه خبر ویره جک ایکن بن بالغک احوالی وسزه خبر
ویرمکی اونوئدم. بکابونی وسکا خبر ویرمکی آنجق شیطان اونوئدوردی. چونکه اونوتولاجق
برشی دکلدر. زیرا؛ کونلرجه طوزلانمش بالغک حیات بولوب دکره عجیب بر یول
طوتوب کیمسی اونوتولاجق برشی دکل ایکن بونی اونوتعلق آنجق شیطاندر «دیمکه
وقوعاتی کوردیکی کبی حکایه ایدنجه موسی علیه السلام نمون اولدی و «یاوشع! ایشته
شوسنک کوردیکک امر غریب بزم آرادیمز شیرد و بو مسافرتدن مقصدمز آنده در.
چونکه؛ علم تحصیل ایتک ایچون آرادیمز ذاتی اوراده بولاجغز دونهلم کیری به دیدی.
کال مسرتله کلدکاری یوله وقعینی حکایه ایده رک دونیلر و کتدکاری ایزلرندن کیری
کلدیلر واوراده بزم خاص قوللریمزدن برینی بولدیلر. خضرک او طاش یاننده نمازله
مشغول اولدیغی حالده بولدیغی مرویدر و او قولازه کندی عندمزدن نعمت ویردک
و کندی لدنیاتمزدن بزه مخصوص اولوب بز بیلدیرمه نجه کیمسه نک بیلهمیه جکی بعض
مغیانه آکا علم ویردک و بعض اشیاده، ظاهرده کورولدیکنک خلافتده کی حکمتلری اکا
او کرتدک.

موسی علیه السلام خضری کورونجه سلام ویرر. خضر نرلی و کیم اولدیغی سؤال
ایدوب حضرت موسی ذاتی تعریف ایتدیکنده «یا موسی! علم جهتدن تورات و مشغولیت
جهتدن بنی اسرائیل سکا کافی دگلی؟» دیمسی اوزرینه موسی علیه السلام امر السهی
اوزرینه کلدیکی خبر ویرر.

تفسیر خازنده بیان اولوندیغنه نظراً خضرک اسمی (بلیا) در و کینه سی (ابوالعباس) در
و کندیس بر پادشاه زاده در. دنیا اموری ترکله زهد و تقوی یولنی طوتدیغی جهتله جناب حق
بعض الطاف السیه سیله تلطیف ایتشد. حتی اوتوردیغی یر خارقه اولارق در حال
یاشاروب چمن اولدیغدن خضر اسمی کندینه لقب اولمشدر. (ابوهریره) حضرت تدرینک
رسول الله بن عین مآله روایت ایتدیکی بر حدیثله ده (خضر)؛ لقبی اولدیغی تأید ایتشد.

واجب تعالی خضری بولدیغی بیاندن صکره خضرله بیلرنده جریان ایدن محاوره یی
و موسی علیه السلامک تعلیم علم ایچون خضر دن استیدان ایتدیکنی بیان ایتک اوزره
﴿قَالَ لَهُ مُوسَى هَلْ أَتَّبِعُكَ عَلَى أَنْ تُعَلِّمَنِ مِمَّا عُلِّمْتَ رُشْدًا﴾ بیوریور.

[موسی علیه السلام خضره «سنگ صواب و طوغرو اولارق تعلیم اولوندیغک علمدن
بکا تعلیم ایتک اوزره بن سکا اتباع ایده ییمی؟» دیمکه خضرک صحبتنده بولونمسی استیدان
ایتدی.]

﴿قَالَ إِنَّكَ لَنْ تَسْتَطِيعَ مَعِيَ صَبْرًا﴾

[موسی علیه السلامک طلب واستیدانی اوزرینه خضر دیدی که: «یا موسی! سن بمله
البته صبره قادر اولامازسک.»]

﴿وَكَيْفَ تَصْبِرُ عَلَى مَا لَمْ تُحِطْ بِهِ خُبْرًا﴾

[«وسرینه مطلع اولمادیغک و خبرینی احاطه ایده مدیکک شیئه نصل صبرایده بیلرسک؟»
زیرا؛ ظاهرده شریعتک مخالف و باطنده اسرار و حکمتنه واقف اولمادیغک شیئه صبر
ایده بیلیمک مشکدر» دیمکه کندینه رفاقک صوک درجه صبره محتاج اولدیغی بیان ایتدی.

﴿قَالَ سَتَجِدُنِي إِنْ شَاءَ اللَّهُ صَابِرًا وَلَا أَعْصِي لَكَ أَمْرًا﴾

[موسی علیه السلام خضرک صبر و توصیه سی اوزرینه «ان شاء الله سن بنی صبر ایدر
بولورسک و بن سکا هیچ بر امرده عصیان ایتم و امر کدن چیقمام» دیمکه صبرایده جکته
قویاً وعد ویردی.]

﴿قَالَ فَإِنْ أَتَّبَعْتَنِي فَلَا تَسْأَلْنِي عَنْ شَيْءٍ حَتَّى أُخْبِرَ لَكَ مِنْهُ ذِكْرًا﴾

[موسی علیه السلامک اصراری اوزرینه خضر «یا موسی! اکر سن بکا اتباع
ایدرسک بن سکا خبر و یروب حقیقتی بیان ایدنجه قدر بکا هیچ برشیدن سؤال ایتمه»
دیمکه اتباعده بعض شرائط در میان ایتدی.]

یعنی؛ موسی علیه السلام کال ادب و تواضی التزامله خضره «طرف السیدن سنک

تعلیم اولوندیغك علمدن بعض حقایق بكا تعلیم ایتك اوزره بن سكا اتباع ایدمهمی مساعده ایدرمیسك؟ دیدی. بو استیذان اوزرینه خضر حضرت موسایه «یا موسی! کمال درایت و حذاقتكه قواعد دینیہ و معالم شرعیہ وضع ایدوب ظالمین مظلومك انتقامی آلق و سیاست مملکت و تدبیر امور ملت و منازل خصوصلرینه فوق العاده مهارتكه برابر سن بنمله کوره جکک عجائبه صبره البته مقتدر اولامازسك. زیرا؛ ظاهر شریعتہ مخالف و توراتك احکامنه مبین کوردیکك شیرہ رسالتك و شریعتك ایجابی البته سن ظاهرینه باقارق اعتراض ایدرسك. علمنی ولدنیاتی احاطه ایدم مدیکك خبرینه و حکمتنه واقف اولامادیغك شیئہ نصل صبر ایدرسك؟ البته صبر ایدم مزسك. چونکه؛ بونوع علم سزه وحی اولونما مشدر. اما بنم حالم سكا قیاس اولونماز. زیرا؛ ربم بكا بر طاقم عجائب و اسرارہ علم ویردی. بن آنلرك حقیقت و حکمتنی بیلدیکم جهتله مقتضاسنی ایشلرم» دیمکه موسی علیه السلامی اتباعدن منع ایتك ایسته دی. حضرت موساده اعتذار ایتدی و «مشیت الهیه بنم صبر ایتمه تعلق ایدرسه بنی صبر ایدیجی بولورسك و بن هیچ برشیده سكا عصیان ایتم» دیمکه هر حالده اتباع ایتمه آرزوسنی اظهار ایتدی. حضرت موساتك بو آرزوسنی کورونجه خضر توصیه صورتله دیدی که «اگر سن بكا اتباع ایدرسك بن حقیقتی سكا خبر ویرنجهیه قدر ظاهر شریعتكه مخالف بندن صادر اولان شیردن سنوال ایتمه. زیرا؛ بن آنك لدنیاتی کمالله سكا ایضاح ایدر و آندن قلبكه عارض اولان اضطرابی ازاله ایدرم».

بیصاوینك بیانی وجهله موسی علیه السلام اولوالعزم رسل کرامدن اولدینی حالده کندینك مرتبه سندن آشاغی اولان خضر دن علم تعلیمنی ایسته مسی رسالتنه منافی دکلدر. زیرا؛ رسولك علمی اضول دینه و فروع اعماله و شریعتك احکامنه اولور والاهك وحی ایتدیکی هر شیئی بیلیر و امتنه تبلیغ ایدر. اما امور دیندن اولمایان و احکام شریعتك خارجی اولان بعض لدنیاتی بیلمه مسنده و مرتبه ده کندندن آشاغی اولان کیمسه دن تعلم ایتمسنده بر بآس یوقدر. ایشته شو اساسه بناء حضرت موسی رسول اولدینی حالده بیلمدیکی بعض حقایق او کرمك مقصیده تواضع ایدم رک نفسنی او مثللو اسرارہ واقف دکل عد ایدم رک خضرک صحبتنده بولونماسنی خضر دن استیذان ایتدی. موسی علیه السلام

تلمیذه استاذ آردسندہ لازم اولان آدابہ رعایت دخی ایتدی. برنجیسی؛ ذاتنی مضمرة تابع قبلری و تابع اولسنة مساعده ایسته دی. ایکنجیسی؛ «بلا علم تعلیم ایدرمیسك؟» و بمکله نفسنی مطالبی اولسنة علممده بی خبر عد ایتدی. اوجنجیسی؛ مضمرة طلب ایتدیکی علم، مضمرك علممده به ضعیفی اولدیغه اشارت ایتدی. دردنجیسی؛ مضمرة ارشاد طلب ایتدی. بشنجیسی؛ تلمیذك استازینه تسلیمنی لازم اولدیغنی پناه ایتدی و بونلرله معلم ایله متعلم آردسندہ رعایتی لازم اولان آدابہ اشارتله استاذہ حرمتك لزومنی بیان ایلدی.

واجب تعالی حضرت موسی ایله بینلرنده واقع اولان مقاوله بی بیاندنصکره رفاقت ایدم رک یوله چیققدقلرینی بیان ایتك اوزره ﴿فَانْطَلَقَا حَتَّىٰ اِذَا رَكِبَا فِي السَّفِينَةِ خَرَقَهَا﴾ بیوریور.

[خضر موسی علیه السلامه صحبتہ موافقت ایدم رک ایکیسی برابر دکر کنارینه بر کمی آرامق اوزره کیتدیلر و اوراده بولدقلری بر کمی به بیندیلر. خضر بیندکلری کمی بی ده لدی.] ﴿قَالَ اٰخَرُ قَتَمَّا لِيُغْرَقَ اَهْلُهَا﴾

[موسی علیه السلام خضرک شو معاملہ سنی غیرک حقوقه بغیر حق تجاوز و فضولی اضرار ایتك کوروب بو معاملہ شریعتنه مخالف اولدینی جهتله نهی عن المنکر اولق اوزره خضره دیدی که «سن کمی اها لیسنی صویه باتیرمق ایچونمی کمی بی ده لدک؟»]

﴿لَقَدْ جِئْتَ شَيْئًا اِمْرًا﴾

[«اللهه یمین ایدرم که سن بر امر منکر و سولیه جک برشی ایشله دک و سبب شرعیسی اولمقسزین بر جوق جماعتی باتیرمق ایسته دک» دیمکه خضره اعتراض ایتدی.]

﴿قَالَ اَلَمْ اَقُلْ اِنَّكَ لَنْ تَسْتَطِيعَ مَعِيَ صَبْرًا﴾

[موسی علیه السلامک بو اعتراضه قارشی خضر «بن سكا بنمله برابر البته صبره قادر

اولا مازسك ديمدم می « ديمكله بيلرنده اولان مقاوله یی خاطر لاتدی واونو تامسی لازم اولدیغنه اشارت ایتدی .]

﴿ قَالَ لَا تُؤَاخِذْنِي بِمَا نَسِيتُ وَلَا تُزِهِنِي مِنْ أَمْرِي عُسْرًا ﴾

[موسی علیه السلام خضره ویرمش اولدیغی عهدنی تذکر ایده رک « نسیانم سببيله بنی مؤاخذه ائمه وبنم سکا اتباعم بيلمه دیکم بعض اسراره واقف اولمق ایچوندر. شو حالده بنم شو امرمدن هر طرفی کوجلک ایله احاطه ایدوب قاباقمله بنی منع ائمه. یعنی شو تحصیل علمی بکا کوجلشدیرمه و تسهیل ایت که بن تحصیلدن قالمایم » دیمکله اعتذارینی دوشه دی واونو ندیغنی ذکرله نسیان اوزره حکم ترتب ائمه جگنی بیان ایتدی .]

تفسیر خازنده بیان اولوندیغی وجهله خضر کمی یی ددلمش ایسه ده خارق العاده اولارق صو کیرمه مشدر، یا هور حضرت موسی در حال خرقه سفی طیقامشدر و یا هور خضرک قیردیغی محل صودن یوقاروده کینک کویشته تخته سی اولدیغندن صودن ضرر کوروله مشدر . یو حال، حضرت موسی ایله خضر آره سنده جریان ایدوب کمی اهل یسنک خبرلری اولمادیغی آکلا شلمقده در . چونکه اهلای طرفدن مداخله اولوندیغنه دائر آیتده صراحت یوقدر . اکر یو حاله واقف اولسه لردی آنلر طرفدن دخی تلاش کوستریله جکی شبهه سز ایدی .

**

واجب تعالی کیمده جریان ایدن احوالی بیاندنصکره حضرت موسانک اعتذارینی خضرک قبول ایدوب کمیدن چیققدنصکره یوللرینه دوام ایتدکرینی وایکسجی وقعه لرینی بیان ایتک اوزره ﴿ فَأَنْطَلَقَا حَتَّى إِذَا لَقِيَا غُلَامًا فَقَتَلَهُ ﴾ بیوریور .

[ایکیسی برابر کمیدن چیقیدیلر یوللرینه کیتیدیلر، حتی بر او غلان چوجغنه تصادف ایتیدیلر . خضر او چوجنی قتل ایتدی .]

﴿ قَالَ أَقْتَلْتَنَفْسًا زَكِيَّةً بِغَيْرِ نَفْسٍ لَقَدْ جِئْتَ شَيْئًا نُكْرًا ﴾

[چوجنی بلاجرم قتل، شریعت موسایه مخالف اولدیغندن خضرک خلاف شریعت حرکتی کورونجه در حال اعتراضه قیام ایده رک دیدی که « ای خضر! سن کناهدن طاهر و قتل

ایتدیکی بر نفس اولوبده مقابلنده قصاص اولمق سزین معصوم بر نفسی می قتل ایتدک؛ اللهه یمین ایدرم که سن بر شی منکر کتیردک.] زیرا ؛ صیددن بر کناه صدور ایتدی و بزه قارش بر قصوری ده یوقدر و بر نفس قتل ایدوب قصاص ده لازم کلدی . خلاصه بر شخصی قتل ایتک؛ یا قتل ایجاب ایدن بر جرمه و یا قصاصله اولور . بونده ایکیسی ده یوقدر « دیمکله خضرک شوایشنی بر امر منکر عد ایتدی .

﴿ اَوْنِ الْتَجِيْ جزؤ ﴾

﴿ قَالَ أَلَمْ أَقُلْ لَّكَ إِنَّكَ لَنْ تَسْتَطِيعَ مَعِيَ صَبْرًا ﴾

[موسی علیه السلام شوا اعتراضی دیکله دکنصکره خضر سوزه باشلادی و دیدی که « بن سکا بندن کوره جکک امور غریبه یه بنمله برابر صبره البته مقتدر اولا مازسک دیمدم می؟] بوندنصکره بنمله سنک بینمزده دوام ممکن دکلدر . براق بنی ذهنمی قاریشدرمه « دینجه :

﴿ قَالَ إِنْ سَأَلْتُكَ عَنْ شَيْءٍ بَعْدَهَا فَلَا تُصَاحِبْنِي قَدْ بَلَغْتَ مِنْ لَدُنِّي عُذْرًا ﴾

[موسی علیه السلام خضرک سوزینه قارش رفقله سوزه باشلادی و « اکر بوندنصکره بن سکا بر شیدن سئوال ایدرسه بنمله رفاقت ائمه . زیرا ؛ بنم طرفدن عذره بالغ اولدک . چونکه ؛ ایکی دفعه ایشکه مداخله و اعتراض ایتدیکمدن بنمله رفاقت ائمه مکده معذورسک » دیمکله تکرار اعتذار ایتدی .] و خضرده اعتراضی قبول ایددرک او چنجی رفاقت موافقت ایلدی . تفسیر خازنده بیان اولوندیغنه نظر آچوجق غایت کوزل و هنوز بالغ اولماش دیکر چوجق لرله اوینار ایکن قتل ایتمشدر . قتلك کیفیتی ؛ باشنی دیواره و ورمقله قتل ایتدیکی مرویدر و چوجقندن قتلی ایجاب ایدر بر کنه صادر اولمادیغنه اشارت ایچون حضرت موسی چوجنی ذکیه یعنی کنه همره طاهر اولمقله توصیف ایتمشدر . رسول اللهک « برادرم موسایه الله رحمت ایتسون . خضردن اوتاندیغنه بناء بردخی سئوال ایدرسه بکا رفاقت ائمه دیمسه ده بر آرز مکث ایتش اولسه ایدی ده ا پک چوق عجائب کوروردی « بیوردیغی مرویدر .

**

واجب تعالی ایکنجی معاہدہ لرنند نکرہ رفاقتلرینی وینلرنده جریان ایدن محاورہ لرینی بیان ایتک اوزره ﴿ فَأَنْطَلَقَا حَتَّىٰ إِذَا أَتَيَا أَهْلَ قَرْيَةٍ اسْتَطْعَمَا أَهْلُهَا فَأَبَوْا أَنْ يُضَيِّقُوا فَوْجَدًا فِيهَا جِدَارًا يُرِيدُ أَنْ يَنْقَضَ فَأَقَامَهُ ﴾ بیوریور .
[چو جنی قتلند نکرہ تکرار مقاولہ ایدہ رک خضر و موسی علیہ السلام برابر کیندیلر . حتی بر قریہ اہالیسنہ کلدیلر . اہل قریہ دن طعام ایستہ دیلر . قریہ اہالیسی آنلری مسافر ایتکدن امتناع ایتدیلر . او قریہ ده ییقلمغہ میل ایتمش و بر طرفہ اکلش بر دیوار بولدیلر . خضر اودیواری طوغر و لتدی .]

﴿ قَالَ أَوْشَيْتَ لَتَخَذَتَ عَلَيْهِ أَجْرًا ﴾

[موسی علیہ السلام خضرہ « ایستہ مش اولسه ایدک شو دیوار اوزره اجرت آلردک . مادام کہ قارغمز آچدر ، طعامہ احتیاجز واردر . آنلرہ بزه طعام ویرمہ دیلر وانسان عملنہ اجرت ایستہ مک مشروددر . نہ اولوردی دیواری اجرتلہ طوغر و لتسہ کده قارغمز طویورسہ ق ؟ » دیمکله دیواری مجاناً طوغر و لتدیغنی موافق کورمدی .]

﴿ قَالَ هَذَا فِرَاقُ بَيْنِي وَبَيْنِكَ ﴾

[موسی علیہ السلامک اعتراضی اوزرینہ خضر « ایشته شو سوزک سنکله بنم بینمزده مفارقتہ سیدر .] زیرا ؛ کوردیکک عجائب اوزرینہ صبر ایدہ مدک اوچ دفعہ مقاولہ وقوعبولدیغنی حالده هیچ برنده صبر ایدہ مدک . بناء علیہ ؛ ایرلق زمانی کلشدر « دیدی .

﴿ سَأُنَبِّئُكَ بِتَأْوِيلِ مَا لَمْ تَسْتَطِعْ عَلَيْهِ صَبْرًا ﴾

[خضر مفارقت لازم کلش ایسہده مفارقت ایتکسزین « یا موسی ! صبر ایدہ مدیکک شیلرک تأویلنی سکا خبر ویرہیم کہ آنلرہ اولان اسرار خفیہ بی و حکمت عجیبہ بی بیلہ سک و افعال الہیہ نک ہر برنده انسانلرک ادراک ایدہ مدیکی برچوق حکم غریبہ اولدیغنی امتکہ بیان و بونلری برر مثال اولارق ایراد ایدہ سک » دیدی .]

بیضاوی و مدارکده بیان اولوندیغنی وجہلہ مسافر اولق ایستہ دکلری قریہ ؛

﴿ انظاکہ ﴾ و یا خود (ایله بصرہ) در . قریہ اہالیسی مسافر سومدکلرندن بونلری مسافر ایتدکلری کی قارنلرینی طویورہ جق اکمکده ویرمدیلر .
قارنی آچ اولان مسافرک اکمک ایستہ مسی مشروع و مسافر قبول ایتک انسانلر آرہ سندہ اسکی بر عادت اولوب قبول ایتہینلرک لوم اولونمغہ شایان اولدیغنه بوایت دلالت ایدر . خضرک دیواری طوغر و لتدیغنت کیفیتندہ اختلاف وارسہده اصح اولان دیواری الیلہ خارق العادہ اولارق طوغر و لتسیدر . یعنی الی دیوارہ سورمسیلہ دیوار طوغر و لتشدر . بوکی خارقہ لر طبیعتک فوقندہ باذن اللہ اولور شیلردندر .

فخر رازینک بیانی وجہلہ حضرت موسی الیلہ خضر آرہ سندہ جریان ایدن اوچ مسئلہ نک حقیقی ؛ انبیاعندندہ احکامک ، اسباب ظاہرہ اوزرینہ بنا اولونمسی واللہک احسان ایتدیکی علم ایجابی خضر عندندہ اسباب خفیہ اوزرینہ مبتنی اولمسیدر . بناء علیہ ؛ حضرت موسی برنجی مسئلہ نک ظاہرینی بلا اذن غیرک ملکنده تصرف و اضراردن عبارت اولوب بوایسہ جائز اولمادیغنی نظر اعتبارہ آلاق اعتراض ایتمش و خضرده اسباب حقیقیہ بی نظر اعتبارہ آلاق کمی بی دملشدر . کرچہ کمی بی دملک صاحب لرینہ ضرر ایسہده منفعتلری بالکلیہ فوت اولمامشدر . اما کمی صاعلام اولسہ آلرندن تماماً چیقہ جق و ضرر کلی بہ دوچار اولاجقلردی . شو حالده « ضرران جمع اولورسہ اہوتنی اختیار ایتک لازمدر » قاعدہ سنہ توفیقاً ضررک اہوتنی اولان کمی بی دملک جہتنی اختیار ایتشدر . دیگر ایکی مسئلہ ده دخی حال بویلہدر .

ہر شینک لدنیاتنہ واقف اولق عباد ایچون ممکن اولمادیغندن عبادک احوالی اصلاح ایچون نازل اولان شریعتلرده معتبر اولان ؛ اسباب ظاہریہدر ، اسباب خفیہ دکلدر . بناء علیہ عباد ؛ اسباب ظاہریہ اوزرینہ احکامی بنا ایتکله مکلف اولور ، اسباب خفیہ آرامقلہ مکلف دکلدر . اما اللہک دیلہ دیکی قولنہ بعض خفایابی بیلدیرمسی عمومک مطلع اولمسنی ایجاب ایتمز . ایشته خضر حضرتلری ده اسباب خفیہ دن بعضیسنہ مطلع اولان ذوات جملہ سندندر . بناء علیہ ؛ انسان اسباب خفیہ آرامقلہ مکلف اولمادیغنی کی مسئولده اولماز .

**

واجب تعالی اوچ مسئلہده اولان اسباب خفیہ بی حضرت موسی علیہ السلامہ ذکر

ایتدیکنی بیان ایتک اوزره ﴿ اَمَّا السَّفِينَةُ فَكَانَتْ لِمَسَاكِينٍ يَعْمَلُونَ
فِي الْبَحْرِ فَأَرَدْتُ أَنْ أَعِيبَهَا وَكَانَ وَرَاءَهُمْ مَلِكٌ يَأْخُذُ كُلَّ سَفِينَةٍ غَصْبًا ﴾
بیوریور .

[اما بنم دلدیکم کمی بر طاقم فقرا کیمسه لر کدر . کمی دن باشقه بر اسباب تجارتلری
اولادیغدن کمی واسطه سیله دکزده عمل ایدر و تجارتله مشغول اولور و آنک تجارتیه
تعیش ایدرلر . بناء علیه ؛ اللهم الهامی واذنیه بن آنی عیلامق ایستدم ودهلدم . حالوکه
آنلرک آرقه لرنده ویاخود اوکارنده کی وارد جقلری یرده بر ظالم پادشاه وار . عیددن
سالم اولان هر کمی بی غصب طریقله آلیور . شو حاله نظر آبن آنی عیلام که او ظالم ملک
اللرندن کمی بی المسون و فقرانک ماللری اللرنده قالسون .] کرچه کمی بی دملک آنلر
حقنده ضرر ایسه ده کمی نک بالکلیه اللرندن چیقمه سنه نسبتله اهون اولدیغدن کمی بی دملک
حقلرنده عین منفعت اولمشدر .

خازن ، ابوالسعود وقاضینک بیانلرینه نظراً کمی نک صاحب لری اون قارداش اولوب
بشی ؛ کور ، طوپال وعلیل الوجود اولارق اوطور ورلر ، دیکر بشی ؛ صاعلام کمی ده ایشلرلر
هم کندیلرینی همده علیل اولان قارداشلرینی بسلر اولدقلری مرویدر .
بوآیت ؛ آئنده بر مقدار مالی اولوب فقط زنکین اولمایان کیمسه یه مسکین دیمک جائز
اولدیقه دلالت ایدر . زیرا ؛ کمی نک صاحب لری جناب حق مسکین عنوانیه ایراد ایتمشدر .

**

واجب تعالی ایکنجی مسئله نک سبب خفیسینی بیان ایتک اوزره ﴿ وَاَمَّا الْغُلَامُ
فَكَانَ ابْنًا مِنْ مَوَدِّينَ فَخَشِينَا أَنْ يُرْهِقَهُمَا طُغْيَانًا وَكُفْرًا ﴾ فَأَرَدْنَا أَنْ يُبْدِلَهُمَا
رَبُّهُمَا خَيْرًا مِنْهُ زَكَاةً وَأَقْرَبَ رُحْمًا ﴾ بیوریور .

[اما بنم قتل ایدوبده یا موسی ! سنک اعتراض ایتدیکنک اوغلان چوجغه کلنجه :
آنک آناسی و باباسی مؤمن اولدیلر . آنلر مؤمن اولونجه بزبوجوجغک کفر ایله طغیانله

آنلری احاطه ایدوب اطرافلرینی چویرمسندن قورقدق . زیرا ؛ چوجق کافر اولاجق
وابوینی کفره تشویق ایده جک وابوینی ده چوجغه کثرت محبتلرندن ناشی چوجغک
کفرینه اشتراک ایتک قورقوسنه بناء بزچوجنی اولدوردک . کرچه چوجغک قتل ابوین
حقنده ضرر ایسه ده چوجغک حیاته قالارق آنلری کفره صوقق ضررندن اهوندر .
ایشته حقارنده ملحوظ اولان شو ایکی ضرردن اهوننی اختیار آنلر حقلرنده عین منفعت
اولدیغدن آنلرک رب لری بوجوجقندن ده خیرلی و طاهر و مرحمت جهتندن آناسنه و باباسنه
دها یقین بر چوجغه تبدیل ایتسنی مراد ایتدک .] کرچه چوجغک قتل اولوندیغی زمان
قتلی ایجاب ایدر قصوری یوق ایسه ده بالغ اولدیغده بر جوق مفسدته وبالخاصه ابوینک
کفرلرینه سبب اولاجغنی بیلدیکی ایچون جناب حق قتلنی امر ایتمشدر . قتل اولونان
چوجقندن دها خیرلی ودها مرحمتلی برچوجنی آنک یرینه احسان ایده جکنی وعدایش
ورایت موثوقیه نظراً بو چوجق قتل اولوندقدن صکره الله تعالی آنلره بر قیز ویرمش
واو قیز بر نبی یه نکاحلانش و آندن بر نبی میدان کله رک اونبی سایه سنده بویوک بر امت
اهتدا ایتمشدر .

**

واجب تعالی اوچنجی مسئله نک سبب خفیسینی بیان ایتک اوزره ﴿ وَاَمَّا الْجِدَارُ
فَكَانَ لِغُلَامَيْنِ يَتِيمَيْنِ فِي الْمَدِينَةِ وَكَانَ تَحْتَهُ كَنْزُ لَهُمَا وَكَانَ أَبُوهُمَا
صَالِحًا ﴾ بیوریور .

[واما بنم طوغر و لندیغم دیوار او مدینه ده یعنی شهرده موجود ایکی یتیمک ایدی
واو دیوارک آلتده آنلر ایچون مدفون بر خزینهلری واردی و بابا لری صلحادن مؤمن
موحد دائماً حقه توجه ایدر وهرایشی ربسنه حواله ایدردی .]

﴿ فَأَرَادَ رَبُّكَ أَنْ يَبْلُغَا أَشُدَّهُمَا وَيَسْتَخْرِجَا كَنْزَهُمَا رَحْمَةً مِنْ رَبِّكَ وَمَا
فَعَلْتُمْ عَنْ أَمْرِي ﴾

[چوجقلر یتیم و پدرلری صالح اولونجه ربک تعالی آنلرک یتیملکدن چیقوب سن

رشته بالغ و فکر سلیم و رأی و تدبیر صاحبی اولدقلرنده ربکدن احسان اولارق خزینه لرینی کندی آلریله چیقارملرینی اراده و بکا دیواری طوغرولتمنی امر ایتدی که خزینه لری محفوظ قالسون، اجنبی آله کچمکه ضایع اولماسون و بن شوایشه دیکم شیرلی رأی و تدبیرمله ایشه مدم، بلکه جناب حقت امریله ایشه دم و امر الهی یه امثاله مجبورم. [کرچه دیواری طوغرولتمقه بنم چکدیکم مشقت بکا ضرردر ولکن آنلرک خزینه لرینک ضایع اولسی دهها زیاده ضرر اولدیغندن اهون ضرر اولان مشقتله امر اولوندم.

﴿ذَلِكَ تَأْوِيلُ مَا لَمْ تَسْطِعْ عَلَيْهِ صَبْرًا﴾

[«ایشته شوبیان اولونان اسباب خفیه یاموسی! سنک صبرینه قادرا اولامادیغک شیرلرک تأویلدر»] دیکله خضر حضرت موسایه رفاقننده وقوعبولان حادثاتک اسباب خفیه سنی علی وجه التفصیل بیان بیورمشدر.

قاضی و خازنک بیانلری وجهله یتیملرک اسملری (اصرم) و (صرم) و پدرلرینک اسمی ده (کاشح) و یاخود (دخسون) در. کنزله مراد؛ آنترمه بر لوصدر که آنده «قدره ایمان ایدوبده حادثاته محزون اولان کیمسه یه ورزقه ایمان ایدوبده مشقت چکنه و موته ایمان ایدوبده فرح و سرور ایدنه و یوم قیامتده حسابیه ایمان ایدوبده غفلت ایدنه و دنیانک انقلابی بیلوبده اعتماد ایدنه بن تعجب ایدرم عبارده سی» یازیلیدر دنیلمش ایهده اصح اولان کنزله مراد؛ آنترمه و کوشمه بر دینه در. زیرا کنز؛ مالیه خزینه اطهره اولومور متعارفدر. متعارفک خلافتی اختیاره حاجت اولمادیغی کبی خلافتی ارتکابه بر دلیلده یوقدر. بناء علیه؛ متعارف اولان هزیه معاسنه اولمی اولی و اصحدر. بوآیتده یتیملرک خزینه لرینک حفظنه سبب؛ پدرلرینک صلاحی اولدیغنه اشارت وارد. چونکه؛ صالح بر کیمسه نک سینه اولادی و اولادینک اولادی و قوم و قبیله سی و حتی قومشولرینک او صالح اولان کیمسه ایچلرنده بولندجه محفوظ قالا جقلرینه دائر بر چوق اثرلر وارد. زیرا؛ سودیکی بر کیمسه سایه سنده بعض قوللرینی جناب حقت سایه بان اتمسی بعید برشی دکدر. نصل که پادشاهک مقربنی اولان بر کیمسه نک طرفلری آنک سایه سنده سایه بان اولورلر. ایشه الله تعالی ده سودیکی قولنک اولاد و احفادینی حمایه ایده چکنه بوآیت دلالت ایتکده در.

اسباب خفیه بیانده خضر جناب حقه قارشنی حسن ادبه رعایت ایتشددر. چونکه؛ برنجی مسئله ده گمی بی عیلامنی کندی نفسنه نسبت و ایکنجی مسئله ده چوجنی قتل کندینه و چوجنک رینه خیرلی بر بدل ایجادی الله تعالی یه اسناد و اوچنجی مسئله ده یتیملرک حقوقنی محافظه بی الله اسناد ایتدی. زیرا؛ پدرلرینک صلاحی سببیه اولادی محافظه آنجق الله مخصوصدر. خضرک نی ویا ولی اولمسنده اختلاف اولوب دلیللر یکدیگرینه تعارض ایتدیکندن برطرفه قطعی حکم یوقدر. خضر وفات ایتدی بر حیاتمیدر؛ بوراسنده قطعی دلیل یوقدر. بعض علما دیریدر، سنده بر دفعه حج موسمنده (منا) ده اجتماع ایدر «دیمشدر ایه بزم ایچون العلم عنده الله دیمک دهها اولادر.

ایشته جناب حق خضرله موسی علیه السلام آره سنده جریان ایدن بو وقعه بی بیانله امت محمدیه بی برچوق اسرار و واقف قیلمش و ظاهرده ضرر کبی کورینن حادثه لرک باطنده برچوق حکمتلری و منفعتلری متضمن اولدیغنه اعتقاد ایتک لازم اولدیغنی و اولمش بالغک دیرلمسینه حشرک وقوعنه و انسانلرک دیریه چکنه اینانمق و علم ایچون مشقت چکمک و مسافه بعیده یه سیر و سفر ایتک لازم اولدیغنی اکلاتمشدر.

خلاصه؛ برانسان کندی علمنه تعجب ایتهمک و ظاهرده ای کورمیدیکی شیئه درحال اعتراض ایله مک و او شیده بر چوق منفعت و اسرار خفیه اولدیغنی دوشونمک و تحصیل علم ایچون سیر و سفری اختیارله مشقته تحمل و معلمه قارشنی صوک درجه تواضع ایتک و معلمک حضورنده سوزینه دقت ایتک و تلمیذن واقع اولان قصور اوزرینه درحال مؤاخذه قیام ایتهمک امر مشروع اولدیغنی بوقصده دن مستفاد اولان فوائد جمله سندندر.

**

واجب تعالی خضرله موسی علیه السلامک رفاقننده واقع اولان بعض عجایی بیاندنصرکه
(اسکندر) ک احوالی بیان ایتک اوزره ﴿وَيَسْأَلُونَكَ عَنِ الْقَرْيَتَيْنِ﴾ بیوربیور.
[حییم! مشرکر سکا ذوالقرنینک احوالندن سؤال ایدرلر.]

﴿قُلْ سَأَتْلُو عَلَيْكُمْ مِنْهُ ذِكْرًا﴾

[سن آنلره جوابده دی که « بن سزک اوزریکزه ذوالقرنینک احوالندن خبر تلاوت ایدرم که او خبر آنک احوالی متضمن وتفصیلاتی سزه بیلدیرر » .]

﴿ إِنَّا مَكْنَاهُ فِي الْأَرْضِ ﴾

[زیرا ؛ بز یربوزنده ذوالقرنینه قدرت و یردک و برجوق شیئه قادر قیلدق .]

﴿ وَآتَيْنَاهُ مِنْ كُلِّ شَيْءٍ سَبَبًا ﴾

[و بز آکا هرشیدن سبب و یردک .]

﴿ فَاتَّبَعَ سَبَبًا ﴾

[بناء علیه ؛ ذوالقرنین هر نه به باشلاسه سینه تابع اولدی وسینه تشبث ایتمکسزین ایشه باشلامادی .]

یعنی ؛ ای رسول اکرم ! یهود ونصاری ومشرکک طرفندن امتحان صورتیه ذوالقرنینک احوالندن سکا سؤال ایدرلر . سن آنلره جوابده « اسکندرک احوالی متضمن طرف الهیدن وارد اولان قرآنی بن سزه تلاوت ایدرم » دیمکه جواب و یره جگنی وعدایت . زیرا ؛ بز لطفمزله آنی یربوزنده تصرفه قادر قیلدق وایسته دیکی مطلوبنه واصل اولق ایچون آنک ایسته دیکی هر شیئه سبب خلق ایتدک وهر نوع سببی بز آکا و یردک و اوده هر نه زمان برشی مراد ایدرسه اوشیئک سینه اتباع ایتدی و آرزوسنه واصل اولدی . (اسکندر) ک روم ملتندن (فلیقوس) ک اوغلو اولمسنه دائر بعض تاریخده بیان اولونان روایت یا کلیشدر . زیرا آیتده بیان اولونان اسکندر ؛ حضرت ابراهیم زماننده یمنده (حمیر) قبیله سندن صالح بر کیمسه در . آکا صلاحی سببیه الله تعالی هر مرادینی و یرمشد . حق کیجه و کوندوز اسکندر ایچون مساوی و یربوزنده یورومک آنک ایچون غایت قولای اولدینی حضرت علیدن مرویدر . رومی الاصل اولان (اسکندر) (ارسطو) نک تلیذرندن بر رجل فاجردر . کرچه برجوق برلری ممالکسه ربطله تحت تسخیرینه آلمش ایسه ده قرآنده بیان اولونان وجناب حقلک ثنا ایتدیکی (اسکندر) ، بودکدر .

اسکندرک ممالکی مغرب و مشرق جهنلرینه اندام ایتدیکنره ذوالقرنین

دنیلیمشد . یا خودناهنره موهوهراند مصنع ایکی بونوز اولم یغدره ذوالقرنین دنیلیمشد . عمرینک بیک اوتوزه بالغ اولدینی مرویدر . چونکه ؛ دنیانک هر طرفنی کز می و بر چوق شهرلر وقصه لر بنا ایتمی عمرینک غایت اوزون اولمسنه دلالت ایدر . زیرا ؛ بوقدر ممالکی دولاشمق وید قبضه آلمق آرزو مانده اولور برشی دکدر .

..

واجب تعالی اسکندرک احوالندن مغرب جهته سیر وسفر ایتدیکنی بیان ایتک اوزره ﴿ حَتَّىٰ إِذَا بَلَغَ مَغْرِبَ الشَّمْسِ وَجَدَهَا تَغْرُبُ فِي عَيْنٍ حَمِئَةٍ ﴾ بیوریور . [حتی اسکندر کونک ایندیکی یعنی مغرب جانبندن معموره نک نهاییسنه بالغ اولدیغنده کونشی چامورلی برصو ایچنده اینر بولدی وایله کوردی .]

﴿ وَوَجَدَ عِنْدَهَا قَوْمًا ﴾

[و کونک ایندیکی یرده و معموره نک نهاییسنده بر قوم بولدی .]

﴿ قُلْنَا يَا ذَا الْقُرْنَيْنِ إِنَّمَا أَنْتُ تُعَذِّبُ وَإِنَّمَا أَنْتُ تُخَذِّفُ فِهِمْ حُسْنًا ﴾

[او قومی بولونجه بز اسکندری مخیر قیلدق و دیدک که « ای ذوالقرنین ! ایسترسه ک کفرلرندن دولایی سن آنلری تعذیب واهلاک وایسترسه ک سائر قوملر کی آنلره ده شریعتی تلقین ایتمکه آنلر حقنده کوزل بر طریق اتخاذایت . » آنلر حقنده اسکندرک وضعیتی تعیین وایکی جهتن برینی اختیار بیتده مخیر قیلدق .]

﴿ قَالَ إِنَّمَا مَنْ ظَلَمَ فَسَوْفَ نُعَذِّبُهُ ثُمَّ يُرَدُّ إِلَىٰ رَبِّهِ فَيُعَذِّبُهُ عَذَابًا نُّكَرًا ﴾

[اسکندر دیدی که « اما شول کیمسه لر که کفرله نفسنه ظلم ایتدی . بز آنی قتل ایتمکه البته تعذیب ایدرز ، صکره ربسنه رد اولونور و ربسی ده اکا امانی کور و لمامش و بیلمندک بر عذابله عذاب ایدر . »]

﴿ وَآمَّا مَنْ آمَنَ وَعَمِلَ صَالِحًا فَلَهُ جَزَاءُ الْحُسْنَىٰ وَنَسْقُولُ لَهُ مِنْ أَمْرِنَا يُسْرًا ﴾

[« واما شول کیمسه که ایمان ایتدی و عمل صالح ایشله دی . آنک ایچون کوزل جزا وارد و آکا بز شریعتیزدن غایت قولای اولان احکامی سویلرز » .]

یعنی ؛ بز (ذوالقرنین) قدرت و یروب هر شیک سببی خلق ایدنجه (ذوالقرنین) کونشک ایندیکی یره واردیغنده کونشی چامورله قاریشیق صو یعنی بالچیق ایچنده اینر کوردی و چامورله قاریشیمش بر پیکاردن غروب ایدر بولدی که « بحر محیط ساحلنه وارنجه کونشی صو ایچنده غروب ایدر کوردی » دیمکدر . او کونشک ایندیکی یرده بر قوم بولدی که آنلر صانعی انکار ایدر کافر لردی . بناء علیه بز ذوالقرنینه « ایسترسک آنلره عذاب و ایسترسک آنلر حقنده بر کوزل طریق اتخاذا ایدر ایمانه دعوت و ارشاد ایدرسک » دیدک و بو منوال اوزره بز (اسکندر) ی مخیر قیلنجه اسکندر عدالت و انصافی التزام ایدرک دیدی که « بن اولاً آنلری ایمانه دعوت ایدر و کلمه توحیدی تلقین ایدرم . بنم دعوتم اوزرینه شول کیمسه که دعوته اجابتدن امتناع و مألوف اولدیغی کفره اصرار و هوا و هوسنه اتباع ایله نفسنه ظلم ایتدی . بز آنی کفرندن طولای الیه قتل ایتمکه عذاب ایدرز . بز قتلمزدن صو کره ربسنه رد اولونور . بناء علیه ؛ ربسی ده اهل دنیاچه معلوم اولماق و امثالی کورولمک شدتلی عذابه عذاب ایدر . اما شول کیمسه که بز دعوتیزه اجابتله ایمان ایتدی و ایمانک مقتضای اولان عمل صالحی ایشله دی . بز آنک حافی اصلاح ایدرز و آخرته ایمان و عملنه مکافات اولارق آنک ایچون کوزل جزا و درجات عالیات وارد و بز آکا امرمزدن غایت قولای اولانلری سویلر و کوزل معامله ایدرز و سهولت کوسترز ، ایشنی قولای قیلارز » دیمکه اسکندر او قومه ایکی طریق کوستردی که نتیجه سی یا ایمان و یا خود قیلیدر .

فخر رازینک بیانی وجهله اسکندرک امرندن سهولت له مراد ؛ زلات ، مزاج و سایر تطایفه قولایله کوسره بکنی و عذر .

مغرب له مراد ؛ کونک ایندیکی برده معموره نك نوکندیکي محله . « کونشی چامورله قاریشیمش صودن ایندیکنی کوردی » دیمک دکرده بولونان کیمسه نك کونشی صودن اینر کوردیکي کي « بحر محیط ساحلندن اسکندر کونشی بالچیقندن اینر کي کوردی » دیمکدر ، یوقسه حقیقته بالچیقله قاریشیق صودن ایندی دیمک معناسنه دکلدر .

چونکه ؛ کره شمس کره ارضدن یوز آلتش نسبتده بویوک اولدیغی اهل رصد عندنه تخمین اولونمقده در . شو حالده بوتون ارض شمسه واسع اولاماز که ارضک بر جزئی واسع اولسون و ارضک بر طرفدن کونک اینسی دیگر طرفدن طوغمسیدر . زیرا ؛ بر طرفده نصف النهار اولورسه او بر طرفده کیجه یاریسی اولور . و کذلک بر طرفده کوندوز اولورسه دیگر طرفده کیجه اولدیغی ثابتدر . بناء علیه ؛ هر مملکتک طلوعی و غروبی او مملکتک وضعیت جغرافیسنه تابعدر که بعض بلده نك کونشی طاغدن و بعضیسنک اووه دن و بعضیسنک ده صودن ایندیکی کوریلور . ایشته اسکندر ده مغرب جهتنده کونشی چامورله قاریشیمش صودن اینر کوردیکي بو آیتله جناب حق بیان بیورده شد . اسکندرک نبی و یا ولی اولدیغی حقنده اختلاف وارد . « نیدر » دییه نلر بو آیتله استدلال ایتمشلردر . چونکه « جناب حق بو آیتده ذوالقرنینه خطاب و ندا ایتدیکنی بیان ایتشد . جناب حقک خطابی و حی ایله اولور . و حی ایسه انبیاه مخصوص اولدیغندن بو آیت اسکندرک نبی اولدیغنه دلالت ایدر » دیدیلر . اسکندرک ولی اولدیغی بیان ایدنلر « بو آیتده ندا ایله مراد ؛ الهام و یا خود زمانده بولونانه نبی واسطه سبله نما اولونری » دیدیلر العلم عند الله . اسکندرک مغرب جهتنده تعذیب و یا ارشاد ایله مأمور اولدیغی قومک لباسلری حیوانات وحشیه نك دریلری و طعاملری ایسه دکرده یاشایان حیوانلرک آنلری اولوب اقوام وحشیه دن کفرله مألوف اولدقلری قاضینک جمله بیاناتنددر .

**

واجب تعالی (اسکندر) ک مغرب جهتنه کیتدیکنی بیاندنصکره مشرق جهتنه کیتدیکنی بیان ایتک اوزره ﴿ ثُمَّ اتَّبَعَ سَبَبًا * حَتَّىٰ إِذَا بَلَغَ مَطْلِعَ الشَّمْسِ وَجَدَهَا تَطْلُعُ عَلَىٰ قَوْمٍ لَّمْ يَجْعَلْ لَهَا مِنْ دُونِهَا سِتْرًا ﴾ بیوریور .

[ذوالقرنین مغرب جهتنه کیدوب اهالی آره سنده قوانین شرعیه یی وضع و تأسیس ایتد کدنصکره مشرق جهتنه کیتمک اوزره سبب آخره توسل و تبعیت ایتدی . حق اقصای شرقه کونک طوغدیغی محله واردیغنده کونشی بر قوم اوزرینه طلوع ایدر بولدی که

او قومله کونش آره سنده بز عظیم الشان بر پرده خلق ایتمک . [بناء علیه ؛ کونش طوغونجه در حال آنلرک اوزرینه طوغار آرده طاغ ، تبه و آغاج و سائر کبی بر حائل یوقدر .

﴿ كَذَلِكَ ﴾

[ایشته اسکندرک حال و شانی وقوت و قدرتی و ملکنتک وسعتی بزم بیان ایتدیکمز کبی و اهل مغرب حقنده مخیر اولدینی کبی اهل مشرق حقنده دخی مخیردر .]

﴿ وَقَدْ أَحَطْنَا بِمَا لَدَيْهِ خُبْرًا ﴾

[حالبوکه بز اسکندر عتدنده اولان احوالی خبر جهتدن احاطه ایتدک ، هر حاللرینی بیلیرز .] بناء علیه ؛ اسکندرک عسکری و آلات حربی و جلادت و شجاعتی بیلدیکمز کبی اسکندره دشمنلرینک حاللرینی خبر و یردک و اسکندر غلبه ایدرک مغرب اهالیسی کبی مشرق اهالیسی دخی ایمانه دعوتله قوانین شرعیہی وضع ایتدی و آنلری ده ارشاده حسن حاله نائل و نعمت ایمانه متعم قیلدی .

نعمت الله افندینک بیانی وجهله مشرق اهالیسی غایت شجیع و امور حربده ماهر و آلات حربده و اسلحه ده اوزمانده موجود اقوامک کافه سی فائق و حرب ایچون حاضر لقلری و نفوسلری پک چوق اولدینی حالده جناب حق آنلرک حیل و دیسیه لرینی اسکندره بیلدیردی . بناء علیه ؛ اسکندرک عسکری آز اولدینی حالده آنلره غلبه ایتدی و ایمانه دعوتله ارشاده چالیشدی و قوانین شرعیہی وضع و تأسیسه موفق اولدی .

(خُبْرًا) « اسکندر عتدنده اولان لیاقت و صلاحیت سیبیله بز آنی خبرله احاطه ایتدک ، یعنی هر شیدن خبردار ایتدک » دیمکدر که « اسکندره قدرت و یروب شرقه و غربه مالک قیلدیغمزده بز آنک بوملکه صاحب اولوب استقلال اوزره تصرفه لیاقتی محقق اولارق بیلدک » دیمکدر . (کَذَلِكَ) « اسکندرک اهل مشرقله حالی اهل مغربله حالی کبی اولدی . زیرا ؛ هر ایکی قومده ظالملره عذاب و مؤمنلره احسانله حکم ایتدی و مغرب جهتدن اسبابه نصل توسل ایتدی ایسه مشرق جهتده دخی اولیه جه توسل ایتدی » دیمکدر . (بما لَدَيْهِ) ضمیری مطلع شمسه راجع اولدیغنه نظراً معنای نظم : [شمسک طلوع ایتدیکی محله کی خبرلری بز احاطه ایتدک و اسکندره خبر و یردک] دیمکدر .

واجب تعالی اسکندرک مغربه و مشرقه وصلت ایچون اسبابه تابع اولدینی بیاندنصرکه شمال جهته عطف نظر ایدرک وصلت ایچون اسبابه توسل ایتدیکنی بیان ایتک اوزره ﴿ ثُمَّ أَتَّبَعَ سَبَبًا ﴾ حَتَّىٰ إِذَا بَلَغَ بَيْنَ السَّدَّيْنِ وَجَدَ مِنْ دُونِهِمَا قَوْمًا لَا يَكَادُونَ يَفْقَهُونَ قَوْلًا ﴿ بیور بیور .

[مشرق جهته واصل اولوب احکام شرعیہی اجرادنصرکه ذوالقرنین سبب آخره توسل ایتدی . مغربله مشرق آره سنده کی اراضی کی کزدی حتی سدن آره سی که شمال جهتنک نهایی سی و تورکستان اراضینک توکندیکی محله ایکی طاغ آره سنه بانع اولدیغنده ایکی سده وراسنده سوزلری آکلا شیلماز وکندیلری سوز آکلامازلر و آکلامغه یقین بیلله اولمازلر بر قوم بولدی .]

﴿ قَالُوا يَا ذَا الْقُرْآنِ إِنَّ يَأْجُوجَ وَمَأْجُوجَ مُفْسِدُونَ فِي الْأَرْضِ ﴾

[او قوملر دیدیلر که « ای ذوالقرنین ! یأجوج و مأجوج محقق ارضی افساد ایدرلر . »]

﴿ فَهَلْ نَجْعَلُ لَكَ خَرْجًا عَلَىٰ أَنْ تَجْعَلَ بَيْنَنَا وَبَيْنَهُمْ سَدًّا ﴾

[« سن آنلره بزم آره مزه بر سد یا بمق اوزره بز سنک ایچون بر خرج طویلایلمی و بینمزده تقسیم ایدرک بر خرج جمع ایدرکه سن بزه قوت و قدرتکله آنلرک بزم طرفزه کچلمرینه مانع اولاجق بر سد یا پارمیسک ؟] زیرا ؛ آنلرک افساد اتندن جانمز یاندی . چونکه ؛ انواع خسارات و فساداتی ایقاع و ملزمی نهب و غارات و جانمزی قتل و افنا ایدرلر . بونلرک شرندن بزی قورتار « دیمکه استرحامده بولوندیلر .

اسکندر بو قومه واصل اولونجه ترجمان واسطه سیله یأجوج و مأجوجک حالندن شکایت و اظلم ایتدیلر و آنلرک بلاسندن قورتولق ایچون مصرفه تحمل ایده جکلمرینی بیانه اسکندرک قوتندن استفاده ایتک ایسته دیلر .

بیضاوینک بیانی وجهله یأجوج و مأجوج ایکی قیلله اولوب حضرت نوحک اوغلو (یاقث) اولادنددرلر . بونلر اراضی تورکی افساد ایچون بهاردن چیقارلر ، اصلاً یشیلک

قویماز بیرلر . حیوانلرینه ییدیرلر و کوز کلنجه اهلینک آئنده بولنان حاصلاتی چالار ، چاربار ، آلیر ، کوتوروز داخل مملکتلرینه چکیلور کیدرلر . حتی غلبه ایتدکلری انسانلری اولدورمکدن دخی چکینمز لر بر طاقم انسان صورتنده بیرتیجی حیوانات قیلندن فاجر کیمسه لردر . اهلینک شکایتی اوزرینه اسکندر سد یا مقله اهلانی ، آنلرک ایراث ایتدکلری خسارلرندن قورتارمقله سلامتیه چیقمشلردر .

سدين ؛ ایکی طاغ دیمکدر . ذوالقرنینک بناسی بوایکی طاغک آره سنده وقوع بولاشدور . بو طاغلرک تورکستانک نهاییه سنده اولدینی بیضاوی ونیسابورینک جمله بیاناتلرندندر .

**

واجب تعالی شمال اهلینک اسکندره التجاری اوزرینه اسکندرک جوابی بیان ایتمک اوزره

﴿ قَالَ مَا مَكَّنِّي فِيهِ رَبِّي خَيْرٌ فَأَعِينُونِي بِقُوَّةٍ أَجْعَلْ بَيْنَكُمْ وَبَيْنَهُمْ رَدْمًا ﴾ بیوریور .

[ذوالقرنین ، ناسک « بز سکا مصرفی ویره لم سن بزه برسد یاپ » دیملری اوزرینه جواب اولارق « ربمک فضل و کرمندن بکا ویرمش اولدینی نعمت و قدرت ، سزک ویره جککز خرجدن خیرلیدر . بناء علیه ؛ سزک ویره جککز ماله احتیاجم یوقدر . شوخالده سز بکا عمله و آلات و ادوات جهندن قوتکزله یاریم ایدک . بن آنلرله سزک آره کزه بز سد یاپیم که او سد آنلرک سزک طرفکزه کچملرینه مانع اولسون ، سزده راحت ایدک » دیمکه سدی یاپاجغنی بیان وقومی مسرور ایتدی .]

(ردماً) هاجز مصیبت یعنی محکم بر دیوار دیمکدر که سددن دهابویوک وصاغلامدر . شوخالده اسکندر آنلرک ایسته دکلیخی زیاده سیله قبول ایتشدور . یعنی « بن سزه متین بر دیوار یاپیم که دنیانک آخرینه قدر تخریب اولونماسون » دیمکدر . خازنک بیانه نظراً قوت ایله مراد ؛ عمد و ارباب صنعتک صنعتلری و اهلینک برنلرله خدمتلمر .

**

واجب تعالی اسکندرک ناسه « قوتکزله یاریم ایدک » دید کدنصکره قوتی تعریف ایتدیکنی بیان ایتمک اوزره ایراد ایتدیکی نطقنی علی طریق الحکایه بیان ضمتده ﴿ اَتُونِي زُبَرَ الْحَدِيدِ حَتَّىٰ إِذَا سَاوَى بَيْنَ الصَّدَفَيْنِ قَالَ انْفُخُوا ﴾ بیوریور .

[اسکندر ناسه خطاباً « کتیرک دمیر پارچه لرینی » دیدی . ناس آنک امرینه امتثالاً دمیر پارچه لرینی کتیردیله ، حتی ایکی طاغک آره سی طاغلرک ارتفاعله برابر طولدیغنده اسکندر ناسه « اوفورک کوروکلرله یا قک آتشی » دیدی] و اطرافه قونولش کوروکلرله هر طرفدن اوفورولسنه امر ویردی .

﴿ حَتَّىٰ إِذَا جَعَلَهُ نَارًا قَالَ اَتُونِي أُفْرِغْ عَلَيْهِ قِطْرًا ﴾

[حتی دمیرلرک آره لرینه قونولش اولان اودونلر آتش اولونجه دمیرلری آتش قیلدیغنده دیدی که « کتیرک بکا دوکهیم آنک اوزرینه اریمش طونجی » . ناس آنک امری اوزرینه اریمش طونجلی دوکدیلر و ایکی طاغک آره سی طاغلرک ارتفاعلرله برابر دمیرله طونجیدن دوکولش پارلاق و مصیقل بر دیوار اولدی .]

﴿ فَمَا اسْتَطَاعُوا أَنْ يَظْهَرُوهُ وَمَا اسْتَطَاعُوا لَهُ نَقْبًا ﴾

[بناء علیه ؛ یا جوج و مأجوج بردها طاغک اوزرینه چیقمغه قادر اولامدقلری کبی او دیواری دهلوب کچمکه دخی قادر اولامادیلر .]

یعنی ؛ اسکندر ناسله یا جوج و مأجوج آره سنده برسد یا بمق وعد ایدنجه ناسه سدک ادواتی حاضر لاقمله امر ایتدی و دیدی که « کتیرک بکا دمیر کواچه لرینی » . ناس اسکندرک امری وجهله دمیر کواچه لرینی کتیردیله . حتی طاغک آره سی دمیر کواچه لری ایله طولدیغنده دیدی که « اوفورک کوروکلرله » . ناس کوروکلرله هر طرفدن اوفوردیلر . حتی دمیرلر و دمیرلرک آره سته قونمش اولان اودونلر آتش اولدی . بونک اوزرینه اسکندر « کتیرک بکا اریمش طونجلی دوکهیم آنک اوزرینه » دیدی . طونجلی دوکدیلر . بناء علیه ؛ یا جوج و مأجوج طاغک اوزرینه چیقمغه و طانگی دهلمکه قادر اولامادیلر .

نعمت الله افندی و مدارکک بیانلری وجهله اسکندر یاپاجنی سدک تمنی صویه قدر

خلاصة البيان : طقوزنجی جلد — ۱۵

قازدیروب تملی باقر ودمیرله یابدقدنصکره یرک یوزینه چیقنجه آلتنه اودون وکمر و اوستنه دمیر دوشه مک صورتیه ایکی طاعک ارسنده کی دره لری طاعلرک ارتفاعه قدر آیتده بیان اولوندیجی وجهله مساوی قیلدقدنصکره اطرافدن اوزون بورولو کور وکلرله آتشی یاقغه ودمیری اریتمک باشلادی . شدتلی کور وکلرله آتش یاندی . تماماً طاعلرک ارسه سی آتش اولوب دمیر آتش کی قیزاردقدنصکره دمیر کواچه لرینک ارسه لرندکی بوشقلری قاپاتمق اوزره خارجه اریتمش و حاضر لایمش طونجلی ، طونجدن یایلمش اوزون اولوقلر واسطه سیله نهرلرده آقان صوکی طونجی دمیرلر اوزرینه دوکک صورتیه دمیرلرک ارسه لرندکی بوشقلری قاپاندی . بناء علیه ؛ ایکی طاع ارسنده ، یاجوج و مأجوجله تورک اراضیسی ارسنده اولان طریق موصلتی کسدی . آندنصکره طاع باشنه چیقماق و یاده لوب کچمک صورتیه آنلرک یول بولامدقلرینه بوآیت دلالت ایدر .

ایشته شو زمانده کورولمش اولان صنعتلره نظر ایدلایکندنه بوکی بویوک کور وکلره اوزون بورولر طاقق و اوزاق مسافه دن اوفورولمک صورتیه دمیرلری یوموشاته جق آتشلرک یانمسيله دمیرلرک آتش کی قیزارمسی و اریتمش طونجلی ارسه لرندکی اولان بوشقلری تولدورمق ایچون دوکسی بعیدد اولونماز . باخصوص زمانمزه قرق ایکیلک طوپلرک و واپورلرک قازانلرینک ودها جسم شیلرک دوکولدیکنی کورونجه اسکندرک سد ایچون احضاراتنده ومهم آلات وادواتیه سدی بنا ایتدیکنده شبهه اولونماز .

زبر ؛ بویوک دمیر یاریمه میر . اسکندرک اولجه «سزک ویره جککمز خرجه احتیاجم یوق» دیمسه مقابل خلقدن دمیر پارچه لری ایسته مسی یکدیگرینه منافی دکدر . زیرا خرچ ؛ اسکندرک ملک اولق اوزره ویریه جک شیدر . دمیر و طونج ایسه انشا اولونان سده معاونت قیلندن اولدینی جهته « خرجه احتیاجم یوق» دیمکدن « معاونته احتیاجم یوق» دیمک لازم کلدیکی بیضاوینک جمله بیاناتنددر .

خلاصه ؛ ذوالقرنینک یاجوج و مأجوجک مرورینه مانع اولاجق برسد یاقق ایچون ناسه دمیر کولچه لر کتیرملرینی امر ایتدیکی ودمیر کولچه لرینک ارسه لرینی اودون وکمر کی آلات ناریه ایله تولدوروب ایکی طاعک ارسه سی طاعلرک ارتفاعه مساوی قیلدیغنده اطرافه قوردورمش اولدینی کور وکلرله اوفورولمسی امر ایتدیکی حتی اوکور وکلر دمیری آتش کی

قیلدیغنده « کتیرک بکا اریتمش طونجلی دوکیم بونک اوزرینه » دیدیکی وایکی طاعک ارسه سی طاعلرله برابر یک پاره دمیرله طونجدن یایلمش برقلعه اولدینی و بونک اوزرینه یاجوج و مأجوجک طاعک اوزرینه چیقماق و یاخود دهکک صورتیه کچمک قادرا اولامدقلری بوآیتلردن مستفاد اولان فوائد جمله سنددر .

واجب تعالی اسکندرک سدی بنا ایتدیکنی بیاندنصکره شکر مقامنده ایراد ایتدیکی نطقنی بیان ایتک اوزره ﴿ قَالَ هَذَا رَحْمَةٌ مِنْ رَبِّي فَاِذَا جَاءَ وَعْدُ رَبِّي جَعَلَهُ دَكَّاءَ وَكَانَ وَعْدُ رَبِّي حَقًّا ﴾ بیوریور .

[ذوالقرنین سدی بنا ایتد کدنصکره الله شکر ایتک اوزره دیدی که « ایشته شو سد ربمک قوللرینه بر ، احسانی ونعمتیدر و بوسدی بنا ایتمک و یرمش اولدینی قدرت محضا احسان الهیدر وربمک وعدی کلدیکندنه ربم بوسدی ارضه مساوی قیلار . بناء علیه ؛ دنیانک هر طرفی خراب اولدینی کی بوسد دخی خراب اولور . زیرا ؛ ربمک وعدی حق و ثابت اولدی ، اصلاً تخلف ایتمز .] ذوالقرنین بوسوزلریله شکری ادا وسدک قوت و متانتی بیان ایتدی . بناء علیه ؛ جناب حق و یردیکی نعمتک شکری ادا واجب اولدینی کی انسان یایلمش اولدینی برایشک ایلکندن بحثک جوازینهده بوآیت دلالت ایدر .

تفسیر خازنده (ابو هریره) حضرتلرندن روایت اولنان بر حدیثده رسول اللهک « یاجوج و مأجوجک قیامتک قیلنده سدی دهله رک چیقه جقلرینی وارض اوزرندهر جوق افسادات یاجقلرینی واکلرینه کلن اکثر بلادی تخریب ایده جکلرینی » بیان بیوردینی مزویدر .

اسکندرک سدی قطعیدر . یاجوج و مأجوج اسمنده انسانلردن ایکی طائفه اولدینی دخی قطعیدر . زیرا ؛ جناب حق قرآنده هر ایکسینی ده صورت قطعیهده بیان ایتشد . بناء علیه بونلری انکار ؛ صراحت قرآنی انکار اولدینی جهته کفردر . فقط سدا اسکندرک کشف اولونمسی جهته کلنجه ؛ الیوم بویه بر کشفیات یوقدر . سدک محلهده کلنجه ؛ قطب

شمالی جهنمه اولدیغه قرآن دلالت ایتکده در . زیرا اسکندرک مغرب و مشرق جهتلرینه سیر و سفر ایدوب اورالده بولونان انسانلرله تماس ایتدیکنی بیاندنصرکه اوچنجی سفرنده خلقک شکایتی اوزرینه سدی بنا ایتدیکنی جناب حقک بیان بیورمسی ؛ سدک شرق و غرب جهتلرنده اولمادیغنی بیان ایتکدر . مفسرینک و بعض مورخلرک بیانلری وجهله اسکندرک اوچنجی سفرینک جنوبدن شماله طوغرو اولماید . شو حالده سدک شمالده اولدیغنی آکلاشیلمقده در . آنجق « مرور زمانله سدک اوزری قنوب سیر و سفر ممکن اولدیغدن برآرهلوق شرق شمالدن سیل کبی اقوبکن اقوامک یاچوج و مأجوج اولمسی محتملدر » دیبه نلر واریسه ده بواحتمال ضعیقدر . چونکه ؛ حدیث شریفلرده بیان اولونان تفصیلات وجهله هنوز یاچوج و مأجوج حادثه سی وقوعبولماشدر و بالخاصه سدی دلمک صورتیه کچه جکلرینه دائر بر چوق احادیث جلیله موجوددر . حالوکه دمیرله تونجندن یاپلش برقلعه دن دلمک صورتیه تونل یاپیلوب کچلیدیکی معلوم دکلدر .

**

واجب تعالی سدک اکلانی بیاندنصرکه قیامتک قیلنده یاچوج و مأجوجک چیققلرنده وقوعبولاجق احوالی بیان ایتک اوزره ﴿وَتَرَكْنَا بَعْضَهُمْ يَوْمَئِذٍ يَمُوجُ فِي بَعْضٍ﴾ بیورمور .

[یاچوج و مأجوجک سدی دلوب چیققلری کون آنلرک بعضیسی بعضیسنه داخل اولارق بز ترک ایدرز وکال ازدحامدن آنلرک بعضیسی بعضیسنه قاتیلور وکثرلرندن وافساداته حرص وطمعلرندن ناشی چکرکه کبی اوکلرینه کن بلادی صیقیشقین برحالهده تخریباته دوام ایدرلر .]

﴿وَنُفِخَ فِي الصُّورِ﴾

[اسرافیل طرفندن صوره اوفورولور قیامت قائم اولور .]

﴿جَمَعْنَاهُمْ جَمْعًا * وَعَرَضْنَا جَهَنَّمَ يَوْمَئِذٍ لِلْكَافِرِينَ عَرْضًا﴾

[بناء علیه ؛ بز انسانلری جمع ایتک صورتیه حساب وجزا ایچون جمع ایدرز و اوکونده کافرلری جهنمه عرض ایتکله عرض ایدرز .]

﴿الَّذِينَ كَانَتْ أَغْنِيَهُمْ فِي غِطَاءٍ عَنْ ذِكْرِي وَكَانُوا لَا يَسْتَطِيعُونَ سَمْعًا﴾

[جهنمه عرض اولونان شول کافرلرکه آنلر دنیاده بز قدرتمزه دلالت ایدن آیتلردن کوزلری پرده ایچنده وکله حق و طوغرو سوزی ایشتمکه قادر اولمازلردی .]

یعنی ؛ بز یاچوج و مأجوج قهرمز مقتضای اسکندره سدی بنا ایتدیردک . وقت مرهونی کلدیکنده آنلرک چیقملرینه سهولت اولق اوزره سدی دهلدیروب چیقاردیغمن کون ناسک بعضیسی آنلردن فرار ایده رک بعض آخرک اراضیسنه کیرر و آنلرک بعضیسی بعضیسنه صیقیشقین بر حالده هجوملری سبیلله مملکتلر طارالیر ویه جک وایچه جک خصوصنده خلق مضایقه چکروبولرک تموجاتندن بوتون انسانلر مضطر و مضطرب اولور وخلقک بواضطرابی زماننده امر الهی اوزرینه اسرافیل طرفندن صوره اوفورولور قیامت قائم اولور . بناء علیه ؛ محاسبه و مجازات ایچون بز محشره انسانلری جمع ایدرز و اوکونده کافرلری جهنمه عرض ایدر کوستریرز که ده اجهنمه کیرمکسزین واره جقلری برلری کورسونلر . آنلر شول کافرلرکه آنلرک کوزلری دنیاده قرآنی کورمکدن پرده ایچنده در و طوغرو سوزی ایشتمکه قادر اولمازلردی . چونکه ؛ قبلرینک قساوتی و طینتلرنده اولان تیرد حق کورمک و ایشتمکه مانع ایدی .

یاچوج و مأجوجک بعضیسنک بعضیسی اوزرینه تموج ایتدکلری کون ایله مراد ؛ سرک قایانمیری کوره اولور محتمل اولدیگی کبی اوکونده اعتباراً نفرملری هجوم و نفوسلرینه کوره اراضیلری طار اولدیغنده بربری اوزرنده صیقیشوب قالدکلری مراد اولمسی احتمالدن بعید اولمادیغنی فخر رازینک جمله بیاناتنددر .

آنلرک ارض اوزرینه طاغیلوب بر چوق برلری احاطه ایتدکلری حالده مکه ، مدینه و قدس خوالیسنک آنلرک شرنندن امین قالاچنی بعض احادیث جلیله ده مذکوردر . الله تعالی نک بر سینک خلق ایدوب قولاقلرینه کیرمسبیلله آز وقته هلاک اولاجقلری مریددر . آندنصرکه قیامتک قائم اولاجغه بوآیت دلالت ایدر . بناء علیه ؛ بونلرک چیقوب عالمی مضطرب قیلملری قیامتک علامات کبراسندن اولدیغنی کتب شرعیه مزده و بالخاصه عقائد کتابلرنده مذکوردر . بوآیتده کافرلرک حق ایشتمکه قادر اولاماملری ایله مراد ؛

کلمه حقّی ایشتمکه نعت ایللمدی وحقّی آغیر عداوتلری در . رسول اللهدن ایشتمکده
قادر دکلردر . زیرا ؛ شدت عداوتلری کلام نبوی بی دیکله ملرینه مانعدر .

بوآیت جلیله ؛ بش مکی ماوریه : برنجیسی ؛ باوج و ماوجک بیقرقلری کورمه
بعضی بعضی اوزرینه موج ایدرک نرک اولوملریدر . ایکنجیسی ؛ آنر بیقرقلر
صکره صرک اوفورولوب قیادتک قائم اولمیدر . اوچنجیسی ؛ ناسک حساب اوجوه
جمع اولوملریدر ؛ دردنجیسی ؛ لافلرک مهرمه عرصه اولوملریدر . بشنجیسی ؛
مهرمه عرصه اولونانه لافلرک صفندی حقّی کورمه ملری وایشتمکه قادر اولاملریدر .

**

واجب تعالی کافرله جهنمی اظهار ایده جکنی بیاندنصکره کافرله عبادتلیرتک منفعتی
اولیه جفتی بیان ایتک اوزره ﴿ اَحْسِبَ الَّذِينَ كَفَرُوا اَنْ يَتَّخِذُوا عِبَادِي مِنْ دُوْنِي
اَوْلِيَاءَ اِنَّا اَعْتَدْنَا جَهَنَّمَ لِلْكَافِرِينَ نُزُلًا ﴾ بیوریور .

[کفری ارتکاب ایدرلرده ظن ایدرلری شول کافرلرکه آنلر بزم غیری قوللری
دوستلر و معبودلر اتخاذا ایتدیلرده بزم آنلری مؤاخذه ایتیه جکمز ؛ و یوم قیامته
انتقامی آلیه جکمز ؛ اگر بویله ظن ایدرلرسه ظنلری یا کلدردر . زیرا بزم ؛ بزم
غیری بی معبود اتخاذا ایدرلردن انتقامی آلا جفر . چونکه بزم ؛ بزم غیریمزه عبادت ایدن
کافرلر ایچون جهنمی قوناق محلی اولارق حاضرلادق .] شو حالده آنلرک بزم قوللری
و مخلوقلری معبود اتخاذا ایدرک بکا عبادت ایدرکی عبادتلیرتک اصلا منفعتی کوره مینه جکلی
کی مضرتی کوره جکلی محققدر . چونکه ؛ آنلرک حققرنده عبادتلی عین عذاب
اولا جقدر .

یعنی ؛ کافرلر بکا کفر ایدرلرده بزم قوللرمدن بعضیلرینی معبود اتخاذا ایتدیلرندن
منفعتی بکلرلر واولیه می ظن ایدرلر ؛ واینلریمه باقازلر و سوزیمی ایشتمزلرده بزم عذاب

ایتیه جکمی می ظن ایدرلر ؛ هم کفر ایدرلرهمده عذابدن نجاتی امید ایدرلر ؛ و معبودلری
آنلری عذابدن قورتارد جکلری می ظن ایدرلر ؟
کافرلرک جهنمه استحقاقلرینه سبب کفرلری اولدیغنه اشارت واسملرینی تصریحله
ذم ایچون ضمیر موضعنده اسم ظاهر اولارق (کافرین) لفظی وارد اولمشدر . کندیلری
ایچون منفعت ظنله حاضرلادقلری عمللری بدلنده جهنمک حاضرلاندیغنی بیان ایتک ؛
کافرلری تهکم واستهزادر .

**

واجب تعالی اللهک غیری به عبادت ایدن کافرلرک عذاب اولونمایز ظن ایتلرینی انکار
ایتدکن صکره بوکی کافرلرک اک زیاده ضرر ایتدکلیرینی بیان ایتک اوزره ﴿ قُلْ هَلْ
يُنَبِّئُكُمْ بِالْاَخْسَرِیْنَ اَعْمَالًا ﴾ الَّذِينَ ضَلَّ سَعْيُهُمْ فِي الْحَيٰوةِ الدُّنْيَا ﴾ بیوریور .
[حبییم ؛ اللهک غیری بی معبود اتخاذا ایدن کافرلره دی که « بز سزه عمل جهتدن
زیاده ضرر ایدنلری خبر ویره لمی ؟ » اوزیاده ضرر ایدنلر شول کیمسه لرکه آنلرک
حیات دنیا ده سعلری ضایع اولدی و امکلری بوشه کیتدی .]

﴿ وَهُمْ يَحْسَبُوْنَ اَنْهُمْ يَحْسِنُوْنَ صَنْعًا ﴾

[حالبوکه آنلرانی عمل ایشلدک ظن ایدرلر .] چونکه ؛ فقرایه اتفاق ، رهبانیت و سائر
خیرات و حسنات کی کندیلرنجه برچوق عبادت ایدرلر و ظن ایدرلرکه بو عمللرینه بویوک
اجرلر آلا جکلر . حالبوکه بوتون عمللرک اساسی و تملی اولان ایمان اولمادیغندن هپ
امکلری ضایعدر . عجب ورؤیا کی عملی محو ایدن اخلاق فاسده ایله عمل ایدن مؤمنلرک
حاللری ده بویله در . زیرا ؛ آنلرده عمل ایدر و عمللرینی اخلاق فاسده لری افساد ایتدیکندن
عمللرندن اصلا فائده کورمز .] حالبوکه ای عمل ایشلدکلیرینی ظن ایدر و عمللرندن ثواب
امید ایدرلر .]

کافرلر ، عمللری فائده ایده جک ظنله ایشله یوب آخرته اصلا فائده سی اولمادیغنی کی
بلکه وبال و ضرر اوزره ضرر اولاجغنه اشارت ایچون اسم تفضیل صیغه سیله (اخسرین)
وبو عمللرینی غایت کوزل ایشلدک ظن ایتدکلیرینی بیان ایچون (یحسنون صناعاً) وارد

اولشدر . چونكه احسان ؛ بایقی دم اوزره شرطینه رعایت ایدرک عمل ایتمکدره .
احسانك الله تعالی بی کوردر کبی عمل ایتمکدره عبارت اولدیغی حدیثله ثابتدر .

واجب تعالی انسانلر ایچنده زیاده ضرر ایدنلرک ای عمل ایشلدک ظن ایتدکلری حالده
عمللری ضایع اولانلر اولدیغی بیاندنصکره عمللری ضایع اولانلرک نصل کیمسه لر اولدیغی
تعریف ایتک اوزره ﴿أُولَئِكَ الَّذِينَ كَفَرُوا بِآيَاتِ رَبِّهِمْ وَلِقَائِهِ﴾ بیوریور .
[ایشته شو عمللری ضایع اولان شول کیمسه لرکه آنلر ربلرینک آیتلرینه و یوم
قیامتده ربلرینک ملاقاتنه کفر ایتدیلر .]

﴿فَخَبِطَ أَعْمَالُهُمْ﴾

[بناء علیه ؛ عمللری مضحک اولدی .]

﴿فَلَا تُقِيمُ لَهُمْ يَوْمَ الْقِيَمَةِ وَزْنًا﴾

[شو حالده آنلر ایچون بز یوم قیامتده انتفاع ایدرک وزن اقامه ایتمز .]

﴿ذَلِكَ جَزَاؤُهُمْ جَهَنَّمُ بِمَا كَفَرُوا وَاتَّخَذُوا آيَاتِي وَرُسُلِي هُزُوًا﴾

[ایشته کفر اوزرینه ترتب ایدن شی ؛ آنلرک کفرلری و بنم آیتلریمی و رسوللریمی
استهزالرینه محل اتخاذ ایتلری سببیه جزالرری جهنمدر .]

یعنی ؛ شو اوصافی بیان اولونان شقیلر شول کیمسه لرکه آنلر ربلرینک آیتلری
اولان قرآنه و وحدانیتک دلیللرینه و آخرتده ربلرینک رضاسنه ملاقی اولاجقلرینه کفر
ایتدیلر . بناء علیه ؛ کفرلری سببیه عمللری باطل اولدی و عمللری باطل اولونجه میزانه
احتیاج قالمادیغندن بز آنلر ایچون یوم قیامتده میزان اقامه ایتمز . چونکه میزان ؛ حسناتی
وسیثاتی اولانلر ایچون اقامه اولونورکه ثواب و کناهلرینک مقداری بیلنسون و عمل
صاحبنکده بر دییه چکی قالمسون . اما ثوابی اولیسانلر ایچون میزانه حاجت یوقدر .
زیرا ؛ کناهک قارشوسنه وضع اولوناجق ثوابی یوقکه میزانه حاجت اولسون .

کفرلری بوتون حسناتلرینی محو ایتدیکندن اصلاً ثوابه مالک دکلردر . ایشته شو
جزالرری اولان جهنمه استحقاقلری ؛ کفرلری و آیتلریمی و رسوللریمی استهزالرینه
آلت اتخاذ ایتلری سببیه در . زیرا ؛ ایماندن نصیبه دار اولسادقلردن جزالرری آنجق
جهنمدر .

خازنده بیان اولوندیغنه کوره (ابوسعید الخدری) حضرتلری « یوم قیامتده برچوق
کیمسه لر کلیر . تهامه نک طاعلری قدر عمللری کوریلور وزن اولونونجه او عمللر هیچ
برشی آغیرلغنده اولماز . زیرا ؛ او عمللر ایشلنمش ایسه ده کفر و اخلاق فاسده آنلری افساد
ایتدیکی جهنمه عمللر ایچی بوش قوز کبی برشی یرینی طومماز . (فلا نقیم لهم يوم القيمة
وزناً) آیتنک معناسی ده بودر ، بیوردیغی مرویدر . کک کفر و کک آیتلری و رسوللری
استهزالرری جهنمه استحقاقلرینه سبب اولدقلری بیان اولونمش ایسه ده بونلردن مجموعی
سبب اولدیغی کبی آری آری هر بری ده سبب اولاجغنده شبهه یوقدر .

واجب تعالی کافرلرک احوالی و جزالرینی بیاندنصکره مؤمنلرک حاللرینی بیان ایتک
اوزره ﴿إِنَّ الَّذِينَ آمَنُوا وَعَمِلُوا الصَّالِحَاتِ كَانَتْ لَهُمْ جَنَّاتُ الْفِرْدَوْسِ نُزُلًا﴾
خالدین فیها لا یسغون عنها حولا﴾ بیوریور .

[شول کیمسه لرکه آنلر اللهم وحدانیتنه و رسولنک رسالتنه ایمان ایتدیلر و ایمانلرینک
مقتضاسی اولان عمل صالحی ایشله مکله ایمانلرینی تقویه و تفریر ایتدیلر . آنلر ایچون
قوناق محلی اولارق فردوس اعلانک جنتلری یعنی باغلری و باغچهلری واردر . مخلد
اولدقلری حالده آنلر او جنتلره نازل و آیدر ساکن اولورلر و اصلاً او جنتلردن
آیرلق ایسته مزلر . فردوس اعلا دن دها اعلی بر محل یوقکه فردوسدن او محله آیرلق
ایسته سونلر .]

زیرا ؛ خازن و نعمت الله افندیکنک بیانلرینه نظراً فردوس ؛ جنتنک اک بوکک
واطرافنی سیر ایتمک قابلیتی بر محل مبارکدر . بناء علیه ؛ فردوس اعلا ده امر بالمعروف

وہی عن المنکر ایدن انبیاء اولیا وصلحانک بولونا جقلمی مرویدر. (حولاً) بر محلمہ
دیگر محمل محول اتمک یعنی نقل مقام اتمک معناسہ در. شو حالہ معنای نظم: [آنلر
فردوسدن دیگر بر مکانہ نقل اتمک ایستہ منزل] دیمکدر.

فردوس؛ جنتک اعلاسی وافضلیر. زیرا (ابوہریرہ) و (عبادۃ بن صامت)
(و معاذ بن جبل) وامثالی کبار اصحابدن بر چوق ذواتک رسول اللہدن روایت ایتدکلمی
حدیثلرده رسول اللہک «فردوس؛ جنتک اعلاسی وافضلیر. اللہدن ایستہ دیککزدہ
فردوسی ایستہک» بیوردینی طبرینک جملہ بیاناتدندر.

**

واجب تعالی شو سورہده قدرتنہ دلالت ایدن دلیللری وبعض انبیانک خبرلری
بیاندنصرکہ قرآنک حالنی و یهودک زعم ایتدکلمی کبی قرآنک آیتلرندہ ومعنالرندہ تناقض
اولمادیغنی بیان اتمک اوزرہ ﴿قُلْ لَوْ كَانَ الْبَحْرُ مِدَادًا لِكَلِمَاتِ رَبِّي لَنَفِدَ الْبَحْرُ
قَبْلَ أَنْ تَنْفَدَ كَلِمَاتُ رَبِّي﴾ بیوریور.

[«اگر دکز لر مرکب اولمش اولسہ ربمک کلملری یازمق ایچون. ربمک کلملری
توکنمکسزین دکزک صولری توکنیر» دی]

﴿وَلَوْ جُمْنَا بِمِثْلِهِ مَدَدًا﴾

[ولوسہ دکزک بر مثانی دخی زیادہ وامداد اولارق کتیرمش اولسہق ینہ دکز
توکنیر، کلمات الہیہ توکنمز.]

یعنی؛ معلومات الہیہ توکنمز. بناء علیہ؛ حییم! سن «قرآندہ تناقض وار» دیین
یہود قومہ قارشى دی کہ «بالعموم دکز لر ربمک کلماتی یازمق اوزرہ مرکب اولسہ
و بالجملہ مخلوقات یازسہ لر ربمک معلوماتہ دائر کلماتی توکنمزدن اول دکز لر توکنیر
ولوسہ دکزک بر مثانی زیادہ وامداد اولارق کتیرہم ینہ دکز توکنیر، ربمک کلماتی
توکنمز. زیرا؛ دکز لر جسم اولدینی جہتلہ متاہیدر وربمک معلوماتی غیر متاہی

اولدیغندن معلوماتہ دلالت ایدن کلملری دخی غیر متاہیدر «دیمکله» قرآندہ تناقض وار»
دیین یهودی رد ایت.

فخر رازی، قاضی، مدارک وخازنک بیانلری وجملہ آیتک سبب نزولی شویلدہ در:
یہوددن (حی بن اخطب) «قرآندہ تناقض واردر. زیرا؛ برآیتدہ، کندینہ حکمت
ویریلن کیمسہ یہ خیر کثیر ویرلشدن دینیور و دیگر آیتدہ، سزہ علمدن آزر شی
ویرلدی دینمشدن. شو حالہ آیت اولادہ بیان اولونان خیر کثیر آیت ثانیہده بیان اولونان
علم قلبلہ متناقضدر» دیمسی اوزرینہ بو آیتک نازل اولدینی مرویدر. شو سبب نزولہ
نظراً آیتک مآلی شویلدہ در: [علمدن انسانہ ویریلن شی وانسان حقندہ خیر کثیر ومنفعت
عظیمہدر ولکن علم الہیہ نسبتلہ آزدن آزدن. زیرا؛ دکز لر مرکب اولسہ و برمثلی
دہا ضم اولونسہ علم الہیہ دلالت ایدن کلملری یازسہ دکز توکنیر کلمات الہیہ توکنمز.
شو حالہ انسانک علمی نفسندہ چوق خیر ایسہده علم الہیہ نسبتلہ پک آزر دیمکدر.
بناء علیہ خیر کثیر اولان، علمک منفعتیدر و آزر اولان دہ علم اللہہ نسبتلہ علم افساندن.
بناء علیہ؛ تناقض یوق] دیمکدر.

**

واجب تعالی کلمات الہیہک نہایتی اولمادیغنی بیاندنصرکہ رسولہ وظیفہ سنی وتوحیدی
تبلیغ ایتسنی امر اتمک اوزرہ ﴿قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ أَنَّمَا إِلَهُكُمُ
إِلَهُ وَاحِدٌ﴾ بیوریور.

[ای رسول اکرم! سن ناسہ خطاباً دی کہ «آنحق بن دہ سزک کبی بشرم،
ملک دکم. بشریت جہتشدن بینمزدہ فرق یوقدر. شو قدر کہ رسالت ووحی ایلہ ربم
بکا لطف ایتدی، بن آنکله ممتازم. بناء علیہ؛ ربم طرفدن سزک معبود کز آنحق معبود
واحد اولدینی بکا وحی اولوندی. شو حالہ معبود کز آنحق بردر، تعدد یوقدر.»]

﴿فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا﴾
[معبود براولونجہ بر کیمسہ ربسنہ ملاقات و رضاسنہ نائل اولمق امید ایدرسہ عمل صالح

ایشله سون . زیرا ؛ عمل صالح ایشله مک او کیمسه اوزرینه واجبد . و ربسنک عبادتنه هیچ بر کیمسه بی شریک قیلما سون . [چونکه ؛ ربی شریک و نظیردن منزهدر عملک فائده سی ریادن عاری و ایمانه متوقف اولدیغنه اشارت ایچون عمل صالحه امردنصکره شرکدن نهی ایتشدر که شرک جلی و خفی به شاملدر . چونکه شرک جلی عملی ابطال ایتدیکندن شرکه عملده فائده یوقدر و شرک خفی که ریادر ، عملک ثوابی ابطال ایتدیکی جهته جناب حق عبادتنه شرکی نهی ایتشدر .

بیضاوینک بیانی وجهله آیتک سبب نزولی ؛ (جند بن زهیر) حضرتلرینک رسول الاهدن بر سئوالدر : شویله که (جند) « یا رسول الله ! الله تعالی ایچون عمل ایدرم . فقط بر کیمسه او عمله مطلع اولورسه مسرور اولورم » دینجه رسول اللهک « شرک اولونان عملی الله تعالی قبول ایتمز » دیمسی اوزرینه رسول اللهی تصدیق ایچون بو آیتک نازل اولدیغی مرویدر . شو سبب نزوله نظراً آیتده شرک ؛ ربایه دخی شاملدر . شو حالده بو آیت ؛ اعتقادیات و عملیاتک خلاصه سی جامعدر . چونکه اعتقادیاتک خلاصه سی ؛ توحید و عملیاتک خلاصه سی ؛ عبادتمه اتمه صدد .



روی بیک اوچیوز اوتوز سنه سی کانون ثانیسنک دردنجی بازارکونه تصادف ایدن عربی بیک اوچیوز اوتوز اوج سنه سی ربیع الاولک برنجی کونی بعدالظهر بوسوره نک ترجمه سی بمونه تعالی ختام بولشد .

مکه مکرمه ده نازل اولان سوره لرنددر . طقسانه مکز آتی جامعدر .

بِسْمِ اللَّهِ الرَّحْمَنِ الرَّحِيمِ

کھیعص

تفسیر خازنده بیان اولوندیغنه نظراً مَرَفَرک معناسی : [بالجمله مخلوقاتنک امورینه کافی و قوللری هدایتده قیلیجی ویدقدرتی جمله نک قدرتنک فوقنده و علمی هر شئی محیط و وعدنده صادق اولان ذات الوهیتمه یمن ایدرم] دیمکدر . بومثللو سوره لرك اولارنده بولونان متشابهاتک یعنی حر و فرك تاویلنی تجویز ایدنلره و شومعنايه نظراً بو حرفلر واجب تعالی نک اوصاف بمدوحه سنه دلالت ایدن اسماء حسناسندن بعضیلرینه اشارت وادات قیلمدر . یاخود بو حرفلر ؛ سوره نک اسمی . بوکا نظراً معنی : [شو تلاوت اولونان آیتلر (کھیعص) سوره سیدر .] و یاخود [اسماء الهیه دن بر اسمدر .]

ذِكْرُ رَحْمَتِ رَبِّكَ عَبْدَهُ زَكْرِيًا

[شو تلاوت اولونان آیتلر ربک تعالی نک رحمتی و کندی عبدی زکریانک ذکریدر .]

یعنی ؛ حییم ! شوسنک اوزریکه تلاوت اولونان آیتلر انواع نعمتلیله سنی تربیه ایدن ربک تعالی نک رحمتی و احسانی و کندی قولی اولان زکریانک ذکر و مناقب جلیله لرینک بیانیدر .

حضرت زکریا امتنی ایمانه و اطاعت ایصال ایدر بولی کوستر و ب طریقه نجات دعوت ایتدیکنده دامن مقننه عین رحمت اولدیغنه رحمت عنوانیله ذکر اولونمشدر . یاخود زکریا علیه السلامک اتمه صی اوزره دعاسی قرآنمه ذکر اتمک امت محمد مقننه رحمت

اولدیفی مهربند جناب حق بو آیتده رحمت اولدیفی بیان ایتمشدر . زیرا زکریا علیه السلامک عندالهمیده مقبول اولان طریقی بیان ایتک ؛ امت محمدک عین طریقه سلوک ایتلری لازم اولدیفی توصیه قیلندن بولوندیفی جهته حضرت زکریانک طریقه تبعیت ملتزم اولدیفی بیان ایتمشدر .

ابوالسعود افندینک بیانی وجهله بوسوره نک نزولی رسول الله ایچون بویوک برنعمت اولدیغه اشارت ضمنتده اسماء حسنی دن تربیه و انعامی مشعر اولاده رب اسم شریفی وارد اولمشدر .

واجب تعالی حضرت زکریانک رحمت اولدیفی بیاندنصکره اخلاص اوزره دعاسنی بیان ایتک اوزره ﴿ اِذْ نَادٰی رَبُّهُ نِدَآءً خَفِیًّا ﴾ بیوریور .

[ذکرایت حبیب! شول زمانی که اوزمانده زکریا علیه السلام ربسنه کیزلیجه ندا ایتدی .]
یعنی ؛ زکریا علیه السلامک مناقب جلیله لرندن بریسی ربسنه اخلاص اوزره دعا ایتسیدر . بناء علیه ؛ ذکرایت شول زمانی که اوزمانده زکریا ربسنه خفی اولارق ندا ایتدی . ابوالسعود افندینک بیانی وجهله حضرت زکریا دعاسنده حسن ادبه رعایت ایلدی . زیرا ؛ جناب حقه نسبتله خفی و جلی دعا مساوی اولدیفی حالده اخلاصده زیاده وریادن اوزاق وناسک ذمندن خالی اولسنی نظر اعتباره آلاق دعانک کیزلی صورتی اختیار ایتدی . چونکه ؛ فخررازینک بیانی وجهله حضرت زکریانک دعاده خفی صورتی اختیارنده ؛ دست اتممال واردر ؛ برنجیسی ؛ مفاده اضمحلالک زیاده اولسیدر . ایکنجیسی ؛ نامک لومنده مضر اتمسیدر . چونکه ؛ زکریا علیه السلامک چوجق ایسته دیکی زمان کندینک و حرمنک چوجق کتیره جک زمانلری کچمش اولوب عاده نظراً چوجق طوغورمق محال اولدیفی بر زمانده چوجق طلبنده بولونسنی هرکس چوق کوروب لوم ایده جکلرینی بیلدیکندن کمال حزنله خفی صورتده دعای اختیار ایتسیدر . اوچنجیسی ؛ وفاتده ایشلمه وارث اولاجون دلبهرینه مالنی بیلدیرمک صورتنی التزام ایتسیدر .

دردنجیسی ؛ اختیارلغک نام مکمفرما اولدیفی مهربند صداسی بیقمنز بر حاله کلمسیدر . کرچه مقصدی جهراً دعا ایتک ایسه ده صداسی یتشمدیکندن خفی صورتده دعا ایتک محتملدر . آنجق بواحتمال ضعیفدر . چونکه ؛ جناب حق خفی صورتده دعا ایتدیکنی صراحة بیان ایتمشدر . حضرت زکریانک دعا ایتدیکنی زمانده کندینک طقسان سکز ویا یوز یاشنده و حرمنک ده طقسان سکز یاشنده اولدقلری مرویدر . کرچه آیتده سننی تعیین یوق ایسه ده بوندنصکره کی آیتده پیرقانی اولدیفی صورت قطعیه ده بیان اولونمشدر .

واجب تعالی حضرت زکریانک صورت خفاده ندا ایتدیکنی بیاندنصکره نداسنده سوبله دیکی سوزلرینی بیان ایتک اوزره ﴿ قَالَ رَبِّ اِنِّیْ وَهْنَ الْعَظْمِ مِیْیَ ﴾ بیوریور .
[زکریا علیه السلام « ای — نیم ربم ! نیم کمیکرم ضعیف اولدی ، دیدی .]

﴿ وَاشْتَغَلَ الرَّأْسُ شَیْبًا ﴾

[قوجهلق جهندن باشمده کی صاچلرک بیاضلغی علوله دی .]

﴿ وَلَمْ اَكُنْ بِدُعَائِکَ رَبِّ شَقِیًّا ﴾

[وبن سکا دعاده ربم هیچ محروم اولمادم . زیرا ؛ هر زمان دعای قبول ایتمکه بنی مسرور ایتدک .]

یعنی ؛ زکریا علیه السلام خفیاً دعا ایتدی و دیدی که « ای — بنی انواع نعمتلیله تربیه ایدن ربم ! نیم بدتمک دیرکلری منزلنده وجسممک قوامه خادم اولان کمیکرم ضعیف اولدی و یقلده یوز طوتدی و باشمک صاچلرینک اختیارلغ علامت اولان بیاضلغی آشک علوی کی علوله دی و — یاهلغی بالکلیه زائل اولدی . زیرا ؛ کوز آیلرنده قورومغه یوز طوتان اوتلرک صاراروب دو کولدیکی کی بنمده وجودمده بولونان صاچلرم زوالی مشعر اولان بیاضه انقلاب ایتدی . یارب ! بن سکا دعا ایتدیکمده هیچ بر زمان خائب اولمادم . چونکه ؛ هر زمان دعای قبول ایتدک ، بنی مأیوس ایتدک . کرچه شو ایسته دیکم چوجق

بم شو زمانه وعادته نسبتله بعید ایسه ده سنك قدرتكه نسبتله غایت قولای در « دیمکله ربسندن برچو جق ویرمسنی استرحام ایتدی .

فخر رازی و بیضاوینك بیانلری وجهله بوآیت بوندن اولنکی آیتده اجمالاً بیان اولونان ندایی تفسیر و بیاندر . حضرت زکریا دعاسی اوزرینه اوج یئیی تقربیم ایتدی : برنجیسی ؛ بونوره بدنك ضعفنی کیکلرینك ضعیفه اثبات ایتسیدر . چونکه ؛ اعضانك قوتلیسی و بدنك قوامی و جسمك سائر اجزاسندن صلابتلی اولدیغنی حالده کیکلر ضعیفلا نیجه سائر اجزایرکده ضعیفلا نیجه اولویتله ثابتدر . ایکنجیسی ؛ شخوضت اتری اولره بیاضلغك هر طرفنی امله ایتدیکنی بیانله شو طلبنده قدرت الهیهیه استناددن باشقه اسباب ظاهریهیه توسل امکانی قالمادیغنه اشارت و بیاناتی رحمت الهیهیه جلله وسیله عد ایتمشدر . اوچنجیسی ؛ دعاسنك درگاه الوهینه رد اولونماسیدر . چونکه شیمدییه قدرت دعاسنك قبولنك عادت الهیه جمله سندن اولدیغنی بیان ایتمك ؛ شودعاسنك دخی قبولنده تأثیری زیاده اولمقدردر . یعنی « یاربی ! بم وجودم قوی ، جسم صاعلام و اسباب ظاهریهیه توسله اقدارم اولدیغنی زمانده دعای قبول ایدوب رد ایتدیكك حالده شیمدی بم ، غایت ضعیف اولوب هرشیدن ألم کسلوب عاجز قالدیم بر زمانده دعای قبول ایده جککه امیدم قویدر . واکر رد ایدرسهك بم ایچون کدری موجب اولاجغنده شهیم یوقدر . شو حالده اشد احتیاجله محتاج اولدیم اختیارلق زمانده دعای ردله بنی محروم و مأیوس اتمه » دیمکدر . بیضاوینك بیانی وجهله اختیارلقده کاله واصل اولدیغنه اشارت ایچون صاچلرینك بیاضلغنی آتشك علویه تشبیه ایتمشدر . چونکه اشتعال ؛ آتشك علونه استعمال اولونور . بیاضلغك شدتنه اشارت ایچون اشتعال باشه اسناد اولونمشدر . حالبوکه اشتعال ایدن باش دکل بلکه باشدهکی صاچلردر ، فقط باش علوله نیجه باشده بولونان صاچلرک علوله نه جکی اولویتله ثابت اولاجغندن علو باشه اسناد اولونمشدرکه « بیاضلغنی صوگ درجهیه کلدی » دیمکدر .

(شقیاً) مطالب اولره شیرمه محروم اولمقدردر . چونکه ؛ مدارک بیانی وجهله « فلان کیمسه حاجتده سعید اولدی » دیمک ؛ « ایسته دیکی شینه ظفر یاب اولدی » دینلیدیکی

کی « فلان کیمسه حاجتده شقی اولدی » دیمک ؛ « ایسته دیکی شیدن محروم اولدی » دیمکدر .

واجب تعالی زکریا علیه السلامک دیگر سوزلرینی بیان ایتمک اوزره ﴿ وَإِنِّي خِفْتُ الْمَوَالِيَ مِنْ وَرَائِي وَكَانَتِ امْرَأَتِي عَاقِرًا ﴾ بیوریور .

[یاربی ! بند نصکره بم ولیدرمدن قورقارم . حالبوکه بم حرم چو جق طوغورماز اولدی .] یعنی ؛ « بم وفاتمدن و انقراضمدن صکره بکا ولایت دعواسنده بولوناجق عمجه زاده لرمک و عصبه لرمک بم متولی اولدیم امور دینهیه بکا ولایت دعواسیله تحریف و تغیر ایتلرندن قورقدیم . زیرا ؛ آنلردن صلاح و خیر مأمول دکلدردر . یاربی ! بکا وارث اولاجق صالح بر او غلوم یوق که امور دینی آکا تودیع ایدیم . بونکله برابر حرم چو جق کتیرمز بر حالده در . بناء علیه ؛ سنك قدرتکه التجادن باشقه چارهم یوقدر » دیمکله دعادن مقصدینی بیان ایتدی .

بیضاوینك بیانی وجهله حضرت زکریانك موالی ایله مرادی ؛ عمومی زاده لریمدر . آنلر دیانت خصوصنده بنی اسرائیلک اشراسندن اولدقلری جهته قورقوسی امور دینده سیاست مملکت خصوصنده در . بناء علیه ؛ کندینه ولایت دعواسنده بولوناجق اقرارلرندن نمون اولسادیغندن وفاتندن صکره احوال ناسی یولیه تمشیت ایده جک و امور دینده ناسه مرجع اولاجق بر ولی و خیرلی خلف ایسته دی . شو حالده انسانلر ایچون وفاتنده امور دینه خادم و خیرلی اولاجق اوغلان اولادی ایسته مک مشروع و ممدوح اولدیغنه بوآیت دلالت ایدر .

واجب تعالی زکریا علیه السلامک دعاسنك مقدمه لرینی بیتیرد کد نصکره دعایه باشلا دیغنی و دعاسنك کیفیتنی علی طریق الحکایه بیان ایتمک اوزره ﴿ فَهَبْ لِي مِنْ لَدُنْكَ وَلِيًّا ﴾ یرئنی و یرث من آل یعقوب بیوریور .

[« بنم حالم شومعروضاتم وجهله اولونجه یاربی ! کندی عندندن برولی هبه واحسان ایت که اوولی علمده وامور دینده بکا وارث وخلیفه اولسون وآل یعقوبدن باقی قالان مراسم دینه وشعائر هدایتی ناسه تبلیغ خصوصنده دخی وارث اولسون » .]

﴿ وَاجْعَلْهُ رَبِّ رَضِيًّا ﴾

[« یاربی ! او هبه ایده جکک ولی بی سن نازل اولان بلاییه وحکمکه راضی وعموم قوللرک نظرندده مرضی ومقبول قیل » دیمکه برولد صالح ویرمسی استرحام ایتدی .]
بو آیتده وراثت له مراد ؛ بیضاوینک بیانی وجهله علمده واهطام شرعی بی ناسه تبلیغده وراثتده ، یوقسه مالدده وراثت دکلدر . چونکه ؛ انبیاء عظامک ماللری موروث اولماز . ابوالسعود افندینک بیانی وجهله حضرت زکریا تک ولد طلبی اسباب عادیه دن امیدنی کسه رک خارق العاده صورتیه ایسته مکدر . آل یعقوب له مراد ؛ قرابت و دینده موافقت صورتیه یعقوب علیه السلام منسوب اولاندور . یاخود یعقوب ایله مراد ؛ حضرت زکریا تک برادری دیاست ناسی تمبیر ایدیه ذات اولور ویاخود حضرت سلیمان تک نسبه (یعقوبیه مائنه) که هکومنی اداره ایدیه بر ذات اولوق احتمالی وارسهده اصح اولان بنی اسرائیلک هبه اعمالری اولانه یعقوب علیه السلام .

..

واجب تعالی زکریا علیه السلام دعا سی بیاندنصکرده قبول بیوردیغنی بیان ایتک اوزره ﴿ يَا زَكَرِيَّا اِنَّا نُبَشِّرُكَ بِغُلَامٍ اسْمُهُ يَحْيٰی لَمْ نَجْعَلْ لَهُ مِنْ قَبْلُ سَمِيًّا ﴾ بیوریور .

[ی زکریا ! یحیی اسمنده بر اوغلانله بز سنی تبشیر ایدرز . بوندن اول یحیی ایچون بر آداشده خلق ایتدک .]

یعنی ؛ زکریا علیه السلام کمال خلوصله دعا ایدنجه ربی درحال دعاسنی قبول ایتدی وترحم طریقله دیدی که ای صدق و خلوصله دعا وخفیاً ندا ایدن زکریا ؛ بز سنی

بر اوغلانله تبشیر ایدرز که او اوغلانک اسمی (یحیی) در . زیرا ؛ مراسم دینی ایها ایدیه هکمه بناء یحیی اسمنی ویردک وآندن اول آکا آداش اولاجق (یحیی) اسمنده بر کیسمهده خلق ایتدک .

فخر رازینک بیانی وجهله حضرت زکریا نه ندا ایدن ، ملک واسطه سیله جناب حقدر . چونکه ؛ ایتک کرک اولنده کی و کرک بوندنصکرده کی آیتلرده زکریا علیه السلامک مناجاتی جناب حقله اولدینی جهته ندا ایدن جناب حقدر ولکن ملک واسطه سیله در . واجب تعالی نک بو نداسی دعاسنک قبولی متضمن اولدیغندن حضرت زکریا حقنده تبشیردر . شوقدر که دعاسنک بر قسمی قبول اولونمش دیکری قبول اولونماشدر . چونکه ، آیتده بیان اولوندینی وجهله دعاسی ایکی قسمدر : برنجیسی ؛ برولد صالح ایسته سی ، ایکنجیسی ولر صاڈک امور دینده خبری خلف اولمیدر . حالبوکه اصح اولان روایتده حضرت یحیی پدرندن اول قتل اولونمش و پدرینه وارث اولاماشدر . واجب تعالی نک بالذات اسمنی وضع ایتسی یحیی علیه السلامه مخصوص برخصت وشاننه تعظیمدر . چونکه ؛ دنیا به کلدن طرف الهیدن آدی طاقلمسی حضرت یحیانک خاصه سیدر . زیرا ؛ بوندن باشقه بر کیسمهده میسر اولماش و یحیی اسمنده باشقه بر کیسمهده کجه مشدر . یحیی علیه السلام قورومسه آغاج منزانده اولانه والده مندره طوغریغنی دقلبی عبادنه ایها اولونریغنی و دینی اولانه مراسمی ایها ایدیه هکی جهته قبل الهیدن یحیی تسمیه اولونمشدر وحضرت یحیی هیچ معصیت قصدنده بولونمادیغنی جهته دخی ممتازدر .

..

واجب تعالی زکریا علیه السلامی تبشیردنصکرده حضرتک کلامنی حکایه ایتک اوزره ﴿ قَالَ رَبِّ اَنِّیْ یَکُونُ لِیْ غُلَامٌ ﴾ بیوریور .

[زکریا علیه السلام دیدی که « یاربی ! بنم ایچون اوغلان نصل اولور ؟ » .]

﴿ وَكَانَتْ اِمْرًا اَتٰی غَاقِرًا ﴾

[« حالبوکه بنم حرمم چوجق طوغورماز » .]

﴿ وَقَدْ بَلَغْتُ مِنَ الْكِبَرِ عِتِيًّا ﴾

[« وبن محقق قوجه لقدن وجودم قورومش برحاله واصل اولدم » .] بوسوزلریله چوجق طوغمق ایچون اسباب عادیه نك موجود اولمادیغنی بیان ایتدی .

یعنی ؛ واجب تعالی نك تبشیراتی ایشیدنجه کمال فرخندن زکریا علیه السلام دیدی که « یاربی ! بنم ایچون بو حالله اوغلان نصل اولور ؟ چونکه ؛ یاشم کالنه واردی ، وجودم ضعیف اولدی ، کیملرم اینجه لدی وجسممده رطوبت قالمادی والحاصل چوجق طوغمق اسبابندن بنده برسبب یوقدر . حالبوکه حرمم چوجق کتیرمز وبنده حال شیخوخت وقوجه لقدن حال یاسه کلدیم . مفصللرمده واعضالرمده اصلا طاق قالمادی » دیمکه چوجقک نه صورتله طوغاجقنک کیفیتنی تحقیق ایتک ایسته دی .

زکریا علیه السلام بو کلامی چوجقک طوغاجقنی استبعاد ایتک دکدر . چونکه ؛ جناب حقک خبری قطعی اولوب اصلاشبه اولمادیغنی ومؤثر حقیق جناب حق اولوب اسبابده حقیق تأثیر اولمادیغنی بیلدیکندن زکریا علیه السلامدن استبعاد تصور اولونماز . بناء علیه ؛ مقصدی « یاربی ! بزم حالز شویان ایتدیکم حال اولونجه چوجق بزم حالزله می طوغاجق ، یوقسه بزی کنجکله اعاده ایدوبده آندنصکره می طوغاجق ؟ » دیمک ایستدی . بناء علیه ؛ ابوالسعود افندی نك بیانی وجهله حضرت زکریانک بوسؤالی قدرت الهیه نك عظمتنی تفکرله اعتمادنی اظهار والله تعالی نك مطلوب اولان ولدی احسانی محضا لطف الهی اولوب اسبابدن برسیبه مستند اولمادیغنی بیانله شکرینی عرض ایتمکدر .

جناب حقک قرآنده بزه بیانی ؛ امت محمدی ذات الوهیتنه اعتمادتاه دعوتله هرشیده مؤثر آنجق کندی قدرتی اولدیغنی بیانله اسبابدن حقیق تأثیر بکله یئتری رد ایتمکدر .

واجب تعالی زکریا علیه السلامک شوکلامه جوانی بیان ایتک اوزره ﴿ قَالَ كَذَلِكَ ﴾

بیوریور .

[واجب تعالی جوابده « ای زکریا ؛ حالکرسنک دیدیکک کییدر » دیدی .]

یعنی ؛ سنک قوجه انک و حرمک چوجق کتیرمز برحاله اولدیغکزدوغر ودرولکن سنک بو حالکزله سزدن چوجق ایجاد ایتمکه قدرتمزی اظهار ایده جکزر . چونکه ؛ بو حال اوزره اولانلردن چوجق کک عادتده محال ایسه ده قدرتمزه نسبتله غایت قولای اولدیغنی اظهارله قدرتمزده تردد ایدنلرک ترددلرینی ازاله ایده جکزر .

﴿ قَالَ رَبُّكَ هُوَ عَلَيَّ هَيِّنٌ ﴾

[« یازکریا ! ربک تعالی بو حال اوزره چوجق ایجاد ایتک بکاغایت قولایدر » دیدی .] و دلیل مقامنده کلامنه شونی ده علاوه ایتدی .

﴿ وَقَدْ خَلَقْتُكَ مِنْ قَبْلُ وَلَمْ تَكُ شَيْئًا ﴾

[حالبوکه ای زکریا ! بوندن اول سنی محقق بن خلق ایتدم و سن ایسه موجود برشی دکدک .] بلکه صرف یوقدن عبارت ایدک و سنی یوق ایکن خلق ایدوب موجود قیلنجه سنکه حرمک بیتدن ولد خلق ایتک نه ایچون قولای اولسون » دیدی . واجب تعالی بو کلامیله وعد الهیسنی تقریر و زکریانک کندینی خلق ایتدیکنی بیانله وعدینی انجامز ایده جکنی اثبات ایتمکدر .

واجب تعالی ایسته دیکی چوجوغی زکریا علیه السلامه ویره جکنی بیان ایدنجه حضرت زکریانک علامت ایسته دیکنی و علامت بیان ایتدیکنی ذکر ایتک اوزره ﴿ قَالَ رَبِّ اجْعَلْ لِي آيَةً ﴾ بیوریور .

[زکریا علیه السلام چوجوغک بولوندقلری حال اوزه طوغاجقنی تحقیق ایتدکن صوکره دیدی که « ای بنم ربم ! سن بنم ایچون بر علامت خلق ایت که او علامتله بن حرمک حامله اولدیغنی بیلیم » .]

﴿ قَالَ أَيْتُكَ إِلَّا تَكَلَّمَ النَّاسُ لَيْلَ سَوِيًّا ﴾

[زکریانک علامت ایسته مسنه جواب اوله رق ربسی دیدی که « یا زکریا ! سنک

علامتک ، اعضا لک تمام ولسانک صاغلام اولدینی وخسته لقی وسائرہ کبی بر آفت اولمادینی حالہ ناسہ اوچ کیجہ علی السویہ سوز سویلکہ مقتدر اولامیہ جقسک « دیمکله زکریا علیہ السلامک حرمک حاملہ اولدیغنه علامتی بیان ایتدی .]

فخر رازینک بیانی وجهله واجب تعالی نک کلامنده بر اوغلان طوغاجنی تبشیر اولونمش ایسده طوغاجنی وقت معلوم اولمادینی جهتلہ زکریا علیہ السلام زمانی بيلمک ایچون علامت ایسته مشدر . چونکہ ؛ نطفہ نک رحمہ قالمسی بر امر خفی و بشرک مطلع اولامیہ جفی برشی اولدینی جهتلہ بواصر خفی بہ جناب حقک مطلع قیلمسنی آرزو ایتمشدر کہ شکرینی ادایہ باشلاسون وچوجنک وجودی معتاد وجهله معلوم اولاجنی زمانہ قدرشکری تأخر ایتسون .

حضرت زکریانک سکوتی لسانده بر آفت اولقسزین اوچ کون دوام ایتمش وناسله سویلہ شہ مشدر . اما تسبیح وتہلیل وسائر ذکر اللہ لسانی مقتدر اولدینی جهتلہ سکوتک عبادتہ تعلق اولامشدر . بناء علیہ ؛ ناسله تکلم ایتمش ایسده عبادتہ مشغول اولمشدر . (سویاً) بیضاوی ، خازن ومدارکک بیسانلری وجهله (صحیحاً سالماً من الافات) دیمکدر . یعنی « ناسہ اوچ کون سویلہ میہ جکسک ولکن اعضا لک صحیح وآفادن سالم اولدیغک حالہ » دیمکدر . یاخود (سویاً) دیمک « بر برینی متعاقب علی السویہ اوچ کون سویلہ میہ جکسک » دیمکدر . بوسورده اوچ کیجہ وسورۃ آل عمرانده اوچ کون سویلہ جکفی [۱] بیان کیجہ لی کوندوزلی اوچ کون سویلہ میہ جکفی بیان ایچوندرد . یعنی « اوچ کونک هر جزئنده سویلہ میہ جکفی بیاندن » عبارتدر .

* *

واجب تعالی زکریا علیہ السلامه حملک علامتی بیاندنصکرہ علامتک وجود بولدیغنی بیان ایتک اوزره ﴿ فَخَرَجَ عَلَى قَوْمِهِ مِنَ الْمِحْرَابِ فَأَوْحَى إِلَيْهِمْ أَنْ سَبِّحُوا بُكْرَةً وَعَشِيًّا ﴾ بیوریور .

[کندیسنه علامت بیان اولونونجهز کریا علیہ السلام قومی اوزرینه محرابندن چیقدی وآنلره اشارت صورتیلہ دیدی کہ « سز صباح وآقشام ربکزه تسبیح ایدک » .]

[۱] جلد ۳ ، صفحہ ۶۱ .

یعنی ؛ زکریا علیہ السلامه زوجہ سی حاملہ اولونجه تعیین اولونان علامت ظهور ایتدی . بناء علیہ ؛ برکون صباح ووقی کندینه تعیین اولونان حجره سندن قومک اولدینی محله چیقدی وقومنه اشارت طریقہ « سز شو بولوندیغکز صباح وآقشامده وکلہ جک کونلرده عادتکزر وجهله ربکزرک شانہ لایق اولماق نقائصدن تنزیہ ایدک ، عادتکزی ترک ایتیک » دیمکله قومی حال صلاحہ دوامہ ترغیب ایتدی . بو امری اشارت صورتیلہ ویردیکنہ آیت دلالت ایدر . زیرا آیتده وحی ؛ اشارت معناسندر . چونکہ ؛ زکریا علیہ السلام هر صباح کندینه مخصوص اولان عبادتخانه سندن چیقار ، بیت مقدسه نمازہ کلن جماعته قابولری آچار ، آنلره نماز قیلار ، دعا ایدر وجهله سی استغفارله باب الہی بہ توجہله خضوع وخشوع اوزره استرحاماند . بولونورلردی . حرمک حملنه علامت الہیہ ظهور ایدوب خلقہ تکلمہ قادر اولامانجه بووظیفہ نی اشارتہ ادا ایتمشدر . حتی بیضاوینک بیانی وجهله بروایتہ نظراً اوکونک عبادت جهتندن وظیفہ سنی طور اغانہ یازمق صورتیلہ ناسہ آکلامشدر . ابوالسعود اقدینک بیانی وجهله « بکرۃ وعشیاً » ایله مراد ؛ صباح وایکندری وقتدیری اولدینی کبی ، تسبیح ایله مراد صباح وایکندری نمازلریمر . بوایکی وقتده ادای صلات ایتک عادتلری اولدیغندن عادتلری وجهله ایفای وظیفہ ایتک اوزره کلنلره اشارت ایتمشدر . نیسابورینک بیانی وجهله محراب له مراد ؛ حضرت زکریانک منزله مخصوص بر مظهر کہ خصوصی عبادتلیغنی اوراده ادا وصباح وایکندی نمازلرنده عمومی محله انتقال واهالی بہ مساعدہ ایلہ رک برابر ادای صلات ایدر لر . یاخود محراب له مراد ؛ علامتک نماز قیلر قدری محل در . لکن زکریا علیہ السلام مساعدہ ایدرسہ کیرمک عادت ایدی . عادت سابقہ اوزره ناس قبولرک آچیلمسنه وزکریا علیہ السلامک مساعدہ سنہ انتظار ایدر کن قبولری آچوب اهالی طرفہ چیقدیغنده لسانیلہ سویلکہ قادر اولامانجه وظیفہ سنی اشارتہ ادا ایتدی .

* *

واجب تعالی یحیی علیہ السلامک والدہ سنک رحمہ دوشدیکنه علامتک ظهورینی

بیاندنصره طوغدیفنده تربیه و تکریم طریقله خطابنی بیان ایتک اوزره ﴿ یَا یَحْیٰی خُذِ الْکِتَابَ بِقُوَّةٍ ﴾ بیوریور .

[« ای یحیی ! جدیت و قوتکله توراتی اخذ ایت » دیدک .]

﴿ وَآتَيْنَاهُ الْحُكْمَ صَبِيًّا ﴾

[صبی اولدینی حالده بز یحیایه توراتک احکامنه علم و یردک .]

﴿ وَحَنَانًا مِنْ لَدُنَّا وَزَكَاةً ﴾

[و بز غنمزدن یحیایه رحمت و شفقت و کناهدن طهارت و یردک .]

﴿ وَكَانَ تَقِيًّا ﴾

[و یحیی علیه السلام مطیع و کناهدن اجتناب ایدر اولدی .]

﴿ وَبَرًّا بِوَالِدَيْهِ وَلَمْ يَكُنْ جَبَّارًا عَصِيًّا ﴾

[و یحیی علیه السلام پدرینه و والدیه احسان ایدردی و مدت عمرنده پدرینه و والدیه احسانه اصلاً ظلم ایتدیکی کبی امرلرینه مخالفتله عصیانده ایتدی .]

﴿ وَسَلَامٌ عَلَيْهِ يَوْمَ وُلِدَ وَيَوْمَ يَمُوتُ وَيَوْمَ يُنْعَثُ حَيًّا ﴾

[و یحیی علیه السلامک طوغدیفنی و اولدیکی و یردی اولارق قبردن قالدیفنی کونلرده بز طرفزدن سلامت آنک اوزرینه نازلدر .]

یعنی ؛ یحیی علیه السلام دنیایه کلوب خطابنی فهمه قابلیت کسب ایدنجه بز تربیه و تکریم طریقله خطاب ایتدک و دیدک که « ای یحیی ! بنیه صحیحه و عزیمت صادق و قوت کافی و کمال جدیتله توراتی اخذله حفظنه دوام ایت ». بویه دید کدنصره بز آکا حال صباوتنده توراتک احکامنه علم و کتابدن احکام استخراجنه قوت و یردک و بز غنم الوهیتزدن یحیی علیه السلامه مرحمت و بالجمله کناهدن طهارت کامله و یردک و یحیایی قولریتزه رحمت قیلدق و یحیی حال صباوتندن حین موتنه قدر بالعموم کناهدن

و محرماتدن اتقا ایتکله نفسنی فنا شیردن صاقلادی و والدیه سنه و پدرینه احسان ایدردی و مدت عمرنده ابویته اصلاً ظلم و امرلرینه مخالفتله عصیان ایدر اولمادی و یحیی جمیع معاصیدن طاهر و عموم کناهدن سالم اولارق توراته علم و انسانلره مرحمت صاحبی اولدیفندن طوغدیفنی و اولدیکی و حی اولارق قبردن قالدیفنی کونلرده بز طرفزدن سلامت آنک اوزرینه نازلدر . زیرا ؛ طوغدیفنی کون شیطانک شیردن محافظه ایتدیکن کبی اولدیکی کون سؤ خاتمهدن و قبردن قالدیفنی کونده خائب و خاسر اولقدن و قیامتک شدتلرندن محافظه ایدرز .

شو سلام ؛ حضرت یحیی حقنده تلطیف الهیدر . زیرا ؛ انسانک اک عاجز اولدیفنی دنیایه کلدیکی کونده واک سفیل اولارق عالم قنایه و داع ایتدیکی کونده و هرکسک پریشان بر حالده اولدیفنی محشر کوننده سلامدن دهها بویوک تلطیف اولاماز .

فخر رازینک بیانی وجهله بو آیتده کتاب له مراد ؛ تورات در . قوت له مراد ؛ جبرند طوموم و اطمینان بلیغده صبر و ثبات ایتکدر . حکم له مراد ؛ توراتک احکامنه علم و امر و برنده فقاقت و عقل لاملدر . (حناناً) رحمت معنانه در . یحیی علیه السلام ارشاد ایتدیکی جبرند ایتی حقنده رحمت اولدیفنی کبی بر برینک دعاسی رد اولومقنیه احسانه اولومقنیه جبرند ابوینی حقنده دخی رحمت الهیه و احسان سبجانیه در .

زکات له مراد ؛ عمل صالح و مومننا و ذکر جمیل ایل تذکیر اولومقنیه . یا خود ابویته احسانه اولومقنیه صدقه و هبه اولومقنیه بر برکت و نما معنانه در . بوکانظرآ (وحناناً) من لدنا و زکوة (فقره منک معناسی) [بز کندی غنمزدن یحیی علیه السلامی ایتی حقنده رحمت و ابوینی حقنده طرفزدن احسان اولومقنیه صدقه و زکات اولارق خلق ایتدک] دیمکدر . یحیی علیه السلامک والدیه و پدرینک رطوبتلری زائل اولوب چوجق کتیره چک طاقترلی قالمادیفنی بر زمانده ظهور ایتمی طبیعتک خلافتده برخلفت اولدیفندن « هر شئی موجد ؛ طبیعتدر » دییه نلری یحیی علیه السلامک خلقله جناب حق رد ایتشد . چونکه ؛ چوجق کتیرمه طبیعت مساعد اولمادیفنی بر زمانده طوغدیفنی ظاهر در .

نیسابوری، خازن و مدارک (ابن عیینہ) دن نقلاً بیانلری وجهله انسانک الکی زیادہ
توحش ایتدیکی اوج زمانہ: برنجیسی؛ دنیاہ کلریکی زمانہ نومہ ایدر. چونکہ؛
والده سنک رحمندہ کورمش اولدیغی مضایقه دن قور تولوب واسع بر صحرایہ جیقدیغی ایچون
توحش ایدر. ایکنجیسی؛ بوداع صحرایہ و داع ایدرک قبرہ کیردیکی کونہ نومہ ایدر.
چونکہ؛ برچوق غلبه لکی و بول دنیاہی ترک ایدرک تک و تنها قبرہ کیدنجه البته توحش ایدر.
اوچنجیسی؛ قبرنہ فالقربغی کونہ عظیم برلوله و بربوک برغلغلر ایدر و هرکسک بریشاه
و عرباه بر مالدہ محشره نجمع ایدر کلریکی کور و نجه نومہ ایدر چکی شبه سزدر. ایشته شو
توحش موقعلرینک هر برنده واجب تعالی یحیی علیه السلامی سلامله اکرانی بیانله شانه
تعظیم ایتشدیر. چونکہ هرکسک صوک درجه سلامتہ محتاج اولدیغی بر زمانده سلامتہ
اولاجغنی بیان ایتک؛ آنک حقندہ لطف خصوصیدر.

واجب تعالی یحیی علیه السلامک ابوینه کمال اطاعتده بولوندیغی کبی صوک درجه تواضع
اوزره بولوندیغی دخی بیانله ثنا ایتشدیر. بناء علیه؛ انسانلرک پدر و والدہ لرینه اطاعتلری
وظائف دینیسی جمله سنددر.

جناب حق بو ایتده حضرت یحیایک مناقبی بیانله امت محمدہ ابناء جنسنہ مرحمت صاحبی
اولق و کناهلردن اتقا ایتک و ابوینه اطاعتک لزومیه برابر عصیان ایتهمک کبی مزایای
عالیهی توصیه ایتشدیر. فخر رازینک بیانی وجهله بوقصده دعانک کیزلی اولانی افضل
اولدیغه و دعاده «یاربی!» لفظنی التزام لازم کلدیکنه و دعا ایدن کیمسه نک کندی عجزینی
و جناب حق قدرتی تذکر ایتک دعانک آدابنده بولوندیغه اشارت اولونمشدر.

خلاصه؛ حضرت یحیایک، تورانک حکمنی جدیتله اخذ ایتمکه مأمور اولدیغی
و حال صباوتنده کندینه علم و حکمت و یرلیدی و امی حقندہ ارشادی جهتدن رحمت
اولدیغی و افعال حسنہ ایلہ مدوح اولوب بالجمله کناهلردن اتقا ایتدیکی و آناسنه و باباسنه احسان
صاحبی اولوب اصلا عصیان ایتدیکی و اوج موقعده سلامله تلطیف اولوندیغی بو آیتدن
مستفاد اولان فوائد جمله سنددر.

واجب تعالی حضرت زکریانک دعاسنی و اوغلونک دنیاہ کلوب مناقب عالیه صاحبی
اولدیغنی بیانلنصره حضرت مریم رضی الله عنہانک احوالی و حضرت عیسانک کیفیت
تولدیغنی بیان ایتک اوزره ﴿وَ اذْکُرْ فِی الْکِتَابِ مَرْیَمَ اِذَا تَبَيَّنَتْ مِنْ اَهْلِهَا
مَکَانًا شَرْقِیًّا﴾ بیوریور.

[ذکر ایت حییم؛ کتابده مریمک عجیب حاللری، شول زمانده که اوزمانده مریم
کندی اهلندن اوزاقلاشدی و بولوندیغی خانه نک شرق جهتده هر کسدن تنها بر مکان
اتخاذ ایتدی.]

﴿فَاتَّخَذَتْ مِنْ دُونِهِمْ حِجَابًا﴾

[اومکانه چکیلنجه خانه خلقنک دوننده برده ایدر اتخاذ ایتدی.]

﴿فَارْسَلْنَا اِلَیْهَا رُوحَنَا﴾

[پرده آرقه سنده بولوندیغی زمان بز مریمه روحز اولان جبریلی کوندردک.]

﴿فَتَمَثَّلَ لَهَا بَشَرًا سَوِيًّا﴾

[مریمک بولوندیغی مکانه جبریل کلنجه تام الاعضا بر بشر صورتہ کیردی.]

یعنی؛ ای رسول اکرم! سن قرآنده مریمک غریب حاللری ذکر ایت شول
زمانده که او زمانده مریم خانه خلقندن تنها و بولوندیغی دائره نک شرق جهتده بر مکان
چکیلدی. چونکہ؛ قادینلرک عادی اولان حیضدن خلاص اولدیغندن خلقندن اولان
طهارت ایجابی غسل ایتک ایچون اومکانی اختیار ایتشدی. اومحله کیمسه اولمادیغی حالده
کمال نزاهت و عفتنه بناء آکسزین بر کیمسه کلک احتمالی نظر اعتباره آلارق احتیاطه
رعایت اولق اوزره خانه خلقنک دوننده بر پرده اتخاذ ایتشدی. احتیاطه رعایت؛ انسانلرک
روحنی راحت یاشاندیغی کبی برچوق مهم آن لرده بویوک فلا کتندن ده قورتارر. بناء علیه؛
مریمده احتیاطه رعایت ایتدی که محتمل اولان بر محجوبیتدن قلبی راحت اولسون.
ایشته تام بو احتیاطه رعایتله برابر غسل ایتک ایچون لباسنی چیقاردیغی بر زمانده بز مریمه
و حیمزه امین اولان جبریلی کوندردک. بناء علیه جبریل تام الاعضا اولارق بشر صورتده

مریمه کوروندی . فخر رازینک بیانی وجهله مریم رضی الله عنها بیت مقدسه دائمی عبادتله مشغول اولوب حیضی ظهور ایتدیکنده تیزه سنک خانه سنه کیدر ، طهارت کسب ایدنجه غسل ایدر وعادتی وجهله بیت مقدسه عودت ایلردی . وقتا که حضرت عیسانک طلوعی زمانی حلول ایتدیکی صروده آیتده بیان اولوندیگی وجهله جبریل کلشدر . یاخود مکان شرقی ایله مراد؛ بیت مقدسک شرقی جهته عبادت ایچون چکیلدیکی زمانده کلشدر . هر هانکی صورتده اولورسه اولسون نصاری ایچون شرق جهتی مقدس عد ایدیلرک قبله اتخاذ ایدلشدر . چونکه ؛ وقوعاتک شرق جهته اولدینی قطعیدر ، لکن خانه نک شرقی می ویاخود بیت مقدسک شرقی می ؟ بوجهتک تعینی یوقدر . بناء علیه ؛ هرایکسنده احتمال واردر .

بو آیتده روح له مراد؛ جبریل امین . جبریل اذن السهی ایله ایسته دیکی صورته تمثیل ایدر و بوراده بشر صورته تمثیل ایتدیکنه آیت صورت قطعیده دلالت ایدر . مریم توحش ایتسون ایچون بشر صورته تمثیل ایتشدر . چونکه ؛ بشرک غیری ملک ویاخود باشقه بر صورتده ظهور ایتش اولسه قورقار سوزینی دیکله مکه قادرا اولامازدی . (انبذت) عزلت معناسه در . یعنی « انساندن خالی بر مکانه چکیلدی » دیمکدر . (سویاً) تام الاعضا معناسه اولدینی بوندن اول بیان اولونمشدی .

**

واجب تعالی مریمک جبریلی کورونجه آلمش اولدینی وضعیت وحرکاتی بیان ایتمک اوزره ﴿ قَالَتْ اِنِّیْ اَعُوْذُ بِالرَّحْمٰنِ مِنْکَ اِنْ کُنْتَ تَقِیًّا ﴾ بیوریور .

[جبریلی کورونجه مریم تلاش ایدرک دیدی که « بن سنک شرکدن رحمن تعالی نک عنایتنه التجا ایدرم . اکر متقی ایسه ک دفع ایت بندن شرکی » . ایشه حضرت مریم بو سوزلریله حایة السهبیه صیغیندی .]

یعنی ؛ غسل ایتمک اوزره خانه نک شرق جهته چکیلوب تنها قالدیغنده بشر صورتنده آکسزین جبریلی کورونجه مریم کال اضطراب وتلاشله دیدی که « بن سنک شرکدن

قوللرینی بو مثللو شردن حفظ ایتمکه قادر وانعام واحسان صاحبی اولان رحمن تعالی یه صیغیریم . چکیل بنم یامدن ، دفع ایت شرکی بندن . اکر اللهک عذابندن قورقار وکناهلردن اتقا ایدرسه ک » دیمکه عفتی اظهار ایدرک اللهک عنایتنه استناد ایتدی . چونکه ؛ تنها بر محله غسل ایچون حاضر لاندینی زمانده بویله بر بشرک آکسزین ظهور ایدیور مسندن اللهک حایه سنه التجادن باشقه چاره اولمادیغنی بیلدیکندن در حال جناب حقه التجا ایتشدر . ابوالسعود اقدینک بیانی وجهله بو آیت حضرت مریمک شهوات بشریه یه اصلا میل ایتمیوب عفتک صوک طبقه سنده اولدیغنه دلالت ایدر . جبریلک دلیقانی وغایت کوزل وتام الاعضا بر بشر صورتنده کورونمسی مریمه ابتلا اولدینی کی مریمک عفتده کالی وورع وقواسنی عاله اظهار واعلان ایچوندر .

**

واجب تعالی مریمک تلاشی کورونجه جبریل امینک ایراد ایتدیکی کلامنی بیان ایتمک اوزره ﴿ قَالَ اِنَّمَا اَنَا رَسُوْلٌ رَبِّکَ لِاَهْبَ لَکَ غُلَامًا زَکِیًّا ﴾ بیوریور . [جبریل امین مریمی تسلیه ووقوع حالی بیان ایچون « یا مریم ! بن سنک ربک تعالی نک رسولی می ، آنحق سکا عموم فالقردن ظاهر بر اوغلان هبه ایتمک ایچون کدم ، دیدی و مریمی تبشیر ایتدی .]

﴿ قَالَتْ اَتٰنِیْ یَکُوْنُ لِیْ غُلَامٌ وَلَمْ یَمْسَسْنِیْ بَشْرٌ وَلَمْ اَکُ بِغِیًّا ﴾

[جبریل امینک سوزینی ایشیدینجه مریم دیدی که « بنم ایچون اوغلان فصل اولور و بکا اوغلان زهدن کلیر ؟ حالوکه بنی بشر مس ایتدی . بناء علیه ؛ اوغلان دوغور مق اسابندن هیچ بر سبیه توسل ایتدم ونکاحله حلال اولارق بنی ، هیچ بر بشر طوقونمادیغنی کی بن حرامی ارتکابه فاجره دخی اولمادم .] شو حالد بندن اوغلان فصل طوغار ؟ طوغاماز . زیرا اوغلان یا نکاح نتیجه سنده ویاخود زنا ایله ارککله بعد التماس اولور . بنده ایسه بونلردن هیچ بریسی اولمادی « دیمکه اوغلان طوغاجغه تعجب ایتدی . جبریل امینک سوزینه مریم فصل ایناندی و طرف السهیدن ایلچی اولدیغنی فصل بیلدی ؛ یا علم ضروری ویاخود معجزه ایله بیلمش و ملک اولدیغنه قناعت ایتشدر . حضرت

عیسای والدہ سنہ ہبہ ایدن ہر نہ قدر اللہ تعالیٰ ایسہدہ جبریل واسطہ و آنی تبشیرہ
مأمور اولدینی جہتلہ ہبہ بی جبریل کندی ذاتہ نسبت ایدہ رک «بن ہبہ ایدہ جکم» دیمشدر.
حضرت عیسانک بالعموم عییلردن سالم و فنا شیردن طاهر اولاجغنه اشارت ایچون زکی
اولاجنی بیان اولونمشدر. حضرت مریمک عیسیٰ علیہ السلامہ حاملہ اولدیغندہ اون بش
یاشندہ اولدینی مرویدر.

* *

واجب تعالیٰ حضرت مریمک «بن چوجق دوغورمق اسبابہ توسل ایتدم» دیمسی
اوزرینہ جبریل امینک چوجغک اسباب عادیه ایلہ اولمایوب جناب حقک امریلہ اولاجغنی
بیان ایتک اوزرہ ایراد ایتدیکی سوزلری بیان ضمنتہ ﴿قَالَ كَذَلِكَ﴾ بیوریور.
[جبریل مریمہ خطاباً دیدی کہ «حال و شان سنک دیدیکک کیدر. زیرا؛ حلال
ویا حرام اولارق هیچ بر بشر سکا طوقونمادی ولکن اسباب عادیه توسل ایتمکسزین
عادتک خلاقی اولارق سندن بر اوغلان خلق ایتمک حکم الہی تعلق ایتدی »].

﴿قَالَ رَبُّكَ هُوَ عَلَىٰ هَيْنٍ﴾

[زیرا؛ ربک تعالیٰ اسباب عادیه توسل ایتمکسزین اوغلان خلق ایتک بنم اوزریمہ
قولایدر دیدی.] بناءً علیہ یا مریم! سندن بو حالکک براوغلان طوغاجغنه تعجب ایتہ.
چونکہ؛ حکم الہیدہ خلف اولماز البتہ وجود بولور «دیمکک مریمی تسلیہ ایتدی

﴿وَلَنَجْعَلَنَّ آيَةً لِلنَّاسِ وَرَحْمَةً مِنَّا﴾

[و بز باباسز اوغلانی خلق ایدہ جکرکہ او اوغلانی ناس ایچون قدرتمزہ علامت
قیلام و قوللریمزہ بزم طرفزدن رحمت اولسون و آنک ارشادیلہ هدایتدہ اولسونلر.]

﴿وَكَانَ أَمْرًا مَّقْضِيًّا﴾

[حالبوکہ عیسیٰ علیہ السلامک باباسز خلق اولونمسی بر امر محکوم اولدیغندن البتہ
وجود بولاجق، خلاف احتمالی اولاماز.]

یعنی؛ حضرت مریم «بنی بشر مس ایتدی، سندن چوجق نصل اولور؟» دینجہ
جبریل امین «اوت یا مریم! حقیقت سنک دیدیکک کیدر. حلال و حرام هیچ بر صورتلہ
سکا بشر طوقونمادی ولکن بو حالکک سندن براوغلان طوغمسنہ ربک تعالیٰ نک حکمی
جاری اولدی. زیرا؛ ربک تعالیٰ اسباب عادیه توسل ایتمکسزین چوجق خلق ایتک
بکا قولایدر دیدی. بناءً علیہ سندن چوجق طوغاجغنی بعیدعد ایتہ و بز باباسز چوجوغی
خلق ایتدک و او باباسز طوغان عیسای ناسہ علامت قیلدق کہ ہر کس کال قدرتمزی
و بدائع صنعتزی بیلسون و بز عیسیٰ علیہ السلامی طرفزدن بالجملہ قوللریمزہ رحمت
اولارق آنلری ارشاد و طریق مستقیمہ سوقلہ رضامنہ ایصال ایتسون و تابع اولانلر
حقندہ نعمت اولسون ایچون خلق ایتدک. حالبوکہ بو منوال اوزرہ عیسانک
باباسز خلق اولونمسی بر امر محکوم و مجزومدر» دیمکک کلامی تقریر ایتدی. باباسز
اوغلان طوغمق عادہ محال ایسہدہ قدرت اللہ نظرآ قولای اولدیغنی بیان وذاتہ مخصوص
اولدیغنه اشارت ایچون جناب حق «بنم اوزریمہ قولای» دیمشدر.

* *

واجب تعالیٰ حضرت مریمی جبریلک تسلیہ سنی و بہمہ حال طوغاجق اوغلونک رحمت
وناسہ علامت اولاجغنی بیاندنصکرہ مریم رضی اللہ عنہانک حاملہ اولدیغنی بیان ایتک اوزرہ
﴿فَحَمَلَتْهُ فَانْتَبَذَتْ بِهٖ مَّكَانًا قَاصِيًا﴾ بیوریور.

[جبریل امین تبشیر ایدنجہ درحال مریم، اوغلو عیسیٰ علیہ السلامہ حاملہ اولدی
و علامت حملی کورونجہ ناسدن خالی و اوزاق بر محلہ چکیلدی.] چونکہ؛ حملی ہر کسجہ
معلوم اولق سبیلہ خلقدن اوتاندیغنی ایچون ناسک لومنی دویماق اوزرہ عمراناتدن
خالی بر مکانہ عزلت ایتدی.

﴿فَاجَاءَهَا الْمَخَاضُ إِلَىٰ جِذْعِ النَّخْلَةِ﴾

[امارات ولادت ظہور ایدنجہ چوجق طوغورمق زحمتی، آنی خرما دالہ کتیردی
ویا پشمغہ مجبور ایتدی. بناءً علیہ؛ خرمانک دالہ صارلدی.]

﴿ قَالَتْ يَا لَيْتَنِي مِتُّ قَبْلَ هَذَا وَكُنْتُ نَسِيًّا ﴾

[ايشته او وقت کمال خجالتندن مريم اولومنی تنی ایدهرک « کاشکه نه اولای ایدی بوندن اول وفات ایده ایدمه بوکونلری کورمیه ایدم و بن وفاتندن دولای اوتوتولش اولایدم » دیمکه کمال اسفی اظهار ایتدی .]

مريم رضی الله عنہا مدت حملده یدی ویا سکز ویا طقوز آی اولمسنده اختلاف وار ايسهده اصح اولان طقوز آی اولدینی مرویدر . بیضاوینک بیانی وجهله مکان قصی ایله مراد ؛ قدس هوارنده طاع آرقسنده بر دره نك نهاییه . (نسیاً) اوتوتولسه و آرائلماسه دیمکدر . (منسیاً) دروزمانه اوتوتولسه اسمنی بیل ذکر ایتک کیمسنک خاطریه کلمز بر هاله کلمسه دیمکدر . بوکا نظراً (کنت نسیاً منسیاً) دیمک « نه اولای ایدی بن اوتوتولش ، آرائماز واسم بیله کیمسنک خاطریه کلمز بر حالده یوق اولوب کیده ایدمه بو حاللری کورمیه ایدم » دیمکدر .

فخر رازینک بیانی وجهله مريمک حامل اولدینی اولای حس ایدن عمیسی اوغلو یوسفدر . چونکه ؛ مريم و یوسف ایکسی برابر او زمانده (جبل صیهون) جوارنده بر مسجده خدمت ایدرلردی وزمانلرنده بونلردن دها چوق عبادت ایدن یوق ایدی . (یوسف) مریمده اماره حلی کورونجه اتهام ایتک ایستر ، فقط عبادته و صلاح حاله باقارق جسارت ایده مز . نهایت برکون مریمه « سندن برقاج شی صوره جفم » دیر . مریمده « صور » دینجه یوسف « تخومسز اوت بیتیمی ؟ صوسز آغاج میدان کلمی ؟ وارکک اولقسزین قادیندن چوجق طوغارمی ؟ » دیر . مريم جوابنده « الله تعالی ابتداء اوتلری تخومسز بیتیمدی ؟ وحضرت آدمی وزوجه سنی ارککسز خلق ایتیمدی ؟ » دیمکه یوسفی الزام ایتدیکی مرویدر .

بیضاوینک بیانی وجهله حضرت مريمک چوجق طوغورمق زحمته یا پیشمش اولدینی خرمانک قورو اولوب موسمکده قیش اولدینی مرویدر . بوندنصکره کی آیتده بیان اولوناجنی وجهله او قورو آغاج یا شارمش ، میوه ویرمش و مریمده اومیوه دن یمشدر . بونده کی حکمت ؛ مريمک کدرینی آزالتمق و بعض جهتلره ایضا ایتمکدر . چونکه ؛

قورو آغاجک یا شاروب میوه ویرمسی مريمک باباسز چوجق طوغورمسنه مشابیه اولدینی جهتله مريمی تسلیه واردر .

خلاصه ؛ جبریلک تبشیراتی اوزرینه مريمک حامله اولدینی و خلقدن اوتاندیغندن ناشی تنها و عمراناتدن اوزاق بر محله عزلت ایتدیکی و چوجقک طوغمق زحمی ، آنی خرما آغاجک آلتنه کتیروب آغاجه صارلمه مجبور ایتدیکی و اوزمان مريمک « کاشکه نه اولای ایدی بوندن اول اوله ایدمه اسمم اوتوتولش کیمسنک خاطریه کلمز بر حالده اولای ایدم » دیدیکی بو آیتدن مستفاد اولان فوائد جمله سندندر .

**

واجب تعالی مريم رضی الله عنہا مدت حملی وضع ایده چکی زمان تقرب ایتدیکنده اوزاق بر محله چکیلدیکی بیاندنصکره حملی وضع ایتدیکی زمان جریان ایدن احوالی بیان ایتک اوزره ﴿ فَنَادِيهَا مِنْ تَحْتِهَا أَلَّا تَحْزَنِي قَدْ جَعَلَ رَبُّكِ تَحْتَكِ سَرِيًّا ﴾ بیوریور .

[مريم حملی وضع ایدوب حجابی و الم روحانیسی تزايد ایدنجه مريمک آلتندن عیسی علیه السلام و یا خود جبریل ، مريمی تسلیه ایچون ندا ایتدی و دیدی که « ای والدہم ! بنم باباسز دنیایه کلمه مدن محزون اولما . زیرا ؛ سنک ربک سندن بر بویوک اوغلان خلق ایلدی و صوسزلنی کیدرمک ایچون آغاجک آلتنده برنهر خلق ایتکله سنک مرتبه کی ترفیع ایتدی . بناء علیه ؛ اونهردن وجود کده و البسه کده بیقاعسی لازم اولان شیلری بیقارسک .]

﴿ وَهَرَي إِلَيْكَ بِجِزْعِ النَّخْلَةِ سَائِقُ عَلَيْنِكَ رُطْبًا جَنِيًّا ﴾

[والکی یا پیشدیغک قورو خرمانک دانی شدتله کندینه چک که ایرمش ، کالنی بولش یاش خرما اوزریکه دوکولسون .]

﴿ فَكُلِي وَاشْرَبِي وَقَرِّي عَيْنًا ﴾

[بناء علیه ؛ آجیقدیغکده او خرمالری بی و صوصادیغکده نهرک طساتلی صوبندن ایچ و سندن طوغان چوجقکله کوزیکی دیکله ندر و نورلاندیر ، راحت ایت مراق ایتمه .] خلاصة البيان : طقوزنجی جلد — ۹۷

﴿ فَأَمَّا تَرِيْنَ مِنَ الْبَشَرِ أَحَدًا فَقُولِي إِنِّي نَذَرْتُ لِلرَّحْمَنِ صَوْمًا فَلَنْ أُكَلِّمَ الْيَوْمَ إِنْسِيًّا ﴾

[اكر سن بشردن بر كيمسه كورورسهك وسنك باباسز چوجق كتيرديككدن سئوال ايدرسه جوابنده سن « بن رحمن تعالى ايچون اوروج نذر ايتدم . بناء عليه ؛ بوكون بن هيچ برانسانه البته سوزسويله م » دي كه سنكله مجادله ايتسون ديمكله والده سني تسليه ايتدي.] عيسى عليه السلامك ظهوري خارق العاده اولديني كي حين ظهورنده والده سويله انسيت ايدوب سوز سويلسي دخي خارق العاده در . چونكه ؛ مريم رضي الله عنهاك بولونديني محلك اشاعي طرفندن ندا ايدن جبريل اولق احتمالي وار ايسده اصح اولان حضرت عيسى اولديني فخر رازينك جمله بياناننددر . چونكه ؛ مريمي تسليه ايچون ندا ايدن كيمسه نك معلوم اولسي تسليه ده تاثيري زياده اولاجغندن و مريم ايچون معلوم اولان حضرت عيسى اولديني جهته ندا ايدن كيمسه نك ده عيسى عليه السلام اولسي اقرب احتمالدر . چوجق ، خارق العاده اولارق دنيايه كلديكي كي خارق العاده اولارق الهام الهى ايله سوزه باشلايوب والده سنك خطر كتنى تعين ايتك هر حالده تسليه ده ده زياده تاثير ايدم جكنده شبه يوقدر . چونكه تسليه ايچون ايراد اولونان ؛ انواع نصايحي جامع در واوكونده والده سنه لازم اولان وضعيتي تعين ايتمشدر .

بيضاوي ، طبري وخازنك بيانلري وجهله (سرياً) سبر معنائه حضرت عيسى در . بوكا نظراً معنای نظم : [سن محزون اولما . زيرا ؛ ربك تعالى سنك آلتكده بر اولو ولد خلق ايتدي] ديمكدر . ياخود (سرياً) اوفانه برابرمانه معناسنه در . چونكه ؛ بعض روايته نظراً حضرت عيساك آياغي باصديني محلدن معجزه اولارق اوفاق برپيكار حاصل اولمش ومريمك صويه اولان احتياجي جناب حق بوصورتله دفع ايتمكله دخي تسليه ايتمشدر . بوراده هرايكى معنادن هانكيسي مراد اولونورسه اولونسون معنا صحيح ايسده آتده اكلله وشربله امر ايتك (سرياً) لفظنك نهر معنائه اولسني تأييد ايدر . زكريا عليه السلامك شريعتنده سكوت ايله نذر ايتك مشروع اولديغندن ناسله سويله شمه مكم ايچون اوروج نذر ايلسي وسئوال ايدن اولورسه اوروج نذر ايتديكندن

سكوته ملازمت ايدم جكني بيان ايتسي حضرت عيسى طرفندن الهام رباني ايله بيان اولونمشدر . چونكه احقه جواب ؛ سكوت دنيلديكي كي مريمكه مجادله ايدمك واتهامه قالقشاجق كيمسه سوزي ايله جواب ويرمكدن سكوتله مقابله ايتسي مصلحته وزمانه ده زياده موافق اولديني جهته جناب حق عيسى عليه السلامه والده سنه سكوت توصيه ايتسني الهام ايتمشدر .

بوندنصكره كي آيتلرده بيان اولوناجني وجهله والده سني اتهام ايتك ايتستينلره حضرت عيساك جوابي ، تهمتي دفعده ده زياده اولديني جهته جواب وظيفه سني حضرت عيسى ادا ايتمشدر .

قورو آغاجدن قيش كوننده ياش ميوه نك بيتسني وقورو يردن صوبيك چيقيسي باباسز چوجق طوغغه مشابه اولديني جهته اتهام ايدنلره جواب يونسدن بونلر كافي اولمقله مريمه سكوت توصيه اولونمشدر . چوجق كتيرون خاتونه هرشيدن زياده ياش خرما نافع اولديغندن جناب حق مريمه اكرام اولق اوزره قورو آغاجدن ياش خرما خلق ايتديكي خازنك جمله بياناننددر .

(وهزي اليك) شمرنه آغاجك دالني كنميه يك صالحه ديمكدر . (جنيأ) ابرمه ميره در . باظافه هرمانك ابرمشه رطب جني دينور . (وقري عيناً) كوزيكى ديكله ندير ديمكدر . چونكه ؛ سرور زمانى انسانك كوزى ديكله نير وكدر زمانى ده آغلار ، آجير . خلاصه ؛ حضرت عيساك والده سنه « باباسز چوجق طوغورديفكه حزن ايتمه . زيرا ؛ ربك سنك آلتكده بر بويوك ولد وياخود آقار صو خلق ايتدي وخرما دالني كنديكه چك اوزريكه ايرمش ياش خرما دو كولسون » ديديكى و « خرما دن يي ، صودن ايچ ، كوزيكى ديكله ندير يعنى مسرور اول واكر بشردن بر كيمسه كورورسهك بن رحمن تعالى يه اوروج نذر ايتدم . بناء عليه ؛ بوكون هيچ برانسانه سوزسويله م دي » ديمكله والده سنه الهام الهى ايله نصيحتده بولونديني بو آيتلردن مستفاد اولان فوائد جمله سندندر .

واجب تعالى مريمك حماني وضع ايتديكي زمان جريان ايدن احوالى وسويله ن سوزلري

بیاندنصکره اوغلوایله برابر قومنه کلدیکی بیان ایتمک اوزره ﴿نَأْتِيهِ قَوْمَهَا تَحْمِلُهُ﴾

بیوریور .

[مریم اوغلو ایله برابر قوجاغنده اوغلونی کوتورر اولدینی حالدده قومنه کلدی .]

﴿قَالُوا يَا مَرْيَمُ لَقَدْ جِئْتِ شَيْئًا فَرِيًّا﴾

[قومی قوجاغنده چوجنی کورونجه لوم ایتمکه باشلادیلر و دیدیلرکه «ای مریم ! الله یمین ایدرزکه محقق سن براممنکر کتیردک که عجیب و غریب و بزلره عارور سوالق در .]

﴿يَا أُخْتَ هَارُونَ مَا كَانَ أَبُوكَ امْرَأَ سَوْءٍ وَمَا كَانَتْ أُمُّكَ بَغِيًّا﴾

[ای هارونک همشیره سی ! سنک باباک کوتو برکشی اولمادی کی والدده کده زانیه وفاجره اولمادی . زیرا ؛ والدده و پدرک قومک صلحاسندن و فنا ایشلردن کماله اجتناب ایدنلردن ایدیلر . سن نصل اولدی که بویله بر ملامه اوغرادک و بوجوجنی زهدن آلدک و سنک زهد و تقوا که و عبادتله مشغولیتکه بویله فنا بر شی یا قیشیری ؟ « دیمکه تکدیری اوزاندیلر .] و شان مریمه لایق اولمادی بر طاقم اسناداته و افترايه قالدیشیدیلر و دیللرینی اوزاتمغه باشلانجه :

﴿فَأَشَارَتْ إِلَيْهِ قَالُوا كَيْفَ نُكَلِّمُ مَنْ كَانَ فِي الْمَهْدِ صَبِيًّا﴾

[مریم رضی الله عنها اوغلی عیسی علیه السلامه اشارتله ، تکدیر ایدنلره جوابی اوغلونه حواله ایتدی . مریم اوغلونه اشارت ایدنجه آنلر « بز بشیکده کی صبی به نصل سوز سویله یلم ؟ زیرا ؛ آنک امثالی چوجقلر سوز سوبلکه قادر اولاماز . سن جواب ویره مه یجه شاشدیفکدن چوجوغه اشارتله جوابی آکا حواله و آندن استمداد ایدیورسک . حالبوکه چوجقده قصور یوقدر ، دیملریله لسانلرینی بر قاندها اوزاندیلر .]

حضرت مریمک اوغلو دنیا به کلنجه آلوب قومنه کلک احتمالی واریسه ده بیضاوی ، خازن و مدارکک بیانلری و جهله قرق کون بر مغاره ده اقامتله نفاسندن تمیزلندنصکره قومنه کلدیکی مرویدروکلنجه قومی طرفندن آیتده بیان اولونان سوزلر سویلندی . آیتده

هارون ایله مراد ؛ حضرت مریمک برادر ی هارون علیه السلام اولم احتمالی واریسه ده اصح اولان حضرت مریمک لایب برادر ی هارون اسمنره بر کیمسه در . زیرا کلامده اصل اولان ؛ معنای حقیقیسنده استمالدر . بناء علیه ؛ هارون ایله مراد ؛ مریمک حقیقی برادر ی اولم مقامه ده مناسبدر . چونکه ؛ پدرینک و والدده سنک ایلککری ذکر اولونونجه آنلرمیاننده ایلککندن بحث اولونان برادرکده حقیقی برادر ی اولمسی موافقدر که والدده سنک و پدرینک ایلککیله تعیب اولوندینی کی برادرینک ایلککی ذکرله دخی تعیب اولوندی دیمکدر . یعنی «ای مریم ! سنک پدرک و والدده و برادرک ای کیمسه لر اولدقلمری حالدده سن نصل اولدی که بویله حاللری باشمزه کتیردک ؟ » دیدیلر .

(فریاً) بیضاوی و مدارکک بیانلری و جهله برامر عجیب و غریب و هرکسی نظر نره میرکیم دیمکدر . (فریاً) اساس معناسی اعتباریله بر شیئ کسمک معناسه اولوب مریمک باباسز چوجق کتیرمسی عادتک خلافی اولدینی جهته عادتی قطع ایتدیکی ایچون « سن عجیب و عادتک خلافی بر شی کتیردک » دیمکدر .

امر منکری ایشله مک جمله انسانلره عیب اولدینی کی صلحا اولادندن وقوعی دها زیاده عیب اولدیفنه اشارت ایچون ابوننک ایلککلردن بحث ایتشلر و « تکدیره هرکسدن زیاده لایق سک » دیمک ایسته مشلردر .

حضرت عیسانک حین طلوعنده والدده سنه نصایحده بولوندینی کی قومنه کلیرکن یوله بوندنصکره کی آیتده بیان اولونان سوزلری سویلدیکندن قومنه جوابی اوغلونه حواله ایتشدر . زیرا ؛ اوغلونک قومنی الزام ایده جکنی بیلیوردی .

**

واجب تعالی والدده سنک اشارتی اوزرینه حضرت عیسانک سویلدیکی سوزلری بیان ایتمک اوزره ﴿قَالَ إِنِّي عَبْدُ اللَّهِ آتَانِيَ الْكِتَابَ وَجَعَلَنِي نَبِيًّا * وَجَعَلَنِي مُبَارَكًا أَيْنَ مَا كُنْتُ﴾ بیوریور .

[عیسی علیه السلام والدده سی لوم ایدنلرک شدتندن والدده سنک مضطرب اولدیفنی

کوروب والده سی ده جوابیله امداد ایتسنی اوغلونه اشارت ایدنجیه دیدی که « والدهمه لایق اولمایان سوزلری سوبله مه یکه . زیرا ؛ بن الهک مقبول قولیم . بناء علیه ؛ الله تعالی بکا کتاب ویردی و بنی ، نبی قیلدی و بن هر زده بولونور سه م ربم بنی خیر کثیر وبرکت صاحبی قیلدی .]

﴿ وَأَوْصَانِي بِالصَّلَاةِ وَالزَّكَاةِ مَا دُمْتُ حَيًّا ﴾

[و بن حال حیاته اولدنجیه الله تعالی بکا صلاته و زکاته وصیت ایتدی .]

﴿ وَبَرًّا بِوَالِدَيْهِ وَلَمْ يَجْعَلْنِي جَبَّارًا شَقِيًّا ﴾

[و بن والدهمه احسان ایتدی امر ایتدی . حالبوکه الله تعالی بنی کبر ایدیجی شقی ده قیلما دی .]

﴿ وَالسَّلَامُ عَلَيَّ يَوْمَ وُلِدْتُ وَيَوْمَ أَمُوتُ وَيَوْمَ أُبْعَثُ حَيًّا ﴾

[و بن طوغدیم و اولدیکم و حی اولارق قبرمدن قالدیم کون الله سلامی بنم اوزریمه نازلدر « دیمکه حقیقی سوبلیدی و والده سنک عفت و برائتی اثبات ایتدی .]

یعنی ؛ حضرت عیسا والده سنه اقربالری طرفندن وقوع بولان تکدیر اوزریمه والده سنک تلاشی کوروب والده سی ده جواب ویرمه سنی اشارت ایدنجیه والده سنک ممه سنی بر اقبروالیله اشارت ایدره ک جوابه باشلارودیر که « ای جاهل لر ! بنم علو شانه تعرض ایدره ک عفت و عصمتی نه ایته وارمش اولان والدهمه طعنه شانه لایق اولما دق بر طقم افترا لره جسارتله جلالت قدرینی لکمه یکه . زیرا ؛ بن الهک مقبول قولیم . بناء علیه ؛ بکا قوللرینی ارشاد و هدایتده قیلماق ایچون کتاب ویردی و بنی انواع کرامتله ممتاز قیلدی و لطف و کرمیله باباسز کندی (کن) امریله بنی خلق ایتدی و بنی ، نبی قیلدیم کبی هر زده بولونور سه م بنی خیر کثیر وبرکت تامه صاحبی ده قیلدی . شو حالده بن هانکی بلده ده بولونور سه م بنم برکتیم و منفعم الله قوللریمه واصل اولور و برکتیمدن استفاده ایدر لر و بن حال حیاته اولدنجیه ربم بکا صلاته و زکاته وصیت ایتدی که ربمه جمیع اعضامله توجه ایدره ک وجودمک هر ذره سیله عبودیتی اظهار ایدیم و علائق دنیویه نک کافه سندن علاقیمی کسمک ایچون بکا زکاته امر ایتدی و کذلک والدهمه احسانله بکا امر ایتدی که والدهمک

امرینه امثال ایتمه که خدمته دوام و تواضع قنادریمی اوزریمه آجایم ولایتی وجه اوزره حقوقه رعایت ایدیم . زیرا ؛ ربم بنی متکبر و شقی قیلما دی . چونکه ؛ ربم بنی طهارت کامله و صلاح تام و اخلاق حمیده و انواع کرامتله تلطیف بیوردی . بناء علیه ؛ الله تعالی سلامی و حفظ و حمایه سی طوغدیم کون بنم اوزریمه نازل اولمشدی . زیرا ؛ الله تعالی شیطانک شرندن محافظه ایتدی و اولدیکم کون دخی شیطانک شرندن محافظه ایتمه که سلامت بنم اوزریمه نازل اولاجقدر و دیری اولارق قبرمدن قالدیم کون دخی سلامت بنم اوزریمه در . زیرا ؛ ار کونده ضرر کوره جکلردن دکلم ، دیمکه والده سی طرفندن جواب ویردی .

تفسیر خازنده بیان اولوندیغه نظر آ عیسی علیه السلامک شو سوزلری حضرت زکریانک حضورنده اولمشدر . چونکه ؛ مریم حضرت لریمه قارشی دیل لرینی اوزریمه اوزریمه زکریا علیه السلام او مجلسی تشریف ایتمشدر . حضرت عیسی اولا اللهک قولی اولدیم کبی بیان ایتدی که کندینی معبود اتخاذا ایتسونلر و شو سوزلریله والده سنک برائتی ده اثبات ایتمشدر . چونکه ؛ نامشروع ولدن بویله خارق العاده ظهور ایتیه جکی هر کسجه معلومدر وایلروده نبی قیلاجغنی و نمازله و زکاته مأمور اولاجغنی و کندینه کتاب کله جکفی بیان ایتمشدر که یهودیلر افترا دن و از کچسونلر .

ابوالسعود افندینک بیانی وجهله حضرت عیسی ولادتنده و وفاتنده و قبرندن قالدیم کبی سلامی کندینه تخصیص ایتمه که والده سنه و کندینه خصومت ایدنلره لغت اولاجغنه اشارت ایتمشدر . چونکه سلامی نفسنه حصر ایتمک ؛ سلامک ضدی اولان لعنتک مخاصملریمه اولاجغنی بیانی مستلزمدر .

حضرت عیسانک سوزلرینی دیمکه د کدنصکره یهودیلر حیرت ایدره ک بر درجه افترا دن و از کچر کبی اولدیلر سه ده برقچ فرقه حصوله کلدی . بناء علیه ؛ بعضیلری « اللهدر » دیدیلر ، بعضیلری « اللهک اوغلودر » دیدیلر ، بعضیلری افک و افترا ده اصرار ایتدیلر و بعضیلری ده نبوتنه ایمان ایلدیلر .

خلاصه ؛ حضرت عیسانک والده سی تبریته ایتدیکینی وایلروده الوهیتی اعتقاد ایدره جکلرک اعتقاد لرینک باطل اولدیم کبی و « بن الهک قولیم و بکا کتاب ویرلیدی و الله تعالی بنی ، نبی

وهرزده بولونورسم مبارک قیلدی وخلق ارشاد صورتيله بنم برکتیم وخیر کنیم ناسه واصل اولاجقدر ورم بکا صلاته وزکاته ووالدهمه احسانه وصیت ایتدی وبنی متکبر وشقی قیلما دی و طوغدیغم وأولدیکم وقبرمدن قالقدیغم کون اللهک سلامتی بنم اوزریمدر» دیدیکی بو آیتلردن مستفاد اولان فوائد جمله سنددر.

واجب تعالی عیسی علیه السلامک والدهمنی تبرئه ایچون حال صباوتنده سوبله دیکی سوزلری بیاندنصرکه حضرت عیسیایه «اللهک اوغلودر» دییه نلری رد ایتک اوزره ﴿ذَلِكْ عِيسَى ابْنُ مَرْيَمَ﴾ بیوریور.

[ایشته شوبیان اولونان سوزلری سوبله بن و بیان اولونان مناقب جلیله بنی حائزذات؛ مریمک اوغلو عیسی در، اللهک اوغلو دکدر.]

﴿قَوْلَ الْحَقِّ الَّذِي فِيهِ يَمْتَرُونَ﴾

[او عیسی، جناب حقک کلهسی وشول قولی درکه او کلهده یهود ونصاری شک ایدرلر.]

﴿مَا كَانَ لِلَّهِ أَنْ يَتَّخِذَ مِنْ وَلَدٍ سُبْحَانَهُ﴾

[الله تعالی ولد اتخاذا ایتدی. زیرا؛ ولد اتخاذاندن منزهدر، ولد اتخاذاینه احتیاجی یوقدر. بناء علیه؛ بن ذات الوهیتی ولد اتخاذاندن تنزیه ایدرم.]

﴿إِذَا قُضِيَ أَمْرًا فَإِنَّمَا يَقُولُ لَهُ كُنْ فَيَكُونُ﴾

[الله تعالی برشیتک وجودینی اراده بیورور حکم ایدرسه او شی ایچون اول دیر. امر السهی به امتالا او شی ده درحال اولور.]

یعنی؛ حییم! شو بیان اولونان سوزلری سوبله بن حضرت مریمک اوغلو عیسی علیه السلامدر وحق اولان طوغرو سوزده بودر. لکن بو طوغروده شک ایدرلر وکونا کون شیطانک اغفالاته آلدانیرلر. بناء علیه؛ بعضیسی «اللهک اوغلو» وبعضیسی ده «اللهدر» دیمکه جسارت ایدرلر. حالبوکه بو سوزلرک جملهسی باطلدر. زیرا؛ الله تعالی

هیچ بر ولد اتخاذا ایتدی وولد وزوجه واحباب کی یاردیمچی اتخاذاینه احتیاجی ده یوقدر. چونکه؛ بونلرک جمله سندن منزهدر والله تعالی بر امرک وجودینی مراد ایدرسه اوشیته امر ایدر و امر السهی اوزرینه درحال وقت فوت ایتکسزین او شی اولور. بناء علیه؛ عیسی علیه السلامک باباسز وجودینی اراده بیوردی، درحال وجود بولدی. بو آیت؛ حضرت عیسیای «اللهک اوغلودر» دییه بن نصارانک اعتقادلرینی ابطال ایتشددر.

بو آیتده (قول الحق) عیسی لفظندن عطف بیان وتفسیر اولدیغنه نظر آحق ایله مراد؛

ذات اهل واعلی وقول ایله مراد؛ حضرت عیسانک کنربسی اولورکه «حضرت عیسی اللهک قولی» دیمک «اللهک کلهسی» دیمکدر. چونکه؛ حضرت عیسی (کن) کلمه سید مبداء کلمه بکنده کلمه دینمشدر. شو حالده معنای نظم: [شو اوصافی بیان اولونان جناب حقک کلهسی اولان عیسی بن مریمدرکه آنک حقنده یهود ونصاری طائفه لری شک ایدرلر] دیمکدر. اکر (قول الحق) رفعله قرائت اولونور ومبتداء مخذوفک خبری اولورسه معنای نظم: [شوسوزلری سوبله بن عیسی بن مریمدر وبوسوزلر، حضرت عیسانک مریمک اوغلو اولوب اللهک اوغلو اولما دینی حق و طوغرو برسوزدرکه اوسوزده یهود ونصاری شک ایدرلر] دیمکدر.

ابوالسعود اقدینک بیانی وجهله عیسی علیه السلامک علو قدرینه ورفعت منزله سینه و بیان اولونان مناقب جلیله لری اعتباریله سائر ناسدن ممتاز اولدیغنه اشارت ایچون یوکسک مرتبه ده دلالت ایدن (ذلك) لفظی وارد اولمشدر.

واجب تعالی حضرت عیسانک کلامندن بقیه بنی بیان ایتک اوزره ﴿وَإِنَّ اللَّهَ رَبِّي وَرَبُّكُمْ فَاعْبُدُوهُ هَذَا صِرَاطٌ مُسْتَقِيمٌ﴾ بیوریور.

[«الله تعالی بنم وسزک ربمزددر. بناء علیه؛ اللهه عبادت ایدک، اللهک غیریه عبادتله شرک ایتمه یک وبنم سزه شو بیاناتم طوغرو بریولدر» دیدی.]

تفسیر طبریده بیان اولوندینی وجهله بو آیت جلیله حضرت عیسانک حال صباوتنده

سويديكي سوزك بقیه سی وقال نك مقولیدر. یعنی (انی عبدالله) قولى اوزرینه معطوفدر. بولا نظراً معنای آیت: [بن اللهك قولى بم وبكا كتاب ویردی. وبی، نبی قیلدی والله تعالى بنم وسرك ربمزدرد. زیرا؛ جمله منی انواع نعمتلى ايله تربیه وهر بریمزى ايجادله كالمزه ایصال ایتدی. حال بویله اولونجه الله عبادت ایدك، اللهك غیریه عبادتله شرك ایتیهك. آنجق ربكزه توجهله عبودیتكزك وظیفه سنی لایقیله ادا ایدك. ایشته شو بنم سزه بیانم طوغرو بریول که اکر تمسك ایدرسه کز سزی مطلوبکزه ایصال ایدر واکر باشقه طریقه توسل ایدرسه کز مقصد کزدن محروم اولورسکز] دیمکدر. آیت جلیله نك حال صباوتنده سويديكي نصایحدن بقیه اولمایوب حال نبوتنده واقع اولان نصایح جمله سندن اولمق احتمالی ده واردر.

**

واجب تعالى حضرت عيساك نصایحی بیاندنصكره ناسك اختلاف ایتدکرینی بیان ایتك اوزره ﴿فَاخْتَلَفَ الْأَحْزَابُ مِنْ بَيْنِهِمْ﴾ بوریور.

[عيسى عليه السلامك نصیحتی اوزرینه جماعتلر کندی بینلرنده اختلاف ایتدیلر.]

﴿فَوَيْلٌ لِلَّذِينَ كَفَرُوا مِنْ مَّشْهَدِ يَوْمٍ عَظِيمٍ﴾

[ناس فرقلره آریلنجه يوم عظیم اولان قیامتک حضورنده بویوك هلاك شول کیمسلر ایچوندركه آنلر کافر اولدیلر.]

یعنی؛ عيسى عليه السلام ناسه طوغرو بولی وجهله نك ربسی ومعبودی الله تعالى اولدینغی بیان ایدنجه ناس کندی آره لرنده اختلاف ایتدیلر. چونکه؛ ناسدن یهودیلر حضرت عيسى و والده سی حق لرنده تفریط ایدرک شان عيسى ومريمه لایق اولماق بر طاقم مقرباته جرأت ایتدیلر. نصاری ایسه افراط جهتی التزام ایدرک «عيسى عليه السلام اللهك اوغلودر» دیدیلر وبو صورتله اختلاف ایتدیلر وفرقلر وجماعتلر حاصل اولدی. بناء علیه؛ بو کبی افراط وتفریطله کفر ایتدیلر. شو حالده بویوك کون دینمکه لایق اولان يوم قیامتک حضورنده هلاك عظیم کافرله مخصوصدر. زیرا؛ حقدن باطله میل ایتلری سببیه عذابه مستحق اولدیلر.

مدار کده بیان اولوندینى وجهله عيسى عليه السلامك سمایه رفندنه صكره نصاری اوج فرق اولدیلر: برنجیسی؛ یعقوبیه فرقسیدر. آنلرک اعتقادلری؛ حضرت عيساك الله اولسیدر، چونکه؛ آنلرک اقتدا ایتدکلى علمادن (یعقوب) «عيسى اللهدر، سمان یروزینه ایتدی، بعده سمایه عودت ایتدی» دیدی. بونك سوزینه اینانوب اعتقاد ایدنلره یعقوبیه دینمشدر. ایکنجیسی؛ نسطوریه فرقسیدر. بونلرک اعتقادلری؛ حضرت عيساك، اللهك اوغلور اولسیدر. چونکه؛ علمادن (نسطور) «عيسى اللهك اوغلودر برزمان یروزنده اظهار ایتدی صكره سمایه قالدیردی» دیدی. بونك سوزینه اینانلره نسطوریه دینلمشدر. اوچنجیسی؛ مطنیه فرقسیدر. بونلر مؤمنلردر. زیرا؛ نصاری علماسندن (ملکان) «عيسى اللهك قولى ومخلوقیدر وقوللرینی ارشاد ایچون الله تعالى رسول کوندردی» دیدی. بونك سوزینه اینانلره مطنیه دینلمشدر که قرآنک نزولنه قدر مؤمنلردی، فقط قرآنه ایمان ایتیه نلر کافر اولمشلردر.

ابوالمعمر افندینک بیانی وجهله حضرت عيساك نصایحی اتفاق ایجاب ایدر نص قطعی اولدینغی حالده اختلاف ایتك امر منکردر. یهودک تفریطی ونصارانک افراطی مجرد شہوات نفسانییه اتباعدن ودلائلی تدقیق ایتمه مکدن نشأت ایتشدر.

بیضاوینک بیانی وجهله يوم قیامتله انسانلرک کناهلرینه منظر والدر وآیانلر وساء اعضارک شهادت ایدر مکنه وهرکسک عملیه برابر اوکونده حاضر بولنه جفته بناء مشهد يوم دینلمشدر. قیامتک شرفی، مسابی ومزاسی يك بویوك اولاجفته بناء قیامت کونی عظمت ايله توصیف اولونمشدر. کافرلرک عذابه استحقاقلرینک سببی؛ کفرلری اولدینغه اشارت ایچون اسم موصول ايله (الذین کفروا) وارد اولمشدر.

خلاصه؛ حضرت عيسى اللهك مخلوق اولوب الله تعالى آنک وجهله انسانلرک ربسی اولدینغی وبناء علیه؛ بالعموم مکلفینک اوزرینه الله عبادت واجب والله عبادت طریق مستقیم اولوب آنک غیرى طریقلرک باطل اولدینغی وحضرت عيساك بو موال اوزره امتیه نصیحتده بولوندینغی و لکن ناس نصیحتی دیکله میوب اختلاف ایتدکلى وهلاك

عظیم؛ یوم قیامتک حضورنده کافرله مخصوص اولدیغی بو آیتلردن مستفاد اولان فوائد
جمله سنددر.

* *

واجب تعالی یوم قیامتده کافرلر ایچون هلاک عظیم اولاجغی بیاندنصکره او کونده
کافرلرک حاللری تعجبه شایان اولدیغی بیان ایتک اوزره ﴿أَسْمِعْ بِهِمْ وَأَبْصِرْ يَوْمَ
يَأْتُونَنَا لَكِنِ الظَّالِمُونَ الْيَوْمَ فِي ضَلَالٍ مُّبِينٍ﴾ بیوریور.

[آنلر یوم قیامتده بزم حضورمزه کلدکلرند نه عجائب ایشیتیر و کورورلر، لکن
او کونده ظالملر آجیق برضالت ایچنده درلر.]

یعنی؛ ظالملر دنیاده حق کورمز و دویماز و طوغرو یوله کیتمز اولدقلری حالده
بزم حضورمزه کلدکلری قیامت کوننده نه عجائب کورور و ایشیتیرلر. فقط او کونده
ایشیتیمک و کورمک اصلا فائده ایتمز، لکن دنیاده حدود الهیه خارجه چیقمقله کندیلرینه
وغیرلره ظلم ایدن ظالملر میدانده برضالت ایچنده اولدقلرندن جنته یول بولامازلر.
نفسه ظلم ایدن کافرلرک ضاللتلرینک حقیقی ادراک اولونماز درجه ده بوبوک اولدیغنه
اشارت ایچون عظمت دلالت ایدن تنوینله (ضلال) نکره اولارق وارد اولدیغی کبی
ضالالرینه سبب نفسلرینه ظلم اولدیغنه اشارت ایچون ده ضمیر موضعنده (ظالمون) اسم
ظاهر اولارق وارد اولمشدر.

شو بیان اولونان معنا؛ ﴿اسمع بهم﴾ تعجب معناسنه اولدیغنه نظر آدر. اما ظاهرینه
محمول اولارق امر اولدیغنه نظراً معنا شومدر: [ای ایشیتیمک شانندن اولان کیمسه!
بزم حضورمزه کافرلر کلدکلری قیامت کوننده سن آنلرک جهنمه آه و آیتلرینی ایشیت
و بوغازلرنده اولان بوقاغی و زنجیرلری کورکه آنلرک نه غریب و عجیب حاللری اولاجقدر.]
شو حالده آیت جلیله کافرلری تهدید ایچون وارد اولمشدر. یا هود آنلره ایشیتدیرمک و کوسترمکه
رسول الله امردر. بوکا نظراً معنای آیت: [حبییم! سن حضرت عیسانک حاشا الوهیتی
اعتقاد ایدنلره قیامتک حالنی و آنلرک بزم حضورمزه کلدکلری کونک شدتی ایشیتدیر
و دلیللره کوستر] دیمکدر.

* *

واجب تعالی کافرلرک حاللرینی بیاندنصکره آنلری قورقوتیق لازم اولدیغی رسولنه
بیان ایتک اوزره ﴿وَأَنذِرْهُمْ يَوْمَ الْحَسْرَةِ إِذْ قُضِيَ الْأَمْرُ وَهُمْ فِي غَفْلَةٍ وَهُمْ
لَا يُؤْمِنُونَ﴾ بیوریور.

[حبییم! سن یوم حسرت و ندامت اولان قیامتده اولاجق عذابه امر الهی قضا
اولوندیغنده کافرلری قورقوت. حالبوکه آنلر او کونه ایمان ایتمز اولدقلری حالده غفلت
ایچنده درلر.]

﴿إِنَّا نَحْنُ نَرِثُ الْأَرْضَ وَمَنْ عَلَيْهَا وَإِنَّا يُزْجِعُونَ﴾

[بز قهرمز و جلالتمزله یر یوزینه ویر اوزرنده اولان انسانلره وارث اولورز. زیرا؛
آنلرک جمه سی آنجق بزم حضور معنومزه ارجاع اولونورلر.]

یعنی؛ ای رسول مکرم! کناهکارلر کناهلرینه و عابدلر عبادتلرینک آزلغنه
حسرت و ندامت ایده جکلری یوم قیامتده هر کسک حسابی کورولوب جزالری و یریلوب
قضاء الهی لاحق اولمقله اهل جنتک جنته و اهل جهنمک جهنمه کیده جکلری زمانده
واقع اولاجق و قوطانی بیانله سن کافرلری قورقوت. حالبوکه آنلر او کونده باشلرینه
کله جک محنت و مشقتدن غفلت ایچنده درلر. چونکه؛ آنلر آخرته ایمان ایتمدکلرندن
دوشونمزلر. بز عظیم الشان ارضه و ارض اوزرنده اولان انسانلره و سائر مخلوقاته وارث
اولورز. چونکه؛ هپسی هلاک اولور، بزدن باشقه باقی قالان اولماز. بناء علیه؛ آنلرک
جمه سی حساب و جزا ایچون آنجق بزم حضور معنومزه ارجاع اولونورلر. یعنی؛ هربری
دونه دولاشه برطاقم احوالدن انتقال ایده رک عاقبت عمللرینک جزاسنی کورمک ایچون
بزم حضور معنومزه کله جکلردر. زیرا؛ هرکس خیر و شر ایشله دیکی عملنک جزاسنی
کوره جک و ایتدیکنی بولاجقدر.

بیضاوینک بیانی وجهله یوم قیامتده عاصیلر « نه ایچون عصیان ایتدک » و عابدلرده
عبادتلری مقابلنده لطف الهی بی کورونجه « نه ایچون دها زیاده عبادت ایتدک » دیبه رک
ندامت و حسرت ایده جکلرینه بناء قیامت کونه یوم حسرت دنیلمشدر. رسول اللهک

« وفات ایدن کیمسه لردن ندامت ایتمه یمن بولونماز » دیمسی اوزرینه حضورنده بولونان اصحابی « ندامت نه در ؟ یا رسول الله ! » دینجه رسول الله « عبادت ایدن نه ایچون زیاده عبادت ایتدم و قباحت ایدن ده نه دن قباحت ایتدم دیمکله هرکس ندامت ایده جک » بیورمسی دخی بو معنای تأیید ایدر .

فخر رازینک بیاننه نظراً بوآیتده امرک قضا اولونمسی ایله مراد؛ دلیللره ثواب و عذاب بوللرینک یانه اولونمسی . بوکا نظراً معنای نظم : [حییم ! سن یوم قیامتله کافر لری انذار ایت . زیرا ؛ دلیللره ثواب و عذاب یولاری بیان اولوندیغی جهته هرکس کیتدیکی یولک اقتضاسی کوره جک] دیمکدر .

واجب تعالی نک ارضه مالک اولسنک معناسی « الله تعالی دن ماعدا کیمسه نک قالماسیدر » که « الله دن باشقه بر مالک و متصرف قالمه جق » دیمکدر .

..

واجب تعالی زکریا و عیسی علیهما السلامک خبرلرینی بیاندنصکره حضرت ابراهیمک وزماننده اولان پوت پرستلرک حالرینی بیان ایتک اوزره ﴿ وَاذْكُرْ فِي الْكِتَابِ اِبْرَاهِيْمَ اِنَّهٗ كَانَ صِدِّيقًا نَبِيًّا ﴾ بیوریور .

[یا اکرم الرسل ! ذکر ایت قرآنده ابراهیم علیه السلامک احوالی . زیرا ؛ ابراهیم زیاده طوغرو سویلر بر نبی ذیشاندر .]

یعنی ؛ حییم ! جد اعلاک ابراهیم علیه السلامک محامد اخلاقی و محاسن اطوارینی ذکر ایت که سن وسکا تابع اولان اهل ایمان انتفاع ایده سکر . زیرا ؛ ابراهیم معاملاتنده زیاده طوغرو سویلر و خلقی ارشاده مأمور بر نبی ذیشاندر . بناء علیه ؛ آنک اثرینه اتباع ایدن طوغرو یوله کیتمش اولور . چونکه ؛ طریقت ابراهیمده اصلاً کرینلک یوقدر . فخر رازینک بیانی وجهله قرآنده ابراهیم علیه السلامک احوالی بیان ایتک ؛ عربلری ارشاد ایچوندر . زیرا ؛ عربلر « بابالریمک دینی ترک ایده مه یز » دیدکلری جهته منسوب اولدقلری بابالرینک بویوکنی ذکرله آنلری انصافه دعوت ایتمکدر . یعنی « ابراهیم

علیه السلام سزک بابا کزدر . اکر بابالریکزی تقلید ایدر سه کز ابراهیمی تقلید ایتمکز لازمدر . زیرا ؛ بابالریکز ایچنده قدری عالی و طینت طاهره صاحبی و دینی ظاهر اولان حضرت ابراهیمدر . بناء علیه ؛ آنی تقلید ایتک سوزیکزه موافقدر ، دیمکدر و حضرت ابراهیم طوغرو سویلر یوب هر زمانه طوغرو بی نصیرین ایتدیکنه اشارت ایچونه صدیق عنوانیه ذکر اولونمشدر . بو عنوانه ذکر ایتک ؛ امت محمدی آنک مسلکونه تشویق ایتمکدر .

..

واجب تعالی ابراهیم علیه السلامک نبی اولدیغی بیاندنصکره پدرینه مدافعه سنی بیان ایتک اوزره ﴿ اِذْ قَالَ لِاَبِيْهِ يَا اَبَتِ لِمَ تَعْبُدُ مَا لَا يَسْمَعُ وَلَا يُبْصِرُ وَلَا يُغْنِي عَنْكَ شَيْئًا ﴾ بیوریور .

[ذکر ایت حییم ! شول زمانی که او زمانده ابراهیم علیه السلام پدرینک حالندن تعجب وانکار ایدرک پدرینه خطاباً دیدی که « ای بابام ! ایشیتمک و کورمک شانندن اولمایان وسکا اصابت ایدن بلایان هیچ بر شیتی دفع ایده مه یمن بر طاقم جاداته نه ایچون عبادت ایدرسک ؟] بویله ایشتمه یمن و کورمه یمن و ایشتدیرمک و کوسترمک و بلایانی دفعه قادر اولامیان شیلری فصل اولور که معبود اتخاذا ایدرسک ؟ چونکه معبودک شانی ؛ کورمک و کوسترمک و ایشتمک و ایشتدیرمک و کندینه عبادت ایدن عابدلرک بلایاسنی دفع ایتمکدر . شو حالکزه تعجب اولونور که الکزله یامش اولدیغکز جاداتی کندیکزه معبود اتخاذا ایدیورسکز » دیدی و سوزینه شونی ده علاوه ایتدی :

﴿ يَا اَبَتِ اِنِّیْ قَدْ جِئْتُ مِنْ الْعِلْمِ مَا لَمْ يَأْتِكَ فَاتَّبِعْنِيْ اِهْدِكَ صِرَاطًا سَوِيًّا ﴾

[« ای بابام ! سکا کله یمن علم توحید محقق بکا کلدی . شو حالده سنک بیلمدیککی یمن بیلورم . بناء علیه ؛ سن بکا اتباع ایت که بن سکا طوغرو یولی کوسترمیم .] کرچه سن بن سندن کوچوک و سنک اوغلاک ایه مده فضل واحسان ؛ اللهک ید قدرتمده در .

ایسته دیکنه ویررکه سکا ویرمدیکنی بکا ویردی « دیمکه پدرینه نصیحت ایتدی وایقظه چالیشدی .

بیضاوینک بیانی وجهله حضرت ابراهیم پدرینی حقّه دعوتده حسن ادبه رعایت ایتدی . چونکه ؛ اول امرده طوغرودن طوغرویه پدرینک ضاللتی ذکر ایتدی ، بلکه بوتلره عبادتک سینی صورتی و آزیحق عقلی اولانک آنلرک عبادتلرینه تنزل ایتیه جگنی سویلدی و معبودک هر شیئه قادر اولسی لازم اولدیغنه اشارت ایتدی .

ابراهیم علیه السلام پدرینه « جاهلستک » دیمدی ، بلکه کندینی یولی ایی بیلیر بر یولداش منزلده قیلدی و « بن یولی ایی بیلیرم سنی مقصدکه ایصال ایدیه جک یولی کوستریم » دیمکه پدرینه لیتله نصیحتده بولوندی .

**

واجب تعالی ابراهیم علیه السلام کلامندن بقیه بی حکایه ایتک اوزره ﴿ يَا أَبَتِ لَا تَعْبُدِ الشَّيْطَانَ إِنَّ الشَّيْطَانَ كَانَ لِلرَّحْمَنِ عَصِيًّا ﴾ بیوریور .

[ابراهیم علیه السلام پدرینی انتباهه دعوت ایچون دیدی که « ای بابام ! شیطان عبادت ایتمه . زیرا شیطان ؛ رحمن تعالی به عاصی اولدی .] بناء علیه ؛ رحمانه عاصی اولان شیطان عبادت ایتک البته معقول اولماز . حضرت ابراهیم بو سوزلریله بوتلره عبادتک شیطانک اغواسیله اولدینی جهتله بوتّه عبادتک عین شیطان عبادت اولدیغنه و شیطان ایسه رحمن تعالی به عصیان سببیه عبادته لایق اولمادیغنه اشارت ایتدی و سوزینه شونی ده علاوه ایدیه رک دیدی که :

﴿ يَا أَبَتِ إِنِّي أَخَافُ أَنْ يَمَسَّكَ عَذَابٌ مِنَ الرَّحْمَنِ فَتَكُونَ لِلشَّيْطَانِ وَلِيًّا ﴾

[« ای بابام ! انواع نعمتلی سکا احسان ایدن رحمن تعالی نک عذاب سکا طوقونمندن قورقارم . اگر سکا عذاب اصابت ایدرسه شیطانک دوستی اولورسک و جهنم آتشنده ابدی قالیرسک] زیرا ؛ اللهم دشمنه دوست اولمق الله دشمنق اولدیغنه شبهه یوقدر « دیمکه پدرینه نصیحت ایتدی .

فخر رازینک بیانی وجهله حضرت ابراهیم ؛ شیطانک الله تعالی به عصیان ایتدیکنی واللهم عاصی

اولان کیمسه نک رأینک ضعیف اولدیغنی بیان ایتش و رأی ضعیف اولان کیمسه به اقتدا صحیح اولمادیغنه اشارتله پدرینی ارشاده چالیشمش و شیطانک عصیان محسن معانسه اولان رحمن اسمنه اسنادله شیطانک نعمت بیلیمز بر کافر اولدیغنه تنبیه ایتکه شیطانک امرینه اطاعتدن تنفیر ایتمشدر . ابراهیم علیه السلام پدرینه نصیحت به اشار کن « ای بابام ! دیه رک پدرینه محبتک شدتی و عذابدن محافظه سنه کمال حرص و رغبتی اظهار ایتکه بر ابرکلامک آخرنده عذابک اصابت ایتمندن قورقدیغنی بیان ایدیه رک حقوق ابوتّه رعایتی و پدرینک مصالحه قلبک مربوط اولدیغنی بیانله پدرینک کندی نفسنه مرحمتی جلبه سعی ایتدی . فقط پدری اوغلونک نصایحی قبول ایتک اوزره دیکله مدیکندن اوغلونک نصیحتی پدرینه هیچ تأثیر ایتدی . چونکه سوزک تأثیری هر درلو حسیاتدن مجرد ایدیه رک انصافله دیکله مکّه متوقفدر . بناء علیه ؛ ابراهیم علیه السلام پدری انصافله اوغلونک نصیحتی دیکله مدیکندن فائده کورمه مشدر .

حضرت ابراهیم پدرینه « شیطان عبادت ایتمه . زیرا شیطان ؛ رحمانه عاصی اولدی » دیمسینه عاصیلره اتباعک جائز اولمادیغنی و اگر بر کیمسه اتباع ایدرسه عذاب الهینک مس ایدیه جگنی بیانله پدرینی قورقونمغه دخی سعی ایتمشدر .

ایشته بومثللو انبیاء سابقه نک نصیحتلرینی قرآنده ذکرله جناب حق امت محمدّه درس عبرت و یروب انتباهه دعوت ایدیور . چونکه شوآیت ؛ هر نه قدر ابراهیم علیه السلام پدرینه نصیحتی بیان ایدیور ایسه ده قرآنه ایمان ایدن هر شخصه نصیحتدر . زیرا بو نصیحتی قرآنده حکایه دن مقصد ؛ امت محمدک بوندن حصه یاب و بو نصیحتله منتصح اولسیدر ، یوقسه مجرد حکایه دن عبارت دکدر . بناء علیه ؛ شیطان ، رحمن تعالی به عصیان ایتسنه بناء هر شخصک شیطان و شیطانک امثالی انسانلردن ربسنه عاصی اولانلره اطاعت ایتسی جائز اولمادیغنی و اگر شیطان و سائر عاصیلره بر کیمسه اطاعت ایدرسه شیطانک دوستی اولوب عذابه مستحق اولاجنی بوآیتدن مستفاد اولان فوائد جمله سنددر .

**

واجب تعالی حضرت ابراهیمک نصیحتّه قارشی پدرینک قبول جهته رغبت ایتدیکنی

خلاصۃ النبیان : طقوزنجی جلد — ۹۸

وبلكه عتف و شدت کوستردیکی بیان ایتک اوزره ﴿ قَالَ اَرَاغِبُ اَنْتَ عَنْ اِلٰهِيَّ
يَا اِبْرٰهِيْمُ ﴾ بیوریور .

[ابراهیم علیه السلام نصیحتی رد ایتک اوزره پدری دیدی که « ای
ابراهیم ! سن بنم معبودلریمه عبادتن اعراض می ایدیورسک ؟ » .]

﴿ لَئِنْ لَمْ تَنْتَهِ لَأَرْجُمَنَّكَ وَاهْجُرْنِي مَلِيًّا ﴾

[« الله یمین ایدرم که اگر سن بواعقدادن واز کچمزهک سنی ملا ناسده طاشله
اولدورورم ، قالد یامدن، ترک ایت بنی، اوزون مدت کله یانمه یوزیکی کورمهیم، دیدی .]
یعنی ؛ ابراهیم علیه السلام شو نصیحتلرینه قارشى پدری کال شدله رد وانکار
ایدرك دیدی که « یا ابراهیم ! سن بنم معبودلریمه عبادتن اعراض می ایدیورسک ؟ حالبوکه
آنلره عبادت سنک حالکه الیقدر . زیرا ؛ آباء واجدادک بونلره عبادتله کچدیله واولادک
خیرلیسی دینده باباسنه ودهدهسنه اتباع ایدندر . سن ایسه اجدادینک دیندن دونوبورسک .
الله یمین ایدرم که اگر سن بواعقدادن واز کچمزهک البتسنی طاشله اولدورورم . ترک
ایت بنی ، اوزون مدت کله یانمه . زیرا ؛ بواعقداله سنک وجود کدن بکا عدمک خیرلیدر .
چونکه ؛ سن اهالی ایچنده بنی محجوب ایدیورسک . اگر بواعقدادن کچر بنم دینمه دوز
رعایت ایدرسک اوزمان کل یانمه سنی قبول ایدرم والا یانمه کله . سنک کی اولاد بکا لازم
دکدر » دیمکه اوغلونی رد ایتدی . شو حالده ابراهیم علیه السلام ملایمتله نصیحتنه قارشى
پدری شدت وحقارتله مقابله ایتشدر . چونکه ؛ حضرت ابراهیم پدرینه خطابده دفعاتله
« ای بابام ! دیدیکی حالده پدری بردفعه بیله « اوغلو » دیمدی ، بلکه اسمیله « یا ابراهیم ! »
دیدى و ابراهیم علیه السلام « عاقل اولان کیمسه بر طاقم عاجز جماداته عبادت ایتمز »
دیمشدى . پدری ایسه « عاقل اولان بزم معبودلریمزدن قاجاز ، یوقسه سن بونلره عبادتن
قاجور میسک ؟ » دیمکه مقابله ایتدی . رجم ایله مرادی ؛ شتم و لغت اولور احتمالی وارسده
طاشله اولدورورم معناسنده ظاهر در . (ملیاً) بیضاوینک بیانی وجهله اوزره مدت کیت

ویا خود یانمده کیت معناسنده در . شو حالده « بنی اوزون مدت ترک ایت ویامدن کیت »
دیمک « بکا سوز سویله و بوبلده دن هجرت ایت » دیمکدر .

واجب تعالی ابراهیم علیه السلام پدرینک شدتنه قارشى ویرمش اولدینی جوابی بیان
ایتک اوزره ﴿ قَالَ سَلَامٌ عَلَیْكَ سَأَسْتَغْفِرُ لَكَ رَبِّیْ اِنَّهُ كَانَ بى حَفِیًّا ﴾ بیوریور .

[ابراهیم علیه السلام پدرینک شدتنه قارشى دیدی که « ای پدرم ! بنم طرفمدن
سلام سنک اوزریکه اولسون و سنکچون ربمه استغفار ایدرم . زیرا ؛ ربم بکا اولدنبری
چوق لطف ایتدی .]

﴿ وَاعْتَزِّلْکُمْ وَمَا تَدْعُوْنَ مِنْ دُونِ اللّٰهِ ﴾

[وبن سزدن واللہک غیرى عبادت ایتدی ککر ودعا ایدوب چاغیردیغکر معبودلریمزدن
عزات ایدر و هجرتله سزی ترک ایدرم .]

﴿ وَادْعُوا رَبِّیْ عَسٰی اَلَّا اَکُوْنَ بِدُعَاۤیِ رَبِّیْ شَقِیًّا ﴾

[وبن ربمه دعا ایدر یالککر آکا عبادت ایدرم و اومارم که بن ربمه دعاده مأیوس
وسعیم بوشه کیده رک شقی اولمام » دیمکه پدرینه برطاقم تعریضاتده بولوندى .]

یعنی ؛ ابراهیم علیه السلام پدرندن کورمش اولدینی عناد و جهل و ضلالتله قارشى
آنک کوتولکنه ایلک ایله مقابله ایدرك دیدی که « ای پدرم ! سوزیمی دیکله یوب
نصیحتمی قبول ایتدک . بنم طرفدن سلامت سنک اوزریکه اولسون و بندن سکا اذا
ویردجک برشى واقع اولماز . بنم طرفدن مستریح اولابیلیرسک ولکن بابالق حقنه رعایت
ایتک اوزره سنک ایچون ربمه البتیه استغفار ایدر وتوبیه موفق اولمکی واصلاح نفس
ایتمکی جناب حقندن استرحام ایدرم . زیرا ؛ سنک بنده حق تربیهک واردر . او حقکه
رعایت اولیق اوزره سنک اصلاحک ایچون ربمه مراجعتدن واز کچم . چونکه ؛ ربمک

بكا لطف واحسانى چوقدر وسنك وبكا عداوت ايدنلرك شرلردن بنى محافظه ايدر وبهم نصيحتم سزه تأثير ايتمه بنه بن سزدن واللهم غیری سزك عبادت ايتديككزمعبودلریكزدن عزلت وهجرت ايتمكه سزدن آیریلیرم وبولونديغكز حال اوزره سزی ترك ایدرم وبی انواع نعمتيله تربيه و طریق توحيدہ ایصال ایدن ربمه دعا ايدر وآنك حمایه سنه التجا ایدرم . اومارم كه ربم دعای قبول ايدر ، بنی مأیوس ایتمز و سزك باطل معبودلریكزه دعا كزده وعبادتككزده امكلك بوشه كیدوب ضرر ایتديكككز كی بنم امكم بوشه كیتمز » دیمكه پدرندن آیرلدى وارض مقدسه هجرت ایده جكنه اشارت ایتدی .

ابراهيم عليه السلام پدرينك كفری اوزرينه مقاتله ايله امر اولونماديغندن آنك سفاهته قارشى حلمله مقابله وسلامله وداع ايتمشدر . استغفاری وعدی ؛ ايمانه موفق اولمسه دعا ایده جكنی بیاندر . چونكه كافره استغفارك معناسی ؛ مغفرت ايجاب ایدن ایمانی قبولنه دعادر . ياهور آنك شریعتده ایمانی امید اولونان كافره استغفار جائز اولديغندن استغفار ایده جكنی وعد ايتمشدر .

ابوالسعودافدينك بیانی وجهله حضرت ابراهيمك كلامنده پدرينك وامثالنك شقاوتلرينه تعريض و پوتله عبادتلرينك سعادتدن محرومیتلرينه سبب اولديغنه اشارت اولدينی كی (عسی) لفظنی كلامنده درجله تواضعی اظهار وحسن ادبه رعایت ایتمش ودعای قبول واجب تعالی دن لطف واحسان اولوب واجب اولماديغنه دخی تنبيه ايتمشدر .

(حقیقاً) هرچه لطف واحسانه ايتمكه مرحمت ايدر وكرامتمده بنی محروم ایتمز . بناء علیه ؛ دعای قبول وابسته دیکمی ویرمكه تلطیف ايدر دیمكدر . (شقیقاً) ضرر ابریمچی وسعی بوشه کیریمچی دیمكدر . یعنی « سزك پوتله دعا وعبادتككزده امككز بوشه كیدوب سعيكزدن ضرر كوردیكككز كی بن ربمه عبادتن ضرر كوریم وامكمده بوشه كیتمز » دیمكدر .

خلاصه ؛ ابراهيم عليه السلام پدرينه سلامله وداع ایدوب استغفار ایده جكنی وعد ایتدی و ربسنك لطفی چوق اولديغنی بیانه پدرندن ومعبودلردن عزلت ایده جكنی وربسنه دعا ایدوب قبولی امید ایتدی بو ایتلردن مستفاد اولان فوائد جمله سنددر .

**

واجب تعالی ابراهيم عليه السلامك پدرندن مفارقتدن صكره نائل اولدينی نعمتلى بيان ايتمك اوزره ﴿ فَلَمَّا اغْتَرَزَهُمْ وَمَا يَغْبُذُونَ مِنْ دُونِ اللَّهِ وَهَبْنَا لَهُ إِسْحَاقَ وَيَعْقُوبَ ﴾ بيورييور .

[ابراهيم عليه السلام كافرلردن واللهم غیری معبودلردن عزلت ایدرهك هجرتله دیار غربتی اختیار ایدنجه بزآ كا اوغلو اسحق واسحقك اوغلو یعقوبی هبه ایتدك] كه آنلره انسیت ایتسون وغربتك كرتی آنلره دفع ایلسون .

﴿ وَكُلًّا جَعَلْنَا نَبِيًّا ﴾ وَهَبْنَا لَهُمْ مِنْ رَحْمَتِنَا ﴿

[واسحقله یعقوبدن هر برنی بزنی قیلدق . بناء علیه ؛ وحیمزك نزولنه محل وخلقك مصالح دینه لرینی تسویه مرجع اولدیلر . و ابراهيمه واولادواحقادینه بزلطف واحسانمزدن اولاد و ثروت وجاه ومنصب ویردك . بناء علیه ؛ زمانلرنده بولونان انسانلرك اكثربسه مرجع وعموم احكامده حاکم اولدیلر .]

﴿ وَجَعَلْنَاهُمْ إِبْرَاقًا صِدْقَ عَلِيًّا ﴾

[و بز الی يوم القيام ناسك لسانلرنده آنلرك ثنالی صديق و واقعه مطابق قیلدق كه اوشالری ، آنلرك مرتبه لرینی عالی قیلدی .] یوقسه سائرملوك وجبارهنك ثنایی كی مرتبه لرینی تنزیل ایتدی . چونكه ؛ ظلمهك ثنایی ساخته در ، اما بونلرك ثنایی صادقدر . بناء علیه ؛ بونلرك ثنالی مرتبه لرینی آرتیردی و حیثیتلرینی یوكسلتدی . زیرا ؛ ابراهيم عليه السلامك دعاسنك اثری اولارق الی يوم القيام ناسك لساننده باقیدر ، زوال یوقدر و ثنالی عالیدر ومشهوردر . بناء علیه ؛ بو کون دنیاده بولونان ملتلردن بر چوقلری حضرت ابراهيمه نسبت دعواسنه قالقیور وآنكه افتخار ايتمك ایسته یور و آكا انتسابی نفسنه بر شرف عد ایدیور ، اما ملوك وجبارهنك ثناسنك اساسی یالان اولديغندن السنه ناسده زوال بولور و آز وقته غائب اولور کیدر . حضرت ابراهيم واولادینك مناقبلرینی هر کس قبول ایدر . چونكه ؛ جناب حق بونلرده دین ودنیانك شرفنی جمع ایتدی وانسانلر ایچون اك بویوك مرتبه اولان نبوتله تلطیف ایتدیکی کی ثروت وسامان ووسعت رزقه دخی تلطیف ايتمشدر . بناء علیه ؛ بونلری ارباب ادیانك کلیسی قبول ایدو و ثناسنده بولونورلر .

بیضاوینک بیانی وجهله حضرت ابراهیمک هر نه قدر باشقه اولادی واریسه ده اسحقله یعقوب حضرتلری شجره انبیا اولدقلری جهتله بومقامده آنلرک اسملری تصریح اولونمشدر. اسمعیل علیه السلام ده شرفه بناء آیریمجه ذکر اولوناجقدر. حضرت ابراهیم پدرندن دین خصوصنده اللهک رضاسنی تحصیل ایچون عزلت ایتدیکنه مقابل الله تعالی رزقده وذرینده برکت خلق ایتمشدر. بناء علیه؛ دین ایچون هجرت ایدنلرک بوایکی برکتدن حصه یاب اولاجقلری نه اشارت واردر وعلی الا کثر فی سبیل الله دین اوغرنده هجرت ایدنلر ده بو برکتلر کورولمکده در. اما باشقه غرض اوزره هجرت ایدن بالطبع بو برکتدن لایقوله مستفید اولاماز. حضرت ابراهیم بواسته بر بویوک نبی بعث اولونمسیله دعا ایتدیکندن بوامتک بش وقت نمازنده صلوات شریفه ده رسول الله اشتراک ایتمکه بوتون اهل ایمانک دعا لرینه مظهر اولمشدر واللهمک دینی اعلا ایچون بالعموم کافرلره عداوت ایتدیکندن الله تعالی ذاته ضلیل یعنی دوست اتخاذ ایتمشدر.

ابوالسعود افندینک بیانی وجهله حضرت اسحق و یعقوب هجرتک عقینده میدانه کلیم برمدت صکره میدانه کلمشده بونلرک وجودی پدرلری حقنده بویوک نعمت اولمسنه بناء هجرتک عقینده وجود بولمشلرکی هجرتک عقینده ذکر اولونمشلردر. چونکه؛ حضرت ابراهیم بابلدن شامه هجرت قصدیه حرکتنده اول (حران) دینیلن موقعه کلدی واوراده (ساره) رضی الله عنهای تزوج ایتدی و برمدت ساره دن چوجق دنیاه کلدی. حضرت ابراهیمه واولادینه جناب حق نعمت دین و نعمت دنیایی احسان ایتدیکندن جمله انسانلرک لسانلرنده ثنالی غالی قیلدیغنی بیان بیوردی. چونکه؛ انسانلردن مالدار اولوب دیاتی اولمایانلر یالکنز ثروت صاحب لرینی سور، دیانت صاحب لرینی سومز و دیاتی اولانلر ده ارباب دیاتی سور. اما هم زنکین هم ده متدین اولورسه اوکیسه یی هر کس سوروشنا ایدر. زیرا متدینلر دیانتدن و ارباب ثروت ده غنا سندن دولایی سورلر. بناء علیه؛ انسانلر هم دینی و هم ده دنیایی جمع ایدره رک ارباب صلاحدن اولغه چالیشملی که هر کس عندنده مقبول اولسون.

خلاصه؛ ابراهیم علیه السلامک اللهک رضاسنی قصد ایدره رک کافرلردن و معبودلردن عزلت ایتدیکی واسحق و یعقوب علیهما السلام کی انیادن اولاد و احفاده نائل والی یوم القیام

ناسک لسانلرنده طوغرو اولارق ثنالی باقی وعلی اولدینی بوآیتدن مستفاد اولان فوائد جمله سنددر.

**

واجب تعالی حضرت ابراهیمک احوالی بیانلنصکره احفادنن موسی علیه السلامک احوالی بیان ایتک اوزره ﴿وَإِذْ كُنَّا فِي الْكِتَابِ مُوسَى إِنَّهُ كَانَ مُخْلَصًا وَكَانَ رَسُولًا نَبِيًّا﴾ بیوریور.

[ذکر ایت قرآنده حبیب! موسی علیه السلامک احوالی. زیرا؛ موسی علیه السلام عبادتی اخلاص اوزره ادا ایتدی و کندیسی طرف السهیدن کوندرلمش رسول اولدینی کی وحی السهی بی امته خبر ویردیکی جهتله نبوتله دخی متصفدر.]

﴿وَنَادَيْنَاهُ مِنْ جَانِبِ الطُّورِ الْأَيْمَنِ وَقَرَّبْنَاهُ نَجِيًّا﴾

[طورک صاغ جانبندن بز موسی علیه السلامه ندا ایتک وکلامیزی ایشیده جک قدر بزآنی تجلیآمزه یا قلاشدریق. حتی بزمله مناجات ایتک شریفله مشرف اولدی.]

﴿وَوَهَبْنَا لَهُ مِنْ رَحْمَتِنَا أَخَاهُ هَارُونَ نَبِيًّا﴾

[و بز کندی رحمتز و لطف و احسانلردن موسی علیه السلامه برادری هرونی نی اولارق هبه ایتک.]

یعنی؛ ای رسول مکرم! قرآنده امتک درس اولق اوزره حضرت موسانک مناقبی ذکر ایت زیرا؛ موسی علیه السلام بز عبادتی اخلاص اوزره ادا ایتدی و عبادته شرک وریا قاریشدرمدیغدن خالص قولزدر. چونکه؛ نفسی الله تعالی به تسلیمله ماسوادن علاقهنی کسدی و کندی فرعون و بنی اسرائیل طرف السهیدن کوندرلمش رسول اولدی و آنلرک نقصانلرینی اکمال ایلله طریق خیره ارشاده مأمور اولدینی کی وحی السهی بی امته خبر ویرمک و احکامی تبلیغ ایتک صورتیه نبوتله دخی متصف اولدی و بز کمال اخلاصله عبودیت و طیفه سنی ادا ایتدیکی جهتله انواع سعادت و بمن و برکته محل اولان طور طاعتک صاغ جانبندن بز موسایه ندا ایتک و کندی مزه سرداش اولوب مناجات ایدرجه سنه

لطفمزه یا قلاشیدردق و طوره واقع اولان ظهوراتی وانکشافی مشاهده ایتدی. بناء علیه؛ قدرینی ترفیع و بزمه مکالمه مساعدہ ایتدک و کلامزی ایشیتمک شرفیه مشرف اولدی و بوقدرلده اکتفا ایتدک، بلکه کندی لطفمزدن برادری هرونی نی اولارق آکا احسان ایتدک که احکام رسالتی تبلیغ و تنفیذ ایتدکه قوت و عزیمت صادقہ صاحبی اولسون و نبوتہ متعلق احکامی اداده کندینه فتور کلسون و برادری کندینه یارغار اولسون و فرعون کبی بر جبارک قارشیدنه کال جلادته چیقسونلر.

فخر رازینک بیانی وجهله جناب مری بو آیتده موسی علیه السلام ایچون بره شی ذکر ایشمرد. برنجیسی؛ حضرت موسانک مخلص اولمیسرد. اگر مخلص اسم مفعول اولارق قرائت اولونورسه معنای نظم: [موسی علیه السلام جناب حق ذاتی ایچون اختیار ایتدیکی صافی و خالص قوی] دیمکدر. اما اسم فاعل اولارق قرائت اولونورسه معنای نظم: [موسی علیه السلام عبادتی الله تخصیص ایدرک ریادن و شرکدن سالم عمل ایدیجی] دیمکدر. ایکنجیسی؛ حضرت موسانک هم نبی همده رسول اولمیسرد. اوچنجیسی؛ طور طاعنده موسی علیه السلام صاغ جانبته کلن جهنمه نداء الهی ایلد مشرف اولمیسرد. چونکه طور؛ (مربیه) ایلد (مصر) آره منده مبارک بر طاعنده. مدیندن مصره کیدرکن صاغ جانبده قالدیغندن صاغ جانب ذکر اولونمشدر یاخود ایمن؛ یمن و برکنده آلمشدر. بوکا نظراً معنای نظم: [یمن و برکت صاحبی اولان طور جانبندن بز ندا ایتدک] دیمکدر. دردنجیسی؛ واجب تعالی نیک مناجات ابره جهل قدر کنیزه مقرب قیلیمیسرد. بوراده قربیت له مراد؛ مرتبه و منزلت جهنمه قربیتد. چونکه الله نسبت اولونان قربیت؛ شرف و مرتبه سنی ترفیع ایتدک معنایه در، یوقسه مسافه معنایه قربیت دکلدر. چونکه؛ جناب حق مسافه معنایه قربیتدن منزهدر. شوخالده «بز موسایی مقرب قیلدق» دیمک «ندامزی ایشیتدیرمکه درجه سنی آرتیردق و قدرینی عالی قیلدق» دیمکدر. بشنجیسی؛ هرونی هم ایشیمیسرد. بوراده هبه ایلد مراد؛

هرده علیه السلام نبوتی هبردر. یوقسه ذاتی هبه دکلدر. چونکه؛ حضرت هرون سناً حضرت موسادن بویوکدر.

ایشته جناب حق حضرت موسانک مخلص قوللردن اولدیغنی بیانی و نبوتی و طوره مناجات شرفه نائل اولق و برادرینک نبوتی هبه ایتدک کبی مزایای عالییه بی اخلاص اوزره تفریع ایتدکه قوللرینی و بالخاصه قرآنه ایمان ایدن امت محمدی اخلاصه تشویق ایشمدر. چونکه قرآنده حضرت موسایی اخلاصه ثنا ایتدکن مقصد؛ اخلاصک مزایای عالییه دن اولدیغنی بیلسونلر و آتی تحصیله سعی ایتسونلر دیمکدر.

**

واجب تعالی موسی علیه السلام احوالی اجمالاً بیاندنصکره اسمعیل علیه السلام احواله اشارت ایتدک اوزره ﴿وَإِذْ كُنَّا فِي الْكِتَابِ إسمعیل﴾ بیوریور. [حیم! قرآنده اسمعیل علیه السلامی ذکر ایت.]

﴿إِنَّهُ كَانَ صَادِقَ الْوَعْدِ وَكَانَ رَسُولًا نَّبِيًّا﴾

[زیرا؛ اسمعیل علیه السلام وعدنده صادق و کندیس رسالتله و نبوتله متصف اولدی.]

﴿وَكَانَ يَأْمُرُ أَهْلَهُ بِالصَّلَاةِ وَالزَّكَاةِ وَكَانَ عِنْدَ رَبِّهِ مَرْضِيًّا﴾

[و اسمعیل علیه السلام اهلته و اتباع ایدن امتنه صلاتله و زکاتله امر ایدردی و ربسی عندنده مقبول و مرضی ایدی.]

یعنی؛ ای رسول ذیشان! قرآنده جد اعلاک حضرت اسمعیلک مناقبی ذکر ایت. زیرا؛ اسمعیل علیه السلام الله تعالی به کمال اعتماد و توکل تامنه بناء هر نه که وعد ایتسه وعدنی ادا ایلد صداقت ایدر و وعدنده اصلاً خلف ایتزدی و پدرینک شریعتی تبلیغه مأمور رسول و کندینه وحی اولان احکامی امتنه خبر ویرر نبی ایدی و کندی اهلته و اتباع ایدن امتنه جمیع اعضا ایلد جانب حقه توجهدن عبارت اولان نماز و دنیا به کمالیه اعتمادی ترک سبب اولان زکاتله امر ایدردی و بوتون علائق دنیویه دن قطع علاقه ایتدیکسندن ربسی عندنده مقبول و ربسی افعالنندن راضی اولدیغنی جهتله مرضی ایدی.

بيضاوينك بياني وجهله حضرت اسمعيل وعدنده صداقته مشهور اولديغندن بو مقامده (صادق الوعد) اولديغنى ذكر وآنكه ثنا اولونمقله امت محمد وعدنده صداقه ترغيب اولونمشدر. چونكه؛ حضرت اسمعيل پدريك كنديسك ذبح ايتمنه صبر ايدم جكنى وعد ايتدى و وعدينى ايفا ايتديكى ده (سورة صافات) ده بيان اولونمشدر. اسمعيل عليه السلام يمن جهندن كلوب مكه وادي سنده والده سنه قومشولقله اقامت ايدن (جرهم) قيله سنه مبعوث رسول وكندينه وحى اولونان احكامى امتنه خبر ويريكي جهته نبي ايدى. جمله ناسه وعدنده صداقتى اولديغندن جناب حق آنك حقنده بك بيوك بر خصلت اولارق صداقتى ذكر ايتمشدر.

ابوالسعود افنديك بياني وجهله حضرت اسمعيلك ذكرينه اعتنا و مستقلاً بيانه شايد اولديغه اشارت ايچون پدريله برابر برادرينك ذكرندن صكره آيزيجه. ذكر اولونمشدر گرچه حضرت موساك بعثتى اسماعيل عليه السلامدن چوق زمان صكره ايسه ده موسى عليه السلام اسحق ويعقوب حضرتلرينك نسلندن اولسنه بناء آره لرينه فاصله كيرمكسرين حضرت موساك مناقبي اسمعيل عليه السلامك مناقبندن اول ذكر اولونمشدر. انسانك هر شيدن اول اوزرينه واجب اولان كندى نفسى و آندن صكره اولاد و عيالى و قوم و قيله سنى اصلاح و ارشاد ايتك اولوب حضرت اسمعيلك بو جهته دقت ايتديكى بيان ايچون صلاته و زكاتله اهلنه امر ايتديكى ذكر اولونمشدر. بناء عليه؛ هر شخصك اول كندى نفسى بعه اولاد و عيالى اصلاحه سنى ايتمى واجبدر. خلاصه؛ اسمعيل عليه السلامك وعدنده صادق رسول ونبي اولديغى و اهلنه عبادتك اهمى اولان صلاته و زكاتله دوام اوزره امر ايتديكى و ايشى وسوزى جهندن عندالله مرضى اولديغى بو آيتدن مستفاد اولان فوائد جمله سننددر.

**

واجب تعالى حضرت اسمعيلك مناقبى بيان ايتديكى كجى حضرت ادريسك دخى مناقبى بيان ايتك اوزره ﴿وَاذْكُرْ فِي الْكِتَابِ اِدْرِيسَ﴾ بيورييور. [حييم! ذكر ايت قرآنده ادريس عليه السلامك احوالى.]

﴿اِنَّهُ كَانَ صِدِّيقًا نَبِيًّا﴾

[زيرا ادريس؛ سوزنده صادق وحق اولان سوزى تصديقه نهايته وارمش برنجى ذیشان ايدى]

﴿وَرَفَعْنَاهُ مَكَانًا عَلِيًّا﴾

[بز آنى عالم علوى اولان سمايه قالديردق.]

فخر رازى، قاضى و خازنك بيانلرينه نظراً ادريس عليه السلامك اسمى (اخوخ) اولوب لقبى (ادريس) در. چونكه؛ نومبره و سائر علم و عرفانه دار فلقه مرقه درسى و برسنه بناء ادريس دينمشدر. حضرت ادريس بر چوق صنعتلر ايجاد ايتمشدر. ابتدا قلمله يازى يازان و علم حسابى ايجاد و علم نجومى تأليف ايدن و ايكنه ايله البسه ديكن و آرقه سنه كيىن ادريس عليه السلامدر. بوندن اول البسه ديكمك بيلمزلر، انسانلر حيواناتك دريسنى بورونمكله وقت كچير لرلردى. حضرت ادريس (شيت) نسلندن و حضرت نوحك پدريك جديددر. چونكه حضرت نوحك پدرى (ملك) و آنك پدرى (متوشلخ) و آنك پدرى (اخوخ) كه ادريس عليه السلامدر.

(مكاناً علياً) مكان على ايله مراد؛ بوكك مرتبه وعالى درجه اولوب محتملدر. بوكا نظراً معنای آيت: [زادريسك، نبوت و برمكله درجه سنى يو كسلتك] ديمكدر. فقط مشهور روايته نظراً مكان على ايله مراد؛ درونجى و با آلتنجى سماره. سمايه رفع اولونمى جلالت قدر و شرافت شان نتيجه سى اولديغندن جناب حق سمايه رفع ايتمىله ثنا ايتمشدر. انيادن دوت ذاتك بر حيات اولوب آنلردن (خضر) له (الياس) يرده (ادريس) ايله (عيسى) نك سماره اولدقلىرى تفسير خازنك جمله بيانلانددر.

ترازونك و كيله نك و كفارله محاربه ايچون سلاحك ايجادى دخى ادريس عليه السلامك اولديغى مداركك جمله بيانلانددر.

**

واجب تعالى بو سورده ذكر اولونان انبياء عظامك كنديلرينه مخصوص اولان

حالی رنی بیاندنصرکه جمله سنک مشترک اولدقلری احوالی بیان ایتک اوزره ﴿أُولَئِكَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ مِنْ ذُرِّيَةِ آدَمَ وَمِمَّنْ حَمَلْنَا مَعَ نُوحٍ وَمِنْ ذُرِّيَةِ إِبْرَاهِيمَ وَإِسْرَائِيلَ﴾ بیوریور .

[ایشته شومناقلری ذکر اولونان ز کریان ادریسه قدرانیاء کرام شول کیمسه لکه الله تعالی آنلر اوزرینه ظاهر و باطن نعمتلیله انعام و هر برنی نبوتله اختیار بیوردی که آنلرک جمله سی آدم علیه السلام و نوحله برابر بزم کیده کوتوردیکمز کیمسه لکه و حضرت ابراهیم و اسرائیل ذریتنددرلر]

﴿وَمِمَّنْ هَدَيْنَا وَاجْتَبَيْنَا﴾

[دخی شوانیاء کرام بزم هدایتده قلوب نبوتله اختیار ایتدیکمز کیمسه لکه ذریتنددرلر]

﴿إِذَا تُتْلَىٰ عَلَيْهِمْ آيَاتُ الرَّحْمَنِ خَرُّوا سُجَّدًا وَبُكِيًّا﴾

[آنلر اوزرینه رحمن تعالی نک آیتلری تلاوت اولوندیغنده سجده ایدر و آغلار اولدقلری حالده یوزلری اوسته یره قاپانیرلر]

یعنی ؛ حییم ! شو سورده اسملری و مناقبلری ذکر اولونان انبیادن شول کیمسه لکه الله تعالی آنلر اوزرینه نعمت دینی و دنیویه انعام ایتدی . اللهک انعام ایتدیکی نیلردن بعضیلری که ادریس و نوح ، حضرت آدم نسلنددر و بعضیلری که ابراهیم علیه السلام ، حضرت نوحله برابر بزم کیده کوتوردیکمز (سام) ذریتنددر و بعضیلری که اسحق و اسمعیل و یعقوب ، حضرت ابراهیم ذریتنددر . موسی و هرون و زکریا و یحیی و عیسی علیهم السلام کی بعضیلری ده حضرت یعقوب نسلنددر و بونلرک جمله سی بزم طریق توحیده هدایتده قلوب انسانلر آردسندن شریعتمزی تأسیسه و احکامی تبلیغه مأمور و اختیار ایتدیکمز خالص قوللریمزدردر . آنلر اوزرینه انواع نعمتلیری انعام ایدن رحمن تعالی نک قدرته و وحدانیته دلالت ایدن آیتلری اوقوندیغنده کمال تواضعله آنلرینی تراب مذله قویقله سجده ایدر و جلالت الهیه و عظمت سبحانیه قارشوسنده الطافی استرحام ایده رک یره

قاپانیرلر . رسول اللهک « قرآنی تلاوت ایدک و آغلایک و آغلایک کز آغلار کی حزن اظهار ایدک » بیوردینی حدیثی بو معنای تأیید ایدر .

آنلر اوزرینه تلاوت اولونان آیتلرله مراد ؛ کنیدلرینه نازل اولانه کتابلرک آیتلریم . بناء علیه ؛ هرملتک کنیدینه نازل اولان کتابک آیتلری اوقوندیغنده لازم اولان تعظیمی یرینه کتیرمک لازمدر . سجده ایله مراد ؛ نماز اولور احتمالی اولدینی کی سجده آیتلری اولور احتمالی ظاهردر . زیرا ؛ سجده یه قاپانمالری تلاوته تعلیق اولونمشدر .

ایشته قرآنده شومناقلری بیان اولونان انبیاء عظامک آیتلر اوقوندیغنده کمال تواضع و حضور اوزره بولوندقلرینی و آغلادقلرینی بیانله جناب حقک ثنا بیورمسی ؛ امت محمد قرآن اوقوندیغنده کمال ادب و تواضعله دیکله ملرینی و لازم کلن تعظیمی یا ملرینی و قرآنک حقنه حرمت و موجیله عمل ایتلرینی توصیه ایتکدر . چونکه اللهک آیتلرینه رعایتک انبیانک سنتلری اولدیغنی بیان ؛ آنلرک سنتلرینی احیا ایتک ترغیددر . بناء علیه ؛ بو آیتی اوقویان وایشیدنک سجده ایتمی سنتدر .

بوسورده ذکر اولونان انبیاء عظامک شانلرینه تعظیم لایق اولدیغنه و علو مرتبه لرینه اشارت ایچون بعد مراتبه موضوع اولان ﴿اولئک﴾ لفظی وارد اولدینی ابوالسعود افندیکنک جمله بیاناتنددر .

واجب تعالی انبیاء عظامک احوالی بیانله قوللرینی آنلرک طریقلرینی التزامه تشویق ایتدکنصکره انبیانک احوالنک خلافتی ارتکاب ایدنلرک حاللرینی بیان ایتک اوزره ﴿خَفَافَ مَنْ بَعْدِهِمْ خَلْفٌ أَضَاعُوا الصَّلَاةَ وَاتَّبَعُوا الشَّهَوَاتِ فَسُوفَ يَلْقَوْنَ غِيًّا﴾ بیوریور .

[اسملری ذکر اولونان انبیادنصکره کوتو نسللر و فنا ملتلر آنلره خلف اولدیلرکه آنلر نمازی ضایع ایتدیلر و شهوات نفسانیه لرینه اتباعله طوغرو یولدن چیقیدیلر . بناء علیه ؛ آنلر یقینه جهنم آتشنه ملاقی اولورلر]

﴿إِلَّا مَنْ تَابَ وَآمَنَ وَعَمِلَ صَالِحًا فَأُولَئِكَ يَدْخُلُونَ الْجَنَّةَ وَلَا يُظْلَمُونَ شَيْئًا﴾
[الا شول كيمسه لر جهنمه ملاقي اولمازلر كه آنلر كناهلرينه توبه و ايمان ايتديلر
و عمل صالح ايشله ديلر . ايشته آنلر جنته داخل اولور و عمللرينك اجرندن هيچ برشيله
ظلم اولونمازلر .]

يعني ؛ عموم بلایا و فتنه لره محل اولان ارض اوزرنده کونا کونا فناقلر و فسادلر
ظهور ايتدجه اسملری ذکر اولونان انيادن هر رى زماننده ظهور ايدن بلایا و فسادى
دفع و طرف السهيدن کندیلرینه کله احکامی تنفيذ و حاللرینی اصلاحله طوغرو يوله
سوق ايتمه کله چالشمشلسه ده آنلردن صکره کوتو نسللر و فاسق قوملر کلدی آنلره
خلف اولدی . بناء عليه ؛ آنلرک براقش اولدینی قوانین شرعیه یی ایاقلر آلتنه آلدیلر
و ايمانك لوازمندن اولان نمازی ضایع ايتديلر و حقوقه رعایت ايتمز اولديلر و شهوات نفسانيه لرینه
وهوا و هوسلرینه اتباعله ارکان دینلرینی ترك ايتديلر . بناء عليه ؛ آنلر یقینده شره
و جهنم آلتنه ملاقي اولور و لذات فانیه لرینه مقابل ابدآ جهنم ايجنده قالیرلر . الا شول کيمسه لر كه
آنلر تائب و مستغرا و لارق ايتديكنه ندامتله درگاه الوهیت رجوعله ايمان ايتديلر و ايمانك
مقتضياتندن اولان عمل صالح ايشله ديلر . ايشته آنلر جنته داخل اولور و عمللرينك اجرندن
هيچ برشى نقصان اولماز . بناء عليه ؛ اصلا ظلم اولونمازلر .

بيضاوی و خازنك بيانلرينه نظراً بو آيتده (غیباً) مجرد شمرده عبارت اولاده مهتممه
بر دره در كه اودره دن جهنمك سائر دره لری استعاذه ايدرلر . بودره شهوات نفسانيه سنه تبعيله
زنايه دوام و شراب ايجمكه مصر ويدر و والده لرینه اذا و يالان يره شهادت ايدنلر ايجون
حاضر لاشدر . ايشته بو مثللو كناهلردن توبه ايدنلر جنته داخل اولاجقلردر . آنجق
توبه لری اخلاص اوزره اولق شرطدر . توبه ايله برابر عمل ايدنلر جنته داخل اولدقلری
اجرلرندن بر شیده نقصان اولمقله ظلم اولونمازلر .

نيسابورينك بیانی وجهله توبه ، کفرلرینی محو ايتديکندن توبه دنصکره کی عمللرینه
اولکی کفرلری ضرر ویرمیه جکنه اشارت ايجون اجرلرينك نقصان اولیه جفی و اصلا ظلم
اولونمیه جقلری بیان اولونمشدر . نمازی اضاعه بالکلیه ترك ايتمه شامل اولدینی کبی
وقتندن تأخیرده شاملدر . شهوات نفسانيه تبعیت لزومندن زیاده یوکسك ابنیه یا مقی

وهر كسك کيمديکی غالی البسه کيمک کبی شيلره دخی شامل اولدینی حضرت علی دن
مرويدر . بو آيتده نمازی اضاعه ؛ بوندن اولکی آيتده کی سجده یه و شهواته اتباعده
بکايه مقابلدر . یعنی « انبیا سجده ايدر نماز قیلارلر . انبیانك خلفی اولوب سنتلرینه اتباع
ايتمينلر و آنلرک خلافتنه حرکت ايدنلر سجده یی و نمازی ضایع ايدرلر و انبیا ايتلر او قوندیغنده
خضوع اوزره آغلارلر . بونلر ايسه آنلرک خلافتنه نفسلرينك آرزوسنه اتباع ايدرلر » ديمکدر .

واجب تعالى تائب و مستغفر اولانلرک جنته داخل اولاجقلرینی بياندنصکره جنتك
بعض اوصافی بیان ايتمک اوزره ﴿جَنَّاتٍ عَدْنٍ الَّتِي وَعَدَ الرَّحْمَنُ عِبَادَهُ بِالْغَيْبِ﴾
بيوربيور .

[توبه و ايمان ايدنلرک داخل اولاجقلری جنتلر جنت اقامتدر كه اوجنتلری قوللرينه
احسانی بول اولان رحمن تعالى عبادينه عن الغياب وعد ايتدی .] چونكه ؛ قوللردنياده
اوجنتلری کورمديکندن جنتلر آنلردن غايبلردر و لکن آخرتده او وعد السهی یی البته
کوره جکلردر .

﴿إِنَّهُ كَانَ وَعْدُهُ مَأْتِيًا﴾

[زیرا ؛ الله تعالى نك وعدينه ككوب كوروله جکدر .] چونكه ؛ او وعدك اهلی البته
کله جك و وعد اولونان محلی کوره جك و وعد السهی یی عينيله بولاجقلردر .

﴿لَا يَسْمَعُونَ فِيهَا لَغْوًا إِلَّا سَلَامًا﴾

[اهل جنت جتده لزومسز سوز سويله من و باطل كلام ايشيتمز لر ، آنجق بربرلرينه
سلام ويرير و آليرلر .] سلامدن باشقه فائده سز سوز ايشيتمز و ديکله مزلر . بناء عليه ؛ دائماً
قلبه انشراح ويره جك فائده لی سوزلر ايشيتيرلر .

﴿وَلَهُمْ رِزْقُهُمْ فِيهَا بُكْرَةً وَعَشِيًا﴾

[واهل جنت ايجون جتده صباح و آقشام رزقلری واردر . ايسسته دکلری زمان
کندیلرینه کليز اصلا طارلق کورمزلر .]

﴿ تِلْكَ الْجَنَّةُ الَّتِي نُورِثُ مِنْ عِبَادِنَا مَنْ كَانَ تَقِيًّا ﴾

[ايشته شو اوصافی بیان اولونان جنتلر شول جنتلردر که بز قوللریمزدن متقی اولان کیمسه لری اوجنتلره وارث قیلارز .]

عدن ؛ نيسابوری وقاضینک بیانلری وجهله اقامت معناسه در . زیرا ؛ جنتلر مؤمنلرک محل اقامت لری اولمیشنه جنته عهده دیمشدر . یاخود عدن ؛ جنتلردن برینک اسم علمیه جنتلرک جناب حق قوللرینه دنیاده جنتی وعد ایدوب قوللر جنتدن و جنت قوللردن غائب اولوب یکدیگرینی کورمدکلرندن رحمن تعالی نک قوللرینه عن الغیاب وعدایتدیکی بیان اولونمشدر . لکن اوغائبانه وعد اولونان جنتلری قوللرک همه حال کوره جکلرینه اشارت ایچون وعد السهینک مأتی یعنی اهلنک کله جکی محل اولدینی بیان ایدلشدر . چونکه ؛ (مأتیاً) محل ایانه یعنی کانه جک محل دیمکدر . اهل جنتک سوره باسقه بر شیئی ایشیه جکلری ایله مراد ؛ عیبره و نقصانده وازا و بره جک شیلردن سالم سوزلر و فرج و سرور و بره جک مجتهد ایشیه جکلرینی یاندر . جنتده کیجه و کوندوز اولمایوب دائماً نوردن عبارت و انسانلر ابداً نور ایچنده بولونا جقتلر ایسه ده دنیاده کی عادتلری وجهله صباح و آقشام مقداری زمانده طعاملرینک کله جکی ایچون صباحده و آقشامده رزقلرینک کله جکی بیان اولونمشدر که اهل دنیایه آکلاتمق دنیاده کوردکلری عادتلری وجهله اولایله جکسندن صباح و آقشام ذکر اولونمشدر ، یوقسه جنتده نه صباح وار ونه ده آقشام واردر . یاخود عرب عندنده صباح و آقشام کان بول رزق افضل اولدیغندن صباح و آقشام عبادته ترغیب ایچون ذکر اولوندینی نيسابوری و خازنک جمله بیاناتنددر . زیرا ؛ هر قومک عادتلری وجهله محبت ایتدکلری شیلرله ترغیب ایتک عادت السیه جمله سنددر . مثلاً حریر کیمک ، آلتوندن و کموشدن بیله زیک طاقنمق عجملرک و کرسیلر اوزرنده اوتورمق یمن اشرافنک محبت ایتدکلری شیلر اولدیغندن جناب حق آنلری ذکر لده ترغیب ایتشدر . جنته کیره جکلرک کفردن وسائر کناهرلردن اتقا ایدن کیمسه لر اولاجنی صراحة بیان اولوندی که امره امثال ونهیدن اجتنابه اتقا صاحبی اولمایان جنته وارث اولامیه جق دیمکدر .

مدار کده بیان اولوندینی وجهله جناب حقک ، جنتک فضولی سوزلردن وفائده سز

شیلردن سالم اولاجنی بیانه بو دنیاده قوللرینک لغویاتله مشغول اولماملری الزم اولدیغنه اشارت ایتشدر . چونکه ؛ اصلاً تکلیف اولمایان و مسئولیت بولونمایان جنتی لغویاتدن تنزیه ایدنجیه دار تکلیف اولان و هر شیدن مسئولیته محل اولان دنیاده لغویاتدن تنزیه البته الزمدر .

**

واجب تعالی جبریل امینک نزد رسول الله و رودی تأخر ایدنجیه رسول اللهک تأخرک سببی صورمسی اوزرینه جبریلک ویرمش اولدینی جوابی حکایه ایتک اوزره ﴿ وَمَا نُنَزِّلُ إِلَّا بِأَمْرِ رَبِّكَ ﴾ بیوریور .

[بز نازل اولامایز ، الا ربک تعالی نک امریله نازل اولورز .]

﴿ لَهُ مَا بَيْنَ أَيْدِينَا وَمَا خَلْفَنَا وَمَا بَيْنَ ذَلِكَ ﴾

[زیرا ؛ بوندن اول کچمش و حقیقی ظاهر اولان شیلرک علمی و بوندن صکره کله جک شیلرک علمی و تصرفی و بوندنک آره سنده اولاجق شیلرک علمی و تصرفی آنجق الله تعالی به مخصوصدر .]

﴿ وَمَا كَانَ رَبُّكَ نَسِيًّا ﴾

[حالبوکه یا رسول الله ! ربک تعالی هیچ بر شیئی اونوتور اولمادی که سکا و حی اونوتسون . چونکه ؛ الله تعالی نسیاندن مزهدر .]

﴿ رَبُّ السَّمَوَاتِ وَالْأَرْضِ وَمَا بَيْنَهُمَا ﴾

[زیرا ؛ الله تعالی سموات وارضک و آنلرک آره سنده اولان موجوداتک ربی و خالقیدر .] و آنلرک هر جمله سی و هر ذره سی آنک عندنده حاضردر و هر بری لایقی وجهله تربیه ایدر . بناء علیه ؛ علمندن هیچ برشی غائب اولماز .

﴿ فَاعْبُدْهُ وَاصْطَبِرْ لِعِبَادَتِهِ ﴾

[حال بویله اولونجه یا اکر الم رسل ! ربک تعالی به عبادته دوام ایت و عبادتی ایچون خلاصة البيان : طقوزنجی جلد — ۱۹

حاصل اولان مشقته صبر ایت . [و نازل اولمسی آرزو ایتدیکک احکامک نازل اولمسنده
عجله ایتدیکک کبی نزولک تأخرندن دخی مایوس اولما و وحیک تأخرندن دولایی کافرلرک
استهزاردن متأذی اولما .

﴿ هَلْ تَعْلَمُ لَهُ سَمِيًّا ﴾

[ای رسول ذی شان! سن الله تعالی به بر آداس بیلیرمیسک؟ البته بیلیمزسک .]
چونکه ؛ اللهک غیری الله اسمنده بر کیمسه یوقدر . شو حالده سنک ایچون وظیفه اللهه
عبادته دوام و آرده واقع اولان مشقتله صبر و وحیک کلکسنده جناب حقک اراده سنه
انتظار ایتمکدر .

خازن ، فخر رازی و نعمت الله افندیکنک بیانلرینه نظراً بو آیتک سبب نزولی شویله در ؛
قریش قومی رسول اللهک حالی بیانله مدینه ده بولونان یهودیلردن نبوته دائر بعض شیر
سؤال ایتمک اوزره بش کیمسه کوندردیلر . آنلر اوصاف رسول اللهی بیان و بویله بر کیمسه نک
نبی اولوب اولامیه جغنی یهود علماسندن صور دیلر . یهودیلر « آخر زمانده مکده بر نبی
ظهور ایدمک و زمانی ده گلشدر . بناء علیه ؛ اوزاندن اصحاب کهفی و ذوالقرنینی و روحی
سؤال ایدک . اکر بو اوچدن ایکسنه جواب ویرر روحدن جواب ویرمزنه نیدر ،
اتباع ایدک » دیدیلر . مشرکرمکبه کل دیلر و رسول اللهدن بو اوچ شیدن سؤال ایتدیلر .
رسول الله « یارین جواب ویرهیم » دیدی . فقط ان شاء الله دیمدیکندن وحی الهی اون
بش کون و دیگر بر روایتده قرق کون کلدی و مشرکرا استهزا ایتدیلر . رسول الله
محزون اولدی ، بعده جبریل امین کلدی . رسول الله « نه ایچون کچ کلدیکنی » سؤال
ایدنجه آیتده بیان اولوندی و جهله جبریلک جوابی جناب حق حکایه ایتمک اوزره بو
آیتک و سورة کهفده مشیت آیتک و (الضحی) سوره سنک نازل اولدینی مرویدر .

واجب تعالی رسولنه عبادتله و عبادتده صبرله امر دنصکره حشری انکار ایدنلرک
سوزلرینی بیان ایتمک اوزره ﴿ وَيَقُولُ الْإِنْسَانُ إِذَا مَا مِيتٌ لَسَوْفَ أَخْرَجُ حَيًّا ﴾
بیوریور .

[حشری منکر اولان انسان « بن وفات ایتدیکمده البته حی اولارق قبرمدن اخراج
اولونیورمییم » دیمکه حشری انکار ایدر .]

﴿ أَوَلَا يَذْكُرُ الْإِنْسَانُ أَنَّا خَلَقْنَاهُ مِن قَبْلُ وَلَمْ يَكُ شَيْئًا ﴾

[انسان حشری انکار ایدرده دوشونمزمی که بز انسانی بوندن اول خلق ایتدک .
حالبوکه انسان موجود برشی اولمادی .]

﴿ فَوَرَّيْكَ لَمَخْشَرْتَهُمْ وَالشَّيَاطِينِ ثُمَّ لَنُخْضِرَنَّهُمْ حَوْلَ جَهَنَّمَ جِثِيًّا ﴾

[ای رسول ذیشان ! ربک تعالی نک عظمتنه یمین ایدرم که البته بز انسانلری
و شیطانلری حشر ایدمک . یعنی اولد کدنصکره دیرلتوب محشره جمع ایدمک
و بوندنصکره دیزلری اوزرینه اوتورر اولدقلری حالده جهنمک اطرافه آنلری حاضرلارزه .]
یعنی ؛ بعض انسانلر غفلتدن ناشی « بن اولوب کیمک اولوب طوپراغه قاریشدیغمده
البته اسکی حالم کبی بز انسان اولارق قبرمدن دیری اولدیغم حالده چیقاریله جقمییم ؟
بو محالدر ، بویله شی اولماز » دیمکه حشری بالکلیه انکار ایدر . انسان حشری انکارنده
اصرار ایدرده دوشونمزمی که او انسان بوندن اول هیچ برشی اولمادینی حالده بز او انسانی
خلق ایتدک . هیچ یوق ایکن ایجاده قادر اولان اولد کدنصکره اجزالرینی جمعه آتی
اعاده یه قادر اولمازمی ؟ بزم قدرتمزه نسبتله ابتداء ایجادله ، اولد کدنصکره اعاده بپننده
نه کبی فرق واردر و ابتداء ایجاددن ، انسانک ادرا کنه نظراً اعاده دها قولای دگلی ؟
بونی انسانک تذکر ایتمی لازم کلزمی ؟ حییم ! ربک تعالی نک قدرت و عظمتنه یمین
ایدرم که بز او منکرلری و آنلری اضلال ایدن شیطانلری البته حشر ایدرز و حشر دنصکره
دیزلری اوزرینه اوتوردقلری حالده آنلری جهنمک اطرافه احضار ایدرز .

بیضاوینک بیانی و جهله بو آیتده انسان ایله مراد ؛ منسی انسانده حشری انتظار ایدمکدر که
آیتده آنلری توبیخ واردر . چونکه (اولایذ کر) ده بولنان استفهام انظار و توبیخ
ایچوندر . انسانلرک کندیلرینی اضلال ایدن شیطانلرله برابر جهنمه کیره جکلرینی بیانده
شیطانله آلداناملرینه تنبیه و حسرتلری و ندامتلری زیاده اولسون ایچون جهنمه کیرمزدن

اول جهنمك اطرافه عاصيلك ديزلری اوزرينه حلقه اولاجقلری بيان اولونمشدر . انسانيتك مقتضایي؛ تذكر وتأمل اولديغه اشارت ايچون انسان لفظنك استفهامدنصكره وارد اولديني و(فوربك) ده نعمتي مشعر اولان رب اسمه يمين ، حشری منكر اولانلری تكديري متضمن بولونديني كي رسول الله مضاف اولارق خطاب دخی شان نبویلرينه تعظيم و دشمنلرينه قارشی قدر عاليلرينی ترفيع ايچون اولديني ابوالسعود افنديك جمله بيانآنددر .

(جیآ) ديزلری اوزرينه اونورمقدردر . چونكه ؛ بيضاوی ونيسابورينك بيانلری وجهله اهل جهنم كورمش اولدقلری شدتن كنديلرينه عارض اولان يورغونلقدن آياق اوزرنده دورمغه طاقتلری اولماز كه آياق اوزرنده دورسونلر . انسانله مراد ؛ **حشری** انظر ايمره **كافر** اولديني جهنله دنيايه نصل كه حشری و شدتی انكارده تكبر ايتديلرسه او تكبرلرينه اهانت و حقارت اولق ايچون جهنمه ديزلری اوزرنده سوروندرمك صورتيه آتيلورلر .

خلاصه ؛ انسانلردن بر قسمی اولان نصل خلق اولوندقلرينی دوشونميرك حشری انكار ايتدكلری و جناب حقل آنلری مقارنلری اولان شيطانلرله برابر حشر ايدوب كال حقارتله ديزلری اوزرنده جهنمك اطرافه احضار ايدمجي بو آيتلردن مستفاد اولان فوائد جمله سنددر .

**

واجب تعالى اهل جهنمی ديزلری اوزرنده اوتورر اولدقلری حالده جهنمك اطرافه احضارندنصكره واقع اولاجق احوالی بيان ايتك اوزره ﴿ ثُمَّ لَنَنْزِعَنَّ مِنْ كُلِّ شِيعَةٍ أَيُّهُمْ أَشَدُّ عَلَى الرَّحْمَنِ عِتِيًّا ﴾ بيوريور .

[بز آنلری جهنمك اطرافه احضار ايتدكدنصكره آنلك هر فرقه سندن هانكيسي رحمن تعالى اوزرينه عصيانده زياده شدتلی ومصر اولدی، آنی ايچلرندن چيقارير جهنمك آلت طبقه سنه آتارز كه كنهی زياده اولان كيمسeler آلت قاتده بولونسونلر .]

﴿ ثُمَّ لَنَنْزِعَنَّ أَغْلَمُ بِالَّذِينَ هُمْ أُولَىٰ بِهَا صِلِيًّا ﴾

[آنلری سچوب كنهی زياده اولان فرقهلری آيبردقدنصكره بز آنلك جهنمه كيرمكه اولی اولانلرينی بيليرز .] بناء عليه ؛ اول كيرمكه لايق اولانلرينی اول ، ايكنجيده كيرمكه لايق اولانلری ايكنجيده جهنمه صره سيله قويارز و هر فرقه يي مستحق اولديني دركه يه آتارز . چونكه جزا ؛ عمله كوره در .

بيضاوينك بياننه نظراً كناهلك بك چوغنی جناب حقل عفو ايتديكنه اشارت ايچون اشد لفظی وارد اولمشدر . ترتيبدن مقصد ؛ عذابك شدتی هر كسك جزاسنه و جنايته تخصیص ايتمكدردر . چونكه ؛ بالعموم كناهكارلرك درجه سی اولديني كي كافرلرك ده كفرلری اعتباريله نوعلری و درجهلری واردر . زیرا ؛ هم ضال و هم مضل اولانله يالكز ضال اولان بيننده البته فرق واردر . بناء عليه ؛ هر كسك جنايته كوره جهنمك طبقه سی واردر . او جنايتك صاحبلى هب او طبقه يه آتيلور . شوخالده معصيته جرأت و تمرده اك شدتلی اولان ؛ جهنمك اك شدتلی طبقه سنه و آنك مادونی اولان ؛ مادون طبقه يه والحاصل جزاسی الكاهون اولان ؛ آتشك اهون طبقه سنه قونمق صورتيه تقسيما ت وقوع بولاجفنه واجب تعالى بو آيتله اشارت بيورمش و فرقهلرك بربرندن آيريلاحقنی بيان ايتمشدر . (عتيآ) معصيته جرأت و تمرده بربرنده زياده اولان ديمكدردر .

(صليآ) (دخولا) معناسنه در . يعنی فرقهلرده هانكيسي ديكرينه نسبتده دخول بربرنده اولی ايسه بز آنی بيلير ، ديكرلر سنده اول جهنمه آنی قويارز ديمكدردر .

خلاصه ؛ كفرده شدت و عنادی زياده اولانلرله اهون اولانلر بينلرنده فرق اولديني و كفرنده شدت اولانلرك جهنمك شدتلی طبقه سنه ديكرلرندن اول كيره جكي و جهنمده ترتيب اوزره هر كسك كندی صنفيله برابر بولونا جفی بو آيتدن مستفاد اولان فوائد جمله سنددر .

**

واجب تعالى عاصيلك جهنمك اطرافه ديزلری اوزرينه احضار اولونا جفنی و فرقهلردن معصيته شدتلی اولانلری آيره جفنی و جهنمه كيرمك جهتندن اولی اولان كيمسelerی

بيله جكنی بیا نذر كره هر فرقه نك جهنمه وارد اولاجنی بیان ایتك اوزره ﴿وَإِنْ مِنْكُمْ إِلَّا وَارِدُهَا﴾ بیوریور .

[سزدن هیچ بر کیمسه اولماز ، الا جهنمه وارد اولاجقدر .]

﴿كَانَ عَلَى رَبِّكَ حَتْمًا مَقْضِيًّا﴾

[هر بیکزك جهنمه ورود کز ربك تعالی اوزرینه لازم بر قضا اولدیغندن واجب منزلنده حکم الهی لاحق اولمشر .]

﴿ثُمَّ نُنَجِّي الَّذِينَ اتَّقَوْا وَنَذَرُ الظَّالِمِينَ فِيهَا جِثِيًّا﴾

[هر بیکز جهنمه ورود ایتد کدنصر كره بز دنیا ده معصیتدن اتقا ایدنلری خلاص ایدر ، عذابدن قورتاریرز وظالملری جهنمه دیزلری اوزرنده ترك ایدرز]

یعنی ؛ ای حشری انکار ایدن انسانلر ! سزدن هیچ بر کیمسه اولماز ، الا جهنمه بولی اوزرایه جق و کنا رینه واصل اولاجقدر . زیرا ؛ انسانلر ك جهنمه وارد اولملری حییم ! ربك تعالی اوزرینه واجب درجه سنده بر حکم اولدی . بناء علیه ؛ لوح محفوظده هر کسك جهنمه ورود ایتسیله ربك تعالی حکم ایتدی . یعنی هر کسك ورودینی وعد ایدوب وعدنده خلف اولمادیفی جهته واجب منزلنده اولدی . انسانلر ك جهنمه ورودی ايله حکم ایتد کدنصر كره شول کیمسه لری بز جهنمدن قورتاریرز که آنلر امره امتثال ونهیدن اجتنابه واجباتی ادا و محرماتی تركه اتقا ایتدیلر . بز آنلره نجات ویرر وظالملری جهنمه دیزلری اوزرینه ترك ایدرز .

فخر رازی ، قاضی و خازنك بو آیتك ظاهرینه نظراً بیسانلری وجهله مؤمن و کافر هر کس جهنمه وارد اولاجقدر . شوقدر که جناب حق مؤمن متقیلری جهنم عذابندن قورتاره جق و آنلر جهنمك عذابنی کورمیه جکلردر . زیرا جهنم ؛ مؤمنلره برده موم یعنی صورت و مسموم بر محل اولاجق و مؤمنلر اورادن کجوب کیده جکلردر . اما کافرلر ك کفرلری وظلملری و عاصیلر ك عصیانلری سببیه جهنم حال اصلیسنه عودتله آنلر جهنمه عذاب ایچنده ترك اولونا جقلردر . مؤمنلر ك جته یولاری جهنمدن اولمسنده کی حکمت ؛ سرورلرینك

وقور تولدقلرینه دائر شکرلرینك زیاده و کافرلر ك المرینك فضله اولمیدر . چونکه ؛ دنیا ده عداوت ایتدکلری مؤمنلر ك قور تولملری کافرلر ایچون عذاب اوزرینه عذاب اولاجقدر . یاخود بو آیتده ورود له مراد ؛ هر کسك یقینه و صراط اوزرینه ورود ایتلمیر .

چونکه صراط ؛ هر کس او کورری به کله جك و جته کچه جکلر اورادن کچه جك و جهنمه کیره جك اولانلرده اورادن کیره جکلر . بوکا نظراً معنای آیت : [سزدن هیچ بر کیمسه اولماز ، الا او کیمسه جهنمك کنارینه و صراط اوزرینه وارد اولاجقدر . زیرا ؛ هر کسك ورودی ربك تعالی اوزرینه واجب منزلنده بر حکم اولدیغندن حکم الهی لاحق اولدی و هر کس او محله کله جکلر . اورایه هر کس کلد کدنصر كره بز مؤمن متقیلره نجات ویررر و ظالم کافرلری دیزلری اوزرنده جهنمه ترك ایدرز] دیمکدر .

(حتماً) (وجوباً) معنایه در . یعنی « انسانلر ك جهنم اوزرینه ورودلری واجبدر الله تعالی آنلر ك ورودلرینی نفسنه واجب قیلدی » دیمکدر . آنجق الله تعالی اوزرینه بر شی واجب اولمق و جواب شرعی ايله واجب اولماز . یعنی « الله تعالی بر شیئی ایشله مکله بر کیمسه طرفندن مکلف اولماز » دیمکدر که مکلف اولسه کندینك فوقنده بر کیمسه طرفندن تکلیف اولونور ، واجب قیلنیر . بناء علیه ؛ ایشله مزسه کناهکار اولور . بومعناجه وجوب ؛ الله تعالی حقنده محالدر . زیرا ؛ اللهك فوقنده دیگر بر الله یوق که واجب قیاسون . شو حالده بو آیتده حم ؛ و مهرب و عمری معنایه در . یعنی جناب حقك وعد ایتدیکی شیتك وجود بولمسی واجبدر . زیرا ؛ خلاف احتمالی یوقدر . بناء علیه ؛ جناب حق هر کسك جهنم اوزرینه ورودینی وعد ایتمشر . شو حالده هر کسك ورودی واجبدر .

آیتده متقیلر له مراد ؛ کفرده اتقا ایتنلر اولدیفی جهته فاسق مؤمنلر فسق مقداری جهنمه قالیرلر سده عاقبت نجات بولاجقلرینه آیت دلالت ایدر . ظالملر ك دیزلری اوزرینه ترك اولونا جقلرینی بیان ؛ ورود له مرادك هر کسك اطرافه ورود اولمسنه دلالت ایتدیکی قاضینك جمله بیاناتنددر . چونکه ؛ بوندن اول جهنم اطرافه دیزلری اوزرینه انسانلر ك احضار اولونا جقلری بیان اولونمشدر . شو حالده بو آیتده « بز متقیلره نجات ویرر ،

ظالملى ديزلى اوزرينه ترك ايدرز « ديمك » هر كس جهنم اطرافنه وارد اولوروديزلى اوزرينه اوتورور اولدقلى حالده احضار اولونورلر ، صكره متقىلر نجات بولور كيدر . ظالملى ظلمنك جزاسنى كورمك ايچون اوراده قالير « ديمكدر . شو حالده ورود له مراد ؛ **بهرمك اطرافنه ورودور** وبومعنا اصح اولسه كر كدر .

خلاصه ؛ مؤمن وكافر ، مطيع وعاصى جمله انسانلرك جهنمى كنارندن ويا صراط اوزرندن كوره جكلرى ومتقى اولان مؤمنلرك نجات بولوب عاصىلرك جهنمده قالاچقلى وبوحكمى واجب تعالى وعد ايدوب البته وقوع بولاچقنه بناء واجب منزلنده اولدينى بوآيتدن مستفاد اولان فوائد جمله سندنر .

واجب تعالى حشرى بيانن صكره كافرلرك قرآنه اعتراضلرني بيان ايتك اوزره
﴿ وَإِذَا ثَلَّى عَلَيْهِمْ آيَاتُنَا بَيِّنَاتٍ قَالَ الَّذِينَ كَفَرُوا الَّذِينَ آمَنُوا أَلَيْسَ الْفَرِيقَيْنِ خَيْرٌ مَّقَامًا وَأَحْسَنُ نَدِيًّا ﴾ بيوريور .

[كافرلر اوزرينه بزم قدرتمزه آچيق وظاهر اولارق دلالت ايدن آيتلر بزم تلاوت اولونديغنده كافرلر مؤمنلره ديرلركه « اى مؤمنلر ! سزكله بزم فرقه لر بزم منزل ومقام بونندن هانكيسى خيرلى ومجلس بونندن هانكيسى ده كوزلدر ؟ » .] كافرلر بوسوزلريله كنديلرينك مرتبه لرى ومجلسلرى ده كوزل وخيرلى اولديغنه اشارت ايدرلر .

يعنى ؛ اللهم آيتلى كافرلر اوزرينه تلاوت اولونديغنده شول كيمسه لر كندى ثروت وسامانلرينه باقارق مؤمنلره ديرلركه « شو ايكي فرقه نك مقام ومرتبه بونندن هانكيسى ده خيرلدر ومجلس بونندن هانكيسى ده كوزلدر ؟ » . ايسته بو صورته كنديلرينك خيرلى اولدقلى ادا ايدرلر . چونكه ؛ آنلر زكنين ومنصب صاحبي اولوب هر كالى دنيا متاعنده كوروب مؤمنلره كندى نظرلرنده فقير اولدقلى كنديلرنده ير مزيت وفضله جه بر مرتبه وار ظنيله ديرلركه « بز اهل ثروت ومنصب اولديغمز كي انواع نعمتلره تلذذايدر وهر مراد بزمه نائلر . سزايسه برطاقم عجزه وفقير كيمسه لر سكر . اكر

الله عندنده بزم قدر بزمود كر مزا اولسه ايدى بزه بونعمتلى ويرمزدى ، حالبوكه ويردى . الله تعالى نك بواحسانى بزم دنياجه فضيلتمزه دلالت ايتديكي كي آخرتجهده مرتبه مزك عالى اولاجقنه دخى دلالت ايدر « ديمكله ثروتلرينه مغرور اولديلر . حالبوكه دنياجه ورزق خصوصنده مؤمن ايله كافر ومطيع ايله عاصى بيننده فرق اولماديغندن دنياجه ثروت صاحبي اولمق آخرتده نعمت صاحبي اولاجقنه دلالت ايتمز . (نديآ) مجلس ديمكدر . يعنى « آنلر قرآنك آيتلرينك معارضه سندن عاجز قالنجه ماللريله ومجلسلرى يعنى اجتماعلريله افتخاره قاليشديلر وبزم مجلسمز سزدن ده كوزلدر ، شو حالده بزم سزدن افضلر » ديديلر .

واجب تعالى كافرلرك دنيا متاعيله افتخارلرني رد ايتك اوزره ﴿ وَكَمْ أَهْلَكْنَا قَبْلَهُمْ مِنْ قَرْنٍ هُمْ أَحْسَنُ أَثَانًا وَرِيًّا ﴾ بيوريور .

[زينت فانيه ومتاع دنيا ايله افتخارده فائده يوقدر . زيرا ؛ بز بوكافرلردن اول چوق قيله ومثلر اهلاك ايتك كه آنلر شو ثروتلريله افتخار ايدن قریش مشركلرندن ماللرى چوق ومنصلرى ده بويوك وأولرينك اشياى ومنظره لرى كورنلره ده كوزل كورونوردى .] آنلرك ماللرينك چوقلنى ومنصلرينك قوتى وزينتلرينك كوزللكى آنلره فائده ايتيوب هلاكلرني دفع ايدمه نيجه بونلرك ثروتلرينك ده فائده سى اوليه جنى ميدانده در . بوندن اولكى آيتده كافرلره مراد ؛ **قربشره (نصر بن مارت) وامتلى در .**

مؤمنلر له مراد ؛ **اصحاب رسول الله ص** . چونكه ؛ كافرلرك اولرى واشيالرى والبسملرى كوزل ، صاحبلرى طارانش وزينتلى بولنده ايدى . اصحاب رسول الله دن اكثريى فقرا كروهندن اولدقلى جهنمه مشركلر زينتلى ايله افتخار ايدرك « بز سزدن ده ايتىز » ديرلردى . بوآيتده (ائانآ) **هانه درونده بولونه اولياى زينت متعلق اولاه شيلردر . (وريآ) منظره وكورولمكدر .** يعنى « اول هلاك اولان مثلر زينت واموال وظاهرده منظره وكورولمك جهنمدن قريشيلردن ده كوزل كورونوردى . بو كوزل منظره آنلره فائده ايتمه نيجه بونلره ده فائده ايتمز » ديمكدر .

واجب تعالى کافرلرک ماللرینه اعتمادلرینک فائده ایتیه جکنه ایکنجی بر جوابی بیان ایتک اوزره ﴿قُلْ مَنْ كَانَ فِي الضَّلَالَةِ فَلْيَمْدُدْ لَهُ الرَّحْمَنُ مَدًّا﴾ بیوریور.

[حییم! ماللری ایله افتخار ایدن کافرلره سن دی که «ضالانده اولان کیمسه یه رحمن تعالی اوزون مدت مهلت ویرسون و ویررکه چوق ییسونلر، ایچسونلر و ذوق صفایه طالسونلر.»]

﴿حَتَّىٰ إِذَا رَأَوْا مَا يُوعَدُونَ إِمَّا الْعَذَابَ وَإِمَّا السَّاعَةَ﴾

[حتی آنلر وعد اولوندقلری یا دنیاده عذاب ویاخود قیامت کوتی کورونجهیه قدر بو حال اوزره مساعده اولونورلر و دوام ایدرلر و عاقبت بو ایکیدن برینی کورورلر.]

﴿فَسَيَعْلَمُونَ مَنْ هُوَ شَرٌّ مَّكَانًا وَأَضْعَفُ جُندًا﴾

[بناء علیه؛ آنلر البته یقینه مرتبه و مکان یونندن زیاده شر و عسکر یونندن غایت ضعیف کیم اولدیغنی بیلرلر.]

یعنی؛ ماللرینه مغرور اولارق آخرتی انکار و سزی استهزا ایدن کافرلره یا اکرم الرسل! سن دی که «کفری ارتکابه ضلالت ایچنده اولان کیمسه لره بر چوق نعمتلی احسان ایدن رحمن تعالی آنلرک عمرلرینی اوزاتسون و اوزاتیر و ماللرینی چوغالتقله مهلت ویرر و اوزون مدت نعمتلره متعم اولور تلذذه دوام ایدرلر. حتی بو حال، آنلرک اهل اسلامک قیایچندن کچمک و یا اسیر دوشمک کبی عذاب دنیایی و یاخود قیامت و قیامتده اولاجق عذاب جهنمی کورونجهیه قدر دوام ایدر. زیرا؛ نظرلری قیسه اولوب دلائلدن حقیقی استدلاله رغبتلری یوقدر. بو ایکی حالدن برینی کورونجهیه قدر غرورلرنده دوام ایدنجه آنلر یقینه البته بیلرلرکه عندالله مرتبه یونندن شر و عسکر و یاردیچی یونندن زیاده ضعیف کیملردر، مکانلری جهنم اولانلرمی خیرلی یوقسه جنت اولانلرمی خیرلی؟ البته بیلرلر.»

بیضاوینک بیانی وجهله بونلرک حاللرینه لایق اولان دنیاچه بوتون نصیبلرینی آلسونلر و استدراج صورتیه هر آرزولرینه نائل اولسونلر و «آخرته عمر من آزا اولدی، دوشونمکه وقت بولامدق و ثروتمز یوقدی، مضایقه دن قورتولامدق» کبی معذرت قابولری قابانمق

لازم اولدیغنه اشارت ایچون جناب حق بونلره ویره جکی مهلتی امر صورتنده ایراده (فلیمدد) بیورمشدر. یعنی «رحمن تعالی ضالانده اولان کیمسه نک عمرینی اوزاتیرجه سنه اوزاتسون و مالی چوغالتقله نعمتده ورفاه حالده مهلت ویررجه سنه مهلت ویرسون» دیمکدر.

بو آیت «هانکی فرقه خیرلیدر؟» دییه نلره جواب اولدیغنی جهته معنای آیت شویله در: [سزک حالکز شو ایکیدن بریدر. بناء علیه؛ خیرلی کیم اولدیغنی بیلک] دیمکدر. چونکه؛ ثروتلرینه مغرور اولمالرینه مقابل دنیاده عذاب کوروب عزتلی ذلته و ثروتلری فقره و سختلی خسته لقه و امنیتلری قورقویه و غالیبتلری مغلوبیته تبدل ایده جکنه اشارت اولونمشدر.

بیضاوینک بیانی وجهله بو آیتده (اما العذاب و اما الساعة)؛ (مایوعدون) ایله بیان و وعد اولونان موعودی تفصیلدر. زیرا موعود؛ یا اهل اسلامک غلبه سید دنیاده عذابمه و یاخود یوم قیامتده کورمه جکلری رسولقرر. مکانلرینک شر اولمسی؛ دنیا مالیه غرورلرینه مقابلدر. زیرا؛ دنیاده تصورلرینک خلاقی ظهور ایدوب مغرور اولدقلری ماللری حقلرنده خذلان و وبال اولمسی البته حقلرنده شردر. (واضعف جنداً) بز جماعت یونندن سزدن کوزلر «دیملرینه مقابلدر. چونکه جماعت یونندن کوزل اولمق؛ قومک بوبوکلی و رئیسلی بر یرده اجتماع ایدوب شوکتلرینی اظهارله بربرلرینه آرقه اولوب مظاهرت ایتمکه اولور. حالبوکه قیامتده حاللری بونک عکسنه ظهور ایدر. زیرا؛ هیچ بر کیمسه دن یاردیم کورمیه جکلری بیان اولونمشدر.

**

واجب تعالی آخرتی انکار ایدن کافرلرک حاللرینی بیاندنصکره مؤمنلرک حاللرینی بیان ایتک اوزره ﴿وَيَرْبِئُ اللَّهُ الَّذِينَ اهْتَدَوْا هُدًى﴾ بیوریور.

[الله تعالی، شول کیمسه لرک هدایتلرینی زیاده ایدرکه آنلر طریق مستقیمه اهتدا ایتدیلر.]

﴿وَالْبَاقِيَاتُ الصَّالِحَاتُ خَيْرٌ عِنْدَ رَبِّكَ ثَوَابًا وَخَيْرٌ مَّرَدًّا﴾

[منفعی باقی قالان اعمال صالحه ربك تعالى عندنده ثواب و مرجع یونندن خیرلیدر.]
زیرا اعمال صالحه نك عاقبتی ؛ مغفرت و جنت و سعادتدر. بناء علیه ؛ اعمال صالحه بودنیاده
انتفاع اولونور بر شی دكلسده عاقبت اعتباریله خیر محض و منفعت دائمدر. اما كافر لرك
مغرور اولدقاری جاه و ثروت و زینتك عاقبتی حسرت و ندامت و ضرر و عین عذابدر.
بیضاوینك و ابوالسعود افندیك بیانلری وجهله عاصیلرك بعضیلرینك دنیاده نصیبینك
زیاده اولسی آنك فضیلتندن و عندالله مرتبه صاحبی اولدیغندن دكل، بلکه استدراج
طریقيله اولدینی بوندن اولکی آیتده بیان اولوندینی کبی بو آیتده مؤمنك دنیاده نصیبینك
نقصان اولسی؛ مؤمنك مرتبه سی نقصان اولدیغندن اولیوب بلکه مؤمن حقه الله تعالى نك
خیر مراد ایتسندن اولدینی بیان اولونمشدر. ایمانیله اهتدا ایدن کیمسه نك هدایتك
زیاده اولسی؛ ایمانك اخلاص اوزره بنا اولونمسیله حاصلدر. باقیات؛ نماز، اوروج و ذکر الله
کبی اعمال صالحه نك جمله شاملدر. اعمال صالحه نك منفعی باقی والی ابرار ائم و صاحبیدر
قائم اولمغه امارت اجموره باقیات دنیلمشدر. چونکه ؛ فخر رازینك بیانی وجهله
اعمال صالحه نك بعضیسنك ثوابی بعض آخردن نقصان اولورسده مقابلنده اولان ثواب
ابدی اولدیغندن جمیعسی باقی اولمقده مساویدر. کرچه بعض عابدلرك دنیاده نصیبی آز
اولق آنك حقه بر ضرر کبی کورولورسده عاقبتی منفعت عظیمه منجر اولدینی
جهتله خیر کلی باقی ضمتنده ضرر جزوی فانی اختیار قییلندندر. اما دنیاچه نصیبی زیاده
اولان فاسق عاقبتی ضرر و فلاکت اولدینی جهتله ضرر دائمی ضمتنده منفعت فانی بی
اختیار قییلندندر.

**

واجب تعالی حشری و کافر لرك حشر حقه شبه لرینك جوانی و آخرتده مؤمنلرك
و کافر لرك حاللرینی بیاندنصکره کافر لرك حشر حقه ذکر ایتدکلری بعض سوزلرینی
بیان ایتک اوزره ﴿ اَفَرَأَيْتَ الَّذِي كَفَرَ بِآيَاتِنَا وَقَالَ لَأُوتِيَنَّ مَالًا وَوَلَدًا ﴾
بیوریور.

[نظر ایتدك كوردکی؛ حییم ! شول کیمسه بی که او کیمسه بزم وحدایتیمزه و آخرته
دلالت ایدن آیتلریمزه کفر ایتدی و دیدی که « البته آخرتده بکمال و اولاد و یریلور. »]

﴿ اَطْلَعَ الْغَيْبَ اَمْ اَتَّخَذَ عِنْدَ الرَّحْمَنِ عَهْدًا ﴾

[او کافر غیبه مطلع می اولدی و یا خود مال و ولد و یره جکنه دائر رحمن تعالی دن
عهدی آلدی ؟]

﴿ کَلَّا ﴾

[او کافرک دیدیکی کبی دکلدر.] زیرا؛ آکا آخرتده مال و اولاد و یریله جکنه دائر
عهد یوقدر.]

﴿ سَنَكْتُبُ مَا يَقُولُ وَنَمُدُّ لَهُ مِنَ الْعَذَابِ مَدًّا ﴾

[بز آنك دیدیکی یازارز و آنك ایچون عذابدن لزومی قدر اوزاتیرز.]

﴿ وَنَرِثُهُ مَا يَقُولُ وَيَأْتِنَا فَزَادًا ﴾

[او کافرک سوزنده بیان ایتدیکی مالنه و اولادینه بز وارث اولورز. زیرا؛ او وفات
ایدر بز باقی قالیرز و او، بزم یوم قیامتده یالکز اولدینی حالده کلیر.]

یعنی ؛ حییم ! سن نظر ایتدکده شول کافر ی کوردکی که او کافر بزم آیتلریمزی
انکار و آخرتی استهزا ایدرک دیدی که « دنیاده بکا مال و اولاد و یرلیدیکی کبی البته آخرتده
دخی و یریله جکدر. » بواعداده بولونان کافر غیبه بیله جک قدر بر مرتبه و اصل اولدی ده
آخرتده مال و اولاد و یریله جکنه مطلع اولارق غائبه حکمی ایدیور ؛ یوقسه کندینه
آخرتده مال و ولد و یریله جکنه الله تعالی دن سندی آلدی ؛ حالبوکه ایکسی ده یوقدر
و حقیقت آنك دیدیکی کبی ده دکلدر. زیرا؛ آخرتده مال و ولد و یریله جکنی بو دنیاده
بیلک یا غیبه علم طریقيله و یا خود الله تعالی عندنده بر عهد آلق وایشی مقاوله به ربط
ایتمکله اولور. بو ایکی طریقدن هانکیسنه استناداً اعداده بولونیور ؛ و بز آنك سوزینی
یازارز و قیامتده دفتربی کندینه کوستر و حقیقتی بیلدیریرز و آنك ایچون بز بوسوزلرله

کسب ایتش اولدینی عذابنی اوزاتیرز و آنک موتیله سوبله دیکی مالنه و اولادینه وارث اولورز. زیرا؛ او کیدر، مالیه و اولادیه بزقالیرز و یوم قیامتده بزم حضور مزه او کافر یالکز اولدینی حالد کیر. زیرا؛ مالندن و اولادندن یاننده کیمسه بولونماز.

ابوالسعود افندیکن بیانی وجهله بو آیتده استفهام **فَاَفْكَ هَالِكٌ** نعیب ایچوندر. آیتده کافری بر قاج و جهل نه برید واردر: برنجیسی؛ آیتده کفر ایتمسیر. ایکنجیسی؛ استهزا طریقیله کنندینه مال و اولاد ویریه جکنی ادعاسنه قارشنی مال و اولاد ویریه جکنی غیبه می بیلدی و یاخود اللهدن عهدی آلدی؛ دینلمکله بیلهرکی شیئی ادعایه هسارت ایتدیکی پانه اولونمسه و حقیقت آنک تصویری کی اولادینی ذکر ایدلمشدر. اوچنجیسی؛ سوبله دیکی سوزک تماماً بازلمسیر. دردنجیسی؛ عذابنک تماماً تمجید اولونمسییر. بشنجیسی؛ ادعا ایتدیکی مالنه و اولادونه مجرد اولورقه حضور باری به کلمسی واستناد ایتدیکی مال و اولادونه فائده کورمه مسیر.

طبری و بیضاوینک بیانلری وجهله آیت جلیله؛ (عاص بن وائل) حقنده نازل اولمشدر. چونکه؛ اصحابدن (خباب) حضرتلرینک (عاص) ده اولان آلاجغنی ایسته مسی اوزرینه (عاص) (خاب) «سن محمد ایمان ایتدک. اگر کفر ایدرسه ک سکا بورجی ویریم، کفر ایتدکجه ویریم» دینجه خباب «بن محمد علیه السلامه ایمان ایتدم. دنیاده کفر ایتدیکم کی قبرمدن قالقدیغمده دخی کفر ایتم» دیمسی اوزرینه عاص «مادام که قبردن قالقه جقسک. او زمان یانمه کل. اوراده البته بکا مال و اولاد ویریلیر. او مالندن سکا بورجی ویریم» دیر. (خاب) حضرتلرینک بونی رسول الله حکایه ایتسی اوزرینه بو آیتک نازل اولدینی مرویدر. چونکه؛ (عاص) بوسوزی استهزا و آخرتی انکار صورتیه سوبله دیکسندن جناب حق بو آیتله آنی و آنک امثالی بوکی سوزلری سوبله ینلری و قیامته قدر سوبله یه جک کیمسه لری ذم ایتمشدر.

فخر رازیده (خاب) ک قیوچی اولوب (عاص) ایچون حلیاتدن برشی دو کوب اجرتی ایسته مسی اوزرینه (عاص) ک «سزک اعتقاد کزده آخرتده آلتون و کموش

چوقدر. آنلردن البته بکاده ویریه جکدر. بورجی آخرتده ویریم، دیمسی اوزرینه جریان ایدن مناقشه حقنده آیتک نازل اولدینی مذکوردر.

واجب تسالی حشری انکار ایدنلرک حالمینی بیاندنصکره بوت پرستلرک چالارینی بیان ایتک اوزره ﴿وَاتَّخَذُوا مِنْ دُونِ اللَّهِ إِلَهًا لِيَكُونُوا لَهُمْ عِزًّا﴾ بیوریور. [مشرکالر اللهک غیری معبودلر اتخاذا ایتدیلرکه او معبودلر مشرکالر ایچون عزت و قوت اولسون.]

﴿کَلَّا﴾

[حقیقت آنلرک دیدکاری و اعتقادلری کی دکدر.]

﴿سَيَكْفُرُونَ بِعِبَادَتِهِمْ وَيَكُونُونَ عَلَيْهِمْ ضِدًّا﴾

[زیرا؛ او معبودلر مشرکلرک کنیدیلرینه عبادتلرینی انکارله کفر ایدر و آنلر اوزرینه خصم و ضد اولورلر.]

یعنی؛ مشرکالر کال جهالت و غفلتلرینه بناء اللهک باشقه معبودلر اتخاذا ایتدیلرکه او معبودلر آنلره عند الهیده شفاعت ایتمکله آنلرک عزت و قوتلرینه سبب اولسون و بونلره نازل اولاجق عذابی دفع ایتسونلر. بناء علیه؛ معبودلرک یاردیمیه بونلرک قدری عالی و مرتبه لری یوکسک اولسون. حالوکه حقیقت بونلرک اعتقادلری کی دکدر. زیرا؛ او باطل معبودلر بونلرک عبادتلرینی انکار ایتدکلری کی یوم قیامتده شفاعت ایتملری شوبله دورسون قیامتده آنلر اوزرینه ضد و خصم اولورلر. چونکه؛ یوم قیامتده بوتلر بونلرک عبادتلرینی انکارله لعنت ایده جکلرینه بناء بونلرک مأموللرینت خلاقی ظهور ایده جکی جهله معبودلرک بونلره ضد اولارق میدانه حقیقه جقلری بیان اولونمشدر.

خلاصه؛ کافرلرک بوتلره عبادتدن مقصدلری، کنیدیلرینه شفاعت ایتک صورتیه یاردیم ایدوب او وسیله ایله بونلرک عزت و شرفلرینک تزییدی اولدینی و بوتلر ایسه یاردیم

ایتمک شویله طورسون بالمکس آنلرک عبادتلیرینک باطل اولدیغنی بیانله آنلره ضد اولاجقلری بو آیتدن مستفاد اولان فوائد جمله سنددر .

**

واجب تعالی مشرککړک بوتلره عبادتدن کوزتدکلری منفعت یرینه مضرت ظهور ایدمکچکنی بیاندنصکره مشرککړک شرک اوزره اصرارلرینک سینی بیان ایتمک اوزره ﴿أَلَمْ تَرَ أَنَا أَرْسَلْنَا الشَّيَاطِينَ عَلَى الْكَافِرِينَ تَوَسُّوهُمْ أَرْءَا﴾ بیوریور .

[حییم کورمدک وبلمدکی ؟ بز کافرلر اوزرینه شیطانلری کوندردک که شیطانلر کافرلری کناه طرفه چکرکی جهسه چکرلر .]

﴿فَلَا تَعْجَلْ عَلَيْهِمْ﴾

[حییم ! بز شیطانلری آنلر اوزرینه کوندرنجه سن کافرلر اوزرینه عذابک کلکسی طلبده عجله ایتمه .]

﴿إِنَّمَا نَعُدُّ لَهُمْ عَدًّا﴾

[زیرا ؛ بز آنلرک اجللرینی و عمرلرینک مدتی وهلاک اولاجقلری کونلری صایار کبی جهسه صایارز ودقیقهلرینی فوت ایتمه بز وشیطانلر بلا یونندن آنلره کافیدر .] بناء علیه ؛ هلاکلرینی ایسته مکده عجله ایتمه .

﴿يَوْمَ نَخْشِرُ الْمُتَّقِينَ إِلَى الرَّحْمَنِ وَفْدًا﴾

[ذکر ایت حییم ! شول زمانی که اوزمانده بز متقیلری رحمن تعالی نک حضورینه جماعت وفرقه اولارق جمع ایدرز .]

﴿وَنَسُوقُ الْمُجْرِمِينَ إِلَى جَهَنَّمَ وَرِثَةً﴾

[واوکونده بز مجرملری یاا اولارق آج وصوصز بهایم سوق ایدر کبی جهنمه سوق ایدرز .]

﴿لَا يَمْلِكُونَ الشَّفَاعَةَ إِلَّا مَنِ اتَّخَذَ عِنْدَ الرَّحْمَنِ عَهْدًا﴾

[واوکونده مجرملر کندی نفسلرینه شفاعته مالک اولمازلر ، آنجق رحمن تعالی عندنده شفاعته اذن آلازلر شفاعته مالک اولورلر .]

یعنی ؛ حییم ! سن کافرلرک قلبلرینک قساوتنه وکفر اوزره اصرارلرینه تعجب ایتمه . چونکه ؛ سن کورمدکی ؟ البته کوردک که بز کافرلر اوزرینه مسلط اولارق شیطانلری محقق کوندردک وشیطانلرده آنلری ایماندن کفره وعبادتدن قباحته چکرجهسه چکرلر . زیرا ؛ آنلره فنا عمللرینی ای کوسترمک صورتیه معصیته تشویق ایدرلر وشهوات نفسانییه محبت ویرلر . آنلرده شیطانک ترینانته آلدانیر کناهلری سوه سوه ایشلرلر وشیطانلر آنلری انواع جنایتی ارتکابه سوقله بلادن بلایه اوغراتیلرلر . حال بویله اولونجه یا اکرم الرسل ! سن آنلرک عقوبتلرینک عجله اولمسی ایسته یوبده بز آنلره مساعدده مزه تعجب ایدوب مأیوس اولما . زیرا ؛ بز آنلردن البته انتقامیزی آلیرز . چونکه ؛ بز آنلر ایچون کیجهلری ، کوندوزلری ، هفتهلری ، ایلری وسنهلری و عمرلرینک مدتی وهلاک اولاجقلری زمانی صایمقله صایار وبر دقیقهسینی فوت ایتمه بز . بناء علیه ؛ مقدر اولان زمان کلنججه درحال مؤاخذه ایدرز وسزده آنلرک شرلرندن محفوظ قالیرسکز . ذکر ایت حییم ! شول زمانی که اوزمانده محرماتدن نفسلرینی وقایه یدن متقیلری رحمن تعالی نک احساننه جماعت جماعت وفرقه وفرقه اولارق انواع زینتله مزین بنیدلر اوزرنده اولدقلری حالده سوق ایدرز که کمال دبدبه وداراتله حضور السبی به کلیرلر واوکونده کافرلری وسائر مجرملری دنیاده جائیلرک کمال حقارت وعنف وشدتله حبسخانهیه سوق اولوندقلری کبی بز جهنمه سوق ایدرز واوکونده آنلره باشقه بریاردیمچی اولمادیغنی کبی کندیلرینی قورتارمق ایچون شفاعته ده مالک اولمازلر . آنجق رحمن تعالی دن اذن آلاکیمسه شفاعته مالک اولور . بیضاوینک بیانی وجهله واجب تعالی نک شیطانلری کافرله کوندرمسی ایله مراد ؛ آنلر اوزرینه شیطانلرک مسلط اولوب آنلره وسوسه اولاروق اغوا ایلر مشغول اولمیرلر . بناء علیه شیطانک وظیفه سی ؛ آنلره معصیتی کوزل کوسترمک وشهوات نفسانییه جهته تشویق ایتمکدن عبارت اولوب آنلر اوزرینه شیطانلرک قهر وغلبه سی خلاصة البیان : طقوزنجی جلد — ۲۰

اولاد یغندن آنلرک شیطانی رده اقتدارلری واریکن رد ایتیموب اطاعت ایتلمی حقلرنده عین جنایت و عذابدر . چونکه شیطانک تسلطی ؛ وسوسه و آلتامق صورتیه اولدیغندن شیطان اطاعته مجبور دکلردر .

(اِذَا) نوری و سندن از عراج ایدوب قاندره یلیر . ایتدیگی بره آلوب کونور مکرر . بناء علیه ؛ (تَوْزِهِم اِذَا) دیمک ؛ « شیطان عاصیلری معصیت طرفه شدتله تشویق و حرام اولان شیرلی تریناته محبتلری جلب ایدر و آنی ایشلمکه چالیشیر » دیمکدر . شیطانک مسلط اولمسندن کی حکمت ؛ شیطانه آلتانان و نفسنه تبعیت ایدن عاصیلرله آلتانمایان مطیعلر بینلری هر کس نظر نده تقریق اولونمسی و عاصیلرک عذابی و عابدلرک ده ثوابی کورملریدر . عاصیلرک، هلا کلری ایچون مقدر اولان زمان کله نجه هلاک اولیه جقلرینه اشارت ضمنتده جناب حق رسولی آنلرک هلا کلرینی طلبده عجله دن نهی ایتشدر . بناء علیه ؛ هیچ بر ظالمک ظلمی یانه قالماز، البته جزاسنی کورور . شوقدرکه وقت مرهوتی بکلر . شو حالده بوتون مظلوملرک مستریح اولملری لازمدر . چونکه ؛ ظالمدن انتقام آلاچق الله تعالی در . زیرا ؛ الله تعالی رسولی عجله ایتمکدن نهی ایتد کدنصکره آنلرک هلا کلرینک مدتی صایدیغنی بیان ایتدی که « سن عجله ایتمه، آنلرک هلا کلرینه صاییلی کونلر و معدود نفسلر قالدی » دیمکدر .

(وفداً) بنبرلی اولارمه دیمه و سندن مضرر عالییه کلن بر جماعتدر . بناء علیه ؛ متقیلرک بنیدلر اوزرنده کمال سلطنتله جماعات بر جماعات رحمن تعالی نک - ضرورینه کله جکلرینی بیان ایچون حقلرنده (وفداً) وارد اولمشدر .

(ورداً) صوصامسه کیمسه لک صومله کللملریدر . چونکه ؛ صومحله کلز ، آنجق صوصامش اولان کیمسه لر کلیر . شو حالده جهنمه سوق اولوناچق مجرملرک حرارتدن جکرلری یانمش اولدیغنی حالده سوق اولوناچقلرینه اشارت ایچون حقلرنده صوصامشدر معنانه (ورداً) لفظی وارد اولمشدرکه حقارتله سوق اولوناچقلرینه دخی اشارتدر .

خلاصه ؛ کافرلر اوزرینه وسوسه ایچون شیطانلرک کوندرلدکلری و شیطانلرک آنلری معصیت جهته تشویق ایتدکلری و کافرلر اوزرینه علی العجله عذابک نازل اولمسنی ایسته مکدن رسول اللهک نهی اولوندیغنی و آنلرک عذابلرینک مدتی طرف السهیدن صاییلدیغنی

ویوم قیامتده متقیلرک بیندلی اولارق حشر اولونوب مجرملرک یایا و صوسز اولارق سوق اولوناچقلری و عذابدن قورتولمق ایچون شفاعته دخی مالک اولماقلری بو ایتلردن مستفاد اولان فوائد جمله سنددر .

واجب تعالی پوته عبادت ایدن مشرکلرک حاللرینی بیاندنصکره الله تعالی به ولد اتخاد ایتدی دییهن کافرلرک حاللرینی و سوزلرینی بیان ایتک اوزره ﴿ وَقَالُوا اتَّخَذَ الرَّحْمَنُ وَلَدًا ﴾ بیوریور .

[کافرلر « رحمن تعالی ولد اتخاد ایتدی » دیدیلر .]

﴿ لَقَدْ جِئْتُمْ شَيْئًا اِذَا ﴾

[و ذات الوهیتمه یمین ایدرم که « ای مفریلر ! سز رحمن تعالی ولد اتخاد ایتدی » دیمکه بر امر منکر کنیردیکز که بوافترا کنز جنایت عظیمه در .]

﴿ تَكَادُ السَّمَوَاتُ يَتَفَطَّرْنَ مِنْهُ وَ تَنْشَقُّ الْاَرْضُ وَ تَخِرُّ الْجِبَالُ هَدًا ﴾

[حتی ای مشرکلر ! سزک بوافترا کنزی ایشیتمکدن او قدر جسامتیه کوکلر بربری آرقه سنده یارلغه و یر یوزی شق اولغه و طاغلر متاتیله برابر یوزلری اوزرینه قاپانوب دو کولمکه قریب اولور .]

یعنی ؛ کافرلر رحمن تعالی به افترا ایدره که « ولد اتخاد ایتدی » دیدیلر . زیرا ؛ عظمت الهیه بی دوشونمکسزین چوجق اتخادی کبی خسیم و احتیاجی و حدوتی مستلزم اولان بر شیشی اسناده جرأتیه بویوک بر جنایت ارتکاب ایتدیلر . ذاتمه یمین ایدرم که ای مشرکلر ! سز بو سوز کزله پک بویوک بر جنایت ارتکاب ایتدیکز و آغزه آلتمنسه جسارت اولونماز برسوز سوبله دیکز . حتی بو سوز کنز او قدر شدتلیدر که اگر بو سوز کوزه کورونور بر جسم اولارق تصور اولونسه او سوزک شدته و آغیرلغه کوکلر و یرلر و طاغلر تحمل ایدمه یهرک هپسی یاریلیر و یقیلیرلر و غضب الهی ایلله جمله سی خراب اولور کیدردی .

﴿ اَنْ دَعَوْا لِلرَّحْمَنِ وَلَدًا ﴾

[و بوهلاکه سبب آنلرک رحمن تعالی به ولد اسناد ایتلری « واللهمک ولدی وار » دییه رک دعوی ایدوب چاغیرملریدر .]

﴿ وَمَا يَنْبَغِي لِلرَّحْمَنِ أَنْ يَتَّخِذَ وَلَدًا ﴾

[حالبوکه رحمن تعالی به ولد اسناد ایتک لایق اولماز . زیرا ؛ رحمن تعالی نک ولد اتخاذه احتیاجی یوق که ولد اتخاذه آندن یاردیم ایسته سون .] بوکی شیلر حق الوهیتده محالدر . زیرا ؛ ولد اتخاذا ایتک محتاج و حادثات واجزادن مرکب و بعض اجزاسنک انفصالیله ولدک حادث اولسی و شهوتی بولونسی و جوجوق دوغوراجق زوجه اختیار ایتسی کی بر طاقم محاذیری و کفریاتی مستلزم اولدیغندن بوکی اسناد ؛ غضب الهی بی جالب الک بویوک جنایتدر . (اذّا) شرتد منکر و سولمنکه دییه رک دیمکدر (هذّا) شرتد دوکولک و بربری اوزربنه بیغیایوب نوز اولور معانسه در . یعنی « اکر الله تعالی حلمله معاملله ایتسه شوافترانک و سولمن برکله نک ایجاب ایتدیکی غضب الهی به هیچ برشی تحمل ایده من » دیمکدر .

**

واجب تعالی ولد اتخاذا ایتدی دییه بعض نصاری و یهود و مشرکری شدتله رد ایتد کدنصکره جمله مخلوقات و ذرات جهانک عبد مملوکی اولدیغنی بیان ایتک اوزره ﴿ اِنْ كُلُّ مَنْ فِي السَّمَوَاتِ وَالْأَرْضِ إِلَّا اِتَى الرَّحْمَنَ عَبْدًا ﴾ بیوریور .

[سمواتده اولان ملکر و برده اولان انسانلر و جنل رحمن تعالی به مطیع و متذل عبد مملوک اولارق کلیر و قهر الهی التند مقهور اولدقلری حالده ربوبیتنه صیغینارق حضور الهیده صف بسته اولورلر .]

﴿ لَقَدْ أَخْصَيْنَهُمْ وَعَدَّاهُمْ عَدًّا ﴾

[حضور الهی به نصل کلسوتلر ذات الوهیت به یمن ایدرم که الله تعالی آنلری حصر

ایتدی و علمی جمله سنی احاطه ایتنکه علمندن خارج هیچ بر فرد قالمادی ، هر برنی فردا فردا صایدی .]

﴿ وَكُلُّهُمْ اِتٰیهِ يَوْمَ الْقِيَمَةِ فَرْدًا ﴾

[آنلردن هر بری یوم قیامتده اعوان و انصاردن خالی تکر تکر حضور الهی به کلیرلر . بناء علیه ؛ عمل صالحدن باشقه کنیدیله هیچ بر شی بولونماز .]

یعنی ؛ جمله مخلوقات یوم قیامتده رحمن تعالی نک حضورینه عبد مملوک اولارق مطیع و منقاد اولدقلری حالده کلیرلر و عنایت الهیه عرض احتیاج ایتدک بر کیمسه قالماز . زیرا ؛ الله تعالی نک علمی محقق اولارق آنلری احاطه ایتدی و آنلرک هر برنی حرکات و سکناتلریله برابر صایمقله صایدی و هیچ بر فرد حسابدن خارج قالمادی . بناء علیه ؛ یوم قیامتده آنلردن هر بری فردا فردا کلیر .

**

واجب تعالی کافرلرک احوالی بیاندن صکره مؤمنلرک حاللرینی بیان ایتک اوزره

﴿ اِنَّ الَّذِیْنَ اٰمَنُوا وَعَمِلُوا الصَّالِحَاتِ سَيَجْعَلُ لَهُمُ الرَّحْمَنُ وُدًّا ﴾ بیوریور .

[شول کیمسه لرکه آنلر الله و رسوللرینه ایمان ایده رک ایمانک مقتضیاتندن اولان اعمال صالحه ایشله دیلر . آنلر ایچون رحمن تعالی مؤمنلرک قبلرندده محبت خلق ایدرکه هر کس بو مثللو کیمسه لره محبت ایدرلر و بو محبت یالکز اللهک احسانیدر .] چونکه ؛ مسلم و بخارینک اتفاقلریله (ابوهریره) حضرتلرندن روایت اولونان بر حدیث شریفده رسول الله « الله تعالی بر قولنه محبت ایدرسه محبتی جبریله خبر و بر روح محبت ایتسیله امر ایدر . جبریل محبت ایدر . اهل سمایه خبر و برر ، اهل سما محبت ایدر و اهل سمان محبت اهل ارضه الهام اولونور . بناء علیه ؛ او کیمسه به اهل ارض دخی محبت ایدر » بیور مشدر . ایشه بو حدیث شریفده مؤمن کامله هر کسک محبتی اللهک خلقی و احسانیه اولدیغنه دلالت ایدر .

﴿ فَاِنَّمَا یَسَّرْنَاهُ بِلِسَانِكَ لِتُبَشِّرَ بِهِ الْمُتَّقِیْنَ وَتُنذِرَ بِهِ قَوْمًا لَّدَا ﴾

[حيم ! بز آنجق سنك لسانك قرآنی قولای قیلدق كه سن او قرآنله متقیلی
تبشیر و كفر اوزره عناد و اصم از ایدن قوم معندی انواع عذابه انذار ایده سك .]
(وَدَا) محبت رمودن . (لَدَا) معنر و حضورتی شرتی دیمكدر .

﴿وَكَمْ أَهْلَكْنَا قَبْلَهُمْ مِنْ قَرْنٍ هَلْ يُحْسِبُ مِنْهُمْ مِنْ أَحَدٍ أَوْ تَسْمَعُ لَهُمْ رِكْزًا﴾
[بز بو كافرلردن بر چوق قبیلهلر اهلاك ایتدك . حيم ! سن آنلردن هیچ بر
کیمسه كوره بیلیرميسك و یاخود سن آنلر ایچون کیزلی برصدا ایشیتیرميسك ؟]
یعنی ؛ مکه اهالیسندن اول ضلالت و طغیانده مصر و متمادی بر چوق امتلر اهلاك ایتدك .
یا اكرم الرسل اهلاك اولمش امتلردن قدرت قاهره مزدن قور تولمش هیچ بر کیمسه كوردكمی ؟
و یاخود آنلر ایچون کیزلی بر صدا ایشیتدكمی ؟ بونلركده عین حاله معروض قالا جقلری
شبهه سزدر . (رِكْزًا) اوفامور بر صمرا دیمكدر . یعنی « خدملی و خشملی بر چوق قوملر
هلاك اولدی ، اوفاجق برصدالری بیله قالمادی . مکه مشر كری ده آنلر كی اولاجق » دیمكدر .



رومی بیک اوچیوز اوتوز كانون اولنك یكرمی ایکنجی بازار ایتسته تصادف ایدن عربی بیک
اوچیوز اوتوز اوج سنه سی صفر الحیرینك اون یدنجی كونی بوسوره نك ترجمه سی بعونه تعالی ختام بولمشدر .

سوره طه

مکه مكرمه ده نازل اولان سوره لر دندر . بوز اوتوز بش آیتی حاویدر .

بِسْمِ اللَّهِ الرَّحْمَنِ الرَّحِيمِ

طه

بومثلوسوره اولنده بولونان متشابهاتك علماء متأخرین تأویلی تجویز ایدرك (طه)
یا رجل ! معناسه در . رجل ایله مراد ؛ بزم یغیریمز آخر زمانه نبیسیر . دیدیلر . یاخود

قمره كه واجب تعالی طونه یعنی قررنه قسم یور مشرر ، یاخود اسماء حسنه بر اسمدر .
یاخود فخر رازینك بیانه نظراً (ط) شجره طوبی كه جنه دره (ه) هادیه اسمدر مهتمدر .
شو حالد معنای شریفی : [جنت وجهنك هرايكیسه قسم ایدرم] دیمكدر . یاخود (طه)
ارصاف نبی به اشارتدر . یاخود (ط) طالب و (ه) هدايته اشارتدر . او حالد معنای شریفی
شویله در : [ای عموم امتك هدایتی طالب اولان نبی !] دیمكدر . یاخود (ط)
طهارته و (ه) هدايته اشارتدر . بوکا نظراً معنای شریفی : [ای كنهاهلردن
طاهر واللهك قوللرینی احكامنه هدایتده قیایچی رسول ذیشان !] دیمكدر . یاخود (طه)
اسماء نبویه دره و مناد ادر . او حالد (طه) [یا محمد ! سكا ندا ایدرم] دیمكدر .

﴿مَا أَنْزَلْنَا عَلَيْكَ الْقُرْآنَ لِتَشْقَى إِلَّا تَذَكُّرَةً لِمَنْ يَخْشَى﴾

[حيم ! بز قرآنی سنك مشقت چكه مك ایچون اوزریكه انزال ایتدك ، آنجق اللهدن
قورقان کیمسه ایچون موعظه اولارق انزال ایتدك .]

یعنی ؛ ای ناسك هدایتی طالب و آرزو ایدن رسول ! بز عظیم الشان قرآنی
سنك اوزریكه مشقت ایچون انزال ایتدك ولكن قلبنده خوف و خشیت اولان کیمسه لره
موعظه و نصیحت اولسون ایچون انزال ایتدك .

(طه) لفظی واجب تعالی نك قررنه قسم اولدیغه نظراً بو آیت قسمه جواب اولور
و معنای نظم ده شویله در : [قوت و قدرتمه یمین ایدرم كه بز سنك اوزریكه قرآنی مشقتك ایچون
انزال ایتدك] دیمكدر . (طه) لفظی رسول اللهك اسماء اشارت و مناد اولدیغه نظراً بو
آیت ندایه جوابدر و مال شریفی شویله در : [ای خلقك هدایتیه طالب اولان
رسول ! سكا ندا ایدرم كه بز قرآنی سنك اوزریكه ناسك كفرلرینه و ضلالتلرینه اسف
ایدرك نفسكه مشقت ایتك ایچون انزال ایتدك ولكن اللهدن قورقانلره موعظه اولسون
ایچون انزال ایتدك] دیمكدر .

فخر رازینك بیانه نظراً آیتك سبب نزولنده ؛ دیت روایت واردر :

برنجی روایت ؛ رسول اللہ کی یہ اہم ترین نماز تھی اور وہ مدت قائم اولیٰ نماز تھی
مناظرۂ آیات کے تفسیر ۔ چونکہ ؛ تفسیر واحادیث کتاب لایزالہ بیان اولیٰ نماز و جہلہ
رسول اللہ تہجد نماز تھی اور وہ مدت قیامندن آیات قرینہ آخری عارض اولیٰ نماز جبریل امین
« یا رسول اللہ ! نفسک مشقت ایتمہ ، حقن ویر ۔ زیرا ؛ نفسک سندر برحق وارد »
بیورمی اوزرینہ بو آیتک نازل اولدیغی مرویدر ۔ بو روایتہ نظر آنسانلرک مکلف
اولدقلری احکامی لایقلہ ادا ایتدکدنصرکہ شرع شریفہ موافق اولارق نفسنہ خدمت
ایتمک لازمدر ۔ زیرا نفس ؛ انسانک کلاتی اکتسابہ آت اولدیغندن نفسی طاقتدن
دوشورہ جک قدر اذا ایتمک جائز اولاماز ۔

ایکنجی روایت ؛ کفرلرک کفر اوزرہ اصرار لرندہ رسول اللہ یک جورہ مناسف
اولمی اوزرینہ بو آیتک نازل اولدیغی مرویدر ۔ بوکا نظر آن معنای آیت : [یا اکرم الرسل !
کفرلرک کفرلری اوزرینہ کدرلہ نفسک مشقت و یروب عذاب ایتمہ ۔ زیرا ؛ بز قرآنی
سکا موعظہ اولارق انزال ایتدک ، یوقسہ نفسک مشقت ایچون انزال ایتمک ۔ شو حالده
ایمان ایدوب اصلاح نفس ایدنک منفعی کندینہ و کفر ایدنک کفرینک عذاب دہ کندینہ
عائدر ۔ بناء علیہ ؛ آنک کفرندن سکا اسف ایتمک لازم کلز ۔ چونکہ ؛ سنک اوزرینہ
واجب اولان تبلیغدر ۔ بو وظیفہ بی ایفا ایتدکدنصرکہ کدر لازم دکدر وقومک کفرندن
لوم اولونمازسک کہ کدر ایدسک [دیمکدر ۔ شو روایتہ نظر آن عاصیلرہ نصایح لازمی
اجرا ایتدکدنصرکہ آنلرک نصیحت دیکلمیوب معاصی بہ اصرار لرینہ بغض فی اللہ ایلمہ
اکتفا ایتمک ونفسہ حزن واسفلہ مشقت ویرمہمک لازمدر ۔

اوچنجی روایت ؛ بوسورہ مکہ دہ بدایہ اسلامدہ نازل اولان سورہ لردندر وسورہ نک
نزولی زمانندہ رسول اللہ اتباعی آزو کفرلر آزعین اولوب ہر درلو اذایہ جرأت ایتلری
اوزرینہ بو آیت رسول اللہ سلمہ ایچونہ نازل اولمشدر ۔ بوکا نظر آن معنای آیت : [یا اکرم الرسل !
سن کفرلرک حالرینہ نظر ایدہرک محزون اولوب و کندیکی بو حالده قلاجق ظنیلہ نفسکی
مشقتہ دوچار ایتمہ ۔ زیرا ؛ بز قرآنی سکا مشقت ایچون انزال ایتمک ۔ چونکہ ؛ سنک
دینک عالی و کندک حد ذاتندہ مکرم ومعظم اولدیغک کی کفرلرک نظرندہ دخی مکرم

ومعظم اولاجقسک و کفرلر حقیر و ذلیل اولاجقلر [دیمکدر ۔ شو روایتہ نظر آن باطلی
اختیار ایدنلر ہرنہ قدر اولندہ عالی کی کورونسہ لردہ عاقبتدہ ذلیل و حقیر و حق اختیار
ایدنلرک عالی اولاجقلرینہ اشارت واردر ۔

دردنجی روایت ؛ (ابو جہل) وامثالی کفرلر رسول اللہک چوچہ کیجہ ایلمہ عبادت لرینی
کوردکلرندن « سن آباء واجدادیکک دینی ترکلہ شقی اولدک » دیملری اوزرینہ کفرلری
رد واعتقاد لرینی ابطال ایچونہ نازل اولمشدر ۔ بوکا نظر آن معنای آیت : [حییم ! کفرلرک
سوزلرینہ محزون اولما ۔ زیرا ؛ بز قرآنی سنک اوزرینہ مشقت ایچون انزال ایتمک ، بلکہ قلبندہ
رقت واللہ تعالیٰ نک قورقوسی اولانلرہ موعظہ و قرآنک اوامر ونواہیسنہ تمسک ایدنلری
سعادتہ ایصال ایتسون ایچون انزال ایتدک [دیمکدر ۔

قرآنلہ انتفاع ایدہ جکلرک اللہدن قورقان کیسہلر اولدیغنہ اشارت ایچون قرآنک
موعظہ اولمی بو آیتدہ اللہدن قورقانلرہ تخصیص اولوندی ۔ حالبوکہ قرآن عموم حقندہ
موعظہ در ولکن عموم انتفاع ایدہ میہ جکلرندن انتفاع ایدنلر ذکر اولونمشدر ۔

* *

واجب تعالیٰ قرآنک موعظہ اولدیغی بیاندنصرکہ قرآنک شانہ تعظیم ومشمئل اولدیغی
احکامک مہابتی اعلان ایتمک اوزرہ ﴿ تَنْزِيلًا مِّنْ خَقِ الْأَرْضِ وَالسَّمَوَاتِ الْعُلَى ﴾
بیورمیور ۔

[قرآن ؛ ارض و سموات علایی خلق ایدن ذات طرفندن انزال اولونمشدر ۔]
یعنی ؛ کفرلرک قرآنہ ایمان ایتدکلرندہ سنک ایچون کدر یوقدر و قرآنہ بر نقصان
طاری اولماز ۔ زیرا قرآن ؛ شول واجب الوجود طرفندن انزال اولونمشدر کہ او واجب الوجود
یری و کوکلری خلق ایتدی کہ او کوکلر علویتلہ متصفدر ۔ بناء علیہ قرآنی انزال ایدن
ذات اجل واعلانک عظمتی نسبتندہ قرآنک عظمتی و علویتی اولدیغندن قرآنہ طعن ایدن
کفرلرک طعنندن قرآنہ نقصان طاری اولماز کہ سکا کدر عارض اولسون ۔

واجب تعالیٰ بو آیتدہ قرآنک و رسول اللہک شانلرینہ تعظیم بیورمشدر ۔ زیرا ؛ عالم
علوی وعالم سفلی بی خلق ایدن خالق طرفندن انزال اولونان کتاب البتہ انزال ایدن ذاتک

عظمتیله متناسب اولاجنی کبی بویله عظمت شأنه مالک اولان کتابک کندی اوزرینه نازل اولدیغی ذاتک ده عظمت شان صاحبی اولدیغنه دلالت ایدیه چکی شهبه سزدر. چونکه؛ اصول عالم اولان سموات وارضک خلق اولونمسنی وانسانلرک حسنه قریب اولان ارضی ذکرده تقدیم وسوأتی علویته توصیف البته خالقک بویوکلکنه برهان کافیدر. شو حالده بوقدر عظمتله متصف اولان ذاتک انزال ایتدیکی کتابده البته بویوکدر.

* *

واجب تعالی قرآنک ورسولنک شانلرینه تعظیم ایچون قرآنی انزال ایدن خالقک اوصافدن بعضیلرینی بعدالبیان بعض آخری بیان ایتک اوزره ﴿الرَّحْمَنُ عَلَى الْعَرْشِ اسْتَوَى﴾ لَهُ مَا فِي السَّمَوَاتِ وَمَا فِي الْأَرْضِ وَمَا بَيْنَهُمَا وَمَا تَحْتَ الثَّرَى﴾ بیوریور.

[رحمن تعالی عرش اعظم اوزرینه غلبه ایتدی. زیرا؛ کولکرده ویرده وآنلرک آره سنده وارضک آلتنده اولان موجوداتک کافه سی مستقلاً للهکدر. اللهک غیرینک، هیچ برنده تصرفه اقتداری بوقدر. جمله سنده تصرف الله تعالی به مخصوصدر.] شو حالده قرآن طعن ایدن کافرلرک تصرفی دخی بد قدرت الهیه ده اولدیغندن آنلرک طعنتدن قرآنک احکامی خللدار اولماز. استوی؛ استقرار معنانه اولدیغندن غلبه و قدرتله تأویل اولونور. زیرا؛ واجب تعالی حقنده استقرار محال اولدیغنی جهته بو مثللو نصوص جلیله بی دلایل عقلیه موافق صورته تأویل ضروریدر. (مجسمه) و (مشبهه) طائفه سی بو آیتک معناه لغوی ظاهر سیله استدلال ایدیه رک «واجب تعالی عرش اعلی اوزرینه اوتورور بر جسمدر» دیدیلر. لکن آنلرک استدلاللری فاسددر. زیرا؛ دلایل عقلیه و نقلیه واجب تعالی تک جسم اولقدن و بر مکنده قرار ایتمکدن منزله اولدیغنه صورت قطعیه ده دلالت ایتدیکنندن (مجسمه) تک مذهبلی باطلدر. چونکه؛ عرش اعلی وسائر امکنه وموجودات یوق ایکن واجب تعالی موجود اولدیغنی کبی عرش اوزریده قرار عرشه محتاج و واجب تعالی تک حادث اولدیغنی واجزادن مرکب بولوندیغنی وعرشی حامل اولان ملکک خالق تعالی بی

حامل اولدیغنی اقتضا ایدر. حالوکه الله تعالی حقنده احتیاج وحدوث و ترکیب کبی شیلرک جمله سی باطل اولدیغنی جهته خالقک بر مکنده قرار ایتدی ده باطلدر.

* *

واجب تعالی قدرته دلالت ایدن دلایلی بیاندنصرکه قدرت، اراده یه تابع اولوب اراده ده علمه تابع اولدیغنی جهته خفی و جلی هر شیئی، علمنک احاطه ایتدیکنی بیان ایتک اوزره ﴿وَإِنْ تَجَهَّرْ بِالْقَوْلِ فَإِنَّهُ يَعْلَمُ السِّرَّ وَأَخْفَى﴾ اللَّهُ لَا إِلَهَ إِلَّا هُوَ لَهُ الْأَسْمَاءُ الْحُسْنَى﴾ بیوریور.

[واکر سن علنی سوز سولرسه کابی بیل که الله تعالی سنک آشکار سولمکدکنندن غنیدر. زیرا الله تعالی؛ خفی و جلی هر شیئی بیلیر. چونکه؛ شو بیان اولونان اوصافله موصوف اولان الله تعالی دن غیری معبود بالحق بوقدر، انحق او الله تعالی واردر. الوهیت صفیله متصف اودر، آنک غیری الوهیتله متصف هیچ بر کیمسه بوقدر. او الله تعالی به خصوص غایت کوزل اسملر واردر.]

بیضاوینک بیانی وجهله خفی و جلی الله تعالی به ذکر ایتک مشروع اولدیغنی حکمتی؛ هر حالده الهی ذکر ایتک و ذکرله نفسی قرارلاشدیرمق و ذکر ی نفسنده رسوخ بولدورمق و ذکرک غیر ی ایله اشتغالدن نفسی منع ایتک ایچون اولوب یوقسه واجب تعالی به ذکرینی بیلدیرمک ایچون اولما دیغنه بو آیتده تنبیه واردر. شو حالده ذکر خفینک افضل اولسنه آیتده دلالت واردر. سر ایله مراد؛ انسانک نفسنده کبریه دیکی شیر. اخفی ایله مراد؛ الله تعالی تک انسانک قلبه القا ایتدیکی شیر. بوکا نظراً معنای آیت: [الله تعالی سری بیلدیکی کبی سردن ده کیزلی اولان شیلری ده بیلیر] دیمکدر. یاخود سر؛ انسانک کیزلی اولارغی غیره سولرسه اولدیغنی شیر. اخفی؛ کندی نفسنده صافدوسه اولدیغنی شیر. بناء علیه؛ [الله تعالی هرایکسی ده بیلیر] دیمکدر. یاخود سر؛ نامرده کیزلی ایلرسه اولدیغنی عمل در. اخفی ایلرسه سولرسه. بوکا نظراً معنای آیت: [الله تعالی کیزلی

عمللری و وسوسالری بیلیر [دیمکدر . یاخود سرله مراد؛ عبادک اسراریم . اخفی ایله مراد؛ اللہک کنری سریم . بوکا نظر آمال شریفی:] [الله تعالى قولك اسرارى وقولك اسرارى دها کبزی کنری سرینی بیلیر] دیمکدر . یاخود سرله مراد؛ انسانک نفسنه ایشلمنی قصر ایتدیکی اسرار و اخفی ایله مراد؛ نفسنه خطور ایدوب و لکن ایشلمنی قصر ایتدیکی اسرار . آیت جلیله ده بیان اولونان معنلردن هرهانکی معنا مراد اولونورسه اولونسون انسانی ظاهر و باطن قبالچدن منع و خفی و جلی طاعاته ترغیب اولدیغی کی الله تعالى نک غایت کیزی اولان شیلره علمی لاحق اولدیغی بیان وارد . واجب تعالی جمیع معلوماتی برعلمله بیلیر . ازلاً و ابدأ علمی اصلاً تغیر ایتمز . چونکه؛ صفات السیه ذاتیه قائم اولدیغندن الله تعالى نک صفتلری اصلاً تغیر قبول ایتمز . زیرا تغیر؛ اماره حدوندر . حالبوکه الله تعالى نک ذاتی و صفاتی قدیم اولدیغندن اماره حدوث اولان تغیردن ذاتاً وصفه منزهدر . بناءً علیه؛ ذات الله و صفات اللهده تغیر ادعا ایدن کیمسه تکفیر اولونور .

واجب تعالی الوهیتده لایق اولان صفتلری بیاندنصکره ذات الوهیتک واحد حقیقی اولدیغی و شریکی اولمادیغی بیان بیوردی . فخر رازینک بیانی وجهله توحیدک مرتبه سی؛ درمره: لسان اقرار، قلبه اعتقاد، دلیل اعتقادی تقویه و ضابطه معرفت لهرجه ده باشه برشی کلمه مکرر . بو درندن قلبه اعتقاد اولقسزین لسانه اقرار مقبول دکدر . زیرا؛ نفاقد . قلبه اعتقاد ایدوب لسانه تکلمه قادر اولورده تکلم ایتمزسه ایمانی مقبولدر . تکلمی ترک ایتدیکی ایچون کناهکار اولور ، اما اعتقاد ایدرده تکلمه قادر اولقسزین وفات ایدرسه ایمانی مقبول و کناده یوقدر . زیرا؛ مقتدر اولمادیغی شیئی ایشله مدیکندن طولای کیشی مسئول اولماز .

اهل توحیده درت شی لازمدر: برنجیسی؛ نصیریمر . زیرا تصدیق اولمازه منافق اولور . ایکنجیسی؛ تعظیمر . اگر توحیدی تعظیم اوزره اولمازه مبتدع اولور .

اوچنجیسی؛ مهورمدر . اگر توحیدندن لذت آلاز و حلاوتی بولمازه مرائی اولور . دردنچیسى؛ اضمردمر . اگر توحیدی اخلاص اوزره اولمازه فاسق و فاجر اولور . الله تعالى نک درت بیک اسمی اولوب بیکنی اللهدن غیرى کیمسه بیلمیوب دیکر بیکنی الله تعالى و ملکلردن غیرى کیمسه بیلمز . دیکر بیکنی الله تعالى، ملکلر و انبیادن ماعدا بیلن اولمادیغی و دردنچی بیکنی مؤمنلر بیلوب اوچیوزی تورانده ، اوچیوزی انجیلده و اوچیوزی زبورده و یوزی قرآنده مذکور اولدیغی و قرآنده مذکور اولان یوزدن طقسان طقوزی ظاهر اولوب بریسی مکتوم بولوندیغی فخر رازینک جمله بیاناتنددر . خلاصه؛ خفی و جلی ذکرك جمله سی عندالله مساوی اولدیغی و عبادته لایق آنجق الله تعالى اولوب اللهک غیرى معبود یالحق بولونمادیغی و انسان ایچون لایق اولان آنجق الله تعانک ذکریله و عبادتیه مشغول اولوب باشقه معبود طانیق جائز اولمادیغی والله تعالى نک ذکره شایان برچوق اسملری بولوندیغی واللہک اسملر نه هر بیک معناسی کوزل اولدیغنه حسنی دیندیکی بوآیتدن مستفاد اولان فوائد جمله سندندر .

واجب تعالی قرآنی و قرآنک نازل اولدیغی رسولک شانلرینه تعظیم و وحدانیتہ دلالت ایدن دلیللری بیاندنصکره رسولنی تسلیه ایچون حضرت موسانک احوالی و اهلنه سویله مش اولدیغی سوزلری بیان ایتک اوزره ﴿ وَهَلْ أَتَيْكَ حَدِيثُ مُوسَى ﴾ بیوریور .

[حبییم ! سکا موسی علیه السلامک خبری کلیدی ؟]

﴿ إِذْ رَأَوْنَا فَفَازَ لَهُمْ آمَكُشُوا إِنِّي أَنَسْتُ نَارًا ﴾

[شول زمانده کی خبرینی که او زمانده موسی علیه السلام « اهلنہ سز بوراده دورک . زیرا؛ بن شهنه سز بر آتش کوردم » دیدی .]

﴿ لَعَلِّي أَتِيكُمْ مِنْهَا بِقَبَسٍ أَوْ أَجْدُ عَلَى النَّارِ هُدًى ﴾

[« اومارم که بن سزه او آتشدن بر پارچه کتیر یرم و یاخود او آتش اوزرنده یول کوستره جک بر کیمسه بولورم » دیمکله آتشدن استمداء ایده جکفی سویلدی .]
یعنی ؛ حیییم ! سکا برادرک موسانک خبری کلدیمی ؟ محقق کلدی و ذکر ایت شول زمانی که موسی علیه السلام کیجه نك قارا کلغنده و شدت شتاده یولی شاشیروب طاغ باشنده اهل و عیالی ایله برابر کال حزن ایچنده قلوب محتاج اولدینی بر زمانده طور طاغی جهتنده بر آتش کوردی و اهلنه خطاباً « سز دورک بوراده . زیرا ؛ بن بر آتش کوردم . مأمول که او آتشدن بن سزه بر پارچه آتش کتیر یرم . سز ایصینیرسکیز و یاخود آتش یاننده یول کوستره جک بر انسان بولور یولی خبر آلیرم » دیدی و آتش جهتنه کیتدی .

واجب تعالی موسی علیه السلام آتشک یانه کلدیکفی بیان ایتک اوزره ﴿ فَلَمَّا أَتَاهَا نُودِيَ يَا مُوسَى ﴾ إِنِّي أَنَا رَبُّكَ فَاخْلَعْ نَعْلَيْكَ إِنَّكَ بِالْوَادِ الْمُقَدَّسِ طُوًى ﴿ بیوریور .

[سرعته موسی علیه السلام آتسه کلنجه آتش یانان آغاج طرفندن « یا موسی ! بن سنک ربکم . انواع نعمتلم و لطف و کرملرله سنی تربیه ایتدم . کمال توجه و اقبالله بکا توجه ایت . بنم ربک تعالی اولدیغ سکا عیاناً معلوم اولدیسه سن آیاق قابلیرنی چیقار . زیرا ؛ سن طاهر و مبارک بر دردهده بولونیورسک که اودره نك اسمی (طوی) در » دیهرک ندای سبحانی ظهور ایتدی .]

بیضاوینک بیانی وجهله واجب تعالی رسول اللهک نبوتی حضرت موسانک قصه سیله تمهید بیوردی که رسول الله امر رسالت و تبلیغاتده تصادف ایده جکی شدانده حضرت موسایه اقتدا ایتسون . زیرا ؛ موسی علیه السلام رسل کرام ایچنده الکچوق زحمت چکنلردندر . تفسیر کبیر ، قاضی ، خازن و مدار کده بیان اولوندینی وجهله موسی علیه السلام (مدین) دن مصره کیدوب والده سنی و برادرینی زیارت نیت ایده رک شعیب علیه السلام دن اذن آلدی و یوله چیقدی و اهل و عیالی ایله برابر طور طاغی جوارینه کلنجه ظلمت لیل احاطه ایدر و قار یاغار و فورطنه اطرافلرینی چویرر . یاننده کوتورمش اولدینی قویونلر

طاغیلور ، یولی شاشیرلر . اوزمانده حرمک حملنی وضعله برده چوجق ظهور ایتدیکی ابوالسعود افندیکنک جمله بیاناتندندر . بناء علیه ؛ غربت و کربت هر طرفلرینی احاطه ایدوب آتسه و سنلکه کال احتیاج مس ایتدیکی بر زمانده بو آیتده بیان اولوندینی وجهله طورده (طوی) دینان وادیده بر آتش کورور . اهلنه « سز اقامت ایدک . اومارم که بن سزه آتش پارچه سی و یاخود اکثریا آتشک یاننده انسان اولور آندن بر خبر آلیر کتیر یرم » دیدی و صورت سریعهده آتشک یاندینی جهته کیدوب یا قلاشنجه « یا موسی ! بن سنک ربکم . آیاق قابلیرکی چیقار . زیرا ؛ سن بر وادی مبارکده سک » نداسی ظهور ایدر . حضرت موسانک کوردیکی آتشک ضیاسی وار ولیکن یاقسی یوق . شجره نك هر طرفی ضیا احاطه ایتمش اولدینی حالده آغاجک یشیلککنه اصلا مانع اولمادیغنی کورونجه علامات الهیه و قدرت سبحانیه ایله اولدینی بیلیر .

نورالهیینک ظهور ایتدیکی شجره موسی (صقین) آغاجی ، یاخود بویوک دیکنلی بر آغاج ، یاخود (صارماشق) آغاجی و یاخود (بوکورتلن) آغاجی اولدیغنه دائر روایتلر و ارسهده آیتده آغاجنک هانکی نوع آغاجدن اولدیغنی تعیین یوقدر ولیکن او آتشک بر آغاجدن ظهور ایتدیکی قطعیدر . موسی علیه السلام کوردیکی شی حقیقته آتشمیدر و یاخود آتش شکلنده نورمیدر اختلاف وار ایسهده آیتک دلالتی حقیقی آتش اولمیدر . چونکه آتشک نوعی ؛ درنر : برنجیسی ؛ ضیاسی وار یاقسی یوقدر ، حضرت موسانک کوردیکی آتش بوقسمدندر . ایکنجیسی ؛ یاقسی وار ضیاسی یوقدر ، جهنمک آتشی کی .

اوچنجیسی ؛ ضیاسی ده وار یاقسی ده وار در ، بزم دنیاده بیلدیکنمز آتش کی . دردنجیسی ؛ ضیاسی و یاقسی اولمایانه آتشر ، آغاجلرده و حیوانانده موجود اولان حرارت کی . موسی علیه السلام آتش کتیره جکفی یقیناً بیلمدیکندن نفسی یالاندن وقایه ایچون رجایه و امید دلالت ایدن (لعل) کلمه سیله وعد ایتدی و قطعی صورته آتش کتیر یرم دیدی . بناء علیه ؛ آتش کتیره مدیکندنطولای اهل و عیالنه وعدنده خلف ایتمش اولمادی . موسی علیه السلام ایشیتدیکی کلامک کلام الهی اولدیغنی نه ایله بیلدی ؛ آغاجدن ظهور ایدن نورک سایه طوغری لمعان ایدوب آغاجک یشیلکی آتسه و آتشک حرارتی آغاجه مانع اولمادیغندن بیلدی که بو حال آنحق قدرت الهیه ایله اولور ، باشقه شیله اولماز .

یا خود نداء الهی بی وجودینک هر طرفی ایشیتندی . حق اعضاء جوارحنک هر طرفی قولاق کبی ایشیتدیکندن بیلدی که بوندا ، طرف الهمیدندر . زیرا ؛ خارق العاده در . خارق العاده نک ظهوری آنحق واجب تعالی نک خلق ایتمی ایله اولور ، اسباب عادیه ایله حصوله کلز .

تفسیر خازنده و تفسیر کیرده بیان اولوندیغه نظراً حضرت موسانک نعلینلری دباغت اولونمادق دریدن اولدینی ایچون جناب حق وادی مقدسه تعظیماً نعلینلری چیقارمسنی امر بیورمشدر . یا خود حضرت موسانک آیقلری او وادیده اولان برکته اصابت ایتسون ایچون نعلینلرک چیقارمسنی امر ایتمشدر . یا خود کلام الهی به تعظیم ایچون چیقارمسنی امر ایتمشدر . یا خود نعلین ایله مراد ؛ اهل و عیال ، اولاد و اموال ، دنیا و آخرت . بوکانظر آ معنای نظم : [یا موسی ! اولاد و عیالک ، دنیا و آخرتک جمله سنی قلبکدن چیقار ، آنحق کلامی استماعه توجه تامله توجه ایت] دیمکدر .

بیضاوینک بیانی وجهله آفاق قابلرینی چیقارمق تواضع و حسن ادبه رعایت اولدیغندن جناب حق آفاق قابلرینی چیقارمقله امر بیورمشدر . حتی سلف صالحین کعبه معظمه بی یالین آفاق طواف ایدرلردی . آنک ایچون عادات اسلامیة ؛ معبدلره و بویوک بیلدکلری کیمسه لرک حضورینه آفاق قابلرینی چیقاروب کیرمکدر . اما عادت افرنج بونک عکسنه در . آنلری تقلید ایدن و حسن ایدن بی خبر اولوب مبتلا اولدقلری وحشتی مدنیت عدایدن برطاقم کیمسه لر شیمدی آیقلرینک نجاستیله هریره کیرمکی استحسان ایدیورلر . زیرا ؛ ابدست و نماز کبی طهارت ایجاب ایدن شعائر اسلامیة ایله علاقه سی اولیان کیمسه لر البته تربیة اسلامیة بی خوش کورمز و عادت افرنجی تحسین ایدرلر .

﴿ وَاَنَا اخْتَرْتُكَ فَاسْتَمِعْ لِمَا يُوحَىٰ ﴾ اِنِّیْ اَنَا اللّٰهُ لَا اِلٰهَ اِلَّا اَنَا فَاعْبُدْنِیْ وَاَقِمِ الصَّلٰوةَ لِذِکْرِیْ

[یا موسی ! بن سنی رسالته اختیار ایتدم و بی قیلدم . بناء علیه ؛ سکا و حی اولنان احکامی کمال دقت و اعتنا ایله دیکله . عقلکی و خاطرکی جمع ایت ، باشقه شیله مشغول اولما و بنم طرفدن و حی اولونان احکامی تبلیع ایت . زیرا ؛ بن الوهیتله متصف معبود بالحق

و عبادته مستحقم و معبود بالحق اولمادی ، آنحق بن وارم . بندن غیری معبود بالحق اولما یخه بکا لایقيله عبادت و حسن ادبه رعایت و بنم اخلاقله تخلق ایت و جمیع اعضا و جوارحکله بنی ذکر ایچون توجه تامله توجه ایدرک نمازی اقامه ایت که بنی ذکر ایدرک و جمیع اعضا کله شکر ایتش اولاسک .]

صلات ؛ قلبله ، لسانله و جمیع اعضا یله عبادتی جامع اولوب افضل عبادت اولدیغه اشارت ایچون اجمالاً عبادتی ذکر دنصکره صلات آریجه ذکر ایدلش در . شو حلاله صلاتک عبادات ایچنده شاننه اهتمام و اعتنا لازم اولدیغه اشارت اولونمشدر . زیرا صلات ؛ انواع عباداتی قلباً و قاللاً ذکر اوزرینه شامل اولدیغندن عباداتک افضلیدر .

بوآیت جلیله ؛ اصول اعتقادک فروع اعمال اوزره مقدم اولسنه دلیلدر . زیرا ؛ واجب تعالی وحدانیتی بیاندنصکره عبادتله امر بیورمشدر .

قاضی و فخر رازیده بیان اولوندینی وجهله « بنم ذکر کرم ایچون نمازی اقامه ایت » دیمک « بن نمازی کتب سماویه نک جمله سنده ذکر ایتدیکم ایچون اقامه ایت » دیمکدر ، یا خود « بنی ذکر ایتک ایچون اقامه ایت » دیمکدر . چونکه نماز ؛ ذکرک انواعی جامعدر . یا خود « بنم ذکر کمک وقتی اولان اوقات صلاتده اقامه صلات ایت » دیمکدر .

واجب تعالی حضرت موسایه الوهیتله متصف اولدیغنی بیاندنصکره ناسه تعلیم ایچون قیامتک البته کله جکنی بیان ایتک اوزره ﴿ اِنَّ السَّاعَةَ اَتَتْهُ اَکَادُ اُخْفِیْهَا لِتُجْزِیْ کُلُّ نَفْسٍ بِمَا تَسْعٰی ﴾ فَلَا یَصُدُّکَ عَنْهَا مَنْ لَا یُؤْمِنُ بِهَا وَاتَّبَعَ هَوٰیْهُ فَتَرَدٰی ﴿ بیوریور .

[قیامت البته کایجیدر . بن قیامت کیزلهدم که هر نفس کندی سعیله جزالانسون . قیامت تصدیق ایتمکدن ، قیامته ایمان ایتیموب هوا و هوسنه تابع اولان کیمسه سنی منع ایتسون که هلاک اولمیه سک . اکر منع ایدرسه هلاک اولورسک .]

یعنی ؛ اعمالک ظهور ایدر جکی وحقله باطل بیننده حکم اولوناجق قیامت کونی خلاصه البیان : طقوزنجی جلد — ۲۱

البته کله چکدر . هر نفس سعييله جزالانسون ايجون بن قیامت کوننی صاقلامق ایسترم که هر کس او کون ايجون حاضر لانسون، صکره اعتذاره مجالی قالمسون . قیامت البته کلیجی اولونجه یاموسی ! قیامته ایمان ایتیموب هوا و هوسنه تابع اولانلر قیامتق تصدیقندن سنی منع ایتسون که هلاک اولیه سک . اکر آنلرک اعراضلری سنی منع ایدرسه هلاک اولورسک . بناء علیه ؛ ایمان ایتمین کیمسه لک سوزلرینه باقا .

(اکاد) (ارید) معنانه در که قیامتق کینلرک مراد ایدرم دیمکدر . یاخود (اقراب) معنانه در که قیامتک اطفاننده مبالغه در . چونکه ؛ فخر رازینک بیانی وجهله معنای نظم : [قیامتق کندی ذاتمدن صاقلامق ممکن اولسه کندی ذاتمدن دخی اخفایه قریب اولدم] دیمکدر . یاخود (اکاد) صدد و معناسی مراد دکدر . بناء علیه ؛ یالکیز اطفانک معناسی مراد در .

واجب تعالی موسی علیه السلامه وچینده انسانلره لازم اولان حسن ترتیه و ادبه رعایت بیوردی . چونکه ؛ انسانه ايجونه مهم اولاره علم ؛ اوجردر ؛ برنجیسی ؛ علم مبداء اولاره نومیدردر . بناء علیه ؛ واجب تعالی (لا اله الا الله) قول جلیلی ایله اولای توحیدک لزومنی بیان بیورمشدر . ایکنجیسی ؛ علم وسط که احکام شرعییه علمدر . واجب تعالی ایکنجی مرده (فاعبدنی) قول شریفیه عبادتک لزومنه اشارت بیورمشدر . اوچنجیسی ؛ علم آخرت اولدیغندن واجب تعالی (ان الساعة آتیة) قول لطیفیه آخرته ایمانک لزومنی بیان بیورمشدر .

خلاصه ؛ قیامتک کله جکی و هر نفس سعييله مجازات اولوناجنی و مجازات کونی ايجون حاضر لانتق لازم کلدیکی و بناء علیه قیامت کونی کینلی اولدینی و قیامته ایمان ایتیموب هوا و هوسنه تبعیت ایدن کیمسه نک قیامتق تصدیقندن منع ایتمه سی و اکر منع ایدرسه آنک سوزینه آلدانان کیمسه نک هلاک اولاجنی بو آیتدن مستفاد اولان فوائد جمله سیندندر .

**

واجب تعالی موسی علیه السلامه توحیده دوامک و عبادتله امرک و آخرتی اعتقادک

لزومنی بیاندن صکره وقوع بولان مکالمه سنی بیان ایتامک اوزره ﴿ وَمَا تِلْكَ يَمِينُكَ يَا مُوسَى ﴾ بیوریور .

[یا موسی ! صاع الیکده طوتمش اولدیغک شی ندر و آنده نه کبی خاصه وصفت وارد ؟]

﴿ قَالَ هِيَ عَصَايَ أَتَوَكَّوْا عَلَيْهَا وَاهْبَسْتُ بِهَا عَلَى غَنَمِي وَلِيَ فِيهَا مَاءٌ رَبُّ الْآخِرَى ﴾ [موسی علیه السلام « یاربی ! ائده کی شی بنم عصامدر . بن یورولدیغمه آنک اوزرینه دایانیرم و آنسکه قیومتک اوزرینه آغاجلرک یپراغنی سیلکدرم و بنم ايجون او عصاده باشقه هنزلرده وارد » دیمکه جواب ویردی .]

﴿ قَالَ أَلْقِهَا يَا مُوسَى ﴾

[الله تعالی « یا موسی ! او عصای یره قوی » دیدی .]

﴿ فَأَلْقِهَا فَإِذَا هِيَ حَيَّةٌ تَسْعَى ﴾

[موسی علیه السلام امره امتثالاً در حال عصای یره قویدی برده کورولدی که عصا سرعتله یورور بر ییلان اولدی .]

یعنی ؛ الله تعالی طرفندن حضرت موسایه خطاباً « یا موسی ! صاع الیکده طوتمش اولدیغک آغاج پارچه سنک حقیقتی ندر ؟ سنی ایقاظ و آنده کوره جکک عجائب و غرائب تنیه اولسون ايجون سؤال ایدیورم » . موسی علیه السلام « یاربی ! او آغاج پارچه سی بنم عصامدر . یورولدیغمه بن او آغاجه دایانیرم و عصا ایله قیومنه علف اولسون ايجون آغاجلرک یپراغنی سیلکدرم و بنم ايجون عصاده بونلردن باشقه بر طاقم هنزلرو احتیاجی تأمین ایده جک منفعتلرده وارد . چونکه ؛ اوطوردیغمه کولککک یایمق و هوام ارضی دفع ایتک و دشمنه مقابله ایتک کبی احتیاجاتمی عصا ایله دفع ایدرم » دیمسی اوزرینه الله تعالی « یا موسی ! یره براق عصای » دیدی . امر الهی به امتثالاً حضرت موسی عصای یره براقدی و کوردی که عصا سعی ایدر بر ییلاندر .

فخر رازینک بیانه نظر ابوسؤال عصانک هنزلرینی و ظهور ایده جک عجائب و غرائبی

بیانه مقدمه در، یوقسه «واجب تعالی حاشا بیلیمورده بیلیمک ایچون سؤال ایتدی» معناسنه دکلدر . چونکه ؛ جناب حق موسی علیه السلامک آئنده اولانک عصی اولدیغنی بیلیردی؛ لکن موسی علیه السلام عصی واسطه سیله ظهور ایدیه جک امور عجیبه یی بیلمدیکندن واجب تعالی «آئنده کی آغاج پارچه سنک حقیقی نه در بیلیرمیسک ؟ یا موسی !» بیوردی که بو سؤال وسیله سیله عصاده ظهور ایدیه جک غرائی موسی علیه السلامه کوسترسونده موسی علیه السلامک قلبی مطمئن اولسون . شو حالده استفهام ؛ غیب وایلروده ظهور ایدیه جک عجایبانه ایفاظ ایچوندر . او ندانک تکرارندن مقصد ؛ انسیتک زیاده اولمسیدر . جوابده موسی علیه السلام یالکیز آئنده اولان شیئک عصی اولدیغنی بیانه اکتفا ایتدی . زیرا ؛ الله تعالی نک سئوالنی غنیمت بیلیمک وفرصتی فوت ایتمه مک اوزره واجب الوجودله مکالمه یی اوزاتمق ایسته دی . بناء علیه ؛ «بو بنم عصامدر وبن بوکا استناد ایتدیکم کبی عصی ایله قیونمک علفنی تدارک ایدرم ودها برچوق بنم ایچون منفعتلر وار» دیمکه سوزی اوزاندی که مقصدی ؛ شرف ملاقات و مکالمه یی اوزاتمقدی .

تفسیر خازنده بیان اولوندیغنه نظراً مأرب ایله مراد؛ منفعتلر دره موسی علیه السلامک منافع اخری ایله مرادی؛ مسافرت مالنده بعضی امور وخصوصنره عصای استعمال کورسه اولدیغنی فائده لر دره . چونکه ؛ عصانک ایکی بوداغی اولوب آکاآزیغنی باغلار وآنکه قویودن صوچکر وقیونک بویونجه ایجابنده عصی اوزار وآنکه تصادف ایتدیکی مضر حیوانلری اولدورور وعصانک بوداقلرینه البسه اورتر کولکهک اولور وقیوننی چورور وسوت هلکینسی [۱] وچنه طاقار کوتورور واونجک چتالی ایله قاچان قوزیلری طوتاردی . عصاء موسی ابتداء حالنده عصانک جرمنه کوره کوچوک برییلان اولدیغندن بعضاً ماهیه دنیلدی که یوکروک یورویشلی اولدیغنی ایچون جان دنیلمشدر . الکبویوک اژدرها شکلنده کوردیکنه نظراً بعض آیتده نهماه دنیلمشدر . حیه ؛ اسم جنس اولوب ییلانک بویوکنه وکوجوکنه ، ارککینه ویشینه شامل اولدیغندن بو آیتده «حیه» دینمشدر . شو حالده [۱] ایچنه سود صاغیلان اوزرندن قولیلی باقیر باقراچله هلکی اطلاق اولونور .

آیتلر بیننده منافات یوقدر . زیرا ؛ بعضاً ماهیه وبعضاً نهماه صورتنده اولدیغندن آیتلرک جمله سنده تعییرات واقعه مطابقدر ، یکدیگرینه مبین دکلدر .

واجب تعالی عصانک ییلانه انقلابی بیاندنصکره اصلنه عودت ایتدیکنی بیان ایتمک اوزره ﴿قَالَ خُذْهَا وَلَا تَحْزَنْ سَنُعِيدُهَا سِيرَتَهَا الْأُولَى﴾ بیوریور .

[موسی علیه السلام عصانک مهابتی کورونجه مقتضای بشریت قوزقو عارض اولمسی اوزرینه الله تعالی «یا موسی ! عصای آلک کمال ، قوزقما . زیرا ؛ بزآنی صورت اصلیه سنه اعاده ایدیه جکیز . سن کافی السابق عصای امور کده استعمال ایدرسک . بزم آنی ییلان شکلنه تبدیلز سنی آلیشدرمق و قدرت قاهره مزنی سکا کوسترمکه قلب نبویلریکه قوت ویرمک و ایجابنده دشمنه اظهار ایتمکه دعوا کی اثبات ایتمک ایچوندر» دیدی .

تفسیر خازنده بیان اولوندیغنه نظراً واجب تعالی عصای اخذ ایتمسنی امر ایدنجه موسی یوگدن معمول عباسنک یگنی آله دوردرک اخذ ایتمک ایسته مش سده جناب حق آلی آچسنی و آچیق آلیله اخذ ایتمسنی امر بویورمقله امره امثالاً بالذات آلی ییلانک اغزبنه وضع ایدنجه درحال حالت اصلیه سنه عودت ایدرک عصی اولدیغنی حالده آله المشددر . بناء علیه ؛ قلبی مطمئن اولدی وکمال جلادت و شجاعت ایله فرعونه مدافعه یه قیام ایتدی . عاقبت ایمان ایتدیکندن دولای فرعونک هلاکنه سبب اولدی .

واجب تعالی موسی علیه السلامک برنجی معجزه سنی بعداللیان ایکنجی معجزه سنی بیان ایتمک اوزره ﴿وَاضْمُمْ يَدَكَ إِلَى جَنَاحِكَ تَخْرُجْ بَيْضَاءَ مِنْ غَيْرِ سُوءٍ آيَةً أُخْرَى﴾ بیوریور .

[یا موسی ! ضم ایت الکی قوینکه . اولکی معجزه نک باشقه برمعجزه اولارق عیبسز بیاض اولدیغنی حالده چیقارکه دعوا ی نبوته صدقکه دلالت ایتسون .]

﴿لِنُرِيكَ مِنْ آيَاتِنَا الْكُبْرَى﴾

[بز الكده بياضنى خلق ايتدك كه سكا بويوك علامتلىمزدن بعضيسنى كوستردم.]

﴿ اِذْهَبْ إِلَىٰ فِرْعَوْنَ إِنَّهُ طَغَىٰ ﴾

[ياموى! شوايكي معجزه ايله فرعونه كيت ، طريق حقه دعوت ايت . زيرا فرعون؛ طغيان وحقه قارشى تكبر ايتدى . بناء عليه ؛ ارشاده محتاجدر .]

يعنى ؛ يا موسى ! ألكى قولتوغنكه ضم ايت . بياض ونور ويريحي اولدينى حالده قولتوغنكدن عيىنز ومرضسز ايكنجى بر معجزه اولارق چيقاركه اولكى معجزه كدن دها آچيق وظاهر بر معجزه اولدينى دعوا كده صداقته دلالت ايتسون وبويوك آيتلىمى سكا كوسترمك ايجون بزومعجزه لى احسان ايتدك كه رسالتكه قلبك مطمئن اولسون . ياموسى ! رسالتكه كيت فرعونه ، طريق حقه دعوت ايت آنى . زيرا فرعون؛ طغيان ايتدى ، يولدن چيقدى و بزم اوزریمزه كبر ايتدى . بناء عليه ؛ ارشاده محتاجدر . دلائل عقلیه و نقلیه ايله ارشاده سعى ايت « بيوردى .

ابوالسعود افدينك بيانى وجهله موسى عليه السلامك لونی اسمر اولدينى حالده ألى قويته صوقوب چيقارنجه غايت پارلاق وكوزلى قماشدير بر حالده ظهور ايدردى كه بو بياضلى مرضندن نشأت ايتمه مشدر .

موسى عليه السلام هر نه قدر فرعونه و جماعته مبعوث ايسه ده فرعون ، قومك رئيسى اولوب ربوبيت دعواسنده بولوندينى ايجون فرعونك ذكريله اكتفا اولونمش وقومى ذكر اولونما مشدر . چونكه ؛ فرعونه مبعوث اولان رسول ، قومه دخى مبعوث اولاجغندن متبوعى ذكر ايدنجه تابعى ذكره حاجت كوروله مشدر .

خلاصه ؛ موسى عليه السلامك دعواسنى اثبات ايدمك ايكى مهم معجزه نك كندينه و برلديكى وزماننده طغيان ايتمش اولان فرعونى طريق حقه دعوته مأمور اولدينى ودعوتى ايجاب ايدن شينك آنك طغيانى و ظلم وعداوتى اولوب فرعونك طغيانى حضرت موسانك بعثته سبب اصلى اولدينى بو آيتدن مستفاد اولان فوائد جمله سندندر .

**

واجب تعالى موسى عليه السلامه رسالتله فرعونه كيتمسنى امر ايدنجه مأموريتنك اهميتنى

نظر اعتباره آلاق موسى عليه السلامك وظيفة رسالتى اداده سهولت و معاونت اولمق ضمنتده واقع اولان مطالباتى بيان ايتك اوزره ﴿ قَالَ رَبِّ اشْرَحْ لِي صَدْرِي ﴾ بيوريور .

[امر رسالت كنديسنه توديع اولونونجه موسى عليه السلام « ياربى ! بنم قلبى توسيع ايت » ديمكه فرعونك شوكتنه قارشى دعوتده حاصل اولاجق مضايقه وانديشه نك وسعته وراحتته تبديلى ايستهدى .]

﴿ وَيَسِّرْ لِي أَمْرِي ﴾

[« ياربى ! فرعونى دعوت خصوصنده ايشيمى قولاي قيل كه رسالتك وظيفة سنى ادا ايتكمده مشكلات چكمه ييم » ديدى و مناجاته شويله ده علاوه ايدمك ديدى كه :

﴿ وَاخْلُلْ عُقْدَةً مِنْ لِسَانِي * يَفْقَهُوا قَوْلِي ﴾

[« ياربى ! بنم لسانمده اولان عقده يعنى ركا كتى آج وچوزكه فرعونى وقومنى دعوت ايتديكمده بنم سوزمى آكلاسونلر ومقصدى آكلامقده مشكلات چكمه ييم » .]

﴿ وَاجْعَلْ لِي وَزِيرًا مِنْ أَهْلِي * هَارُونَ أَخِي ﴾

[« ياربى ! بنم كندى اهلمدن برادرم هرونى بكا وزير قيل كه بنم ايجون يارديمجى اولسون » .]

﴿ أَشْدُّ بِهِ أَرْزِي * وَاشْرِكْهُ فِي أَمْرِي ﴾

[« ياربى ! هرونله بنم آرقمى قولندير و امر رسالتده هرونى بكاشريك قيل كه بكا قوة الظهور اولسون »] ديمكه موسى عليه السلام تحمل ايتديكى رسالتك عظمتقى دوشونه رك وظيفة رسالتى اداده لازم اولان اسبابه موفق اولمسنى جناب حقندن استرحام ايتكمكه مطلوبنك قولايقلقه حاصل اولمسنى ايستهدى .

يعنى ؛ موسى عليه السلام رسالت امرينى تلقى ايتدك كنصكره على طريق التضرع والنياز ديدى كه « ياربى ! بنم قلبى توسيع بيوركه سندن باشقه هيچ بر كيمسه دن قورقايم و قلبمه قوت وشجاعت ويركه فرعونك شوكت وقوتندن حذر ايتديكم كى امور رسالتى اداده

کوره جکم محن و مشقتله صبر و تحمل ایدهیم و بکا احسان ابتدیک امر رسالتک وظیفه سنی ایفا ایتدیکده بنم ایشیمی قولای قیل که یاربى ! بن امور رسالتده مشکلات کورمه ییم . زیرا؛ فرعون کبی سلطنت و شوکت صاحبی بر متکبر معنده سوز دیکله تمک سنک تسهیلاتک محتاجدر . یاربى ! امر رسالتی ادایه مباشرتمده بنم لسانده اولان آغیرلغی قالدیر که سویلدیکم سوزی و حین دعوتده سرد ایتدیکم دلائلی آکلاسونلر و وظیفه مدده قصور ایتش اولماییم، مقصدی افاده ده کوجلاک چکمه ییم و بکار رسالتی ادای توفیق ایدنجه بنم اهل و اقربامدن بکا بر معین و ظهیر خلق ایت که بنی تصدیقه امورمده بکا معاونت ایتسون . اجانبندن بکا وزیر قیلما . زیرا؛ اجانبک بالطبع بکا شفقتی آز اولور . بناء علیه؛ کندی اهلمدن برادره هرونى بکا وزیر قیل و هرون سبیلده بنم آرقه می قوی ایله یاربى ! زیرا؛ هرون بنم بویوک برادره اولدینی ایچون شفقتده بکا بابام کیدر . هرونک بکا معاوتی تحقق ایتمز، آنجق امر رسالتده بنم شریک اولورسه تحقق ایدر . شوالده یاربى ! آنی بکا امر رسالتده شریک قیل که ایکیمز برلکده ایقای وظیفه مباشرت ایدهلم « دیکله موسی علیه السلام جناب حقه التجا ایتدی .

ابوالسعود اقدینک بیانی وجهله جناب حق دعاسنی قبول بیوردی و برادرى هرونى کندیسيله برابر رسول قیلدی . دنانک فائده لرندن بریسی تقرب الی اللهدر . موسی علیه السلام بودعاسيله جناب حقه تقرب طلب ایتشدر . چونکه دعا؛ انواع عباداتدن بر نوعدر . زیرا؛ الله تعالی دعا ایله امر بیوردیغندن امر الهی به امثال البته عبادتدر . موسی علیه السلام شومناجانده واجب تعالی دن قلبنک منشرح اولسنی و توسع ایتسنی طاب ایتشدر که افعال حقه و احوال خلقه واقف اولسون . و امرینک سهولتی استرحام ایتشدر که امر رسالتی ادا ایتدنک تسهیلات الهیه محتاج اولدیغنی اظهار ایتشدر .

موسی علیه السلام لسانده اولان لکتنک تبلیغانده خلقه نفرت و یرمه مسی و حقه دعوتک سهولته اولسنی ایچون لسانده اولان عقده نک چوز اولسنی طلب ایتشدر . و بودعاسی سبیلده لسانده اولان آغیرلق بالکلیه زائل اولدیغنه بوندنصکره کی آیت دلالت ایدر . زیرا؛ جناب حق سؤال ابتدکی شیرى و یردیکنی بیان بیوربیور .

فخر رازینک بیانی وجهله نبوت بر مرتبه عظیمه اولوب حضرت موسی بومرتبه نک

کندی اهلندن برینه احسان اولسنی ایسته مشدر که خصلت حمیده نک کندی عاقله سنده اولسنی طلب ایتنک انسان ایچون امراهم اولدیغنه اشارت ایتشدر .

واجب تعالی موسی علیه السلام برادرى هرونک کندیسيله برابر رسول اولسنی طلبندن مقصدی بیان ایتنک اوزره ﴿كُنْ نَسِيحًا كَثِيرًا ۖ وَنَذِيرًا كَثِيرًا ۖ﴾ اَنَّا كُنْتُ بِنَابِصِيرًا ﴿﴾ بیوربیور .

[یاربى ! بزم سکا چوق نماز قیلما من و سنی نقائصدن تنزیه ایتمه من و سنی چوق ذکر ایدوب مدح و ثنا ایله من ایچون برادره نک بکا وزیر و امر رسالتده مشترک و معین و ناصر اولسنی طلب ایتدم .] زیرا؛ معاونتک بزم حالمزه موافق اولدیغنی و هرونک بکا اک ابی بر معین اولاجغنی بیایر و بزم حالمزی کورورسک .

فخر رازینک بیانی وجهله نقائصدن تنزیه؛ صفات سلویه و ذکر کثیر، لایق اولدیغنی صفتری ذات الوهیته اثباتدن عبارت اولوب نقائصی سلب ایتنک اثبات اوزرینه مقدم اولدیغنی جهته موسی علیه السلام مناجاتده تسبیحی تقدیم بیورمشدر . چونکه؛ اعتقادات باطله دن تبری ایتدیکجه اعتقاد صحیحیه موفق اولونامیه جنی جهته انواع نقائصدن واجب تعالی بی تنزیه ایتنک کالات الهیه ایله متصف اولدیغنی ذکر ایتنک اوزرینه مقدم اولدیغنی نه فخر رازینک جمله بیاناتدر .

واجب تعالی موسی علیه السلام ربسنه مناجاتی بیاندنصکره مسئولی اسعاف بیوردیغنی بیان ایتنک اوزره ﴿قَالَ قَدْ أُوتِيتَ سُؤْلَكَ يَا مُوسَى﴾ بیوربیور .

[موسی علیه السلام دعاسی اوزرینه جناب حق « یا موسی ! ایسته دیکک شیر محقق سکا و یرلدى » دیدی] و کلامنه شونی ده علاوه ایتدی :

﴿وَلَقَدْ مَنَّا عَلَيْكَ مَرَّةً أُخْرَى﴾

[« ذات الوهیتمه یمین ایدرم که محقق وقت آخرده بزسا انعام ایتدک »]

﴿ إِذْ أَوْحَيْنَا إِلَىٰ أُمِّكَ مَا يُوحَىٰ ﴾

[شول زمانده که او زمانده بز والدہ که وحی اولوناجق شیرک جمله سنی الهام ایتدک ویا موسی ! سنی محافظه عائد اولان هر شینی کمال دقت واهتمامله والدہ که بیلدیردک .]
ودیدک که

﴿ أَنْ أَقْذِفَ فِيهِ فِي التَّابُوتِ فَاقْذِفْ فِيهِ فِي الْيَمِّ ﴾

[« سن موسایی تحتہ دن یا بلش صندوق ایچنه قوی ، دکزه آت ، دیمکله سنک محافظه کی والدہ که تعریف ایتدک .]

﴿ فَلْيُلْقِهِ الْيَمُّ بِالسَّاحِلِ يَأْخُذْهُ عَدُوٌّ لِّي وَعَدُوٌّ لَهُ ﴾

[ای موسانک والدہ سی ! سن موسایی دکزه مسافرویر که دکز آتی بر ساحله آتسون و آتی ، بکا و موسایه دشمن اولان فرعون آلسون ، دیمکله دکزده سکا بر ضرر اولیه جغنی و عاقبت سلامت بولاجغنی خبر ویردک .]

﴿ وَالْقَيْتُ عَلَيْكَ مَحَبَّةً مِنِّي ﴾

[یا موسی ! سنک اوزریکه بنم طرفدن بر محبت قویدم که اومحبت سبیلله سنی کورنلر بردها کورمدکجه صبر ایدم من بر حالده ایدی .]

﴿ وَلِتُصْنَعَ عَلَىٰ عَيْنِي ﴾

[بن اومحبتی ویردم که سن بنم کوزمک اوکنده تربیه اولوناسک و سکا هر نه ایشله نیرسه بنم مراقبهم آلتنده ایشله نیله .]

یعنی ؛ موسی علیه السلامک التجاسی و بالکلیه ربسنه توجهی و تفویض امور ایتسی اوزرینه الله تعالی شرف خطابله تشریف وشاننه تعظیم صورتیله بیوردی که « یا موسی ! سنک ایسته دیکک شیرک جمله سی سکا ویرلدی ، اصلا نقصان قالمادی . زیرا ؛ دعا کز اخلاصه مقارن اولدیغندن درکاهمزده قبول اولوندی . چونکه اخلاص اوزره ایراد اولونان دعا

البته مقبولدر . بناء علیه ؛ مطالبکز تمامیه حصول بولدی . ذات الوهیتمه قسم ایدرم که مره اخراده و بوندن اول سزک اوزریکزه بز محقق احسان ایتشدک شول زمانده که اوزمانده بز والدہ که وحی اولونان شیئی الهام ایتدک و « سن موسایی آغاجدن معمول تابوت یعنی صندوق ایچنه قوی ، دکزه آت ، قورقما ، خالقنه تفویض امور ایت . ظن ایتدک دکزه غرق اولور . زیرا ؛ حافظ حقیقی آتی حفظ ایدر » دیمکله والدہ که جسارت ویردک و سنک محافظه اولوناجق خصوصریکی آکا الهام طریقله تعلیم ایتدک . امر منی تلقی ایتدکدنصکره والدہک دولکهره صاندینی یایدردی و سنی متوکلا علی الله تعالی نیل صوبنه وضع ایتدی . بزده سنی هلا کدن محافظه ایتدک . « جناب حق موسی علیه السلامه نعمترینی بوضورتله تعداد بیوردی که سئوالک قبولنه قلبی مطمئن اولسون . واجب تعالی تکرار مومی علیه السلامه خطاب ایدرک بیوردی که « والدہ که دیدک که آت موسایی دکزه . دکز آتی بر ساحله آتسون . چونکه دکزک عادتی ؛ ایچنده اولان شیئی برکناره آتمقدر . دکز ساحله چیقارنجیه ناس کورور بکا و موسایه دشمن اولان فرعون ، موسایی آلیر تربیه ایدر » دیمکله والدہ کی تسلیه ایتدک و بنم طرفدن کمال قوت و قدرتمزله سنک اوزریکه محبتی وضع ایتدم که بالذات فرعونده حاصل اولان شوق و محبت سنی اهلاک ایتمکدن آتی منع ایتدی و حرمی (آسیه) سزی اوغل اتخاذا ایتدی . بناء علیه ؛ سرای فرعونده بیودک و بنم مراقبهم آلتنده و کوزمک اوکنده تربیه اولونمقاغک ایچون سنک اوزریکه محبت ویردم که دشمنک یدندن خلاص اولاسک .

فخر رازینک بیانی وجهله واجب تعالی موسی علیه السلامک دعاسنی قبولی بیانده دهها سؤال و قوعبولادن اول موسی علیه السلام طرفندن برچوق رعایتی بیانه سئوالک قبول اولوندیغنی تا کید بیورمشدر . وشو نعمتلر موسی علیه السلام طرفندن کسبله اولمایوب بلکه یالکز جناب حقک لطف و احسانیه اولدیغنه اشارت ایچون جناب حق منت لفظیله بیان بیوردی که محضا لطف الهی اولدیغنی مشعردر . چونکه ؛ امر نبوت کسبی کبی دکلدرد ، آنجق احسان الهیدر . بناء علیه ؛ جناب حق موسی علیه السلام حقنده واقع اولان احسانلرینی محضا فضل الهی اولدیغنی مشعر اولان منت لفظیله بیان بیورمشدر .

حضرت موسانک والدہ سی نبی و رسول اولمادیغنی جهتله بو آیتده وحی ایله مراد ؛

موسی علیه السلامك والده سنك منامده كوردیكى بررئیای صادق در. بورؤیا سبیلله كندینه اطمئنان حاصل اولارق موسی علیه السلامی تابوته قویوب دكزه براقشدر. یاخود وحی ایله مراد؛ فرعونك ظلمنده موسی علیه السلامی قورتارم. مخصوصنده تأمل وتفكر دنفكره الهام طریقده والده سنك قلبنده حاصل اولده رأی ونهیرم. یاخود موسی علیه السلامدن اول كچن انبیادن بعضیلری عینله وقعه نك وقعه كله جكنی خبر ویردیلهر وبو خبر ام موسانك سمعنه واصل اولمش وآنكه عمل ایتمشدر. بوكا نظراً وحی ایله مراد؛ حقیقی وهیبر. فقط اول كچن انبیادن برذاته وحیدر. یاخود جناب من بشر صورتنده برملك كوندردی، اولملك موسی علیه السلامك محافظه سنی والده سنه تعلیم ایتیركندره واجب تعالی وحی ایتدك بیورمشدر. فقط ملكك كلمی نبوت طریقله دكلدر. چونكه؛ جناب حق متعدد آیتلرده رسولك ونینك آنجق رجالدن اولدیغنی بیان بیوردیغنه بناء نسواندن نبی اولمادیغنه علما حكم ایتمشدر.

بو آیتده (یم) ایله مراد؛ نهر نیمر. چونكه یم؛ دكزه اطلاق اولوندی کبی بوبوك نهرده اطلاق اولونور. بناء علیه؛ یم له مراد؛ نهر نیمر.

فخر رازی و بیضاوینك بیانلری وجهله حضرت موسانك والده سی تعلیم الهی وجه اوزره تابوتك ایچنه پاموق دوشر و تابوتك یاریقلرینی زینتله صیوار. اوغلونی صندوقك ایچنه كمال تعظیمله یاتیردقدنصكره نهر نیله وضعله الله امانت ایدر. نهر نیلك فرعونك سراینه كیدن شعبه سی تابوتی آلیر فرعونك سراینه كوتورور. فرعونك سراینده نیل امر الهی وجه اوزره تابوتی ساحله براقیر. فرعون ویاخود اتباعندن بری كورور آلیر. فرعون ساحله قارشى بر كوشك اوزرنده حرمی (آسیه) ایله برابر اوتوروب تنزه ایدركن موسی علیه السلام آنك حضورنده شمسك طلوعیله برابر طلوع ایتمشدر. فرعون كفرله الله و قتل ایتك قصدیه موسی علیه السلامه دشمن اولدیغنی ایچون آیتده فرعونك عداوتی صراحة بیان اولوندی.

شو وقعه نه غریب قدرت قاهره ونه عجیب عبرت انگیز قصه دركه فرعون موسی علیه السلامك نشأته مانع اولماق ایچون نبی اسرائیلك خانه لرینی بكه توب طوغان چوجقلرینی

اولدیردیكى بر زمانده موسی علیه السلام آنك قوجاغنه آتیلور و آلوب باغرینه باصیور و ابویندن ده ازیاده برشفقتله حمایه سنه چالیشیور و عاقبت کندیسك فلا كتنده سبب اولور. جناب حقك موسی علیه السلامی حین صباوتنده واقع اولان احسانندن بریسی؛ والده سنه الهامه تابوت ایچنده محافظه بیوروب فرعونك الهوك ایتمشدر و نهر نیمر غرقه اولمشدر منامده ایتمشدر. ایکنجی احسانی؛ موسی علیه السلامه محبت و بررب فرعونه کبی بر دشمنه تسلیم ایتمشدر. چونكه؛ فرعون نبی اسرائیلدن طوغان اوغلان چوجقلرینی قتل ایتك كمال حرصیله برابر موسی علیه السلام كندی قوجاغنه واردینی حالدده موسی علیه السلامك یوزینی كورونجه وجهنده اولان لطافت و كوزلرنده اولان ملاحظدن فرعونه عكس ایدن محبت ضروریه سبیلله ابقاسنه امر ویرمك و كندی سراینده كندی آلله بسله یوب بویوتك محضا الهك لطف و عنایتندن باشقه برشی دكلدر. اوچنجی احسانی؛ جناب حقك علمی و حفظی آلتنده نریه اولمشدر. چونكه؛ «ولتضع علی عینی» دیمك (علی علم منی) یعنی «بنم علمم اوزره تربیه اولماقك ایچون بن محبت ویردم و فرعونك سراینه كوندردم» دیمكدر.

ایشته حضرت علینك (اذ اجل القدر بطل الحذر) یعنی «قدر ظهور اینجه حذر باطل اولور» بیوردیغنی كلام منفینك مآلی بو وقعه ده بك رعنا ظاهر و قدر الهی به هیچ برشینك حائل اولمادیغنی بك زیاده باهردر. فرعون موسی علیه السلامك ظهورندن نه قدر حذر ایتمش ایسه ده هیچ تأثیری اولماشدر.

هرنه قدر دكز ارباب تمیزدن اولمادیغنی جهته امری تلقی ایده جك لیاقه مالك دكسه ده موسی علیه السلامك تابوتی بركنسارینه آتمسنه اراده الهیه تعلق ایتدیكندن دكزك ساحله آتلیسی واجب اولدیغندن دكزه امر صورتنده ابراز اولوندی.

جناب حق، فرعونك موسی علیه السلامه محبتی ذات الوهیتك محبتی اثری اولدیغنه اشارت بیورمشدر. زیرا؛ محبتی موسی علیه السلامه القا ایتدیكنی بیان بیوردی. الله تعالی نك محبت ایتدیكى كیمسه نك هر كسك قلبنده محبوب اولاجغنه دلالت ایدر احادیث جلیله اولدیغنی کبی بو آیت دخی دلیلدر.

واجب تعالی موسی علیه السلامه احساندن اوچی بیاندنصرکه دردنجی احسانی بیان اتمک اوزره ﴿إِذْ تَمْشِي أُخْتُكَ فَتَقُولُ هَلْ أَدُلُّكُمْ عَلَىٰ مَن يَكْفُلُهُ ۖ فَرَجَعْنَاكَ إِلَىٰ أُمِّكَ كَيْ تَقَرَّ عَيْنُهَا وَلَا تَحْزَنَ﴾ بیوریور.

[شول زمانده محبت القسا ایتدک که او زمانده بویوک همشیره ک (مریم) فرعونک سرایی جوارلرنده یوریور، و سنک احوالی ترصد ایدیورددی. فرعون طرفندن سنک ایچون بر امزیکچی (سود نه) آرانلیدی و قنده وساطت و دلالت طریقله همشیره ک بو جوجغه کفالت ایدوب «هرامورینه نظارت ایده جک و امزیره جک بر کیمسنه بن سزه دلالت ایده می؟» دیدی. آنلرده همشیره ک سوزینی قبول ایده رک والدہ کی ایسته دیلر. والدہ ک کلدی سنی امزیردی، ممنون اولدیلر و اجرت و یردیلر. بناء علیه؛ والدہ ک سنی کورمکه کوزلری نورلانسون و قلبی راحت ایتسون ایچون سنی والدہ که رد ایدوب زیر حمایه سنه و یرمکه هم سکا همده والدہ که لطف و احسان ایتدک که سنک فراقکله محزون اولسون. و سن یا موسی! احوال دن هیچ برحاله محزون اولما.] زیرا؛ بز سنی حفظ ایدیچی و ضرر و یره جک هرشیئی سندن دفع ایدیچی بز بناء علیه؛ فرعونک قهر و غضبندن خوف و اندیشه ایدوب محزون اولما.

بو آیتده اشارت اولوندینی وجهله موسی علیه السلام فرعونک سراینه داخل اولوب محبت الهیه اثری سرای خلقی و بالخاصه فرعون و حریمی (آسیه) کال محبتلرندن بسله یوب بیوتمکه قرار و یرد کدنصرکه امزیکچی به احتیاج مس ایتسنه بناء بر چوق امزیکچی خاتون کتیرمشر ایسه ده هیچ بریسندن اعمه دیکی جهتله مضطرب اولدقلری مصر اهالیسنه شایع اولسی اوزرینه همشیره سی (مریم) احوالی ترصد اتمک اوزره چیقوب و آلدینی معلوماتی والدہ سنه کتیرمک اوزره فرعونک سرایی جوارنده کزرکن امزیکچی آرایانلره «بن سزه برایی امزیکچی خیر و یره می؟» دینجه سوزینی دیکله دیلر خبر و یردیکی خاتونی کتیرمسنی امر ایتدیلر. والدہ سنی آلدی کتیردی. موسی علیه السلام ده والدہ سنک مه سندن امدی. سرای خلقی شن و شادمان اولدیلر. بناء علیه؛ والدہ سنک ید تریه سنه تسلیم ایتدیلر و بوضو رتله جمله سنک راحت اولدقلرینی جناب حق بو آیتده بیان بیوریور.

خلاصه؛ واجب تعالی مراد ایتدیکی شیتک اسبابی تهیه ایدر فحواسنجه جناب حق حضرت موساک حیاتی مراد بیوردینی و همشیره سنی تعقیبه مأمور ایتدیکی و همشیره سی والدہ سنک سودینی امزیرمکه دلالت ایدوب و عائله فرعونی اقناع ایتدیکی و والدہ سنه موسی علیه السلامی تسلیم ایتدکری و بو وسیله ایله والدہ سنک کوزلری راحت ایدوب آه و اینندن و آز کچدیکی بو آیتدن مستفاد اولان فوائد جمله سندندر.

واجب تعالی موسی علیه السلامه و یرمش اولدینی نعمتلردن دردنجی بیاندنصرکه بشنجی، آلتنجی، یدنجی و سکزنجی نعمتلی بیان اتمک اوزره ﴿وَقَتَلْتَ نَفْسًا فَمَجَّيْنَاكَ مِنَ الْغَمِّ ۖ وَفَتَّانَا فُلُبَّاتٍ سِنِينَ فِي أَهْلِ مَدْيَنَ ثُمَّ جِئْتَ عَلَىٰ قَدَرٍ يَا مُوسَىٰ ۖ وَأَصْطَنَعْتُكَ لِنَفْسِي ۖ إِذْ هَبَّ آنتَ وَآخُوكَ بِالْأَيْتِ لَا تَنبِيَا فِي ذِكْرِي﴾ بیوریور.

[یا موسی! سن خطاء بر نفس اولدوردک. بز سنی قتل غصه سندن قورتاردق و انواع بلایا ایله مبتلا قیلدق. بعده سن (مدین) اهالیسی ایچنده چوق سنه لر اقامت ایتدک نصکره سن علمدن و مالدن و سنکدن مقدار معین اوزرینه کلدک و بن کندی ذاتمه خلیفه اولق اوزره رسالتمه سنی اختیار ایتدم. «سن و برادرک صدق دعوا کزه دلالت ایدن آیتلریمزله کیدک. بزم اوامرو نواهی اوزرینه مشتمل اولان و حیمزری تبلیغده اصلا یور و لمایک و قصور ایتمه ک دیدک.]

﴿إِذْ هَبْنَا إِلَىٰ فِرْعَوْنَ أَنَّهُ طَغَىٰ ۖ فَقُولَا لَهُ قَوْلًا لَّيِّنًا لَّعَلَّهُ يَتَذَكَّرُ أَوْ يَخْشَىٰ﴾

[ایکیکز، برابر کیدک فرعونه. زیرا فرعون؛ طغیان ایتدی. آنی دعوت ایچون حضورینه واردیفک زده غایت ملایم و بوموشاق سوبله یک. مأمول که کلام کزی تذکر و تحقیق اتمکه ایمان ایدر و یاخود خوف و خشیت ایدر.]

یعنی؛ یا موسی! بزم سکا لطف و احسانمز چوقدر. از جمله سن کندی قومکدن بر

کیمسه ایله منازعه ایدن قبطی بی - فرعونک ا ککجیسی در - برتوقاته قتل ایتدک . فرعون واتباعی سنک قتلکه قرار ویرد کدنصره بز عظیم الشان سنی اوقتلدن حاصل اولان دنیوی و اخروی غموم و همومدن قورتاردق . چونکه ؛ آخرته متعلق اولان جهتنی بز عفوایتدی کمز کبی دنیایه متعلق اولان جهتنی ده مصردن (مدین) ه هجرته مساعدده ایتمکه فرعونک ظلمندن خلاص ایتدک و انشای هجرتکده و طنکدن و احباب و اقربا کدن آیرلق و کمال خوف و اندیشه اوزره یا یا اولارق یولده یورو مک و یولده آجلقدن حاصل اولان زحمتی دفع ایچون اوتلرله تعیش ایتک و نفسکی آخره ایجارله قیون کوتمک کبی انواع بلایا ایله سنی مبتلا قیلدق و (مدین) ه شعیب علیه السلامک حمایه سته ایصال ایتدک . مصره سکزو یا اون قوناق اولان (مدین) ده اون سنه اقامت ایتدک . صکره سن قرق یاشکده علمدن و مالدن مقدار معین اوزره کلدک ، یاموسی ! و یا خود سنک حقه کده سبقت ایدن قدر اوزرینه کلدک و بنده سنی نفسمه اختیار ایتدم و خلیفه قیلدم که وحیمی حامل اولازق قوللریمه تبلیغ و اسرارمی محافظه ایتمکه برابر امریمی و نهیمی بیان و طرفدن نیابتله آنلری ارشاد و طوغری یوله سوق ایده سک ، یاموسی ! بالاصاله سن و بالتبع برادرک هرون دعوا کزک صدقه دلالت ایدن معجزه لریمزله و قدرتمز دلالت ایدن آیتلریمزله کیدک و وحیمزی تبلیغده و طریق حقه دعوتده اصلا یورو لمایک و هر زده اولورسه کز بنم ذکر می اونو تمایک و امر دعوتده سعی بلیغله سعی ایدک ، یاموسی ! و هرون ایکیکز برابر بزم امریمزله صورت سریعه ده کیدک فرعون . زیرا فرعون ؛ ربسنه تکبر و قوللرینه ظلم و عداوتله آزعین اولدیغندن حقه دعوته محتاج اولدی . بناء علیه ؛ کیدک آکا غایت ملایم و یوموشاق سویله یک و حدتی جلب ایتمیک که سوزیکزی دیکه سون و سز آنک تذکر ایدوب دلائلکزی تدقیقه و یا خود عذاب السیدن خوف و خشیتله ایمان ایتسنی امید ایده رک مباشرت ایدک که سیکزک نمره سی اولسون . چونکه ؛ ایمانی امید ایتز ایسه کز سعی ایتز سکز .

ظالم و غدار اولانلرک و عظمه غلیظ سوز کبر و غرورلرینه طوقان دیغندن قبول ایتمه ملرینه سبب اولور . انشای نصیحتده غایت ملایم سوز و طاتلی لسان قبولتک شرطندن اولدیغنه اشارت ایچون بو آیتده جناب حق فرعون کی بر ظالم و غداره ملایم سویلدرنی امر ایتمشدر . قاضی و خازنده بیان اولوندیجی وجهله قول لین ایله مراد ؛ منافعی بیانه و مشورت

صورتده عرضده کبفت ایتک و فرعون نفظمی اشعار ایدمه کنیه لرله خطاب ایتمکدر . چونکه ؛ بعض روایتیه نظراً فرعونک (ابو العباس) و (ابو الولید) و (ابومره) کبی کنیه لری اولدیجی جهته بو کنیه لرله خطابی سودیکندن بونلرله خطاب اولونمسنی امر اولق احتمالی واردر . مع هذا ملایتله دعوت هر هانکی صورتله اولورسه اولسون صورت قطعیه ده لازم اولدیغنه آیت دلالت ایدر . چونکه شدتله دعوت ؛ فرعونک حیت و حماقتی تحریک ایده جکندن و فرعونک موسی علیه السلامه بر حق تربیه سی اولدیغندن قاتی سوز فائده کتیر میوب بلکه ضرر کتیره جکندن ملایتله دعوت ایتلرینی واجب تعالی توصیه ایتمشدر .

بو آیتده (لعل) کله سندن مستفاد اولان رجا ؛ موسی و هرون علیه السلامه راجع در ، واجب تعالی به راجع دکدر . زیرا ؛ واجب تعالی رجادن و شکدن منزه در و فرعونک ایمان ایتمه جکنی قطعی صورتده بیلیردی . لکن فرعونک معذرتیه بحالی اولسون و « بکا رسول کوندرم دک کوندرسه ایدک ایمان ایدرم » دیمسون ایچون دعوتی امر بیور مشدر . بو کا نظراً معنای آیت : [سز فرعونک تذکر و خشیت ایده رک ایمان ایده جکنی امید ایدر اولدیغکز حالده کیدک ، دعوت ایدک . زیرا ؛ مباشرت ایتدیکی شیتک حصولنی امید ایدن کیمسه اوایشک حصولنه سعی ایدر و امیدسز اولان کیمسه یورولور ، اوایشی بوشلار . بناء علیه ؛ سز امید ایده رک کیدک که دعوتده فتور ایتیه سکز] دیمکدر .

تفسیر خازنده بیان اولونان بر روایتیه نظراً (لعل) کله سی جناب حقدن قطعیدر . فرعوندن تذکر و خشیت واقع اولدی و ایمانه مباشرت ایتدی و لکن غرق اولورکن حال یأسده ایمان ایتدیکی ایچون قبول اولونما مشدر .

بعض روایتده ، فرعون موسی علیه السلامک نصیحتنی دیکه یوب قبوله میل ایتدیکی (هامان) ه سویله نیجه (هامان) « معبود ایکن عابد و آمر ایکن مأمور می اولاجقسک ؟ » دیمکه فرعونی ایماندن منع ایتمشدر .

خلاصه ؛ عاصیلره نصیحت ایتک و طوغری یولی کوسترمک لازم اولدیجی کبی حین نصیحتده غایت ملایم و طاتلی سویلک نصیحتک تأثیرنده مشروط و امر تبلیغده یورو لمایق خلاصه البیان : طقوزنجی جلد — ۲۲

الزم و فرعونك طغيانند و لای نصیحتہ محتاج اولدینی و موسی و هرون علیهما السلامك حقه دعوتہ مأمور اولدقلری بو آیتدن مستفاد اولان فوائد جمله سنددر .

**

واجب تعالی فرعونك دعوت ایدلمسنه دائر ورود ایدن امر الهی اوزرینه موسی و هرون علیهما السلامك واقع اولان استرحاملری بیان ایتك اوزره ﴿ قَالَا رَبَّنَا اِنَّا نَخَافُ اَنْ يَفْرُطَ عَلَيْنَا اَوْ اَنْ يَظُنِّي ﴾ بیوریور .

[جناب حق کیدك فرعونى ملايمتله دعوت ايدك دينجه موسى و هرون عليهما السلام]
« ای بزم ربمز ! بزم دعوتمز اوزرینه فرعون بزم اوزریمزه عقوبتی تعجیل ایدوب دعوتی اتمام ایتدیرمه مسندن و یاخود طغیان ایدوب سنك حقه کده لایق اولماق شیلری سویلمسندن قورقارز » دیدیلر .

﴿ قَالَ لَا تَخَافَا إِنِّي مَعَكُمَا أَسْمَعُ وَأَرَى ﴾

[الله تعالی آنلره « فرعوندن قورقايك . زیرا ؛ بنم عنایتم سزكله برابردر . بناء علیه ؛ سزك و آنك سوزلریكزی ایشیتیر و احوالكزی کورورم » دیدی .] و کلامنه شونی ده علاوه ایتدی و دیدی که :

﴿ فَأْتِيَاهُ فَقُولَا إِنَّا رَسُولَا رَبِّكَ فَأَرْسِلْ مَعَنَا بَنِي إِسْرَائِيلَ وَلَا تُعَذِّبْهُمْ ﴾

[« بنم معاوتم سزكله بزبر اولونجه سزفرعونك مجلسنه كلك و ديكك كه (ای فرعون ! بزنسك ربكك رسولاری بز . بناء علیه ؛ بزمه برابر بنی اسرائیلی کوندر و اسارتدن قورتار ، آنلره عذاب ایتمه) دیمكله اولاً بنی اسرائیلك خلاصی تكلیف ايدك » .]

﴿ قَدْ جِئْنَاكَ بِآيَةٍ مِنْ رَبِّكَ ﴾

[« زیرا ؛ ربك تعالی طرفندن معجزه ايله كلكك شو حالده سوزیمزه اطاعت لازمدر » .]

﴿ وَالسَّلَامُ عَلَى مَنْ اتَّبَعَ الْهُدَى ﴾

[« و دنیاده و آخرتده سلامت ؛ طوغری و یوله اتباع ایدن کیمسه لر اوزرینه دره دیمكله طوغری و یوله اتباع ایتسنی توصیه ايدك .] و ديكك كه :

﴿ اِنَّا قَدْ اُوْحِيَ اِلَيْنَا اَنَّ الْعَذَابَ عَلَى مَنْ كَذَّبَ وَتَوَلَّى ﴾

[« و عذابك ، رسوللری تكذیب ایدن و دعوتلرینه آرقه لرینی دونوب اجابت ایتمین کیمسه لر اوزرینه اولاجنی بزه وحی اولوندی » دیمكله فرعونى تهديد ايدك .]
یعنی ؛ بز موسی و هرونه ، فرعونه کیدوب دعوت ایتلری امر ایدنجه آنلرمقتضای

بشریت فرعوندن قورقورلینه بناء بزه التجا ایتدیلر و دیدیلر كه « ای بزی انواع نعمتلیله تربیه ایدن ربمز ! فرعونك علی العجله بزه اذیت و قتل ایتسیله افراط ایدوب دعوتمزى اتمامه مساعده ایتمه مسندن و یاخود سنك ذات الوهیتكه لایق اولماق شیلر اسنادینه آرزینلق ایدوب و بزه ظلم و وعدوانده حدینی تجاوز ایتسندن قورقارز » دیمكله استرحامده بولندیلر . آنلك بو التجالرینه قارشى تسلیه طریقیله واجب تعالی دیدی كه « قورقايك . زیرا ؛ سز رسالتكزك وظیفه سنی ادا ایدر كن بنم علمم و قدرتم سزكله برابردر . حتی سزك و آنك كلامنى ایشیتیر و احوالكزى کورور و بیلیم . هر نه زمان سزه طغیان ایتك مراد ایدرسه بز آنی منع ایدر سزى ضرردن محافظه ایدرز . بناء علیه سز آنك حضورینه وارك ، آنك عظمتندن و مهابتندن اصلاً پروا ایتميك . كمال شجاعت و صلابتله ديكك كه (بز سنك ربك طرفندن رسوللرز . سنك حالى اصلاح و منفعت و مضرتكى بیان وسنى دین حقه دعوت ایچون كلكك . شو حالده سوزیمزى ديكك ، یعقوب علیه السلامك اولادلرینی بزمه کوندر . برطاقم ظلم و غدرله آنلره عذاب ایتمه . چونكه ؛ سنك اداسی مشکل تكالیف كدن و اولادلرینی قتل و اهلاك ایتمه كدن بزار و دلگیر اولدقلرندن اولاً آنلری ید اسارتندن قورتار . زیرا ؛ بز محقق ربك تعالی طرفندن معجزه ايله كلكك . او معجزه بزم دعوامزك صدقنه دلالت ایتدیكى كبی سنی انواع نعمتلى ايله تربیه ایدن ربك تعالی نك قدرت قاهره سنه ده دلالت ایدر . اكر لایقیله دوشونورسه ك کبر و عنادی تركله ایمان ایدرسك ، ارادهك و اختیارك كندی یدكده در . زیرا ؛ دنیاده و آخرتده سلامت و محن و مشقتدن امین اولمق هدایته و طوغری یوله تبعیت ایدوب هوا و هوسه تبعیت ترك ایدنلره وارد

ونازلدر . اللهم توفيق؛ آنحق آنلر ایچوندر . ای فرعون ! ای بیل ودوشون که عذاب اخرتک آیاتی وانیای عظامی تکذیب ایدوب یوز چورن کیمسه لر اوزرینه نازل اولاجنی و آنلرک اطرافنی احاطه ایده جکی محقق بزه وحی اولوندی . شو حالده سن تردد ایتمه ، بزه ایمان ایت ای فرعون !) دیه رک کال جرأت و شجاعته فرعوننی دعوته باشلاک و فرعونک شوکشدن و مهابتدن اصلا پروا ایتمهک دیمکه جناب حق حضرت موسی و برادری هرونه امر ویردی .

فخر رازینک بیاننه نظراً واجب تعالی نک امرندن صوکر موسی و هرون علیهما السلام تکرار استرحاماده بولونملری و فرعونین خوف ایتدکلرینی بیان ایتملری ، امر التهنیت فوری اولماسنه دلیدر . اکر فوری اولسه درحال امثال ایدرلر ، امر اوزرینه سوز سوبله به منزلدی .

افراط ایله مراد؛ فرعوننی ، اتباعک و کلاسنک تحقیر ایتکسزین موسی و هرونه علیهما السلام عذاب ایتمکه سور ایتملریم . رسوللرک دعوتنی دیکه یوب حقیقتنی آکلامقسزین عذاب واذیت ایتمکه سوق ایده جک کیملردر ؛ یا شیطان ویا خود کبر و غروری و ریاسته محبتی اولانلر ویا خود قبیلدن وکلا سیدر .

واجب تعالی نک ابتدا لیتله دعوت ایتملرینی امر ایتسنه بوآیتده کی غلظت منافی دکلدر . زیرا ؛ اولاً ملایمتله دعوتی قبول ایتمه یوب تمرد ایدنجه ثانیاً غلظت ایتمک عادت اولدیغندن فرعون ملایمتله نصیحتی دیکه مهینجه غلظت ایتدیلر .

بوآیتده درت مهرنه غلظت واردر ؛ برنجیسی ؛ رسالت دعوانمه بولونمور فرعوننی اطاعت دعوت ایتکدر . زیرا جمله رعایانک کندینه مطیع اولان پادشاهی اطاعته دعوت ؛ البته او پادشاه اوزرینه اک غیر برتکلیفدر . ایکنجیسی ؛ بنی اسرائیلی به ظلمنمه مبرص ایتمه سنی تکلیف ، ملکنمه نقصانی تکلیفدر . چونکه ؛ فرعونک سلطنتی هر حالده بنی اسرائیلک بقاسنه محتاج ایدی . زیرا ؛ بوتون امور شاقینی آنلره کوردوروردی . اوچنجیسی ؛ فرعون « بنی اسرائیل عذاب ایتمه » دیملریم . چونکه ؛ « سن آنلره عذاب

ایتمه » دیمک « سن ظالمسک ؛ ظالمی ترک ایت » دیمکدر . دردنچیسسی ؛ « بسط دلیل ایلر کدرک » دیمک « سنک دعواکه دیکه برون » دیمکدر . بونلرک هر جمله سی فرعوننی تکدیر اولدیغندن غلظت معناسنی مشعردر .

اهل ایمانک هدایت اولان طریق حقه اتباع ایتدکارندن هر حالده سلامتده اولاجقارینه بوآیت دلالت ایتدیکی کبی کافرلرک ظلمندن مؤمنلری تخلص ایتمک کافرلری ایمانه دعوتدن اهم و مقدم اولدیغنه دخی دلالت ایدر . زیرا موسی و هرون علیهما السلام ایلمک تکلیفلری ؛ بنی اسرائیلک خلاصلری اولدی . اکر ظالم یدندن مؤمن مظلومی تخلص ایتمک مقدم اولماسه ایدی ابتداء بونی تکلیف ایتزلردی .

بو آیتده آیتله مراد ؛ هنی معجزه اولوب قلیله و کثیره شامل اولدیغندن آیتک ایکی اولسنه منافی دکلدر . چونکه ؛ « بزآیتله کلدک » دیمک « مطلقاً معجزه ایله کلدک » دیمکدر .

واجب تعالی ، موسی و هرون علیهما السلام « بزسنک ربک طرفدن رسوللرز » دینجه فرعونک کلامنی بیان ایتمک اوزره ﴿ قَالَ فَمَنْ رَبُّكُمَا يَا مُوسَى ﴾ بیوریور . [فرعون ، موسی و هرون علیهما السلامه « سز رسول اولونجه ربکز کیمدر ؛ یا موسی ! » دیدی .]

﴿ قَالَ رَبُّنَا الَّذِي أَعْطَى كُلَّ شَيْءٍ خَلْقَهُ ثُمَّ هَدَى ﴾

[فرعونک شوسئوالنه جوابده موسی علیه السلام « بزم ربمز شول ذات قادر در که اوزات هر شیئک صورتی و شکلی و ممکن اولان کالنه موافق اعضالینی ویردی . صکره ویرمش اولدینی صفت و شکل و اعضالینی نصل استعمال ایدوب ونه بولده راحت ایده جکنک یوللرینی کوستردی » دیمکه فرعونه غایت مختصر و جمیع موجوداتک احوالی ایضاح ایده رک جواب ویردی و جوابنده هر کسه هر شیئی ویرنک الله تعالی اولدیغنی فرعونه تفهیم ایتدی .]

﴿ قَالَ فَمَا بَالُ الْقُرُونِ الْأُولَى ﴾

[فرعون موسی علیه السلام جوابی اوزرینه « حال و شان سنک دیدیکک کبی اولونجه یاموسی! بوندن اول کچن امتلرک حاللری نه در، سعادتمیدر و یا خود شقاوت میدر؟ » دیدی.]

﴿ قَالَ عَلَّمَهَا عِنْدَ رَبِّي فِي كِتَابٍ لَا يَضِلُّ رَبِّي وَلَا يَنْسِي ﴾

(موسی علیه السلام فرعونک سئواله جوابده « قرون اولانک حالی ربکم عندده لوح محفوظده ثابتدر. زیرا؛ ربم هیچ برنده خطا ایتمز، لایقيله بیلیر و هیچ بر فردینی اونوتماز. بناء علیه؛ هر جمله سنک حالی عندالهیده معلومدر » دیمکه غایبه علمی اولمادیغنی بیان ایتدی.]

یعنی؛ موسی علیه السلام دعوتی اوزرینه فرعون استهزا طریقيله « سزک ربکیز کیمدر؟ یا موسی! » دیدی و « بنی اسرائیلک بنم آمدن قورتولمسنی امر ایدن و سزی رسول کوندرن نصل ذاتدر؟ بن سزک ایچون بندن باشقه رب اولدیغنی بیلمیورم » دیمکه مقابلهده بولونمسی اوزرینه موسی علیه السلام « بزم ربم شول ذات شریف درکه هر شیتک صورتی و شکلی و کالنه دلالت ایدن قیافتی و یردی و هر صلاحنی کندیسيله برابر خلق ایتدی که اوشی نه ايله حیاتی امرار ایده جکسه آنک اسبابانی یدینه تسلیم ایتدکن صکره او آلات و ادواتی ما خلق لهنده استعماله هدایتده قیلدی و یوانی کوستردی و راحت ایده جک جهتلرینی الهام طریقيله تعریف ایتدی » دیمکه فرعوننی الزام و اسکات ایتدی. فرعون « مادام که هر شی ربک تعالی نک آئنده اولونجه بوندن اول هلاک اولوب کیدن ائم ماضیه نک حاللری نه اولدی؟ سنک امثالک اتباعله هدایتده میدرلر؟ یوقسه هوا و هوسلرینه اتباعله ضالته میدرلر؟ » دیدی. فرعونک بوسئواله قارشی موسی علیه السلام « ائم ماضیه نک حاللری بنم ربم عندده لوح محفوظده موجوددر، بن آتی بیلمیورم. زیرا؛ بنده سنک کبی بر عید عاجزم. اللهم بکا خبر و یردیکنی سکا خبر و یریرم، اللهم خبر و یرمدیکنی بیلیم که خبر و یریم. زیرا؛ ربم هیچ بر شیده خطا ایتدیکی کبی آنلرک حاللرینه ده اونوتماز » دیدی. هر نه قدر فرعون ایکیسنه خطاب ایتمز ایسه ده حضرت موسی اصل اولوب هرون وزیری اولدیغنی ایچون خطابنی موسایه تخصیص ایتشدر. یا خود هرون

علیه السلامک لسانده اولان فصاحتدن الزام ایده میه جکفی بیلهرک موسی علیه السلامک لسانده اولان رکا کتدن بالاستفاده الزام ایدرم امیدینه بناء موسایی خطابنده تخصیص ایتدیکی قاضینک جمله بیاناتنددر.

بو آیت جلیله؛ فخر رازینک بیانی وجهله باطل اعتقاد صاحبک کلامنی دیککه مک لازم اولدیغه دلالت ایدر. زیرا؛ موسی علیه السلام فرعون کبی بر مبطلاک سئوالنی دیککه دی و دلائل قطعیله ايله جواب و یردی. فرعون؛ صانعی منکر اولان دهر یلردنمیدر، یا خود علت موجبیه قائل اولان فلاسفه دنمیدر، یا خود صانعک وجودینی بیلیر و لکن عناداً و استکباراً انکار ایدنلردنمیدر، یا خود حلولیه طائفه سندنمیدر؟ اختلاف و ارسده اکثر آیاتک دلالتی صانعک وجودینی بیلوب تغدأ انکار ایدنلردن اولمیسدر. موسی علیه السلامک جوابی؛ کمال بلاغت و فصاحت اوزره مشتمل اولدیغنی کبی اختصارله برابر جمیع موجوداتک اسرارینی و احوالنی و مراتبنی و هر برینک بر موجدده محتاج اولدیغنی اجمالاً بیانده کافیدر. چونکه؛ هر شیتک بدایه خلقته اشارت بیوردیغنی کبی نهایتاً او خلقتلرینی استعماللرینه جناب حقک هدایتده قیلدیغنی دخی بیان بیوردی که انکاری غیر قابلدر. زیرا؛ آرینک یامش اولدیغنی اولری و سینک لارک منافعلرینی تحریسنی کورن بوهدایتی انکاره البته جرأت ایده من. مع هذا واجب تعالی هر حیوانک ما کولات و مشروباتی طرز معیشته موافق اولارق خلق ایتدیکی کبی آنلرله انتفاعک اصولنی هپسنه بیلدیرمکه هدایتده قیلدی که هنوز دنیایه کلش اولان بر صینک اغزیله والده سنک ممسنی آرادینی هر کسجه میدانده بر حقیقتدر. بوايسه آنحق هدایت السیه ایلدر، یوقسه والده و پدرینک تربیه سيله دکلددر.

موسی علیه السلام، واجب تعالی نک قوت و قدرتی بیان ایدنجه فرعون قرون اولانک حالندن سئوال ايله آنلری تقلید ایتدیکنه اشارت ایتدی و بوسئوالدن مقصدی؛ « یا موسی! اگر سنک دیدیکک کبی سنک ربکده قوت اولسه ائم ماضیه بوندن غفلت ایتزلردی » دیمک ایسته مشدر. یا خود موسی علیه السلامک دلائلک قوت و متانتنی کورونجه ده ازباده دلائل ذکريله خلقک ذهنته یرلشدره جکفی فهم ایتمی اوزرینه ناسک ذهننی تغلیط ایتک ایچون بختی قرون ماضیه حکایه سنه قلب ایتک ایسته مشدر. فقط موسی علیه السلام

بوسئوالتک رسالته تعلق اولما یوب قرون اولی نیک حالی بیلیمک الله تعالی به مخصوص اولدیغنی بیان ایله صدق خارجی اولدیغنی فرعونه تفهیم ایله ترضیل ایتمشدر .

**

واجب تعالی، موسی علیه السلام فرعونک سئواله جوابدنصکره دلیلی تقویه عودت ایتدیکنی علی طریق الحکایه بیان ایتک اوزره ﴿ الَّذِي جَعَلَ لَكُمُ الْأَرْضَ مَهْدًا وَسَلَكَ لَكُمْ فِيهَا سُبُلًا وَأَنْزَلَ مِنَ السَّمَاءِ مَاءً فَأَخْرَجْنَا مِنْهُ نَبَاتٍ شَتَّى ﴾ بیوریور .

[بزم رمز شول ذات اجل واعداد که سزک ایچون یر یوزنی قرارگاه قیلدی . بناء علیه ؛ یر اوزرنده استراحت ایدیورسکز وسزک ایچون یر یوزنده طریقار ویولار آجدی که سز ایستهدیککز زمان یولاره سلوک ایدر مقصدکزه واصل اولورسکز وایوللره یاز آیلرنده طاعلره چیقار وقیش وقتنده ساحلاره اینمکه سهولت اوزره امرار اوقات ایدرسکز والله تعالی سمان یاغور صولرینی انزال ایتدی وایولر سبیلله بز عظیم الشان ارضدن لایمده وایحصی متفرق وتلر بیتردک وانواع عدیدهده چیچکلمیدانه کتیردک که آنلرک رنگلری مختلف ولذتلری وشکللری باشقه باشقه در .] زیرا ؛ بعضیلری انسانک وبعضیلری ده حیوانات سائرتهک منافعه الویریشلیدر .

ابوالسعود افندینک بیانی وجهله انسانک اکثر رزقی حیواناتک سبیلله حصوله کلدیکندن حیواناتک رزقی دخی انسانلرک رزقی جمله سندن اولدیغنی حاده حیوانلرک رزقی انسانلرک رزقنک غیریدر . زیرا ؛ آنلرک رزقی انسانک رزقنه مخالف در . بناء علیه ؛ انسانله حیوانات سائرتهک رزقی بیننده اشتراک یوقدر .

اوتلرک بر طوپراقدن مختلف صورت وهیئنده وطعم ولتنده ظهور ایتسی فاعل مختارک وجودینه وقدرت کامله سیه دلالت ایدر . زیرا ؛ طبعیونک دیدکاری کبی طبیعت اثری اولسه لون واحد ، شکل واحد وطعم واحد اوزره اولق لازمکلیددی . چونکه ؛ طبیعتک اقتضای دیکشمز ، اقتضای طبیعت نه ایسه اوموال اوزره اولق ایجاب ایدردی .

شوحالده مختلف صورتده ظهور ایتسی فاعل مختارک ایجادی واختیاری ایله اولدیغنه دلیل کافیدر .

خازن و مدارکک بیانلری وجهله بوآیت (فاخر جنا) جمله سینه وارنجیه قدر حضرت موسانک کلامی وفرعونه ایکنجی بر جوابی اولدیغنی کبی دنیا یوزنده یوللرک انسانلر حقنده پک بویوک نعمت اولدیغنی دخی بیان ایتمشدر . شوحالده بونعمتک شکرینی ادا ؛ اویوللرده انسانلره و حیوانلره اذا ویرمچک ومرور وعبوره مانع اولاجق عارضه لری قالدیرمق وراحتله کیدوب کلکه ألویرر صورتده تعمیر ایتمکه وانسانلره سهولت گوسترمکه اولاجقندن یوللرک اعماری انسانلر ایچون بر وظیفه مهمه اولدیغنی بیان اولونمشدر . اوتلرک و آغاجلرک بعضی بعضیله ازدواج وزوج و زوجه کبی بربرینه مقارنه اولدیغنه ازدواج دنیلیمشدر . مثلاً خرما آغاجنک ارککی دیشیسیلله وکذاک اینجیر آغاجنک ارکککنک تخومندن آشیلانما یجه میوه ویرمیدی اربانه معلومدر . شوحالده نباتاتده دخی ازدواج مشاهده اولوندیغنی منکر دکلددر . اوتلرک و آغاجلرک هر برندن مقصد ، منفعت وغرض باشقه باشقه اولدیغندن نباتاتی ؛ مفترقه یعنی طاعنیه معناسنه اولان شتی ایله توصیف بیورمشدر .

**

واجب تعالی یاغور صولریله خلق ایتدیکنی بیان ایتدکنصکره نباتاتدن مقصدی بیان ایتک اوزره ﴿ كُلُوا وَارْعَوْا أَنْعَامَكُمْ إِنَّ فِي ذَلِكَ لَآيَاتٍ لِأُولِي النُّهَى ﴾ منها خَلَقْنَاكُمْ وَفِيهَا نُعِيدُكُمْ وَمِنْهَا نُخْرِجُكُمْ تَارَةً أُخْرَى ﴾ بیوریور .

[بیک وتلردن وکودک حیوانلریکزی . ایشته شو بیان اولونان وجه اوزره یر یوزنی سزه قرارگاه قیلحق ویولر آچق ورحمتلره وتلر بیتیرمکده عقل صاحب لری ایچون قدرت الهیه مزه علامتلر واردر . سزک جسملریکزی طوپراقدن خلق ایتدیکنز کبی اجلکسزک ختامنده تکرار طوپراغه اعاده ایدرز ویوم قیامتده مره آخری دن حساب ایچون سزی تکرار چیقاریرز .]

یعنی ؛ بز عظیم الشان سزه «نباتاتک میوه و حیواناتدن سزه لایق اولاتی بیک و حیواناتکزی رعی ایدک» دیهرک اذن ویریجی و مباح قیلیجی اولدیغمز حالده انواع نباتاتی اخراج ایتمکله سزک محتاج اولدیغکز زمان اکل و حیوانلریکزه علف ایتمکزه مساعدده ایتدک . چونکه ؛ حیوانلریکزک ائندن و یوگندن و اوزرینه بنبوب سیروسفر ایتمکزدن انتفاع و استراحت ایتدیگکز ایچون آنلرک معیشتلری سزک اوزریکزه لازم اولدیغی جهته سهولت اولق اوزره آنلری رعی ایتمکزه مأذون قیلدق که شو نعمتلریمزه شکر ایده سکز . زیرا ؛ بونلرک جمله سنده عقل و اذعان صاحبلی ایچون صانعک قدرته واضح دلیللر واردرکه ارباب بصیرت آنلرک هر برندن عبرت آلیر . متفرق اولتلی منفعتلریکز ایچون خلق ایتدیگمزی کورونجه علی طریق الحزم بیلیر سکز که سزی ابتداء پدیریکنز آدم علیه السلام اعتباریله طوبراقدن خلق ایتدک و حیات دنیا کزی افشا ایتدک نصکره سزی تکرار طوبراغه اعاده و تارة اخرى ده حساب و جزا ایچون یوم قیامتده تکرار قبر کزدن اخراج ایدرز .

انسانک طوبراقدن خلق اولوندیغی بیان ایله فرعونی تواضعه دعوت والوهیتله آنک بیننده مناسبت اولمادیغه تنبیه ایله کبر و غرور و فراغت ایتسی کندیسنه توصیه اولونمقله کبرک اثر حاق اولدیغی بیان اولونمشدر . انسانک طوبراقدن خالق اولونمسی ، آدم علیه السلام اعتباریله در ، یا خود تفسیر مدار کده بیان اولوندیغی وجهله انسان نطفه دن ، نطفه ده غدادن و غداده طوبراقدن تحصیل ایلدیکی ایچون انسان طوبراقدنر ذیل مشدر .

ابوالسعود افندیکن بیانی وجهله بو آیتده و بوندن اولکی آیتده فرعونی انصافه و حق قبوله دعوت ایده جک و فرعونک ذلتی کندینه بیلدیره جک عظیم نعمتلردن بحث اولوندیغی کبی فرعونک حماقتنه دخی اشارت اولونمشدر . چونکه اراده سنی هدایته صرف ایتدیکی ایچون اهتدا ایده مه مشدر .

جناب حق بو آیتده ارضک منافع عدیده سنی بیان بیوردی که انسانلره دوشک اولق و ارض اوزرنده یوللر آجق و انواع نباتاتی ایجاد ایتک و انسانلره و حیوانلرینه علف و رزق قیلق و ابتداء انسانلرک ارضدن خلق اولونملری و وفاتلرنده ارضه رجوعله محل استراحتلری اولسی ارضک منافعتندر . حتی منافع کثیره سی اولدیغندن رسول الله (بروا بالارض فانها بکم بره) بیورمشدر . یعنی ؛ «طوبراغه ایملک ایدک . طوبراق

سزه ایملک ایدیجی «معناسنه درکه «أکوب دیکمک ، ییوب ایچمک صورتیله ارضک منافعتدن انتفاع ایدک» دیمکدر .

**

واجب تعالی فرعونه حضرت موسای کوندر دیکنی بیاند نصکره فرعونک عناد و استکبار ایدوب کورمش اولدیغی آیتلرک کلیسی تکذیبیه جرأت ایتدیکنی بیان ایتک اوزره ﴿وَلَقَدْ آتَيْنَاهُ آيَاتِنَا كُلَّهَا فَكَذَّبَ وَأَبَى﴾ قَالَ أَجِئْتَنَا بِسِحْرٍ جَنَّا مِنْ أَرْضِنَا بِسِحْرِكَ يَا مُوسَى ﴿فَلَنَأْتِيَنَّكَ بِسِحْرٍ مِثْلِهِ فَاجْعَلْ بَيْنَنَا وَبَيْنَكَ مَوْعِدًا لَا نُخْلِفُهُ نَحْنُ وَلَا أَنْتَ مَكَانًا سُوًى﴾ بیوریور .

[الله حق ایچون بز فرعونه آیتلریمزک کلیسی کوستردک . فرعون آیتلریمزی تکذیب و ایمان ایتمکدن اعراض ایتدی و دیدی که «یا موسی ! سحرک سبیلله من بزی طوبراغزدن چیقارمق ایچونمی کلدک ؟ اکر بونک ایچون کلدکسه البته سنک سحرینک مثلی بزده کتیریز . شو حالده بزم و سنک بیننده بروقت تعیین ایت که او وقته بزوسن مخالفت ایتیمه لم . دوز و هر کسک کوره جکی بر مکانه امتحان اولالم که هر کس کورسون کیمسه نک شهبه سی قالماسون .] فرعون بوسوزلریله حضرت موسادن معاهده طلبنده بولوندی .

یعنی ؛ بز موسی و برادری هرونی رسول اوله رق فرعونه کوندردک . آنلر فرعونی حقه دعوت ایتدیلر و ذات الوهیتیه قسم ایدرم که رسوللر واسطه سیله بز فرعونه و قومنه رسوللریمزک صدقه دلالت ایدن عصی وید بیضا و بونلرک مشتمل اولدیغی علامات سائره کبی آیتلریمزی و معجزه لریمزی محقق کوستردک . فقط فرعون کمال کبر و غرورندن آیتلریمزک کلیسی تکذیب ایله حق قبول ایدوب ایمان ایتمکدن امتناع و بلکه آیتلره «سحر در» دیمکه قدر جرأت ایتدی و تکذیبک کیفیتنی بیان و خلقک تغلیطله وجدانلرینی جلب ایتک اوزره دیدی که «یا موسی ! دیار غربنده شیاطین امتدن تعلم ایتدیکنک سحرکله بزى اوزون مدتدر مالک اولدیغمز مصر اراضیسندن چیقارمق و کزدک مالک اولقمی

ایسترسک؟ و بزه بونک ایچونمی کلدک؟ بزم قوت و قدرتمزی کورمیورمیسک؟ بزم بوقدر شوکتتمزله مالک اولدیغمز مملکتتمزدن چیقارمغه فصل جرأت ایدرسک؟ مادام که سحرله بزه غلبه ایتک ایسته یورسک. البته بزه سنک سحرینک مثلنی کتیرر، سکا غلبه ایدرز. بزم مثلنی کتیره جک اولونجه سن بزمه کندی یینکده بر وقت تعیین ایت که بزم وسن اصلا خلف ایتیم. او وقتده بر دوز و اعوجاجسز و بینمزده مساوات اوزره برمکانده بولونالم و هر کس هنرنی اومکانده اجرا ایتسون که حقلی و حقسز بللی اولسون» دیمکه موسی علیه السلامی مقاوله یه دعوت ایتدی.

ابوالسعود افندینک بیانی وجهله فرعون حضرت موسانک جلادتنی کورونجه قومه قارشنی کندینک ذلتنی بیلدیرمه مک ایچون موسی علیه السلامک دعوتنی خفی اولمایوب بلدکه مقصدی اهلالی بی مملکتلرندن چیقارمق و کتیردیکی معجزه نك سحرردن عبارت اولدیغنی بیانله قومک غیرت جاهلیه لرینی تحریکه چالیشمق و موسی علیه السلامک دعواسی محال اولدیغنی بیانله مدافعه ایچون قومه جسارت و یرمک ایسته مشدر.

«مکاناسوی» «دوز برمحله بولونالم که طرفینک هنرنی هرکس کورسون، کیسه نك شبهه سی قالماسون و او مکان، مسافه ده سزه و بزه مساوی اولقله هرایکی طرف او مکانه راضی اولالم که مکان خصوصنده آرامنده نزع اولماسون» دیمکدر.

بو آیتده بیضاوینک بیانی وجهله فرعونک، موسی علیه السلامدن قورقدیغنه و بحق اولدیغنی بیلدیکنه دلیل واردر. زیرا «سن بزی ملکتمزدن چیقارمق ایچونمی کلدک؟» دیمک؛ ملکندن قورقدیغنه دلالت ایدر. زیرا؛ فرعونک زعمی کبی اکر بر ساحراولسه ملکندن اخراج ایده مز. زمانک و مکانک تعیینی موسی علیه السلامه حواله ایتسی ده شاشقینلغنه دلالت ایدر. چونکه؛ کندی سلطنت و شوکت صاحبی و رئیس حکومت برپادشاه اولدیغنی حالده حقیر کوردیکی بر خصمنه مخاصمه نك زماننی و مکاننی تعیینی حواله ایتک شاشقینلق اثریدر.

واجب تعالی فرعونک موسی علیه السلامه اجتماع زماننی تعیین ایتسنی حواله ایتدیکنی بیاندنصرکه موسی علیه السلامک زماننی تعیین ایتدیکنی بیان ایتک اوزره ﴿قَالَ مَوْعِدُكُمْ يَوْمُ الزَّيْنَةِ وَأَن يُخْشَرَ النَّاسُ ضَحًى﴾ بیوریور.

[فرعون موسی علیه السلامه «اجتماع زماننی تعیین ایت» دینجه موسی علیه السلام «سزک وعد اولوندیغکز زمانکز زینتکزک کونی اولان بایرام کونکزدر و او کونده قوشلق و قتی ناسک جمع اولوندیغی زماندر» دیمکه اجتماعک زماننی تعیین ایتدی.]

﴿قَتَلُوا فِرْعَوْنَ جَمْعَ كَيْدِهِ ثُمَّ آتَى﴾

[اجتماعک زماننی تعیین اولونوب قرار و یریلنجه فرعون موسی علیه السلامدن آرلدی. سحره متعلق حیلهرینی و ساحرلری و آلنرینی جمع ایتدی، صکره تعیین اولونان محله کلدی.]

﴿قَالَ لَهُم مُّوسَىٰ وَيَدِّكُم لَا تَفْقَرُوا عَلَى اللَّهِ كَذِبًا﴾

[موسی علیه السلام ساحرلره خطاب ایدرهک «هلاک سزه در. الله یالان اولارق افترا ایتمه یك و معجزه لرینه سحر دیهرک معارضه یه قالدیشما یك» دیدی.]

﴿فَيُسْجَنُّكُمْ بِعَذَابٍ﴾

[«اگر افترا ایدرسه کز الله تعالی، هیچ بریکز قالدیسزین سزی اهلانک ایدر. شو حالده افترا ایتمه یك که اهلانک ایتسون» دیمکه نصیحت ایتدی.] و سوزینه شونی ده علاوه ایدرهک دیدی که:

﴿وَقَدْ خَابَ مَن افْتَرَى﴾

[«حالبوکه افترا ایدن کیسه خائب و خاسر اولدی.»] یعنی افترا ایدن ضرر کوردی.

﴿فَتَنَازَعُوا أَمْرَهُمْ بَيْنَهُمْ وَأَسْرُوا النَّجْوَى﴾

[موسی علیه السلامک بو سوزی اوزرینه ساحرلر بیلرنده کندی ایشلرنده منازعه و مشاوره ایتدیلر و فیصلتیلرنده کیزله دیلر و کندی آره لرنده موسی علیه السلامک سوزی ساحر سوزی اولمادیغنه قرار و یردیلر.]

یعنی؛ فرعون موسی علیه السلامه «اجتماع زماننی تعیین ایت» دینجه موسی علیه السلام «سزک زمانکز، زینتکز اظهاریچون اجتماع ایتدیکز بایرام کونکزدر. زیرا؛

بایرام کونی اعلی وادنی اجتماع ایدر و معارضه بی هر کس کورور و او کونده قوشلق وقتی ناس جمع اولونور» دیدی . موسی علیه السلام بو منوال اوزره زمانی تعیین ایتدی . اوزرینه فرعون ، موسی علیه السلامدن مفارقت ایتدی . مملکتلرینه خصوصی آدم لر کوندردی و مشهور ساحرلری جمع ایتدی . بعده تعیین اولونان زمانده مکان معینه وکلاسی ، وزراسی ، اتباع و اعوانی و جمع ایتدی اولدینی ساحرلره برابر کلدی . اهالی باجمهم حاضر اولدقدنصکره موسی علیه السلام شفقت نبوت ایجابی نصیحت طریقیله ساحرلره خطاباً « ای ساحرلر ! هلاک عظیم سزک ایچوندرد . زیرا ؛ فرعون کبی برطاغینک امرینه امتثالاً حقه معارضه ایچون کلدیکرز . یالان اولارق الله افترا ایتدی . اکر افترا ایدرسه کز الله تعالی سزی عذاب عظیمله اهلاک ایدر . حالوکه جمیع عقلا عندنده ثابت و محقق درکه افتراء علی الله ایدن کیمسه خائب و خاسرو هلاک ابدیه ایله هلاک اولور . دیدی . موسی علیه السلام بو کلامی مجرد نصیحت و حسب الله سویلنمش بر سوز اولدینی ایچون ساحرلرک قبلرنده بر تاثیر حاصل ایتدیکندن بو کلامک طوغری بر سوز اولدینی بیلدیلر . بناء علیه ؛ ساحرلر استشاریه باشلادیلر و ایشلرینی بینلرنده مشاوره ایتدیلر و کیزی سوزلرینی ده فرعون و وکلاسندن صاقلادیلر و بو کلامک بر ساحردن صدور ایتیه یوب مؤید من عند الله اولان بر کیمسه دن صدور ایتدیکنی ادراک ایتدکری ایچون ایمانه میل ایتمشلر سه ده فرعونک سطوتندن قورقدیلر . ایشی معارضه عقیده براقیدیلر که اکر موسی علیه السلام غلبه ایدر سه ایمان ایده جک لری بینلرنده قرار لاشدیردیلر .

موسی علیه السلام اجتماعک زمانی بیانله مکانی بیاندن اکتفا ایتمشدر . زیرا زینتک زمانی بیان ؛ مکانی بیانی مستلزم در . چونکه ؛ اکثر یا بایرام کونلرنده اجتماع و شتک موقعلری معین اولدیفندن مکانی تعیینه حاجت کورمه مشدر .

فخر رازینک بیانی وجهله یوم زینت له مراد ؛ بایرام کونیر ، یا خود بوم نوروزدر ، یا خود بوم عاشورادر . هر هانکی کون اولور سه اولسون مصر اهالیسنک کال زینت لری کیه رک اجتماع ایتدکری بر کون اولوب زنکین و فقرا او کونده اجتماع ایده جک لری ایچون حضرت موسی او کونی و او کونده اجتماعک غایت نشئه لی اولان قوشلق وقتی تعیین ایتمشدر که زنکین و فقرا ، یری و یا باغی هب بولونسونلر و یقیندن حادثه بی و غلبه کیمک

یدنده اولدیعنی کورسونلر و اطرافه خبرلر طاغیسون ، فرعونک حادثه بی صاقلامغه بحالی بولونماسون و حقیقت نفس مصرده تظاهر ایتدیکی کبی اطراف مملکتده دخی شایع اولسون و هیچ کیمسه نک شبهه بی قالماسون .

**

واجب تعالی ساحرلرک مشاوره لردنصکره فرعون و جماعتک ، ساحرلری تشجیع ایلک وجسارت و یرمک ایچون ایراد ایتدکری نطقلری بیان ایتک اوزره ﴿ قَالُوا اِنْ هٰذَا لَسَاحِرٌ اِنّ یُرِیدُ اَنْ یُّخْرِجَاکُمْ مِنْ اَرْضِکُمْ بِسِحْرِهِمَا ﴾ بیوریور .

[یوم اجتماعده ساحرلر و سائر خلق طویلا نوب میدان معارضه به کیریشیله جکی زمان فرعون و اشراف مملکت نطقلر ایراد ایتدیلر و دیدیلر که « ای ناس ! شو سزک کوردیککز ایکی شخص محقق ساحرلردر ، سحرلرله سزی طویرا عکزدن چیقارمق ایسترلر . »]

﴿ وَیَذْهَبَا بِطَرِیقَتِکُمُ الْمَثَلٰی ﴾

[« و سزک عند کزده جمیع مذاهدن افضل اولان مذهبکزی کیدرمک و کندی مذهب لری یرینه اقامه ایتک مراد ایدرلر ، دیمکله خلفک عصیبتی جلبه چالشدیلر . »]

﴿ فَاجْمَعُوْا کَیْدَکُمْ ثُمَّ اَنْتٰوْا صَفًّا ﴾

[« موسی و برادرینک مقصدلری بو اولونجه سز حیه کزی و سحر کزی جمع ایدک ، سکره طویلو اولارق صف بسته حالنده کلک . »]

﴿ وَقَدْ اَفْلَحَ الْیَوْمَ مَنْ اسْتَعٰلٰی ﴾

[« و بو کون عالی اولان کیمسه محقق فوز و نجات بولور . زیرا ؛ دشمندن قورتولور و مملکته صاحب اولور ، دیدیلر . »]

یعنی ؛ فرعون و وزراسی سحره به خطاباً « موسی و هرون ایکی ساحرلردر ، کندیلرینک ایجاد ایتدکری سحرلرله خلقک کوزینی بویایوب آلداتمق ایسترلر و سحرلرینک ، رب لری

طرفندن معجزه و کندیلرینک رسول اولدقلرینی ادعا ایدیورلر . بوندن مقصدلری ؛ سحرلری سببیه سزی آباء واجداد کزدن موروث اولان ارض مصردن چیقارمق و سزی مألوف اولدیغکز و طنکزدن چیقاردق دئصکره مصره استیلا ایتک و سزک افضل اولان دینکزی و مذهبکزی کیدرهمک و عادت سنیه کز و مرتبه عظاما کزدن سزی محروم ایدوب شرف و حیثیتکزی ابطال و بنی اسرائیلی سزک مرتبه کزه چیقارمق و آنلری مملکتک اشراف و اعیانی قیدق و سزی آنلرک مرتبه مذلتنه ایندیرمک و آنلری اقدی، سزی خدمتکار یا بمقدر، دیمکه خلقک و بالخاصه ساحرلرک غضبلرینی تحریکه و قانلرینی غلیان ایندیرمکه چالیشدیلر . چونکه ؛ حین مخاصمه ده هر کس کندبی طرفنک حمیتنی تحریک و شجاعته سوق ایدجک مقاله لرله تشویق و کندیلرینک قوتندن و خصم لرینک ضعفندن بحث ایتک عادتدر . و دیدیلرکه « ایشته شو سوبله مش اولدیغمز سوزلری دیکه دیکزسه سحر کزک عموم اسبابی حاضر لایک و بر آرده جمع ایدک که نقصان برشی قالماسون ، صکره مجتمع اولارق صفله کلک . زیرا ؛ جم غفیره کلمکده مهابت زیاده اولدیغندن خصمک الزامی قولای اولور » دیمکه ساحرلرک پروغراملرینی تنظیم ایندیلر واک نهایت دیدیلرکه « ایشته بوکون صوک کونددر . زیرا ؛ بوکون غلبه ایدن کیمسه فوز و نجات بولاجق و دشمنندن قورتولاجق و مملکته صاحب اولاجقدر . فرعون و وکلامی بوسوزلری ایله صوک درجه سعی اولونمسه اشارت ایندیلر .

مثلی : ایتک اسم تفضیل مؤنثیه و افضل معناسه در . یعنی « سزک عندکزده افضل اولان دینکزی کیده روب کندی دینلرینی اظهار ایتک اینترلر » دیمکه خلقی دین خصوصنده غیرته سوق ایتشلر ايسه ده قدرة الله قارشى تأثیری اولامشدر .

خازن و بیضاوینک بیانلرینه نظراً بوکلامی ایراد ایدن ساحرلر اولق محتملدر . بوکا نظراً آیت ساحرلرک کیزله دکلی خفی مذاکره لرینی تفسیر و بیاندر . شو حالده معنای آیت : [ساحرلرک بعضیلری بعضیلرینه صورت خفیه ده دیدیلرکه « بونلر ایکی ساحر در . سحرلری سببیه سزی و طنکزدن چیقارمق و جمیع ادیاندن افضل اولان دینکزی ابطال ایتک اینترلر . شو حالده سز بوتون قوتکزی جمع ایدک و برکتله واحده اولارق کلک . ایشته بوکون غالب اولان کیمسه فلاح بولاجقدر .] بونک ایچوندکه بو تدبیرک صوک تدبیر اولدیغنی و بونکه موفق اولامازلر ايسه بوندن صکره فلاح امیدی قالمادیغنی اظهار ایتشلر در .

هر کیمک کلامی اولورسه اولسون موسی علیه السلامدن ناسی تنفیرده مبالغه ایندیلر . چونکه ؛ انسانلرک وطنی سومسی جیلدر . بناء علیه ؛ وطنندن اخراج ایتک کبی انسانه آغیر برشی اولمادیغندن کزک فرعون و کزک سحره موسی علیه السلامدن تنفیر ایچون اهالییه « سزی و طنکزدن چیقارمق اینترلر » دیدیلر . ایکنجی مرهده دین و مذهب مسئله سنی اورتیه ایندیلر . زیرا مذهب ؛ انسانلرک غیرتی تحریک ایتکده وطنندن دها زیاده مؤثر در . بناء علیه ؛ « مذهبکزی ابطال ایتک اینترلر » دیمکه ناسک موسی و هرون علیهما السلامه نفرتلرینی جلبه سعی ایندیلر . یاخود طریقت له مراد ؛ مملکتک اوک کلنی و اشراف و اعیانیر . بناء علیه ؛ « سزک بویوکلریکزی محو ایتک اینترلر » دیمکه خلقی غلیانه سوق ایندیلر . چونکه ؛ مملکتک اشراف و اعیانی سائر اهالییه مقتدا به اولدقلرندن اعیان ، اهالینک سلوک ایدجکلری طریقت مثابه سنددرلر . بناء علیه طریقت ؛ اعیانه معناسه ده اولایلور .

*
**

واجب تعالی ساحرلر ایله موسی علیه السلام اجتماع ایتد کدئصکره و قوعبولان ماجرای بیان ایتک اوزره ﴿ قَالُوا يَا مُوسَى إِنَّمَا أَنْتَ ثُلُقِي وَإِنَّمَا أَنْتَ نَكُونُ أَوَّلَ مَنْ أَلْقَى ﴾ بیوریور .

[میدان معارضه ده خلق اجتماع ایدوب فرعون و سائر اشراف ساحرلری تشجیع ایچون نطقلر ایراد ایدنجه ساحرلر « یاموسی ! امر حال و شان یاسنک عصا کی یره آتمقلغک و یاخود بزم اولا عصارلرینی یره آتان کیمسه لردن اولما مژدر . بویکیدن هانکیسنی اختیار ایدرسه ک اراده سنکدر . بناء علیه ؛ یاسن باشلا و یاخود بز اول باشلا یالم » دیدیلر .]

﴿ قَالَ بَلْ أَلْقُوا ﴾

[موسی علیه السلام « بلکه اول سز عصارلریکزی و ایپلریکزی یره قویک ، باشلا یلم » دیدی .]

﴿ فَإِذَا جَاءَهُمْ وَعَصِيَهُمْ يُخَيَّلُ إِلَيْهِ مِنْ سِحْرِهِمْ أَنَّهَا تَسْمِعُ ﴾

خلاصة البيان : طقوزنجی جلد — ۲۳

[ساحر لر سحرلرینی میدانه قویونجه آنلرک ایپلری وعصارلی سحرلرندن نشأت ایدهرک موسی علیه السلامه سعی ایدر و حرکت ایدر اولدقلری تخیل اولوندی و هر برلری ییلان کبی یورور کوروندی .]

﴿ فَأَوْجَسَ فِي نَفْسِهِ خِيفَةً مُوسَى ﴾

[بونک اوزرینه موسی علیه السلام قورقدی و قورقوسنی نفسنده کیزله دی .]

﴿ قُلْنَا لَا تَخَفْ إِنَّكَ أَنْتَ الْأَعْلَى ﴾

[بزعظیم الشان « یا موسی ! قورقا . زیرا سن ؛ آنلردن اعلی و آنلره غلبه ایدهرک سگ » دیمکه قورقوسنی ازاله ایتدک .]

یعنی ؛ یوم معینه ساحر لر و بوتون خلق اجتماع ایدنجه - قنارت قصیدله - ساحر لر « یا موسی ! یا سن آنلکده کی عصائی ، هنریکی اجرا ایت و یا خود بزاول آنه لم ، هنریکی اجرا ایدلم . زیرا ؛ بزم ایچون ایکسی مساویدر . بوقدر خلق و فرعون و وکلاسی هپ بزمه برابر در . سنک برادر کدن باشقه معینک یوقدر . البته بوجم غفیر سکا غلبه ایدر » دیدیلر . موسی علیه السلام « بلکه سزاول هنریکی اجرا ایدک » دید کدن صو کرا آنلر ایپلرینی وعصارلرینی یره قویدیلر برده کورولدی که آنلرک ایپلری وعصارلی سحر ایتدکلری ایچون موسی علیه السلام کوزینه او عصار و ایپلر سعی ایدیورلر کبی تخیل اولوندی . حتی دره لرو تپه لر ییلانله طولدی کبی کوروندی . چونکه ساحر لرک عددی پک چوق اولدیغندن سحرلری بر چوق یر احاطه ایتدی . بو حالی تخیل ایدنجه موسی علیه السلام نفسنده عارض اولان قورقوی کیزله دی و بز قورقوسنی ازاله ایچون « قورقا یا موسی ! سن آنلره غالب اوله جقسک » دیدک .

بیضاوی و مدار کده بیان اولوندیغنه نظراً ساحر لر ، حضرت موساک نزا کتنه و آنلره شفقتنه باقارق کمال ادبه رعایت صورتیه اول القا ایتسنی تکلیف ایتدیلر و موسی علیه السلام ده آنلرک ادبه رعایتینه مقابله ایدرک اولاً ابراز مهارت ایتلرینی ساحر لره امر ایتدی .

ساحر لر عصارلرینی و ایپلرینی زیبقله جلالادقلری ایچون کونشک حرارتی تأثیر ایدنجه حیوه نك تأثیریه حرکت ایدر کبی کوروندیکندن موسی علیه السلام مقتضای بشریت

قورقو عارض اولمشدر و لکن قورقوسنی صاقلادی . یا هر موسی علیه السلام ک قورقوسی ؛ ساحر لر ، خلقک کوزینی بویامقله ایشک آکلا شیلما سنی اشکاله دوشورملری خاطرینه کلدیکندن ایدی .

فخر رازیده بیان اولوندیغنی وجهله موسی علیه السلام آنلره سحرلرینی القا ایتلرینی امر ایتسی ، ساحر له امر ایتک دکدر ، بلکه سحری ابطال و حق اظهار له امر در . چونکه موسی علیه السلام معجزه سنی اظهار آنلرک سحرلرینی القا ایتلرینه محتاج اولدیغندن آنلره « اظهار ایدک هنریکی ، کورک بزم معجزه می » دیمکدر . شو حالده سحرلرینی القا ایله امر ؛ معصیتله امر اولماز . زیرا ؛ حق اظهار ایچون امر در .

ساحر لرک عددنده بر چوق اختلاف و ارسده آیتده ساحر لرک کثرته دلالت وار لکن عدده دلالت یوقدر . چونکه ؛ آیتده ساحر لر جمع صیغه سیله کلدیکندن بر جم غفیر اولدیغنه دلالت ایدر .

واجب تعالی موسی علیه السلامه عارض اولان خوفی ازاله و غلبه ایدهرک کینی تأکیداته بیان بیوردی . چونکه ؛ بوجمله ده ادات تأکیددن « إِنَّكَ بُولُوْنَمِي وَضَمِيرُكَ تَكَرَّرِي وَخَبْرُكَ مَعْرِفَةُ اُولَمِي وَآجِبَقْدَنْ غَلْبَةِ دِلَالَتِ اَيْدِنْ عَلَوُ كَلِمَةِ سَنَكْ اِسْمُ تَفْضِيلِ صِيغَةِ مِي اَيْلَهْ كَلِمَتِي مُحَقَّقْ غَلْبَةِ اَيْدِهْ جَكْنَهْ دِلَالَتِ اَيْتَدِيكَنْدِنْ طَرَفِ اَلْهَيْدِنْ مُوسَى عَلَيْهِ السَّلَامَهْ اَمْنِيَّتْ كَامَلَهْ وِیْرْمَشْ وَصَبْرْ وَثَبَاتَنْدَهْ دَوَامِي تَوْصِيَهْ اُولُوْمَشْدَر .

**

واجب تعالی موسی علیه السلامه قوت قلب و یرد کدن صو کره معجزه سنی اظهار ایتک زمانی کلدیکنی بیانله اظهارینی امر ایتدیکنی بیان ضمتنده ﴿ وَأَلْقِ مَا فِي يَمِينِكَ تَلْقَفْ مَا صَنَعُوا إِنَّمَا صَنَعُوا كَيْدُ سَاحِرٍ وَلَا يُفْلِحُ السَّاحِرُ حَيْثُ أَتَى ﴾ بیوریور .

[« جناب حق حضرت موسایه خطاباً « قلبک مطمئن اولدقدن صو کرا یا موسی ! صاغ آلکده بولونان عصا کی یره کمال جرأت و شجاعتله آت . اصلاً قورقو اولمادیغنی کبی صلابتکه تزلزل عارض اولسون و عصا کی بلا پروا یره قویونجه ساحر لرک بالجمله سحرینی لقمه ایتسون

یوتسون . زیرا ؛ آنلرک یاپدقلری صورتلر و تمثیللر ساحرک حیلہ سی قیلندندر . بناء علیه ؛ اصلاً اعتبار یوقدر . زیرا ؛ ساحر هر هانکی مکانه سحرینی کتیرسه کرک یاننده معاون بولونسون و کرک بولونماسون هیچ بر ساحر فلاحیاب اولاماز « بیورمقله موسی علیه السلامه جسارت و یردی .]

ابوالسعود افندینک بیانی وجهله بو آیتده عصانک علی العاده عصاردن اولمایوب بلکه بشر ایچون کنهنه واقف اولونماق بر طاقم مبهم عجائب اثرلره تابع بر عصای معظم اولدیغنه اشارت و شاننه تعظیم ایچون ابهامه و تعظیمه دلالت ایدن ما لفظیله « مافی یمینک » وارد اولمشدر . یعنی « یاموسی ! ساحرلرک سحرینک چوقلغنه باقما . زیرا ؛ سنک آلدنه بولونان عصی هر نه قدر بردانه ایسه ده قدرت الهیه ایلہ آنلرک جمله سندن بویوکدر . بناء علیه ؛ آنلری یوتاجقدر . سن تلاش ایتمه ، همان یره براق » دیمکدر .

امراللهیه امتثالاً موسی علیه السلام کمال شجاعتله عصای مبارکه سنی یره وضع ایدنجه بیوک بر اژدرها اولارق ساحرلرک ایملرینی و عصالرینی یوتدی ، اورته ده هیچ بر شی قالمادی . موسی علیه السلام عصای آله آلدی حالت اصلیه سنه عودت ایتدی و اوقدر ساحرلرک آلات و ادواتلرینی یوتدیغنی حالده سابقده کوریلن جسمنه اصلاً بر بویوکک عارض اولمادی .

**

واجب تعالی ساحرلرک بو ، آنحق علامات الهیه دن اولوب سحر اولمادیغنی بیلنجه در حال ایمانه مسارعته سجده یه قاپاندقلرینی بیان ایتک اوزره ﴿ فَأُلْقِ السَّحَرَةَ سُجَّدًا قَالُوا امَّا رَبُّ هَرُونَ وَمُوسَى ﴾ بیوریور .

[موسی علیه السلام معجزه سی اولان عصاده کی مهابت و حال غرابتی کورونجه زمان فوت ایتکسزین ساحرلر الله تعالی یه سجده ایدر اولدقلری حالده در حال یره آتلدیلر و عصانک آیت الهیه دن عجیب بر معجزه اولوب سحر اولمادیغنی بیلدیلر و « بز هرون و موسی علیهما السلام ربسنه ایمان ایتدک » دیملریله ایمانلرینی اظهار ایتدیلر .]

﴿ قَالَ امْتَنِمْ لَهُ قَبْلَ اَنْ اَذِنَ لَكُمْ اِنَّهٗ لَكَبِيرٌ كُمْ الَّذِی عَلَّمَکُمُ السِّحْرَ ﴾

[ساحرلر سجده ایدوب ایمانلرینی اظهار ایدنجه فرعون ساحرلره خطاباً « بن سزه اذن و یرمزدن اول موسایه ایمان ایتدیکز . زیرا ؛ موسی سزک شول بویوککزددرکه اوسزه سحر تعلیم ایتدی . دیمکله خلقه قارشى ساحرلری اتهام ایتک ایسته دی و تهدیده باشلادی] و دیدی که

﴿ فَلَا قِطْعَنَ اَیْدِیْکُمْ وَاَزْجُلَکُمْ مِنْ خِلَافٍ وَلَا صَابِنَکُمْ فِی جُذُوعِ النَّخْلِ وَلَتَعْلَمُنَّ اٰیٰتُنَا اَسَدُّ عَذَابًا وَاَبْقٰی ﴾

[« سزک حالکیز بواولونجه البته بن سزک الکزی و آیاغکزی مخالف اولارق یعنی یرینی صاغدن دیکرینی صولندن کسرم و البته عاله عبرت ایچون سزی خرمانک دالترینه آصارم و البته سز موسانک ربسیله بندن هانکیمزک عذابى شدتلى ودها زیاده دواملى و بقاسى دها فضله اولدیغنی بیلرسکز » دیمکله اوچ جهتن تهدید ایتدی .]

یعنی ؛ موسی علیه السلام معجزه سنی کورونجه ساحرلر طرف الهیه دن اولدیغنی ادراک ایتدیلر . همان وقت فوت ایتکسزین کمال تواضع و اخلاصله سجده یه قاپاندیلر و « بز هرون و موسانک ربسنه ایمان ایتدک » دیمکله فرعونک اطاعتدن چیقوریدیلر و سطوت و سلطنتدن اصلاً پروا و اندیشه ایتدیلر . فرعون ، ساحرلردن بو حالی کورونجه ساحرلری توبیخ و تکذیر طریقله « سز موسایه ایمان و سحرینی تسلیم ایتدیکز . بن سزه اذن و یرمزدن اول ایمانکیز حقکزدده بویوک جنایتدر و بوجنایتی ارتکابکزدن بنم عندمده تحق ایتدی که موسی سزه سحر تعلیم ایدن استادکز و بویوککزددر . نهاده اتفاق ایتدیکز . بومعارضه میدانه کلمکیزک سزک بیلکزدده مواضعه دن عبارت اولدیغنی آکلاشیلدی . حال بویله اولونجه البته بن صاغ الکزی و صول آیاغکزی مخالف صورتده محقق کسرم و سزی البته خرما آغاجنک دالترینه کونلرجه آصارم . فکرنده بکا خیانتک اولانلره عبرت اولسون . و سز آنک ربسنک عذابندن قورقوکزه بناء ایمان ایتدیکز . البته سز بیلرسکز ، بنمله موسانک ربسندن هانکیمز عذاب یونندن شدتلى و دواملیدر » دیمکله ساحرلری و ساحرلر کی قلبنده ایمانه میلی اولانلری تهدید ایتدی .

ساحرلر عصای موسانک بیلانه قلب اولونمسنک معجزه اولدیغنی نه ایلہ بیلدیلر ؟

فخر رازینک بیانی وجهله ساحر لر درت شیم یلمیرلر: برنجیسی؛ عصانک هر که سید یلمیرلر. چونکه؛ عصانک حرکه سی خارق العاده اولارق حیلله ایله ممکن اولماق بر صورتده ظهور ایتشدیر. ایکنجیسی؛ هیلله ایله ممکن اولامیرلر برادهده عصانک هسامت ییلا ایتسی قدرت الهیه ایله اولدوغنی یلمیرلر. اوچنجیسی؛ عصاده کوز، قورلوق، آغز دبورده ظهور ایتشدیر که هیلله ایله کورلوق بر شی اولامیرلر یلمیرلر. دردنجیسی؛ عصانک، آنلرک آنلرینی هیلله یلمیرلر برابر حالت اصلیه منه عودنده منه اصل هسامت عارصه اولامیرلر یلمیرلر. بناء علیه؛ ساحر لر فن سحرک طبقه اولاسنده اولوب موسی علیه السلام یدنده ظهور ایدن خارقه فن سحرک خارجی اولدوغنی بیلدکلرندن درحال ایمان ایتدیلر. ساحر لر بو حالت عجیبی کورونجه شک و تردد وتعلل ایتکسزین همان نائب ومستغفر اولارق سجدهیه سرعتله قانداقلرینی بیان ایچون سرعتله دلالت ایدن (القی) کله سی وارد اولشدیر.

فرعونک ربوبیت دعواسنده بولوندی ایچون ساحر لر هر ونله موسانک ربسنه ایمان ایتدکلرینی بیانله فرعونک ربوبیتی انکارلرینه اشارت ایتدیلر.

ساحر لرک فرعونه قارشى وبلا پروا ناسده ایمان ایدیورملرینی فرعون کورونجه سائر اهالینک ساحر لره اقتدا ایتلرندن قورقدینی ایچون اهالی بی اغفال وذهلرینی تشویشه مسارعت ایتک ایچون ساحر لری اتهامه قالدیشدی ویدی که «سز بندن اذن آلمقسزین ایمان ایتدیکنز. زیرا؛ موسی سزک بویوککنز واستاد کزدرد. شو حالده ایمانکنز حقیقی دکلدرد. نهاده واقع اولان براتفاق نتیجه سیدر، یوقسه سزک کوستردیککنز کی موسی طرف التهدید رسول دکلدرد» دیمکه خلقه قارشى ساحر لری لکه لکه مک واتهام ایتک ایستهدی که ساحر لرک ایمانی خلقه تأثیر ایتسون. فرعون بوشه بی ایراد ایتدکد نصکره تهدیده قالدیشدی که ساحر لری ایمانندن وسائر لرینی اقتدادن تفری ایتسون. حالبوکه ساحر لر عصانک حقیقی بر بیلا نه تبدل ایدوب اجسامک تغیرندن صانعک وجودینه وحضرت موسانک یدنده ظهور ایتسیله رسالته استدلال ایدرک درحال کمال تواضع ایله عبودیتی

لا یقیله ادادن عبارت اولان سجدهیه قاپانوب بر جوق مکاشفاته نائل اولدقلری جهته ایمانلرندن دونمک احتمالی بولونما دیغنه بناء فرعونک تهدیدینک اصلا تأثیری اولما مشدر.

واجب تعالی فرعونک تهدیدند نصکره ایمان ایدن ساحر لرک جوابی بیان ایتک اوزره ﴿قَالُوا لَنْ نُؤْثِرَكَ عَلَىٰ مَا جَاءَنَا مِنَ الْبَيِّنَاتِ وَالَّذِي فَطَرَنَا فَاقْضِ مَا أَنْتَ قَاضٍ﴾ بیور بیور.

[فرعونک تهدیدینه قارشى ساحر لر «یا فرعون! بزنی موسانک بیناتندن اولارق کتیردیکی شی اوزرینه و بزى خلق ایدن خالق اوزرینه سنی اختیار ایدمه یز و آنلر اوزرینه البته سنی ترجیح ایتمه یز. بناء علیه؛ بزم حقمزده حکم ایدمه جکک شی هر نه ایسه آنکله حکم ایت» دیدیلر.]

﴿إِنَّمَا تُقْضِي هَذِهِ الْحَيَاةَ الدُّنْيَا﴾

[«زیرا سن؛ آنحق شو دنیا ده حکم ایدرسک. چونکه؛ آخرتده حکمک نافذ اولماز.»]

﴿إِنَّا أَمْنَا بِرَبِّنَا لِيَغْفِرَ لَنَا خَطَايَانَا وَمَا أَكْرَهْتَنَا عَلَيْهِ مِنَ السِّحْرِ﴾
[«بز ریمزه ایمان ایتدک که بزم کناهلریمزى وسجردن اولارق سنک بزى اجبار ایدوب اکراه اوزره ایشله تدیکنک شیئی مغفرت ایتسون.»]

﴿وَاللَّهُ خَيْرٌ وَأَبْنَىٰ﴾

[«حالبوکه الله تعالی هر کسدن خیرلی و باقیدر.» زیرا؛ ثواب و جزا جهتندن خیرلی و عذاب جهتندن ابدیدر» دیمکه فرعونه قطعی جواب و یردیلر.

یعنی؛ فرعونک تهدیدینه قارشى ساحر لر دیدیلر که «ای فرعون! عصای موسی ویدیضا کی قدرت الهیه دلالت ایدن معجزاتندن بزه کن حق و حقیقت و بزى خلق ایدن الله تعالی اوزرینه سنک کی عاصی بی البته ترجیح ایتمه یز و ترجیح ایتمه جکمزى بزى خلق ایدن خلاقه یمینمزله تأکید و تقویه ایدرز. شو حالده سن حکم ایدمه جکک وجهله حکم

ایت وایشله به جککی ایشله، بیلدیککی اُلکدن قوبما. بزم ایچون ایماندن دونمک یوقدر. سن ای فرعون! آنجق بودنیاده حکم ایدرسک. زیرا؛ حکمک دنیاده نافذدر، آخرتده تأثیری یوقدر. دنیا ایسه فانی وهر زمان زواله معروض اولدیغندن عذابنک اهمیت یوقدر و بالجه بزم کناهلریمزنی و سنک بزی او کرتمک و عمل ایتک اوزره اکراه ایتدیکک سحردن حاصل اولان خطایی مغفرت ایتسون ایچون انواع نعمتلری ایله بزی تربیه ایدن ربمزه ایمان ایتدک، دونوجی دکلز. زیرا؛ ایمانمزنک دیدیکک کبی ساخته و مواضعه دکلدر، بلکه دلائل اوزره ابتنا ایدلمش ثابت و محقق بر ایماندر. زیرا؛ بزم ایمان ایتدیکمز الله تعالی سندن و جمله ماسوادن خیرلی و باقیدر، اصلاً زوال یوقدر.

فخر رازینک بیانی و جهله ساحرلرک ایمانلرینک علی؛ کندیلری ایچون ظهور ایدن حقیقت و معجزات موسادن فهم ایتدکری امر آخرتدر. فرعونک آنلره وعدی مجرد امور دنیا اولدیغندن آخرتی دنیایه دیکشیمیه جکلرینه اشارت ایتشلردر. چونکه؛ منافع دنیا منافع آخرته هیچ بر زمان معادل اولماز. بناء علیه؛ ساحرلر «بزم مقصدمز؛ سعادت آخرتدر، فانی اولان حیات دنیا دکلدر. دنیاچه اندیشه مز یوقدر. بیلدیکک اُلکده، ایستدیککی ایشله. زیرا؛ آخرت ایچون دنیا ضررینی اختیار ایتک بزم ایچون اهورندر» دیمکله فرعوننی رد و املندن مأیوس ایده رک ضرران جمع اولدیغنده اهوتی اختیار قاعده سنه توفیق حرکت ایتشلردر. ساحرلر سبق ایدن خطالرینی و فرعونک اکراه و اجبار ایتدیککی سحردن نشأت ایدن کناهلرینی ربلرینک مغفرت ایتیمی ایچون ایمان ایتدکرینی بیان ایتدیلرکه ایمانلرینک مغفرتلرینه سبب اولاجغنی بیاندر.

فخر رازیده بیان اولوندیغنه نظراً فرعونک اکر اهنده درت احتمال دارد: برنجی؛ اوزمانده سحر مشهور اولدیغندن پادشاهلر سحر تعلیم ایتک ایچون رعایادن بر قسمی آیرلر سحر او کر نمسنه اجبار ایدرلر و تعلیم ایتدکدنصکره تعلیم ایتلرینه جبر ایدرلر و کندی مملکتلرنده اک زیاده ماهر ساحرلر بولونمسیله افتخار ایتدکلرندن فرعونده ساحرلری بوموال اوزره جبر ایتدیککی و سحری کندی اختیارلریله تعلیم و تعلم ایتدکرینی ساحرلر بیان ایتدیلر. ایلیمسی؛ ساحرلرک بویوکلری یتش ایکی کیشیدن عبارت اولوب ایکیمی قطی یتشی بنی اسرائیلدن ایدی. فرعون «موسایی او یورکن بزه کوستر»

دیلری اوزرینه فرعون موسی علیه السلامی او یورکن کوستردی و کوردیلرکه موسی علیه السلامک عصای بکله یور. ساحرلر «موسی ساحر دکلدر. زیرا؛ ساحرک سحری اویقو حالنده باطل اولور. موسانک عصای ایسه اویقو حالنده مهارتی اجرا ایدیور. یوکا معارضه ممکن دکلدر» دیمشلسده فرعون معارضه اکره و اجبار ایتشدر. بناء علیه؛ سحری اجرایه جراتلری کندی اختیارلری ایله اولمایوب فرعونک اجباریله اولدیغنی بیانه سحردن نفرت ایتدکرینی و فرعونک جبارنه دن بر ظالم غدار اولدیغنی بیانه توبیخ ایتشلردر. اوییمسی؛ ساحرلر اطراف مملکتدن کرهاً جمع اولنشلردر. درنجی؛ پادشاهک امری اکره در. ساحرلر «بز کوکلزله کلدک، سنک دعوتکه اجابله کرهاً میدان معارضه ایتلدق» دیمک ایسته دیلر. شو حالده ساحرلر فرعوننی تکدیر و خلقه قازشی تزدیل ایتشلردر.

ساحرلر بر ساعت اول حقه معارضه ایدرکن بر ساعت صکره فرعون کبی بر غداره مقابله ایده رک مزیت مردانه لرینی میدانه قویمقله سعادت ابدیه نائل اولدیلر. فرعونک ساحرلره تهدیدینی ایقاع ایده رک اهلاک ایدوب ایتدیکنه دائر آیتده صراحت یوقدر.

* *

واجب تعالی ساحرلرک کلامی بیاندنصکره اولاً کافرلرک و ثانیاً مؤمنلرک حاللرینی بیان ایتک اوزره ﴿إِنَّهُ مِنْ يَأْتِ رَبَّهُ مُجْرِمًا فَإِنَّ لَهُ جَهَنَّمَ﴾ بیوریور. [حالوشان اکر بر کیمسه ربسنه کناهکار اولارق کلیرسه آنک ایچون جهنم واردر. زیرا؛ توبه ایتمکسزین حضور بارییه جرمنه دوام ایده رک کلنجه جهنم آکا و امثاله مخصوصدر.]

﴿لَا يَمُوتُ فِيهَا وَلَا يَحْيَى﴾

[او مجرم جهنمده وفات ایتمکه استراحت ایتسون و انتفاع ایده جک حیاتی اولمازکه تلذذ ایتسون.] چونکه؛ اولوم اولسه اولور عذابدن قورتولور. حقیقی حیات اولسه جهنمده اولماز، حیاتندن استفاده ایدر. کرچه جهنمده حیات واردر ولکن انتفاع ایتدیکندن یوق منزلنده در.

﴿ وَمَنْ يَأْتِهِ مُؤْمِنًا قَدْ عَمِلَ الصَّالِحَاتِ فَأُولَٰئِكَ لَهُمُ الدَّرَجَاتُ الْعُلَىٰ ﴾

[اگر بر کیمسه ربنسه مؤمن اولدینی حالده کلیرسه و محقق عمل صالحده ایشله مش اولورسه ایشته آنلرایچون عالی درجه لر واردر. زیرا؛ ایمانله جته و عمل صالحیله درجه لرینه نائل اولور.]

﴿ جَنَّاتُ عَدْنٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا ﴾

[او درجه لره اقامته محل اولان عدن جنتلری در و او جنتلرک آلتندن نهرلر آقار و مؤمنلر او جنتلرده ابدی قالا جقلر و درجه لرده آرزولری وجهله استراحت اید. جکلر در.]

﴿ وَذَٰلِكَ جَزَا مَنْ تَزَكَّى ﴾

[ایشته شو اوصافی بیان اولونان جنتلر حییم؛ کناهلردن تطهر ایدن کیمسه لره جزا لیدر.] زیرا؛ کناهلردن تطهرايتدکلری ایچون اذادن و هر درلوقنا لقدن طاهر اولان جنتلر آنلرک محللریدر. چونکه تمیز محل؛ تمیز کیمسه لره لایقدر.

یعنی؛ حال و شان بر کیمسه ربنسه انواع کفری و ظالمی اختیار اید. رک کلیرسه آنک ایچون جهنم واردرکه او کیمسه جهنمده وفات ایدوب اولمزکه عذابدن قور تولسون و دیری دخی اولمازکه حیاتندن استفاده ایتسون. شو حالده ابدی عذاب ایچنده قالا جقدر. (فانله جهنم) جمله بی نتیجه بی و بالجملة مجرم لره حاللرینی بیاندر و تقریری شویله در: مثلاً؛ زید عاصی ایچون جهنم واردر. زیرا؛ زید عاصی ربنسه مجرم اولارق کلدی. ربنسه مجرم اولارق کلن کیمسه ایچون جهنم واردر. شو حالده زید عاصی ایچون ده جهنم واردر. بناء علیه جهنم؛ بالعموم عاصیلره شاملدر.

بر کیمسه انواع نعمتیه تربیه ایدن ربنسه ایمان ایدیجی و محقق عمل صالح ایشله مش اولدینی حالده کلیرسه ایشته او مؤمن صالحلر ایچون عالی درجه لر واردرکه او درجه لر آلتندن نهرلر جریان ایدر عمره اسمنده جنتلردر و او جنتلرده اهل ایمان ابدی قالیجیلردر و شو اوصافی حائز اولان جنتلر کناهدن نفسی تطهیر ایدن کیمسه نك جزا سیدر. یعنی؛ ربنسه قصور ایدنلر ایچون ابدی جهنم اولدینی کبی ایمان و عمل صالح ایشله یئرلر ایچون دخی ابدی جنتلر واردرکه او جنتلر فرحقزادر و بوجنت نفسنک زکاتی اولان کله توحیده دوام ایدنلرک

جزا سیدر. ابوالسعود افندی نك بیانی وجهله بو آیت جلیله؛ واجب تعالی نك عذابنك ابدی و جنتنك باقی اولدینی تحقیق ایچون سوق اولونمشدر و مجرمك حالنی بیانده تقدیم؛ عذابنك اشد اولدینی بیانله فرعونی رده مسارعت ایچوندر. درجات عالیات؛ ایمانله عمل صالحی جمع ایدنلر ایچون اولونجه عالی اولمایان درجه لره اهل ایمانن کناه صاحب لرنك اولاجقنه آیت دلالت ایدر.

جهنمده اولوم یوقدر و لکن حیات واردر. فقط انتفاع اید. جک بر حیات اولمایوب لذات حیاتدن محروم و ابدی محزون و درکات جهنم ایله حیاتی نماتدن دها آشاغی اولمایوب عذابله امرار اوقات اید. جکندن جهنمده حیات یوق مثابه سنه تنزیل اولونارق جهنمه کیرن کیمسه اولو اولما دینی کبی دیری ده اولماز دنیلمشدر.

واجب تعالی موسی علیه السلامه فرعون بیننده واقع اولان مباحثه لری بیان ایتدکن صکره موسی علیه السلامه بنی اسرائیلی مصر دن آلوب چیقمنسه دأثر امرینی بیان ایتک اوزره ﴿ وَلَقَدْ أَوْحَيْنَا إِلَىٰ مُوسَىٰ أَنْ أَسْرِ بِعِبَادِي فَاصْرِبْ لَهُمْ طَرِيقًا فِي الْبَحْرِ يَلَسَ لَا تَخَافُ دَرَكًا وَلَا تَخْشَىٰ ﴾ بیوریور.

[ذات الوهیتمه قسم ایدرم که بزموسی علیه السلامك ظاهرینی و باطنی تهذیب ایتدکن صکره وحی ایتدک و دیدک که «سن کیجه ایله قوللریمی آل، مصر دن حرکت ایت که سن و قومك دشمنکز اولان فرعونك شرندن خلاص اولاسکز. دشمن سزی تعقیب ایدوب آرقه کزدن کلدیکنده سنك ایچون امور معظمه ده بر جوق آثار غریبه لرینی کوردیکك عصای دکرزه ضربه قوللرم ایچون دکرزه قوری اولدینی حالده یول آچ که دکرز سزک مرور و عبور کزه مانع اولماسون. سن دشمنك ادرا کندن و دکرزه غرق اولقندن قورقا.] زیرا؛ فرعون سکا ادراک اید. مدیکی کبی دکرز دخی سزه ضرر ایتیه جکدر. بناء علیه؛ دکرزدن آچیلان یوللردن سن و قومك بلا پروا کیدک «دیمکه موسی علیه السلامه وحی ایله یول تدارکنی امر ایتدک.

واجب تعالی آیتك مضمونه اهتمام ایچون قسم ایله ابتدا و فرعونك افعالی قییح و بی

اسرائیلک حالاری مرحمتہ شایان اولدیغنه اشارت ایچون ذاتنه مضاف قیلارق مرحمتی مشعر اولان عباد لفظی ایله تعبیر بیورمشدر .

فرعونک وقومنک علی العجله خبرلری اولوب ممانعت ایتمسونلر ایچون واجب تعالی کیجه ایله مصردن چیقمه لرینی امر ایتمش وطریقده انیت کامله اولدیغنی دخی بیان بیورمشدر .

واجب تعالی موسی علیه السلامه چیقمق امرینی ویردیکنی بیاندنصرکه فرعونک بنی اسرائیلک آرقه سنی تعقیب ایتمدیکنی بیان ایتمک اوزره ﴿ فَأَتَّبَعَهُمْ فِرْعَوْنُ بِجُنُودِهِ فَغَشِيَهُمْ مِنَ الْيَمِّ مَآ غَشِيَهُمْ ﴾ وَأَضَلَّ فِرْعَوْنُ قَوْمَهُ وَمَآ هَدَى ﴿ بیوریور .

[فرعون عسکر یله برابر بنی اسرائیلک آرقه سنی تعقیب ایتمدی . دریادن آنلری احاطه ایدن عظیم صو احاطه ایتمدی . فرعون قومی اضلال ایتمدی وکندی طوغری یوله واصل اولامدی ، قومی ارشاد ایدمه دی .]

یعنی ؛ امر الهی به امتثالاً موسی علیه السلام اول کیجه ده بنی اسرائیله برابر مصردن حرکت ایتمدی . ایرتسی صباح فرعونک خبری اولونجه عسکر جمع ایلدی و دیگر آیتلرده بیان اولوندیغی وجهله عسکرینی تشجیع ایچون نطقلر ایراد ایتمدی . تعقیبه قرار ویرلدکن صکره فرعون وعسکری کمال کبر وعظمت وغرورله بنی اسرائیله اتباع ایتمدیله و دکر کنارنده آرقه دن یتیشدیله . موسی علیه السلامک دکر دن یول بولوب کچمسنی کورونجه موسی علیه السلامک معجزه سی اولدیغنی درخاطر ایتمکسزین بنی اسرائیلک آرقه سندن اولاشمق خلیاسی غلبه ایدره که همان دکر زده آچیلان یولاره هجوم ایتمدیله وهیسی داخل اولونجه طاغیر کی یکی طرفه بیغلمش اولان صو آنلری احاطه ایتمدی واحاطه ایدن صویک شدتی الله تعالی بیلیر . فرعون قومی اضلال ایتمدی ، یولدن چیقاردی وطریق نجاته ارشاد ایدمه دی وکندی ده هدایته واصل اولامادی .

فخر رازینک بیانی وجهله بنی اسرائیل بایرام بهانه سیله قبطیلرک حلیانلرینی تماماً آلمش کوتورمشدر . ابوالسعود افندینک بیانی وجهله جناب حق بو آیتده فرعونک قومی دنیا و آخرت رذیل ورسوای ایتمدیکنی ومطالب دینی و دنیوی دن هیچ بر مقصده ایصال

ایده مدیکنی بیان بیورمشدر . یوسف علیه السلامک وصیتی اوزرینه برابرلنده یوسف علیه السلامک تابوتی ده آلوب کوتوردکلری مرویدر . چونکه ؛ یوسف علیه السلام مصر دن بنی اسرائیلک بر جمعیتله حرکت ایتمک لنده جنازه سنی کوتورملرینی وصیت ایتمش ومصر دن حرکتلرینه امر الهی ورود ایدنجه ، یوسف علیه السلامک وصیتی یرینه کتیرمک اوزره قهرینی بر اختیار خاتونک تعریفیه بولوب تابوتی برابر کوتورمشدر . دکر اون ایکی قبیله یه کوره اون ایکی یول اولوب هر یولک آره سنده اولان طاغیر کی صودن هر قبیله بر برینی کوروب حاللرینه مطلع اولدقلری دخی روایت اولونمقده در . شو حالده رهبر صادقک دامننه التجا ایدن اهل طاعتک دائماً نجات بولاجقلری ورهبر صادقک امرندن انحراف ایدنلرک دائماً هلاکه معروض اولدقلری بو آیتدن مستفاد اولان فوائد جمله سنددر .

واجب تعالی فرعونک غرقله اهلاک اولوندیغنی و بنی اسرائیلک خلاص اولدقلرینی بیاندنصرکه بنی اسرائیل اوزرینه واقع اولان نعمتلرینی تعداد ایتمک اوزره ﴿ يَا بَنِي إِسْرَءِیْلَ قَدْ أَنجَيْنَاكُم مِّنْ عَدُوِّكُمْ وَوَاعَدْنَاكُمْ جَانِبَ الطُّورِ الْأَيْمَنِ وَنَزَّلْنَا عَلَيْكُمُ الْمَنَّاءَ وَالسَّلْوَى ﴾ کُلُوا مِن طَيِّبَاتِ مَا رَزَقْنَاكُمْ ﴿ بیوریور .

[ای بنی اسرائیل ! بز لطف و کریمز ونظر رحمتزله سزی محقق دشمنکزدن قورتاردق که اودشمنکزد مدت مدیده سزه قهر و غلبه ، ظلم وتعدی ایله مسلط اولمشدی . آنک یداسارتدن سزه نجات ویرمکه مضرتی اوزریکزدن قالدیردق وسزه طور طاغنده یمن وبرکت جانبی وعد ایتمک که واقع اولان تقصیراتکزی عفو ایتمک وارض تهیده حاصل اولان محن ومشقتلری من وسلوی انزالیه اوزریکزدن دفع ایتمک وبزم سزی مرزوق ایتمکمز رزقکزدک طیباتندن بیک دیدک .]

ابوالسعود افندینک بیانی وجهله بو آیتده بیان اولونان وعد الهی حضرت موسایه ایسه ده وعدک منافعی بنی اسرائیلک عمومونه فیضان ایتمسه منی وعد الهی جمله سنه نسبت اولونمشدر . چونکه بر نبی یه وعد ؛ بالتبع او نبینک امتنه وعددر .

فخر رازینک بیانی وجهله جناب حق بوآیتده بنی اسرائیله نعمتترینی تعداد بیوردی . چونکه انسان ایچون نعمتک اساسی ؛ ایکیمیر : برنجیسی ؛ دفع مضرت ، ایکنجیسی ؛ جلب منفعتدر . دفع مضرت ایصال منفعت اوزرینه مقدم اولدینی جهتله واجب تعالی فرعونک شرندن نجاتله مضرتترینی دفع ایتدیکنی ایصال منفعت اوزرینه تقدیم بده منفعتترینی بیان بیورمشدر . آنحق منفعتده ایکی درکه بری منفعت دینیه و دیگری منفعت دنیویه اولوب طور طاغنده منافع دینیه واحکام شرعیله برینی جامع اولان تورات شریفک نزولانی وعد ایتدیکی کبی منفعت دنیویه اولارق من وسلوانک نزولیلدهده ماکولات ومشرباتترینی تأمین ایتدیکنی بیانله دنیوی و اخروی احسان ایتدیکی نعمتترینی بیان ایتمشدر .

بنی اسرائیل دکزی کچوب فرعونک هلاکینی کوردکن صکره موسی علیه السلامه « سن بزه فرائض السیه واحکام شرعیله بی جامع کتابک نازل اولاجغنی وغد ایتدکمی ؟ » دیمیری اوزرینه موسی علیه السلام یتمش کشی بی انتخابله برابرنده طوره کیدوب مناجاده بولوندیله . الله تعالی تورانی احسان ایتدی .

مصردن شامه کیدن کیمسه نک طور طغانی صاغنده قالدینی ایچون مانب اومن دنیمشدر ، یوقسه حقیقتهده طور طاغنک صاغی وصولی یوقدر .

من ؛ آغامک بایراغی اوزرینه یاغانه طانی و سلوی ؛ بنی اسرائیله ائنی بیک ایچوره و بریان قوشدر . بنی اسرائیل ارض تهیده آچلق دن زحمت چکمکه باشلانجه واجب تعالی موسی علیه السلامک دعائی اوزرینه بنی اسرائیله کفایت ایده جک قدر طانی وقوش انزال ایدر ، آنلرده کفایه مقداری دیوشیریر تعیش ایدرلردی . دنیا نعمتترینک ما کولاته متعلق اولانلری اساس اعتباریله ایکی دره . بری طانی دیگری طوزلواولوب بونلرک اک اعلاسی بال ایله ات اولدینی جهتله جناب حق بنی اسرائیله « ویردیکمز رزقک کوزلرندن وحلاندن بیک » بیورمشدر . چونکه ؛ (من) و (سلوی) یه انسان آلی دکیوب وحقوق عباد تعلق ایتدیکندن دنیاده هم حلال هم ده غایت لذیذ رزق اولدیغنه اشارت بیورمشدر . اکل ایتکله امر ؛ اباحه ایچوندر ، وجوب ایچون دکلدر . بناء علیه ؛ (من) و (سلوی) دن اکل ایتک مباح ایدی ، واجب دکلدی .

واجب تعالی احسان ایتش اولدینی رزقدن اکل ایتلرینی امر دنصکره عصیاندن نهی ایتدیکنی بیان ایتک اوزره ﴿ وَلَا تَطْغَوْا فِيهِ فَيَحِلَّ عَلَيْكُمْ غَضَبِي ﴾ بیوریور .

[ای بنی اسرائیل ! سزه ویردیکم رزقده بربریکزه ظلمله وشکرینی اخلال ایتکله طغیان ایتدیک که سزک اوزریکزه غضب نازل اولماسون . اکر طغیان ایدرسه کز غضبه مستحق اولورسکز .] بناء علیه ؛ اوزریکزه غضب نازل اولور .

﴿ وَمَنْ يَحِلِّ عَلَيْهِ غَضَبِي فَقَدْ هَوَى ﴾

[اکر برکیمسه اوزرینه غضب نازل اولورسه محقق اوکیمسه هلاک اولور . زیرا ؛ هاویه اسمنده جهنمه مستحقدر .]

﴿ وَإِنِّي لَغَفَّارٌ لِّمَن تَابَ وَآمَنَ وَعَمِلَ صَالِحًا ﴾

[حالبوکه بن شرکدن توبه ایله ایمان ایدن وعمل صالح ایشله بن کیمسه بی تمامیله وکالیله مغفرت ایدر کچمشده ایشله دیکی کناهرلدن مسئول ایتم .]

﴿ ثُمَّ اهْتَدَى ﴾

[توبه ایله ایمان ایدوب عمل صالح ایشلد کدنصکره استقامت اوزره اهتدا ایتدی .] یعنی یولته دوام ایتدی . چونکه ؛ استقامتمده دوام ایدنجه بزم مغفرتمز آنکله برابردر . یعنی ؛ ای بنی اسرائیل ! سز اللهمک تعین ایتدیکی حدودی تجاوزله نعمتمزی عقلتک غیریه و معصیته صرقله ظلم ایتدیک که غضب السیهم اوزریکزه نازل اولماسون . برکیمسه که غضب السیهم آنک اوزرینه نازل اولورسه محقق هلاک اولمشدر . چونکه ؛ درجه اعتباردن ومرتبه قربیتدن ساقطدر وقصورندن توبه ایله درکاهمه رجوع ایدرک ایمان ایتک واجب اولان شیلره ایمان وعمل صالح ایشله یوب صکره هدایت اوزره استقامت ایدن کیمسه بی البته بن مغفرت ایدیجییم . چونکه اخلاص اوزره توبه وایمن وایمانی عمل صالحله تزین ایتد کدنصکره طریق مستقیمده ثابت ودین اسلامه دوامله اهتدا ؛ مغفرتمز جالدر .

فخر رازینک بیانہ نظر آ بومقامدہ طغیان ایلہ مراد؛ بعضیسنک بعضیسنہ ظلم ایتیمیدر۔
بوکا نظراً معنای نظم : [بعضیکز بعضیکزہ ظلم ایتیمیک] دیمکدر . یاخود [مرزوق
اولدیفکزر رزقده مباح اولان مقداری تجاوزله نفسکزه ظلم ایتیمیک] دیمکدر . یاخود
[نعمتک شکرینی ایفا ایدک کفران نعمتله برابر حلالی بر اقوب حرامه تجاوز ایتیمیک] دیمکدر .
توبہ وایمان و عمل صالحک عین هدایت اولدینی حالده بونری بیاندنصکرہ تکرار
هدایتی بیان ؛ هدایتہ دوام ایچوندر . چونکہ ؛ توبہ ایلہ ایمان و عملده صعوبت یوقدر ،
هرکس مباشرت ایدہ بیلیر . صعوبت ، آنجق دوام وثبات ایتیمکده اولدیفندن جناب حق
مغفرته شایان اولانک دوام اولدینی بیان ایتیمک اوزره (ثم اهدی) بیورمشدر . چونکہ
ایمانله عمل صالحدن صکرہ اهدا ؛ استقامت وعبودیتده دوامدر . یاخود ایمان ؛ اعتقادیه
و عمل صالح ؛ عملیانه ؛ و توبہ خطایاندرہ نرمانده متعلق اولوب اهداده نرنبیب اهدو
واخود ذمیمہ قلبی تصفیہ متعلقدر . شو حالده مغفرت الہیہ شایان اولانلر ؛ توبہ
وایمان و عمل صالح ایشلهینلر و اخلاق ذمیمہ دن قلبی تصفیہ ایدنلردر .

ابوالسعود افندینک بیانی وجهله آیتده اسراف و نعمته مغروراً کبر و غروردن و مستحق
اولان فقرا و ضعفادن نعمتی منع ایتیمکدن نہی واردر . چونکہ اللہک احسان ایتدیکی
نعمتی محلتک غیریہ صرف ایتیمک ؛ نعمتده کفران اولدیفندن غضب الہی بی داعی در .
زیرا نعمتہ نائل اولان کیمسه ایچون وظیفه ؛ اونعمتک شکرینی ادا ایتیمکدر . شکر ی ادا
اولونمایان نعمت ؛ هر زمان زواله معروض اولدیفندن صاحبی اونعمتدن محرومیتہ محکومدر .

**

واجب تعالی بنی اسرائیلی عصیانندن نہی ایتدیکنی بیاندنصکرہ حضرت موسانک میقاتہ
کلمسنه قومندن زیاده عجلہ ایتدیکنی بیان ایتیمک اوزره ﴿ وَ مَا أَعْجَلْكَ عَنْ قَوْمِكَ
يَا مُوسَى ﴾ قَالَ هُمْ أُولَاءِ عَلَى أَثَرِي وَعَجِلْتُ إِلَيْكَ رَبِّ لِتَرْضَى ﴿ بیوریور .

[« سنی قومکدن اول کلمکه نه کبی شی سوق ایتدی ؛ یا موسی ! » . بو سئواله جواب

اولارق موسی علیه السلام « یاربی ! بونلریم آرقه مدددرلر . بن شوق و محبتدن و کلام الہیکی
استماعه فرط اشتیاقدن سنک رضا کی تحصیل ایچون عجلہ ایتدم » دیمکله اعتذار ایتدی .
یعنی ؛ موسی علیه السلام میقاتده بولونمق اوزره قومندن یتش کیشی انتخاب ایدہ رک
توراتی اخذ ایتیمک اوزره امر الہی به امثالاً طور جانبہ کیدوب موسی علیه السلام طور
طاغنده تعین اولونان محله تقرب ایدنجه کندینہ عارض اولان شوق و محبت اوزرینہ قومندن
ایلرویه سرعت ایتدیکنی انکار اولمق اوزره واجب تعالی « یا موسی ! قومکدن اول سنی
نه کبی شی تحریک ایتدی که عجلہ ایتدک ، قومکله برابر کلیرکن آنلردن ایلرویه سرعتکه
سبب نه در ؟ مناسب اولان سرعت ایتیملی ایدک » بیوردی . موسی علیه السلام سئوالک
متضمن اولدینی ایکی شی که بریسی عجلہ بی انکار ، دیکری عجلہ نک سببی سئوالدر .
بویکیدن انکاره اعتذار ایلہ جوابی تقدیم ایدہ رک « یاربی ! بن قومک بکا کوجنه جکی
قدر ایلری کیتدم . زیرا ؛ آنلریم آرقه مدددر و آره مزده آرز بر مسافه واردرو عجلہ ایتیمکدن
مقصدم سنک رضا کی تحصیل ایچون شوق و محبت و کلامکی ایشیتیمکه کمال اشتیاق و امر که
امثال و عہدمی و فایہ سرعت ایتیمکدر » دیمکله استرحامده بولوندی .

موسی علیه السلامک عجلہ سنی نعمت الله افندی شویله بیان ایدیور : موسی علیه السلامک
قومنه کمال شفقتندن هدایتلرینہ غایت حریص اولدینی جهتله انتخاب ایتدیکی یتش کیشیلہ
طور جوارینہ کلنجه جناب حقک کلامنه بر آن اول واصل اولمق امنیه سیله قومنه
« آرقه مدن کلک » دیمکله جبلک یوقاریسنه سرعتله چیقار و رفقاسی ده آرقه سندن کلیرلر .
جناب حق بوقدر جق قومی تقدم ایتدیکنی انکارله عتاب و عجلہ سنک سببی سئوال ایدر .
بیضاوینک بیانی وجهله بو عجلہ اوزرینہ عتابک سببی ؛ ایلمیر . برنجیسی ؛ عجلہ ،
نفسنہ نقیصه اولمیر . زیرا ؛ هر شیده عجلہ مذموم اولدینی کبی حضور معنوی الہی به
کلمکده دخی مذمومدر . ایکنجیسی ؛ موسی علیه السلامک عجلہ سی آرقه ایلری اوزرینہ
تعظیم اولسنی ابراهیم ایتیمیدر آرقه ایلرینک اینجیمک اهمالیمیر . موسی علیه السلام عجلہ نک
انکار اولوندینی جهته جوابی اهم عد ایدہ ک اعتذارینی تقدیم وثانیاً عجلہ سنک سببی ؛
کندیسنک جناب حقه شوق و اشتیاق تحریک ایتدیکنی و مقصدی رضاء الہی بی طاب
خلاصۃ البیان : طقوزنجی جلد — ۲۴

ایتمک اولدیغنی و آرقداشلرینی تقدم مقصدیله اولمادیغنی و بوقدر جق تقدم آرقداشلر یله مصاحبتیه مانع اولاجغنی ظن ایتدیکنی بیان ایله اعتذار ایتشدیر .

واجب تعالی موسی علیه السلامه « نه ایچون عجله ایتدک؟ » دید کدنصکره هرون علیه السلامه برابر قالان بنی اسرائیل ایچنده واقع اولان حادثه بنی حضرت موسایه خبر ویردیکنی بیان ایتک اوزره ﴿ قَالَ فَاِنَّا قَدْ فَتَنَّا قَوْمَكَ مِنْ بَعْدِكَ وَاَضَلَّهُمُ السَّامِرِيُّ ﴾

بیوریور .

[الله تعالی « یا موسی ! - ن میقاته کلمک اوزره قومکدن آیرلقدنصکره بز آنلری طانه صورتیه عبادتله مبتلا قیلدق و آنلری فتنیه قویدق و (سامری) آنلری اضلال ایتدی و بولدن چیقاردی « دیمکله موسی علیه السلامه قومکد حالی خبر ویردی .]

﴿ فَرَجَعَ مُوسَىٰ إِلَىٰ قَوْمِهِ غَضْبَانَ أَسِفًا ﴾

[جناب حقک خبری اوزرینه موسی علیه السلام قرق کونی اکیال و توراتی آلدقنصکره قومیه عضیلی و ایشله دکلی جانیته اسف ایدر اولدیغنی حالده دوندی کلدی .]

﴿ قَالَ يَا قَوْمِ اَلَمْ يَعِدْكُمْ رَبُّكُمْ وَعَدًّا حَسَنًا ﴾

[قومیه خطاباً موسی علیه السلام « ای قوم ! ربکزه سزه توراتی ویره جکینی کوزل وعدله وعد ایتدی ؟ » دیمکله وعد النبی خاطرلرینه کتیردی .]

﴿ اَفْطَالَ عَلَيْنَكُمْ الْعَهْدُ اَمْ اَرَدْتُمْ اَنْ يَحِلَّ عَلَيْنَكُمْ غَضَبٌ مِّنْ رَبِّكُمْ فَاَخْلَقْتُمْ مَّوْعِدِي ﴾

[سز بوجناتی ایشله دیکزده وعدی اونوتاجق قدر اوزریکزده زمان اوزادیمی ؟ واعتقاد کزی غیب ایده جک قدر و قتمی کچدی ؟ یوقسه اوزریکزه ربکزه طرفندن غضب تازل اولسنی می ایسته دیکزده وعدمه خلف ایتدیکنی ؟] زیرا ؛ سز ایمانکزده ثبات

ایده جک کزی بکا وعد ایتشدیکز . نه چابوق اونوتدیکنی وعدیکزه نه ایچون مخالفت ایتدیکنی ؟ « دیمکله قومنی تکدیر ایتدی .

یعنی ؛ موسی علیه السلام میقاته بولوندیغنی زمانده الله تعالی موسی علیه السلامه خطاباً بیوردی که « یا موسی ! سن قومکدن آیرلقدنصکره سنک قومکی بز انواع بلایا ایله مبتلا قیلدق . زیرا ؛ آنلر بوزاغی صورتیه عبادتله بزه شرک ایتدیلر و (سامری) اسمنده بر رجل آنلری اضلال ایتدی و طوغری بولدن چیقاردی . واجب تعالی نک شوبیانی اوزرینه موسی علیه السلام کمال تأسف و غیرته غضب ایدیجی اولدیغنی حالده قومیه صورت سریعهده رجوع ایتدی و دیدی که « ای قوم ! سزه ربکزه کوزل وعدله وعد بیورمدمی ، توراتی انزال ایدوب اخلاق کزی تهذیب و تصفیه ایده جکینی سزه بیان ایتدیمی ؟ نه ایچون بوجناتی ارتکاب ایتدیکنی ؟ اللهم وعیدی انجاز ایده جکینی انکار ایده جک قدر اوزریکزدن زمانی کچدی ؟ و بنم مفارقم پکمی اوزادی ؟ و قرق کون ظرفنده توحیددن شرکه نصل انتقال ایتدیکنی ؟ یوقسه ربکزدن اوزریکزه غضبک نازل اولسنی ایسترسکزده آنک ایچونمی وعدمه بنمله معاهده کزه مخالفت ایتدیکنی ؟ » دیمکله قومنی تکدیر و توبیخ ایتدی و ارتکاب ایتدکلی جانیته توبه لرینک قبولنه چاره دوشوندی . موسی علیه السلام آنلره معجزه لرینی اظهار ایده رک دعوی نبوتی اثبات ایتدیکی حالده بویه بر نبی ذی شانک وعیدیه خلف ایتلری آنلرحقنده جنایت عظیمه اولدیغنی کندیلرینه تفهیم ایله توبیه دعوت ایتدی . موسی علیه السلام ذی القعدة نک تمامنی و ذی الحجه نک اوننه قدر طور طاعنده اقامتله ذی الحجه نک اوننده میقاتدن عودت بیورمشدر .

اکثر تفسیرده بیان اولوندیغنه نظراً (سامری) بنی اسرائیلک (سامره) قبیله سنه منسوب بو بوکلرندن ایمش . موسی علیه السلامک قومشوسی و منافق اولدیغندن موسی علیه السلامک مفارقتدن بالاستفاده آلتوندن بر بوزاغی صورتی یاپارق بنی اسرائیل اضلاله تصدی ایدر و موفق ده اولور . بنی اسرائیل ، موسی علیه السلامدن بر جوق معجزه لر کوروب نبوتی تصدیق ایله ایمان ایتدکلی حالده آزیحق بر مدت موسی علیه السلامدن مفارقت ایتکله (سامری) کی بر منافقک اغفالنه آلدانملری نه غریب بر حالدرنه عجیب بر حاقتدر . فقط بو مثللو حماقت انسانلرده هر زمان جاریدر . حتی دین اسلامده عقله و منطقه موافق

احکام شرعیه میدانده اولدینی حالدہ بر منافق آ از بر زمانده بر چوق اهل ایمانی اضلال ایتدیکی کورولمکده در . یا خود سامری (کرمان) دن مصره کلش و بی اسرائیل ایچنده اُکله شیر بر کیمسه اولوب (کرمان) ده صیغیره عبادت ایدر بر طائفه دن اولدینی جهتله موسی علیه السلامه ظاهرده ایمان ایتش ایسه ده باطنده شرکنی صاقلادینی ایچون موسی علیه السلام میقاته کیدنجه شرکنی اظهار واهالی بی اضلاله تصدی ایتش (وکل انا بما یترشح فیه) سری ظاهر اولشدرکه «هرچناق ایچنده اولان شی طیشنه وورر» فحواسنجه سامری ده ایچنده کی نفاق طیشنه آتمشدر .

سامرینک اضلاله تصدی به جرأتک سبی ؛ حضرت موسی بنی اسرائیله قرق کونده کله جگنی وعد ایتسی اوزرینه یکریمی کونی کیجه سیله قرق کون حساب ایدوب آنلرک حسابلرندن قرق کون کچوب موسی علیه السلام کلدیکندن ذهنلرینک تشویشه باشلامسینی سامری فرصت عد ایتشدر .

وعد حسن له مراد؛ اعظام شرعی بی جامع اولده نورانی انزال وعبادت اوزره ثواب بر مرک و فرعونک اراضی و املاک کنه بنی اسرائیلی وارث قیلیمور .

**

واجب تعالی موسی علیه السلام قومنی تکدیر ایتدیکنی بیاندنصرکه قومک جوابی بیان ایتک اوزره ﴿ قَالُوا مَا أَخْلَفْنَا مَوْعِدَكَ بِمَلِكِنَا وَلَكِنَّا حَمَلْنَا ثَوَاجِرًا مِنْ زِينَةِ الْقَوْمِ فَقَدْ تَفَنَّا هَذَا فَكَذَلِكَ أَلْقَى السَّامِرِيُّ ﴾ فَأَخْرَجَ لَهُمْ عِجْلًا جَسَدًا لَهُ خُوارٌ فَقَالُوا هَذَا إِلَهُكُمْ وَإِلَهُ مُوسَى فَنَسِيَ ﴿ بیوریور .

[بنی اسرائیل « بز کندی اختیارمنزه وعدکه خلف ایتدک ولکن قوم فرعونک زینتلرندن بر طقم آغیرلقلر یوکلندک او آغیرلقلری بز سامرینک تعین ایتدیکی محله آتدق . سامری ده بزم کبی آتدی . او زینتلری آنجه آنی آریدوب سامری آنلره ، بر بوزاغی جسدی چیقاردی که آنک بوزاغی صداسی کبی صداسی واردی . بوزاغی بی میدانه چیقارنجه

سامری واتباعی « شو بوزاغی شکلی سزک و موسانک معبودیدر، موسی معبودینی اونوتدی آریور ولکن بولامیور » دیدیلر .

یعنی ؛ موسی علیه السلامه واجب تعالی میقاتده هرونک معیتنده باقی قالان بنی اسرائیلی سامرینک اضلال ایتدیکنی خبر ویرمسی اوزرینه موسی علیه السلام کمال اسفله میقاتدن کلوب قومنی شدتله تکدیر ایدنجه « یا موسی ! بز کندی کوکلز و طیبعتمله سنک وعدکه خلف ایتدک . اگر بز کندی حالمزه قالسهق و سامری بزنی آلداتماش اولسه ایدی بز عهدمزده ثبات ایدر خلف ایتدک ولکن بز مصردن چیقمق نیت ایتدیکمزده بایرام بهانه سیله قبطیلردن عاریت طریقله آلدیغمز حلیاتلرینی ویرمدک ، یانمزده کوتورمشدک . سامرینک قازدیرمش اولدینی چوقوره او زینتلری آتدق سامری ده بزم کبی کندی یاننده بولونانی آتدی و آنکله بزنی اغفال ایتدی » دیدیلر . چونکه ؛ سامری او حلیاتی آریدوب آنلر ایچون بر بوزاغی شکلی چیقاردی که او شکل حس وحرکدن محروم بر جسد اولوب آنجق بوزاغی صداسی کبی صداسی واردی . بنی اسرائیلک آکا میل و محبتلرینی کورونجه سامری واتباعی « شو بوزاغی صورتی سزک و موسانک معبودیدر . موسی علیه السلام بونی اونوتدی یرینی بیله مدی حتی طور طاغنه قدر کیتدی ، آریور بولامیور » دیدیلر . بنی اسرائیلده بوکا آلدانوب عبادت ایتدک باشلادقلرینی موسی علیه السلامه بیان ایتدیلر . فخر رازینک بیانه نظر آ موسی علیه السلام میقاته کیده جکندنه قومنه وعظ و نصیحت و دینلرنده ثبات ایتلرینی توصیه ایتسی اوزرینه قومنی ده دینلرنده ثبات ایده جکلرینی وعد ایتشلرکن ثبات ایتدکلرینه بناء موسی علیه السلام تکدیرینه جواب اولارق « بز کندی اختیارمنزه وعدکزه خلف ایتدک » دیمکله وعدلرنده خلفک سبی قبطیلردن آلدقلری زینتله سامرینک اغفال ایتسی اولدینی بیان ایتدیلر .

قبطیلرک زینتلری ایله مراد ؛ دریاه غرقه اولدق نصرکه دکر سامرینه آیتله قبطیلردنه آلدقلری زینت اولدق احتمالی وارسده آیتک دلالتی وجهله اصح اولان بایرام بهانه سید مصرده قبطیلردنه عاریت آلوب کتیر دکلری زینتلریمور . زیرا زینتی کوتوردکلرینی بیان ایتلری ؛ مصردن کتیر دکلرینی مستلزمدر . بنی اسرائیل مصرده قبطیلرک اماننده اُکلشدکلرندن ماللرینی آلوب کوتورمک حلال

اولاد یغنه اشارت ایچون کناه معناسی مشعر اولان اوزار لفظیله تعبیر ایتشلردر. یاخود قبطیله مشرک اولدقاری ایچونه مالکینی آلرب کنورمک مهول ایمی، لکن آغیرلر اولدیغنه اوزار دنیلمشدر.

بیضاوینک بیانی وجهله بنی اسرائیل کیجه بی و کوندوزی آری آری برر کون حساب ایتدکرندن آنلرک حسابنه نظر آ موسی علیه السلام کله یجه اندیشه یه باشلاملی اوزرینه (سامری) بونلری اضلاله فرصت بولارق «موسانک کلدیکی بزم یاغزده بولونان حلیاتک حرام اولمسیدر. بز برچوقور قازالم، حلیاتی اورایه آنالم و آتش یاقوب اریده لم» دیمکه اغفال ایتدی. منوال مشروح اوزره آتشله اریتدیله. سامری قیوجیلق صنعتده ماهر اولدیغدن بوزاغی صورتده قالب یاپارق او حلیاتدن بر بوزاغی صورتی اورته یه چیقاردی و طمرلر کی او جسده منفذلر قویدی. او منفذلردن روزکار کیرمسيله بوزاغی صداسی کی صدا ویرمکه باشلا یجه «ایشته بوسزک و موسانک معبودیدر» دیدی و «موسی بونی آرابور و لکن یری اونوتدی بولامدی» دیمکه ناسی او صورته عبادته دعوت ایتدی و ناسده سامرینک اشبو اغفالنه آلدانارق عبادته باشلادیله.

بو جسده خارق العاده اوله رق حیات اولدیغدن بحث ایدنلر وارسده (سامری) کی برضال و مضلک یدنده خارق العاده نك ظهوری حکمته مخالف اولدیغدن اصح اولان اکثر مفسرینک بیانی وجهله سامرینک بوزاغی شکلنده اظهار ایتدیکی جسده حیات یوقدی. یالکیز سامرینک قورنازلقله او جسده احداث ایتمش اولدینی بوری شکلنده دلیکلرک روزکار واسطه سيله چیقارمش اولدینی صدالردن عبارتدی، یوقسه اوصدالرائحیات دکلدی. بنی اسرائیل اوزمانده غایت جاهل و حماقتله متصف اولدقارندن سامری درحال آلداتمغه موفق اولدی. یاخود بنی اسرائیل اکثریسی اولجه حلویه مذهبندن اولق احتمالی واردرکه درحال بوزاغی شکلنده کی جسده الهک حلول ایتدیکنه اعتقاد ایتدیله.

آنفابیان اولوندینی وجهله بو کی حماقت و ضلالت بنی اسرائیله مخصوص دکل بلکه هر ملتده هر زمان جاریدر. مثلاً صوفیه قیافتنده مذهبی بوزوق بر کیمسه مسلمان و متدین بر جماعت کثیره ایچنه کیررو آزمانده بر چوق کیمسه لری اضلال ایدر و بویاسی میدانه چیقار. فقط

بهر خراب البصره. شو حالده اغفال اولونمق جمله انسانلرده موجوددر. بناء علیه؛ انسان اقتدا ایده جکی کیمسه نك سابق و لاحق حالی بیلیمک و بیلیمزه لایقيله تدقیق ایتک الزمدر.

واجب تعالی سامرینک بنی اسرائیلی اضلال ایتدیکنی بیاندن صکره بنی اسرائیلی توبیخ واستدلالی واجب اولان طریقلری بیان ایتک اوزره ﴿أَفَلَا يَرَوْنَ إِلَّا يَرْجِعُ إِلَيْهِمْ قَوْلًا وَلَا يَمْلِكُ لَهُمْ ضَرًّا وَلَا نَفْعًا﴾ بیوریور.

[بنی اسرائیل مقتضای عقلدن چیقیدیلده آنلر عبادت ایتدکری جمادک کندیلرینه سوز سولدیکنی و سؤاللرینه جواب ویرمدیکنی و آنلره منفعت و مضرت مالک اولمادیغی کورمزلمی و دشونمدیلرمی ؟]

یعنی؛ بنی اسرائیل سامرینک تصویر ایتمش اولدینی جسده عبادت ایدزلرده دوشونمزله و بیلیمزلمی که او جسده آنلرک سؤاللرینه جوابه مقتدر دکلدر. بناء علیه؛ آنلره سوزیله رجوع ایتمز و عبادت ایتدکرنده منفعت و عبادتی ترک ایتدکرنده مضرت مالک اولماز. منفعت و مضرت مالک اولمیان شیئه فصل عبادت ایدرلر؟ حالوکه معبود، عبادت ایدن کیمسه یه منفعتی و عبادتی ترک ایدنه عبادتی ترکندن طولانی مضرتی ایتعاه مالک اولق لایقدر. چونکه؛ منفعت و مضرت آلدن کله بن بر جماده عبادته فائده یوقدر.

بو آیت جلیله؛ معرفت الهیه دلائلی تدقیق و کمال اعتنا ایله نظر و استدلال ایتک لازم اولدیغنه دلیل واضحدر. چونکه؛ جناب حق نظر ایتمینلری بو آیتله توبیخ بیوردی. بناء علیه اعتقادیاتده مقبول اولان؛ دلائله مستند اولانیدر و دلائله استناد ایتیه رک تقلید اوزرره بنا اولان اعتقاد (ماتریدی) عنندنه معتبر ایسه ده مقلد و مذمومدر. بلکه استدلالی ترکندن طولانی آثم و کناهکاردر.

واجب تعالی بنی اسرائیلی سامری یه آلدانوب مشرک ایتدکرندن طولانی توبیخ ایتدیکنی بیاندن صوکره هرون علیه السلام آنلره واقع اولان نصایحی بیان ایتک اوزره

﴿ وَلَقَدْ قَالَ لَهُمْ هَارُونُ مِنْ قَبْلُ يَا قَوْمِ إِنَّمَا فُتِنْتُمْ بِهِ وَإِنَّ رَبَّكُمُ الرَّحْمَنُ فَاتَّبِعُونِي وَأَطِيعُوا أَمْرِيَ ﴾ قَالُوا لَنْ نَبْرَحَ عَلَيْهِ عَاكِفِينَ حَتَّى يَرْجِعَ إِلَيْنَا مُوسَى ﴿ بيوريور .

[ذات الوهيمه يمين ايدرم كه موساك عودتندن اول آنره هرون ديدى كه «اى قوم ! سز بوزاغى صورتيله ابتلا اولونديكز و سزك ربكز جمله مخلوقانه انعامى شامل اولان رحمن تعالى در . شو طوتديفكز مسلك فتنه در و ربكز رحمن تعالى اولونجه بكا اتباع و بنم امرمه اطاعت ايدك» . بويله دينجه آنلر «بز بوزاغى به عبادت ايدرز و حضرت موسى بزه كلنجيه قدر اوصورتك اطرافنى بكه يوب عبادت ايتمكدن آيرمايز» ديديلر .]
يعنى ؛ ذات الوهيمه يمين ايدرم كه موسى عليه السلامك رجوعندن اول برادري هرون عليه السلام ، سامرى آنلرى افساد ايدنجه سامرينك افسادى ازاله و بنى اسرائيلك حالى اصلاح و موسى عليه السلامك وصاياسنى محافظه ايتمك اوزره آنلره ديدى كه «اى قوم ! سز سامرى طرفندن برطانه صورتيله فتنه اولونديفكز كى واجب تعالى طرفندن امتحان معامله سيله ده ابتلا اولونديكز . شو حالده سز شركى تركه توحيد توجاه ايدك . حالبو كه سزك ربكز انواع نعمتيله عالملى تربيه ايدن رحمن تعالى در كه نعمتى جمله عالم عام و شاملدر و بالخاصه برادرم موساى سزه رسول كوندرمك و فرعونك يد اسارتندن سزى قورتارمق و فرعونى قهراً اهلاك ايتمك كى نعمتيله سزى ممتاز قيلدى . بناء عليه ؛ عبادت كزى آكا تخصيص ايدك » ديمكه شفقتى ابراز و وظيفه سنى ايفا ايتدى . هرون عليه السلامك شو نصايحى رد ايتمك اوزره آنلر « حضرت موسى بزه كلنجيه قدر بزاوجسده عبادت و اطرافنده اقامت ايتمكدن كبرى طورمايز و عبادتده نبات ايدرز » ديديلر . كاشكه آنلر بو ثبتي دين موساده ابرازله سامرى بى رد ايتسه لردى حقلرنده خير محض اولوردى .

هرون عليه السلامك بو نصيحتى ؛ طرف السهيدن و برادري موسى عليه السلام جانبندن مأمور اولدينى جهته مأموريتنى يعنى امر بالمعروف و نهى عن المنكر وظيفه سنى ايفا ايتمك ايله عهده سنه ترتب ايدن وجودن قورتولمق و قومنه شفقتى و مرحمتى اظهار ايتمكدن عبارت

ايدى . لكن بنى اسرائيلك هوا و هوسلرى آنلرى ضلالتله سوق ايتديكندن حق سوزى ايشيتمز برحاله كلمش لردى . بناء عليه ؛ هرونك سوزى ديكلمه مديلر .

فخر رازينك بيانى وجهله هرون عليه السلام شو نصيحتنده غايت بليغ صورتده ايراد كلام ايلمش و حسن ترتيبه رعايت ايتمشدر . چونكه ؛ برنجى مرده « سز فتنه يه القا اولونديكز » ديمكه آنلرى باطله نه نهى ايتدى . زيرا ؛ دفع مضرت جلب منفعت اوزرينه مقدمدر . ايكنجى مرده اول باول لازم اولان معرفت الربيه دعوت ايتدى و بيوردى كه « سزك ربكز رحمن تعالى در . چونكه ؛ معرفت الهيه اصول اعتقاددن اولدينى جهته سائر عبادات اوزرينه مقدمدر . اوچنجى مرده امر نبوته نقل كلام ايدرك نبى به امتك اتباعى واجب اولديفنه اشارت اواق اوزره « بكا اتباع ايدك » ديدى . درنجى مرده شرايع و فروع اعمال دعوت ايتدى كه امر تبليغه اصلا نقصان اولماسون . هرون عليه السلام تبليغه اصلا نقصان بر ايقادىنى حالده بنى اسرائيله قطعياً تأثير ايتدى . زيرا ؛ اراده لرينى ضلالتله صرف ايتدكلرندن هدايتى طلبلى يوقدى . بناء عليه ؛ هرون عليه السلامى ديكلمه مز لردى كه سوزى تأثير ايتسون . هر زمانده يولدن چيقان سفها كروهنك حالى بودر . جناب حق بزي هدايتدن آير مسون آمي . هر نه زمان توبه ايدر لر سه توبه لر ينك قبول اولونا جفنه اشارت ايچون اسماء حسنى ايچندن انعام و دلالت ايمره رحمن اسم شريفنى اختيار ايتمشدر . يعنى « سزدن صدور ايدن جنائتك چاره سى بكا اتباع ايدوب نائب و مستغفر اولمق لغكزدر . اكر توبه ايدرسه كز ربكز توبه كزى قبول ايدر . زيرا ؛ ربكز مرحمت صاحبيدر . توبه كزى قبول و كناه كزى مغفرت ايتمك ايله سزه احسان ايدر . در حال احسان الهى به نائل اولمكز ايچون اسبابنه توسل ايدك » ديمك ايسته مشدر .

**

واجب تعالى هرون عليه السلامك بنى اسرائيله نصيحتنى و بنى اسرائيلك نصيحت قبول ايتدكلرينى بياندن صكره موسى عليه السلامك هرونه عتاب ايتديكنى بيان ايتمك اوزره ﴿ قَالَ يَا هَرُونَ مَا مَنَعَكَ إِذْ رَأَيْتَهُمْ ضَلُّوا ﴾ ﴿ لَا تَتَّبِعَنِ ﴾ ﴿ بيوريور .

[موسی علیه السلام میقتادن کلوب قومك یولدن چیقدیغنی کورونجه برادرینه خطاب ایدرک «ای هرون! بنی اسرائیلک ضلالتی ارتکاب ایتدکرینی کوردیکک زمان بکا اتباع ایتمکدن سکا نه کبی شی مانع اولدی و اتباع ایتمهکک سبب ندر؟ دیدی]

﴿ أَفَعَصَيْتَ أَمْرِي ﴾

[«بونلرک ضلالتنی کوردکده امرمه عصیانمی ایتدک؟» دیمکله قرداشی هرونه عتاب ایتدی.]

﴿ قَالَ يَا بُنَيَّ لَا تَأْخُذْ بِهَيْبَتِي وَلَا بِرَأْسِي ﴾

[هرون علیه السلام برادرینک سؤاله جوابده «ای آنامک اوغلو! بنم صقالمدن و باشمدن طوتما. »]

﴿ إِنِّي خَشِيتُ أَنْ تَقُولَ فَرَّقْتَ بَيْنَ بَنِي إِسْرَءِيلَ وَلَمْ تَرْقُبْ قَوْلِي ﴾

[«زیرا؛ بن سنک بنی اسرائیل بیننی تفریق ایتدک امرمه انتظار ایتدک دییه جککدن قورقدم. چونکه؛ بن مداخلده ایلری کیدرسهم آنلر فرقه لره آریلاجق، سنده بکا نه ایچون بونلرک تفرقیه دوشوردک دییه جکسک؟» دیمکله جواب ویردی.]

یعنی؛ موسی علیه السلام میقتادن عودتنده قومك عصیاننه کال غیظ و غضبی اوزرینه برادری هرون علیه السلامه خطاباً «ای هرون! بنی اسرائیلی ضلالت اوزره کوردیککده بکا تبعیت ایتمکدن و وصیتمی یرینه کتیرمکدن سنی نه کبی شی منع ایتدی؟ نه ایچون آنلرک کفری اوزرینه مقاتله ایتدک؟ بن بولونسهم آنلرله مقاتله ایتیمیدم؟ بنم مقامده سن بولوندیغک حالده بو وظیفه سزه توجه ایتمشکن سز نه ایچون وظیفه قتالی ایفا ایتدیکز؟ مع هذا کفر ایدنلرله مقاتله لازم ایدی. صلابتی ترکله امرمه عصیانمی ایتدک؟ بن بونلرک مصالحنی سزه امر ایتدیمی؟ هیچ اولمازسه بونلرک ایچندن چیقارق کفرلرینی بکا صورت سریعده خبر ویرملی دکلی ایدک؟ نه ایچون خبر ویرمدک؟» دیمکله برادرینه عتاب ایتدی. بنی اسرائیلک جوابی اوزرینه «موسی علیه السلام نه دیدی ونه یاپدی؟» عنواننده وارد اولان سؤال مقدرهیه بوآیت جواب اولارق وارد اولمشدر.

موسی علیه السلامه جواب اولارق هرون علیه السلام دیدی که «ای آنام اوغلو برادرم! صقالمدن و باشمدن طوتما و دشمنلره قارشنی بنی لوم ایتمه، اعتذارمی دیکله. زیرا بن؛ آنلرله مقاتله بی ترک ایتدم، الا سن بنی اسرائیل بیننی تفریق ایتدک، بیدلرینه نفاق دوشوردک، پارچه پارچه ایتدک، بنم سوزیمه انتظار ایتدک دیمککدن قورقدم و بوقورقومه بناءً مقاتله بی ترک ایتدم» دیمکله اعتذار ایتدی. انسانی بر حادثه دنطولایی لومه و عتابه تصدی ایدن کیمسهیه قارشنی معذرت مشروعه سنی سرد ایتمکله عتابی ایجاب ایدن اسبابی ازاله ایلله عتابدن خلاصه سعی ایتک امر مشروع اولدینی بوآیتدن مستفاد اولان فوائد جمله سندندر.

ابوالسعود افندیکن بیانی وجهله موسی علیه السلام غایت حدید و امور دینده صلابت شدید صاجی اولدیغندن قومنی کفر اوزره کورونجه غیرت دینیسی غلیان ایدرک صاغ ایلله برادرینک باشکک صاچلرندن وصول ایلله صقالمدن طوته رق بوحالک نهدن ایلری کلدیکنی سؤال ایتدی. هرون علیه السلام ده آنلرله مقاتله ایدرک اولسه قتالک نتیجه سی تفرقه اولوب بنی اسرائیل متعدد فرقه لره آریلوب بردها برآرینه ککک احتمالی اولامیه جغندن و موسی علیه السلامک ده «نه ایچون تفرقیه دوشوردک؟» دییه جکندن قورقدینی ایچون مقاتلهیه قیام ایتدیکنی بیانه اعتذار ایتدی.

کرچه موسی و هرون علیهما السلام لابوین قرد شرایسه ده هرون علیه السلام برادرینک رقتی جلب و والده سنک حقوقه تعظیم ایچون والده سنک اسمنی ذکر ایتمشدر، یوقسه بعضلرک دیدیکی کبی لام برادری اولدیغندن والده سنک اسمنی ذکر ایتمش دکلدیر. اولی اولان برادرینک اعتذارینی دیکله دکدنصکره عذرینی قبول ایتمزه مؤاخذهیه مباشرت ایتک اولدیغندن موسی علیه السلام برادرینک اعتذارینی دیکله مکسزین مؤاخذه ایتمی اولی بی ترک قیلندندر.

خلاصه؛ بنی اسرائیلک بوزاغی صورتنه عبادت ایلله شرک ایتدکرینی کورونجه موسی علیه السلامک پرغضب هرون علیه السلامه عتابه تصدی ایتدیکنی ونه ایچون آنلرله مقاتلهیه قیام ایتدیکنی سؤال ایدوب برادرینک صاچندن و صقالمدن طوتدینی و هرون علیه السلام، رقتی جلب ایچون والده سنک اسمنی ذکر ایلله رقت قلبی جلبه سعی

ایتدیکی ومقاتله به قیام ایتدیکنک سببی تفرقه قورقوسنه بناء اولدیغنی بیانه ایشک عاقبتی
دوشوندیکی برادرینه سویله دیکی بوآیتدن مستفاد اولان فوائد جمله سندندر .

* *

واجب تعالی موسی علیه السلام برادرى هرون علیه السلامه عتابی وهرون علیه السلام
اعتذارى متضمن جوابی بیاندنصره هرون علیه السلام اعتذارینی قبول ایدوب خلقی
اضلال ایدن (سامری) به توجیه خطاب ایتدیکنی بیان ایتک اوزره ﴿ قَالَ فَاَ خَطْبُكَ
يَا سَامِرِيُّ ۚ قَالَ بَصُرْتُ بِمَا لَمْ يَبْصُرُوا بِهِ فَقَبَضْتُ قَبْضَةً مِّنْ أَثَرِ الرَّسُولِ فَنَبَذْتُهَا
وَكَذَلِكَ سَوَّيْتُ لِي نَفْسِي ۚ ﴾ بیوریور .

[موسی علیه السلام سامری به خطاباً «ای سامری ! سنی خلقی اضلاله سوق ایدن
شی ندر ؟ وشو یامیش اولدیغک طانه دن اک بویوک مقصدک نهدن عبارتدر ؟ » دیدی .
موسی علیه السلام بو سؤاله قارشى سامری جوابند . « بن آنلرک کورمدکری شیئی
کوردم و بیلمدکری شیئی بیلدم . سکا کلن رسولک آنک باصدینی یردن برآووج طوپراق
آدم وحلیاتدن یامیش اولدیغ بوزاغونک کولچه سی ایچنه آدم ونقسم ده بکا بویله یامیقلغی
تزیین ایتدی ، بن ده بویله یاپدم » دیدی .]

یعنی ؟ موسی علیه السلام برادرى هرونک درمیان ایتیش اولدیغی اعتذارى قبولدن
صکره سامری به توجیه خطاب ایده رک دیدی که « یا سامری ! سنک بو خلقی اضلال ایتکدن
مقصدک ندر ونه ایسترسک ؟ » . موسی علیه السلام بو سؤاله جوابده سامری دیدی که
« بن ، بنی اسرائیلک کورمدکری شیئی کوردم و بیلمدکری شیئی بیلدم و سکا کلن رسولک
باصمش اولدیغی ایزدن برآووج طوپراق آدم و آنی یانمده حفظ ایتدم که ایجابنده استعمال
ایده یم . سن طور طاغنه کیدنجه خلقه ریاست ایتک ایستدم . قبطیلرک حلیاتندن یایمق
ایسته دیکم طانه صورتک کولچه سی ایچنه حفظ ایتدیکم طوپراقی آدم و کندی نقسمده
بو حلی بکا امر و تزیین ایتدی که آنلره بن متبوع اولوب بینلرنده آنلردن زیاده بر بیلیدیکم

اولغله امتیاز ایتیش اولایم » دیمکله حقیقی سویلیدی . حضرت موسایه کلان رسول
ایله سامرینک مرادی ؟ جبریل امین .

ابوالسعود افندیکنک بیانه نظراً موسی علیه السلام سامری به سؤالدن مقصدی ؟
سامرینک . یامیش اولدیغی حیللرک باطل اولدیغی کندیغه اعتراف ایتدیمرمکله دسیسه سنی
و کندیکنک حقسرلغنی کندی لسانیه خلقه طویورمق ایدی . چونکه ؛ حقسرک حقسرلغنی
کندیکنک بیانی شهیدن عاری اولدیغدن موسی علیه السلام بوجهی اختیار ایتشدر .

سامری جبریل امینی فصل بیلدی ؟ تفسیر خازنده بیان اولوندیغه نظر آحال طفولیتنده
فرعونک بنی اسرائیلک چوققلرینی قتل ایتدیکی زمانده فرعوندن کیزلی والده سی سامری بی
برمغاره به وضع ایتدیکی زمان بنی اسرائیلی اضلال فتنه سنک سامری یدنده ظهور ایده جکی
مقدرا اولدیغی جهنله آنک تربیه سنی واجب تمالی جبریل امینه تودیع ایتدیکندن جبریل امین
انسان شکلنده کلر کیدر سامری ده بوصورتله آلیشمش و برچوق خارق العاده لر کورمشدی .
دریانک یول اولوب بنی اسرائیلک کچدیکی زمان سامرینک اسکیدن کوردیکی شکل اوزره
جبریل امینی بر آت اوزرنده کوردی و اولدن او ذاتک عظمت شاتی بیلدیکی ایچون
آنک آیاغک آلتندن برآووج طوپراق آلوب صاریغک آره سنه باغلامشدی . خلقی اضلال
ایتمک قصد ایتدیکنده طوپراقده حس ایتدیکی غرابت اوزرینه حلیاتی اریدوب او طوپراقی
ایچنه آدیغنی حکایه ایتدی . یا هرون سامری ، جبریل امینی موسی علیه السلامک میقاته
کیدجکی کون کوردی . چونکه ؛ حضرت علیدن روایت اولونان شویله در : موسی
علیه السلامی میقاته کوتورمک ایچون جبریل امین بر آت اوزرنده کلدیکنده آتی نره به
باصارسه آیاغنی قالدرنجه درحال اوت بیتر . سامری بونی کورونجه آنک آیاغی طوقوندیغی
یرده اثر حیات اولدیغنی درحال ادراک ایده رک زمان فوت ایتمکسزین آنک ایزندن طوپراق
آلیر محافظه ایدر ، ایجابنده استعمال ایدرایدی . جبریل امینک آنک آیاغک آلتنده درحال
اوت بیتدیکنی سامریدن باشقه کورن و بیلن اولمادیغی مرویدر و بو حالی بیان ایچون
سامری « آنلرک کورمدیکی بن کوردم » دیمشدر . حیلله سامری بی سوق ایدن ؛ آنجق
کندی نفسی اولوب خارجدن باشقه برواسطه وسبب اولمادیغنی بیان ایچون « بونی ، آنجق
بنم نقسم امر ایتدی » دیمکله نفسنه عطف جرم ایتدی .

بو آیتده رسول ايله مراد؛ جبریل امین اولدیغنده اکثر مفسرینک اتفاق و اردر .
سامری، موسی علیه السلامه کلن ذاتک عظمت شان صاحبی اولدیغنی بيلمش ایسه ده
جبریل امین اولدیغنی بيلمديکی ایچون رسول تعیر ایتشدرد .

خلاصه؛ موسی علیه السلامک سامری به « نه ایچون خلقی اضلال ایتدک؟ » سئوالنه
قارشی سامری بنی اسرائیله ریاست ایتک خلیاسنی قوردیغنی و بوخلیا وسیله سیله نفسی بوامر
منکری ایشله مک کنندی سوق ایدوب منکراتی نفسی تزیین ایتدیکنی و خارجدن بر
کیمسه نك سبب اولمادیغنی و بوحیله سنه جبریل امینک آیتک آياغک آلتدن آلدیغنی طویراغی
آلت ایتدیکنی بیان ایلدیکی بو آیتدن مستفاد اولان فوائد جمله سندندر .

واجب تعالی موسی علیه السلامک سامرینک کلامنی دیکله دکنصکره سامرینک مستحق
اولدیغنی جزاسنی تعریف ایتدیکنی بیان ایتک اوزره ﴿ قَالَ فَاذْهَبْ فَإِنَّ لَكَ
فِي الْحَيَاةِ أَنْ تَقُولَ لَا مِسَاسَ ﴾ بیوریور .

[موسی علیه السلام سامرینک سوزینی دیکله دکنصکره دیدی که « ای
سامری! حالک بویله اولونجه سن کیت بورادن . زیرا؛ سنک ایچون حیانه اولدجه بکا
کیمسه طوقونمسون دیمک و اردر . چونکه؛ ایشله دیکک جنایتک جزاسی وحشت
وانسیتدن محرومیتدر . »]

﴿ وَإِنَّ لَكَ مَوْعِدًا لَنْ تُخْلَفَهُ ﴾

[« وای سامری! سنک ایچون آخرته الهک بر وعدی و اردر که او وعددن
الته خالف ایده مزسک . بناء علیه؛ دنیاده کوردیکک عقوبتدنصکره آخرته حقه ده
موعود اولان عذاب البته سنی بولا جقدر . »]

﴿ وَانْظُرْ إِلَى إِلْهِكَ الَّذِي ظَلْتَ عَلَيْهِ عَاكِفًا ﴾

[ای سامری! نظر ایت شول معبودیکه که سن او معبود اوزرینه حبس نفس
ایده رک عبادته دوام ایتشدک .]

﴿ لَمْ نَخْرَقْنَاهُ لِنُكَفِّرْهُ فِي الْيَمِّ نَسْفًا ﴾

[الله یمین ایدرم که سنک او معبودکی بن البته یاقارم و یاقدقدنصکره کولنی دکره
صاوورر کی جهننه صاووررم . بناء علیه؛ سنک معبود اتخا ایده رک تعظیم ایتدیکنک شیتک
نه قدر حقیر اولدیغنی سکا کوستیرم .]

﴿ إِنَّمَا إِلَهُكُمُ اللَّهُ الَّذِي لَا إِلَهَ إِلَّا هُوَ ﴾

[زیرا؛ سزک معبود کز شول الله تعالی در که اوللهدن باشقه معبود بالحق یوقدر .]

﴿ وَسِعَ كُلَّ شَيْءٍ عِلْمًا ﴾

[او الله تعالی علم جهتندن هر شیئه واسع اولدی و علمی هر شیئی احاطه ایتدی .
بناء علیه؛ معبود اتخا دینه شایان اودر، آنک غیری دکلدر .]

یعنی؛ موسی علیه السلام سامرینک کلامنی ایشیتد کدنصکره سامری به دیدی که
« سن کیت بنم یامدن، کوزم کورمسون سنی . زیرا؛ سنک ایچون حال حیاتکده « آمان
بکا کیمسه طوقونمسون ، اکر بر کیمسه طوقونورسه حی علی بولاشیر » دیمک و اردر .
چونکه؛ سنک ایشله دیکک جنایتک جزاسی کیمسه یانه کلمکدن سنی محروم ایتشدرد .
حیاتی وحشی اولمایان بر حماده حیات و ادراک عنوانی و یرمکه کندک عبادت ایتدیکنک
کی برچوق خلقی اضلال ایتدیکنک ایچون سن دنیاده ادراک و شعوردن محروم و جادات
کی کزه جکسک و بر کیمسه نك طوقونمسون دن قورقو کدن ناشی بکا کیمسه طوقونمسون
دیه باغیره جقسک . یاسامری! دنیاده جزاک بو وحشت اولدیغنی کی آخرته ده سنک
ایچون جهنم عذابنه دوچار اولاجه که بروعد و اردر که سن او وعددن اصلا خلف ایده مزسک
و ابدأ وعد اولونان عذاب جهنمدن آریلامازسک . چونکه؛ سنک ایچون توبه نك قبولی
اولمادیغندن ابدالآباد نار جحیمده قالیجیسک و سن نظر ایت کور ای سامری!
اتخا ایتدیکنک معبودیکه که او معبوده سن کمال شوق و شطارتله عبادت ایتدک و اواله

اوزرنده کونلرجه اقامت ایدره رک عبادته دوام ایتدک. البته بز او معبودکی یا قارو یا قدقند نصرکه کولنی دکزه صاوورورز. حتی اجزاسندن هیچ بر جزو قالماز. اگر حقیقی معبود اولسه یا نمازدی. زیرا؛ اله اولان برشی آتشله یا نماز « دیمکله سامرینک جزای سزاسنی بیان ایتدی. سامرینک معبود اتخاذا ایتدیکی شیک و اعتقادینک باطل اولدیغنی بیاندنصرکه معبود بالحق و اعتقاد صحیحی بیان صدندده بیوردی که « سزک الهک زشول الله تعالی در که او الله تعالی دن باشقه معبود بالحق یوقدر، آنجق الله تعالی واردر و الله تعالی نک علمی هر شیشه واسعدر، علمندن خارج هیچ بر شی یوقدر » دیمکله سامری به اتباع ایدنلره اعتقاد حق تعریفله طوغری یولی کوستردی.

تفسیر خازنده بیان اولوندیغنه نظراً حضرت موسی بنی اسرائیله سامری ایله اختلاط اتمه ملربنه امر ایتدی. بناء علیه؛ بنی اسرائیل اوزربنه سامری به ملاقات و سوزسویلشمک و اخذ و اعطا ایتک و بر مکانه برابر بولونمق حرام اولدیغندن هیچ کیمسه سامری به ملاقات ایتدیکی جهته سامری دائماً طاع باشلرنده و حشی حیوانلر آره سنده کزر و صداسی بیتدیکی قدر « بکا کیمسه طوقونسون » دیمکله عمرینی افنا ایتدیکی (ابن عباس) حضرت تارندن مرویدر. حتی سامری به بر کیمسه و یا خود سامری بر کیمسه به طوقونسه او آدم لک هر ایکسی ده حشی خسته لغنه طو تولد قلرندن سامری هر کسندن و هر کس سامریدن قاجار لردی. حتی بو حال سامرینک نسلنه ده انتقال ایتدیکنندن الیوم انسانلرک تماشندن اندیشه ایدنلر کور و لمکده در. سامرینک خلقله اختلاط ایدمه مسمی اضطرار ایدر، اختیاری دکلدرد.

تفسیر مدار کده حضرت موسی سامرینک قتیله امر ایدوب سامری سخی بر آدم اولدیغندن جناب حق قتلنی منع ایتدیکی مرویدر. شو حالده سخاوتی، دنیاچه قتل جزاسندن آنی خلاص ایتشدرد. بناء علیه؛ انسانلر سخاوتی التزام ایله ابناء جنسنه احسان ایدوب کندینه سخاوتی چاره نجات عد ایتک البته لازمدر.

موسی علیه السلام سامرینک احداث ایتدیکی مذهبک بطلاننی بیاندنصرکه بنی اسرائیله دین حق و وحدانیت الهیهی بیان ایتک اوزره « سزک ربک ز الله تعالی در که واحد حقیقیدر و علمی هر شیشه واسعدر » بیورمشدر.

خلاصه؛ موسی علیه السلام سامرینک جزاسی دنیاچه اختلاطدن منع اولونمق

اولدیغنی و حیاته اولدجه « بنی مس ایتک یوقدر، بنی کیمسه مس ایتسون » دیمکدن عبارت بولوندیغنی و آخرتده ابدی جهنم عذابنه دوچار اولاجغنی و معبودینک باطل اولدیغنی بیان ایچون یاقوب کولنی دکزه صاووردیغنی و معبود بالحق آنجق الله و علمنک هر شیشه واسع اولدیغنی بیان ایتدیکی بو ایتک فوائدی جمله سندندر.

**

واجب تعالی موسی علیه السلام فرعون و سائر اقوامله واقع اولان ماجراسنی بیاندنصرکه ام سائر نک احوالی اجمالاً اشارت ایتک اوزره ﴿ کَذٰلِكَ نَقُصُّ عَلَيْكَ مِنْ اَنْبَاءِ مَا قَدْ سَبَقَ ﴾ بیوریور.

[یا اکرم الرسل! موسی علیه السلام احوالی حکایه ایتدیکمز کبی سنک اوزربنه بز عظیم الشان کچمش امتلرک خبرلرینی دخی حکایه ایدرز که امتکدن بصیرت صاحبربنه تنیه و سنک معجزه کی تربید اولسون.]

﴿ وَقَدْ اَتَيْنَاكَ مِنْ لَدُنَّا ذِكْرًا ﴾

[حالبو که حییم! بز کندی عندمزدن سکا شو خبرلر اوزربنه مشتمل اولان قرآنی ویردک که الفاظی ذکره و معناسی تفکره شایاندر و او قرآن سبیلله بز سکا ناس بیتنده ذکر جمیل و حسن صیت ویردک.]

﴿ مَنْ اَعْرَضَ عَنْهُ فَاِنَّهُ يَحْمِلُ يَوْمَ الْقِيَمَةِ وِزْرًا ﴾ خالیدین فیه

[اکر بر کیمسه قرآندن اعراض ایدرسه او کیمسه یوم قیامتده آغیر بر عقوبت کوتورور و بویوک بر کنه یوکلشمش اولور که او کنه ایچنده ابداً قالیر.]

﴿ وَسَاءَ لَهُمْ يَوْمَ الْقِيَمَةِ حِمْلًا ﴾

[و قرآندن اعراض ایدنلر ایچون یوم قیامتده او کنه ای کوتورمک نه قدر کوتو اولدی.]

یعنی؛ حییم! سکا و موسی علیه السلام و حشی ایدوب قومنک هدایتنی بیان ایتدیکمز کبی ام سالفه نک قصدلرینی خبر ویرر و حکایه ایدرز که ایمان ایدنلر مسرور و اهتدا اتمه ینلر خلاصه بیان: طقوزنجی جلد — ۲۵

مايوس اولسونلر وذوى العقوله عبرت وبصيرت صاحبلىنه انتباه اولسون. حالبوكه بزرگا عندالوهيتمزدن لطف واحسان اولارق ائم ماضيه نك اخبارىنى جامع وحقائق معارف واحكام شرايى حاوى قرآنى ويردك. اكر بركىسه قرآنك نزولندنصكره قرآندن اعراض ايدر وسائر منسوخ اولان كتابلردن برينه تمسك ايدرسه او كيمسه يوم قيامتده بويوك كناه وجسيم وبال وعظيم جرم يوكله نير. چونكه؛ ناسخ اولان قرآنى ترك ايدوب منسوخ اولان كتابى اخذ ايتديكى ايچون بويوك جزايه مستحقدر. حقى اوجزاده ابدى قاليجىلردر وآنلر ايچون يوكله نكلىرى كناه نه قدر آغير ونه قدر چيركىن اولدى.

بوآيتده ذكر ايله مراد؛ قرآنره. چونكه؛ قرآنره ناسك محتاج اولديفى سائى ونعيم التره نك انواعنى ذكر مرمورد اولديفى ايجوره قرآنه ذكر ديشمدر.

ابوالسعود افندي نك بيانى وجهله موسى عليه السلامك احوالنه دائر واقع اولان ذكرك عظمت شاننه وعلو مرتبه سنه وعبرته شاين اولديغنه اشارت ايچون بعیده اشارت اولان (ذلك) لفظى وارد اولمش وقرآنك احكامى اتباعه لايق اولديغندن اعراض ايدنلرك يوم قيامتده بويوك وبال آلتنده ابدى قالا جقلىرینه اشارت اولونمشدر.

بوآيتده وزرايله مراد؛ آغير عقوبتدر. قرآنه ايمان ايتيوب موجيله ومقتضاسيله عمل ايتمين كيمسه لرك مؤيد اولارق آغير جزايه دوچار اولاجقلىرینه بوآيت دلالت ايدر. بناء عليه عقلى بولونان انسانه لايق اولان؛ قرآنه تمسك ايدوب سعادت دارينه نائل اولق چاره لرينى دوشونمكددر.

واجب تعالى يوم قيامتده عاصيلرك آغير يوك آلتنه كيره جكلرينى بياندنصكره يوم قيامتى تعريف ايتك اوزره ﴿يَوْمَ يُنْفَخُ فِي الصُّورِ وَنَحْشُرُ الْجُحْرَ مِمَّنْ يَوْمَئِذٍ زُرْقًا﴾ يَتَخَفَتُونَ بَيْنَهُمْ إِنْ لَبِثْتُمْ إِلَّا عَشْرًا * نَحْنُ أَعْلَمُ بِمَا يَقُولُونَ إِذْ يَقُولُ أَمْثَلُهُمْ طَرِيقَةً إِنْ لَبِثْتُمْ إِلَّا يَوْمًا * بيورييور.

[ذكر ايت حبيب! شول كوفى كه اوكونده ناسى محشره جمع ايتك ايچون اسرافيل

طرفندن صوره اوفورولور وبز كفى وسائر معاصى ي اختيار ايدن جرم صاحبلىرى اوكونده كوزلى كوك وچيركىن اولدقلىرى حالده حشر ايدرز. اواصحاب جرم بينلرنده كيزلى اولارق سويله شورلر وديرلركه «سز دنياده قرار ايتديكيز، آنجق اون كون مقدارى بر زمانده قرار ايتديكيز. اوقدر اهميتسز ودكرسز بر زمان ايچون بوقيايى اختيار ايتديكيز» ديمكله بربرلىنى لوم ايدرلر. بز عظيم الشان آنلرك كيزلى صورتده سويلدكلى سوزلرينى بيليرز. زيرا؛ آنلرك طريقت جهندن افضل وسوزى طوغرو اولانلرى «سز دنياده مكث ايتديكيز انجق بركون مكث ايتديكيز» ديرلر. [

يعنى؛ يا اكرم الرسل! ذكر ايت شول زمانى كه اوزمانده صوره اوفورولور. بز مجرملرى اوكونده سه ويلز بر صورتده كه كوزلى كوك ويوزلى سياه بر حالده عرصه محشره جمع ايدرز. آنلر اوكونك شدتندن ومحت ومشتقندن كوردكلى دهشته باقارق قىلبرى قورقو ايله طولدينى ايچون بينلرنده كيزلى اولارق سويله شورلر. صدالرينى چيقارمقسزين بربرلىرینه ديرلركه «سز دنياده اون كون مقدارى برمدتده مكث ايتديكيز. اوقدر برسرور وآنجق برمدت ايچون برچوق قباحت ارتكاب ايلديكيز. شمدى او قباحتلر هپ ميدانه چيقدى». مجرملر بسوزلريله اسفلرينى اظهار وديانك مدتى اوكونك شدتنه نسبتله غايت قليل عد ايدرلر. آنلرك سوزى طوغرى وعقلى زياده وطريقلرنده افضل اولانلرى دنيانك مدتى ده قيصه عد ايدرك «سز آنجق دنياده بركون مقدارى برمدتده مكث ايتديكيز» ديدكلرنده بز آنلرك كيزلى اولارق هر سوزلرينى بيليرز. شو حالده كيزلى سويله شدكلرنده فائده يوقدر. زيرا بزم علممز؛ خفى وجلى جمله اسراره لاحقدر وعلممزدن هيچ برشى غائب دكلدر.

بوآيتده واجب تعالى مجرملرى كوزلى كوك اولارق حشر ايدده جكنى بيانله مشركلى تهديد بيورمشدر. چونكه؛ بيضاوينك بيانى وجهله سياه يوزو كوك كوز انسان ايچون اك زياده چيركىن عد اولونان برمنظره وصورتدر. بالخاصه، عربلرك صوك درجه سومدكلى برسپادر. بناء عليه؛ سياه يوزايله برابر كوك كوزدن تشأم ايدرلر. الله تعالى نك بوآيتده او مثللو صورتى ذم ايتسى حقيقتده سه ويلز بر منظره اولديغنه كاليله دلالت ايدر.

فخر رازينك بيسانه نظراً بو آيتده (زُرْقًا) ايله مراد؛ كور اولمقددر. ياخود

صومزلقد حاصل اولاره کوزلرینک آمیقلمیر . چونکه ؛ صوسزلقدن حرارت مشد اولونجه کوزلرک بهلیرمی عاتدر . حق حرارت مشد اولدجه کوزک سیاهی کولککه تبدل ایتدیکی مرویدر . یاخود ظاهر آیتک دلالتی وجهله صقیقتمه کوزلرینک کولک اولمیر . مهرانکی معنا مراد اولونورسه اولونسون کولک کوز، سیاه یوز اوصاف ذمیمه دندر . دیگر آیتده کافرلرک کوزلرینک کور اولارق حشر اولونا جقلری بیان بو آیت منافی دکلدر . زیرا ؛ قیامتده احوال مختلفدر . کافرلرک بعض موقعده کوزلری کوردیکی کبی بعض موقعده کور اولاجغنه بناء بعض آیتده کور اولاجقلری و بعض آخردده کوزلرینک آجیق و کولک اولاجنی بیان اولونمشدر . چونکه ؛ جرم صاحبزین قیامتده راحت یوقدر . بناء علیه ؛ هر موقعده برکونا عذابله معذب اولاجق وجنایتلرینک جزاسنی لایقی وجه اوزره بولاجقلدر . کافرلر او کونده کورده جکلری شدت سببیله دنیاده عمرلرینی اونوتدقلری ایچون دنیاده اون کون مقداری ودها عقلی اولانلری برکون مقداری مکث ایتدکلرینی سوبله شه جکلرینی جناب حق بو آیتده بیان بیورمشدر . یاخود دنیاده عمرلرینی اونوتمازلر و لیکن او کونک شدتنه نسبتله دنیاده عمرلری نه قدر اوزون اولسه دخی اقل قلیل عد ایده جکلرینی بیاندن عبارتدر .

واجب تعالی یوم قیامت بیاندنصکره کافرلرک یوم قیامتده طاغلرک حالی نه اولاجغنی سؤال ایتدکلرینی بیان ایتک اوزره ﴿وَيَسْأَلُونَكَ عَنِ الْجِبَالِ فَقُلْ يَنْسِفُهَا رَبِّي نَسْفًا فَيَذَرُهَا قَاعًا صَفْصَفًا﴾ لا تری فیها عوجاً ولا امتاً بیوریور .

[یا اکرم الرسل ؛ کافرلر یوم قیامتده طاغلرک حاللری نه اولاجغنی سؤال ایدرلر و دیرلرکه «یوم قیامتک دهشتنده طاغلر ثبات و قرار ایدرلر و حال اصلیلری اوزره قالیرلری، یوقسه آنلرده تبدل و تغیر ایدرمی ؟» . سن آنلرک شو سؤاللرینه جوابده دی که «بم ریم ؛ اوطاغلری یرندن توپاریر ، برقوم بیغینی کبی قیلار و روز کارلرله صاوورر ، هبا اولور کیدر . بناء علیه ؛ اوطاغلرک یرلرینی دوز اووه قیلارکه غایت پارلاق اولارق ترک ایدر . حتی سن اوارض اوزرنده اکریلک و یا یوکسکلک کورده مزسک . زیرا ؛ طاغلر

قوم بیغینی اولوب صاوورولونجه دره تپه کبی برشی قالماز ، حتی هر طرف مساوی براووه اولور . چونکه ؛ ابوالسعود اقدینک بیانی وجهله (قاعاً) دوز اووه و غایت پارلاق و بران دیمکدر . (صفصفاً) هر طرفنره بانلیر یغنه دوز بر صف کبی کورولور دیمکدر . (لا تری فیها عوجاً ولا امتاً) (قاعاً و صفصفاً) افطالرینی تفسیر و آنلرک کیفیتنی بیاندن . فحرارزینک بیانه نظراً سؤال ؛ احوال آخرتدن و اصول اعتقاددن اولدینی جهته درحال جواب و یرمک لازم اولوب جوابک تأخیری جائز اولمادیغنه اشارت ایچون سرعتده دلالت ایدن فالظیلله وارد اولمشدر . بو سؤال ؛ کافرلر طرفندن قیامت و عالمک خراب اولسنی انکار طریقیله وارد اولمشدر . چونکه ؛ کافرلر «برشیتک خراب اولسنی نقصان طریقیله اولور . بناء علیه ؛ عالم خراب اولاجق اولسه اطرافندن تناقص ایتککه باشلار . و تناقص کیتدکجه تزايد ایدر ، نهایت توکمنک طریقیله خراب اولور . حالبوکه عالمده تناقص اولمادیغندن خراب اولق یوقدر » دیرلردی . جناب حق ، خراب اولق تناقص طریقه منحصر اولمایوب دفعه دخی خراب اولق واقع اولاجغنی بیانه جواب و یرلسنی رسولنه امر بیورمشدر .

بو آیت جلیلله یوم قیامتده ارضک غایت پارلاق ، انکیندن و یوکسکدن ، انحرافدن و اعوجاجدن خالی اولاجغنه دلالت ایدر . چونکه ؛ (عوجاً) اکری و (امتاً) یوکسک معنالرینده در .

تفسیر خازنده بیان اولوندیغنه نظراً (بی ثقیف) قبیله سندن برکیمسه نک «یا محمد ﷺ» سنک دیدیکک وجه اوزره قیامتک دهشتی واقع اولونجه طاغلرک حالی نه اولور ؟ «دیمسی اوزرینه یاخود مشرککلرک علی طریق الاستهزا سؤال ایتملری اوزرینه بو آیتک نازل اولدینی مرویدر .

واجب تعالی قیامتک احوالندن بعضیسنی بیاندنصکره بعض آخری بیان ایتک اوزره ﴿يَوْمَئِذٍ يَتَّبِعُونَ الدَّاعِيَ لَا عِوَجَ لَهُ﴾ بیوریور .

[طاغلرک قوم کبی صاوورولوب یر یوزی دوز اووه اولدیغنده جمله ناس داعینک

دعوتنه اتباع ایدر لر و داعینک دعوتی ایچون اصلاً اکر یلک اولماز . زیرا دعوته دلالت ایدن صدانک ایشدلسی هر کسه مساوی اولدیغندن هر کس بولوندیغی مکاندن صدایه طوغرو مساوی اولارق کیدر ، هیچ بر طرفه اکیلمز .

﴿ وَخَشَعَتِ الْأَصْوَاتُ لِلرَّحْمَنِ ﴾

[او کونده انسانلرک صدالری رحمن تعالییه خشوع ایدر و هر کسک صداسی کمال ادب و تواضع اوزره چیقار .]

﴿ فَلَا تَسْمَعُ إِلَّا هَمْسًا ﴾

[بناء علیه ؛ سن ایشیتمزسک ، الا غایت خفیف صدا ایشیتیرسک .]

﴿ يَوْمَئِذٍ لَا تَنْفَعُ الشَّفَاعَةُ إِلَّا مَنْ أَذِنَ لَهُ الرَّحْمَنُ وَرَضِيَ لَهُ قَوْلًا ﴾

[ناس محشره دعوت اولونوب طولاندیغی کونده هیچ بر عاصییه شفاعت منفعت ویرمز ، الا رحمن تعالی نک شفاعته اذن ویردیکی و شفاعت ایچون سوزینه راضی اولدیغی کیمسه نک شفاعتی منفعت ویرر .]

یعنی ؛ ناسک محشره اجتماع ایتملری ایچون دعوت اولوندقلری کونده بالعموم خلقی دعوت ایدن داعینک صداسنه اتباع ایدر و هر کس اوداعی طرفه کیدر لر . چونکه ؛ ارض مساوی اولوب اصلاً اکر یلک اولمادیغندن هیچ بر کیمسه صاغنه وصوله شاشمقسزین طوغریجه سرعتله کیدر . زیرا ؛ اسرافیلک صداسی جملهیه مساوات اوزره ایشیدلدیکندن هر کس شایهاز و او کونده انسانلرک صدالری رحمن تعالییه خضوع و خشوع ایدر که مهابت الهیه و جلالت سبحانیه ایله صدارلر مقهور اولدیغندن سن ناسک صدالری غایت خفیف ایشیتیرسک . چونکه ؛ او کونک شدندن کیمسه بس چیقاره ماز و چیقان صدالره قولاق ویردیکنده غایت ضعیف ایشیتیرسک و او کونده نجات بولوب شفاعت ایده جک کیمسه لک شفاعتی منفعت ویرمز ، الا شول کیمسه نک شفاعتی فائده ویرر که بعض عاصیلره شفاعت ایتمسینه رحمن تعالی نک اذن و یروب اثنای شفاعتده سوزینه راضی اولدیغی کیمسه نک شفاعتی منفعت ویرر . زیرا ؛ شفاعتی قبول ایده جکی کیمسه یه اذن ویردیکندن آنک شفاعتی قبول اولور و شفاعت اولونان عاصی یهده منفعت ویرر .

فخر رازی و خازنک بیاننه نظراً بو آیتده داعی ایله مراد ؛ اسرافیل علیه السلام بیت مقدسده (صخره الله) اوزرینه آاغنی وضع ایده رک خلقی دعوت ایده جکی و دعوتنده «ای چورومش کیمکر و طاغلمش طمرلر و طوبراغه قاریشمش اولان ائلر ؛ قالقک

و حساب ایچون ربکنز طرفه کلک » دیه جکی مرویدر . داعی ایچون عوج اولماق ایله مراد ؛ داعینک دعوتی و صداسی جمعییه مساوی اولمیسیر . بو آیت جلیله ؛ عاصیلر ایچون شفاعتک جوازینه و وجودینه دلالت ایدر . شوقدر که شفاعت ، اذن الهیه یه محتاج اولدیغندن الله تعالی کیمک حقنده شفاعت اولونمغه اذن ویررسه شفاعت آنک حقنده جاریدر ، یوقسه هر عاصی حقنده شفاعتک قبول اولونمیه جغنی جناب حق بو آیتله بیان بیورمشدیر .

واجب تعالی بعض کیمسه لره شفاعته اذن ویرر جگنی بیاندنصکره شفاعتک اذن الهیه ایله اولاجقنک حکمتی بیان ایتمک اوزره ﴿ يَغْلُمُ مَا بَيْنَ أَيْدِيهِمْ وَمَا خَلْفَهُمْ ﴾ بیور یور . [الله تعالی قوللرینک اوکلرنده و آرقه لرنده اولان عمللرینی بیلیر .]

﴿ وَلَا يُحِيطُونَ بِهِ عِلْمًا ﴾

[آنلر کندی عمللرینی علملریله احاطه ایدوب لایقوله بیلمزلر .]

﴿ وَعَنَتِ الْوُجُوهُ لِلْحَيِّ الْقَيُّومِ ﴾

[حیات صفتیه متصف و قوللرینک عمللرینی مراقبه ایله قائم اولان الله تعالی نک حضورنده ظالملرک یوزلری ذلیل اولور .]

﴿ وَقَدْ خَابَ مَنْ حَمَلَ ظُلْمًا ﴾

[حالبوکه ظلمی حامل اوله رق ظلمکار اولان کیمسه محقق ضرر کورور .]

﴿ وَمَنْ يَعْمَلْ مِنَ الصَّالِحَاتِ وَهُوَ مُؤْمِنٌ فَلَا يَخَافُ ظُلْمًا وَلَا هَضْمًا ﴾

[و مؤمن اولدیغی حالده عمل صالح ایشله یین ظلمدن و اجرینک نقصان اولمسندن قورقماز . چونکه ؛ عملنک ثوابی تمام آیر .]

یعنی ؛ الله تعالى دیله دیکي قوللری ایچون شفاعت اولونمسنه اذن ویرر . چونکه ؛ الله تعالى قوللرینک آخرت ایچون تقدیم ایتدکری عمللرینی و دنیا ده براقده قلی خلقلرینی بیلیر ولکن آنلر اوکلرنده اولان عمللرینی و آرقده براقده قلی خلقلرینی بیلمز لر و اول کونده مخلوقاتک یوزلری حی و باقی ، قادر و قیوم اولان الله تعالى حضورنده ذلیل و حقیر و ضرر دیده اولور . وشول کیمسه که الله تعالى به شرک ایتمکه ظلمی حامل اولدی ، او کیمسه ده حقیر و ذلیل اولور . زیرا ؛ شرک سببیه بالکلیه عمللری باطل اولدیغندن اصلاً منفعت کورمدکری کبی محقق بوبوک ضرر کورور لر . بر کیمسه که وحدانیت الهیه ایمان ایدیچی اولدیغی حالده دنیا ده عمل صالح ایشلر سه سیئاتی اوزرینه زیاده اولونمقله ظلم اولمقدن و حسناتک اجرینی نقصان آلمقدن قورقماز . چونکه ؛ سیئاتک عین جزاسنی کورور و سیئاتندن زیاده جزا ویرلمکه ظلم اولونماز و حسناتک تمام ثوابی آلیر ، نقصان اولماز . بناء علیه ؛ مؤمن اولان کیمسه نک هر ایکی جهتندن اصلاً اندیشه سی بولونماز . زیرا ؛ الله تعالى محشره جمع اولان کیمسه لک کچمش وکله جک جمله حاللرینی بیلدیکندن شفاعتله قورتولاجق و قورتولیه جق کیملر اولدیغی بیلیر واکا کوره اذن ویرر و الله تعالى آنلرک هر حالی بیلیر ، علمی جمله سنی محیطدر . اما آنلر الله تعالى بی علمله احاطه ایده مز لر و حی و قیوم اولان واجب تعالى نک حضورنده بالعموم انسانلر ذلیل و حقیر اولور لر ، اصلاً سوز سوبلمکه مجاللری اولماز و یوم قیامت شرک کوتورن کیمسه رحمت الهیه دن محروم اولدیغی جهتله متضرر اولور . بر کیمسه مؤمن اولدیغی حالده اعمال صالحه ایشلر سه ظلم و حسناتک ثوابی نقصان اولسندن خوف ایتمز . زیرا ؛ عدالت الهیه هر کسک خیر و شر عملنه کوره مجازاتی اقتضا ایتدیکندن هر کس امین و بوجهندن مطمئن القلب اولاجغه بو آیت دلالت ایدر .

بو آیتده ذلیل اولاجم بوزلر دیمش ایسه ده اشخاصی مراددر . چونکه ؛ ذل و حقارتک اثری بوزده ظهور ایتدیکی ایچونه یوز ذکر اولونمشدر ، حالبوکه حقیقتده یوزک صاحبی مراددر . یوم قیامتده عاصیلر ملک قهار یدنده اسیرلره بکزه دکلرندن یوزلرینک ذلیل اولاجغی بیسانده عنت کله سی وارد اولمشدر . چونکه عانی ؛ اسیر معنسانه در . هضم ایسه نقصانه معنسانه در .

(ابو امامته الباهلی) ، رسول اللهک « اسم اعظمی سورة بقره و آل عمران و طه ده آرایک » بیوردیغی روایت ایتمکه برابر بو اوج سورده نک مشترک اولدیغی حی و قیوم اسملری اولدیغی دخی راوی بیان ایتمشدر . واجب تعالى انسانه یوم قیامتده نازل اولاجق مجازاتدن قورتولق احتمالی اولما دیغی و آخرتک حالی اکثریت اعتباریه بو دنیا به مخالف اولدیغی بو آیتلره بیان بیورمشدر .

* *

واجب تعالى ، قوللرینک کندی عمللرینی علملریله لایقیه احاطه ایده مدکری حالده ذات الوهیتک ، اوکارنده و آرقه لرنده اولان عمللرینی بیلدیکنی و ظالم لک یوزلرینک ذلیل اولدیغی و ظالم اولان کیمسه لک محقق ضرر کوره جکنی و مؤمن اولدیغی حالده عمل صالح ایشلر یلرک اجرینک نقصان اولیه جغی بیاندنصکره قرآنک لسان عرب اوزره نازل اولدیغی و معاصیدن اتقا ایتلری ایچون وعد و وعیدنی تکرر صورتیه تفصیل ایلدیکنی بیان ایتک اوزره ﴿ وَكَذَلِكَ أَنْزَلْنَاهُ قُرْآنًا عَرَبِيًّا وَصَرَّفْنَا فِيهِ مِنَ الْوَعِيدِ لَعَلَّهُمْ يَتَّقُونَ أَوْ يُحْدِثُ لَهُمْ ذِكْرًا ﴾

[شو سورده ده وعیدی و احکام کثیری متضمن اولان آیتلری انزال ایتدیکمز کبی احوال دنیا و احوال آخرتی جامع اولان کتابی لسان عرب اوزره قرآن اولارق انزال ایتدک و او قرآنده وعیده و تهدیداته متعلق اولان مسائلی بز تکرار اولارق تفصیل ایتدک که آنلر معاصیدن اتقا ایتسونلر و یاخود قرآنک وعیداتک تفصیل و تکرری ، آنلره ذکر و موعظه اولسون و عبرتی تجدد ایتسون که آنلر ائم ماضیه نک حاللرینی وار تکاب ایتدکری معصیتلردن طولایی مبتلا اولدق لری بلایایی تکرار و تکرار ذکر ایدوب ایشیتمکه منته اولسونلر و محرماندن نفسلرینی وقایه ایتسونلر .]

فخر رازینک بیانی وجهله قرآنده تکرر ایدن وعیدآنده فرائض و محرمات محمدسی داخلدر . چونکه وعیداتک تفصیلی آنلرک اتقا ایتلری ایچون اولدیغی بیان ؛ وعیدک هم فرائضه هم ده محرماته شامل اولسنی اقتضا ایدر . زیرا اتقا ؛ فرائضه دقت و محرماندن

اجتنابه حاصل اولور. شو حالده معنای آیت: [یز علوم عالمی جامع اولان کتابی لسانه عربی اوزره انزال و وعیداتی تفصیل ایتدک که آنلر فرائضه دقت و محرماتدن اجتنابه متقی اولسونلر و یا خود قرآن آنلره وعظ اولارق طاعات الهیهیه دعوت ایتسون.] انسانلره عبرت، قرآنک تلاوتیه حاصل اولسی ایجاده مشابه اولدینی جهته قرآنک آنلره ذکر ایجاد ایده جکی بیان اولونمشدر. تقوی؛ قبیح اولره شیئی ایشده مکرره عبارت اولدیغیمده انسانلره اسناد اولوندی. چونکه اتقا؛ انسانک صفتیدر. اما عبرت؛ قرآنک تأثیریه حاصل اولاجغندن قرآنک اخداثنه نسبت اولونمشدر. قرآنک عربی العباده اولارق انزال اولونمش رسولک نشأت ایتدیکی قوم، عرب اولوب آنلر قرآنک معجز اولدیغنی بیلوب تصدیق ایتدکدنصکره دیگر اقوامک تصدیققری قولای اولاجغنه بناء شریعتک تعمینده سهولت ایچوندی. قرآنی انزالده اتقا و یا عبرتدن خالی اولمایوب البته بونلردن بریسی حاصل اولاجغنه اشارت ایچون (او) کلمه سی وارد اولمشدر. چونکه؛ بومقامده (او) لفظی منافات ایچون دکلدر، بلکه شرایکی امرده مالی اولامی معناسنه در. شو حالده هم اتقا همده عبرت اولایلدیکی کبی هیچ اولمازسه قرآنک انزالی ایکی فائدهدن بریسی افاده ایتمکدن خالی اولماز دیمکدر. یعنی قرآنک انزالی انسانلرک اتقاسی و عبرتی ایچوندی و یا خود اتقا اولمازسه عبرت افاده ایدر.

خلاصه؛ قرآنک عربی اولارق انزال اولونوب وعد و وعیدینک تکرر صورتیه تفصیل اولوندینی وانسانلری اتقایه دعوت و عبرته سوق ایچون نازل اولدینی بو آیتدن مستفاد اولان فوائد جمله سنددر.

**

واجب تعالی قرآنک انسانلره بخش ایده جکی منافعت خلاصه سنی بیاندنصکره ذات الوهیتک عظمتنه اشارت ایتک اوزره ﴿فَتَعَالَى اللَّهُ الْمَلِكُ الْحَقُّ وَلَا تَعْجَلْ بِالْقُرْآنِ مِنْ قَبْلِ أَنْ يُقْضَى إِلَيْكَ وَحْيُهُ وَقُلْ رَبِّ زِدْنِي عِلْماً﴾ بیوریور. [ازلاً و ابداً ثابت و دائم و عموم مخلوقاته مستولی اولان الله تعالی مشرکک دیدکلی

نقصان صفتلرک جمله سندن تنزه و تعالی ایتدی. حییم! سن قرآنک وحی، جبریل طرفندن سکا قضا اولونوب اکمال اولونمازدن اول تلاوتی عجله ایتمه و سن «یاری! علممی زیاده ایت و قرآنک نفائس معلوماتی احسان ایت» دی که رموزات و اشاراته واقف اولاسک. [واجب تعالی نک ملکی زائل اولیه جغنه و باشقه برکیمسه طرفندن کلدیکنه اشارت ایچون ذاتی و یا خود ملکی حقله توصیف بیورمشدر. ابوالسعود افندینک بیانی وجهله بو آیت واجب تعالی به استعظام اولدینی کبی بالعموم اوامر و نواهینک و وعد و وعیدینک وجهله افعالک علو شأنه دلیل در.

واجب تعالی نک ذاتنده و صفاتنده شریکی اولمادینی کبی مخلوقاتدن هیچ برشیثک مشابه اولمادیغنه اشارت ایچون ذاتی علویتله توصیف بیورمشدر و امر و نهینک جمله ملکوتنده نافذ اولوب وعدینه امید اولونوب و وعیدندن خوف و خشیت اولونمغه لایق و شایان اولدیغنه اشارت ایچون ملک اولدیغنی بیان بیورمشدر. چونکه؛ ملکک امرینه البته اطاعت اولونور. بناء علیه امر الهی به اطاعت؛ واجبدر.

بو آیت جلیله، قاضی و تفسیر خازنده بیان اولندیغنه نظراً وحی کلدیکنده قرآنی تلاوته مسارعندن رسول الهی نهی ایتشدی. چونکه؛ جبریل امین وحی ایله کلدیکنده نساندن حذر ایچون رسول اللهک کمال سرعتله جبریل امینله برابر تلاوت ایدر. حالبوکه وحی تمام اولمقسزین تلاوت ایتک تمامیه تلقی به مانع اولاجغندن جناب حق وحی، جبریل امین تماماً تبلیغ ایتمکسزین قرائته مسارعندن نهی بیورمشدر. زیرا؛ وحی منزک کالیله معانیسنی آکلامق مطلوب اولدیغندن عجله ایتک شومطلوبه مانع اولمق احتماله بناء نهی وارد اولمشدر. شو حالده امر شرعیده عجله دن نهی اولونجه سائر خصوصاتده عجله نک منهی اولاجنی اولویتله ثابت اولور. بافهم قرآنک احکامی امتنه علی العجله تبلیغدن نهی ایتمکدر. بوکا نظراً معنای آیت: [یا اکرم الرسل! جبریل امین وحی تماماً سکا تبلیغ ایدوب سن معانیسنی کالیله کشف ایدوب اطرافیه حقایقنه مطلع اولمقسزین امتکه قرآنک احکامی تبلیغده عجله ایتمه و زیاده علم طلبندن ده کبرو طورما] دیمکدر. شو حالده انسان ایچون علمه سعی ایتک و جناب حقندن دائماً علمنک زیاده اولمسی طلب ایتک بر وظیفه و جیه اولدیغنه بو آیت دلیل و انحرور. جناب حقک رسولنه علمده زیاده طلبی

امر ایدوب علمدن بشقه برشیده زیاده طلبی امر ایتدیکی تفسیر خازنک جمله بیاناتنددر.
ابن مسعود حضرتاری بو آتی تلاوت ایتدیکنده (اللهم زدنی علماً و ایماناً و یقیناً)
جمله لطیفه سیله دعا ایتدیکی مرویدر.

* *

واجب تعالی ام سالفه نك بمضیلرینك خبرلرینی بیاندنصرکه حضرت آدمك خبرینه
اشارت ایتك اوزره ﴿وَلَقَدْ عَهِدْنَا إِلَىٰ آدَمَ مِنْ قَبْلِ فَتَنَىٰ وَلَمْ يُخَذِّ لَهُ عَزْماً﴾
بیوریور.

[ذات الوهیمه قسم ایدرم که بزبوندن اول پدریکز آدمه امر ونهی ایتدک و دیدک که
« سن وزوجهك شوشجره یه یقین اولمايک ومیوه سندن اکل ایتدیک » . بزم بونهیمزی ،
شیطانك اغواسیله نسیان ایتدی . مع هذا نهیمزك فائده سی کنده عائد ایکن او فائده یی
محافظه ایدمه مدی و بز آنک ایچون عهدی محافظه ده جدیت و صداقت بولماق و رأینده
اصابت کورمدک .] شو حالده نقض عهد یالکیز سزک زمانکزه مخصوص دکدر .
بوندن اول کچنلرده حتی پدریکز آدمه بیله وقوع بولمشددر . بناء علیه ؛ قرآنك حفظنده
عجله ایتمه مکزی توصیه مز عجله ایله سزی نسیاندن وقایه در . چونکه نسیان ؛ پدریکز
آدمه وقوع بولدیغندن جمله بنی آدمه نسیان واقعدر . (عزماً) (صبراً) معنسنه در .
بوکا نظراً معنای نظم : [بز آدم ایچون نهی اولوندیغنی شیئه صبر بولماق .] دیمکدر .
یاخورد (عزماً) (رأياً) معنسنه در . یعنی « بز آدم ایچون عهدیغنی ونهی اولوندیغنی شیئی
محافظه ده صواب بر رأی بولماق » دیمکدر . یاخورد « آدم ایچون امر مزه مخالفته قصد
وعزیمت بولماق . زیرا ؛ نسیان سببیه خطاده واقع اولدی » دیمکدر . ابوالسعود
اقتدینك بیانی وجهله حضرت آدمه واجب تعالی نك عهدی ؛ امری ونهی و منافعی
محافظه سنی توصیه سی وبالخاصه شیطانك اغفالاتنه آلدانماسنی تنبیهی در . یاخورد « نهی اولوندیغنی
شیدن اجتناب ایتمکده جدیت صاحبی بولماق . چونکه ؛ دشمنی اولان شیطانك سوزینه
در حال آلداندی » دیمکدر . یاخورد « آدم علیه السلامه بز امر ایتدک ، امر مزی اونوتدی
وایشله دیکنی ایشله دی ولکن ایشله دیکنی شیئی عن قصد ایشله مدی . زیرا ایشله دیکنده

بز آدمه عزیم و جزم بولماق . چونکه ؛ نسیان سببیه اولدیغندن خطایی قصد ایتك
یوقدر » دیمکدر .

بیضاوینك بیانی وجهله بووقعه حضرت آدمك ابتداء حالنده واقع اولدیغندن هنوز
امور کورمه مش اولدیغنی و تجربه سی سبق ایتدیکی ایچون شیطانك اغفالاتنه آلدانمشددر .

* *

واجب تعالی حضرت آدمك عهدیغنی نسیان ایتدیکنی بیاندنصرکه ملکوره سجده
ایله امر ایتدیکنی بیان ایتك اوزره ﴿وَإِذْ قُلْنَا لِلْمَلَائِكَةِ اسْجُدُوا لِآدَمَ فَسَجَدُوا
إِلَّا إِبْلِيسَ أَبَىٰ﴾ بیوریور .

[ذکر ایت حییم ! شول وقتی که او وقته بز ملکوره « آدمه سجده ایدک »
دیدک . ملکوره سجده ایتدیلر ، آنحق ابلیس سجده دن امتناع ایتدی .]

یعنی ؛ یا اکرم لرسل ! ذکر ایت شول زمانی و آدمه بینمزده واقع اولان عهدی
واو عهدده مخالفت ایتدیکی زمانی که او زمانده آدمك عهدی نسیان ایتدیکی ، واو
خطاسنده عزیمت و ثبات صاحبی اولما دینی سنك ایچون تین ایتسون . بز او زمانده ملکوره
« آدمه تذلل و تعظیم ایله سجده ایدک . زیرا آدم ؛ سزدن افضلدر » دیدک . بوا مر مزه
امثالاً ملکوره در حال سجده ایتدیلر ، الا ابلیس سجده دن امتناع ایتدی . چونکه ؛
کبر و غروری سجده یه مانع اولدی . سجده ایدن ملکوره جمیعسی اولدیغنی و حضرت
آدمه سجده تعظیمدن عبارت اولوب عبادت اولما دینی و شیطانك ماکلردن بولما دینی حالده
ملکوره عبادت ایتدیکی جهتله استثنا اولوندیغنه دائر تفصیلات سوره بقره ده سبق ایتدیکی
ایچون بومقامده شیطانك تکرار ذکرینه حاجت کوروله مشدر .

* *

واجب تعالی شیطانك امر الهی یه مخالفتی بیاندن صکره حضرت آدمه وصایاسنی
بیان ایتك اوزره ﴿فَقُلْنَا يَا آدَمُ إِنَّ هَذَا عَدُوُّكَ وَلِزَوْجِكَ﴾ بیوریور .

[ابلیس سجده دن امتناع ایدنجہ بز آدمہ « یا آدم ! ایشته شوسکا سجده ایتہین شخص لیم سکا و سنک زوجہ کہ دشمندر « دیدک .]

﴿ فَلَا يُخْرِجَنَّكُمَا مِنَ الْجَنَّةِ فَتَشْقَى ﴾

[«شیطان سزہ دشمن اولونجہ سزی جتدن چیقار مسون کہ سن مشقته دوچار اولمیه سک، اکر آلتایر سزی جتدن چیقاریرسه سن معیشت خصوصندہ مشقت چکرسک .]

﴿ إِنَّ لَكَ أَلَّا تَجُوعَ فِيهَا وَلَا تَعْرَى ﴾

[« زیرا ؛ یا آدم ! سنک ایچون جتده آجیقمق و عریان قالمق یوقدر .]

﴿ وَأَنَّكَ لَا تَظْمَأُ فِيهَا وَلَا تَصْحَى ﴾

[« وسن یا آدم ! جتده صوصاماز و قوشقلامازسک .] یعنی قوشاق وقتنه تصادف ایدہ رک کونشک حرارتندن اذالاناز و صوبہ محتاج اولمازسک . زیرا ؛ جتده کونش یوق کہ قوشلق وقتی اولسون . اهل جنت دائمی کولکهدن بر نور ایچندہ استراحت ایدرلر، دیمکہ آدم علیہ السلامه بز وصایاده بولوندق .

یعنی ؛ شیطان آدمہ سجده دن استکبار ایدنجہ بز آدمہ خطاباً دیدک کہ « یا آدم ! شوسکا تعظیمدن امتناع ایدن شخص خیث سکا و سنک زوجہ ک حوایہ دشمندر و دشمنانی محققدر . شو حالده سز آنکله مکالمہ ایتہیک و اغفالاتہ آلتایمیک و سوزینی دیکلہ مہیک کہ البتہ شیطان سزی جتدن چیقار مسون . چونکہ ؛ آرزوسی سزی جتدن چیقار مقدر . اکر جتدن چیقاریرسه سن امر معیشتده و سائر خصوصاتده مشقت چکرسک . زیرا جنت ؛ دار سرور و دنیا ایسہ دار محنت و کلفتدر . اکر شیطان سزی اغفال ایدر جتدن اخراج ایدر سہ او کلفتده واقع اولورسکز . جتده قرار ایدر سہ کز اصلا کلفت کورمزسکز . زیرا ؛ سنک ایچون جتده آجیقمق و آجیق قالمق یوقدر . چونکہ ؛ اکلّی دائم آرقسی کسيلمز و البسہ سی اصلا اسکیمز و لباسلری توکنمز و کسب ایتک و قازانمق مشقّی یوق و هرشی حاضر در وسن جتده اصلا صوصامازسک . زیرا صوصامق ؛ شدت حرارت ایجابیدر، جتده ایسہ حرارت یوقدر وسن کونش کورمزسک . چونکہ ؛

جتده کونش یوقدر کہ قوشلق وقتی کونشک حرارتندن کولکہیہ محتاج اولاسک . بلکہ اهل جنت دائمی بر کولکہ آلتندہ درلر « دیمکہ بر جوق و صایاده بولوندق .

فخر رازینک بیانی وجهله ابلیسک عداوتنه سبب ؛ او میرد برنجیسی ؛ مہررد . چونکہ ؛ ابلیس آدم علیہ السلامک اوزرنده اللہک نعمتلرینی کورونجہ حسدی غلیان ایتدیکندن عداوتی اظهار و اصرار ایتدی والی یوم القیام اولاد آدم اوزرنده عداوتہ دوام ایتمکده در . ایکنجیسی ؛ حضرت آدمک عالم بر دلیقانی اولوب کنربنک بر شیخ جاهل اولمیرد . چونکہ ؛ جاهل بر اختیار عالم بز کنجہ بغض ایتمکدن خالی قالماز . او چنجیسی ؛ اساس مادہ لری مخالف اولمیرد . چونکہ ؛ ابلیس آتشدن و آدم علیہ السلام ایسہ صوایله طوپراقدن خلق اولونمشلردر . صوایله آتش بیتندہ اولان عداوت آنلردن خلق اولونان کیمسہ لر بیلرینده انتقال ایتشدر . بیضاوی و خازنک بیانلری وجهله مہرہ قدر جتدن حقیقتده آدمی و زوجہ سنی اخراج ایدہ جک اللہ تعالی ایسہ دہ اخراجلرینہ سبب شیطانک و سوسہ سی اولدینی ایچون اخراج شیطانہ اسناد اولونمشدر .

فخر رازی و بیضاوینک بیانلری وجهله جتدن چقینجہ مشقت حضرت آدمہ و اهلنہ برابر اولدینی حالده رجل ، اولاد و عیالک قیمی و آنلرک امیری و رئیس اولدینی جهتلہ رجلک سعادت اولاد و عیالنه سرایت ایتدیکی کبی یالکز آدم علیہ السلامه شقاوتی دخی سرایت ایدہ جکنہ اشارت ایچون « شیطان سزی جتدن چیقاریرسه سن مشقته دوچار اولورسک » دنیلمشدر کہ آنک مشقّی دیکر لرینہ دخی مشقت اولاجقنه اشارتدر . یا خود مشقتلرله مراد ؛ قوت بومی بی کسب ایتمکده اولوب قوت بومی بی کسب ایتمکده زوج اوزرینہ واجب اولدیندن جتدن چیقدرلری صورتده مشقت یالکز آدم علیہ السلامه اولاجنی بیان اولونمشدر . زیرا ؛ کسب مشقّی آدمہ منحصر در ، زوجہ سی حوا کسبلہ مکلف دکادر .

واجب تعالی شویان اولونان وصایا دنصکرہ شیطانک و سوسہ سی بیان ایتک اوزرہ ﴿ فَوَسَّوْا إِلَيْهِ الشَّيْطَانُ قَالَ يَا آدَمُ هَلْ أَدُلُّكَ عَلَى شَجَرَةٍ اخْلُدْ وَمُلْكٌ لَّيْلِي ﴾ یورپیور .

[آدم علیه السلام بزم واقع اولان نصایحمز اوزرینه شیطان آدمه وسوسه ایتدی و «یا آدم! بن سکا میوه سندن اکل ایدن ابدی جنتده قالا جق شجره خلده واسکیمز وتوکنمز بر ملکه دلالت ایدیم کوستره می می؟ اگر آندن اکل ایدرساک ابدی سن واهلک جنتده قالیر راحت ایدرسکمز» دیمکه اغفال ایتکه چالیشدی.

واجب تعالی نک آدم علیه السلامه وصایای جنتده قالسی ایچوندرد، فقط شجره معهوده دن اکل ایتهمک شرطدر. شیطانک وسوسه سی ده جنتده قالمق ایچوندرد و لکن شجره مذکوره دن اکل ایتکم شرطدر. حالبوکه بر شیئتک ایکی نقیصه سبب اولامیه جنی دخی معلومدر. وحضرت آدم ربسی و خالقنی ونصیحتنک خلافتنه حرکتک خطا اولدیغنی بیلدیکی حالده قضاء الهییه برشی حائل اولامیه جفتدن عهدالسهییه نیسیان ایدرهک شیطانک وسوسه سنه آلداندی.

**

واجب تعالی شیطانک وسوسه سی قبول ایتدکرینی بیان ایتکم اوزره ﴿فَاَكَلَا مِنْهَا فَبَدَتْ لَهُمَا سَوْآتُهُمَا وَطَفِقَا يَخْصِفَانِ عَلَيْهِمَا مِنْ وَرَقِ الْجَنَّةِ وَعَصَى آدَمُ رَبَّهُ فَغَوَى﴾ ثُمَّ اجْتَبَاهُ رَبُّهُ فَتَابَ عَلَيْهِ وَهَدَى ﴿بیوریور.

[شیطانک وسوسه سی دیکه یوب قبول ایتدکدنصکره قارنری طویونجهیه قدر اکل ایتدیلر. بیدکری میوندک مقتضاسی؛ تغوط وتبول ایتک اولدیغندن تغوط ایچون ضرورت مس ایدنجه عورت یرلری آچیلیر ومنهی عنه اولان شیئی ارتکابه واقع اولان خطالری ظهور ایدوب جنت اعلانک نظر افته مخالف حاللرک ظهورندن عارض اولان خجالات اوزرینه جنتده موجود آغاجلرک یاپراقلریله اوزرلرینی ستر ایتکه سرعت ایدرلر. منهی اولان شجره دن اکل ایتکم سببیه خطاسی کورونجه ملکلر طرفندن صوت بالا ایله «آدم ربسنک امری خلافتنه حرکت ایتدی وتعیین اولونان طریقه کیمه دی» دنیلیدی. بوندنصکره الله تعالی نک الهامیه درگاه الوهیه رجوع ایتدی. بناء علیه؛ ربی آتی اختیار ایتدی. توبه سی قبول بیورمقله مطلوب جانبیه هدایتده قیلیدی.]

فخر رازی وخازنک بیانلرینه نظراً حضرت آدمک زله سی هر نه قدر کناه صغیره

قیلندن ایسه ده شان آدمه نسبتله بیوک هد اولوندیغنه اشارت ایچون طرف السیدن عصیان ایتدی تعبیر اولونمشدر. یوقسه حقیقتده عصیان یوق، بلکه اجتهدده خطا قیلندندر. بناء علیه؛ انسانلردن هیچ برکیمسه ایچون «آدم عصیان ایتدی» دیمک جائز اولاماز. چونکه؛ بالعموم انبیاء کرام عصیاندن معصوملردر. (فقوی) «منهی اولان آغاجدن اکل ایتمکه مطلوبه واصل اولمق طلب ایتدیکندن مطلوبه واصل و مرادینه نائل اولامادی، بلکه عزت جتدن ذلت دنیایه و راحتدن مشقته انتقال ایتدی» دیمکدر. انبیاء عظامدن اعتقاد یانده و امر تبلیغده اصلاً کناه صدور ایتمز. عمداً وسهواً کناهک صدورندن معصوملردر. اما امر فتواده سهواً صدور ایدرسه ده در حال حقیقت کندیلرینه وحی ایله بیان اولونور. کندی افعاللرنده عمداً کناه صدور ایتدیکنه اکثر علمانک اتفاق واردر.

**

واجب تعالی آدم علیه السلامدن زله نک صدوری اوزرینه جتدن چیقملرینه دائر واقع اولان امرالهییه بیان ایتکم اوزره ﴿قَالَ اهْبِطَا مِنْهَا جَمِيعًا بَعْضُكُمْ لِبَعْضٍ عَدُوٌّ فَأَمَّا يَا تَيْسَنُكُم مِّنِّي هَدَىٰ فَمَنِ اتَّبَعَ هُدَايَ فَلَا يَضِلُّ وَلَا يَشْقَى﴾ بیوریور.

[الله تعالی «اینک جتدن جمیعکمز، بعضیکمز بعضیکمز دشمن اولدیغکمز حالده. اگر سزه بنم طرفدن رسوللر واسطه سیله هدایتکزی تعریف ایدر کتابلرکلیر و هدایمه اتباع ایدن اولورسه دنیاده ضالته ده و آخرته ده شقاوته اولماز» دیدی.]

یعنی؛ آدم علیه السلامی شیطان اغوا ایدوب منهی اولان شجره دن اکل ایدنجه جتدن آنلرک خروجلرینی حکمت الهیه اقتضا ایتسی اوزرینه الله تعالی آنلره «سزک بعضیکمز بعضیکمز دشمن اولدیغکمز حالده دار قرار و سرور اولان جتدن دار ابتلا وغرور اولان دنیایه اینک و دنیایه اینمکه ای» بنی آدم! سزی هدایتدن محروم وضاللت ایچنده مطرود اولارق ترک ایتمز. اگر سزه بنم طرفدن کتاب و شریعت کلیده بنم کتابمه و شریعتمه برکیمسه اتباع و امرینه امثال و نهیندن اجتناب ایدرسه

دنیا د ضلالتده اولماز . چونکه ؛ کتابه اتباع ایدرسه دنیا د هدایتده اولور ، ضلالتده اولماز و آخرتده سعید اولور شقی اولماز . زیرا ؛ شریعتہ تمسکه سعادتہ نائل اولدینی جهته آخرتده عذابدن محفوظ اولور ، دیمکه بنی آدمه هدایتہ اتباعک وجوبی بیان بیوردی . بیضاویئک بیانہ نظراً بو آیتده خطاب : آدمه هوایه در . زیرا ؛ آنلر بوتون انسانلرک اساسی اولدقلری جهته آنلره خطاب جمیعسنه خطاب منزلده در . انسانلرک عداوتلری امور معاشده و امر نکاحده و سایر خصوصاتده کورولدیکی وجهله هر کون منفعتلرینی جلب و مضرتلرینی دفع ایتمک خصوصنده بیکلرجه نزاعه تصادف اولوندینی کی بویوک دولتلر بیتده محاربه لر دوام ایتمکده اولدینی هر کسک کوروب بیلدیکی احوالده در . بو عداوتک الی یوم القیام دوم ایدجهکنه اشارت ایچون واجب تعالی دوامه دلالت ایدن جمله اسمیه ایله بیان بیورمشدر . یاخود خطاب ؛ آدم علیه السلام ایلر در . بونلر ایکی فرقه نیک اساسی اولدقلرندن بونلره خطاب ذریتلرینه دخی خطابدر و ایکی ذریت بیتده عداوت الی یوم القیام دوام ایتمکده در . بو آیتله استدلال ایدره رک (ابن عباس) حضرتلرینک « برکیمسه قرآنی قرائت ایدر و احکامنه اتباع ایدرسه الله تعالی اوکیمسینی دنیا د هدایتده قیلدینی کی آخرتده سؤ حسابدن محافظه ایدر » بیوردینی تفسیر خازنده مذکوردر . زیرا ؛ الله تعالی هدایتہ اتباع ایدن دنیا د ضلالت و آخرتده شقاوتده اولماز بیورمشدر .

واجب تعالی هدایتہ اتباع ایدنک ضلالتده اولیه جغنی بیاندنصرکه قرآندن وسائر کتابلردن اعراض ایدنلرک مبتلا اولدقلری جزای بیان ایتمک اوزره ﴿ وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَمَةِ أَعْمَى ﴾ قَالَ رَبِّ لِمَ حَشَرْتَنِي أَعْمَى وَقَدْ كُنْتُ بَصِيرًا ﴿ بیوریور .

[برکیمسه بنم ذکرم اولان قرآندن اعراض ایدر ایمان و اتباع ایتمزه آنک ایچون دنیا د و آخرتده غایت طار دیرلک محققدر و بز آنی یوم قیامتده کوزی کور اولارق حشر ایدرز . اعمی اولارق حشر ایتدیکنز کیمسه بزه خطاباً دیرکه « ای بنم

بنم ؛ بنی نه ایچون اعمی اولارق حشر ایتدک . حالبوکه دنیا د بنم کوزم کوروردی . مذکور کیمسه بوضورتله اظهار تحسره بولونور .

ذکرله مراد ؛ قرآنه وصفه دولت ایدره جمعه دلائل در . قرآندن اعراض ایدنلرک معیشتده طارلق اولاجنی بو آیتله ثابتدر .

معیشتک طارلقنی ؛ دنیا د ، یاخود قبرده ، یاخود آخرتده و یاخود بونلرک جمعه مندره معیشتک طارلقلرینده هر نه قدر اختلاف و ارسده اصح اولان دنیا د و آخرتده معیشتک طار اولسیر . چونکه ؛ لفظ آتی بونلردن هر جمله سنه حمل ایتمک ممکن اولدیفندن ترجیح بلا مرجح لازم کلسون ایچون جمیعسنی مراد ایتمک اولادر . دنیا د معیشتک طارلقنی ؛ معیشتده زحمت و مشقت اولسه آخرتده امیری اولطایوب هر همتی دنیا د منحصر اولدینی جهته قناعتی مسلوب و هر زمانه زیاده بی طالب اولدیفندره کنه بیه و بیلدر لغتی آذ کورمکه مناسف و منحصر اولقنده ضای اولماز . بناء علیه ؛ دائماً بر طارلق ایچنده معذب اولور دیمکدر . یاخود معیشتک شامنی سبب آنک ایچونه غیر قابولری قایانور . بناء علیه ؛ هر زمه آل اوزاتیر الی بوشه ببقار دیمکدر . قبرینی عذاب طار التیر ، آخرتده طعامی ز قورم و صوری صیوانه صو اولور . و الحاصل هر یرده بر نوع اضطراب ایچنده بولونور . آخرتده کوزلری کور اولور دیمک ؛ یا طوغریجه طوغری به کوزلری کور اولور ، یاخود قلبی کور اولور ، یاخود قیامتده ضیره نائل اولاجن بر بول بولامادیفندره کور کی مضمیر اولارقه قایلر دیمکدر .

خلاصه ؛ قرآندن و قرآنک احکامنی قبولدن اعراض ایدن کیمسه نیک دنیا د فقر وفاقهیه مبتلا اولاجنی وزنکین اولسه بیهله حرص و طمع هر طرفنی احاطه ایدره رک ثروتی کوزی کورمز بر حالده فقرا کی سقائله و طارلقله وقت کچیره جکی و آخرتده اعمی اولارق حشر اولوناجنی و واجب تعالی به « یاری ؛ دنیا د بنم کوزم صاغلام هر شینی کوروردم . بنی نه ایچون اعمی اولارق حشر ایتدک ؛ » دیهرک تحسیرینی اظهار ایدره جکی بو آیتدن مستفاد اولان فوائد جمله سنددر .

..

واجب تعالی « بنی نه ایچون اعمی اولارق حشر ایتدک ، بنم کوزم دنیاده صاغلام ایدی »
دیین کیمسه ویرله جک جوابی بیان ایتدک اوزره ﴿ قَالَ كَذَلِكَ أَتَتْكَ آيَاتُنَا
فَنَسِيتَهَا وَكَذَلِكَ الْيَوْمَ تُنْسَى ﴾ وَكَذَلِكَ نَجْزِي مَنْ أَسْرَفَ وَلَمْ يُؤْمِنْ بِآيَاتِ رَبِّهِ
وَلَعَذَابُ الْآخِرَةِ أَشَدُّ وَأَبْقَى ﴿ بیوریور .

[بزم سکا ویرمش اولدیغمز جزا کبی سن ده دنیاده جنایت ایشله مشدک . زیرا ؛
سنگ احوالکی اصلاح ایچون بزم آیتلیمز سکا کلدیکنده سن او آیتلری انکارله کوشه
نسیانه آتمش ایدک . سنگ دنیاده آیتلیمز نسیان ایتدیگک کبی بوکون نار جهنمه
نسیان اولونور و نار حرمانده مطرود و متروک اولارق قالیرسک و بزم آیتلریزدن اعراض
ایدنلر نار ججیمده نسیان اولوندقلری کبی دین الیهیدن اعراضله شرک ایدوب ده ربسنگ
آیتلرینه ایمان ایتمینلری دخی اشد جزا ایله جزالاندیررز و البته عذاب آخرت دنیاده
و قبرده اولان عذابدن اشد اولدینی کبی دائم و باقیدر ، توکنمز و عذاب آخرتک ارقه سی
کسیلمز .]

یعنی ؛ آیتدن اعراض ایدنلرک جزالری دنیاده معیشت طارلنی و آخرتده اعمی
اولمقدر . آخرتده « بن نه دن بویله اولدم » دیدیکنده « سکا دنیاده رسوللر واسطه سیله
آیتلر کلدیکنده سن او آیتلردن اعراض ایتمش و ارقه که آتمشدک . بوکون سنگ جزاک
نار جهنمه اونوتولمقلغکدر . یعنی اونوتولمش کبی ترک اولونمقدر . زیرا ؛ شهوات نفسانیه که
اتباع و هوا و هوسکه انهماک ایدوب ایمان ایتدک . اسراف ایدوب ربسنگ آیتلرینه ایمان
ایتمین کیمسه نك جزاسنی بز بویله ترتیب ایدرز . الله حق ایچون عذاب آخرت شدتلی
ودواملیدر « دینور . بناء علیه ؛ عذاب آخرتدن نفسی قورقارمق ایچون هر کسک قرآنه
اتباع ایتسی لازمدر .

**

واجب تعالی قرآندن اعراض ایدنلرک عذابلرینی بیاندنصکره ام ماضیه نك اهلا کندن
عبرت آلامدقلرینی بیان ایتدک اوزره ﴿ أَفَلَمْ يَهْدِ لَهُمْ كَمْ أَهْلَكْنَا قَبْلَهُمْ مِنَ الْقُرُونِ

يَمْشُونَ فِي مَسَاكِينِهِمْ إِنَّ فِي ذَلِكَ لَآيَاتٍ لِأُولِي النُّهَى * وَلَوْ لَا كَلِمَةُ سَبَقَتْ
مِنْ رَبِّكَ لَكَانَ لِزَامًا وَاجِلٌ مُسَمًّى ﴿ بیوریور .

[کافرلر بزم آیتلیمز انکار ایدرلرده بزم ام ماضیه نك اهلاک ایتدیگمز آنلری ارشاد
ایتمدی ؛ آیتلیمز تکذیب ایدن ام سالفه نك حاللری بونلره عبرت اولمادی ؛ آنلردن
اول بز عظیم الشان قرون ماضیه دن برچوق کیمسه لری اهلاک ایتدک که بوکافرلر سیروسفرلرنده
اهلاک اولانلرک مسکنلرنده یورورلر و خرابه لرینی کورورلرده عبرت آلامزلرمی ؛ وقوعات ؛
انسانلره عبرت بخش ایتدک ایچون دکللی ؛ چونکه ؛ قرون ماضیه اهالیسی ده بونلر مثللو
یرلر ، ایچرلر ، کزدرلر ، مسکن و مکانلرنده اقامت ایدرکن آ کسزین عذابمز آنلری
اهلاک ایتدیگی کبی بومسکرلری ده اهلاک ایدر . زیرا ام سالفه نك اهلاک کنده ؛ قرآندن
اعراضلری سبیلله بونلردن اخذ انتقامه قدرتمزه دلالت و عقل صاحب لری ایچون آیتلر
واردر . بناء علیه ؛ عقلی اولان او آیتلردن عبرت آلیر قرآنه ایمان ایدر . حییم ! اگر
سنگ امتکک عذابی تأخیر اولونمسنه دائر قضاء الهی سبق ایتمه مش اولسه ایدی آنلرک
عذابی بوکون واجب اولوردی . چونکه ؛ عذابی ایجاب ایدن اسبابلر موجود اولدیغندن
البته عذاب اولونورلردی و لکن آنلرک عذابی ایچون تعیین اولونان یوم قیامتده ومدت
معینه ده اولاجغه دائر حکم الهی سبق ایتدی .]

یعنی ؛ امت محمدیه نك ارشاد ایدوب طوغری یوله سوق ایده جک دلیللر موجود
اولدیغندن آنلرک عبرت آلاملری عین قباحتدر . زیرا ؛ بز قرون ماضیه دن بر چوق
کیمسه لری اهلاک ایتدک . آنلرک خرابه لرنده یورویوب کورویورلر . عقلی اولانلر ایچون
بزم اهلاک مزده قدرتمزه دلالت ایدر علامتدر واردر . اگر بو امتک عذابنک تأخیریه
ووقت معینه ده اولاجغه دائر حکم الهی سبق ایتمه مش اولسه ایدی عاد و نمود قوملرینه
لازم اولان عذاب بوامته دخی لازم اولوردی .

بو آیت جلیلله ده کافرلری حماقتله اتهام و آنلرک جهالتلرینه تعریض واردر . چونکه
« قرون ماضیه نك اهلاک کنده عقل صاحب لری ایچون علامت وار و آنلر عبرت آلورلر »
دیمک « عبرت آلامانلر ایچون عقل یوق » دیمکدر .

واجب تعالی اجلی استیفا ایتمکجه هیچ بر کیمسه بی اهلاک ایتمدیکنی بیاندنصکره
رسول الله صبر ایتمنی توصیه ایتمک اوزره ﴿فَاصْبِرْ عَلَىٰ مَا يَقُولُونَ وَسَبِّحْ
بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ غُرُوبِهَا وَمِنْ آنَاءِ اللَّيْلِ فَسَبِّحْ
وَاطْرَافَ النَّهَارِ لَعَلَّكَ تَرْضَىٰ﴾ بیوریور.

[حبیلم! هر کسک هلاکی اجل معینده اولوب اجل معیندن اول اولما نجه، شانه لایق
اولما یرق کافرلرک دیدکرینه سن صبرایت. آنلرک کلاملرندن قلبکی تضییق ایتمه وربک تعالی نک
مدح و ثنانه مداوم اولدیغک حالده کون طوغمازدن و کون اینزدن اول نقائصدن تنزیه
ایت. زیرا؛ کونک طلوعندن اول امور معاشله مشغول اولونمادیکی کبی کونک غروبندن
اول کسب معاش مضایقه سندن قور تولدیغک زمان اولدینی جهته اشغالدن خالی و قلبک صافی
اولاجنی بر زمان اولدیغدن بویکی وقته تسبیحله مشغولیتی هرشی اوزرینه تقدیم ایت
و کیجه نک ساعتلرندن و دقیقه لرندن بعضیلرنده ربکی نقائصدن تنزیه ایتمدیگک کبی کوندوزک
اطرافنده دخی تنزیه ایت که آخرتده اللهک ثوابندن راضی اولاسک والله تعالی ده سندن
راضی اولور.]

یعنی؛ کافرلرک اذاسنه صبر ایتمک لازمدر. زیرا؛ هلاکری ایچون تعیین اولونان
وقت معینده هلاک اولاجقلردر. اللهک هدایتته و توفیقته حمد و ثنا ایدیجی اولدیغک حالده
صبح و آقشام نمازلرینی ادا ایله ربکی کافرلرک اسناد ایتدکری نقائصدن تنزیه و کیجه نک
ساعتلرندن بعضیسنده یاتسو نمازینی و اطراف نهاده اوکله نمازینی ادا ایت که ربک تعالی نک
ثوابندن راضی اولاسک.

تفسیر خازنده بیان اولوندینی وجهله طلوع شمسدن اول تسبیح ایله مراد؛ صبح
نمازی، غروبندن اول تسبیح ایله مراد؛ ایکنری نمازی، آناء لیلده تسبیح ایله مراد؛
آقشام و یاتسو نمازری، اطراف نهاده تسبیح ایله مراد؛ اوکله نمازیمره. چونکه
وقت ظهر؛ نهارک نصف اولنک آخری و نصف آخرینک اولی اولدینی ایموره اطراف

النهار دینمشدر. یاخود غروب شمسدن اول تسبیح ایله مراد؛ اوکله ایکنری
نمازری و اطراف نهاده تسبیح ایله مراد؛ صبح و آقشام نمازیمره. صبح و آقشام
نمازلرینک زیاده شرفه اشارت ایچون تکرار ذکر اولونمشدر.

شوحالده بو آیت جلیله؛ بش وقت نمازه اشارتدر و (لعل) کلمه سندن مستفاد اولان
رہا و ملک عبده راجعدر. یعنی «اللهک ویردیکی اجر و ثوابندن راضی اولاجنی
امید ایدر اولدیغک حالده بش وقتی ادا ایت» دیمکدر. ایشته قرآنده بش وقت نماز ذکر
اولونمادی «دیه رک تنبلک ایدوب نمازه یان یاقانلرک اعالری بو و بونک امثالی آیتلر ایله
مردود و کلاملری باطلدر. چونکه بیان اولوندینی وجهله آیت؛ بش وقته مقن بر عبادتی
امر ایدیور که اوده نمازدر.

شو توجیه (ابن عباس) حضر تدرینک بیانی وجهله تسبیح له مراد؛ نماز اولدیغنه
نظر آدر. اما تسبیح له مراد؛ نقائصده تنزیه معنانه اولدیغنه معنای آیت: [اوقاتک
جمیعسنده اللهک حمدینه ملابس اولدیغک حالده الله تعالی بی کافرلرک اسناد ایتدکری
نقائصدن تنزیه ایت] دیمکدر.

خلاصه؛ باطلی ترویج ایچون سویله نن سوزلره صبرک لزومی و جناب حقه حمد
و ثنایه مقارن اولارق بش وقته تسبیحه و نمازه دوامک وجوبی و بوعبادته دوام مقابلنده
اللهک ویره جکی ثواب و درجاتدن عبده راضی و خشنود اولاجنی بویاتدن مستفاد اولان
فوائد جمله سنددر.

واجب تعالی رسولنه صبری توصیه ایتد کدنصکره کافرلرک آلرنده بولونان نعمتله
اعتبار و اهمیت ویرمکدن نهی ایتمک اوزره ﴿وَلَا تَمُدَّنَّ عَيْنَيْكَ إِلَىٰ مَا مَتَّعْتَهُمْ
أَزْوَاجًا مِنْهُمْ زَهْرَةَ الْحَيَاةِ الدُّنْيَا لِنَفْثَتِهِمْ فِيهِ وَرِزْقُ رَبِّكَ خَيْرٌ وَآبَقُ﴾
بیوریور.

[ای رسول ذیشان! سن کوزلریکک نظریکی شول شینه اوزاتما که بزآنی کافرلرک

انتقامی ایچون بعض اصنافه ویردک. سن آکا غبطه وامثالک سکاده ویرلسنی آرزو ایدهدرک
تکرار بتکرار نظر ایدوب کوزیکی کافرلرک ماللرینه عطف ایتمه. زیرا؛ آنلری امتحان
ایچون آنلره حیات دنیانک زینتی و بهجتی اولارق بر چوق مال ویردک، اوماللر آنلر
حقارنده نعمت دکلدر. بناء علیه؛ سن آنلرک مالی استحسان ایتمه. زیرا؛ بز آنلرک
ماللرینی تزیدایتدک که کفر و طغیانلری زیاده اولسون و کوره لم که اوماللرله فقرا وضعفایه
مرحمت ایدرلرمی؛ یوقسه کبر و غرورله مست اولوب ظلم و تعدی ایله می مشغول اولورلر؛
ربک تعالی نک سکا ویرمش اولدینی رزق آنلرک مزخرفات دنیویه لرندن خیرلی و باقیدر.
آنلرک رزقلری کچی فانی وزواله معروض دکلدر.]

فخر رازینک بیاننه نظراً بو آیت کافرلرک ماللرینه و زینتلرینه اوزون اوزادی به نظرله
اسف ایتمکدن نهی در. شو حالده دفعه نظرک اصابتی معفودر. ایشته بو آیتک دلالتنه
بناء اکثر علما ظالملرک یوکسک سرایلرینه و سائر زینتاتلرینه نظر ایتمکدن کوزلرینی
منع ایدرلردی. آنلرک متاعلری ایله مراد؛ زینتلری و تلذذلریمر. فتنه لری ایله مراد؛
ماللربنک حقوقه رعایت ایتمک لری ایچونه عذاب اولور و تلذذلریمر. رزق ایله مراد؛ رسول الله
مطوبی اولره نوبتمر، یاخود دنیاه مرزومه اولدینی رزقه طیبیر. چونکه رزق
طیب؛ انسانک عزته مانع اولوبوب شهره ده عاری و امتراضتی موجب اولره رزقمر.

تفسیر خازن و فخر رازیده بیان اولوندیقنه نظراً آیتک سبب نزولی؛ (ابو رافع)
حضرتلرینک روایتله رسول الله مسافر کلدیکندن طعامه احتیاج مس ایتمسی اوزرینه
رسول الله بر یهودی به ابو رافعی کوندر. رجب شریفک غرمه سنه قدر بدلی تأدیه ایدلک
اوزره بر مقدار اون ویرمسی سویلر. یهودی رهن اولما ییجه ویرمز. ابو رافع کلیر رسول الله
یهودینک رهن طلبنده بولوندیقنی خبر ویرر. رسول الله محزون اولارق دمیردن معمول
زره کوملکنی رهن اولارق کوندرمسی اوزرینه بو آیت نازل اولور. شو حالده آیت؛
رسول اللهی و اتباعی تسلیه ایچون نازل اولمشدر.

﴿وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا نَحْنُ نَرْزُقُكَ
وَالْعَاقِبَةُ لِلتَّقْوَى﴾

[حجیم! اهل بیتک نمازله امر و نماز اوزرینه صبرایت.] زیرا نماز؛ فحشا و منکر اتدن
نهی ایدر و نمازی آنلره تبلیغ ایتمکدن حاصل اولان مشقته صبر ایت و فعلکله آنلره
وعظ ایت که سکا باقارق آنلرده صلاتی ادایه مداومت ایتمسونلر. زیرا فعل ایله وعظ؛
لسانله و عظدن ده زیاده تأثیر ایدر. [وامر تبلیغله مشغولیتدن رزقک نقصان اولاجنی
خاطره کلسون. چونکه؛ اهل و عیالک ایچون بز سندن رزق ایسته مه بز. زیرا؛ سنی
و آنلری بز مرزوق ایدرز. و اهل و عیالکی عاقبت حمیده به تشویق ایت. زیرا عاقبت؛
اهل تقوایه مخصوصدر.]

بیضاوی، مدارک و خازنده بیان اولوندینی وجهله رسول اللهک اهل و عیالنه بر ضرر
اصابت ایتمدیکنده صلاته امر ایدوب بو آیتی تلاوت بیوردینی مرویدر. بناء علیه؛ بر بلایه
مبتلا اولان کیمسه بش وقت نمازه و نوافله به مداومت و نمازله استعانه ایدر سه او بلادن
خلاص اولاجقنه اشارت بیورمشدر.

واجب تعالی رسولنه بعض وصایاسنی بیاندن صکره کافرلرک شبهه لری و شبهه لرینک
جوابی بیان ایتمک اوزره ﴿وَقَالُوا لَوْلَا يَأْتِينَا بِآيَةٍ مِنْ رَبِّهِ أَوَلَمْ تَأْتِهِمْ بَيِّنَةٌ
مَنْ فِي الصُّحُفِ الْأُولَىٰ * وَلَوْ أَنَّا أَهْلَكْنَاهُمْ بِعَذَابٍ مِنْ قَبْلِهِ لَقَالُوا رَبَّنَا لَوْلَا
أَرْسَلْتَ إِلَيْنَا رَسُولًا فَنَتَّبِعَ آيَاتِكَ مِنْ قَبْلِ أَنْ نَذِلَّ وَنَخْزَىٰ﴾ بیورمسیور.

[کافرلر دیدیلر که «کاشکه محمد ﷺ بزه نبوتنه دلالت ایدر بر آیت کتیرمش
اولسه ده بزه آنی تصدیق و ایمان ایده ایدک». کآن رسول اللهک صدق دعوا سنه دلالت
ایدر بر دلیل کتیرمدیکنی بیان ایدرلر. آنلر رسوللرینک دعوا سنک صدقه دلالت ایدر
آیت کلدیکنی انکار ایدرلرده بوندن اولکی محفلرک و کتب سماویه نک خلاصه سنی
واحکامنی جامع اولان قرآن آنلره کلدیمی و او بینهنک کلدیکنی انکار می ایدرلر؛ و اگر
قرآن کلزدن اول بر عذابه بز آنلری اهلاک ایتمس اولسه ایدک آنلره ای بزم
ریمز! بزه بر رسول کوندرسه ایدکده دنیاه رذیل و آخرتده رسوای و معذب اولمازدن

اول آیتلیکه اتباع ایتسه ایدک « دیرلر . حالبوکه اک اعلی آیت آنلره کلدیکی حالده ایمان ایتدیلر . قرآن ایسه بینه یونندن آنلره کافیدر . [مع هذا رسول الله برعالمدن تعلم و کتب سابقه یی قرائت و تدرس ایتدیکی حالده کتب سابقه سماویه نك خبرلرینی و ائم سالفه نك احوالی جامع بر بینه کتیرمسی صدق دعواسنه شاهد عادل اولدیغندن بشقه بینیه احتیاج یوقدر .

بو آیت جلیله ؛ شریعتلری ترک ایدن کافرلرک ترک ایتدکلرینه دائر اعتذارلری قالمادیغنی بیان ایتمشدر . چونکه ؛ شریعت کلدی دعوت اولوندیلر اجابت ایتمه ملرینه برسبب قالمادی .

واجب تعالی رسولنه ایمان ایتمین کافرلری تهدید ایتک اوزره ﴿ قُلْ كُلُّ مُتَرَبِّصٍ فَتَرَبَّصُوا فَسَتَعْلَمُونَ مَنْ أَصْحَابُ الصِّرَاطِ السَّوِيِّ وَمَنِ اهْتَدَى ﴾ بیوریور .

(سن آنلره دی که « هر کس حوادث زمانه انتظار ایدیجی در . بناء علیه ؛ سزده انتظار ایدک . یقینده طوغری یول صاحبی و اهتدا ایدن کیملر اولدیغنی بیلیرسکز . » [یعنی ؛ سزدن و بزدن هر بریمز زمانک وقوعاتنه انتظار ایدیجی یز و هر بریمز آخرک هلا که انتظار ایتکده یز . حال بویه اولونجه بزم هلا کمزی انتظار ایدک . بزده کفرکز و سائر معاصیکز سببیه سزک هلا ککزه انتظار ایدیورز . قیامت قائم اولوب امر السی ظهور ایتدیکنده طوغرو یول صاحبی اولانلرک وضاللدن طریق نجاته اهتدا ایدنلرک کیملر اولدیغنی یقینده سز بیلیرسکز . بو آیت جلیله کافرلری تهدیددر .



رومی بیک اوچیوز اوتوز سنه سی کانون اولنک اون بشنجی بازار ایرتسی کونه تصادف ایدن عربی بیک اوچیوز اوتوز اوچ سنه سی صفرینک سکزنجی کونی ایکندی نمازندنسکره اشبوسوره نك ترجمه سی بمونه تعالی ختام بولشددر .

خطا ، صواب جدولی

صحیفه	سطر	خطا	صواب
۴	۹	سوزلری	سوزلرینی
۲۴	۲۰	تَرْیَہ	قَرْیَہ
۲۹	۵	یسته دکلرینه	ایسته دکلرینه
۴۰	۱۸	قالمس	قالمش
۵۰	۱۷	شیئی	شیئه
۵۳	۶	اللهمک	اللهمدن
۶۰	۱۴	اسم معناسنه	اسم مفعول معناسنه
۶۶	۶	تَرْیَباً	قَرْیَباً
۶۷	۲۳	نظر کده	نظریکزده
۶۸	۵	اجزا کنزک	اجزا کنز
۸۱	۱۴	بَزَاءَ	جَزَاءَ
۸۱	۱۹	ایسته دیکی	ایسته دیکنی
۸۴	۱۲	یازیملرم	یازیلرم
۸۸	۴	بر کیمه	بر کیمسه
۱۱۶	۱۳	طلبلری	طلبلریله
۱۱۹	۱۶	یَا	عُمِیَا
۱۲۱	۵	یللری	دیللری
۱۲۶	۲۳	ماهیتنده	معیتنده
۱۲۹	۵	قیه	باقیه
۱۲۹	۱۱	اولسه	اولسه

۱۳۲	۲۰	پیمه سی	پایه سی
۱۳۶	۱۵	نزل	انزال
۱۳۶	۱۸	وصص	وقصص
۱۴۰	۱۵	اولارنده	الارنده
۱۵۲	۱۴	المهتد	المهتد
۱۵۶	۸	دفعله	دفعه
۱۸۵	۲۲	وامثالی	ومثالی
۲۰۷	۱۵	وتوصیه سی	توصیه سی
۲۲۳	۱۶	کچلرینه	کچلرینه
۲۳۱	۱۷	ورویا کبی	وریا کبی
۲۴۰	۶	ضعیلا نیجه	ضعیلا نیجه
۲۴۲	۱۸	ی ز کریا	ای ز کریا
۲۵۰	۱۸	آدابنده	آدابندن
۲۶۰	۲۱	تمیزلند نصکره	تمیزلند کد نصکره
۳۱۹	۱۱	صقین	ساقز
۳۳۱	۲۲	کسی کبی دکدر	کسی دکدر
۳۳۳	۱۴	اذ اجل القدر	اذا حل القدر
۳۳۵	۱۶	یتد کر	یتد کر
۳۴۲	۴	فی کتاب	فی کتاب
۳۵۹	۴	فَرْنَا	فَطَرْنَا
۳۷۸	۱۲	بونلرک	بونلری
۳۸۵	۶	احوالی	احواله
۳۹۴	۸	انزل	انزال

طقوز نجی جلدك فهرستی

۲	سوره اسراء	۶۸	محاوره ده کوزل سوز انتخابی لازم اولدینی
۳	معراج رسول اللهك جسدیله اولدینی	۷۰	وعظده ملایم سویله نك لزومی
۴	هرجسك سیر سربیی قبولی	۷۱	انیادن بعضیسنك دیکری اوزرینه تفضیلی
۵	معراجدن مقصد اصلی	۷۴	قیامتدن اول بلده لرك اهلا کی
۸	بنی اسرائیلک یربوزینی انسادلری	۷۵	هرکسک ایسته دیکی معجزه نك ویرله مسنه سبب
۱۰	بخت نصرک بنی اسرائیله مسلط اولسی	۷۶	معجزه نك ایکی قسمی اولدینی
۱۱	برملتک حکومتی اوملت حقنده نعمتدر	۷۹	زقوم آغاجنک قتنه اولدینی
۱۳	مادیاتک مضویاته مربوط اولدینی	۸۰	ابلیسک بنی آدمی اضلال ایده چکنه عین ایتدیکی
۱۷	قرآنک صفت مادحه لری	۸۱	شیطانله تابع اولانک جزاسنک جهنم اولدینی
۱۸	غضبه اولان دهانک مستجاب اولمادیکی	۸۲	شیطانک وعدی آنجی غروردر
۲۱	هرکسک دفتر اعمالنک بوغازینه طاقیلاجنی	۸۶	مضایقه زماننده انسانلرک فطرت اصلیه لرینه رجوعلری
۲۴	معرفت الهیه عقلیدر ، شرعه محتاج دکدر	۸۹	انسانک مکرم ومخلوقات سائرله اوزرینه تفضیل اولوندینی
۲۴	هلاکی مراد اولان قریه نك اطاعتله زنجینلرینه امر اولوندینی	۹۲	یوم قیامتده هرکسک اقتدا ایتدیکی امامیله چاغیریلاجنی
۲۷	دنیا ده وسعت رزق مقبولیته دلالت ایتز	۹۸	رسوللری ، امتلرینک هجرتله اجبار ایتلری
۲۸	عملندن ثواب ایسته مک اوج شرطه محتاجدر	۹۹	اقم الصلاة آیتنک بش وقت نمازه شامل اولدینی
۳۳	انسانک بوتون عمرنده معامله سی ایکیدر	۱۰۰	مقام محموده دائر تفصیلات
۳۵	اقریابه ومسافره رعایت حقنده	۱۰۳	حقه قارشی باطلک زوالی
۳۶	اسرافک مذمتی	۱۰۴	قرآنک مؤمنلره شفا اولدینی
۳۷	مکارم اخلاقک اساسی	۱۰۶	انسانک برحال اوزره قراری اولمادیکی
۳۹	عطیه ده اقتصادک لزومی	۱۰۸	روح انسانک نه دن عبارت اولدیفته دائر تفصیلات
۴۱	رزق قورقوسنه بناء اولادی قتل جائز اولمادیکی	۱۱۳	مشرک لرك رسول اللهدن آلتی نوع معجزه ایسته دکلری
۴۳	زنانک عالمک خرابنه سبب اولدینی	۱۱۹	اهل کفرک کور ، صاغیر ودیلر اولارلق حشر اولونا جقلری
۴۶	انسانک قتلنی مباح قیلان اسباب	۱۲۴	حضرت موسانک طقوز معجزه سی
۴۷	یتیمک مالنی محافظه وعهدی ایفا		
۴۹	اولچوده وطارتیده عدالتک لزومی		
۵۰	انسانک جمله اعضاسندن مسئول اولدینی		
۵۱	کبرک منهی اولدینی		
۵۷	یرک وکوکلرک جناب حق تسبیح لری		

- ۱۲۷ فرعونك غرقند نصكره بنى اسرائيلك اسكان اولوندينى ارضله مراد
- ۱۲۹ قرآنك متفرق صورتده نازل اولسندى حكمت
- ۱۳۲ اسماء السببه ايله ذكر حقنده تفصيلات
- ۱۳۵ سورة كهف
- ۱۳۷ قرآننى ازالدن مقصد
- ۱۴۳ مؤمن ايله كافرك دنيا نمتنده مساوى اولدقلى
- ۱۴۳ اصحاب كهفك احوالى
- ۱۴۶ اصحاب كهفك كيملر اولدقلى
- ۱۵۳ اصحاب كهفك غارده بولونماقلى كرامت اولدينى وكرامتك دليل عقلى وقلبى
- ۱۵۴ اصحاب كهفك اويقولرينك كيفيتى
- ۱۵۶ اصحاب كهفك كلبي و اويقودن قالقنجه مهم محاوره لرى
- ۱۶۳ اصحاب كهفك عددنده اختلاف
- ۱۶۵ انشاالله جمله سنه دائر تفصيلات
- ۱۶۸ اصحاب كهفك اويقولرينك اوچيوز طقوز سنه اولدينى
- ۱۷۳ زنكبن وفقير جمله انسانلرك نظر شريعتده مساوى اولدقلى
- ۱۷۸ زنكبن كافرله فقير مؤمنك مثاللى و محاوره لرى
- ۱۸۷ قيامتده طاغلك هواده كزوب يرلك دوز اووه اولاجنى
- ۱۸۹ قيامتده هر كسك عمل دقترينك اوكنه قوناجنى
- ۱۹۶ قرآنده انسانلره هر شيك بيانيله برابر انسانك جدالى
- ۱۹۸ اهل كفرك باطل ايله حقى ازاليه چاليشدقلى
- ۲۰۲ حضرت موساك خضرى آرامغه چيقدىنى
- ۲۰۷ حضرت موساك خضره رفاقتى
- ۲۱۴ حضرت موسى ايله خضر آره سنده واقع حادثاتك اسرار خفيه سى
- ۲۱۷ اسكندر ذالقرينك احوالى
- ۲۲۳ سد اسكندره دائر تفصيلات
- ۲۲۸ يا جوج و مأجوج دائر تفصيلات
- ۲۳۴ جنتك اعلاسى فردوس اولدينى و ملكات السببه نك توكنه نديكى
- ۲۳۷ سورة مريم
- ۲۳۹ حضرت زكريا نك دعاسى
- ۲۴۸ حضرت يحيانك طلوعنده وصاى السببه
- ۲۵۰ انسانك توحش ايتديكى اوج زمان
- ۲۵۱ حضرت مريمك احوالى و حضرت عيساك تولدى
- ۲۶۰ حضرت مريمك اوغلايله قومنه كلوب آنلرك اتهمى
- ۲۷۰ حضرت ابراهيمك پدرينه نصيحتى و مناقبى
- ۲۷۷ حضرت ابراهيمك حجر قى و اوغلارينك كندينه احسان اولوندينى
- ۲۷۹ حضرت موساك مناقبى و نبوتله تلطف اولوندينى
- ۲۸۱ حضرت اسمعيلك مناقبى
- ۲۸۲ حضرت ادريسك مناقبى
- ۲۸۵ نمازى اضاعه ايدنلرك جزاسى
- ۲۹۱ كناهكارلرك جهنمك اطرافنه حلقه اولاجقلى
- ۲۹۴ هر كسك يولى جهنم اوزرنده اولان صراط اولاجنى
- ۲۹۷ عاصيلرك تروتلرى هلاك رينه مانع اولامادىنى
- ۳۰۴ متقيلرك بنيدلى و عاصيلرك يايا اولارق حشر اولوناجقلى
- ۳۰۷ الله و ولد اسنادينك كوكلى و يرلى ياره حق قدر بويوك جنايت اولدينى
- ۳۱۰ سورة طه
- ۳۱۵ الله تعالى نك حقى و جلى هر شيكى بيلوب اسماء حسنى صاحبي اولدينى
- ۳۱۸ حضرت موساك طورده كلام السببه به مخاطب اولدينى

- ۳۱۸ حضرت موسايه اياق قابلىنى چيقارمسيلاه امر
- ۳۲۶ حضرت موساك فرعونى طريق حقده دعوتيه مأمور اولدينى
- ۳۳۰ حضرت موساك محافظه سنك والده سنه الهام اولوندينى
- ۳۳۸ حضرت موسى و هرونك فرعونك مجلسنه كلوب دعوتيه مباشرتلى
- ۳۴۱ فرعونك حضرت موسايه ربلرندن سئوالى و آنك جوابى
- ۳۴۷ فرعونك حضرت موسادن معاهده طلبى
- ۳۴۹ حضرت موساك اجتماعه بايرام كونلرينى تعيين ايتديكى
- ۳۵۱ فرعونك خلقه خطاباً نطقى
- ۳۵۶ حضرت موساك معجزه سنى كورنجه ساحرلرك ايمان ايتدكلى
- ۳۶۳ حضرت موساك بنى اسرائيلى آلوب مصردن چيقدىنى
- ۳۶۵ بنى اسرائيلك فرعونك شرندن خلاص ومن وسلوى ايله مرزوق اولدقلى
- ۳۷۰ سامرينك بنى اسرائيلى اضلالى
- ۳۷۶ حضرت هرونك بنى اسرائيله نصيحتى
- ۳۸۰ سامرينك كندى قصورينى اعتراف ايتديكى
- ۳۸۲ سامرينك دنيا ده جزاسى هيچ كيمسه يه تماس ايدمه مى
- ۳۸۵ قرآنندن قاچانلرك يوم قيامتده حاللى
- ۳۸۸ يوم قيامتده طاغلك حالى
- ۳۹۰ يوم قيامتده شفاعتك اذن السببه محتاج اولدينى
- ۳۹۴ انسان ايچون علمنك زياده اولسنى طلبك لزومى
- ۳۹۶ حضرت آدمك عهدى نسيان ايتديكى
- ۴۰۰ حضرت آدمك حوانك شجره منيه دن ييدكلى
- ۴۰۱ حضرت آدمك حوانك شجره منيه دن ييدك نصكره دنيا به هبوطلى
- ۴۰۲ قرآنندن اعراض ايدنلرك دنوى و اخروى معيشتنده طاراق اولدينى
- ۴۰۴ جناب حقك آيتلرينه ايمان ايتمه ينلرك آخريته عذابنك شدتلى و باقى اولاجنى
- ۴۰۵ جناب حقك آيتلرينى تكذيب ايتدكلى جهنمك هلاك اولان امم ماضيه نك حاللرندن عقل مساجبرى ايچون بك چوق عبرتلى بولوندينى
- ۴۰۶ بش وقت نمازك اداسنك واجب واداسى حالنده جناب حقك خوشنود اولدينى
- ۴۰۷ كافرلره ويريلن مال و ممالك آنلر حقنده نعمت اولمادىنى
- ۴۰۹ بش وقت نمازه مداومت اولوندينى زمان بلالردن خلاص اولوناجنى
- ۴۱۰ قرآن عظيم الشانك پيغمبريمزك صدق دعواسنه شاهد عادل اولدينى و كافرلرك شريعتى ترك ايتدكلى دنيا دائر اعتذارلرينك قالمادىنى

کتابخانه مجلس شورای اسلامی
تألیف: ...
مکتب: ...



کتابخانه مجلس شورای اسلامی
تألیف: ...
مکتب: ...

۲۹۵۴

خلاصه البیاض

فنیة البیاض

القرآن کریم ...
مقیم تفسیر صاحب ...
کند و مستند ...
قوله: ...
وقف و تبرع ...
قبول اید ...
فقیر ...
امانت ...
بصده ...
او نجی ...
قید اید ...
بولند ...
محمد و ...
قونیہ ...
العبد الفقیر ...
حامد ...

شهرزاده باشی : اوقاف اسلامیہ مطبعہ سی
۱۳۴۳ - ۱۳۴۰



جَلَاةُ الْبَيِّنَاتِ

— اُون يَدْنَجِي جَزْؤُ —

— سورة انبياء —

مكة مكرمه ده نازل اولان سوره لردندر . بوز اوده ايكي آيتي جامعدر .

بِسْمِ اللَّهِ الرَّحْمَنِ الرَّحِيمِ

﴿ اقْتَرَبَ لِلنَّاسِ حِسَابُهُمْ وَهُمْ فِي غَفْلَةٍ مُّعْرِضُونَ ﴾

[ناسك محاسبه زمانى ياقلاشدى . حالبوكه آنلر محاسبه لرندن غفلتده در و محاسبه ايچون حاضر لقدن اعراض ايدرلر .]

يعنى ؛ ناس ايچون دنيا ده ايشله دكلرى عمللرك و نائل اولدقلى نعمتلرك محاسبه زمانى تقرب ايتدى . حالبوكه ناس حسابدن ويوم قيامتدن واللهم كنديلرينه نه كهي معامله ايدجكندن غفلتده اولدقلى حالده اعراض ايدرلر ، اصلا بو خصوصلرى دوشونمزلى و حاضر لقدم بولونمازلى و باشلرينه كله جك عذابدن جهالت و سهو و غفلتده دوام ايدرلر . مع هذا عقل سليم صاحبي دوشونونجه شريعتده تمسك ايدنلر ايله ايتمينلر ، عابدلر ايله فاسقلر و مؤمنلر ايله كافرلر بينى تفريق ايدجك بر محاسبه نك و جزانك لزومنه حكم ايدر . زيرا ؛ الله تعالى انسانلرك دنيا ده نه كهي عمل ايشله دكلرينى و امرينه اطاعت و نهيندن اجتناب ايدوب ايتدكلرينى و بدنلرينه و مأكولات و مشروباته و اولاد و عياله متعلق نائل اولدقلى نعمتلره شكر ايدوب ايتدكلرينى البته سئوال ايدجكدر . اكر سئوال و حساب اولسه ايلرله كوتورك و عاصيلرله مطيعلرك فرقى اولماق لازم كلير . بوايه حكمت تكليفه و عدالته مخالفدر . چونكه ؛ سئوال و جزا اولمايجه تكليفده بر فائده اولماز و ناسك

اُون يَدْنَجِي جَزْؤُ

فِي تَنْبِيْهِ الْفَرَادِ

سورة انبياء
(٣)

حاله كذاجه رسوللر واسطه سيله قيامتك و محاسبه نك دليللرى ذكر اولونديغنده ديكله ميوب اعراض ايتكدر .

فخر رازى ، خازن و نيسابورينك بيانلرى و جهله ناس ايله مراد ؛ محاسبه اهل اولاده مكلفيندر . چونكه ؛ صبيان و مجانين كهي مكلف اولمائلره حساب يوقدر . غافل و كناهكار اولانلره تنبيه ايچون حساب زمانك تقرب ايتديكي بيان اولوندينى كهي قيامتك زمانى ده كيزله نمشدر كه هر كس هر ساعتده قيامته انتظار ايتسون و مهلكه سنى موجب اولان معصيتدن واز كچسون .

هر نه قدر آيتك نازل اولدينى زمانه نسبتله قيامتك زمانى اوزاق ايسه ده كچمش زمانه نسبتله يقين اولوب و هر كله جك كچمشه نسبتله قريب اولمسنه بناء آيتده حساب زمانك يقين اولدينى بيان اولونمشدر . بناء عليه ؛ انسانلر عرصه كبراده محاسبه دن اول بودنياده نفسى محاسبه ايدوب محك شريعتدن كچيرمك لازمدر كه بويوك محاسبه ده سئواله جوابى قولاي اولسون .

نيسابورنده بيان اولونديغنه نظراً (ابن عباس) حضرتلرندن بو آيتده ناس ايله مراد ؛ آخرته ايمان ايتمينه كيمسدر اولديغى مرويدر . چونكه (وهم فى غفلة معرضون) نظم جليلي ؛ ناس له مرادك اهل كفر اولمسنه دلالت ايدر . كرچه حساب مكلف اولان ناسك هپسنه واقع اولاجق ايسه ده غفلت ايچنده اعراض ايدن كيمسه لر آخرته ايمان ايتمين كيمسه لردر . زيرا ؛ تماميله حسابدن اعراض و تداركدن غفلت آنلرك صفتلريدر .

خلاصه ؛ قيامتك كلسى نفسنده اوزاق اولسه دخی ناس آنا فنا قيايمته ياقلاشمقدم اولدقلى جهته كچمش زمانه نسبتله قيامتك يقين اولدينى و خير و شر جزا ايچون حسابلرينك زمانى تقرب ايتديكي و حالبوكه ناس قيامتدن غافل و حسابلرينه دلالت ايدن آيتلرى ديكله مكدن اعراض ايتدكلرى بو آيتدن مستفاد اولان فوائد جملة سندندر .

واجب تعالى ناسك حسابدن غفلتده اولدقلى بيناندىن صكره آنلرى ايقاظ

ایده جک دلیلبری استهزا ایتدکری بیان ایتک اوزره ﴿ مَا يَأْتِيهِمْ مِنْ ذِكْرِ مِنْ رَبِّهِمْ تُخَدِّثُ إِلَّا اسْتَمْعُوهُ وَهُمْ يَلْعَبُونَ ﴾ بیوریور .

[آنلره ربلرندن یکی بر ذکر وقرآندن برآیت کلز ، الا آنلر اوآی استهزا ایدر اولدقلری حالده ایشیتیرلر .]

یعنی ؛ ناسه ربلری طرفندن تنیه وغفلتدن ایقاظ وجهالتدن قورتارمق ایچون قرآندن برآیتدن صکره یکی برآیت کلز ، الا آنلر اوآی استهزا ایدر واینار اولدقلری حالده ایشیتیرلر . چونکه ؛ آنلرک غفلتلی نهایت واروب دلائلی تدقیقندن اعراضلی وعواقبی دوشونمکدن غایت اوزاق اولملری و دنیوی و اخروی منفعتلری تفریق ایتمهملری آنلری قرآنک آیتلری استهزایه قدر سوق ایتمشدر . بناء علیه ؛ قرآنک سورهلری و آیتلری کلدکه آنلر اوآیتلری برطاقم خرافاته قیاس ایده رک اهمیت ویرمدکلی کبی عادتا لعیاتدن عد ایده رک اکلنیرلر .

ابوالسعود افندینک بیانی وجهله کافرلرک کفرده شناعتلری اظهاری و کفران نعمتده حدی تجاوز ایتدکری بیان ایچون انواع نعمتله تربیه ایتدیکنی مشعر اولان رب اسم شریفی وارد اولمشدرکه بو ذکرک ، مریبلری اولان الله تعالی طرفندن کلدیکی حالده استهزا ایتدکری بیانه قباحتلری اعلان اولونسون . کافرلرک دوام واستمرار اوزره اوینادقلرینه اشارت ایچون استمراره دلالت ایدن مضارع صیغه سیله (یلعبون) وارد اولمشدر . فخررازینک بیانی وجهله بو آیتده ذکرله مراد ؛ قرآنک آیتلری وسوره لریم .

محدث اولمسی ایله مراد ؛ حوادث واسباب تعاقب ایتدیکنی اقتضاسنه کوره حوادثک اصطلاحی مل وفصل ایتک اوزره آیتلرک وسوره لرک بعضی کلوب آنر نصکره بعضه آنرک کلمبیر . شوحالده محدث دیمک یکی اولورده ایمانه کوره کلیم دیمکدر . یوقسه معتزله نک دیدکلی کبی اللهله قائم اولان کلام الهی محدث دیمک دکلدر . چونکه ؛ ذاتیله قائم اولان کلام الهی حادث اولسه واجب تعالی نک محل حوادث اولمسی لازم کلیر ، بوايسه محالدر . اما حروف واصواتدن مرکب اولان و بزم اسانمزله او قودیمز قرآن حادثدر . زیرا ؛

جناب حقک خلقیله حاصل اولان الفاظدن عبارتدر ، اما او الفاظک ذات الله قائم اولان معناسی قدیمدر واهل سنتک اعتقادی ده بودر .

خلاصه ؛ مشرککلر ربلری طرفندن کلن آیتلری استهزا ایله قارشیلادقلری و آنجق او یونجاق عدایده رک ایشیتدکلی ومحدث ایله مراد ، قرآنک حوادثی حل ایچون اقتضاسنه کوره تازه تازه نازل اولدینی بو آیتدن مستفاد اولان فوائد جمله سندندر .

واجب تعالی قرآنی استهزا ایتدکری بیاندن صکره قلبلرینک قرآنی تفکرندن خالی اولدینی بیان ایتک اوزره ﴿ لَا هِیَ قُلُوبُهُمْ ﴾ بیوریور .
[آنلر قرآنک الفاظی استهزا ایده رک ایشیتدکلی کبی قلبلری ده معناسی وحقیقی دوشونمکدن غافل اولدقلری حالده ایشیتیرلر .] بناء علیه ؛ قرآنک نه الفاظندن نه ده معانیسندن انتفاع ایتمزلر .

نیسابوریده بیان اولوندینی وجهله بو آیتده واجب تعالی قرآنک معناسی آکلامق اوزره ایشیتمینلری ظاهرده الفاظی او یونجاق یا یمنق وباطنده قلبلرینک معناسندن غافل بولونمسیله ذم ایتمکه بو مثللو کیمسهلری بهایمه الحاق ایتمشدر . قلبلرینک غفلتی ، ظاهرده استهزارینه سبب اولدینه اشارت ایچون لعیاتلری قلبلرینده اولان غفلت اوزرینه تقدیم اولونمشدر . بناء علیه ؛ « آنلر قلبلرینده اولان غفلت سببیه ظاهرده قرآنی او یونجاق یاپارلر » دیمکدر .

واجب تعالی قرآنه ایمان ایتمینلرک ظاهرده لسانلریله استهزا ایتدکری وباطنده قلبلرینک غافل اولدینی بیاندن صکره رسول الله حقنده سویله دکلی سوزلری بیان ایتک اوزره ﴿ وَأَسْرُوا النَّجْوَى الَّذِينَ ظَلَمُوا ﴾ بیوریور .

[قرآنی دیکله مکدن قاجیان ظالم لر فیصلیتلری صاقلادیلر .] و دیدیلرکه :

﴿ هَلْ هَذَا إِلَّا بَشَرٌ مِثْلُكُمْ ﴾

[« شو نبوت دعواسنده بولونان ذات اولمادی ، الا آنحق سزك كې بشر اولدی .]

﴿ أَفَتَأْتُونَ السَّخَرَ وَأَنْتُمْ تُبْصِرُونَ ﴾

[« سز بولرسالت دعواسنه آلدانیرده سحر اولدیغنی بیلدیككز حالدله اولسحره حاضر اولور وقبول ایدرمیسكز ؟ » دیمكله ضعفاء مسلمینی اغفال ایتمكه چالیشدیلر .]
یعنی ؛ کافرلر قرآنك حق اولدیغنی وفصاحت وبلاغتده اعجازینی کندی آرهلرنده فیصلاتی ایله غایت کیزله دیلر . چونكه ؛ آنلر کفره وسائر کناهلره اصرارله کندی نفسلرینه ظلم ایتدیلر . بناء علیه ؛ قرآنی استهزا ایتمكه دخی ظلمی ارتکاب ایتدیلر ویا لکن قرآنی استهزا ایتمكه اکتفا ایتدیلر ، بلکه فقراء ناسی وضعفاء مؤمنینی اغفال ایتمكه قصدیله « شو نبوت دعواسنده بولونان محمد ﷺ اولمادی ، آنحق سزك كې بشر اولدی . بشردن رسول اولورمی ؟ اکر بشردن رسول اولسه سزكده رسول اولمكز لازم کلیر . زیرا ؛ بشریتده سزكله آنك بیتنده فرق یوقدر . شو حالدله سزك اوزریکزه فضیلتی وارمیدر كه رسالت دعواسنده بولنیور ؟ وسز بوذاتك ، سحر اولدیغنی کوردیکكز وبیلدیككز حالدله معجزه دییه سزه کوستردیکی شیلره حاضر اولورده قبول ایدرمیسكز ؟ وسحر اولارق ایجاد ایتدیکی خارق العاده لری کوروبده طوغرومی ظن ایدرسكز ؟ » دیمكله رسول الله ایمان ایدنلری ایماندن منع ایتمكه چالیشدیلر .

فخر رازینك بیانی وجهله کافرلرک ؛ رسول الله ایکی وجهه طعن ایتدکیرینی جناب حق بوآیتده بیان ایتشد . برنجیسی ؛ رسول الله بشارت اولمیسر . حالبوکه بشریت رسالته منافی دکلد ، بلکه بشره رسول ، بشردن اولوق اولادر . زیرا ؛ دفعالته بیان اولوندیغنی وجهله امر تبلیغه رسولك امتیله انسیقی والفق ضروری اولدیغندن بشره رسول کندی جنسندن بشر اولوق لازمدر . چونكه ؛ امت حقنده منفعت بونی ایجاب ایدر . ایکنجیسی ؛ رسول الله کتیرمه اولدیغنی معجزه به سحر وبملر به . حالبوکه سحر ؛ آلات وادواته اولور . رسول الله معجزه لرنده آلات وادوات اولمادیغنی کچی قرآن وسائر معجزه لر کندیلرینی عاجز قیلدیغنی وارباب بلاغتن اولدقلری حالدله قرآن دغایت

قیصه برسوره نك بيله نظیرینی کتیره مدکلی ، وقرآنی ابطاله صوك درجه حریص اولدقلری حالدله سحر اولدیغنی ادعا ایتك عناددن باشقه برشی دکلد .

ابوالسعود افندیك بیانی وجهله رسول الله حقنده حيله وديسیسه به دائر اولان استشاره لرینی کیمسه به آکلا تمامق ایچون غایت کیزلی سویله شدکلی وبرطاقم فساد وقتنه اساسنی قورمق ایچون تشبثاتلری ظلم اولدیغنی وبشرتی رسالته منافی عد ایدره کرسول الله ک بشر اولدیغنی آللرنده آلت ایدره ک اهل ایمانی ایماندن منعه چالیشدقلری ومعجزه لرده سحر دیمكله ناسی اغفال ایتك ایسته دکلی بوآیتدن مستفاد اولان فوائد جمله سنددر .

..

واجب تعالی قرآنه ورسولنه حیلہ بی کیزله دکیرینی بیاندنصکره بولره جوابی بیان ایتك اوزره ﴿ قَالَ رَبِّي يَعْلَمُ الْقَوْلَ فِي السَّمَاءِ وَالْأَرْضِ وَهُوَ السَّمِيعُ الْعَلِيمُ ﴾ بیوریور .

[حیم ! قرآن وسنك حقكزده طعنی صاقلایان وفیصلتیلرینی کیزله بن کیمسه لره سن « بنم ربم ! یرده وکوکده سویله بن سوزی بیلیر . زیرا ؛ سویله بن سوزی ایشیتیر وایشله بن افعالك جمله سنی بیلیر » دیمكله جناب حقه قارشنی کیزلی اسرارلری اولمادیغنی بیلدیر كه طعنلرینی صاقلادق ظن ایتسونلر .]

یعنی ؛ یا اکرمرسل ! کافرلرک سوزلرینه جواب اولارق سن دی که « ای کافرلر ! سزهرنه قدر بکا وقرآنه طعنی ، فیصلتی ایله قونوشوب کیزله دیککیزی ظن ایدرسه کز بوظنکز یا کلشدر . زیرا ؛ بنم ربم سماء وعالم ارواحده ویریوزنده وعالم اشباحده کیزلی وآشکارهرنه که سویلنیرسه اوسویله بن سوزلرک هر برینی بیلیر . زیرا ربم ؛ ایشیدیلرک شیلرک جمله سنی ایشیتیر وایشله بن ایشلرک جمله سنی بیلیر . بناء علیه ؛ کرک قرآن وکرک رسول الله حقنده کیزلی فیصلتیلر یکیزی ربم دن صاقلایامازسکز . چونكه ؛ کیزلی وآشکار هرشی عندالهیده مساویدر .

..

واجب تعالى کافر لک قرآنه سحر ديه طعنلری بیاندنصره اضغات احلام دیمکه طعنلری بیان اتمک اوزره ﴿ بَلْ قَالُوا أَضْغَاثُ أَخْلَامٍ ﴾ بیوریور .
[بلکه کافر لر اولکی سوزلرندن انتقال ایدرک دیدیلرکه « قرآن رؤیاده کورولمش برطام خیالاتدن عبارتدر » .] وبو سوزلرینه شونیده علاوه ایتدیلر و دیدیلرکه

﴿ بَلْ افْتَرَاهُ بَلْ هُوَ شَاعِرٌ ﴾

[« بلکه محمد ﷺ قرآنی کندی ایجاد ایدرک افترا ایتدی ، بلکه محمد ﷺ کندی شاعر در . بناء علیه ؛ قرآن دیهرک کتیردیکی شعر در » دیمکه طعنی اوزاندیلر .] وبونکله ده اکتفا ایتدیلر و دیدیلرکه

﴿ فَلْيَأْتِنَا بِآيَةٍ كَمَا أُرْسِلَ الْأَوَّلُونَ ﴾

[اکر محمد ﷺ سوزنده صادقسه اول کچن امتلره کوندریلن رسوللرک کتیردکری کبی بزه نبوته دلالت ایدر بر آیت کتیرسون که بزده اینانالم « دیمکه معجزات نبویه قناعت ایتدکرینی سوبلدیلر .]

یعنی ؛ کافر لر قرآنه طعن ایتمکه اوج قسمه آیرلدیلر : برنجی قسم ؛ محمد ﷺ قرآنه عنوانده کتیردیکی شی رؤیاده کورولمش قوه خلیفک خیالاتده عبارتدر . بناء علیه ؛ کیم رؤیاده کوردیکی کونروز قرآنر دیهرک خلیفه آکلامفرد عبارتدر دیدیلر . ایکنجی قسم ؛ محمد ﷺ کندی ایجاد ایتدیکی شیری روج ایموره الله تعالی نک کلامی

دیمکه افترا ایمیور دیدیلر . اوچنجی قسم ؛ محمد ﷺ شاعر در کتیردیکی قرآنه شعر در دیدیلر و قرآن رؤیاده کوریلن خیالات ویا افترا ویا شعر اولونجه نبوتی اثباته کافی معجزه اولاماز . بناء علیه اکر سوزنده صادقسه اول کچن امتلره کوندریلن رسوللر کبی رسالتی اثباته کافی بر معجزه ونبوته دلالت ایدن بزه بر علامت کتیرسون که بزده ایمان ایدلم . دیمکه قرآنک ، نبوتی اثباته کافی معجزه اولمادیغنی ادعا ایتدیلر . حالوکه دوشونمدیلرکه قرآنک معجز اولسילה برابر کندی منفعللرینی بیان ایتدیکی وسعدت دنیا وسعدت آخرتی

تأمینه کافی بر جوق حقابق ودقایقی جامع اولدینی و مغیباتدن خبر ویردیکی جهته شعره مناسبتی اولمادیغنی والفاظنده فصاحت و بلاغتک اوج اعلاسنده بولوندیغنی ورؤیاده کورولن خیالاته مشابعتی اولمایوب بشرک قدرتی خارجنده اولدینی جهته افترا ایله علاقه سی یوقدر . بو جهتلری تدقیقه صرف مقدرت ایتدکلیندن شو سوزلری سوبلکه جرأت ایتشلردر . بیضاوی نک بیانی وجهله بو آیتده (بل) کلمه سی اذنادنه اعموبه رقی ایمیور . چونکه « سحر » دیمک بر نوع خارق اولق اعتباریله « اضغات احلام » دیمکدن اهوندر . زیرا قرآنه اضغات احلام دیمک ؛ سحر دن اشعردو افترا دیمک ایسه دهها زیاده شیعدر و قرق کسور سنه رسول الله تجریه ایدوب اصلا یالان شائبه سی کورمدکری وشعر اماره سی بیلمدکری حالده « شاعر در » دیمک دهها زیاده شیعدر . چونکه ؛ رؤیا اولسه کندیلرینکده کورملری وشعر اولسه آنلرکده سوبللی لازم کلیردی . حالوکه بویه رؤیا کورده مدکری کبی بویه شعر سوبلیه مدکری دخی میدانده اولدینی حالده بوکبی سوزلره جرأت ، افترا دن باشقه برشی دکلدرد .

خلاصه ؛ کافر لرک قرآنه « سحر در » ویا خود « رؤیاده کورولمش خیالاتدر » وبلکه فخر عالم کندی ایجاد ایتدیکی شیئ الله اسنادله افترا ایتدی و کندیسی شاعر و قرآن شعر در « دیدکری و » اکر سوزی طوغرو ایسه اول کوندریلن رسوللر کبی رسالتده دلالت ایدر بر آیت کتیرسونده بزده اینانالم « دیمکه باشقه معجزه طلبنده بولونقلری بو آیتلردن مستفاد اولان فوائد جمله سنددر .

واجب تعالی مشرک لک قرآنه درت جهته اعتراض ایتدکرینی و « امم ماضیه کوندریلن رسوللردن حضرت موسانک عصاسی و حضرت عیسانک ثولوی دیریلتمسی کبی محمد ﷺ بزه بر معجزه کتیرسون که اینانالم « دیدکرینی بیاندن صوکره ایسته دکری وجهله معجزه کلمسه امم سالفه دن جوقلرینک ایمان ایتدکری کبی بونلرکده ایمان ایتیه جکلرینی بیان اتمک اوزره ﴿ مَا آمَنَتْ قَبْلَهُمْ مِنْ قَرْنٍ أَهْلَكْنَاهَا ﴾ بیوریور .

[بونلردن اول بزم اهلاک ایتدیکمز قریه لردن هیچ بر قریه ایسته دکلی معجزه یی
کترین رسوللرینه ایمان ایتدیلر .]

﴿ اَفْهَمُ يُؤْمِنُونَ ﴾

[حبییم ! سن ظن ایدرمیسک بونلره ایسته دکلی معجزه یی کتیرسه ک ایمان ایدرلر؟]
اگر مشرکله ایسته دکلی معجزه یی کتیرسه کینه ایمان ایتزلر . زیرا ؛ « ایسته دیکمز
معجزه یی کتیرسه ک ایمان ایدرز » دیدکلی یالاندر . چونکه ؛ بونلردن اول کچن امتلرده
عینی سوزی سویلدیلر و ایسته دکلی معجزه ده ویرلدیکی حالده ایمان ایتدیلر . بونلرک
حالری ده آنلرک حالاری کبی اولدیغدن آنلر کبی ایمان ایتیه جکلردر .

بیضاوینک بیانی وجهله ایسته دکلی معجزه نک ویرله مسی حقارنده لطفدر . چونکه ؛
ایسته دکلی معجزه نک کله مسی عذاب دنیویه لرینک تأخیرینه سیدر . زیرا ؛ اگر معجزه
کله ایمان ایتسه لر ام سالفه کبی درحال هلاک اولورلردی . حالبوکه مکه مشرکلرینک
نسللرندن برچوق اهل ایمان میدان کلوب دین اسلامه خدمتلی سبق ایده حکنه بنام
دنیا ده مجتعماً هلاک اولمالرینه حکم الهی لاحق اولمشدر .

مدار کده بیان اولوندیغی وجهله قومک درحال هلاک اولمالرینه سبب اولان معجزه ؛
ایسته یوبده کلد کدنصره ایمان ایتدکلی معجزه در ، یوقسه مطلقاً معجزه دکلد .

نیسابوریده بیان اولوندیغی وجهله ﴿ اَفْهَمُ يُؤْمِنُونَ ﴾ ده کی همزه ؛ استفهام نظاری
اولدیغی جهته (لایؤمنون) معناسه درکه « البته ایمان ایتزلر » دیمکدر . چونکه ؛ مکه
مشرکلرینک عنادی اول کچن مللرک هپسندن زیاده در .

..

واجب تعالی کافرلرک رسول الله « بشردر ، بشردن رسول اولماز » دییه رک اعتراضلرینی

بیاندن صوکره اوعراضلرینه جواب ویرمک اوزره ﴿ وَمَا أَرْسَلْنَا قَبْلَكَ إِلَّا رِجَالًا
نُوحِي إِلَيْهِمْ ﴾ بیوریور .

[حبییم ! بزنسندن اول کوندرمدک ، الا کندیلرینه وحی ایتدیکمز بشردن برطاقم
رجلر کوندرمدک .]

﴿ فَسْأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ ﴾

[اکر بشرک رسول اولدیغی بیلمزسه کز توراق و انجیلی اوقوبان اهل علمدن
سؤال ایدک .]

یعنی ؛ حبییم ! سندن اول بزانسانلره ملکدن رسول کوندرمدک . زیرا ؛ ام سالفه نک
کافسه بزن کندیلرینه وحی ایتدیکمز بر طاقم رجلر کوندرمدک که آنلر بشر اولدقلری
حالده رجولیتده کامل و عقللری تامدر . بناء علیه ؛ آنلری رسالته اختیارله و حیمزه
مناسب کوردک که کندی نفسلرنده قوه قدسیه صاحبلی و غیریلری ارشاده نواقصلرینی
اکاله چالیشمشلر واحکامیزی نامه تبایغ ایله سعادت یوللرینی کویترمشلردر . شو حالده
ای مشرکلر ! اکر بشرک رسول اولسند شیه ایدرسه کز اهل کتابک علماسنه
سؤال ایدک ، آنلر سزه هپ رسوللرک بشردن اولدیغی خبر ویرسونلر . چونکه ؛
آنلر هر نه قدر حضرت محمد حسدلرندن ناشی نبوتی انکار ایدرلرسه ده بشرک رسول
اولدیغی اقرار ایدر و طوغری بی سزه خبر ویررلر .

بو آیت جلیله ؛ رسل کرامک رجالدن اولوب نسواندن اولادیغنه دلالت ایدر .
چونکه ؛ جناب حق رسول الله دن اول آنحق رجال اولارق رسول کوندردیکنی ادات
حصره بیان بیورمشدر که رجالک غیریدن رسول اولادیغی بیان ایتمکدر و بوخصوصه
دائر تفصیلات (سوره یوسف) ک آخرنده و (سوره نحل) ده کچمشدر .

مدار کده و نیسابوریده بیان اولوندیغی وجهله اهل کتابک علماسندن سؤال
ایتملری ایله امرک سببی ؛ مکه اهل یسنک اهل کتابه اعتماد ایتلریدر . چونکه اهل کتاب ؛
رسول الله عداوتده مشرکلره تشریک مساعی ایتدکلرندن آنلره سؤال ایدنجه شیه لری
زائل اولاجنی جهته صکره اعتذاره محاللری قالمازو بالخاصه مکلیلرک یهودیلره اعتمادلری
زیاده اولدیغدن رسول الله حقنده استشاره ایتک اوزره چوق کره مکدن مدینه یه
خصوصی آدملر کوندرمشلردر . بناء علیه ؛ جناب حق اعتماد ایتدکلی اهل علمدن
سؤال ایدوب شیه لرینی ازاله ایتلرینی امرله توصیه ایتمشدر .

ابوالسعود افنديك بيان وجهه مشركر رسول اولمى انكارله رسول اللهك بشر اولمى مدار تكذيب عد ايتدكلى حالد جناب حق بشره بشردن رسول كوندرك اولدن برى عادت و حكمته موافق وبشريتك مدار تصديق اولديغى بيانه مشركرلك اعتراضلرى رد و اهل علمدن سئوال ايتلرني امر ايتش وبوصورتله كافرلك كندى دليللرني علملرينه تبديل بيورمشدر .

بيضاوينك بيان وجهه يهود و نصارى هر نه قدر كافرلسه ده تواتر مرتبه سنه بالغ اولان خبرلرله عمل ايتك جائز اولديغنه اشارت ايجون يهود و نصارانك علماسندن سئوال ايتلرني امر ايتمشدر . وبو امر، وجوب افاده ايتديكندن بيلمه ينلرك بيلنلرك فتوالرينه مراجعت ايتلرني واجب اولديغى فقهاء كرام بو آيتله استدلال ايتمشدر . بالخاصه اعتقادياده شبهه سنى ازاله ايجون فتواسنه اعتماد اولونور بر عالمه در حال مراجعت ايدوب شبهه سنى ازاله ايتك واجبد . بناء عليه ؛ ضعفاء مؤمنينك اعتقاديلى محافظه و فروع اعماله مراجعت ايتدكلى مسائلده فتوى ايله حل ايتك مقتدر هر قصبه ده بر عالم بولونور مق حكومت اسلاميه اوزرينه واجبد .

خلاصه ؛ كنديلرينه وحى اولونان رسوللرك البته رجالدن اولمى لازم كلديكى و بيلمديكى مسئله بي بيلن طالمن او كرنك هر كس اوزرينه واجب اولديغى بو آيتدن مستفاد اولان فوائد جمله سنددر .

واجب تعالى بزم پيغمبريمزدن اول كچن رسوللرك بشردن رجال اولدقلى بياندنصكره رسول اللهك ده آنلر كى بشر اولوب بشريتك رسالته منافى اولماديغى ويوب ايجمك بشرك شانندن اولديغى جهته رسول اللهك يوب ايجمه سى رسالته مانع اولماديغى بيان ايتك اوزره ﴿وَمَا جَعَلْنَاهُمْ جَسَداً لَّا يَأْكُلُونَ الطَّعَامَ وَمَا كَانُوا خَالِدِينَ﴾ بيوريور .

[بز كچمش رسوللرى طعام يمز جسدن عبارت قيلمادق و آنلر موتدن سالم ابدآ قاليجي اولماديلر .]

﴿ثُمَّ صَدَقْنَاهُمُ الْوَعْدَ فَأَنْجَيْنَاهُمْ وَمَنْ نَشَاءُ وَأَهْلَكْنَا الْمُسْرِفِينَ﴾

[او رسوللرك دشمنلرى آنلرى تكذيب ايتدكدنصكره بز آنلره وعدمزى صادق قيلدق . بناء عليه ؛ آنلره و آنلرك اتباعندن ديله ديكمز كي مسه لره بز هلاك كن نجات ويردك وظلم و افساد و فسق و فجور اوزره اصرار ايدن مسرفلرى بز افساد ايتدك .]

يعنى ؛ حبيم ! اكر مشركر سنك يوب ايجديكى رسالتكه مانع ظن ايدرك اعتراض ايدرلر سه ييمك و ايجمك رسالته مانع دكلدر . زيرا ؛ سنده اول كچن رسوللرك مثلى بر رسول سك . شو حالده بز آنلرى طعام يمز جسدلردن عبارت قيلمادق كه سنده آنلر كى طعام يمز جسد اولاسك . چونكه ؛ آنلرده بيرلر و ايجرلردى . آنلرك يوب ايجملرى رسالتلرينه مانع اولماديغى كى سنك ييمك و ايجمه كده رسالتكه مانع اولماز . و آنلر طعام ييمكسز ابدآ دنيا ده قالىر اولماديلر كه سنده آنلر كى طعام ييمكسز دنيا ده قالاسك . شو حالده آنلرك وفاتلرى كى سنده وفات ايدجك سك . بناء عليه ؛ آنلرك وفات ايتلرني رسالتلرينه مانع اولماديغى كى سنك وفاتك ده رسالتكه مانع اولماز و آنلرك امتلرى ايتلر يمزى تكذيب ايتدكدنصكره آنلره وعدمزى تصديق ايتدك كه دشمنلرني اهلاكله انبيايه و اتباعلردن ديله ديكمز نجات ويردك و هلاك كن قورتاردق . شو حالده سكا ده وعدمزى ايفا و دشمنلرني اهلاكله ايتك سكا و اتباعكه نجات ويريرز .

بو آيت جليله ؛ رسول اللهى و صحابى نجاته تبشير و دشمنلرني هلاك تهديد ايتمشدر . چونكه ؛ كرك دين و كرك دنيا خصوصنده حدنى تجاوزايدن مسرفلرى جناب حق هلاك ايتمشدر . زيرا اسراف ؛ دنيا ده و آخرتده هلاكى ايجاب ايدن سفاقتدند . بناء عليه ؛ سفاخته منمك اولان هر ملت و هر شخصك خاطر و خياله كلكك بلالايه هلاك اولديغى هر زمان كورولن احوالند ديمك اولور . اما جناب حق امتحان ايجون اولنده بر مدت مهلت ويرر . او مهلتدن استفاده ايدرك ثاب و مستغفر اولور سه هلاك كن قورتولور و اكر متنبه اولماز سه عاقبت هلاك اولور كيدر .

نيسابورده بيان اولونديغى وجهه (فانجينا) جمله سى نصيريه اولونامه و عدى تفسير ده يعنى « بز آنلره نجات ويردك . زيرا ؛ وعدلرني صادق قيلدق . هر كي مسه لرك كه وعدلرني صادق قيلدق . بز آنلره نجات ويردك . بناء عليه ؛ انبيايه و اتباعلرينه نجات ويردك »

دیمکدر . و مسرفلری اهلک ایتدیکنی بیانه واجب تعالی هر قومی و هر شخصی ابتساره دعوت ایتشد .

* *

واجب تعالی رسول اللهک رسالته اعتراض ایدنلرک شبهلرینی و آنلرک جوابلرینی و اتباع ایتمینلرک اهلک اولونا جقلرینی بیاندنصرکه قرآنک، رسولنک رسالتی اثباته کافی اولدیغنی ذکرله کفایه سنه قناعت ایتمینلری توبیخ ایتک اوزره ﴿ لَقَدْ اَنْزَلْنَا اِلَيْكُمْ کِتَابًا فِیْهِ ذِکْرُکُمْ اَفَلَا تَعْقِلُوْنَ ﴾ بیوریور .

[ذات الوهیتمه یمین ایدرم که محقق بزسزه بویوک بر کتاب انزال ایتدک که او کتایده سزک و عظمکیز واردر . شو حالده دوشونوبده قرآنک حق اولدیغنی و رسولنک رسالتی اثباته کافی اولدیغنی تعقل ایتمز میسکیز؟] اکر قرآنک حقایقنی و مشتمل اولدیغنی احکامی تعقل ایتسه کز قرآنک مزینتی بیلیرسکیز و رسولکیزک سائر رسوللر اوزرینه شرفی و کتابکیزک جمیع کتاب اوزرینه فائق اولدیغنی و دینکیزک جمیع ادیان اوزرینه مزینتی و بشریتک استراحتنی تأمین ایتدیکنی ادراک ایتمکه ایمان ایتسه ایدیکیز فوز و فلاحه داخل اولوردیکیز . چونکه قرآن ؛ بحق ایمان ایدن مؤمنلر هر زمان مسرور و مسعوددرلر . کافیدر . بناء علیه ؛ بحق ایمان ایدن مؤمنلر هر زمان مسرور و مسعوددرلر .

فخر رازی ، قاضی و خازنک بیانلری وجهله بو آیتده ذکر ایله مراد ؛ **معصیت** .

چونکه قرآن ؛ کندیینه ایمان ایدنلره شرف بخش ایدر . یا خود ذکر ایله مراد ؛ **معرضه** که **معرضه** زغیب و **معرضه** تمیز ایدر . یعنی « انسانلری اییلکه سوق و کوتولکدن منع و دائماً مکارم اخلاقی توصیه ایتمکه انسانلری تهذیب ایدر » و یا خود « امر دینکیزده لازم اولانی و لازم اولیانلری ذکر وار » دیمکدر .

* *

واجب تعالی قرآن معجز اولدیغنی جهتله مشرک لک اعتراضلری رد اولوندیغنی بیاندنصرکه

کافرلری بویکی عناد اوزره مبتنی اعتراضلردن منع ایتک اوزره ﴿ وَکُمْ قَصَصْنَامِنْ قَرْیَةٍ کَانَتْ ظَالِمَةً وَاَنْشَاْنَا بَعْدَهَا قَوْمًا اٰخَرِیْنَ ﴾ بیوریور .

[بز جوق قریه اهالیسی اهلک ایتدک که اوقریه اهالیسی ظالملر ابدی و اوقریه بی اهلک کدنصرکه آنلرک یرلرینه باشقه بر قوم ایجاد ایتدک .]

﴿ فَلَمَّا اَحْسَوْا بِاَسْنَانَا اِذَا هُمْ مِنْهَا یَرْکُضُوْنَ ﴾

[اهلک کنه اراده من تعلق ایدن قریه اهالیسی وقتا که بزم شدتلی عذابمزی ادراک ایدنجه در حال او عذابدن فرار ایدرلر .]

﴿ لَا تَرْکُضُوْا وَاَرْجِعُوْا اِلٰی مَا اُتْرِفْتُمْ فِیْهِ وَمَسَاکِیْنِکُمْ لَعَلَّکُمْ تَسْأَلُوْنَ ﴾

[طرف التهدیدن بر ملک واسطه سیله آنلره دینیلیر که « سز سرعتله فرار ایتمیک ، دونک کندیسنده متعم اولدیغکیز قریهیه و ساکن اولدیغکیز مسکنلریکیزه . مأمول که سز جریان ایدن وقعدن سؤال اولونورسکیز .]

یعنی ؛ **ای** قرآنه اعتراض و رسولزه طعن ایدن کیمسه لر ؛ **ای** بیلک که بز اهالیسی ظالم اولان بر جوق قریه لری غضبمزه اهلک ایتدک و آنلرک آرقه کیمکلرینی قیردق و بلده لرندن طرد ایتدک و یرلرینه باشقه بر قوم ایجاد ایتدک . زیرا ؛ اوقریه اهالیسی احکام التهدیدک خارجنه چیقیدیلر و آنلری اصلاح و طوغرو یوله ارشاد ایچون کوندردیکیز رسوله عصیانلری سببیه هلاک مستحق اولمشلردی . وقتا که بزم اراده من انتقام آلمغه تعلق ایدوب عذابک مقدمه سنی ادراک ایدنجه آکسزین آنلر فرار ایدرلر . آنلرک فرارلری اوزرینه جانب التهدیدن آنلره « **ای** متعم انسانلر ! فرار ایتمیک ، بوقدر نعمتلری قویوب نرهیه کیدرسکیز ؛ دونک نعمت کوروب راحت ایتدیکیز قریه کیزه و ساکن اولدیغکیز مسکنلریکیزه . مأمول که عمللریکیزدن سؤال اولونورسکیز و یا معذب قیلنیرسکیز » دینیلیر که بوسوز آنلره عذاب کلزدن اولکی نصیحتلری دیکله مدکلرینه تعریضدر . ابوالسعود افندیکن بیانی وجهله بو آیت (واهلکنا المسرفین) ده اجمالاً بیان اولونان

اهلاكى تفصيلدر . بناء عليه ؛ هلاك كرينك سببى و كيفيتى بيانله عاويلره تنبيه و هلاك اولانلرك چوقلغنه اشارت اولونمشدر . هلاك اولانلرك يرلرينه كلنلرك عرقاً و نسباً آنلرك جنسندن اولماديغنه اشارت ايچون قوم آمرله توصيف اولونمشدر .

فخر رازينك بيانى وجهله بو آيتده فرار ايدنلردن سئوالده ورت احتمال واردر :
برنجيسى ؛ دونك مسكنلر يكله ، بارينه سزه باشكزده يكنى سئوال ايدرلر . سزده مشاهد انگزى و باشكزده يكلدى پانه جواب و بر سكلز ديمكدر . ايكنجيسى ؛ دونك خانه لريكله ، متكبر اولارنه اونورك صدر ايلدريكله . خبر متجربلر يكله نه ايسه كوره بكارينى سزده سئوال ايدرلر سزده آنلره كوره بكارى ايتلى امر ايدر سكلز ديمكدر . اوچنجيسى ؛ دونك خانه لريكله ، اسكى عادتكلز و هم اوزره عظمتله اونورك بريكزده . اباكلز كلير مريم ايتلمزده نريابا بكارينى سئوال ايدرلر سزده جواب و بر سكلز ديمكدر . در دنجيسى ؛ فرار ايتريك دونك بريكزده ، سزه فقرار كلير طعام ايتلر سزده آنلره ايسه دكلرينى و بر سكلز ديمكدر . شو احتماللردن هانكيسى مراد اولونورسه اولونسون عذابمه فرار ايتك ايسه بئلى استهزا معناسنى متضمندر . چونكه ؛ آنلرك هلاكرينه دائر اراده الهيه تعلق ايتديكندن دونوب خانه لرنده اوتورمق و سئواله جواب و يرمك امكانى اولماديغندن آنلرى استهزا ايچون سويله نه جك سوزلردر . آنلره بوسوزى سويله ين ملكدر ، يا هوم مؤمنلردر ، يا هوم بويله برسوزايله استهزا اولونمغه لايق اولدقلىرى بياندر و يا هوم فرار زماننده طرف آلهيدن الهام طريقيله آنلره « بونعمتلى قويوبده نره يه كيدرسكلز . دونك بريكزده ، اسكيسى كى استراحت ايدك » دنيله جكدركه آنلرى استهزا وتويخدر .

بو آيتك ، ينده (حضور) و (سجود) اسمنده ايكي قريه اهايلسنك هلاكلىرى بيان و حكايه و هلاك كرينك سببى ظلملرى اولديغنى بيانله ظالملى تهديد ايچون وارد اولدينى مرويدر . چونكه ؛ بوايكي قريه نك نعمتلى غايت بول و اهايلسى راحت اولدقلىرى دن انواع مظالمى اجرايه و بولوندىلرى بلده لرى افساده باشلايخه طرف آلهيدن ارشاد ايچون كوندريلىن رسولى قتل ايتلى اوزرينه جناب حق ظالم و قهار بر قومى كوندروب قيليجدن كچيرمهك باشلايغنده بونلر قريه لرندن فرار ايتك ايسه دكلرى زمان بوسوزلرك آنلره

برملك طرفندن سويلنديكى مرويدر . شو حالده هر نه قدر فرار ايتك ايسه سزلرده هلاك كن قورتولامامشلردر . يرلرينه كلن قوم جديد قريه لرنده ساكن و عصر سعادتده قريه لرينك معمور و اهايلسى ارباب صنعتدن اولوب مانيه فاطوره چيقارمغه اشتغال ايدرلردى . حق رسول اللهك و فائنده كفن مباركك ثوب سحولى اولدينى مرويدر .

(يركضون) ركض ؛ هيوانى سرعته بورونمك و دشمنده فرار ايتك ايجوره اوزنكلير و در سمر معناسنه ايسه ده بو مقامده قهر و زمير ايجوره كلن دشمنده بغيرى ربابا شرت و سمر عتم قايىم معناسه در . بو حال محاربه زمانلرنده استيلايه اوغرايان قريه اهايلسنده هر زمان كوريلن احوالدر . ايشته آيتده بيان اولونان قريه اهايلسى ظلملرى سبيله قريه لرينى استيلا ايدن دشمندن فرار ايتك ايسه مشلرده طرف آلهيدن « فرار ايتيك » دونك خانه لريكله . بوقدر نعمتلى نره يه قويوب كيدرسكلز » دنيلمش و ظلملرينك انتقامى آلمشدر .

خلاصه ؛ ظلم سبيله بر جوق قريه لرك هلاك و ظلمك هر زمان هلاك سبب اولدينى و هلاك اولان قومك يرينه يكي بر قومك ايجاد اولوندينى بو آيتدن مستفاد اولان فوائد جمله سنددر .

**

واجب تعالى ظالمرك عذابدن قورتولامادقلىرى بياندنصكره عذابى كورونجه واقع اولان ندامتلىرى بيان ايتك اوزره ﴿ قَالُوا يَا وَيْلَنَا إِنَّا كُنَّا ظَالِمِينَ ﴾ بيوريور .

[عذاب كنديلرينى احاطه ايدوب فرار ايدمه ينجه آنلر ديديلر كه « اى بزم هلاكز نره ده سك كل نره ؛ زيرا ؛ بزلر ظالمردن اولمش ايدك . بناء عليه ؛ هلاكه مستحق اولدق » ديمكله ظلملرينى اقرار و ندامتلىرى اظهار ايتديلر .]

﴿ فَمَا زَالَتْ تِلْكَ دَعْوَاهُمْ حَتَّى جَعَلْنَاهُمْ حَسِيداً خَامِدين ﴾

[حق آنلرى بز بچيلمش اكين كى قيليجله يره اولوا اولدقلىرى حالده دوشورنجه يه قدر بودعالىرى يعنى هلاكلىرىنه چاغيرملرى دوام ايتدى . نه زمان كه اوراقله بچيلمش يره خلاصه البيان : اونجى جلد - ٢

دوشمش ا کین کبی حس و حر که دن کسیلوب هلاک اولدقلرنده سسلری کسيلمس حیاتدن اثر قالمشدر . [

یعنی ؛ ظلملری سببیه دشمن استیلاسیله هلاکری تقرر ایدن قریه اهالیسی دشمنک هجومی کوروب هلاک امارلری کندیلرینی احاطه ایدوب فرارده فائده اولمادیغنی کورونجه آنلر ظلملرینی اعتراف ایدرک « ای بزم هلاکمز بزه کل ! زیرا ؛ بز ظالمرز » دیدیلر . بو چاغیریشملری دوام ایتدی ، زائل اولمادی . حتی بز بعض قوللریمز واسطه سیله قلیجندن کچوروب اوراقله ییچلمش ا کین کبی اولو اولدقلری حالده یره سرنجهیه قدر چاغیریشدیله .

بیضاوینک بیانی وجهله (حصیداً) اوراقله ییچلمش یره بانمسه ا کین معناسنه اولدینی کبی خامدخی حرارتی سونمسه آتیه دینور . بومقامده هلاک ، قومک کیفیت هلاکرینی تصویرده تشبیه طریقیله مبالغه واردر . چونکه ؛ برطرفدن یره یا تلمرینی اوراقله ییچلمش ا کینه ودیکر طرفدن حیات اثری قالمایوب حرارتلری تماماً ضایع اولمده آتشی سونمش سیاه کوموره تشبیه اولونمشلردر که نور ایماندن محروم اولدقلری ایچون جنازه لرینکده سائر جنازه لر کبی اولمایوب فنا برحاله اولدقلرینه اشارت اولونمشدر .

نعمت الله افندیکن بیانی وجهله هلاکرینه چاغیریشملری اولونجهیه قدر دوام ایدرک کمال تذلل ایله باغیریشدقلرینه و بونکله عذابک دفعنی ایسته مشلر سده توبه نك زمانی کچدیکنندن توبه لرینک قبول اولونمادیغنه آیت دلالت ایدر . چونکه توبه نك زمانی ؛ عذابی مشاهده ایتزدن اولدر . بناء علیه ؛ عذابی رأی العین کورد کدنصکره قبرده ایمان ایتک کبی توبه ده فائده ایتمز .

**

واجب تعالی ظالم اولان قریه نك اهلاکی عدالت اولدیغنی بیاندنصکره موجوداتک خلقتی ، اویونجاق نوعندن عبث اولمایوب هپسنگ یارادیلشی حکمتدن خالی اولمادیغنی بیان ایتک اوزره ﴿ وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا لَاعِبِينَ ﴾ بیوریور .

[بزسمایی وارضی وآنلرک آره سنده اولان موجوداتی اویون اوینار اولدیغمز حالده خلق ایتک .]

﴿ لَوْ أَرَدْنَا أَنْ نَتَّخِذَ لَهَوًا لَا نَتَّخِذُهُ مِنْ لَدُنَّا إِنْ كُنَّا فَاعِلِينَ ﴾

[اکر بز اویون اتخا ایتک مراد ایتش اولسه ایدک بز آنی کندی عندمزدن مجردات قیلندن سزک کورمیه جککمز برحاله ایجاد ایدر وسزه کوسترمزدک و بز عبث ایشله ییجی اولماق .]

یعنی ؛ بز ظالمردن انتقامیزی آلیرز . زیرا ؛ بز ییلدیزلرله مزین اولان سمایی و اوتلر ومعدنلر و حیوانلر و آغا جلرله مزین اولان ارضی و سما ایله ارضک یکدیگرینه امتزاجندن متولد آنلرک آره لرده اولان موجوداتی عبث اولارق اویونجاق خلق ایتک . هر برنده عقللره حیرت و یره جک حکمت و مصلحتلری متضمن صنعتلر و انسانلرک صایمقله توکمه میه جکی عجائب اوزره خلق ایتک که انسانلر تفکر ایتکله صانعک وجودینه و قدرت قاهره صاحبی اولدیغنه و هر زمان ظلم ارتکاب ایدنلرک تحت قهرنده مقهور اولاجقلرینه استدلال ایتسونلر . بز عبث ایله اشتغال نصل لایق اولور ؛ البته اولاماز . چونکه ؛ اکر بز اویونجاق اتخا ایتک مراد ایتسه کندی عندمزده اتخا ایدر وسزه کوسترمزدک . زیرا ؛ بوعالمک غیری سزک بیلمدیککمز بز اویونجاق عالمی خلق ایتکله قادرز ولکن بز عبثله اشتغال ایدر اولماق . چونکه ؛ هر فعلمزده انواع صنایع ایجادینه قادرز . بناء علیه ؛ هر فعلمز حکمتدن خالی دکدر .

خازن و بیضاوینک بیانلری وجهله لهو ؛ ولم و زووم معناسنه اولق محتملدر . چونکه بمن لغتنده لهو ؛ ولم معناسنده استعمال اولوندیغنی کبی زووم معناسنده دخی استعمال اولونور . آیت جلیله حضرت عیسی و والده سی حقارنده قیل وقال ایدن یهود و نصاریی رد ایچون اولدیغنده معنای آیت شویله در : [اکر بزم حقمزده والده و زوجه اتخا ایتک جائز اولسه بز آنی سزک کورمیه جککمز و بیلیمیه جککمز مجرداتدن کندی عندمزدن اتخا ایدر ، سزه کوسترمزدک . بناء علیه ؛ ولدمز و زوجه مز یا نمزده اولورزدی ، یوقسه حضرت عیسی و والده سی کبی سزک یا نکمزده اولمازدی . زیرا ؛ سز بیلیرسکمز که هر کسک اولاد و عیالی کندی یا ننده اولور .]

بیضاوینک بیانی وجهله سموات و ارضک خلقتی ، نظر عبرتله باقائلره انواع بدایعه

طولو برر موعظه در. زیرا؛ کَرک امور دنیا و کَرک امور آخرتک انتظامه برر وسیله دره
بناء علیه؛ انسان کَرک دنیاسی و کَرک آخرتی بونلر واسطه سیله تنظیم ایدوب سعادته
چالشمسی و معطل و محروم اولماغه غیرت ایتسی و بوسیدله کالات تحصیلنه واصل اولوب
یا لکز دنیا ایله اکتفا ایدهرک دنیا زینته مغرور اولماسی لازمدر.

(ان کنا فاعلین) نظمنده (ان) شرطیه اولورسه جوابی بیضاوینک بیانی وجهله
مقدردر. یعنی «اگر بز او یونجاق یا بمق ایسته سه ک ایسته دیکمزی یا پاردق» دیمکدر.
(ان) لفظی نافی اولدیغه نظراً «بز عبث ایشلر اولماق» دیمکدر.

..

واجب تعالی موجوداتک ایجاد عبث اولمایوب هر برنده حکمت و مصلحت اولدیغی
بیان ایتدیکی کبی باطلی ازاله یه حق آلت ایتدیکنی بیان ایتک اوزره ﴿بَلْ نَقْذِفُ
بِالْحَقِّ عَلَى الْبَاطِلِ فَيَدْمَغُهُ فَإِذَا هُوَ زَاهِقٌ﴾ بیوریور.

[بلکه بزه یاقیشان شی؛ حق اولان قرآنله باطل اولان شیطانله آتمق و حق اولان
اسلامی باطل اولان کفر اوزره غالب قیلمله باطلی کیده رمکدر. حق باطل اوزرینه
غالب قیلنجه آکسزین کوریلور که باطل زائل اولمش و حق ثابت قالمشدر]

﴿وَلَكُمْ الْوَيْلُ مِمَّا تَصِفُونَ﴾

[جناب حق لایق اولماق صفتله توصیفکردن طولای سزک ایچون آنحق هلاک واردر].
چونکه الهی لایق اولما دینی صفتله توصیف؛ البته غضبی موجب اولور. بناء علیه؛
توصیف ایدنلرک هلا که مستحق اولاجقلری شبه سزدر.

بیضاوینک بیانی وجهله آیتده (بل) کلمسی اللهک و لر و او بوجاهه اخلاقی رد
وزاتی بو کبی شلرده تنزیه بجزدر. (نقدف) قذف؛ بریتی اوزاغه آنمقدردر.
(فیدمغه) دماغ؛ دماغک قیریلوب رومک کیمسه سبب اولره برده نک بیر نیلمسیر.

(زاهق) زهوق؛ رومک کیمسیر. بناء علیه؛ بومقامده حق باطل اوزرینه وورمق
و آتمقله باطلک قیریلوب محافظه ایده جکی صلابتی قالمایوب بدنن آریلان روح کبی زائل
اولوب کیمسنی تصویر و تمیلدر. بوکا نظراً معنای نظم: [ذات الوهیت ولد و زوجه
و اویون انخازندن منزهدر، بلکه بز عظیم الشان حق باطل اوزرینه شدله آتارز.
بناء علیه؛ حق باطلی قیرار، پریشان ایدر و باطلک حقه قارشى مدافعه ایده جک قوتی
قالماز و آکسزین کوریلور که باطل هلاک اولمش کیمش [دیمکدر.

ابوالسعود افندیکن بیانی وجهله باطلک حقه نسبتله سرعت اوزره زوال بولاجغه
و زوالی دوامی اولاجغه اشارت ایچون باطلک زوالی بیانده بقته وجود بولمغه دلالت
ایدن اداة مقاجات ایله (فاذا هوزاهق) جمله اسمیه اولارق وارد اولمشدر.

خلاصه؛ اللهک شانله لایق اولماق عبث اختیار ایتسی و لهو و لعبیانه مشغول اولمسی
و زوجه و ولد مثللو علامت حدوث اولان شیلری اتخاذ ایتسی کبی شان الوهیت لایق
اولماق صفتلری اسنادله افترا ایدنلرک هلا که مستحق اولدقلری بو آیتدن مستفاد اولان
فوائد جمله سنددر.

..

واجب تعالی عبثله اشتغال ایتمکدن منز اولدیغی بیاندنصرکه عبثدن منز اولدیغنک
سبی قدرت قاهره سی اولدیغی بیان ایتک اوزره ﴿وَلَهُ مَنْ فِي السَّمَوَاتِ وَالْأَرْضِ
وَمَنْ عِنْدَهُ لَا يَسْتَكْبِرُونَ عَنْ عِبَادَتِهِ وَلَا يَسْتَحْسِرُونَ﴾ بیوریور.

[کوکلرده و یرده اولان جمله ذی روح و کندی عندنده بولونان مقرب ملکر
جمله سی اللهک قوللری و آنلر اللهک مخلوقلریدر. بناء علیه؛ بونلرک جمله سی اللهک عبادتدن
کبر ایتملر و عبادته اشتغالدن یورولمازلر.]

﴿يُسَبِّحُونَ اللَّيْلَ وَالنَّهَارَ لَا يَفْترُونَ﴾

[کیجده و کوندوزده الهی نقاصدن تنزیه ایدر و اصلاً فتور کتیرمز لر.]

يعني ؛ الله تعالى عبثله اشتغال ايتمز . زیرا ؛ سموات وارضه بولونان جمله موجودات آنك قوللری ومخلوقلریدر وکندی حضور معنویسنه تقرب کسب ایتمز اولان ملکرک اللهم قوللری وامرینه هرآن اطاعت ایدر مخلوقلریدر وبونلرک جمله سنک معبودیدر وآنلر کندینه عبادتدن اصلاً تعظم ایدوب کندیلرینی بویوک عدایتمز لر . بناءً علیه ؛ دائماً عبادتله مشغول اولورلر وعبادتدن یورغونلق عارض اولمادیغندن کیجه وکوندوز تسبیح ایدرلر ، اصلاً فتور عارض اولمادینی کبی وجودلرینه ضعف دخی کلز . شو حالده جمیع اوقاتده تسبیحله مشغوللردر .

کرچه آیتده یرده وکو کده بولونانلرله مراد ؛ مکلفین ايسه ده عبادتدن یورولمایانلرله مراد ؛ ملکر در . چونکه ؛ عبادتلری و تسبیحلری آره سنه یورغونلق کیرمه مک و عبادتدن ملال کتیرمه مک آنلره مخصوصدر . زیرا ؛ بشر ایچون عبادته مانع بر جوق علائق بشریه بولوندیغندن دائماً عبادت ممکن دکدر .

فخر رازینک بیاننه نظراً ملکرک تسبیحلری ؛ انسانلرک نفسلری منزله سنده اولدیغندن نفس دائمی ، انسانک ایشنه وسوزینه مانع اولمادینی کبی ملکرک تسبیحلری ده ظالمله لعنت وصالله استغفار ایتلرینه و طرف السهیدن کندیلرینه تودیع اولونان وظیفه لرله مشغول اوللرینه مانع اولماز .

ابوالسعود افندیکنک بیانی وجهله بوآیت ؛ موجوداتک کافه سی اللهم مخلوقی اولوب خلقاً وملكاً وتديراً تصرفی الله تعالى به مخصوص اولدیغنی بیان ایچون سوق اولونمش بر جمله در . ملکرک عبادتدن کبر ایتدکلرینی بیان ایدنجه «عبادتلرینک کیفیتی نه دن عبارتدر؟» عنوانده وارد اولان سؤاله « لیل ونهار تسبیحله مشغول اولدقلرینی وعبادتلرنده آنلر ایچون یورغونلق اولمادیغنی » بیانله جواب ویرلشدر .

واجب تعالی موجوداتک کافه سی کندینک مخلوقی اولوب هر بنده تدبیر وتصرف ذاته مخصوص اولدیغنی بیان ایتک اوزره ﴿ اَمْ اتَّخَذُوا اِلٰهَةً مِّنْ اَرْضٍ هُمْ يُنْسِرُونَ ﴾ بیوریور .

[کافرلر اولورلری احیا ایده جک یربوزندن معبودلرمی اتخاذا ایتدیلر ؟]
یعنی ؛ بلکه کافرلر یربوزنده موجود طاشدن و آغاجدن یونولمش بر طاقم خسیس وعاجز پوتلری معبودلر اتخاذا ایتدیلرده او معبودلر اولورلری احیا ایده بیلیرلرمی ؟ البته احیا ایده مزلر . حالبوکه معبودک شانی احیا وایجاد وقوللرینه نعمتلرینی احسان ایتمکدر . ایشته بونلرک جمله سنه قادر اولان الله تعالی به عبادتی ترک ایدوبده هیچ برشیته قادر اولامیان برطاقم عاجز پوتلره عبادت ایتک جهالت و حماقت دکلیدر ؟

واجب تعالی شرکی ارتکاب ایدنلری جهالتله اتهام ایتد کدنصکره وحدانیتک دلیلی بیان ایتک اوزره ﴿ لَوْ كَانَ فِيهِمَا اِلٰهَةٌ اِلَّا اللّٰهُ لَفَسَدَتَا ﴾ بیوریور .

[یرده و کوکده اللهم غیری متعدد اله اولمش اولسه ایدی یرله کوک فاسد اولورلردی .] حالبوکه فساد یوق . بناءً علیه ؛ متعدد اله ده یوقدر .

﴿ فَسُبْحَانَ اللَّهِ رَبِّ الْعَرْشِ عَمَّا يَصِفُونَ ﴾

[متعدد اله اولماینجه عرش اعظمک صاحبی اولان اللهم جمله نقائصدن تنزیه وکافرلرک اسناد ایتدکلری نالایق صفتلردن تقدیس ایدرم .]

﴿ لَا يُسْئَلُ عَمَّا يَفْعَلُ وَهُمْ يُسْأَلُونَ ﴾

[الله تعالی ایشله دیکی ایشدن مسئول اولماز . قوللری ایشله دکرنندن مسئول اولورلر .]
یعنی ؛ الهده تعدد یوقدر . زیرا ؛ یرده و کوکده اللهم غیری وحقیقی معبودلر اولسه ایدی یرله کوک فاسد اولور ، عالمک انتظامنه خلل کلیر وشو کوریلن نظام محورندن چیقاردی . چونکه اللهم معناسی ؛ افعالنده وآثارنده مستقل اولوب هرکسک عبارتده مستحق اولقمدر . بناءً علیه ؛ اکر متعدد اله اولسه برنظام اوزرینه اتفاقلری محال اولدیغندن البته بینلرنده منازعه ویکدیگرینک ایشته مانع اولمق محققدر . چونکه ؛ هربری مقدوراتک جمله سنه قادر اولونجه البته بریسی دیکرک اراده سی خلافتنه اراده ایدر . شو حالده یا ایکسینک

ديديكي اولور : بوايه اجتماع ضدین اولديني جهته محالدر. ياخود برينك مرادی وجود بولور، ديکری اولماز. مرادی وجود بوليان عاجز اولديغندن اله اولماز واکر ايکيسنک ديدکری اولمازسه ايکيسی ده عاجز اولدقلى جهته ينه اله اولماز. بناء عليه؛ كرك ايکيسنک ديدکى اولمق وکرك برينک ديدکى اولوب ديکرينک ديدکى اولماق ويا ايکيسنک ديدکى اولماق محال اولمى اللهک متعدد اولمى محال اولديغى مستلزمدر. اللهک تعددينک محال اولمى واحد حقيقى اولمى اثبات ايدر. شو حالده الهده تعدد اولمايغى ثابت اولونجه کافرلرک شرکندن وزوج، وولد اسنادى کي نقائصک جهل سندن عرش اعظمک ربى اولان الهى تنزيه وتقديس ايدرم والله تعالى بر اولوب فوقنده اکا حکم ايدم جک بر حاکم اولمايجه ايشله ديکى افعالندن مسئول دکدر. بناء عليه؛ قوللرينک بعضيلرينى عزيز، بعضيلرينى ذليل، بعضيلرينى زنکين ووجودلرينى صاعلام وبعضيلرينى فقير وخسته قيلار هيچ کيمسه نك سوال حدى دکدر. چونکه؛ جهل سنىک مالکى وخالقيدر. ملکنده ايسته ديکى کي تصرف ايدر وملكنده حق اوليان برکيمسه مالکک تصرفه مداخله ايدم. اما انسانلر اللهک قوللرى اولوب امرينه امثالى واجب اولديني جهته هر کس افعالندن مسئولدر. چونکه؛ ملکک صاحبي ملکنده تصرفه مآذون قيلديني کيمسهي نه يولده تصرف ايتديکندن هر زمان مسئول طوتابيلير.

بوايت جليله وحدانيته اثبات ايچون علم کلامده ايراد اولونان برهانلردن (برهان تمناع)ک دليلدر. برهان تمناعک منصوصى: «الهده تعدد يوقدر، اکر الهده تعدد اولسه عالمده فساد اولوردى. حالبوکه عالمده فساد يوق، بناء عليه؛ الهدهده تعدد يوقدر» ديمکدر.

**

واجب تعالى توحيدک دليلنى بياندن صکره شرکک شاعتى غايت بويوک اولديغندن توحيدک دليلنى اعاده ايدم دک مشرکله شرکک دليلنى کتيرملرينى امرله توبيخ ايتمک اوزره ﴿أَمْ اتَّخَذُوا مِنْ دُونِهِ آلِهَةً﴾ بيوربيور.

[بلکه مشرکله اللهک غيرى معبودلر اتخاذايتديلر.]

﴿قُلْ هَاتُوا بُرْهَانَكُمْ﴾

[حبيب! سن مشرکله «ای» مشرکله شرکله دائر دليلکزی کتيرک ديمکله آنلرى اسکات ايت.] چونکه؛ اللهک واحد حقيقى اولديني عقلى ونقلى دليللره ثابت اولونجه شرکله آنلرک عقلى ونقلى دليل کتيرمک امکانى اولمايغندن سکوتلرى مجبوريدر. بناء عليه؛ سن آنلره «شرکله دائر دليلکزی کتيرک» دى که مذهب لرينک خطا اولديغى بيلسونلر. زيرا؛ بالمله انبياءک کتابلرى توحيد اوزره اتفاق ايتدکلرندن شرکله دائر دليل نقلى اولمايغى کي دليل عقلينک اولمايغى دخى ميدانده در. چونکه؛ دليل عقلى توحيدى اثبات ايدنجه شرکى اثبات ايدمه جيکى طيعيدر.

﴿هَذَا ذِكْرٌ مِنْ مَعِيَ وَذِكْرٌ مِنْ قَبْلِي﴾

[انبياء سابقه نك شريعتلى توحيد اوزره مؤسس اولونجه کتب سابقه نك احکامنى جامع اولان شو قرآن بمله برابر بولونان مؤمنلرک ذکرى و حاللرينى اصلاح وطوغرى يولى کوسترمک ايچون آنلرک وعظى و نصيحتلى اولديني کي اول چکن امتلرده تصديق ايتدکلرى جهته آنلرک حقلرنده دخى قرآن ذکر و نصيحتدر.] زيرا؛ توحيد حقلنده کندی کتابلرى قرآنه موافقدر و لکن حسد و عناد لرندن ناشى تصديق ايتمينلر حقلنده ذکر دکدر.

﴿بَلْ أَكْثَرُهُمْ لَا يَعْلَمُونَ الْحَقَّ فَهُمْ مُعْرِضُونَ﴾

[بلکه آنلرک اکثرى حق بيلمز جاهل اولدقلى حقلدن اعراض ايدرلر.] تفسير خازنده بيان اولونديني وجهله واجب تعالى وحدانيته برهان تمناعله اثبات ايتدکدن صوکره بوايتله الله تعالى، بوتلرى معبود اتخاذايدنلرک حاللرينى انکار ايتمشدر. چونکه «ام اتخذاوا» جمله نك متضمن اولديني استفهام؛ انظار ونويع ايچوندر.

بيضاوينک بيانى وجهله قرآن؛ امت محمدک وعظى اولديني کي ام سالفه نك دخى وعظى و ذکرى اولديغه بو آيت دلالت ايدر. چونکه قرآن؛ بوامتک و بوندن اول چکن امتلرک احوالى جامع اولديغندن کافه ام حقلنده ذکرى وخبرى متضمندر. شو حالده

« شرکه دائر دلیلکزی کتیرک » دیمک « ای — مشرکرا! ایشته کتب سماویه: کرک قرآن، کرک تورات، کرک انجیل و کرک صحفلر. نظر ایدک باقک توحیدله امر ایدوب شرکدن نهی ایتمکدن باشقه بر شی بولور میسکیز؟ اکر بولورسه کز کتیرک » دیمکدر.
جناب حق عقل سلیم صاحبک اللهک غیری بر طاقم عاجز مخلوقلری معبود اتخاذا اتمیه جکنه اشارت ایچون پوتلره عبادت ایدنلرک حق یلمز جاهل اولدقلرینی بیانه صراحة ذم ایتشددر.

**

واجب تعالی شرکی ذم ایتدکدن صکره جمله انبیانک توحیدله مأمور اولدقلرینی بیان ایتمک اوزره ﴿ وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ ﴾ بیوریور.

[حبییم! سندن اول بز رسول کوندرمدک، الا اورسوله بز وحی ایتدک و دیدک که حال و شان شویله در: بندن باشقه معبود بالحق یوق، آنجق بن وارم. بناء علیه؛ بکعبادت ایدک، نم غیریمه عبادت اتمیهک.] بومنوال اوزره هر رسوله بز توحیدی وحی ایتدک. مدارکده بیان اولوندینی وجهله بوآیت بوندن اول بیان اولونان توحیدک دلیللرینی تقریر ایتشددر. چونکه « توحید؛ طوغر و بر بولدر. زیرا؛ جمله انبیایه وحی اولونمشددر. هر شی که جمله انبیایه وحی اولونه، البته طوغر و بر بولدر. بناء علیه توحید؛ طوغر و بر بولدر » دیمکدر.

خلاصه؛ رسول اللهدن اول ارسال اولونان بالعموم رسوللرک شریعتلرنده توحیدک وحی اولونوب رسوللرک توحیدله مأمور اولدقلری و عبادتک آنجق جناب حقه مخصوص اولوب اللهک غیری به عبادتک جائز اولمادیغی بو آیتدن مستفاد اولان فوائد جمله سنددر.

**

واجب تعالی انبیانک توحیدده متفق اولدقلرینی بیان ایتدیکی کبی مشرککردن

بر قسمک شرککنک کیفیتنی بیانه مذهبیرینک بطلاتی دخی بیان ایتمک اوزره ﴿ وَقَالُوا اتَّخَذَ الرَّحْمَنُ وَلَدًا سُبْحَانَهُ ﴾ بیوریور.

[مشرککر « الله تعالی ولد اتخاذا ایتدی » دیدیلر. اللهی ولد اتخاذا کبی نقائصدن تنزیه ایدرم.]

﴿ بَلْ عِبَادٌ مُّكْرَمُونَ * لَا يُسْبِقُونَهُ بِالْقَوْلِ ﴾

[بلکه ملککر طرف السیدن اکرام اولونمش قوللردر، اللهک امرینی سوزیله قارشیلمازلر.]

﴿ وَهُمْ بِأَمْرِهِ يَعْمَلُونَ ﴾

[حالبوکه آنلر اللهک امریله عمل ایدرلر.] بناء علیه؛ امر الهی خارجنده بر ایش طوتمازلر.

یعنی؛ مشرککرک بر قسمی « رحمن تعالی ملککری کندینه ولد اتخاذا ایتدی » دیدیلر. مشرککرک بوکبی افترا لرندن رحمن تعالی منزله و میرادر. بناء علیه؛ بن الله تعالی بی مشرککرک افترا لرندن تنزیه ایدرم. چونکه؛ اللهک ولد اتخاذه احتیاجی یوقدر، بلکه ملککر اللهک مشرف و مکرم قوللریدر و عبودیتلری ولد اولمغه منافیدر. زیرا؛ بر ذاتک ولدی آنک عبد مملوک اولماز و اللهک امرندن اول ملککر سوز سوزیلدکلی کبی امر اوزرینه دخی سوز سویلزلر. زیرا آنلر؛ آنجق اللهک امریله عمل ایدرلر و امر اولونمادقلری شیئی اصلا ایشله مزلر.

خازن، بیضاوی ونیسابوریده بیان اولوندینی وجهله بوآیت؛ عربدن (خزاعه) قبیله سنک مشرککری حقنده نازل اولمشدر. چونکه؛ آنلر ملککر اللهک قیزلری اولدیغی اعتقاد ایتدکلرندن جناب حق بوآیتله آنلرک اعتقادلرینی رد ایتشددر.

کافرلرک شناختلرینی و کفران نعمته ایلری کیتدکلرینی اظهار ایچون اللهک قوللرینه انواع نعمتی احسان ایتدیکنه دلالت ایدن رسمی اسم شریفی وارد اولدیغی ابوالسعودک جمله بیاناتنددر.

بوآیت جلیله؛ بشی مکمی مایه: برنجیسی؛ مشرککرک رسمی تعالی وار اتخاذا ایتدی

و بملمبرمه ايکنجیسی ؛ مناب مقلک، ذاتی بوکی نفائصمه نثره اتمسیرمه . اوچنجیسی ؛ ملکک عندالله مقرب و مکرم اولملمبرمه . دردنجیسی ؛ الله تعالی امر اتمکجه هیچ بر شی سولملمبرمه . بشنجیسی ؛ ملکک آنجه امرالهی الیه عمل اتملمبرمه . واجب تعالی نیک ملکک عباد مکرم اولملمبرمه ؛ سوزلریله الله امرینه تقدم اتمه ملری و آنجق الله امریله عمل اتملریله قرآنده اثبات اتمشی انسانلرکده بواکی صفتده ملکک کبی اولق لازم اولدیغنه اشارت ایچوندور . بناء علیه ؛ انسانک الله کلامی اوزرینه سوز سولمشی و الله امری خارجنده ایش طومشی جائز دکادر .

* *

واجب تعالی ملکک بعض اوصافی بیان ایدیکی کبی قوللریکجه اعمالی بیلدیکی دخی بیان اتمک اوزره ﴿ يَغْلَمُ مَا بَيْنَ أَيْدِيهِمْ وَمَا خَلْفَهُمْ ﴾ بیوریور . [الله تعالی ملکک کچمش وکله جک بالعموم عمللری بیلیر .]

﴿ وَلَا يَشْفَعُونَ إِلَّا لِمَنْ ارْتَضَى ﴾

[ملکک شفاعت اتمزلر ، آنجق الله شفاعت اتملرینه راضی اولدیکی کیمسه لره شفاعت ایدرلر .]

﴿ وَهُمْ مِنْ خَشْيَتِهِ مُشْفِقُونَ ﴾

[حالبوکه ملکک الله غضبندن قورقارلر .]

یعنی ؛ ملکک البته الله امرینه مخالفت اتمزلر . زیرا ؛ الله تعالی ملکک مقدم ومؤخر یعنی ایشله دکاری و ایشله یه جکری و حال حاضرده بالجمله عمللری بیلیر . بناء علیه ؛ آنلر الله ، عمللری بیلدیکی بیلدکلرندن کندی عمللری مراقبه ایده رک نفسلری ضبط ایدر و امرالهی خارجنه چیقمازلر و شفاعتده اتمزلر ، آنجق الله شفاعت اتملرینه راضی اولدیکی کیمسه لره شفاعت ایدرلر . شو حالده رضاء الاهی خارجنده شفاعت ایچون

هیچ بر کیمسه حقنده سوز سولمزلر . حالبوکه ملکک الله عظمتی و مهابتی قارشوسنده شدتله قورقارلر و قورقورلی ظاهرده بیلنیر بر حالده اولور . نیسابوریده بیان اولدیکی وجهله ﴿ مشفقون ﴾ جهتی بر اماره الیه عزابی کوزده نملک و عزابک کلمسندره قورقمدر . بناء علیه ؛ « ملکک ضعیف بر اماره ایله قورقارلر » دیمکدر . تفسیر خازنده (ابن عباس) حضرتلرندن روایة بیان اولوندیغنه نظراً الله شفاعت اولونمسنه راضی اولدیکی کیمسه لر ؛ کلمه نومبرک معناسی قلیب اعتقاد و سائید نظم ایدره کیمسدر . چونکه ؛ توحیدی اعتقاد اتمین مشرکله شفاعته مظهر اولامازلر .

بیضاویک بیان وجهله خشیت ؛ تعظیم برابر قورقو اولوب اشفاق ؛ اعتنا الیه برابر قورقو معناسه اولدیغندن خشیتله برابر اشفاق ذکرده تکرار یوقدر . کرچه هر ایکسندره قورقو معناسی وار ایسه ده تعظیم و اعتنا کبی آری آری معنالی متضمن اولدکلرندن تکراره حمل اولوناماز .

خلاصه ؛ الله تعالی ملکک جله اعمالی بیلدیکی و الله شفاعت اولونمسنه راضی اولمادیکی کیمسه لره شفاعت ایده میوب آنجق راضی اولدیکی کیمسه لره شفاعت ایده جکری و ملکک الله عظمتندن کال اعتنا ایله قورقورلی بوایتدن مستفاد اولان فواید جله سنددر .

* *

واجب تعالی ملکک احوالی بیان ایدکدن صوکره الوهیت دعواسنده بولونانلرک جزالری بیان اتمک اوزره ﴿ وَمَنْ يَقُلْ مِنْهُمْ إِنِّي إِلَهٌ مِنْ دُونِهِ فَذَلِكَ نَجْزِيهِ جَهَنَّمَ ﴾ بیوریور .

[اکر ملککدن وسائر خلقدن بر کیمسه الله دوننده بن الهم دیرسه ایشه او کیمه نی بزجهنمه جزالاندیررز .]

﴿ كَذَلِكَ نَجْزِي الظَّالِمِينَ ﴾

[ایشته الوهیت دعواسنده بولونان کیمسه بی بزجهنمه جزالانیدر دیغمز کبی ظالمیری ده
جهنمه جزالانیدررز .]

یعنی ؛ ملکر معصوم اولدقلرندن کندیبری الوهیت دعواسنده بولونمازلر . بالفرض
والتقدیر آنلردن بر کیمسه الوهیت دعواسنده بولونسه وبن اللهک غیری اللههم دیسه
وعبادته استحقاق ادعاسنده بولونسه بز آنی جهنمه جزالانیدر دیغمز کبی اللهک غیری بی
معبود اتخاذا یدرهک الوهیتی موضعنک غیریده کوزه تن ظالمیری دخی جهنمه جزالانیدررز .
بیضاوینک بیانی وجهله بو آیتلرده بیان اولونان صفتلرک کافه سی ملکرک عبودیتلرینه
دلالت ایدوب عبودیت دخی ولد اولغنه منافی اولدیغندن بوصفتلرک جمله سی ملکرک اللهک
ولدی اولمادیغنه دلالت ایدر . چونکه ؛ سوزلرک و عمللرک جمله سنک اللهک امریله اولسی
والله تعالی نک آنلرک اسرارینی بیلوب آنلرک اللهک اسرارینی بیلمه ملری و ملکرک شفاعت
ایده میوب اللهک اذنیله شفاعت ایتلری واللهک عظمت ومهابتدن صوک درجه قورقلاری
والوهیت ادعاسنده بولونان اولسه جزاسنک جهنم اولاجنی اوصاف عبودیتدندر ، یوقسه
الوهیته ولد اولماتک اوصافندن دکلدر .

* *

واجب تعالی الوهیتک دلیل آخرینی بیان ایتک اوزره ﴿ اَوَلَمْ يَرَالَّذِينَ كَفَرُوا
اَنَّ السَّمٰوٰتِ وَالْاَرْضَ کَانَتَا رَتْقًا فَفَقَقْنَاهُمَا ﴾ بیوریور .

[بیلمدیلمی شول کیمسه لکه آنلر کافر اولدیلمر سموات وارضک متصل وواحد
اولوبده بز آنلرک آره سی شق ایدوب آیردیغمزی ادراک ایتدیلمی ؛ وبونلر بر اولوبده
بز آنی آیری کوکلر قیلوب ویرلری اقلیمله تقسیم ایتک وحدانیته دلالت ایتمی ؛]

﴿ وَجَعَلْنَا مِنَ الْمَآءِ کُلَّ شَیْءٍ حَیٍّ ﴾

[و بز صودن هر حیوانی خلق ایدوب حیات ویرمدکی ؛]

﴿ اَفَلَا یُؤْمِنُوْنَ ﴾

[آنلر بوقدر عجائب و غرائبی کوروبده ایمان ایتزلرمی ؛ وبونلری دوشونوب وحدانیته
استدلال ایله ایمان ایتک لازم دکلکی ؛]

یعنی ؛ مشرک بزم وحدانیتمزی انکار وولد اسناد ایتک کبی شیلرله افترا ایدرلرده
سموات وارضک یکدیگرینه متصل بر کولچه حالنده اولوبده بز آنی پارچه پارچه یاروب
آره لری بوشالتوب آیری آیری برر فلک قیلدیغمزی وارضی قطعله تقسیم ایتدیگمزی
بیلمدیلمر و کورمدیلرمی ؛ و بز برصودن حیات صاحبی اولان هر حیوانی خلق ایتدکی ؛
یوقدر عجائب و غرائبی کورورلرده قدرتمزی تصدیقه ایمان ایتزلرمی ؛

بیضاوینک بیانی وجهله ﴿ رَتْقًا ﴾ بر شیتک ، متصل اولوب آره ده فاصد اولغیمیه
حقیقت و امره اولسیر . چونکه ؛ سموات بدایه طبقه واحده و بر ماده اصلیه اولدینی
حالده صکره جناب حق حکمتنک اقتضای اوزره یدی طبقه قیلمش و هر برینی دیکرندن
آیرمشدر . کذلک ارض بدایه خلقنده طبقه واحده اولوب صکره جناب حق اقلیمله
وقطعه لره تقسیم ایتمشدر . فتق ؛ یارم و آیرم معناسنده . شو حالده معنای نظم :

[سموات وارضدن هر بری اول بوتون ایکن صکره بز آنلری آیردق وسمایی عالم اسباب
وارضی عالم مسبب قیلدق . انسانلر سمان این برکتلر سیبیله ارضدن حاصل اولان
رزقلرله یاشا سونلر] دیمکدر . شو حالده جناب حقک سما ایله ارضک آره سی آیروب
هوا وسائر موجوداتیله ایکسینک آره سی طولدوروب سما جهتی یا غموره ألورشلی ویر
یوزینی اوتلر واکینلر وسائر نعمتلره قابیلی قیلمی وحدانیته پک بویوک دلیل اولدیغندن
بونلره نظر ایدوب ایمان ایتمینلری جناب حق توبیخ ایتمشدر . خازنک بیانی وجهله
اوتلر ، آغاجلر حیوانده داخلدر . بوکا نظراً معنای نظم : [سمان نازل اولان رحمت
صوبی ایله هر شیئی احیا ایتدک] دیمکدر . یاخود آیتده ماء ایله مراد ؛ نطفه در . بوکا
نظراً ﴿ کل شیء ﴾ ایله مراد ؛ میرانمره او حالده معنای نظم : [حیواناتک کلیسی صودن که
نطفه دن خلق ایتدک] دیمکدر . ماء ایله مراد ؛ مطلقاً صر اولدیغنه نظراً هر شیئی صودن
خلق اولونمی ایله مراد ؛ اکثر و اغلب اعتبارله اولدیغنی کبی بز م کوره بیلدیگمزه رشی
صودنه ضلوه اولونمی دیمکدر . بناء علیه ؛ ملکر و جنلرله بوکا اعتراض وارد اولماز و بز م

کوردیکمز انسان و سائر حیوان ايله آغاجلرک و او تارک ترکیندن اکثر موادی صوا ولدینی جهته هر شینک صودن خلق اولوندیغی بیان اولونمشدر . یا خود بیضاوینک بیانی وجهله « هر شینک صودن خلق اولوندیغی » بیان « صویه فرط احتیاجی و صوا ايله انتفاعی و هر شینک حیاتنده صویک مدخلی اولوب صوسز میدان کلدیکنی » بیان ایتکدر .

* *

واجب تعالی مشرکری توبیخ ایتدیکی کبی خالص قوللرینه احسان ایتدیکی نعمتلی دخی تعداد ایتک اوزره ﴿ وَجَعَلْنَا فِي الْأَرْضِ رَوَاسِيَ أَنْ تَمِيدَ بِهِمْ ﴾ بیوریور . [بزارض اوزرینه انسانلره حرکت ایتسون ایچون ثابت بویوک طاغیر خلق ایتدک .]

﴿ وَجَعَلْنَا فِيهَا رِجَاجًا سُبُلًا لَّعَلَّهُمْ يَهْتَدُونَ ﴾

[بز او طاغلرده انسانلرک مطلوبلرینه واصل اولملری ایچون آجیق یوللر ودره لر خاق ایتدک که هر کس ایستدیکی کبی یوروسون .]

﴿ وَجَعَلْنَا السَّمَاءَ سَقْفًا مَحْفُوظًا وَهُمْ عَنْ آيَاتِهَا مُعْرِضُونَ ﴾

[و بزمای ییقلق و دو کولمکدن محفوظ اوزر بکزه طام مثابه سنده قیلدق . حالبوکه مشرکک سمانک وارضک وحدانیت دلالت ایدن علامتلرندن اعراض ایدر و مقصده استدلال ایتزلر .] چونکه ؛ اعراض ایتسه لرده بوطلمک عجائبندن استدلال ایتسه لر دی البته ایمان ایدر لر دی .

یعنی ، کافرلر سموات وارضک ماده واحده دن تقسیم اولدق لرینی نظر دفته آلامدق لری کبی ارض اوزرینه قونیان طاغلره نظر ایتدیلمی ؛ البته نظر عبرتله باقایلر . زیرا بز ؛ او یو وارلاق اولان کره ارضی انسانلرک ادراک ایده چی قدر حرکت ایدوب انسانلری مضطرب قیلما سون ایچون ارضک اوزرینه یوکسک و ثابت طاغلری خلق ایتدک که سرعتله حرکت ایتسون و اوزرنده انسانلر راحت ایتسون و او جسامتلی طاغلرده آجیق و کنیش یوللر خلق ایتدک که انسانلر ایستدک لری یرلره سیروسفر ایتسونلر و واره جنی محله قولایلقله وارسونلر و سمایی یراوزرینه دوشمکدن محفوظ طام مثابه سنده قیلدق که هروقت و هر یردن

باقدیغکمزده او سما جهتنده ییلدیزلری کوروب آنلرک دلالت ایتدیکی آیلری و ییللری و حرائت و زراعت موسملرینی بیله سکمز . حالبوکه کافرلر بو آثار عجیبه نک دلالت ایتدیکی مقصودن اعراض ایدرلر و بوصنا یغ غریبه نک دلالت ایتدیکی قدرت الهیه نک عظمتنده تفکر ایتزلر .

بو آیت جلیله ؛ طاعلرک انسانلر ایچون نعمت عظیمه اولدیغنه دلالت ایتدیکی کبی یوللرکده انسانلر حقنده نعمت اولدیغنه دخی دلالت ایدر . بناء علیه ؛ انسانلرک یوللر آجیق و او یوللری اعمار ایتک و اونعمتدن قولایلقله انتفاع ایتک دخی وظیفه لری اولدیغنه اشارت واردر . چونکه جناب حقک قرآنده بونلرک نعمت اولدیغنی بزه بیان ایتسی ؛ اونعمتدن استفاده ایتمه مزی امر ددر . انسانلر اوزرینه نعمت اولان شینک شکرینی ادا ایتک واجبدر . یوللرک شکرلی ایتسه آنی اعمار ایده رک سهولتله یورو مکه مانع اولان عارضه لری ازاله ایدوب کیدوب کله جکلری یرلره قولایلقله آز و قتده کیدوب ککک و آت اولدورمک و آراهه قیرمق کبی ضرر لر دن و ارسته اولمقدر .

بو آیت جلیله ؛ دخت حکمی جامعدر : برنجیسی ؛ ارضه اوزرینه جسم طاعلرک قونمبیر . بو ، میدانده بر حقیقتدر . ارضک حرکه سنه طاعلرک مانع اولماسنه کلنجه ؛ کره ارض صو اوزرنده ایچی بوش برکمی کبی اولدیغندن زیاده حرکت ایده چی و انسانلرک حس ایده بیله چیکی بدرجه ده صاللانجی قابل انکار برشی دکلددر . ایشته بوش کبی به لزومی قدر یوک قونونجه فضله جه حرکتدن کسیدلیکی و ارض اوزرینه جسم طاعلر قونولونجه بدرجه سکوتنه سبب اولدیغنی کبی انسانلرک حس ایده میه چیکی درجه ده حرکه سنده مانع اولماسی بعید برشی دکلددر . ایکنجیسی ؛ انسانلرک مطلوبلرینه یول بولملری ایچونه طاغلرده آجیق و بول بوللر ضلوع ایتسیر . بوده هر کسک بیلدیکی بر حقیقتدر و یوللرک اعمارینه اشارتدر . اوچنجیسی ؛ سمانک اوزرینه مزده بر طام مثابه سنده اولسیر . در دنجیسی ؛ ارباب ضلوع بونلرک استدلالده فایده لیر . سمانک سقف اولسی ؛ هر بلده اهالیسی کندی بلده سندن باقدیغنده ارضه نسبتله سمایی بر خانه نک طامی کبی کورمسیر . کرچه بزله کوریلن جو سما اولوب نفس سما دکلسه ده آرهدن جو سما زائل اولسه عین سمایی بو حالده کوره جکمزدن جو سما کورمک عین سمایی کورمک کیدر .

تفسیر خازنده بیان اولوندیغی وجهله سمانک محفوظ اولمسی ایله مراد؛ سُبْحَانَكَ
سمایه جیممیزده محفوظ اولمسی مراد اولمق احتمالی اولدینی کبی بیضاوینک بیانه نظراً
قدرت الهیه ایل معطوره و انتظامی بوزولوب اتمول اتمکده محفوظ اولمسی . چونکه ؛
علم الهی وجه اوزره وقت مرهونه قدر شو کوریلن انتظامی غیب ایتمکدن محفوظ
قالاجق در . آیت جلیله ده بوموال اوزره محفوظ قالاجغه دلالت ایتمکده در .

* *

واجب تعالی سمانک سقوطدن و انحلالدن محفوظ اولدیغی بیاندنصکره سما واسطه سیله
ارض اوزرنده خلق ایتدیکی ایل و نهاری و سما جانبده اولان شمس و قمری خلق ایتدیکی
بیان ایتک اوزره ﴿وَهُوَ الَّذِي خَلَقَ اللَّيْلَ وَالنَّهَارَ وَالشَّمْسَ وَالْقَمَرَ﴾ بیوریور .
[الله تعالی شول ذات اجل واعلادرکه کیجهی و کوندوزی و کونشی و آیی خلق
ایتدی .]

﴿كُلٌّ فِي فَلَكٍ يَسْبَحُونَ﴾

[آی ایله کونشدن هربری کندینه مخصوص اولان فلکده سرعتله یورور و آنک
جریانده تعین اولونان محلدن چیقماز و هرکس کندی محورنده دوران ایدر .]
یعنی ؛ الله تعالی انسانلرک راحتلی و اویقولری ایچون کیجهی و تجارتلی و معیشتلری
تدارک ایچون کوندوزی خلق ایتدی . کوندوزک کسب تجارتله اوریشلی و عالمه رونق بخش
اوله جق درجه ده ضیادار اولمسی ایچون کوندوزه مخصوص کونشی و کیجهلری نورلاندیرمق
ایچون قمری خلق ایتدی که هر ایکسندن ده انسانلر مستفید اولسونلر . بونلردن هربری
کندینه مخصوص اولان فلکده سرعتله سیر ایدرلر . بناء علیه ؛ انتظام عالم ایچون بونلرک
خلق اولونوب هربری کندینه تعین اولونان محلدن چیقما یوب دائماً او محله برانتظام غریب
اوزره جریان ایتسندن خلاق عالم قدرته پک بویوک دلالت اولدیغندن هر عاقلک بونلری
دوشونمکه عظمت الهیهی ادراک ایدوب ایمان ایتسی لازمدر . چونکه ؛ شمس و قمر
وجود انسانه نافع اولدقلری کبی میوه لرک پشمسی و حبوباتک ایرمسی و تجارت و فلاح

زمانلرینک بیلمسی شمس و قمرک تعین اولونان محللرنده انتظام اوزره جریان ایتلریله
حاصل و آنلرک حرکه لرنده انسانلرک چوق منفعتلر اولدیغنه اشارت ایچون جناب حق آنلرک
مرکز لرنده جریان ایتلری بو آیتده نعمت صره سنده ذکر بیورمشد .

فخر رازینک بیانی وجهله شمسله قمرک فلک اوزرنده حرکت لرنده اوج احتمال
وارد . برنجی احتمال ؛ فلک ثابت اولوب یلدرلرک آنک اوزرنده یورورلر . یعنی ؛ هر
یلدرلرک کندینه یقین اولان فلک اوزرنده حرکت بر مانع فنی بوقدر و آیت جلیله ده بوجهته
دلالت ایتمکده در . چونکه (یسبحون) سباحتیه در . سباحت ؛ انسانک صر اوزرنده
یورورلر . بناء علیه ؛ یلدرلرک کندیلرینه یقین اولان افلاکک ساحه سنده حرکه لری
جناب حق صوده یوزن انسانلرک حرکه لرنه تشبیه ایچون بو آیتده (یسبحون) لفظیله
بیان بیورمشد . ایکنجی احتمال ؛ یلدرلرک ثابت اولوب فلکک هرکسید حرکت ایتلر .
اوچنجی احتمال ؛ یلدرلرک هر ایکسندن ده حرکت ایتلر . بناء علیه قدرت الله
نسبتله بونلرک هر جمعه سی تمکندر .

* *

واجب تعالی دنیا نعمتلرینک اصولی اولان نعمتلری بیاندنصکره بونعمتلری خلق
ایتمکدن مقصد اصلی انسان و سائر مخلوقاتک بقای ایچون اولمایوب بلکه وفاتلرینه قدر
حیاتلرینک قوامنه خادم اولمق و بوسیله ایله انسانلری امتحان ایچون خلق ایتدیکنی بیان
ایتک اوزره ﴿وَمَا جَعَلْنَا إِنشِيرٍ مِنْ قَبْلِكَ الْخَلْدَ﴾ بیوریور .

[حیم ! سندن اول بزهیچ بر بشر ایچون بقا خلق ایتدک .]

﴿أَفَأَنْ مِتَّ فَهُمْ الْخَالِدُونَ﴾

[سنک دشمنلرک کندی وفاتلری دوشونمز لرنده اکر سن اولورسه ک آنلر دنیاده مؤبد
قاله جقلری می ظن ایدرلر ؟]

﴿كُلُّ نَفْسٍ ذَائِقَةُ الْمَوْتِ﴾

[هر نفس اولوی طاده جقدر .]

﴿ وَنَبْلُوكُمْ بِالشَّرِّ وَالْخَيْرِ فِتْنَةً ﴾

[حالوکه بزسزی خیر و شر اولان شیلرله امتحان ایدر مبتلا قیلارزکه بو ابتلا من سزه فتنه اولسون .]

﴿ وَإِنَّا تُزْجَعُونَ ﴾

[و آنجق سز بزم حضور مغویمزه ارجاع اولونورسکز .]

یعنی ؛ ای رسول اکرم ! سنک وفات ایده جککی دشمنلرک کوزلری اوکنه آلاق سویمه سونلر . زیرا ؛ بز سندن اول کچن وسندن صکره کله جک انسانلردن هیچ برکیمسه ایچون دوام والی الابد بقا خلق ایتدک . چونکه انسان ؛ حادث و مرکبدر . محدث و مرکب اولان هر شینک مرور زمانله امتزاجه خلل کله جکندن البته بنیه سی خراب اولاجقدر . اکر افراد بشر ایچون بقا خلق ایتش اولسه ایدک سنک ایچون دخی بقا خلق ایدردک . شو حالده دشمنلرک سنک وفات ایده جککی دوشونورلرده کندیلرینک مخلص قالا جق لری می ظن ایدرلر ؛ حقیقت حال آنلرک ظن ایتدکلری کبی دکدر . زیرا ؛ اجزادن مرکب اولان هر نفس روحنک بدنندن آیرلمسیله اولومک آجیسی و جاننک جسدندن مفارقتیه موتک المی طاده جقدر و اونفسک اصحاب خیر و یا اصحاب شردن اولمی پینده فرق یوقدر . چونکه ؛ جمله سی موته محکومدر . شو قدرکه اصحاب خیرک اولومک آجیسی البته اهون و اولومی قولای اولاجغنده شبهه یوقدر . بناء علیه ؛ ریوزنده بولونمقله حضرت عیسی کبی سایه رفع اولونوب برمدت اعلاء علینده بولونمی پینده فرق یوقدر . زیرا ؛ هر کس البته وفات ایده جکدر . شو حالده انبیا ایلله آحاد ناس آره سنده موت ایچون برفرق اولماز . و بزسزی امتحان ایچون صحت بدن ، ثروت و سامان ، اولاد و عیال کبی خیر اولان و خسته لق و فقر و فاقه و قحط و غلا کبی شر اولان شیلر خلق ایدر و بونلرله سزه امتحان معامله سی یاپارزکه مبتلا اولاسکز و بابتلا سبیله اییلر کوتورلدن سچیلسون و نعمتمزه شکر ایدنلرله ایتمه ینلر بیلنسون که شکر ایدنلر شکرلرینک مکافاتنی و شکر ایتمه ینلر کفران نعمتک مجازاتی کورسونلر و بو امتحاندن صکره وفات ایدر ، البته سز آنجق بزم حضور مغویمزه ارجاع اولونورسکز . بناء علیه ؛ هر یککز عمامکزه کوره جزالانیرسکز .

فخر رازینک بیانی وجهله بو آیتده اولوم ایلله مراد ؛ اولومک مقدمه سی اولاده سکران موتدر . زیرا ؛ اولومک کندیمی طادیه جق برشی اولمادیغندن « هر نفس موتی طاده جق » دیمک « موتک اولنده اولان سکرانک آجیسی طاده جق » دیمکدر . بناء علیه آیتده موت له مراد ؛ موتک مقدمه سیدر .

امتحان ، تکلیف اوزره ترتب ایتدیکندن امتحان اولونانلرک مکلف اولمیرینه آیتده دلالت وارددر . امتحان ؛ ایکی شید اولور ؛ برنجیسی ؛ نعمت ، ایکنجیسی ؛ بهر و مصیبتدر . بناء علیه ؛ جناب حق بو آیتده قوللری هر ایکسیله ده امتحان ایتدیکنی بیان ایچون خیرله و شرله امتحان ایتدیکنی ذکر ایتمشدر . چونکه انسانلر شو ایکی حالدن برینه البته مبتلا اولاجغندن هر حالده امتحان الهی آلتنده اولماق برانسان موجود اولماز . بناء علیه ؛ هر شخص ، مکلف اولدینی ساعتدن اعتباراً عمرینک آخیرینه قدر امتحان دورده سی کچیرمکده در . زیرا ؛ یا خیرله مبتلا اولور ؛ او وقت شکرک و یا شرله مبتلا اولور ؛ اوزمان صبرک و جوییه مکلف اولورکه خیره شکر و شره صبر ایدرسه ثوابه و بونلرک عکسینی ایشلرسه عقابه مستحق اولور .

نعمت الله افندیکنک بیانی وجهله بو آیتک سبب نزولی ؛ بعض نصارانک حضرت عیسانک وفات ایتدیکنی و رسول اللهک وفات ایده جکنی بیانه مسرور اولمیردر . چونکه آنلرک « بز محمد ﷺ ک اولومنی بکلرز . البته اوله جکدر و اولمسیله دینی ده منقرض اولاجقدر » دیملری اوزرینه آیتک نازل اولدینی مرویدر . فخر رازی سبب نزوله بو روایتی بیانه برابر ایکنجی بر روایت ده بیان ایتمکده درکه رسول الله محبت ایدن کیمسه لردن بعضیلری « رسول الله خاتم الانبیا اولدیغندن وفات ایتیه جکنی و اکر وفات ایدرسه شریعتک تغیر ایده جکنی » اعتقاد ایتلری اوزرینه جناب حق رسولنک حالی سائر انبیانک حاللری کبی اولوب آنلرک وفات ایتدیکنی کبی بونک دخی وفات ایده جکنی بیان ایچون بو آیتی انزال بیورمشدر . لیکن اولکی روایت لفظ آیه ده موافقدر . چونکه آیتده « حیدم ! سن وفات ایدوبده آنلر مخلص قالا جق لری می ؟ » دیمک ؛ رسول اللهک وفات ایده جکنه دشمنلرینک شامت ایتمی اوزرینه آیتک نازل اولدینی تأیید ایدر .

خلاصه ؛ دنیاده هیچ بر بشر ایچون بقا اولمادینی و هر نفس اولومک آجیسی طاده جنی

وانسانلرك خيره ويا شرله امتحان اولونديني وبناء عليه حيات دنيان مقصداك انسانلري امتحانله ثوابه ويا عقابه عرض ايتمكدن عبارت بولونديني وهر كسك عاقبت حضور معنوي السهي به رجوع ايدم جكلري بو آيتدن مستفاد اولان فوائد جمله سندندر .

* *

واجب تعالى هر نفسك وفات ايدم جكلني وديان مقصد آنجق ابتلا و امتحان اولديني وعاقبت هر كسك عملنك جزاسني كورمك ايچون حضور السهي به ارجاع اولونا جفني بيانن صكره كافرلك رسول الله استهزا مقامنده سويلدكلري سوزلريني بيان ايتمك اوزره ﴿وَإِذَا رَأَوْا الَّذِينَ كَفَرُوا مِنْهُمْ يَتَّخِذُونَكَ إِلهًا هُزُوا﴾ بيوريور .

[حيم ! شول كيمسه لركه آنلر كافر اولديلر . سني كوردكلرنده آنلر اتخاذا ايتمزله ، الا آنلر سني استهزالرينه محل اتخاذا ايدرلر .] وديرلركه :

﴿أَهْدَا الَّذِي يَدْكُرُ الْهَيْكَلَكُمْ﴾

[آنلر سني كوردكلرنده بربرلرينه « شوميدر شول كيمسه كه او كيمسه سرك معبودلريكزي ذكر ايدر ؟ » ديمكه سني استهزا ايدرلر .]

﴿وَهُمْ بِذِكْرِ الرَّحْمَنِ هُمْ كَافِرُونَ﴾

[حالبوكه آنلر رحمن تعالى نك ذكرينه كافرلردر .]

يعني ؛ شول كيمسه لركه آنلر وحدانيتي انكارله شرك ايتديلر . آنلر سنك تلاوت قرآنله اصحابكي ارشاد ايتديكسي كوردكلري زمان آنلر سني اتخاذا ايتمزله ، الا استهزالرينه آلت اخاذا ايدرلر وديرلركه « شوتبليخ احكامله مشغول اولان ذات ميدر سرك معبودلريكزي ذم ايدمك ذكرايدن ؟ » . حالبوكه بويله ديدكلري زمانده آنلر رحمن تعالى نك ذكرى اولان قرآنه كفر ايدر وحقايقندن غافلردر . بناء عليه ؛ استهزا اولونمغه لايق آنلردر ، حيم سن دكلسك .

كافرلك بوسوزلردن مقصدلري ؛ حاشا رسول الله تحقير ايتمكدر . زيرا ؛ بومثللو مقامده (هذا) لفظي لسان عربده تحقير ايچون استعمال اولونور و ذكر دخی زمره و مدمه

استعمال اولونور سده بومقامده ذم و تعيب ايتمك معناسنده . چونكه دوستك ذكرى ؛ مدح و دشمنك ذكرى ؛ ذم اولديني جهته كافرلر رسول الله دشمن عد ايتدكلرن دن رسول اللهك آنلرك معبودلريني ذكرى البته ذم اولديغندن « سرك آلهلريكزي ذكر ايدن شوميدر ؟ » ديمك « ذم و تعيب ايدن شوميدر ؟ » ديمكدر . آيتك سبب نزولى ده بو معناني تايد ايدر . چونكه ؛ فخر رازي وخازنك بيانلرينه نظراً بو آيت (ابوجهل) و (ابوسفیان) حقلرنده نازل اولمشدر . زيرا ؛ (ابوجهل) بركون ياننده (ابوسفیان) الله برابر رسول الله تصادف ايتديكمنده « بنى عبد منافك نبيسى و سرك معبودلريكزي ذم ايدن شوميدر ؟ » ديدى . ابو سفیان ده « بنى عبد منافده بنى اولمسنی انكارمى ايدرسك ؟ » ديدى و بوسوزلردن مقصدلري ايسه رسول الله استهزا ايتمكدى . رسول الله بونلرك سوزلريني ايشيدنجه « اى ابوجهل ! عموجهك وليده نازل اولان بلا سكاده نازل اولاجق ، كورده جكم » و ابوسفیان ده « اى ابوسفیان ! سنده بو سوزى جدیت اوزره سويلدك ، بلكه حيت اوزره سويلدك » ديمسى اوزرينه بو آيتك نازل اولديني مرديد . خلاصه ؛ كافرلك رسول الله كوردكلرنده استهزا ايتمك قصديله « شوميدر سرك معبودلريكزي ذم ايدن ؟ » ديدكلري و حالبوكه آنلر بوسوزى سويلدكلرنده قرآنه كافر اولدكلري بو آيتدن مستفاد اولان فوائد جمله سندندر .

* *

واجب تعالى رحمن تعالى نك ذكرى اولان قرآنه كافرلك كفرلريني بياندنصكره عذابى استعجال ايتدكلريني بيانله مذهبلريني رد ايتمك اوزره ﴿خُلِقَ الْإِنْسَانُ مِنْ عَجَلٍ سَأُرِيكُمْ آيَاتِي فَلَا تَسْتَعْجِلُونِ﴾ بيوريور .

[انسان عجله دن خلق اولوندى . البته بن سزه آيتلريمى كوستيرم . بناء عليه ؛ عذابك على العجله كلسنى ايسته ميهك .]

﴿وَيَقُولُونَ مَتَى هَذَا الْوَعْدُ إِنْ كُنْتُمْ صَادِقِينَ﴾

[وآنلر طبیعتلرنده اولان عجله یه بناء «سوزیکزده صادقسه کز وعد ایتدیککز عذاب نه زماندر کله جک ایه کلیورسون» دیمکه عذابک کلمسی استعجال ایدرلر.]

یعنی؛ حیوان ایچنده انسان هرشیده استعجال ایتدیکندن کآن عین عجله دن خلق

اولونمش کی هرشیک ایتدیکی زمان اولویرمسنی ایستر. ای انسانلر! یقین بر زمانده عذاب متعلق آیتلریمی البته بن سزه کوستریرم. شوخالده عجله ایتدیک وعذابککز کلمسی بندن علی العجله ایسته مهیک. کافرلر استعجال ایدرلر و دیرلرکه «سوزکزه صادقسه کز وعد ایتدیککز عذاب نه زماندر وسویدیککز کی کله جکسه کلیورسون» دیمکه عذابک کله جکسه ایمان ایتدیکلرینی اظهار ایدرلر. حالوکه وراه پرده ده کیزی اولان بلانک کلمسی استعجال ایتدیک؛ انسانلر ایچون آریجه بر مصیبت اولدیغنی بیان ایتدیک اوزره جناب حق بو آیتده عجله یی ذم و قوللرینی استعجالدن نهی ایتشد.

فخر رازینک بیانی وجهله بو آیتده انسان له مراد؛ حضرت آدم اولق احتمالی واردر. چونکه؛ حضرت آدمی جناب حق هرشیئی یعنی بو عالم مکنوناتی شوانتظام اوزره خلق ایتدکدنصکره جمعه کونی ایکندی وقتی علی العجله خلق ایتدیکی مرویدر. حتی روحی باشه حلول ایدوب کوزلرینی آچوب جنتی کورونجه «یاربی! بنی عجله! احیا ایت» دیدیکی وروح قارنه واصل اولونجه طعام ایسته دیکی مرویدر. بناء علیه؛ اولادنده اولان عجله آندن موروث اولدینی روایت اولونقده ایسه ده اصح اولان بو آیت؛ نوع انسانی عجله جی اولملری ایله ذم ایچون نازل اولدیغندن انسان له مراد؛ شخص مبین دکل بلکه نوع انسانه مراددر. اما نوعنده اولان استعجالی بیان؛ کافرلرک عذاب استعجاللرینه مقدمه اولارق وارد اولشدر. عجله ایله مراد؛ حقیقی عجزدر. انسانک استعجالنده مبالغه ایچون عین عجله دن خلق اولوندی دنیلمشدر. یاخود عجل؛ ضعف بنیه معنانه در. یاخود عجل؛ (حمیر) لساننده عامور دیمکدر. شوخالده «انسان عجلدن خلق اولوندی» دیمک «بنیه سی ضعیف اولارق» ویاخود «چاموردن خلق اولوندی» دیمکدر. بو معنایه نظر آیتده انسان له مراد؛ حضرت آدم اولق انسبدر.

خلاصه؛ انسانک عجله دن خلق اولوندینی و جناب حقک انسانلره عذاب متعلق آیتلرینی البته کوستره جکی واستعجال منهی ومذموم اولدینی و کافرلرک استعجالی ترک ایتیبوب عذاب نه زمان کله جک دیدکلی بو آیتدن مستفاد اولان فوائد جمله سنددر.

واجب تعالی البته عذابک واقع اولاجغنی بیاندنصکره استهزا ایدنلرک عذابدن قورتولامیه جقلرینی بیانله رسولی تسلیه ایتدیک اوزره ﴿لَوْ يَعْلَمُ الَّذِينَ كَفَرُوا حِينَ لَا يَكُفُّونَ عَنْ وُجُوهِهِمُ النَّارَ وَلَا عَنْ ظُهُورِهِمْ وَلَا هُمْ يُنْصَرُونَ﴾ بیوربیور. [اگر کافرلر یوزلرندن و آرقه لرندن آتشی منع ایدمه جکلری زمانی وبر کیمسه طرفندن ده عذابک دفعی خصوصنده یاردم اولونیه جقلرینی و او وقته وقوع بولاجق دهشتی بیلمش اولسه لردی کفر اوزره قرار ایدره عذاب استعجال ایتزلردی ولکن اوزمانده کوره جکلری محن و مشقتی و کفر اوزره ترتب ایدره جک ضرری بیلمدکلرندن عذاب استعجال ایدرلر.]

﴿بَلْ تَأْتِيهِمْ بَغْتَةً فَتَبْهَتُهُمْ فَلَا يَسْتَطِيعُونَ رَدَّهَا وَلَا هُمْ يُنْظَرُونَ﴾

[بلکه عذاب آنلره آکسزین کلیرده آنلری حیرته قیلار. بناء علیه؛ آنلر عذابک دفعنه وردینه قادر اولامازلر و آنلره اصلا مهلت ده ویرلر.]

یعنی؛ کافرلر استعجال ایتدکلی عذابک کیفیتنی و مقدارینی و کندیلرینه عذاب کلدیکنده یوزلرندن و آرقه لرندن احاطه ایدره جک جهنم آتشی دفع ایدمه جکلرینی و باشقه بر کیمسه طرفندن یاردم اولونیه جقلرینی بیلمش اولسه لردی کفر اوزره باقی قالمازلر و تائب و مستغفر اولورلردی ولکن دنیا به اعتماد ایدره عذاب حاصل اولان غرورلری آنلری عذاب انکاره و استهزا صورتیه استعجاله سوق ایتدی. بلکه نفس قیامت و قیامتده واقع اولاجق عذاب آنلره فجأة کلیر، حتی کله جکندن خبرلری بیله اولماز. بناء علیه؛ عذاب آنلری شاشیرتیر، حیرته بر اقییر. شوخالده دفعنه مقتدر اولامادقلری کی توبه و کچمش عمللرینی تدارک ایتدیک ایچون مهلت ایسته دکلرنده مهلت دخی ویرلر.

ابوالسعود افندیك بیانی وجهله بوآیت استعجال ایتدکاری عذابك شدتی بیان ایتدیکی
کبی استعجالرینك سبب اصلیبی ؛ باشلرینه کله جك فلاکتی بیلیمه ملری اولدیغنی دخی بیان
ایچون سوق اولونمشدر. جهالتلری مستمر اولدیغنه اشارت ایچون استمراره دلالت ایدن مضارع
صیغه سیله (لو یعلم) وارد اولمشدر. یعنی « آنلر ایچون کفر اوزره واقع اولاجق
عذابى بيلمش اولسه لردى استعجال ایتزلردى و لکن بيلمه دیلر » دیمکدر .

بیضاوینك بیانی وجهله مشرکله عذاب کلدیکنده کچمشلرینی تدارك ایچون مهلت
ویرلیه جکنى بیان ایتک دنیاوه ویریلن مهلتدن استفاده ایده مدکلرینی باشلرینه قاققدرکه
دنیاوه فرصتی فوت ایتلری لایق اولمادیغنه وعذابى انکار ایدنلرک هر طرفلرینی عذابك
احاطه ایده جکنه اشارت ایچون یوزلرندن و آرقه لرندن آتشی دفع ایده میه جکلری بیان
و کفر اوزره وفات ایتدکاری جهتله عذابك دفعی خصوصنده یاردیم کورمیه جکلری
دخی بیان اولوندیغی کبی عذابك بقه کلوب آنلری حیرته قیلاجنی وردینه قادر
اولامیه جکلری دخی علاوه اولونمشدر .

خلاصه ؛ کافرلر کندیلرینه کله جك عذابى دفع ایده میه جکلری زمانده باشلرینه
کله جك عقوبتی بیلسلر کفری ترک ایده جکلری وعذابى دفعه مقتدر اولامیه جکلری و باشقه
برکیمسه طرفندن ده بریاردیم کورمیه جکلری و آنلره آکسزین قیامت وعذابى کلنجه نه
یا باجکلرینی شاشیروب حیرته قالا جکلری وعذابك ردینه بر چاره بولامیه جکلری و مهلت
ایسته دکلرنده مهلت دخی ویرلیه جکی بوآیتدن مستفاد اولان فوائد جمله سندندر .

.*

واجب تعالی رسولنی استهزا ایدنلرک هر طرفلرینی جهنم آتشی احاطه ایده جکنى و دفعنه
چاره بولامیه جکلرینی بیاندن صکره امتی طرفندن استهزا اولونمق آخر زمان بیغمبرینه
مخصوص بر حال اولمایوب انبیاء سابقه ده دخی واقع اولدیغنی بیانله رسولنی تسلیه ایتک اوزره
﴿ وَلَقَدْ اسْتَهْزَیْ بِرُسُلٍ مِنْ قَبْلِكَ فَخَاقَ بِالَّذِينَ سَخِرُوا مِنْهُمْ مَا كَانُوا بِهِ
يَسْتَهْزِؤْنَ ﴾ بیوریور .

[ذات الوهیمه یمین ایدرم که حییم ! سندن اول بر جوق رسوللر امتلری طرفدن

استهزا اولوندیلر . بناء علیه ؛ استهزا ایدنلری استهزا ایتدکاری شیلرک کنهای وعذابى
احاطه ایتدی . شو حالده آنلری استهزا ایدنلرک استهزالرینك وبالی آنلری احاطه ایدنجه
سنی استهزا ایدنلرک استهزالرینك کنهای ده بونلری احاطه ایده جکدر . بناء علیه ؛ سن
محزون اولما .]

یعنی ؛ یا ا کرم الرسل ! سنك قومك سنی استهزا ایتدکاری کبی سندن اول کچن
رسوللرک قومى ده آنلری استهزا ایتدیله و آنلری استهزا ایدنلرک استهزالرینك وبالی وعذابى
آنلری احاطه ایتدیکی کبی سنی استهزا ایدنلرک استهزالرینك عذابى ده سنك قومکى احاطه
ایده جکدر . شو حالده سن بونلرک استهزالرینه محزون اولما . زیرا ؛ بو عادت اسکیدن بری
جریان ایده کلمش سکا مخصوص بر شی دکلدکه کدرکی موجب اولسون . استهزا اولونان
رسل کرامك عددلرینك چوقلغنه اشارت و شانلرینه تعظیم ایچون رسل تعظیم و تفضیمه
دلالت ایدن تنوین ایله نکره اولارق وارد اولمشدر .

رسل کرامك حال حیاتلرنده استهزا ایدنلر استهزالرینك عذابى کوره جکلری کبی
حال مماتلرنده استهزا و شریعتلرینی استخفاف ایدنلرک دخی عین عذابى کوره جکلرنده شبهه
یوقدر . زیرا ؛ رسل کرامك حال حیاتلرنده کرک کندیلرینه و کرک شریعتلرینه تعظیم
نصل لازم ایسه حال وفاتلرنده دخی عین تعظیم واجبدر .

.*

واجب تعالی رسل کرامی استهزا ایدنلرک استهزالرینك عذابى کندیلرینی احاطه
ایده جکنى بیاندن صکره دنیاوه آنلری الله تعالی محافظه ایتمه مش اولسه دنیاوه دخی آنلری
باشقه محافظه ایده جک بولونمادیغنی بیان ایتک اوزره ﴿ قُلْ مَنْ يَكْلُوْكُمْ بِاللَّيْلِ
وَالنَّهَارِ مِنَ الرَّحْمَنِ ﴾ بیوریور .

[حییم ! سن استهزا ایدنلره دی که « رحمن تعالی نك عذابندن کیجهده و کوندوزده
سزی کیم محافظه ایدر ؟ »]

﴿ بَلْ هُمْ عَنْ ذِكْرِ رَبِّهِمْ مُعْرِضُونَ ﴾

[بلکه آنلر کندیلرینی محافظه ایدن ربلرینک ذکرندن غفلت واعراض ایدرلر .]
یعنی ؛ یا اکرملرسل ! سن استهزا ایدنلری طریق انتباهه دعوت صدندده دی که
« ای غافل کیمسه لر ! راحتکزک وقتی اولان کیجدهده و کسب تجارتکزک زمانی اولان
کوندوزده رحمن تعالی نک عذاب سزه کلیرسه او عذابدن سزی قورتاراجق و محافظه ایده جک
کیمدر؟ » دیمکه انصافه دعوت ایت. سن هر نه قدر دعوت ایتسه که ده عذاب الهی آنلرک خاطرلرینه
بیله گلز، بلکه آنلر انواع نعمتلری ایله تربیه ایدن الله تعالی نک ذکرندن اعراض ایدرلر.
یعنی اللهک عذابدن قورقق شویله طورسون ، بو قدر جسم نعمتلره متمم اولدقلری
حاله او نعمتلری احسان ایدن ربلی خاطرلرینه بیله گلز . حالبوکه او نعمتلری انعام
ایدن رحمن تعالی نعمتلری انزاله قادر اولدینی کی او نعمتلر مقابلنده شکر ایتمینلره دنیاده
واخرتده انواع عذابی انزاله دخی قادردر . شو حالده مستحق اولدیغکز عذابی انزال ایدرسه
او عذابدن سزی کیم قورتاره جق ، اکر اللهک فضل و کرمی اولسه سزیا شایا بیلیرمیسکز؟ »
دیمکدر .

ابوالسعود افندیکنک بیانی وجهله انسانلر دائما عذابه معروض اولدقلرندن زمانک
کلیسنده قهرالهییدن قورقق لازم اولدیغنه اشارت ایچون کیجه و کوندوز ذکر اولوندینی
کی کیجدهده بلایانک وقوعنده تأثیر زیاده اولدیغندن کیجدهده محافظه نک اهمیتنه اشارت
ایچون دخی کیجه ، کوندوز اوزرینه تقدیم وشو حالده کیجدهده و کوندوزده قوللرینی
محافظه ایده جک آنحق رحمن تعالی اولدینی بیان اولومشدر . چونکه ؛ کیجه و کوندوزک
کندیلرینه مخصوص حالات و آفاتلری اولدینی کی جمع اوقاتی جامع اولدینی جهتله دخی
« اوقاتک جمعیسنده عذابدن سزی کیم محافظه ایده جک؟ » دیمشدر .

بیضاوینک بیانی وجهله اللهک محافظه سی رحمت الهیه سی اثری اولدیغنه تنبیه ایچون
اللهک اسملری ایچندن رسمی وارد اولمشدر که بوراسنی ده دوشونسلر کافرلره جواب
تلقین دخی واردر . چونکه ؛ « سزی رحمانک عذابدن کیم محافظه ایده جک؟ » دینلجه
« رحمانک رحمتی دیمک » قولایدر ، فقط رحمن اسمندن بو جوابه انتقال تفکره و توفیقه
محتاجدر . ربلی اولان رحمن تعالی نک ذکرندن اعراض ایتدکلرینی بیان ؛ ذکرندن
قاچان مشرکلری توبیخ ایچوندور . چونکه ؛ کیجدهده و کوندوزده حفظ و حراستیه مرحمتی

اثری احسان ایدن ربلرینک ذکرندن یوز دوندورملری البته فنا بر شی اولدیغنه اشارت
اولومشدر . (یکلؤکم) (یحفظکم) معناسنهدر . (من الرحمن) (من عذاب الرحمن)
دیمکدر . یعنی « رحمن تعالی نک عذابدن کیجدهده و کوندوزده و جمیع اوقاده سزی کیم
حفظ ایدر؟ » دیمکدر .

* *

واجب تعالی کافرلرک اوقاتک جمعیسنده عذابدن محافظه ایدن ربلرینک ذکرندن اعراض
ایتدکلرینی بیاندن صوکره عبادت ایتدکلری معبودلری ، آنلری عذابدن قورتارمغه مقتدر
اولما دقلرینی بیان ایتک اوزره ﴿ اَمْ لَهُمْ اِلٰهَةٌ تَمْنَعُهُمْ مِنْ دُونِنَا لَا يَسْتَطِيعُونَ نَصْرَ
اَنْفُسِهِمْ وَلَا هُمْ مِنْهَا يُضْعَبُونَ ﴾ بیوریور .

[یوقسه کافرلرک بزدن باشقه معبودلری وارده آنلردن بزم عذابیزی او معبودلری
منع ایدرلر ؟ حالبوکه آنلرک معبودلری کندی نفسلرینی عذابدن قورتارمغه و کندیلرینه
یاردیم ایتکه مقتدر دکلردر و او معبودلر بزم طرفزدن صحبت و یاردیم اولومغه دخی
نائل اولامازلر .] شو حالده کندی نفسلرینی آفادن قورتارمغه مقتدر اولامیان معبودلرک
آنلری عذابدن قورتارمه جقلری اولویتله ثابتدر .

یعنی ؛ مشرکلر انواع نعمتلریله تربیه ایدن ربلرینک ذکرندن اعراض ایدرلر و عذابدن
محافظه ایدن رحمانک رحمتیه صیغینمازلرده بزم غیریمز اولارق عبادت ایتدکلری معبودلرینه می
اعتماد ایدرلر ؟ یوقسه او معبودلر آنلردن عذابی منعی ایدر ؟ اکر بویله ظن ایدرلرسه
بو ظنلری باطلدر . زیرا ؛ آنلرک عبادت ایتدکلری و عذابی دفع ایده جک ظن ایلدکلری
باطل معبودلر کندی نفسلرینه یاردیم ایتکه مقتدر اولامادقلری کی بزم طرفزدن صحبت
اولومغه و معاونته دخی مستحق دکلردر . شو حالده کندیلرینی آفادن محافظه یه مقتدر اولامیان
باطل معبودلر ، عبادت ایدن عابدلرینی نصل محافظه ایده بیلرلر ؟ البته محافظه ایده مزلر .
ایشته بو آیات جلیله ؛ اللهک غیری یه اعتماد ایدنلری توبیخ و آنلری انتباهه و انصافه
دعوت ایتشدر . چونکه ؛ « اللهک غیری قولارندن عذابی و سائر آقانی دفع ایده جک

بر کیمه اولمادیغی « بیان ایتک » هر کسک اعتمادی آنجق الله تعالی به اولق لازم اولوب
غیری به اعتمادك جائز اولمادیغی « بیان ایتکدر .

* *

واجب تعالی مشرکک معبودلری عاجز اولدیغی بیاندن سوکره او عاجز معبودلره
عبادت کبی بر جنایتی ارتکاب ایتدکلی حالده فضل واحسانی آنلردن اسیرکه مدیکلی
بیان ایتک اوزره ﴿ بَلْ مَتَّعْنَاهُ لَآءٍ وَآبَاءُ هُمْ حَتَّى طَالَ عَلَيْهِمُ الْعُمُرُ ﴾ بیوریور .
[بلکه بز شو مشرکله و آنلرک بابالرینه فضل واحسانلره منفعت و یردک . حتی
احسانلر جمله سندن اولارق آنلر اوزرینه عمرلری اوزادی .]

﴿ أَفَلَا يَرَوْنَ أَنَّا نَأْتِي الْأَرْضَ نَنْقُصُهَا مِنْ أَطْرَافِهَا ﴾

[او مشرکله عذابدن امین اولدقلری ظن ایدرلرده بزم ارضی اطرافندن نقصان
ایتدیکمزی کورمزلمی ؟]

﴿ أَفَهُمُ الْغَالِبُونَ ﴾

[اطرافلرندن اراضیلرینک نقصان اولدیغی دوشونمزلرده کندیلری اهل ایمانه
غالبی اولدیلر ؟]

یعنی ؟ مشرککله بزه شرک کبی بر جنایتی ارتکاب ایتدکلی حالده بز شو مشرکله
و آنلرک بابالرینه احسان ایتدک و دنیا متاعله آنلره منفعت و یردک . حتی آنلر اوزرینه
دنیا نعمتندن معدود اولان عمرلری اوزادی و بو عمری خیره و بزه عبادته صرفله مستفید
اولق لازم ایکن بالعکس آنلر عمرلری اوزادقچ اناوع ظلمی و بر یوزنده فساد و شرک
کبی بر جنایتی ارتکاب ایتدکلی حالده بز آنلردن دنیاچه هیچ بر نعمتمزی اسیرکه مدک
و آنلر بزم احسانلره مظهر اولدقچ شکر بدلنده کفر ایتدیلر و هر آفاندن سالم و امین
اولدقلری ظن ایلدیلر و بو توهملری غلبه ایدر امین اولدق ظن ایدرلرده کورمزلمی که
بز ارضی اطرافندن نقصان اولارق کتیررز و مملکتلرینک اطرافنی رسوللره و اهل ایمانه
تسلیم ایدرک بلدهلری طارالتیرز . بلدهلری طارالتیق و باغلری و باغچهلری آللرندن آلوب

باشقهلرینه و یرمک آنلر ایچون عذاب دکلکی ؟ بونلری کورمزلمی ؟ و آنلر اراضیلرینک
طارالدیغی و مغلوب اولدقلری کورمزلمی کندیلری غلبی ظن ایدرلر ؟ و مغلوب ایکن
کندینی غالب ظن ایتک قدر بر حاق اولورمی ؟

ایشته بر قومه غضب مراد ایدنجه جناب حق اولا مملکتلرینک اطرافنی دشمنلرینه
تسلیم صورتله بلدهلرینک جسامتی تدریجاً تنقیص و کندیلری عبرته و انتباهه دعوت ایتک
صورتله غضبی کوستروب منبه اولمادقلری صورتده بالکلیه هلاک ایده جکلی و بر مملکت
مملکتک دشمن آلنه کچمسی او ملت حقنده اثر غضب و عقوبت اولدیغی واجب تعالی
بو آیتله بیان بیورمشدر .

بیضاوی و خازنده بیان اولوندینی وجهله مشرکله عمرلرینک اوزون اولمسی و دنیا نعمتلریله
متنع اولملری عذاب و غضبدن محافظه اولونا جقلرینه علامت اولدیغی توهملری بو آیتله
جناب حق رد ایتش و بو توهملرینک باطل اولدیغی اراضیلرینک نقصانه یوز طوتمسیله
اثبات ایتشدر . چونکه ؛ رسول الله جهاده مأمور اولونجه اصحابیله برابر ارض شرکی
قریه قریه، بلده بلده فتح ایتدکچ و اهل شرکک بلدهلری اهل اسلام آلنه کچدکچ اراضی
اسلام توسع و اراضی کفر تناقص ایتدی . بو ایسه اهل کفر ایچون اثر غضب ایدی .
یلاد اسلامک توسع ایدوب بلاد شرکک تناقصی مشرککله تماماً مضمحل اولوب بوتون
املاک و اراضیلری اسلام آلنه کچدکچ علامت ایدی و چوق زمان کچمکسزین اولیده
اولدی . بناء علیه ؛ ایشلری شریعتیه توفیق ایدرک حرکت ایدوب جناب حقندن نصرت
ایسته یئلر زمان غالب و شریعتک خلافتده حرکت ایدنلرک هر زمان مقهور و منهزم اولاجقلرینه
جناب حق بو آیتله اشارت ایتشدر . بوکا تاریخ عالمده شاهددر . اسلامیتک تعالی ایتدیکی
زمانلر و دور فتوحات درشونلورسه بونی انکار، بداهته قارشى مکابره دن باشقه برشی دکلدرد .
ایشته شواساسه بناء جناب حق شرکله برابر غلبه امید ایدنلری ﴿ افهم الغالبون ﴾ جمله جلیله سیله
تکبیر و شرکه دوام ایتدکچ غالب اولمقدن قطع امید ایتک لازم اولدیغی تذبیه ایتشدر .
فخر رازینک بیانه نظراً ارضک اطرافندن نقصان اولمسی ایله مراد ؛ ظالم اولوب
قورمک ظلملری سبب بلدهلرینک آللرینه عیبوب باشقه بر قورمک آلنه کچمسیر و یاخود
ظلم سبب ارضک برکتک نقصانه اولسیر .

خلاصه؛ بر قومك آئنده بولونان نعمتی آفادن امین اولاجغنه دلالت ایتدیکی واراضیلرینک دشمنلری آله کجیسی آنری انتباهه دعوت ایدر عقوبت اولدینی و بو عقوبتدن متنبه اولمازلرسه کلیاً مملکتلرینک آلرندن چیقغنه علامت اولدینی و شریعت خلافه حرکت ایدن قومك غالب اولامیجینی بوآیتدن مستفاد اولان فوائد جمله سندندر.

**

واجب تعالی وحدانیتنه دلالت ایدن دلیللرک بیان اولونوب مشرککړ قبول ایتدکړینی بیاندنصکره دلیللرک نتیجه سی و خلاصه سی اولارق رسول اللهک تبلیغنی بیان ایتک اوزره ﴿قُلْ إِنَّمَا أُنذِرُكُمْ بِالْوَحْيِ وَلَا يَسْمَعُ الدُّعَاءُ إِذَا مَا يُنْذَرُونَ﴾ بیوریور. [حبییم! وحدانیتک دلیللرینی قبول ایتمین کافرلره سن دی که «آنحق بن سزی طرف الیهیدن کن وحی ایله انذار ایدرم وصاگیر اولان کیمسه لر انذار اولوندقلرنده دعوتی ایشیتمز لر»]

﴿وَلَئِنْ مَسَّتْهُمْ نَفْحَةٌ مِنْ عَذَابِ رَبِّكَ لَيَقُولُنَّ يَا وَيْلَنَا إِنَّا كُنَّا ظَالِمِينَ﴾ [یا اکرم الرسل! ذات الوهیتمه یمین ایدرم که ربک تعالی نک عذابندن او کافرلره آزیحق بر شی دو قونورسه آنلر البته دیرلر که «کل ای بزم هلا کمز یانمز کل! سنک کله جک زمانکدر. زیرا؛ بز نفسمز و ابناء جنسمز ظلم ایتشدک» دیمکه اسفلرینی اظهار ایدر لر.]

یعنی؛ حییم! سن مشرکله «بنم وظیفهم طرف الیهیدن بکا وحی اولارق کلن احکامله سزی قورقونمقدر. بناء علیه؛ بن بو وظیفه بی ادا ایتد کدنصکره بنم ایچون کدری موجب بر شی یوقدر. چونکه؛ قبول ایتدی ککړک و بالی سزه عاندر ولکن سز حق اولان سوزی دویمقد صاگیر اولان کیمسه لر بکزه رسکز. زیرا؛ صاگیر اولان کیمسه لر انداز اولدندقلری زمان دعوتی و چاگیروب باغیرمای ایشیتمز لر. ایشته سزده صاگیرلرکی سویله بن سوزی وطریق حقه دعوتی دویمازسکز. چونکه؛ عناد کز

ایشیتمکزه مانعدر» دی. ای رسول مکرم! اکر او کافرلره ربک تعالی نک عذابندن آزیحق بر شی اصابت ایتسه اسکی جسارت و صلابتدن کچرک هلا کلرینی چاگیر برودیرلر که «ای بزم هلا کمز کل بزه! زیرا؛ بز ظالم لر ایدک وظلمک جزاسی هلا کدر». ایشته کافرلر بو سوزلریله فریاد ایدر لر.

بصاویونک بیانی وجهله مشرککړ صاگیرلقه مبتلا اولمایوب ولکن حاللرینک صاگیرلره بکزه دکلرینه وقوه سامعه لرندن اصلاً انتفاع ایتدکړینه اشارت ایچون اسم ضمیر یرنده (الصم) اسم ظاهر اولارق وارد اولمشدر. انذار وقتنده صاگیره بکزه دکلرینی بیان؛ کمال عنادلرندن کنایه در. چونکه؛ برشیدن قورقونولدینی زمان دعوتی ایشیتمه بن کیمسه باشقه وقتده هیچ ایشیتمز. مثلاً یرنجی بر مخلوق کندیسنه هجوم ایتدیکنده «آمان کندینی صاقین ارسلان کلور، سنی اتلاف ایده جک» دیه آرقه سندن کندیسنی قورتارمق ایچون باغیران کیمسه نک صداسنی دیکله مه بن بر کیمسه باشقه وقتده باغیران کیمسه نک صداسنی دیکلرمی؛ چونکه؛ جانی هلا کدن قورتارمغه چالیشان کیمسه نک سوزینی دیکله مه بن، باشقه سنک سوزینی هیچ دیکله مز.

بو آیتده عذاب الیهینک شدتنه اوج جهنم اشارت وارد: برنجیسی مس؛ برشییه خفیفه طوقونمقدر. ایکنجیسی نفحه؛ غایت آز و خفیف بر راجددر. یعنی «عذابدن آزیحق بر رایحه طوقونسه فریاد ایدر لر» دیمکدر. اوچنجیسی؛ نفحک بر کره معناسنی افاده ایتسیر. بوکا نظراً معنای نظم: [حبییم! اکر کافرلره ربک تعالی نک عذابنک آزیحق رایحه سی بر کره جک خفیفه طوقونمش اولسه فریاد و فغانه باشلار لر] دیمکدر.

**

واجب تعالی عذابندن آزیحق بر رایحه سنک تأثیری کافرلرک فریاد و فغانلرینه سبب سبب اولدیغنی بیاندنصکره آخرتده واقع اولاجق عذابک جمله سی عدالت اوزره واقع اولاجغنی بیان ایتک اوزره ﴿وَنَضَعُ الْمَوَازِينَ الْقِسْطَ لِيَوْمِ الْقِيَمَةِ﴾ بیوریور.

[بز عدالتدن عبارت اولان میزانلری یوم قیامتده وضع ایدرز.]

﴿ فَلَا تُظْلَمُ نَفْسٌ شَيْئًا ﴾

[بز میزان عدالتی خلقك او كنه قویونجه هیچ بر نفس آزیحق برشيله ظلم اولونماز.]

﴿ وَإِنْ كَانَ مِثْقَالَ حَبَّةٍ مِنْ خَرْدَلٍ أَتَيْنَا بِهَا ﴾

[اكر انسانك عملی خردال دانه سنك مقداری آزیحق بر شی اولسه دخی بز آنی کتیرر جزاسنی ویررز.]

﴿ وَكَفَىٰ بِنَا حَاسِبِينَ ﴾

[و بز حساب ایتك یونندن کافی بز.]

یعنی ؛ عذابمك جزئی رایحه سی خفیفجه آنره اصابت ایدنجه کافرلرک فریاد وفغان ایدرهك ظلملرینی اعتراف ایتلری اوزرینه بز درحال مؤاخذیه باشلامایز، بلکه یوم قیامتک جزایی و حسابی ایچون بز عین عدالتدن عبارت اولان میزانلری خلایق آره سنه قور و قوللرمك ای و کوتو عمللری او میزانله طارتار و هرکسک عملنه کوره جزاسنی ویررز. عدالت میزانله عمللری طارتیلنجه هیچ بر نفس آزیحق برشيله ظلم اولونماز، بناء علیه ؛ هرکسک ثواب و عذابدن استحقاقی نه ایسه کندیسنی بولور و زیاده و نقصان اولماز. شو حالده اکر بر کیمسه نك عملی خردال دانه سندن بر جزو مقداری اولسه دخی بز آنی کتیرر طارتارز و آنی حسابه آلیر و اکا دخی جزا ویررز و بز حساب یونندن کافی بز. زیرا ؛ علممنر هپسنی احاطه ایدر و عدالتمز هر شیئه غالبدر. بناء علیه ؛ هرکس ای و کوتو عملنه کوره جزا کوره جکدر. شو حالده هر شخصک بو دنیاده عملنی میزان شریعتله طارتیمسی لازمدرکه آخرته رسوای اولماسون.

مطلقاً میزانك همه حال عدالتی تأمین ایتمه یوب بعضاً عدالتك خلاقی حرکندهده بولوندیغندن میزان الهی همه حال عدالت اوزره اولاجقنه اشارت ایچون واجب تعالی بو آیتده میزانی عدالتله توصیف ایتشد.

میزانمه کی محمت ؛ هرکسه کندی اعمالنی کوسترمك صورتيله « بنم علمم آزو یا چوق » دیمك کبی بر طاقم اعتذاره و یا اعتراضه ویدی قودی به میدان ویرمه مکدر. میزانك نهمیسی ؛ حسنانی آغیر کلیرسه عزیز اولوب نجات بولمقدرد و اکر کناهی آغیر اولورسه

ذلیل اولوب عذابه مستحق اولمقدرد. انسانك اعمالی اعراض قییلندن اولوب طارتلق شانندن اولمادیغندن اصح اولان روایتیه نظرأ انسانك ثوابی نورانی بر جسم و کناهی ده ظلمانی بر جسم صورتنده اولوب جسم نورانی میزانك صاغ کوزینه و جسم ظلمانی صول کوزینه قونولوق صورتيله طارتیلاجنی مرویدر. یاخود طارتیلاجق اولان شی ؛ اعمال یازیلی اولان دفترلردر. میزان بر ایسه ده عمللری طارتیلاجق اولان کیمسه لرك چوقلغنه بناء جمع صیغه سیله وارد اولدینی خازنك جمله بیاناتسندر.

بوایت «فلا تقیم لهم یوم القیمة وزناً» آیتیه مخالف دکدر. زیرا آیت ثانیه ؛ اهل کفر حقندهدر. چونکه ؛ آنلرك کفرلری هر عمللرینی ابطال ایتدیکندن کفرلری مقابلنده ترازونك کوزینه قوناجق حسنا لری اولمادیغندن آنلر ایچون میزان اقامه سنه حاجت یوق دیمکدر. زیرا میزاندن مقصد ؛ ایکی عملدن هانکی سنك دها زیاده اولدینی بیلنمکدر. کافرلرده ایسه بو یوقدر. شو حالده « آنلر ایچون میزان اقامه ایتمه بز » دیمك « ثوابلرینی طارتیق ایچون میزان اقامه ایتمه بز » دیمکدر.

«خردال دانه سندن بر جزو اولسه دخی انسانك عملنی کتیررز » دیمك « جزا ویرمك ایچون او مقامده حاضرلارز » دیمکدر. شو حالده انسان ایچون وظیفه ؛ بو دنیاده اعمالنی شریعتیه تطبیق ایدرهك میزان شریعتیه وورمق و شرعه موفق اولانك تربیدینه چالیشمق و شرعه مخالف اولانی ترك ایتمکله میزان الهیده حسنانك آغیر کلمسه غیرت ایدوب رضاء الهی به نائل اولمق چاره لرینه توسل ایتمکدر.

خلاصه ؛ اعمالك وزن اولونمسی ایچون یوم قیامتده میزان قورولاجنی و هیچ بر نفسك ولوسه آزیحق برشيله اولسون ظلم اولونمیه جنی و انسانك اعمالی خردال دن بردانه آغیرلغنده اولسه دخی مجازاتی و مکافاتنی کورمك ایچون حضور میزانه کله جکی و جناب حقك علمی هرکسک عملنی احاطه ایتدیکنه بناء واجب الوجودك، قوللرینی حسابه کافی اولدینی بوایتدن مستفاد اولان فوائد جمله سندنر.

* *

واجب تعالی الوهیت و احوال آخرته متعلق بعض احکامنی بیاندنصکره انبیاء عظامله امتلری آره سنده جریان ایدن بعض وقوعاتی بیانله رسولنی تسلیه ایتك اوزره ﴿ وَلَقَدْ

آتَيْنَا مُوسَى وَهَارُونَ الْفُرْقَانَ وَضِيَاءَ وَذِكْرًا لِلْمُتَّقِينَ * الَّذِينَ يَخْشَوْنَ رَبَّهُمْ بِالْغَيْبِ وَهُمْ مِنَ السَّاعَةِ مُشْفِقُونَ * بيوريور .

[ذات الوهيتمه يمين ايدرم كه بزموسی و برادری هرون عليهم السلامه حقله باطل بينی تفريق ايدر و جمله اهل ايمانه ضيا ويرر و عن الغياب ربلرندن قورقان متقيله موعظه اولان تورانی محقق ويردك . حالبوكه او متقيلر يوم قيامتدن قورقارلر .]

﴿ وَهَذَا ذِكْرُ مُبَارَكٍ أَنْزَلْنَاهُ ﴾

[وشو قرآن ايمان ايدن مؤمنلره خيري چوق برموعظه دركه بزآنی انزال ايتدك .]

﴿ أَفَأَنْتُمْ لَهُ مُنْكَرُونَ ﴾

[سز كفر اوزره اصرار ايدر و آنده اولان برکتی دوشونمزده او قرآنی انكاری ايدرسكز ؟]

يعني ؛ حبيب ! ذاته قسم ايدرم كه بزموسی و برادری هرونه حقله باطل بينی تفريق ايدردك عدالتی بيان ايدن تورانی آنلره ويردك كه او تورات ايمان ايدنلری جهل و حيرت قارنلقلرندن ضيا ويرر آيديناغه چيقارير و او تورات متقيله موعظه در و او متقيلر شول كيمسه لر كه آنلرك ربلرینی كوزلريله كورمدكاری حالده عن الغياب ربلرندن قورقارلر . بناء عليه ؛ افعال و حرکاتلرینی ربلرینك و برديكي كتابه توفيق ايدرو محتاج اولدقلری مسائلك كافه سنی آندن آرارلر . چونكه ؛ توراته اخلاص اوزره ايمان ايتدكلرندن احكاميله عمل ايدر و حرام اولان شيلردن قاچارلر و بونكله برابر قيامتك احوالندن ده غایت چوق قورقارلر و بز تورانی موسايه و برادرينه ويرديكمز كبی شو قرآنی ده محمد عليه السلامه انزال ايتدك . او قرآنك ايمان ايدنلره خیری چوقدر و اهل ايمانی طوغرو يوله سوق ايدر برموعظه در . ايسته بونلری دوشونمزده قرآنی انكاری ايدرسكز ؟

فخر رازينك بيانی وجهله بو آيتده فرقان له مراد ؛ تورات اولدينی كبی مقدر باطل بينی تفريق ايدرمه توراتك دليل بربر و سائر معجزات موسی مراد اولونمق دخی محتملده . توراندن انتفاع ايدم جكلر متقيلر اولديغنه اشارت ايجون متقيله موعظه اولدينی تصریح

اولونمشدر . چونكه ؛ آخردن قورقايان و قيامته اعتقاد ايتمين و محرماندن چكينمينه تورانك احكاميله عامل اولمايغندن انتفاع ايدميه جكله بناء توراندن انتفاع ، متقيله تخصيص اولونمشدر .

بيضاوينك بيانی وجهله متقيلرك قيامتدن قورقولری دوام اوزرينه اولديغنه اشارت ايجون جمله اسميه صورتيله وارد اولمشدر . چونكه ؛ دوام اولمايان قورقويه اعتبار اولونماز . قرآنك نظمی عجيب و بلاغی بديع وادله عقليه و نقليه اوزرينه شامل وادنی عقل صاحبي عندنده معجز اولدينی جهته انكاری جائز اولمايغندن انكاره جرأت ايدنلرك حاللرینی قبيح ايجون انكاره دلالت ايدن استفهاميله (افاتم له منكرون) وارد اولمشدر كه « اي منكرلر ! بوقدر فصاحت و بلاغی ميدانده اولان قرآنی انكاره نصل جسارت ايدرسكز ؟ » ديمكدر .

* *

واجب تعالى موسی عليه السلامه تورانی ويرديكنی بيان نصكره ابراهيم عليه السلامه واقع اولان احسانتی بيان ايتك اوزره ﴿ وَلَقَدْ آتَيْنَا إِبْرَاهِيمَ رُشْدَهُ مِنْ قَبْلُ وَكُنَّا بِهِ عَالِمِينَ ﴾ بيوريور .

[حبيب ! ذاته يمين ايدرم كه بزموسی عليه السلامدن اول ابراهيم عليه السلامه صلاح و هدايت و عقل كامل ويردك . حالبوكه بز ابراهيمك رشده و صلاحه اهل اولديغنی بيليردك .]

﴿ إِذْ قَالَ لِأَبِيهِ وَقَوْمِهِ مَا هَذِهِ التَّمَاثِيلُ الَّتِي أَنْتُمْ لَهَا عَاكِفُونَ ﴾

[ذكر ايت حبيب ! شول زمانی كه اوزمانده ابراهيم عليه السلام باباسنه و كندی قومنه دیدی كه « نه در شو صورتلر كه اوصورتلره سز كال تواضله عبادت ايدردك اطرافنده اقامت و آنلره تعظيم ايدرسكز ؟ »]

يعني ؛ بزموسادن اول حضرت ابراهيمه عقل كامل و رشد صلاح ويردك و بز احسانه اهل اولديغنی بيليردك . بزم ويرديكمز هدايت اوزرينه ناسی دين حقه دعوته باشلادی .

پدرينه وقومنه مذهبيري رد وابطال ايتك صورتيله ديدى كه « نه در شوصورتلر؟ سز
آنلره عبادت ايدوب آنلرك باشلرنده پروانه كې دولاشيورسكز . حالبوكه آنلر شعور
وادرا كدن خالى برطاقم طاش بارچه لريدر . سزك عبادتسكزدن خبرلرى يوقدر . شوخالده
نصل اوليوركه سز عقلكز وفكر يكلزله بومثللو ذليل شيلره عبادت ايدرسكز » ديمكله
آنلرى حماقتله اتهام ايتدى .

فخر رازينك بياني وجهله حضرت ابراهيم مشركلرك پوتلرينى تحقير ايتمشدر . زيرا
تمثيل ؛ **رومده ضالى وشعور وادرا كرده برى اولاده صورتمر** . روحى وادراكى اولمايان
شيلرده شرف اولماديني جهتله (ما هذه التماثيل) دنيلمشدر كه « نه در بو حقير شيلركه
سز آنلره كمال تواضعله عبادت ايدرسكز؟ » ديمكدر . بوسوز هم عبادت ايدنلرى همده
عبادت ايتدكلرى معبودلرينى تحقير ايتمكدر .

**

واجب تعالى ابراهيم عليه السلام كندى قومنى تحقير ومذهبيري رد ايتديكىنى
بياندنسكره قومك جوابى بيان ايتك اوزره ﴿ قَالُوا وَجَدْنَا اَبَاءَنَا لَهَا غَابِدِينَ ﴾
بيوريور .

[ابراهيم عليه السلام پدرى وقومى ديديلركه « بز بابالريمزى بوصورتلره عبادت
ايدرلر بولدى .] بناء عليه ؛ بزبونلرك عبادته اهل والوهيته مستحق اولدقلرينى بيلمه يزه ،
آنحق بابالريمزك مسلكلرينى تعقيب وآنلره اقتدا ايدرز . زيرا ؛ پدرلريمز ارباب فطانت
وذكا اولدقلرى جهتله آنلرك خطا ايدم جكلرينى ظن ايتديكمزدن مذهبيري تحقيره لزوم
كورمدك همان تقليدايتدك » ديمكله جواب ويرديلر . ابراهيم عليه السلام آنلرك بو جوابلرينى
رد ايتك اوزره ديدى كه

﴿ قَالَ لَقَدْ كُنْتُمْ اَشْتُمْ وَاَبَاؤُكُمْ فِي ضَلَالٍ مُّبِينٍ ﴾

[« اللهه يمين ايدرم سز و بابالريكمز آچيق بر ضلالت ايچنده سكز .] چونكه ؛
بابالريكمزك وسزك طومش اولديفكمز يولده اصلاصلاح وسلامت يوقدر . زيرا ؛ جمله كز

هدايتدن غايت اوزاق بر غفلت وجهالت ايچنده سكز » ديمكله پدرينك وقومك ضلالتلرينى
بيان ايتدى . ابراهيم عليه السلام بوسوزى اوزرينه قومى ديديلركه

﴿ قَالُوا اَجِئْتَنَا بِالْحَقِّ اَمْ اَنْتَ مِنَ اللَّاعِبِينَ ﴾

[« اى ابراهيم ! سن بزه بر حق صريحى كتيردك ، يوقسه سن بزم ايله اويون
اوينايانلردنيمسك وبزى يوقدر تجهيل وتحقيقه جسارتى نره دن آلدك؟ » ديمكله حضرت
ابراهيمك سوزيني استهزايه حمل ايتديلر .

ابراهيم عليه السلام قومك ضلالتى عقلانظرنده ظاهر اولديفنه اشارت ايچون قومك
ضلالتنى ظاهر اولمغله توصيف ايتمشدر . چونكه ؛ جمادات قيبيلندن اولان بر طاقم حجر
وشجرى معبود اتخاذايتمكدن دهآ آچيق بر ضلالت اولماز .

**

واجب تعالى ، ابراهيم عليه السلام دعوتى قومى جديته حمل ايتميبوب لعييادن
اولسنى تومم ايتدكلرينى بياندنسكره قومنه ويرمش اولديفنى جوابى بيان ايتك اوزره
﴿ قَالَ بَلْ رَبُّكُمْ رَبُّ السَّمَوَاتِ وَالْاَرْضِ الَّذِى فَطَرَهُنَّ وَاَنَا عَلَىٰ ذٰلِكُمْ
مِنَ الشَّاهِدِينَ ﴾ بيوريور .

[ابراهيم عليه السلام « سزك عبادت ايتديكمز پوتلر ربكز دكلدر ؛ بلکه سزك
ربكز سموات وارضك ربسى كه عالم علوى وعالم سفلىك موجودى ومربيسيدر وملككنده
استقلال اوزره تصرف ايدر . چونكه ؛ سموات وارضى خلق ايتدى وبنده شو بيان
ايتديكم احكامك جمله سته وسزك عليكمزه شهادت ايدنلردنم » ديدى .]

يعنى ؛ حضرت ابراهيم قومك « سن حق اولان بر شيمى كتيردك ، يوقسه بزمه
اويون اوينايانلردنيمسك ؟ » ديملرينه جواب اولارق ديدى كه « سزك ظنكمز كې
بنده اويون واستهزا يوقدر . زيرا ؛ امور دينده اويون اولماز وسزه سويلديكم سوزلر
جدى در . بناء عليه ؛ سزك عبادت ايتديكمز پوتلر معبودكز دكلدر ، بلکه سزك ربكز

و معبوديكنز سموات وارضك ربسى وخالقيدر . زیرا ؛ سموات وارضك ربسى آنلری خلق ايتدی و بنده بويله اولديغنه شهادت ايدنلردنم . چونكه ؛ سموات وارضى خلق ايتمه كادر اولان الله تعالى قوللرينك منفعت و مضر تلرينى خلق ايتمه كدخى قادردر . شو حالده عبادته مستحق ده اودر . زیرا ؛ قوللرينك خير عمللرينه ثواب و برمه كدوشر عمللرينه عذاب ايتمه كدخى قادردر و قطعى دليللره بودعوامى اثباته بنده قادرم « ديمكه قومنى الزام واقناعه چاليشدى .

* *

واجب تعالى ابراهيم عليه السلامك قومى عقلى دليللره قناعت ايتميجي . فعلاً آنلری الزامه باشلا ديفنى حكايه طريقيله بيان ايتمك اوزره ﴿ وَتَاللّٰهِ لَا كَيْدَ لَّآ اَصْنَأْمَكُمۡ بَعْدَ اَنْ تَوَلَّوۡا مُدْبِرِيۡنَ ﴾ بيوريور .

[« واللهم يمين ايدرم كه سز بوتلريكنزك يانندن آرقه كزه دونوب آرا لاشديغكيزدن صكره البته بن سزك بوتلريكنزه برحيله ياپارم » ديدى .]

﴿ فَجَعَلَهُمْ جُذَا ذَاۤ اِلَّا كَبِيرًا هُمْ لَعَنَهُمۡ اِلَيْهِ يَرْجِعُونَ ﴾

[ابراهيم عليه السلام بوسوزى اوزرينه آنلرك بوتخانه لرندن آرا لاشوب بوش براق دقلرى بر زمانده بوتلرينى پارچه پارچه قيردى . آنجق آنلرك بويوك بوتلرينى قيرمادى كه بوتخانه به كلكلرنده او بويوك پوته مراجعت ايدرلر و مأمول كه آندن حقيقت حالى سئوال ايدرلر و جوابدن عاجز اولديغنى كورونجه متنبه اولور و توحيد الهى به رجوع ايدرلر مطالعه سنده بولوندى .] چونكه ؛ بويوك پوت اعتقاد لرنجه اك بويوك معبودلرى اولديغنى جهته جواب ويره جكنى ظن ايدرلردى . يا خود (اليه) ضميرى ابراهيم عليه السلام راجعده . چونكه ؛ حضرت ابراهيم بوتلره عداوتله شهرت آلمشدى . بناء عليه ؛ بوتلر قيريلنجه كندينه رجوع ايده جكلرينى مأمول ايدرلر .

فخر رازينك و خازنك بيانلرى وجهله حضرت ابراهيمك قومى دلائل قطعيه به قناعت ايتميجي فعلاً آنلرى الزام ايتمك ايستر و كيزليجه آنلر بوتخانه ي بوش براق دقلرى زمانده

برحيله ايله بوتلرى قيره جفى شدتله قصد ايدر و بايرام كوفى آنلر بايرام يرينه كيدوب بوتخانه تنها قالنجه بوتخانه به كيرر و مقصدينى اجرا ايدر .

اشبو وقعه شويله جريان ايتمش در : بايرام كوفى حضرت ابراهيمك پدرى « بزم بايرام يرينه كيتسهك بكه نيرسك ، برابر كيدهم » ديمش ايسه ده ابراهيم عليه السلام بوتخانه ي آلت اوست ايتمك ايچون فرصته منتظر اولوب بايرام كونندن دها زياده بفرصت اولماديفندن بو فرصتى فوت ايتمهك اوزره پدرينه قلباً خسته اولديغنى بيان ايدهرك كيتمدى و اهالى عادتلى وجهله بوتخانه و قصبه ي ترك ايدهرك بايرام محله كيتديلر . فقط عادتلى هر كس بايرام يرينه كيتمزدن اول بوتلرك اوكلرينه نفيس طعاملر قورلر و بايرام محلندن طوغرى بوتخانه به كلير ، بوتلره سجده ايدر و كمال تعظيميله او طعاملرى ييرلردى . ايشته آنلر بايرام محله كيدنجه حضرت ابراهيم ألدنه بالطه ايله بوتخانه به كيرر ، بويوك پوتدن ماعداسنى قيرار و بوتخانه ي دميرجى دكاننه دوندورور و بالطه ي ده بويوك پوتك بويينه طاقار براقير كيدر . بوتلر كندى نفسلرينى محافظه به مقتدر اولامانجه عبادت ايدنلره بر منفعت تأمين ايتمكدن عاجز اولدقلرينى اهالى به بيلديرمكه ايقاظ ايتمك ايستر . هپسندن زياده تعظيم ايتدكلرى بويوك پوتى قيرمالمقدن مقصدى ؛ اهالى بي الزام ايتمكدى . چونكه « بونلرى كيم قيردى ؟ » ديدكلرى زمان « بالطه كيمك بويينده ايسه او قيرمشدر » ديننجه آنلر « بويوك پوت بونلرى قيره ماز » ديدكلرى زمان « بونلرى قيرمقدن عاجز اولان برشيئه نه ايچون عبادت ايدرسكنز ؟ » ديمكه الزام قولاي اولسون نيت خالصه سنه بناء بويوك پوتى ترك ايتدى . بايرام يرندن عودت لرنده ابراهيم عليه السلامك تصورى اوزرينه مباحثه جريان ايتمشدر .

* *

واجب تعالى ابراهيم عليه السلامك بوتلرى قيرديغنى بياندن و پوت پرستلرك بايرام محلندن كلكد كدن صكره جريان ايدن وقوعاتى و هر طرفدن سويله ن سوزلرى بيان ايتمك اوزره ﴿ قَالُوا مَنْ فَعَلَ هٰذَا بِالْهَيْتِ اِنَّهٗ لَمِنَ الظَّالِمِيۡنَ ﴾ بيوريور .

[آنلر ديديلر كه « بزم معبودلريزمه بو حقارتى كيم ياپدى ؟ هر كيم ياپمش ايسه او كيمسه ظالم لردندر » .]

﴿ قَالُوا سَمِعْنَا فَتًى يَذْكُرُهُمْ يُقَالُ لَهُ إِبْرَاهِيمُ ﴾

[«بزم معبودلریمزه بونی کیم ایشله دی؟» سؤالنه جوابده اولدن بری حضرت ابراهیمک پوتلره عداوتی اولدیغنی ایشیدنلر دیدیلرکه «بز بر دلیقانی ایشیتدک، پوتلری ذم ایدر وعلیه بولونور. اسمنه ابراهیم دینور. هر حالده معبودلریمزه بو حقارتی اویا یسه کر کدر» دیمکه ابراهیم علیه السلام طرفدن اولسنه اشارت ایتدیلر.]

یعنی؛ مشرک بایرام یرندن کلوب عادتلری وجهله عبادتلرینی و تعظیملرینی یرینه کتیروب یمکله رینی یوب ذوق و صفا اتمک اوزره عودت ایدوب پوتخانه یه کلوب پوتلری پریشان کورونجه کال حیرت و تعجیله «بو فعل غریبی و امر فجیعی کیم یادی و بوکا کیم جرأت ایتدی؟ هر کیم جرأت ایتدی ایسه ظلمه کروهندندر» دیدیلر و آنلرجه دهشت انکیز و یک بویوک بر وقوعات قارشوسنده قالدیلر و آره لرنده فریاد و فغان ایدرک فاعلی آرامه باشلا یجه اولدن دو یغوسی اولانلردن بعضیلری ابراهیم علیه السلامک اولدن بری پوتلره عداوت ایدوب پوتلری ذم ایتدیکنی سویلیدیلر.

اوزمانده دنیانک بویوک حکمدارلرندن نمرود ایله ارکان حکومتی و اشراف مملکت اجتماع ایدوب بو خصوصه دائر مشاوره ایتدیلر و ابراهیم علیه السلامی کتیرمک و استنطاق اتمک اوزره قرار ویردیلر.

**

واجب تعالی و یردکلی قرارک خلاصه سی حکایه اتمک اوزره ﴿ قَالُوا فَاتَّبِعُونَا عَلَىٰ

أَعْيُنِ النَّاسِ لَعَلَّهُمْ يَشْهَدُونَ ﴾ بیوریور.

[نمرود و اعیانی «ناسک کوزی اوکنده ابراهیمی کتیرک، مأمول که ابراهیمک بواشی ایشله دیکنه شهادت ایدرلر» دیدیلر.] و بونک اوزرینه ابراهیم علیه السلامی کتیردیلر.

﴿ قَالُوا أَنْتَ فَعَلْتَ هَذَا بِالْهَيْمَنَةِ يَا إِبْرَاهِيمُ ﴾

[ابراهیم علیه السلامه سوریدیلر «بزم معبودلریمزه شو حقارتی سنمی ایشله دک؟

یا ابراهیم! هر حالده بوفالنی سن یابدک. چونکه؛ سنک پوتلریمزی ذم ایدوب عداوت ایتدیکنک سویلنمکده در» دیدیلر و بوضورتله ابراهیم علیه السلامی استجوابه باشلا دیلر. [یعنی؛ پوتلری قیرلش کورونجه فاعلی تحری ایدوب حضرت ابراهیم اولدینی ظن اوزرینه ابراهیم علیه السلامی کتیرمکه قرار ویردیلر و دیدیلرکه «کتیرک ابراهیمی، هر کسک کوزلری اوکنده. مأمول که ناسک کوزلری کورور ابراهیمی بیلرلر و بوفعلی ایشله دیکنه شهادت ایدرلر. بناء علیه؛ هر کسک کوره بیله جکی بر درجه ده ملا ناسده کلسون که ناس کورسونلر و انتقام آلمق ایجاب ایدرسه هر کس معبودینک انتقامنی آلمق اوزره حاضر بولونسونلر» دیدیلر. حضرت ابراهیم اولدینی تحق ایدرسه هر شخص کندی معبودینک انتقامنی آلمقده نصیبنی استیفا ایتسون که بویله بر فعله جسارت ایدن کیمسه دن انتقام آلمق خصوصنده هیچ کیمسه بی نصیبندن محروم ایتمه مکه قرار ویردیلر و بورای اوزره اتفاق ایتدیلر. بناء علیه؛ ارکان حکومت و اشراف و اعیان مملکت و عوام و خواص حاضر اولارق و یریلن قرار اوزرینه حضرت ابراهیمی کتیردیلر و دیدیلرکه «بزم معبودلریمزه بو حقارتی سنمی ایشله دک؟ ای ابراهیم! زیرا معبودلریمزه عداوت ایدن سنسک» دیمکه استنطاق ایتدیلر.

(اعلمهم يشهدون) لفظنده شهادت؛ حاضر اولور معناسنه اولدیغنده معنای نظم:

[ابراهیمی هر کسک کوزی اوکنده کتیرک که هر کس حاضر اولسون] دیمکدر. اگر شهادت اتمک معناسنه اولورسه معنای نظم: [ابراهیمی هر کسک کوزلری اوکنده کتیرک که بیلنر آنک ایشله دیکنه شهادت ایتسونلر] دیمکدر. چونکه؛ ابراهیم علیه السلامک قیردینی ظن اولونمقده ایسه ده یقیناً قیردینی سوبله یین اولما دیغندن شهادته احتیاج اولدینی جهته «ملا ناسده کلسون، کورسونلر بلکه بیلن و شهادت ایدن اولور، بزده حکمیزی اوشهادت اوزرینه بنا ایدرز» دیمک ایسته دیلر. یا خود ناسک حاضر اولملری ایله مراد؛ حضرت ابراهیم و یریدمک جزا و زریب اولونا بجه عقوبته هر کس بولونسونه و کورسونه و بوبله بر فعله جسارت ایدنلرک جزاسی آغیر اولدیغنی بیلسونه و عالم عبرت اولسونه و بناء علیه؛ بردها بوبله برجه نایه جسارت ایدر بولونسونه دیمک ایسته دیلر.

**

واجب تعالى كافرلك سؤالالرينه ابراهيم عليه السلامك ويرديكى جوابى بيان ايتمك اوزره
﴿ قَالَ بَلْ فَعَلَهُ كَبِيرُهُمْ هَذَا فَسْأَلُوهُمْ اِنْ كَانُوا يَنْطِقُونَ ﴾ بيوريور .

[آنلرك سئواله جوابده ابراهيم عليه السلام بن اللهك قوليم وسرك كى عاجز بر
بشرم . سرك اعتقادكزه نظراً لك بويوك معبودلريكزه نصل حقارت ايدرم ، بلكه
بوحقارتى سرك معبودلريكرك بويوكى وشوبالطه اوموزنده دوران پوت ايشله مشدر .
زيرا ؛ ديكرلرينك معبود اولمقده كندينه اشتراكرينه راضى اولماديغندن غضب
ايتدى . بناء عليه ؛ هر برينى پارچه پارچه ايدن اودر . سز بو سوزيمه قناعت ايتزه كز
اكر پوتلر سويلرلرله سورك . آنلردن كيمك تخريب ايتديكى سويلسونلر . زيرا ؛
آنلرى معبود اتخاذا ايدويورسكز . معبودك شانى سويلمكدرك . ديمككه قومى ايقاظه
دعوت ايتدى .]

﴿ فَرَجَعُوا اِلَى اَنْفُسِهِمْ فَقَالُوا اِنَّكُمْ اِلَّا ظَالِمُونَ ﴾

[ابراهيم عليه السلامك شوجوانى ايشيدنجه آنلردن هر برشخص كندى وجدانلرينه
مراجعتله دوشونديلر وديديلر كه « سز عبادتى موضع لايقنك غيرى يه ياقمقله آنجق ظالمسكز .]
زيرا ؛ ابراهيمك ديديكى طوغرودر . معبوداولان مقتدر اولمق لازمدر ، ديمككه مذهبلىرك
باطل اولديغنى اعتراف ايتديلر وبو سوزى بربرلرينه سويلمكدن چكىنمديلر . چونكه ؛
كندى عقللرينه رجوع ايدوب هر دورلو حسيات فاسده دن تجرد ايدرك دوشونونجه
كندى اللريله يابدقلى برطاقم عاجز جادات پارچه سنه عبادتك طوغرو اولماديغنى بيلديلر
واقارده مجبور اولديلر .

﴿ ثُمَّ نَكِسُوا عَلَى رُؤُسِهِمْ لَقَدْ عَلِمْتَ مَا هَؤُلَاءِ يَنْطِقُونَ ﴾

[بوندنصكره غيرت جاهليه لرى تحرك ايتدى باشلى اوزرينه اسكى حاللرينه دونديلر
وحق قبولى و ابراهيم عليه السلامه تابع اولمغى نفسلرينه آغير كورديلر وعاروعيب عد
ايتديلر وحق اقراردنصكره اسكى حاللرينه رد اولونديلر وديديلر كه « يا ابراهيم ! سن
بيليرسك كه شوپوتلر جادات قيبلىدن سويله مزلر . زيرا آنلرده قوه نطقيه يوق كه سويلسونلر .

بناء عليه ؛ آنلره سئوال ؛ عبث ايله اشتغال ايتمكدرك . شو حالده بزه آنلردن سئوال
ايتمه مزي نصل تكليف ايدرسك « ديمككه اسكى عنادلرنده اصرار ايدم جكلرينى اظهار ايتديلر [
فخر رازينك بيانى وجهله حضرت ابراهيمك بو سوزى يعنى « پوتلرك بويوكى
كوچوكلرينى قيردى » ديمسى يالان دكلدر . زيرا ؛ ابراهيم عليه السلام بويوكلرينك قيرمسنى
سوز سويللرينه تعليق ايتمشدر . يعنى « اكر سوز سويلمكه اقتدارلرى وارسه بويوكلى
ايشله مشدر » ديمك « سوز سويلمكه اقتدارلرى اولماديغنى جهتله بويوكلرينك ايشله مديكى »
بيانله كندى ايشله ديكى ضمنأ اقرار ايتمشدر . ياخود حضرت ابراهيمك بويوك پوته
چوق تعظيم ايتدكلرندن غضبى زياده اولديغنى جهتله ديكرلرينى قيرمسنه سبب اولديغندن
« بويوك پوت قيردى » ديمك سببيله اسناد قيبلىنددر . چونكه ؛ بر فعل فاعلنه اسناد اولونديغنى
كى سببيله اسناد اولونمق دخى عادتدر . شو حالده « بويوك پوت قيرمشدر » ديمك « آنلرك
قيرمسنه بويوك پوت سبب اولدى » ديمكدرك . بوسوز كافرلى الزام ايجون تعريض اولديغندن
يالان دكلدر . ياخود ظالمك ظلمندن قورتولمق مصلحتنه بناء جناب حق اوسوزى سويلمكه
اذن ويرمشدر .

(نكسوا) نكس ؛ برشيئك در نمسير . بونلر اولجه عقللرى ايله محاسكه ايدوب
مذهبلىرك بطلاننى اقرار ايتدكدنصكره حقه قارشى مجادله يه عودتلى برشيئك آلتى
اوسته چويرمك واو كى آرقه سنه دونمك كى اولديغندن (نكسوا) دنيلمشدر . چونكه ؛
اقرارلردن اسكى اعتقادلرينه رجعت ايتمشدر .

**

واجب تعالى ابراهيم عليه السلامك كافرلره پوتلرينك عاجز اولديغنى اقرار ايتديردك
صكره آنلرى توبيخ ايتديكى بيان ايتمك اوزره ﴿ قَالَ اقْعَبْدُونْ مِنْ دُونِ اللَّهِ مَا لَا
يَنْفَعُكُمْ شَيْئاً وَلَا يَضُرُّكُمْ ﴾ بيوريور .

[ابراهيم عليه السلام آنلره سز شركى ارتكاب ايدرده اللهك غيرى سزه منفعت
ومضرت ويرمه ين شيلره عبادت مى ايدرسكز ؟ » ديدى .]

﴿ أَفَ لَكُمْ وَلِمَا تَعْبُدُونَ مِنْ دُونِ اللَّهِ ﴾

[سزه واللّهك دوننده عبادت ايتديككنز معبودلره تأسف و هلاك واردر]

﴿ أَقَلًّا تَعْقِلُونَ ﴾

[سز فصل اوليور كه عاجزلره عبادت ايدر وقادر اولان الله تعالى به عبادتی ترك ایدرده عقلكزله دوشونمز میسكنز ؟]

یعنی ؛ ابراهیم علیه السلام کافرله توبیخ و تکذیر صورتیه دیدی که « ای کافرلر! سز معبودلریککزك عاجز اولدیغنی وسوز سويلكه و کندیلرینی محافظه به اقتدارلری اولمادیغنی ادراك ایتزمیسكنز كه اللهك دوننده سزه منفعت و مضرت مقتدر اولمایان بر طاقم جماداته عبادت ایدرسكنز و عبادت ایتدیككنز شیارك عجزنی اعتراف ایتدیككنز و عبادتكنزه قارشى منفعت و عبادتی ترككنزه قارشى مضرت ایتكه قادر اولمادقلرینی بیلدیككنز حالده فصل عبادت ایدیورسكنز ؟ » دیمكه تکذیر ایتد کد نصکره سوزینه شونی ده علاوه ایتدی و دیدی که « سزه واللّهك باشقهسی اولارق عبادت ایتدیككنز بالجمله معبودلریکزنه هلاك واردر. زیرا ؛ هر شیئه قادر اولان اللهه عبادتی تركه عاجزلره عبادتكنز سزك هلاككنزی موجبدروبو کی جنایتلری ارتکاب ایدرده ایشله دیک کز شیارك چیر کینلکنی دوشونمز میسكنز » بیضاوی و مدار کده بیان اولوندیغنی وجهله أف لفظی ؛ انسانك سومدیکی بر شیئی کور دیکمنده سومدیکنی اظهار و اعتراف ایتونه درد اقلزمده بیقراریمده صداده که اوردف دینور . ایشه ابراهیم علیه السلام مشرکلك الزام اولونوب کندیلرینك ظالم اولدقلرینی اقرار دئسکره تکرار مجادله و مناقشه به باشلاوب شرک اوزره اصرار ایتدکلرینی کورونجه حاللرینی قبیح مقامنده آنلری انصافه دعوت ایچون (أف لکم و لمعبودکم) دیمشدر. یعنی « سزه و معبودکزه اوف و تأسف » دیمکدر. (اف) هرکله دعا معناسنی دخی متضمندر . یعنی « بو حال اوزره دوام ایدرسه کز هلاك سزه و معبودلریکزه مخصوصدر . شو حالده و از کجک بوندن » دیمکدر .

مشرکلك باطل مذهبلینك شناختنی اظهار و چیرکین اولدیغنی بیانده مبالغه و شدت ایچون (من دون الله) ایکی کره ذکر اولومشدر. شوسوزلرنده بر طاقم رموزات و اشارات

محتوی اولدیغنی معنالدن غیرى حضرت ابراهیم مشرککری درت مهربانه توبیخ ایتمشدر : برنجیسی ؛ اللهك غیرى منفعت و مضرت مقتدر اولمایانه شیاره عبادتلیرینی قبیح ایتسه و بو حاللرینی انکار ایچون استفهامله « سز اللهك غیرى به می عبادت ایدرسكنز ؟ » دیمشدر. ایکنجیسی ؛ معبودلرینك منفعت و مضرت مقتدر اولمادیغنی بیانده تکذیر ایتمشدر. اوچنجیسی ؛ آنلره و معبودلرینه (اوردف) دیمكه قبیح ایتمشدر. در دنجیسی ؛ عقللرینی حسن استعمال ایتدکلرینی انظارله تکذیر ایتمشدر .

**

واجب تعالى ابراهیم علیه السلامدن پوتلرینی و کندیلرینی قبیح ایتدیکنی ایشیدنجه غیرت جاهلیه لری غلیان ایدرهك حضرت ابراهیم حقنده ترتیب ایتدکلری جزایی بیسان ایتك اوزره ﴿ قَالُوا خَرِّقُوهُ وَانصُرُوا آلِهَتَكُمْ إِنْ كُنْتُمْ فَاعِلِينَ ﴾ بیوریور . [نمرود و عونیه سی « یاقك ابراهیمی یار دیم ایدك معبودلرکزه ، اکر نصرت ایتك ایسترسه کز » دیدیلر .]

﴿ قُلْنَا يٰ اِنَّا رُكُونِي بَرْدًا وَسَلَامًا عَلٰى اِبْرَاهِيمَ ﴾

[بز عظیم الشان آنلرك یاقدینی آتسه خطاباً « ای آتش ! ابراهیم علیه السلام اوزرینه صوثوق و سلامت اول و ابراهیمی یاقما دیدك .]

﴿ وَارَادُوا بِهِ كَيْدًا فَجَعَلْنَاهُمْ الْآخِرِينَ ﴾

[و آنلر ابراهیم علیه السلامه حيله مراد ایتدیلر و بو اراده لری اوزرینه بز آنلری زیاده ضرر ایدیحیلر قیلدق .] زیرا ؛ امکلری بوشه کیتدی و انتقاملری ایله اهلاک ایتك ایسته دکلری ذات شریف سلامت چیقدی، تصورلرندن و امکلرندن بر فائده حاصل اولمادی .

یعنی ؛ ابراهیم علیه السلام قومنك مذهبلینك باطل و پوتلره عبادتک حماقت اثری بویوک بر جنایت اولدیغنی بیان ایدوب نمرود و ارکان حکومت دلائل ایله مقابله دن عاجز

اولونجه ابراهيم عليه السلامي اهلاک ايدوب وجوديني احاي ايتکي دوشونديلر وبرجوق
مذاکره دنصکره عذابک شدتلي جهتنی التزام ايدهرک ياقلمسنه قرار ويرديلر و ياقلک
ابراهيمی ، اکر معبودلريکزه يارديم ايتک ايسترسه کز يارديم ايدک معبودلريکزه
وانلره اهانت وحقارت ايدن ابراهيمدن انتقاملريني آلک ديديلر و آتشي ياقديلر و ابراهيم
عليه السلامي آتسه قويديلر . بز آتسه « ای آتش ! طيعتنده اولان ياقفي ترک ايت
و ابراهيم اوزرينه صوثوق و سلامت اول « ديمکه امر ايتدک . ياقامسني و ضرر ايتمه سني
امر مز اوزرينه آتشک ياقاديفني کورونجه حضرت ابراهيمدن انتقام آلق ايچون حيله بايق
ايسته ديلر . بناء عليه ؛ آنلرک حيله دوشونملري اوزرينه زآنلري پک زياده ضرر ايدنلردن
قيلدق . چونکه ؛ بوتون سعيلى ثمره سز قالدی و امکلري بوشه کيندى و کيندى مضرتلرينه
نتيجه لندى . زيرا ؛ آتشک حضرت ابراهيمي ياقامسني آنک حق اولديغنه و پوتلرک باطل اوزرنده
بولونقلرينه دلالت ايتديکندن ابراهيم عليه السلامک درجه سى يوکسلى و نمرود و اعواننک
خلق نظرنده حيثيلري زائل اولدى . بناء عليه ؛ دنيا ده عالمه قارشى رذيل و رسواى
اولدقلري کي آخرتده عذابک شدتليسنه مستحق اولديلر .

فخر رازي ، قاضى و خازنک بيانلرينه نظراً وقعه شويله جريان ايتمشدر : آيتده بيان
اولوندينى وجهله ابراهيم عليه السلامک عندالله مقبول اولان فعائى آنلر جنسايت عد
ايدهرک عذابک شدتليسى اولان آتسه ياقغه قرار ويرديلر و ابراهيم عليه السلامي حبس
ايتديلر . عراقده (کوئى) اسمنده برقریه جوارنده اطرافى جسم ديوارلرله محاط آغيل
شکلنده بر محل ياپديلر و حيواناتله اودون چکمهک باشلاديلر و کمال آرزولرى ايله بوتون
اهالى اودون چکر حق خسته اولانلر شفا بولورسه بر مقدار اودون آلاجهنى نذر ايدر
و وفات ايدنلر اودون آنسنى وصيت ايلر و اختيار قادينلر اکرديکي ايلک اجرتنى نفقه سندن
آرتيرير اودون آليردى . بو حال بر مدت موقته دوام ايتدى و ياپدقلري محل زياده سييله
برابر اودونله طولدى . يدى کون آتش ياقديلر سکزننجى کونى حضرت ابراهيمي
منجنیق واسطه سييله آتشک اورته سنه آتديلر . ابراهيم عليه السلام (حسبنا الله و نعم الوكيل)
وردينه دوام ايدر . جناب حقک « يا نار کونى بردا و سلاماً » خطابى وارد اولغله آتشک
ايچى ابراهيم عليه السلام ايچون يشيلک ايله دولو بر باغچه اولدينى و نمرودک يوکسک بر
محلدن بونى مشاهده ايتديکي مرويدر .

فخر رازينک بيانى وجهله ابراهيم عليه السلام اوزرينه آتشک نصل صوثوق اولديغنده
ارج احتمال واردر :

برنجى احتمال ؛ آتشک صرارتنى و باقمه هائى جناب حقک ازاله ايدوب يالکضياى
قالله صوريند حاصل اولمشدر و آيتک لفظنه موافق اولان ده بودر . زيرا ؛ جناب حق
آتسه صوثوق اولمسيله امر ايتمشدر . شو حالده حضرت ابراهيمک آتشدن سلامتله چيقمسى
جناب حقک آتشک تأثيرينى ازاله ايتمسيله اولمشدر ، بوايسه بعيد دکلدرد . زيرا ؛ آتشد
ياققي خاصه سنى خلق ايدن خالق ياقامق خاصه سنى دخی خلق ايتمهک قادردرد . بو حال ابراهيم
عليه السلامک معجزه سيدر و فوق الطيعه خارق العاده در . بناء عليه ؛ قدرة اللهه نسبتله
استبعاد اولونور برشى دکلدرد .

ايکنجى احتمال ؛ واجب تعالى نک حضرت ابراهيمک جسمينه آتشک ياقمسه مانع
اولامور بر کيفيت هائى ايتمشدر حاصل اولمشدر . بناء عليه ؛ سمندر دينلن حيوانک آتش
ايچنده بولونوب ضرر کورمديکي کي ابراهيم عليه السلامده آتش ايچنده بولوندى ولکن
آتشدن ضرر کورمدي .

اوچنجى احتمال ؛ واجب تعالى نک حضرت ابراهيمک آتسه آره منيره بر هائى هائى
ايتمشدر حاصل اولمشدر . والحاصل نمرودک ابراهيم عليه السلامي آتسه قويديفنى و آتشک
ابراهيم عليه السلامه ضرر ايتمديکي قطعيدر . چونکه ؛ صراحت قرآنله بيان اولونمشدر .
اما آتشک ضرر ايتمه مسنک کيفيتى نه دن عبارتدر ؛ بو جهتي ظنيدر و اساساً کيفيته تعلق
ايدر بر حکمده يوقدر . آتش صرف صوثوق اولسه ابراهيم عليه السلام ياشاياميه جغندن جناب
حق آتسه صوثوق اولمسيله امر ايتدکدنصکره سلامتله دخی امر ايتمشدرکه معتدل بر حال
اوزره کمال راحت و سلامتله ابراهيم عليه السلامک اکلشديکي محققدر . او مقامده حضرت
ابراهيمک يدي کون اقامت ايتديکي و دنيا ده اک زياده تلذذ ايتديکم اويدى کوندر ، بيورديفنى
مرويدر . او کونده دنيا يوزنده بالعموم آتشلرک سونوب انتفاع اولونماديفنى دخی مرويدر .
ايشته حقک باطل اوزرينه دائماً غلبه ايتديکينى و حقه دلالت و ارشاد ايچون چاليشانلري
جناب حقک حمايه ايلديکينى و باطل اولان شيلرک حقه قارشى مضمحل اولديغنى و باطل
خلاصة البيان : اونجى جلد — •

ارتكاب ايدنلرك عالمه قارشى رزيل ورسواى اولدقلىرىنى و خارق العاده لرى انبيا يندنه خلق ايتمكه دشمنلرينه غلبه ايتديرديكنى و مراد ايدنجه صيغاق آتشي صوئوغيه تبديل ايله سلامت قيلمغه قادر اولديغنى و فساد اوزره بنا اولونان شيتك نتيجهسى فاسد اولديغنى بيان و قوللرينى ارشاد و طريق صوابه و اعتقاد حقه سوق ايتك ايجون جناب حق بوكي تاريخه عائد اولان غريب و قعله لرى قرآنده بيان ايتشدركه امت محمديه هر برندن عبرت آسون و بصيرت اوزره بولونسون و فوآندندن حصه ياب اولسون.

* *

واجب تعالى ابراهيم عليه السلام آتشي قونديغنى بيان نصكره آتشدن خلاص ايدوب نجات و يرديكنى بيان ايتك اوزره ﴿ وَنَجِّنَاهُ وَلُوطًا إِلَى الْأَرْضِ الَّتِي بَارَكْنَا فِيهَا لِلْعَالَمِينَ ﴾ بيوريور .

[بز ابراهيمه و ابراهيمك برادر زادهسى لوطه دشمنلرينك شرندن نجات و يرديك و آنلرى بر ارضه كوندرديك كه او ارضه عالملا ايجون خير كثير و بركت عامه خلق ايتدك.]
يعنى ؛ بز عظيم الشان لطفمزله ابراهيم عليه السلامه و آنك برادر زادهسى لوط عليه السلامه نمروديك و قومك شرنندن نجات و يرديك و آنلرى عنايمزله بالجمله عالمه مبارك قيلمز بر ارضه كوندرديك و درجه لرينى عالى قيلمق.

فخر رازى ، خازن و قاضينك بيسانلرى وجهله بو آيتده مبارك اولان ارض ايله مراد ؛ ارضه شامده . چونكه ؛ ارض شامده نهرلر و ميوه لر و سائر نعم الهيه بول اولديغندن دنياجه خير كثير و بركت و سائر منفعتلر چوق اولدينى كى ارض شام و اطرافى انبياء عظام و اولياء كرامك مقرى و وحي الهينك محل نزولى و كالات انسانيه نك مباديسى اولان شريعتلرك ا كثريله انتشار ايتديكى محللر اولدينى جهته دين خصوصنده دخى ارض شام ارض بركت و خير درر . و الحاصل دنيا نك هر يرنده موجود نعمتلر ا كثريله شام اراضيسنده موجود درر . بناء عليه ؛ شام و فلسطين اراضيسى دنيا يوزينك اك زياده فيضى و بركتلى محلى اولوب نظر الهينك معطوف عليه اولدينى جهته واجب تعالى بو آيتده ارض بركت اولديغنى صراحة بيان بيورمشدر .

(عبدالله بن عمرو بن العاص) رضى الله تعالى عنه حضرت تالرينك روايتنه نظر آ رسول اللهك ﴿ بر هجرتد نصكره ايكنجى بر هجرت البته اولور . او كونده اهل ارضك خير ليلرى ابراهيم عليه السلامك هجرت ايتديكى محله هجرت ملازمت ايدرلر ، بيوردينى خازنك جمله بيان آتشدن . ابراهيم عليه السلامك وقعهسى بابل حدودى داخلنده اولمشدر . وقعه نصكره عمومجه سنك كريمهسى (ساره) رضى الله عنها ايمان ايتمش و برادر زادهسى حضرت لوط اوچى برابر دينلرينك سلامتى و اخلاص اوزره عبادتلىرى ادا ايتك مقصديله عراقدن شام جهته هجرتله حضرت ابراهيم (حران) دينلن محله كلهرك بر مدت صكره مصره و مصردن ارض فلسطينده (سبع) دينلن محله و حضرت لوط دخى (سدوم) دينلن محله اقامت ايتديلر و (سبع) ايله (سدوم) آرهسى بر قوناق مسافه در . ابراهيم عليه السلامك هجرتد نصكره واجب تعالى بابل اهاليسنك ا كثريسى سيورى سينكه هلاك ايدوب بر قسمكده راحتلى منسلب اولقله اطراف عالمه طاغيدقلىرى مرويدر . چونكه ؛ ابراهيم عليه السلامك دعوتنه اجابت ايتمه مكله برابر انواع اذاني روا كوروب عاقبت هجرته مجبور ايتدكلىنه جزا اولارق الله تعالى آنلرك بر قسمنى مخلوقات ايجنده اك عاجز عد اولونان سيورى سينكه اهلاك و ديكر بر قسمك راحتلى سلب ايله ترك ديار ايتمه مجبور قيلمقه مجازات ايتمش و دنيايه خليلنك انتقامنى آلمشدر .

* *

واجب تعالى ابراهيم عليه السلامه نمروديك شرندن قورتارد قد نصكره و يرديكى نعمتلىرى بيان ايتك اوزره ﴿ وَوَهَبْنَا لَهُ إِسْحَاقَ وَيَعْقُوبَ نَافِلَةً وَكُلًّا جَعَلْنَا صَالِحِينَ ﴾ بيوريور .

[ابراهيم عليه السلامه بز اوغلو اسحق عليه السلامى هبه و آنك اوغلو يعقوب عليه السلامى زائد اولارق هبه و احسان ايتدك و آنلرك جمله سنى صلحادن قيلمق .]

﴿ وَجَعَلْنَاهُمْ أُمَّةً يَهْدُونَ بِأَمْرِنَا ﴾

[و بز آنلرى ناسه امام و مقتدا به قيلمق كه آنلر بزم امرمزله ناسى طوعرو يوله هدايتده قيلارلر .]

﴿وَأَوْحَيْنَا إِلَيْهِمْ فِعْلَ الْخَيْرَاتِ وَإِقَامَ الصَّلَاةِ وَإِيتَاءَ الزَّكَاةِ﴾

[و بز آنله انواع خیراتی ایشلهملرینی و نمازی اقامه ایدوب زکاتی ویرملرینی وحی ایتدک .]

﴿وَكَاْنُوا لَنَا عَابِدِيْنَ﴾

[حالبوکه آنلر بزه عبادت ایدر اولدیلر .]

یعنی ؛ بز ابراهیم علیه السلامک دعاسنی مستجاب قیلارق اوغلو اسحق علیه السلامی اکا هبه ایتدک که غربتک کربتنی ازاله ایلسون و بزم طرفزدن فضل واحسان اولارق یعقوب علیه السلامی دخی ویردک و آنلرک هر برینی نبوته و رسالته صالح قیلدق . بناء علیه ؛ بزم طرفزدن قوللریمیزی ارشاد ایچون احکام شریعتی ناسه تبلیغه مأمور رسول اولدیلر و آنلرک اسرار توحیده قابلیت واستعدادلری ایجابی بز آنلری ناسه مقتدا به اماملر قیلدق که آنلر بزم امر مزله ناسی طوغرو یوله سوق ایدر و دین حقه دعوت ایدر و طریق مستقیمی کوسترینلر . زیرا ؛ ناسک آنلره اقتدارلری بزم امر مزه مستند اولدیغندن آنلره اقتدا ؛ بزم امر مزه اقتدار . آنلری مقتدا به قیلدق نصکره بز آنلره انواع خیراتی ایشلهملرینی وعموم عبادتلرینی شرعه توفیق ایده رک یرینه کتیرملرینی وبالخاصه جمیع اعضانک جانب حقه توجهندن عبارت وارکان جوارحک برلکده عبادتی متضمن اولان نمازی اقامه بی و ماسوادن قطع علاقہ بی متضمن اولان زکاتی ویرملرینی وحی ایتدک که وجودلرینک شکرتنی نمازله و ماللرینک شکرتنی زکاتله ادا ایتسونلر . حالبوکه کرک ابراهیم و کرک مخدوملری بزه عبادت ایدرلر . بناء علیه ؛ بزم غیریمیزی عبادته مستحق کورمزله و بوتون ظاهر و باطنلری ايله بزم رضامیزی آرار و اخلاص اوزره عمل ایدر اولدیلر

نافله ؛ عطیه مخصوصه در . زیرا ؛ ابراهیم علیه السلام براوغلان ایچون ربسنه دعا ایتشدی . جناب حق دعاسنی قبول ایتسکه اسحق علیه السلامی ویرمشدی . دعا ایتسکرمه یعقوب علیه السلامی ویردکرمه نافله دینمشدرکه ایسته دیکندن زیاده دیمکدر . یاخود نافله ؛ ارغولونک ارغلو یعنی مفید دیمکدر .

واجب تعالی بو آیتده ابراهیم علیه السلامه ویردیکی نعمتک بشنی ذکر ایتمشدر : برنجیسی ، اولاددر . چونکه اولاد ؛ نسلی ابقا و انسانه معین و ناصر اولدینی جهته دنیا نعمتلرینک اک بویوکیدر . ایکنجیسی ؛ کنیزینک و اولادینک صلوات اولمیردر . زیرا ؛ انسانک کندیسیله برابر اولادینک صلحادن اولملری علامت سعادت اولدینی جهته آنک حقه اولادینک صلاحی البته بویوک برغایت السیه اثریدر . اوچنجیسی ؛ ناسه مقتدا به اولمیردر . زیرا ؛ انسانلرک کندیملری تکمیل ایدوب غیرلرک نواقصنی اکمال ايله طوغرو یوله ارشاد ایتک انسان ایچون ممکن اولان مرتبه لرک بویوکیدر . دردنچیسى ، عبادات ایچونمه فعل خیرات و اقامه صلوات و اعطاء زکات کبی اک بویوکلرینک کنیزلرینه وحی اولومسیدر . چونکه ؛ بویوک عبادت لک اجری البته بویوک اولور . بشنجیسی ؛ مرتبه عبودیتده بر دوام اولمیردر . چونکه ؛ انسانک حال حیاتنده عبادته موفق اولارق رضاء السیه بی آرامسی عبودیتک برنجی وظیفه لرندندر .

صلات ايله زکات فعل خیراتده داخل اولدقلری حالده شرف و مزیتلرینه اشارت ایچون فعل خیراتی ذکر دن صکره صلاته زکات آریجه ذکر اولونمشلردر . چونکه ؛ نماز عبادت بدنیه نک افضل اولدینی کبی زکاتده عبادت مالیه نک افضل اولوب خلقه مرحمت ایچون مشروع قیلنمشدر .

خلاصه ؛ دنیاچه ابراهیم علیه السلامک پک بویوک نعمتله نائل اولدینی و اونعمتلرده بدنه و ماله متعلق بولوندینی و آنلرک شکرتنی ادا ایتدیکی بو آیتدن مستفاد اولان فوائد جمله نندندر .

واجب تعالی ابراهیم علیه السلامه ویرمش اولدینی نعمتلرینی بیاند نصکره لوط علیه السلامه ویردیکی نعمتلردن بضمیلرینی بیان ایتک ﴿وَلَوْطًا أَتَيْنَاهُ حُكْمًا وَعِلْمًا وَنَجَّيْنَاهُ مِنَ الْقَرَارَةِ الَّتِي كَانَتْ تَعْمَلُ الْخَبَائِثَ﴾ بیوریور .

[بز لوط عليه السلامه ناس بيننده واقع اولان خصوماتی قطع و امور مهمه لری فی فصل ایتک ایچون حکم و سرائر اموری ادراک ایتک ایچون علم و یردک و بز لوطی بر قریه اهالیسنک شرندن قورتاردق که او قریه نک اهالیسی لواطه و آنک امثالی طبع سلیمک سومدیکی افعال خبیثه فی ایشلرلردی .]

﴿ إِنَّهُمْ كَانُوا قَوْمَ سَوْءٍ فَاسَقِیْنَ ﴾

[زیرا ؛ او قریه اهالیسی انواع فسق ارتکابه طریق حقدن چیقمشلر و کوتو بر قوم ایدیلر .] چونکه ؛ آنلر آچیقده انواع فحشیاتی ارتکابدن اونا نمازلردی .

﴿ وَادْخُلْنَاهُ فِي رَحْمَتِنَا إِنَّهُ مِنَ الصَّالِحِیْنَ ﴾

[و بز لوط علیه السلامی رحمتزه ادخال ایتدک . زیرا ؛ لوط علیه السلام صلاحه زمره سندن و بزیم عندمزمده مقبول قوللریمزدندر .]

صلاحک ، انسانی مهلکدن قورتاروب مرحمت الهیهی جلله وسیله اولاجفنه بو آیتده دلالت واردر . بناء علیه ؛ اهالیسی صلاح اوزره اولان قریه نک معمور و آبادان اولوب اهالیسنک راحت ایتدیکی و فسق و فجورله مشغول اولان قریه لرك عاقبت خراب اولدینی عالمده هر زمان کوریلن وقوعات جمله سندنر .

خلاصه ؛ واجب تعالی نک لوط علیه السلامه حکم و علم و یردیکی و خبیث اولان فعللری ارتکاب ایدن قریه اهالیسنک شرندن خلاص ایتدیکی و او قریه اهالیسنک طاعت الهیهدن چیقمش کوتو بر قوم اولدقلری و حضرت لوطک صلاحی سببیه جناب حقک رحمت دریاسنه ادخال ایتدیکی بو آیتدن مستفاد اولان فوائد جمله سندنر .

واجب تعالی ابراهیم و لوط علیهما السلامک قصه لرینه اشارتدن صکره نوح علیه السلامک وقعه سنه اشارت ایتک اوزره ﴿ وَنُوحًا إِذْ نَادَى مِنْ قَبْلُ فَاسْتَجَبْنَا لَهُ فَنَجَّيْنَاهُ وَأَهْلَهُ مِنَ الْكَرْبِ الْعَظِيمِ ﴾ بیوریور .

[حبیب ! شووقوعاتلری بیان اولونان رسل کرامدن اول نوح علیه السلامک وقعه سنی ذکر ایت شول زمانده که اوزمانده نوح کمال اخلاص و جدیت اوزره مناجاتده بولوندی و ربسنه ندا ایدهرک تضرع و نیاز و قومندن شکایت ایدوب خلاصی مولاسندن استرحام ایتدی . بناء علیه ؛ بز نوحک دعاسنی مستجاب قیلدق و نوحه و کندینه اتباع ایدن اهلنه و اولاد و عیال و اتباعنه بویوک غم و کدردن نجات و یردک .]

﴿ وَلَنَصَرْنَاهُ مِنَ الْقَوْمِ الَّذِیْنَ كَذَّبُوا بِآيَاتِنَا ﴾

[و بزیم آیتلریمزی انکار و تکذیب ایدن قومک شرندن قورتارمق ایچون بز نوح علیه السلامه یاردم ایتدک و او قوم کفر اوزره اصرار ایتدیلر .]

﴿ إِنَّهُمْ كَانُوا قَوْمَ سَوْءٍ ﴾

[زیرا ؛ قوم نوح کوتو بر قوم ایدیلر .]

﴿ فَأَغْرَقْنَاهُمْ أَجْمَعِیْنَ ﴾

[بناء علیه ؛ بز آنلرك جمعیسنی غرق ایتدک .]

یعنی ؛ یا اکرم الرسل ! بز ابراهیم و اسحق و لوط علیهم السلامدن اول حضرت نوحه نجات و یردک شول زمانده کی اوزمانده نوح علیه السلام قومک هلاکی ایچون ربسنه ندا ایتدی و یالواردی . بناء علیه ؛ بز آنک دعاسنی قبول ایتدک و قبولزک نتیجه سی اولارق بز نوحه و آنک اهلنه بویوک کدری موجب و انسانلری مهلک طوفاندن نجات و یردک و آنک بزدن یاردم ایسته مسی اوزرینه بزیم آیتلریمزی تکذیب ایدن قومک شرندن خلاص ایچون آکا یاردم ایتدک . زیرا ؛ قوم نوح آیتلریمزی تکذیب ایدر و شره مهمک کوتو بر قوم اولمشلردی . بناء علیه ؛ آنلرك جمعیسنی طوفانه غرق ایتدک . چونکه ؛ آنلر آیتلریمزی تکذیبله شره انهما کی کندیلرنده جمع ایتمشلردی . بویکی شیئی نفسنده جمع ایدن قومی اهلاک ایتک عادات الهیه من جمله سندنر . ایشه شوعاده بناء نوح علیه السلامه یابدقلری ظلمک انتقامنی آنلردن آلدق . زیرا ؛ ظلمی نفسنه عادت ایدوب آنکله الفت ایدن قوم هر زمان هلاکه مستحقدر .

فخر رازی، قاضی و خازنک بیانلرینه نظرأ وقعه نك جریانی شویله در : بر کیمسه نك
قیونی کیجه لین دیگر بر کیمسه نك ا کینی ویا باغی با صار خراب ایدر. صاحب دن قیون صاحبیه
ا کین صاحبی منازعه ایدر و محاکمه اولق اوزره حضرت داودك حضورینه کلیرلر . حضرت
داود محاکمه نتیجه سنده قیونك ، ا کین صاحبك ضررینه مقابل ویرلمسیله حکم ایدر .
طرفین حضور داود دن طشره چیقنجه محکمه صالونده بولونان سلیمان علیه السلام حکمی
ایشیتیر « بن حکمه مأمور اولسم طرفین حقنده دها انفعله حکم ایدردم » دیدیکینی داود
علیه السلام دویار ، حضورینه چاغیرر وانفع اولان حکمدن سئوال ایدر . حضرت سلیمان
قیونك منفعتی ا کین صاحبه ا کین ده قیون صاحبه تسلیم اولونوب قیون صاحبی ا کینی
صولایوب بکله یوب اسکی حالته کتیرنجیه قدر ا کین صاحبی قیونك سودندن و یغوردندن
انتفاع ایدوب ا کین اسکی حالته کلنجه قیونی و ا کینی صاحبینه اعاده ایدوب هر کسك
مالنه صاحب اولسیله حکمك انفع اولدیغنی بیان ایدر . حضرت داودده بو حکمك طرفین
حقنده انفع اولدیغنی تصدیق وامضا واعلامنی اوغلونك حکمی اوزره تنظیم ایتدیرر .

بو آیتده بیان اولونان حکم ، داود علیه السلام شریعتنده در . اما بزم شریعتمزدده کیجه ده
ویا کوندوزده باشی بوش حیوانك ضررینی اوده مک لازم گلر . زیرا (جنایة العجماء جبار)
حدیث شریفی مقتضاسنجه دیلسر حیوانك جنایتی هدر اولدیغنی بیانله حنفیه علماسی عندنده
باشی بوش حیوانك ضررینی اوده مک حکمنی نسخ ایتشدیر . اما شافعی عندنده حیوانك
کوندوز یا بوش اولدیغنی ضرری حیوان صاحبك اوده مسی لازم گلر . زیرا ؛ کوندوز
حیوانی باشی بوش مرعایه سورمك و ا کینی و باغی صاحبی بکله مک عادت اولدیغندن حیوانك
ضررینی اوده مک یوقدر . اگر کیجه ده ضرر ایدرسه کیجه ایله حیوانی محافظه ایتمك
و ا کینی بکله مه مک عادت اولدیغندن ضررینی اوده مک لازم کلیر .

تفسیر خازنده بیان اولوندیغنی وجهله (حرام بن سعد) حضرت لرینك روایتی شافعی نك
بیانی تأیید ایتکده در . چونکه ؛ انصار دن بر کیمسه نك باغچه سنه بردوه کیروب باغچه یی
افساد ایتسی اوزرینه حضور رسالنده جریان ایدن محاکمه ده زراعت صاحب لرینك کوندوزله
زراعت لرینی محافظه ایتلری و حیوان صاحب لرینك ده کیجه ایله حیوان لرینی محافظه ایتلری لازم
اولسیله حکم ایتدیکینی (حرام) حضرت لری روایت ایتشدیر . ایشته امام شافعی بو حدیثله
عمل ایتمش واجتہادینی بوکا بنا ایتشدیر . حنفی ؛ اجتہادینی اولکی حدیثه بنا ایتشدیر . اما

..

واجب تعالی نوح علیه السلامك نجاتی و قومك اهلا کینی بیاندنصکره داود و سلیمان
علیهما السلامك نائل اولدقلری نعمت لرینی بیان ایتمك اوزره ﴿ وَ دَاوُدَ وَسُلَيْمٰنَ اِذْ يَخْتَصِمٰنَ
فِي الْحَرْثِ ﴾ بیور بیور .

[حبییم ! داود و اوغلو سلیمان علیهما السلامك وقعه لرینی ذکر ایت شول زمانده که
اوزمانده آنلر بر قومك ا کینی ویا باغی حقنده حکم ایدیورلردی .]

﴿ اِذْ تَفَقَّشْتَ فِيْهِ غَمُّ الْقَوْمِ ﴾

[آنلرک حکمی شول زمانده ایدی که اوزمانده بر قومك قیونلری او ا کینی ویا خود
باغی اوتلامش و افساد ایتشدی .] بناء علیه ؛ قیونله ا کین صاحبی نزاع ایدرک محاکمه یه
کلشردی .

﴿ وَ كُنَّا لِحُكْمِهِمْ شَاهِدِيْنَ ﴾

[حالوکه بز آنلرک حکملرینه شاهد ایدک .]

﴿ فَفَهَّمْنَاهَا سُلَيْمٰنَ ﴾

[بز داود علیه السلامك حکمدنصکره مسئله یی سلیمان علیه السلامه آکلاتدق .]

﴿ وَ كَلَّا اَتَيْنٰهُمُ حُكْمًا وَعِلْمًا ﴾

[بز پدرله اوغلوندن هر برینه حکم و مسائل اجتہاده علم ویردک .]

امام مالك حيواناتك ياننده صاحبي اولمازسه كيجهده وكوندوزده ضرريني اوده مك لازم گلز وياننده صاحبي بولونورسه اوده مك لازم كلير ديمشدر. شوخالده مالكي مذهبي حنفي مذهبه من وجه موافقدر.

بوآيت؛ انيادن اجتهادك جوازينه دلالت ايدر. چونكه؛ حضرت داود نصله حكم ايتش اولسه ايدى اوغلونك حكمتي نصك خلافة اولديني جهته آني قبول ايتمز وكندي حكمنندن ده دونمزدى. شوخالده كندى حكمنندن دونمى اجتهادله حكم ايتديكنه دلالت ايدر. اوزمان سليمان عليه السلام اون برياشنده هنوز كندينه وحى كلديكندن جناب حقك حكمتي تفهيمى الهام قيبيلندن اولسه كر كدر. انيا اجتهادده خطا ايدرلرسه خطالرينه طرف الهميدن بيان وتنبه اولونورلر وخطالري قرارلاشاز. زيرا؛ خطا اوزره قرار خطانك شريعت اولونمى احجاب ايدر، بوايسه جائز دكلدر. بناء عليه؛ حضرت داودك خطاسى درحال اوغلو واسطه سيله بيان وتنبه اولوندى و حكمنندن رجوع ايتدى.

بو آيتده حرث ايله مراد؛ اكين وياخود باغ اولنق محتملدر. سليمان عليه السلام حكمتي طرفين حقنده انفعدر. چونكه؛ اكين صاحبنك ضررينه مقابل قيونك حاصلاتى وريديكندن حاصلاتك حاصلاته مقابل اولوب اساس اعتباريله هر كسك ملكي كندينه اعاده اولونديني جهته ضرر كورن يوقدر. اما داود عليه السلام حكمتي قيونك اصلى اكين صاحبنك حاصلاته مقابل وريديكندن قيونك رقبه سى اكينك فرغه مقابل قيلمقله مساوات اولماديني كي قيون صاحبه بالكله متضرر اولوب مالى تماماً آلندن چيقوردى. بناء عليه؛ حضرت داودك حكمتي اصولى، زوانده مقابل قيلمقندن عبارت اولديني جهته عقله ملايم دكلدى. اما اوغلونك حكمنده زاندى زانده مقابل قيلمقندن عقله دهها موافق اولديني جهته درحال اوغلونك حكمنه رجوع ايتمشدر. بناء عليه؛ بر مسئلهده انسان خطاسى بيليرسه درحال رجوع ايدوب اصابت ايدن جهتي التزام ايتك لازم اولديغه بوآيت دلالت ايدر. چونكه؛ داود عليه السلام اجتهادى اكينك ضرريني قيمته تقدير ايتك و قيونك قيمتى ضررك قيمته مقايسه ايتك اولوب ضررك قيمتى قيونك قيمته مساوى اولديني جهته قيونك تماماً ضرره مقابل ويرلسيله حكم ايتمشدى، لكن بو حكمتك خطا اولديني آكلاينجه دونمشدر.

(اذنفت) نقش؛ مدار كده بيان اولونديني وجهله كيمجه رفتى هوبانسر قيونك طا. غياوب مرعاده اولونمى معناسنيدر. بوراده مرعاده اولونمى بر كيمسه نك باغنه رباخود اكينه كيروب آني افساد ايتك معناسنيدر. چونكه حرث؛ معروف اولان اكين معناسن ايسهده صالحيمارى ميرانه كلمسه باغ اولديني (ابن عباس) حضرتلردن مرويدر. اصل مسئله؛ بر قومك قيونى ديكر بر كيمسه نك انتفاع ايده چكي حاصلاتى افساد ايتسيدروبوده قطعيدر. زيرا آيت؛ بوجهتي ناطقدر. اما حاصلاتك اكين وياخود باغ اولمى ظنيدر. خلاصه؛ بر قومك قيونك افساد ايتديكي حاصلات حقنده داود عليه السلام حكم ايدوب حكمتك خطا اولديني بعده اوغلو سليمان عليه السلامه جناب حقك صحيح اولان حكمتي الهام ايدوب پدريتك كندى حكمنندن رجوع ايدرك اوغلونك حكمتي قبول ايتديكي و جناب حقك هرايكيسنده حكم وعلم ويريديكي بوآيتدن مستفاد اولان فوائد جمله سندندر.

واجب تعالى داود عليه السلامه ويرمش اولديني نعمتلردن بعضيلريني بيانلنصكره بعض آخرى بيان ايتك اوزره ﴿وَسَخَّرْنَا مَعَ دَاوُدَ الْجِبَالَ يُسَبِّحْنَ وَالطَّيْرَ وَكُنَّا فَاعِلِينَ﴾ بيورييور.

[بز داود عليه السلام ايله برابر طاغلري وقوشلري مسخر قيلدق كه طاغلر وقوشلر اتفاق اوزره اللهم تقاضدن تنزيه ايدرلر. حالبوكه بزبونى وبونك امثالى غريبه لري ايشلر اولدق.] بناء عليه؛ بو كي غريب شيلردن تعجب ايتمهيك.

﴿وَعَلَّمْنَاهُ صَنْعَةَ لَبُوسٍ لَّكُمْ لِيُخْصِنَكُمْ مِنْ بَأْسِكُمْ﴾

[وبز عظيم الشان سرك امور حريده سونكو وقيليج ياره لري كهي شدتليركزدن نفسكزي محافظه ايتكز ايچون داود عليه السلامه دميردن لباس وزره صنعتي تعليم ايتدك.]

﴿فَهَلْ أَنْتُمْ شَاكِرُونَ﴾

[سز بزم بو، بويوك نعمتلي بزمه شكر ايدر ميسكنز ؟]

يعني ؛ بز حضرت داوده بر چوق نعمتلي و برك وجهه نعمتلي بزمدن بري ده بز داوده طاغلي وقوشلري مطيع قيلدق . زيرا ؛ داود عليه السلام تسبيح ايتديكند طاعلي وقوشلرده برابر جناب حق نقائصدن تنزيه ايدر وتسبيحه مشغول اولورلر، حتى تسبيحلي خي حضرت داود ايشيتيردي و بز بونك امثالي عجايبي ايشلر ز . بناء عليه ؛ انبيا وبعض اوليا كهي خواص اولان قوللر بزمه بومثللو خارقه لري احسان ايدر ز . شو حلاله بوكي خارقه لري قدر بزمه نسبتله چوق كوروب تعجب ايمهيك . داوده احسان ايتديكمز نعمتلي بزمدن بري سي ده بز آكا حرب البسملري و دنياه او زمانه قدر امثالي سبق ايتدك (زره) صنعتي تعليم ايتدك كه محاربه ده قيليج كي دمير آلترله دشمنكزدن سزه اصابت ايده جك شدتلي ياره لردن او صنعت سزي محافظه ايتسون . شو حلاله بونعمتلي بزمه شكر ايدر ميسكنز ؟

بيضاوينك بياني وجهه طاغلي وقوشلرك تسبيحلي ؛ لسانه مال ايله و يا خود لسانه قال ايله در . چونكه ؛ جناب حقك طاغله وقوشلره حضرت داودك آكلاياجني ر لسان و يروب اولسانله تسبيح ايتلري قدره الله نسبتله بعيدكدر و لفظ آيت موافق اولان ده تكلم ايله تسبيح ايتلريدر . چونكه ؛ لسان حال ايله طاغلي جسامتلي بونك وقوشلرك صدالرينك و سماده او جمالرينك جناب حقك قدرته دلالت معنا سجه تسبيح مراد اولونسه بومعناجه تسبيحي حضرت داوده تخصيص ايدهرك آنك حقه نعمت صايقمده بر معنا اولمازدي . زيرا ؛ لسان حاله تنزيه معنا سجه تسبيح هر ارباب عبرتك فهم ايده جكي جهته داود عليه السلامه مخصوص بر نعمت اولماز . حالبوكه واجب تعالي طاغلي وقوشلرك حضرت داوده مسخر اولوب برابر تسبيح ايتدكلي بياني و نعمت اولديغي تصريح ايتشدركه آنلرك تسبيحلي حضرت داودك ايشيده جكي بر درجه ده اولديغه اشارتدر . بناء عليه داود عليه السلامه برابر طاغلي و طاشلرك وقوشلرك تسبيحلي ايله مراد ؛ حضرت داود الهي ذكره و نسبه باشلر بزمه آنلرك ده حضرت برابر نسبه باشلر بزمي و داود عليه السلامك ده آنلرك صبراني ايتشدرك . حتى حضرت داود ذكره باشلا بزمه قوشلرك اطرافه حلقه اولارق

ذكره فرياد و فغان ايتدكلي مرويدر . حضرت داوده فتور كلوب ديكه نديكند طاعلي تسبيحلي ديكه ديكي دخي مرويدر .

فخر رازينك بياني وجهه لبوس ايله مراد ؛ دميرده مهربان بزمه بزمه زره ديني بر كوكلمر . بوني وحي ايله دنياه اول ايجاد ايدن داود عليه السلام اولديغي جناب حق بو ايتده بيان ايتشدرك . شو حلاله كمينك اساسي حضرت نوحك معجزه سي اولديغي كهي آلت حربدن زرهك اساسي ده حضرت داودك معجزه سيدر . چونكه ؛ داود عليه السلامك آلتده دمير خامور كي يوشايوب دميردن آتشيز ايتديكي هر شيشي يايقم عالمده داود عليه السلامه ميسر اولمشدر . اما آتشده يوشايق صورتی و آتش واسطه سيله هراسته ياييلايديكند معجزه دكلدر . زيرا ؛ آتشله دميري اريتمك عادتدر، فقط آتشزدميري اريتمك خارق العاده و معجزه در .

حضرت داودك نبوتله برابر سلطنته دخي مانك اولديغي جهته ساطنتي محافظه ايده جك آلت و دشمنه مدافعه اسبابي اكاله سعي و اوزمانده موجود حكومتلرده امثالي سبق ايتدك زره واجب تعالي تعليم بيورديغي بيانه زره حضرت داودك نعمتلي صره سنده صايمشدر و زره اول معجزه اولارق ظهور ايتش ايسده صكره لري دنياك هر طرفه طاعلمش و بر چوق زمان عالمده اك قوي آلت حرب اولقله حكم سورمش و بوتون حكومتلر نزدند قبول كورمشدر . حتى يقين زمانلره قدر زره ابطال ايده جك آلت حرب ايجاد اولونامامشدر . اما بش آلت عصر دنبري طوب ، تفك و سائر آلات حرب ايجاد اولونديغدن حرب آلت اولق نقطه سندن زرهك حكمي قالمامشدر . زيرا زمان ؛ ملتر آره سنده آلت مدافعه يي دكيشد برمشدر .

بو آيت جليله ، دشمندن نفسني محافظه نك اسبابي حاضر لاق و دوشونمك بر شخص ايچون لازم اولديغي كي حكومت ايچون دخي دوشونمك و احضار ايتك لازم اولديغه دلالت ايدر . چونكه ؛ جناب حق حضرت داوده زره صنعتي تعليم ايله ايجاد ايتديكي بياني ايتديكي كي زرهك محاربه نك شدتدن محافظه حكمتنه بناء ايجاد اولونديغي دخي بيان بيورمسي آلت حربك احضاري لازم اولديغي بيان ايتكدرك . آلت حرب احضار انسانلر ايچون بويوك بر نعمت اولديغدن بونعمته شكر ايتمكه امر ايتشدرك . زيرا ؛ (فهل اتم شاكرون)

صورتهاست فرام ایسه ده معناده شکر اتمکله امرور . شو حالده معنای نظم : [حربك شدتندن نفسکزی محافظه و دشمنکزك تسلطندن خلاصکز ایچون صنعت لبوسی تعلیم نعمته شکر ایدرمیسکز ؟ شکر ایدك . زیرا ؛ شکر اتمکز واجبدر] دیمك اولور . بناء علیه ؛ آلت حربی احضار اتمك حکومتلر ایچون اك بویوك وظیفه اولدیغنی جناب حق بوآیتده بزه بیان بیورمشدر . زیرا ؛ اوزمانده رئیس حکومت اولان حضرت داودك آلت حرب اولان زرهی یادیغنی وزرهك یا پلسنده کی حکمت ایسه حربده محافظه و مدافعه اتمك اولدیغنی و بناء علیه شکره شایان بر نعمت بولوندیغنی قرآنده جناب حقل بزه بیان اتمسی « سزده اویله یاپك » دیمکدن باشقه برشی دکلددر . بناء علیه آلت حربی احضار ؛ ملت وملت تمیل ایدن حکومت اوزربنه واجبدر . چونکه ؛ دینی ، حکومتی و ملت محافظه اتمك حرب و حربده آله توقف ایتدیکندن آلت حربی احضار حکومت اوزربنه ترتب ایدن اك بویوك وظائفدندر .

* *

واجب تعالی حضرت داوده ویردیکی نعمتلردن بعضیلرینی بیاندنصکره سلیمان علیه السلامه ویرمش اولدیغنی نعمتلردن بعضیلرینی بیان اتمك اوزره ﴿ وَاسْلَمْنَاهُ الرَّحْمَٰنَ غَاصَّةً تَجْرِي بِأَمْرِهِ إِلَى الْأَرْضِ الَّتِي بَارَكْنَا فِيهَا وَكُنَّا بِكُلِّ شَيْءٍ عَالِمِينَ ﴾ بیوریور . [بز سلیمان علیه السلامه شدتلی روزکاری مسخر قیلدق که اوروزکار امر سلیمان بزم کندیسند خیر کثیر خلق ایتدیکمز ارض مبارکه یه جریان ایدر و بز بوکی خارقه لرك اسبابی وهرشیئی بیلیرز .]

یعنی ؛ بز داود علیه السلامه طاغلی و قوشلری مسخر قیلدیغمز کی اوغلو سلیمان علیه السلامه ده زیاده سرعتلی اسر روزکاری مطیع و امرینه آماده قیلدق که اوروزکار سلیمان علیه السلام امریله بر ارضه طوغرو جریان ایدر که او ارضده بز خیر کثیر و برکت عامه خلق ایتدك . حالبوکه بز هرشیئی بیلیرز . بناء علیه ؛ روزکار بزم علممز و اراده مز اقتضای و حکمتزه موفق اولارق جریان ایدر .

خازن و بیضاوینك بیانلری وجهله عاصفه ؛ شدتلی اسر روزکاردر و بعض محله روزکارك ملایم اولدیغنی بیانه منافی دکلددر . چونکه روزکار ؛ سلیمان علیه السلام امرینه و اراده سنه تابع اولدیغندن بعض کره شدتلی اراده ایدر سرعتلی کیدر و دیگر زمانده آغیر کیتمسنی اراده ایدر امری وجهله ملایم اولور و نفسنده روزکار شدتلی جریان ایتسه ده غایت لطیف انسانی ازعاج ایتزدی . روزکارك کوتوردیکی تحت سلیمان ایپکدن معمول خفیف برشی اولدیغنی و غایت واسع اولوب کندیسنی و معیت ارکانی و لزومی قدر عسکرک برابر بولوندیغنی مرویدر . طیاره نك ایجادی سلیمان علیه السلام هواده روزکار واسطه سیله طیارنده شبهه ایدنلرك شبهه سنی قالدیرمشدر . چونکه ؛ شو زمانده انسانلرك هواده طیارانی بالذات مشاهده اولونونجی حضرت سلیمانك هواده طیارنده شبهه و استبعاد محمل قالمامشدر . سلیمان علیه السلام صباحدن قوشلغه قدر بر آیلق مسافه و اوکله دنصکره آقشامه قدرده بر آیلق مسافه قطع ایدوب عراقی ویمنی دولاشوب آقشام شامه کندی قوناغنه کلدیکی مرویدر . بونلرك جمله سی بوکون مشاهده اولونمش شیلردندر . بناء علیه ؛ فن ترقی ایتدکجه قرآنده بعض ملحدلرك اعتراض ایتدکاری مسائل غریبه نك امثالی رأی العین کورولمکه قرآنك صدق ، دشمنلری نظرندده دخی تظاهر ایتدکده در . ایشه کینك اساسی نوح علیه السلام و زرهك اساسی داود علیه السلام معجزه سی اولدیغنی کی طیاره نك اساسی ده سلیمان علیه السلام معجزه سیدر . شو قدرکه شیمدی طیاره موتور واسطه سیله حرکت ایدر ، حضرت سلیمانك تختی ایسه روزکار واسطه سیله حرکت ایدردی . اصل مسئله بر جسم ثقیلک هواده سیروسفر ایده بیامسیدر . مادام که بومکن و واقعدر . واسطه سیروسفر ایستر موتور اولسون ایستر روزکار اولسون فرق یوقدر . شوقدر که سلیمان علیه السلام هواده سیروسفری ده مکمل و ده مضبوط و ده واسع اولدیغنده شبهه یوقدر . زیرا طیاره ؛ هنوز حال تکمله کله مه مشدر و بلکه ده سلیمان علیه السلام معجزه سی حالته کله میه جکدر . تحت سلیمانك بر چوق شیلر کوتورمسی ده بعید دکلددر . چونکه ؛ بوکون ژه پلین بالونلری الی کیشی قدر کوتوره بیلور . بوکون الی کیشی کوتورنك یارین یوزی و بش یوزی و بش بیکی کوتوره جکسند ترده محمل وارمیدر . والحاصل سلیمان علیه السلام تختی روزکار واسطه سیله هواده طیاران ایتدیکی قطعیدر .

زیرا؛ صراحت قرآنله ثابتدر . بناء علیه بونی انکار؛ نص قرآنی انکار اولدیغندن انکاری جائز دکلدر و کفر در . اما طیرانک و تخت سلیمانک کیفیتی ظنیدر . چونکه کیفیتته دائر قطعی تفصیلات یوقدر و کیفیتته ده حکم تعلق ایتمز .

* *

واجب تعالی سلیمان علیه السلامک نائل اولدینی دیگر نعمتلی بیان ایتمک اوزره
﴿وَمِنَ الشَّيَاطِينِ مَنْ يَغُوصُونَ لَهُ وَيَعْمَلُونَ عَمَلًا دُونَ ذَلِكَ وَكُنَّا لَهُمْ حَافِظِينَ﴾ بیوریور .

[وسلیان علیه السلامه بز شیطانلردن بعضیلری مسخر قیلدق . بناء علیه؛ او شیطانلردن بعضیلری سلیمان علیه السلامک امریله دکره طالار و قعر دریادن اینجو ، مرجان کی انواع مجوهراتی آلیر کتیریر ، سلیمان علیه السلامک خزینه سنه قورلر و دریایه طالمقدن باشقه دهانجه بویوک ایشلر یاپارلر و ابنه لر بنا ایدرلر و ضایع غریبه عملنه موفق اولورلر .] مثلاً شیشه ، جام و بللوردن سرائلر وصالونلر و اوزمانده مشروع و جاری اولان بویوک هیکللر یاپارلردی . حتی دکرمن و حمام کی شیلر سلیمان علیه السلام زمانده ایجاد اولونمشدر . بناء علیه سلیمان علیه السلام زمانده بی اسرائیل حکومتی دنیانک اک قوتلی حکومتی اولدینی کی اها لیسیده دنیانک اک مدنی اها لیسیددی . اوزمانده برچوق صنایع غریبه ایجاد اولوندی که بشریت بو کون بیله آنلرک برچوقلریله انتفاع ایتمکده در . اوزمانده ایجاد اولنان صنایعدن برچوقلری اسرائیلی حکومتک اقراضیله منقرض اولمش و بو کون بشریت آنلری ایجاده موفق اولامدینی کی بر قسمی ده ایجاد ایتمش ایسه ده طیاره ده بیان اولوندینی وجهله اوزمانکی حال تکمله کتیره مه مشدر . [حالبوکه بز عظیم الشان او شیطانلری حفظ ایدر حضرت سلیمانک امرندن طشره چیقارمایز .] چونکه آنلرک طبیعتلرنده خائنلک موجود اولدیغندن محافظه ایتمه سک طبیعتلی ایجابی فساددن خالی قالمالزردی . بناء علیه؛ بز آنلری حفظ ایدر زکه آنلر مأمور اولدقلری ایشلرنده دوام اوزره چالیشسونلر و عمللرینه فساد قاریشدیر ماسونلر .

بو آیتده شیطانلرله مراد ؛ جنیلرک لاف لر برر . چونکه؛ فخر رازینک بیانی وجهله حضرت سلیمان مسخر اولانلر کافر لیدر . زیرا ؛ مؤمنلر شیطان دکلدر . بناء علیه؛ مؤمنلر مطیع اولدیغندن آنلرک اطاعتلری بیانده بر فائده اولمادینی جهتله اطاعتلری بیان اولونانلرک عاصیلری اولملری لازم کایر . واجب تعالی نک شیطانلری محافظه سی ایله مراد ؛ سلیمان علیه السلامه مخالفه قیلرینه قورقو ضلر ایتمکله اطاعتلری تأمین ایتمکدر . یا خود یا بر قلمینی بیخفمه محافظه ایتمکدر . چونکه ؛ جنیلرک کوندوز یا بدقلری کیجه ییقمق عادتلی ایدی . جناب حق بو عادت قیجهدن آنلری منع ایتمکله محافظه ایتمشدر . جنیلرک اساسی آتشدن خلق اولونمش صویه طامغه مانع دکلدر . زیرا ؛ الله تعالی نک ایکی ضددن بریسیله آخری اهلاک ایتمه مک قدرت قاهره سی کافیدر . سلیمان علیه السلامک بقیه احوالی (سورة نحل) ده تفصیلاً بیان اولونا جغه بناء بومقامده بوقدرله اکتفا اولونمشدر .

* *

واجب تعالی سلیمان علیه السلامک بعض نعمتلی بیاندن صکره ایوب علیه السلامک مصیبه صبری و صکره دعاسی بیان ایتمک اوزره ﴿وَأَيُّوبَ إِذْ نَادَى رَبَّهُ أَنِّي مَسَّنِيَ الضُّرُّ وَأَنْتَ أَرْحَمُ الرَّاحِمِينَ﴾ بیوریور .

[ذکر ایت حییم ! ایوب علیه السلامک شول زمانده کی حالی که اوزمانده ربسنه ندا ایتدی : « یارب ! بکاضر طوقوندی ، حالبوکه سن ارحم الراحمین سک بکامرحت ایت دیدی .]

﴿فَاسْتَجَبْنَا لَهُ فَكَشَفْنَا مَا بِهِ مِنْ ضِرٍّ﴾

[بناء علیه؛ بز آنک دعاسی قبول ایتدک و قبولز نتیجه سی آکا اصابت ایدن ضرری قالدیردق .]

﴿وَأَتَيْنَاهُ أَهْلَهُ وَمِثْلَهُمْ مَعَهُمْ رَحْمَةً مِنْ عِنْدِنَا﴾

[بز ایوب علیه السلامه اولاد و عیالی و اولادیه برابر آنلرک بر مثلنی دخی طرفزدن احسان اولارق ویردک .]

﴿ وَذِكْرَىٰ لِلْعَابِدِينَ ﴾

[و بوا حسامزی، عابد اولوب تکالیفک مشقته صبر ایدنلره موعظه و عبرت قیلدق .]
یعنی ؛ یا اکرم الرسل ! ذکر ایت ایوب علیه السلامک شول زمانده کی خبرینی که اوزمانده الله تعالی آتی بعض مصائبه مبتلا قیلمش و بوابتلاسی اوزرینه ربسه ندا و تضرع و نیاز ایدره که دیدی که « ای بنم ربم ! بنی بر طاقم ضرر مس ایتدی و بعض مصائبه مبتلا اولدم . حالبو که سن مرحمت صاحبزینک الک زیاده مرحمت ایدنی سک . بناء علیه ؛ بکا مرحمت ایله و بنم ضررمی دفع ایت . » بو نیازی اوزرینه بز دعاسنی قبول ایتدک .
بناء علیه ؛ آکا اصابت ایدن ضرری قالدیردق و ایوب علیه السلامه اهلی و اهلنک بر مثلی دخی کندی لطفمزدن آکا احسان اولارق و یردک و آنک خبرینی عابدلره عبرت و وعظ و نصیحت قیلدق که هرکس آندن عبرت آلسون و مبتلا اولدینی مصائبک دفعی ربسندن ایسته سون .

فخر رازی و قاضینک بیانلری وجهله ایوب علیه السلام حضرت اسحقک اوغلو (عیص) نسلنددر . حرمی (ماخر) و یاخود (رحیمه) یوسف علیه السلامک اوغلو (میشا) و یاخود (افرایم) نسلنددر . والدهسی لوط علیه السلام سلاله سندندر . الله تعالی ایوب علیه السلامی نبی قیلدی و دنیا نعمت لرندن اولاد و امواله و هر درلو لذت دنیا به نائل قیلدق دینصرکه اولادی اوزرینه طام بیقلدی هلاک اولدی و بالعموم امواله آفت اصابت ایتدی تلف اولدی و کندی وجودی خسته اولدی . لکن خسته لغی انسانلرک نفرتی موجب اولان خسته لقلردن دکلدی . زیرا ؛ انبیاء عظام بالعموم نفرتی موجب اولان شیلردن محفوظ درلر . چونکه ؛ انیدانک نفرتی موجب شیئه مبتلا اولملری بعتدن مقصد اولان خلقله اختلاطه و طریق مستقیمه دعوته منافی اولدیغندن حکمت بعثته منافیدر .
بناء علیه ؛ بعض کتابلرده حضرت ایوبک خسته لغنده مبالغه صورتیه یازیلان شیلر قطعاً یالاندر . اوت ! مال و اولاد جهتدن مبتلا اولدینی کی بر مدت بدنی ده علیل اولدی . بونلرک جمله سنه کمال متانتله صبر ایتدی و اصلاً شکایت ایتدی و بومدت ایچنده قومندن بعض کیمسه لر « اکر ایوب علیه السلام کندیکنک ادعاسی کی عندالله مقبول اولسه ایدی ربسی آتی بو ابتلادن قور تاریردی » دیملری اوزرینه جناب حقندن استرحام ایتدی .

بناء علیه ؛ جناب حق عافیتنی اعاده ایتدیکی کی اولاد و عیالی دخی اعاده و بلکه قات قات اولکندن فضله سنی احسان ایتدیکی بو آیتده بیان ایتشددر .

خلاصه ؛ ایوب علیه السلامک بعض مصائبه مبتلا اولوب قور تولسی ایچون ربسندن استرحام ایلدیکی و الله تعالی نک دعاسنی قبول ایدوب مصائبدن خلاص ایدره اولکندن دهها زیاده عافیتنی و اولادینی و اموالی اعاده ایتدیکی و بومثللو و قوعاتی قرآنده بیان، انسانلره وعظ و عبرت ایچون اولدینی و مصائبه مبتلا اولان کیمسه لرک مصائبک دفعی جناب حقندن استرحام لازم کلدیکی بو آیتدن مستفاد اولان فوائد جمله سندندر .

* *

واجب تعالی ایوب علیه السلامک صبرینی بیاندنصرکه انبیاء عظامدن صبرله مشهور اولانلرک صبرلرینی بیان ایتدک اوزره ﴿ وَاسْمِعِلْ وَاذْرِيسْ وَذَا الْكِفْلِ كُلُّ مِنَ الصَّابِرِينَ ﴾ بیوریور .

[ذکر ایت حیم جد اعلاک اسمعیل و معارفی تدریس یله مشهور اولان ادریس و عبادات الهیهی تکفل ایدن ذا الکفلک خبرلرینی . زیرا بونلر ؛ صابرلر زمره سندندرلر .]

﴿ وَادْخُلْنَاهُمْ فِي رَحْمَتِنَا إِنَّهُمْ مِنَ الصَّالِحِينَ ﴾

[و آنلرک جمله سنی بز رحمتزه ادخال ایتدک . زیرا ؛ آنلرک هپسی صلحا زمره سندندرلر .]
یعنی ؛ یا اکرم الرسل ! انواع بلایه صبرله حقنده جاری اولان قضاء الهیهی به رضا ایله معروف اولان جدک اسمعیل علیه السلامک خبرینی و انواع معارفی و حقایقی تدریس ایتدکه مشهور اولان ادریس علیه السلامک و زماننده مشروع اولان عبادات الهیهنک جمله سنی ادا ایتدی تکفل ایدن ذا الکفل علیه السلامک خبرلرینی ذکر ایت که آنلردن هربری صابرین زمره سندندر . بناء علیه ؛ خبرلرینی ذکرله امتکی صبره دعوت ایت و بونلردن هر برینک کالنه واردیغندن بز آنلرک جمله سنی رحمتز دریاسنه ادخال ایتدک . زیرا آنلر ؛ صلاحله متصف اولان زمره دندرلر .

فخر رازينك بيان وجهه اسمعيل عليه السلام پدريه كنديسني ذبحه وبيت شريفى بنايه واكيسز واتسز وميوسز بر دره ده اقامته صبر ايتديكندن جناب حق صبرينه مكافات اولارق هر نعمتي ويرديكي كهي خاتم الانبيا افندمزي دخي آنك نسلندن خلق ايتمشدر . ادريس عليه السلام ده قومنى دعوت وآنلردن واقع اولان اذايه صبر ايتدى ودعوتنه اجابت ايتدكلرندن الله تعالى نك قومنى اهلا كدنسكره سياه رفع ايتديكي مرويدر . بقيه احوالى (سورة مريم) ده بيان اولونديغى جهته بو مقامده بو قدرله اكتفا اولونمشدر . ذا الكفله كنجه ؛ نبي ويا ولى اولديغنده اختلاف وار ايسه ده اكثر علما نبوتنه قائل اولمشلردر . بو خصوصه كي علم جناب حقه مفوضدر . انبياء بنى اسرائيلدن برنجي وفات ايدجكنده خلق طويلار « بن وفات ايدجكم ولكن كيجه لين نماز قيلار يورولماز وكوندوز اوروج طوتار اوصانماز وناس بيشنده حكم ايدر غضب ايتمز . بونلري كيم تكفل ايدرسه بو ملكي آكا توديع ايدجكم » ديمسي اوزرينه بر دليقاني « بن تكفل ايدرم » دير وتعهديني ايفا ايدر . ايشته بو ذاته (ذا الكفل) ديمشدر .

بونلرك جمله سنى واجب تعالى صبر وصلاح صفتريله متصف اولدقلىنى بيانله ثنا ايتديكي كهي صلاح ، رحمت الهيه سبب اولديغى دخي بيانله امت محمديه بي صلاحه دعوت ايتش ورحمتك صلاحه باغلى اولديغى بيان بيورمشدر .

* *

واجب تعالى بعض انبيائك صبرينه اشارتد نصكره يونس عليه السلام وقعه سنه اشارت ايتك اوزره ﴿ وَذَا النُّونِ إِذْ ذَهَبَ مُغَاضِبًا فَظَنَّ أَنْ لَنْ نَقْدِرَ عَلَيْهِ ﴾ بيوريور . [ذكر ايت حبيبم ! بالغه مصاحبت ايدن يونس عليه السلامي شول زمانده كه اوزمانده يونس عليه السلام قومه غضب ايدر اولديغى حالده كيتدى ده ظن ايتدى كه بز آنك اوزرينه عقوبتي مقدر قيلماق .]

﴿ فَتَادَى فِي الظُّلُمَاتِ أَنْ لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ ﴾

[آنك قومه غضب ايدرك كيتمسي اوزرينه مقدر اولان طارلق باشه كنجه بالغك قارنده قارنقلر ايچنده ندا ايتدى وديدى كه « حال و شان معبود بالحق يوقدر ، آنجق

سن وارسك . ياربي ! سنى جميع نقائصدن تنزيه ايدرم . زيرا بن ؛ نفسه ظلم ايدنلردن اولدم . » .]

﴿ فَاسْتَجِبْنَا لَهُ وَنَجَّيْنَاهُ مِنَ الْغَمِّ وَكَذَلِكَ نُثَجِّى الْمُؤْمِنِينَ ﴾

[بناء عليه ؛ بز آنك دعاسنى قبول ايتدك ومبتلا اولديغى كدردن نجات ويردك ، قورتاردق . ايشته بويله جه بز مؤمنلره نجات ويرر طارلقدن قورتاريوز .]

يعنى ؛ يا اكرم الرسل ! برادر ك يونس عليه السلام شول زمانده كي خبريني ذكر ايت كه اوزمانده قومك ايمانندن مايوس اولمسي اوزرينه غضب ايدر اولديغى حالده قومك ايچندن چيقدى كيتدى . زيرا ؛ چوق نصيحت ايتدى تاثيريني كورده مدى وكفر اوزرينه دواملرندن حاصل اولان غضب ، آنى قومنى ترك ايدوب كيتمكه سوق ايتدى . بناء عليه ؛ چيقدى كيتدى وظن ايتدى كه بز البته آكا برطارلق مقدر قيلماق وكنديسى مضايقه كورميه جك وقومندن آرا لاشنجه آنلرك كفرنندن حاصل اولان روحك طارالمسي ده كچه جك . ايشته شو ظنى اوزرينه قومنى ترك ايدوب دريا كنارينه كنجه اسكله ده حاضر اولان كميه بيندى ولكن قدرى قارشيسنه چيقدى . كميدن بالغك قارنه آتلادى وشدتلى قارنقلر ايچنده قالدى . ايشته او ظلمات ايچنده مناجاته باشلادى وديدى كه « ياربي ! سندن باشقه معبود بالحق يوق ، آنجق سن وارسك . بناء عليه ؛ سنى جميع نقائصدن تنزيه ايدرم . زيرا ؛ سندن اذن كلمكسزين هجرتى اختيار ايتديكمندن نفسه ظلم ايدنلردن اولدم . بناء عليه ؛ سنده ياربي ! بنى بر طار محله ادخال ايتدك كه سنك لطف وكرمك اولماقجه آندن قورتولمق ممكن دكلدر . شو حالده بومقامدن خلاصى سندن ايترم » ديمسي اوزرينه بزده دعاسنى مستجاب قيلدق ومبتلا اولديغى غمدن آنى قورتاردق . يونس عليه السلامه نجات ويرديكمز كهي بزه دعا ايدن بالعموم مؤمنلره دخي نجات ويرر طارلقدن قورتاريوز . فخر رازينك بيانله نظر آ حضرت يونس قوميله برابر ارض فلسطينده اقامت ايدرلردى . جناب حق آنى (نينوى) اهاليسنه رسول كونوردى وآنلري دعوت ايتدى . قبول ايتيوب كفر اوزره اصرار ايدنجه عذاب الهيك كله جكنى آنلره بيان ايتدكدن صكره (نينوى) اهاليسنه غضب ايدرك امر الهى كلمكسزين هجرتله دكر كنارينه كلدى وحاضر اولان بر كميه بينوب بر مدت كيتدكدن صكره روزكار كسيلىدى ، كمى طوردى . كمى ده

بولونانلر بوراده ربسنه قصور ايتمش بر کيمسه اولديغنى ظن ايدهرک قرعه چکوب يونس عليه السلام يندنه ظهور ايدنجي امرالهي کيزدن اول هجرتنده اصابت اولماديغنى بيلدى و دکره ايندى و محافظه سنه مأمور اولان بالغک قارنى عبادتنه محل اتخاذ ايتدى و بر مدت اقامت ايدوب آيتده بيان اولونديغنى وجهله جناب حقه تضرع و نیاز ايدهرک تسبيحه دوامى اوزرينه ربسى دعاسنى قبول و کنديسنه نجات و يردى. قومنک حالنه کلنجه: يونس عليه السلام ايجارندن غيوبت ايدوب عذاب امارهسى کورونمکه باشلايجه تائب و مستغفر اولدیلر، جناب حقه آنلرى عذابدن خلاص ايتدى.

رسول اللهک « بر بلايه مبتلا اولان کيمسه يونس عليه السلامک استغفارينه دوام ايدرسه البته جناب حق دعاسنى مستجاب قيلار » بويوردیغنى مرويدر .

يونس عليه السلام ، بالغک و دکرک و کيمجهنک قارنلقلى بر آرهيه کلوب بو اوچ ظلمت ايجنده قالدیغه اشارت ايجون ظلمات لفظى جمع صيغه سيله وارد اولمش و امرالهي به انتظار ايتکسزين هجرت ايتمشى اولايى ترك قیلندن زلم اولديغنى ايجون عتاب اولونمش و بلايه مستحق اولان قومک ايجندن چيقمقله کدردن سالم اولاجغنى ظن ايتديکندن دهها زياده کدره مبتلا اولمشدر .

(فظان ان لن نقدر عليه) بونظم جليلده کى (نقدر) طارلق معناسنه اولان قدرندن در يعنى «يونس عليه السلام قومنک ايجندن چيقتجه بز آنک اوزرينه طارلق خلق ايتيه جکمزى ظن ايتدى ، حلبوکه بز آنک اوزرينه طارلق خلق ايتدک . آنک ظنى کي قومندن قورتولونجه طارلقدن قورتولامادى ، ديمکدر . ياخود قضا و قدر معناسنه در . بوکا نظراً معنای نظم: [يونس عليه السلام قومنک ايجندن چيقتجه ظن ايتدى که بز آنک اوزرينه بر عقوبت مقدر قيلمادق . حلبوکه بالغک قارنده بر مدت اقامت ايدهرک جگنى واوراده محزون و مکدر قلاجغنى بز مقدر قيلمشدق .] شو حالده بو آيتده (نقدر) قدرندن آلمش دکدر . زيرا؛ قدرت معناسنه اولسه حاشا حضرت يونسک جناب حقک قادر اولماديغنى ظن ايتمشى لازم کليز ، بو ايسه خطادر . چونکه ؛ بالعموم انبياء کرام جناب حقک هر شينه قادر اولديغنى بيلدکيزندن (لن نقدر) قدرتى نفي معناسنه آلمق فاسددر .

خلاصه ؛ يونس عليه السلامک قومه غضب ايدهرک هجرتنه دائر امرالهي کلمکسزين

هجرت ايتديکى و اذن الهي اولمادن قومنى ترك ايتمشى بر مدت بالغک قارنده عبادتنه سبب اولديغنى و بالغک قارنده توحيد و تسبيحه دوام ايتديکى و زله سنک استغفارله عفونى جناب حقدن استرحامله ظلماتدن خلاص اولديغنى و بلايه مبتلا اولوب قصورنى اعترافله درگاه الوهيته التجا و استغفار ايدن کيمسهنک او بلادن خلاص اولاجغنى بو آيتدن مستفاد اولان فوائد جمله سندنر .

واجب تعالى يونس عليه السلامک و قه سنى بياندن صوکره زکريا عليه السلامک مناجاتى بيان ايتمک اوزره ﴿ وَذَكَرَ إِذْ نَادَى رَبَّهُ رَبِّ لَا تَذَرْنِي فَرْدًا وَأَنْتَ خَيْرُ الْوَارِثِينَ ﴾ بيوريور .

[ذکر ايت حبيبم ! زکريانک خبرينى شول زمانده کى او زمانده ربسنه ندا ايتدى وديدى که « اى بنم ربم ! بنى يالکيز ترك ايتمه . حلبوکه سن وارثلرک خير ليسيسک .]
زيرا ؛ مخلوقاتک يوق ايکن سن وار ايدک و مخلوقات فنايه کيده جک سن باقى قلاجقسک .

﴿ فَاسْتَجِبْنَا لَهُ وَوَهَبْنَا لَهُ نَحْيًى وَاصَلَحْنَاهُ زَوْجَهُ ﴾

[زکريانک دعاسى اوزرينه آنک دعاسنى قبول ايله (نحيي) اسمنده اوغلونى کندينه هبه ايتدک و زوجه سنى کندينه اطاعت و انقياد ايتمکه اصلاح ايلدک .]

﴿ إِنَّهُمْ كَانُوا يُسَارِعُونَ فِي الْخَيْرَاتِ وَيَدْعُونَنَا رَغَبًا وَرَهَبًا ﴾

[زيرا ؛ زکريا و عائله سى بزم عندمزمده مقبول اولان خيرات و حسنات و عبادته و بزه اطاعته سرعت ايدر و ثوابمزي رجا و رغبت و عذابمزدن خوف و خشيت ايدهرک دعا ايدرلردى .]

﴿ وَكَانُوا لَنَا خَاشِعِينَ ﴾

[حلبوکه آنلر بزدکال خضوع و خشوعله تواضع ايتدیلر .] بناء عليه ؛ بزده ايسته دکريغى آنلره ويردک .

یعنی ؛ یا اکرم الرسل ! زکریا علیه السلامک براوغلان ایسته مک اوزره ربسنه مناجاته بولوندیغی زمانده کی حالی ذکر ایت که اوزمانده زکریا دیدی که « ای بنی انواع نعمتیه تربیه ایدن ربم ! بنی یالکز ترک ایتمه که اسمم اونودولماسون و بکا خلف اولاجق و نامی ایتا ایده جک بر اوغلان احسان ایت . زیرا ؛ سن هر وقت لطفکی بندن اسیر که مدک . شو زمانده دخی اسیر که مه و ایسته دیکمی ویره جککی رحمتکدن امیدایدرم . حالبو که سن وارثلرک خیرلیسی سک . زیرا ؛ جمله مخلوقات فایه کیدر سن باقی سک . یارب ! بزمده آرمزده قالا جق برولد ویر که آنک وسیله سیله بزم اسمم زیاد اولونسون . زکریانک بوموال اوزره دعاسی قبول ایتدک و اوغلو (یحیی) علیه السلامی بز آکا هبه ایتدک و یالکز براوغلان ویرمکه اکتفا ایتدک . چونکه ؛ زکریانک زوجہ سی چوجق کتیره جک بر حاله افراغله برابر اخلاقی کوزل قیلمقله اصلاح ایتدک . بناء علیه ؛ زوجہ سی زکریا علیه السلامه تواضع و کالیله اطاعت ایدردی و حرمندن المی و کدری یوقدی . زیرا ؛ زکریا و اولاد و عیالی جمله سی خیراته سرعت ایدر و ثوابمزی امید ایدر و عذابمزدن قورقار اولدقلری حالده بزه دعا ایدرلردی . چونکه ؛ آنلر دائماً بزم غضبمزدن قورقدقلرندن بر جوق نعمتلمیزمه نائل اولدیلر . زکریا علیه السلامک جناب حقندن امر دینده کندینه خلف و امر دینده وارث اولاجق برولد ایسته دیکنده یاشی یوز و حرمنک یاشی طقسان سکز اولدیغی (ابن عباس) حضرتلرندن مرویدر . جناب حقک وارثلرک خیرلیسی اولدیغی بیانه ربسنی ثنا ایتدیک کی ایسته دیک کی ولدی ویرمزه کدر ایتیه جککه دخی اشارت ایتشدرد . چونکه ؛ جمله نک وارثی جناب حق اولونجه هر کس دن صکره باقی قالا جقندن کندینه وارث یعنی کندیسندن صکره دخی واجب الوجوب باقی اولاجغه بناء کدری موجب برشی یوق دیمک ایسته مشدر .

فخر رازینک بیانی وجهله زکریا علیه السلامک زوجنی اصلاح ایله مراد ؛ عاده سن شجره راصل اولسه هر چه کتیر مکده قالمسه اولسه بر قادینه هر چه کتیر مکه قابلیت ویرمک و امور دینده و دجه مطیع و مال صومع اوزره قیلمقدرد . چونکه ؛ انسانک اولاد و عیالک امور دینده کندینه موافق اولارق معاونده بولونملری اک بویوک علامت سعادت اولسنه بناء جناب حق حضرت زکریانک زوجنی اصلاحی نعمت صره سنده بیان

ایتشدرد . خیراته مسارعتلرینک ، دعا لرینک قبولنه سبب اولدیغی بیانه دعانک قبولنده دعا ایدن کیمسه نک صلاحی و خیره مسارعتی شرط اولدیغنه اشارت ایتشدرد .

خیراته سعی ایدنلرله مراد ؛ بوسوره ده ذکر اولونانه انبیاء کرام اولدیغنه دائر روایت ضعیفدر . زیرا آیتک سیاق و سباق خیراته مسارعت ایدنلرله مرادک زکریا و اولاد و عیالی اولدیغنه دلالت ایدر . زیرا بحث ؛ حضرت زکریا و عائله سی حقنده در . شوقدر که جناب حقک آنلری خیراته مسارعتله ثنا ایتسی هر کی خیراته مسارعته ترغیب ایتکدر .

بو آیت جلیله ؛ مکز حکمی متضمندر : برنجیسی ؛ حضرت زکریانک « یارب ! بنی یالکز ترک ایتمه بر اوغلو اولادی ویر ، دیرک مناجاته بولونمیسیر . ایکنجیسی ؛ ربسنی وارثلرک خیرلیسی اولدیغی بیانه ثنا ایدر و مخلوقاتک هم کنده صکره باقی قالا جغه اشارت ایتمیسیر . اوچنجیسی ؛ ربسنک دعاسی مستجاب قیلمیسیر . دردنجیسی ؛ ایسته دیک اوغلوئی هبه ایتمیسیر . بشنجیسی ؛ زوجہ سی کندینه مطیع و متقاد قیلمیه اصمعه ایدر و هر چه کتیره جک بر حاله افراغ ایتمیسیر . آلتنجیسی ؛ حضرت زکریا و اولاد و عیالک خیراته مسارعتله جناب حقک نعمتلمیزمه و باطامه دعا لرینک قبولنه نائل اولمیرنی بیانه قوللمیرنی خیراته تشویق ایتمیسیر . یدنجیسی ؛ ثوابی ایدر ایدر و عذابمزدن قورقار اولدقلری مالده دعایه دوام ایتدقلرینی بیانه دعانک آدانه اشارت ایتمیسیر . سکزنجیسی ؛ کمال تواضعه عالم زکریانک ربلمزده قورقدقلرینی بیانه قوللمیرنه قهر الیهیده قورقم لازم اولدیغی بیانه ایتمیسیر .

**

واجب تعالی زکریا علیه السلامک بعض احوالی بیاندن صکره مریم رضی الله عنهانک بعض احوالی بیان ایتک اوزره ﴿ وَالَّتِي أَحْصَنَتْ فَرْجَهَا فَنَفَخْنَا فِيهَا مِنْ رُوحِنَا وَجَعَلْنَاهَا وَابْنَهَا آيَةً لِلْعَالَمِينَ ﴾ بیوریور .

[حییم! ذکر ایت شول خاتونی که او خاتون تناسله آلت اولان محلی حرامدن محافظه ایتدی و بکرلقدن حاصل اولان مشقته صبرله شهوات بشریه سنه تبعیت ایتدی و عفت و طهارتی کماله محافظه ایتسنه بناء بزجبریل امین واسطه سیله بزم امر مزدن عبارت اولان روحدن مریمه اوفوردک و او روح رحمه واصل اولقله اوغلو عیسی علیه السلامه حامله اولدی و بز مریمی و اوغونی بالجله عالم ایچون وحدانیت مزه و قدرتمزه دلیل و علامت قیلدق] زیرا؛ باباسز چوجغک طوغمسی و ارکک کورمه یین خاتونک چوجق طوغورمسی عادتک خلاقی اولدینی جهته بزم قدرتمزه کرک حضرت مریم و کرک اوغلو پک بوبوک علامتدر. بناء علیه حضرت عیسانک بوموال اوزره ظهوری؛ والدنه کرامت کندینه معجزه و عالمه عبرتدر. چونکه؛ کرک حضرت مریم و کرک اوغلو، بابا و زوج کبی بر کیمسه نک تحت تربیه سنده اولقسزین حسن حاله مالک اولملری و نظر عالمده هرکسه حیرت ویره جک رفعت شانلری و عالی مرتبه لری البته ارباب بصیرته عبرت اولاجقنده شبهه یوقدر. بیضاوینک بیانی وجهله بو آیتده نفخ روح ایله مراد؛ احیا اتمکدر. یعنی «بزروحزدن آکا اوفوردک» دیمک «روح ووردک احیا ایتدک» دیمکدر. روحک جناب حقه اضافی، حضرت عیسیایه تشریف ایچونددر. یاخود روح ایله مراد؛ مبریل امیندر. بوکا نظراً معنای نظم: [بزروح اسمیه مسمی اولان جبریل طرفندن مریمه نفخ ایتدک و او واسطه ایله اوغلو عیسی علیه السلامی احیا ایتدک] دیمکدر. عالمله مراد؛ زمانه عبادیه الی بوم القیام کججهک بالجمده عالمدر. عالم؛ جمع و معرف باللام اولدینی جهته استفراجه معناسنی افاده ایتدیکی جهته محمد عالم و عالم ایچنده کججهک انساندر شاملدر. چونکه؛ بونلرک غریب حاللری دوشونمک هر انسانی عبرته سوق ایدر.

خلاصه؛ حضرت مریمک شهوات بشریه ایجابی حرام و حلال هرشیدن آلت تناسلی محافظه ایتدیکی و جناب حقک امریه جبریل امین طرفندن اوفورولمکه حضرت عیسانک احیا اولوندینی و کرک مریم و کرک اوغلو هر ایکسی ده قدرت التهییه عالم ایچون علامت اولدقلری بو آیتدن مستفاد اولان فوائد جمله سندندر.

*
**

واجب تعالی انبیاء عظامدن بعضیلرینک حاللری بیاندنصکره توحید نقطه سندن جمله سنک امت واحده اولدقلری بیان ایتک اوزره ﴿إِنَّ هَذِهِ أُمَّتُكُمْ أُمَّةً وَاحِدَةً وَأَنَا رَبُّكُمْ فَاعْبُدُونِ﴾ بیوریور.

[ایشته شو ملت اسلامیه ملت واحده اولدینی حالدده سنک ملتکزددر و بنده سنک ربکزم. بناء علیه؛ بکا عبادت ایدک.]

﴿وَتَقَطَّعُوا أَمْرَهُمْ بَيْنَهُمْ﴾

[دینلری دین واحد اولدینی حالدده انسانلر آره سنده امر دینلری طاغیلدی و قطعه قطعه مذهبلر و فرقلر حاصل اولدی.]

﴿كُلُّ الْإِنْسَانِ رَاجِعُونَ﴾

[واو فرقلردن هر بری بزم حضور مزه رجوع ایدجک و مذهبندن سئواله جواب ویره جکدر.]

یعنی؛ شو بیان اولونان و توحید اساسنه مستند اولان دین اسلام ملت واحده اولدینی حالدده سنک ملتکزد و قبله توججهکزد و دین فطرتکزددر و یارادیلشکزدن مقصد اصلی ده او توحید اوزره بولونمکزددر و بنده سزی انواع نعمتله تربیه ایدن ربکزم. بناء علیه؛ بکا ایمان و عبادت ایدیکزد. زیرا؛ بنم دیندن غیری سزه بر دین اولادینی کبی بندن غیری ربکزده یوقدر. شو حالدده آنجق بکا عبادت ایتکزد و اجیدر و اساسی اعتباریه دینکزد دین اسلام و ملتکزد ملت واحده اولدینی حالدده انسانلر آره سنده امور دینلری اختلاف ایتدی قطعه لره و فرقلره طاغلدی و هر فرقه بر جماعت اولدی. حتی فرقلر آیری آیری مذهبلر احداث ایتدکلرندن هر کس کندی مذهبله افتخار ایدر، دیکرینک مذهبی و اعتقادی بکنمز و بلکه ده طعن ایدر اولدی. حالبوکه فرقلردن هر بری عاقبت بزم حضور معنوی مزه رجوع ایدرلر و بز هر برینک اعتقادی نه کوره جزا و یررز. شو حالدده هر کس کندی زماننده توحید الهییه و دین سبحانییه یا پیشمقله و حتی بولقله و دینک مقتضاسنی یرینه کتیر مکله و دینک خارجی برشی ارتکاب ایتمه مکله مکلفدر.

بیضاوی و مدار کده بیان اولون دینی وجهله انبیاء عظامک جمله سی وحدانیت الهیه ده متفق و اصول اعتقادده متحد اولدقلرینی وجهله سنک اعتقادلری دین اسلام اعتقادی اولدیفنی جناب حق بوآیتده بیان بیورمش و توحید جهتندن اختلاف ایدنلری ذم ایش و هر فرقه نك مرجعلری حضور الهی اولدیفنی بیانله دین اسلامک غیرى بر دینه و فرقه اسلامیه نك غیرى بر فرقه یه تمسک ایدنلری تهید ایشدر. چونکه؛ عندالله مقبول اولمایان دینه یا پیشانلرک امکلری ضایع اولدیفنی کبی سؤ جزا کوره جکلری ده شبهه سزدر. بناء علیه؛ آیتک آخرنده (کل الینا راجعون) جمله سیله حضور الهی یه هر کسک رجوع ایده جکلرینی بیان ایتک؛ تهیدی مشعر و طریق حقه دعوتی متضمندر.

**

واجب تعالی اساس اعتقاد اعتباریله ملتک ملت واحده اولوب تفرقه نك مذموم و عبادتی رب تعالی یه حصر ایتک واجب اولدیفنی و هر کسک حضور الهی یه رجوع ایده جکنی بیاندنصرکه حضوره رجوعدن مقصد اصلی بیان ایتک اوزره ﴿فَمَنْ يَعْمَلْ مِنَ الصَّالِحَاتِ وَهُوَ مُؤْمِنٌ فَلَا كُفْرَانَ لِسَعِيهِ وَإِِنَّا لَهُ كَاتِبُونَ﴾ بیور یور.

[آنلر دینده اختلاف ایدنجه بر کیمسه بزم رسوللریمزه و کتابلریمزه ایمان ایدر اولدیفنی حالد کوزل و صالح عمللردن عمل ایشلر سه سعي انکار اولونمادی کبی بزم رضامنه موافق اولق سببیه حاصل ایش اولدیفنی عمللری اصلا ضایع اولماز. بناء علیه؛ عملنک شکرینی و ثوابی کورور. حالبوکه بز آنک عملنی ملکلریمز واسطه سیله محقق یازارز. [شو حالد خیرات و عمل صالحه عاذه هر نه ایشلر سه بر آنی یازمقله منتظم بر دفترده حفظ ایتدی کمز جهته عملندن هیچ بر ذره سی ضایع اولماز و هپسنک ثوابی فضله سیله آیر. شو قدر که اعمال صالحه نك قبولنک شرطی ایمان اولدیغندن ایمانه مقارن اولمایان عملک فائده سی اولمایا جغه اشارت ایچون جناب حق مؤمن اولدیفنی حالد ایشله نیلن عملک ضایع اولیه جغنی بیان ایشدر.

فخر رازینک بیانی وجهله واجب تعالی بوآیتده اهل طاعتی طاعته ترغیب بیور مشدر. زیرا عملندن هیچ بر شینک ضایع اولمایوب اجرینی آلا جغنی بیان ایتک؛ مطیعک اطاعته

دوامه ودها زیاده سینه سبب اولاجغنده شبهه یوقدر. زیرا؛ انسان سعنک ثمره سنی کوره جکنه امیدى قوی اولونجه سینه جدیت اوزره دوام ایده جکی طبعیدر.

خلاصه؛ مؤمن اولدیفنی حالد عمل صالح ایشله ن کیمسه نك عملی ضایع اولیه جنی والله تعالی نك هر کسک عملنی یازدیفنی و بناء علیه؛ هر کسک عملنک اجرندن هیچ برشی نقصان اولیه جنی بوآیتدن مستفاد اولان فوائد جمله سندنر.

**

واجب تعالی هر کسک عملنک اجرینی المق اوزره حضور معنوی سینه رجوع ایده جکنی بیاندنصرکه هلاکله حکم اولونان قریه اهل یسنک کفرندن رجوع ایتیه جکنی بیان ایتک

اوزره ﴿وَحَرَامٌ عَلَىٰ قَرْيَةٍ أَهْلَكْنَاهَا أَنَّهُمْ لَا يَرْجِعُونَ﴾ بیور یور.

[بزم اهلاک ایتدی کمز قریه اهالیسی اوزرینه بردها حیات رجوع ایتک حرامدر.] یعنی؛ بر قریه که بز اوقریه اهالیسنک ظلملری و کفرلری سببیه هلاک اوللرینه حکم ایتد کدنصرکه آنلرک بزم رضامزی ایجاب ایدر عمله دونملری و توبه یه موفق اولملری ممتنع و حرامدر. زیرا؛ آنلرک کفرلرندن دونمیه جکلرینه بناء بز هلا کلریله حکم ایتدک. بناء علیه؛ آنلردن تائب و مستغفر اولق امیدى یوقدر. یا خود معنای آیت: [بزم اهلاک ایتدی کمز قریه اهالیسی اوزرینه عمللرینک ثوابی کورمک حرامدر. زیرا؛ آنلر ارتکاب ایتدکلری جنایت کفرندن دونمیلر که عمللرینک اجرینی آسونلر] دیمکدر. چونکه کفر؛ مغفرت اولونمایان جنایتدن اولدیفنی جهته کفر اوزره هلاک اولان کیمسه آخرتده اهل صلاح ایچون حاضر لانان درجات عالیاته نائل اولماز، بلکه ابدآ عذاب ایچنده قالیر.

**

واجب تعالی انسانلرک بو حاللری قیامتک علامتلری ظهور ایدنجه یه قدر دوام ایده جکنی و علامات قیامتدن یا جوج و مأجوجک چقا جکلرینی بیان ایتک اوزره ﴿حَتَّىٰ إِذَا فُتِحَتْ يَأْجُوجُ وَمَأْجُوجُ وَهُمْ مِنْ كُلِّ حَدَبٍ يَنْسِلُونَ﴾ بیور یور.

[انسانلرک اختلافلی دوام ایدر ، حتی یاجوج و ماجوج دنیلن قوملرک سدلی آچیلنجیه قدر بعض قریه لک ظلملری سببیه هلاکلی دوام ایدر . حالبوکه آنلرک ناسه عداوتلری و تخریب بلاده حرص و طمعلری سببیه سدک آچلمسلی فرصت عدایده لک هربری یوکسک طاغلردن و آنکین اووه لردن آچیمش سینک کبی ناس اوزرینه سرعت و هجوم و اوکلرینه کلن یرلری تخریب ایدر کیدرلر .]

﴿ وَاقْتَرَبَ الْوَعْدُ الْحَقُّ فَإِذَا هِيَ شَاخِصَةٌ أَبْصَارُ الَّذِينَ كَفَرُوا ﴾

[و طرف الهمیدن موعود و حق اولان قیامت یا قلاشوب یاجوج و ماجوجک سدلی آچیلوب آنلر چیقوب سائر علامتلر ظهور ایدنجه قصه شویله که کافرلرک کوزلری مضطرب اولور و حیرته قالیر .] چونکه ؛ انکار ایتدکلری یاجوج و ماجوجک چیقمسلی و سائر علامتلرک ظهوری آنلری حیرته براقیر . زیرا ؛ اعتقادلرینک خلاقی ظهور ایدنجه شاشمق ونه یا باجغنی بیلمه مک انسانلرده هر زمان جاری اولان احوالندیر .

﴿ يَا وَيْلَتَا قَدْ كُنَّا فِي غَفْلَةٍ مِنْ هَذَا بَلْ كُنَّا ظَالِمِينَ ﴾

[ایسته حق اولان قیامتک علامتلری کورولونجه شول کیمسه لکه آنلر کافر اولشلردی دیرلرکه « ای بزم هلاکمز کل بزه ! زیرا ؛ بوکون هلاک کونیدر . چونکه ؛ بز شو کوریلن احوالدن و قیامتدن کمال غفلت و ضلالت ایچنده ایدک ، بلکه بز مقتضای حکم الهمیدن چیقمش ظالم لردک . بناء علیه ؛ بوکون بزم هلاکمز کونیدر ، دیمکله تحسیر و تأسفلرینی اظهار ایدرلر .]

یاجوج و ماجوج انساندن ایکی قبیله در . آنلرک چوقلغنی و عددلری حقنده دلیل قطعی یوق ایسه ده بونلره متعلق آیتلرک اشارتلری ، پک چوق اولدقلرینه دلالت و احادیث نبویه دخی بوجهتی تصریح ایتکده در . قیامتک قییلنده آنلرله ناس آره سنده اسکندرک یامش اولدیغنی سدک آچیلمسبیه آنلرک جرادمشیره کبی عالمه طاغیلوب بلاد معموره لری تخریب ایدوب ناس اوزرینه طغیان ایده جکلرینی واجب تعالی بو آیتده بیان بیورمشدر . کرچه صوک زمانلرده کره ارضک هر طرفی کشف اولونوب مستور بر محل قالمادیغنی ادعا ایدنلر وارسه ده الیوم قطب شمالی و جنوبی جوارنده کشف اولونمادق بعض محللر بولوندیغنی قابل

انکار دکادر و اورالری کشف ایتک ایچون بر چوق زحمتلره قاتلانارق بوزلر ایچنده سیاحت ایتک ایسته یئلرده واردر . بوندن بشیورسنه مقدم آمریقا اقلیمی کشف اولونمادن اولده عین وجهله دنیا ده کشف اولونمادق بر محل قالماشدر دییه ادعا ایدیلوردی . حالبوکه قریستوف قولومب طرفدن آمریقانک کشفی بوکبی ادعاری ابطال ایتدیکی کبی یاجوج و ماجوجک ظهوریه الیوم وقوعبولان ادعانک بطلانی ده طاهر اولاجنی طبعیدر . شو حالده نص قطعی ایله ثابت اولان بر حکمی انکار ایتکده بر معنا یوقدر . بناء علیه ؛ یاجوج و ماجوجک طائفه لرینک قیامتک قییلنده بوکونکی معلومنز اولان قطعیه لره چکرکه کبی طاغیلوب بر چوق یرلری یاقوب ییقاچقلری قطعیدر . سدک کیفیتی و مقداری (سورة کهف) ده مذکوردر .

واجب تعالی یوم قیامتده کافرلرک هلاکلینه چاغیره جقلرینی و حیرتلرینی بیاندنصرکه معبودلریله برابر جهنمک یا ناجق اودونلری اولاجقلرینی بیان ایتک اوزره ﴿ إِنَّكُمْ وَمَا تَعْبُدُونَ مِنْ دُونِ اللَّهِ حَصَبُ جَهَنَّمَ أَنْتُمْ لَهَا وَارِدُونَ ﴾ بیوریور .

[ای کافرلر ! سز واللهمک غیری عبادت ایتدیککمز معبودلریکمز جهنمک یا ناجق اودونی سکمز . زیرا ؛ سز البته جهنمه داخل اولاجقسکمز .]

﴿ لَوْ كَانَ هُوَ لِإِلَهِةٍ مَا وَرَدُوهَا ﴾

[اکر شوسزک عبادت ایتدیککمز بوتلریکمز سزک اعتقادکمز کبی حقیقی معبود اولمش اولسه لردی آنلر جهنمه داخل اولمازلردی .]

﴿ وَكُلٌّ فِيهَا خَالِدُونَ ﴾

[حالبوکه آنلردن هربری و سز یعنی عابدلرله معبودلردن هربری ابد آجهنمده قالاچقلردر .]

﴿ لَهُمْ فِيهَا زَفِيرٌ وَهُمْ فِيهَا لَا يَسْمَعُونَ ﴾

[واهل جهنم ايچون جهنمه چيركين صدرال واردر . حالبوكه آنلر بربرينك صدرالريني وآه وائيلريني ايشيتمز لر . چونكه ؛ هر كس كندی درديله مشغولدر .]

حصب ؛ مطب يعني مهرمه يانامور اودونه ديمكدر . وارد ؛ كلمك معناسنه ايسده بر محله كلمكه اومحله كيرمك لازم كلدیكندن « سز جهنمه كله جكسكسز » ديمك « جهنمه كيره جكسكسز » ديمكدر . زفير ؛ مهرمه كيرنرك آمه وائيلرمنه فرياد و فغانرمنه و قورقورلي ايله قيدرلي بوغازلرينه طيقايوب مشكدرنه آلدقري نفسلرمنه حاصل اولاره ميركين صدرالردر .

فخر رازينك بياني وجهله اهل مكنك اكرتيسي كعبه نك اطرافنده بولونوب واوراده اوچيوز آلتش پوت موجود اولديني بر زمانده رسول الله بو آتی اهل مكه كه خطابا قرائت ايدنجه (عبدالله بن الزبير) « يهوديلر عزيز عليه السلامه ونصاري عيسى عليه السلامه وصائبه ملكره عبادت ايتديلر مي ؟ آنلرده مي اهل ناردندر » دیدی . حالبوكه عبداللهك بوستوالی وارد دكلدی . چونكه آينده خطاب ؛ مكه اهالي سینه اولديني جهته مقصد آنلرك معبودلری اولان بوتلرك جهنمه داخل اولاجقلريني بياندر . زیرا ؛ مكده يهود ونصاري بولونماديني كي آينده ما لفظی عزيز وعيسى عليهما السلام كي عقل صاحب لرینه شامل دكلدردر . فرض محال اولارق ما لفظی عقل صاحب لرینه شامل اولسه بيله عيسى وعزيز وملكر دلائل عقلیه وسمعيه ايله مستنادر لر . زیرا ؛ آنلرك جمله سنك كناهندن معصوم وعندالله مقبول قوللر اولديغنه وحضرت عيسانك وعزيزك نبوتلرينه دلائل قطعيه موجوددر . بناء عليه ؛ آنلری يهود ونصاري وصائبه معبود اتخاذا ايتملر سده حقلرنده طرف الیه بدن موعود بر چوق درجات عاليات اولديغندن آنلر بو آيتك حكمندن خارجلردر . رسول اللهك (ابن زبير) يه جوابي ؛ « بلكه آنلر شيطانه عبادت ايتديلر . زیرا ؛ بوكي عبادت لری آنلره شيطان امر ايتدی » بيورمشدر .

معبودلر ذوی العقولدن اولما دقلری حالده جهنمه داخل اولملرنده كي حكمت ؛ آنلری معبود اتخاذا ايدن عبادلرك عذابنده شدتك زياده اولميسيدر . چونكه ؛ آنلر معبودلرينك شفاعت ايدوب عذابدن قورتاره جقلريني اعتقاد ايدر كن بالعكس شفاعت ايتك شويله طورسون كنديلريله برابر معبودلرينك جهنمه ياندقلريني كورملری و هروقت آنلرك يوزلرينه

باقلری البته آنلره عبادت لردن طولاي عذابلرينك شدتنه وحسرت وندامت لرينك زياده اولسنه سبب اولاجغنده شبهه يوقدر .

كافرلر جهنمه صاغير اقله دخي معذب اولاجقلرينه بناء بربرينك صداسني ايشيتمز لر . زیرا ؛ يكدیكرينك صداسني ايشيتمكله انسيت حاصل اولاجني جهته عذاب تخفف ايدجكندن ايشيتمكدن محروم اولاجقلى مرويدر . ياخوره هر كسك آه وفغانلری سبيله بويوك بر غلغله حاصل اولوب كيمك نه سويلديكي آكلا شيلاميه جغندن كنديلرينه منفعتلي بر شي ايشيتمز لر ديمكدر .

واجب تعالى كافرلرك ومعبودلرينك جهنمه داخل اولاجقلريني بياندرنكره آنلرك معبودلردن بعصيتنك بو آيتدن مستثنا اولديغني بيان ايتك اوزره ﴿ إِنَّ الَّذِينَ سَبَقَتْ لَهُمْ مِنَّا الْحُسْنَىٰ أُولَٰئِكَ عَنْهَا مُبْعَدُونَ ﴾ بيوريور .

[شول كيمسه لركه آنلر ايچون بزم طر فزدن سعادت وعبادته موفق اولملرينه حكم سبت ايتدی . ايشته آنلر ؛ جهنمدن اوزاقلردر .]

﴿ لَا يَسْمَعُونَ حَسِيسَةً ﴾

[آنلر جهنمه اولان عابدلرينك اوفق بر صدرالريني بيله ايشيتمز لر .]

﴿ وَهُمْ فِي مَا شَتَّتْ أَنْفُسُهُمْ خَالِدُونَ ﴾

[حالبوكه آنلرجتته نفسلرينك آرزوايتديكي نعمتلرايچنده دائم وابدی قالا جقلردر .]

﴿ لَا يَخْزِيهِمُ الْقَزَعُ الْأَكْبَرُ ﴾

[وآنلره قيامت كونك بويوك فزع و فريادی حزن ويرمز .]

﴿ وَتَلَقَّيْنَاهُمُ الْمَلَائِكَةُ هَذَا يَوْمُكُمْ الَّذِي كُنْتُمْ تُوعَدُونَ ﴾

[وملكرا وسعيد اولان قوللری استقبال ايدرلر وديرلركه « ايشته شوكون ؛ بونعمت لرك دنيا ده سزه وعد اولونديني كوندردر . »]

یعنی ؛ کافر لک عبادت ایتدکری معبودلری جهنمه درلر ولکن بعض نصارانک افترا اولارق معبود اتخاذا ایتدکری حضرت عیسی و یهودک معبود اتخاذا ایتدکری حضرت عزیر و بعض مشرک لک معبود اتخاذا ایتدکری ملک لک کبی بزم طرفزدن کندیلرینه خصلت حمیده و سعادت عظمی و درجات علیا و عبادته توفیق و جتله تبشیر سبق ایدن سعیدلر جهنمدن اوزاقلردر که جهنمه اولانلرک اوفاجق بر صدالری بیله ایشیتمز لر . مع هذا اهل جهنم صوک درجه فزع و فریاد ایدر لر ولکن آره لر نه پرده و یا خود بعد مسافه اولدیغندن جهنم طرفندن خفیف بر صدای بیله ایشیتمز لر . حالبوکه اهل جنت جتته نفسلرینک آرزو ایتدیکی نعمتلر ایچنده متمم و دائم لدر و اصلا راحت و سرور لرینه خلل عارض اولماز حتی اوقدر فرح و سرور ایچنده اولور لر که آخرتک اک شدتلی کونی اولان یوم قیامتده قبردن قالقوب محشره کیدلدیکی کونک دهشتی بیله آنلره حزن و یرمز . اکثر خلافتک فزع و فریاد ایتدکری کونده دخی آنلرک سرور لرینه خلل کله نجه جتته دها زیاده نعمتلر ایچنده اولاجقلر نه ترده محل یوقدر و ملک لک آنلری استقبال ایدر لر و « اشته شو کون ؛ دنیاده رسل کرام واسطه سیله سزه وعد ایدلش و بونعمتلرک سزه و یریه جکی تبشیر اولونمشدی » دیمکله ملک لک اهل جتته عرض تعظیبات ایدر لر .

بیضاوینک بیانی وجهله بو آیتک سبب نزولی ؛ بوندن اولکی آیتده بیان اولوندینی وجهله (ابن زبیری) نک سؤالیدر . بو سبب نزوله نظراً آیتده بیان اولونان اوصاف ؛ حضرت عیسی و عزیر و ملک لک حقنده در . بناء علیه ؛ بو ذواتی بعض انسانلر معبود طایمشلار سه ده بونلر آیت سابقه نک حکمندن وجهنمه دخولدن مستنادر لر . حتی خازنده بیان اولوندینی وجهله بو آیتده (ان) (الا) معناسه در . شو حالده آیتک معناسی : [ای مشرک لک ؛ سز و سزک معبودلری کز جهنمک یا ناجق اودونی سکز ، الاسزک افترا اولارق معبود اتخاذا ایتدی کز شول کیمسه لر مستنادر لر که آنلره بزم طرفزدن خصلت حمیده سبق ایتدی . زیرا ؛ آنلری هر نه قدر سز معبود اتخاذا ایتسه کزده سزک بو اعتقاد کزه آنلر راضی دکلر و سزه بویله بر شیه امر ایتمه دیلر] دیمکدر . لکن آیتلرده اعتبار ؛ الفاظک عمومیه اولدینی جهتله بو آیت بالعموم اهل ایمانه شامل و تبشیراتی حاویدر . چونکه ؛ آیتده جناب حق اهل جنت اولانه مؤمنلرک ماللر نه بشتی ذکر ایتشدر :

برنجیسی ؛ ۴۴ مفرده اوزانه اولمیرد . ایکنجیسی ؛ اهل جهنمک آه و اینلرینی ایشیتمه ملیرد . اوچنجیسی ؛ هنره ایتدکری نعمتلر ایچنده متمم اولمیرد . دردنجیسی ؛ فزع اکبرک کونی اولانه یوم قیامتده اصله محزون اولمیرد . بشنجیسی ؛ عرصه نکریمات ایچونه ملک لک استقبال ایتشیدر که بو احوال هر مؤمنده جاریدر .

**

واجب تعالی اخلاص اوزره ایمان ایدنلره یوم قیامتک فزع اکبری حزن و یرمه جکینی بیاندنصکره او کونک احوالندن بهضیلرینی بیان ایتک اوزره ﴿ یَوْمَ نَطْوِي السَّمَاءَ كَطَيِّ السَّجِلِّ لِلْكُتُبِ ﴾ بیوریور .

[اهل جتته شول کونده حزن عارض اولماز که او کونده بز یازیلری محافظه ایچون دفترک دورولدیکی کبی سمایی دوره رز .]

﴿ كَمَا بَدَأْنَا أَوَّلَ خَلْقٍ نُعِيدُهُ ﴾

[بزم ابتداء ایجاد ایتدی کمز کبی قیامتده انسانلری عین جسمیله اعاده ایدرز .]

﴿ وَغَدَا عَلَيْنَا إِنَّا كُنَّا فَاعِلِينَ ﴾

[انسانلری آخرتده اعاده ایتک بزم اوزریمزه وعد اولدی . بناء علیه ؛ همه حال اولاجقدر . زیرا ؛ بز وعد ایتدی کمز شیئی البته ایشلر و خلق ایدرز .]

یعنی ؛ یازیلری محافظه ایچون دفترک دورولوب اورتدن قالدیرلدینی کبی بزم عالم علوی به مخلوقاتک احتیاجی قلامسینه بناء محو ایتدی کمز کون اهل ایمانی قیامتک شدتی محزون ایتز . بز بو عالم مکوناتی اولاً فصل ایجاد ایتدک ایتسه آخرتده انسانلری اویله جه ایجاد واعاده ایدرز . زیرا بزم بدایه خلق ایتمه مزله اولد کدنصکره اعاده ایتمه مز بیتنه فرق یوقدر . چونکه ؛ بزم ایچون هیچ برنده کوجلک اولمادیغندن اولاً ایجاد فصل قولای ایتسه ثانیاً اعاده دخی اویله جه قولایدز و بز انسانلری اعاده ایده جکمز وعد

ایتدیکمزدن بزم اوزریمزه وعد اولدی . بناء علیه ؛ وعیدمزه خلف اولمادیغندن البته اولاجقدر . زیرا ؛ بز وعدمزی یرینه کتیرر وآنی البته ایشلرز .

بیضاوی وخازنک بیانلرینه نظراً سَجَل ؛ قوللرک عمل دفترلرینی محافظه ابرمه بر ملکک اسمیر . بوکا نظراً معنای نظم : [دفتراعمالی محافظه ایدن ملکک دفترلری قاپایوب دوردیکی کی بزسمای دوروب اورته دن قالدریغمز کون مؤمنلر محزون اولمازلر] دیمکدر . طی ؛ بریشی دورمکر که آمهوب طاعتانک ضمیمه . بومقامده عالم علوی انسانلرک احتیاجنه مبنی اولونجه دنیانک بعض خصوصاته اسباب عادیه اولق اوزره نصل خلق ایتدی ایسه مدت بقای ختام بولدیگی کون دفترک دورولوب اورته دن قالدرلدیگی کی عالم علوینک اورته دن قالدریلاجغنی بیاندر . دفترک دورولمسیله بیان وتمیل ؛ بزلره آکلاتمق ایچوندر ، یوقسه بو عالم مکوناتک جسامتی نسبتنده محو ومنقرض اولمسنک کیفیتی البته آنک عظمتی نسبتنده اولاجغندن بز بو کون آنک ییقلمسندن اولاجق دهشتی لایقوله تصور ایدمه یز . شوقدرکه فایدر ویقیلاجغنه وبو عالمک بر عالم آخره تبدل ایده جکنه ایمانمز قویدر . طی ؛ مدارکده بیان اولوندیگی وجهله شوکوریلو هیئتک محرومدرسی اولمسیله . بوکا نظراً معنای نظم : [بزمسمای محوایتدیکمز کون ایمان کامله مالک اولان مؤمنلر محزون اولمازلر] دیمکدر .

واجب تعالی نک انسانلری اعاده سنک کیفیتنده ایکی مذهب واردر : برنجیسی ؛ طاعیلر اولمه ایزابی جمع اتمک صورتید اعاده اتمکدر . ایکنجیسی ؛ جورومسه و بوه اولمه کیمسی یکیمره خلق اتمک صورتیدر . کرچه علم کلامده بومذهبلرک صاحبلری طرفدن دلیللر سرد ایدلش وبر چوق مباحثلر جریان ایتمش ایسه ده بوآیت ؛ معدومی اعاده صورتیه حشر اولوناجغنه دلالت ایدر .

واجب تعالی نک خبرنده یالان اولمایوب البته خبر ویریلن شیئک واقع اولاجغنه اشارت ایچون وهوبه دلالت ابرمه علی لفظیه (وعداً علینا) بیورمشدر که البته اولمه دیمکدر .

واجب تعالی انسانلرک اولد کدنصکره اعاده اولوناجقلرینی بیان ایتدیکی کی انسانلرک اعاده اولوناجنی کتب سابقه ده دخی ذکر اولوندیغنی بیان ایتک اوزره ﴿وَلَقَدْ كَتَبْنَا فِي الزَّبُورِ مِنْ بَعْدِ الذِّكْرِ أَنَّ الْأَرْضَ يَرِثُهَا عِبَادِيَ الصَّالِحُونَ﴾ بیوریور . [ذات الوهیتمه یمین ایدرم که محقق بزورتادن صکره زبورده یازدق ویدک که « بزم صالح قوللریمز ارضه مالک اولورلر » .]

﴿إِنَّ فِي هَذَا آيَاتٍ لِقَوْمٍ غَابِطِينَ﴾

[ایشته شویانده عبادت ایدن قومه تبلیغات کافیه واردر .]

یعنی ؛ حییم ! ذاتمه یمین ایدرم که بز ارض جتنه صالح قوللریمزک وارث اولاجغنی لوح محفوظده یازدق دکنصکره کتب سماویه نک جمله سنه محقق یازدق . ایشته شو سورهنک اولندن بورایه کلنجهیه قدر بیان اولونان تبشیرات وتهیدبات ووعظ ونصیحتدن عبادت ایدن قومه تبلیغ کامل واردر ومنتصح اولان قوم ایچون تبلیغده نقصان یوقدر .

فیخررازی ، قاضی وخازنک بیانلرینه نظراً زبورله مراد ؛ کتب سماویه نک جمعیله . ذکرله مراد ؛ لوح محفوظدر که کتب سماویه نک جمله سی آندن استنساخ اولونمشدر . ارض له مراد ؛ ارضه مندر . زیرا ؛ صالح اولان قوللر جهنمه کیدن فاجرلرک جتنده کی مقاملرینه وارث اولاجقلردر . یاخود ارض له مراد ؛ ارضه دنیا وبالخاصه ارضه مقدس در . شو حالده ارض دنیایه واجب تعالی صالح اولان قوللرینی وارث قیلاجغنی بوآیتله وعد ایتمشدر . بناء علیه ؛ بو امت صلاحی غیب ایتمه یوب اخلاق حمیدهیه صاحب اولدیگی زمانده ایران وروم دیارلرنده اهل کفرک اراضیسنندن بر چوق یرلره وارث اولمش وبوآیتک سری ظهور ایتمشدر . فقط صکره لری صلاحی ترک ایدوب اخلاق بوزولمه یوز طوتونجه آللرنده اولان برچوق مملکتلر اعدا آلنه کچمشدر . بونک سببی ایسه صلاحی ترکه ذوق وصفایه طالب فسق وفجورله مشغول اولمقدر . ایشته اهل اسلام صلاحله متصف اولدقلری زمان عقللره حیرت ویره جک درجه ده وآز زمان ایچنده کره ارضک برچوق یرلرینی فتح ایدوب مالک اولدقلری حالده صلاحی فسادده تبدیل ایدنجه اهل اسلام آئنده اولان

بلادك برچوقلريك دشمن ألنه كچمسنه یعنی صلاحك ، مملكتك وقوتك تزايدينه وفسادك ده قوتك زائل اولوب ملكك ألدن چيقماسنه سبب اولديغنه دلالت ايدر . بناء عليه ؛ آيتك سری رأى العين مشاهده اولونمشدر و تاريخ اسلام ده بوكا شاهددر . قوم عابدين ايله مراد ؛ اعمالي تابع اولديغی شریعة تطبیق ایدمك مكلف اولديغی عبودیتده قصور ایتیمه قورمدر . یعنی « مكلف اولديغی عبادتده تنكاسل ایتیمه یوب عبودیتی ادا ده دائماً ربسنة مربوط اولان قوم ایچون شو بیاناتده كفایه ایدمك تبلیغات وار » دیمكدر .

زبور له مراد ؛ داود علیه السلامك كتابی اولموش ظاهر اولديغی کبی قرآنه اولموش احتمالی ده واردر . بوكا نظراً معنای نظم : [ارض دنیا به صالح کیمسه لرك وارث اولاجغی بز لوح محفوظدن صکره قرآنده دخی یازدق] دیمكدر . بناء عليه ؛ آیت جليلة امت محمدی صلاحه دعوت ایتمشدر که صلاح سایه سنده واسع اراضی به مالک اولسونلر ورفاهله وقت کچیرسونلر .

* *

واجب تعالی قرآنده و بالخاصه بو سورده ده كفایت ایدمك احکام اولديغی بیاندن صوکره قرآنك صاحبی اولان رسولك عالمله رحمت اولديغی بیان ایتمك اوزره ﴿ وَمَا أَرْسَلْنَاكَ إِلَّا رَحْمَةً لِّلْعَالَمِينَ ﴾ بیوریور .

[حبییم ! بز سنی کوندرمدك ، آنجق عالمله رحمت اولديغك حالده کوندردك .] یعنی ؛ یا اکرم الرسل ! بز سنی علل واسبابدن هیچ برسیده مبنی کوندرمدك ، الا عالملی ارشاد ایتمکه رحمت اولمق ایچون کوندردك . زیرا سندن صکره بر نبی وشریعتکدن صکره بر شریعت اولمایه جفی جهته دنیاك آخرینه قدر عالمله رحمت اولارق سنی رسول کوندردك . چونکه ؛ سن دائرة رسالتی اکال و مکارم اخلاقی اتمام ایتدیك کبی دینك ده عموم ادیانی ناسخ اولديغی جهته سن بعث اولوندقدن صوکره ملتلك توحیده وصاتی ورضایه نائل اولمسی و نجات بولمسی ایچون سنك دینکله تدین ایتلملی ضروریات دینیه دندر . بناء عليه ؛ دین اسلامك ظهورندن صکره تبعیت ایتمینلر سعادت اخرویة دن محروملردر .

رسول للهك عالمه رحمت اولمسی فخر رازینك بیانی وجهله هم دین هم ده دنیا جهتندن رحمتدر . چونکه رسول الله ناسك جهالت و ضلالت ایچنده اولوب طریق صوابه ارشاد ایدمك بر کیمسه نك بولونمادیغی و حق آرایانلره یول کوستره جك قالمادیغی بر زمانده بعث اولونوب ناسه احکام شریعتی بیان و طریق نجاته سوقله انسانلره منفعت و مضرت اولان شیلری تعریف ایتدیکی جهته امر دینده عالمه رحمتدر . زیرا ؛ ناس و عظمی قبول وشریعتیله عمل ایتدکلری تقدیرده سعادت اخرته نائل اولاجقلرندن عین رحمتدر . امانیاده رحمت اولمسی دین محمدی به یاپیشان بر کیمسه ذل و اسارت و قتل کبی بر طاقم مهلکه دن خلاص اولدقلرندن اهل ایمان حقنده رحمت اولديغی کبی رسول للهك بعثتندن صکره مؤمن و کافر بالعموم ملتلك قهرراً هلاک اولوب عذابلری اخرته تأخیر اولونديغی جهته کافرلر حقنده دخی عین رحمتدر .

رسول اللهك دشمنه سلاح چکمی و مقاتله ايله امر اولونمسی عالمه رحمت اولمسنه منافی دکدر . چونکه ؛ قلیبج و قتال کافرلری ایمانه وعاصیلری اطاعته و اهل ضلالی هدایته دعوت ایتدیکندن قلیبج ده عین رحمتدر . . زیرا ؛ بر طاقم معند و متمرذلری دائرة صلاحه آلمق و عالمی انتظامه قومق قلیبجله حاصل اولديغندن قلیبج دخی اللهك رحمتی جمله سنددر که مظلومك ظالمدن انتقامی آلمق وناس آرمه سنده اجرای احکام وعدالت ایتمك آنجق قلیبجله اولابیلیر . انتظامی محافظه و خلقی بر نقطه ده طویلالمق و هر کسی نافع برایشه سوق ایتمك و ملتلك استراحتی تأمین ایتمك هب قلیبجله اولديغی جهته قلیبج ده انسانلر ایچون بر نوع رحمتدر .

رسول اللهك شریعتی عامه نك راحتی تأمین ایدن یوللری کوستردیکی ایچون تدریجاً کره ارضك اکثرینه سرایت ایتمشدر . شو قدر که احکام شرعی به اهل ایمان شریعت دییه رك قبول ایدوب آنکله عمل ایتدیکی جهته دنیا ده راحتی موجب اولديغی کبی آخرته ثوابه ده نائل اولور . اما دیانت محمدیه ایمان ایتمینلر ایشلرینه یارایان احکامی معقول بر دستور اولمق اوزره قبول ایتدکلرندن بالکثر عدالتی متضمن اولديغی جهته دنیاچه راحتی تأمین ایدر ، فقط آخرته اجرینی کورمز . چونکه ؛ احکام شرعی اولديغنه ایمان ایتدی که اجر آلسون . مثلاً فرانسه نك حقوقه عائد اولان (قودسیویل) دیدکلری قانون ؛ فقه مالکیکن ترجمه اولونمش بر قانوندر . آنجق آنی ، محکم وعدالتی تأمین ایدر بر قانون طائیرلر ، شریعت

محمديه پي طائمازلر . بناء عليه ؛ اوقانونله عمل دنيايه راحتى موجب اولور ولىكن آخرتده ثواب اولماز .

خلاصه ؛ رسول اللهك وجودى عالمه رحمتدر ، اما اورحمتدن استفاده ايتكم ايسته ينلر آنك رحمت اولديغنى تصديقله فيضندن استفاده ايتمشلر واستفاده ايتكم ايسته مينلر ياراسه قوشنك كونشى انكارى كجى شريعت احمديه پي انكارله فيض وعرفانندن محروم اولمشلردر .

واجب تعالى رسول اللهك عالمه رحمت اولديغنى بياندنصكره تبليغك خلاصه سنى بيان ايتكم اوزره ﴿ قُلْ إِنَّمَا يُوحَىٰ إِلَىٰ أَنَّمَا إِلَهُكُمُ اللَّهُ وَاحِدٌ فَهَلْ أَنتُمْ مُسْلِمُونَ ﴾ بيوريور .

[جديم ! سن طالع رحمت اولونجه عمومه خطاب ايدهرك دى كه « سزك الهه كزك آنجق بر معبود اولديغنى بكا وحى اولوندى . معبود كز بر اولونجه سز او معبوده انقيادله اخلاص اوزره عبادت ايدرميسكز ؟ » .]

﴿ فَإِنْ تَوَلَّوْا فَقُلْ أَذْثُكُمْ عَلَىٰ سَوَاءٍ ﴾

[شو تبليغ اوزره اكر مشركلر اعراض ايدر دعوتكه اجابتدن يوز دوندورورلرسه اى رسل كرامك اكرمى ! سن آنلره دى كه « بن سزه امر اولونديغ احكامى مساوات اوزره اعلان ايديورم ، يا خود مساوات اوزره اعلان حرب ايديورم » . ايشته بويله ديمكله آنلره حرب ايده جككى اعلان ايت]

﴿ وَإِنْ أَذْرَىٰ أَقْرَبُ أَمْ بَعِيدُ مَا تُوعَدُونَ ﴾

[وسزك ايچون موعود اولان عذابك يقين ويا اوزاق اولديغنى بن بيلميورم . كفر اوزره اصرار ايتديككز تقديرده بودنياده عذاب كورمه كز بيله البته آخرتده عذاب كوره جكسكز .]

يعنى ؛ جديم ! سنك طالع رحمت اولديغك ثابت اولدقنصكره عموم ناسه خطاب

وطريق توحيدده دعوت صورتيله سن دى كه « يالكزبكا وحى اولوندى ودينلدى كه سزك معبود كز آنجق معبود واحددر ، شريك ونظيردن منزهدرواصلا تعدد قبول ايتنر . بناء عليه ؛ سز بو معبود واحده انقياد وایمان ايدرميسكز ؟ مادام كه فرد واحددر ، اخلاص اوزره ایمان وانقياد ايتكمز لازمدر » . يا اكرم الرسل ! اكر آنلر شو دعوته اجابتدن امتناع ايدرلرسه سن آنلره « بن سزه مساوات اوزره اعلان حرب ايديورم » ديمكله حال حربه كچديكى اعلان ايت ودى كه « بوندنصكره بينمزده صلح يوقدر ، سزك وبزم علممز مساويدر وبزم سزدن اول بر حاضر لغمز اولماديغنى كجى سزك بيلمديككز بر جهتدن خيانتلكمزده يوقدر . اما سزه وعد اولونان عذابك زمانى يقين ويا اوزاق اولديغنى بن بيلميورم . بناء عليه ؛ يقيندر ويا اوزاقدر ديهرك حكم ايدهم . شوحالده جناب حقك مهلت ويرديكنه مغرور اولمايك ومهلتى حاشا جناب حقك سزدن غفلت ايتديكنه حمل ايتيك » .

فخر رازينك بيانه نظراً رسول اللهك مساوات اوزره اعلان ايده جكى شى ايله مراد ؛ محاربه ويا خود اعطام شرعيي اعمروى اولق محتملدر . چونكه ؛ رسول اللهك خلقه تبليغ ايتديكى احكام جمله ناس حقنده مساوى اولديغنى كجى عين احكامله رسول اللهده مكلفدر . يا خود اعلان ايله مراد ؛ صوت بالا ايد مساوات اوزره اعموده ابييورم صافنى برشى بوه ديمكدر . وعد اولونان عذاب ايله مراد ؛ طرف الهه پيره نازل اولاموه عذاب اولق احتمالى اولديغنى كجى حرب اولق احتمالى ده واردر . بوكا نظراً معنای نظم : [بن سزه اعلان حرب ايديورم . زيرا ؛ سزك ايچون حرب موعوددر ، اما وعد اولونان حربك يقين ويا اوزاق اولديغنى بيله] ديمكدر . (فهل اتم مسلمون) جمله سى ظاهرده استفهام ايسه ده معناده امرور . شوحالده معنای : [واحد حقيقى اولان معبود كزه اخلاص اوزره انقياد ايدك وانقياد كز واجب] ديمكدر .

واجب تعالى رسولنه بعض احكامنى وحى ايتديكى ورسولنك عذابك زمانى بيلمديكى

بیاندنصره کندینک علمی هر شیئه لاحق اولدیغی بیان ایتک اوزره ﴿ إِنَّهُ يَعْلَمُ الْجَهْرَ
مِنَ الْقَوْلِ وَيَعْلَمُ مَا تَكْتُمُونَ ﴾ بیوریور .

[سزه وعد اولونان عذابك زمانی بن بیلیمورم ، آنحق الله تعالى بیلیر . زیرا ؛
الله تعالى سوز کزدن علنی اولانی وسزك کیزله دیککیزشیلرك جمله سنی بیلیر .] چونکه ؛
علمی هر شیئه لاحق و علمندن خارج برشی یوقدر .

﴿ وَإِنْ أَدْرَىٰ لَعَلَّ فِتْنَةً لَّكُمْ وَمَتَاعٌ إِلَىٰ حِينٍ ﴾

[بن بیلیم که سزك عذابك تأخیری مأمول که سزك ایچون فتنه و امتحان و اجلکز
کلنجیه قدر سزه منفعت و مساعده در . بناء علیه ؛ عذابك تأخیری حق کزده استدراج
اولق محتملدر .] شو حالده عذابك تأخیرینه مغرور اولوب طغیان ایتیهك .

**

واجب تعالى مکه اهالیسیله رسول الله آرهنده مباحنه اوزایوب اهل مکه نك اصلا
اطاعت جهته میل ایتدکرندن وقوعات و حوادثک چوغالمسی اوزرینه رسولنه استعانه
ایله امرینی بیان ایتک اوزره ﴿ قَالَ رَبِّ اخْكُم بِالْحَقِّ ۚ وَرَبُّنَا الرَّحْمَنُ الْمُسْتَعَانُ
عَلَىٰ مَا نَصِفُونَ ﴾ بیوریور .

[حییم ! سن دی که « یاربی ! بنمله قوم آرهنده عدالتله حکم ایت و بزم ربمک قوللری
اوزرینه احسانی چوقدر . ای — مشرک ! بزم ربمک سزك متصف اولدیغکز فنا
حاللر اوزرینه کندیسندن معاونت طلب اولونان و یاردیم ایستهنکه لایق اولان ذات
الوہیتدر . زیرا هر درلو معاونته مقتدردر .]

یعنی ؛ ای — رسل کرامک اکر می ! کافرلر کفر اوزره اصرار ایدوب سوز
دیگله مه نیجه سن تضرع طریقله دی که « ای — بنی انواع نعمتلری ایله تربیه ایدن ربم !
بنمله قوم بیتنده حق صریح و ثابت اولان عدالتله حکم ایت که حقیقت آکلاشیلسون

و بزم ربمک قوللرینه انعام صاحبی در ولطفی بولدر و قوللرینه معاونتی اسیر که من .
بناء علیه ؛ قوللری هر زمان کندیسندن مشرکک متصف اولدقلری شرلرندن
خلاص ایچون یاردیم طلب اولونمغه لایقدر و بالخاصه ای — مشرک ! سزك متصف
اولدیغکز یالان و افترا و بهتان کبی شرلریکزدن قورتولق ایچون واجب تعالى دن دها
زیاده معاونت طلب اولونور .

ایشته بو آیت جلیلہ بعض زمانده انسان طارالدیغنده و بالعموم ایشلرده واجب تعالى دن
معاونت ایسته مک لازم اولدیغنه دلالت ایدر . زیرا ؛ جناب حق رسولنه کندینک منعم و
رحیم و معاونت طلبنه لایق اولدیغی تعلیم بیورمش و بو تعلیم امتی حقنده ده بر درس
اولمشدر . بناء علیه ؛ انسان هر ایشنده اسباب عادیه یه توسل ایله برابر ربسندن یاردیم طلب
ایتمکدن خالی قالماسی لازمدر . چونکه ؛ هر شینک خالق جناب حق اولدیغی جهته
خالقندن استمداد ایتک البته لازمدر . رسول الله دعاسنی ربی قبول ایتدیکنندن مشرککله
رسولی بیتنده عدالتله حکم الهی تجلی ایتمش و معاونت الهیه رسولنه یار اولمش و رسول الله
غالب و مشرکک مغلوب اولقله عاقبت جزیره العربدن مشرکک عرقی کسله مشدر .



رومی بیک اوچیوز اوتوز سنه سی تشرین ثانیسنک یکر می سکزننجی جمعه کوئی ایکندی نمازندنصره
بعونه تعالى بو سوره نك ترجمه سی ختام بولشددر .

سورة حج

مكة مكرمه نازل اولان سورهلردندر. آنجق آتی آتی مدینه منورهده نازل اولمشدر. خمس سكر آتی حاویدر.

بِسْمِ اللَّهِ الرَّحْمَنِ الرَّحِيمِ

يَا أَيُّهَا النَّاسُ اتَّقُوا رَبَّكُمُ إِنَّ زَلْزَلَةَ السَّاعَةِ شَيْءٌ عَظِيمٌ

[ای انسانلر! ربكزك عذابندن قورقك. زیرا؛ قیامتک اشیاپی تحریک ایدن زلزله سی پك بویوك برشیدر.]

یعنی؛ ویرمش اولدینی تعهدی اونوتمق شانندن اولان انسانلر! سزی تربیه ایدن ربكزك عذابندن قورقك وحرام اولان شیردن اجتنابله طاعتنه دوام ایدك كه عذابندن قورتولاسكز و دنیاده كناهلریكز اوزرینه سزه ویرمش اولدینی مهلهته مغرور اولمایك. زیرا؛ بو عالم مكوناتی قهرایتمك ایچون حاضرلامش اولدینی قیامتک حرکه سی پك بویوك برشی كه غایت شدتیدر.

فخر رازینك، قاضینك و ابوالسعود افندینك بیانلری وجهله بو آیتده ذكر اولونان زلزله نك زمانی قیامتک اولنده اولوب شو کوردیکمز وایچنده بولوندیغمز عالم موازنه سنی بو زلزله سببیه غیب ایدوب کونشك مغربدن طوغاجنی (امام علقمه) و (شعی) دن مرویدر. بوكا نظراً آیتده بیان اولونان زلزله؛ قیامتک علامت کبراسندن و آزمدت ظرفنده قیامت قائم اولوب بوزلزله قیامته مقدمه اولاجقدر. (امام مقاتل) و (ابن زید) ك روایتلرینه نظراً آیتده ذكر اولونان زلزله ایله مراد؛ قیامتک زلزله سیر و آیتک ظاهری بو ایکنجی روایتی تأیید ایتکدهدر. چونكه ساعت له مراد؛ قیامتدر. شوحالده «ساعتک زلزله سی» دیمك «قیامتک زلزله سی» دیمكدر.

اتقا ایله امر؛ حرام شیردن اجتنابی و عباداته سعی ایله امری متضمندر. زیرا؛

انسانی، تصادف ایده چکی بویوك عذابلردن و دهشتلی کونلردن و انواع مصائبدن و هیجانلی بلالردن قورتاراجق تقوی اولدیغنه اشارت ایچون جناب حق اتقا ایله امری قیامتک زلزله سیله تعلیل بیورمشدر. عقلی اولانلرک کمال اهتمامله دوشونملری ایچون قیامتک حرکه سنك پك بویوك اولدیغنی بیان ایتمشدر. یعنی «حرامدن قاجك و عبادته دوام ایدك و عقلکزله دوشونك. زیرا؛ قیامتک حرکه سی بویوك» دیمكدر. شوحالده بو آیت؛ اتقانك واجب اولدیغنه دلالت ایدر. زیرا؛ تقوانك بو کبی شدتلی ضررلردن انسانی محافظه ایدوب ضرری دفعه ایده چکنه اشارت واردر. ضررلرک دفعنه چالیشمق انسان ایچون واجب اولدیغنی جهته تقوانك واجب اولسی لازم کلیر. قیامتک زلزله سنی ادرا کدن عقول بشر قاصر اولدیغنه اشارت ایچون واجب تعالی زلزله دن شی ایله تعبیرایتمش و زلزله نك عظمتنی ایضاح ایتمکدن عبارته نك قاصر اولدیغنی اشعار ایتمشدر.

کرچه قیامتده ارضی تحریک ایده چك واجب تعالی ایسه ده بویوك حرکه قیامتده اولاجنی ایچون زلزله؛ قیامت مغاسنه اولان ساعته مضاف قیلنمش و «ساعتک زلزله سی» دیمشدر.

واجب تعالی قیامتک حرکه سنك شدتلی اولاجغنی و او کونك ویره چکی دهشتدن بعضیلرینی بیان ایتك اوزره ﴿يَوْمَ تَرَوْنَهَا تَذْهَلُ كُلُّ مُرْضِعَةٍ عَمَّا أَرْضَعَتْ وَ تَضَعُ كُلُّ ذَاتِ حَمْلٍ حَمْلَهَا﴾ بیوریور.

[حییم! ذکر ایت شول کونی که او کونده سز زلزله پی کورورسک. زکه آنک شدتندن هرچو جق امزیرن قادین امزیردیکی چو جقدن غفلت و هر حمل صاحبی خاتون حملی وضع ایدر.]

﴿وَتَرَى النَّاسَ سُكَارَىٰ وَمَا هُمْ بِسُكَارَىٰ﴾

[وسن ناسی سرخوش کورورسك، حالبوکه آنلر حقیقتده سرخوش دکالردر.]

﴿وَلَكِنَّ عَذَابَ اللَّهِ شَدِيدٌ﴾

[ولكن اللهك عذابى شدتليدر .] بناء عليه ؛ اوشدت انسانلری سرخوش کبی قیلار .

یعنی ؛ یا ا کرم الرسل ! خاطر کده طوت شول کونی که او کونده وقوعبولاجق زلزله بی سز کورورسکز که او زلزله نک شدتندن چوجغنی امزیرن هر قادی کمال شفقت و مرحمتله برابر کندی دردندن چوجغنی اونوتور و کمال حیرتندن قوجاغنده کی چوجق عقلنه بیله کلمز و هر حامله اولان خاتون وقتی تمام اولادن حملی وضع ایدر وسن او کونک شدتندن ناسی ، عقلی باشندن کیتمش سرخوش کورورسک . حالبوکه نفس الامرده آنلر سرخوش دکلدردر ، آنجق او کونک شدتی آنلری سرخوش کبی کوسترمشدر . زیرا ؛ اللهک عذابى شدتلی اولدیغندن آنلری ، عقللری زائل اولمش کبی کوستر .

بو آیتده او کونده زلزله نک شدتی ؛ اوج شید اثبات اولومشدر . برنجیسی ؛ **مَوْجِبِ امْزِرِهِ فَاَنْوَلَتْ كُنْفَرَهُ عَارِضَهُ اُولَاهُ قُوْرُوْرًا مَّزِيْنًا سَبِيْرًا مَّوْجِبْنَهُ غَفْلَتِ اِتْمَسِيْرِهِ** . ایکنجیسی ؛ **هَرَمَامِدِ اُولَاهُ فَاَنْوَلَتْ وَتَنْبَرُهُ اُولِ صُلْبِي وَضَعِ اِتْمَسِيْرِهِ** . اوچنجیسی ؛ **نَاسِكُ** ، اسباب سکرمه برشی استعمال اتمک لری **مَالِدِهِ مَرْفُوسِهِ اُولْمَرْمَرِهِ** . شو حالده آیتده « سن آنلری سرخوش کورورسک ، حالبوکه سرخوش دکلدردر » دیمک « سکر ویره جک برشی استعمال اتمدیلر » دیمکدر .

ابن جریر ، طبری ، فخر رازی و خازنک بیانلرینه نظراً بو ایکی آیت (بنی مصیطلق) غزاسنده کیجه نازل اولور وفخر عالم افندیمر اصحابی چاغیرر ، اطرافه طویلار آیتلری تبلیغ ایدر . اصحاب رسول الله آیتده بیان اولونان شدتدن متأثر اولور ، او کونده انسانلرک معروض قالا جقلری احوالی دوشوندکلرندن صباح وقتی قوناق محله اینه جکلرنده دوه لرک یوکنی ایندیمرک و چادر قورمق خاطرلرینه کلمز . رسول الله « بوزلزله نک کونی هانکی کوندر ؟ » بیورونجه اصحاب کرام « الله تعالی ورسولی بیلیر » دیملری اوزرینه رسول الله اصحابنه خطاباً « الله تعالی حضرت آدمه (قالق یا آدم ! ذریتمکدن اهل جهنمی جهنمه و اهل جنتی جنته سوق ایت) دیر . حضرت آدم (یارب ! فصل سوق ایده جکم) دینجه (چوغنی جهنمه و آزینی جنته سوق ایت) خطاب عزتی وارد اولاجنی . بیان بیولمشدر . اهل جهنمک اهل جنتدن چوق اولاجنی بادی تردد دکلدردر .

چونکه ؛ تاریخه و قرآنک بیانانه وقوفی اولانلر کرک ام سالفه نک و کرک بو امتک حالنی نظر تدقیقه آنجه هر نبینک امتندن ایمان ایدنلرک آزو ایمان ایتمه ینلرک چوق اولدیغنده تردد ایتمز . وبالخاصه ام سالفه دن ایمان ایدنلرک عددی یک آزا اولدیغی معلومدر . مثلاً حضرت نوح برچوق سنلر امتنی دین حقه دعوت ایتدیکی حالده دعوتنه اجابت ایدن قاچ کیمسه اولابیلدی . حضرت هود و صالح و سائر انبیاء عظامک امتلرنده ده حال بویله در . بناء علیه ؛ امتلر اینچنده پیغمبرینه اک چوق ایمان ایدن امت محمددر .

واجب تعالی قیامت کونک دهشتندن انسانلری قورتارم جق یکانه چاره اتقا اولدیغندن اتقا ایله امر ایدوب او کونک شدتندن بعضیلرینی بیاندنصکره انسانلرک بر قسمی مجادله دن و حقه معارضه دن خالی قالمادقلرینی بیان ایتمک اوزره ﴿ وَمِنَ النَّاسِ مَنْ يُجَادِلُ فِي اللَّهِ لِئَعَبِرَ عَنَّمْ وَيَتَّبِعْ كُلَّ شَيْطَانٍ مُّرِيدٍ ﴾ بیوریور .

[ناسدن بعضیلری عن جهل الله تعالی حقنده مجادله ایدرک هر معند شیطانه اتباع ایدر .]

﴿ كُتِبَ عَلَيْهِ أَنَّهُ مَنْ تَوَلَّاهُ فَأَنَّهُ يُضِلُّهُ وَيَهْدِيهِ إِلَى عَذَابِ السَّعِيرِ ﴾

[طرف الیهیدن شیطان اوزرینه یازلدی که شیطان کیمه متولی و مسلط اولورسه آنی اضلال ایدر و طوغرو یولدن چیقاریر و جهنم عذابنه چکر کوتورور .]

یعنی ؛ الله تعالی نک آخرتده عذابى و یوم قیامتک دهشتی واردر ، فصل اولسون . ناسدن بعضیلری اللهک ذاتنده وصفاتنده عقلی و نقلی دلیله و علمه مستند اولیه رق مجرد جهالت اوزره مجادله و مخاصمه ایدر ، حتی مجادله سنی او قدر ایلری کوتورور که اللهک ذاتی و صفاتی انکار ایدر و هر معند اولان شیطانه اتباع ایدر . حالبوکه دیوان الهی وقضاء سبحانیده یازلدی که شیطانی ولی اتخا ایدن کیمسه بی شیطان اضلال ایدر و (سعیر) اسمنده اولان جهنمک عذابنه مستحق اولاجق عمللری کوسترر و ایشله تیر و عاقبت جهنمه آلیر کوتورور .

فخر رازینک بیانی و جهله بو آیتده شیطان ؛ انسانلرده شمره آلات اولانه و ابناء

مذنبی شمره دعوت ابره کیمه ارده شاملدر . بناء علیه؛ انسانلرا چنده شمره آلت اولانلره
شیطان دینک صحیحدر .

حقسز ودلیلسز مجادله نك مذموم اولدیغنه بو آیت دلالت ایتدیکی کبی حق آرامق
قصیده دلیلنه علمله برابر مجادله ومباحثه نك جوازینه دخی دلالت ایدر .

مرید؛ خیرده عاری مجرد فساده داعی مضر اولاره کیمه در . بناء علیه؛ شیطان
و عسکرینه مرید دنیلدیکی کبی انسی و جبرده شمره میال اولانلره دخی شیطان مرید
دنیلور .

طبری ، فخر رازی وقاضینک بیانلرینه نظراً بو آیت مشرکاردن (نضر بن حارث)
حقنده نازل اولمشدر . چونکه (نضر) اللهک ذاتنده وصفاتنده چوق مجادله ایدر و
«ملکک اللهک قیزلریدر و قرآن اول کچن امتلرک یالانلریدر والله تعالی چورومش کیمیکری
احیایه قادر دکلدرد» دیمکله رسول اللهله مخاصمه ایدردی . جناب حق (نضر) ی و آنک
امثالی عن جهل حقه اعتراض ایدنلری ذم و بو مثللو مجادله دن قوللرینی منع ایتک ایچون
بو آیتی انزال بیورمشدر . شوخالده آیتک مضمونی حقه اعتراض ایده رک هوا وهوسنه
اتباع ایدن واحکام شریعتی کندی شهوات نفسانیه سنه اویدورمق ایسته یلرک جمله سنه
شاملدر . چونکه ؛ احکام دینی آرزوسنه اویدورمق وهوسات نفسانیه سنه موافق اولمیانلری
اعتراضله رد ایتک ایسته ین کیمسه شیطانه اتباع واوهام وخیالاتله اشتغال ایتمشدر . زیرا ؛
(نضر) ک «قرآن یالاندر اول کچنلرک سوزلریدر» دیدیکی کبی هر زمانده بوسوزلری
تکرار ایدنلر پک چوق بولونمش وبالخاصه آچیقدن قرآنه ایمان ایتیه یلر بالطبع بو کبی
افتراالردن چکینه مشلردر .

*
*
*

واجب تعالی ذاتی وصفاتی ایله حشر حقنده برعلمه مستند اولقمسزین مجادله ایدنلری

ذم ایتد کدنصکره حشرک امکانه دلالت ایدن دلیللری بیان ایتک اوزره ﴿يَا أَيُّهَا النَّاسُ إِن
كُنْتُمْ فِي رَيْبٍ مِّنَ الْبَعْثِ فَإِنَّا خَلَقْنَاكُمْ مِّنْ تُرَابٍ﴾ بیوریور .

[ای ناس! اکر اولد کدنصکره بعث اولونوب قبر کزدن قالقه جفکزده شبهه
ایدرسه کز ابتداء خلقتکزه نظر ایدک . زیرا ؛ بزسزی اولا طوبراقدن خلق ایتدک .]

﴿ثُمَّ مِنْ نُّطْفَةٍ ثُمَّ مِنْ عَلَقَةٍ ثُمَّ مِنْ مُّضْغَةٍ مُّخَلَّقَةٍ وَغَيْرِ مُّخَلَّقَةٍ﴾

[طوبراقدن صکره نطفه دن صکره اویوشمش قاندن صکره اعضای تام اولان وتام
اولمایان ات پارچه سندن خلق ایتدک .]

﴿لِنُبَيِّنَ لَكُمْ﴾

[شو بیان اولونان تدریج اوزره خلق ایتمکده کی حکمت ؛ سزه قدرتمزی وبدایع
صنعتمزی بیان ایتمکدر .] بناء علیه؛ آنا قدرتمزی سزه بیان ایتمه مزایچون شوبیان اولونان
احوال اوزره خلق اولونما کز اراده اولونمشدر .

﴿وَنُقَرِّئُ فِي الْأَرْحَامِ مَا نَشَاءُ إِلَىٰ أَجَلٍ مُّسَمًّى﴾

[وطوغمسی ایچون معین اولان وقته قدر آنالرک رحلرنده دیله دیکمز چوجقلری
قرار ایتدیرمک ایچون تدریج صورتیله خلق ایتک جهتی اختیار اولونمشدر .]

یعنی ؛ غفلت ونسیان اوزره مخلوق و عصیان و طغیان اوزره مصر اولان انسانلر
اکر رسولنرک سزه بیان ایتدیکی حشر وبعثده شبهه ایدیورسه کز بوشک سزه لایق دکلدرد .
زیرا ؛ سز ابتداء خلقتکزه نظر ایدر و دوشونورسه کز اولد کدنصکره تکرار دیر یله جککزده
اصلا شبهه ایتمز سکز . چونکه ؛ بزسزی اولا طوبراقدن صکره نطفه دن خلق ایتدک که پدریکز
آدم طوبراقدن خلق اولوندی و صکره سز بردامله صودن عبارت اولان منی دن خلق اولوندیکز .
بناء علیه ؛ و طوبراقله صویه قاریشمش و چورومش کیمیکر تکرار انسان اولماز، دیدیککز
سوز کزک دوشونمکسزین سویلنمش بر سوز اولدیغنی بیلیر سکز . پدریکزک صلبندن
آنا کزک رحمته دوشن نطفه آنا کزک رحمته اویوشمش قان اولور، صکره اوقان مرور
زمانله ات پارچه سی اولور که اعضالری اولماز . بر آز صکره اعضالری تمام اولور وانسان
شکلنی آیر . ایشه شومنوال اوزره حالا بعد حال بز سزی خلق ایتدک که سزه کمال
قدرتمزی بیان ایدلم وسزک ایچون حشرک امکاننده شبهه قالماسون . حالوکه سز بو حاللری
خلاصة البيان : اونجی جلد — ۸

دوشونمکسزین حشری انکاره جسارت ایدیورسکز و بز وقت معینه قدر آنالرك رحلرنده دیله دیکمز مقداری قرار ایتدیرر وقت معینی کلدیکند بول ویرر دنیا به چیقاریرز. شو حالده اولمش وچورومش کیمسه لری تکرار طوپراقدن چیقارمقده مانع نه درکه شبهه ایدیورسکز.

طبری، فخر رازی و قاضینک بیانلری وجهله بزم طوپراقدن خلق اولونماضر ایله مراد؛ بربرمز آدمک طوپراقده خلق اولونمسی و یاخود نطفه نك اصلی اولونه غرانك طوپراقده خلق اولونمسیدر. چونکه؛ اولاد آدم هر نه قدر نطفه دن خلق اولونورسه ده نطفه نك اصلی غذا، غدانك اصلی نباتات، نباتانك اصلی صو ایله طوپراق اولدینی جهته جمله انسانلرك اساسی؛ طوپراقده شو حالده تحولات و تدریج صورتیه طوپراق نطفه به انقلاب ایدیور. طوپراقده صو آره سنده مناسبت اولمادینی حالده طوپراق نطفه به تحولی قدرت الهیه نك کالنه دلالت ایدن دلائل واضحه جمله سنددر. کذلک صویک قانه و قانك أنه تحولنده دخی حال بویه در. شو حالده ابتداء خلقتنده انسانلر قدرت الهیه نك عظمتی کوروب دورورکن قبردن دیرلوب قالقه جفنده نه ایچون تردد ایدرلر؛ آیتده مخلقه؛ اعضاسی تام اولارو طوغانلر و غیر مخلقه؛ اعضاسی نقصانه اولارو طوغانلرور. یاخود مخلقه؛ دیری و غیر مخلقه اولر اولارو طوغانلرور. هانکی معنی مراد اولونورسه اولونسون انسانك خلقتی فاعل مختارک اختیاریه اولدیغنه دلالت ایدر. چونکه؛ طبیعتك اقتضاسی اولسه یا مخلقه و یاخود غیر مخلقه اولور. زیرا؛ طبیعتك اقتضاسی دیکشمز. آیتده اجل مسمی ایله مراد؛ ولادت ایچونه تعیین اولونانه و قتر. ولادتك اقل مدتی؛ حقیقه عندنده آتی آی واکثر مدتی؛ ایکی سنده در. شافیه عندنده اکثر مدتی؛ درت سنده در. یعنی برچو جق والده سنك رحمنده حقیقه به کوره ایکی، شافیه به کوره درت سنده مکث ایده بیلور.

﴿ ثُمَّ نُخْرِجُكُمْ طِفْلًا ثُمَّ لِتَبْلُغُوا أَشَدَّكُمْ ﴾

[خلقتکز تمام اولوب وقت معینکز کلد کدنصکره بز سزی طفل اولارق آنالریکزک]

رحمندن چیقاریزکه اوزمانده سز هر درلومعاونت و محافظه به محتاج اولدیغکزدن آناکز و باباکز واسطه لری ایله بز سزی محافظه ایدرز و بوندنصکره رشد کزه بالغ اولمکز واعضاکز قوت بولسون و مزاجکز علی التدریج تکمیل ایتسون ایچون بز سزی انواع تربیه ایله تربیه ایدرز.

﴿ وَمِنْكُمْ مَنْ يُتَوَقَّى وَمِنْكُمْ مَنْ يَؤْذِي إِلَىٰ أَزْدَلِ الْعُمُرِ لِكَيْلَا يَعْلَمَ مِنْ بَعْدِ عِلْمٍ شَيْئًا ﴾

[وسزدن بعضیکز بلوغه واصل اولمادن و یاخود واصل اولدق دنصکره وفات ایدر وسزدن بعضیکز اولجه بر طاقم شیرلی بیلد کدنصکره بیلمز بر حاله کلسون ایچون ازل عمره رد اولونور.]

ارذل عمر؛ قوالری ضعفه دوچار اولوب عقلم کلوب و جودنك آتیری لایقیدر ایشله مز بر حاله کلریکی قوملر زمانیدر. بوسته ردا اولونمسنك حکمتی؛ اولجه بیلدیکی شئی بیلمز بر حاله کلریکی اولدیغنی جناب حق بو آیتده بیان ایتشددر. انسانلرك اختیار و شیخ فانی اولانلرینك بنیه لرنده ضعف و عقل لرنده سخافت و فهم وادرا کلرنده نقصان عارض اولوب حال صباوتلرینك عودتی ارذل عمردر. شو حالده انسانلرك وفاتلری؛ ایکی به منقسم اولوب برنجیسی؛ عقلی باشنده و بنیسی صاغوم ایکن وفات ایتمکدر. ایکنجیسی؛ بیر فانی اولوب بیلدیکی بیلمز بر حاله کلر کدنصکره وفات ایتمکدر. بناء علیه؛ انسانك خلقتنده ومدت عمرنده اوغرامش اولدینی تبدلات و بالخاصه ارذل عمره رد اولونمسی حشرک امکانه آجیق بر دلیلدر. چونکه؛ انسانك حال بدایه سندن حال نهایه سنه قدر کورمش اولدینی تغیراتی خلق ایتمکه قادر اولان واجب الوجودك انسانی اولدکدن صکره احیایه ده قادر اولاجنی اولویتله ثابتدر.

**

واجب تعالی حشرک امکانه انسانك خلقتنده ومدت عمرنده جریان ایدن احوال

عجیبه ايله استدلالی بیاندنصکره ارض اوزرنده حاصل اولان نباتات ايله حشرک امکانه استدلال ایتک اوزره ﴿ وَتَرَى الْأَرْضَ هَامِدَةً فَإِذَا أَنْزَلْنَا عَلَيْهَا الْمَاءَ اهْتَزَّتْ وَرَبَتْ وَأَنْبَتَتْ مِنْ كُلِّ زَوْجٍ بَهِيجٍ ﴾ بیوریور .

[حبییم ! سن یر یوزینی قورو اولدینی حالده کورورسک . بوندن صوکره بز ارض اوزرینه سما جانبدن یاغور صولرینی انزال ایتدیکمزده ارض حرکت ایدر وقاباریر . اوتلر بیتر وهرنوعدن غایت کوزل اوتلری بیتیر]

یعنی ؛ بزم قدرتمزک کالنه تعجیه حاجت یوقدر . زیرا ؛ سن یر یوزینی قورو مش اوتدن ورطوبتدن اثر اولمادینی حالده کورورسک . بوندنصکره بزم قدرتمز واراده من احیاسنه تعلق ایدنجه ارضده حیات خاصه سی اوزره مشتمل و ارضک روحی مثابه سنده اولان یاغور صوینی بز ارض اوزرینه سما جانبدن ایندیردیکمزده ارض حرکت کثیر وقاباریر وهرنوع اوتلردن رونقی وضررتی غایت کوزلرینی بیتیریر ویر یوزی هرکسک یوزینه کولر بر حاله کثیرکه کورنلر مسرور اولور .

ایشته شوایتلرده بیان اولونان کرک انسانک وکرک اوتلرک خلقتنده کی صنایع غریبه واحوال عجیبه نک جمله سی انسانلرک وفاتلردن صکره تکرار دیریه جکلرینه دلالت ایدر دلائل قطعیه جمله سندندر .

(هامة) اولسه وقررر مسر دیمکدر . (اهتزت) اهتزاز ، تیره مک ، بره مک ؛ حرکت ایتکدر که « اوتلرک بیتمسيله ارض حرکت ایتدی » دیمکدر . (ربت) قاباریر ، معانسه در . بهیج ؛ غایت لطافتی ورونقی دیمکدر .

*
**

واجب تعالی حشرک امکانه دلالت ایدن دلائلدن انسانک خلقتنی و ارضک نباتاته احیاسنی بیاندنصکره سرد اولونان دلیللرک نتیجه سی و خلاصه سی بیان ایتک اوزره ﴿ ذَلِكَ بِأَنَّ اللَّهَ هُوَ الْحَقُّ وَأَنَّهُ يُخَيِّ الْمَوْتَى وَأَنَّهُ عَلَى كُلِّ شَيْءٍ قَدِيرٌ ﴾ بیوریور .

[شو انسانلرک عقلرینه حیرت ویرن مخلوقاتی خلق ایتک قدرتک سبی الله تعالی نک ذاتنده ثابت و متحقق اولوب اشیا کندیسک خلقیه حاصل اولسیدر والله تعالی اولولری احیا ایدر . چونکه ؛ الله تعالی ممکناندن هر شیئی ایجاده قادر در .]

﴿ وَأَنَّ السَّاعَةَ آتِيَةٌ لَا رَيْبَ بِهَا وَأَنَّ اللَّهَ يَبْعَثُ مَنْ فِي الْقُبُورِ ﴾

[و قیامت البته کله جک ، آنده اصلاشه یوقدر . بناء علیه ؛ الله تعالی قبرلرده مدفون اولان کیمسلری بعث ایدر ، قبرندن قالدیرر .]

یعنی ؛ انسانک اطوار مختلفه ده خلق اولونوب برینه ضد اولارق احوال عیدیه تحویل اولونمی وقورو مش ارضک احیا اولونمی الله تعالی نک ثابت و متحقق اولسی سبیلده در . اگر صانی موجود وثابت اولماش اولسه ایدی بونلرک هیچ بریسی وجود بولمازدی . شو حالده انسانلرک و اوتلرک وجودلری الله تعالی نک وجودینه و وحدانیته اولمشلری احیایه قدرته دلالت ایدر . بناء علیه ؛ الله تعالی اولمش انسانلری احیا ایدر و انسانلرک احیا اولونا جقلری قیامته کله جک در و آنده اصلا شه یوقدر و قیامت قائم اولونجه قبرلرده اولان موتایی الله تعالی قالدیرر و جمله سی عمللری ايله مجازات ایدر .

بو آیتده بیان اولونان دلیللرک خلاصه سی تقریر شویله در : اموائی اعاده واحیا ممکندر . اگر ممکن اولسه ایدی هیچ بر زمانده حیات بولمازدی . حالبوکه اموات ، دنیاده حیاته متصرفلردی . بناء علیه ؛ اموائی احیا ممکندر . چونکه ؛ بر زمانده حیاتی قبول ایدن جسمک دیگر زمانده دخی حیاتی قبول ایده جکنده شبه اولونماز . کذلک واجب تعالی معلوماتک جمله سنه عالم اولدینی کبی مقدوراتک جمله سنه ده قادر در . بناء علیه ؛ اموائی احیایه دخی قادر در . یعنی اجسامده قابلیت اولدینی کبی جناب حقه ده قدرت وارد در . بناء علیه ؛ حشر امواتده ترده محل یوقدر .

*
**

واجب تعالی اموائی احیا ایده جکنی بیاندنصکره حقه معارضه ایدنلرک دنیاده رسوائی و آخرته معذب اولاجقلرینی بیان ایتک اوزره ﴿ وَمِنَ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُنِيرٍ ﴾ بیوریور .

[ناسدن بعضیاری اللهک امرنده عقلی دلیل و الهام طریقله هدایت و قبلره نور و برنجی کتابه علمی اولیه رق مجادله ایدر لر .]

﴿ثَانِي عِطْفِهِ لِيُضِلَّ عَنْ سَبِيلِ اللَّهِ﴾

[حق ایشدیکنده بوینی دوندورور و یاتی چکر اولدینی حالدله تکبر ایدر که انبیانک وحی الهی ایله بیان اولونان دین الهیدن ضعفاء ناسی اضلال ایتسون و طریق حقندن چیقارسون .]

﴿لَهُ فِي الدُّنْيَا خِزْيٌ وَنُذِقُهُ يَوْمَ الْقِيَمَةِ عَذَابَ الْحَرِيقِ﴾

[اللهک امرنده مجادله و حق قبولده تکبر ایدن کیمسه ایچون دنیا ده رسوالق وارد و یوم قیامتده بز آکا یاقیجی جهنمک عذابنی طادیریرز .]

یعنی ؛ ناسدن بعض کیمسه اوامر الهیه و دین سبحانییه اعتراض ایتمک اوزره مجادله و مخاصمه ایدر و بو مجادله سی ضروری بر علمه مستند اولمادیکی کبی استدلاله و طرف الهیدن ارشاد صورتیله الهامه و طریق حقه دلالت ایدر هدایت و وحی ایله گلش قلوب ناسی نورلاندیران بر کتابه مستند دکدر . شو حالدله مجادله سی کور کورینه جهل و عناده مستنددر . بناء علیه ، شو مجادله یه جسارت ایدن کیمسه ضعفاء ناسی دین الهیدن اضلال ایدوب یولدن چیقارمق ایچون تکبر ایدر و بوینی دوندورور و بلنی بوکر اولدینی حالدله حق قبولدن اعراض ایدر . ایشه حقندن اعراض ایدن کیمسه ایچون دنیا ده رسوالق و قیامتده یاقیجی جهنمک عذابنی طامق واردر .

فخر رازی و نيسابورینک بیانلری و جهله بو آیت (ابو جهل) حقنده نازل اولمشدر . چونکه ابو جهل ؛ دائما رسول الله مخاصمه و امر الهی به معارضه ایدر و حق قبولدن تکبر ایدر که حق اولان سوزه بوینی دوزر و یاتی چکردی و بو معارضه سی ده اسباب علمدن هیچ برینه مستند دکدی . زیرا ؛ آنک عادتی دائما اهل ایمانه تکبر ایتمک و کندینه تابع اولان جهلایه حق ستر ایتمکه ذهنلری اغفال ایتمک و آذریرمقدی . بناء علیه ؛ جناب حق بو آیتده ابو جهلی اوج صفتده زم ایتمشدر . برنجیسی ؛ امر الهیه مجادله ایتسیر . ایکنجیسی ؛ شو مجادله سی هیچ بر علمه مستند اولابوب مجرد جهله بنا

ایتسیر . اوچنجیسی ؛ ضعفاء ناسی اغفال و اضلال ایتمک ایچونده مقدمه کبرله بوینی دوندورور . ایشه ابو جهل و امثالک شو فنا عمللرینک جزاسی دنیا ده رسوالق و آخرتده عذاب جهنم اولاجنی بیان اولونمشدر . کرچه آیت (ابو جهل) حقنده نازل اولمش ایسه ده بوصفله متصف اولانلرک جمله سنه شاملدر و عصر سعادتدن بو آنه قدر حقه اعتراض ایدنلر و ضعفاء ناسی یولدن چیقارمق ایچون چالیشانلر هیچ ده اکسیک اولامشدر . بومقوله کیمسه لک عاقبت دنیا ده رسوای اولدقلری کبی آخرتده دخی عذابه دوچار اولاجقلری بو آیتله ثابتدر .

(ثانی عطفه) بیضاوینک بیانی و جهله حق قبولده تکبر ایچون و دوندورور و دمی استخفاف ایچون کیمسه . ایشه بوکبی اخلاق ذمیمه سی ابو جهلک ایمانی قبولده مانع اولدیغندن دنیا ده دین علیه قورمش اولدینی طوزاقلره کندی دوشدی و عاقبت یوم بدرده اهل اسلامک قیلیجنه لقمه اولارق جاتی جهنمه اصهارلادی کیتدی . بو آیت جلیلله نک بدایه سی حقندن اعراض ایدنلرک اعراضلری هدایت و کتابه مستند اولمادیغنی بیانه مقدمه و تأکید اولق اوزره تکرار ذکر اولونمشدر . یا ضرور اولیکی آیت مقلدلر حقنده و بو آیت مقلدلره تابع اولانلر حقنده اولسنه بناء تکرار یوقدر .

واجب تعالی حقه اعتراض ایدنلرک دنیا ده رسوای و آخرتده معذب اولاجقلری بیاندنصکره عذابک سببی بیان ایتمک اوزره ﴿ذَلِكَ بِمَا قَدَّمْتَ يَدَاكَ وَأَنَّ اللَّهَ لَيْسَ بِظَالَمٍ لِلْعَبِيدِ﴾ بیورسور .

[ایشته شو دنیا ده رسوالق و آخرتده عذاب سنک کسب یدکله آخرته تقدیم ایتدیکنک کنه لک سیبیلده درو الله تعالی قوللرینه ظلم ایدر اولمادی .] چونکه عادل اولدیغندن هر کسک عملنه کوره جزا و یردیکی جهته اصلا ظلم شائبه سی اولماز . بناء علیه ؛ جزا ایله جرم آرمسینه نسبت عادله یه رعایت اولونور .

عبر لفظی جمع صیغه سیله وارد اولدیغندن ظوم مبالغه صیغه سیله وارد اولمشدر .

شوحالده معنای نظم: [هیچ برعبده جناب حق وجهاً من الوجوه ظلم ایتمز] دیمکدر، یوقسه ظلمک مبالغه سنی نفی ایله اصل ظلم باقی قالیر معناسنه دکدر. زیرا؛ الله تعالی من کل الوجوه ظلمدن منزهدر. یعنی؛ دنیاده بغیر علم مجارله ایدن عاصی کیمسه یه یوم قیامتده تحقیر واهانت طریقله طرف الیهیدن ای ظالم! شو عذاب؛ سنک دنیاده ارتکاب ایتدیک و آخرت ایچون قازاندیغک کناهلرک سببیلهدر. زیرا؛ الله تعالی ظالم دکدر، دینور.

**

واجب تعالی دین الیهیده مجارله وناسی اضلال ایدنلرک حاللرینی بیاندنصکره دینده شک اوزره بولونانلرک حاللرینی بیان ایتمک اوزره ﴿وَمِنَ النَّاسِ مَن يَغْبُذُ اللَّهَ عَلَىٰ حَرْفٍ فَإِنْ أَصَابَهُ خَيْرٌ اطْمَأَنَّ بِهِ وَإِنْ أَصَابَتْهُ فِتْنَةٌ انْقَلَبَ عَلَىٰ وَجْهِهِ﴾ [ناسدن بعضیسی دینده شک و برطرف اوزره الله تعالی یه عبادت ایدر. اکر کندینه خیر اصابت ایدرسه دینه قلبی مطمئن اولور و دینده بولوندیغنی فال خیر عد ایدر و اکر آکا برفته اصابت ایدرسه یوزی اوزرینه کفر جهته دونویرر و دینله تشأم ایدر.] زیرا؛ دیننه اعتمادی یوقدر.

﴿خَسِرَ الدُّنْيَا وَالْآخِرَةَ ذَلِكَ هُوَ الْخُسْرَانُ الْمُبِينُ﴾

[ایشته دیننه اعتماد ایتمه رک دونن کیمسه دنیاده انواع بلیات و آخرتده عذابه دوچار اولمقله ضرر کورور و شو ضرر میدانده برضرردر.]

یعنی؛ منعمنی نسیانله عصیان ایتمک علی الا کثر عادتق اولان انسانلردن بعضیسی دینک بر جانبی اوزره شک واضطرابه الله تعالی یه عبادت ایدر و لکن عبادتنده ثباتی و یقینی اولماز و دینک بر طرفنده دورور و ایشه نصل کلیرسه او طرفه دونمک قولای اولسون ایچون لایقیله دینته یاپیشماز و کنارنده کزر ایچنه کیرمز. بناء علیه؛ اکر او کیمسه یه خیر اصابت ایدرسه دیندن بیلیر، قلبی مطمئن اولور و قرار ایدر و اکر برفته اصابت ایدرسه ارتداد ایدر و ترک ایتدیکی کفر جهته دونویرر. بناء علیه؛ دنیاده جانی هدر اولمق و آخرتده عذاب کورمکله ضرر ایدر. ایشه شو ضرر؛ میدانده برضرردر.

فخر رازی، قاضی و خازنک بیانلرینه نظر آیت؛ عربدن مدینه یه هجرت ایدن بر طائفه حقنده نازل اولمشدر. چونکه؛ آنلر بادیه دن مدینه یه کلدکر ندیه بعضیلرینک حرمی اوغلان و قیصراغی طای طوغور و بوجودی محبت بولوب مالی چورغالنجه دین اسلامی فال خیر عدایدوب قلبی مطمئن و مستریح اولارق مدینه ده دین اسلام اوزره ثبات ایتدی قالدی و بعضیلری ده بونک عکسته حرمی قیزطوغور و بوجودی قیصراغی یا ورولا مایوب کندی خسته و معیشتی طارالنجه دین اسلامدن تشأم ایتدیلر و کیری کیتدیلر. ایشه جناب حق بو مقوله دیننه اعتمادی اولمایان کیمسه لرک حاللرینی شول کیمسه نک حالته تشبیه ایدرکه او کیمسه عسکرک بر طرفنده بولونور. اکر عسکرده ظفر و غلبه کورورسه ایچنه کیرر و اکر انهزام کورورسه درحال فرار ایدر. بناء علیه؛ دیننه اعتمادی اولمایان کیمسه نک حالی عسکرک ایچنه کیرمه یوب کنارنده بولونان کیمسه نک حالی کبی اولدیغنی جناب حق بو آیتله تصویر ایتمشدر. یا فیه آیت؛ منافق لک حاللرینی تصویر ایتمشدر. زیرا؛ آنلر یالکز ایمانک بر جزئی اولان اقرارله اکتفا ایدر و قلبلریله تصدیق ایتمز و هر ایشی ایکی طرفلی طوتارلر و هانکی طرف ایشلرینه کلیرسه او طرفه دونویرر لریدی. بناء علیه؛ «آنلر حرف اوزره عبادت ایدر» دینلیمشدر که عبادت لرینک نقصان و اعتباردن ساقط اولدیغنه اشارت اولونمشدر. چونکه حرف؛ طرف و جانب معناسنه اولدیغندن دینده عبادتک ارکانی و آلتی اولان لسان و قلبدن بریله اکتفا ایتمک؛ بر جانبنده بولونمق و دیکرینی ترک ایتمکدر.

ایشته بو مثللو منافق لر عصر سعادتیه منحصر دکل، بلکه هر عصرده بولونمشدر که مسلمانلق آنلرک آنجق لسانلرنده اولور قلبلرنده ایماندن اثر اولماز. بناء علیه؛ بونلر مسلمان یانلرنده مسلمان کورونور لرسه ده کندی امثاللری یاننده ایماندن اثر کورولمز. چونکه؛ لساننده مسلمانلغه اینانامدیغندن قناعتی یوق و قلبی ده مطمئن دکدر. ایشه بو قیل انسانلر بو آیتک ذمنده داخلردر.

خلاصه؛ دیننده شک اوزره بولونانلری و دینله دنیا مراد ایدنلری جناب حق بو آیتله ذم ایتمش و دنیاده و آخرتده ضرر کوره جکنی بیان بیورمشدر.

**

واجب تعالی دینه اعتماد ایتیموب تردد اوزره بولونانلرک حاللرندن بعضیلرینی بیاندن
صکره بعض آخری بیان ایتک اوزره ﴿يَدْعُوا مِنْ دُونِ اللَّهِ مَا لَا يَنْفَعُهُمْ وَلَا يَضُرُّهُمْ﴾
ذَلِكَ هُوَ الضَّلَالُ الْبَعِيدُ ﴿بیوریور .

[دیننده ثبات ایتیموب ارتداد ایدن کیمسه اللهک غیری منفعت و مضرتہ مقتدر
اولیان اشیاء خسیسه به عبادت ایدر . ایشته شوعبادت ثوابدن غایت اوزاق برضالت در .]
یعنی ؛ دیننده قرار ایتیمین کیمسه اللهک غیری برطاقم طاشدن و آغاجدن یا پیلمش
پوتلره عبادت ایدرکه او پوته عبادت ایدن کیمسه به او پوت منفعت ایدمیدی کی عبادتی
ترک ایتسه مضرتہ اقتداری یوقدر . بناء علیه ؛ قادر و قیوم اولان الله تعالی به عبادتی
ترکه ادنی مخلوقاته عبادت ایتک آنجق ضلالتدرکه اوضالت طریق حقه غایت اوزاقدرد .
﴿يَدْعُوا لِمَنْ ضَرُّهُ أَقْرَبُ مِنْ نَفْعِهِ﴾

[دیننده شک اوزره اولان، مضرتی منفعتندن دها یقین اولان کیمسه به دعا ایدر .]
﴿لَبِئْسَ الْمَوْلَىٰ وَلَبِئْسَ الْعَشِيرُ﴾

[نه چیرکین اولدی آنلرک معینلری ونه فنا اولدی معاشرت ایتدکلری صاحبعلری .]
یعنی ؛ الله تعالی به عبادتی ترک ایدن کیمسه شول کیمسه به عبادت ایدرکه آنک
مضرتی منفعتندن دها یقیندر ونه فنا اولدی یاردیمجیلری اولان معبودلری ونه کوتو اولدی
عابدلرکه آنلر بر طاقم عاجزلره عبادت ایدرلر .

بوآیتده نیسابورینک بیانی وجهله ضرری منفعتندن یقین اولان کیمسه
ایله مراد ؛ کافرلرک رئیسلمر . چونکه ؛ آنلره تابع اولان فقرا کروهی رئیسلمرنده
منفعت وارظن ایدر و آنلرک رأیلرینی تصویب ایدرلر . بناء علیه ؛ جناب حق آنلرک
مضرتلری منفعتلرندن دها چوق اولدیغنی بیانه آنلره اطاعتلرینک چیرکین بر خصلت
اولدیغنی بیان ایتمشدر . بوکا نظراً معنای آیت : [کافرلرک و منافقلرک عوام کروهی
رئیسلمرینه اطاعت و امور و خصوصلرنده آنلره دعا ایدرلر و آنلردن منفعت بکلرلر .
حالبوکه آنلرک رئیسلمرینک مضرتی منفعتندن دها یقیندر . شوحالده نه فنا افندی در آنلرک

افندیلری ونه فنا آرقداشدر آنلرک آرقداشلری . [شومعنايه نظراً آیت اولی پوتلره
عبادتلرینه عاؤدر . زیرا ؛ پوتلرده اصلاً منفعت و مضرت یوقدر . آیت ثانیه ده رئیسلمرینه
اطاعتلرینه عاؤدر . چونکه ؛ آنلره رئیسلمرینک مضرتی منفعتندن دها اول و دها چوقدر .

واجب تعالی اهل ضلالت عبادتلرینک کیفیتنی بیاندنصکره اهل هدایتک عبادتلرینک
کیفیت و منفعتلرینی بیان ایتک اوزره ﴿إِنَّ اللَّهَ يُدْخِلُ الَّذِينَ آمَنُوا وَعَمِلُوا الصَّالِحَاتِ
جَنَّاتٍ تَجْرِي مِنْ تَحْتِهَا الْأَنْهَارُ﴾ بیوریور .

[الله تعالی آلتندن نهرلر جریان ایدن جنتلره شول کیمسه لری ادخال ایدرکه آنلر
ایمان ایتدیلر و عمل صالح ایشله دیلر .]

﴿إِنَّ اللَّهَ يَفْعَلُ مَا يُرِيدُ﴾

[زیرا ؛ الله تعالی مرادینی ایشلر هیچ کیمسه قاریشاماز .]

یعنی ؛ الله تعالی شول کیمسه لری جنتنه قویارکه او کیمسه لر الله و رسوللرینه
و آخرته ایمان ایتدیلر و یالکز ایمانله اکتفا ایتدیلر ، بلکه ایمانلرینی عمل صالح
ایشله مکله تثبیت و تقریر ایتدیلر . بناء علیه ؛ آنلر اللهک امرینک جمله سنی یرینه کتیردیلر ونهی
ایتدیکی شیلرک جمله سندن اجتناب ایتدیلر . شوحالده آنلر آلتندن نهرلر جریان ایدن جنتلره
کیرمکه استحقاق کسب ایتدکلرندن الله تعالی آنلری جنته ادخال ایدر . زیرا ؛ الله تعالی
قوللرینک فوز و فلاحنه و یاخود قهر و هلاکنه دائر ایسته دیکنی ایشلر . شوقدرکه
مؤمن اراده سنی ایمانه صرف ایتدیکنندن الله تعالی آنک ایماتی خلق ایدر و ایماننک
مکافاتنی ویرر .

خلاصه ؛ جنته دخول ایمانه و درجانه نائل اولمق عمل صالحه توقف ایتدیکی بوآیتدن
مستفاد اولان فوائد جمله سندندر .

واجب تعالی اهل شرک کیمله عبادت ایتدکرینی و مؤمنلری جته ادخال ایده جکفی
بیاندنصرکه منافقک «جناب حق» رسولنه یاردم ایتیه جک» دیدکرینی بیان ایتک اوزره
﴿مَنْ كَانَ يَظُنُّ أَنْ لَنْ يَنْصُرَهُ اللَّهُ فِي الدُّنْيَا وَالْآخِرَةِ فَلْيَمْدُدْ بِسَبَبٍ إِلَى السَّمَاءِ
ثُمَّ لِيَقْطَعْ فَلْيَنْظُرْ هَلْ يُذْهِبَنَّ كَيْدُهُ مَا يَغِيظُ﴾ بیوریور .

[محمد علیه السلامه الله تعالی دنیاده و آخرته یاردم ایتمز ظن ایدن کیمسه سهایه بر
ایپ چکسون، صکره او ایپ واسطه سیله سهایه قارشى قطع مسافه ایتسون واللهمک یاردمی
دفع ایتکه چالیشسون ونظر ایتسون باقسون که آنک حیلہ سی بغض ایتدیکی شیئی کیده ره بیلیرمی؟]
یعنی؛ الله تعالی دنیاده و آخرته رسولنه یاردم ایدر. اگر اللهک دنیاده و آخرته
رسولنه البته یاردم ایتیه جکفی ظن ایدن کیمسه وارسه خانه سنک طاوانه بر ایپ چکسون
صکره او ایپله کندینی بوغسون کورسون که بوقدر حیلہ و اوغراشمی رسولنه اللهک
معاونتی کیده ریرمی؟ ونظر ایتسون باقسون که حیلہ سی بغض ایتدیکی شیئی دفع ایدرمی؟
زیرا؛ الله تعالی حیلنه نصرتی کسمز ولوسه نصرته بغض ایدن کیمسه سهایه جکمش
اولدینی ایپله حدتندن کندینی بوغسون اولدورسون. آنک بغضی اللهک معاونته
مانع اولاماز .

فخر رازی، نسابوری وقاضینک بیانلری وجهله بوآیتده سبب ایله مراد؛ ایبر .
سهایه مراد؛ هانک طایبر . قطع له مراد؛ بوغولمور . غیظ ایتدیکی شی
ایله مراد؛ اللهک رسولنه معاونتی ونصرتیر . بوکا نظراً معنای آیت : [الله تعالی دنیاده
و آخرته رسولنه البته معاونت ایتمز و محمد علیه السلامک ربم بکا یاردم ایدر دیدیکی
مقصدینی ترویج و سوزینی هرکسه دیکله تمک ایچوندردیینه و ظن ایدن کیمسه کندی خانه سنک
طامنه بر ایپ اوزاتسون و باغلاسون و ایپ بوغازینه طاقتسون کندینی بوغسون و کورسون که
آنک کندینی اولدورمسی آکا غضب و یرن نصرت السهییه مانع اولابیلیرمی؟] دیمکدر .
یاخود سهایه مراد؛ سماء دنیاده . قطع له مراد؛ بوکا نظراً معنای آیت :
[اگر بر کیمسه الله تعالی دنیاده و آخرته رسولنه یاردم ایتمز ظن ایدرسه بوظندن واز

چکسون . زیرا؛ الله تعالی رسولنه نصرتی کسمز. اگر نصرتک کسيلمسی ایترسه سهایه
دنیاه بر ایپ چکسون صکره او ایپه یایشسون باقالم مانع اولابیلیرمی؟ و معاونتک اوکنه
چکمک ممکن ایسه چکسون . حالبوکه سهایه ایپ چکمسی و ایپه یایشوب سهایه طوغرو کیتمی
محالدر. بناء علیه؛ اللهک نصرتی منع ایتمی ده محالدر. شو حالده رسول الله رب سنک معاونته
بغض ایدن کیمسه نک بغضنک کسيلمسی دخی محالدر. آنجق آنک بغضنک کسيلمسی
وقایله اولاجفندن وفات ایتسون قورتولسون] دیمکدر .

طبری، فخر رازی و خازنک بیانلری نه نظراً آیت جلیله (غطفان) و (بنی اسد)
قیله لرندن بعض کیمسه لر حقنده نازل اولمشر . چونکه؛ رسول الله آنلری اسلامه
دعوت ایدنجه آنلر « بزم یهودله بینمزده معاهده واردر . الله تعالی نک محمد علیه السلامه
یاردم ایده جکفی ظن ایتیه ز . شو حالده اسلام اولور زده الله تعالی ده نصرت ایتزه سهایه دوله
آرامز آچیلیر بزه ذخیره و خورما کی ارزاق و یرمز لر . بناء علیه؛ قورقارز اسلام اولاماز»
دیملری اوزرینه بوآیتک نازل اولدینی مرویدر . یاغورو رسول اللهک دشمنلری و حسودلری
حقنده نازل اولمشر . چونکه؛ آنلر رسول اللهک نصرت اولوندیغنی آرزو ایتدک لرندن
وقوعبولان نصرته غضب ایتدک لری کبی البته عاقبت امرده الله تعالی نصرت ایتمز و دین
محمدی ده ختام بولور ظن ایدر لر دی . آنلرک بوظنلری رد ایچون الله تعالی آتی انزالله
بومثللو ظندن واز کچمه لرینی واکر واز کچمز لرسه غضبلری هیچ بر قائده بی مفید
اولیه جغنی بیان بیورمشر . صحیح اولان روایت ده بو اولسه کر کدر . چونکه؛ آیتک
معنانه اک زیاده موافق اولان روایت بودر .

خلاصه؛ الله تعالی نک رسولنه و شریعتنه یاردم ایتیه جکفی ظن ایدنلرک ظنلری
طوغرو اولمادینق و رسول اللهک نصرت اولوندیغنه بغض ایدنلرک بوخصوصده کندیلرینی
بوغسلر اولدورسلر دخی قائده ایتیه جکی بوآیتدن مستفاد اولان فوائد جمله سندندر .

**

واجب تعالی رسولنه البته نصرت ایده جکفی بیاندنصرکه بالفعل نصرتندن بعضیلرینی بیان
ایتک اوزره ﴿وَكَذَلِكَ أَنْزَلْنَاهُ آيَاتٍ بَيِّنَاتٍ وَأَنَّ اللَّهَ يَهْدِيَ مَنِ يَرْيدُ﴾ بیوریور .

[رسولاره انواع نصرته معاونت ايتديكمز كې نصرتي تأييد ونبوتی تصديق ايچون واضح و ظاهر آيتلر اولديني حالدہ بز قرآنی ازال ايتدك. زیرا؛ قوللرينه طوغرو يولى كوسترن الله تعالى هدايت ايتك مراد ايتديكي قوللريني هدايتده قیلار و اقوللرك اراده لرینی هدايتہ صرف ايتلری اوزرينه مقصده ايصال ايدن طريقی آنلره موفق قیلار.]

واجب تعالى رسول الله حقنده سوء ظن ايدنلرك ظنلريني رد ايتدك دئصكره مؤمنلرك وسائر ملتلك آره لرینی يوم قيامتده فصل ايدده جكنی بيان ايتك اوزره ﴿إِنَّ الَّذِينَ آمَنُوا وَالَّذِينَ هَادُوا وَالصَّابِّينَ وَالنَّصَارَى وَالْمَجُوسَ وَالَّذِينَ أَشْرَكُوا إِنَّ اللَّهَ يَفْصِلُ بَيْنَهُمْ يَوْمَ الْقِيَمَةِ﴾ بيوريور.

[شول كيمسه لركه آنلر الله ورسولنه ايمان ايتديلر وشول كيمسه لركه آنلر حضرت موسايه ايمان ايله يهوديتي قبول ايتديلر وييلديزلره عبادت ايدن صابيلر وآتسه عبادت ايدن مجوسيلر و حضرت عيسايه ايمان ايدن نصاري و بوتلره عبادت ايدن مشركلرك بينلريني الله تعالى يوم قيامتده فصل ايدر ومذهبلردن حق اولاني باطل اولانلردن آيير.]

﴿إِنَّ اللَّهَ عَلَى كُلِّ شَيْءٍ شَهِيدٌ﴾

[زيرا؛ الله تعالى هر شينه ناظر و هر كسك حالتي بيلير. بناء عليه؛ هر بريني ديكرندن تفريق ايدر.]

يعني، الله تعالى هر مذهب صاحبي بر جزا ايله جزالانديرر. زيرا؛ ارباب ديندن هر برينك مذهبن ديكرندن تفريق ايدر وجايتنه كوره جزا ويرر و هر بريني ديكرندن آييرر. بناء عليه؛ مؤمنلری جننه و ايمان ايتمينلری جهنمه ادخال ايدر و هر كس مستحق اولديني جزايي كورور. زيرا؛ الله تعالى هر شيني نظارتي و مراقبه سي آلتنده بولوندورديغندن هر كسك استحقاقني بيلير و مستحق اولديني جزايي ويرر.

طبرينك بياني و بو آيتده ذكر اولونان صراحت وجهله دين؛ آلتی اولوب بشی؛ شیطانی

بريسي؛ رحمانيدر. فخر رازينك بياننه نظر آتيمه اعتبارله اديان؛ اويده منحصر در: برنجيسي؛ بالعموم انبيائك بوندريني نصيريه ايمده ديه ايمدر و عند الله مرضي اولان دين حقه دين اسلامدر. ايكنجيسي؛ انبياده بعضيسنه ايمده ايمده بعضيسنه ايمده ايمده، يهوديتده نصرايت كبي. چونكه؛ آنلر انيادن بعضيسنه ايمان ايتزلر. اوچنجيسي؛ هيج بريني به ايمده ايتيمه مجوسي و صابئي و مشركلرك كبي؛ چونكه؛ بونلر هيج بريني به ايمان ايتزلر و هيج برين طائمارلر.

بو آيتده بيان اولونديني وجهله اصول مذاهب آلتيدر. بونلردن هر بری كندی مذهبك حق اولديني ادعا ايدر لرسده حق تعدد ايتيمه يوب البته بر اولديني جهتله جناب حق يوم قيامتده حق اوزره اولانلره حقسز اولانلرك بينلريني فصل ايدده جكنی بيانله بو آيتده اهل ضلالي تهديد ومذهبلرينك بينلريني فصل ايتمكده اصلا ظلم اوليه جفته اشارت ايچون واجب تعالى علمنك هر شيني محيط اولديني دخي تصريح ايتميدر. چونكه؛ هر شينه عالمي حاضر اولونجه هر كسك استحقاقني بيلوب استحقاقنه كوره جزا ويره جكي آشكاردر. يوم قيامتده فرق لرك بينلريني فصل ايدده جكي محقق اولديغه اشارت ايچون جمله لر تحقيقه دلالت ايدن ﴿إِنَّ﴾ لفظيله وارد اولديني ابوالسعود افنديك جمله بياناننددر.

واجب تعالى اصول ادياني بيان دئصكره مشركلره تعريض و اديان باطله اربابي توبيخ ايتك اوزره ﴿أَلَمْ تَرَ أَنَّ اللَّهَ يَسْجُدُ لَهُ مَنْ فِي السَّمَوَاتِ وَمَنْ فِي الْأَرْضِ وَالشَّمْسُ وَالْقَمَرُ وَالنُّجُومُ وَالْجِبَالُ وَالشَّجَرُ وَالدَّوَابُّ وَكَثِيرٌ مِنَ النَّاسِ﴾ بيوريور.

[حييم؛ سن كورمدمكي؛ الله تعالى به كوكلرده ويرده اولان ذی روحك جمله سي و كونش وای وسائر ييلديزلر و طاغلر و آغاچلر و حيواناتك كافه سي و ناسدن چوقلری تواضع و تذلل صورتيله سجده ايدرلر.]

﴿وَكَثِيرٌ حَقَّ عَلَيْهِ الْعَذَابُ﴾

[وناسدن برچوق کیمسه لراوزرینه عذاب واجب اولدی.] چونکه؛ آنلر سجده دن امتناع ایتدیلر.

﴿وَمَنْ يُهِنِ اللَّهُ فَمَا لَهُ مِنْ مُكْرِمٍ﴾

[اگر بر کیمسه نك درجه سنی تنزیل ایتمکه الله تعالی آکا اهانت ایدرسه آنک ایچون هیچ اکرام ایدن بولونماز.] زیرا؛ اللهک ذلیل قیلدیگی کیمسه بی عزیز قیلان اولماز.

﴿إِنَّ اللَّهَ يَفْعَلُ مَا يُشَاءُ﴾

[زیرا؛ الله تعالی ایسته دیکنی ایشلر هیچ بر کیمسه مانع اولماز.]

یعنی؛ جیم! بیلمدکی کوکده اولان ملکر ویرده اولان انس و جنک جمله سی الله تعالی به تواضع ایدرلر و سجده به قاپانیرلر و کذاک کوکده اولان آی و کونش و ییلدیزلر اللهک اراده سنه قارشى سجده به قاپانمش کی انقیاد ایدرلر ویرده اولان طاعلر و آغاجلر و حیوانات جمله سی اللهک کندیلرنده واقع اولان تصرفاتنه اطاعت ایتمک صورتیه انقیادلرینی اظهار ایدرلر و ناسدن چوقلری سجده ایدر و چوقلری سجده دن امتناع ایتدکری ایچون اوزرلرینه عذاب واجب اولدی. واکر بر کیمسه به الله تعالی شقاوتله اهانت ایدرسه آکا سعادته اکرام ایدن اولماز. زیرا؛ الله تعالی دیله دیکنی ایشلر.

فخر رازینک بیاننه نظراً مکلف اولمایان مخلوقاتک سجده لری ایله مراد؛ طرف الرحمة کنده برینازل اولاده عوارضه و موادی ردا به میوب قبول ایتدیر. چونکه؛ امر السهی به مخالفت ایده مهملری مکلف اولانلرک سجده لرینه مشابه اولدیغندن تشبیه طریقیله «سجده ایدر» دنیلمشدرکه «امر السهی به اطاعت ایدرلر» دیمکدر. انسانلرکده طرف السهیدن کلن هر دورلو عوارضدن امتناع ایده مه یوب البته انقیاد ایتدکری جهته جمله سی سجده ایدیورلر سده بعضیلری مکلف اولدقلری سجده دن امتناع و تمرد ایتدکری جهته آنلرک اکثریسنک سجده ایتدکری بیانه سجده ایتمینلره تعریض اولوندیگی کی سجده ایتمینلر اوزرینه عذابک واجب اولدیگی تصریح ایدلشدر.

ابوالسعود افندینک بیانی وجهله بومقامده (الم تر) (الم تعلم) معناسنه یعنی رؤیت؛ علم معناسنده. لکن مخلوقاتک جناب حقه اطاعتلری معناسنه سجده لری کورمک شانندن

اولان هر کیمسه ایچون معلوم اولدیغنه اشارت اولمق اوزره علمدن رؤیتله تعبر اولونمشدر. یعنی (الم تعلم) یرنده (الم تر) دنیلمشدرکه «سجده ایدرجه سنه هر مخلوقک ربسنه اطاعتی کورمش کی کورمک شانندن اولان هر کیمسه بیلر» دیمکدر. بو آیتی اوقویان وایشیدن کیمسه به سجده ایتمک لازمدر.

خلاصه؛ جمله مخلوقات اراده السهی به قارشى مخالفت ایده مه یوب سجده ایدر کی الله اطاعت ایتدکری و انساندن برچوقلرینک بالفعل سجده ایدوب برقسه نكده سجده دن امتناع ایلدکری جهته عذابه مستحق اولدقلری واللهک اهانت ایتدیگی کیمسه به اکرام ایدن بولونمیه جفی و قوللرینه اهانت واکرامدن الله تعالی دیله دیکنی ایشله دیکی بو آیتدن مستفاد اولان فوائد جمله سندنر.

واجب تعالی ذات الوهیتنه جمله مخلوقاتک انقیادی بیاندنصره مؤمنلره یهودیلر آره سنده واقع اولان نزاعی بیان ایتمک اوزره ﴿هَذَانِ خَضِمَانِ اخْتَصَمُوا فِي رَبِّهِمْ﴾ بیوریور.

[شو ایکی خصم که مؤمنلره یهودیلر ربلرینک دیننده مخاصمه ایتدیلر.]

﴿فَالَّذِينَ كَفَرُوا قُطِّمَتْ لَهُمْ ثِيَابٌ مِنْ نَارٍ يُصَبُّ مِنْ فَوْقِ رُؤُسِهِمُ الْحَمِيمُ﴾

[شول کیمسه لره آنلر انبیادن به ضیسنی تکذیبله کفر ایتدیلر. آنلر ایچون جسملرینه آتشدن برر پارچه البسه ل کسیدلر و او آتش پارچه لری، اوزرلرینه کیدکری البسه ل کی هر طرفلرینی احاطه ایتدی و یالکز بونکله ده قالمالزلر. زیرا؛ باشلری اوزرینه حرارتی شدید صیجاق صو دو کولور.]

﴿يُضَرَّرُ بِهِ مَا فِي بُطُونِهِمْ وَالْجُلُودُ﴾

[او صیجاق صو ایله قارنلرنده اولان باغری صاقلری و ظاهرلرنده اولان دریلری آبر دو کولور.]

﴿ وَلَهُمْ مَقَامِعٌ مِنْ حَدِيدٍ ﴾

[و آنلر ایچون دمیردن قامچیلر واردر. اوزرلرینه مسلط اولان زبانیلر اوقامچیلرله آنلری منع ایدرلر.]

﴿ كَلَّا ارَادُوا اَنْ يَخْرُجُوا مِنْهَا مِنْ غَمٍّ أُعِيدُوا فِيهَا ﴾

[هر نه زمان که اهل جهنم جهنمدن و جهنمده آنلره اصابت ایدن غمدن چیقماق مراد ایدرلرله زبانیلر طرفدن آتشدن قامچیلرله جهنمه اعاده اولونورلر.]

﴿ وَذُوقُوا عَذَابَ الْحَرِيقِ ﴾

[و زبانیلر آنلره « طادک جهنمک عذابنی » دیرلر.]

یعنی؛ شواکی فرقه که مؤمنلرله کافرلر و بالخاصه یهودیلر ربلینک دیننده و ذاتنده وصفاتنده بربرلرینه خصومت ایتدیلر. چونکه؛ یهودیلر مؤمنلره « بز سزدن اولتز والله تعالی به الیقز و کتابمز ونیمز سزک کتابکز ونیکسزدن اولدر. بناء علیه؛ بز سزدن افضلر » دیدیلر. مؤمنلرده آنلره قارشنی « بز کندی نیمیزه و سزک نیکیزه و کتابلرک جمله سنه ایمان ایدوب تفریق ایتدیکمزدن البته بز افضلر » دیدیلر. بناء علیه؛ بونلردن کافرلر ایچون آتشدن البسهلر کسیدلی و اوزرلرنده اولان کوملک کبی آتش هر طرفلرینی احاطه ایتدی و بالکیز بونکله اکتفا اولونمازه بلکه اوزرلرینه صیجاق صو دو کولور که او صیجاق صو ظاهرلرینه و باطنلرینه تأثیر ایدر. بناء علیه؛ باطنلرنده اولان باغیر صاقلری و ظاهرلرنده اولان دریلری آریر دو کولور و آنلر عذابک شدتندن جهنمدن چیقماق ایسته دکلرنده آنلری منع ایتماق ایچون آنلر اوزرینه مسلط اولان زبانیلرک آللرنده دمیردن چوماقلر وار که هر نه زمان جهنمدن و جهنمک غمدن کندیلرینی طشره آتمق ایسته دکلرنده او چوماقلرله زبانیلر طرفدن جهنمه اعاده اولونورلر و آنلره « یاقیچی جهنمک عذابنی طادک » دینیر. فصل که بودنیاده حبسخانه لک قابولرنده بکجیلر واردر. او بکجیلر فرار ایتماق ایسته ینلری تفسکه و ورور قاچیرمازلر. جهنمده ده زبانیلر جهنم اهلنی محافظه ایدر طشره صالمازلر. شو حالده دنیاده جانیلرک جزالری ایچون ترتیب

اولونان حبسخانه لر؛ آخرتده جهنمک اوفاجق بر موده لی و نمونه سیدرلر. آنجق دنیاده کی عذابله آخرتده کی عذابک کیفیت و کیت نقطه سندن بربرینه قیاس قبول ایتمز درجه ده فرقلی اولدیغنده شبهه یوقدر.

نعمت الله افندی یهودله مؤمنلر آرهنده جریان ایدن خصومتی شویله تفصیل ایدر: یهودیلر « اللهمک خالص قوللری بز. زیرا؛ بزیم دینمز مقدم ونیمز مشرفدر. چونکه؛ کلیم خدادر و کتابمز افضلدر » دیمشلدی. مؤمنلرده بونلره قارشنی « اللهمک خاص قوللری بز. زیرا؛ بزیم عموم ادیانی ناسخدر ونیمز خاتم الانبیادر و مکارم اخلاقی متممدر و کتابمز کتب سابقه نک احکامنی جامعدر و بز انبیایه و کتابلرینه ایمان ایتدک و سزک کبی بعضیلرینی انکار ایتدک و سزیم نیمز حق اولدیغنی بیلیرسکز ولکن حسد کز ایمان کزیه مانع اولدی » دیمشلدی. جناب حق بو خاصمه یه اشارتله یهودک کفرلرینی و دوچار اولاجقلری عذابلرینی بیان ایچون بو آیتی ازال ایتشدر.

بیضاوینک بیانی وجهله حمیم؛ قاتار صوردر. (بصر) اربتیر دوکر دیمکدر.

﴿ مقامع ﴾ مقمعک جمعیدر. مقمع؛ برشتی منع و بزمر ایچونه و میردنه بالجمعه قامی مقامنده استعمال اولونانیه هرمانه دینیلر برشتیر. یعنی « جهنمه کیرن کافرلر ایچون آتشدن کوملک و باشلرندن دو کولور قاینار صو و ظاهرده دریلرینک و باطنده باغیر صاقلرینک آریوب دو کولسی و زبانیلرک آللرنده آنلری منع ایتماق ایچون دمیردن چوماقلر واردر که آنلر ایچون هر نوع عذاب حاضر لانتش » دیمکدر. حتی آنلر فرار ایتماق ایسته سه لر زبانیلر طرفدن اعاده اولونورلر. تفسیر مدار کده بیان اولوندیغنه نظراً اعاده ایله مراد؛ آتک هفیفنرده شرنه اعاده در، یوقسه جهنمدن انفصال ایدرلر و یا خود انفصال ایتماق ایچون تشبث ایدرلرده اعاده اولونورلر معانسه دکدر. چونکه؛ کفرله جهنمه کیرن کیمسه نک ابدأ جهنمدن انفکاک ایتیه جکی نصوص قطعیه ایله ثابتدر. بناء علیه اعاده نک معناسی؛ هفیف طبقرلرده شرتی طبقرلره اعاده در.

طبری و خازنک بیسانلرینه نظراً (قیس بن عباد) نک روایتله بو آیت یوم بدرده محاربه یه چیقان اسلام و مشرک فرقهلرینک خاصمه سنی بیان ایچون نازل اولمشدر. چونکه؛

يوم بدرده مشرک کردن (عتبه)، (شيبه)، (وليد) ميدانه چيقارلر. بونلره قارشى انصاردن برطائفه مقابله ايدنجه مشرکله انصار بزم کفومن دکدر. بزه قریشدن امثالز چيقسون» ديملى اوزرينه امر رسول الله ايله (حضرت على) (وليد) و (حضرت حمزه) (شيبه) به و (عبيده) حضرتلى ده (عتبه) به قارشى چيقارلر. حضرت حمزه (شيبه) بي وعلى (وليد) درحال قتل ايدرلر. و (عبيده) (عتبه) ايله چارپيشيرکن حضرت حمزه عتبه نك آياغنى کسر. عتبه جان آجيسى ايله همان مشرکله قوجاغنه دوشر. ايشته شو روايته نظراً بو آيت ايکي فرقه نك فعلاً مخاصمه لرينى حکايه ايدیور ديمکدر.

واجب تعالى ايکي خصم دن کافرلرک حاللرينى بياندنصرکه خصم آخراولان مؤمنلرک حاللرينى بيان ايتک اوزره ﴿إِنَّ اللَّهَ يُدْخِلُ الَّذِينَ آمَنُوا وَعَمِلُوا الصَّالِحَاتِ جَنَّاتٍ تَجْرِي مِنْ تَحْتِهَا الْأَنْهَارُ﴾ بيوريور.

[الله تعالى ايمان ايدن و عمل صالح ايشله ين کيمسه لرى آلتندن نهرلر جريان ايدر جنتلره ادخال ايدر.]

﴿يُحَلَّلُونَ فِيهَا مِنْ أَسَاوِرَ مِنْ ذَهَبٍ وَلُؤْلُؤًا وَلِبَاسُهُمْ فِيهَا حَرِيرٌ﴾
[اهل جنت جنتده آلتوندن يالاش و اينجولرله مزين بيله زيکله زينتله نير. حالبوکه جنتده آنلرک البسه لرى ايکدن طوقونمش حريردر.]

﴿وَهُدُوا إِلَى الطَّيِّبِ مِنَ الْقَوْلِ وَهُدُوا إِلَى صِرَاطِ الْحَمِيدِ﴾

[واهل جنت جنتده سوزک غايت کوزلى اولان کلمه توحيدده ارشاد اولونورلر و جمله عندنده محمود اولان اللهک طريقه هدايته قيلينيرلر.]

يعنى؛ جمله قوللرينه کونا کون تجلى بخش ايدن الله تعالى ذاته و صفاته و رسوللرينه و کتابلرينه ايمان ايدن و ايمانلرينى کوزل عمللرله تزين و تقرير ايدن خالص قوللرينى آلتندن ايرماقلر جريان ايدن جنتلرينه ادخال ايدر و اهل جنت باطنلرنده اولان اعتقاد حقه مکافات

اولارق ظاهرلرينى آلتوندن معمول و اينجولرله مرصع بيله زيکله تزين ايدرلر و آنلرک لباسلرى حريردر و اهل جنت يالکيز باطنلرينک سرورى و ظاهرلرينک زينتلرله قالمازلر بلکه سوزک غايت کوزله ارشاد اولونورلرک آنلر دنيا ده طوغرو سوز سويلک و انبياي و کتابلرينى تصديق ايتمکله متصف اولدقلرى کي جنتده الله شکر ايتمک کي کلمات طيبه ايله مشغول اولورلر و اللهک محمود و مرضى اولان طريق توحيدنه ارشاد اولونورلر.

فخر رازينک بياني وجهله بو آيت جليله ده مؤمنلرک آخرتنده ورت و مهرد دربرلرى

بيان اولونمش درکه کافرلرک درکه لرينه مقابلدر. برنجيسى؛ مسکنلرينک جنت اولوب جنتلره آفا صولرله فرمضا اولميسير. بوکا مقابل کافرلرک مسکنلرى جهنمدر.

ايکنجيسى؛ آتومه و اينجولرله زينتلرلر. بوکا مقابل کافرلرک باشلرندن صيچاق صو

دو کوله جکدر. اوچنجيسى؛ ملبوسانلرينک هربر اولميسير. بوکا مقابل کافرلرک کوملکي

آتشدن اولاجقدر. دردنجيسى؛ کوزل سوزه و طربس مهرد ارشاد اولونميسير. بوکا مقابل

کافرلرک، زبانلرک آتشدن قامچيلرينه معروض قالمليدر. بناء عليه؛ اهل ايمانک جنتده

راحتلرى هرجهتله تأمين اولونا جقدر. چونکه؛ انسان هر شيدن اول راحت ايدجک

بر مسکنه محتاجدر. مسکنى بولدقدنصرکه زينته هوس ايدر و کوزل البسه لرله کينمک

ايستر. بوندنصرکه کوزل سوزلرى سور. ايشته جنتده بونلرک جمله سى موجود اولاجنى

بو آيتده بيان اولونمشدر. شو حالده «اهل جنت هر آرزولرينه نائل اولاجقلر» ديمکدر.

قول طيب ايله مراد؛ کلمه نوبير و قرآنه و محدثلرلر. يا خود اهل جنتک نائل

اولاجقلرى بشيرات و تلطيفانه دأر سوزلردر. چونکه؛ ملکلرک اهل جنتى قبل السهيدن

هديه لر و سلاملرله قارشيلايه جقلرى ديگر نصوص جليله ايله ثابتدر. صراط حميد ايله مراد؛

کنديلمرينه ظهور ايمده جک انکشافات الربه در.

مؤمنلرک حال و شانلرينه اهتمام و حسن حاللرينک کافرلرک حاللرينه منافي اولديغنه اشارت

ايچون آنلرى جنته ادخال ايتمک الله تعالى به اسناد اولوندينى و امور مؤمنينه زياده اعتنايه اشارت

ايچون تحقيقه دلالت ايدن (إِنَّ) لفظى وارد اولدينى ابوالسعود افندينک جمله بيانلاندندر.

خلاصه؛ الله تعالى نك مؤمنلری جته ادخال ایدم جکی ومؤمنلرك جتده انواع
زیتله ترین ایدم جكلری ولباسلرینك ایپكدن معمول اولاجنی وسوزك كوزله وطریقك
ممدوح اولانته ارشاد اولوناجكلری بوآیتدن مستفاد اولان فوائد جمله سندندر .

✱ ✱
✱

واجب تعالى كافرلك ومؤمنلك بعض حاللرني بياندنصكره مسجد حرامه تعظيم لازم
ايكن كافرلك اهل ايماني طريق السهيدن ومسجد حرامدن منع ابتدكلرني بيان ايتكم
اوزره ﴿ اِنَّ الَّذِيْنَ كَفَرُوْا وَيَصُدُّوْنَ عَنِ سَبِيْلِ اللّٰهِ وَالْمَسْجِدِ الْحَرَامِ الَّذِيْ
جَعَلْنَاهُ لِلنَّاسِ سَوَاءً اَلْعَاكِفِ فِيْهِ وَالْبَادِ ﴾ بيوريور.

[شول کیمسه لکه آنلر کافر اولدیلر و کفر لری ایله برابر ناسی دین الهمیدن و مسجد حرامدن منع ایدرلر . ایشته بونلر عذابه مستحق قدر . زیرا ؛ بز او مسجد حرامی ناس بیتده مساوی قیلدق . بناء علیه ناس ؛ کرك مسجد حرامده مقیم و کر کسه بادیه دن گلش مسافر اولسون جمله سنک مسجد حرامه و دین الهمی یه نسبت لری بر در . یکدی کیرندن فرقلری یوقدر . شو حالده هیچ بر کیمسه نك دیگرینی منع ایتمه صلاحیتی یوقدر .]

﴿وَمَنْ يُرِدْ فِيهِ بِالْحَادِ بِظُلْمٍ نُدَقُهُ مِنْ عَذَابِ آلِمٍ﴾

[اگر بر کیمسه مسجد حرامده حقندن میل ایدہ رک بغیر حق کوتولک مراد ایدر
وہر کسی زیارتدن منع ایدرسہ بز آکا عذاب الہی طادیریرز .]
مشرکر اہل اسلامی بیت شریفی زیارتدن وحج و عمرہ کی عبادتدن منع ایتدکاری
ایچون جناب حق مشرکاری بو مثللو ظلمدن نہی ایتشدرد . سبیل الہی ایلہ مراد ؛ ویمہ
اسوم و ہجرنہ . چونکہ ؛ ابتداء اسلامده مشرکر اہل اسلامی ہجرتدن و دین اسلامہ
دخولدن منع ایدرلردی .

بیاضوینک بیانی وجهله عاکف ؛ بیت سربفده اقامت اجمه کیسه دره . اما او کیسه
کرك حرم اهلیندن اولسون و کرکسه خارجدن زیارت ایچون کلش اوراده اقامت .

اتمسکده بولونسون فرق بوقدر. بناء علیہ؛ اقامتہ نیت ایدنجہ یرلی ویایانجی مساویدر. باد ؛
بربربرہ مسافرنہ کلمہ زیارت ایروب کیرہ جک کیمسور. شوقدر کہ یالکز بادیدہ در کلنلرہ
منحصر دکلدر، خارجدن وهرهانکی بلده دن کلیرہ کلسون بالعموم مسافرلرہ شاملدر.
بناء علیہ؛ مقیم ومسافر حرم شریفہ نسبتلہ مساوی اولدینی جهتہ مؤمن اولارق حرمی
زیارتدن هیچ برکیمسہ ممنوع دکلدر.

فخر رازی و خازنک بیانلرینه نظراً حرم شریفه نسبتله ناسک مساوی اوللری
ایله مراد ؛ تعظیم و حرمت ایتمک و نماز قیلمه و طواف ایتمک و حرمه داخل اولمه
و عبادتک فضیلتنه نائل اولمده مساوی اولوب برلینک یانجییه نسبتده فضل بر استغناقی
اولامقده . آیتده مسجد حرام ایله مراد ؛ حرم شریفک کلبیدر . یالکیز بیت شریف
دکلدر . حرمده جمله ناس مساوی اولدیغندن امام اعظم غننده ارض مکه هیچ بر
کیسه نک ملکی اولاماز . اگر ملک اولسه یرلی و یا بانجی مساوی اولمازدی . رسول للهک
(مکه مباح لمن سبق الیها) حدیث شریفیده ارض مکه نک جمله یه مساوی اولوب هیچ
کیسه نک ملکی اولیه جفته دلالت ایدر . (ابن عمر) ک و (عمر بن عبدالعزیز) ک مذهبلری ده
بودر . اما امام شافعی غننده مسجد حرام ایله مراد ؛ یالکیز مسجد شریفدر . بناء علیه ؛
آنک غننده ارض مکه ملک اولور و بیع و شرایی جائزدر و حضرت عمرک زمان خلافتده
حبس خانه اولق اوزره مکدن بر خانه صائون آلمی ده بیع و شرانک جوازینه دلالت ایدر .
(بالحداد) الحداد ؛ استفاضه انحراف ایتمکدر . بناء علیه الحداد ؛ شرک ایتمک و منه
اولله آوی آولامس و احرامسز مکبره کبرمک و مطعومانده اعتقاد ایتمک کبی بالصوم
کناهلره شاملدر . چونکه ؛ حرم شریفده عبادتک ثوابی بویوک اولدینی کبی کناهلرک
جزاسی ده بویوکدر . زیرا ؛ ازمنه و امکانه نک عبادتک ثوابنده مدخلی اولدینی کبی قباحتک
و جنایتک جزاسنده دخی مدخلی وارددر .

فخر ازینک بیانہ نظرآ انسان اعضا عیندں بالفعل صادر اولان کنایہ سییلہ عذابہ مستحق اولدینی کی کناء ایشلہ مک مراد ایتہ ولکن بالفعل کناء ایشلہ مسہ حرم شریفہ اولدینی جہتلہ بنہ عذابہ مستحق اولور .

نیسابوری وفخر رازینک (ابن عباس) حضرت لرندن روایتلرینه نظراً بو آیت جلیله (ابوسفیان) و آرقداشلری حقلرنده نازل اولمشدر. چونکه؛ آنلر رسول اللهی واصحابی حج و عمره ایتمکدن و حرم شریفده قربان کسمکدن منع ایتدیلر. رسول الله اوسنه مشرکله محاربه بی موافق کورم دیکندن (حدیبیه) ده مصالحه عقد ایتدی و مصالحه نك صورت عقدی و حادثه نك جریان (سوره فتح) ده مفصلاً بیان اولوندیغنه بناء بو مقامده (حدیبیه) وقعه سنی ذکره حاجت کورولمه مشدر. ایشته مشرکله رسول اللهی اصحابیله برابر مسجد حرامی زیارتدن منع ایتدکلری ایچون جناب حق بو آیتله اهل شرکی تهدید ایتمش و مشرکله عادتلی یالکز زیارت ایدجکلری زیارتدن منع ایتمکله قالمایوب دین اسلامه دخولدن دخی منع ایتدکلرینی بیان بیورمشدر.

خلاصه؛ ناسی کعبه بی زیارتدن و اسلامه دخولدن منع ایدن کافر لک معذب اولاجقلری ویرلی و یابانجی حرم شریفه نسبتلی مساوی اولدینی و حرم شریفده ظلمی ارتکابه استقامتدن چیقان کیمسه نك هر کسدن زیاده عذاب الیمی طاده جنی بو آیتدن مستفاد اولان فوائد جمه سنددر.

واجب تعالی حرم شریفه یرلی و یابانجی مساوی اولدینی جهتهله هیچ کیمسه نك دیکرینی منعه حق اولمادیغنی بیاندنصرکه کعبه معظمه بی حضرت ابراهیمک بنا ایتدیکنی بیان ایتک اوزره ﴿وَإِذْ بَوَّأْنَا لِإِبْرَاهِيمَ مَكَانَ الْبَيْتِ أَنْ لَا تُشْرِكْ بِي شَيْئًا وَطَهِّرْ بَيْتِيَ لِلطَّائِفِينَ وَالْقَائِمِينَ وَالرُّكَّعِ السُّجُودِ﴾ بیوریور.

[ذکر ایت حییم؛ شول زمانی که اوزمانده بز ابراهیم علیه السلامه بیت شریفک مکاتی تعیین و او مکانی آکا مرجع قیلدق و ابراهیم علیه السلامه وحی ایتدک و دیدک که «سن بکا هیچ بر شئی شریک قیلما و بیتمی، زیارت و طواف ایدنلره و قائم اولوب عبادتله مشغول اولانلره و رکوع و سجود ایدنلره بر طاقم لایق اولمادق شیلردن تطهیر ایت.»]

یعنی؛ بزم مسجد مزه حرمت ایتک لازمدر. زیرا؛ بز او مسجدی لایق اولمادق

شیلرک جمه سندن تطهیر ایتدک. یا اکرم الرسل؛ ذکر ایت شول زمانی که اوزمانده بز ابراهیم علیه السلامه بیتک محلی تعیین و آنک بناسنی امرله بقی آکا مرجع قیلدق و هیچ بر شئی بکا شرک ایتمه سنی و طواف ایدنلر و قیامده عبادت ایدنلر و اکیلوب رکوع ایدنلر ویره یاتوب سجده ایدنلر ایچون بیتمی تطهیر ایتسنی وحی ایتدک.

ابوالسعود افندینک بیاننه نظراً ابراهیم علیه السلامک کعبه بی بناسی، کعبه نك ایکنجی بناسیدر. چونکه؛ کعبه معظمه بسره کره بنا اولونمشدر. برنجیسنی؛ حضرت آدم بنا ایتمه و او بنا طوفان نوحده غیب اولمشدر. ایکنجیسنی؛ بو آیتده بیان اولوندینی و بزرگ ابراهیم علیه السلام بنا ایتمه. اوچنجیسنی؛ زمان جاهلیده اسلامک ظهورندن اول قریسه بنا ایتمه و بو بناده رسول الله ده بولونمشدر. دردنجیسنی؛ ایه زبیر حضرت لری بنا ایتمه. بشنجیسنی ده؛ محاج ظالم بنا ایتمه.

فخر رازی و نعمت الله افندینک بیانلری و جهله برنجی بنانک اثری طوفانله زائل اولوب بیتدن اثر قالمامشدی. جناب حق وحی ایله ابراهیم علیه السلامه بیتک محلی بیلدیرر. ابراهیم علیه السلام معلوم اولان محلاک اوزرینی آچار و حضرت آدمک وضع ایتدیکنی تملی بولور و او اساس اوزره تکرار بیتی بنا ایدر و بیتک بناسنده آنجق رضاء باری بی قصد ایدوب باشقه بر غرضی شریک ایتمه سنی تنبیه ایچون واجب تعالی ابراهیم علیه السلامه «بکا شرک ایتمه» بیورمشدر، یوقسه «حاشا حضرت ابراهیمدن شرک ایتمک متصور ایدی ده شرکدن نهی ایتدی» معناسنه دکلددر. چونکه انبیادن شرکک وقوعی ملحوظ دکلددر.

بیت شریفی تطهیرله مراد؛ او مقامده بیتک اثری قالمادیغنی جهتهله اوزرینه آتلمه اولونه شیلردنه تطهیر ایتمکدر. آیتده ذکر اولونان قیام و رکوع و سجودله مراد؛ صومدر. زیرا؛ صلاتده طهارت مطلوب اولدینی کبی ارکاننده دخی طهارتک لزومه اشارت ایچون صلاتک ارکانی ذکر اولونمشدر.

خلاصه؛ واجب تعالی ابراهیم علیه السلامه بقی بنا ایتسنی امر ایدوب محلی تعیین و طواف ایدنلر و نماز قیلانلر ایچون بیتک طهارتی لازم اولدینی جهتهله بقی تطهیر ایتمکله

امر ایلدیکی و صلاتک جمیع ارکانده طهارتک لزومه اشارت ایتدیکی بیت شریفی بنادن مقصد؛ آنجق رضاء باری اولق لازم اولدیغی بو آیتدن مستفاد اولان فوائد جمله سنددر.

واجب تعالی ابراهیم علیه السلامه بیتک محلی تعیین ایدوب تطهیر ایتسنی امر ایتدیکی بیاندنصره ناسی بیت شریفه زیارته وجه دعوت ایتسنی امر ایتدیکی بیان ایتک اوزره ﴿وَأَذِّنْ فِي النَّاسِ بِالْحَجِّ يَأْتُوكَ رِجَالًا وَعَلَى كُلِّ ضَامِرٍ يَأْتِينَ مِنْ كُلِّ فَجٍّ عَمِيقٍ﴾ بیوریور.

[یا ابراهیم! سن ناسه حجی اعلان ایت. آنلر سنک بیتکی زیارته یایا اولارق و هرزون دوه اوزرنده کلرلرکه او دوه لر پک اوزاق محللردن کلرلر. بناء علیه؛ دعوت ایت ناسی یایا و بنیدلی اولدقلری حالد کلسونلر و زیارت ایتسونلر.]

یعنی؛ بز حضرت ابراهیمه بیتی بنا و تطهیر ایتسیله امر ایتدک و بنا ایتدکن صکره ناسی حجه دعوت ایتسیله دخی امر ایتدک و دیدک «یا ابراهیم! سن ناسی صوت بالا ایله حجه دعوت ایت که آنلر یایا و بنیدلی اولدقلری حالد اوزاق محللردن کلسونلر».

بیضاوینک بیانی وجهه ضامر؛ بول بورومکره ضعیف و شمس دوه که «اوزاق یولدن کلدیکندن یورغون، دیمکدر. فج؛ ایکی طاغ آرمند غایت واسع بول دیمکدر. عمیق؛ دربه و اوزاق معناسه اولدیغدن فج عمیق دیمک؛ اوزاق بول دیمکدر. (رجالاً) یایا و یاده اولره کیمه لرور.

فخر رازی و نسابورینک بیانلرینه نظراً حجی اعلان امر؛ حضرت ابراهیمه در. چونکه؛ ابراهیم علیه السلام بیتی بنا ایدنجه جناب حق ناسی حجه دعوت ایتسنی امر ایتدی. بناء علیه؛ (جبل صفا) و یاخود (جبل ابی قیس) اوزرنده «ای ناس! الله تعالی شو بیتی حج ایتکزی سزه فرض قیلدی، دیمکله بیت شریفی زیارته حج ایتک عندالله مقبول بر عبادت اولدیغی ناسه اعلان و دعوت ایدر. ایشته بودعوته اجابت

ایدن حج ایدر واجبت ایتمین حج ایتمز. مدار کده بیان اولوندیغی وجهه یایا حج ایدنلرک زحمتی چوق و بناء علیه؛ اجری زیاده اولاجغدن شرفلرینه بناء یایا اولانلر آیتده تقدیم اولونمشدر. بو آیتده حجی اعلان امر یعنی (واذن) خطاب؛ رسول الله اولق محتملدر. بوکا نظراً رسول الله حجه الوداعده ناسه مهم و صایاده بولوندیغی خطبه سنده، ناسی حجه دعوت وارکائی و دیانت اسلامیه حجت اهمیتنی بیانه بو امر الهینک معناسی ادا ایتمشدر.

واجب تعالی حجه امری بیاندنصره حجتدن مقصد اصلی بیان ایتک اوزره ﴿لِيَشْهَدُوا مَنَافِعَ لَهُمْ﴾ بیوریور.

[ناسه سن حجی اعلان ایت که آنلر کندیلرینک منافع دینه و دنیویله رینه حاضر اولسونلر.]

﴿وَيَذْكُرُوا اسْمَ اللَّهِ فِي أَيَّامٍ مَعْلُومَاتٍ عَلَىٰ مَا رَزَقَهُمْ مِنْ بَهِيمَةِ الْأَنْعَامِ﴾ [و آنلر معلوم اولان کونلرده آتی ییلن حیواناتدن اللهک آنلری مرزوق ایتدیکی قربانلر اوزرینه اسم الهی ذکر و او قربانلرله اللهه تقرب ایتسونلر.]

﴿فَكُلُوا مِنْهَا وَأَطِعُوا النَّاسَ الْفَقِيرَ﴾

[اللهک اسمی ذکر ایدره ک کسدیککز قرباندن سز بیک و شدتله فقره مبتلا اولانلرده او قربانلردن اطعام ایدک.]

یعنی؛ بز انسانلری حجه دعوتله امر ایتدک که آنلر دنیوی و اخروی منفعتلری و عفو و مغفرتلری و بربرلریله الفت و انسیتلری موجود اولان مبارک محلله حاضر اولارق او محک برکتدن مستفید اولسونلر و طریق توحیدده اولان منافی و اخوت اسلامیهک آناری اولان یکدیگری ایله الفت و انسیتی و بربرله طایشمقده اولان فوائدی مشاهده ایتسونلر و کلمه توحید آلتده برلشدکلری کبی کعبیه توجه و زیارته جمله سنک بلا فرق مساوی اولدقلرینی و دین الهیده زنکین و فقیر هپسنک مرتبه سی بر اولدیغی و اطراف طامده اهل اسلامک احوالی یلسونلر. و حیواناتدن اللهک مرزوق ایتدیکی رزقلر

اوزينه معلوم اولان كونلرده اللهك اسمنى ذكر ايتسونلر كه اوحوانلر اسم اللهه تطهير
وتزكيه اولونسون و ذكرله حيوانلرى قربان ايدنجه ائلرندن يمك سزك ايجون مباحدر.
بناء عليه؛ كنديكز يدككز كى شدله فقير اولانلره دخى ييدردك كه اطعام طعام
جهتندن ده اللهه تقرب ايدسكز.

مدار كده بيان اولوندينى وجهله منافع ايله مراد؛ افعال محبة منافع دينيه
ودنيويه. چونكه عبادت؛ نفسى اتمه و اتمانه ايجونه مشروع قيلمشدر. زيرا؛
عبادت و عبادتله امتحان يالكرز بدله اولور؛ صوم و صلات كى و يالكرز مال ايله اولور؛
زكات كى. اما مجده عبادت بدنيه و عبادت ماليه هرايكيسى ده موجود اولدينى كى مسافرت
واولاد و عيالدن واحبايدن مفارقت مشقتلرينه صبرى دخى متضمن اولديغندن نفسى امتحان
خصوصنده عبادتلك جمله سته فائق اولدينى جهته افضل عبادتدر.

بو آيتده ايام معلومات ايله مراد؛ زى الحججك اولنره اونه كونه بايام و ايام
شريفدر. بهيمه انعام ايله مراد؛ قربانه هائ اولنره دوه، قيوه و صيفيردر. اللهك
مرزوق ايتديكى رزق له مراد؛ قربانه و سائر اموالدر. حجك فرض اولمسنده
ايكى حكمت يانه اولومشدر؛ برنجيسى؛ منافع دينيه حاضر اولمدر. ايكنجيسى؛
ايام معينه اللهى ذكر اتمكدر. چونكه؛ مشركر ايام مجده قربانلرينك اوزرينه بوتلرينك
اسمنى ذكر ايتدكردن آنلره رغماً جناب حق اهل اسلامه كندى اسم جليلنى ذكرله
امر اتمشدر. اللهك اسمنى ذكرله كسيلن قربانك اتى ييمكه امر؛ اباحه ايجوندر. بناء عليه؛
قربان اتى يمك مباحدر، واجب دكلدر. زمان جاهليه ده مشركر قربانلرينك اتى ييمكه
كبر ايدرلر و تماماً فقرايه ويرلردى. جناب حق آنلك خلافته مؤمنلره قربانلرينك
اتندن ييمكى مباح قيلمشدر. شدله فقره مبتلا اولانلره اطعام ايتديرمكه امر؛ وجوب
ايجوندر. زيرا؛ اشد احتياجه محتاج اولانلرى احتياجدن قورتارمق البته لازمدر.

﴿ثُمَّ لَيَقْضُوا تَقْتَهُمْ وَلِيُؤْفُوا نُذُورَهُمْ وَلِيَطَّوَّفُوا بِالْبَيْتِ الْعَتِيقِ﴾

[افعال حجنى بيتيرد كدنصكره اوزرلرنده اولان كبرى و احرام ايجنده حاصل اولان

تلقى ازاله ايتسونلر و احرامدن چيقسونلر و طيرناقلرينى و بيقلرينى كسسونلر و طراش
اولسونلر و نذرلرينى ايفا ايدرك اسكيدن برى زيارته محل اولان بيت شريفنى طواف
ايتسونلر .]

واجب تعالى حجى بيتيرد كدنصكره اهل ايمان ايجون بو آيتده اوج وظيفه يانه اتمشدر.
برنجيسى؛ مباحك اوزرلرنده بولونانه كيرلرى ازاله اتملرمدر. ايكنجيسى؛ نذرلرى
داره اتى ادا اتملرمدر. اوچنجيسى؛ بنى طواف اتملرمدر. بوراده طواف ايله مراد؛
طواف زيارتمدر كه بو طواف؛ عرفانه صكره موك ايلانلره اولنره طواف افاضه و فرضدر.
بناء عليه؛ بو طوافى تركله حج فاسد اولور. زيرا بو آيتده طوافله امر؛ وجوب ايجوندر.
طواف؛ اويردر؛ برنجيسى؛ طواف قدوم كه مكبه يكي كلن كيمسك طوافير و سئندر.
ايكنجيسى؛ طواف زيارتمدر كه عرفانه صكره فرضه اولنره طوافدر. اوچنجيسى؛
طواف و داعدر كه مكده آبره و صوم كيمسك طوافير. بولردن ماعدا نافله اولارق
هر كس ايسته ديكى قدر طواف ايدر. زيرا طواف؛ عبادتدر.

بيت شريفى هباركك سلطانلره آزاد ايتديكى ايجونه جناب حق بيت شريفه عتيق
ديمشدر. ير يوزنده عبادت ايجون اول بنا ايدليكندن اسكى بر بيت اسمنه لايقدر.
بناء عليه؛ بيت عتيقه عنوانيله ياد اولومشدر.

خلاصه؛ اوزاق يوللردن ناس كلسون ايجون حضرت ابراهيمك حجى اعلانه مأمور
اولدينى و حجك فرض اولومشنده كى حكمت؛ حجاجك منافع دينيه لرنه حاضر اولوب ايام
معلومه اولان حج كونلرنده قربانلرى اوزرينه اللهك اسمنى ذكر ايتلرى اولدينى و قربان
اتندن يمك مباح اولوب فقرايه اطعام واجب اولدينى و افعال حجدن صكره اوزرلرنده
اولان كيرلرى ازاله و نذرلرينى ايفا و بيت شريفنى طواف لازم كلديكى بو آيتدن مستفاد
اولان فوائد جمله سئندر.

واجب تعالی افعال حجك بعضیسی بیاندنصكره افعال حجك مؤمن ایچون ایشله نسی لازم اولدیغنی بیان ایتك اوزره ﴿ ذَلِكْ ﴾ بیوریور .

[مؤمنه لایق اولان حال و شان افعال حجی ایشله مکدر .] یعنی ؛ اهل ایمان شویان اولونان افعالی ایشله سونلر .

﴿ وَمَنْ يُعْظِمْ حُرْمَاتِ اللَّهِ فَهُوَ خَيْرٌ لَهُ عِنْدَ رَبِّهِ ﴾

[اکر بر کیمسه ایام حجه اللهك حرام قیلدیغنی شیلردن اجتنابه حرام اولان شیئك عظمتی بیلیر و قاجتمقله تعظیم ایدرسه او تعظیم ربسی عندنده کندی ایچون خیرلیدر .]

﴿ وَأُحِلَّتْ لَكُمْ الْآَنَامُ إِلَّا مَا يُشْلِي عَلَيْكُمْ ﴾

[سزك ایچون دوه ، قون و صغیر کبی حیواناتك اكلی حلال قیلندی ، الا حرام اولدیغنی بیان ایچون قرآنده سزك اوزریكزه تلاوت اولونان شیلر مستنادر .]

﴿ فَاجْتَنِبُوا الرِّجْسَ مِنَ الْأَوْثَانِ ﴾

[حال بویله اولونجه نجاسته بکزه من بوتلره عبادتکزدن حاصل اولان عذابدن اجتناب ایدك .]

﴿ وَاجْتَنِبُوا قَوْلَ الزُّورِ ﴾ خُفَاءَ لِلَّهِ غَيْرٌ مُّشْرِكِينَ بِهِ ﴿

[الله شرك ایتمیجی اولدیغکزر حالده عبادتکزدن الله اخلاص و باطلدن حقه میل ایدرک یالان سوزلردن دخی اجتناب ایدك .]

یعنی ؛ بر کیمسه حج زماننده ارکان حجی ادا صره سنده حرمت اولونمی لازم اولان تکالیف الهیهیه تعظیمله حرمتی اخلاص ایتمه دن افعال حجی اکال و شرعاً تعظیمی لازم اولان کعبیه و بلده حرامه و شهر حرامه تعظیم ایدرسه بواکال و تعظیم ربسی عندنده آنك ایچون خیرلیدر . سزك ایچون حرمتنه دائر ایت تلاوت اولونان شیلردن ماعداد اتی نیلین حیواناتك اتی یمك و سودینی ایچمك و یوکیله انتفاع ایتك و الله تقرب ایچون قربان کسمك حلال قیلندی . اللهك حلال قیلدیغنی شیلر سزه حلال قیلتنجه نجاسته بکزه من بوتلره عبادتدن اجتناب ایدك . زیرا ؛ آنلره عبادتدن حاصل اولان وزر و وبال عین نجاست

کبی قنادر و سز الله شرك ایتمیجی اولدیغکزر حالده عبادتکزدن اخلاص ایدرک یالان سوزدن و افترا دن و بهتان دن و سائر باطل شیلردن اجتناب ایدك و حقدن باطله میل ایتمك . قاضی و تفسیر خازنده بیان اولوندیغنی وجهله بوآیتده قول زور ایله مراد ؛ بالوجه

شهادت اولدیغنه (ایمن بن خریم) دن روایت اولونان بر حدیثله استدلال اولونمشدر . چونکه ؛ رسول الله بر خطبه سنده « یالان یره شهادت شرکه معادلدر » بیوروب بوآتی قرائت ایتدیکنی (ایمن) حضرتلری روایت ایتمشدر . توحیدك و طوغرو سوزك اهم اموردن و اعظم خیراتدن اولدیغنه اشارت ایچون واجب تعالی تعظیمی لازم اولان تعظیمك خیرلی اولدیغنی بیاندنصكره شرکدن و یالاندن اجتنابك واجب اولدیغنی دخی بیان ایتمش و بوتلردن اجتنابك غرائم اموردن اولدیغنه اشارت ایچون بوتلره ربسی دینمشدر .

چونکه رجس ؛ نجاست معناسندر . بوتلر طاشدن و آغا جدن و سائر معدنیاتدن اولدیغنی جهته عینلری نجاست اولمادیغنی حالده نجاست تعبیری نجاستدن طبیعتك نفرت ایتدیکی کبی بوتلردن ده نفرت ایتك لازم اولدیغنه اشارتدر .

خلاصه ؛ اللهك حرام قیلدیغنی شیلرک حرمتی اعتقاد ایدرک تعظیم ایتك خیرلی اولدیغنی و حرام اولدیغنی بیان اولونانلردن ماعدا حیواناتك حلال اولدیغنی و اخلاص اوزره توحیده دوام ایدوب باطله میل ایلهمك و شرك ایتهمك واجب اولدیغنی و بوتلره عبادتدن و یالاندن اجتناب ایتك لازم کلدیکی بوآیتدن مستفاد اولان فوائد جمله سندندر .

**

واجب تعالی شرکدن احترازك لزومی بیاندنصكره مشرکلك حاللرینی بیان ایتك اوزره ﴿ وَمَنْ يُشْرِكْ بِاللَّهِ فَكَأَنَّمَا خَرَّ مِنَ السَّمَاءِ فَتَخْطَفُهُ الطَّيْرُ وَتَهْوِي بِهِ إِلَى مَكَانٍ سَحِيقٍ ﴾ بیوریور .

[اکر بر کیمسه شریك و نظیردن منزّه اولان الله تعالی به شرك ایدرسه کأن او کیمسه سمان دوشدی و لاشه یدییجی قوش آنی قاپدی کوتوردی و یاخود روزکار آنی آلدی غایت اوزاق بر مکانه آتدی که او محلدن اصلاً خلاص اولاماز .]

یعنی؛ مشرک اولان کیمسه نفسی شو ایکی هلاکدن برینه بکزه یمن برهلاکله هلاک ابتدای که کائن سبایه مشابه یوکسک برمحلدن یوز اوسق دوشوب هلاک اولمقله لاشه ییجی ویرتیجی قوشک کوتوروب تنها برمحلده ییدیکی کیمسه کی محو اولور ویاخود سمان دوشوب معمور اولان یرله اینه جک ایکن روزگار آنی اوزاق وشلکدن خالی برمحله آتسیله تلف اولان کیمسه نك تلفی کی تلف اولور . بناء علیه؛ شو ایکی صورتله تلف اولان کیمسه ده حیات قالمایوب وقور تولق احتمالی اولمادیکی کی شرک ایدن مشرک هلاک وعذابدن نجات احتمالی ده یوقدر .

تفسیر خازنده بیان اولوندینی وجهله ایمان؛ علموتیه سبایه بکزه . ایماندن چیقان کیمسه؛ سمانه دوشوب هلاک اولانه کیمسه بکزه . انسانی ایماندن چیقاروب تلفنه سبب اولان شهوات نفسانیه؛ سمانه دوشوب شخصی قابوب کیمسه بیرتیجی قوشه بکزه و او شخصی آلداتوب شرک ایتدیرن شیطانلر؛ اوزاق وادیده آتانه روزگار بکزه که تنها وادیلده یالکز باشنه قالمق انواع هلاکی موجب اولدینی کی شرده انواع هلاکی موجبدر . بیضاوینک بیانی وجهله خَرّ، سمانه یوز اوسق دوشوب (فتخطفه الطیر) اویسمیری قوشه قابوری کونوردی معناسه در . (فی مکان سحیق) اوزاق مظهر دیمکدر . تفسیر طبریده بیان اولوندینی وجهله بوآیت جلیله مشرک اولان کیمسه نك هدایتدن وطریق صوابه اصابتدن غایت اوزاق اولدینی وهلاکنک کیفیتنی تمثیل وتصویر ایچون وارد اولمش وشرک نه کی بویوک مهلکه یه سبب اولدینی بیانله انسانلری طریق توحیده دعوت ایتشدیر .

**

واجب تعالی مشرک حالی تصویر وهلاکنی بیاندن صکره هلاک لایق ومستحق اولدینی بیان ایتک اوزره ﴿ ذَلِك ﴾ بیوریور .

[الله تعالی یه شرکه، قدرینی تقدیرایده مه یوب سوء ادیده بولونان کیمسه شویان اولونان ایکی هلاکدن بریسی کی برهلاکله هلاک اولاجق وعاقبتنده نجات بولامیه جقدر .]

﴿ وَمَنْ يُعْظَمَ شَعَائِرَ اللَّهِ فَإِنَّهَا مِنْ تَقْوَى الْقُلُوبِ ﴾

[اکر بر کیمسه اللهک دینته وحجک فرضلرینه وموقعلرینه وقربانلره تعظیم ایدرسه آنک تعظیمی قبلرنده تقوی اولان کیمسه لرك افعالندن بر فعل مدو حدر .]

﴿ لَكُمْ فِيهَا مَنَافِعُ إِلَىٰ أَجَلٍ مُّسَمًّى ثُمَّ مَحِلُّهَا إِلَى الْبَيْتِ الْعَتِيقِ ﴾

[سزک ایچون اللهک شعائرندن اولان قربانلرده، کسبله جکی وقت معینته قدر منفعتلر واردر . چونکه؛ سودندن ویوغوردندن ویوکلرندن انتفاع ایدرسکزه . صوکره او قربانلرک کسبله جک محلی بیت شریفک اطرافیدر و آنلری قربان ایتدکدنصکره سزک ایچون آخرت منفعتلری ده وار که دنیا منفعتلرندن ده اعلادر .]

یعنی؛ ارکان حجه اجرایی لازم اولان مراسم دینییه تعظیمده قبلرنده الله قورقوسی اولان کیمسه لرك تقوایی واردر . بناء علیه؛ بومراسمه تعظیم ایدنلر اللهدن قورقانلردر . زیرا؛ اللهدن قورقایانلر بومراسمه تعظیم ایتک شویله طورسون اهمیت بیله ویرمزلر . وسزک ایچون بومراسمی وقت معینته قدر اداده برچوق منفعتلر واردر .

بیضاوی ومدارک بیانلرینه نظراً شعائر دینییه دن اولان قربانلره تعظیم؛ کوزل و قیمتنی وبرهاسی یوکسک اولمقله . چونکه؛ رسول الله حجه یوزدوه هدی کونوردی و آنلرک ایچنده غنیمتدن آلتان ابوجهلک غایت قیمتدار وبورنی حلقه لی دوه سی دخی واردی . حضرت عمر غایت قیمتلی دوه سنی قربان کوندرمش حتی اودوه نك اوچ یوز دینار قیمتلی اولدینی و اوچ یوز دیناره طالی بولوندینی حالده کوندرلدیکی مرویدر . زیرا؛ قربان اولان حیوان نه قدر قیمتلی اولورسه ثوابنک ده اوقدر چوق اولاجقنده شبهه یوقدر .

آیتده اجل مسمی ایله مراد؛ قربانلرک کسبله جکی وقت معین دیمکدر . بوکا نظراً

منافع ایله مراد؛ منافع دنیویه در که قربانه اولوبجیه قدر او میوانده بایمونه انتفاعدر .

یاخود اجل مسمی ایله مراد؛ وفات زمانیدر . بوکا نظراً معنای نظم؛ [شعائر

دینییه نك هر برنده حین وفاتکزه قدر منفعتلریکزه واردر . زیرا؛ آنلردن هر برینی مأمور اولدیغکزه وجهله ادا ایتمکزه استفاده واردر که هر برینی برینه کتیرمکله مأجور

اولورسكز وبالخاصه مناسك حجن قربانلريكزده آخرتده چوق منفعت كوره جكسكز .
آنلری قربان يابدقدنصكره ثوابلرينك محلی اعمال حسنەك رفع اولونديغی بیت عتيقدر .
خلاصه ؛ شعائر دينيه رعایتك تقوادل اولديغی وشعائر دينيه دنوي و اخروي
منفعتلر بولونديغی وقربانلرك كسيله جك محللری كعبەك اطرافی اولديغی بو آیتدن مستفاد
اولان فوائد جمله سنددر .

* *

واجب تعالی افعال حجن بعضیلرینی بیاندنصكره حجك بو امته مخصوص اولمایوب
ام سالفهده دخی بولونديغی بیانله عبادت حجی ادایه امت محمدی ترغیب ایتك اوزره
﴿ وَلِكُلِّ أُمَّةٍ جَعَلْنَا مَنَسَكًا لِّدِكُرْوَاتِ اللَّهِ عَلَىٰ مَا رَزَقَهُمْ مِنْ بَهِيمَةٍ
الْأَنْعَامِ ﴾ بیوریور .

[بز هرامت ایچون بر قربان محلی تعیین ایتدك كه آنلر دوت آياقلى آتی ینیلن حیواندن
اللهك آنلری مرزوق ایتدیكى حیوانلری قربان ایتدكلرنده اللهك اسمنی ذکر ایتسونلر .]

﴿ فَالْحُكْمُ لِلَّهِ وَاحِدٌ فَلَهُ أَسْلِمُوا ﴾

[هرامت ایچون قربان محلی تعیین ایدنجه معبودكز بردر ، بناء علیه ؛ آنجق او
معبوده انقیاد ایدك .]

یعنی ؛ بز هراهل دین ایچون قربان کسیره جك وحج ایدیله جك بر محل خلق ایتدك كه
آنلر مرزوق اولدقلری بهایمی قربان کسدكلرنده اللهك اسمنی او قربان اوزرینه ذکر
ایتسونلر و هرامت و اهل ایمان ایچون قربانله تقرب ایتدی وظائف دینه دن قیلنجه سرك
جمله كزك معبودكز بردر . شوخالده آنجق او معبوده انقیاد ایتك اوزریكزه واجبدر .
بناء علیه ؛ قربانلریكزك اوزرینه معبودكزك اسمنی ذکر ایتكز لازمدر . چونكه ؛
اللهك غیرینك اسمنی ذکر ایتك شرك اولدیغی كبی غیرك اسمنی ذکر اولونان قربان رضایه
مخالف اولقله ینمسی جائز اولمایان برلاشه اولاجنی جهته دنوي و اخروي انتفاع ؛
آنجق اللهك اسمنی ذکر و اللهه انقیاد ایتكزه باغلیدر .

فخر رازینك بیانی وجهله تكالیفك جمعیسنده اللهه انقیاد ایدوب تكالیفی اداده
اصلا شركك و اخلاصك خلافی بر شیدك شائبه سی اولماق اهم اولدیغنه اشارت ایچون
حصره دلالت ایدن تقدیمله ﴿ فله اسلموا ﴾ بیورمشدر . چونكه ؛ ﴿ فله ﴾ نك مقدم اولسی
حصره دلالت ایتدیكى كبی ﴿ اسلموا ﴾ ده كال انقیادك لزومنه دلالت ایدر . بناء علیه ؛
هر عبادتنده عبدك توجه تامی آنجق ربسنه اولدیغی كبی قربانله تقریده دخی توجهی آنجق
ربسنه اولق و غیره اولماق لازم اولدیغنه دلالت ایدر .

بیضاوینك بیانی وجهله منسك ايله مراد ؛ محل قربان و عبادت معناسنده . هرامت
ایچون عبادت محلی خلق ایتكدن مقصد ؛ معبودی تذکر ایتك اولدیغنه اشارت ایچون
عبادت محلی خلق ایتك اسمنی ذکر ایتلریله تعلیل ایتشدر . قربانك قیون ، دوه
وصیغیردن اولسی واجب اولدیغنه اشارت ایچون انعام ذکر اولونمشدر .

* *

واجب تعالی قوللرینك ذات الوهیتنه تسلیمیت کامله لری لازم اولدیغنی بیاندنصكره
تسلیمیه لازم كلان تواضعك فائده سی بیان ایتك اوزره ﴿ وَبَشِّرِ الْمُخْبِتِينَ ﴾ الَّذِينَ إِذَا
ذُكِرَ اللَّهُ وَجِلَتْ قُلُوبُهُمْ ﴾ بیوریور .

[حییم ؛ تبشیرایت متواضع و مطیع و متقاد اولان شول کیمسه لری كه اللهك اسمی
ذکر اولوندیغنده آنلرك قلبلری اللهك غضبندن قورقار و بو قورقورلینه مكافات اولارق
بویوك ثوابله آنلری مزدهله كه مسرور اولسونلر]

﴿ وَالصَّابِرِينَ عَلَىٰ مَا أَصَابَهُمْ ﴾

[وشول کیمسه لری دخی تبشیر ایت كه آنلر کندیلرینه خستهلق و فقرالق کبی
اصابت ایدن مصائبه صبر ایدرلر .]

﴿ وَالْمُقِمِّي الصَّلَاةِ ﴾

[نمازلرینی شرائطنه وسنن و آدابنه رعایت ایدرك اوقات مخصوصه سنده اقامه ایدن کیمسه لری

بویوک ثوابله تبشیر ایت . [زیرا ؛ آنلر هر کون وقتی فوت ایتیمکسزین مکلف اولدقلری نمازی یرینه کتیردکلرندن ثوابله تبشیره لایقلدردر .

﴿ وَمِمَّا رَزَقْنَاهُمْ يُنْفِقُونَ ﴾

[و بزم کندیلرینی مرزوق ایتدیکمز رزقدن فقر اوضعفادن محتاج اولانلره اتفاق ایدن کیمسهلری مثوبات عظمی ایله تبشیر ایت .] زیرا ؛ آنلر کندیلرینه مخصوص اولان رزقلرینک بر قسمی رضاء الهی ایچون محتاج اولانلره ویرمکله فقرای مسرور ایتلرینه مکافات اولارق تبشیراته مسرور اولغه مستحقدرلر .

یعنی ؛ متواضع و مطیع اولانلری حییم ! سن بویوک ثوابله تبشیر ایت . زیرا ؛ آنلر شول کیمسهلرکه اللهک اسمی ذکر اولوندیغنده اللهک قهرندن آنلرک قیلرلی قورقار و توپلری نوردر . چونکه ؛ آنلر اللهک عاصیلردن انتقام آلمغه قادر اولدیغنی بیلیرلر . و شول کیمسهلر ثوابله تبشیره شایاندلرکه آنلر کندیلرینه اصابت ایدن بلایه صبرله مکلف اولدقلری نمازی اقامه ایدر و مرزوق اولدقلری رزقلدن محتاج اولانلره اتفاق و خیراته صرف ایدرلر .

تفسیر طبریده بیان اولوندیغنی وجهله مخبتین ؛ قورقوبلر برابر نواضع و اضطرار عبادته معی ابرمه و قلبی الله مطمئن اولانه کیمسهلر . چونکه اخبات ؛ تمامیه الله انقیاد ایتیمکدر . تمامیه انقیاد ایسه نواضع و غیره معی و اضطرار اوزره عبادت ایتیمک و اللهک لطفه قلبی مطمئن اولمغه اولاجغنی جهنم مخبت آنجه شو صفتلر کندیرسنده بولونانه کیمسهلر . اللهک قورقوسی ؛ انسانمه ایکی شی حاصل ایدر : برنجیسی ؛ مکردهانه و مصائب صبر ایتیمکدر . ایکنجیسی ؛ عبادتمرکه اوده یا ابرمه ایلر اولور : نماز کی . یا خود مال ایلر اولور : فقرایه اتفاق و خیراته صرف ایتیمک کی . جناب حق بو آیتده بونلرک هر جمله سنی جمع ایلشدره بناء علیه ؛ ثوابله تبشیره لایق اولانلرک بسه صفتنی ذکر ایتیمکدر : برنجیسی ؛ نواضع ، ایکنجیسی ؛ الله تعالی ذکر اولوندیغنده قلبی نیتره بوب قورقوس ، اوچنجیسی ؛ بویوک

صبر ایتیمک ، دردنجیسی ؛ نمازینی ادا ایتیمک ، بشنجیسی ؛ مالکک بعضیسنی فقرایه و غیراته صرف ایتیمکدر . ایشته شو صفتلر کندیرسنده بولونان کیمسهلرک بویوک درجه لره تبشیره لایق اولدقلرینی جناب حق بو آیتله بیان بیورمشدر .

واجب تعالی قربانله تقریبک هر اتمه مشروع اولدیغنی کی بو اتمه دخی مشروع اولدیغنی بیاندنصکره حیوانات ایچندن قربان اولغه لایق اولانلری بیان ایتیمک اوزره ﴿وَالْبُدْنَ جَعَلْنَاهَا لَكُم مِّنْ شَعَائِرِ اللَّهِ لَكُمْ فِيهَا خَيْرٌ﴾ بیوریور .

[دوهلری سزک ایچون اللهک دینته علامتیلر قیلدق که اودوهلرده سزک ایچون منافع دینیه و دنیویه واردر .] چونکه ؛ دنیاده سودینی ایچر ، یاغنی بیر و بویوکنی البسه یا پارکی و اوزرینه یوکلرکی یوکلر تیر ، بیزر ایسته دیککسز یره کیدرسکسز و قربان کسر آخرتده اجره نائل اولورسکسز . بناء علیه ؛ دوهلرده سزک ایچون خیر کثیر واردر .

﴿ فَأَذْكُرُوا لِّلَّهِ عَلَيْهَا صَوَافَ ﴾

[اکر سز اودوهلری قربان کسمک قصد ایدرسه کز آیغنگ بری باغلی و اوچ آیاغی اوزرینه قائم اولدیغنی حالده اودوهلر اوزرینه اللهک اسمنی ذکر ایدک و قربان اولق اوزره کسک .]

﴿ فَأَذَا وَجَبَتْ جُنُوبُهُمْ أَفْكُلُوا مِنْهَا وَأَطَعُوا الْقَانِعَ وَالْمُعْتَرَّ ﴾

[او دوهلری کسوب قابورغلری یعنی یانلری اوزرینه یره یا تنجه او دوهلرک ائندن کندیکسز بیک وقناعت ایدوب ذل و سئوالی اختیار ایتمین فقیره و احتیاج اثری سئوالی اختیار ایدن فقیره اطعام ایدک قربانکسزک ائندن بییدیرک که بو جهتله دخی اجره نائل اولاسکسز .]

بیضاوینک بیانی وجهله دوهلرک برنی یعنی جسمی بویوک اولدیغنده بدنه دینمشدر . آیتده (والبدن) بدنک جمعیدر . صواف ؛ بر آیاغی باغلی اوچ آیاغی اوزرینه قائم اولور

مَالِصاً لِّوَجْهِ اللَّهِ قَرِيباً كَسِيلِ دَوْدَ . (فاذا وجبت جنوبها) يَانِي اَوْزَرِيْنَه بِاَتْمَقْدَرِ كِه
مَوْنَدِه كَنَابَرِ . قَالَع ؛ كَنَدِي مَانِه مَنَدِه اَوْتَرُوب سَوَالِه رَغْبَتِ اِتْمَرِيْنَه فَقِيرِ . مَعْتَرِ ؛
دِيْلَجِيْلِكِي اَمْتَبَارِ اِمْرِه فَقِيرِ .

الله تعالى دوهی قربان قیلغی مشروع قیلدیغندن دوهنك قربان اولسی دین الیهینك
علامتلرندن اولدیغی بیان ایتدیکی کبی قربانلره تعظیم ذات الوهیتته دلالت ایدن اسم
ذاتیسنه مضاف قیلنرق (من شعائر الله) دنیلمشدر . قربان اوزرینه ذکر اولونان اسم
(الله اكبر لا اله الا الله والله اكبر اللهم منك واليك) جمله شریفه سیدر . بو آیتده
قربان اُتی یمکله امر ؛ اباحه ایچوندر . فقیرلردن (قانع) اولان ، (معتر) اولاندن یعنی
دیلنجیلکی ارتکاب ایتمین ارتکاب ایدندن افضل اولدیغنه اشارت ایچون قانع ، معتر
اوزرینه تقدیم اولونمشدر . شو تفصیلاته نظراً معنای آیت : [دوهلری بز سزك ایچون
قربان اولدقلری جهته الهك علامتلی قیلدق . زیرا دوهلرده سزك ایچون دنیوی و اخروی
چوق خیر واردر . او دوهلری قربان کسمك مراد ایتدیکی کزده او دوهلرك بر ایاغی
باغلی اوچ ایاغی اوزرینه قائم اولدقلری حالد سز تکبیرایله الهك اسمی ذکر ایدك و خالصاً
لوجه الله کسك و کسلوب یانی اوزرینه یادیغنده اودوهلرك اُتندن کندیکز ییک . زیرا ؛
اُتندن یمك سزك ایچون مباحدر و کندیکز ییدیکی کز کبی قناعت ایدن فقرايه وقناعت
ایتمه یوب دیلنجی اولان فقرايه دخی اطعام ایدك] دیمکدر .

* *

واجب تعالی دوهده اولان خیر کثیری بیاندنصکره دوهلرك انسانه اطاعتلری نعمت
اولدیغندن او نعمتك شکرینی ادا لازم اولدیغی بیان ایتك اوزره ﴿ كَذَلِكَ سَخَّرْنَاَهَا
لَكُمْ لَعَلَّكُمْ تَشْكُرُونَ ﴾ بیوریور .

[بزم سزه امر ایتدیکمز وجه اوزره قربانکزه سزك شکر ایتمکز ایچون بز سزه
دوهلری مطیع قیلدق که سز آنلردن انتفاع ایده سکز و بو انتفاعکزه مقابل مأمول که
شکر ایدرسکز .] چونکه ؛ دوهنك قوت و متانتنه قارشى سزك کمال ضعفکزه برابر سزه

اطاعت ایتلری سزك شکر یکزی ایجاب ایدر نعمتلردندر . زیرا ؛ دوهده اولان جسماته
نظراً اگر یرتیجی حیوان کبی اطاعتسز اولمش اولسه ایدی انساندن یوز کیشی بر آرایه
کلسه اطاعت ایتدیرمك ممکن اولامیه جنی معلوم بر حقیقتدر . حال بویله ایکن الی ویا
یوز دوهنك بر کیشی به اطاعتی آنحق جناب حقك انسانلره بویوک بر لطفنك اثریدر .

* *

واجب تعالی قربانلرك علامات دیندن بولوندیغی و قربان اوزرینه اسم الیهینك ذکر
واجب اولوب اُتندن یمك مباح و هر دورلو فقرايه اطعام ایتك امر مشروع اولدیغی
بیاندنصکره قرباندن مقصد رضاء باری اولدیغی بیان ایتك اوزره ﴿ لَنْ يَنَالَ اللَّهُ لُحُومُهَا
وَلَا دِمَآؤُهَا وَلَكِنْ يَنَالُهُ تَتَقْوَى مِنْكُمْ ﴾ بیوریور .

[قربانلرك اُتی قانی الله تعالی به واصل اولماز ولكن سزدن صدور ایدن تقوی الهك
رضاسنه واصل اولور .]

﴿ كَذَلِكَ سَخَّرَهَا لَكُمْ لِشُكْبَرُ وَاللَّهُ عَلَى مَا هَدَيْكُمْ وَبَشِّرِ الْمُحْسِنِينَ ﴾

[قربان کسمکزی امر و کسلیمسنك کیفیتنی سزه تعریفمز مثللو کسمکزده
قولایلق اولسون ایچون الله تعالی دوهلری سزه اطاعتلی قیلدی که الهك سزی هدایتده
قیلوب و ایمانه ارشاد ایتدیکنه بناءً الله تعالی به تکبیرله تعظیم ایده سکز . حییم ! الهی
کوزمش کبی ارباب احسانی سن تبشیر ایت .]

یعنی ؛ الله تعالی به مجرد قربانك اُتی وقانی واصل اولماز . زیرا ؛ الله تعالی اُتلك وصولندن
واو اُتلك انتفاع ایتمکدن منزهدر ولكن الله تعالی به عبادته دوام ولوجه الله قربانه تقرب
وحرماندن قاجینمقدن عبارت اولان تقوا کز واصل اولور . زیرا ؛ عند الوهیتته قبول
اولونان بونلردر ، یوقسه عین اُت وقان مقصد اصلی دکدر . مقصد اصلی ؛ رضایه مرفوعه
عملمدر . ایشته الله تعالی احکامنی بیان و قربانلریکزی کسمك اصولنی سزه تعریف
ایتدیکی کبی سزك تکبیرله ذات الوهیتته تعظیم و باشقه لرینك قادر اولامادیی شیلره الهك
قادر اولدیغی بیلیمکز ایچون اودوهلری کمال جسمات و قوتلری ایله برابر سزه اطاعتلی

قيلدي كه اللهك هدايته تشكر ايدسكز . حليم ! تبشير ايت شول كيمسهلري كه آنلر عبادتيرينه دقت و اعتنا ايله ادا و فقرا كروهنه اطعام ايتمكه احسان ايدرلر وربلرينه تعظيمده اصلا قصور ايتزلر . بناء عليه ؛ بوتون عبادتيريني ربليزي كورمش كبي ادا ايتدكلرندن اجر عظيمه تبشيراته مستحقلدردر .

فخر رازي و خازنك بيانلري وجهله بو آيت عادت جاهليه يي رد و ابطال ايچون نازل اولمشدر . چونكه ؛ زمان جاهليه ده قربانلرينك قانلريني بوتلرينه و كبه نك ديوارينه سورمكه تقرب قصد ايدرلر و قربانندن مقصد « آتي فقرايه ويرمك و قاني كبه يه سورمكدن عبارتدر » ديمكه كبه نك ديوارلريني تلويث وشو افعال قبيحه لريني عبادت عد ايدرلردى . جناب حق قربانندن مقصدك آتي ايله قاني اولماديغني بيانله آنلرك اعتقادلريني رد ايتمش و قربانندن مقصدك امر السهي يي يرينه كيتيرمك اولديغني بيان بيورمشدر .

خلاصه ؛ انسانك انتفاعي آنجق عمليله اولوب قربان ياميش اولديغني حيوانك آتيله و قانيله اولماديغني والله تعالى اجسامك وصولندن منزله اولوب قربانله امردن مقصد ؛ آنجق عبدك امر السهي يه امثالله سعي ايلسي و تكاليف السهي دن مطلوب ايسه عبدك اوتكليفه لايقيه تعظيم ايتسي اولديغني بو آيتدن مستفاد اولان فوائد جمله سنددر .

**

واجب تعالى افعال حجي و قربانلري و قربانده اولان . منافع دينيه و دنيويه يي بياندنصكره بوكي بويوك فائدهلري اكتساب ايتمك يوللرك امين اولسنه متوقف اولوب كافرلرك مداخله لري صورتنده امن طريق اولاميه جفته بناء اهل ايمانك قلوبلرينه عارض اولان قورقورلريني ازاله

ايتمك اوزره ﴿ إِنَّ اللَّهَ يُدَافِعُ عَنِ الَّذِينَ آمَنُوا ﴾ بيوريور .

[الله تعالى مؤمنلردن كافرلرك شرلريني زياده سييله دفع ايدر .]

﴿ إِنَّ اللَّهَ لَا يُحِبُّ كُلَّ خَوَّانٍ كَفُورٍ ﴾

[زيرا ؛ الله تعالى امانته خيانت و كفران نعمت ايدنلرك هيچ برينه محبت ايتمز .]

يعني ؛ اهل ايمان مشركلرك عداوتلرندن و يوللرينه مداخله ايدم جكلرندن قورقاسونلر .

زيرا ؛ قوللرينك جمله ايشلرينه و حاللرينه مطلع اولان الله تعالى كافرلرك شرلريني الله ورسوله ايمان ايدن مؤمنلردن شدتله دفع ايدر . بناء عليه ؛ حج ايتمك ايستين اهل ايمان كافرلرك شرلردن تلاش ايتسونلر . چونكه ؛ الله تعالى امانته خيانت و تكاليف السهي يي قبولدن امتناعله خيانتني اظهارله نعمت السهي يه كفر ايدن هر كافر ي سومز . شو حالده سوديكي مؤمنلري سومديكي مشركلرك شرلردن و فتنه و فسادلردن حفظ ايدم جكني جناب حق قوللرينه بو آيتله وعد ايتديكي كبي اهل ايمانك مشركلره غلبه ايدم جكلريني دخی تبشير ايتمشدر .

كافرلر اله يي اقرار ايتدكلري حالده عبادتيريني غيره يامليله بويوك خيانتده بولونديقلرينه اشارت ايچون خائن اولدقلري مبالغه صيغه سييله بيان اولونديغني كبي اللهك بويوك نعمتيرينه مستغرق اولدقلري حالده شكريني ادا ايتم يوب جنابت عظيمه ده بولونديقلرينه اشارت ايچون (كفور) صيغه ذميه سييله مبالغه صورتيله وارد اولمشدر كه كفرده اصرار و زياده خائن اولدقلري تصريح اولونمشدر .

هرنه زمان مشركلر مؤمنلري اضرار قصد ايدرلرسه جناب حق آنلرك شريني دفع ايدم جكنه اشارت ايچون تكرره و استمراره دلالت ايدن (يدافع) مضارع صيغه سييله وارد اولديغني ابوالسعود افندينك جمله بيانلر سنددر .

**

واجب تعالى كافرلرك مؤمنلره اذالري تشدد ايدنجه مقاتله يه اذن ويرديكني بيان ايتمك اوزره ﴿ أذن للذين يقاتلون بأنهم ظلموا وإن الله على نصرهم لقدير ﴾ بيوريور .

[ظلم اولونملري سبيله مقاتله اولونان مؤمنلره طرف السهي دن قتاله اذن ويرلدي . حالبوكه الله تعالى آنلرك يارديمبلرينه البته قادردر .]

يعني ؛ كافرلردن واقع اولان انواع اذى و ظلمله مظلوم اولان مؤمنلره ظالم اولان كافرلره مقاتله يه طرف السهي دن رخصت ويرلدي . حالبوكه الله تعالى مؤمنلره يارديم ايتمكه قادردر . بناء عليه ؛ جناب حقك نصرتي جلبه وسيله اولان اسباب مادييه و آلات حربيه يه واسباب معنويه اولان عبادته توسل ايدن اهل ايمان نصرت السهي يه مظهر اولاجقلردر .

قاضينك وخازنك ونعمت الله افنديك بيانلرينه نظراً بو آيت ؛ اصحاب رسول الله حقنده نازل اولمشر . چونكه ؛ رسول اللهك هجرتندن اول مکه مشرکلى اهل ايمانه جوق اذى وظلم ايتمشر وحقى ضرب وجرح کي ظلملرده جسارت ايتمشردى . مظلوم اولان اصحاب ، رسول اللهه شکایت ايدرلر و قتاله اذن ايسترلر . فقط رسول اللهه هنوز قتاله اذن کلدیکي واذن الهينک ورودينه قدر صبر ايتلريني توصيه ايدردى . بو منواله اوزره کافرلرک ظلملري آرئدى ومؤمنلرک فريادى تزايد ايتدى . حقى قتالدن منع حقنده يتمش کسور آيت نازل اولدى ورسول اللهک هجرتنى وقوع بولدى واهل ايمانه قوت کلدی ومدينه اهاليسى ظهير اولدى . بناء عليه ؛ جناب حق بو آيتله قتاله اذن ويردى . بو اذن ؛ مقاتله ايتمک اوزره هجوم ايدنلره مدافعهيه رخصتدن عبارتدر ، يوقسه قتاله مباشرتله امر دکلددر . مدافعهيه رخصتله برابر واجب تعالى مؤمنلره نصرتى ده وعد ايتدى . قتاله حقنده اول نازل اولان آيتک بو آيت اولدينى مرويدر . قتالک مشروعيته سبب ؛ اهل ايمانک مظلوم اولملري وظلمک رفعى واجب اولميدر . جناب حقک مظلوملره اعانه ايددهجکي وعد ايتمى مظلومه نصرت ايددهجکيه دليل قويدر .

نعمت الله افنديک بياننه نظراً بو آيت ، قتالى منع حقنده نازل اولان آيتلري نسخ ايتمشر وظلم وتعدى صورتيله اوزرلرينه کلنلره مدافعهيه اهل ايمان مأذون قيلنمشردر .

**

واجب تعالى مظلوم اولان مؤمنلرک قتاله مأذون اولدقلى بياندنصکره قتاله مأذون اولانلرک کيملر اولدينى بيان ايتمک اوزره ﴿الَّذِينَ أُخْرِجُوا مِنْ دِيَارِهِمْ بِغَيْرِ حَقٍّ إِلَّا أَنْ يَقُولُوا رَبُّنَا اللَّهُ﴾ بيوريور .

[قتاله مأذون اولانلر شول کيمسلرک آنلر بغير حق مملکتلرندن چيقارلدیلر . حالبوکه آنلرک مملکتلرندن چيقارلسنه هيچ بر سبب يوق ، آنحق «بزم ربمى الله تعالى در» ديملى واردر .] بناء عليه ؛ بوتلره عبادتى ترکله «بزم ربمى ذات الوهيددر» ديملى دشمنلري حقارنده قصور عدايتديلر ووطنلريني ترکه مجبور ايددهرک ديار غريبه دوشوردیلر .

﴿وَلَوْلَا دَفْعُ اللَّهِ النَّاسَ بَعْضَهُمْ بِبَعْضٍ لَهْدِمَتْ صَوَامِعُ وَبِيَعُ وَصَلَوَاتُ وَمَسَاجِدُ يُذْكَرُ فِيهَا اسْمُ اللَّهِ كَثِيرًا﴾

[اکر ناسک بعضيسنى بعضيسيله الله تعالى دفع ايتمه مش اولسه ايدى رهبانلرک عبادت خانه لري اولان صومعه لري ونصارانک کلیسالى ويهودک نماز محللري واهل اسلامک مسجدلري ييقيلير خراب اولوردى . او مسجدلرک آنلرده الله تعالى نك اسمى جوق ذکر اولونور .]

يعنى ؛ الله تعالى اولياسنه البته نصرت ايدر . زيرا ؛ اللهک ويللري شول کيمسلرک آنلر وطنلرندن وکندى خانه لرندن بغير حق ظلمله اخراج اولونديلر . حالبوکه آنلرک بلده لرندن اخراج اولونملرينه بر سبب يوق ، الا کلمه توحيدله ايمانلريني اظهار ايددهرک «ربمى الله تعالى در» ديملى واردر . چونکه ؛ آنلرک دشمنلري نظرنده قصورلري کلمه توحيدى تکلملريددر . کلمه توحيد ايسه آنلرک اخراجنى ايجاب ايتمک شوبله طورسون بلکه بلده لرنده تقررلريني ايجاب ايدردى . زيرا ايمان ؛ تعظيم وتوقيره وسيله در ، يوقسه تحقيره وسيله دکلددر واکر الله تعالى ناسک بعضيسنى بعضيسينه مسلط ايددهرک شري دفع ايتمه مش ودوستلريني دشمنلرينه مسلط قيلمامش اولسه ايدى اسم الله جوق ذکر اولونان عبادت خانه لري ييقيلير خراب اولوردى . زيرا ؛ مشرکلى سائر متدين ملتلر اوزرينه استيلا ايتمک صورتيله نصارانک کلیسالى ويهودک نماز قیلدقلى محللريني ومؤمنلرک مسجدلريني تخريب ايدر بر شى براقازلردى ولكن اللهک قوللرينه مرححقى ايجابى بعضيسيله ديکرىنى دفع ايدر . بناء عليه ؛ عالمده ظلم تعمم وتمادى ايتمز وبعض ملتده بعض زمان وقوعبولان ظلمه قارشى ديکرىنى خلق ايدر ومظلوملري ظالمک آلندن قورتارر .

تفسير خازنده بيان اولونديغنه نظراً آيتک معناسى شوبله در : [اکر الله تعالى ناسک بعضيسيله بعضيسنى دفع ايتمه مش اولسه ايدى هينينک زماننده اعدانک تسلطيله عبادت محللري هپ ييقيليردى . مثلاً حضرت موسى زماننده کلیسالى و حضرت عيسى زماننده ييهلروصومعه لري و حضرت محمد عليه السلام زماننده مسجدلر خراب اولوردى . کلیساويبعه نك زمانلري مقدم اولديغندن امت محمده مخصوص اولان مسجدلر اوزرينه تقديم اولونمشر .]

ایدوب یالکز شخصلریله مشغول اولماز، بلکه ابناء جنسلرینی اصلاحه دخی سعی ایدرلر. بناءً علیه؛ عقلانک تحسین ایتدیکی معروفاته امراید و طبعاً فنا اولان منکرآدن نهی ايله سائر انسانلرک نقصانلرینی اکیاله چالیشیرلر. حالبوکه هر کسک هرايشلرینک عاقبتی الله تعالی به مخصوصدر. زیرا؛ هر شینک خالق اودر.

فخر رازینک بیانی وجهله بو آیت جلیله بغير حق مملکتلرندن چیقاریلان مهاجرین کرامه مخصوص و آنلری مدح ایچون وارد اولمشدر. کندیلرینه سلطنت ویریلوب شو آیتده بیان اولونان احکام اربعه بی تماميله اجرا ایدن؛ خلفاء اربعه اولدینی جهته بو آیت خلفاء اربعه نك امامتلینه دلالت ایدر. چونکه بو آیتده بیان اولونان احکام؛ لایقيله و تماماً آنلرک زمانلرنده اجرا اولونمش و بوفضيلت آنلره میسر قیلنمشدر. زیرا؛ مهاجرین و انصار و سائر خلفادن بوا حکامی تماميله اجرا اتمک فضيلته نائل اولان خلفاء اربعه دن باشقه اولماشدر. بناءً علیه؛ امر بالمعروف و نهی عن المنکر لایقيله اجرايه آنجق خلفاء راشدين حضراتی موفق اولایلمش و ممالک اسلامیه صورت شریعه ده آنلرک زمانلرنده توسع ایتمشدر. چونکه؛ دین الهی به نصرتلری اللهک نصرتی جلب ایده رک کا هو حقه شریعت تعالی ایتمش و علوم و معارف ایلری کتمشدر. آنجق هر زمانده ممکن اولدینی قدر امر بالمعروف ايله مشغول اولانلر بولونور و لکن تمامی اجرا اولونماز.

**

واجب تعالی کافرلرک اهل اسلامی بغير حق مملکتلرندن چیقاردقلرینی و مؤمنلره مقاتله به اذن و یردیکنی و دیننه یارديم ایدنلره نصرت ایده جکنی و دین الهی به نصرت ایدنلرک اقامه صلات و اداء زکات و امر بالمعروف و نهی عن المنکر له مشغول اولدقلرینی بیاندنصکره رسول اللهی تکذیب ایدنلرک تکذیبلری یکی برعادت اولمایوب اسکیدن بری جاری اولان برعادت اولدینی بیانه رسولی تسلیه ایتک اوزره ﴿وَإِنْ يُكَذِّبُوكَ فَقَدْ كَذَّبَتْ قَبْلَهُمْ قَوْمُ نُوحٍ وَعَادٌ وَثَمُودٌ وَقَوْمُ إِبْرَاهِيمَ وَقَوْمُ لُوطٍ﴾ وَاَنْحَابُ مَدَیْنِ ﴿بیوریور.

[حییم؛ اکر مشرکر سنی تکذیب ایدرلر سه سن محزون اولما. زیرا؛ سنک امتکدن اول نوح علیه السلام قومی وعاد و ثمود قومی کندیلرینی ارشاد ایچون کوندریلن رسوللرینی و ابراهیم علیه السلام قومی ابراهیمی و لوط علیه السلام قومی لوطی و اصحاب مدین شعیب علیه السلامی تکذیب ایتدیلر.]

﴿وَكَذَّبَ مُوسَى﴾

[و بالخاصه بویوک و آچیق معجزدرله مالک اولان موسی علیه السلام فرعون و قومی طرفندن تکذیب اولوندی.]

﴿فَأَمَلَيْتُ لِّلْكَافِرِينَ﴾

[بو قوملرک رسوللرینی تکذیب ایتلری اوزرینه کافرلره بن مهلت و یردم و عقوبتلرینی تأخیر ایتدم که استدر اجرلی زیاده اولسون.]

﴿ثُمَّ أَخَذْتُهُمْ﴾

[بو مهلتدن صکره بن آنلری انواع عقوبته مؤاخذه ایتدم و هر برینی آیری بیلارله مبتلا قیلدم.]

﴿فَكَيْفَ كَانَ نَكِيرِ﴾

[بز آنلری عذابه مؤاخذه ایدنجه آنلرک افعالی انکار من نصل اولدی؟] و ایشلرینی انکار من آنلرک هلاک لرینه سبب اولما دیمی و انکار منک اثری ظهور ایتدی و رسوللرینی تکذیبلری آنلرک نعمتلرینک نهمته و راحتلرینک محنته و کثرتلرینک قلته و حیسانلرینک موته و عمارتلرینک خرابيته تبدیلنه سبب اولما دیمی و رسوللریمزه و عدمزی ایفا ایتدکمی؟ حییم؛ رسل کرام برادرلریکه و عدمزی ایفا ایدوب دشمنلرینی قهر ایتدی کمزکی سکاده و عدمزی ایفا و دشمنلریکی قهر ایده جکزه. بناءً علیه؛ صبره ملازمت ایتلیسک. چونکه؛ دشمنلریکه مهلت و مساعدده البته بر حکمته مبیدر.

بیضاوینک بیانی وجهله حضرت موسای تکذیب ایدن کندی قومی اولان بنی اسرائیل اولمایوب قبیللر اولدیغنه اشارت ایچون حضرت موسای تکذیبده قوم لفظی وارد

اولممش وحضرت موسانك معجزه سی پك آچیق اولدیغندن آنی تكذیب غایت اشع اولدیغنه اشارت ایچون آنی تكذیب آریجه ذكر اولومشدر .
كافرلك كفرلرینی تصریحله ذم زیاده اولسون ایچون اسم ضمیر مقامنده اسم ظاهر اولارق (فاملیت لكافرین) وارد اولدیغنی ابوالسعودافندیك جمله بیاناتنددر . چونكه ؛
(لكافرین) بدنده (لهم) دنیلسه اولوردی ولكن كفرله ذم اولمازدی ..

*
**

واحب تعالی بر طاقم كچمش ملتیری رسوللرینی تكذیبلری سببيله اهلاک ایتدیكنی بیاندنصكره اهلاکلرینك کیفیتنی بیان ایتك اوزره ﴿ فَكَأَيِّنْ مِنْ قَرْيَةٍ أَهْلَكْنَاهَا وَهِيَ ظَالِمَةٌ فَبَقِيَ خَاوِيَةٌ عَلَى عُرُوشِهَا وَبِثَّرِ مَعْطَلَةٌ وَقَصْرٍ مَشِيدٍ ﴾ بیوریور .
[چوق قریه لر ظالم اولدقلری حالده بز او قریه اهاالیسنی اهلاک ایتك . بناء علیه ؛
الآن او قریه لك دیوارلری اوزرینه طاملری دوشمش وقیولری معطل اولوب صو چكلمز وچوق كوشكلری كیرجه یاپیلمش ابنه لری موجود ولكن اهلی اولمادیغندن ایچنده اقامت ایدن بولونماز وخراب بر حالده كورولور .]

یعنی ؛ ظالم اولدقلری ایچون چوق قریه لری اهلاک ایتك . حتی او قریه لك طاملری دیوارلری اوزرینه وتكرار دیوارلری طاملری اوزرینه ییقلمشدر واهالیسنك هلاکيله چوق قیولرینی صو چكلمز معطل بر حالده قیلدق . بناء علیه ؛ صوینی چكن وانتفاع ایدن بولونماز وكیرجه یاپیلمش چوق سرایلر وكوشكلرك صاحب لری هلاک اولدیغندن خراب بر حالده قالمشدر .

تفسیر خازنده وقاضیده بیان اولوندیغنه نظراً بئر معطل وقصر مشید ؛ بمنزه مضر موت هوارلر منه در . چونكه ؛ آنلر رسوللرینه ایمان ایتمه یوب اذا ایتدكلرندن الله تعالی آنلری اهلاکله قریه لرینی خراب ، خانه لرینی ایصسز ، قیولرینی شتلك سز براقشدر . فقط اصح اولان غضب الهی ایلهم هلاك اولده عموم بلمه لره وخرابه لره آیت شامل اولوب بر بلمه وخرابه یه تخصیصه حاجت یوقدر . زیرا ؛ اهاالیسی ظالم اولان هر قریه یی جناب

حق خراب ایتدیكندن آیتك ما صدق بیكك رجه خرابه لره تصادف ایدیلیر . بناء علیه ؛ آیتك معناسنی بو خرابه لردن بعضیسنه مخصوصدر دیمكده تقصیر وارددر . (خاویة) (ساقطة) یعنی دوشمش دیمكدر . (علی عروشها) عروش ؛ عرشك جمعیدر . عرش ؛ اوزرینه اونورولامور كرسی مناسنه ایسه ده بوراده اورك طاملر منه . (معطلة) استفاده منه كسیلمس دیمكدر . (وقصر مشید) كیرجه یاپیلمش كوشك و سرائی دیمكدر .
بوکا نظراً معنای نظم : [ظلمی كندینه دوام اوزره آلت ایدن چوق قریه لك اهاالیسنی بز اهلاک ایتك . بناء علیه ؛ او قریه لرینك دیوارلری طاملری اوزرینه وتكرار طاملری دیوارلری اوزرینه ییقلمش وقیولری استفاده دن قالمش وكوشكلری وسرایلری انساندن خالی خراب بر حالده] دیمكدر . ایشته بوکی بلمه لك خراب اولسنه سبب ؛ اهاالیسنك ظالم اولملری اولدیغنی بیانه جناب حق قوللرینی ظلمدن منعه بو منللو خرابه لردن عبرته دعوت ایتمشدر .

*
**

واجب تعالی ظالم لك قریه لرینی اهلاک ایتمكه خرابه لرینك قالدیغنی بیاندنصكره انسانلر ایچون او قریه لردن عبرت آلق وظیفه اولدیغنی بیان وعبرت آلمایانلری توبیخ ایتك اوزره ﴿ أَفَلَمْ يَسِيرُوا فِي الْأَرْضِ فَتَكُون لَهُمْ قُلُوبٌ يَعْقِلُونَ بِهَا أَوْ آذَانٌ يَسْمَعُونَ بِهَا ﴾ بیوریور .

[كافرلر شو احوالی انكار ایدرلرده یر یوزنده سیر وسفر ایتدیلمی وسیر وسفر ایدنجه آنلرایچون وقوعاتی ادراك ایده جك قیولری ویاخود اووقوعاتی ایشیده جك قیوللری اولمادیمی ؛ حالبوكه سیر وسفر ایدوب خرابه لری ادراك ایده جك قیولر وایشیده جك قیوللر حاصل اولمق لازم ایدی .]

﴿ فَإِنَّهَا لَا تَعْمَى الْأَبْصَارُ وَلَكِنْ تَعْمَى الْقُلُوبُ الَّتِي فِي الصُّدُورِ ﴾

[زیرا ؛ حال وشان وقصه آنلك كوزلری كور اولماز ولكن كو كسلرنده اولان قیولری كور اولور .]

یعنی ؛ کافر لر قدرة اللهی انکار ایدرلرده یر یوزنده سیر وسفر ایتزلرمی ؟ آنلر
سیر وسفر ایدرلرله بومثللو خرابه لرك وقوطا نلرینی ونصل خراب اولدیغنی وخراب اولمیرینه
سبب نه اولدیغنی ادراك ایده جك وعبرت آلا جق قلب حاصل اولمی ایدی . اكر بویله بر
قلب حاصل اولسه ایدی قدرت الهیهی انکار ایتزلردی ویاخود بو مثللو خرابه لرك
صاحب لری ائم ماضیه نك حاللرینی ایشیده جك ورسوللرینی تكدیب ایدنلرك عاقبتلرینك نه
اولدیغنی دویاجق قدر قولاق لری اولورده آنلردن عبرت آلیرلردی . آنلرك قصه لری
كوزلری كورمكدن كوردكلدر . زیرا ؛ كوزلری كورور ولكن سینهلرنده اولان قبللری
ادراك كن وعبرت آلمقدن كور اولدی . چونكه ؛ قبلده عبرت آلفه صالح ادراك اولمايخه
كوزيله كورمكده فائده اولماز . بناء علیه ؛ مجنونلر وعقلی اولمايان حیوانات ده كورورلر ،
فقط ادراك وعبرت اولمادینی ایچون كورمكدن هیچ بر استفاده ایتزلر . ایشته وقوطادن
عبرت آلمایان انسانلر ، حیوانات مثابه سنده كوزلری كورور ولكن قبللری كوردر .

بیضاوینك بیانی وجهله بو آیت جلیله عبرت مقصدیله سیر وسفره انسانلری ترغیب
ایچون سوق اولونمشدر . چونكه ؛ انسانلر علی الا کثر سیر وسفر ایدرلر ولكن عبرت
مقصدلری اولماز . بناء علیه ؛ سیر وسفردن مقصد اصلی اولان عبرت حاصل اولمادیغندن
جناب حق سیر وسفردن مقصد اصلی عبرت اولمق لازم اولدیغنه اشارت ایچون « آنلر
سیر وسفر ایتزلرمی ؟ سیر وسفر ایتسه لرده ادراك ایده جك قبللر وائم سالفه نك احوالی
ایشیده جك قولاق حاصل اولسه اولمازمی ؟ » بیورمشدر كه « ادراك ایده جك قلب و
ایشیده جك قولاق حاصل اولمایان سیر وسفردن مطلوب وجهله فائده یوق » دیمكدر .
شوالده عبرتسز سیر وسفر ایدنلرك بهایمك سیر وسفردن فرقی یوقدر . چونكه ؛
« عبرت آلمایان انسانلر سیر وسفر ایتدكلری حالده سیر وسفر ایتدیلمی ؟ اكر سیر وسفر
ایتسه لردی ادراك ایده جك قبللر وایشیده جك قولاق حاصل اولورده عبرت آلیرلردی ،
دیمك موجود اولان سیر وسفرلرینی یوق منزلته تنزیل ایتمكدر . زیرا ؛ برایشدن مقصد
نه ایسه حكم اكا كوره در . سیر وسفردن مقصد اصلی اولان عبرت اولمايخه سیر وسفردن
یوق دیمكدر . انسانك قلبی صدرنده اولدیغنی حالده قلبی ذكردنصكره صدری ذكر ؛
تأکید ایچوندر .

خلاصه ؛ سیر وسفرنده انسانك عبرت آلمی وقلبی ایله عاقبتی دوشونمی وخراب
اولان قریه لرك خراب اولمیرینك سببی تفكر ایتمی واول كچن ملنلرك حاللرینی ایشیتمی
وآنلردن عبرت آلمی لازم اولدیغنی كبی عبرت آلمایانلرك بهایمندن فرقلری اولمادیغنی زیرا ؛
آنلرك كوزلری كورورسه ده قبللری كور اولدیغنی بو آیتدن مستفاد اولان فوائد جمله سندندر .

*
**

واجب تعالی كچمش ملنلرك حاللردن عبرت آلمایانلری توبیخ ایتدكدنصكره وحدانیتی
انكارده اصرارلرینك نتیجه سی اولارق عذابی استعجال ایتدكلرینی بیان ایتك اوزره
﴿ وَيَسْتَعْجِلُونَكَ بِالْعَذَابِ ﴾ بیوریور .

[حییم ! آنلر سنك بیان ایتدیكك عذابی استعجال ایدرلر .]

﴿ وَلَنْ يُخْلِفَ اللَّهُ وَعْدَهُ ﴾

[حالبوكه الله تعالی البته وعدنده خلف ایتمز .] بناء علیه ؛ وعد الهی بهمه حال
وقوع بولور .

﴿ وَإِنَّ يَوْمًا عِنْدَ رَبِّكَ كَأَلْفِ سَنَةٍ مِّمَّا تَعُدُّونَ ﴾

[حییم ! ربك تعالی نك عندنده بركون سنك صایدیككز بیک سنه مقداریدر .]

یعنی ؛ حییم ! سنك ، مشركلری ایمان ایتدكلری تقدیرده دنیا ده و آخرتده عذاب
الهییه دوچار اولاجقلرینی بیانله قورقوتماقك اوزرینه آنلر سندن علی العجله عذابك
كلمنی ایستر واستهزا صورتیله « هانی یا ! عذاب نره ده قالدی ؟ كله جكسه كلویرین »
دیرلر . حالبوكه اللهك عذابی آنلر اوزرینه البته كله جكدر . زیرا ؛ كفر اوزره اصرار
ایتدكلری تقدیرده الله تعالی آنلر اوزرینه عذابی وعد ایتدی وعد الهییه ایسه البته
خلف اولماز ، یرینی بولور . شوقدر كه وقت مرهوتی بکلرو برمدت لحكمة آنلره مساعده
ایدر . چونكه ؛ جناب حق حلیم وصبوردر . بناء علیه ؛ قوللرینه مهلت ویرر ، عقوبتلرینی
تعجیل ایتمز . زیرا ؛ ربك تعالی نك عندنده بركون سنك تعداد ایتدیككز بیک سنه کیدر .

انسانلر عندنده کی بیک سنه نك جناب حَقَّك عندنده بر کون کبی اولدیغنی بیان ایتمک ؛ واجب تعالی نك صبری و تأیسی و آخرتده حق انکار ایدنلرک عذاب کونلرینک بری بو دنیانک بیک سنه سنه مقابل اولدیغنی بیان ایتمکدر . بناء علیه ؛ مشرکله عذاب استعجال ایتسونلر ، البته اولاجق . زیرا ؛ الله تعالی عندنده بر کونله بیک سنه مساوی دیمکدر شو حالده عقلی اولان عذاب استعجال ایتمز . زیرا ؛ عذابك شدتی و ثقلتی سببیه بر کون بیک سنه به مقابلدر والله تعالی هر نه زمان ایسترسه انتقامه قادر اولدیغندن تأخیری ايله هیچ کیمسه عذابدن قورتولماز . بناء علیه ؛ بر کونی بیک سنه مقداری اولان عذاب استعجال ایتمک حماقتدن باشقه برشی دکلددر .

خلاصه ؛ کافرلرک رسول اللهدن وعد اولونان عذابك عجله کلسنی ایسته دکلری والله تعالی نك وعندنده خلف اولمایوب البته عذابك کله جکی والله تعالی عندنده بر کون انسانلرک صایدقلری بیک سنه مقدارنده اولدیغنی بو آیتدن مستفاد اولان فوائد جمله سنددر .

واجب تعالی طویلره وعد ایتدیکی عذابك البته واقع اولاجغنی و عذاب تأخیر ایتمک بالکلیه ترکنه سبب اولیه جغنی و تأخیرینه مغرور اولماق لازم اولدیغنی بیاندنصکره عذاب برمدت تأخیر اولونان چوق قریه لرك هلاک اولدیغنی و تأخیردن بر فائده کورولمادیکنی بیان ایتمک اوزره ﴿وَكَأَيِّنْ مِنْ قَرْيَةٍ أَمْلَيْتُ لَهَا وَهِيَ ظَالِمَةٌ ثُمَّ أَخَذْتُهَا وَإِلَى الْمَصِيرِ﴾ بیوریور .

[چوق قریه لرك اها لیسنه ظالم اولدقلری حالده بن مهلت ویردم . صکره اوقریه لرك اها لیسنی عذابه بن مؤاخذه ایتدم و آنلری بن دنیاده مؤاخذه ایتدیکم کبی آخرتده دخی آنلرک مرجعلری آنجق بکادر ، بنم غیری کیده جک مرجعلری یوقدر .]

یعنی ؛ بر چوق قریه اها لیسنه مهلت ویردم . حالبوکه آنلر ظلم اوزره دوام ایدیورلر و عذابلرینک تأخیرینه مغرور اولیورلردی . بو مهلتدنصکره آنلر ایچون عند الوهیت مزده حاضر لانان عذابه بن آنلری مؤاخذه و اهلاك ایتدم که عذابلرینک تأخیرندن فائده کورمدیلر . ایشته حییم ! سنک دشمنلرینک عذابنی تأخیر ایدرسه کده ترك ایتمز البته عذاب ایدرز .

بناء علیه ؛ بو مهلته مغرور اولماسونلر بو دنیاده کفره و ظلمه دوام ایتدکلی صورتده عذابه هلاک اولاجقلری کبی آخرتده دخی مرجعلری آنجق بنم حضور مغنومدر و باشقه مراجعت ایده جک و عذابدن قورتاره جق کیمسه لری یوقدر .

تفسیر خازنده بیان اولوندیغنی وجهله آیت ؛ کفره اصرار و ظلمه دوام ایدن کافرلری تهدید و عذابلرینک محقق اولدیغنی بیان ایچون سوق اولونمش والله تعالی نك ویردیکی مهلته مغرور اولمایوب او مهلتدن استفاده ایتمک لازم اولدیغنی بیانه انتباهه دعوت ایتمشدر . چونکه ؛ ظالم اولدقلری حالده بر چوق قریه اها لیسنه مهلت ویردیکنی و مهلتدن صکره عذابه مؤاخذه ایتدیکنی و عاقبت آخرتده هر کسک مرجعی ذات الوهیتک حضوری اولدیغنی بیان ایتمک ؛ انتباهه دعوتدن باشقه برشی دکلددر .

واجب تعالی کافرلرک عذاب استعجال ایتدیکنی و بر چوق قریه لره مهلت ویروب عاقبت اهلاك ایلدیکنی بیاندنصکره رسولنه انذاره دوام ایتسنی ؛ توصیه ایتمک اوزره ﴿قُلْ يَا أَيُّهَا النَّاسُ إِنَّمَا أَنَا بَشَرٌ مِثْلُكُمْ نَذِيرٌ مُبِينٌ﴾ بیوریور .

[حییم ! سن ایماندن اعراض ایدن ناسه دی که ای ناس ! آنجق بن سزی عذاب الهی ايله قورقوتیجییم و سزه طوغرو یولی بیان و دنیوی و اخروی منفعتلریکزه ارشاد ایدر آچیقندن بر منذریم] دیمکه آنلره تبلیغاتکه دوام ایت . [و دعوتکه اجابت ایتدکلرندن مأیوس اولما و آنلرک تمردلرندن نفسکه فتور کتیرمه . بناء علیه ؛ عذاب الهی ايله آنلری قورقوتمقدن چکینمه که بلکه منتصح اولورلر .

بیضاوینک بیانی وجهله رسول الله نذیر اولدیغنی کبی بشیر دخی ایسه ده آیتده خطاب مشرکله اولدیغندن بالکلیه نذیر اولدیغنی ذکرله اکتفا اولونمشدر . چونکه ؛ یوقاریدن بری ذکر اولونان آیتلر مشرکلی تهدید ایچون سوق اولوندیغندن بو آیتده ناس له مراد ؛ مشرکلر و مشرکله شرکلینه بناء انذاره لایق اولان ده آنلردر .

واجب تعالی رسولنک هر حالده انذاره مأمور اولدینگی بیاندنصرکه انذارک نتیجه سنده حاصل اولان احوالی بیان ایتک اوزره ﴿فَالَّذِينَ آمَنُوا وَعَمِلُوا الصَّالِحَاتِ لَهُمْ مَغْفِرَةٌ وَرِزْقٌ كَرِيمٌ﴾ بیوریور.

[شول کیمسه لکه آنلر الله ورسوله ایمانه برابر عمل صالح ایشله دیلر. آنلر ایچون آخرنده کناهلرینی مغفرت وکوزل رزق واردر.]

﴿وَالَّذِينَ سَعَوْا فِي آيَاتِنَا مُعَاجِزِينَ أُولَٰئِكَ أَمْحَابُ الْجَحِيمِ﴾

[وشول کیمسه لکه آنلر بزم آیتلریمیزی ابطال ایتک اوزره مؤمنلری عاجز قیلیمه سعی ایدرلر. ایشه آنلر جهنمک ملازمملری واصللری درکه آنلر جهنمدن اصلا ایرلازلر.] یعنی ؛ رسولنکافرلری انذاره و مؤمنلری تبشیره مأمور اولوب وظیفه مأموریتی ایفا ایدنجه شول کیمسه لکه رسولنزه ایمان ایتدیلر ویا لکنز ایمانه اکتفا ایتمه یوب عمل صالح ایشله مکله ایمانلرینی تزین وایمانله عمل صالحی جمع ایتمکه برابر رسل کرامک لسانلری اوزره تبلیغ اولونان احکامی قبول ایتدیلر. آنلر ایچون کناهلرینی مغفرت و عمللرینه مکافات اولارق کوزل رزق واردر وشول کیمسه لکه آنلر اهل ایمانه مسابقه ایدرجه سنه عاجز قیلیمق اوزره بزم آیتلریمیزی ابطاله سعی ایتدیلر. ایشه آنلر جهنمک صاحبملری ومداملریدر. چونکه ؛ بونلر ایمان ایدنلرک اوکنه کچوب آنلری عاجز قیلیمه وکندیلری قبول ایتدکلری کبی مؤمنلری ده قبول ایتدیرمه مکه چالیشدقلرندن آنلرک استحقاقلری آنجق جهنمدر.

بو آیتده عمل صالح ؛ راهبی ادایه و صرامی نرکه شاملدر. بناء علیه ؛ کناهلرینک مغفرت اولونمسنه وکوزل رزقه مستحق اولانلر بالعموم واجباتی ادا ایله محرماتی ترک ایدنلردر و آخرت رزقنک کسبه محتاج اولیه رق چوق اولوب اصلا ضرر شائبه سی اولمادیگی کبی توکمنک قورقوسی ده اولمادیغندن جناب حق آخرتک رزقنی ؛ کرم ایله توصیف ایتشددر. زیرا ؛ دنیا نعمتلری بونک عکسنه در. بناء علیه ؛ کرمه توصیفی دکمز.

خلاصه ؛ ایمان و عمل صالحک رزق کریمه نائل اولمغه وکناهلرک مغفرت اولونمسنه سبب اولدینگی و آیتلری ابطال ایچون مؤمنلره مقابله ایدرک عاجز قیلیمه سعی ایدنلرک جهنم اصحابی اولدقلری بو آیتدن مستفاد اولان فوائد جمله سندندر.

واجب تعالی رسولنک کافرلری انذاره مأمور اولدینگی بیاندن صکره رسل کرامک جمله سی امر تبلیغه مساوی اولدقلرینی بیان ایتک اوزره ﴿وَمَا أَرْسَلْنَا مِنْ قَبْلِكَ مِنْ رَسُولٍ وَلَا نَبِيٍّ إِلَّا إِذَا تَمَنَّى أَلَقَ الشَّيْطَانُ فِي أُمْنِيَّتِهِ﴾ بیوریور.

[حییم! سندن اول بزم هیچ بر رسول ونبی کوندرمدک ، الا او رسول ویا نبی امتی حقنده برشی آرزو ایتدیکنده شیطان او نینک امنیه سی حقنده وسوسه صورتیه اورتیه برشی آتدی وخلقک ذهنی اغفاله واونجی به تبعیتدن تنفیره چالیشدی.]

﴿فَيَنْسَخُ اللَّهُ مَا يُلْقِي الشَّيْطَانُ ثُمَّ يُحْكِمُ اللَّهُ آيَاتِهِ﴾

[شیطانک ناسی اغفال ایتک ایچون اورتیه آتمش اولدینگی اراجینی الله تعالی اورتهدن قالدیرر ، صوکره کندی آیتلرینی تحکیم و ناس آره سنده شریعت اولمق اوزره آنی ابقا وقریر ایدر] بناء علیه ؛ شیطانک اورتیه آتدینگی شبهلری زائل اولور کیدر.

﴿وَاللَّهُ عَلِيمٌ حَكِيمٌ﴾

[حالبوکه الله تعالی قوللرینک حاللرینی بیلیر و حکمتنه موافق اولارق احکامی وضع ایدر.]

یعنی ؛ یا اکرم الرسل ! مشرکر طرفندن واقع اولان اذایه و بعض لایق اولیه رق حقکده « ساحردر » ویا « شاعردر » کبی نشر ایتدکلری اراجیفه محزون اولما . زیرا ؛ بو مثللو نالایق حالاته معروض قالمق سکا مخصوص بر عادت دکدر . چونکه ؛ سندن اول انبیادن برنبی و رسل کرامدن هیچ بر رسول کوندرمدک ، آنجق اونجی ویا رسول

امتی حقنده ربسندن برشی ایسته یوب و قلبنده بونی تمی ایتدیکنده درحال شیطان او نینک ایسته دیکی امنیه سی حقنده بر طاقم وسوسه آتار و یالانلر نشر ایدر و طریق حقنده سلوک و اورسوله اتباع ایتک ایسته یولری تنفیره چالیشیر، فقط شیطانک وسوسه ایله ناس بیننده نشر ایتدیکی یالانلری الله تعالی کیده رر و کندی آیتلری محکم و متین اولارق یرلشدرر. بناء علیه؛ شیطانک بو خصوصده سعی بوشه کیدر. زیرا؛ الله تعالی قوللرینک حاللرینی و قابلیتلرینی بیلیر و آنلر حقنده ایشله دیکی افعالی حکمتنه موافقدر.

بیضاوینک بیانی وجهله نبی ایله رسول آره سنده فرق اولدیغنه بو آیت دلالت ایدر. چونکه؛ رسولی ذکر دن صوکره نبی بی ذکر ایتک بینلرنده فرق اولدیغنه دلیلدر. اگر مساوات اولسه آیری ذکر ایتمکده بر فائده اولمازدی. بناء علیه رسول؛ اخص، نبی؛ اعمدر. زیرا رسول؛ شریعت جدیده صاحبی اولور، اما نبیده شریعت جدیده صاحبی اولق لازم دکل بلکه کندندن اول کچن رسولک شریعتنی تبلیغه مأمورددر.

بو آیتک سبب نزولنده مفسرین بیننده بر چوق روایت و ارسه ده بونلردن اولدیغنه خطر دن سالم عد اولونان کویا رسول الله مشرک لک اذالردن مکدر و دلکیر اولدیغنی بر زمانده قلب نبویلرینه جناب حقک مشرک لره ایمان و توفیق ایتسنی و آنلردن غضبلرینی تخفیف ایده جک بعض آیت انزال اولونمسی کلش و او صره ده (والتجم) سورده سی نازل اولمش و رسول الله ده قرائته باشلا یه رق ﴿افرا تيم اللات والعزی ومنا ت الثالثة الاخری﴾ آیتنی اوقونجه مشرک لره قرآنده (لات) و (عزی) کی مشهور بوتلرینک اسمی ذکر اولوندیغنی ایشیتدک لری زمان کعبه نک اطرافنده بولونان مشرک لره رسول الله طرفنه توجه ایدر لر و رسول الله ده آیتک آخرنده توقف ایتدیکی صیره ده شیطان صوت بالا ایله (تلك الغرائق العلی وان شفاعتهن لترتجی) جمله لرینی اورتیه آتار و مشرک لره قولاغنه بونی قویار و ناسک کور و لیتسی آره سنده بو کلامک نره دن کلدیکنی کیسه بیلمز. مشرک لره رسول الله اوقودی ظن ایدرو مسرور اولور لر. حتی سورده نک آخرنده سجده آتی اوقونونجه رسول الله ایله برابر مشرک لره سجده ایدر لر. همان زمان کچمکسزین جبریل امین شیطانک بو کلماتی القا ایتدیکی خبر ویرر. رسول الله محزون اولور. ایشه رسول الله ک حزننی ازاله ایچون بو آیتک نازل اولدیغنی مروی ایسه ده بوروایت و (غرائق) حقنده کی دیگر روایتلر قطعیا یالاندر و بعض

زناده طرفندن تصنیع اولونمش شیلردر. زیرا؛ انبیاء عظام بو مثللو شیطانک تسلطدن مصون اولدقلری کی شیطان ده بو کی القا آدن ممنوعدر. چونکه؛ بو کی قرآنه شیطانک الفاظ قاریشدرمی عقلاً محالدر. زیرا؛ رسول الله بوتلری اورتیه دن قالدیرمق ایچون بعث اولوندیغنی حالده فصل اولور که قرآنک آیتلری آره سنده شیطان طرفندن القات اولسون و رسول الله ک نفینه مبعوث اولدیغنی برشی اثبات اولونسون. بونی عقل تجویز ایدرمی و اگر شیطان بو کی شیلره قادر اولسه کلام نبوی به امنیت اولورمی و شریعت تقرر ایدرمی و هر اوقونان آیتلر آره سنده شیطانک القا ایتدیکی بعض شی اولق احتمالی اولمازمی و بو احتمال ایله شریعت امنیت اولونورمی و جناب حق قرآنی هر درلو تلیساندن حفظ ایده جکنی صورت قطعیه ده بیان ایتدیغی؛ شو حالده فصل اولور که بویله بروقه نک وقوعی تصور اولونا بیلیر. بو کی تلیسانک وقوعنی تصور، شریعت و شریعتک صاحبه افترادن باشقه بر شی اولماز. اما آیتک معاسنه کلنجه؛ اوت ۱ انبیاده بشردر، امتی حقنده بر چوق شیلر دوشونورلر و حصولی آرزو ایدر لر. ایشه او آرزولرینه کرک انسک و کرک جنک شیطانلری بر چوق حیل و دیسه ایله او رسولک آرزو ایتدیکی شیتک حصول بولماسنه چالیشیر لر و بر طاقم یالانلر نشر ایدر لر. مثلا رسول الله هر کس کندینک سوزیغنی دیکله یوب طوغرو اولدیغنه اینانوب ارشاد اولونمالرینی آرزو ایدر. ایشه رسول الله ک بو آرزو و امنیه سنه قارش بر طاقم شیطانلر یالان سویلیه رک «سحر ایدر» و «کھانت یاپار» کی القا آده بولونمشلر و بر چوق کیسه لرک ایمانلرینه ده مانع اولمشلردی. بناء علیه بو احوال؛ هر نینک امتنده دخی جاری اولدیغنی بیانله جناب حق رسولنی تسلیه ایتمشدر و آیتک سباقی که بوندن اول کچن آیتلرده بو معنایی تأیید ایتمکده در. زیرا رسول الله ک نذیر اولدیغنی بیان؛ مشرک لری اذار صیره سنده تصادف ایده جکی مشکلا نه صبر ایتسنی توصیه بی ایجاب ایتدیکندن جناب حق انبیاء سابقه نک جمله سی بو کی اذاره معروض قالدقلرینی بیانله رسولنی تسلیه بیورمشدر. والحاصل (غرائق) قصه سی زناده نک تصنیعیدر، اساسی یوقدر. چونکه؛ اگر اصلی اولسه ایدی کتب سته دن برنده بونک حقنده البته بر روایت موجود اولوردی. حالبو که صحاحده بویله بر روایت اولما دینی کی قاضی، بیضاوی، قاضی عیاض، خازن و بخاری کی افاضل امت ده باجمع بوقصه بی رد ایدیور لر.

واجب تعالى انبياء عظامك دين حق تبليغ خصوصنده دوشوندكربنه شيطانك خارجده ناسه وسوسه ايله شبهه القا ايتديكني بيانديكره بومثللو وسوسه القاسندن شيطاني منع ايتديكنك حكمتي بيان ايتك اوزره ﴿لِيَجْعَلَ مَا يُلْقِي الشَّيْطَانُ فِتْنَةً لِلَّذِينَ فِي قُلُوبِهِمْ مَرَضٌ وَالْقَاسِيَةِ قُلُوبُهُمْ﴾ بيوريور .

[الله تعالى قنلرنده شك و نفاق خسته لني اولان و قرآن قنلرينه داخل اولمايان قاني قلب صاحبلرينه شيطانك وسوسه ايتديكي شيئي فتنه قيلمق ايجون شيطانه وسوسه يه مساعده ايتمشدر .]

﴿وَإِنَّ الظَّالِمِينَ لَفِي شِقَاقٍ بَعِيدٍ﴾

[حالبو كه ظالمير دائما حقندن اوزاق جدال و نفاق و شقاق ايجنده درلر .]

﴿وَلْيَعْلَمَ الَّذِينَ أُوتُوا الْعِلْمَ أَنَّهُ الْحَقُّ مِنْ رَبِّكَ فَيُؤْمِنُوا بِهِ فَتُخْبِتَ لَهُ قُلُوبُهُمْ﴾

[والله تعالى شيطاني وسوسه القاسندن منع ايتدي كه كنديلرينه علم ويريلن كيمسه لر قرآنك ربك تعالى طرفندن حق اولديغني بيلسونلرده قرآنه ايمان ايتسونلر و قنلبري قرآنه مطيع و مطمئن اولسون .]

﴿وَإِنَّ اللَّهَ لَهُادِ الَّذِينَ آمَنُوا إِلَىٰ صِرَاطٍ مُسْتَقِيمٍ﴾

[حالبو كه الله تعالى طوغرو بوله هدايتده قنلار شول كيمسه لري كه آنلر الله ورسولنه ايمان ايتديلر .]

يعني ؛ الله تعالى انسانلري اغفال ايتكدن و وسوسه القاسيله شبهه يه دوشورمكدن منع ايتكه قاندر ايكن شيطاني بومثللو اغفالادن منع ايتدي كه شيطانك اغفالي و ناس آره سته آتمش اولديغني شبهه يي شول كيمسه لره فتنه و امتحان معامله سي قلسون كه آنلر قنلرنده نفاق و شك خسته لني واردر و قنلبري قاني اولوب حق سوزي دويمازلر . چونكه ؛ كفر و نفاق كي خسته لقلرله نفسنه ظلم و غيريلري اضلاله چالیشان ظالمير دائما نفاق و حقندن اوزاق و شقاق ايجنده درلر . بناء عليه ؛ آنلر دائما شيطانك طوزاغنه طوتولش و انواع معصيته

نفسلريني تلويث ايتمش بر طاقم رضاء الهيدن مردود كيمسه لر در . چونكه ؛ بومثللو قلب خسته لغنه مبتلا و قنل قاني اولان كيمسه لر حق قبوله ميل ايتمكلرندن عادتلري دائما حقه اعتراض ايتك و فساد قاريشدير مق و ضعفاء ناسي اغفال ايتكه ظلمي اعتياد ايتمش كيمسه لر در و زمانمزرده موجود اولان منافقك حلالري ده عين حالدر كه اهل ايمانك ذهnlريني تشويش ايتك و اعتقادينه ضعف و يره جك سوزلري اورته يه آتمقدر . الله تعالى نك شيطاني بر طاقم قوللريني اغفال ايتكدن منع ايتديكنك حكمتي ؛ قنلرنده مرض كفر و نفاق اولوب حق قبولدن استنكاف ايدنلره ابتلا اولسون و كنديلرينه من عندالله علم ويريلن ارباب علم و كال قرآنك ربك تعالى طرفندن نازل و حق اولديغني بيلسونلر ايجوندر . ايشته انواع معارف و حكمتي جامع و امزلري و نهيلى بر جوق حكمتلري متضمن اولديغني ادراك ايتسونلرده قرآنه ايمان و قنلبري قرآنك احكامنه اطاعت ايتسون . چونكه علم ؛ ايمانه سبيدر . شوخالده قرآنك طرف الهيدن حق اولارق نازل اولديغني بيلنجه قنلبري قرآنه انقيادله مطمئن اولور و اعتمادلري زياده لني . قوللرينك اسرارينه مطلع اولان الله تعالى رسولنك كيتيرمش اولديغني احكامك عمومته اخلاص اوزره انقياد ايدن مؤمنلري صراط مستقيم اولان طريق توحيدينه هدايتده قنلار .

واجب تعالى اولكي آيتده كافرلري ، قنلرنده اعتقاد خسته لني و قساوت اولقله و حق قبولدن استنكاف ايتلري ايله ذم ايتديكي كي بو آيتده مؤمنلري ارباب علمدن اولملري و قرآنك حق اولديغني بيلملري و قرآنه ايمان ايدوب اطاعت و تواضع ايتلري ايله ثنا بيورمشدر . شوخالده شيطانك القاسي ؛ كافرله سؤتاثير ياپديغني كي مؤمنلره ده حسن تاثير ياپديغني دخی بيان بيورمشدر . بناء عليه جناب حقك شيطانك اغفالاتنه مساعده سنده حكمت ؛ اي يي كوتودن ، مؤمن كافرندن ، مطيعي عاصيدن و خيبي طيبدن تميز و تفريق ايتمكدن . خلاصه ؛ شيطانك حقه قارشى بعض وسوسه القاسنه مقتدر اولوب وسوسه دن منع اولونمايغنيك حكمتي ايكي شي اولديغني و او ايكي شيدن برنجيسي ؛ قنلرله كفر و نفاق و قساوت اولانلره فتنه و ابتلا اولسي ، ايكنجيسي ايسه اهل علمك و قرآنك رب تعالى ده نازل اولديغني يلوب شيطانه مقابل ايتلري اولديغني بو آيتلردن مستفاد اولان فوائد جمله سندنر .

واجب تعالی مؤمنلری هدایتده قیلدیغنی بیاندنصکره کافرلرک اهدایه اراده لرینی صرف ایتمه یوب شک اوزره بولونقلرینی بیان ایتک اوزره ﴿وَلَا يَرْزَأُ الَّذِينَ كَفَرُوا فِي مِرْيَةٍ مِنْهُ حَتَّى تَأْتِيَهُمُ السَّاعَةُ بَغْتَةً أَوْ يَأْتِيَهُمْ عَذَابٌ يَوْمَ عَقِيمٍ﴾ بیوریور. [قرآندن شک ایچنده کافرلر دوام ایدرلر. حق آنلره خفته قیامت ویاخود قیصر بر کونک عذاب کنجیه قدر شکری زائل اولماز.]

یعنی؛ شول کیمسه لرکه الله تعالی به ورسولنه کفر ایتدیلر وقلبلرنده اولان مرض و قساوت اقتضای مقتضای حدودالهیهدن چیقدیلرکه آنلر آکسزین اولوملری و قیامت ویاخود قیامت کونک عذاب کنجیه قدر آنلر قرآنده و دین اسلامده شک اوزره اولورلر وقلبلرنده اولان غفلت ایجابی آنلرک شکلی بو دنیاده زائل اولماز. والحاصل کفر اوزره بولونان کیمسه قرآنده وقرآنی کتیرن رسولده واورسولک امنیه سی حقنده شیطانک وسوسه سنده شک اوزره بولونور شکدن قورتولماز. آنجق اوکیمسه یی ایکی شی؛ شکره قورنار: برنجیسی؛ قیامت کونی ویا اولوم، ایکنجیسی؛ بوم قیامتک عذابیدر. بو ایکی دن بریسی حاصل اولونجه آنک شکلی دخی زائل اولور. چونکه؛ شکه محل قالماز وهرشی رأی العین مشاهده اولونور.

بیضاوی وطبرینک بیانلرینه نظراً یوم عقیم ایله مراد؛ بوم محاربه در. چونکه؛ محاربه کونی آنلرک اولوری قتل اولونوب کانه آنلر طوغورماسه کبی قالدقلرنده محاربه کونه یوم عقیم دنیلمشدر. یاخود یوم عقیم ایله مراد؛ قیامت کونیدر. چونکه؛ عاصیلر مقنره قیامت کونی نوبه لرینک قبولی وکناهلرینک عفری ویا فافزارک ایمانلرینک قبولی کبی منفعت میرانه کتیرمیرکنره یوم عقیم دنیلمشدر. یاخود قیامت کوندرنصکره کیه وکونور اولادیفنره یوم عقیم دینمشدرکه «کنندنصکره برکون طوغورماز» دیمکدر.

خلاصه؛ کافرلر اولوم ویاخود یوم عقیم اولان محاربه کونی کلوب قتل اولونماقجه

ویاخود قیامت کلوب هرشیئی کوزلری ایله کورمدکجه دین اسلام وقرآن وقرآنی کتیرن رسولدن شکری زائل اولیه جنی بو آیتک فوآدی جمله سننددر.

**

واجب تعالی کافرلرک حاللرینی بیاندنصکره یوم عقیمک حکمنی بیان ایتک اوزره ﴿أَلَمْ لِكُ يَوْمَئِذٍ لِلَّهِ يَحْكُمُ بَيْنَهُمْ﴾ بیوریور.

[اوکونده ملک اللهکدر، قوللری بیتنده حکم ایدر.]

﴿فَالَّذِينَ آمَنُوا وَعَمِلُوا الصَّالِحَاتِ فِي جَنَّاتِ النَّعِيمِ﴾

[الله تعالی ملککنده حکم ایدنجه شول کیمسه لرکه آنلر ایمان ایتدیلر و عمل صالح ایشله دیلر. آنلر نعمتی بول جتنده درلر.]

﴿وَالَّذِينَ كَفَرُوا وَكَذَّبُوا بِآيَاتِنَا فَأُولَٰئِكَ لَهُمْ عَذَابٌ مُّهِينٌ﴾

[وشول کیمسه لرکه آنلر کفر ایتدیلر و بزم آیتلریمزی تکذیب ایتدیلر. ایشته آنلر ایچون اهانت ایدر عذاب واردر.]

یعنی؛ کافرلر ایچون یوم قیامت، یوم عقیمدر. زیرا؛ یوم قیامتده کافرلر منفعت ویره جک برشی یوقدر. چونکه اوکونده ملک مطلق واستقلال اوزره تصرف تام؛ الوهیتده مستقل اولان الله تعالی به مخصوصدر. اوکونده اللهدن باشقه هیچ برشیده تصرف صاحبی یوقدر. بناء علیه؛ قوللری بیتنده الله تعالی عدالتله حکم ایدر وحکم الهینک نتیجه سی اولارق ایمانله عمل صالحی جمع ایدنلر نعمتی بول جتنده درلر وکفر ایدوب آیتلریمزی تکذیب ایدنلر ایچون اهانت ایدر عذاب واردر. زیرا؛ آنلر آیتلره ورسوللره اهانت ایتدکلرینه مقابل اهانت اولونورلر. چونکه جزا؛ عمله کوره در.

هروقت ملک، اللهک اولدینی حالده یوم قیامتده ملک، اللهک اولدینی تصریح اولونمشدر. چونکه؛ ابوالسعودافندینک بیانی وجهله دنیاده عاریت اولارق ملک صاحبلی بولونوب الله تعالی دنیاده قوللرینی تصرف صوری به مالک قیلمش وبناء علیه؛ برمدت موقته ملک

صاحبی ولو مجاز صورتیله اولسون بولونابیلیر. اما آخرتده ولو صورتده اولسون تصرفه مالک هیچ برکیمسه اولمادیغندن جناب حق بوآیتده آخرتده کندندن باشقه هیچ بروجله تصرفه مالک برکیمسه اولمادیغنی بیان بیورمشدر.

* *

واجب تعالی يوم قیامتده ملک وحکم کندی ذاته مخصوص اولدیغنی بیاندنصکره مهاجرینه مخصوص اولان وعدینی بیان ایتک اوزره ﴿وَالَّذِينَ هَاجَرُوا فِي سَبِيلِ اللَّهِ ثُمَّ قُتِلُوا أَوْ مَاتُوا لَيَرْزُقَنَّهُمُ اللَّهُ رِزْقًا حَسَنًا﴾ بیوربیور.

[شول کیمسه لکه آنلر فی سبیل الله هجرت ایتدیلر، صکره دشمن طرفندن قتل اولوندیلر ویاخود اجل معینلری ایله وفات ایتدیلر. آنلری البته الله تعالی کوزل رزق اولان جنتله مرزوق ایدر.]

﴿وَإِنَّ اللَّهَ لَهُوَ خَيْرُ الرَّازِقِينَ﴾

[زیرا الله تعالی؛ جمله رازقلرک خیرلیسیدر.]

یعنی؛ شول کیمسه لکه اللهک رضاسنی آرامق ووظیفه دینه لرینی یولیه ادا ایتک اوزره وطنلرینی واجبا ویرانی واقربا وتعلقاتی ومال ومنال لرینی ترکله هجرت ایتدیلر وصکره اعداء دینه محاربه اتسانده شهیداً قتل اولوندیلر ویاخود اجل موعودلری کلکله وفات ایتدیلر. آنلری الله تعالی البته جنتله مرزوق ایدر. زیرا الله تعالی؛ رزق ویرنلرک خیرلیسیدر.

تفسیرخازنده بیان اولوندینی وجهله حقیقتده قوللرینه رزقک جمله سنی احسان ایدن الله تعالی اولوب اللهک غیری رزق ویرن یوق ایسه ده صورتده انسانلرک بعضیسی بعضیسنک رزقنه سبب اولدیغندن رازقلرک خیرلیسی وارد اولمشدر. چونکه؛ الله تعالی باشقه لرینک قادر اولامیه جفی رزقی ویرمکه قادر اولدیغندن ورزقک جمله سنک اساسی جناب حقندن اولوب قوللرینه رزقی، فضل واحسان اولارق ویروب برمنفعت مقابلنده ویرمیدیکی جهته الله تعالی نک رازقلرک خیرلیسی اولدینی بیان اولونمشدر. زیرا؛ انسانلرک بعضیسی آخرک

رزقنه سبب اولورسه ده البته برمنفعت مقابلنده ویردیکندن خیرلی رازق دینه من. چونکه؛ انسانک آخرینه ویرمش اولدینی نفقه یا واجب اولور؛ آناه، بابایه، اولاده وعیاله وسائر اوزرینه نفقه سی واجب اولانلره اتفاق کی. یاخود نافله اولور؛ فقرايه اتفاق کی. اگر واجب اولورسه او انفاقدن مقصدی؛ عهده سینه ترتب ایدن وجوبدن قورتولمقدرد. اگر نافله اولورسه او انفاقدن مقصدی؛ مقابلنده اللهدن ثواب وقوللردن مدح وثنا ایسته مکدر. اما الله تعالی رزقک خالق اولدینی کی رزقی احسانی ده هیچ برعوض مقابلنده اولمادیغندن البته رازقلرک خیرلیسیدر.

فخر رازی و بیضاوینک بیانلری وجهله بوآیت؛ هجرت ایدوب دشمنله مجاهده ده برابر بولونانلردن شهید اولانلره اجل موعودی ایله وفات ایدنلرک مقصدلری وسی و عمللری مساوی اولدیغندن آخرتده مرتبه لرینک مساوی اولاجغنه دلالت ایدر. زیرا؛ آیتده قتل اولونانلره وفات ایدنلرک آخرتده رزق حسنله مرزوق اولاجقلری مساوی اولارق بیان اولونمشدر. آیتک سبب نزولی ده بونی تأیید ایدر؛ چونکه اصحابدن بعضیلری «یا رسول الله! شهید اولانلر ایچون خیر وار، بیلوروز و بزده سنکله برابر مجاهده ده بولوندق. بوحال اوزره وفات ایتدیکم زده نه کی اجر وارد؟» دیملری اوزرینه بوآیتک نازل اولدینی مریدر. ایشته شوسبب نزول دخی اجرده ایکیسنک مساوی اولمسه دلالت ایدر. چونکه؛ ایکیس ده هجرتده ودشمنله مجاهده ده مساوات اوزره بولونمشلردر. شوقدرکه بریسی شهید دیکری غازی اولارق وفات ایتدیلر. بناء علیه؛ اجر جهتندن یینلرنده فرق یوقدر.

بومثللو آیات بینات واحادیث نبویاتده شهدا حقنده بیان اولونان وعدلرک کافه سی فخر رازینک بیانی وجهله کنه کیره ارتکاب ایتمه مک شرطیه مشروطدر. زیرا مرتبه شهادت؛ کنه کیره یی اسقاط ایده من. بناء علیه؛ کیره یی ارتکاب ایدن کیمسه شهید اولسه دخی ایشله دیکی کنه کیره مقابلنده جزا کورمه مک لازم کلر. زیرا کیره صاحب لری؛ اللهک مشیتنه مفوضدر، دیلرسه عفو ایدر و دیلرسه کنه یی مقداری عذاب ایدر. کذلک مرتبه شهادت؛ حقوق عبادی ده اسقاط ایده من. بناء علیه؛ حق صاحبیه اوده شمک وحلاللاشمق لازمدر. رزق حسن ایله مراد؛ دنیا ده اولورسه علم و فضل واموال

غنیمت و آخرتده ایسه مهتره . فقط بو آیتده رزق حسن ایله مراد ؛ **بِئْتِكُمْ** نعمتبرده . چونکه بورزق حسن ؛ قتل اولونوب ویا وفات ایتد کدنصکره اولاجغه بناء هر حالده آخرتده اولق لازمدر .

**

واجب تعالی فی سبیل الله هجرت ایدوب مجاهده ایدنلری رزق حسنله مرزوق ایده جکی بیاندنصکره اورزقک محلی بیان ایتک اوزره ﴿ **لَیْدُ خِلْنَهُمْ مُدْخَلًا یَرْضَوْنَهُ** **وَإِنَّ اللَّهَ لَعَلِیْمٌ حَلِیْمٌ** ﴾ بیوریور .

[ذامه یمین ایدرم که الله تعالی شهید وغازیلری بر مسکنه ادخال ایدر که اومسکنه آنلر راضی اولورلر . حالبو که الله تعالی قوللرینک مصالحنی بیلیر وقصورلرینی عفو له حلم ایدر .]

یعنی ؛ فی سبیل الله هجرت ایدوب دشمنله مجاهده کوردکلری مشقت و محنت مقابلی جتنله وجتنک نعمتلیله مرزوق اولدقلری کی وطنلرینی و مزین خانهلرینی و یوکسک قوناقلرینی رضاء باری ایچون ترک ایتدکلرینه مقابل الله تعالی البته آنلری بر مسکنه قویار که اومسکندن آنلر راضی اولورلر . زیرا ؛ او مسکنده طبع بشرک سوه جکی و آنلرک ایسته دیکی هر شی وارد و بردها چیقمقده یوقدر و او مسکن ییقلق و خراب اولق کی اندیشه لردن خالی اولدیغندن هر کسک راحت ایده جکی بر محلدرد . حالبو که الله تعالی آنلرک استحقاقلرینی بیلیر و راضی اولاجقلری رزقی ویرر و عقوبتلرینی تعجیل ایتمز . زیرا ؛ حلیمدر .

**

واجب تعالی حقیقت حالک بوندن عبارت اولدیغنی بیان ایچون ﴿ **ذَٰلِكَ** ﴾ بیوریور . [امر و حال و شان بوندن عبارت و حقیقت حال ایشته شو بیان اولونان احکامدر .] زیرا ؛ مهاجرینه وعدمن محققدر .

**

واجب تعالی مهاجرلرک نائل اولاجقلری درجهلری بیاندنصکره مهاجرلری هجرته مجبور ایدن ظالملرک حاللرینی بیان ایتک اوزره ﴿ **وَمَنْ غَاقَبَ بِمِثْلِ مَا غُوقِبَ بِهِ ثُمَّ بُغِيَ عَلَيْهِ لَیْئُصْرَتُهُ** **إِنَّ اللَّهَ لَعَفُوٌّ غَفُورٌ** ﴾ بیوریور .

[اگر بر کیمسه کندینه واقع اولان عقابک مثیلله عقاب ایدرده صکره او کیمسه اوزرینه تکرار ظلم اولونورسه الله تعالی البته مظلومه نصرت ایدر . زیرا ؛ الله تعالی قوللرینک قصورلرینی عفو و کناهلرینی ستر ایدر .]

یعنی ؛ فی سبیل الله مهاجرینه آخرتده اکرام ایده جکم کی دنیاده آنلردن نصرتی اسیر که مهم . زیرا ؛ بر کیمسه ظالمه ظلمی مقداری مقابله ایدر و کندینه واقع اولان ظلمک مقداری تجاوز ایتمز صکره ظالم طرفندن آنک اوزرینه تکرار ظلم اولونورسه الله تعالی اومظلومه البته نصرت ایدر و نصرتی اصلا دریغ ایتمز . زیرا ؛ الله تعالی قوللرینک قصورلرینی عفو ایدر و کناهلرینی مغفرتله معامله بیورر .

فخر رازینک بیانی وجهله بو آیتک حکمی مهاجرینه مخصوص اولمایوب بلکه بالعموم مؤمنلره شاملدر و دوکمک و یاره لامق کی جرملرده قصاصه متعلقدر . بناء علیه ؛ اولا مظلومه ظالم طرفندن واقع اولان ظلم مقداری ، مظلوم ظالمدن حقنی آلیر زیاده سنه مساعدت الهیه یوقدر . یعنی ظالمک ظلمی مظلومه بر توقات و ورمقدن عبارت ایسه مظلومه ظالمه مقتدر اولورسه بر توقات و ورمق حقیدر بر توقاتدن زیاده حق یوقدر . اگر زیاده سنه تجاوز ایدرسه اوده اولکی ظالم کی ظالم اولور . اما حق نه ایسه انی استیفا ایتمکه اکتفا ایتدیکی حالده ظالم تکرار مظلوم اوزرینه طغیان ایدرسه الله تعالی اومظلومه نصرت ایدر ، قدرت ویرر ظالمدن انتقامنی آلیر .

امام مقاتلدن نقلاً فخر رازی و خازنده بیان اولوندیغه نظراً آیت مشرکلردن بر طائفه حقنده نازل اولمشدر . چونکه ؛ مشرکلردن بر طائفه محرمدن ایکی کون قالدیغنی بر زمانده قتال ایتک اوزره اصحابدن بعض کیمسه لرک اوزرینه کلدکلرند مسلمانلر مشرکله خطاباً « **بِرَاقِکَ قَتَلِی** . زیرا ؛ اشهر حرمدن ایکی کون قالمشدر . شهر حرامک حرمتی اخلاص ایتمیک » دیمشدرسه ده مشرکار سوز دیکله میوب قتاله دوام ایدنجه مؤمنلرده مقابله بالمثله خلاصه البیان : اوننجی جلد — ۱۲

رعایتله مدافعه ایدر وثبات ایدر لر . الله تعالى ده مؤمنلره نصرت ویرر . بناء علیه؛ مشرکری دفع وتنکیل ایدر لر . لکن بوقتل اشهر حرمدن محرم اینک آخرنده واقع اولدیغندن «عجبا حالمز نه اولور؟ زیرا؛ شهر حرامده قتاله باشلادق» دییه رک اصحابک اندیشه ایتلری اوزرینه آنلرک بو اندیشه لرینی ازاله ایچون جناب حق بو آیتی ازال بیورمقله آنلره دشمندن واقع اولان عقاب مقداری عقاب ایدوب مشرک سوز دیکله میوب تجاوز ایتلرینه بناء الله تعالى یاردیم ایتدیکنی و اشهر حرمدن واقع اولان قصورلرینی عفو ایده چکنی بیانله اهل ایمانک اندیشه سنی ازاله ایتمشدر .

خلاصه؛ انسانه واقع اولان ظلم مقداری ظالمدن انتقام آلمق مشروع اولوب زیاده سنه تجاوزک جائز اولمادینی و مظلومه البته اللهک نصرت ایده چکی بو آیتدن مستفاد اولان فوائد جمله سنددر .

**

واجب تعالی مظلومه یاردیم ایده چکنی بیاندنصکره نصرت قادر اولدیغنی بیان ایتک اوزره ﴿ذَلِكَ بِأَنَّ اللَّهَ يُولِجُ اللَّيْلَ فِي النَّهَارِ وَيُؤَلِّجُ النَّهَارَ فِي اللَّيْلِ وَأَنَّ اللَّهَ سَمِيعٌ بَصِيرٌ﴾ بیوریور .

[شونصرت؛ الله تعالی نک کیجه بی کوندوزه و کوندوزی کیجه به ادخاله قادر اولمسنددر . حالبوکه الله تعالی محقق قوللرینک سوزلرینی ایشیتیر و ایشلرینی کورور .]

یعنی؛ شو مظلومه نصرتک سببی الله تعالی نک دیله دیکی شیئی ایجاده قادر اولمسیدر . زیرا؛ جناب حق کیجه بی کوندوزه ادخال ایدر که کیجه نک بعض ساعاتی کوندوزه قاریشیر . بناء علیه؛ کیجه نک ساعاتی نقصان و کوندوزک ساعاتی زیاده اولور و کوندوزی کیجه به ادخال ایدر که کیجه نک مقداری اوزار و کوندوزک مقداری قیصالیر . شو حالده جناب حق کیجه ایله کوندوزی خلق ایتدیکی کبی بو ایکی شیئی بربرینه ضد اولدینی حالده برینک بعض ساعاتی دیکرینه قلب ایتکه و برینی اوبری اوزرینه غالب قیلمغه دخی قادر اولسی مؤمنلره نصرت و یرمه و دشمنلرینه غالب قیلمغه قدرته دلالت ایدر و کیجه ایله کوندوزده جاری

اولان احوالدن هیچ برشی کندینه کیزی دکدر . زیرا؛ الله تعالی ایشیده چک شیلرک جمله سنی ایشیتیر و کوریلرک شیلرک هبسنی کورور .

اللهک مظلومه نصرتک علو مرتبه سنه و جمله نصرتلرک فوقنده اولدیغنه اشارت ایچون مرتبه لرک یوکسک و اوزاغنده استعمال اولونان (ذلک) لفظنک وارد اولدینی ابوالسعود افندینک جمله بیاناتنددر . یعنی «شو غایت عالی و مظلوملره واقع اولان یوکسک نصرتک سببی؛ جناب حقک قدرت تامه سی» دیمکدر .

**

واجب تعالی کیجه بی کوندوزه و کوندوزی کیجه به قلب ایتکه قادر اولدیغنی بیانله نصرت قدرتی بیاندنصکره بولری قلب ایتکه قادر اولدیغنک سببی بیان ایتک اوزره ﴿ذَلِكَ بِأَنَّ اللَّهَ هُوَ الْحَقُّ وَأَنَّ مَا يَدْعُونَ مِنْ دُونِهِ هُوَ الْبَاطِلُ﴾ بیوریور .

[جناب حقک کیجه بی کوندوزه و کوندوزی کیجه به ادخاله قادر اولدیغنک سببی؛ الله تعالی نک ثابت و محقق و زوالدن مصون و واجب الوجود اولسی و اللهک غیری کافرلرک عبادت ایتدکری شیلرک باطل اولمسیدر .]

﴿وَأَنَّ اللَّهَ هُوَ الْعَلِيُّ الْكَبِيرُ﴾

[والله تعالی علویته متصف و کبریاقله امتیاز ایتسی هر شیئی ایجاده و کیجه ایله کوندوزدن هر برینی آخره قلب ایتکه قادر اولمسنک سبب مستقلیدر .] چونکه؛ زوالدن منزله ازاله و ابدآ ثابت و دائم و علی کبر اولسی ذاتنه منحصر اولدیغندن هر شیئه قادر و شانی جمله دن اعلی و قهر و غضبی هر کسدن بویو کدر . بناء علیه؛ مظلوملره نصرت قادر در و قدرتی و ظالملره غضبی و مظلوملره نصرتی دخی کندی عظمتیه متناسب و بویو کدر .

یعنی؛ واجب تعالی نک کمال قدرت و علمله توصیف اولونمسنک سببی؛ الله تعالی نک نفسنده ثابت واجب لذاته اولمسیدر . چونکه؛ وجودینک واجب و کندینک واحد حقیقی اولسی کندن ماعدا موجوداتک کافسنک موجدی و هر برلرینه عالم اولسنی ایجاب ایدر و الوهیتک ذاتنه ثبوتی علم تام و قدرت کامل صاحبی اولسنی اقتضا ایدر .

اللهمك دوننده مشركلرك عبادت ايتدكلری بوتلر باطلدر والله تعالى جمله اشيا اوزرينه عالي وكندى ايجون شريك اولمقدن منز وچوق بويوكدر . بناء عليه ؛ قهر و غضب جهندن الله تعالى دن دها عالي بر كيمسه يوقدر . شو حالده عبادته لايق و يارديم ايسته مكه شايان اولان آنجق ذات الوهيتيدر .

**

واجب تعالى علويت وكبريالق وحق وثابت اولق جهندن عظمت وقدرتي بياندر نسكره دليل آخرله جلالت قدريني بيان ايتك اوزره ﴿ أَلَمْ تَرَ أَنَّ اللَّهَ أَنزَلَ مِنَ السَّمَاءِ مَاءً فَتُصْبِحُ الْأَرْضُ خُضْرًا ﴾ بيوريور .

[حبيب ! سن كورمدكي الله تعالى سما جهندن ياغمور صولريني ازال ايدر واوصول سبيله ريوزي غايت يشيلك اولور .]

﴿ إِنَّ اللَّهَ لَطِيفٌ خَبِيرٌ ﴾

[زيرا ؛ الله تعالى قوللرينك رزقي يردن بيتيرمكه لطف ايدر و ياغمورك برمدت تاخيرندن قوللرينك قلوبرينه كان وسوسه دن خبرداردر .]

﴿ لَهُ مَا فِي السَّمَوَاتِ وَمَا فِي الْأَرْضِ ﴾

[چونكه ؛ يرد و كوكلرده اولان موجوداتك جمله سي آكا مخصوصدر .] آنك غيري موجوداته حقيقي برمالك اولماديغندن موجوداتك هيسنك حالي بيلير و هر جمله سته لطف ايدر .

﴿ وَإِنَّ اللَّهَ لَهُوَ الْغَنِيُّ الْحَمِيدُ ﴾

[زيرا ؛ الله تعالى هر كسدن غني و هيچ بر كيمسه احتياجي يوق و جمله افعالنده محموددر .] يعني ؛ حبيب ! سن كورمدك و بيلمدي ؛ هم كوردك همده بيلدك كه آثار بديعه و صنايع غريبه قادر اولان الله تعالى سما جانندن ياغمور صويني ير يوزينه ازال ايتدي . بناء عليه ؛ قورومش ريوزي صباح و قق كوريلور كه نباتاتله يشيل و مزين اولور . صانكه

اووه لر و طاغلر يشيل بر قفتانه بورومش بر حالده باقائله عرض اندام ايدر . زيرا ؛ الله تعالى لك لطف و كرمي جمله موجوداته شامل و اشيا لك بويوكنده و كوچوكنده اثری كوريلور و علمي هر شيئي احاطه ايدر . بناء عليه ؛ جمله سندن خبرداردر و علمندن هيچ برشي غائب اولماز . چونكه ؛ عالم علوي و عالم سفلي اولان كوكلرده و يرد و موجود بالجملة مخلوقات آنك ملكيدر . شو حالده جمله سنده تصرف حقيقي ايله متصرف اودر . حالبوكه الله تعالى موجوداتك جمله سندن غني دركه كافه سي فنايه كيدر . اللهم بر نقصان طاري اولماز . زيرا ؛ باقيدر و مخلوقاته واقع اولان انعام و احساني سبيله جمله موجوداتك لساننده محموددر .

بيضاوي و مدار كده بيان اولونديني و جمله ياغمورك ازالندن صوكره زمان زمان ير يوزنده رحمتك اثری كوريلوب و فيض و بركتك كون بكون تجدد و ترايدنه اشارت ايجون رحمت سبيله ارضك يشيل اولمسي بيان ضمننده تجدد و استمراره دلالت ايدن مضارع صيغه سيله ﴿ فتصبح ﴾ وارد اولمشر .

خلاصه ؛ ير يوزنده حاصل اولان يشيلك رحمت سبيله جناب حقك قوللرينه لطفك اثری اولديني والله تعالى قوللرينك احوالندن و سما جانندن اينن ياغموردانه لرندن و او ياغمور سبيله حاصل اولان حضور اذن خبردار و يرد و كوكلرده بالجملة موجوداتك مالك حقيقي و جمله دن غني و احتياجن منز اولديني بو ايتدن مستفاد اولان فوائد جمله سندندر .

**

واجب تعالى وحدانيت و قدرته دلالت ايدن دلائل دن بعض آخري بيان ايتك اوزره ﴿ أَلَمْ تَرَ أَنَّ اللَّهَ سَخَّرَ لَكُمْ مَاءَ فِي الْأَرْضِ وَالْقُلُوكَ تَجْرِي فِي الْبَحْرِ بِأَمْرِهِ ﴾ بيوريور .

[حبيب ! سن كورمدك و بيلمدي ؛ قوللرينك اموريني تدبير ايدن الله تعالى ير يوزنده اولان حيوانات و سائره بي سزه مطيع و منقاد قيلدي و دكزلرده كندی امريله يوروين كيملي الله تعالى سزه مسخر قيلدي كه او كيملي ايسته ديككز محللره كوتورور تجارتی تأمين ايدر سكر .]

﴿وَيُمْسِكُ السَّمَاءَ أَنْ تَقَعَ عَلَى الْأَرْضِ إِلَّا بِإِذْنِهِ﴾

[و کورمدکی الله تعالى ارض اوزرینه دوشمسون ایچون اوزریکزده سمایی طوتار دوشورمن که معیشتکزه و راحتکزه خلل کلسون. آنجق اوسا یوم قیامتده اللهک اذنیله دوشر و عالمک انتظامی بوزلور، بوعالم باشقه برعالمه انقلاب ایدر.]

﴿إِنَّ اللَّهَ بِالنَّاسِ لَرُؤُوفٌ رَحِيمٌ﴾

[زیرا؛ الله تعالى ناسه یر یوزنده اولان مخلوقاتی مطیع قیلمقله اسیر که یچی و سمایی اوزرلرنده طومتقله مرحمت بیور یجیدر.]

یعنی؛ یا اکرم الرسل! سن کورمدکی؟ الله تعالى یر یوزنده اولان مخلوقاتی سزه مسخر و بالخاصه اکثر حیواناتی سزه قارشى ذلیل و اطاعتی قیلدی. سز او حیوانانک اتی یر و اکینگزی اکر و اوزرینه ینر و یوگکزی یوگتیر و الحاصل بالجمله امور کزده قوللانیر آنلرله استراحتکزی تأمین ایدرسکز. شو حالده دوه، جاموس و آت کبی سزدن چوق قوتلی و جسامتلی حیوانلری سزه مطیع قیلمسی؛ جناب حقک قدرت قاهره سنه پک بویوک بر دلیلدن و دریاده اللهک کندی امریله جریان ایدن کیلری سزه مسخر قیلمسی و حدانیتنه و قدرت قاهره سنه دلالتده کافیدر چونکه؛ الله تعالى صوبی مسخر قیلوبده صو کیمی یوزنده طومتسه و کینک روزکاری موافق صورتده اسمسه انسانلرک صو اوزرنده کیلری و واپورلری طوتا بیللمسی و ایسته دیکی محللره آلوب کوتوره بیللمسی ممکن اولابیلیرمی؟ و بعض کره فورطنه یه طوتولدیغنده اراده الهیه تعلق ایتمکجه فورطنه دن بر ذره سنی کیم ازاله ایده بیلیر؟ واپور نه قدر بویوک اولسه طاشه و قیایه چارپوب و یاخود دالغه آلتنه آلوب باتدینی کبی دیگر زمانده عین دکز و عین موقعده کال راحت و سکونتله واپورلر یوللرینه دوام ایدر، قیل قیرداماز. بونلرک جمله سی واجب تعالی نک واحد وقادر و فاعل مختار اولدیغنه دلالت ایدر. حییم! کورمدکی؟ الله تعالى ارض اوزرنده سمایی اجسام ثقیله دن و دوشمک شانندن اولدینی حالده طوتوب دوشورمن و اوزریکزده قبه مثابه سنده طوتار که انتظام عاله و بالخاصه انسانلرک معیشتلرینه حلل کلسون. بونلر ربکزک سزه بویوک نعمتلی اولدینی

جهتله شکرینی ادا ایتمک لازمدر. چونکه؛ یاغمورک سمان یاغمسی و اوتلرک و اکینلرک و باغلرک و باغچلرک یاغمور صولری ایله حاصل اولمسی انسانلرک و حیوانلرک بونلرله تعیش ایتمسی انسانلرک حیاتنه و طرز تعیشنه و عالمک دوامنه خادم مستقندر. سمانک اوستمزده بولونمسی جناب حقک قدرت قاهره صاحب اولدیغنه دلالت ایدر. سمانک سقو طی؛ آنجق اللهک اذنیله یوم قیامتده اولاجقدر. الله تعالى انسانلره حیوانلری مطیع قیلمق، دریاده کیلری یوروتمک و زحمتدن قورتارمق و بوسیله ایله راحتلرینی تأمین و معیشتلرینی تسهیل ایتمک و اوزرلرینه سمایی دوشورمه مک و هلا کدن قورتارمق صورتیله قوللرینی اسیر کر و مرحمت ایدر. چونکه شو بیان اولونان نعمتلی احسان ایتمسی؛ واجب تعالی نک رأفت و رحمتنه آجیق دلیلدن. زیرا؛ جمله مخلوقاتک بالذات و یا بالواسطه انسانلره اطاعتله خادم اولمسی و دریاده کیلرک انسانلرک منفعتلرینه سیروسفر ایتمسی و سمانک ثقیل و دوشمک شانندن اولان بر جسم اولدینی خالده دوشمه مسی اللهک قوللرینه رأفتی و رحمتی جمله سندنر.

واجب تعالی انسانه احسان ایتدیکی نعمتلردن بعضیلرینی بیاندن صو کره بونعمتلرک موقوف علیهی اولان وجود نعمتنی و آخرت نعمتلرینه مقدمه اولان موتی بیان ایتمک اوزره ﴿وَهُوَ الَّذِي أَحْيَاكُمْ ثُمَّ يُمِيتُكُمْ ثُمَّ يُحْيِيكُمْ إِنَّ الْإِنْسَانَ لَكَفُورٌ﴾ بیور یور.

[شو نعمتلی احسان ایدن الله تعالی شول ذات اجل و اعلا در که سز موجود اولادیغکز حالده عناصر اربعه دن ترکیبله پدرکز آدمی و صکره سزی جمادات قیلندن اولان لطفه دن احیا ایتدی و حیانتکزدن صکره سزی مقدر اولان اجلکز کلدیکنده اولدورورو. اولد کدن صکره قبری کزدن سزی احیا ایدر که عملکزه کوره جزا کزی ویرسون. بو نعمتلرک جمله سنه شکر ایتمک واجب ایکن بالعکس انسانلر کفران نعمت ایدرلر.] زیرا جنس انسان؛ میدانده اولان نعمتلی شدتله انکار ایدر.

واجب تعالی دنیاچه قوللرینه ویردیکی نعمتلی ورؤف و رحیم اولدیغنی و انسانلردن

شکر ایدنلر وارسهده شکر ایتمینلرکده بولوندیغنی بیاندن صوکره تکالیف الهیه ایه
واقع اولان نعمترینی بیان ایتک اوزره ﴿لِکُلِّ اُمَّةٍ جَعَلْنَا مَنَسْکًا هُمْ نَاسِکُوهُ﴾
یوربور .

[بز هر امت ایچون بر شریعت تعیین ایتدک ، آنلر او شریعتله عمل ایدرلر .]

﴿ فَلَا يُنَازِعُ عَنْکَ فِی الْاَمْرِ ﴾

[حال بویله اولونجه مال سائر امر دینده سنکله منازعه ایتسونلر .]

﴿ وَاذْعُ اِلٰی رَبِّکَ ﴾

[حبییم ! دعوت ایت آنلری ربک تعالی نک شریعتنه .]

﴿ اِنَّکَ لَعَلٰی هُدٰی مُسْتَقِیْمٌ ﴾

[زیرا ؛ سن مطلوبه ایصال ایدر بر دین مستقیم اوزرینه سک .]

یعنی ؛ امتلردن هر امت ایچون بز بر عبادت و او عبادتی اداره ایتک ایچون زمان
و مکان تعیین ایتدک که او زمان و مکانده ملتر کندی شریعتلرنده کندیلرینک وظیفه دار
اولدقلری عبادتترینی ادا ایتکله مشغول اولورلر و بو جله دن اولارق بایرامی مشروع
قیدلق و او بایرامده قربان کسدرملرینی بیان ایتدک . شو حالده یا اکرم الرسل ! سائر
ملتر امر دینده سکا منازعه ایتسونلر . چونکه ؛ هر امتده جاری اولان احوال دن طولانی
سکا اعتراض ایتکده بر معنی یوقدر . زیرا ؛ هر ملت ایچون بر شریعت و او شریعتده
تعیین اولونمش عبادتله اولدینی کی سنک امتک ایچون بر شریعت و او شریعتدهده خصوصی
عبادتله بیان اولونمش در . نصل که سائر امتله شریعتلرنده بیان اولونان عبادتی قبول
و آنکله عمل ایدرلر ، سنک امتکده عین حالده در . حال بویله اولونجه حبییم ! سن بالعموم
ناسی دین الهیه و شریعت محمدیه که دعوت ایت . زیرا ؛ سن طوغری وسلوک ایدنلری
مطلوبه ایصال ایدر بر دین اوزرنده سک . بناء علیه ؛ طوغری بر دین اعتراض قبول
ایتمز . چونکه احکامی ؛ عقل سلیم و فکر مستقیمک قبول ایده جکی شیلردر . عقلک

قبول ایتیه جکی بر تکلیف اولمادیغندن عناد و استکبار ایدرهک اعتراض ایدنلره التفات
ایتهمک لازمدر .

فخر رازی ، قاضی ، خازن و مدار کده بیان اولوندیغنه نظراً آیتک سبب نزولی ؛
مشرکلهک مسلمانلره حیواناتی کسمک حقنده اعتراض ایتلریدر . چونکه ؛ مشرکله مؤمنلره
« سزه نه اولیور که کندی الکزله اولدوردیککز حیوانی پیرسکزده الهک اولدوردیکی
میتینی ییمزسکز . ایشته شو معامله کز عقلک خلافی در » دیملری اوزرینه بو آیتک نازل
اولدینی مرویدر .

بیضاوینک بیانی وجهله مشرکلهک مقصدلری ؛ صواب آرامق و حق اظهار ایچون
منازعه و مباحثه اولمایوب بلکه جهالت و عناد اوزره منازعه ایتدکلرندن جناب حق آنلری
منازعه دن نهی ایتشددر . صواب آرامق مقصدینه بنا اولونمایان منازعه ؛ هر زمان حرامدر
ورسول اللهده آنلره التفات ایتهمسنی توصیه و تنییه واردر . زیرا ؛ مشروع اولمایان
منازعه یه جواب و آنلرک نزاعنه میدان و یرمکده فائده یوقدر . چونکه ؛ مشرکلهک
غرضلری مکابره و نه قدر آجیق حقیقت اولسه انی انکار ایتک اولدیغندن بومثلومعندلره
جواب و یرمه مک اولادر . بو آیت جلیله ؛ انسانک مهمل خلق اولونمایوب البته هر عصرده
بر دینله تدین ایتکله مکلف اولدقلرینه و دیندن خالی بر زمان کچمدیکنه و هر زمان
انسانلرک بر دینه محتاج اولدقلرینه دلالت ایدر . چونکه ؛ بو آیتده (منسکا) بیضاوی ،
خازن و نیسابورینک بیانلری وجهله شریعت معنانه در . « هر امت ایچون بر شریعت
اولدیغنی » بیان ایتک « شریعتسز بر زمان و بر امت کچمدیکنی » بیان ایتکدر . (هم
ناسکوه) (هم عاملون به) معنانه در . یعنی « هر امت ایچون بز بر شریعت خلق ایتدک
او امت او شریعتله عمل ایدرلر » دیمکدر . اما هر عصرده شریعت اولمقدن هر انسانک
او شریعته تمسک ایتمش بولونمسی لازم کلز . زیرا ؛ هر زمانده دین طوتماز بر طاقم دینسزلر
بولونابیلیر و بونلرک بولونمسندن او زمانده شریعت اولماق لازم کلز .

خلاصه ؛ هر امت ایچون بر شریعت اولوب او شریعتده تعیین اولنان عبادتله
ناسک عبادت و شریعتله عمل ایتدکلری و شریعت محمدیه دیگر شریعتلری نسخ ایتدیکندن
عمومه شامل و عمومک قبولی واجب اولدیغندن اعتراض و منازعه جائز اولمادیغنی و اظهار

حق مقصدینه مبنی اولمایان مباحثه نك حرام و غرض فاسدله منازعه ایدنلره جواب ویرمه مك
اولی اولدینی و رسول اللهك هر کسی امر دینه دعوتله مأمور بولوندینی و دین محمدی
مطلوبه ایصال ایدر بر دین اولدینی بو آیتدن مستفاد اولان فوائد جمله سندندر .

**

واجب تعالی غرض فاسد اوزره امر دینده منازعه جائز اولمادیغنی بیاندنصکره مجادله
ایدنلره نه کبی جواب ویرله جکفی بیان ایتك اوزره ﴿وَإِنْ جَادُلُوكَ فَقُلِ اللَّهُ أَعْلَمُ
بِمَا تَعْمَلُونَ﴾ بیوریور .

[حجیم ! اکر مشرکله شود دعوتك اوزرینه تعند و تمرد ایدر مك مجادله ایدرلر و حق
قبول ایتزلرله سن آنلره التفات ایتمه و معارضه صورتیه مدافعه یه کیریشمه و دی که «سزك
عملکزی الله تعالی هر کسدن زیاده بیلیر» .]

﴿اللَّهُ يَحْكُمُ بَيْنَكُمْ يَوْمَ الْقِيَمَةِ فِيمَا كُنْتُمْ فِيهِ تَخْتَلِفُونَ﴾

[بناء علیه؛ الله تعالی يوم قیامتده سزك اختلاف ایتدیككز مسائل حقنده بینکزده
حكم ایدر .] اوزمان حقی و حقسز حكم الهی ایله یکدیكکردن آریلور . شو حالده
بو قدر قطعی دلیلله قارشى تعند ایدنلره سوز دیکله تمك ممکن اولمادیغندن بومثللورلك
حاللرینی قیامتده وقوع بولاجق حكم الهی به حواله ایتك لازمدر . بناء علیه؛ دین اسلامك
حق اولدیغنه دائر دلائل قطعییه تفصیل اوزره بیاندنصکره مجادله ده بر فائده اولمادیغندن
جناب حق کافرله جوابی علم الهی به تفویض ایتسنی رسولنه توصیه ایتمشدر . شو حالده
احقه جواب سکوت دنیلدیکی کبی بو کبی حقى انکاری عادت ایدن کیمسه لر هدایتدن
غایت اوزاق اولدقلری ایچون حقی جوابی دو بور مق احتمالی بو قدر . زیرا؛ غیرت جاهلیه لری
قاباردیغندن ویریلن جوابی انصاف اوزره دیکله مزلرکه قبول ایتسونلر .

بیضاوینك بیانی وجهله بو آیتده مشرکله تهدید واردر . آنجق رفقله و ملایمتله
تهدید اولدیغندن مجادله ایدنلره دخی رفقله معامله لازم اولدیغنه اشارت اولونمشدر .

**

واجب تعالی کافرلك حاللرینی بیلدیکنی و يوم قیامتده حکم ایده جکفی بیاندنصکره
کافرلك احوالی بیلدیکنی اثبات ایتك اوزره ﴿أَلَمْ تَعْلَمْ أَنَّ اللَّهَ يَعْلَمُ مَا فِي السَّمَاءِ
وَالْأَرْضِ إِنَّ ذَلِكَ فِي كِتَابٍ﴾ بیوریور .

[سن بیلمدکمی؟ حجیم ! الله تعالی کوکده ویرده موجود شیلری بیلیر . زیرا؛
شویان اولونان حوادثك جمله سی لوح محفوظده یازیلیدر و هیچ بر ذره سی علم الهیدن
غائب اولماز .]

﴿إِنَّ ذَلِكَ عَلَى اللَّهِ يَسِيرٌ﴾

[چونکه؛ شو منوال اوزره قوللرینك احوالی بیلمك الله تعالی اوزرینه غایت
قولایدر و علمی ازلی و ثابت و دائمدر ، زوال احتمالی بو قدر .] بناء علیه؛ اولمش اولاجق
و کیمش کله جك هر نه وارسه جمله سی علم الهیده محفوظ و هر شی نزد سبحانیده معلومدر .
شو حالده هر کسك اعمالی بیلیر و علمی وجهله جزاسنی ویرر .

**

واجب تعالی کافرلك عمللرینی بیلدیکنی بیاندنصکره عمللرینك باطل اولدیغنی بیان
ایتك اوزره ﴿وَيَعْبُدُونَ مِنْ دُونِ اللَّهِ مَا لَمْ يَنْزَلْ بِهِ سُلْطَانًا﴾ بیوریور .
[کافرلر اللهك غیرى شول شیئه عبادت ایدرلرکه الله تعالی او شیلرک معبود اولسنه
هیچ بر دلیل انزال ایتدی .]

﴿وَمَا لَيْسَ لَهُمْ بِهِ عِلْمٌ﴾

[و شول شیئه عبادت ایدرلرکه اوشیئك عبادته استحقاقنه عقلی و نقلی علملری
اولمادیغندن اوشیئه عبادتلری جهالت اوزره بنا اولونمشدر .] زیرا؛ بوتلرک معبود اولدیغنه
وجه مستند دلیل سماوی اولمادیغنی کبی عقله مستند دلیل عقلیلری دخی بو قدر .

﴿وَمَا لِلظَّالِمِينَ مِنْ نَصِيرٍ﴾

[حالبوکه بونلر کبی عن جهل ظلمی ارتکاب ایدن ظالملا ايجون يارديم ايدر بر کيمسه يوقدر .] کرچه آنلر فنا فعللرندن نشأت ایدن عذابدن قورتاره جق يارديمجي آرارلر ولکن بولامازلر . چونکه؛ عبادتلرینی مستحق اولمايان شيلره يادقلرندن نفسلرينه ظلم ايتدکلری جهته آنلره شفاعت ايدجک بولونماز .

خلاصه ؛ مشرکلرک بوتلره عبادتلرينك مشروعيته عقلي و نقلی دليل اولساديقندن دنياده مذهبيلرينك استناد ايدجک بر دلیلی اولمادینی کبی آخرتده دخی اومذهبک نتیجهسی اولان عذابدن قورتاره جق بر يارديمجیلری اولماز . چونکه بو آیت ؛ اوج همگی ماربهره : برنجیسی ؛ مشرکلرک عبادت ايتدکلری معبودلرينك معبود اولديغنه دأر بر محبت و دلیلك اولماسیبره . ایکنجیسی ؛ عبادتلرينك علمه مستند اولماسیبره . اوچنجیسی ؛ ظالمه آفرنده عذابده قورتاره مهربان بولومماسیبره .

واجب تعالی عبادتلرينه عقلي و نقلی دليل اولمادیقنی بیاندنصکره دليل نقلی تلاوت اولوندیقنده قبول ایتدکلرینی بیان ایتک اوزره ﴿وَإِذَا تُتْلَىٰ عَلَيْهِمْ آيَاتُنَا بَيِّنَاتٍ تَعْرِفُ فِي وُجُوهِ الَّذِينَ كَفَرُوا الْمُنْكَرَ﴾ بیوریور .

[مشرکلر اوزرینه بزم رسولز طرفندن قدرت و وحدانیتمزه دلالت ایدن آیتلریمز تلاوت اولوندیقنده سن شول کیمسهلرک یوزلرنده بر کراحت کورورسک که آنلر کافر اولدیلر . چونکه ؛ اوقونان آیتلری انکارلری یوزلرندن آکلاشیلور .]

﴿يَكَادُونَ يَسْطُونَ بِالَّذِينَ يَتْلُونَ عَلَيْهِمْ آيَاتُنَا﴾

[آنلر، اوزرینه آیتلریمز تلاوت ایدن رسولزی واصحابی طوتاجق برحاله یاقلاشیلرلر .]

﴿قُلْ أَفَأَنْبِئُكُمْ بِشَرٍّ مِنْ ذَلِكَُم النَّارُ﴾

[حییم ! قرآنی ایشیتمکدن استکراه ایدن مشرکلره سن دی که « ای

مشرکلر ! سز قرآنی ایشیتمکدن خوشلانماز و یوزیکزی ا کشتیتور و تویلریکزی اورپر تیرسکز . بن سزک نظر یکزده بو آیتلردن دها زیاده شر اولان بر شی خبر ویره می ؟ ایشه شر اولان شی ؛ جهنم آتشدیر .]

﴿وَعَذَابُ اللَّهِ الَّذِينَ كَفَرُوا وَبَشَ الْمَصِيرُ﴾

[واجب تعالی او آتشی ؛ کفری ارتکاب ایدن کیمسهلره وعد ایتدی ونه چیرکین واریلجق یردر جهنم آتشی .]

یعنی ؛ اللهم غیریه عبادت ایدن کافرلرک عبادتلرينك طوغرو اولدیغنه دأر عقلي و نقلی دلیملری اولمادینی جهته یالکز تقلیده وجهالته مستند اولارق بر طاقم عاجز شیلری معبود طانیانلر اوزرینه بزم وحدانیتمزه دلالت ایدن آیتلریمز اوقوندیقنده حییم ! سن او کافرلرک یوزلرنده انکار علامتلرینی کورور و اوقونان آیتلردن استکراه ایتدکلرینی بیلیرسک که اصلا قبوله رغبت کوسترمزلر . حتی اوقدر بغض و غضب ایدرلرک آنلر اوزرینه آیتلریمز اوقویانلرک همان یاقه سندن طومتغه و بوغازینه صارلغه یاقلاشیلرلر . ای رسول ذیشان ! بو قدر تمرد کوسترنلره سن دی که « سز آیتلری قبول ایتزده تلاوت ایدنلره بغض ایدنجه بن سزه تلاوت اولونان آیتلردن کراحتکزدن و بغض وعداوتکزدن دها زیاده شر بر شی خبر ویره می که او شر ؛ جهنم آتشدیر . اوجهنم آتشی کفره اصرار ایدرک وفات ایدن کافرلره الله تعالی وعد ایتدی . نه کوتو محلدلر آنلرک واره جقلری جهنم آتشی .

فخر رازینک بیانی وجهله قرآن اوقوندیقنه یوزلرنده کوریلن منکر ایله مراد ؛ یوزلرینک بورتارمسی (أ کوب بوکمه لری) و کراحت وابسته مزکک کورولسی و قرآنی قبوله نکبر ایتدکلر ، یا خود الله کلامی اولدیغنی انکار ایتدکلر . چونکه ؛ کافرلرک اعتقادلرینک بطلاتی بیان ایدن آیتلری کرک رسول الله و کرک اصحابی تلاوت ایتدکلرنده مشرکلرک اعتقادلرینک بطلاتی بیان ایتدیکندن ایشیدنلرک یوزلرنده سومه مزکک کورولور و همان ممکن اولسه اوقویانلری محو ایتک ایستلر و آلرله طوتوب اوغراشاجق بر حاله تقرب ایدرلر . بو حالک آنلرده هر نه زمان تلاوت اولونسه دوام اوزره کورولدیکنه

اشارت ایچون (یکادون بسطون) مضارع صیغه لر یله وارد اولمشدر. طوغرو یولی کوسترلره بغض وعداوت ایتمکدن دهها زیاده برشاعت اولماقله برابر انسانلرده جهالت سائقه سیله بوکی احوال شنیعه هر زمان کورولمکده در و بالخاصه هوا وهوسنه منمک اولان انسانلر آرزولرینک خلافت اولان احکام شرعی دن دائما نفرت کوستر و بغض ایدرلر. چونکه مشربی؛ باشی بوش حیوان کی ایسته دیکنی ایشله مک اولدیغندن انسانلری حل و حرمت و آداب حسنه و اخلاق حمیده ایله تقيید ایدن احکامه هر دین اربابی ایچنده اعتراض ایدنلر بولونور. شو حالده بو آیت زمان سعادتده موجود مشرکله مخصوص دکدر. زیرا؛ حقه و شریعتی بغض ایدنلر هر زمان موجوددر.

(يسطون) سطو؛ صیور ابوب وائی اوزانوب فضلك باقمندره طومر وشدن صارطی معناسه در. ایشه اوقونان آیتله کمال بغض وعداوتلری سائقه سیله مشرک حال غلبانه کلرک اوقویانلری مؤاخذه ایتک ایسترلر سده آلر یله چار پشمغه جسارت ایده مدکلرینه اشارت ایچون تقریه دلالت ایدن (یکادون) وارد اولمشدر. یعنی «بالفعل مؤاخذه ایتزلر ولکن مؤاخذه ایتمکه یا قلاشیرلر» دیمکدر. ایشه بو حالده اولان کافرله توبیخ و تکذیر صورتیله ویریلرک جوابی جناب حق رسولنه تعلیم بیورمشدر. بناء علیه؛ کافرلر کندی اعتقادلرنجه قرآنی حاشا شرع ایده رک یوزلرینی ا کشتیدکارندن جناب حق «سزک شرع ایتدیککزدن دهها شری سزه خبر ویریم» دیمکه کافرلری توبیخ ایتسنی رسولنه امر ایتشد، یوقسه حاشا «قرآنده شرع وارد جهنم آتشی آندن دهها شر» معناسه دکدر. چونکه قرآن؛ عین شفا و خیر محض و هر جهته انسانلرک منفعتلرینی بیان ایدر سبب نجاتلریدر ولکن کافرلر کندی اعتقادلرنجه شرع ایتدکلری ایچون «سزک اعتقادکزه نظراً جهنم آتشی دهها شر» دیمکدر، یوقسه حقیقتده قرآنده شر تصور اولونماز. یا فهور (من ذلکم) ده کی اسم اشارت؛ آنلرک غضب و بغضلرینه و قرآندن کنیدلرینه عکس ایدن صیقینیته و تلاشه اشارتدر. چونکه؛ بو عداوت و غضب و اندیشه آنلر حقنده شردر و جهنم آتشی دهها شردر. شو حالده «حقکزده شر اولان بغض و عداوتکزدن دهها شری سزه خبر ویریم که اوده جهنم آتشی» دیمکدر.

**

واجب تعالی کافرلرک بوتله عبادتلی عن جهل اولدیغنی بیاندنصرکه معبود اتخاذ ایتدکلری بوتلرک کمال عجزینی بیان ایتک اوزره ﴿يَا أَيُّهَا النَّاسُ ضَرْبَ مَثَلٍ قَاسَمُوهَا﴾ بیوریور.

[ای] ناس! سزک معبودلریکزک عجزینی بیان ایچون بر مثال بیان اولوندی: ایشیدک او مثالی و دوشونک معناسنی و لایق اولدیغنی قدر تفکر ایدک که انصاف و عدالتدن آریله سکز.

﴿إِنَّ الَّذِينَ تَدْعُونَ مِنْ دُونِ اللَّهِ لَنْ يَخْلُقُوا ذُبَابًا وَلَوْ اجْتَمَعُوا لَهُ﴾

[شول شیلر که اللهم غیری اولارق ای] ناس! آنلره عبادت ایدیورسکز. آنلر البته بر سینکی ایجاد ایده منزلر و لوسه اوسینکی ایجاد ایتک ایچون بر آرایه اجتماع ایتسونلر. یعنی او معبودلریکزک یالکز اولدقلری حالده تک بر سینکی ایجاد قادر اولامادقلری کی هپسی بر آرایه طوبیخ و چالیشمش اولسه لرینه بر سینک ایجادینه قادر اولامازلر و بو قدر عاجز مخلولره عبادتکز موافق عقل و حکمت میدر؟

﴿وَإِنْ يَسْلُبْنَاهُمْ الذُّبَابُ شَيْئًا لَا يَسْتَفِيدُوا مِنْهُ﴾

[ای] مشرک! سزک معبودلریکز اوقدر عاجزلردر که او سینک کمال عجز وضعی ایله برابر سزک معبودلریکزک زینتلرندن اوفاجق برشی صویسه آله کوتورسه او معبودلر ضعیف سینکدن صویدیغنی شیئی قورتاره مازلر. [زیرا؛ سینک آنلردن دهها مقتدردر. چوکه سینکر اوچغه و قاجغه و بر طرفدن دیکر طرفه نقل مکان ایتمکه و منفعتی آرامغه و مضر تندن قاجغه مقتدردر. بوتلرده ایسه بونلردن هیچ بریسه اقتدر یوقدر.

﴿ضَعْفَ الطَّالِبِ وَالْمَطْلُوبِ﴾

[سینکک صویمش اولدیغنی طلب ایدن بوتلر و مطلوب اولان سینک هر ایکدی ده ضعیف اولدی. [و یا خود] عابد و معبود هر ایکسی ضعیف اولدی.]

یعنی ؛ بالعموم پوتلر بر آریه کلسه لر بر سینیکی ایجاده قادر اولامازلر وسینکده آنلردن برشی قایمش وقاچمش اولسه او پوتلر سینکدن او شیئی آلفه قادر اولامازلر . شو حالده نصل اولیورکه بو قدر عاجز بر طاقم مخلوقله عبادت ایدرلر . بعض روایاته نظرآ مشرکلر پوتلرینی زعفران و آنک امثالی شیرله جلالادقلرندن سینکلر آنلرک جلاسی یالامق ایچون پوتلرک باشلرینه اوشوشورلر . پوتلر ایسه آنلری کندیلمدن دفع ایتمه قادر دکلردی . بناء علیه ؛ جناب حق پوتلرک عجزلرینی وسینکلرک او پوتلردن دهامقدر اولدقلرینی تصویر ایتمه اهل شرکی انصافه وایمانه دعوت ایتشد .

تفسیر خازنده بیان اولوندینی وجهله بوآیتده استماعله امر ؛ تفکرله امر ایتمکدر . چونکه ؛ دوشونمکسزین یالکز ایشیتمک هیچ بر زمانده انسانه منفعت ویرمز ، آنجق انسان دویدینی سوزک معناسنده و اوسوزدن مقصده تأمل و تفکر ایدرسه منفعت کورور . بناء علیه آیتده ضرب مثلی استماعله امر ؛ تفکر ایتمه امرور .

**

واجب تعالی پوتلره عبادت ایدن مشرکلرک ذات الوهیتی لایقیله تقدیر ایده مدکلرینی بیان ایتک اوزره ﴿ مَا قَدَرُوا اللَّهَ حَقَّ قَدْرِهِ ﴾ بیوریور .

[الله تعالی بی حقیله بیلوب لایقیله تعظیم ایده مه دیلر .] زیرا ؛ مخلوقاتدن اک عاجز شیرلی شریک قیلدقلری کی الوهیتله مناسبتی اولمایان شیرله اله اسمنی ویردیله . حالبوکه الله تعالی شریک ونظیردن منزهدر .

﴿ إِنَّ اللَّهَ لَقَوِيٌّ عَزِيزٌ ﴾

[زیرا ؛ الله تعالی قویدر . چونکه هر شیئی خلق ایدر . بناء علیه ؛ هیچ بر شئیک خلقی الله تعالی اوزرینه مشکل اولماز والله تعالی هرکس اوزرینه غالبدر .]

یعنی ؛ الله تعالی بی حقا معرفتله معرفت ایده مدیلر ولایق اولدینی وجهله دلائلی تدقیق ایدرک بیله مدیلر . زیرا ؛ الله تعالی بالجله ممکناتی خلقه قادر و جلله موجوداته غالبدر . بویله اولدینی حالده مشرکلر الهی تقدیر ایده مدکلرندن اک عاجز مخلوقلری الله تعالی به شریک اعتقاد ایتدیله .

بوآیتده واجب تعالی کافرلری صوک درجه ذم ایتشد . چونکه حیواناناک کوچوکی اولان سینکدن دهآشاغی مرتبه ده اولان جماداتی معبود اتخاذا ایتدکلرینی بیان ؛ حماقتلرینک صوک درجه سنی بیان ایتمکدر .

فخر رازینک بیانیه نظراً بو آیت یهوددن بعض کیمسه لر حقنده نازل اولمشدر . چونکه ؛ آنلر « الله تعالی سموات وارضی خلق ایتسیله یورولدی » دیملری اوزرینه بو آیتک نازل اولدینی مرویدر . شو حالده آیت جلیله ؛ الوهیتی لایق اولدینی صفتلره توصیف ایده مدکلرینی و شان الوهیتله لایق اولماق شیر اسناد ایتمه افترا ده بولوندقلرینی بیان ایتشد .

**

واجب تعالی پوتلره عبادت ایدن مشرکلری ذم ایتدکدن صوکره ملکلره عبادت ایدن کافرلرک مذهب لرینک باطل اولدینی بیان ایتک اوزره ﴿ اللَّهُ يَضْطَرُّ مِنَ الْمَلَائِكَةِ رُسُلًا وَمِنَ النَّاسِ ﴾ بیوریور .

[الله تعالی ملکلردن وناسدن رسوللر اختیار ایدر .]

﴿ إِنَّ اللَّهَ سَمِيعٌ بَصِيرٌ ﴾

[زیرا ؛ الله تعالی سوزلرینی ایشیتیر و عمللرینی کورور .]

﴿ يَعْلَمُ مَا بَيْنَ أَيْدِيهِمْ وَمَا خَلْفَهُمْ ﴾

[بناء علیه ؛ شمدی به قدر ایشله یوب ایلرویه تقدیم ایتدکلرینی وهنوز ایشله میوب ایلروده ایشله به جکلرینی بیلیر .]

﴿ وَإِلَى اللَّهِ تُرْجَعُ الْأُمُورُ ﴾

[وایشلرک جلله سی آنجق الله تعالی به ارجاع اولونور .]

یعنی ؛ الله تعالی ملکلردن ایسته دیکنی رسول اتخاذا ایدر و او رسوللر واسطه سیله انبیاء کرامه وحی کوندر و ناسدن ده رسوللر اختیار ایدرکه آنلر سائر ناسه اللهک امرینی تبلیغ واللهک احکامنی نشر و تعمیم ایله قوللرینی طریق حقه دعوت ایدرلر والله تعالی خلاصه البیان : اونجی جلد - ۱۳

دعوته اجابت ايدنلری واجابت ايتمينلری بيلير . زیرا ؛ الله تعالى قوللرينك مناجاتلری ايشيتير و طودقلى ايشلری کورور و رسالته لایق اولان کيمسەلری ولايق اوليانلری بيلديكى کي قوللرينك کچمش وکله جک عمللری دخی بيلير و هرکسک عملنه کوره جزا ويرر و عبادك ايشلرينك جمله سی آنجق الله تعالى به راجعدر . بناءً عليه ؛ هیچ کيمسەنك اعتراضه صلاحيتی یوقدر . زیرا ؛ افعالندن مسئول دکلدرد . شوحالده ايسته دیکنی رسول اتخاذايدر ، دیکرینی رسول قیاماز . « بناءً عليه نه ایچون بویله اولیور ؟ » ديمك هیچ کيمسەنك حدی و وظیفه سی اولمادیغندن افعال التهمیه به اعتراض ايدنلر مسئولیت اخرويه دن قورتولامازلر .

فخر رازينك بیانی وجهله ملکلى معبود اتخاذايدنلری جناب حق بو آیتله توبیخ ایتشدرد . چونکه ؛ ملکلك علوتی جناب حقك خلقی واختیاری ايله اولدیغی کي ملکلك عبودیتله متصف اولوب معبودیتله مناسبتلری یوقدر . شوحالده ملکلكه « اللهك قیلرلیدر » دییه نلر مشرك اولدقلری کي « ملکلك بزى اللهه یاقلاشدیرسون دییه رك عبادت ایدرز » دییه نلر دخی مشرکلردر .

واجب تعالى التهمیه ونبوته متعلق مسائل بیاندنصکره فروع اعماله متعلق بعض مسائلی بیان ایتک اوزره ﴿ يَا أَيُّهَا الَّذِينَ آمَنُوا ارْكَعُوا وَاسْجُدُوا وَاعْبُدُوا رَبَّكُمْ وَافْعَلُوا الْخَيْرَ لَعَلَّكُمْ تُفْلِحُونَ ﴾ بیوریور .

[ای مؤمنلر ! رکوع وسجده وربکزه عبادت ایدک وفلاحیاب اولمکزا ایچون خیر ایشله یک .]

یعنی ؛ الله ورسولنه و آخرته ایمان ایدن مؤمنلر ! نمازیکزده رکوع وسجده ایدک که جناب حقه خضوع وتواضع وتذلل ایتمکه عبودیتکزی اظهار ایتمش اولاسکز . سزی صایلماز وتوکنمز نعمتلری ايله تربیه ایدن ربکزه جمیع اعضا کزله اخلاص اوزره عبادت ایدک وقورقدیقکزدن قورتولوب اومدیتمکزه نائل اولق ایچون نافله عبادت وصله رحم وفقرایه اتفاق ومرحمت کي خیرلر ایشله یک .

بیضاوینك بیانی وجهله (لعل) کله سی عبادت ایدن کيمسەلرک فلاحی رجا ایدوب عمللرینه مغرور اولمالرینه وهرنه قدر عبادت ایتسەلر اخلاصله قبوله توقف ایتدیکنه اشارت ایچون وارد اولمشدر . چونکه ؛ عمل رضایه موافق اولمادیغده هیچ بر فائده یی مفید اولمایوب آنجق اللهك قبوليله مفید اولاجنی وهرکس درگاه الوهیتده عملنك قبولی بیلمدیکی جهتله هیچ کيمسەنك عملنه اعتماد ایتمه سی لازم اولوب آنجق فلاحی وعملنك قبولی جناب حقدن رجا و امید ایتسەنك لزومه اشارت ایچون (لعل) کله سی وارد اولمشدر .

تفسیر خازنده بیان اولوندیغنه نظراً بو آیتده خیر ايله مراد ؛ صدق و صبر و عزم و تقوی و کوزل سوز و اللهك قوللرینه احسان و منافع عامیه عامه ضیارات و مبراتک جمیعده شاملدر . چونکه خیر ایشله مک ؛ ایکی جهتده اولور : برنجیسی ؛ رببه خدمت و امرینه تعظیم ایتمکه . ایکنجیسی ؛ اللهك قوللرینه شفق و رحمیت که بو قسم خیر هر نوع ایلکه شاملدر .

شافعی عندنده بو آتی اوقویان و دیکلەین کيمسەیه سجده تلاوت لازم ایسه ده حنفی عندنده لازم دکلدرد . چونکه ؛ بو آیتده سجده نك رکوعله برابر ذکر اولونمی سجده ايله مرادک سجده صلات اولوب سجده تلاوت اولمادیغنه دلالت ایتدیکندن امام اعظم حضر تلی سجده تلاوت لازم اولمادیغنی بیان ایتشدرد .

رکوع وسجودله مراد ؛ نمازدر . زیرا رکوع وسجود ؛ نمازک مهم ارکاندن اولدیغی جهتله جزئی ذکرله کلنی مراد ایتک قیلندن مقصود نمازدر . شوحالده « رکوع وسجود ایدک » ديمك « نماز قیلک » ديمکدر .

واجب تعالى رکوع وسجود و عبادت وخیرایله امر ایتدکنصکره جهاده امر ایتک اوزره ﴿ وَجَاهِدُوا فِي اللَّهِ حَقَّ جِهَادِهِ هُوَ اجْتَبَاكُمْ ﴾ بیوریور .

[سز اللهك توحیدی حقنده حقیله مجاهده ایدک . زیرا ؛ الله تعالى مخلوقات ایچندن سزی اختیار ایتدی .]

یعنی ؛ اللهم وحدانیتی قوللربنه بیلدیرمک وطانیتق ایچون توحید حقنه حقا مجاهده ايله مجاهده ایدک . چونکه ؛ الله تعالی مخلوقات ایچنده توحیدینی ادرا که سزی اهل قیلارق اختیار ابتد و مخلوقات سائرده دن عقل و نطق کبی مزیتلره سزی ممتاز قیلدی . بناء علیه ؛ کلمه توحیدی اعلاده قدرتکز و طاعتکزله سعی ایدک که عبودیتکزی اثبات ایتش اولاسکز .

بیضاوینک بیانی وجهله بو آیتده جهادله امرک سببی ؛ الله تعالی نک توحیدینی معرفته انسانلری اهل قلوب اختیار ایتسی اولدیغنی بیان بیورمشدر . شوالده انسانلرک جهادله مأمور اوللرینک سببی ؛ مخلوقات سائرده دن افضل اولوب عند الهیده ممتاز اوللریدر . جهادله مراد ؛ نفس امارهیه و اعداء دینه مجاهدهیه شامل اولدیغنی کبی حقا جهادله مراد ؛ قدرتی لایم صرف ایتکدر .

تفسیر خازنده بیان اولوندیغنه نظراً حقا جهادله مراد ؛ اللهم عبودیتده لایمک لومندره قورقماور ووسع و طاققت مفراری مالیشور و اعداء دینه مجاهده ایتکدر . چونکه ؛ دین اسلامک بدایه ظهورنده اهل شرکی توحیده دعوتک دلائل قطعیه ايله اسبابنه توسل فائده ایتیموب قیلججه مجاهدهیه احتیاج ایجاب ایتدیکی جهته جهاد اولدیغنی کبی نهایتسنده دخی جهاده احتیاج مس ایده جکدر . بناء علیه ؛ جناب حق لایقيله جهاد ایتمکی قوللربنه امر ایتمشدر که دینی اقامه نک هر زمان اهل ایمانک نصرته محتاج اولدیغنه اشارت اولونمشدر .

* *

واجب تعالی، مجاهده ايله تکلیفک عین مشقتله تکلیفدر دیه نلری رد ایتک اوزره

﴿وَمَا جَعَلَ عَلَيْكُمْ فِي الدِّينِ مِنْ حَرَجٍ مِّلَّةَ أَبِيكُمْ إِبْرَاهِيمَ﴾ بیوریور .

[الله تعالی دینده سزک اوزریکزه کوجلک قیلما دی . زیرا ؛ وسعکز خارجنده برشی تکلیف ایتدی . چونکه ؛ الله تعالی بابا کز ابراهیم علیه السلامک شریعتی سزه شریعت قیلدی که آنده اصلا مشقت یوقدر . زیرا ؛ هر تکلیفی انسانک قدرتی تحتنده در . بناء علیه ؛ بابا کز ابراهیمک ملتته اتباع ایدک .]

﴿هُوَ سَمِّكُمْ الْمُسْلِمِينَ مِنْ قَبْلُ وَفِي هَذَا﴾

[الله تعالی قرآندن اول نازل اولان کتابلرده وشوقرآنده سزه مسلملر تسمیه ایتمشدر . بناء علیه ؛ اطاعتکز قرآنده بیان اولوندیغنی کبی قرآندن اول کلن کتابلرده دخی بیان اولونمشدر .]

﴿لِيَكُونَ الرَّسُولُ شَهِيدًا عَلَيْكُمْ وَتَكُونُوا شُهَدَاءَ عَلَى النَّاسِ﴾

[رسولکزک سزک اوزریکزه شاهد اولسی وسزکده سائر ناس اوزرینه شاهد اولمکز ایچون الله تعالی سزه مسلم اسم مبارکنی ویردی .]
بیضاوینک بیانی وجهله دین اسلامک احکامی بشرک ادا ایده بیلجکی رادهده قولایلق اولدیغندن « احکام اسلامیه کفیلیدر ، آلتندن قاقامدق ، دیه اعتذاره هیچ کیمسه نک مجالی یوقدر . بناء علیه ؛ تکالیفی ادادن امتناع ایدنلرک عذرلری مقبول دکدر .

تفسیر خازنده بیان اولوندیغنه نظراً دینده حرج اولماق له مراد ؛ اطمینان عمل ایتک قولای اولدیغنی کبی جمله کناهلرده قورقماور و اعداء دینه مجاهده ایتکدر . چونکه ؛ دین اسلامده چاره سی بولونماق برکنه یوقدر . مثلاً کنه ، اللهله قول آرهنده اولورسه چاره خلاص توبه در و انسانلرک یکدیگرینه قارشی کناهلرنده چاره خلاص حلاللاشمقدر . قصاص ، دیت و بعض جنایت ؛ کفارتله و حقوق عباددن ایسه هر کسک حقنی ویرمکه خلاص اولور . بناء علیه ؛ برکیمسه کناهلر آخرته کیتمکه سعی ایدرسه شریعت اسلامیهده وسعت واردر .

حضرت ابراهیم عموم مسلمانلرک نسبه پدرلری دکلسده مسلمانلرک مغویانده پدر مشفقلری بولونان رسول اللهک جد اعلاسی و پدری اولدیغنی جهته امتنکده پدری اولق لازم کلدیکندن بو آیتده ابراهیم علیه السلامک مسلمانلرک باباسی اولدیغنی بیان اولونمشدر . چونکه ؛ بر رسولک امتی او رسولک اولادی حکمنده اولدیغنی کبی او رسولده امتنک باباسیدر . زیرا ؛ انسانک نسبه باباسی حیات موقته اولان دنیاده وجودینه سبب اولدیغنی کبی رسولده ارشاد و اصلاح ایتدیکی جهته حیات ابدیه سبب اولور . پیغمبرلر امتلرینک خیرلی بابالریدر و بابانک باباسی انسانک بیوک باباسی اولدیغنی کبی بر امتنک رسولنک

باباسی دخی او اُمته بویوک بابا اولاجفنده شبه یوقدر . ایشته شو اساسه بناء ابراهیم علیه السلام بو امتک باباسی اولدینی بیان اولونمشدر . و رسول اللهک (انما انا لکم مثل الوالد) بیوردینی حدیث شریفی دخی بو معنای تأیید ایدر . یعنی «بن سزه آنجوق باباکز کبی یم» دیمکدر . مؤمنلره بوندن اول مسلم تسمیه ایدن حضرت ابراهیم اولوق احتمالی وارایسده اصح اولان جناب حقدر . چونکه بوندن اول امت محمدیه مسلم تسمیه ایدلدیکی بیان اولوندینی کبی قرآنده دخی تسمیه اولوندینی بیان اولونمشدر . قرآنده مسلم تسمیه ایدن الله تعالی اولونجه قرآندن اول سائر کتابلرده دخی تسمیه ایدنک الله تعالی اولسی لازمکلیر . رسول اللهک امتی اوزرینه شهادتی قبول اولوندینی کبی امتکده سائر امتلره شهادت ایدوب شهادتلینک قبول اولاجغنی بیانله بو امتک جلالت شانی اعلان ایتمشدر .

واجب تعالی انسانی سائر مخلوقاندن ممتاز و شرفلی و کندی ذاتی معرفته اهل قیلدغنی و شهادتلینک قبول اولوناجغنی بیاندن صوکره انواع عبادتله اللهه تقرب ایتلمی لازم اولدغنی بیان ایتک اوزره ﴿فَاقِمُْوا الصَّلَاةَ وَآتُوا الزَّكَاةَ وَاعْتَصِمُوا بِاللَّهِ﴾ بیوریور .

[الله تعالی دینده کوجلک خلق ایتمه یجه سز صلاتی ادا ایدکوزکاتی و یرک وایشلریکزده اللهک عنایتنه یاپیشک وایشلریکزی آکا تقویض ایدهرک آندن یاردیم بکلهیک .]

﴿هُوَ مَوْلَايُكُمْ﴾

[زیرا؛ الله تعالی سزک یاریمجیکزدر .]

﴿فَنِعْمَ الْمَوْلَى وَنِعْمَ النَّصِيرُ﴾

[الله تعالی یاریمجیکز اولونجه نه کوزل مولی و نه کوزل بر یاریمجیدر الله تعالی .] یعنی ؛ الله تعالی قرآنده و قرآندن اول نازل اولان کتب سماویهده سزک مسلم یعنی مطیع بر ملت اولدیغکزی و شهادتکزک قبولی بیان ایدنجه جمیع اعضا کزله جناب حقه توجه و عبادت بدنیهدن عبارت اولان نمازی اقامه ایدک ویا لکز عبادت بدنیه ایله اکتفا

ایلهیک ، بلکه عبادت مالیهدن عبارت و فقرانک حق اولان زکاتی مستحق اولانلره یرک و جمله امور کزده اللهک عنایتنه التجا ایدک و شریعتنه یاپیشک که نائل اولدیغکز اسلامیتک شکرینی ادا ایدهرکز . زیرا ؛ الله تعالی مولا کز و یاریمجیکزدر . بناء علیه؛ نه کوزل مولی و نه کوزل بر یاریمجیدر الله تعالی .

خلاصه ؛ الله تعالی نک توحیدینی اعلا خصوصنده لایقيله مجاهده نک واجب اولدینی و ذاتی معرفته جناب حقک انسانلری اهل قیلوب اختیار ایتدیک و دین اسلامده کوجلک اولمادینی و ملت اسلامیه نک ملت ابراهیم اولدینی و حضرت ابراهیمک رسول الله واسطه سیله بو امتک باباسی بولوندینی و قرآندن اول نازل اولان کتابلرده و قرآنده جناب حقک امت محمدیه مسلم تسمیه ایتدیک و رسول اللهک امتی اوزرینه و امتکده سائر امتلر اوزرینه شهادتلینک قبول اولوندینی وارکان شرائطنه رعایتله نمازی اقامه و فقرانک حق اولان زکاتی و یرمک و جمله امورده اللهک عنایتنه یاپیشمق واجب و جناب حقک اهل اسلامک یاریمجیسی اولدینی بو آیتدن مستفاد اولان فوائد جمله سنددر .



روی بیک اوچیوز اوتوز سنه سی تشرین ثانیسنک اوز اوچونجی پنجشنبه کونه تصادف ایدن عربی بیک اوچیوز اوتوز اوچ سنه سی محرمنک طقوزنجی کونی قوشلق وقتی بو سورمه نک ترجمه سی بمونه تعالی ختام بولمشدر .

اون سکزنجی جزؤ

سورة مؤمنین

مکه مکرمه ده نازل اولان سوره لر دندر . یوزاونه سکز آتی حاویدر .

بِسْمِ اللَّهِ الرَّحْمَنِ الرَّحِيمِ

﴿ قَدْ أَفْلَحَ الْمُؤْمِنُونَ * الَّذِينَ هُمْ فِي صَلَاتِهِمْ خَاشِعُونَ ﴾

[نماز لرنده خشوع اوزره ادا ایدن مؤمنلر فوز وفلاحه داخل اولاجقلردر .]
یعنی ؛ محقق فلاحه داخل اولدی شول مؤمنلر که آنلر نماز لرنده کمال تواضع وتذل
اوزره قلبلریله ربلرندن قورقارقی و کمال اخلاص اوزره اداء صلاتلر ایتدیلر . بناء علیه ؛
شو اوصافی حائز اولان مؤمنلر قورقدقلرندن قورتولوب سعادت ابدیه نائل اولاجقلردر .
بیضاوینک بیانی وجهله اهل ایمانک فلاح ونجاتی ربلرینک لطفندن انتظار ایتدکلرینه
اشارت ایچون انتظاره دلالت ابرمه قد لفظیله (قد افلاح) وارد اولمشدر . فلاح ؛
اومدیغه نائل اولوب قورقدیقینی شیرمه قورقوشو وخشوع ؛ فایده الیهده قورقوشو وتواضع
وتذل اتمک واعضاء جوارمی ساکن اولوب اطرافه التفات اتممکده . بوکا نظراً معنای آیت :
[الهمی ورسولنی لایقینه تصدیق وایمان ایدن مؤمنلر اومدقلرینه نائل اولور وقورقدقلرندن
قورتولورلر و اومؤمنلر شول کیمسه لکه آنلر نماز لرینی ادا ایدرکن قلبلری ایله الیهدن
قورقوب کمال تواضعی وعبودیتیه لازم اولان تذللای اختیار ایتدکلری کبی اعضاء جوارح لرینی
لایق اولدینی محله استعمال اتمکله قلباً وقالباً جانب حقّه توجه ایدرلر و اطرافه التفات
ایتمزلر] دیمکدر .

بو آیتده مؤمنلرک فلاح ونجاتلری ؛ ایکی شئی تعلیم اولونمشدر : برنجیسی ؛
ایمانه ، ایکنجیسی ؛ نماز لرنده خضوع وخشوع واعضالربنک سکونتیه . چونکه ؛ بر

حکمک مشتق اوزره تعلیق اولونمشی مأخذ اشتقاقک اوحکمّه علت وسبب اولمشی اقتضا
ایدر . شو حالده بو آیتده فلاحیاب اولمق ؛ مؤمن اولارق نمازده خاشع اولمغه تعلیق اولونجه
مأخذ اشتقاق اولان ایمانله خشوعک فلاح لرینه وجتنده بقا لرینه سبب و علت اولمشه اشارت
اولونمشدر . بناء علیه ؛ فوز وفلاحه نائل اولمق ایسته ین مؤمنک نمازده خشوعه اهتمام
ایتمسی لازمدر . حتی اصحاب رسول الله بو آیتک نزولندن اول نمازده کوزلرینی سمایه قالدیرر
و اطرافه التفات ایدوب بو آیت نازل اولدقدنصکره کوزلرینی سجده موضعندن آیرمادقلری
(ابوهریره) حضرتلرندن مرویدر . ایشته شو اساسه بناء مدارک وخازنده خشوع ؛
نمازده ماسوایی بالکله ترکله همتنی و قلبنی جمع اتمک دکوزینی سجده موضعنده آیرماده
وصافه وصورته التفات اتمکک و ایلد صقالتی و سائر برینی ایزامامقده عبارت اولدینی بیان
ایتمکله تفسیر اولونمشدر . حتی رسول اللهک نمازده صقالتی اویناتان برکیمسه یی کوردیکنده
« اکر شو آدمک قلبنده خشوع اولسه سائر اعضا سنده دخی خشوع اولوردی » بیوردینی
مرویدر .

نیسابوریده بیان اولوندینی وجهله خشوع ؛ نمازک قبولنک وثوابنک شرطیدر . اما
بورجندن قورتولمشنک شرطی دکلدر . چونکه ؛ خشوع بولونمشیزین ادا اولونان نمازی
ادا ایدن کیمسه بورجی اولان فرضی اسقاط ایدر ولکن خشوعله ادا اولمادینی ایچون
درکاه الوهیتده کوزل قبول ایله قبول اولونماز . بناء علیه ؛ ثوابده اولماز . چونکه ؛
نمازک مجرد صحتی باشقه وصحیله برابر قبولی باشقهدر . زیرا ؛ کتب فقهیهده بیان اولونان
شرائطله ادا اولونان نماز صحیح اولور . یعنی ؛ ادا ایدن کیمسه بورجندن قورتولور ،
فقط نماز صحیح اولمقله برابر جناب حقک درگاهنده قبول اولونوب رضاسنه موافق ومکافاته
مستحق اولمش لازم کلز . شو حالده برعبادتک صحتی باشقه و عندالیهده قبولی باشقهدر .
زیرا ؛ قبول اولان عمل صحیح اولور ولکن صحیح اولان عمل قبول اولمق لازم کلز .
بوندن اولکی سورمه نک خاتمه سی صلاتله وزکاتله وقوع بولدیغندن بوسورمه نک بدایه سنده
صلات وزکاتک وسائر مکارم اخلاقک فضائلنی ذکر ایله ابتدا اولوندینی جهته بدایه نک
دیگر سورمه نک نهایه سته تمامیه مربوط اولدینی نیسابورینک جهه بیاناتندندر .

واجب تعالى فلاحه نائل اولاجق مؤمنلك عادتلى نمازده خشوع اولديغنى بيانن
سكره ملايعنى ترك ايتك دائى برعادتلى اولديغنى بيان ايتك اوزره ﴿وَالَّذِينَ هُمْ
عَنِ اللَّغْوِ مُعْرِضُونَ﴾ بيوريور .

[فلاحياب اولان مؤمنلر شول كيمسهلر كه آنلر فائده سز سوزدن وايشدن دائى
اعراض ايدرلر .]

يعنى ؛ قورقديغندن قورتولاجق و اومديغنه نائل اولاجق شول كيمسهلر كه آنلر
دائى ملايعنى دن وسائر كوچوك و بويوك كنهلردن قاچينرلر . بناء عليه ؛ كرك سوزلرنده
و كرك ايشلرنده دنيوى و اخروى فائده اولمايان شيلرى ترك ايتك عادتليدر . شو حالده
بو كى مؤمنلردن يالان سويله مك و بر كيمسيه سوكمك و اويون اوينا مق كى شيلرله مشغول
اولق اولمادى كى حقى ضرورت مس ايتمين مباحى بيله ايشله مكه تنزل ايتزلر و لغوياته
مباشرت ايتك و رغبت كو سترمك و سبييت و يرمك كى بر تشبده بولونما دقلىر نه اشارت
ايچون دوامه و استمراره دلالت ايدن اسم فاعل صيغه سيله (معروضون) وارد اولمشدر .
انسانك سعادت و صولى ؛ ايتدئسى لازم اولده شئى ايتدئوب تركى لازم
شئى ترك ايتكده ماحصل اولديغندى جناب حق فلاحه داخل اولمغه لايق اولان كيمسهلر كه
نمازده خشوع اوزره بولونمق و لغوياتي ترك ايتك عادتلى اولان كيمسهلر اولديغنى
بيان بيورمشدر كه وجوبى ادا و حرامى ترك ايتك مزيتى جمع ايتدكلىرى بيانله ثنا ايتديكى
كى اهل ايمانى بومثللو عادات حسنه يي ايشله مكه ترغيب ايتمشدر . چونكه بوتون تكاليفك
اساسى ؛ بو ايكيه منحصر در كه رايى ايتدك و مرامى ترك ايتكده .

**

واجب تعالى ايشله نئسى لازم اولان صلاتى ايشلدكلىرى و تركى لازم اولان لغوياتي ترك
ايتلى ايله مؤمنلك فلاحياب اولاجقلىرى بيانلنسكره زكاتلىرى و يرمكه فقرانك حقوقه
دخى رعايت ايتدكلىرى بيان ايتك اوزره ﴿وَالَّذِينَ هُمْ لِلزَّكَاةِ فَاعِلُونَ﴾ بيوريور .

[قورقديغندن قورتولوب اومديغنه نائل اولاجق مؤمنلر شول كيمسهلر كه آنلر
فرض اولان زكاتلىرى ادايه مداومت ايدرلر اصلا ترك ايتزلر .] چونكه زكاتى ترك
ايتك ؛ الله عصيان و فقرانك حقوقى منع ايتك اولديغنى جهته مروتى اخلاص ايدر .
شوحالده فلاحياب اولق آرزو ايدن مؤمنلر عبادت بدنيه اولان نمازى و عبادت ماليه
اولان زكاتى ادايه كال اعتنا و اهتمامله سوه سوه دوام ايتدكلىرى و محرماتدن وسائر فائده سز
شيلردن احتراز ايتدكلىرى بيانله جناب حق زكاتى ادايك فلاحه سبب اولاجقنى بيان ايتمشدر .
زكات ؛ اموالى ، ايتدئى بولونماه بر طاقم ضبائره نظير ايتدئى بولونماه زكات ديتمشدر .
زيرا زكات ؛ طهارت معناسه و تركيه ده نظير معناسه اولديغندن اموالك زكاتى و يرمك ؛
اومالى فالقندن تطهير ايتكدر . ايشته شو طهارت سبيله زكات ؛ اموالى آفات خارجه دن
دخى محافظه ايدى جكنه دائر بر چوق احاديث جليله دخى موجوددر .

**

واجب تعالى فلاحه داخل اولاجق مؤمنلك عادتلى عبادت بدنيه اولان صلاتى
و عبادت ماليه اولان زكاتى ادايه دقتلىرى و فائده سز لغوياتي ترك ايتدكلىرى بيانن صوكره
محرماتى ترك ايتدكلىرى بيان ايتك اوزره ﴿وَالَّذِينَ هُمْ لِفُرُوجِهِمْ حَافِظُونَ﴾ الا
عَلَىٰ اَرْوَاجِهِمْ اَوْ مَا مَلَكَتْ اَيْمَانُهُمْ فَاتَّخِذُوْهُمُ غَيْرَ مُلُومِينَ﴾ بيوريور .

[وقورقديغندن قورتولاجق و اومديغنه نائل اولاجق مؤمنلر شول كيمسهلر كه آنلر
زنياه آلت اولان محللرى حرامدن حفظ ايدرلر . آنحق زوجه لرى و ملك يمينله مالك
اولدقلىرى جاريه لرندن محافظه ايتزلر و تناسله آلت اولان محللرى آنلردن صاقينماز
صرف ايدرلر . زيرا ؛ كرك نكاحله حلال اولان زوجه لرى و كرك پاره ايله آلدقلىرى
جاريه لرندن آلت تناسللىرى محافظه ايتدكلىرى دولاي لوم اولونمازلر .] چونكه ؛
طرف الهيدن آنلرله ازدواج و معامله زوجيه ايله انتفاع حلال قيلنديغندن انى
ايشله مكه عقلاً و شرعاً مذموم اولمازلر . بناء عليه ؛ كرك منكوحه سيله و كرك جاريه سيله
انتفاع ايدن كيمسه هيچ بر كيمسه طرفندن ذم اولونمغه لايق دكلدر . زيرا ؛ شهوتلىرى
قضا ايتدكلىرى محل طرف الهيدن تعيين اولونمشدر .

﴿مَنْ ابْتِغَىٰ وَرَاءَ ذٰلِكَ فَأُولٰٓئِكَ هُمُ الْعَادُونَ﴾

[الله تعالى طرفدن منكوحه وجاريه لرینك حلال اولوب آنلردن انتفاع ایتك لومی موجب اولمادیغنی بیاندنصکره زوجهری ایله جاریه لرینك غیریدن قضاء شهوت ایتك ایستهنلر آنجق ظالمدر .] بناء علیه ؛ آنلر ایچون فلاح یوقدر . چونکه طرف السهیدن انتفاعلرینه تعین اولونان منكوحه ایله جاریه نك غیریه تجاوز ؛ حدود السهیه نك خارجه تجاوز اولدیغنی جهته فلاحدن محروم اولمارینی موجب اولور .

فخررازی و خازنك بیانلری وجهله متعه نك یعنی بر مدت تعیین ایدمرك نظام اولونامه هاتونك زوجه عدادندن معدود اولمايوب حرام اولدیغنه بوآیت دلالت ایدر . زیرا ؛ بر ویا ایکی ماه ویاخود بش ویا اون کون انتفاع ایتك کی بر مدت تعیین ایله نکاح صحیح اولمادیغندن موقت نکاحله نکاحلاندیغنی خاتون آنی نکاح ایدن کیمسه نك زوجه سی اولمادیغنه بناء اوخاتوندن انتفاع حرامدر . زیرا خاتون ؛ اجنبیه در . حتی بینلرنده ارث بیله جاری اولماز . بناء علیه بوآیت ؛ زوجه وجاریه نك غیری ولو موقت نکاحله اولسون هر کیمدن انتفاع ایتسه حرام اولدیغنه دلالت ایتشد .

نیسابوری و خازنده بیان اولوندیغنی وجهله زوجه وجاریه دن انتفاع حیض ونفاس کی موانعدن سالم اولق شرطیله مشروطدر . حتی نعمت الله افندیك بیانی وجهله زوجه وجاریه سندن انتفاع حلال ایتسه وجوده مضرت ویره جك درجه ده افراط ایتك واحتیاجنك فضله سنی اختیارله نفسنی یورمق دخی حدنی تجاوز اولقله احتراز ایتك لازمدر . زیرا مضرت اولان بر شیئی ارتکاب ایتك ؛ حرامدر .

بیضاویك بیانی وجهله انسانك جاریه سی ملك اولدیغندن سائر مملوكلر منزله سنده اولدیغنه اشارت ایچون ما لفظیله تعیر اولونمشدر .

**

واجب تعالی فلاحیاب اولاجق مؤمنلرک بشنجی صفتلرینی بیان ایتك اوزره

﴿وَالَّذِينَ هُمْ لِأَمَانَاتِهِمْ وَعَهْدِهِمْ رَاعُونَ﴾ بیوریور .

[فلاحه داخل اولاجق مؤمنلر شول کیمسه لره آنلره کرك الله تعالى طرفدن کنديلرینه تودیع اولونان امانتلره کرك عهد ایتدکلی شیلره رعایت ایدرلر . بناء علیه ؛ کرك عهده وکرك امانته اصلا خیانت ایتزلر .] زیرا ؛ تکالیف سائریه رعایت ایتدکلی کی حقوق السهیه و حقوق ناسی محافظه به دقت و اهتمام ایتدکلرندن فلاحه نائل اولاجقلردر . تفسیر خازنده بیان اولوندیغنی وجهله امانت ؛ ایکیسر : برنجیسی ؛ عبدر رب تعالی پشنده بالعموم تطایف السهردر . بناء علیه تکالیف السهیه نك جمله سنه رعایت ؛ واجبدر . ایکنجیسی ؛ انسانلر آره سنده واقع اولانه امانتلر و پشنده قوروشدقلری اسرارلردر که مؤمنلر بونلرک جمله سنه رعایت ایدرلر . چونکه ایمانك مقتضاسی ؛ امانه رعایت ایتکمر .

عهد ؛ انسانك و برمه اولدیغنی سوز ویا عهده اولدیغنی مقاولدر . عهد ؛ اللهله قوللری آره سنده اولدیغنی کی انسانلرک بربرلرینه قارشى ویردکلی سوزلر ویا بدقلری مقاوله نامه لرده عهده داخلدر و مؤمنلر بونلری ایفا ایدرلر . حتی عهدلری کافرلرله بیله اولسه سوزلرینی یرینه کتیرلر عهدلرینه رعایت ایدرلر و بو وسیله ایله فلاحه نائل اولورلر . انسانك برخصوصه دائر یامیش اولدیغنی یمینی و نذری وعقودات شرعیه نك جمله سی عهده داخلدر . بناء علیه ؛ بونلرک جمله سنه رعایت و حقوقنی ایفا ایتك فلاحك اسبابی جمله سندن قیلنمشدر . کذلک انسانك زوجه سی و اولادی کندی نزدنده امانت اولدیغنی جهته آنلرک حقوقه رعایت واجب اولدیغنی کی عقد نکاحله زوجه نك محافظه سنی و حقوقه رعایتی و آره لرندن حاصل اولاجق چوجغك مشقته تحمیل تکفل و تعهد ایتش اولدیغندن تعهدینك مقتضاسی ایفا ایدوب غضب و تهورله اوزرینه واجب اولان رعایتی اخلاص ایتمه مك لازمدر که عهده سنه ترتب ایدن وجوبی ایفا ایتکله فلاحه نائل اولسون .

**

واجب تعالی فلاحه مستحق اولان مؤمنلرک آلتنجی صفتلرینی بیان ایتك اوزره

﴿وَالَّذِينَ هُمْ عَلَىٰ صَلَوَاتِهِمْ يُحَافِظُونَ﴾ بیوریور .

[فلاحه نائل اولاجق مؤمنلر شول کیمسه لره فرض اولان نمازلرینی ادایه مداومت ایدرلر .]

يعني ؛ آنلر اوقات معلومه ده فرض اولان نمازلىرىنىڭ شرطلىرىنى وسنىن وآدابىنى رعائتلىرىنى يادىن وعجب وسمعه كېي ثوابى كېده ره جك فنا اخلاقىدىن عارى اولارق ادا سنى سرعتلى دىوام ايدىرلىر واصلا وقتى فوت ايتىملىر .

بيضاوينىڭ بيانى وجهلى صلاتى محافظه ؛ دوام معناسىنى اولدىغىدىن خشوعه مغاير اولدىنى جھتلى آيتىد تكرر يوقدر . چونكى خشوع ؛ نماز قىلمى كېمىنىڭ تواضع وتزلل ايدىر ماسوايى نككلى همتى جانب حق نومى ايتىملىر . اما بو آيتىد ذكر اولونان محافظه ؛ دوام معناسىنى اولدىنى جھتلى بىنلرندى مغايرت اولدىنى كېي حكىمده باشقى اولدىغىدىن تكرر يوقدر . زيرا ؛ بر مؤمن قىلدىنى وقت نمازىدە خشوع ايتىملىدىن دوام لازم كلىدىكى كېي دوام اوزره اداء صلات ايتىملىدىن مطلوب اولان خشوع اوزره ادا ايتىملىدە لازم كلىدىكى جھتلى نمازىدە خشوع ايله دوام ايرى ايرى صقتلر اولوب مكافاتلىرىدە باشقى باشقىدە . بناءً عليه ؛ صلاتى ذكرده تكرر يوقدر . چونكى آيتىڭ بىرندى مقصد ؛ صلاتىدە خشوع دقت ، دىكرىدىن مقصد ؛ شرائطى رعائتلى برابردىوامدىر . واجب تعالى سوره نك بىداهىسندى برى مؤمنلىك اوصافى ممدوحلىرىنى بىاندە صلاتى ابتدا وصلاتى ختم ايتىملىك صلاتى عظمتىنى اشارت ايتىملىد .

بيضاوينىڭ بيانى وجهلى صلاتى وقتى تكرر ايتىدىكى جھتلى صلاتى دوامده تكرر ايدىد جكلىدىن تجدد وتكرره وهر زمان دوامىڭ لزومىنى اشارت ايتىملىد تجددىد واستمراره دلالت ايدىن مضارع صيغه سىلە (يحافظون) وارد اولمش وفلاحى وآخىرتىد سعادته سبب اولان هر زمان نمازى دوام اولدىغىنى اشارت اولونملىد .

**

واجب تعالى فلاحى مستحق اولان مؤمنلىك اوصافى بىاندىنصكره نائل اولاجقلىرى درجلىرى بىان ايتىك اوزره ﴿ اُولَٰئِكَ هُمُ الْوَارِثُونَ * الَّذِيْنَ يَرِثُوْنَ الْفِرْدَوْسَ هُمْ فِيْهَا خَالِدُونَ ﴾ بىورىيور .

[ايشته شو ذكر اولونان اوصافى جامع اولان شول وارثلىرىدە كه آنلر فردوس اعلاده ابدأ قالدقلىرى حالده فردوسه وارث اولورلىر .]

يعنى ؛ شو اوصافى جامع اولوب عندالله مقبول اولان مؤمنلىر شول كېمىلىر كه آنلر آنحق فردوس اعلايه وارثلىر و وارث دىنىملىك لايىقلىرىد .

بيضاوينىڭ بيانى وجهلى ميرانىڭ عاقبتى وارثى منجر اولدىنى كېي جنتى عاقبتى بومثللو مؤمنلىر منجر اولاجغىنى بناءً فردوس اعلايه وارث اولاجقلىرى وشو اوصافى حائز اولان مؤمنلىك (فردوس) اسمندى اولان جنتىدە ابدأ قالاچقلىرى بىان اولونملىد . يعنى « او جنتىدىن چىقمق وياخود اولمىڭ كېي برشلىرلى جنت اُللىرىدىن كېتىملىكى كېي بر آفت اصابت ايتىملىك و جنت تخرىب اولونمق صورتلىرى ايله دخى جنت اُللىرىدىن چىقماز » دىملىد . ياخود ميراثلى مراد ؛ اُولَٰئِكَ هُمُ الْوَارِثُونَ بىرلىرىدە مؤمنلىك وارثلىرىدە . چونكى ؛ بىسابورى ، خازن و مدارىك بىانلىرى وجهلى رسول اللهك « بى آدمىدىن هر فردىك آخىرتىد جنتىدە و جهنمىدە يرلىرى وارد . اكر بر كېمىلى كفر اوزره وفات ايدىرسى آلك جنتىدە يرىنى مؤمنلىر وارث اولور . كىذلك ايمان اوزره وفات ايدىن كېمىلىڭ جهنمىدە كېي رېنىدە كافرلىر وارث اولور » بىوروب كلام نبوىلىرىنى تأيىد ايتىملى بىوتى اوقودىنى (ابوهريره) حضرتلىرىدىن مرويدىر . شو حالده بو حديث شريف ؛ آيتىد كېي وراثت ايله مرادىك اهل جنتىڭ مېرثىد كېمىلىڭ جهنمىدە اولورىدە مقاملىرىدە وارث اولاجقلىرى اولدىنى بىان و تفسير ايتىملىد . جنت اولاً پدريمىز آدم عليه السلامىڭ مسكىنى اولدىغىدىن عاقبت اولادىنى انتقال ايتىدىكى جھتلى دخى ميراثى مشابه اولمىسنى بناءً ميراث دىنلىملىد .

جنتى وارث اولمق احكام شرعىيى لايىقلىد ادا ايتىملىك متوقفدر . گرچه سوره نك بىداهىسندى بورايه قدر ذكر اولونان اوصاف تفصيل اوزره احكام شرعىيى جامع دكلىدە امانانده تكاليفىك كلىسى داخل اولدىنى جھتلى بالمعموم احكام شرعىيى اجالا ذكر ايدلمىش . وبناءً عليه ؛ جنتىدە مشركلىرىلرلىرى وارث اولمق جھتلى تكاليفى ادايه موفق اولان كېمىلىرلىر تخصيص اولونملىد .

بو آيتىد شو اوصافى جامع اولمق مكلف اولانلىرى نسبتلىد . بناءً عليه ؛ « صيبلر ومجنونلىرىدە جنتى كېرەجكلر ، حالبوكه آنلىرىدە بو اوصافى يوق » دىنلىمىز . زيرا ؛ ايمان

واوصاف سائرته نك جته كيرمه نك شرائطندن اولسي عقلی باشنده اولوب حد بلوغنه واصل اولش وتكاليف السيه ايله مكلف اولانلر حقنده در. چونكه مكلف اولوبده ايماني اولمازسه جته كيره مز.

فردوس : مېنتك درمدرينك اك اعلا سيدر. چونكه ؛ رسول اللهك « جتته يوز درجه واردر وفردوس بودرجه لرك اك يوكسكي واعلا سيدر وجتتك نهرلى اورادن تقسيم اولور وعرش الرحمن آنك اوستنده در ، اللهدن ايسترسه كز فردوسي ايستهيك » بيورديني (عبادة بن الصامت) حضرتلرينك روايتيله تفسير خازنده مذكوردر .

**

واجب تعالى عباداته امر ايتد كدنصكره عبادت واجب تعالى نك وجوديني معرفته موقوف اولديغندن وجودينه دلالت ايدن دليللري بيان ايتك اوزره ﴿ وَلَقَدْ خَلَقْنَا الْإِنْسَانَ مِنْ سُلَالَةٍ مِنْ طِينٍ ﴾ بيوريور.

[ذات الوهيمه يمين ايدرم كه محقق بز انساني چامورك خلاصه سندن خلق ايتدك .]

﴿ ثُمَّ جَعَلْنَاهُ نُطْفَةً فِي قَرَارٍ مَكِينٍ ﴾

[انسانك اساسي چاموردن خلق اولوندق دنصكره متين ومحكم برقرار كاهده بز انساني نطفه قيلدق .]

﴿ ثُمَّ خَلَقْنَا النُّطْفَةَ عَلَقَةً فَخَلَقْنَا الْعَلَقَةَ مُضْغَةً فَخَلَقْنَا الْمُضْغَةَ عِظَامًا فَكَسَوْنَا الْعِظَامَ لَحْمًا ﴾

[صكره بز اونطفه يي مرور زمانله اويوشمش قان قيلدق . بعده او اويوشمش قاني ات پارچه سنه تحويل ايتدك ، صكره او ات پارچه سني ده كيك قيلدق بعده او كيكى ائيله كسوله نديردك .]

﴿ ثُمَّ أَنشَأْنَاهُ خَلْقًا آخَرَ ﴾

[كيكى آله اورند كدنصكره بز اوانساني تركيبي ومزاجي تام صورت مكمله ده انسان ومخلوق آخر اولارق خلق ايتدك .]

﴿ فَتَبَارَكَ اللَّهُ أَحْسَنُ الْخَالِقِينَ ﴾

[انساني بوقدر عجب وغريب طورلرله خلق ايدنجه الله تعالى بك يوجه اولدي وتعظم ايتدي . چونكه الله تعالى ؛ خالقرك وتقدير ايديجيلرك احسنى واعلا سيدر .]

﴿ ثُمَّ إِنَّكُمْ بَعْدَ ذَلِكَ لَمَيِّتُونَ ﴾

[اي انسانلر ! شومنوال اوزره ايجاد اولوندق دنصكره محقق والته اوله جك سكر .]

﴿ ثُمَّ إِنَّكُمْ يَوْمَ الْقِيَمَةِ تُبْعَثُونَ ﴾

[واولد كدنصكره يوم قيامته البته ديريلوب قبريكزردن قالفه جقسكز .]
يعنى ؛ ذات الوهيمه يمين ايدرم كه بز انساني بر خلاصه دن خلق ايتدك كه او خلاصه چاموردن يابلس بر خلاصه در . ايسته انساني بز چاموردن آله بر خلاصه دن خلق ايتمه مز وجود مزه وقدرت مزه دلالت ايدر وبز چاموردن خلق ايتد كدنصكره اوانساني محكم بر قرار كاهده قرار ايديجي نطفه قيلدق كه پديرينك صلبندن والده سنك رحمته ازال ايله آنده قرار ايتديردك واوراده بولونديني مدت بز آفتدن محفوظ قيلدق . والده سنك رحمته قرار ايتد كدنصكره اونطفه يي مرور زمانله اويوشمش قانه تحويل ايتدك ورحمته نطفه بر طاقم تربيه دنصكره قان حالي اكتساب ايدر . بوندنصكره بز اوقاني ات پارچه سي قيلدق كه تدريجه انسان اولمغه استعداد كلسون وآرهدن چوق زمان كچمكسزين بز ات پارچه سني ميك قيلدق وكيكي ائيله كسوله نديردك كه كيكله ات يكديكرينه امتزاجله وجودده قوام پيدا ايدرك انسان حالي اكتساب ايلسون . چونكه ؛ انسانك قوامي كيك ايله حاصل اولديغندن اولاميك خلق اولوندق دنصكره اوكيك قيلدق وچاتلامق كي آفتلردن محافظه ايچون انسانك اوزرنده اولان البسه مقامنده كيكك اوزري آله اورتولمشر . بوندنصكره صورت جسميه سي وطمرلر وسيكيرلر وجهه اعضانك يكديكرينه ارتباط وامتزاجي حاصل اولمغه مخلوق آخر كه صورت انسان حاصل اولور . بونلرك جمله سي تدريج صورتيله خلاصه البيان : اونجي جلد — ١٤

حاضر لاندقدنصکره بز روحی ویرمکه نطفه ات، قان وکیکک غیری مخلوق آخر اولارق
انسانی ایجاد ایدرز. اشته انسانک یارادیلشده کچیرمش اولدینی احوالک هرری خالقک
وجودینه و وحدانیتیه و قدرته دلالت ایدر. چونکه چاموردن نطفهک حصولی و مرور
زمانه آنالرک رحمده نطفهک قانه تحولی بعده قانک اته تبدلی و اتکده کیمک اولسی
وکیکک اوزری تکرار اته اورتولسی و صکره اعضالک یکدیگریته امتزاجیه انسان
صورتک حصول بولسی دوشوندکجه انسانه حیرت و یرن عجائبات الهیه دندر. بوعجائباتی
جامع اولان انسانی بومنوال اوزره خلق ایدن الله تعالی یوجه اولدی و تعالی ایتدی.
زیرا؛ خالقک احسنی و تقدیر ایدنلرک اعلا سیدر. چونکه؛ انسانی صورت بدیهه و خلقت
عجیبیه ایله حیوانات ایچندن ممتاز بر موقع احراز و خلافته لیاقت کسب ایدرک اوصاف
کامله و اخلاق فاضله و مزیات عالیله ایله متصف قیلارق مخلوقاته نمودج یعنی زبده و خلاصه
قیلمسی البته خالقک احسن الخالقین اولسینی ایجاب ایدر. شو طور غریب اوزره ایجاد
اولونان انسانلر البته اوله جکک و اولد کدنصکره یوم قیامتده قیبرلرندن قالدیریلایجلردر.
طبری و قاضینک بیانلری وجهله بو آیتده انسانله مراد؛ حضرت آدمدر. سلاله؛
مخصوصه دیمکدر. شو حالده معنای آیت [حضرت آدمی بز چامورک خلاصه سندن خلق
ایتدک] دیمکدر. یا خود انسان ایله مراد؛ اولاد آدمدر. سلاله ایله مراد؛ چامورده خلق
اولونانه آدمدره حاصل اولاده نطفه در که نطفه؛ انسانک اوزی و مخصوصه سی اولدیرنده
سلاله دیمکدر. قرار مکین ایله مراد؛ آنالرک رحمدر. چونکه نطفه؛ پدرک صلبنده خلق
اولوندقدنصکره رحم امهاتده قرار و انسان شکلی اوراده اکتساب ایتدیکندن والدنک
رحمی نطفه بی محافظه ایچون محکم بر محل اولدینی بیان اولونمشدر.

فخر رازینک بیانی وجهله آیتده خلق آخرله مراد؛ روح و برلزدنه اولکی امواله
مخالف بر صورت اکتساب اتمسیر. چونکه؛ بدایه جماد ایدی صکره حیوان اولدی
وایلک اوکجه سویلزدی صکره سویلر اولدی. والحاصل اوله موجود اولمایانه صکره
صکره حاصل اولارک اولکی صورتیه مخالف بر صورت اکتساب ایتدیکندن خلق آخر

دنیلمشدر. بو آیتده خالق؛ تقرباً بریمی معناسنده. بناء علیه « الله تعالی خالقک احسنی »
دیمک؛ اللهک غیری بر چوق خالق اولمسنه دلالت ایتد. یعنی « الله تعالی تقدیر ایدن
مقدرلرک احسنی » دیمکدر. چونکه؛ اللهک غیری خالقک وجودی عقلاً و شرعاً محالدر.
عذاب قبر اعاده ده داخل اولدیغندن واجب تعالی اولاً ایجاد، ثانیاً اماتیه و ثالثاً
اعاده بی ذکر ایتدی ده قبرده احیا ایده جکک ذکر ایتدی. چونکه قبرده احیا؛ اعاده ده
داخل اولدینی جهتهل ایریجه ذکره حاجت یوقدر.

* *

واجب تعالی وحدانیتیه دلالت ایدن انسانک یارادیلشده اولان عجائباتی بیاندنصکره
سمواتک خلقتی بیان ایتدک اوزره ﴿ وَلَقَدْ خَلَقْنَا فَوْقَكُمْ سَبْعَ طَرَائِقَ وَمَا كُنَّا
عَنِ الْخَلْقِ غَافِلِينَ ﴾ بیوریوز.

[ذات الوهیتیه یمین ایدرم که بز سزک فوقکزده بر برینه مطابق یدی طریق اولان
سمواتی خلق ایتدک. حالوکه بز مخلوقاتک حفظندن غافل اولماق.] زیرا؛ مخلوقاتک
هر ذره سنی و بالعموم افرادی بز محافظه ایتدیکمز ایچون مخلوقاتک هیچ برندن غافل دکاز.
فخر رازینک بیانی وجهله سبع طرائق ایله مراد؛ بی قات کوکلردر. بربری
اوزرنده اولدیرنده طرائق دنیلمشدر. یا خود اعمده عیینه اولاده ملکلرک ایجادنه
بر برینه اینوب میقملمرنده بوللری اولدیرنده سمواته طریقلر یعنی یوللر دنیلمشدر.
سموات جهتی بر کته اساس و یا غمورلر او جانبدن یا غدیغندن و رزقز آنکه حصوله کلدیکندن
سمواتک فوقزده بولونماسی جناب حق بزه بو آیتده نعمت صره سنده تعداد ایتمشدر.
« بز مخلوقاتدن غافل دکاز » دیمک؛ « آنلری مهمل بر حالده بر اقبایز و زوالدن
واختلالدن محافظه ایدر و هر برینک نوعه کوره کلاتنک نهاییه سینه واروب مقدر اولان
غایه بی بولونجهیه قدر امرینی تدبیر ایدر تربیه سنی و یریز » دیمکدر.

* *

واجب تعالى وحدانيته انسانك وسمواتك خلقتيله استدلالد نصكره سمواتدن رحمتك
انزاليله دخي استدلال ايتك اوزره ﴿وَأَنْزَلْنَا مِنَ السَّمَاءِ مَاءً بِقَدَرٍ فَأَسْكَنَّاهُ
فِي الْأَرْضِ﴾ بيوريور .

[بز سما جهندن ارضك احتياجي مقداري صولري انزال ايتك وارض ايچنده
ايچابنده انسانك وحيوانات سائرتهك انتفاع ايتلري ايچون او صويك بر مقداري اسكان
ايتك وقرارلاش ديردق .]

﴿وَإِنَّا عَلَىٰ ذَهَابٍ بِهِ لَقَادِرُونَ﴾

[حالبوكه اوصويي تماماً افسادله ازاله به بز البته قادرز .]

يعني ؛ بز لطفمزله سما جانبدن معين بر مقدار اوزره ياغمور صويي اينديردك .
بناء عليه ؛ او صويي ارضك بوشلقلرينه وحتاج اولان يرلرينه اسكان وادخال ايتك كه
آنكه قوللرك احتياجلري تأمين ومعيشتلري تسهيل ايدلسون . حالبوكه اوصولري ارضه
ادخال واسكان ايتدك نصكره بز آني كيده رملكه وقور و تمغه قادرز .

فخررازينك بياني وجهله ياغمور صولرينك اساسي سمان اولديغني وسمادن بلوطلره
وبلوطلردن ير يوزينه نازل اولديغني بيان ايدنلر وار ايسه ده اصح اولارق ير يوزندن
چيقارق هوا ده تراكم ايدن بخارك بلوطه تحولي ايله بلوطدن ياغمور صولريني الله تعالى نك
خلق ايدوب ير يوزينه انزال ايتميدر . زيرا (كل ماعلاك فهو سماك = هر سنك فوقكده
اولان شي سنك سما كدر) حديث شريفي مقتضاسي عالي اولان شينه آلتنده اولانه نسبتله
سما اطلاق صحيح اولديغندن بوآيتده وبونك امثالي آيتلرده رحمت صولرينك سمان انزال
اولونديغني بيان اولونمشدر كه سما جانبدن بلوطدن انزال اولديغني بياندر . آنجق صويك
اساسي ؛ بلوطلرك صوئوق هوايه تماسله بر قسمك صويه انقلاب ايتمي صورتيله اولسون
وياخود دكزلردن بلوطلره آتلق وبلوطلرده تصفيه اولونوب براق و طاتلي صو اولدقدن
سكره مقدار معين اوزره ير يوزينه انزال ايتك صورتيله اولسون جناب حقك خلقيله
اولديغنده شهبه يوقدر . اما خلق ايتمي هانكي صورتله اولسه اللهك قوللرينه بك
بويوك لطف اولديغني جهته رحمتك انزالني انسانلره انعام صره سنده تعداد ايتمشدر .

چونكه ؛ جناب حقك احساني اولسه بوتون دنيا خلق بر آرميه كلسه تك بر قطره سني
ايجاد ايدوب يره دوشوره مزلر وكذلك ياغمور صولرينك اساسي نعمت اولديغني كهي سما
جانبدن خلق اولونوب ارضك هر طرفي احتياج مقداري آريجه صولامق دخي نعمتدر . زيرا ؛
دكزدن آلق صورتيله ارضك هر طرفي صولامق ممكن اولاماز . هر يره قرهيه نسبتله دكز
دها آنكي اولديغندن دكزدن طاغ باشلرينه صوچقارمق هر يري صولامق امكانسزدر .
ايشته خلاق عالم قوللرينك معيشتلريني تأمين ورزقلريني تسهيل ودينانك هر طرفي فيض
وبركشتدن مستفيد وقوللريني احساندن حصه ياب ايتك ايچون ياغمور صولريني بخار صورتيله
بلوطلره وبلوطلردن كره ارضك هر طرفه احتياج مقداري انزال ايتك وياخود سمان
بلوطه وبلوطدن ير يوزينه مقدار معين اوزره كوندرمك صورتلردن هانكي طريقه
خلق ايتمش اولسه جناب حقك فاعل حقيقي وقادر مطلق وخلاق عالم اولديغنه دلالت ايدر .
چونكه ؛ قحطلق سنه لرده كورولديكي وجهله اوافاق بر ياغمور طامالارينه انسانلر حسرت
اولور ، فقط تك بر قطره سني خلق ايدوب بيلمك كيمك حديددر . شو حالده بر ياغمور دانه سني
خلق ايدوب جك بر كيمسه بولونمايجه ده بويوكلريني خلق ايدوب جك اللهمن باشقه خالقك
بولونمايجه جني اولويتله ثابتدر . بوآيت جليله صولرك اساسي سما جانبدن اولديغنه دلالت
ايتديكي كهي سمان نازل اولان صولرك بر قسمي ده جناب حقك ير آلتنده محزنلرده اسكان
ايدوب ايسته ديكي يرلره حكمتيه موافق صورتده پيكارلر جريان ايتديرديكنه دخي
دلالت ايدر .

واجب تعالى صويك اساسي نعمت اولديغني بيان نصكره صو ايله حاصل اولان نعمتلري

بيان ايتك اوزره ﴿فَأَنشَأْنَا لَكُمْ بِهِ جَنَّاتٍ مِّنْ نَّحِيلٍ وَأَعْنَابٍ﴾ بيوريور .

[سما جانبدن صولري انزال ايدنجه سرك ايچون او صوسيله بز خرماندن واوزوملردن
باغچلر خلق ايتك .]

﴿لَكُمْ فِيهَا فَوَاكِهٌ كَثِيرَةٌ وَمِنْهَا تَأْكُلُونَ﴾

[سرك ايچون او باغچلرده چوق ميوملر واردر . آنلرك بعضيسندن سز ييرسكز .]

﴿ وَشَجَرَةً تَخْرُجُ مِنْ طُورِ سَيْنَاءَ تَنْبُتُ بِالذَّهْنِ وَصِبْغٍ لِلْأَكْلِينَ ﴾
[بزطورسينادن بيتن آغاجي ايجاد ايتدك كه او آغاج ياغ بيتير ويملك شانندن اولان
كيمسهره ميوه سي قاتيق اولور .]

يعني ؛ سمان ياغورصولريني انزال ايدنجه اوصوسيبيله خرما واوزومدن باغچه لخلق
ايتدك كه او باغچه لرده برچوق ميوه لر واردر و اوميوه لردن يملكه سز تغدي ايدر واسباب
معيشتكزي اوميوه لره تايمين ايدر سكرز و او رحمت صولري سبيله طورسينا طاغندن بيتن
مبارك آغاجي بز ايجاد ايتدك كه او آغاج زيتون ياغيله بيتير و طعام بينلرك اكمكه قاتيق اولور.
يعني اومبارك آغاج بر ميوه ويرر كه اوميوه ده هم ياغ هم ده اكمكه قاتيق اولق صفتلر يمز
جمع اولمشدر .

تفسير خازنده بيان اولونديني وجهله باغچه لرده ميوه آغاجلري چوق اولديني حلاله
اوزومله خرمانك منفعتلرينك چوقلغنه وميوه لر ينك تعددينه بنساء بو ايكي آغاجي ذكر
ايتمشدر . زيرا ؛ اوزومله خرمانك ميوه سي ومنفعتي هر آغاجدن زياده در . چونكه ؛
خرمادن واوزومدن ياشلري كه رطب وغب وقوريلري تمر زيب و پكمزلري ودها
سائر برچوق متنوع نعمتلري موجوددر . ايشته بو قدر كثر ومنفعت باشقه ميوه لرده
يوقدر وخرمانك بايراغندن زنبيللر واپلر اورولديكي و بو جهته دخي منفعتدار اولديني
جهله نك معلوميدر . بنساء عليه ؛ جناب حق بو ايكي آغاجك ميوه لر يني كثرته توصيف
وبونلرك ميوه لري بر زمانه مخصوص اولمايوب بلكه فصول اربعه نك كافه سنده موجود اولديني
جهته ده منفعتي عمومي اولديغنه اشارت ايتمشدر .

بيضاوينك وخازنك بيانلري وجهله طورسينا ايله مراد ؛ (مصر) و (ابله) آره منده
حضرت موساي وحي نازل اولانه مبل مباركدر . ياخود فلسطينه ميوه آغاجي وباطاصه
زيتونه آغاجي ميوه اولانه بر طاغدر . شجره ايله مراد ؛ زيتونه آغاجي ميوه . چونكه ؛ ياغله
بيتن وياغ بيتيرن واكثرث اعتباريله ميوه سي اكمكه قاتيق اولان زيتون آغاجيدر . زيتون
آغاجنك انسانلره منفعتي چوق اولديني جهته تعظيمه شاين اولديغنه اشارت ايچون
تعظيمه دلالت ايدن تنوينه وارد اولمشدر .

زيتون آغاجي اكثر اقليمده موجود اولديني حلاله اول منشائي طور طاغي اولديغنه
اشارت ايچون واجب تعالى بو آيتده طور طاغنده ايجاد ايتديكني بيان ايتمشدر . طوفان
سكره دنيا يوزنده اول ميدانه كلن وديناده ك چوق ياشايان آغاجك زيتون آغاجي
اولديني مرويدر . (تنبت بالدهن) ياغدر پتر ديمك ؛ « ميوه سي ياغلي اولور » ديمكدر
صبغ ؛ قاتيق معناسنه در كه زيتونه ديمكدر . يعني « بزطورسيناده بر آغاج ايجاد ايتدك كه
او آغاج ياغ وقاتيق اولق صفتلريني جامع بر ميوه بيتير » ديمكدر .

ايشته شوميوه لرك جمله سي واجب تعالى نك وجودينه و وحدانيتنه و فاعل مختار اولديغنه
دلالت ايدر . چونكه ؛ بريايجه نك صوبي ، طوپراغي وهواسي بر اولديني كي اجرام فلكيه نك
آغاجلرك جمله سنه نسبت دخي مساوي اولديني حلاله زيتون آغاجنك ياغلي وخرما آغاجنك
طائلي ميوه بيتيرمسي فاعل مختارك اختيار و ترجيحيله اولديغنه دلالت ايدر . زيرا ؛ طبيعت
واسطه سيله اولسه ايدى طبيعتك مقتضاسي ياغلي وياخود طائلي اولوب باشقه اولماق ايجاب
ايدردى . چونكه ؛ طبيعتك اقتضاسي دكيشمز البته ايجابي نه ايسه او اولور . حالو كه بر
باغچه ده وعين طوپراق و صوده ياغلي ، طائلي ، اكشي و آجي هر دورلو ميوه لرك حاصل
اولسي خالقنك فاعل مختار اولديغنه برر برهان كافيدر .

خلاصه ؛ سمان انزال ايتديكي ياغورصولري سبيله جناب حقك خرما واوزومدن
باغچه لر و باغچه لرده انسانلرك انتفاعلرينه مخصوص برچوق ميوه لخلق ايتديكي و اوميوه لردن
انسانلرك بيهرك تغدي ايدوب معيشتلريني تايمين ايتدكلري و ياغ وقاتيق ايله بيتن زيتون
آغاجي جناب حقك اول طورسيناده خلق ايتديكي بو آيتلردن مستفاد اولان فوائد جمله سننددر .

واجب تعالى وحدانيتي و فاعل مختار اولديغني ياغورلرك سمان انزالي و او ياغور
صولري ايله باغچه لرك و ميوه لرك حاصل اولمسييله اثبات ايتدكدن صوكره حيواناتله دخي
اثبات ايتك اوزره ﴿ وَإِنْ أَسْكُمُ فِي الْأَنْعَامِ لَئِبَرَةٌ نُفْقِكُمْ مِمَّا فِي بُطُونِهَا وَلَكُمْ
فِيهَا مَنَافِعُ كَثِيرَةٌ وَمِنْهَا تَأْكُلُونَ ﴾ بيوريور .

[محقق سزك ایچون حیواناتده قدرتمزه دلالت ایدر عبرت واردر . زیرا؛ او حیواناتك قارندن چقان سودله بز سزی صولارز . حالبوکه او حیواناتده سزك ایچون چوق منفعتلر واردر و جهله منافعدن بریسی او حیواناتدن حاصل اولان نعمتلردن بیرسکز.]

﴿وَعَلَيْهَا وَعَلَى الْفُلْكِ تُحْمَلُونَ﴾

[و قرده او حیوانات اوزرینه و دکزده کیملر اوزرینه یوکه نورسکز .]

یعنی ؛ کندینه ویریلن نعمتلردن عبرت آلق استعدادینی حائر اولان انسانلر؛ سزك ایچون حیواناتده که دوه و قویون و صغیرده عبرته شایان علامتلر واردر . زیرا ؛ بز سزی او حیواناتك قارندن چقان خالص سودله صولارز که اوسودك معده کزده هضمی قولای و وجود کزه نافعدر . شو حالده سزبونی دوشونوب وحدانیتیمزه و قدرت کامله صاحبی اولدیغیمزه استدلال ایدرک و یردیکمز نعمتلرک شکرینی ادا ایتلی سکز . چونکه سود ؛ قان و صو و بر طاقم انسانك سومدیکی شیلردن ایرلدینی حالده بوقدر خالص و براق اولارق ممدن چیقمسی و ایرلدینی شیلردن بر اثر بولونماسی قدرت اللهه پک بویوک بر دلیدر . بناء علیه ؛ بوندن عبرت آلق لازمدر . سزك ایچون حیواناتك یوگندن و قیللرندن و نسلندن بر چوق منفعتلر واردر و جهله منفعتلردن بریسی و پک قوتلیسی او حیواناتك ائندن بیرسکز و قرده حیوانلر و دریاده کیملر اوزرینه بیز و یوکلریکزی یوکه نورسکز . حیواناتك منافعه متعلق بحث (سوره نحل) ده مفصلاً بیان اولوندینی ایچون بوراده بو قدرله اکتفا اولونمشدر .

**

واجب تعالی وحدانیتنه دلالت ایدن دلیللری بیاندن صکره بو دلیللردن عبرت آلمایان ملتلك حالارینی بیسانله امت محمدیه بی انتباه دعوت ایتك اوزره ﴿وَلَقَدْ أَرْسَلْنَا نُوحًا إِلَىٰ قَوْمِهِ فَقَالَ يَا قَوْمِ اعْبُدُوا اللَّهَ مَا لَكُمْ مِنْ إِلَهٍ غَيْرُهُ﴾ بیوریور .

[ذات الوهیتیمه یمین ایدرم که بز نوحی محقق رسول اولارق کندی قومنه کوندردک . نوح علیه السلام قومنه رسول اولونجه ای قوم ؛ اللهه عبادت ایدک . زیرا ؛ اللهه غیر سزك ایچون بر معبود بوقدر ، دیمکه قومی ایمانه دعوت ایتدی .]

﴿أَفَلَا تَتَّقُونَ﴾

[و سوزینه شونی ده علاوه ایتدی دیدی که « سزك اللهه غیر بی معبود اتخا ایدرده اللهدن قورقازمیسکز؟ هر حالده قورقالمیسکز . چونکه ؛ کفران نعمت ایدنجه اونعمتک زوالندن قورقمسکز لازمدر .]

یعنی ؛ نوح علیه السلام ک قومی جاده عدالتدن انحراف ایدوب اصلاحه محتاج اولدقلرنده آنلری اصلاح و طریق سلامتیه ارجاع ایچون بز آنلره نوح علیه السلامی پیغمبر اولارق کوندردک . بناء علیه نوح علیه السلام ارشاده باشلادی و نصیحت صورتیه دیدی که « ای قوم ؛ الله تعالی به عبادت ایدک . زیرا ؛ سزك ایچون اللهه غیر بی معبود بوقدر ، آنحق عبادته مستحق معبود اودر . شو حالده عبادتسکزی آکا حصر ایدک آنک غیر بی عبادت ایتیمک . اللهه غیر بی معبود اتخا ایدرده اللهدن قورقازمیسکز؟ قورقالمیسکز . زیرا اللهه غیر بی عبادته لایق اولمایان شیلری معبود اتخا ایتک؛ قهر الهی بی موجب اولدیغندن اللهدن غیر بی معبود اتخا ایدن کیمسه نک قهر الهیدن قورقسق لازمدر . فخر رازینک بیانی و جهله نوح علیه السلام دعوتی ؛ وحدانیت الهیه بی تعریفی متضمندر . زیرا ؛ اللهه عبادته دعوت ایدنجه عبادت اولوناجق ذاتک بیلنمسی لازم اولدیغندن نوح علیه السلام عبادته دعوت ایدنجه معبودک واحد حقیقی اولدیغنی علاوه ایدرک « سزك ایچون اللهه غیر بی معبود کز بوقدر » دیدی و معبود بالحق اولان اللهه عبادتک واجب اولدیغنی بیاندن صوکره عبادندن امتناع ایدنلری تهدید ایدرک « اللهه عبادتی ترک ایدرده قورقازمیسکز ؟ » دیمکه عبادتی ترک ایدن کیمسه نک قورقسق لازم اولدیغنه اشارت ایتدی . چونکه ؛ انسان نائل اولدینی نعمتی و یرن منعمه شکر ایتیمزه نعمتک زوالندن قورقسق لازمدر . شو حالده « سزه بوقدر نعمتلری احسان ایدن الله تعالی به شکر ایتیمزه کز الله تعالی اونعمتلری سزدن آلیر و سزی ده اهلاک ایدر . بناء علیه ؛ غیره عبادت ایدرسه کز هلاک اولورسکز » معناسنی اشعار ایتیمکه تهدید ایتمشدر .

آیت جلیله ؛ درت حکم اوزره مشتملدر : برنجیسی ؛ حضرت نوحک قومه رسول اولورقه کلمیکی ، ایکنجیسی ؛ قومی اللهه عبادته دعوت ایتیمی ، اوچنجیسی ؛ اللهه

غيري عبادته اهل رستگاري اولاديغي، دردنجيسي؛ اللهك غيري بي معبود اعزاز ايدنك
اللهك قهرمنه قورقارلي لازم اولديغني بياندر.

واجب تعالى حضرت نوحك دعوتي اوزرينه قومك سويله دكاري سوزلرني بيان
ايتك اوزره ﴿ فَقَالَ الْمَلَأُ الَّذِينَ كَفَرُوا مِنْ قَوْمِهِ مَا هَذَا إِلَّا بَشَرٌ مِثْلُكُمْ يُرِيدُ
أَنْ يَتَفَضَّلَ عَلَيْكُمْ ﴾ بيوريور.

[قوم نوحدن كافر اولانلرك بويوكاري عوام طبقه سنه ديديلر كه « نوح عليه السلام
اولمادي، الا سرك كبي بشر اولدي و رسالت دعواسيله سرك اوزريكزه تفوق ايتك
ايتير. حالبوكه بشريتدن باشقه سرك اوزريكزه فضيلت دعواسنه حق يوقدر، ديمكله
عوام ناسي ايماندن منع ايتك ايسته ديلر.] وسوزلرينه شوني ده علاوه ايتديلر و ديديلر كه :
﴿ وَلَوْ شَاءَ اللَّهُ لَأَنْزَلَ مَلَكًا مَأْمُومًا بِهَذَا فِي آبَائِنَا الْأَوَّلِينَ ﴾

[« اكر الله تعالى رسول كوندرمك ايسته مش اولسه ايدى سمان ملك انزال ايدر
وقوللريني ملكلر واسطه سيله ارشاد ايدردى. حالبوكه اول كچن بابالريمزدن بز بويله بر
سوز ايشتمه دك. »]

﴿ إِنْ هُوَ إِلَّا رَجُلٌ بِهِ جِنَّةٌ ﴾

[« نوح اولمادي، آنحق كنديسيله جنت اولان بر رجل مجنون اولدى. »]

﴿ فَتَرَبَّصُوا بِهِ حَتَّى حِينٍ ﴾

[« نوح عليه السلام مجنون اولونجه حقيقتك تين ايدى چكى زمانه قدر كوزمك
ديمكله كفردى قمر و عنادلريني اظهار ايتديلر.]

يعني؛ امرالهي اوزرينه نوح عليه السلام قومه رسالتني اعلانله اللهك وحدانيتني بيان
و عبادته دعوت ايدنجه قوم نوحك كافر لرندن ايلري كلن بويوكاري كنديلرينك سوزلريني

ديكله ين عوام طبقه سنه خطاباً ديديلر كه « شو رسالت دعواسنده بولونان ذات سرك كبي
بشردر، بلكه سرك قدر مالي و اتباعي يوقدر. شو حالده سرك اوزريكزه بر فضيلتي
ومزيتي اولماديغي حالده تفوق وسرك اوزريكزه تفضل ايتك مراد ايدر. يعني؛ فضيلت
دعواسنده بولونمق و كندينك متبوع وسرك تابع اولما كزله كسب شرف ايتك ايستر
وسويله ديكي سوزلري وحى الهي ديهرك سزه ديكلمك ايله كندينه بر پايه ويرمك
فكرنده در. اكر الله تعالى بزى اصلاح و ارشاد ايجون رسول كوندرمك ايسته مش
اولسه ايدى كو كدن ملكلر انزال ايدر و بزى آنلرله ارشاد ايدردى. چونكه؛ ملكلرك
الله قريبتلري دها زياده اولديغندن آنلرك رسالتله لياقتلري دها فضله در. مع هذا بز
بشردن رسول اولديغني اول كچن بابالريمزدن ايشتمدك. بناء عليه؛ نوح عليه السلامك
دعوا ايتديكي. بشردن بشره رسالت نه زمان سابقده و نه ده زمان لاحقده يوقدر، بلكه
حضرت نوح كندينه جنت اصابت ايتمش و دماغنه خلل كلش بر رجل مجنوندر. بناء عليه
بر مدت كوزمك؛ يا وفات ايدر و يا خود عقلي باشه كير افاقت بولور سزده قورتولور سكر.
شوحالده وقت مرهوني كلنجهيه قدر صبر ايتمكز لازمدر، ديمكله ضعفاء ناسي اغفال
و ذهوللريني تشويش ايتديلر.

نيسابورينك بياني وجهله بو آيتده واجب تعالى قوم نوحك رسالتده بر
شهرلريني بيان ايتمشدر: برنجي شبهه لري؛ بشريتي رسالت منافى عر ايتلمير. حالبوكه
رسالتده مقصد اصلي اولان امتي دعوتده انسيت اقتضا ايدوب انسيت ايسه رسولك امتك
جنسندن اولميسيله اولاجغه بناء رسالتك اقتضا ايتديكي حكمت؛ بشره رسول بشردن
اولمقدر. ايشته قوم نوح بو حكمتي دوشونميهرك « بشرك جمله سى فهم و ادراكده، فقر
و غناده، خستلق و صاغلقد و سائر عوارض بشريده مساويدر. بناء عليه؛ هيچ بر
بشرك ديكرى اوزرينه تفوق و فضيلت دعواسنه حق يوقدر » ديديلر.

ايكنجى شبهه لري؛ خلقي ارشاد ايجونه رسالت ملكلر دها اولدور. زيرا؛ ملكلرك
علملري و قوتلري زياده اولديغندن آنلرك رسالتلرينه اعتراض ايدن اولماز هر كس قبول
ايدر. بناء عليه؛ « اكر الله تعالى بزى ارشاد ايجون رسول كوندرمش اولسه ايدى هر حالده

ملك كوندردى، حالو كه كوندردى. شو حاله حضرت نوحك رسول اولماديفنه و بزم
ايچون اللهك رسول كوندردى كنه علم يقين واردن « ديديلر .

اوچنجي شهبه لري؛ بزمك، رسالت دعوانده بولونارده نوحه دعوت ابدوب
يوندره سب ايتديكني اول كنجي بابالرمده ايتيمه ملرمده. چونكه؛ قوم نوح بابالريني تقليده
بك دوشكون اولدقلردن مذهبلى آنحق تقليد ايدى. شو حاله بدرلى پوت پرست
اولوب آنلك زمانده توحيد دعوت ايدر بر نبى ظهور ايتديكني ادعا ايله بدرلى
زمانده وقوع بولماديفندن انكار ايتديلر .

دردنجي شهبه لري؛ نوح عليه السلام آنلك عادته بزمك خدوقه دعوت ايتديكنده
عقلك مختل اولمديفه هلكم ايتديلر . زيرا؛ آنلك مالوف اولدقلرى شركك خلافي اولان
توحيد دعوتى جته حمل ايتديلر .

بشنجي شهبه لري؛ حضرت نوح اسناد ايتديكلى هبتك يا زائل اولوب اذافت بولسنى
وياضورد وفاتنى بكمه ملربنى برلربنه نوحه ايتديلر . ياخود برمدت انتظارى توصيه ايتمكدن
مقصدرلى « اكر دعواسى كنجي ايسه الله تعالى يارديم ايدر ودينك تعاليسنى كورور
زده اتباع ايدرز و اكر نبى دكسه الله تعالى آنى افنا ايدر راحت اولورز » ديمكدن .

**

واجب تعالى حضرت نوحك قومك شهبه لريني وحقه قارشى عنادلريني بيان ايتديكى
كجى نوح عليه السلام باب الوهيته تضرعنى دخى بيان ايتمك اوزره ﴿ قَالَ رَبِّ انصُرْنِي
بِمَا كَذَّبُون ﴾ بيوريور .

[نوح عليه السلام « يارديم ايت بكا ياربى ! آنلك نبى تكذيبلربنه قارشى » ديمكه
ربسه التجا ايتدى .]

﴿ فَأَوْحَيْنَا إِلَيْهِ أَنْ اصْنَعْ الْفُلْكَ بِأَعْيُنِنَا وَوَحَيْنَا ﴾

[نوح عليه السلام التجاسى اوزرينه بز اكا وحي ايتدك و ديدك كه « بزم حفظم

و تعليممزله بر كمى ياب و او كمى سرك سبب خلاصكر اولاجق . ايشته بو صورتله
كمى يابمسنى امر ايتدك .]

﴿ فَإِذَا جَاءَ أَمْرُنَا وَفَارَ التَّنُّورُ فَاسْلُكْ فِيهَا مِنْ كُلِّ زَوْجَيْنِ اثْنَيْنِ وَأَهْلَكَ إِلَّا
مَنْ سَبَقَ عَلَيْهِ الْقَوْلُ مِنْهُمْ ﴾

[نوح عليه السلام كمى يي يانجه بزم قوم نوحك هلاكيله امر من كلوب اكك تانديرى
قاينامه باشلايجه بز نوح عليه السلامه « سن جفت اولان حيواندن ايكي شيرينى واهلكى
كمى يه قوى ، آنحق اهلكدن عذاب اولونمسيله حكم سبق ايدنلر مستثنالردن « ديمكه او
زمانه عايد وظيفه سنى تعيين ايتدك .]

يعنى ؛ نوح عليه السلام قومك برطاقم نالايق سوزلريني و مبتلا اولدقلرى شر كه
اصرارلريني كوروب سوز ديكه ميه جكلريني بيلوب ايمانلردن مأبوس اولونجه قومك
حالندن بحث ايدرك جناب حقك دركاهنه التجا ايتدى و ديدى كه « اى بزم ربم !
قومك نبى تكذيبلربنه مقابل بكا نصرت ايت . زيرا ؛ بن تبليغه قصور ايتدم و لكن
آنلر قبول ايتديلر و بكا برطاقم جنت و سقايت و جهالت كنجى شان نبوت لايق اولمادق
صفتلر اسناد ايتمكه افتراده بولونديلر . بناء عليه ؛ ياربى ! امداد كه محتاجم . قومك تكذيبلربنه
قارشى بكا يارديم ايت » ديمكه تضرعهده بولونونجه بز دعاسنى مستجاب قيلدق و درحال
حضرت نوحه وحي ايتدك و ديدك كه « سن بزم حفظ و حايه مزده و الهام و وحي
طريقلربنه تعليممزله بر كمى ياب و قومندن قورقا و آنلك كمى يي ياباركن سكا واقع اولان
اذالردن متأثر اولما و كمى يي اكمال ايتدك كنصكره بزم آنلرى اهلاكله امر من كلوب
اكك تانديرى صوايله فوران ايدوب قاينامه باشلايغنده سن هر حيوانك نوعندن بر
اركك و بر ديشى ايكي شير دانه كمى يه قوى كه حيواناتك نسلى منقرض اولماسون و دينده
ونسبه سكا تابع اولان اولاد و عيالكي و ايمان ايدن مؤمنلرى كمى يه قوى ، الا اهلكدن
هلاكه مستحق اولوب حكم الهميز سبق ايدنلرى كمى يه قويا . زيرا ؛ آنلك هلاكى
مقدردر » ديمكه نوح عليه السلامه تعليمات و يردك .

فخر رازينك بيانى و جهله حضرت نوحك ربسندن يارديم ايسه مكدن مقصدى ؛ اولجه

طرف الهميدن هلا كارينه دائر وقوعبولان وعدك حصولي ايسه مكدرد. تنورايه مراد ؛ حضرت آدمك املك نامبري اولديني مرويدر . چونكه ، بعض روايته نظراً برطاشدن معمول اولان حضرت آدمك املك تانديري وفاتندن صوكره االدين اله انتقال ايده رك حضرت نوحه كمش ونوح عليه السلام ده تبركا املك تانديري اتخاذا اتمش ايدي . الله تعالى حضرت نوحه « نه زمان كه تنوردن صوجريان ايدرسه عذابك كلمسه علامتدر ، همان كمى يمين » امرنى ويرديكى بو آيتله بيان بيورمشدر . بناء عليه ؛ املك تانديرندين صويك قاينا مغه باشلا ديغنى حرمى كوروب حضرت نوحه خبر ويرنجه امر الهى به امثال ايده رك همان كمى به بينمشلردر . حضرت نوحك كمى به بينديكى موقعك نره سى اولديغنه اختلاف اولوب قطعى بر دليل يوق ايسه ده فخر رازينك بياننه نظراً (كوفه) نك مسجدينك موقعى اولدينى وياخود شامده (عين ورده) دينلان محل اولدينى وياخود (هند) ده اولدينى مرويدر .

حضرت نوحك اهلندن كمى به بينمكدن ممنوع اولان اوغلو (كنعان) ايله والده سيدر . بناء عليه ؛ بونلر كفرى ايمان اوزرينه ترجيله سبب نجات اولان كمى به بينمكدن محروم اولمقله هلاك اولمشلردر . كمى به بينتلر سكرسان كيشى اولوب بونلرده حضرت نوحك (سام ، حام ، يافث) نامنده اوچ اوغلو ايله بونلر اوچ حرملرى ونوح عليه السلامك كندى وديكر حرمى اولارق سكر سكر كيشى عائله نوحدن ويلمش ايكي كيشى ده مؤمن ومؤمنه اولدينى مرويدر .

**

واجب تعالى حضرت نوحه واقع اولان خطابنك بقيه سنى بيان ايتكم اوزره ﴿ وَلَا تُخَاطِبُنِي فِي الَّذِينَ ظَلَمُوا إِنَّهُمْ مُغْرَقُونَ ﴾ بيوريور .

[يا نوح ؛ كفر كى برجناتى ارتكابه نفسنه ظلم ايدن ظالملىر حقنده بكا دعا ايتمه . زيرا ، آنلر ارتكاب ايتدكلى ظلملىرى سبيله غرق اولمغه محكوملردر . بناء عليه ؛ آنلره شفاعت جائز اولاماز .]

﴿ فَإِذَا اسْتَوَيْتَ أَنْتَ وَمَنْ مَعَكَ عَلَى الْفُلْكِ فَقُلِ الْحَمْدُ لِلَّهِ الَّذِي نَجَّيْنَا مِنَ الْقَوْمِ الظَّالِمِينَ ﴾

[ظالملىر حقنده شفاعت جائز اولمايجه « يا نوح ؛ سن ومعيته كده اولان اهل ايمان كى اوزرينه بينوب قرارلاشديغكزده سن حمد وثنا شول الله تعالى به مخصوصدر كه او الله تعالى ظالم اولان قومدن بزه نجات ويردى وآنلر شرندين بزي قورتاردى » ديمكه سنى ومعيته هلا كدن قورتاران ذات الوهيته حمدوثنا ايت .] زيرا ؛ نعمت نجاته مقابل شكر ايتكمز واجيدر .

حضرت نوحه برابر كميده بولونان مؤمنلرده حمد ايده جكلرسه ده كلامك ابتدا سنده خطاب يالكز نوح عليه السلام اولديغندن يالكز نوحه خطاب اولونمشدر ومتبوع اولدينى جهته متبوعه امر تابعلرده امر اولمق اعتباريله حمدله امر جمله سنده امردر . غرقدن خلاصلىر قطعى اولدينى ايچون صورت قطعيه ده نجاتلىرى بيان اولونمشدر . انسانك نائل اولدى احسان ؛ نعمت اولوب شكرينى ادا ايتكم واجب اولدينى كى بلادن قورتولمق ده نعمت اولوب شكر ايتكم واجب اولديغنه بو آيت دلالت ايدر . دشمندن قورتولمق نعمتلك بويوكى اولدينى جهته واجب تعالى قوم ظالمك شرندين قورتولمسه مقابل حضرت نوحه حمد ايتمسه امر ايتمشدر . اكر دشمنك شرندين قورتولمق نعمت اولمسه جناب حق حمدله امر ايتمردى .

**

واجب تعالى حضرت نوحك قومك اهلا كنه دعا وذات الوهيته حمد ايتمسه امر ايتديكى بيان نصكره ده مهم اولان شيلرى ايسه مسنى امرايتكم اوزره ﴿ وَقُلْ رَبِّ أَنْزِلْنِي مُنْزَلاً مُبَارَكاً وَأَنْتَ خَيْرُ الْمُنْزِلِينَ ﴾ بيوريور .

[يا نوح ؛ كمى به بينوب قرارلاشديغكده سن « اى » ربم ؛ بنى خيرى وبركتى چوق بر منزله ايندير . زيرا ؛ انزال ايدنلر خيرلى سى سك » ديمكه كميدن اينه جك زمانكى ومكانكى دوشون وخيرلى وبركتلى بر يره اينمكى ربكدن استرحام ايت .]

﴿ إِنَّ فِي ذَلِكَ لَآيَاتٍ وَإِنْ كُنَّا لَمُبْتَلِينَ ﴾

[زيرا ؛ بزم نوحه وايمان ايدنلره ويرمش اولديغمز شونجاده وايمان ايتمينلرى اهلا كده

قدرت قاهره مزه علامتار واردر . حالبوكه بز انسانلري مبتلا قيليجي و امتحان ايديجي . [بناء عليه ؛ عبرت آلمق شانندن اولان كيمسeler البته عبرت آلرلر .

يعني ؛ كمي به ينمكه غرق اولمقدن قورتواق نصل بر نعمت ايسه كيدن سلامت وسعادته تميز و بركتلي واستراحت ايدمك بر محله ايتمكه آريجه بر نعمت اولديغندن « يا نوح ! سن دركاه الوهيتدن خيرلي و بركتلي بر يره ايتمكي استرحام ايت وايسته ديكك و مطلوبكه موافق بر اسمله ربكي ثنا ايت كه دعاك قبول اولونسون . بناء عليه ؛ ياربى ! سن بنى مبارك بر يره ايندير . زيرا ؛ سن انزال ايدنلر وار فرض اولونسه آنلرك جمله سندن خيرلى سك ديمكه تضرعه بولون . شو حالده انسان بر شيتك بدايه سنده دعايه محتاج اولديني كي نهايه سنده دخي خيره نائل اولسنى جناب حقندن تمى ايتمك لازم اولديغنه بو آيت دلالت ايدر . كذلك انسانلرك ريلرندن منزلك خيرليسى ايستملى اهم والزم اولديغنه جناب حق بو آيتده تنبيه و توصيه ايتميدر . چونكه ؛ انسانلرك دنيايه و آخرته منزله احتياجلى آسكار اولديني و منزلدن خالى اولمق امكانى اولماديني جهته خيرليسى ايستمك البته الزمدر . زيرا استراحت ؛ خيرلى اولاندهدر .

ايشته نوح عليه السلامك وقعه سنده : مؤمنلرك خلاصنده و مشركلرك هلا كنده و اوزمانه قدر امثالى سبق ايتمين كمينك ياپلسنده و آتشله اكك پيشن تنورندن ضدى اولان صويك قاينامسنده كمال قدرت الهيه به دلالت و علامتار واردر . حالبوكه حال و شان بومثللو عجائبي ايجادله الله تعالى قوللرينى امتحان ايدر و عاصيلرى هلاك ايتمكه كي حكمتده ديكرلرينه عبرت اولسيدر . بناء عليه بو كمي كچمش و قوعاتلرى قرآنده بيان ايتمك ؛ امت محمدى انتباهه دعوت ايتمك و عبرتك لزومه دأثر درس و يرمكدر . چونكه ؛ عاصيلرك عصيانلرينك هلا كه و مؤمنلرك ايمانلرينك نجاته سبب اولديغنى دوشون بر عاقل البته سبب نجاته توسل ايدر .

واجب تعالى قوم نوحك وقعه سنده اشارتد نصكره ديكر قوملردن بعضيلرينك حاللرينه

اشارت ايتمك اوزره ﴿ ثُمَّ أَنشَأْنَا مِنْ بَعْدِهِمْ قَرْنًا آخَرِينَ ﴾ بيوريور .

[قوم نوحك هلا كندن صكره بز آنلرك عقيبنده آخر قوملر ايجاد ايتدك .]

﴿ فَأَرْسَلْنَا فِيهِمْ رَسُولًا مِنْهُمْ أَنِ اعْبُدُوا اللَّهَ مَا لَكُم مِّنْ إِلَهِ غَيْرُهُ ﴾

[بز او خلق ايتديكمز قوملره كندى جنسلرندن رسول كوندردك و كوندرديكمز رسول آنلره « الله عبادت ايدك . زيرا ؛ اللهك غيرى سرك ايجون معبود يوقدر » ديمكه توحيدده دعوت ايتدى .]

﴿ أَفَلَا تَتَّقُونَ ﴾

[« سز اللهك غيرى معبود اتخاذايدردده اللهك عذابندن قورقازميسكز ؟ » زيرا شرك ؛ غضب الهى به سيدر » ديمكه تهديد ايتدى .

يعني ؛ قوم نوحى غرق ايتدكدن نصكره سفينه نوحده نجات بولانلرك نسلندن بز عاد و نمود قوملرى كي بر چوق قوملر ايجاد ايتدك . آنلر جاده عدالتدن چيقدى . طريق توحيدى ترك ايتدكلرندن اصلاحه احتياج كورولونجه بز آنلره كنديلرندن هود و صالح عليهما السلام كي رسوللر كوندردك و امشادلرينه مأمور ايتدك و كوندرديكمز رسول امرمن وجهله آنلره « الله عبادت ايدك ، اللهك غيرى به عبادت ايتميك . زيرا ؛ سرك ايجون اللهك غيرى حق اولارق معبود يوقدر . بناء عليه ؛ آنحق عبادته مستحق اولان الله تعالى اولديني جهته عبادتكنزى آكا حصر ايتمكز لازمدر . الله شرك ايدردده اللهك عذابندن و انتقامندن قورقازميسكز ؛ اكر توحيدى قبول ايله شركى ترك ايدرسه كز توحيد ؛ سبب نجاتكز اولور . اما شرك اوزره اصرار ايدرسه كز اللهدن قورقوك ديمكه اورسول قومنى طريق حقه ارجاعه چاليشدى .

كرچه بو آيتده قوم ايله مراد ؛ عاد و يا نمود و رسول ايله مراد ؛ صالح و يا هود حضرتلرندن بريسى اولديغنده اختلاف و ارايسهده اصحاب اولان تعين ايجون ذهن بورمقده بر فائده يوقدر . زيرا ؛ عالمده بر چوق ملتدره بو احوال جارى اولديغندن شو قوم و يا بوقوم ديمكه حاجت يوقدر . چونكه ؛ بالعموم انبياء عظام حضرتلك شريعتلرنده برنجى تكليف ؛ توحيد و الله عبادت و بونلرى ترك ايدنلرى تهديد ايتمكدر . بناء عليه ؛ بو آيتده قوم ايله مراد ؛ هانكى قوم و رسول ايله مراد ؛ هانكى رسول اولورسه

اولسون اورسولك قومنه تكليفی شو اوج شيله اولمشدر كه حضرت نوحك قومنه واقع اولان تكليفنك عیندر : برنجیسی ؛ الله عبادم . ایکنجیسی ؛ اللهك غیرى مبعودك اولماسیبر . اوچنجیسی ؛ اللهمده قورقمی لازم اولسیبر .

**

واجب تعالی بعض قومه کوندردیكى رسولك اوقومه تبلیغ ایتدیكى احکامی بیاندنصره قومنك جوابلری بیانیتمك اوزره ﴿ وَقَالَ الْمَلَأُ مِنْ قَوْمِهِ الَّذِينَ كَفَرُوا وَكَذَّبُوا بِآيَاتِنَا الْآخِرَةِ وَآثَرَفْنَا هُمْ فِي الْحَيَاةِ الدُّنْيَا مَا هَذَا إِلَّا بَشَرٌ مِثْلُكُمْ ﴾ بیوریور . [او رسولك قومندن بویوکلری كه آنلر الله كفر و آخرتی تکذیب ایتدیله . حالوکه بزحیات دنیاده آنلره چوق نعمت و یرمکه راحتلی تأمین ایتدك . آنلر عوام ناسه « شو نبوت دعواسنده بولونوب سزی توحیده دعوت ایدن اولمادی ، آنجق سزك کبی بشر اولدی » دیدیلر .] وسوزلرینه شونی ده علاوه ایتدیله و دیدیلر كه :

﴿ يَا كُلُّ مِمَّا تَأْكُلُونَ مِنْهُ وَيَشْرَبُ مِمَّا تَشْرَبُونَ ﴾

[« زیرا ؛ او رسولم دییهن ذات سزك ییدیككزدن بیر وسزك ایچدیككزدن ایچر . بناء علیه ؛ سزك اوزریكزه برمزیتی یوقدر . »]

﴿ وَلَئِنْ أَطَعْتُمْ بَشَرًا مِثْلَكُمْ إِنَّكُمْ إِذَا خَلَا سُرُونَ ﴾

[« واکر سز کندیکز کبی بربره اطاعت ایدرسه کز اطاعت ایتدیككز صورتده سز البته ضرر ایدیجیلردن اولورسکز . »]

یعنی ؛ رسولك قومنه واقع اولان تبلیغه کندی قومندن کفر ایدن و آخرته ملاقاتی وحشری ونشری وحساب و جزایی وبالعموم احوال آخرتی تکذیب ایدن بویوکلری وایلری کلوب سوزی دیکلر نلری و بزم کندیلرینه حیات دنیاده اموال و اولاد و یرمکه برچوق نعمت و یردیكمز کیمسلر دیدیلر كه « شو سزه نبوت دعواسنده بولونان کیمسه اولمادی ،

آنجق سزك کبی بشر اولدی . بناء علیه ؛ بشریتدن باشقه بر صفی و حال یوقدر . چونکه ؛ سزك ییدیككزدن اوده بیر وسزك ایچدیككزدن اوده ایچر . شو حالده هر خصوصده سزك کبی بیر وایچر بر بشردر . بشردن باشقه برشی اولمايجه سزك اوزریكزه فضیلت دعواسنه حتی یوقدر . الله یمین ایدرزكه اکر سز کندیکزك مثلی بربره اطاعت ایدر ، امرینی طوتار ونهیندن قاچارسه کز بو صورتده البته سز ضرر لانیرسکز . چونکه ؛ کندی مثلکزه اطاعتله فسکزی ذلیل قیلمش اولورسکز ، دیمکه ایلری کلنلر کندیلرینه اتباع ایدن ضعفای اغفال و ذهنلری تشویشله کندیلرینی ارشاد ایچون چالیشان رسوله اتباعدن منع ایتمه سنی ایتدیله .

انسانلر آره سنده هر زمان ایلری کلن بویوکلرده ورفاهله یشایان زنکینلرده ، فقرا و عوام کروهنی اغفال چالیشمق و عقائد حقہ بی ترکله عقائد باطله تلقین ایتک و مذهب صحیحدن خطایه سوق ایتک علی الا کثر جاری اولدینی کورولمشدر . زیرا ؛ اللهک کندیلرینه و یردیکی نعمت آنلری طغیانہ سوق ایتدیکندن دیگر انسانلری ده کندیلری کبی طغیانہ سوق ایتکدن خالی قالمادقلری واللهک کندیلرینه و یردیکی قوتی سوء استعمال ایتدکلری کورولور .

واجب تعالی بو آیتده عاصی قومی جنایتک اشعی اولان کفری ارتکاب و آخرتی تکذیب و دنیا به لزومندن زیاده محبت ایتلری ایله ذم ایتمشدر و بوصفتلر کیملرده بولونسه البته مذمومدر .

خلاصه ؛ قومی اصلاح ایچون کوندریلن رسولك قومنك کفری ارتکاب و آخرتی تکذیب ایدن بویوکلری بشریتی رسالته منافی عد ایدرک عوام طبقه سنی اغفال ایتدکلری و طعام یمک وصو ایچمک رسول حقنده قباحث اولدیغنی بیانه دخی اکل و شربک رسالته منافی اولدیغنی ادعا ایلدکلری « وبشرك بشره اطاعتی ضرردن باشقه برشی اولمادیغندن اکر اطاعت ایدرسه کز البته ضرر ایدرسکز ، دییه رک فقرا کروهنی ایماندن منع ایتدکاری بو آیتدن مستفاد اولان فوائد جمله سنددر .

**

واجب تعالى رسوله اعتراض ايدنلك كلامرينك بيه سنى بيان ايتك اوزره ﴿أَيَعِدُكُمْ أَنْتُمْ إِذَا مِتُّمْ وَكُنْتُمْ تُرَابًا وَعِظَامًا أَنْتُمْ تُخْرَجُونَ﴾ بيوريور.

[«او رسالت دعواسنده بولونان ذات سز وفات ايدوب طوپراق وچورومش كميك اولديغكزده سزك قبرىكزدن چيقاجفكزى سزه وعد ايدرمى؟ سز بو كى وعدلره اينانيرميسكز؟ بويه عقلك وادراكك خارجى اولان شئى عقل صاحبي قبول ايدرمى؟»]

﴿هَيِّاتَ هَيِّاتَ لِمَا تُوعَدُونَ﴾

[«سزك وعد اولونديغكز آخرت وقبردن قالقمق وعذاب كورمك نه قدر اوزاق وپك اوزاق اولدى وممنع اولمقله ممنع اولدى.»] چونكه؛ اولد كدنصكره ديرلك ويوق اولدق كدنصكره وار اولمق حوصله بشردن خارج اولدينى جهته قبوله شاين دكلدر» ديمكله عوام كروهنگ ذهنلرني بوجهته دخى تشويشه چاليشديلر. وسوزلرينه شونى ده علاوه ايتديلر وديديلر كه:

﴿إِنْ هِيَ إِلَّا حَيَاتُنَا الدُّنْيَا نَمُوتُ وَنَحْيَا وَمَا نَحْنُ بِمَبْعُوثِينَ﴾

[«بزم ايچون حيات يوق، انجق حيات دنيا واردر. اولورز وديرى اولورز، هپسى دنيا ددر. دنياك غيبرده بزم ايچون حيات اولماز. زيرا؛ بز بعث اولونميه جغز.»] بناء عليه؛ رسالت دعواسنده بولنان ذات الدامق ايستر صاقين آلدانمايك «ديمكله ضعفاء ناسى اغفال ايتديلر.

يعنى؛ كفى ارتكاب و آخرتى تكذيب ايدن بويوكلر، ناسك اورته حاللى وفقرا كروهنى اغفال ايچون «رسالت دعواسنده بولونان ذات بشردر، طبق سزك كى ييروايچر. شو حالده سزك اوزريكزه آنك بر فضيلت ومزيتى يوقدر. اكر اطاعت ايدرسه كز ضرر ايتمش اولورسكز» ديمكله رسولك حال وصفنك بشر اولمى رسالته منافى اولديغى درميان ايدره رك خلق اغفاله چاليشدقلى كى رسولك آخرته متعلق بياناتيله دخى اغفاله چاليشديلر وديديلر كه «اورسول سزه وعد ايدر وديرمى كه سز اولوب طوپراق وكميك اولديغكزده قبرىكزدن چيقارسكز؟ بونى وعد ايدن وسويلهين رسولك سوزينه اينانيرميسكز؟ بسوز وسزك

وعد اولونديغكز قبرىكزدن قالقمه كز نه قدر اوزاق اولدى كه عقلى اولان بونى قبول ايدرمى وحوصله بشر بونى آليرى؟ البته آماز. زيرا؛ بزم ايچون حيات يوق، انجق حيات دنيا وار. چونكه؛ حيات بولورز دنيا ده، اولورز ينه دنيا ده. حالبوكه بز بعث اولونميه جغز» ديمكله ناسى رسوله اتباعدن منع ايتديلر. ايشته شوراسى غريبدر كه رسالتى بشره مناسب كورمه ينلر الوهيتى اعجز مخلوق اولان پوتلره مناسب كورور واك عبادت ايدرلر و آخرتى انكار ايدرلر. اولاً يوق ايكن اللهك ايجاد ايتديكى اعتراف ايتدكلى حالده وار اولوب اولد كدنصكره احيا اولونا جقلىرينه اينانمازلر. حالبوكه آخرت اولمسه عدالت الهيه تماميله تجلى ايتمز. زيرا؛ ظالمك ظلمى وقوينك ضعيفه تسلطى جزاسز قالير. بو ايسه حكمت وعدالته مخالفدر. شو حالده عدالتك تماميله تجلى كاهى اولاجق بر محل لازمدر كه ايشته اوده دار آخرتدر.

واجب تعالى عاصى امتلك رسوللرينه قارشى مدافعه لرندن وواقع اولان طعنلرندن بعضى آخرى بيان ايتك اوزره ﴿إِنْ هُوَ إِلَّا رَجُلٌ افْتَرَى عَلَى اللَّهِ كَذِبًا وَمَا نَحْنُ لَهُ بِمُؤْمِنِينَ﴾ بيوريور.

[«آخرتى تكذيب وكفى ارتكاب ايدن بويوكلر وقومك ايلرى كلن سوز كسنلرى عوامه ديديلر كه «نبوت دعواسنده بولونان ذات اولمادى، انجق يالان اولارق الله افترا ايدر بر رجل اولدى. حالبوكه بز او رجله ايمان ايدنلردن دكلز. زيرا؛ مفترى ويالانجى اولان كيمسه يه ايمان ايدلز» ديمكله ناسى ايمانه ميل ايتمكدن منع ايتديلر.»]

يعنى؛ قومك اشراقك بو طعنندن مقصدلرى كنديلرينك سوزيني ديكلهين ناسك آشاغى طبقه سنى ايمانندن منع ايتمكدن. چونكه؛ آشاغى طبقه آنلك سوزلرينى ديكله يوب اقتدا ايتدكلرندن آنلره «بزم آكلادىغمز بورجل، ايمان ايتمكه لايق بر كيمسه دكلدر. بناء عليه؛ بز آكا ايمان ايتدك. ايستره كز سز ايمان ايدك» كى تنفير ائده بولونديلر. والحاصل بشريتك رسالته منافع اولديغى ايلرى سورمكله و آخرتك احوالى حوصله بشرك آلمادىغى بيانله ورجل مفترى ديمكله خلقك ذهنى تشويش ايتديلر.

واجب تعالی تمردك نہایه سنے واروب رسوللری ایمانلرندن مایوس اولونجه ریسنه
التجا ایتمدیکنی بیان ایتمک اوزره ﴿ قَالَ رَبِّ انصُرْنِی بِمَا کَذَبْتُوْنِ ﴾ بیوریور.

[« ای » بنی انواع نعمتیه تربیه ایدن ربم ! آنلرک بنی تکذیبلری مقابلهده بکا نصرت ویر و امداد ایت .] زیرا ؛ نصرتکه محتاجم یاربی ! تبلیغهده قصور ایتدم ولکن آنلره تأثیر ایتدی و اذالریندهده تحمام قالمادی « دیمکله ریسنه التجا ایتدی . چونکه ؛ انسانلرک هر زمان نصرت الهیهیه احتیاجلری اولدیغی کبی بالخاصه بعض امور مهمده طارالیدیغنده نصرت الهیه ایسته مک عادت قدیمه و انیانک دخی مسلکلی اولدیغنه بوآیت دلالت ایدر . بوندن اول عین الفاظه حضرت نوحک التجاسی ده حکایه اولونمشدی .

✱

✱ ✱

واجب تعالی رسولک مناجاتی قبول و صبرله امر ایتدیکنی بیان ایتک اوزره
﴿ قَالَ عَمَّا قَلِيلٍ لَيُصْبِحُنَّ نَادِمِينَ ﴾ بیوریور.

[رسولك شو تضرعنه فارشی الله تعالى « آزیحق زمانده صبر ایت عجله ایتمه . البته آنلر عذابا کوره جک ، صباح وقی نادم اولاجقلردر ، دیدی .]

﴿ فَأَخَذْتَهُمُ الصَّيْحَةَ بِالْحَقِّ فَعَمَلْنَا لَهُمُ غَنَاءً ﴾

[بناءً عليه ؛ آنلری حقہ مقارن اولارق صیحه اخذ ایتدی . صیحه نك اخذی ایله
ز آنلری اوفاجق چور چوب قیلدق .]

(فَبُعْدًا لِلْقَوْمِ الظَّالِمِينَ)

[« اوزاق اولورجه سنه اوزاق اولسون قوم ظالم ، ديدك . »]

یعنی ؛ قومی اصلاح ایچون کوندریلان رسولک قومنه نصیحتی تاثیر ایتیموب ایمانلرندن
مایوس اولار ق ربسنه التجاسی اوزرینه ربسی دیدی که « ای رسول مکرم ! سن آزیحق
برزمان صبر ایت ، آنلرک عذابلرینک کلمسندہ تعجیل ایتہ . بزانتقامیزی آلیرزہ البتہ آنلر

عذابی مشاهده ایدنبجه ندامت ایدم جکمر. زیرا؛ عذابه علامت وعین قهر اولان دهشتلی
صیحه سما جهتندن بغته ظهور ایدنبجه آنلری صیحه طوتدی. بناء علیه؛ بز آنلرک
جسدلرینی قوروتدق عادتاً سیل صوینک اوکنده وکوپوکی اوزرنده کیدن اوقاجق چور
چوب کبی قیلدق که هیچ اهمیتلری و ثقلتلری قالمادی. شو حالده هلاک و محو و نابید
اولدیلر و یالکز بودنیاده هلاک اولقله قالمادیلر. زیرا؛ آنلر حقارنده «حدود النہیہ»
تجاوزله ظلم ایدن ظالملر رحمت الہیہدن اوزاق اولسونلر، دنیلدی. شو حالده دنیاده
هلاک اولدقلری کبی آخرتده دخی رحمت الہیہدن اوزاق و معذب اولاجقلری بو آیتله
بیان اولونمشدر کرچه بو آیتده ندامت ایتدکلری بیان اولونمش ایسده بوندامت حال
یأسده اولدیغندن قبول اولونمادیفی جهتلہ قصورلرینک عفوینہ سبب اولاجق نافع بر
ندامت دکلدیر.

غشاء؛ طبری و خازنك بیانلری وجهله سبیل صوبنك بوزنمه کیمده یارامه و اوت
فرورلربنك قیربتیلرمنمه حاصل اولاده خفیف و منفعتده عاری و کرمز شیلرده . یعنی
« آنلری بحق صیحه اخذ ایدنجه بز آنلری اهلاک ایتدک و اصلا منفعت اولمیان اوفاجق
توز و طور اراق کی قیلدق » دئمکدر .

(فبعداً للقوم الظالمين) کفرلری و آخرتی تکذیبلری و رسولارینه افترا لری سبیلہ
ظالم اولان قومک رحمتدن بعید اولدقلرینی اخبار اولمق احتمالی اولدینی کبی علیهلرینه دعا
اولمق احتمالی ده واردر . هموکلرینی و رحمتده اوزاق اولدقلرینی اخبار اولدیقنه نظراً
معنای نظم: [قوم ظالم کفرلری و ظلملری سبیلہ هلاک و رحمت الهیهدن اوزاق اولدیلر .
دنیا ده اصلاً اثرلری قالمادی و آخرتده معذب اولاجقلردر] دیمکدر . دعا و لغمت اولدیقنه
نظراً معنای نظم: [قوم ظالم رحمت الهیهدن بعید اولسون] دیمکدر . هر ایکی صورته
نظراً بوجه کفرلری استخفاف و اهانت ایچون وارد اولمش برفقره در . چونکه ؛ دنیا ده
هلاک اولدقلرینی بیاندنصکره آخرتده نعم الهیهدن بعید و محروم اولاجقلرینی دخی بیان
ویا خود بعید اولملرینه دعا ایتمک البته آنلرک اهانتلرینی مشعردر .

✱
✱ ✱

واجب تعالى نوح عليه السلامك واندنصكره كوندردیكي بعض رسوللرك امتلری ايله جريان ایدن مباحثه لرینی بیان ایتدیكي کبی بونلردن صكره بعث اولونان انبیاء کرامدن بعضلرینك قصه لرینی اجمالاً اشارت ایتك اوزره ﴿ثُمَّ أَنشَأْنَا مِنْ بَعْدِهِمْ قُرُونًا آخَرِينَ﴾ بیوریور .

[نوح وهود وسائر بعض رسوللرك قوملرینك انقراضندن صكره آنلرك آرقه سندن باشقه قوملری ایجاد ایتك .]

﴿ مَا تَسْبِقُ مِنْ أُمَّةٍ أَجَلَهَا وَمَا يَسْتَأْخِرُونَ ﴾

[هیچ بر امت اجلته تقدم و تأخر ایتمز .]

یعنی ؛ دنیا ، قیامته قدر اعمار ایدن ملتدن خالی اولماز . البته دنیای اعمار ایده جك قومك بری کیدرسه یرینه دیکری کیر . بناء علیه ؛ قوم نوح طوفانه وقوم هود صیحه ايله هلاك اولدقندنصكره بز آنلرك عقبنده برچوق قوملر وملتراجاد ایتك وهر برلرینه رسوللر کوندردك و بزمن عندمزده مرضی اولان احکامی رسوللریمز امتلرینه تبلیغ ایتدیلر . قبول ایدنر سعادت دارینه واصل اولدی وقبول ایتدیلرک هر بری برر نوع غضب ايله هلاك اولدیلر کیتدیلر ولکن هیچ بر امتك هلاکی مقدر اولان وقت معینی اوزرینه تقدم و تأخر ایتمز . بناء علیه ؛ هر امتك هلاکی معین اولان زمانده البته وجود بولور ولو بر دقیقه اولسون تخلف ایتمز .

فخر رازینك بیانی وجهله نو آیت مقتول اولان کیمسه نك اجل مقدريله اولدیکنه دلالت ایدر . زیرا ؛ اجلندن اول قتل اولونسه اجلك تقدم و تأخر ایتسی لازم کیر . حالبوکه تقدم و تأخر بو آیه مخالفدر .

هر شخصك بر اجلی اولدینی کبی هر ملتك دخی بر اجل معینی اولدیغنه وانقراضی او اجلی تقدم و تأخر ایتدیکنه دلالت ایدر . هر امتك هلاکی ؛ عصیانلری وظلملری تمادی ایدوب بقالرنده باشقه لرینه منفعتلری اولمایه جنی وهلاکارنده غیره ضررلری طوقونیه جنی تحقق ایتدیکی بر زمانده واقع اولدینی مفسرینك جمله بیاناتلرننددر . چونکه ؛ منفعتلری اولسه او منفعتی محافظه وهلاکارلی باشقه لرینه مضرتی موجب اولسه اومضرتدن

باشقه لرینی وقایه ایچون مضرت مندفع ومنفعت استیفا اولونونجهیه قدر بقالرینه رعایت اولونمق لازم کیردی .

﴿ ثُمَّ أَرْسَلْنَا رُسُلَنَا تَتْرًا كُلًّا جَاءَ أُمَّةً رَسُولُهَا كَذَّبُوهُ ﴾

[کچمش امتلرك هلاکارندنصكره بز بربری آرقه سنده رسوللریمی کوندردك . هر نه زمان بر امتك رسولی او امته کلدیکنده آنلر کندیلرینه کین رسولی تکذیب ایتدیلر .]

﴿ فَأَتَّبَعْنَا بَعْضَهُمْ بَعْضًا وَجَعَلْنَا هُمُ الْآخِذِينَ ﴾

[آنلر رسوللرینی تکذیب ایدنجه بز بعضیلرینك هلاکی بعضیلرینه تابع قیلدق . حالبوکه بز آنلری صكره کلنره بر طاقم خبر وقصص وحکایه دن عبارت سوزلر قیلدق که خلق آره لرنده سویله نیر وحاللرندن بحث اولوندقجه تعجب اولونور .] یعنی خارجه اثرلری قالمادی ، آنجق حکایه لری قالدی .

﴿ فَبُعْدًا لِقَوْمٍ لَا يُؤْمِنُونَ ﴾

[هلاک اولوب یالکز سوزلری قالنجه اوزاق اولسون رحمت الهیه دن ایمان ایتمین قوم .]

یعنی ؛ امم متقدمه دن بعضیلرینك انقراضندنصكره بز عدالتدن انحرافله اطاعتدن چیقان قوملره آرمیه فترت کیرمکسزین بربری آرقه سنده متوالیاً رسوللریمی کوندردك . هر نه زمان بر امته اصلاح وطریق حقه دعوت ایچون او امتك رسولی کلدی ایسه کندیلرینی اصلاح ایچون کوندریلن رسولی تکذیب ایتدیلر . بناء علیه ؛ آنلرك تکذیب لرینه مقابل بز آنلری اهلاک ایتك ، فقط اهلاکارنده بعضیلرینك هلاکی بعضیسنه تابع قیلدق و آنلرك کفریاتلرندن یر یوزنی تعلیم ایتك و آنلرك سبب هلاکلرینی واحوال غیر لایقه وافعال قیجهرلرینی عالمه قصص وحکایه قیلدق که عالمده آنجق خبرلری وسوزلری قالدی وهر کس سویله شسونلر و آنلرك حاللرندن وهلاکارندن عبرت آسونلر . عاصیلری بز اهلاک ایدنجه ایمان ایتمین قوم رحمت الهیه دن بعید اولمقله بعید اولدی . زیرا ؛ هپسی هلاک اولدی ودنیادن آرا لا شوب کیتدیلر . (تری) بیضاوی ومدار کده بیان

اولونديني وجهله بربري آرقه سنده بربري كلكم . چونكه رسل كرام ؛ هر كسك رسالته تعين اولونان زمانده امتلريني اصلاح ايچون بعث اولونمشلردر كه برى كلدی تبلیغات واصلاحاته مشغول اولدی او كيتدی صكره ديكری كلدی والحاصل بوموال اوزره دوام ايتدی كيتدی .

خلاصه ؛ رسل كرامك بربري آرقه سنده بعث اولونقلری وهرامته رسوللری كلكيكنده اورسولی تكذيب ايتدكلى وآنلك تكذيبلرينه مقابل تكذيب ايدنلك هلاكلى ده بربري آرقه سنده وقوعبولدينى . وطلده يالكز خبرلری وحقايقه لری قالدینى وحققرنده ایمان ایتمین قوم رحمتدن بعید اولسون ، دنیلدیكى و آخرتده ابدأ معذب اولارق قالا جقلری بو آیتدن مستفاد اولان فوائد جمله سندنر .

..

واجب تعالى رسل كرامك بربري آرقه سنده كوندرلديكنى اجمالاً بياند نصكره حضرت موسانك فرعون رسول كوندرلديكنى تفصيلاً بيان ايتك اوزره ﴿ ثُمَّ أَرْسَلْنَا مُوسَىٰ وَأَخَاهُ هَارُونَ بِآيَاتِنَا وَسُلْطَانٍ مُّبِينٍ * إِلَىٰ فِرْعَوْنَ وَمَلَئِهِ ﴾ بيوريور .

[كچمش ايتلك انقراضندن صكره موسى و برادری هرونى بز آيتلریمز و آچيق معجزه ايله فرعون و جماعته كوندردك .]

﴿ فَاسْتَكْبَرُوا وَكَانُوا قَوْمًا عَالِينَ ﴾

[موسى و برادری هرون عليهما السلام رسول اولارق آنلره كلنجه فرعون و جماعتی ایمان ایتمكدن كندیلرینی بویوك عدايتديلر و اوزمانده آنلر غایت متكبر بر قوم ايدیلر .] یعنی ؛ شو هلاکی بیان اولونان اقوامك انقراضندن صكره بز موسى و برادری هرون عليهما السلامی قدرتمزه و كمال صنعتمزه دلالت ایدن آيتلریمزه و فرعون غلبه ایده جك معجزه قطعيه ايله فرعون و فرعونك و كلاسنه و قومك ایلری كلنلرينه رسول اولارق كوندردك و آنلك اصلاحنه مأمور ایتدك . و قناكه موسى و برادری آنلری حقه و طریق

توحيدده دعوت ايتديلرسه آنلر ایمانی قبول و حضرت موسایه اتباعدن كندیلرینی بویوك عد ايتديلر . زیرا ؛ كندی اعتقاد لرینجه و اوزمانه نسبتله آنلر عالی و متكبر بر قوم ايدیلر . حتی فرعون ربوبیت دعواسنه قدر جسارت ایتشدی . چونكه ؛ اوزمانده مصر حكومتی دنياكك القوتلی حكومتلرندن معدود اولديغندن بوتون دنيايه نظراً فرعون و قومی نفسلرنده بر بویوكلك كوریورلر و موسى عليه السلامه تابع اولمى كندیلرینه عار عد ایدیورلردی . بوسیله ایماندن استكبار ایتدكلى جناب حق ﴿ فَاسْتَكْبَرُوا ﴾ قول منیفله و دیگر اقوام آره سنده قوتلی عداولونقلرینی و كندی زعمرلنجه كندیلرینی بك یوكسك فرض ایتدكلى ﴿ وَكَانُوا قَوْمًا عَالِينَ ﴾ نظم شریفله بیان بیورمشدر .

فخر رازینك بیانی وجهله آیات له مراد ؛ دیمه حقه دلالت ایدنه دلیلدر و حضرت موسانك معجزه لرده . سلطان ايله مراد ؛ فرعونه فیه غلبه ایدنه دكزك بول اولی كبی بویوك معجزه لرده . چونكه ؛ موسى عليه السلامك كوچوك و بویوك برچوق معجزه لری واردی . یا خود آیتلره مراد ؛ بیضاوینك بیانی وجهله سورة اعرافده بیانه اولونانه حضرت موسانك معجزه لرده معدود اولانه طغوز عهدندن و سلطان مبین ايله مراد ؛ فقهی الزام ایدنه آیهیه معجزه لرده : عصای موسى كبی . چونكه عصی ؛ حضرت موسانك معجزه لرینك اساسی و بالفعل فرعونه غلبه یی تأمین ایدن معجزه سیدر . عصی برچوق معجزه لره وسیله اولمشدر . مثلاً بیلان صورتنه انقلاب ایتسی ، سحره نك سحرلرینی یوتسی ، دكزه اشارتله دكزك یاراسی ، طاشه وورمقله پيكارك قاينامسی و سائر كبی برچوق معجزه لره عصای موسى مصدر اولش و سلطان مبین عنوانی آلمشدر . بو آیتده فرعونك و قومك اوصاف مذمومه لرندن ایکیسی بیان اولونمشدر . برنجیسی ؛ استكبار ، ایکنجیسی ؛ امور دنیاده سائر اقوام نسبتله عالی اولمیرمكه بو ایکی صفتلری ایمانلرینه مانع اولمشدر . بناء علیه شوكت و قوت و ثروتده مقبول اولان ؛ انسانی طقیانه و عصیان سوق ایتمیندر . چونكه انسانك عصیان سبب اولان قوت و ثروت ؛ عین عصیان حکمنده در . بناء علیه ؛ او مثللو ثروتلر و قوتلر مذمومدر .

..

بيضاوينك بياني وجهله فرعونك و قومك حضرت موسى و برادرينك نبوتلرنده
شبهلرندن بريسي؛ بشريت و بشريتك ايجاباتنده انبياء كرامله كندى آره لرنده كي مشابته
بناء انبيائك احوالي كندى حاللرينه قياس ايتمكدر. شو حالده كنديلرينك ني اولاماديني
جهتله هر بشرك ني اولاميه جغه حكم ايتمكدر. حالبوكه بوقياسلرينك فسادى ميدانده در.
زيرا نفوس بشريه؛ اصل قوا و ادراكده مشتركلر سده آنجق او قوا و ادراكك
درجه لرنده كلي فرقلري واردر. چونكه؛ ذكاء، فطانت و قوه قدسيه جهتندن انسانلرك آرالرنده
اولان درجهلر مساوات قبول ايتمز. حتى بعض كيمسهلر اكثر اشياده تعلمه و تفكره بيله
محتاج اولمقسنين باشقلرينك بيلمديكي وسنه لرجه تعلم ايدوب او كرنه مديكي شيلري فراست
و فطانتيله بيلير. خصوصا نبوت؛ موهبة الهيه در. الله تعالى ايستهديكي قولنه ويرر،
هيچ كيمسه «نه ايجون ويردك» ديه مز.

بو آيتده توراتله اهتدا؛ بني اسرائيل عاممدر. چونكه تورات؛ فرعونك غرقندن
سكره نازل اولمشدر. بناء عليه اهتدا ايله مراد؛ بني اسرائيلك اهتدا سيرر.

واجب تعالى موسى عليه السلامك فرعونله واقع اولان مباحثه سني اجمالاً بيانن صوكره
حضرت عيساك و والده سنك قدرت الهيه علامت اولدقلريني بيان ايتمك اوزره
﴿وَجَعَلْنَا ابْنَ مَرْيَمَ وَأُمَّهُ آيَةً وَآوَيْنَاهُمَا إِلَى رَبْوَةٍ ذَاتِ قَرَارٍ وَمَعِينٍ﴾
بيوريور.

[و بز حضرت مريمك اوغلوني و آناسني قدرتمزه علامت قيلدق و اسكان ايتدك
آنلري يوكسك بر محله كه او محل قرار صاحبي و طاتلي صويه مالك ايدى.]

يعني؛ بز عظيم الشان حضرت مريمك اوغلي عيسى عليه السلامي و آنك والده سي
مريمي كال قدرتمزه و بدايع حكمتهمزه دلالت ايدر علامت قيلدق. زيرا؛ حضرت عيسى
باباسز خارق العاده و فوق الطبيعه اولارق ظهور ايدرك حال صباوتنده والده سنك برائته
شهادت ايتدى. كذلك والده سنك اركك كورمكسزين چوجق كيتيرمسي و قيش كوننده

واجب تعالى حضرت موسى و برادري حضرت هرون فرعون رسول كوندرديكني
و آنلرك ايمانن استكبار ايتدكلريني بياننصكره فرعونك و قومك سويله دكلري سوزلري
و تكذيب ايدوب هلاك اولانلر زمهره سندن اولدقلريني بيان ايتمك اوزره ﴿فَقَالُوا
أَنُؤْمِنُ بِبَشَرَيْنِ مِثْلِنَا وَقَوْمُهُمَا لَنَا عَابِدُونَ﴾ بيوريور.

[موسى و هرون عليهما السلام آنلره رسالتريني تبليغ ايدنجه فرعون و جماعتى «بزم
مثلنر ايكي بشره بز ايمان ايدرمي بز؟ حالبوكه آنلرك قومي بزه عبادت ايدر كي اطاعت
ايدر بزم كوله لر يمز مثابه سنده درلر» ديديلر.]

﴿فَكَذَّبُوهُمَا فَكَانُوا مِنَ الْمُهْلَكِينَ﴾

[شو سوزلري اوزرينه فرعون و قومي او ايكي رسوللريني تكذيب ايتديلر. بناء عليه؛
آنلر هلاك اولان امتلر زمهره سندن اولديلر.]

﴿وَلَقَدْ آتَيْنَا مُوسَى الْكِتَابَ لَعَلَّهُمْ يَهْتَدُونَ﴾

[ذات الوهيمه يمين ايدرم كه بز آنلر اهتدا ايتسونلر ايجون موسى عليه السلامه
توراتي ويردك.]

يعني؛ حضرت موسى و هرون آنلره رسول اولارق كلوب دين حقه و طريق استقامته
دعوت ايدنجه آنلر كندى آره لرنده مشاوره ايتديلر و مشاوره لر ينك نتيجه سي اولارق
ديديلر كه «بزم علو قدرمز و جلادت شانمزه برابر كندى امثالز ايكي بشره ايمان
و انقياد ايدرمي بز؟ حالبوكه آنلرك نشأت ايتدكلري قوم و قبيله لري بزه عبادت ايدر كي
كال تواضعله خدمت و اطاعت ايدسيورلر. شو حالده آنلره حاكم ايكن شمدي بونلره ايمان
ايتمكه محكوم و آمر ايكن مأمورمي اولالم، بو بزه طار و عيب دكلي؟» ديمكه ايمانن
استكاف ايتديلر و يالكز استكافله قالماديلر و تكذيبده ايتديلر و بو تكذيبلري ايله
هلاك اولان امتلر زمهره سندن اولديلر. ذات الوهيمه يمين ايدرم كه بزموسى عليه السلامه
ظاهري و باطني اصلاح ايدمكك و او زمانده عبادك جمله احوالنه كافي اولان توراتي
ويردك كه موساك قومي اولان بني اسرائيل اهتدا ايتسونلر.

ياش ميوه نك زدنده بولونمسي كې بر چوق كرامتله اهل اولمسي بزم قدرتمزه دلالت ايدر علامات عظيمه جمله سندنذر. آنلري بر طاقم يهودك متكبر و غدارلري مسكنلرندن چيقاردقلري حالده بز آنلري يوكسك و انسانلره قرارگاه و صوبي طاتلي بر محله اسكان ايتدك. او مكان؛ اسكانه غايت الويريشلي و دنياجه ايسته نيلن هر شي موجود ايدى.

كرچه ظاهرده حضرت عيسى ايله والدهسى آري آري علامتلكې ايسه لرده حضرت عيسانك باباسز طونمسي و والده سنك ار ككسز طوغورمسي ايكي سى بر علامت اولديغه اشارت ايچون جناب جق ايكي سى بر علامت اولق اوزره بيان ايتمشدر.

فخر رازينك بياني وجهله ربوه؛ بوكسك بر محله. ارض شامده دنياجه آب و هواسي كوزل، صوبي طاتلي، ميوهسى بول و راحت بر محله اولديغده شبهه يوقدر. زيرا؛ جناب حق ثنا بيورمشدر. حضرت عيسانك والده سيله برابر او يوكسك محله كيتملرينك سببي؛ زمانك بعض غدارلري طرفندن واقع اولان اذا و تضيقدر. چونكه؛ بعض كاهنلرك يهودك غدارلرينك سبب اضمحلالى حضرت عيسى اولاجغى خبر ويرملري اوزرينه حضرت عيسايي تحري به باشلايجه طرف السهيدن هجرتلري امر اولونمقله او محل مباركه هجرت ايتمشلردى. اون ايكي سنه اوراده قالدقلري و بعده كندى بلده لرينه عودت ايتدكلري مرويدر. او زمان حضرت عيسا تبليغه مأمور اولمامشدى.

..

واجب تعالى حضرت عيسى و والده سنك قدرت السهيه علامت اولديغى بيان ايتديكي كې جمله انيسانك مكلف اولدقلري اعمالى دخى بيان ايتك اوزره ﴿يَا أَيُّهَا الرُّسُلُ كُلُوا مِنَ الطَّيِّبَاتِ وَاعْمَلُوا صَالِحًا إِنِّي بِمَا تَعْمَلُونَ عَلِيمٌ﴾ بيوربيور.

[اى رسوللر! طيباتدن ييك و عمل صالح ايشلهيك. زيرا ايشلهديككسز عملكزى بن بيليم و عملكزه كوره جزا ويررم.]

يعنى؛ اى رسل كرام! سزه مباح قيلديغمز نعمتلردن ييك و عند السهيمزده مقبول

و مرضى اولان كوزل عمللر ايشلهيك. زيرا؛ بن سرك جمله اعمالكزى بيلير و هر برينه مكافات حسنه ويررم.

فخر رازى و قاضينك بيانلري وجهله بو آيت جليله؛ هر رسولك شو خطاب مظهر اولديغنه دلالت ايدر. آنجق هر برى كندى زماننده آري آري خطاب اولونمشلردر، يوقسه بر زمانده مجموعنه بردن خطاب اولونمش دكلدر. زيرا؛ انبياء عظام بر زمانده جمع اولماديلركه مجموعنه بردن خطاب اولونسون. شو حالده بعض طيباتى نفسنه حرام قيلمقله رهبانيت اداسنده بولونانلرك ادعالرينى بو آيت رد ايتمشدر. چونكه؛ هيچ برنينك شريعتنده طيبات حرام اولمادىغنه بو آيت دلالت ايدر.

مدار كده بيان اولوندينى وجهله امر؛ اباحه ايچوندر. بناء عليه؛ طيباتى اكل ايتك مباحدر واجب دكلدر. طيبات ايله مراد؛ مهول و صافى و مهورك قوامه خادم و انتفاعنده كنش اولميايه مهورات و ميوه نوعنده اولاده مأكولاتدر. واجب تعالى ايتك آخرتده قوللرينك عملنى بيلديكى بيانه امرينه مخالفتدن احتراز ايتك لازم اولديغى بيان ايتمشدر. رسول اللهك الله تعالى طيبدر، طيبى قبول ايدرو رسل كرامه ايتديكى شيله مؤمنلره امر ايدر و بر كيمسه كه ائى سياه قالديرر دعا ايدر حالوكه بيسديكى و ايچديكى و كيديكى حرامدر. آنك دعاسى نصل قبول اولوره بيوردينى (ابوهريره) رضى الله عنه حضرتلرندن مروى اولدينى خازنده مذكوردر.

رسل ايله مراد؛ رسل كرامك محمدسى اولم ظاهردر. چونكه طيباتى ييك و عمل صالح ايشله مكله امر؛ جميع انبيانك شريعتلرنده موجود اولديغدن رسل كرامدن بعضيسنه تخصيصه بر سبب يوقدر. عمل صالحدن اول حلال لقمه ييك و حلالى عمل صالح اوزره تقديم ايتك لازم اولديغنه اشارت ايچون طيباتى ييكه امرى عمل صالح ايشله مكله امر اوزرينه تقديم اولوندينى نيسابورينك جمله بيانلانددر.

خلاصه؛ جمله انبيانك طيباتى ييكه مأذون و عمل صالح ايشله مكله مأمور اولدقلري والله تعالى نك علمى جمله سنك عملنه لاحق اولدينى بو آيتدن مستفاد اولان فوائد جمله سندنذر.

﴿وَإِنَّ هَذِهِ أُمَّتُكُمْ أُمَّةً وَاحِدَةً وَأَنَا رَبُّكُمْ فَاتَّقُونِ﴾

[شويان اولونان شريعت و طريقت سزك طريقت واحده كزدر و بنده سزك ربكزم .
بناء عليه ؛ بكا اتقا ايدك .] قورقوك بندن ، قاجينك حرامدن .

يعنى ؛ اى ملت اسلاميه ! شو سزك دينكيز و شريعتكيز بردر و جمله كز
بو شريعتى قبول و عمل ايتكمه مأمور سكرز . زيرا ؛ اصول اعتقاده جمله شريعتلر متفقدر .
بناء عليه ؛ جمله انسانلر ك اعتقاد نقطه سنده برلشملى لازمدر . بنده سزى انواع نعمته
تريه ايدن ربكزم . شو حالده بكا مخالفتدن نفسكيزى صايقنك و جرامه ميل ايتميك ،
آنجق حلال و طيب اولان شيلرى بيك .

بيضاوينك بياننه نظراً بو آيتده امت ايله مراد ؛ ملت و شريعتدر و خطابده
رسل كرامدر . زيرا ؛ رسل كرامك جمله سنى اصول اعتقاده بر دين اوزره درلر .
چونكه اصول اعتقاد ؛ هيچ بر شريعتده دكيشمز و دكيشه مز . بناء عليه ؛ جمله انبيانك
شريعتلرى اعتقاد خصوصنده آريماز متفقدرلر . زيرا اصول اعتقادك اساسى ؛ ذات الله
و صفات الله و نبوت و احوال آخره متعلق مسائل اولوب كرك ذات الهى و صفات سبحانى
و كرك نبوت و آخرت تبدل ايتمز كه زمانه كوره شريعتلرده اعتقاد تبدل ايتسون . بوكا
نظراً معنای نظم : [اى رسل كرام ! شو اعتقاد حقهده سزك ملتكيز بر ملتدرو بونده
تعدد يوقدر . بناء عليه ؛ اصول شرايع اولان اعتقاديانده اختلافكيز يوق ، هيكز بر
ملتسكز و بنده سزك ربكزم . بكا عصياندن نفسكيزى وقايه ايدك و بندن قورقك] ديمكدر .

**

واجب تعالى اعتقاديانك جمله انبيانك شريعتنده بر اولديغنى بيان نصكره ناسك اعتقاديانده

اختلاف ايتدكيزنى بيان ايتك اوزره ﴿ فَتَقَطَّعُوا أَمْرَهُمْ بَيْنَهُمْ زُبُرًا ﴾ بيوريور .

[ناسك دينلرى ، بيلرنده فرقه فرقه طاغلى .]

﴿ كُلُّ حِزْبٍ بِمَا لَدَيْهِمْ فَرِحُونَ ﴾

[هر فرقه كندى اختيار ايتديكى دين و مذهبيه مسرور اولور .]

﴿ فَذَرَهُمْ فِي غَمَرَتِهِمْ حَتَّى حِينٍ ﴾

[شو حالده حيم ! ترك ايت آنلرى اولونجهيه قدر جهالتلرى ايجنده .]

يعنى ؛ اساس اعتباريله اعتقاد حقهده مذهب و ملت بر اولديغى حالده ناسك دين
خصوصنده ايشلرى و اعتقادلرى طاغلى و پارچه پارچه اولدى . چونكه ؛ بعضيسى يهودى ،
بعضيسى نصرانى و بعض آخرى مجوسى و پوت پرست كى بر چوق اعتقاد باطل اربابى حاصل
اولدى . اساس اعتقاد ؛ حق اولان دين واحد اولديغى حالده ملل مختلفه و جماعت متعدده
ميدانه كلدى و حاصل اولان ملتلر كندى مسلكى و دينى ايله مسرور اولور . چونكه ؛
كندى حقى و غيريلرى حقسز كورديكندن انتساب ايتديكى دينله افتخار ايدر كه آنك
خلافتى ارتكاب ايتك احتمالى اولماز . بناء عليه ؛ باطلى ارتكاب ايدن كيمسه نى دخى
باطلدن دوندورمك محتمل اولمايجه حيم ! ترك ايت سن آنلرى جهالتلرى ايجنده
وفات ايدنجهيه قدر .

بيضاوى و مدارك بيلانلرى وجهله (حق حين) لفظنده كى حين ايله مراد ؛
وفات ايله مېكلى و سكرات مونه عذابى كوره مېكلى زمانر . غمره ؛ غفلت و مېهالت
و كفر و ضلالتدر . (كل حزب) حزب ؛ فرقه و جماعت معناسهدر . يعنى ؛ اصلنده ملت
بر اولديغى حالده ناسك اعتقاده مذهبلى اديان مختلفه و مذاهب متشته اولدى و هر فرقه
كندى دينى و مذهبي ايله افتخار ايدر نصيحت قبول ايتمز و حق سوز ديكله مز . حال بويله
اولونجه حيم ! سن آنلرى جهالت و ضلالتلرنده و وفات زمانلرى سكرات موتلرنده عذابى
معينه ايدوب حسرت و ندامتلرى حاصل اولونجهيه قدر ترك ايت ، ديمكدر .

(حق حين) عذابى معينه ايدمك زمان اولونجه سكرات مونه وقبره و قيامتده
خاصه زمانه و مېهت و اخلاص عذاب معينه اولونايم . موقعك بمجده شامل اولوب
باطل مذهبه سلوك ايدنلرى تهديد و رسول الهى تسليم اولديغى نيسابورينك جهه بياناسنددر .

**

واجب تعالى اعتقاد نقطه سندن مذهبك بر اولوب فقط ناسك متفرق مذهبله تفرق

خلاصة البيان : اوتجى جلد ۱۶

ايتديكى وهر كسك كندى مذهيله افتخار ايلديكى ونصيحت ديكلمه يئلى حالى اوزره ترك ايتك لازم اولديغى بياندنصكره باطل مذهب صاحبلرينه ويريلن نعمتلك حقلرنده خيره علامت اولمايغى بيان ايتك اوزره ﴿ اَيَحْسَبُونَ اَنَّمَا نُمِدُّهُمْ بِهِ مِنْ مَّالٍ وَبَنِينَ * نُسَارِعُ لَهُمْ فِي الْخَيْرَاتِ بَلْ لَا يَشْعُرُونَ ﴾ بيوريور .

[ياكليش مذهب طاشيانلر ظن ايدرلرمى كه بزم آنلره ويرمش اولديغمز مال واولادله آنلر ايجون خيرات مسارعت ايدرز و بو نعمتلر آنلر حقنده خيردر ؟ اكر بويله ظن ايدرلره بو ظن باطلدر . زيرا ؛ آنلك ظنلرى كى دكلدر ، بلكه آنلر بيلمزلر .]
يعنى ؛ بز باطل دين واعتقاد طاشيانلره مال واولاد كى برچوق نعمتلر ويريورز . آنلر ظن ايدرلرمى كه بزم آنلره ويرديكمز مال واولاد ايله آنلر ايجون خيره سرعت ايدرز ؟ بويله ظن فاسددر . چونكه ؛ بزم آنلره ويرديكمز نعمتلر آنلر حقلرنده استدراجدر ، بلكه آنلر استدراج اولديغى بيلمزلر . زيرا ؛ بهايى كى ادرا كدن خالى اولدقلى ايجون استدراجله نعمت وخيرات بينى تفريق ايتزلر . بناء عليه ؛ حقلرنده نعمت اولان شيلرى عين نعمت ظن ايدرلر .

خلاصه ؛ باطل مذهب صاحبلرى حقلرنده مال واولاد كى ظاهرده نعمت اولان شيلرى حقيقى نعمت ظن ايتدكلى حالوكه آنلر حقنده نعمت اولمايغى ونعمت اولانى واولماني بيلمكلى بو آيتدن مستفاد اولان فوائد جمله سنددر .

* *

واجب تعالى ارباب فسقك نائل اولدقلى نعمتلر ، حقلرنده خير اولمايوب استدراج اولديغى بيان ايتدىكى كى خيره مسارعت ايدنلك صفتلرى دخی بيان ايتك اوزره ﴿ اِنَّ الَّذِيْنَ هُمْ مِنْ خَشْيَةِ رَبِّهِمْ مُشْفِقُونَ ﴾ بيوريور .

[شول كيمسهلكه آنلر ربلرينك عذابندن قورقلرلر . ايشته آنلر خيرات مسارعت ايدنلردر .]

﴿ وَالَّذِينَ هُمْ بِآيَاتِ رَبِّهِمْ يَوْمِنُونَ ﴾

[وشول كيمسهلكه آنلر ربلرينه ايمان ايدرلر . ايمان ايدنلر البته خيرات مسارعت ايدنلردر .]

﴿ وَالَّذِينَ هُمْ بِرَبِّهِمْ لَا يُشْرِكُونَ ﴾

[وشول كيمسهلكه آنلر ربلرينه شرك ايتزلر .]

﴿ وَالَّذِينَ يُؤْتُونَ مَا آتَوْا وَقُلُوبُهُمْ وَجِلَةٌ اِنَّهُمْ اِلَى رَبِّهِمْ رَاْجِعُونَ ﴾

[وشول كيمسهلكه آنلر صدقات مفروضه دن وناقله دن ويردكلى شيلرى قبلرى قورقار اولدقلى حالده ويرلر . زيرا ؛ آنلر ربلرينك رضاسنه رجوع ايدرلر .]

﴿ اُولَئِكَ يُسَارِعُونَ فِي الْخَيْرَاتِ وَهُمْ لَهَا سَابِقُونَ ﴾

[ايشته شو اوصافى حائر اولانلر خيرات مسارعت ايدرلر . حالوكه آنلك حال وشانلرى خيرات سعى ايله سائرلرينه سبقت ايتكدر .]

يعنى خيرات سعى ايدن ؛ مذاهب باطله اربابى دكلدر ، بلكه خيرات سعى ايدن شول كيمسهلكه آنلر اللهك عذابندن شدتله قورقان وعبادته دوام ايدنلردر . چونكه ؛ اللهدن لايقى وجه اوزره قورقق دنياهه اللهك غضبندن وآخرته عذابندن قورقديغنه بناء كنهلردن قاجمىنى وخيرات سعىنى موجب اولور . وشول كيمسهلكه آنلر ربلرينك آيتلرينه ايمان ايتدكلى لايقيه اوامرى ونواهى بى قبول وتصديق ايتدكلى جهته موجهيله عمل ايتكله خيرات سعى ايدرلر وشول كيمسهلكه آنلر ربلرينه شرك ايتدكلى جهته عبادتلرنده ريا ايتدكلى كى عبادتلرى اخلاص اوزره ادا ايتكله خيرات سعى ايدرلر . وشول كيمسهلكه آنلر صدقات مفروضه وناقله دن ويردكلى قبول اولونوب اولونميه جفندن قبلرى قورقار و ربلرينك حضورينه رجوع ايدم جكلى دوشونور و عمللرينك رضايه موافق اولوب اولمايغى بيلمه دكلى انديشه ايدر وقورقولىنه بناء انواع خيرات سعى ايدرلر . ايشته شو تعداد اولونان صفتلى حائر اولان كيمسهلكه انواع خيرات سعى ايدنلردر . چونكه ؛ آنلك اللهدن قورقلارى و ايمان ايدوب شرك ايتمه ملرى وحضور اللهى به رجوعلىرى

اقرار له قلبى تتره يهرك صدق لى وىرملرى عين خيرات اولدينى كى خيرات سائرته ي ايشله مكه
دخى سوق ايدر . بناء عليه ؛ آنلرده خيرات ايشله مكدده سائرلرينه سبقت ايدرلر . خيرات
نائل اولاجقلرده بو درت صفتك بولونا جفى جناب حق بو آيتله بيان واهل ايمانك بو
صفتله دقت واعتنا ايتلى لازم اولديغنى توصيه بيورمشدر .

مؤمنلره لايق اولان درت صفتله برنجيسى ؛ مالايه بىره اهترارى موجب
اولده خوف الله . ايكنجيسى ؛ عبادته شرك هفى اولده ريبلى ترك ايتكدر .
اوچنجيسى ؛ عبادت ماله و برنجيسى اراده رضايه موافقه اولامسندره ايتيه ايدوب عملك
قبول اولونماسى قورقوسيد برابر ادا ايتكدر . دردنجيسى ؛ حمد اعمالك اساسى اولده
ايمانى اولقدر . بونلك جمله سنى سببى ؛ آنلك حضور الهى يه رجوعلىنى نظر
اعتباره آلمالى اولديغنى واجب تعالى بو آيتده بيان بيورمشدر . چونكه ؛ آخرته ايمان
ايدوب عملك جزاسى كوره جكنى وعمل دفترلى آله وىرلوب سئوال اولونا جفى
و عملك ايسى كوتوسدن آريلا جفى اعتقاد ايدن كيمسه مك البته شو اوصافى اكتسابه
سعى ايدوب كسب خيرات ايجون چاليشه جفنده شبهه يوقدر . اما ايمانده ضعف اولان
وياخود آخرته هيسچ ايمان ايتمين كيمسه هيسچ بر كوتولكدن چكىنمز . شو حالده مؤمن
كامل ؛ هم عبادت ايدر هم اللهدن قورقار . اما فاسق وفاجر ؛ عبادت ايتديكى كى
اللهنده قورقاز .

خلاصه ؛ انسانلرى خيرات سوق ايدن اسبابك اللهدن قورقق و ايمان ايتك و وحدانيتى
اقرار له شرك ايتمهك و زكاتلىنى رياسز ادا ايله اعمالنى اخلاص اوزره ايشله مك اولديغنى
بو آيتدن مستفاد اولان فوائد جمله سنددر .

**

واجب تعالى مؤمن مخلصك اوصافى بيان ايتديكى كى بو اوصافك وسع و طاقت
دايره سنده اولديغنى دخى بيان ايتك اوزره ﴿ وَلَا تُكَلِّفُ نَفْسًا إِلَّا وُسْعَهَا وَلَدَيْنَا
كِتَابٌ يَنْطِقُ بِالْحَقِّ وَهُمْ لَا يُظْلَمُونَ ﴾ بيوريور .

[هر نفسه بز تكليف ايتيمز ، آنحق طاقى مقدارى تكليف ايدرز و بزم عند مزده
حقى سويلر كتاب واردر . حالبوكه قوللريمز اصلا ظلم اولونمازلر .]

﴿ بَلِّغْ قُلُوبُهُمْ فِي غَمْرَةٍ مِنْ هَذَا ﴾

[بلكه كافرلك قلبلى بزم شو كتابمزدن غفلت وجهالت ايجنده در .]

﴿ وَلَهُمْ أَعْمَالٌ مِنْ دُونِ ذَلِكَ ﴾

[وكافرلر ايجون بزم بيان ايتديكمز باشقه عمللرى واردر .]

﴿ هُمْ لَهَا عَامِلُونَ ﴾

[آنلر آنحق اونی عمل ايدرلر .]

يعنى ؛ مؤمنلك اوصاف سابقه سعى ايتلى لازمدر . زيرا ؛ بز هيسچ بر نفسه
طاقتك فوقنده بر عمل تكليف ايتيمز . بناء عليه ؛ قوللريمز تكليف ايتديكمز احكام
شرعيه قدرت بشرك تحمل ايدم بيله جكى بر نسبتده و تحملك فوقنده برشى يوقدر و بزم
عند مزده هر انسانك اعمالنى يازمغه مؤكل اولان ملكلك يازدقلى كتاب واردر كه او كتاب
طوغرونى سويلر و هر كسك عملنى اولديغنى كى خبر وىرر . بناء عليه ؛ قوللر اصلا ظلم
اولونمازلر . چونكه ؛ واقعه مخالف هيسچ برشى يوق كه ظلم اولونسونلر . زيرا ؛ ملكلك
دفترينه نه يازمش ايسه آكا كوره جزالاندقلى عبادتلىرىنك ثوابندن نقصان و ياخود
كناهلرينك عذابندن زياده اولماز كه ظلم اولسون ، بلكه او كافرلر كفره شدله مصر
اولدقلىندن آنلك قلبلى بزم كتابمزدن شدله غفلت وجهالت ايجنده درلر وجهالتلىرىنه
بناء بومثللو كتابلى ده انكار ايدرلر . حالبوكه انسانك فوز و فلاحى وسبب نجاتى
او كتابده يازيلى اولديغنى كى خائب وخاسر اولارق هلاكى و ابدأ عذابه دوچار اولاجفى ده
او كتابده يازيليدر . زيرا ؛ انسانك هر عملى يازيلى اولديغندن ثواب و كناه آنده موجوددر .
حالبوكه كافرلك شو بيان اولونان مؤمنلك عملك غيرى بر طاقم شرك و افتراء على الله
ورسل كرامك دعوتلىنى رد ايتك و آيتلى انكارله كفرياتة اصرار كى عمللرى واردر .
آنلر آنحق معتاد اوزره بونلرى ايشلرلر .

خلاصه بو آيت ؛ آلتى ملكى ماربور . برنجيسى ؛ جناب هفك قوللرينه تكليفى
قوللك قدرنى نيسنده اولوب قدرت بىرك خارمى برشيد تكليف اتمه مسير . ايكنجيسى ؛
هر كسك عمللى يازىلى عند الله بىركتاب اولوب اوكتابك هفى سوله مسير . اوچنجيسى ؛
هر كس دفترده يازىلى عمله كوره جزا كوروب اصل ظلم اولونيه قىلمير . دردنجيسى ؛
قرآنده واطعام شرعده لافرك قبللرك جهالت اينده اولمير . بىشنجيسى ؛
اهل كفرك مؤمنلرك عمللرك غيرى كفريات دأر بر جوق عمللى بولومسير .
آلتنجيسى ؛ لافرك آنجى بوكى فنا عمللى عمل اتمك عادتلرى اولمير .

واجب تعالى كافرلك حاللى كقره اصرار وایماندن غفلت اولديغنى بياندنصكره
بلايه مبتلا اولدقلرنده جناب حقه التجا ايتدكلرينى بيان اتمك اوزره ﴿ حَتَّىٰ اِذَا اخَذْنَا
مُتَرَفِعِهِمْ بِالْعَذَابِ اِذَاهُمْ يَجْرُونَ ﴾ بيوريور .

[حق بز آنلرك زنكىن ونعمت صاحبلى عذابله اخذ ايتديكمزده درحال آنلر
بزه التجا ايدرلر .]

﴿ لَا تَجْرُؤُا وَالْيَوْمَ ﴾

[بز طرفزدن آنلره « بوكون التجا اتميك » دينر .]

﴿ اِنَّكُمْ مِّنْ اٰتِنَا تُنَصَّرُونَ ﴾

[زيرا ؛ بوكون سز بز طرفزدن يارديم اولونمازسكز .]

﴿ قَدْ كَانَتْ اٰيَاتِىْ عَلَيْكُمْ فَكُنْتُمْ عَلَىٰ اَعْقَابِكُمْ تُكْمِضُونَ
مُسْتَكْبِرِينَ ﴾

[محقق بىم آيتلرم سرك اوزريكزه اوقوندى . آيتلر اوقونونجه سز اوكله كز اوزرينه
كبر ايدرك آرقهسى آرقهيه دوزسكز .]

﴿ سَامِعًا تَهَجَّرُونَ ﴾

[كيجهلرى او آيتلرى حكايه ايدر هذيان ايدرسكز وسان قرآنه ياقيشايان شيلر
سويلرسكز .]

يعنى ؛ كافرلر معاصيه مصر اولارق بزى طانمازلر . حق بز آنلرك زنكىنلى
ومالدار اولوب انواع نعمتمزله راحت اولانلرينى كساهلرى سبيله بلا ايله مبتلا وعذابله
مؤاخذه اينجهيه قدر بو طانماملرى دوام ايدر . وقتاكه بز آنلرى عذابله مؤاخذه
اينجه كوريلورك درحال آنلر بزه التجا ايدر ويارديم ايستلر . حالبوكه راحت كونلرنده
بزم عذابمز اصلا خاطرلرينه كلىوردى وعذابى كوروب بزه يالوارمغه باشلاينجه آنلرى
دركامزدن طردايچون بز آنلره ديرزكه « بوكون بزه يالوارمايك . زيرا ؛ بز طرفزدن
سز يارديم اولونمازسكز . چونكه ؛ شمدى به قدر مراجعت ايتديكمز ايچون اجنبى سكز ،
ديمكه رد ايدرز وديرزكه « محقق بزم آيتلرمز رسولمز واسطه سيله سرك اوزريكزه
تلاوت اولوندى . سزه مناسب اولان الفاظى كمال دقتله استماع و معانيسى مطالعه
ايله حق اولديغنى تصديق ايدوب عمل اتمك ايكن بالعكس سز آيتلرى ايشيدنجه اوكله كز
اوزرينه آرقه كزه دوزر وبيت شريفله كنديكزى بوك عد ايدرديكمز وكيجهلرى
بىتك اطرافنده قرآنى حكايه ايدر وسحر درر وشعردر ديمك كى برطاقم هذيان سويلرسكز .
اى مشركلر ! حالكمز بويله اولونجه هانكى يوزيكزله دركامزه مراجعت ايدرسكز
و مراجعت اوتانمازميسكز ؛ اى وراحت وقتكزده آراميورديكزده باشكزه بر ايش
كلديكنده مى مراجعت ايدرسكز ؟ » ديمكه مراجعتلرينى رد ايدرز .

تفسير خازنده بيان اولونديغى وجهله عذابله مراد ؛ بو آيتده عذاب آنست اولديغه
دأر روايت وار ايسده دنياده قتل واسارت وقط كى عذاب ديا مراد اولديغى دخى
مرويدر . چونكه ؛ عاصيله عصيانلرى سبيله آخرتده عذاب اولاجنى كى دنياده دخى على الاكثر
سيئاتك شامقى كوريلور . بالخاصه رسول الله اهل مكهك قحطله مبتلا اوللرينه دعا ايتدى

و اوج سته على الدوام قحط اولدى و چوق پریشان اولوب بوتون جيفه لری و کمیک پارچه لری بیدکری مرویدر . ایشه انسانلر حال و سعتلرندله الهی اونوتور و بر بلایه اوغراقلرندله الله التجا ایدرلر . حالبوکه مضایقه زماننده مراجعت ایتک و قبول اولونمق ایچون هر زمان مراجعتک لازم اولدیقه و مراجعت ایتیوبده بلا زماننده مراجعت ایتک فائده ایتیه جکنه اشارت ایتشد . والحاصل ربسینه کمال اخلاصه هر زمان مراجعت ایدن مؤمنلرک مراجعتلری قبول ایده جکنه اشارت اولدینی کبی بول زماننده الهی خاطر و خیالنه کتیرمه یوبده مضایقه زماننده التجا ایدنلرک رد اولونا جقلرینه دخی دلالت واردر .

فخر رازینک بیانی وجهله جناب حق ارباب عصیانک بلا زماننده مراجعتلری ردک اوج وجهله اسبابی بیان ایتشد :

برنجیسی ؛ کندیلری اصملاچ ایموره آیتلرندوت اولونمق یغنده آرقلرینی دونه لر بر مرکه قرآندن اوزاق بولونورلر و نفرت اوزره دورورلر . شو حالده بوجهله نفرتلرینی بیان حقنده ضرب مثلدر . چونکه ؛ بر شیدن نفرت ایدوب اوزاق اولان کیمسه حقنده عربلر « اوجهمی اوزرینه دوندی » دیرلر . ایشه شو عاده بنساء کافرلرک قرآندن و قرآنی تلاوت ایدن رسول اللهدن نفرتلرینی جناب حق آرقلرینه دونملری ایله بیان بیوریورک کمال نفرتلرندن کنایه در .

ایکنجیسی ؛ بیت شریفه مجاور اولمق کبر ایتلمی و بیت النجا ایتلمک هر شیده خیر و اولور زلف ایتلمی . چونکه ؛ آنلر « بز کبه نک اطرافنده قومشویز . بناء علیه ؛ بزه هیچ کیمسه غلبه ایده مز و هر شیدن امینز » دیرلر و اهل ایمان اوزره تکبر ایدرلردی . ایشه جناب حق شو تکبرلرینک باب السهیدن طردلرینه سبب اولدیغنی بیانله امت محمدی تواضعه دعوت ایتشد .

اوچنجیسی ؛ مسامره لرزه قرآنی زم ایتلمی . مسامره ؛ کیم ایه قونوشم واکلمه یا بمق . چونکه اهل مکتهک عادتلی ؛ آقشامدنصکره بیتک اطرافنه طویلانه رق برطاق حکایه لرله مشغول اولدقلى زمان باشلیجه حکایه لری قرآن و قرآنک احکامی اکلنجه یا بملری و انکار ایتلمی و اوامر و نواهیسنه اعتراض ایله قرآنه یا قیشمایان سحر

و شعر در کبی هذیانله مشغول اولملریدر . جناب حق آنلرک بو کبی اکلنجه لرینک باب السهیدن طرد اولونملرینه سبب اولدیغنی بیانله بونلر کبی احکام شرعیه یی اکلنجه یا پانلرک غایت السهیدن محروم اولاجقلرینی بیان ایتشد . کرچه شو تفصیلاته نظراً آیت اهل مکتهکی ذم ایدیور ايسده ذمک سببی اولان صفت و اخلاق کیملرده بولونورسه آنلره و قرآنه معترض بولونان هر قومه و هر شخصه شاملدر . چونکه ؛ اعتبار الفاظک عمومونه در ، وسببک خصوصنه دکدر .

تفسیر طبری و خازنده بیان اولوندیغنی وجهله مترف ؛ نعمت صامی و راحت اولره کیمسوره . (اذاهم یجئون) جئر ؛ فزع و فربادله باریم ایموره مراجعت ایتک و بالوار مقدر .

(تنکصون) نکص ؛ آرقمنه آریمه آریمه کیمکمر . یعنی « آنلر فنا عمللرینه دوام ایدرلر بزم آنلردن نعمت صاحب لری عذابه اخذ ایدنجهیه قدر . وقتا که آنلرک راحت اولان نعمت صاحب لری بزم عذابه اخذ ایدنجه در حال آنلر فزع و فربادله یاریم ایشه مکه باشلار و بالوار برلر . فقط بزم آنلره « بوکون یالوارمایک . زیرا ؛ عذابى معاینه ایتد کدنصکره بزدن سزه بر یاریم یوق و بزم قدرتمزه دلالت ایدن آیتلریمز سزک اوزریکزه تلاوت اولوندیغنده سز آرقه سین آرقیه نفرت و بیت شریفه جوار اولمق کبر ایدر اولدیغکزه حالده دوزدیکز و کیجه لری قرآنی آره کزده اکلنجه یا پاردیکز » دیمکله طرف السهیدن نصرت کوره میه جکلری بیان اولونور .

**

واجب تعالی مشرکلرک نصرتدن محروم اولملرینک سببی قرآندن نفرتله اعراض ایتلمی اولدیغنی بیاندنصکره قرآندن اعراضلرینک سببی بیان ایتک اوزره ﴿ اَلَمْ يَذَّبَرُوا الْقَوْلَ اَمْ جَاءَهُمْ مَا لَمْ يَأْتِ اَبَاءَهُمُ الْاَوَّلِينَ ﴾ بیوریور .

[مشرکلر اعراض ایدرلرده قرآنی و معناسی دوشونمديلری و دوشونمکسزین اعراض ایتک لایق اولورمی ؟ یوقسه آنلره اول کچن بالاربینه کلین کتابی کلدی و او کتاب رسول کوندرمک جائز اولمادیغنی می سوبلدی ؟]

﴿ اَمْ لَمْ يَعْرِفُوا رَسُولَهُمْ فَهُمْ لَهُ مُنْكَرُونَ ﴾

[يوقسه آنلر رسوللريني بيلمديلر. بناء عليه ؛ رسوللريني انكارمي ايديورلر ؟]

﴿ اَمْ يَقُولُونَ بِهِ جِنَّةٌ ﴾

[يوقسه آنلر رسوللريني حاشا جنتله حكم ايتدكلرندن مي ايمان ايتزلر ؟]

﴿ بَلْ جَاءَهُمْ بِالْحَقِّ وَآكَثَرُهُمْ لِلْحَقِّ كَارِهُونَ ﴾

[رسول الله جنت يوق ، بلکه او رسول آنلره حق اولان قرآن ودين اسلامله کلدی . حالبوکه آنلرک اکثریسی حقه بغض ایدر وحق سومزلر .]

﴿ وَلَوْ اتَّبَعَ الْحَقُّ أَهْوَاءَهُمْ لَفَسَدَتِ السَّمَوَاتُ وَالْأَرْضُ وَمَنْ فِيهِنَّ ﴾

[واکر حق آنلرک آرزولرینه اتباع ایتمش اولسه ایدی کوکلر ویر یوزی ویر ایله کوک آره سنده بولونان موجودات فاسد اولور وانتظامندن چیقاردی .]

﴿ بَلْ آتَيْنَاهُم بِذِكْرِهِمْ فَهُمْ عَنْ ذِكْرِهِمْ مُّعْرِضُونَ ﴾

[بلکه بز آنلره شرف ویره جک قرآنی کتیردک فقط آنلر قرآندن اعراض ایدرلر .]

یعنی ؛ مشرکلر قرآنی انکار ایدرلرده قرآنک الفاظنده اولان لطافتی ومعناسنده اولان حقایقی وکلملرینک بربرینه اولان مطابقتی وترتیبنده اولان غرابتی دوشونمديلرمي ؟ ودوشونمکسزین رد ایتک لایق اولورمی ؟ دوشونمش اولسه لردی قرآنک طوق بشردن خارج وفصاحت وبلاغت اوزرینه مشتمل اولدیغنی بیلیر وایمان ایدرلردی . چونکه ؛ کندیلری فصاحت وبلاغت صاحبی ارباب کساندن ایدیلر . یوقسه آنلره بابالرینه کلهین بر کتابمی کلدی و او کتاب آنلره رسول کلمه جکمی می سویلر ؟ حالبوکه آنلرک اول کچن بابالرینه کتاب کلدی ورسول کوندردلی . آنلردن ایمان ایدنلر ایتدی وایمان ایتمینلر ایتدیلر . بناء عليه ؛ رسول کوندردمک ، کتاب انزال ایتک یکی برعادت دکلدی . شوخالده مشرکلرک استنادی بابالرینی تقلید اولوب ادله ایله استدلال اولمادیغندن ایمان ایتدیلر . چونکه ایمان ؛ بابالرینک دینی ترک ایتک ایجاب ایتدیکندن

بابالرینک دینی ترک ایتکی کندیلرینه عار وعیب صایدقلری ایچون ایمان ایتمه مشرکدر . یاخود آنلرک ایمان ایتدکلری رسوللرینی بيلمديلرده آنلر او رسولی بيلمديلرینه بناء می انکار ایدرلر ؟ حالبوکه رسوللرینی حال صغرنده وکبرنده بيلمديلری کی حسینی ونسینی وصداقتی وامانتی ده بیلیرلر . زیرا ؛ کندی قلیله وبلده لرنده میدانله کلدیکی ایچون آنلرجه هر حالی معلوم وکیزی برحالی اولمادیغنی حالده بيلمديلری برکیمسه کی انکاره قالیشمعلری انصافسزلنک نهاییه سی اولدیغندن طرف التهدین « یوقسه بيلمديلورلرده آندن می انکار ایدرلر ؟ » دینمکله ذم وتکدیر اولونمشلردر . یاخود آنلر حاشا رسول الله جنتله حکم ایتدکلرندن می ایمان ایتدیلر ؟ حالبوکه رسول الله نبوتی اظهار ایتزدن اول عقل وذكاسی ، کیاست وفراسقی وعلو قدری کندی آره لرنده مسلم ایدی . صکره رسول الله نبوت دعواسنده بولونوب شرک وسائر عادات جاهلیه بی ترک ایتلرینی امر ایدنجه عقلنده خلل وار جنت وار حاشا نه سویلدیکی بيلمزکی برطاقم افترایه وبغض وعداوتله جسارت ایتدیلر .

بوجرا تلیرینک سببی ؛ فخر رازینک بیانی وجهله ایکیمیر : برنجیسی ؛ عوام نامی رسول الله اطاعتده منع ایتک ، ایکنجیسی ؛ کندی زعملرجه نفساننده کوردکلری عظمت فارسی رسول الله اطاعتی ودعوتنه امانتی عار عدم ایتکیمیر . حالبوکه آنلرک اسناد ایتدکلری شیرک جمله سی افترا وباطلدر ، بلکه رسول الله آنلره حق اولان قرآن وواقعته مطابق بر دین ایله کلدی که اودین ؛ اتباع ایدنلرک چاره نجاتلریدر ولکن آنلر اکثریسی بابالرینی تقلیده دوشکون اولدقلرندن قرآنی ودين حق سومزلر ودينه اتباعی منصبلرینه منافی عدايدرلردی . بناء عليه ؛ رسول الله ایمان ایتمه مک وباشقه لرینک ایمانه مانع اولق ایچون هر درلو افترایه جرأت ایدرلر و آغزلرینه کلنی سویله مکدن چکینمزلردی . اکر حق آنلرک آرزولرینه اتباع ایتمش اولسه ایدی عالم فاسد اولوردی . چونکه ؛ آنلرک آرزولری شرک ایتک ومتعدد آلهه بولونمقده در . متعدد آلهه نك وجودی ایسه عالمک فسادینی موجبدر . مشرکلرک آرزولری شهوات نفسانییه اتباع ایله انواع مظالمی ایقاع ایتک اولدیغنی جهته آرزولری همان مفسدتن عبارتدر . بناء عليه ؛ آنلرک آرزولرینه اتباعک عالمک خرابه بادی اولاجقنده شبهه یوقدر . شوخالده حقک ، انسانلرک آرزوسنه اتباع ایتمی عالمک انتظامی

اخلاص ايتديكى جهته اولاماز، بلكه بز آنلره وعظا اولان ومنفعت ويرن قرآنى رسوللرى
[واسطه سيله كتيردك ولكن كنديرينه شرف ويره جك ديندن وقرآندن اعراض ايدرلر.
مشركلردن بعضيلرى حق سووب ولكن كندى قبيله لرينك لومندن قورقورلرينه
بناءً حق ترك ايتدكلرينه اشارت ايجون واجب تعالى بو آيتده اكريسك سومه ديكنى
بيان ايتمشدر. چونكه اكثر ك سومديكى بيان؛ اقلك حق سوديكنى بيان ايتمكدركه
انسانلر هر زمان وهر شيد اوله در. زيرا؛ برقسى دائماً حق آرار واتباع ايدر وحق
سور. ديكر برقسى طيعتده اولان خشونت حسييله حق سومسنة مانع اولور وياخود
كوزه تديكى بر منفعتنى حقه منافى بولديغندن سومز وياخود منصبنى محافظه ايجون حق
سومز و برقسى انسانلرده قلبنده حق سور ولكن بعض سفهانك لومندن قورقدينى ايجون
ظاهرده حق سومز كورينور وسوديكنى اظهار ايدمهز.

واجب تعالى كافرلر قرآندن اعراضلرينه درت شى سبب اولديغنى بيان بيورمشدر.
برنجيسى؛ قرآنك الفاظنى ومعناسى لايقبلد در شومر مبرم. ايكنجيسى؛ بابالرينه كلمه
بركتابك كند بربنه كاب رسالتك اصلى اولاديغنى يانه ايتك ايتالير. اوچنجيسى؛
رسول الله بيلكلرى حالده بيلمز كى انظار ايتلمير. در دنجيسى؛ رسول الله هانا
جنت اسناد ايتلمير. ايشته قرآنى دوشونمهك وكنديرينه بر كتاب كلمك ورسول الله
بيلكلرى حالده انكار ورسول الله جنت اسناد ايتك بونلر هر جمله سى باطل اولوب
رسول الله حق اولان قرآنله ودين اسلامه كديكى بيانله جناب حق كافرلر اعتقادلرينى
رد ايتمشدر.

تفسير خازنك بيانى وجهله آيتده حق له مراد؛ قرآنه اولديغنه نظراً معنای آيت :
[اكر قرآن آنلر محبت ايتدكلرى اعتقادلرينه كوره نازل اولمش وآنلر آرزولرينه اتباع
ايتمش اولسه ايدى عالم فاسد اولوردى ولكن قرآن اصلا آنلر آرزوسنه تابع دكلدر]
ديمك اولور.

﴿ أَمْ تَسْأَلُهُمْ خَرْجًا فَخَرَّاجُ رَبِّكَ خَيْرٌ وَهُوَ خَيْرُ الرَّازِقِينَ ﴾

[ياخود حبيب! سن رسالتكى تبليغه آنلردن اجرتمى ايترسك واجرت ايتسته يه جككى

ظن ايدرلرده آنك ايجونى ايمان ايتمز؟ وسنك ربك سكا ويرديكى ثواب واك اعلى
درجهلر آنلر ك ويره جكى اجرندن دها خيرلير. حالوكه الله تعالى رازقلر ك خيرليسيدير.
يعنى؛ اكر سكا فقر وفاقه اسناديله آنلردن اجرت ايتسته يه جككى ظن ايدرلرده
اجرت قورقوسنه بناءً ايمان ايتمز لرسه بو ظنلرى يا كيشدر. زيرا؛ سنك آنلردن اجرت طلبنه
احتياجك يوق وتنزل ايترسك. چونكه؛ ربك تعالى نك سكا ويرديكى اجرته هر شيدن
خيرلير ورزق خصوصنده عرض واحتياج لازم كليرسه الله تعالى يه عرض واحتياج لازمدر.
زيرا؛ الله تعالى رازقلر ك خيرلى سيدير. يعنى اللهم نك باشقه رازق يوقدر. وار فرض اولونسه
الله تعالى جمله سندن خيرلير. چونكه؛ اللهم ويرديكى رزق خيرلى ودواملى اولدينى كى
چوقده اولور. كرچه قوللر ك بعضيسى بعضيسنه عطيه ويرمك صورتيله رزقه سبب
اولورسده دوامى اولماديغنى كى آنك ده خالقى الله تعالى در.

رسول الله اجرته ايتسته مديكى حالده جناب حقك « يوقسه حبيب! سن آنلردن اجرتمى
ايترسك كه آنلر ايمان ايتمز ل؟ » ديمك كافرلر ك باشلرينه وورمق وآنلر ايجون اعتذاره
صالح بر شى اولماديغنى بيان ايتمكدرك. چونكه؛ قرآنك علو طبقه سنى دوشونديلمى؟
خير! آنلره باشقه بر كتاب كلدیده تعليمات مى ويريبور؟ خير! رسولى بيلمزلرده آنلردن مى
انكار ايديبورلر؟ خير! رسول الله جنت وارده آنك ايجونى ايمان ايترسكز؟
خير! يوقسه رسول الله آنلردن اجرتمى ايتيبور؟ خير! شو حالده كافرلر عدم ايمانلرينه
سبب عد ايدمك بر عذرلرى يوقدر.

واجب تعالى كافرلر ك مذهبلى ابطال ايتد كندى كره رسول الله ك تيرمش اولدينى
طريقك حق اولديغنى بيان ايتك اوزره ﴿ وَإِنَّكَ لَتَدْعُوهُمْ إِلَى صِرَاطٍ مُسْتَقِيمٍ ﴾
بيوريبور.

[حبيب! سن آنلرى طوغرو يوله دعوت ايدرسك.]

﴿ وَإِنَّ الَّذِينَ لَا يُؤْمِنُونَ بِالْآخِرَةِ عَنِ الصِّرَاطِ لَنَا كَبُونٌ ﴾

[حالوكه آخرته ايمان ايتمينلر طوغرو يولدن ميل ايدرلر.]

يعني ؛ كافر لر جاده عدالتدن انحراف ايدوب اصلاحه محتاج اولدقلري جهته حبيب !
وحيمز ايجابي سن آنلري طريق مستقيم اولان طريق توحيد دعوت ايدرسك ولكن
شول كيمسه لركه آنلر آخرته ايمان ايتمز لر . آنلر سنك دعوت ايتديكك طريق توحيد
واستقامتدن عدول ايدر لر . چونكه آخرتدن قورقق ؛ ايمانك اركان مهمه سندنر .
بناء عليه ؛ آخرت قورقوسي اولماديغندن آنلر سنك دعوتكي قبول ايتمز لر . زيراحق آرامغه
انسانلري سوق ايدن الك قوتلي سبب ؛ آخرت قورقوسيدر . بوقورقوده آنلرده يوق كه حق
آراسونلر .

بو آيتده جناب حق رسولني طريق حقه دعوت ايتديكني بيانله ثنا ايتديكي كي
مشركلري ده آخرته ايمان ايتمهك و حقدن آيرلقه ذم ايتمشدر . چونكه (لنا كيون)
نكب ؛ مقدره صابم دمفك غيري باطل مهتره ميل ايتمشدر . آخرته اينانمايان و آخرتدن
قورقايان بر كيمسه البته حقدن چيقمقدن وباطلي ارتكابدن چكيمز .

﴿ وَلَوْ رَحِمْنَاهُمْ وَكَشَفْنَا مَا بِهِمْ مِنْ ضُرٍّ لَلْجُورِ فِي ظُلُمَاتِهِمْ يُعْذَرُونَ ﴾

[اكر بز آنلره مرحمت ايتسهك وكنديلرينه اصابت ايدن ضرري قالديرسهق آنلر
متحير اولدقلري حالده طغيانلرنده عناد ايدر لر وعصيانلرندن واز كچمز لر .]

يعني ؛ اكر بز آنلره لطف ايتسهك مبتلا اولدقلري قحط ، وبا ، زلزله وفقر وفاقه
كبي ضررلريني اوزرلرندن قالديرسهق آنلر عصيانلرنده دوام ايدر لر و بزم ضرردن
قورتارماز آنلري ايفاظ ايتمز . چونكه ؛ طينتلرنده اولان تمردلري آنلري ايماندن منع
ايتمهك حقدن آيرلغه سوق ايدر . بناء عليه ؛ متحير اولارق طغيانلرنده عناد اوزره
دوام ايدر لر .

كافرله هر نه قدر لطف اولسه كفرلرنده عناد ايده جكلرينه اشارت ايجون طغيانلرنده
دواملرندن واجب تعالي لجاج ايله تعبير ايتمشدر . چونكه لجاج ؛ بر شيمه تمادي ايدوب
اوزانمقده . شو حالده رحمت الهيه وغضب سبحانهك قوللرك حاله كوره نازل اولاجغه
وقوللرك عصياندن فراغت ايتمكلري مدته رحمتك نازل اوليه جغه بو آيت دلالت ايدر .
بيضاوينك بياننه نظراً آيتك سبب نزولي ؛ رسول اللهك قريشك عليهنه دعاسي اثرى

شدتلي قحطلق قيله قريشي احاطه ايدوب صوك درجه طارلغه دوچار اولدقلري بر
زمانده (ابوسفیان) حضور رسالته كير و «يا محمد ﷺ» كندى قيلهك قريش هلاك
اولوپور . بابالريني قيليجه بدر وقعه سنده اولدوردك اوغلانلري ده قحطلق و آجلقله اوليور .
سن طاله رحمت اولارق بعث اولونديغني سويليورسك . شو حالده دعا ايت الله تعالي بوبلاي
بزم اوزر يمزدن قالديرسون ، ديمسي اوزرينه آيتك نازل اولديغني مرويدر .

واجب تعالي كافرلرك ضرريني دفع ايتك آنلرك كناهلري ترك ايتلرينه سبب اوليه جغني
بياندنصكره بالفعل عذابه مؤاخذه دخی آنلرك اطاعتلرينه سبب اولماديغني بيان ايتك اوزره
﴿ وَلَقَدْ أَخَذْنَاهُمْ بِالْعَذَابِ فَمَا اسْتَكَانُوا لِرَبِّهِمْ وَمَا يَتَضَرَّعُونَ ﴾ بيورييور .
[ذات الوهيمه مين ايدرم كه بز آنلري قتل واسارت وقحط و آجلق وساير معيشتلرنده
مضايقه ايله مؤاخذه ايتدك . آنلر ربلرينه اصلا تواضع ايتمديلر وكبرلرندن ربلرينه تضرع ده
ايتمز لر ، بلهكه دهها زياده اصرار ايتديلر .]

﴿ حَتَّىٰ إِذَا فَتَخْنَا عَلَيْهِمْ بَابًا ذَا عَذَابٍ شَدِيدٍ إِذَا هُمْ فِيهِ مُبْلِسُونَ ﴾

[حق آنلر اوزرينه شدتلي بر عذاب قاپوسي اچديغمزده درحال آنلر هر خيرون
قطع اميد ايدر لر . بونكه جانب الوهيمزه اصلا توجه ايتمز لر .] بناء عليه ؛ هر نه زمان
مؤاخذه اولونسه لر كناهه اصرار ايدر لر ، اصلا متنبه اولماز لر .

بو آيتده ايكنجى عذاب له مراد ؛ قحط اولديغنه نظراً قحط ؛ دنيا عقوبتلرينك بك
بويوكي اولديغنه اشارت ايجون واجب تعالي عذابي شدتله توصيف ايتمشدر . چونكه ؛
انسانلري آجلق قدر تربيه ايدر بر شي اولماديغني جملهك معلوميدر . مدار كده بيان
اولونديغني وجهله بو آيتده اولكي عذاب له مراد ؛ قتل واسارت وساره كبي عذابلر .

عذاب شديد له مراد ؛ قحط و آجلقده . چونكه آجلقله عذاب ؛ دنياجه هر درلو عذابك
فوقده و دواملي وبوتون قوايه تأثير ايدر اوزونتيلى بر عذاب اولديغندن آيتده آجلقله
عذاب شدتله توصيف اولونمغه شايدنر . (فما استكانوا) تواضع وانقياد ايتمديلر ديمكدر .

چونكه استكانت ؛ نكاح و نواضع معانسه در . (وما يتضرعون) دعا و نیاز ايمده رك
ربليه النجاه ايمزله ديمكدر . چونكه تضرع ؛ يا الوارموه معانسه در . عصيانلرنده دوام
ايدوب اصلا متنبه اولما دقلاينه اشارت ايجون (يتضرعون) استمراره دلالت ايدن مضارع
صيغه سيله وارد اولمشدر . (مبلسون) مغير و هر درلو خبرده ايمدلريني كسرلر
ديمكدر . يعني « بز اهل شر كي قتل و اسارت كي عذابله مؤاخذه ايتديكمزده آنلر
اصلا تواضع ايتديلر و اطاعت كو سترمديلر و عذابك رफी ايجون تضرعده ايمزله .
بناء عليه ؛ بو حاللزي و تمردلري دوام ايدر حق بز آنلره شدتلي بر عذاب قابوسني
آچديغمزده آنلرك هر درلو قوتلري كسيلر و بوتون اعصابلري ضعفه دوچار اولديغندن
هر خيزدن ايمدلريني كسرلر » ديمكدر .

**

واجب تعالى اهل شركك هر وجهله اطاعت ميل ايتدكلريني بيانلنصكره بوندن اولكي
آيتده رب لفظك اجمالاً افاده ايتديكي تربيه نك بعض انواعني تفصيل ايتك اوزره
﴿ وَهُوَ الَّذِي أَنشَأَ لَكُمُ السَّمْعَ وَالْأَبْصَارَ وَالْأَفْئِدَةَ قَلِيلًا مَّا تَشْكُرُونَ ﴾
بيوريور .

[ربكز تعالى شول ذات اجل و اعلا دركه سرك ايجون قولاق و كوزلر و قبلر خلق
ايتدي . بونلرك جمله سي شكري واجب اولان نعمتلردن اولديني حالده سز آزشكرايدرسكزه .]
يعني ؛ الله تعالى شول ذا فدركه اوزات ايشيداسي لازم اولان شيلري ايشيتمكز
ايجون سزه قولاغكزي و كور و ملك شانندن اولان شيلري كورمك ايجون كوزلري كزي
ودوشونومك شانندن اولان شيلري دوشونمكز ايجون قبللري كزي خلق ايتدي كه سز
بونلري حسن استعمالله داخلي و خارجي معقولات و محسوساتي ادراك ايدرك اعتقاد حقه
و صراط مستقيمه استدلال ايدرسكز . بونعمتلرك جمله سي شكري واجب اولان بويوك
نعمتلردن اولديني حالده سز آزيحق شكرايدر و لايق اولديني شكري يرينه كتر مرسكز .
چونكه ؛ بونعمتلرك قدريني تقدير ايدمديككزدن بونلرك هر بريني موضع لايقه وضع

ايتديككزدن وظائف دينيه و دنياويه كزي لايقيه يرينه كتر مرسكز . زيرا هر نعمتك
شكري ؛ اونعمتك قدريني بيلمك و يرنده استعمال ايتكدر . بناء عليه يرنده استعمال
اولونمايان نعمت ؛ ضايع اولديني كي بالطبع شكري ده ادا اولونماز . شو حالده صاحبي كفران
نعمت ايتش اولور .

الله تعالى نك انسانه و ير مش اولديني اعضا ل ايجندن منافع دينيه و دنياويه خدمته
كوز ، قولاق و قلبك فائده سي ديكرلردن زياده اولديغندن بو آيتده بو اوچني ذكرله
تخصيص اولونديني مداركك جمله بيانلنند . كچه انسانك جمله اعضا لري كندى حقتده
بك بويوك نعمتلر ايسده انسانك سبب سعادتني اولان ايمان ؛ قلبه حق تصديق و لسانله
اقراردن عبارت اولوب ، كوزيله حق كوروب و قولاغيله دويوب قبول ايتك ديني و دنياوي
امور مهمه دن اولديني جهته بونلر تصریح اولونديني كي لايق وجه اوزره شكري
ادا اولونمايغندن جناب حق قوللريني توبيسخ ايتمشدر .

**

واجب تعالى وحدانيته دلالت ايدن دليل آخري بيان ايتك اوزره ﴿ وَهُوَ الَّذِي
ذَرَأَكُمْ فِي الْأَرْضِ وَإِلَيْهِ تُحْشَرُونَ ﴾ بيوريور .

[سرك اعضا كزي ايجاد ايدن الله تعالى شول ذات اجل و اعلا دركه يريوزنده سزي
خلق ايتدي ، آنحق آنك جانب معنوي سنه بعث اولونورسكز .]

﴿ وَهُوَ الَّذِي يُحْيِي وَيُمِيتُ ﴾

[والله تعالى سزي نطفه دن احيا ايدر و صكره اولدورور .]

﴿ وَلَهُ اخْتِلَافُ اللَّيْلِ وَالنَّهَارِ ﴾

[وكيجه نك و كوندوزك تدبيري و اختلافي آنك خلقيله اولديني جهته آكا مخصوصدر .]

﴿ أَفَلَا تَعْقِلُونَ ﴾

[بوقدر دلائلى كورورده دوشونمزميسكز؟ شوصايلان دليلارك كافى بزم قدرتمزه ووحدايتمه دلالتده كافى دكمى؟]

يعنى؛ انسانلر ايچون الله تعالى نك صفات كامله صاحبي اولديغنده شك و تردد قابولرى قابانمشدر. زيرا؛ او الله تعالى ير يوزنده سزى خلق ايتدى وتناسل ايله چوغلاندى و كره ارضده اسكانى قابل اولان يرلره طاغيئدى و دوشهدى واللهم ويرديكى نعمتله شكر ووظيفة دينيه ادا ايدوب ايتديككزه دائر سئوال ايتك و جزاسنى كورمك ايچون آنجق آنك جانب مغويسته حشر اولونورسكز و او الله تعالى كه قوللرينى احيا و اماته ايدر و موت سبيله دار آخرته انتقال ايتديرر و عملكزك جزاسنى كورورسكز. حياته بكمزه ين كوندوز و اولومه بكمزه ين كيجه نك اختلافى و تدبير و تصرفى آنك يد قدرتيله حاصل و آكا مخصوصدر و بوكي وحدانيتمه دلالت ايدن دليللرى دوشونمزميسكز كه باطل مذهبلى اختيار ايديورسكز؟

﴿بَلْ قَالُوا مِثْلَ مَا قَالَ الْأَوَّلُونَ﴾

[مشركلر قدرة الله و حشره و نشره دلالت ايدن آيتلى تفكر ايتزلر، بلكه آنلر كنديلرندن اول كچن بابالرينك ديدكلرى سوزلرك مثلى ديرلر.] زيرا؛ آنلر اول كچنلرى تقليده منهمك اولدقلرندن دليللره عطف نظر ايتزلر. حالبوكه دلائله استدلال ايتك واجيدر. چونكه اعتقادده تقليد؛ معتبر دكلدر.

**

واجب تعالى بابالرينك كلاملى مثللو كلاملرينى حكايه ايتك اوزره ﴿قَالُوا إِذَا

مِثْنَا وَكُنَّا تُرَابًا وَعِظَامًا ۚ إِنَّا لَبَعُوثُونَ﴾ بيوريور.

[آنلر آخرتى انكار خصوصنده ديديلر «بز اولوب طوبراق وكميك اولديغيمزدهمى بعث اولوناچغز؟»]

يعنى؛ «بزم حياتمزم منقرض و وجودمزم طوبراق اولوب وكميكلريمزم طماغيلوب هربرى بريرده قالدیغندهمى بز البته بعث اولوناچغز؟ حاشا بويله شى اولورمى؟ بزم

ايچون آنجق حيات؛ حيات دنيا در و دنيا نك آرقه سنده باشقه حيات يوقدر، ديمكه حشرى تماماً انكار و طوبراق اولمى حياته منافى ظن ايتديلر. حالبوكه دنيايه كلزدن اول طوبراق اولدقلرينى دوشونمشم اولسه لردى بو انكاره جرأت ايتزلردى. چونكه؛ انسانك مائة اصله سى طوبراقدن حاصل اولان غدادن تحصيل ايدن نطفه اولدينى ايچون اساسى طوبراق اولدينى حالده دنيا در حيات بولونجه آخرتدهمى حيات بولاجنى اولويتله ثابتدر.

**

واجب تعالى حشرى انكار ايدنلرك سوزلرينك بقيه سنى بيان ايتك اوزره ﴿لَقَدْ وَعَدْنَا نَحْنُ وَآبَاؤُنَا هَذَا مِنْ قَبْلُ إِنْ هَذَا إِلَّا أَسَاطِيرُ الْأَوَّلِينَ﴾ بيوريور.

[الله تعالى حقى ايچون بز و بزدن اول بابالريمزشو حشر و نشرله محقق وعد اولوندق. ايشته شو وعد اولونان حشر اولمادى، الا اول كچنلرك يالانلرى اولدى.]

يعنى؛ طوبراق اولمى حياته منافى اولديغنى ادعا و حشرى انكار ايتمكه اكتفا ايتديلر و سوزلرينه شونى ده علاوه ايتديلر و ديديلر كه «بز رسالت دعواسيله كلن ذات طرفندن حشرله وعد اولونديغيمز كچى بوندن اول بابالريمزده زمانلرينك رسوللرى طرفندن وعد اولونديلر. شو وعد اولونان حشر و يوم قيامتده قبردن قالمق سوزلرى اولمادى، الا اول كچنلرك يالانلريدن. زيرا؛ هر كلن بونكله وعد اولونمشم. مع هذا هر كلن بونكله وعد اولونديغنى حالده كيدنلردن هيچ بر كيرى كلن ده يوقدر. اكر سويلدكلرى سوزلرك اصلى اولسه ايدى شمدي به قدر كيدنلردن ديريلوب كيرى كلن اولوردى. حالبوكه كيمسه نك كلمه سى يالان اولديغه دليلدر. ايشته هوا وهوسنه تابع اولان و شهوات نفسانيه سنى اتباعى عقل سليمك حكمنه ترجيح ايدن ارباب هوا بو كچى سوزلرى سويلدكدن چكينمزلر و بو كچى او هامنه تابع اولوب خيالات اوزره اعتراض ايدنلردن دنيا هيچ بر زمان خالى قالمامشدر.

**

واجب تعالى مشركلرك حشرى انكارلرينى بيان ايتديكى كچى اولد كدنصكره انسانلرى

احيا ايمكه قادر اولديغنى دخی بسان ايمك اوزره ﴿ قُلْ لِّمَنِ الْاَرْضُ وَمَنْ فِيهَا اِنْ كُنْتُمْ تَعْلَمُونَ ﴾ بيوريور .

[حبيب ! حشرى انكار ايدن كافرلى الزام ايچون سن دى كه « ارض وارض اوزرنده اولان حيوانات و سائر مخلوقات كيمكدر و بونلرى كيم ايجاد ايتدى و تصرفات و تدبيرلى كيمه عايددر ؟ اكر علمكز وارده بيليرسه كز بونلك خالقى بكا سويلهيك » ديمكه وحدانيق اقراره دعوت ايتدى .]

﴿ سَيَقُولُونَ لِلّٰهِ ﴾

[بوستواله جوابده آنلر « بونلك جلهسى اللهكدر » ديرلر .]

﴿ قُلْ اَفَلَا تَذَكَّرُونَ ﴾

[آنلر ير يوزنده موجود اولان مخلوقات اللهك اولديغنى و آنلك زينتلرني خلق و تدبيرامور ايدن الله تعالى اولديغنى اقرارايدنجه يا اكرم الرسل ! سن آنلره « الله تعالى نك حشره قدرتي انكارايدرده اي مشركلر ! شو عالم مكوناتى ايجادايتديكنى دوشونمز- ميسكز و بونلرى ايجاده قادر اولانك حشره و نشره قادر اولاجغنى تذكر ايتزميسكز و اي دوشونسه كزده بونلرى انكار ايمسه كز اولمازمى ؟ » ديمكه دوشونمه دن حشرى انكارلردن دولاي توبيسخ ايت .]

يعنى ؟ حشرى انكار ايدنلره « ارض وارض اوزرنده اولان موجودات كيمكدر ؟ » ديهرك سئوال ؛ اللهك اولديغنى بيانله و بر دكلرى جوابلرى ايله كنديلرني الزام ايچون سوق اولونمشدر كه « سز فصل اوليور كه بو عالم مكوناتى ابتداء اللهك خلق ايتديكنى اقرارايدوب دور ييورسكزده عالم اخراده احيا و اماده يي انكار ايد ييورسكز ؟ بوء تناقض دكلدرو بو كى متناقض سوزلرى سويلرده دوشونمز ميسكز ؟ بر طرفدن بو قدر عالمي خلقه قدرت كامله صاحبي اولديغنى ادما ايدر كن ديكر طرفدن حشره عجزيني ادما ايمك ايكيى بر برينه ضد و منافي دكلى ؟ » ديمكدر . بناء عليه ؛ جناب حق بو آيتده كافرلى برقاج جهته توبيسخ و تحقير ايتمشدر : برنجيسى ؛ ارضه كيمك و مضافى كيمر ؟ ديمكه جهالتلرينه

اشارت ايتمشدر . ايكنجيسى ؛ علمكز و ادراككز و ارسه خبر و برك بلا بونى ؟ ديمكه ادرا كدن خالى اولدقلىني اشعارايتمشدر : اوچنجيسى ؛ حشرى انكارايدرده دوشونمز ميسكز ؟ ديمكه دوشونجه سز بهايم منزلنده اولدقلىني بيانله توبيسخ ايتمشدر . چونكه ؛ جناب حق انسانه دوشونمكه لياقت و اقتدار و ير مش ايكن اواقتدارى صرف ايتيوب مهمل و معطل براقق تعميرى غير قابل بر حقيقت اولديغنى جهته قباح و نفسى بهايم منزله تنزيل ايتمكدر . زيرا ؛ انسانك بهايمن فرق و امتيازى تفكرله در . بناء عليه ؛ تفكرى اولمايان انسانك بهايمن فرق يوقدر .

واجب تعالى حشرى انكار ايدنلرى دليل آخرله الزام ايمك اوزره ﴿ قُلْ مَنْ رَبُّ السَّمَوَاتِ السَّبْعِ وَرَبُّ الْعَرْشِ الْعَظِيمِ ﴾ بيوريور .

[حبيب ! سن حشرى انكار ايدنلره دى كه « يدى قات كوكلرك و عرش عظيمك ربسى كيمدر ؟ »]

﴿ سَيَقُولُونَ لِلّٰهِ ﴾

[البته آنلر « بونلك جلهسى اللهكدر » ديرلر .] چونكه ؛ بونلك خالقى الله تعالى اولديغندن اللهكدر ديمكه مجبور اولورلر .

﴿ قُلْ اَفَلَا تَتَّقُونَ ﴾

[حبيب ! بو عالم مكوناتك خالقى الله تعالى اولديغنى اقرار ايدنجه سن آنلره دى كه « بوجسيم عالمك خالقى الله تعالى اولديغنى اقرار كزله برابر حشرى انكار ايدرده اللهك غضبندن قورقمازميسكز ؟ زيرا ؛ بوانكار كز غضبي موجب اولديغندن قورقما كز لازمدر . »]
يعنى ؛ حبيب ! حشرى انكار ايدنلرى الزام ايچون سن دى كه « اي مشركلر ! سز حشره امكانسزاغندن بحث ايدرسكز . يدى قات كوكلرك و آنلرى احاطه ايدن عرش اعظمك مالكي و ربسى كيمدر و بو قدر جسامته بو عالم علوى يي كيم خلق ايتدى و بيلدزلرله آنى كيم ترين ايلدى و دير كسز اوزريكزده كيم دور دوردى ؟ » . سنك شو

سؤال که قارشی آنلر «سمواتک وعرشک خالق و ربی اللهدر و ملک آنکدر و عالم علویه تصرف آکا مخصوصدر» دیرلر و بویله دیمکه مجبور اولورلر. زیرا؛ اللهک غیری بر خالق اولمادیغنه صراحت عقل دلالت ایتدیکندن ادنی عقلی اولان کیمسه نیک بو عالمک خالق الله تعالی اولدیغنی اقراره مجبوردر. چونکه؛ خلافتی ادعایه امکان یوقدر. آنلر عالم علویک خالق الله تعالی اولدیغنی اقرار ایدنجه سن آنلره دی که «سن حشری انکار ایدرده اللهدن قورقازمیسکز؟ نصل اولوبور که یک بویوک و جسم شیری خلق ایتدیکنی اقرار ایدرکن غایت ضعیف واهون اولان انسانلری احیا ایدمه جکندن بحث ایدر والله تعالی یه حاشا عجز نسبت ایدرسکز».

* *

واجب تعالی ارضک و سمواتک خالق اولدیغنی قیامتی انکار ایدنلره اقرار ایتدیرمک صورتیه الزام ایتد کدنصکره بالجمله موجوداتک خالق و مالکی اولدیغنی اقرار لر یله دخی الزام ایتک اوزره ﴿قُلْ مَنْ مِّنْ يَّيْدِهِ مَلَكُوتُ كُلِّ شَيْءٍ وَهُوَ يُجِيرُ وَلَا يُجَارُ عَلَيْهِ اِنْ كُنْتُمْ تَعْلَمُونَ﴾ بیوریور.

[حییم! سن حشری امکانسز کوروب انکار ایدنلره دی که «موجوداتک کلیسنک ملک و تصرفی کیمک آنده در؟ حالبوکه موجوداته مالک اولان ذات ایسته دیکی کیمسه یه یاردیم ایدر، هر دورلو بلایادن قورتاریر و غضب ایتدیکی کیمسه یی آنک غضبندن قورتاره جق یوقدر.» چونکه؛ اللهک عذاب ایتک ایسته دیکی کیمسه یی الله قارشی یاردیم ایدوب عذابدن قورتاره بیلن اولاماز. اگر علمکز وارسه خبر ویرک بکا کیمدر بونلرک مالکی؟» دیمکه سؤال ایدنجه:

﴿سَيَقُولُونَ لَهِ﴾

[آنلر «البته اللهدر و بونلرک ملک و تصرفی اللهکدر» دیرلر.] چونکه؛ ملک اللهک اولوب تصرفی یدقدرتنده اولدیغندن هیچ کیمسه نیک انکاره مجالی یوقدر.

﴿قُلْ فَاَنى تُسْحَرُونَ﴾

[حییم! آنلر جمله سنک مالکی و خالق الله تعالی اولدیغنی اقرار ایدنجه سن آنلره دی که «بونلری اقرارله برابر نصل آلامش سکز که حشری انکار ایدرسکز و زهدن حیل یه طوتولش سکز که مقتضای عقل و حکمت اولان حشری انکاره جرأت و کتب ساهویه نیک مضموتی تکذیب ایدرسکز؟ و حشرک وقوعنه کی مانع وار که اقراره یناشماز سکز.»]

﴿بَلْ اَتَيْنَاهُم بِالْحَقِّ وَاِنَّهُمْ لَكَاذِبُونَ﴾

[بلکه بز انبیاء کرامی حق و طوغری اعتقادله کتیردک و مشرکله محقق بالانجیلردر.] چونکه؛ انبیانک «الله بردر و عبادته مستحقدر و اللهک غیری هیچ بر کیمسه نیک و هیچ بر شیک عبادته استحقاقلری یوقدر و آخرت حشر و نشر واردر» دیدکلری حق و طوغر و در و مشرکله «بونلر عبادته مستحق و ملکر اللهک قیزلیردر و آخرت یوقدر» دیدکلری یالان و باطلدر. چونکه؛ دعوالری کندی او هاملری اوزرینه مبتنی در متین بر دلیلله مستند دکلدر.

* *

واجب تعالی کافرلرک یالانجی اولدقلری بیاندنصکره یالانلری تأکید ایتک اوزره ﴿مَا اتَّخَذَ اللَّهُ مِنْ وَلَدٍ وَمَا كَانَ مَعَهُ مِنْ اِلَهِ اِذَا لَذَهَبَ كُلُّ اِلَهِ بِمَا خَلَقَ وَلَعَلَّ بَعْضُهُمْ عَلَىٰ بَعْضٍ﴾ بیوریور.

[الله تعالی هیچ بر ولد اتخاذا ایتدی و کندیسیله برابر هیچ بر معبود اولمادی. اگر کندیسیله برابر معبود اولمش اولسه ایدی هر معبود مخلوقیه تمیز ایدر و آیرجه کندی مخلوقه صاحب اولور و مخلوقه غیرک تعرضنه میدان ویرمز. بناء علیه؛ هر کسک مخلوقی کندی یاننده اولوردی. شو حالده بعضیسی بعضیسنه تغلب ایتمکه بیلرنده محاربه جریان ایدردی.] حالبوکه محاربه وبری دیکرینه غلبه ایتک کی بر شیلرک اولماسی الهده تعدد اولماسنه دلالت ایدر.

﴿سُبْحَانَ اللَّهِ عَمَّا يُصِفُونَ﴾

[بن الله تعالی یی مشرکله اسناد ایتدکلری نقائصک جمله سندن تنزیه ایدرم.]

يعني ؛ كافر لرك « الله تعالى ولد اتخاذايتدى » ديدكلى يالاندر . زيرا ؛ الله تعالى طوغمادى وطوغورمادى . بناء عليه ؛ هيچ بر ولد اتخاذايتدى . چونكه ولد ؛ جسمك لوازمنددر . الله تعالى جسم دكل كه جسمك لوازمندن اولان ولد اتخاذايتسون والله تعالى ايله برابر كرك عالمى ايجادى زمانده و كرك ايجادندن صكره بر معبود و خالق اولمادى و اولاماز . زيرا ؛ اللهه برابر معبود آخر بولونمش اولسه ايدى هر معبود كندى مخلوقيله ممتاز اولور و ديكرندن آرى كيدر و هر معبودك ايجاد ايتديكى مملكتى و سائر مخلوقاتى آرى آرى برر اقليم اولور و كندى اقليمه صاحب اولور . شو حالده يكديكريله « سن برى كيتدك بن اوتة كدم » ديمكه محاربه قابولرى آچيلور و بعضيلرى بعضيلرينه غلبه ايدر و عالمك انتظامنه خلل كلير و عالمده قرار و سكونت اولمازدى . حالبوكه بو انتظامك دوام ايدوب اصلا خلل كمدىكى معلومدر . شو حالده الهده تعدد يوقدر و مشركرك اسناد ايتدكلى شيلردن الله تعالى مزهدر و بنده تنزيه ايدرم .

خلاصه ؛ اللهك ولده احتياجى اولمايوب ولد اتخاذايتديكى و كنديسيله برابر معبود آخرك بولونمادىنى و اكر باشقه اله اولمش اولسه ايدى هر اله كندى مخلوقيله برابر اولوب بعضيسى بعضيسنه غلبه ايدى و حالبوكه عالمده اويله برغلبه ايله نظام عالمه برخلل كمدىكى والله تعالى نك ، كافر لرك توصيف ايتدكلى نقائصدن منزله اولدينى بو ايتدن مستفاد اولان فوائد جملة سندندر .

..

واجب تعالى كافر لرك اسناد ايتدكلى نقائصدن منزله اولدينى دليل آخرله اثبات ايتك اوزره

﴿عَالَمِ الْغَيْبِ وَالشَّهَادَةِ فَتَعَالَى عَمَّا يُشْرِكُونَ﴾ بيوريور .

[الله تعالى غايبى و حاضرى بيلير . بناء عليه ؛ مشركرك اسناد ايتدكلى نقائصدن و ولد اتخاذاندن و شريك و نظيردن الله تعالى يوجه اولدى و تعالى بيوردى .] چونكه ؛ اللهك غيريلرى كچه حاضر اولان شيلردن بعضيلرينى بيلير لرسده غائب اولان شيلرى بيلمكلى منفعلىرى تكامل ايدى و بوندن طولايى بر جوق ضرره اوغرادقلى دخی اولور . چونكه ؛ عاقبتى بيلميهرك باشلار . شو حالده غايبى بيلمهين بر كيمسه هيچ بر زمان

غايبى بيلن كيمسه شريك اولاماز . بناء عليه ؛ غايبى بيلن واجب الوجود كندينه نقائص اسناد ايدن مشركرك حاللرينى بيلير و آنلرك جزالرينى ويره جكنه بو آيتله اشارت اولونمشدر .

..

واجب تعالى مشركركدن قطع علاقه ايدى و ربسته مناجاتده بولونمشى رسولنه توصيه ايتك اوزره ﴿قُلْ رَبِّ إِنَّمَا تُرِيئِي مَا يُوعَدُونَ﴾ بيوريور .

[حبيب ! سن بزه تضرع صورتيله « ياربى ! مشركرك وعد اولوندقلى عذابى البته سن بكا كوستر » دى .]

﴿رَبِّ فَلَا تَجْعَلْنِي فِي الْقَوْمِ الظَّالِمِينَ﴾

[« ياربى ! بنى قوم ظالملىر ايجنده قيلما و آنلره برابر بولندورما ، ديمكه ظالملىره بولنمكى بزدن ايسته .]

﴿وَإِنَّا عَلَىٰ أَنْ تُرِيكَ مَا نَعِدُهُمْ لَقَادِرُونَ﴾

[حالبوكه بز آنلره وعد ايتديكمز عذابى سكا كوسترمكه قادرز . البته كوستريرز سنده كورورسك .]

﴿إِذْ قَعَّ بِأَلْفِي هِيَ أَحْسَنُ السَّيِّئَةِ﴾

[حبيب ! آنلرك سينهلرينى محاربه و منازعهدن دها كوزل دلائل قطعيه ايله دفع ايت .]

﴿نَحْنُ أَعْلَمُ بِمَا يَصِفُونَ﴾

[زيرا ؛ آنلرك سكا اسناد ايتدكلى شيلرى و سنى نه ايله توصيف ايتدكلى بيليرز .]

يعني ؛ رسول الله مشركرك اذالردن دلكير اولونجه جناب حق رسولنه « ياربى ! مشركرك وعد اولوندقلى عذابى بكا كوستر و بنى قوم ظالمه مقارن قيلما ، ديمكه دعا ايتمشى توصيه ايتدكلى نصكره آنلره وعد ايتديكى عذابى رسولنه كوسترمكه قادر اولدينى بيانله البته كوستره جكنه اشارت ايتمشدر . بوندنصكره جناب حق رسولنه محاربهدن دها

كسكين ودها كوزل دليللرله آنلرك كفرلرينى دفع ايتمى امرله برابر كنديسى رسولنه يادقلى اذاي بيلديكى بيانله انتقامنى آلاجهنه اشارت ايتمى.

واجب تعالى رسولى معصوم اولدينى جهته ظالملى معذب اوليه جفنى بيلديكى حالده عبوديتنى اظهارله تواضعك وجناپ حقه هر شيدم التجانك لزومنه اشارت ايچون رسولنه ظالملى عذاب اولونماستنى استرحام ايتمى امر بيورمش وتضرعه مبالغه ايچون رب لفظى ايكي كره ذكر اولونمى. قصورى اولمايان كيمسه لرى بعض كره ظالملى شامقى احاطه ايتديكنه اشارت ايچون امتنه تعليم اولق اوزره جناپ حق رسولنه تضرعه امر ايتمى. چونكه؛ ظالملى ايچنده بولونان مظلوملى ظالملى ظلمنه سكوت ايتدكلرندن ظالملى نازل اولان بلايايله آنلركده مبتلا اولدقلى طالده چوق كره وقوعولان حادثاندن.

مدار كده بيان اولوندينى وجهله (ابن عباس) حضرتلرينك روايته نظراً احسن ايله مراد، كلمه ترميم و سيئه ايله مراد، شر كره. بوكا نظراً معنای نظم: [يا اكرم الرسل! سن كلة توحيدله مشركلك شر كفى دفع ايت واويولده مقابله ده بولون] ديمكدر. بناء عليه؛ سن آنلردن اعراض و سيئه لرينه ايلك ايله مدافعه و مقابله ايت. چونكه؛ كوتولكه ايلك ايله مقابله اولونورسه آنلرك تمرد و عناد طمرلرينى يوموشامق صورتيله انصافه كلك احتماللى وارد.

جناپ حقك رسولنه امرى امتنه دخى امر اولدينى جهته كوتولكه ايلك ايله امر، بزرده امر اولديندن بزمده كوتولكه قارشى ايلك ايله مقابله ايتمه مز لازمدر. لكن بيضاوينك بيانى وجهله كوتويه ايلك؛ دينده ضعف و كوشكلك ايجاب ايتمه مك شرطدر. چونكه؛ كوتويه ايلك او كوتونك كوتولكنك تزايدينه و طغيانه سبب اولورسه كوتولكه كوتولكه مقابله لازمدر. اكر احسن ايله مراد؛ امر بالمعروف و سيئه ايله مراد؛ منكر اولورسه معنای نظم: [حبيب سن امر بالمعروفه منكراتى دفع ايت] ديمكدر.

تفسير خازنده يوايتك قتال آيتله منسوخ اولدينى روايت اولونمده ايسه ده فخر رازينك بيانى وجهله ايت، اصح اولان منسوخ دكل محكمدر. چونكه؛ امر دينه ضرر و يرميه جك و مروتى اخلاص ايتيه جك درجه ده فاسق اولان كيمسه لره مدارات ايتك مشر بوعدر

وبو ايت ده صورت مشروعه ده مدارات ايله امردر. زيرا؛ على الاكثر كوتويه كوتولكه مقابله نك نتيجه سى فنا اولدينى و مداراتك نتيجه سى ده ابي اولدينى كورولمكده در.

واجب تعالى رسولنه مشركلرله نه كى معامله اولاجفنى بياندنصكره استعاذه ايله امر ايتك اوزره ﴿وَقُلْ رَبِّ اَعُوذُ بِكَ مِنْ هَمَزَاتِ الشَّيَاطِينِ﴾ * وَاَعُوذُ بِكَ رَبِّ اَنْ يَخْضَرُونِ * بيوريور.

[حبيب! سن بزه مناجاتكده دى كه «اى بنم ريم! بن شيطانلك وسوسه سندن سكا صيغينير والتجا ايدرم. بنى آنلرك شرندن محافظه ايت و ياربى! وسوسه ايچون آنلرك بكا حاضر اولمىلرندن دخى سكا صيغينير. بناء عليه؛ كرك وسوسه لرندن و كرك وسوسه ايچون حاضر اولمىلرندن محافظه ايتكى استرحام ايدرم» ديمكده مناجاتده بولون كه شيطانندن محفوظ قالاسك.]

يعنى؛ يا اكرم الرسل! سن دى كه «ياربى! بنى نمازنده و قرآنى تلاوتنده و سكا عرض و حاجات ايچون مناجاتده شيطانلك وسوسه سندن و بنم حضورمه آنلرك حاضر اولمىلرندن سكا التجا ايدر صيغينير» ديمكده در كاهمه مراجعت ايت.

بيضاوى و مدارك بيانلى وجهله همزات؛ شيطانك وسوسه لرى. شيطانك چوق وسوسه ايتديكنه و وسوسه سنك بر چوق انواعى اولديغه اشارت ايچون ﴿همزات﴾ جمع صيغه سيله وارد اولمىلر. چونكه؛ شيطان قيامته قدر انسانلى اغوا ايدمكده جكنه يمين ايتديكندن مهم ايشلرده و سكرات موت كى مضايقه آنلرنده شاشيرتمق ايچون انسانك اطرافى چويرمكدن و دفعاتله مراجعت ايتمكدن خالى قالماديغه بناء جناپ حق قوللر ايچون شيطانك شرندن ربلرينك عنايت و حمايه سنه التجا لازم اولدينى تعليم ايتمى. شو حالده شيطان انسانى آزديرمق ايچون هر ساعتده فرصت كوزه تمكده اولديغندن آكا مقابله اولق اوزره انسانده هر زمان ريسندن استرحام اوزره بولونملى. شو قدر كه بوراده خطاب ظاهرده رسول الله ايسه ده حقيقتده امتنه در. زيرا؛ رسول اللهك انس و جنك

شرندن مصونتی و کندیکنک معصوم اولسی تأمینات الهیه آلتنده اولدینی حالدہ رسولہ استعاذہ ایلہ امر ایدیورکہ امتک دهازیاده التجا واستعاذہ یه محتاج اولدقلرینی بیان ایتمکدر . بناء علیہ ؛ انسان ایچون هر زمان شیطانک شرندن استعاذہ و ربسته التجا ایتک وظیفه دینیه در .

* *

واجب تعالی کافرک کفرینک دوام ایدہ جکی زمانک نہایه سنی بیان ایتک اوزره ﴿ حَتّٰی اِذَا جَآءَ أَحَدَهُمُ الْمَوْتُ قَالَ رَبِّ ارْجِعُونِ * لَعَلِّيْ اَعْمَلُ صَالِحًا فِیْهَا تَرٰکْتُ ﴾ بیوریور .

[آنلر کفر لرندہ دوام ایدرلر . حتی آنلردن برینه تولوم کلدیکندہ « یاربی ! روحی قبض ایچون کلن ملکری بندن دوندور و حیاتم بر مدت دوام ایتسون . مأمول کہ ترک ایتدیکم دنیاده عمل صالح ایشلر عذابدن قورتولورم » دیمکله اجلنک تأخیرینی ایستر .]

﴿ کَلَّا اِنَّهَا کَلِمَۃٌ هُوَ قَائِلُهَا ﴾

[فقط آنک تأخیرینی ایسته مسی طوغرو دکلددر . زیرا ؛ رجعتنه دائر آنک آغزندن چیقان برکله در ، آنی سویله ینده اودر .] چونکه ؛ حسرت و ندامت هر طرفی احاطه ایتدیکندن ضروری سویله ین برسوزدر . زیرا ؛ روحی قبضه کلن ملکریک روحی آلمادن کیری کیتملری ممکن دکلددر . فقط بر سوزدر ، او عاصی کیمسه شاشدیقندن آنی سویلر .

یعنی ؛ کافرلرک کفری وفات ایدہ جکاری زمانه قدر دوام ایدر . حتی آنلردن برینه اولوم کلدیکندہ جناب حقہ التجا ایدر و « یاربی ! بنی دنیایه دوندور و برمدت روحی قبض ایتمه . مأمول کہ بن ترک ایدہ جکم دنیاده ضایع ایتدیکم ایمانی وسائر اعمال صالحه یی ایشلرم » دیمکله اجلنک دونمسنی و تأخیرینی ایستر . حال بوکه حال و شان آنک ایسته دیکی وسویلدیکی کبی دکلددر . زیرا « بنی دنیایه دوندور » دیمک ؛ برکله درکه او کله یی آنجق او عاصی اولان کیمسه سویلر ، فقط هیچ تأثیری اولماق برسوزدر . چونکه ؛ آنک

اودقیقه ده روحنک قبضه اراده الهیه تعلق ایتدیکندن اراده نک خلافتی ایسته مکده فائده یوقدر .

بیضاوینک بیانی وجهله بوآیتده « رب ارجعون » ده کی خطاب ؛ جناب حقدر . کرچه ارجموا جمع ایسه ده واحد معظمدن جمعه تعبیر لسان عربده جاریدر و بوده او اوقیلدن در . شو حالدہ « یاربی ! بنی دوندور » دیمکدر که عمرینک برمدت دها اوزاماسنی ایسته مکدر .

فخر رازینک بیانی وجهله عاصی اولان کیمسه مختضر ایکن ملکری روحی قبضه کلوب حسرت هر طرفی احاطه ایدوب عذابی معاینه ایتدیکی زمانده شاشدیقندن عمرینک برمدت دها اوزایوب روحی قبض ایچون کلن ملکری جناب حقک کیری جاغیرمسنی استرحامدن عبارتدر . یاغور شوطلب یوم قیامتده عذاب جهنمی مشاهده ایتدیکی زمانده وقوع بولاجقدر ، لکن بو طلبلردن هیچ بریسی فائده ایتیه جکنی بیان ایچون جناب حق « بو برکله مجرددن عبارتدر . آنی عاصی اولانلر سویلرلر و بر فائده یی مفید اولماز » بیورمشدر .

﴿ فیما ترک ﴾ ترک ایتدیککی شی ایلہ مراد ؛ دنیا و دنیاده ترک ایتدیککی اموالیه . یعنی « دوندور بنی یاربی ! دنیاده عمل صالح ایشله یم و ترک ایتدیکم اموالک زکاتی و صدقه سنی و یریم و ایشله دیکم و افساد ایتدیکم عمللری اصلاح ایدیم » دیمکدر .

﴿ وَمِنْ وَّرَآئِهِمْ بَرَزَخُ اِلٰی یَوْمٍ یُّبْعَثُوْنَ ﴾

[آنلر دنیایه دونمسنی ایسته سه لرده دونه مزلر . چونکه ؛ آنلرک اوکلرنده بر مانع وارکه او مانع بونلرک بعث اولونه جقلری کونه قدر رجعتلرینه سد چکمشدر .] بناء علیہ ؛ دنیایه دونمکله ضایع ایتدیکلری عمللری تدارک ایتملری ممکن دکلددر .

یعنی ؛ عاصیلرک سکرآت موتنده دنیایه دونملرینی ایسته ملری فائده سزدر . زیرا ؛ آنلرک روحلری قبض اولونونجه اوکلرنده موتله قیامت آره سندن عبارت اولان برزخ واردر . بناء علیہ ؛ آنلر بعث اولونا جقلری کونه قدر حیات بولامازلر . یوم بعثده بر حیات رجوع ایدرلرکه او حیات حیات آخرتدر . شو حالدہ نیسابوری و بیضاوینک بیانلری وجهله

«يوم بعثه قدر حياته مانع برزخ وار» ديمك بالكليه اميدلرينى كسمكدر كه يوم بعثده دنيايه رجعت ممكن دكلدر . چونكه ؛ دنيا يوقدر كه دنيايه رجوع اولسون .

**

واجب تعالى يوم قيامته اشارتد نصكره قيامتده جريان ايدمه جك احوالى بيان ايتك اوزره

﴿ فَإِذَا نُفِخَ فِي الصُّورِ فَلَا أَنْسَابَ بَيْنَهُمْ يَوْمَئِذٍ وَلَا يَتَسَاءَلُونَ ﴾ بيوريور .

[اسرافيل طرفندن صوره اوفور وولديكنده انسانلر آره سنده نسله افتخار يوقدر . زيرا ؛ او كونده نسب وحسب وسائره كې دنيا شرفك حكى اولماديني جهته بو كې شرفك اصلا رواجى اولماز . واو كونك شدت ودهشتدن هيچ كيمسه ديكر كيمسه نك حالندن صوراماز .] زيرا ؛ هر كس كندى درديله مشغولدر . حتى بابا اولادك واولاد بابانك حالندن سؤال ايتك ممكن اولماز .

﴿ فَمَنْ ثَقُلَتْ مَوَازِينُهُ فَأُولَئِكَ هُمُ الْمُفْلِحُونَ ﴾

[هر كسك حال پرشانيسى بربرينك حالى صورمغه ميدان براقايجه ثوابى وخيرانه عايد اولان ميزانلرى آغير اولان كيمسه لرا نحق فوز وفلاح بوليچيلدر .]

يعنى ؛ امواتك قبرلرندن قالقمالرى ايچون اسرافيل صوره اوفور ديكندده انسانلر آره سنده او كونده اصلا نسله اعتبار اولماز . چونكه ؛ او كونك شدتى ايجابى هر كس كندى درديله مشغول اولدقلى جهته بينلرنده كه قرابته ونسبه رعايت اولماديني كې بربرينك حالى صورمغه بيله درمانلرى اولماز . زيرا ؛ هر كسك كندى درديله مشغوليتى آخرك دردن سئواله زمان وميدان براقاز كه سئوال ايدمه بيلسون . بونك نمونه لرى عمومى سفر برلك زماننده كورولمشدر كه هيچ بر كيمسه ديكرينك دردينى صورمغه وقت بولاماش وهر كس كندى درديله مشغول اولمشدر . حالبو كه دنيا مشغوليتى او كونك شدتنه هيچ قياس قبول ايتمز . ايشته او كونده ثوابنك چوق اولمسيه ميزانى آغير اولان كيمسه لر قورتولاچقدر . قاضى ، نيسابورى و خازنك بيانلرى وجهله بو آيتده قيامتده انسانلر بربرينك حالندن سؤال ايدمه جهته بيان اولونمى ديكر آيتلرده كې بربرينك حاللرندن سؤال

ايدمه جكلرينى بيانه منافى دكلدر . چونكه ؛ قيامتده بر چوق درجه لر و موقفلر و متعدد مرحله لر اولديني جهته آيتلر آره سنده تناقض يوقدر . زيرا ؛ بودنياده اولديني كې بعض محللرده بربرينك حالندن سئواله زمان بولامازلر وديكر محله سئواله وقونوشمغه ميدان بولور وعريض وعميق قونوشورلر . مثلاً قبرلرندن قالقنجه هر كسى استيلا ايدن دهشت بربرينك حالندن سئواله مانع اولور . بو آيت اوزمان او محله سئوال ايدمه جهته بيان ايدر وحضرت عائشه رضى الله تعالى عنها نك رسول الله رويت ايتديكى بر حديثده رسول الله ناس قيامتده اوچ محله ذهول ايدر . برنجيسى ؛ هر كسك كتابى الله ويريلير كن ، ايكنجيسى ؛ عملى طاريلير كن ، اوچنجيسى ؛ صراطدن كچر كن . بو اوچ موضعه هر كس كندى درديله مشغول اولور ، غيرك حالندن بجه مجالى اولماز . بيورمشدر . اما صراطى كچوب جته كيرنجه هر كس يكديكرينك حالندن سؤال ايدر . شو حالده آخرتده انسانلر بربرينك حالندن سؤال ايدمه جكلرينه دائر اولان آيتلر قيامتكم بمض موقفلرينه وجته محمولدر . بناء عليه ؛ آيتلر بيتنده تناقض يوقدر . زيرانا تناقضك شرطى ؛ قضيه لرك زمانلرى ومكانلرى براولمقدر . قيامتده انسانلر بربرينك حالندن سؤال ايدوب ايتمه جكلرينه دائر اولان آيتلر زمانلرى ومكانلرى آيريدر .

بيضاوينك اشارتى وجهله بو آيتده نسبي نفى ؛ نسبك منفعتى نفى ايتمكدر . بناء عليه ؛ نسب سبيله دنيايه بربرلرينه اولان معاونت قبردن قالقنجه اولاميه جقدر . شو حالده نسله افتخاردهده بر فائده يوقدر . حتى او كونده اوغل بابادن وبابا اوغلدن وقرداش قرداشدن وزوج زوجدن فرار ايتدكارى كې او كونده برينك ديكرنده آلاچنى اولسه آنى آمله فرح ايدر اصلا خاطر بيلمز .

**

واجب تعالى ميزانى آغير اولانلر فلاح بولاچقلىرى بياند نصكره ميزانى خفيف اولانلر اهل جهنم اولاجقلىرى بيان ايتك اوزره ﴿ وَمَنْ خَفَّتْ مَوَازِينُهُ فَأُولَئِكَ الَّذِينَ خَسِرُوا أَنْفُسَهُمْ فِي جَهَنَّمَ خَالِدُونَ ﴾ بيوريور .

[كناهى آغير اولمقله ثوابى خفيف اولان وميزانلرى يگلى (خفيف) كن كيمسه لرشول

كىمسه لردر كه آنلر نفسلرينه ضرر ايتديلر، حتى جهنمه داخل اولونجه يه قدر معصيته دوام ايتدكلرندن آنلر ابدىاً جهنمه قالاچقلردر . [

فخر رازينك بيانى وجهله ميزان له مراد ؛ اعمالك طارتيدينى ميزانه اولدينى كې نفس اعمال اولمق احتمالى ده واردر . چونكه ؛ بعض احاديث جليله ده اعمال حسنه نك صورت حسنه ده بر جسم نورانى اولارق ميزانك صاغ طرفه و اعمال قبيحه نك بر جسم ظلمانى صورتنده ميزانك صول طرفه قونارق طارتيلاجنى و هانكى طرف آغير كليسه آكا اعتبار اولوناجنى مرويدر . كافرلك ضررلى نفس عذاب مستحق اولمقله اولدينى كې جتنده كى مقاملرينى جهنم عذابنه دكيشمكله دخى خسرانده درلر . چونكه ؛ هر قولك جتنده و جهنمه برر مقامى بولونوب هانكىسنة استحقاق كسب ايدرسه ديكرينى ترك ايدجكنه و اوترك ايتديكى مقامه ديكر برينك وارث اولاجفنه دائر تفصيلات بوسوره نك اولنده سبق ايتمشدر .

..

واجب تعالى كافرلك خسراننى و جهنمه مغلده قالاچقلرينى بيان ايتديكى كې جهنمه كى صورت قبيحه لرينى دخى بيان ايتك اوزره ﴿ تَلْفَحُ وُجُوهَهُمُ النَّارُ وَهُمْ فِيهَا كَالِحُونَ ﴾ بيوريور .

[ميزانى خفيف اولان عاصيلرك يوزلرينى جهنم آتشى ياقار . حالوكه آنلر جهنمه يوزلرينى پورته ريرلر .]

يعنى ؛ كافرلر جهنمه كيرنجه يوزلرينى شدتله جهنم آتشى ياقار كه آنلرلك اوست و آلت دوداقلرى يرلرندن صيريلور و آتشك شدنن اودريلر بوزولور بر آره به طويلا نور . بناء عليه ؛ يوزلرنده اكشيلك و چيركىنك حاصل اولور كه يوزينه باقلماز بر حاله كليز . بوحالك اوفاجق بر نمونه سى كبايجينك قيزارتمش اولدينى كه لرده كوريلور و آنلرده اولان پورته ركلك جهنمه ياناجق يوزلره بر نمونه اولابيلر . مع مافيه جهنم آتشى دنيا آتشنه قياس قبول ايتديكى كې اولمش حيوان كه سى ده جهنمه يانمش صاعلام انسان كه سى ده قياس قبول ايتمز .

تلفح ؛ شدتله آتشى ياقار ديمكدر . (كالحون) ؛ كالح ؛ آتشك شدتله باقلمنده دوداقلرينك ، ديشلرينك اوزرمنه صيريلور ديشلرينك آييفه ميفميسيدر كه آكالا سائمنده صيرتارمه و پورته ريرد دينور .

..

واجب تعالى اهل جهنمك حاللرينى بيان ايتديكى كې جهنمه كيردكارنده طرف السهيدن اهل جهنمه تكدير صورتيله وارد اولاجق خطاى بيان ايتك اوزره ﴿ أَلَمْ تَكُنْ أَتَانِي تُولَىٰ عَلَيْكُمْ فَكُنتُمْ بِهَا تُكْذِبُونَ ﴾ بيوريور .

[نم ايتلرم سزك اوزريكزه تلاوت اولونوب ده سزده و ايتلرى تكذيب ايتديكز مى ؟]
يعنى ؛ كافرلر جهنم عذابنده يانوب اضطرابلرى تزايد ايدنجه جناب حقه شكايت و فرياد ايتلرى اوزرينه طرف السهيدن تكدير طريقيله دنيلور كه « اى اهل جهنم ! بزم قدرتمزه و امواتى حشر ايدجكمزه و جتنه و جهنمه دلالت ايدن ايتلريمز رسوللر واسطه سيله سزك اوزريكزه تلاوت اولونوب تبليغ اولونمادىمى و آنلرلك تبليغلرى اوزرينه سز او ايتلرى تكذيب ايتديكز مى و بو ايتلر طرف السهيدن دكلدر ديتديكز مى و شو مبتلا اولديغكز عذابلرى انكار ايتديكز مى ؟ ايشته او انكار ايتديككز عذاب شمدى سزه لاحق اولدى . بناء عليه ؛ سزك ايچون نجات يوقدر ، ديمكله باب السهيدن طرد و شكايترلر رد اولونور .

خلاصه ؛ ميزانى خفيف اولان كيمسه نك جهنمه مغلده اولارق ياناجنى جهته نفسنه ضرر ايتديكى و جهنم آتشك يوزلرينى ياقاجنى و آنلرلك ، يوزلرينك دريلرى يوزولمك و ديشلرى ميدانه چيقمقله پورته ريردجكى و طرف السهيدن « ايتلريمز تلاوت اولونوب تكذيب ايتديكز مى ؟ » ديمكله تكدير اولوناجقلرى بو ايتلردن مستفاد اولان فوائد جمله سندنر .

..

واجب تعالی اهل جهنم تکدیر اولوند قد نصکره تکرار مراجعت اید جکری بیان ایتک
اوزره ﴿قَالُوا رَبَّنَا غَلَبَتْ عَلَيْنَا شِقْوَتُنَا وَكُنَّا قَوْمًا ضَالِّينَ﴾ بیوریور .

[اهل جهنم « ای بزم ربمز ! بزم اوزریمزه شقاوتمز غلبه ایتدی . حالبوکه
بز طریق حقدن چیقمش بر قوم ایدک » دیرلر .]

﴿رَبَّنَا أَخْرِجْنَا مِنْهَا فَإِنْ عُدْنَا فَإِنَّا ظَالِمُونَ﴾

[« ای بزم ربمز ! بزی جهنمدن چیقار . اکر بز اسکی حالزه تکرار عودت
ایدرسهک بز محقق نفسمزه ظلم ایدرز » دیمکه جناب حقه التجاده بولونورلر .]

یعنی ؛ کافرلر واجب تعالی نک « بنم آیتلم سزک اوزریکزه تلاوت اولونمادیمی وسز
تکذیب ایتدیکنزمی ؟ » کبی تکدیرینی ایشیتد کد نصکره تضرع طریقیله دیرلرکه
« ای بزی نعمتلی ایله تربیه ایدن ربمز ! دنیاوه شقاوتمز و شهوات نفسانیه من بزم
اوزریمزه غلبه ایتدی و بزمه نفسمزه آرزوسنه اتباع ایتدک و بز بولدن چیقمش وضالقی
ارتکاب ایتمش بر قوم اولدق . قصورمزی اعتراف ایدیورز . شو حالده ای
بزم ربمز ! سن بزی جهنمدن چیقار . اکر بز اسکی حالزه عودتله شقاوتی ارتکاب
ایدرسهک نفسمزه ظلم ایتمش اولورز . زیرا شقاوت ؛ عذابه سبب اولدینی جهته شقاوتی
ارتکاب ایتک نفسه ظلم وعین عذابدر » دیمکه قصورلرینی اعترافله جناب حقه یالوار
وجهنمدن قورتولمیرینی ایستلر .

واجب تعالی آنلرک استرحاملرینی بیان ایتدیکی کبی آنلره ویره جکی جوابی ده بیان
ایتک اوزره ﴿قَالَ اخْسَوْا فِيهَا وَلَا تُكَلِّمُونِ﴾ بیوریور .

[الله تعالی « سکوت ایدک جهنمده ، بکا بر دها سویله مهیک » دیمکه رد ایدر .]

﴿إِنَّهُ كَانَ فَرِيقٌ مِّنْ عِبَادِي يَقُولُونَ رَبَّنَا آمَنَّا فَاغْفِرْ لَنَا وَارْحَمْنَا وَأَنْتَ
خَيْرُ الرَّاحِمِينَ﴾

[دنیاوه حال و شان سویله اولمشدی که بزم قوللریمزدن بر فرقه واردی و آنلر
« ای بزم ربمز ! بز ایمان ایتدک . بناء علیه ؛ سن بزم کناهلریمزی مغفرت
ایت و بزمه مرحمت بیور . زیرا سن ؛ احسان ایدن مرحمت صاحبیرینک خیرلیسی سک »
دیمکه مناجاده بولونور .]

﴿فَاتَّخَذُوا لَهُمْ سَخِرِيًّا حَتَّى أَنْسَوْكُمْ ذِكْرِي﴾

[آنلرک یالوارمالرینه قارشی جناب حق بیوررکه « سز بزمه تضرع و نیاز ایدن
خالص قوللریمزی مسخره اتخاذا ایتدیکنز . حق استهزاده او قدر ایلری کیتدیکنز که
آنلری استهزا ایله اشتغالکنز سزه بنم ذکریمی اونوتدوردی .]

﴿وَكُنْتُمْ مِنْهُمْ تَضَحَكُونَ﴾

[حالبوکه سز آنلرک عبادتلیرینه و بزمه یالوارمالرینه متعلق حاللرندن کولردیکنز .]

﴿إِنِّي جَزَيْتُهُمُ الْيَوْمَ بِمَا صَبَرُوا﴾

[او خالص قوللریمک سزک اذالریکزه صبرلری سببیه بوکون آنلری بن کوزل
جزا ایله جزالاندیردم .]

﴿إِنَّهُمْ هُمُ الْفَائِزُونَ﴾

[زیرا آنلر ؛ آنجق فوز و فلاح بولوب قورتولشلردر » دیمکه آنلری رد ایدر .]
یعنی ؛ کافرلرک جهنمده جناب حقه یالوارمالرینه قارشی آنلری تحقیر ایتک اوزره
کمال حقارت واهانتله « سکوت ایدک جهنمده و بکا بر دها سوز سویله مهیک . زیرا ؛
سز جهنمدن چیقامیه جفکنز کبی عذابکنزده تخفیف اولونماز . شو حالده بیوده چاغریشوب
باغریشمایک وسز کندی قصورکنزی اعتراف ایدرکن فصل اولویور که عذابدن قورتولق
ایسترسکنز » دیمکه جناب حق مراجعتلرینی رد ایدر وردیشک سببینه شونی ده بیان
ایدرودیرکه « دنیاوه حال و شانکنز بنم قوللرمدن بر فرقه بزمه یالواریر و دیرلردی که (ای
بزم ربمز ! بز ایمان ایتدک . بناء علیه ؛ بزی مغفرت ایت و مرحمتکه احسان ایت .

زیرا سن؛ احسان ایدنلرک خیرلیسی سک) دیمکه تضرع ایدرلردی. آنلرک بوتضرعلری سببیلہ سز آنلری مسخرہ اتخاذا یتشدیکنز. حالوکه او وقت آنلرلہ برابر سزکده ایمان ایتکمز لازم ایدی. مادامکه ایمان ایتدیکمز کبی ایمان ایدنلری ده استہزا ایتدیکمز واستہزا کزی اوقدر ایلری کوتوردیکمز کہ آنکله مشغولیتکمز بزم ذکرمنی سزم اونوتدوردی وحق سز آنلرک عبادتلیرنہ و ذکرلرینہ کولیوردیکمز. شمدی فریادکزدہ بر فائدہ یوقدر. زیرا؛ فریادکزک فائدہ ایدہ جکی زمان کچمشدر. بوکون بن سزک استہزا ایتدیکمز قوللری صبرلری سببیلہ کوزل جزا ایلہ جزالاندیردم. چونکہ آنلر؛ آنجق فوز ونجات بولیجیلردر » دیمکه اهل جہنمک فریادلرینی رد ایدر.

واجب تعالی نک بو جوابی کافرلرک یالوارمالرینہ قارشى عذاب اوزرینہ عذابدر. چونکہ؛ کافرلرک عابدلری استہزالری، حقارندہ عین عذاب اولدیغنی بیانلہ برابر آنلرک استہزالری استہزا ایتدکلى عابدلر حقندہ ترفیع درجات اولدیغنی دخی بیان واردر. حالوکه آنلر استہزا ایتدکلى کیمسہلری انسان عدادندن بیلہ عد ایتمز وهیچ برشیئى مناسب کورمز لردی. شو حالده کندی عذابلری اولدیغنی کبی غایت اهمیتسز عد ایتدکلى خصملرینی نعمت ایچندہ ایستہ دکلى نعمتلرہ منتعم اولارق کورمک وکندیلرینی فلاکت ایچندہ پریشان بر حالده بولق فلاکت اوزرینہ فلاکتدر.

(اخذوا) خساء؛ کللی مفارته آزارلامی وأورومکده منع ایتمکدر. بوراده اهل جہنمی شدتلہ تکدیر وسکوت ایتلرینی امر ایتمکدر کہ آنلرک فزع و فریادلرینک تمادیسنه نہایت ویرمکدر.

(عبدالله بن عمر) حضرتلری « اهل جہنم اوزون مدت جہنمک خزینہ دارینہ یالوارد قد نصکرہ خزینہ دار (سز بوراده قالا جقسکز) جوابی ویرہ جکی وبعده بو آیتده بیان اولوندیغنی وجهلہ جناب حقہ یالواروب طرف الہیدن غضبلہ (سکوت ایدک سوز سوبلہ مہیک) دیوب تکلمدن منع اولونورلر، بیورمشدر.

ایشتہ بو آیتده بیان اولوندیغنی وجهلہ هر شریعتده او شریعتلہ عمل ایدن واو شریعتہ صاغلام صاریلوب احکامی یرینہ کترین صالح قوللر اولدیغنی کبی آنلرک ضدینہ بر طاقم فاسقلر و طاصیلر دخی بولونور کہ کندیلری شریعت طائیماقلری کبی شریعتی طائیانلری

وعبادت ایدنلری استہزا و آنلرک عبادتلیرنہ کولمکدن ده خالی قالمازلر. حق اوقدر مراق ایدرلر کہ هر ایشلرینی ترک ایدہ رک شریعت علیہ سوز سويلک وارباب شریعتی اکلنجه یایمقدن لذت آلیرلر و آنکله وقت کچیرلر و بو معاملہلرینی کندیلرینہ بر شرف عدايدرلر. بوکبی احوال انسانلر آردہ سندہ هر زمان طامدہ جاری اولان شیردندر والیوم بوکبی انسانلر واردروبو حاللر کورولمکده در. یعنی؛ عابد و فاسق موجود اولوب عابدلرلہ اکلنمکله و عبادتلیرنہ کولمکله تلذذ ایدن فاسقلر هر یرده موجوددر. بناء علیہ؛ بوکبی احکام شریعتلہ اوینایانلرک آخرتده ندامتلیرنی و کورم جکلری عذاب اوزرینہ فزع و فریادلرینہ آلا جقلری جوابی جناب حق بو آیتلرده بیان بیورمشدر کہ بوکبی احوالہ جرأت ایدنلری تہدید ایتمشدر.

واجب تعالی کافرلرک «بزی دنیاہ بردہا دوندورک» دیدکلرینہ جوابی بیان ایتک اوزرہ ﴿قَالَ كَمْ لَبِثْتُمْ فِي الْأَرْضِ عَدَدَ سِنِينَ﴾ بیوریور.

[آنلرک دنیاہ دونمک ایستہ دکلرینہ جواب اولارق طرف الہیدن «دنیاہ ویر یوزندہ قاج سنہ اکلہ شدیکمز؟» دیمکه دنیاہ کچیردکلى عمردن سئوال اولونورلر.] بو سئوالہ جوابده آنلر:

﴿قَالُوا لَبِثْنَا يَوْمًا أَوْ بَعْضَ يَوْمٍ فَسَنُكَلِّمُ الْعَادَّيْنَ﴾

[« شو آخرتک اوزون مدتہ نسبتلہ دنیاہ برکون ویاخود برکونک بمضیسی قدر برمدتده یاشادق ظن ایدرز. چونکہ؛ مبتلا اولدیغمز عذابک اضطرابی بزہ دنیاہ اکلہ شدیکمز مدتک مقدارینی اونوتدوردی. بناء علیہ؛ بزملة دنیاہ بولونوب جنتہ کیروب سرور ایچندہ بولونانلر و بزم عملمزی و عمرمنی محافظیہ مأمور اولوب صایان ملککردن سئوال ایت » دیمکه جواب ویرلر.] بو سئوالی آنلرہ سوران واجب تعالی در ویاخود واجب تعالی طرفدن مأمور اولان ملککردر.

واجب تعالی آنکے شو جوابلرینہ قارشئ سئوال ایدن کیمسہ نک تکرار جوابی بیان ایتک اوزرہ ﴿ قَالَ اِنْ لَبِثْتُمْ اِلَّا قَلِيْلًا لَوْ اَنَّكُمْ كُنْتُمْ تَعْلَمُوْنَ ﴾ بیوریور .

[« سز مستحق اولوب وایچنده بولوندیغکز عذابک ابدآ دوام ایدہ جکئی بیلمش اولسہ کز او ابدیتہ نسبتلہ دنیادہ یاشامدیکز آنجق آز برمدت یاشایوب دورہ بیلدیکز » دیمکلہ جواب ویرر .] چونکہ ؛ دنیادہ برکیمسہ نہ قدر اوزون مدت دورسہ آخرتک مدتہ نسبتلہ هیچ یوق کیدر .

شو سئوال اولونان مدت دنیادہ عمرلرینک مدتی میدر و یاخود قبردہ یاتدقلرینک مدتی میدر ؟ اختلاف وارسدہ اصح اولان دنیادہ عمرلرینک مدتدن سئوال اولدینی فخر رازینک جملہ بیاناتنددر .

* *

واجب تعالی قیامتہ انسانلر اوزرینہ جاری اولاجق احوالی بیاندنصکرہ قیامتک وجودینہ دلالت ایدن دلیللری بیان ایتک اوزرہ ﴿ اَخْسَبْتُمْ اَنَّمَا خَلَقْنَاكُمْ عَبَاۤءًا وَّ اَنَّكُمْ اِلَيْنَا لَا تُرْجَعُوْنَ ﴾ بیوریور .

[« سز غفلت ایدردہ ظن ایدرمیسکز کہ بز سزی عبث اولارق خلق ایتدک وظن ایدرمیسکز کہ سز بزم حضور مغنومزہ ارجاع اولونمازسکز ؟ بوظنکز فاسددر .]

یعنی ؛ ای عاصیلر ! سز کمال غفلتدہ دوام ایدردہ بزم سزی اویونجاق وعبث اولارق خلق ایتدیگمزی می ظن ایدرسکز ؟ و سز بزم حضور مزہ رجوع ایتیمہ جککزی وایشلہ دیککز اعمالکزدن سئوال اولونیمہ جفکزی می ظن ایدرسکز ؟ بو ظنلریکز باطلدر . زیرا ؛ هیچ برشئی عبث اولارق خلق ایتدیگمز کبی بالخاصہ انسانلر عبث و مهممل اولارق خلق اولونماشدر . بناء علیہ ؛ شریعتک احکامنی قبول و عبادات و طاعاتلہ مکلف اولدیغکز کبی مرحالہ اعمالککز حسابنی کورمک و جزاسنی آلمق ایچون سز بزم حضور مزہ کلہ جکسکز . چونکہ ؛ اکر انسانلر بزم حضور مزہ حساب ویرمسہ مطیع ایلہ عاصی ، صدیق ایلہ زندیق ، مؤمنلہ کافرک بینلرندہ فرق اولماق لازم کلیر . بو ایسہ

عدالتہ منافیدر . چونکہ عدالت ؛ مظاهرک انتقامنی ظالمزہ آلمق و اطاعت ابدہ ثواب ویرمک و عاصی بہ عذاب ایتیمک . یوقسہ ای و کوتو مساوی طوتولمق عدالت دکلددر . خلاصہ ؛ انسانلر بهایم کبی تکلیفدن و ثواب و عذابدن خالی اولارق خلق اولونمایوب بایکہ دار دنیادہ تکلیف و دار دنیادن دار آخرتہ محاسبہ ویرمک و عملنک جزاسنی کورمک ایچون انتقال ایتک و اطاعت ایدنلرہ ثواب و عصیان ایدنلرہ عذاب اولمق ایچون خلق اولوندینی بو آیتدن مستفاد اولان فوائد جملہ سنددر .

﴿ فَتَعَالَى اللّٰهُ الْمَلِكُ الْحَقُّ لَا إِلَهَ اِلَّا هُوَ رَبُّ الْعَرْشِ الْکَرِیْمِ ﴾

[« حق و ثابت و جملہ مخلوقاتہ مالک اولان الله تعالی عبث خلق ایتمکدن و انسانلری تکلیفدن معاف و مهممل قلمقدن تنزه و تعالی ایتدی و بوجه اولدی . زیرا ؛ جملہ موجوداتک مالک حقیقیسی و معبود بالحق در . چونکہ ؛ معبود بالحق اولمادی ، آنجق عرش کریمک ربی اولدی .] کرچه مشرککلر اللهک غیری معبودلر اتخاذا ایدر و عاریت اولارق دہ ملک صاحبلری وارسدہ هیچ بریسنه اعتبار یوقدر . بناء علیہ ؛ جملہ نک عبادتنہ مستحق الله تعالی اولدینی کبی جملہ ملک دہ اللهک در . چونکہ ؛ الله تعالی ثابت ، دائم و زوالی یوقدر .

* *

واجب تعالی وحدانیتنی اثباتدن صکرہ شرک ایدنلری تهدید ایتک اوزرہ ﴿ وَمَنْ يَدْعُ مَعَ اللّٰهِ اِلٰهًا اٰخَرَ لَا بُرْهَانَ لَهُ بِهِ فَاِنَّمَا حِسَابُهُ عِنْدَ رَبِّهِ ﴾ بیوریور .

[« اکر برکیمسہ اللهلہ برابر اللهک باشقہ معبود اتخاذا ایدرک عبادتلہ وجودینی اعتقاد ایدرسہ او کیمسہ ایچون معبود آخر اثباتنہ دلیل یوقدر . بناء علیہ ؛ او کیمسہ نک بو باطل اعتقادینک حسابی آنک ربسی عندندہ در . شو حالده الله تعالی آنک جنایتنہ کوره جزاسنی ویرر .]

﴿ اِنَّهٗ لَا يُفْلِحُ الْکٰفِرُوْنَ ﴾

[« زیرا ؛ کافرلر فلاح بولوب عذابدن قورتولمازلر .]

فخر رازينك بيان وجهله جناب حق سورة نك بدايه سنده مؤمنك فلاح بولا جقلىرى
ونهايه سنده كافر لك فلاح بوليه جقلىرى بيانله بدايتنده و نهايتنده ايكي فرقه نك انجام حاللىرى
بيانده حسن مناسبتة رعایت بيور مشدر . آيت ؛ اوج مكمى ماورى : برنجيسى ؛ الله ربه
بايقه معبودك و مودىنى اعتقاد ابره كيمس نك معبود آخرك و مودىنى ابناء دليل بولا ماسير .
ايكنجيسى ؛ معبود آخرك و مودىنى اعتقاد ابره كيمس نك مسا بنك ربى عنبرنده اولسبر .
اوچنجيسى ؛ لافرك فروع بولامى در .

..

واجب تعالى رسوله دعا ايله امر ايتك اوزره ﴿ وَقُلْ رَبِّ اغْفِرْ وَارْحَمْ وَأَنْتَ

خَيْرُ الرَّاحِمِينَ ﴾ بيور يور .

[حبيب ! سكا ايمان ايدن مؤمنله تعليم اولق اوزره سن « ياربى ! كناهلرعى سترله
مغفرت و نعمتى احسانله مرحمت ايت وسن مرحمت صاحبلىرى نك خيرلىسى سك » ديمكله
دعاده بولون .]



روى بيك اوچيوز اوتوز سنهسى تشرىن نايىسك اوچنجى بازار ايرتسنة تصادف ايدن عربى
بيك اوچيوز اوتوز ايكي سنهسى ذى الحجة نك بكرى يدينجى كوفى ايكندى نمازندن صوكره بوسوره نك
ترجمهسى بعونه تعالى ختام بولمشدر .

سورة نور

مدينة منوره ده نازل اولان سورة لردندر . آتمه ايكي و ياخود آتمه درت آيتى حاويدر .

﴿ بِسْمِ اللَّهِ الرَّحْمَنِ الرَّحِيمِ ﴾

﴿ سُورَةُ أَنْزَلْنَاهَا وَفَرَضْنَاهَا وَأَنْزَلْنَا فِيهَا آيَاتٍ بَيِّنَاتٍ لَّعَلَّكُمْ تَذَكَّرُونَ ﴾

[شو سورة عظيمه بى بز عظيم الشان حبيب ! سنك نبوتكى تأييد و دينكى ترويج ايجون
سكا انزال ايتك . بو سورة نك متضمن اولدينى احكام ايله عملى سكا و سكا تبعيت ايدن
مؤمنله واجب قيلدق و سرك متعظ و متصفح اولمكز ايجون او سورة ده وحدت ذاتيه مزه
و كمال قدرتمزه دلالت واضحه ايله دلالت ايدن آيتلىرى انزال ايتك كه سز تأمل ايدوب
دوشونه سكر و محرماتدن اجتنابله نفسكزى اصلاح ايدم سكر .]

قرآنى جبريل امين لوح محفوظدن رسول الله انزال ايتك كن و ياخود واجب تعالى
لوح محفوظدن مجتمعا سماء دنيايه اينديروب سماء دنيا دنده اقتضاسنه كوره جبريل امين امر
الهي اوزره رسول الله انزال ايتديكسنة بناء جناب حق « انزال ايتك » بيور مشدر .
بناء عليه ؛ انزال تعبيرندن ذات الوهيت ايجون جهت لازمكلمز .

واجب تعالى بوسوره ده بر جوق احكام شرعية وحدود الهيه بيان ايدم جكنه اشارت
ايجون سورة نك اولنده احكامى فرض قيلديغنى و سورة نك آخرنده توحيدك دلائلى بيان
ايدم جكنه اشارت ايجون بوسوره ده وحدانيتنه آچيقدن دلالت ايدن آيتلىرى انزال بيورديغنى
بو آيتده بيان ايتدى . شو حالده بو سورة نك اعتقادى و عملى هرايكي جهته دائر اولان مسائل
جامع اولديغنه اشارت اولونمشدر .

سورة بى انزال و احكامى فرض قيلمق و توحيدك دلالت ايدم جك دلائلى انزالدن مقصد
اصلى ؛ مكلفينك دلائله و احكامده تأمل و تذكر ايدوب موجيله عمل ايتلىرى اولديغنه
اشارت ايجون آيتك آخرنده علت غايه معناسنى مفيد اولان (لعل) كلمهسى وارد اولمشدر كه
« سورة بى و آيتلىرى انزالدن غايه ؛ سرك دوشونمكز و موجيله عمل ايتمكز » ديمكدر

..

واجب تعالى بو سورده واجب قيلدني احكامدن برنجيسى بيان ايتك اوزره
﴿ الزَّانِيَةُ وَالزَّانِي فَاجْلِدُوا كُلَّ وَاحِدٍ مِنْهُمَا مِائَةَ جَلْدَةٍ وَلَا تَأْخُذْكُمْ بِهِمَا رَأْفَةٌ فِي دِينِ اللَّهِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ وَلْيَشْهَدْ عَذَابُهُمَا طَائِفَةٌ
مِنَ الْمُؤْمِنِينَ ﴾ بيوريور .

[زانيه اولان قادينله زاني اولان ار ككك زنارينك حكم شرعيسى ؛ باكر اولور
ونكاح سبق ايتمه مش اولورلرسه يوزد كنك وورولمقد در . شو حالده زنالك حكم شرعيسى
ايشيتد كن صكره اى حاكمرا ! زانيه وزانيلردن هر برينه يوزر دكنك وورك ودين
التهينك احكامنى اجرا كز ائناسنده زانيه ايله زانيه سزك رقت قلبكز اولسون . اكر
الله تعالى به ويوم آخرته ايمان ايدرسه كز احكام التهيبدن اولان جلدى اجراده اصلا
شفقتكز سزى منع ايتسون كه حكم التهى يرني بولسون وآنلره جلد اجرا ايدر كن
صورت علانيه ده اجرا ايدك واجرا اولونديغنده مؤمنلردن بر جماعت حاضر اولسون كه
آنلك حاللرينى هر كسه تشهير ايتسونلر . زيرا ؛ تشهيرده قلبنده زانيه ميل اولانلرى منع
واردر .]

يعنى ؛ مؤمنلك قبايح اعمالدن وبالخاصه زنا كى فواحشك اعظمندن طهارتلى
لازمدر . بناء عليه ؛ اى حاكمرا ! اكثر اوقاتده زنايه سبب اولان زانيه خاتونى وزنا
ايدن ار ككى شرعاً زنالرى ثابت اولوب باشلردن نكاح سبق ايتمه مش بكر كروهندن
اولورلرسه آنلردن هر برينه يوزر دكنك وورمقله جلد شرعى يي اجرا ايدك و اى
حاكمرا ! اكر آخرته والله تعالى به ايمان ايدر ايسه كز حد شرعى يي اجرا كز ائناسنده
آنلره اصلا رقت قلبكز اولسون . اكر رقت قلبه آنلره جلدى ترك ايدرسه كز آخرته
سز مؤاخذه اولونورسكز . بناء عليه ؛ دين التهينك احكامنى اجراده مرحمتكز حد
شرعى يي تركه سبب اولسون وآنلك جلدنى اجراده مؤمنلردن بر جماعتده حاضر اولسون
وحد اجرا اولونانلك رسوالفى كورسونلر كه سائرلرينده عبرت اولسون .

بيضاوينك بيانى وجهله زنالك وقوعه اكثر زمانده زينتلرينى اظهار ايتك ورجاله
كورونك صورتيله خاتونلر سبب اولديغنه اشارت ايجون واجب تعالى بو آيتده زانيه يي زاني
اوزرينه تقديم بيورمش و جنايته سبب اولمقده مقدم اولديغنه اشارت ايتشدر . جلد
اولونا جق كيمسه نك حر ، بالغ وعاقل اولمى شرطدر . چونكه ؛ زنا ايدن كيمسه حر ويا
حره اولمازده كوله ويا جاريه اولورسه حر اولان كيمسه به وورولا جق يوز دكنك
نصفى كه يعنى اللشدر دكنك وورولور . صبى ايله مجنون مكلف اولماق لردن زنا ايدرلرسه
حد لازمكلمز .

اكر زنا ايدنلر محصن ومحصنه يعنى نكاح صحيحله خلوت وقوع بولمش كيمسه لردن
اولورلرسه اجماع امتله رجم اولونورلر ، يعنى طاشله اولدوريلورلر . برى باكر ديكرى محصن
اولورسه باكره اولانه يوز دكنك وورولور ومحصن اولان رجم اولونور . زنالك كناه
كناوردن اولديغنه بو آيت دلالت ايدر . زيرا ؛ زنا ايدن كيمسه به حد شرعى اجراسى لازم
اولدينى كى جناب حق حدك اجراسنده شفقت و مرحمت ايتمكدن نهى ايتديكى وآنلره
تشهير ايجون حد اجرا اولونور كن مؤمنلردن بر طائفه نك حاضر اولمسيه بو آيتده امر بيوردينى
كى ديكر آيتلرده دخى زناني شر كه وقتل نفسه مقارن اولان ذكر بيورمشدر .

حد شرعى يي ايجاب ايدن زنالك انسانه اولمى شرطدر . چونكه ؛ بهائم زنا ده امام اعظم
وامام مالكة كوره تعزير شرعى لازمدر ، حد لازم دكلدر . زيرا حد شرعى ؛ نفسك ميل
ايتديكى شيريه زهر ايجوره مشروع قينوب بهائم زنا ايسه نفسك ميل ايدى چكى شيلردن
اولما دىنى جهتله حد لازم دكل بيورمشلردر . امام شافعى باكرى جلد ايتد كدنصكره بر
سنده نفى ايتك واجب اولديغنى بيان ايتشدر . زيرا ؛ رسول الله « باكر باكره زنا ايدرسه
يوز دكنك وورولوب بر سنده نفى اولونا جقنى » بيان بيورمشدر . اما امام اعظم « يوزد كنك
واجبدر ، نفى ايتك امامك رايته مفوضدر . امام نفينده مصلحت كورورسه نفى ايدر ، نفينده
مصلحت كورمزه نفى ايتز » بيورمشلردر .

فخر رازينك بيانى وجهله اصح اولان امام اعظم مذهبيدر . چونكه ؛ آيتده ذكر
اولونان يالكز جلددر ، نفى يوقدر . اكر نفى لازم اولسه ايدى آيتده ذكر اولونوردى .
تقى بيان ايدن حديث شريف خبر آحاددر . خبر آحاد ايسه آيت معارض اولماز .

مع هذا زنا ايدن رجلی نفي لازم اولسه خاتونی نفي ايتك ده لازم اولوردی . حالبوکه خاتونی نفي ايتك فتنه قابوسنی آچقدرد . زیرا ؛ غربتده خاتونك اقباسی بولونمادیغندن خاتونی حفظ ایدن اولمادینی جهته خاتون ایسته دیکی املنی اجرابه فرصت بولور بوايسه فسادده میدان ویرمکدر . اقباسيله نفي اولونسه بی قصور اولان اقباسنی خاتونله نفي ايتك ظلم اولاجقنده شبهه یوقدر . اگر یالکزر رجل حقنده نفي اولسه ده خاتون حقنده نفي اولسه عین جنایتده مساوی اولان ایکی کشی ده جزا مساوی اولمادینی جهته یالکزر رجلی نفي ايتك ایسه عدالته منافیدر . شوخالده زانی بکر اولونجه جلد مائة واجیدر ، نفي واجب دکلدرد . جلدی اجرادنصکره سی رئیس حکومتک رأینه مفوضدر مصلحته کوره مجازات ایدر بیورمشلردر .

آیتک حکمی ؛ هرزانی به شامدر . چونکه ؛ مشتق اوزرینه تعلیق اولونان حکمه علت مشتق اولان لفظک مأخذ اشتقاقی اولدیغه نظراً بوآیتده جلد مائة علتی زانی لفظک مأخذی اولان زنادرد . شوخالده زنا زمه ده وکیمده واقع اولورسه جلد مائة آنک حقنده اجرا اولونور . اگر زانی کوله ویا جاریه اولورسه نصفی اجرا اولونور . چونکه حکم ؛ علتدن ایرماز .

زناتک شرعاً ثابت اولمی ؛ امام اعظم عندنده درت مجسمه درت کره اقرارله ویا ضرر درت شاهک شهادتیدرد . زیرا ؛ رسول الله (ماعز) حضرت تریخی درت کره اقرار ایتدیکه رجیله امر ایتدی . اما امام شافعی عندنده برکره اقرار کافیدر . چونکه ؛ (عسیف) یعنی خدمتکار قصه سنده رسول الله « خاتون برکره اقرار ایدرسه رجم ایدک » بیورمشدر . شوخالده برکره اقرار کافی اولوب اولماسنده روایتک اختلافنه بناء مجتهدین کرام حضرتلری اختلاف ایتشلردر . زیرا ؛ امام اعظم (ماعز) ک قصه سیله استدلال ایدیور . چونکه ؛ آنده رسول اللهک بر اقرارله اکتفا ایتدیکی روایت اولونور . شافعی حضرتلری (عسیف) قصه سیله استدلال ایتشدر . چونکه ؛ آنده رسول اللهک بر اقرارله اکتفا ایتدیکی روایت اولونور .

حدودک اجراسی ؛ رئیس مکره و آنک تعیین ایتدیکی ماکله و احراسه مأمور

ایتدیکی مأمورله عامدر . بناء علیه حد شرعی بی اجرا ؛ حکومته عائد بروظیفه اولدیغندن آحاد ناس حد شرعی اجراسیله مکلف دکلدرد . چونکه ؛ شاهد دیکله مک و حکم ویرمک مالک آسایشنی تأمین ایتک وظالمدن مظلومک حقنی آلمق حکومته عائدرد . کذلک حد شرعی بی اجراده حکومته عائدرد .

جلدی اجرانک کیفیتی ؛ دکنک وسط بر مالد و آمینا به راده اولوب مالد اولونا به کیمسه نك باشی ، بوزی ، قارنی ، غصیه سی و فربجی مستقنا اولدیغنی مالد اعضانک هر طرفه ورورمه صورتیدر اولاجقنی اصحاب کرامک روایتلرینه ابتنا ایدرک فقهاء عظام حضرتانک بیانلرینه عطفاً فخر رازی حضرتلرینک جمله تفصیلاتندرد .

حد شرعی اجرا اولوناجق خاتون حامله اولورسه چوجق طوغونجهیه قدر تأخیر اولونور . چونکه ؛ چوجق طوغمادن اول اجرا اولونسه بوچوجوق حقنده ظالم اولاجقندن چوجوغنی ضیاعدن محافظه ایچون چوجقک طوغمسنه انتظار اولونور . زیرا ؛ (جهینه) قیله سندن بر خاتون رسول الله کلوب « یارسول الله ! بکا حد شرعی لازمکدی ، اجرا بیور » دیدیکنده خاتون حامله اولدیغنی ایچون رسول الله ولسنه « کوتور بونی ، حملنی وضع ایدنجه کتیر » بیوردینی وولیسنک کوتوروب حملنی وضع ایدنجه امر رسول الله اوزرینه کتوروب رسول الله آچلمسون ایچون البسه سنی اوزرینه باغلاتوب رجم اولوندینی و رجم اولوندقند نصکره نمازی قیلنوب دفن اولوندینی (عمران بن حصین) حضرتلرندن مرویدر .

حد اجرا اولونجه ییقانیر ، کقتله نیر و نمازی قیلنیر و اهل اسلام قبرینه دفن اولونور . زیرا ؛ زنایی ارتکابندن کافر اولوق لازمکلمز . زنا ایدن انسانک اعضالردن یالکزر بر عضو ایسه ده زناتک لذتندن جمله اعضا مستفید اولدیغندن الدقلری لذت مقابلنده اعضانک جمله سی تعذیب اولونور . بناء علیه ؛ دیگر اعضالره قصورسز تعذیب اولوندینی جهته ظلمدر دینله مز . چونکه اولذنده هبسی مشترک اولدیغندن جزاده دخی هبسی مشترک قیلنیر . بناء علیه ؛ قصورسز اعضالر جزا دید اولمش اولماز .

یوآیتده اهل ایمان اولانک حدود الهیه بی ترک ایتسی جائز اولیه جعفی واجب تعالی بیان بیوردی . زیرا ؛ « اگر اللهه و یوم آخرته ایمانکزر و ارسه اللهک دینک احکامنی اجراده زانی ایله زانییه مرحمت ایتیهک » بیورمشدر . یعنی « آنلره مرحمتکزر سیبیه

حدی ترك ايتديككنز كې حدی اجراده تخفيف ده ايتميك « ديمكدر . چونكه ؛ جنایت ایدن بر کیمسه بی اسیر که مک دیگر برینک جنایتنه سبیت ویره جکندن فتنه قابولرینی آچقله عالمک انتظامی اخلاص ایتمکدر . زیرا کوتولره ایلک ؛ دائماً ایله ظلمدر . بناء علیه ؛ سیاست شرعیه نک اجرایی هر زمان عالمک انتظامیه خادمدر . واسفا که بر زماندیری اجرا اولونمادیقندن عالم فسادله طولدینی کبی حبسخانه لرده ملت اوردولر بسلایور . بویوزدن خانمانلر خراب اولقله برابر هیچ بر تأثیری اولمادیقندن کون بکون فسادک زاید ایتدیکی کورولیور . سیاست شرعیه اجرا اولونسه در حال تأثیری کوروله جکی شبهه سزدر . نه اولور ارباب امور برده سیاست شرعیه بی اجرا ایله تجربه ایتسه لر . اروپا قانونلرندن ترجمه اولونه بر طاقم شیرله عمل ایده جکیز دیه رک اوغراشمقندن ده قولاوی وایی دکلکی ؛ شو بر آیت ، زنانک اوکئی آلق خصوصنده بیکلرجه قانوندن ده مفید دکلکی ؛ بو آیت جلیله امت محمدک ناموسنی وعرضنی محافظه خصوصنی تحت تأمین آلمقده کافی دکلکی ؛ بو خصوصده حبسخانه لرده بیکلرجه اشخاص بسله مکدن شرعاً ثابت اولانلره حکمی اجرا ایتمکه دیکر لرینی تخلیه ایتک از هر جهت مصالح ناسه ده موافق اولماز می ؛ وسنه ده بر دفعه اولسون مملکتده ثبوت شرعیه ایله بر شخصه حد شرعی اجرا دیکر لرینه عبرت یونندن کافی اولماز می و بیکلرجه وقوعاتک اوکئی آلتماز می ؟

بو آیتده جناب حق حد شرعی اجرا اولونور کن مؤمنلردن بر طائفه نک حاضر بولوناجقنی امر ایدیور که آنلر کوردکلری احوالی سائر لرینه تشبیه ایتسونلر که زجر زیاده اولسون . بز شیمدی جانلری صندوق ایچنده کوتوروب کتیردیکمزی مدنیتدن عد ایدرز . جانی به مرحمت ایدوب آنک ناموسنی محافظه ایدر کن آنک جنایت ایتدیکی عائله بی گوشه لرده سوروندورمک و صیرلاندرمق مدنیت میدر ؛ او جانی بی « نه ایسه بشردر بر قصور یا پمش بونی تشبیه ایتمکه معنایوق » دیمکه دیکر لرینک طمع لرینی آرتیرمق مدنیت میدر ؛ او جانی ظالمک راحتنی تأمین ایدوب قصورینی عفو ایتک عالمی راحتسز ایتیمور می ؛ مدنیت ؛ ظالم لری اسیر که مک سبیلله مظلوملرک راحتلرینی سلب ایتمک میدر ؛ ظالمدن ظلمی مقداری اخذ انتقام ایتک عقلاً و شرعاً مدوح دکلدر که زنا کبی اک فنا بر جنایتی ارتکاب ایدن بر جانی به دکنک وورمق ویا رجم ایتمکدن چکینلیور وحاشا مدنیت مخالف عد ایدیایور . جناب حق بزی طریق مستقیمدن آیرمسون آمین یا معین .

حد شرعی بی اجرا ایدر کن حاضر بولونان جماعتک اوچ کیشیدن آشاغی اولیه جفی مفسرینک جمله بیاناتلرندندر . (خذیه) حضرتلرینک رسول الله دن روایت ایتدیکی بر حدیثده فخر رازینک بیانی وجهله رسول الله زنانک دنیا ده و آخرتده بعض ضرر لرینی بیان بیورمشد . دنیا ده ضرری ؛ زانیه ک مردنی کبررسی و فقیرلک ابرات اتمی و عمرینک نقصان اولسیر . آخرتده ضرری ؛ غضب الهی بر دوچار و حسابی شرعی و عذاب جهنم داخل اولمدر .

**

واجب تعالی بوسوره ده بیان بیوردینی احکامدن برنجیسی بیاندن صوکره ایکننجیسی بیان ایتک اوزره ﴿ الزانی لا ینکح الا زانیة او مشرکة والزانیة لا ینکحها الا زانی او مشرکة وحریم ذلک علی المؤمنین ﴾ بیوریور .

[[زانی اولان بر رجل نکاح ایتز ، آنجق زانیه ویا خود مشرکه اولان بر خاتونی نکاح ایدر . کذلک زانیه اولان بر خاتونی نکاح ایتز ، آنجق زانی ویا مشرک اولان بر رجل نکاح ایدر . زانی بی نکاح ایتک صالح و عقیف اولان مؤمنلر اوزرینه حرام قیلندی .] چونکه ؛ صالح بر کیمسه نک زانیه اولان بر خاتونی نکاح ایتمی فاسقلره تشبیه اولدی کبی خلقت سؤ ظنی واطاله لسانی و ذم و غیبتی موجب و موضع تهمتدن حذر ایتک لازم ایکن نفسی موضع تهمته عرض ایتش اولوبده نسبنده کفت و کویی موجب اولاجقندن زانی بی نکاح مؤمن متقنک و طبع سلیمک اجتناب ایده جکی برشی اولدیغه آیت دلالت ایدر .

بو آیتک احکامنده علما اختلاف ایتشلر سده اکثریتک بیانی وجهله بو آیت ﴿ وانکحوا الایامی منکم ﴾ آیتله منسو خدر . بناء علیه ؛ صالح بر کیمسه نک طبیعتی قبول ایتدیکی صورتده توبه ایتش اولان بر زانیه خاتونی نکاح ایتمی جائزدر .

آیت جلیله نک سبب نزولی ؛ فخر رازی ، قاضی ، بیضاوی و خازنک بیاناتلرینه نظراً مهاجرین کرام مدینه به کلدکلرند عادت جاهلیه اوزرینه مدینه ده آچقندن زنا ایله معروف

خاتونلر اولديني كى حقي آنلرك قابولرى اوزرنده علامتلى ده وارمش. نفسلىرى كرايه ويرب او يولده بر چوق ثروتلرده اكتساب ايتمش اولدقلرندن مهاجرينك فقراسى عادت جاهليه ده اولديني وجهله آنلردن نكاح ايتك آرزو ايدرك رسول الله دن استيدان ايتلى اوزرينه بو آيتك نازل اولديني مرويدر. بناء عليه؛ ابتداء اسلامده عفيف بر رجليك زانيه بر خاتونى وياخود عفيفه بر خاتونك زانى اولان بر رجلي نكاح ايتمى بو آيتله حرام قيلدى. صكره ديكر آيتله بو حرمت نسخ اولونارق بومثلولرك نكاحلرينك جوازينه مساعده اولونمشدر.

بوندن اولكى آيتده زنانك حكمندن بحث اولونوب زنايه اكرثيت اعتباريله خاتون سبب اولديغندن زانيه تقديم اولونمش ايسه ده بو آيتده نكاحدن بحث اولونوب نكاحده اصل اولان رجلي اولديني جهتله زانى تقديم اولونمشدر.

**

واجب تعالى بو سوره ده بيان اولونان احكامدن اوچنجيسى ذكر ايتك اوزره

﴿وَالَّذِينَ يَزْمُونَ الْخُصَنَاتِ ثُمَّ لَمْ يَأْتُوا بِأَرْبَعَةِ شُهَدَاءَ فَاجْلِدُوهُمْ ثَمَانِينَ جَلْدَةً﴾

بيوريور.

[شول كيمسه لر كه آنلر زنادن نفسى محافظه ايدن خاتونلره «زنا ايتدك» ديمكله قذف ايدوب صكره او خاتونك زناسنى اثبات ايچون درت شاهد كتيه مزسه سز آنلره او خاتونه افترا سندن طولاي سكرسان دكنك ووروك.]

﴿وَلَا تَقْبَلُوا لَهُمْ شَهَادَةً أَبَدًا﴾

[وسز ابدآ آنلرك شهادتلى قبول ايتمهيك. زيرا؛ عفيفه اولان خاتونه زنا ايله افتراسى مروتنى اخلال ايتديكندن مرتبه شهادتن سقوطى افتراسنه جزادر.]

﴿وَأُولَئِكَ هُمُ الْفَاسِقُونَ﴾ إِلَّا الَّذِينَ تَابُوا مِنْ بَعْدِ ذَلِكَ وَأَصْلَحُوا ﴿

[ايشته شو بى قصور اولان قادينه زنا اسناد ايدنلر آنجق طوغرو يولدن چيقمش برطاقم فاسقلردر. الا شول كيمسه لر كه آنلر خاتونه زنا اسناد ايتدك نصكره توبه ايتديلر

وافترا ايله افساد ايتدكلى نفسلىرى اصلاح ايتديلر. بونلر توبه واصلح سبيله عذابدن قورتولورلر.]

﴿فَإِنَّ اللَّهَ غَفُورٌ رَحِيمٌ﴾

[زيرا؛ الله تعالى آنلرك قصورلىرى مغفرت وتوبه لىرى قبولله مرحمت ايدر.]
يعنى؛ شول كيمسه لر كه آنلر زنادن برى اولان خاتونلره بغيرحق زنا اسناد ايتدك نصكره او خاتونك زناسنى اثبات ايچون عادل واهل مروت وامانت صاحبي اولان كيمسه لر دن درت شاهد كتيه مديلر. آنلره سكرسان دكنك وورمقله جلد ايدك وابدآ آنلرك شهادتلى دعاويدن هيچ بر دعوى و احوالدين هيچ بر حالده قبول ايتمهيك. زيرا آنلر؛ حدود الهيه خارجنه چيقمش بر طاقم فاسقلردر. فاسقك شهادتى فسقى ايجابى مروتنى وعدالتنى اسقاط ايتديكى ايچون هيچ بر برده قبول اولونماز. چونكه؛ آنلر عفيفه خاتونلره افترا ايدوب ناموسنى برباد ايتدكلى عذاب الهيدن نجات بولامازلر. آنجق شول كيمسه لر نجات بولورلر كه آنلر بو خاتونه افترا ايتدكلى صوكره توبه واستغفار ايتدكلى ندامت كامله ايله ندامت ايتدكلى كى كندى حاللرندن افساد ايتدكلى اصلاحله دركاه الوهيدن قصورلىرى عفوئى استرحام ايتديلر. ايشته آنلر عذاب الهيدن نجات بولورلر. زيرا؛ الله تعالى آنلرك قصورلىرى عفو له مغفرت وتوبه لىرى قبولله مرحمت بويوريچيدر.

قذف؛ بر كيمسه بر سن زانيك ديمكله آنلر وسر ككلر. محصن؛ زناده نفسى حفظ ايدنه كيمسه در. جلد؛ دكنك وورمقلر. ايشته زنا ايتمين بر كيمسه به «سن زانى سك» ديمكله قذف ايدن يعنى آتان كيمسه به سكرسان دكنك وورولور.

بو آيتده خازنك بيانى وجهله زنادن برى اولان بر كيمسه به زنا اسنادى ايله قذف ايدن كيمسه به جلد اولونماك شرطى؛ زنا اسناد اولونان كيمسه نك محصن، مسلم، حر، عاقل و بالغ اولوب زنادن عفيفه اولماسيدر. حتى عمر نده بر كره زنا ايتديكى ثابت اولان كيمسه به ولو توبه ايتمش اولسون قذف ايدن آدمه جلد لازمكلمز. زنا لفظيله قذف ايتكده شرطدر. زنانك غيرى باشقه الفاظ غليظه ايله مثلاً «فاسقسك» فاجرسك و كوتوبر آدمسك «ديمكله خلاصة البيان: اونجى — جلد ۱۹

سوكش اولسه جلد لازم اولماز، فقط تعزير شرعى لازمدر و تعزيرده حاكمك تقديرينه محولدر .

قذف ايدن كيمسه قذف ايتديكي آدمك زناسنى اثبات ايدرسه وياخود قذف اولونان آدم زناسنى اقرار ايدرسه قاذفدن حد شرعى ساقط اولور . چونكه حد قذف ؛ افترا كې سبيله اولاجغندن اثباته ويا اقرارله سوزنده صادق اولوب افترا ايتديكي تين ايتديكي جهنله حد ساقط اولور . قذف ايدن كوله ويا جاريه اولورسه اثبات ايدمه مدكلى صورتده سكرسان دكنكك نصفى اولان قرق دكنك وورولور .

بو آيتده طائفة نسوانه قذف چوق و قوعبولدينى جهنله نسوانه قذف ذكر اولونمش ايسه ده رجاله قذف اولونديغنده دخى حكم بويله در . مثلاً عفيف اولان بر رجله « سن زانى سك » ديهن كيمسه يه حد قذف لازمدر .

قذف ايدن كيمسه توبه ايتد كدنصكره شهادتك قبول اولونمى بمض علما بيان ايتملرسه ده امام اعظم عندنده اصلاً قبول اولونماز . زيرا ؛ جناب حق « ايداً قبول ايتمهيك » بيورمشدر .

اخرس اولان كيمسه نك اشارت معهوده سبيله قذفندن شافعى عندنده حد لازمكلور . حنفى عندنده لازمكلمز . زيرا ؛ شهادتن خالى دكلدر . شبه ايله حدود شرعيه مندفعدر . چونكه ؛ اشارتده سويله مك كې صراحت اولماديغندن قذف اولماق احتمالى حدك اجراسنه مانعدر .

فخر رازينك بيانى وجهله آيت كافرلرده شاملدر . بناء عليه ؛ كافر مسلمه قذف ايدرسه كافره حد لازمكلور . اما او آدم كافره قذف ايدرسه كافره حد لازمكلمز . زيرا ؛ كافرك كفرى سبيله احصان يوقدر . حدك لزومنده ايسه مقذوفك محصن اولمى شرطدر . پدرى اولادىنى قذف ايدرسه حد لازم كلز .

خلاصه ؛ اهل ايمانك جاني وعرضى تعرضدن سالم اولدينى كې ناموسى ده تعرضدن سالم اولدينى وبغير حق آخرك ناموسنه تعرض ايدن كيمسه يه جزا اولارق سكرسان دكنك وورولاجنى وشهادتلىنك ايداً قبول اولونمى جنى وفاسق اولمى سبيله حكم اولوناجنى بو آيتدن مستفاد اولان فوائد جمله سنددر .

واجب تعالى اجنبیه خاتونه قذفى و بو سورده ده بيان اولونان احكامدن اوچنجيسنى بيان كنصكره انسانك كندى زوجه سنى قذفك احكامنى بيانن عبارت اولان دردنجى حكمى بيان ايتك اوزره ﴿ وَالَّذِينَ يَزْمُونَ اَزْوَاجَهُمْ وَلَمْ يَكُنْ لَهُمْ شُهَدَاءُ اِلَّا اَنْفُسُهُمْ فَشَهَادَةُ اَحَدِهِمْ اَرْبَعُ شَهَادَاتٍ بِاللّٰهِ اِنَّهُ لَمِنَ الصّٰدِقِيْنَ * وَالْخَامِسَةُ اَنْ لَّعَنَتِ اللّٰهُ عَلَيْهِ اِنْ كَانَ مِنَ الْكَاذِبِيْنَ ﴾ بيوريور .

[شول كيمسه لركه كندى زوجه لرينه زنا اسناد ايدمه رك قذف ايتديلر . حالبوكه زوجه لر ينك زنا لرينه شاهد لرى ده يوق ، الا كنديلرى وار . آنلردن بريسنك شهادتى درت شهادتدر و كيفيت شهادتده شويله در : اولاً حضور حاكمده « اشهد بالله بن حرمة اسناد ايتديكم زناده طوغرى سويلر صادق قلردنم ، اسناد ايتديكم زناده يالانجى دكم » . درت دفعه بويله ديد كدنصكره بشنجى ده « اكر شو اسناد ايتديكم زناده يالان سويله ينلردن ايسه اللهم لعنتى بنم اوزريمه اولسون » دير .]

واجب تعالى زوجك بو منوال اوزره شهادتى بيتد كدنصكره زوجه نك شهادتى بيان ايتك اوزره ﴿ وَيَذَرُوا عَنْهَا الْعَذَابَ اَنْ تَشْهَدَ اَرْبَعَ شَهَادَاتٍ بِاللّٰهِ اِنَّهُ لَمِنَ الْكَاذِبِيْنَ * وَالْخَامِسَةَ اَنْ غَضَبَ اللّٰهُ عَلَيْهَا اِنْ كَانَ مِنَ الصّٰدِقِيْنَ ﴾ بيوريور .

[خاتونك درت كره شهادتى خاتوندن عذابى دفع ايدر و كيفيت شهادت شويله در : « اشهد بالله زوجم فلان بكا اسناد ايتديكى زناده يالان سويله ينلردنر . بن اسناد ايتديكى زنادن برى يم » . درت كره بويله ديد كدنصكره بشنجيسنده « اكر زوجم فلان بكا اسناد ايتديكى زناده طوغرى سويله ينلردن ايسه اللهم غضبى بنم اوزريمه اولسون » دير . بعده حاكم بينلر بنى تفريق ايدر .]

لسانه شمرعه بومرئال اوزره تفريقه ؛ لعان دينور . حرمتك زناسى اوزرينه زوجك

درد شاهدهى وارسه شاهد لرله اثبات ايدر لعانه حاجت قالماز . بناء عليه ؛ زوج حد قذفدن قورتولور و زوجه يده حد زنا اجرا اولونور . اكر شاهدهى اولماز سه آيتده بيان اولونديغى وجهله زوج درد دفعه حرمى فلانه يه اسناد ايتديكى زناده طوغرى سويلديكنه يمين ايدر . بشنجيده اكر يالان سويلرسه اللهم لعنتى كندى اوزرينه اولاجغنى بيان ايدر و بونكله حد قذفدن قورتولور . اكر زوجه ده بيان اولونديغى وجهله يمين ايدرسه حد زنادن قورتولور . اكر يميندن نكول ايدرسه حد شرعى اجرا اولونور .

امام اعظم عندنده زوج زوجه يه قذف ايدرسه لعان اجرا اولونور . اكر زوج لعاندى نكول ايدرسه حد شرعى اجرا اولونماز ، لعانى اجرا ايدنجيه قدر حبس اولونور . كذلك خاتون لعاندى نكول ايدرسه حد اولونماز ، بلكه لعان اجرا ايدنجيه قدر حبس اولونور . زيرا ؛ خاتونك نكولى اقرار عد اولونماز . شوخالده حدى ايجاب ايدن ايكي شى كه برى شهادت ديكرى اقرار در . خاتونك نكولنده هر ايكي سى ده اولما ديغندن حد شرعى جائز اولماز بيور مشر در .

امام شافعى عندنده لعانك حكى بشدر : زوج لعانى بيتيرنجيه حد مندفع اولور . خاتونك قارنده ولد وارسه ولدك نسبى نفي ايتمش اولور . زوجله زوجه بيتنده فرقت حاصل اولديغى كى ابدآ اجتماع ايدم مزلر . يكديكرينه حرمت ابدى ايله حرام اولور لر و زوجه اوزرينه حد واجب اولور . اكر لعان اجرا ايدرسه حد شرعيدن خلاص اولور اما امام اعظم عندنده زوج لعاندى نكولده نفسى تكذيب ايدرسه نكاح جديدله تكرار آلايلور و مجرد زوجك لعانيله تفريق وقوع بولماز ، حاكم تفريق ايدر و ياخود زوج طلاق ويرر .

فخر رازى و خازنك بيانلرينه نظراً آيت جليله نك سبب نزولى شويله در : انصاردين (عويمر) اسمنده بر ذات حرمك اوزرنده (شريك) اسمنده بر ذاتى كوردى . شاهد يوق نه ياپسون . عموجه زاده سى عاصمه كيفيت حالى آكلاتدى . رسول الله نيه ياقم لازمكله جكنى استفتا ايتمى رجا ايتدى . عاصم كلدى رسول الله اوسقى اورتولومسئله ي عرض ايتدى . رسول الله كرىه كوردى . عاصم اصرار ايتدى ، رسول الله سكوت بيوردى . عاصم كيدر (عويمر) . حالى سويلر . (عويمر) حضور رسالته كندى كلير عرض ايدر . رسول الله « يادرت شاهد كتيره جك سك و ياخود سكا حد قذف اجرا اولوناجق » بيورنجه (عويمر)

آياغه قالقار « يا رسول الله ! شاهد يوق ولكن سوزمده صادق ، افترا ايتيورم . جناب حق نى حدك اجرا سندن خلاص بيورسون » ديمسى اوزرينه بو آيتك نازل اولديغى مرويدر . بو آيت نازل اولونجه رسول الله حرمى كتيرمىنى امر ايتدى . (عويمر) حرمى كتيردى . صلات عصر ايچون اذان محمدى تلاوت اولوندى . ايكندى نمازى ادا اولوندى قندى نكول رسول الله عويمره « قالق آياق اوزرينه ، اللهدن قورق عمى زاده لريكه افترا ايتمه » ديدى . چونكه ؛ عويمرك حرمى (خوله) نك و زنا ايدن (شريك) رسول الله استفتايه كوندرديكى (عاصم) ك هب عموجه زاده اولدقلى مرويدر . عويمر آياق اوزرينه قالقار « بن الله شهادت ايدر ، يمين ايدرم . حرم خوله زانيه در . بن سوزمده صادق . زيرا ؛ شريكى بن قارنى اوزرنده كوردم . درد آيدر يقين اوليورم . قارنده چوجق وار بندن دكلدر » ديدى و آيتده بيان اولونديغى وجهله درد دفعه يمين و بشنجيده لعنت ايتدى . حرمى خوله نك ده عين يمينى اجرا ايتديكى مرويدر .

ابن عباس حصر تلرندن سبب نزول حقنده مروى اولان شويله در : قذف آيتى نازل اولونجه انصارك سيدى (سعد بن عباد) « بر كيمسه حرمك اوزرنده اجنبى بر كيمسه يي كورسه شاهد يوق ، شاهد كتيرمكه كيتسه زانى ايشى بيتيرر كيدر ، حرمه زانيه ديسه دكنك وار بونصل اولور » ديدى . رسول الله انصاره خطاباً « باقك سيد كز نه ديور » بيوردى . انصار « يا رسول الله ! رجل غيور در لوم ايتمه » ديديلر . سعد حضر تلرى ده « يا رسول الله ! بو حكم حقدر ، اللهدن بر بيليورم ولكن مشكل بر موقعده قالدق تعجب ايدىيورم » ديمسى اوزرينه مجلس طاغيلمقسز بن سعدك عموجه سى اوغلو (هلال بن اميه) كلير حرمك اوزرنده اجنبى بر رجل كوردى كنى حكايه ايدر . رسول الله حكايه سنى كرىه كورر . (هلال) « يا رسول الله ! حكايه مى كرىه كوردك . الله يمين ايدرم كه بن يالان سويلم ، مسئله واقعدر » دير . رسول الله « يابنه و ياخود سكا حد شرعى اجرا ايدم جكم » دينجه انصار جمع اولور و « سعدك ديدى كنه مبتلا اولدق » ديرلر . هلال ده « يا رسول الله ! بن طوغرى سويليورم اومارم كه الله تعالى بنم ايچون برايلك خلق ايدم جك » دير . رسول الله قذف آيتك احكامى اجرا ايتك ايچون حد شرعيله امرايتك اوزرينه ايكن بو آيت نازل اولور وهان (هلال) ايله حرمى آره سنده لعان اجرا اولونور .

واجب تعالى لعان آيتى انزال ايله قوللرينه فضل و احسانى بيان ايتك اوزره
﴿ وَلَوْلَا فَضْلُ اللَّهِ عَلَيْكُمْ وَرَحْمَتُهُ وَأَنَّ اللَّهَ تَوَّابٌ حَكِيمٌ ﴾ بيوريور .

[اكر اللهك فضل و احسانى و مرحمت و شفقتى سزك اوزريكزده اولمامش
اولسه ايدى سزك شهادت باطله كز و ايمان كاذبه كز سبيله اسرار كزى اظهارله سزى
رسواى ايدردى ولكن لطف و احسانيله سزه مساعده و مهلت ويرر كه متنبه اولوب توبه ايدده سكر
و شوراسنى بيلك كه الله تعالى توبه كزى قبول ايديجى و عموم افعالنده حكيمدر .] بناء عليه ؛
سزك متنبه اولمكز ايجون عقوبت كزى تعجيل بيورماز .

..

واجب تعالى بو سورده بيان اولونان احكامدن بشنجيسى بيان ايتك اوزره
﴿ إِنَّ الَّذِينَ جَاءُوا بِالْإِفْكِ عُصْبَةٌ مِنْكُمْ لَا تَحْسَبُوهُ شَرًّا لَّكُم بَلْ هُوَ خَيْرٌ
لَّكُمْ لِكُلِّ امْرِئٍ مِنْهُمْ مَا اكْتَسَبَ مِنَ الْإِثْمِ وَالَّذِي تَوَلَّى كِبْرَهُ مِنْهُمْ لَهُ عَذَابٌ
عَظِيمٌ ﴾ بيوريور .

[شول كيمسه لر كه افك و افترا ايله كلديلر ، آنلر سزدن برجماعتدر . اى
اوغرايان اهل ايمان ! افتراي سزه شر ظن ايتميك ، بلكه او افترا سزك حقكزده خير
محضدر . افترا ايدنلردن هر كيشى ايجون كناهدين كسب ايتديكى شى واردر . او كيمسه كه
آنلردن كبرى كندى حقندن اعراض ايتدردى و سوزك بويوكنى اشاعيه متولى اولدى .
آنك ايجون بويوك عذاب واردر .]

يعنى ؛ او كيمسه لر كه آنلر حضرت عائشه نك جلالت شانتى و علو قدرينى و كمال عصمتى
بيلدكلرى حالده عائشه رضى الله عنها حقنده بويوك افترا كيترنلر سزدن برجماعتدر .
اى افترا اولونان نبى معظم و ابوبكر و عائشه ! سزاftرايى حقكزده شر ظن ايتميك ،
بلكه حقكزده خير محضدر . چونكه ؛ او افترا سبيله اجر جزيله و ثواب عظيمه و خير
كثيره نائل اولديكز . طهارت و عفتكزده دلالت ايدن آيتلر نازل اولمقله قدريكز تعالى

ايتدى . بالذات او تهمتدن برائت كزى جناب حق اعلان ايتمكه حقكزده سوء ظن ايدنلر
رذيل و رسواى اولديلر . او افترا ايدن مفسدلردن هر بيرنك كناهدين كسب ايتدكلرى
جزالرى واردر و بالخاصه آنلردن كبر و غرورى حقندن اعراض ايتدردن و كلامك بويوكنى
تعهد ايدوب اشاعيه سنه متولى اولان (عبدالله بن ابى) و امثالى ايجون عذاب عظيم واردر .
بيضاوينك بياننه نظراً افترا ايدن جماعت له مراد ؛ (عبدالله بن ابى) ، (زبير بن عوف) ،
(مسلم بن ثابت) و (مسطح) و (حنه بنت جحش) و آنلره تابع اولانلردر . افترا حقنلرنده
خير اولانلر له مراد ؛ رسول الله ، ابوبكر و عائشه و عائشه راضيه و عائشه ابوبكردر . حقندن
اعراض ايدن و عذاب عظيمه تهديد اولنان ؛ (عبدالله بن ابى) در . چونكه ؛ رئيس منافقين
اولان (ابن ابى) رسول الله عداوتندن طولايى ابتداء اشاعيه سعى ايدن و افترايه جرأت
ايدوب خلق بيتنه سوز طاغيتان اودر .

عذاب عظيم ؛ دنيايه و آخرتده در . (ابن ابى) دنيايه مقهور و مطرود و نفاقله هر
كس عندنده مشهور قدر سز رذيل و رسواى ايدى و اكاتبعت ايدوب افترايى تصریح
ايدن (حسان) ك كوزلرى كور ، آللى چولاق اولدى . (عبدالله) ي و (حسان) له
(مسطح) ي و (حنه) ي آيتك نزولدنصكره رسول الله حدقذفله جلد ايتمشدر .
بيضاويده ، فخر رازيده و سائر تفاسيرده تفصيلاً بيان اولونديغى وجهله آيتك سبب
نزولى شويله در : رسول الله سفر مراد ايتديكنده ازواج مطهرات بيتنده قرعه امر ايددر .
مسافرت هانكيسنه اصابت ايدرسه رسول الله آنى آلير كوتورور . عادت وجهله سفرك
برنده قرعه حضرت عائشه به تصادف ايدوب برابرنده كوتور مشلردى . عودتلىرنده مدينه به
برقوناق قالدیغنده كيجهدن قافله قالقه جفته رسول الله ندا ايتدبرنجه حضرت عائشه قضاء
حاجته كيدر كلير و بويونى يوقلار كه بونجقدن معمول كردانلغى دوشمش . آياق يولنه كيتمش
اولديغى محله آنى آرامغه كيدرو كردانلغى آرامقله بر مدت وقت كچرو بولور . كلير كه قوناق برنده
كيمسه قالمامش . چونكه ؛ حضرت عائشه هنوز سنى اوافق اولوب خفيف الوجود اولديغندن
شوطوفه و دوه سنه مأمور اولان ذات شوطوفك ايجنده در ظنيله دوه ينى يوكلتير ، كيدر .
حضرت عائشه نك قالدیغنى كيمسه بيلمز . حضرت عائشه قوناق برنده كيمسه ينى بولاماينجه
بنم قافله دن قالدیغمه خبردار اولونجه بنى آرامغه كليرلر اميديله اوتورور ، اويقو غلبه ايدر

اويور . صباح كوش طوغار كن (صفوان بن معطل) كلير . حضرت عائشه بي بيلير و دوه سندن اينر حضرت عائشه بي دوه سنه بيلير آلير راحله نك آرقه سندن اولاشديرر . چونكه ؛ رسول اللهك سفرده عادتلري عسكرك برقوناق كيريسنده تفتيش ايتك و دوشنلري و قالانلري بولق و آلوب كنوروب صاحبه ويرمك ايجون بعض كيمسه لر تعيين ايدر . آنلر عسكرك كيريسندن كليرلردى و (صفوان) ده او جمله دن ايدى . (صفوان) حضرت عائشه بي كتيبرجه منافق لر اتهامه يول بولديلر و افك و افتراي اشاعيه باشلاديلر . ناس اوچ صنف اولدى : بر صنف ؛ اصلا اينانماز ردايدرلر . ديكر بر صنف ؛ اينانلر فقط سكوت ايدرلر . اوچنچي بر صنف ده همان اشاعه ايدرلر و مجلسلرده صراحت سويلرلردى . بو حال برآي قدر دوام ايتدى . رسول الله ، ابوبكر و حضرت عائشه ايشيتديلر چوق محزون و مكدر اولديلر . حتى حضرت عائشه كدرندن خسته اولوب چوق كوز ياشلري آقتمشدر . حضرت عائشه تاثيريني بيان صددنده « بن بري ايم ، جناب حقك بنى تبرئه ايدى جگنده اميد ايدردم و لكن بن نفسى غايت حقير كوردى كمدن بنم كهي حقيره وحي كلوبده متواتر اولارق الى يوم القيام براتم نص قرآنله ثابت اولاجنى اميد ايتردم . بناء عليه ؛ رسول الله رؤيا صورتيله تبرئتم بيان اولونسه ديردم . بو حال اوزره ايكن لطف و كرمندن جناب حق تبرئتم حقنده اون سكرز آيت ازاليله براتمى عالمه اعلان ايتدى . بنده الله حمد و ثنا و شكر لر ايتدم . دوستلر يمز مسرور ، دشمنلر يمز خائب و خاسر اولديلر ، بيورديني مرويدر . بو حالك افترا اولديغنى ، اشاعه ايدن منافقلرده بيليرلردى . چونكه ؛ انبياء عظام معصوم اولوب هر كسى طريق حقه سوقه مأمور اولدقلري جهتله آنلرك عائله لرنده ناسه نفرت ويره جك طبع سليمه مخالف هر كسك سوميه جكي برشى بولونمق حكمت بعثته منافى اولديغندن هر نبيك عائله سى بومثللو اتهاماتدن محفوظ و حمايه الهيه آلتنده بولونمشلردر . بناء عليه ؛ انبياء عظام حضرت آنك عائله لرندن نوح و لوط عليهم السلامك حرملري كهي كافره اولانلر واردر و لكن طبع بشرك استكراه ايدى جكي افعال قبيحه بي ايشله ينلر يوقدر .

*

*

واجب تعالى افك مسئله سنه اشارت ايتد كدنصكره افك قصه سنه قارشى مؤمنلرك آلاجنى وضعيتى و لازم اولان آدابى و مناسب اولان حالى بيان ايتك اوزره ﴿ لَوْلَا اِذْ

سَمِعْتُمُوهُ ظَنَّ الْمُؤْمِنُونَ وَالْمُؤْمِنَاتُ بِأَنفُسِهِمْ خَيْرًا وَقَالُوا هَذَا إِفْكٌ مُّبِينٌ ﴿

بيور ييور .

[اى] افك و افترايه اينانان كيمسه لر ؛ كاشكه سز حضرت عائشه رضى الله عنها حقنده افكى ايشيتديك كزده حسن ظن ايتسه كزده سؤ ظن ايتسه ايديكز . چونكه ؛ اركك وديشى جمله اهل ايمان كندى نفسلرينه و كندى نفسلري مقامنده اولان ديكر مؤمنلره حسن ظن و خير مأمول ايتديلر و ديديلر كه « شوسويله بن آجيق برافترادر ، سركده بويله ديمكز لازم ايدى . نه ايجون خير ظن ايتديكزده شره اينانديكز . » [يعنى ؛ مؤمنلره لايق اولان اخوان دينلرينه حسن ظن ايتك لازم اولوب طعن ايتكندن لسانلريني چكك و طعن ايدنلرك طعنلريني آنلردن منع ايتكدر شو حالده سز افكى ايشيتديك كز زمان نه ايجون بو آدابه رعايت ايدوبده آنلرك افترا لريني رد ايتديكز . مناسب اولان رد ايتلى ايديكز . زيرا ؛ مؤمن و مؤمنلر كندى نفسلرينه خير ظن ايتدكلري كهي ديكر مؤمنلره ده خير ظن ايتلى ايدى و خير ظن ايدن مؤمنلر بو افتراي ايشيدنجه « آجيقدن برافترادر » ديديلر . بناء عليه ؛ سزده ايشيدنجه « بو افترادر » ديملى ايديكز . چونكه ؛ حضرت عائشه نك طهارت طينتى و نجابت عصمتى افترا اولونمقندن اعلى و اكمل ايدى .

بيضاوينك بياني وجهله ايمانك اقتضاسى مؤمنه حسن ظن و خير مراد ايتك اولوب طعنندن اجتناب ايتك اولديغنه اشارت ايجون خطابدن غيبته و ضميردن اسم ظاهره عدول اولونمشدر . چونكه ؛ « ظن المؤمنون » بدلنده « ظنتم » دنيلسه كفايت ايدر كن ضميرى و خطابى تركله « ظن المؤمنون » ديمك ؛ ايمانك اخلاق حسنه بي اقتضا ايتديكفى بيان ايجوندر . زيرا ؛ مؤمن لفظنك افاده ايتديكي معنائى ضمير افاده ايدى مزر .

آيت جليله فخر رازينك بياني وجهله افترايه اينانان مؤمنلري توبيخ ايجون سوق اولونمشدر . زيرا ؛ مؤمن آناسه قذف ايتمز . حضرت عائشه مؤمنلرك آناسى اولديغنى نصله ثابتدر . شو حالده حضرت عائشه بي طعن و الدهلرينه طعن ديمكدر . چونكه ؛ برامتك ييغمبرى اوامتك باباسى اولديغنى كهي او ييغمبرك حرمى ده اوامتك آناسى اولوب احاد امته تكاح بيله جائز اولما ديني (سورة احزاب) ده كله جكدر .

بوآيت؛ مؤمنلك شخص واحد منزله سنده اولديغنه دلالت ايدر . زيرا « مؤمنلر كندى نفسلرينه خير ظن ايدرلر » ديمك « آخر مؤمنه خير ظن ايتلر ده كندى نفسلرينه ظنلر . چونكه ؛ جمله مؤمنلر نفس واحد كي » ديمكدر . بناء عليه ؛ وجوددن برعضوه اصابت ايدن آغريدن هر عضو الملهنديكي كي بر مؤمنه اصابت ايدن المدين هيسي الملهتمك لازم اولديغنه اشارت اولونمشدر . شوخالده مؤمنلر بيتنده حسن معاشرته آيت جليلهده نه قدر على برتنيه واردر .

واجب تعالى افك مسئلهسى تصديق ايدنلرى توبىخ ايتد كدنصكره تصديق ايدنلرى وبومثللو افترايه قولاق آسانلرى منع ايتك اوزره ﴿لَوْ لَا جَاؤُ عَلَيْهِ بِآرَبَةٍ شَهَادَةٍ فَإِذْ لَمْ يَأْتُوا بِالشَّهَادَةِ فَأُولَئِكَ عِنْدَ اللَّهِ هُمُ الْكَاذِبُونَ﴾ بيوريور .

[افترا ايدنلر افترا لرى اوزرينه درت شاهد كيتيرمش اولسه لردى ، حالبوكه كيتيره مديلر . درت شاهد كيتروب دعوالرينى اثبات ايدمه نيجه عندالله آنلر آنجق يالانجيلردر . زيرا ؛ يالاندن باشقه برشى كيتيرمه مشلردر . بناء عليه ؛ جناب حق آنلرى يالانلرينه كوره مجازات ايدر .]

يعنى ؛ افك وافترا ايدنلر دعوالرينى اثبات ايتك لازم ايدى . اثبات ايدمه نيجه عندالله كاذبلردر . چونكه ؛ دعوايه بينه لازمدر . بينه سز دعوايه اعتبار يوقدر . بناء عليه ؛ حضرت عائشه يه افترايه جرأت ايدنلك دعوالرى مردوددر . زيرا ؛ بينه ايله اثبات ايدمه مديلر .

﴿لَوْ لَا فَضَّلَ اللَّهُ عَلَيْكُمْ وَرَحْمَتُهُ فِي الدُّنْيَا وَالْآخِرَةِ لَمَسَّكُمْ فِي مَا أَفَضْتُمْ فِيهِ عَذَابٌ عَظِيمٌ﴾

[اكر سزك اوزريكزه اللهك فضلى وديناده و آخرته رحمتى اولماش اولسه ايدى سزك خلق آره سنه اشاعه ايتمش اولديغكز افترا لريكزه سزى عذاب عظيم مس

ايدروهر جهتكزى احاطه ايدردى ولكن اللهك لطفى سزك اوزريكزه فيضان ايلديكندن جناب حق سزك عقوبتكزى تاخير ايتدى و آخرته سزك اوزريكزه مرحمتى اولسه ايدى شو جرأت ايتديككز افك وافترا كز اوزرينه توبه كزى قبول ايتمز ، سزى بويوك عذاب احاطه ايدردى . [چونكه ؛ جرأت ايتديككز جنابتكز بويوكدر . البته آنك عذابى ده بويوك اولوردى .

تفسير خارنده بيان اولوندينى وجهله بوآيتده فضل الهى ايله مراد ؛ عذابك تاخير بده بويوك قبوليور . اكر فضل الهى اولماش اولسه ايدى افترا ايدنلر ديناده و آخرته خائب وخاسر اولورلردى .

﴿إِذْ تَلَقَّوْنَهُ بِالسِّنِّتِمْ وَتَقُولُونَ بَاقُوا هَٰكُم مَّا لَيْسَ لَكُمْ بِهِ عِلْمٌ وَتَحْسَبُونَهُ مِنَّا وَهَوْ عِنْدَ اللَّهِ عَظِيمٌ﴾

[سز بربريكزه ملاقى اولوب لسانكزله اوافك وافترايى يكديكريكزدن تلقى ايدوب قبول ايتديككزده عذاب سزى احاطه ايدردى وسزك ايچون اصلا علم اوليان شيئى آغزيكزله سويليورديكز . حالبوكه قلسكزده اووقعه نك صحنه دائر اصلا برشى يوقدى . ملكه صرف جهل وتخمين اوزره سويليورديكز وسويلديككز زمانده سز آنى قولاي برشى وآنك اوزرينه عذاب ترتيب ايتمز ظن ايديورديكز . حالبوكه سزك جرأت ايتديككز افك وافترا الله تعالى عننده يك بويوكدر . [زيرا ؛ عذابى وعضي موجبدر . سزك قلسكز كي دكلدر . سز كناه دكل ظن ايديورديكز ، حالبوكه بويوك كناهدر . چونكه ؛ احاد ناسه افترا انواع عذابى موجب اولونجه خواص ناسه وبالخاصه ازواج مطهراتدن برينه افترا دها بويوك عذابلرى موجب اولاجنى اولويتله ثابتدر .

عذابك افترا ايدنلرى مس ايتمى قاضينك وفخر رازينك بيانى وجهله بوآيتده اوچ شيئى تعليق اولونمشدر . برنجيسى ، لسانلر بربرلر مده تلقى ايتك ، ايكنجيسى ؛ يقيناً بيلمكلى شيئى بربرلر ، اوچنجيسى ؛ سويلر دكلرى بويوك كناهى خفيف عذابكدر . بونك هراوچى ده عذابى موجبدر . چونكه ؛ اصلى اولمايان برشيئى ديكله يوب آنى اخذ ايتك وصحنه علمى

اولمايان برشيئي باشقه سنه سويله مك و كناه اولان برشيئي استخفاف ايتك جائز اولماز. جائز اولمايان برشيئي جائز كي ايشله مك البته عذابي موجبدر .

خلاصه ؛ قذفك كناه كيره دن اولديني وبويوك معصيتي ايشله ين كيمسه نك كوچوك ظن ايتميه تبدل ايتمه جيكي ومكلف اوزرينه واجب اولان هر حرامي بويوك عد ايتمي اولديني بوآيتدن مستفاد اولان فوائد جمله سندندر .

﴿وَلَوْ لَا إِذْ سَمِعْتُمُوهُ قُلْتُمْ مَا يَكُونُ لَنَا أَنْ نَتَكَلَّمَ بِهَذَا سُبْحَانَكَ هَذَا بُهْتَانٌ عَظِيمٌ﴾

[سز شوافتراي ايشيديك كزده «بزم ايجون شوسويله ن سوزي وبونك امثالي سويله مك صحيح اولماز، نه عجائب و غرائب تصادف ايديورز. ياربي ! سني نقائصدن تنزيه ايتمه كه تنزيه ايدرز كه شو سويله ن سوز واقعك خلافي بويوك برهتاندز . ديمش اولسه ايديكز يك خبرلي اولوردى . ديديكز مي؟] مؤمنه لايق اولان بو كي افتراي ايشيتير ايشيتير اللهه تسبيحه افترا اولديغني بيان ايتمكدز . زيرا ؛ شوبهتاني ايشيدن كيمسه نك وجودي تيرمه مسمي وقولاغني اضطرابه دوشمه مسمي وعقولك حيرت ايتمه مسمي ممكن اولماز. حتي اشاعه سنه سعي ايدن منافقلك دخي طرف الهيدن وجودلرينه سويلر كن لرزه عارض اولماسي ممكن دكلدر . البته قلبي تيرر ولكن ينه سويلر .

بوني ايشيدن مؤمنلك بوني ديكله مكدن وسويله مكدن امتناع ايتلمري واجب اولديغنه بوآيت دلالت ايدر . چونكه ؛ فخر رازينك بياني وجهله بوبله شيلردن احترازي ايجاب ايدن عقل و دين آنلرده موجود اولديني كي بوسوزك رسول اللهه اذا اولديغني و رسول اللهه اذانك باب الهيدن طردلرينه سبب اولاجغني بيلورلردى . بوسوزده فائده اولمايغني كي ضرر محقق ايدى . عاقل اولان كيمسه نك هر زمان ضرردن نفسني وقايه ايتمي واجبدى . مع هذا هيچ بر ضرر يوق فرض اولونسه بيله بهوده تضبيع اوقاتدر . عاقل هيچ بر زمانده وقتي ضايع ايتمز وناسك محاسني سويله مك و قبايحي ستر ايتك اخلاق الهيه دندر . عاقل ايجون اخلاق الهيه ايله تخلق ايتك واجبدز . بناء عليه ؛ شو بيان اولونان وجوهك جمله سي بومثللو افترايه تبعيتدن احتراز لازم اولديغني اثبات ايدر .

زوجه رسول اللهه افترا جمله افتراك فوقنده اولديغنه اشارت ايجون واجب تعالى بوخبري ايشيدنلك تسبيحه مسارعت ايتلمري مناسب اولديغني بيان بيوردى . چونكه ؛ امور عظيمه و غريبه بي كورديكند انسانك تسبيح ايتك عادتيدر و بو افتراك تعجبه شايان برامر عجيب اولديغني بيان اولديني كي زوجه نيتك فنا برشي ايشله مش اولمسندن وشو مفتريلرك ظلملرينه راضي اولمسندن جناب حق تنزيه واجب اولديغنه بوآيت دلالت ايدر . چونكه ؛ بيضاوينك بياني وجهله كناهك عظمتي تعلقه نسبتله اولچولديكندن بوراده بهتان اولونان ذاتك عظمتي نسبتده كناهك بويوك اولديني بيان اولونمشدر .

**

واجب تعالى شوافترايه قولاق طوتانلك آداني ار كله واقع اولان قصورلردن بشي ذكر دنصكره التنجيسي ذكر ايتك اوزره ﴿يَعْظُمُ اللَّهُ أَنْ تَعُودُوا لِمِثْلِهِ أَبَدًا

إِنْ كُنْتُمْ مُؤْمِنِينَ﴾ وَيُبينُ اللَّهُ لَكُمْ الْآيَاتِ وَاللَّهُ عليمٌ حكيمٌ ﴿بيوريور . [الله تعالى سزه وعظ ايدر كه بومثللو مفترياته ابدأ بردها عودت ايتمه سكر . اكر مؤمنلر سكه كز الله تعالى سزه ، قدرته و شرايعه و آداب حسنه يه دلالت ايدن آيتلريني بيان ايدر كه سز متصح اوله و تأدب ايدمه سكر . زيرا ؛ الله تعالى سزك قبليريكزده اولان كزلي شيلري وبومثللو افتراي ايجاد ايدنلري بيليجي وجهله افعالي ، حكمتدن خالي اولمايغني كي عائشه نك برائيله ده حكم ايديجيدر .]

يعني ؛ اكر مؤمن ايسه كز بو مثللو بهتانه عودت ايتمكدن منع ايتك ايجون الله تعالى سزه وعظ ايدر . چونكه ؛ مفترياته عودتكزي الله تعالى كربه كورور و قبايحه دلالت ايدن آيتلري سزه بيان ايدر . زيرا ؛ هرشيئي بيلير و تدبيرى حكمتدن خالي دكلدر . چونكه ؛ حكيمدر .

بيضاوينك بياني وجهله «مؤمن ايسه كز بوبله شينه بردها عودت ايتمه مكر ايجون الله تعالى سزه وعظ ايدر» ديمك مؤمنلك طوتدقلى ايشي باشلرينه وورمقدز . بومثللو مفترياتي سويله ين ايله ديكله يوبده انكار ايتمه نك ايكي سده جزاده مساوى اولدقلى فخر رازينك جمله بيانانسندر . چونكه معصيته رضا ؛ عين معصيتدر .

﴿ إِنَّ الَّذِينَ يُحِبُّونَ أَنْ تَشِيعَ الْفَاحِشَةُ فِي الَّذِينَ آمَنُوا لَهُمْ عَذَابٌ أَلِيمٌ فِي الدُّنْيَا وَالْآخِرَةِ وَاللَّهُ يَعْلَمُ وَأَنْتُمْ لَا تَعْلَمُونَ ﴾

[شول كيمسه لره كه آنلر مؤمنلر حقنده کوتو شيلري وزنا كي هر كسك نفرت ايدو چكي بداخلاقي ناس بيننده نشر ايدوب طاغيتمغه محبت ايدرلر. آنلر ايجون دنيا ده حد شرعي و آخرتده عذاب جهنم واردر كه كرك دنيا ده و كرك آخرتده عذابلري الم ويريجي در. الله تعالى آنلرك يالانلريني وعائشه رضي الله عنهانك برائتي بيلير. حالو كه سز بيلمور سكرز و بيلمديككرز حالده افترا ايدور سكرز.]

بو آيت؛ بر كيمسه فنا برسوزي طاغيتمسه ولكن طاغيديغه محبت ايتسه و طاغلمسه مسرور اولسه كناهده طاغيانلرله برابر اولديغه دلالت ايتديكي كي اهل افكك اظهار ايتلري اوزرينه فصل عقوبت اولاجق ايسه مؤمنلر آره سنه فنا سوزك طاغلمسه قلدلرنده محبت اولانلره دخي عين عقوبت اولاجغه دلالت ايدر. بناء عليه؛ بر كيمسه نك مؤمنلر ك اعضاء جوارحندين اذا كورميوب سالم اولملري لازم اولديني كي قلدندن ده اذا كورميوب سالم اولملري لازمدر.

فخر رازينك بياني وجهله بو آيت شو بيان اولونان صفت اوزره اولان هر شخصه شاملدر. كرچه سبب نزول اهل افكك حاللري ايسده لفظك عمومي اعتباريله بوصفي حاز اولانلر كله سنه شاملدر. عذاب دنيا ايله مراد؛ هر شرعي در. عذاب آخرتده قبر عذابده داخل اولسه كر كدر. كناه عظيم اوزرينه عزم ايدوب قلدنده يرلشديرديكسنده دخي كناه اولاجغه آيت دلالت ايدر. چونكه؛ فاحشه نك اشاعه سنه محبت قلدنده اولديني حالده جناب حق عذاب ايله سبب اولاجغني بيان بيورمسي قلدنده ايشله نمسي قصد اولونان سائر كناهلر كده حكمي بويله اولديغه دلالت واضحه ايله دلالت ايدر.

﴿ وَلَوْ لَا فَضْلُ اللَّهِ عَلَيْكُمْ وَرَحْمَتُهُ وَأَنَّ اللَّهَ رَؤُوفٌ رَحِيمٌ ﴾

[اكر سرك اوزريكزه الهك فضلي ورحتي اولسه ايدى هلاك اولورديكز ولكن الله تعالى قوللريني اسير كه ييجي و مرحمت بيوريجيدر.]

يعني؛ اكر سرك اوزريكزه توبه قابوللريني آچمله و ايشله ديككرز قصورلريكزي عفو ايتمكه الهك رحمتي اولمامش اولسه ايدى عقوبتكزي تعجيل ايتمكه سزي رسواي ايدر و قلدكرده كيزله ديككرز شيلري اظهار ايدردي. الله تعالى قصورلريكزي عفو له اسير كه ييجي و توبه لريكزي قبولله مرحمت بيوريجيدر.

بيضاو نك بياني وجهله جرمك عظمتنه قارشى جناب حقك لطفي بك بويوك اولديغه اشارت و تأكيد ايجون آيت تكرار ذكر اولونمشدر.

واجب تعالى اهل افكك معاصيلريني بيانديككره بو مثللو معاصينك صدوري شيطانه متابعتله اولديغندن شيطانه تبعيتدن نهى ايتك اوزره ﴿ يَا أَيُّهَا الَّذِينَ آمَنُوا لَا تَتَّبِعُوا خُطُوَاتِ الشَّيْطَانِ وَمَنْ يَتَّبِعْ خُطُوَاتِ الشَّيْطَانِ فَإِنَّهُ يَأْمُرُ بِالْفَحْشَاءِ وَالْمُنْكَرِ ﴾ بيوريجيور.

[اي] اللهك وحدانيتنه ايمان و رسولنك رسالتني تصديق ايدن مؤمنلر! شيطانك مسلكنه تبعيت ايتميك. اكر بر كيمسه شيطانك اثرينه اتباع ايدرسه ضلالتده اولور. زيرا شيطان؛ عقلاً و شرعاً قبيح و مروتى مغل اولان منكراته امر ايدر و امرينه تبعيت ايدن و وسوسه سنه آلدانلر البته فحشا و منكراته ده تبعيت ايدو جكلرندين البته ضلالتني اختيار ايتمش اولورلر.]

يعني؛ اي مؤمنلر! اهل افكك شيطانه تبعيت ايتدكلري كي سزده شيطانك حيله و دسائسه تبعيت ايتميك. اكر بر كيمسه شيطانك اثرينه اتباع ايدرسه شيطان آني اضلال ايدر. زيرا شيطان؛ دائماً انسانه كوتوك و منكرانه ايدر.

بو آيتده هر نه قدر مؤمنلر ذكر اولونمش ايسده نهيدن مقصد؛ عموم مكلفيندر. زيرا؛ شيطانه اتباعدن جمله انسانلر ممنوعدر. چونكه شيطان؛ بالعموم انسانلره دشمندر. شو حالده بالعموم انسانلر شيطانك وسوسه سنه آلدانمايوب شردن هر زمان استعاذه ايتلري لازم اولديغني جناب حق بو آيتله قوللرينه توصيه بيورمشدر.

﴿ وَلَوْ لَا فَضْلُ اللَّهِ عَلَيْكُمْ وَرَحْمَتُهُ مَا زَكَا مِنْكُمْ مِنْ أَحَدٍ أَبَدًا وَلَكِنَّ اللَّهَ يُزَكِّي مَنْ يَشَاءُ وَاللَّهُ سَمِيعٌ عَلِيمٌ ﴾

[اگر سزك اوزريكزه اللهك فضلى ورحمى اولمامش اولسه ايدى سزدن هيچ برکيمسه يى الله تعالى كنهادن تطهير ايتمز و شيطانك شرندين ابدآ خلاص اولامازدى ولكن الله تعالى توبه يه توفيق ايتك و كنهالرى ازاله ايدن حدودى مشروع قيلمقله ديله ديكي قولنى شيطانك شرندين خلاص ايدر . زيرا ؛ الله تعالى قوللرينك سوزينى ايشيتير واحوالنى بيلير .] شو حالده قوللرايچون جناب حقه قارشى معصيتدن احتراز ايتك لازمدر .
يعنى ؛ اللهك فضل واحسانى اولسه ايدى سزدن هيچ برکيمسه ابدآ شيطانك شرندين قورتولاماز و كنهادن تميزله نه مزدى و لكن الله تعالى ديله ديكي قولنى شيطانك شرندين تطهير ايدر .

**

واجب تعالى اهل افكى تأديب ايتد كدنصكره ابو بكر حضرتلرينك اهل افتردان بعض كيمسه لره نفقه ويرمه مسنه دائر يامش اولدينى يمينك مناسب اولماديغنى بيان ايتك اوزره ﴿ وَلَا يَأْتَلِ أُولُوا الْفَضْلِ مِنْكُمْ وَالسَّعَةِ أَنْ يُؤْتُوا أُولَى الْقُرْبَىٰ وَالْمَسَاكِينَ وَالْمُهَاجِرِينَ فِي سَبِيلِ اللَّهِ وَلْيَعْفُوا وَلْيَصْفَحُوا أَلَا تُحِبُّونَ أَنْ يَغْفِرَ اللَّهُ لَكُمْ وَاللَّهُ غَفُورٌ رَحِيمٌ ﴾ بيوريور .

[سزدن امور دينده فضيلت و امور دنياه اموالدين وسعت صاحبي اولانلر اقربا وتعلقاته وفقرابه وهجرت ايدنلره فى سبيل الله نفقه ويرميه جكنه واحسان ايتمه جكنه يمين ايتسونلر . او فقرادن واقع اولان قصورى عفو له آنلره عقوبت ايتمكدن اعراض ايتسونلر . سز اللهك مغفرت ايتمسه محبت ايتزميسكزه ؟ آنلرك قصورى عفو كز سبيله الله تعالى سزى مغفرت بيوريجي وسزك احسانكز سبيله سزه مرحمت ايديجيدر .]

يعنى ؛ اهل احسان احساننده دوام ايتلى وامور دينده علم وعرفان واجر ومثوبات وفضل واحسان وامر دنياه بوللق صاحبي اولانلر اقربالردن وسائر فقرادن ومهاجرين كرامدن محتاج اولانلره احسان ايتمه جكنه دائر يمين ايتمه مليدرلر ومحتاج اولانلردن واقع اولان قصوره عفو له آنلره اذادن واز كچمليدرلر . اللهك سزه مغفرت ايتمسه محبت ايتزميسكزه كه احسان ايتمه جكنكزه يمين ايدرسكز . حالبوكه سزك عفو كز اوزرينه الله تعالى سزى مغفرت و آنلره احسانكز سبيله سزه احسان ايدر . ﴿ وَلَا يَأْتَلِ ﴾ (ولا يحلف) يعنى « يمين ايتسون » ديمكدر .

قاضى ، فخر رازى ، طبرى وخازنك بيانلرينه نظراً آيت جليله ؛ ابو بكر رضى الله تعالى عنه افنديمز حضرتلرى حقنده نازل اولمشدر . چونكه ؛ ابو بكر ك تيزه زاده سى ومهاجرينك فقراسى وبدر وقعه سنه حاضر اولانلردن (مسطح) حضرتلرى عائشه رضى الله عنها حقنده واقع اولان افك وافترايه اشتراك ايتمش وافك وقعه سى سويله بن بعض محله كولد يكدن جناب حق بالذات قرآنده عائشه عفيفه رضى الله تعالى عنها بن سويله بن كفتك كونك جمله سندن برى اولديغنى بيان بيورنجه ابو بكر رضى الله تعالى عنه افنديمز حال صباوتند نبرى احتياجه بناء انعام واحسان ايتمش اولدينى تيزه زاده سى مسطحك افك مسئله سنه اشتراك كندن كو جنمش اولدينى جهته بردها مسطحه وعائله سنه نفقه ويرميه جكنه يمين ايتدى . مسطحه وعائله سنه « قالك كيدك بنم خانه مدن ، بوندنصكره بن سزدن دكم سزده بندن دكلسكز » ديدى . مسطح بعض عذر بيان ايدرك اعتذار ايتمش سده عذرى قبول ايتدى . آنلر خانه ابو بكر دن ما يوساً چيقوب كيتديلر . فقط كيده جك يرلرى ده اولماديغندن سوقاق اورتاسنده ميدانده قالملى اوزرينه الله تعالى بوآتى انزال بيوردى . رسول الله ابو بكرى حضورينه جليله نهى الهى يى كندينه تبليغ ايدنجه ابو بكر رضى الله تعالى عنه تكبير آيى ومسرور اولور ودر حال خانه سعادتته عوت ايدر مسطحى ومسطحك جماعتنى چاغيرير و « اللهك انزال ايتدىكى احكامى على الرأس والعين قبول ايتدم . بنم سزى طرد ايتديكم الله تعالى نك سزه غضب ايتدىكى زمانده ايدى . اما الله تعالى سزك قصور كزى عفو ايدنجه مرحبا بكم اولكى كى ييك وايچك و بنم خانه مه كلك بن سزه اولكندن زياده احسان ايده جكم » ديدى .

آيت جليله ابوبكر حضرتلرينك امور دينده فضيلته وانياد نصكره افضل ناس اولديغنه دلالت ايدر . زيرا ؛ بو آيتده واجب تعالى ابو بكر ك فضيلتي مقام مدحه بيان و جمع صيغه سيله اراد بيورمسي علو شأنه و مرتبه عيلاسه دلالت ايدر .
بر كيمسه بر شينه يمين ايتديكنده او يمين ايتديكي شيك خلافي خيري كورورسه او خيري كوردكي شيئي ايشله يوب يميندن كفارت و برمسي لازم اولديغنه آيت جليله ده دلالت واردر . چونكه ؛ حضرت ابوبكر اتفاق ايمه مك اوزره يمين ايتمشكن جناب حق يميندن نهى و نهيك ضمنتده اتفاقله امر ايتمشدر . چونكه بر شيدن نهى ؛ اوشيك ضديله امردر .

بو آيتده ابوبكر ك الله تعالى به تعظيمه و ابناء جنسهنه شفقت و مرحمتنه دلالت واردر . شوالده انسان ايچون لازم اولان الله ايله و خلق ايله معامله سنك درست اولسيدر . ابوبكرده بونك ايكي سي ده موجوددر كه الله تعالى ثنا بيورمشدر .

**

واجب تعالى ابوبكري يميندن نهى ايتد كدنصكره فعل فاحشدن برى طائفة نسوانه زنا اسناد ايدنلرك دنيا ده و آخرته ملعون اولاجقلىرني بيان ايتك اوزره ﴿ إِنَّ الَّذِينَ يَزْمُونَ الْمُحْصَنَاتِ الْغَافِلَاتِ الْمُؤْمِنَاتِ لُعِنُوا فِي الدُّنْيَا وَالْآخِرَةِ وَلَهُمْ عَذَابٌ عَظِيمٌ ﴾ يَوْمَ تُشْهَدُ عَلَيْهِمْ أَلْسِنَتُهُمْ وَأَيْدِيهِمْ وَبِمَا كَانُوا يَعْمَلُونَ ﴿

بيوربيور .

[شول كيمسه لرك محصنه و عفيفه و حدود التهيبي محافظه ايدوب اسناد اولونان زنادن بالكلية غافل و برى اولوب جناب حق تصديق و احكامنه ايمان ايتمش اولان خاتونلره زنا اسناد ايدرلر . آنلر عفيفه اولان خاتونلرك ناموسلرينه افترا ايتدكلري ايچون دنيا ده و آخرته دركاه الوهيتدن طرد اولونمشدر و شول كونده آنلرك عمللري ايله ، لسانلري و آللري و آياقلىرلي عليهلرينه شهادت ايدر كه او كونده آنلر ايچون بويوك عذاب واردر .] زيرا ؛ جنائتلري غايت بويوك اولديغندن عذابلري ده بويوكدر . چونكه ؛ دنيا ده حد قذف اجرا اولونمق

و شهادتلى قبول اولونماق و مؤمنلر طرفندن منفور اولق مثللو عذابلر اولديغني كي آخرته ده انواع عذابه دوچار اولاجقلىردر . آنجق بو آيت جليله توبه ايمه يوب مصر اولانلر حقنده در . توبه ايدنلر بولغندن مستنادرلر .

بعض مفسرين بو آيت ؛ حضرت عائشه رضى الله تعالى عنهايه افترا ايدنلره مخصوصدر ديمشلسه ده اكثر مفسرين و اصولين ايتك عموم عفيفه اولان قادينلره افترا ايدنلره شامل اولديغني بيان و التزام ايتمشلردر . گرچه ازواج مطهراتك مرتبه لرينه نظراً آنلره افترا البته ديكر لرندن ده بويوك جنائت ايسه ده بو ايتك الفاظي عامدر . بناء عليه ؛ بالعموم زنا ايله افترا ايدنلره شاملدر .

اول كونده جنائت صاحبلري جنائتلريني انكار ايدنجه الله تعالى آنلرك لسانلريله صدور ايدن افترا و سائر معاصيلريني لسانلرينه و شرعك خلافي آلرندن صدور ايدن كناهلري آلرينه و آياقلىرندن صدور ايدن كناهلري آياقلىرينه سويله ته جك قدرت ويرر و هر نه عمل ايتديلر سه اعضاء جوارحلىر شهادت ايدر . ياخود اعضاء جوارحك شهادتي ؛ قاضى و بيضاوينك بياني وجهله هر اعضاده دنيا ده صدور ايدنه كناهلك اثرى او اعضا لر اوزرنده ظهور ايتميسير كه اعضالك شهادت لرنده عذابك شدتي تزييد واردر .

﴿ يَوْمَ مَنَعُ اللَّهُ دِينَهُمُ الْحَقَّ وَيَعْلَمُونَ أَنَّ اللَّهَ هُوَ الْحَقُّ الْمُبِينُ ﴾

[ذكر ايت حبيب ! شول كوني كه او كونده الله تعالى آنلرك عمللرينك جزاسني تماماً ويرر و مستحق اولدقلىر جزادن اصلا زياده و نقصان اولماز . بناء عليه ؛ عمللرينك استحقاق نه مقدار ايسه او مقدار ويرر و آنلرده الله تعالى نك الوهيتي ظاهر و ثابت و باقى اولديغني بيليرلر .] چونكه ؛ معامله الهيه ده جاده استقامتدن و عدالت حقيقيه دن اصلا انحراف اولما ديغني كورونجه الله تعالى نك حق اولديغني تصديقه مجبور اولورلر و لكن بو تصديقلري آنلره فائده ايتمز . زيرا ؛ تصديقك محلي دنيا در آخرت دكلدر .

**

واجب تعالى اهل افكك بعض حاللريني بيان دكنصكره بعض آخري بيان ايتك اوزره

﴿ اَلْخَبِيثَاتُ لِلْخَبِيثِينَ وَالْخَبِيثُونَ لِلْخَبِيثَاتِ وَالطَّيِّبَاتُ لِلطَّيِّبِينَ وَالطَّيِّبُونَ لِلطَّيِّبَاتِ اُولٰٓئِكَ مُبَرَّءُونَ مِمَّا يَقُولُونَ لَهُمْ مَغْفِرَةٌ وَرِزْقٌ كَرِيمٌ ﴾ بيوريور .
[طائفة نسواندن انواع رذالتله مطعون وجاده سلامتدن آيرلش اولانلر رجالدن انواع رذالتى اختيار ايدنلر ايجوندنر . زيرا ؛ بومثللو خباثتى ارتكابه آنلرى كنديلرينه مناسب وكفو اولانلر اختيار وتزوج ايدر ، بوقسه عفيف وناموسلى كيمسهلر طهارتدن خالى اولانلرى تزوج ايتزلر ورجالدن خيىث اولانلر نسواندن خيىث اولانلر ايجوندنر . چونكه ؛ مصاحبت امتزاج وحكمت الهيه اقتضاسى هر كس كندى نظيرينى بولا جقدر . زيرا ؛ هر كس امثالى بولمازسه اضطرابدن خالى اولاماز . كذلك طائفة نسواندن طاهره وعفيفه وفواحشدن صاقينانلر كنديلرى مثللو عفيف رجاللر ايجوندنر . وعفيف رجاللر كندى امثاللى عفيف نسوان ايجوندنرلر . ايشته انواع رذالتدن طاهر وپاك اولانلر اهل افترانك ديدكلرى سوزلردن برى وپاك وطاهر درلر . بناء عليه ؛ آنلر ايجون مغفرت عظيمه وكوزل رزق واردركه جنت اعلاده اورزقله دائما تلذذ ايدرلر .]

(اولئك) طيب وطاهر اولانلره اشارت اولدينى جهته ازواج مطهراتك رسول اللهله برابر جتته اولاجقلىنه اشارت وآنلرى تبشيدر . چونكه ؛ ازواج مطهراتدن زياته طيبه ورسول اللهدن دها زياته طيب اولاماز وطيب اولانلر ايجون مغفرت ورزق كريم وعد اولونديقتدن ازواج مطهرانه رزق كريم وعد اولونمشدر . رزق كريم جتته اولاجنى جهته ازواج نجيه جنت وعد اولونمش ديمكدر .

شومعنا آيتده خيىث لفظى زانى و طيب لفظى عفيف معنانه اولديغه نظر آدر . اما خيىث ؛ كلام فاصه و طيب ؛ كوزل سوز معنانه اولديغه نظراً معنای آيت : [افك وافترا وكوتو سوز وفاحش كلام اركاك وديشى زنا ايله مألوف اولان كيمسهلره لايقدر ، آنلر حقتده سويله نور . اما عفت وطهارت ومدح و ثنا وكوزل كلام زنادن پاك و طيب اولان كيمسهلره لايق اولديقتدن آنلر حقتده كوزل سويله مليدر . زيرا كوزل سوز ؛ تميز كيمسهيه ياقيشور [ديمكدر . ياخود] خيىث سوز سويله مك خيىث كيمسهلره و طيب

سوز سويله مك طيب كيمسهلره ياقيشور [ديمكدر . شو حلاله غليظ سوز سويله مك شرعاً چيركين اولديغه بو آيت دلالت ايدر . بناء عليه ؛ مؤمن اولان دائما لساتى كوزل سوزلره آليشدير مق آداب انسانيه وشرعيه جمله سندندر . چونكه مردار سوز ؛ تميز آغزه ياقيشماز . تفسير خازنده بيان اولونديغه نظراً بو آيت جليله حضرت عائشه رضى الله عنهايه قذف ايدنلرى ذم ايجوندنر . چونكه ؛ حضرت عائشه طيبه و منافقلىك سوزلردن پاك و نزيه اولديقتدن سوزك اك اعلاسى آكا لايقدر . خيىثلردن صدور ايدن خيىث سوزلر شان عائشهيه لايق دكلدر .

بيضاوينك بياني وجهله جناب حق حضرت يوسنى زليخانك اهلندن بر شاهده و حضرت موساي يهودك سوزلردن بر طاشله و حضرت مريمى اوغلونك بشيكده سويله مسيله تبرئه ايتديكى كى حضرت عائشهيه ده سادن وحى ايتديكى آيات بيناتله تبرئه ايتمشدر .

واجب تعالى حضرت عائشه نك تراحت وطهارتى بيناتله اهل افكك افترا و بهتانلرى اعلاندنصكره بومثللو هذيانات باطله ومفتريات عاطله نك سبب مستقلى مبالات ايتمكسزين اختلاط ايتك واستيدان ايتمكسزين غيرك خانه سته كيرمك اولديقتدن بلاستيدان غيرك خانه سته دخولى نهى ايتك اوزره ﴿ يَا أَيُّهَا الَّذِينَ آمَنُوا لَا تَدْخُلُوا بُيُوتًا غَيْرَ بُيُوتِكُمْ حَتَّى تَسْتَأْذِنُوا وَتُسَلِّمُوا عَلَى أَهْلِهَا ذَلِكُمْ خَيْرٌ لَّكُمْ لَعَلَّكُمْ تَذَكَّرُونَ ﴾ بيوريور .

[اى] مؤمنلر ! كندى خانه كزك غيرى برخانهيه او خانه خلقيله انسيت وآنلردن استيدان ايدوب سلام ويرنجيه قدر كيرميك . زيرا ؛ استيدان ايتمكسزين كيرمه مك سرك ايجون خيرليدر وسرك دوشونمكزومتعظ اولمكز ايجون استيدان مشروع قيلندى . [يعنى ؛ اى] اللهك وحدانيتى تصديق ورسولنك رسالته ايمان ايدن مؤمنلر ! سرك ايمانكزك مقتضاسى آداب دينيهيه محافظه وينسكزده اخلاص اوزره اخوت دينيهيه تقرير ايتمكدر . بناء عليه ؛ سركندى خانه لريكزك غيرى اخوانكزك خانه لرينه صاحبندن

استیدان ایدوب سلام ویرنجیه قدر کیرمه یک که آنلرک سومیه جکی برشیئه مطلع اولیه سکز. زیرا؛ آکسزین کیرمکده خانه صاحبک کریه کوره جکی برشیئه مطلع اولورسکز. ینکزده اولان محبت نقرته تبدل ایدر. بناء علیه؛ خانه صاحبندن اذن اولمادجه کیرمه یک که ینکزده اولان محبت زائل اولماسون. زیرا؛ محبتک دوامی سزک ایچون خیرلیدر. چونکه؛ اولدنبری تقرر ایتش اولان محبتی و او محبت اوزره ترتب ایدن فوائدی ازاله ایده جک بر حالد بولونمق البته ای بر شی اولاماز و بوا حکامک مشروع قیلمسی سزک متصح اولمکز و ینکزده آداب صحبتي محافظه ایتکز و مقتضای مروت و عدالتک خارجنه چیقمامکز ایچوندر. بو آیت نازل اولونجه اصحابندن بر کیمسه نك رسول الله «والده مهده می استیدان ایده جکم؟» دیوب رسول اللهک «اوت!» بیوردینی مرویدر.

تفسیر نیسابوریده بیان اولوندیغی وجهله بر کیمسه نك آخرک خانه سنه کیررکن استیدانک مشروعیتده کی حکمت؛ درتدر. برنجیسی؛ داخل اولانه کیمسه خانه صاحبک بر عینه مطلع اولامسیر. ایکنجیسی؛ فحش دهرله کوزنک باقی مهول اولایانه بر کیمسه اصابت اتمسیر. چونکه؛ فحش کیرسه اکثر احوالده کورولدیکی کی خانه خلقندن بعض نسوانه کوزی اصابت ایدر. اوچنجیسی؛ خانه صاحبک عادت دهرله غیریه صافوردینی برشیئه واقف اولامسیر. چونکه؛ خارجدن کلن بر کیمسه نك استیدان ایتکزین کیرمسند و صاحبک آکا کوسترمیه جکی و کوردیکنده محجوب اولاجنی بر شی بولونمق هر زمان ایچون محتملدر. بناء علیه؛ استیدان مشروع قیلندی که خانه صاحبنی خجالتدن و داخل اولان کیمسه بی غیرک اسرارینه اطلاعندن محافظه اولسون. دردنجیسی؛ بوا اذنه غیرک ملکنده تصرف نه نمکدر. چونکه؛ استیدان سز دخولده بلا اذن غیرک ملکنده تصرف اولدیغندن حرام اولان غصبه مشابعت وارددر. زیرا؛ خانه صاحبک حق مشروعنه اذنی اولمادجه تجاوز جائز اولاماز.

آیتک ترتیبه نظراً خانه صاحبندن اولاستیدانله استیناس ایتک صکره سلام ویرمک مشروعدر. چونکه؛ خانه ده انسان اولوب و یاخود اولمادیغی بیلمه نجه سلام ویرمکده

معنا یوقدر. بناء علیه؛ اولاستیناسله اوصاحبنی کورمک بعده سلام ویرمک مشروع اولدیغنه دلالت وارددر.

تفسیرمدارکده بیان اولوندیغنه نظراً اوصاحبنه ملاقی اولورسه ابتدا سلام ثانیاً کلام ایله استیدان ایدر. چونکه؛ خانه ده موجود کیمسه اولدیغنی بیلوب آکاده ملاقی اولونجه کلام اوزرینه سلامی تقدیم ایدر. (ابوهریره) نك رسول اللهدن روایت ایتدیکی بر حدیثده فخر رازینک بیانی وجهله استیدان؛ ایدر: برنجی استیدانده خانه صاحبی سکوت ایدر. ایکنجی استیدانده مسافره لایقی دهر اوزره خانه لرینی اصلاوح ایدر. اوچنجی استیدانده دهرله اذنه ویرر و یاخود ردا ایدر. چونکه؛ رسول الله «اوج کره استیدان ایتدیکی کزده دخوله اذن ویرمز لسه اصرار ایتدیکی، دونک» بیورمشدر. استیدانک اوج اولمسنده محاسن آداب رعایت و حسن اخلاق و کرک خانه صاحبک و کرک مسافرک راحت لرینی تأمین وارددر. زیرا؛ هر کس کندی خانه سنده مشاهده ایتدیکی وجهله برنجی استیدانده جواب ویرمک و دخوله مانع بر جوق شیلر بولونور. بناء علیه؛ جواب ویرله مز. ایکنجی استیدانده دخوله مانعک ازاله سنه سعی ایدیلیر. اوچنجی استیدانده مانع مندفع اولورسه اذن ویریلیر مندفع اولمازسه رد اولونور و خانه صاحبی مسافری ردندن طولای مسؤل اولماز. چونکه؛ ملک صاحبی غیرک دخولنه ایسترسه اذن ویرر ایسترسه اذن ویرمز هر کس ملکنده مستقلدر. اوج کره استیدانک نیسابوریده بیان اولوندیغی وجهله آره لری فاصله لی اولمق لازمدر. اگر فاصله سز اوج کره استیدان ایدرسه بر استیدان حکمنده در. بناء علیه؛ سنه رعایت ایتمه مش اولور. چونکه سنت؛ فاصله ایله استیداندر. استیدانده شدتلی قاپو چاقق و خانه صاحبنه آجی آجی باغیرمق فخر رازینک بیانه نظراً حرامدر. چونکه؛ وحشتدر و خانه صاحبنه اذادر. مؤمنه اذانک ایسه حرام اولدیغنه شبهه یوقدر.

خانه صاحبندن استیدانده خانه نك ایچنده او صاحبک صاقیندیغنی شی کورولمز بر راده ده قاپونک بر طرفه چکلمک مسنوندر. زیرا؛ رسول اللهک بر خانه صاحبندن استیدان ایتدیکنده قاپونک صاغنه و یاخود صولنه یعنی صاغیر طرفه چکلدیکی مرویدر. بر کیمسه نك ایلیجی واسطه سیله چاغیرمسی اذندر. بناء علیه؛ ایلیجه برابر کلدیکنده تکرار اذنه حاجت

یوقدر. كذلك یانغین ویا سیل ویا دشمن ویا خود سارق هجومی ویا بر منکراتک ظهورنده دخول؛ اذنه محتاج دکدر. خانه صاحبی تخلص ایچون بلا استیدان کیرمک جائزدر. جناب حق استیدان ایتک وغیرک خانه سناذن ویرلدیکی صورتده سلامه کیرمک خیرلی اولدیغنی بیان بیوردی. چونکه؛ زمان جاهلیه ده هر کس ایسته دیکی خانه یه استیدان ایتکسزین کیدر و چوق کره زوجله زوجله یورغان آلتنده بولونورلدی. واجب تعالی بو عادت کریمه دن منعله مروته و انسانیته لایق آداب حسنه ایله امر بیوردی. چونکه بر شیدن نهی ایتک؛ آنک ضدیله امردر. بناء علیه استیدان سز دخولن نهی ایتک؛ استیدانله دخولی امر ایتکدر. شو حالده بو آیت جلیله نك احکامنده مؤمنلری یکدیگرینه سؤ ظندن وقایه وافک و افترا کی بر طاقم نالایق احوال دن محافظه و مؤمنلر بیننده اخوت و محبتی ادامه و هر کسک قلدیرینی اضطرابدن تخلیه و آخرک ملککنده بلاذن تصرفدن منعله هر کسک خانه سنی خفته تعرضدن تأمین ایتک کی مصالح عباده رعایت موجوددر. زمانم زده اوروپانک انسانیتله قابل تألیف اولمایان عادتلرینی تحسین ایدن کیمسه عجبا شو آیتده بیان اولونان آداب شرعیه نك و شو حکم الهینک تأمین ایتدیکی مصالحک هانکی سنی طبیعت بشره مخالف کور بیورده بومثللو احکامه حاشا اعتراض ایتک ایسته یور. بوتون واقع اولان افترا و حادثه لر بلا پروا ارکک و دیشینک بر بریله اختلاط ایتسندن نشأت ایتزمی؟ بر کیمسه نك آخرک خبری واذنی اولقسزین آ کسزین خانه سنا کیرمکده اولان محذوری انکاره مجال وارمی؟

خلاصه؛ بر کیمسه آخر بر کیمسه نك خانه سنا کیرمک ایسته دیکنده خانه صاحبنک اذنی اولقسزین کیرمک جائز اولمادیغنی و بناء علیه؛ او صاحبندن اذن ایسته مک لازم وانسانلر ایچون خیرلی اولدیغنی بو آیتک فوائدی جمله سنددر.

**

واجب تعالی بر کیمسه آخرک خانه سنا کلمک ایسترسه دخوله استیدان ایتک لازم اولدیغنی بعدالبیان بر کیمسه بولونورسه استیدان ایتک واکر بولونمازسه یا پیلاجق معامله یی

بیان ایتک اوزره ﴿فَإِنْ لَمْ تَجِدُوا فِيهَا أَحَدًا فَلَا تَدْخُلُوهَا حَتَّىٰ يُؤْذَنَ لَكُمْ وَإِنْ قِيلَ لَكُمْ ارجِعُوا فَأَرْجِعُوا هُوَ أَزْكَىٰ لَكُمْ وَاللَّهُ بِمَا تَعْمَلُونَ عَلِيمٌ﴾ بیوریور [اگر او خانه ده بر کیمسه بولامازسه کز سزه اذن ویریلنجیه قدر داخل اولماک واکر سزه صاحب خانه طرفندن دونک کیری دینورسه دونک داخل اولغه اصرار ایتمیک. زیرا؛ دونک دینلنجیه دونی ویرمک سزک ایچون الحاح ایتمکدن دها زیاده طهارتدر. حالبوکه الله تعالی سزک عملکیزی بیلیر و عملکیزک مقتضاسنه کوره مجازات ایدر.] یعنی؛ ای مؤمنلر! سز اخوانکزدن برینک خانه سنا دخول مراد ایتدیکی کزده استیدان ایتک واجبدر. بناء علیه؛ اکر سز او خانه لرده استیدان ایدمک بر کیمسه بولامازسه کز سزه اذن ویریلنجیه قدر او خانه لره کیرمه مک که انواع تهمتدن بری اولاسکز. چونکه؛ اذنسز غیرک خانه سنا داخل اولمق سرقت وزنا کی تهمتلردن خالی اولمادیغنی کی صاحب خانه ایچون بر طاقم اذابی موجب اولاجنی ده آشکار اولدیغندن اذنسز کیرمیوب صبر ایتمکز لازمدر. اکر صبر ایتمز کیرسه کز تهمتده واقع اولاجغکز شبهه سزدر. مؤمنک تهمت موقعندن حذر ایتمی واجبدر. شو حالده اذن ویره جک بر کیمسه کلنجیه قدر بکله مک کیرمه مک واکر صاحب خانه طرفندن بر کیمسه سزه «دونک دخوله مأذون دکلسکز» دیرسه همان علی العجله دونک که صاحب خانه یه اذا ایتیه سکز. زیرا؛ دخوله اذن ویرمکدنک اسبابی قفتیش و تحری ایتک آداب منافیدر. چونکه؛ انسانک دخوله مانع و سوبله نمیه جک بر چوق احوالی و احتیاجی اولور. بناء علیه؛ دخول ایچون اصرار جائز دکدر و «دونک» دنیلدیکنده دونک سزک ایچون انواع تهمتدن طهارتده زیاده و مصلحتکزه موافق و ینکزده اولان محبتکزک دوامنه وسیله در. الله تعالی سزک بالجمله ایشله دیکی کز عملکیزی وامره امتثالکیزی ونهیدن اجتنابکیزی بیلیر و عملکیزه کوره جزا ویرر.

تفسیر خازنده بیان اولوندیغنی وجهله قابویه کلیرده استیدان ایتکسزین قابو اوکنده خانه صاحبی چیقنجه یه قدر بکلسه بوکا کیمسه مانع اولماز. زیرا (ابن عباس) حضرت تدرینک، انصار کرامدن بعضیلرینک قابوسی اوکنده چیقنجه یه قدر بکله یوب حدیث شریف اخذ

ايتديكى وخانه صاحبي چيقيججه نه ايچون استيدان ايتديكنى سئوال ايتديكند «بز علم طلبنده بومنوال اوزره امر اولوندى» ديدىكى مرويدر .
استيدان ايچون قابو اوكنه كلن كيمسه نك قابونك دليكندن وياريفندن ايچرى باقى جاز دكلدر . چونكه ؛ ايچرو باقى استيدانك حكمتنه منافيدر . زيرا بوندن اول بيان اولوندينى وجهله استيداندن مقصد ؛ خانه صاحبك اسرارينه مطلع اولماقدر .

واجب تعالى هر كسى كندى خانه سنك غيرى خانه به بلا استيدان دخولدن نهى ايتد كد نصكره استيدان سر دخولى جاز اولان موقعلى بيان ايتك اوزره ﴿لَيْسَ عَلَيْكُمْ جُنَاحٌ أَنْ تَدْخُلُوا بُيُوتًا غَيْرَ مَسْكُونَةٍ فِيهَا مَتَاعٌ لَكُمْ وَاللَّهُ يَعْلَمُ مَا تُبْدُونَ وَمَا تَكْتُمُونَ﴾ بيوريور .

[دائمي بر كيمسه ايچون مسكن اولمايوب دخوله سرك ايچون منفعت اولان خانه لره دخولكز ده سرك اوزريكزه كناه يوقدر . الله تعالى سرك كيزله ديككز و آشكار قلد يگكز شيرى بيلير .]

يعنى ؛ بر كيمسه نك ملكى ومسكنى اولان محللره دخوله سرك ايچون استيدان ايتك لازمدر . اما خانلر، تكيه لر و بولجى لر ايچون يول اوزرنده يالاش سپرلر كى بر كيمسه به مسكن اولمايان اولره سرك دخولكزده كناه يوقدر . خصوصا صيحاقدن وصوتوقدن محافظه و مال كزى سرقتدن وقايه ايتك كى او خانه لره دخوله سرك ايچون منفعت اولورسه كيرمك لازمدر . چونكه ؛ غيره ضرر ايتمهك شرطيله انسانلر دائما منفعتلرينى آرامقله مأمورددر . بناء عليه ؛ منفعت اولوب آخر كيمسه به ده مضرت اولمايان محللره كيرمك مشروعددر . حالبوكه الله تعالى سرك كيزلى و آشكار جمله احوال كزى بيلير و اكا كورم مجازات ايدر .

تفسير خازنده بيان اولوندينى وجهله بو آيتده يول اوزرنده بولجى لر ايچون يايلاق خانلر و سپرلر و تكيه لر داخل اولدينى كى عرفاً دخوله اذن و بريان حمام و قصبه داخلند

اولان خانلر و چارشوده دكانلر و حتى كويلرده اصحاب خيراتك يالاش اولدينى مسافر خانه لرك جمله سى داخلدر . چونكه ؛ بونلره دخوله عرف و عاداتده هر كس مأذون اولوب و دخوله ده بر كيمسه نك مسكنه دخوله كى محذورلر اولمايغندن استيدانه حاجت اولمايغنى جناب حق بو آيتله بيان بيورمش و قوللرينى بومثللو بر كيمسه نك مسكن مخصوصى اولمايان يرله دخوله مأذون قيلمشدر .

بو آيتك سبب نزولى ؛ فخر رازينك بياننه نظراً غيرك خانه سنه دخوله استيدانه امر ايدن آيت نازل اولونجه ابو بكر رضى الله عنه «يارسول الله ! استيدانه متعلق آيت نازل اولدى . مكه ايله مدينه آره سنده و شام و يمن طريقلى اوزرنده خانلر وارددر . تجارتمزده آنلره مسافر اولمق ضرورتى ميدانده در . بونلره نازل اولمقده استيدانه محتاجيدر ؟ » ديمى اوزرينه بو آيتك نازل اولدينى مرويدر .

خلاصه ؛ بر كيمسه نك ملكى اولمايان و ايچنده عائله اكله نه مين خانلره كيرمكده بأس اولمايغنى و ملك اولوبده عرف و عاداتده هر كس قابوسى آچيق اولان خانلر، حاملر و او طه لره بلا استيدان كيرمكده بر محذور شرعى اولمايغنى بو آيتدن مستفاد اولان فوائد جمله سندندر .

واجب تعالى بلا پروا اختلاطدن حاصل اولان محاذيره بناءً غيرك خانه سنه دخوله استيدان لازم اولديغنى بيان نصكره كرك استيدانه و كرك استيدان سر اختلاطده جمله اهل ايمانه لازم اولان آداب دينيه بى بيان ايتك اوزره ﴿قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ إِنَّ اللَّهَ خَبِيرٌ بِمَا يَصْنَعُونَ﴾ بيوريور .

[يا اكرم الرسل ! حدود السرى تصديق ايدن مؤمنلره سن دى كه «آنلر كوزلرينى محرماتدن قاباسونلر و عورت محللرينى زنادن محافظه ايتسونلر . ايشته شو كوزلرينى قابامق و زنادن كنديلرينى محافظه ايتك آنلر ايچون طهارتده زياده و بوطهارته دواملرى لازمدر . زيرا ؛ الله تعالى آنلر ايشله دكلرندن خبرداردر .]

يعنى ؛ حبيبم ! سن مؤمنلره دى كه «آنلر دائما كوزلرينى حرامدن قاباسونلر كه

کوزلری حرامه اصابته فتنه به دوچار اولماسونلر. بناء علیه؛ کیتدکری یوللرده کوزلرینی اوکلرندن ایرماسونلر که شهوات نفسانیه لرینک شرندن امین اولسونلر و آنلره امر ایت که آنلر آلت زنا اولان عورت محللرینی امارات زنادن محافظه ایتسونلر که تهمت موقعلرندن وزنا اسنادندن حذر ایتمش اولسونلر. ایشته شو کوزلرینی و آلت معهوده لرینی حرامدن محافظه آنلر ایچون طهارتده زیاده اولدینی کبی قیلرلنده اولان ایمانه لایقدر. بناء علیه؛ بو طهارته دواملری لازمدر. زیرا؛ الله تعالی آنلرک اشارت لرینی و محرمات طرفنه کوزلرینی کزدرمه لرینی و کوز قاپاقلرینی قالدیروب ایندیردکری و سائر آرزو ایتدکری محرمانه صرف ایتدکری افکارلرینی بیلیر و هر عمللری اوزرینه مجازات ایدر. اما شرعاً باقی حلال اولان حرمنه و جاریه سنه باقی جائز اولدیغنه اشارت ایچون واجب تعالی بو آیتده بعضه دلالت ایدن (من) لفظیله ایراد بیورمشدر. چونکه کوزک کوره جکی؛

ایکیر: بری؛ کورسی مهمل اولاره دیکری؛ کورسی مرام اولاندیر. آیتده کی منعندن مقصد؛ محرمانه نظردن منع اولدیغندن بعضه معناسی مفید اولان (من) کله سی وارد اولمشدر. اما ستری لازم اولان محل معهوده سنی محافظه بای حال لازم اولوب او محل ایچون اصلاً مساعدده اولمادیغنه اشارت ضمنتده او محلی محافظه ده بعضه دلالت یوقدر. چونکه؛ کوزه بعض محله مساعدده وارد: مثلاً صاتیق برجاریه بی آلاحق مشتری ایچون باقی جائز اولدینی کبی دفعه کوزی تصادف ایدن نظردن کیشی مسئول دکلدر و محرمنک صاحبه و آرقه سنه و دیزندن آشاغیسنه باقی جائزدر. بناء علیه (یغضوا من ابصارهم) وارد اولمشدر که «بعضاً کوزیکی قاپایک» یعنی «باقسی حرام اولان یرلرده قاپایک» دیمکدر. کوزک زنایه مقدمه اولوب شهوات نفسانیه بی تحریکه وسیله و فتنه به بادی اولدینی جهته کوزیله نظردن فساد زنا به محل اولان آلتک فسادندن زیاده اولدیغنه اشارت ایچون واجب تعالی بو آیتده کوزک محافظه سنی محل زنانک محافظه سی اوزرینه تقدیم بیورمشدر. یعنی حرامدن کوزی قاپامق زنادن نفسی محافظه اوزرینه مقدمدر. زیرا؛ علی الا کثر زنایه سبب اولان کوزیله کورمکدر. اما ایمانی اولمایان کیمسه لر بو احکامه اتباع ایتدکلرندن طولای معذب اولاجقلسده بو احکامدن اول آنلر ایمانله مکلف اولوب ایماندنصرکه فروع اعماله مکلف اولان مؤمنلر اولدینی ایچون جناب حق بو آیتده مؤمنلری تخصیص

بیورمشدر. چونکه؛ بو احکامه تمسکه انتفاع ایدمک مؤمنلردر. کافرلر تمسک ایتدکری جهته انتفاع ایتملر. بناء علیه؛ بر ارنک دیکر برار ککک دیزیه کوبکنک آره سنه باقی جائز دکلدر.

رجلک عورت محلی؛ کوبکیر دیزی آره سیدر. خاتونک عورت محلی؛ بوزی و آللری بیلکیرینه و آبافدی طوبوقدیرینه قمر مستننا اولدینی حالده اعضاسنک هر طرفی عورت محلیدر. آیتده منع اولونان عورت محله نظردر. عورت محلک غیری یوزینه، آله و آیاغنه باقی فتنه به بادی اولمازسه جائزدر. اما فتنه به بادی اولورسه هیچ بر وجهله باقی جائز اولمادینی کبی شهوتله ولورجال اولسون هیچ کیمسه به نظر جائز دکلدر. اما باقیقده ضرورت اولق مستثنادر. مثلاً تدای ایچون طیبیک نظری و اداء شهادت ایچون حاکمک نظری و زنا ایدرکن شهادت ایتک ایسته ی کیمسه نک نظری و نکاح مراد ایدن کیمسه نک آلاجنی خاتونه نظری و فقهده بیان اولونان سائر ضروریات موقعنده نظر جائزدر.

خلاصه؛ مؤمنلرک کوزلرینی حرامه باقیقندن و آلت تناسللرینی حرامدن محافظه ایتملری واجب و بو محافظه نک آنلره طهارتده زیاده اولدینی و اگر محافظه نک خلافت برشی ایشلر لر ایسه جناب حقک آندن خبردار بولوندینی بو آیتدن مستفاد اولان فوائد جمله سندندر.

واجب تعالی رجاله کوزلرینی حرامدن و آلت معهوده لرینی زنادن محافظه ایتمکه امر ایتدکدنصرکه طائفه نسوانده عین مسئله نک لزومی بیان ایتک اوزره ﴿وَقُلْ لِلْمُؤْمِنَاتِ یَغْضُضْنَ مِنْ أَبْصَارِهِنَّ وَ یَحْفَظْنَ فُرُوجَهُنَّ وَلَا یُبْدِیْنَ زِیْنَتَهُنَّ إِلَّا مَا ظَهَرَ مِنْهَا وَلَیْضَرَّ بَنَ بِحُجْرِهِنَّ عَلَی جُیُوبِهِنَّ﴾ بیوربیور.

[یا اکرمل الرسل! حدود التهیبه بی محافظه ایتمکه عهد و پیمان ایتمش اولان مؤمنه خاتونلره سن دی که «آنلر حرامدن کوزلرینی قاپاسونلر و زنایه آلت اولان محللرینی زنادن حفظ ایتسونلر. محرمانه اصلاً میل ایتدکری کبی زوجلرندن باشقه سنه کندیلرینی

كوسترسونلر و زينتلريني اظهاري ضروري اولاندن ماعداسني اظهار ايتسونلر و چارشافلريني يانلري اوزرينه وضع ايتسونلر كه زينتلري آنكله اورتولسون اجانبه كورونمسون .
يعني ؛ اي نبي ذیشان ! اهل ايمان اولان نسوان كروهنه سن دي كه « آنلر اركل و ديشي هر كسك عورت محله نظر ايتمكدن كوزلريني و محرماتدن كندی وجودلريني و بالخاصه آلت زنا اولان محللريني زندان و زنانك مقدماني اولان ياپيشمق وغيره كوسترمك كي شيلردن محافظه ايتسونلر و حتي حليات و البسه و يوزك و كوپه كي زينتلريني اظهار ايتسونلر، الا اوزينتلردن ظهوري ضروري اولان مستنادر . مثلاً پارماغنده كي يوزوكك بعض احوالده كورولسي ضروريدير و بوركيلريني (چارشافلريني) اوزرلرينه وضع ايتسونلر كه آنلر اجانبه كورونمسونلر .

بيضاوي و خازنك بيانلري وجهله طائفة رجاله كرك رجالك و كرك نسوانك عورت محله باقسي جائز اولماديغي كي طائفة نسوانه دخي اركل و ديشي هيچ كيمسه نك عورت محله نظر ايتسي اصلاً جائز اولماز . اشتها ايله رجالك باقسي جائز اولماديغي كي نسوانك ده اشتها ايله اجانبه باقسي جائز اولاميه جفته آيت دلالت ايدر .

زينت ايله مراد ؛ اصل بار اديلمشده اولانه كوزلك ميمر ، يوقسه البسه ، فنا ، يوزوك و كوپه كي هار جبهه اولانه زينتلر ميمر ؟ علما اختلاف ايتملر سده فخر رازينك بياننه نظراً هر ايكي سده مراد اولمى احتمالي اغلبمير . چونكه زينت ؛ خاتونك حسنى و اجانبك رغبتنى جلب ايدجك شي اولديغندن اجانبك رغبتنى جلب ايتمك عارضى زينتلري اولديغي كي خلقشنده اولان حسنيله ده اولديغي ميدانده در . بناء عليه ؛ هرايكي جهته ده زينتنده داخل اولديغندن خاتونلر كرك خلققلرنده اولان حستلريني و كرك البسه و سائر كي زينتلريني زوجلرينك غيري اجانبه اظهار ايتمكدن بو آيتله ممنوعلرر . آنحق آللري و اياقلى و يوزلري كي اظهاري ضروري اولان شيلر مستنادر . چونكه ؛ قادينلرده ايجاب حاله و زمانه كوره بيع و شرا و سائر معاملهي محتاج اولدقلرندن معامله ده تسهيلات ايچون شو تعداد اولونان اعضالرعورت محلى عد اولونمادي . ياخود خاتوندن بواعضالرده سائر اعضالر كي عورت محليدر و لكن ضرورت اولديغي ايچون تسهيلات للمعامله بواعضالرك كورونمسه مساعده شرعيه اولمشدر .

خاتونه اظهاري جائز اولمايان زينتلريني اظهار ايتمك حرام اولديغي كي اظهار ايتديكنده رجالك اوزرينه باقسي دخي حرام اولديغي آيت سابقه دن مستبان اولمشدر . خاتونلر زينتلريني ستر ايچون چارشاف بورونملري لازم و واجب اولديغي بو آيتدن صراحة مستفاد اولان فوائد جملة سنددر .

آيت جليله ؛ درت همكي هار جبهه ؛ برنجيسي ؛ قادينلرك هار جبهه كوزلريني قاياملر ميمر . ايكنجيسي ؛ زنايه آلت اولانه محللريني زندانه محافظه ايتلمر ميمر . اوچنجيسي ؛ ضرورت اولمار قبه محرملرك غيري به زينتلريني اظهار ايتم ميمر . دردنجيسي ؛ اوزرلرينه چارشاف بورونم ميمر .

واجب تعالى زينت ظاهره بي سترله امر ايتد كدنصكره زينت خفيه بي ستر لازم اولوب الاون ايكي صورتده ستر لازم اولماديغي بيان ايتمك اوزره ﴿ وَلَا يُبْدِينَ زِينَتَهُنَّ إِلَّا لِبُعُولَتِهِنَّ أَوْ آبَائِهِنَّ أَوْ آبَائِ بُعُولَتِهِنَّ أَوْ أَبْنَاءِ بُعُولَتِهِنَّ أَوْ إِخْوَانِهِنَّ أَوْ بَنِي إِخْوَانِهِنَّ أَوْ بَنِي أَخَوَاتِهِنَّ أَوْ نِسَائِهِنَّ أَوْ مَا مَلَكَتْ أَيْمَانُهُنَّ أَوِ التَّابِعِينَ غَيْرِ أُولَى الْأَرْبَةِ مِنَ الرِّجَالِ أَوِ الطِّفْلِ الَّذِينَ لَمْ يَظْهَرُوا عَلَى عَوْرَاتِ النِّسَاءِ ﴾ بيوربيور .

[يا اكرم الرسل ! سويله مسلمان خاتونلرينه كه آنلر زينتلريني هيچ كيمسه يه اظهار ايتمسونلر، الا كندی قوجهلرينه و يا بابالرينه و ياخود قوجهلرينك بابالرينه كه قايين پدرلرينه و يا كندی اوغلانلرينه و ياخود قوجهلرينك ديكر قايينلر اوغلانلرينه يه يه او كي اوغلانلرينه و يا قرداشلرينه و ياخود قرداشلرينك اوغلانلرينه كه يكلنلرينه و ياخود همشير سنك اوغلانلرينه و يا مسلمان خاتونلرينه و ياخود مالك اولدقلري جاريه و كولهلرينه و طائفة رجالدن شيخ قاني و عنين كي طعمادن باشقه برشيئه احتياجي اولمايوب طائفة نسوانه اصلاً ميل اولمايولر و ياخود چوجقلره كه اوچوجقلر بالغ اولمادقلرندن نسوانك عورت محلى بيلمزلر و عورات نسوانه شهواتلري ظهور ايتميش آنلره زينتلريني اظهار ايتمكده كناه يوقدر .] شو تعداد

اولوانلرك هيچ بريسندن زينتى ستر ايتك واجب دكلدر . چونكه ؛ تعداد اولوانلردن بعضيلرى قوجه لريدن . آنلره ريتلرينى اظهار ايتك واجيدر . بعضيلرى محرمدر آنلردن ستر لازم دكلدر وبعضيلرى ده محرم دكلسده جماعه اقتدارلرى اولماديغندن زينتى اظهار ايتكده فتنه بادي اولق احتمالى يوقدر . مسلمان اولان خاتونلرك مسلمان خاتونلرينه كورونمى جائز اولوب كافره خاتونلره كورونمى جائز اولماديغنه اشارت ايچون واجب تعالى بو آيتده مسلمان خاتونلره كورونمى صراحة بيان بيوردى كه كافره خاتونلره كورونمى ملرينه تنبهدر .

عمى ودايىسى خاتونك محرمى اولدنى حلاله بو آيتده آنلرك ذكر اولونماديغنى حكمتى ؛ بعض مفسرينك بيانى وجهله آنلره كورونمكده اوغلانلرينه وصف ايتك صورتيله فتنه بادي اولق احتماله مبنيدر . ياخود بيضاوينك بيانى وجهله آنلر برادر منزله سنده اولدقلى ايچون ذكرينه حاجت مس ايتمه مشدر .

بو آيت جليله ده آباء ايله مراد ؛ بابا بابانك وآنانك بابارى ، دوده دوده نك دوده لرينه وابناء ايله مراد ؛ ارغونلر و ارغونلر نك ارغونلر نك ارغونلر نك شامل اولدنى كى قرداشلر ايله مراد ؛ بالكنز بابا بروبالكنز آنا بروبابا و آنا برقداشلرك مجمعه شاملدر . چونكه ؛ محرميته اوز قرداشله اوكى قرداشك فرقى يوقدر .

شو تعداد اولوانلردن اقربا بولونلريله اختلاط و محبة احتياج مس ايدوب فتنه اندیشه سى دخى اولماديغندن آنلره خاتونك محبته و آنلرك خاتونك زينته نظرلرينه بو آيتله مساعدت الهيه وارد اولمشدر .

بو آيتده نساء ايله مراد ؛ فخر رازينك بيانى وجهله مؤنه اولانه خانوملردر . يهودى ، نصرانى ، مجوسى و مشركه اولان خاتونلرك ياننده زينتى اظهار ايتك بو آيتله ممنوعدر . حضرت عمر ك ، مصر واليسى (ابو عبيده) حضرتلرينه اهل كتابك نسوانى مؤنه اولان خاتونلره حمامه دخولدن منع ايتمى يازدينى وامر ايتديكى مرويدر . گرچه خاتون اولق اعتباريله هيسى مساوى اولوب بربرندن قورقاجنى وشبه ايدجى يوق ايسه ده دينلرى باشقه و اخلاقده بربرندن فرقلى اولق اعتباريله فنا اخلاقك سرايقى و عادتك تاثيرى اولق احتماله بناء شريعت ، مسلمان قاديئلرينك آنلره الفتى منع ايتمشدر .

خاتونك ملك يمينله مملوكه سى بولونان جاريه سنك نظرى سائر خاتونلرك و محرمك نظرلرى كى جائزدر . اما كوله سنك بو آيتك ظاهرينه نظراً محرمى كى زينته نظرى جائز اولدنى ازواج معاهراتدن حضرت عائشه و ام سلمه و امحابدن حضرت انسدن مروى ايسه ده امام اعظم حضرتلرينك عندنده خاتونك كوله سى اجنبى بررجل كيدر . بناء عليه ؛ اجنينك نظرى جائز اولمايان اعضايه خاتونك كوله سنكده نظرى جائز اولماز . زيرا ؛ رسول الله « خاتون ايچون ذى رحم محرميله مسافرت حلال اولور ، محرمى اولمازه مسافرت جائز اولماز » بيورمشدر . خاتونك كوله سى خاتونك ذى رحم محرمى دكلدر . بناء عليه ؛ امام اعظم « سفر جائز اولمايجه نظرده جائز اولماز » بيورمشدر . كوله هر نه قدر خاتونك ملكى اولدنى حلاله نكاح جائز دكلسه ده آزاد ايتدكدن سوكره نكاح جائز اولديغندن كوله ايله كوله نك صاحبي ييتنده حرمت موقدر ، مؤيد دكلدر . بناء عليه ؛ امام اعظم عندنده كوله سى خاتونك محرمى اولماز ولكن كوله سيله مكالمه سنده وبعض امور و خصوصى امر ايتمسند بئس يوقدر . زيرا ؛ احتياج واردر .

ارككدن اولوالاربه اولمايان تابعين ايله مراد ؛ بنونه ، معنوه و جماعه اقتدارى قلاصه اقبيا ، بيرقانى اولانه كيسه لرور . حياىي چكلمش طواشى و عيىن و آلى كيسلمش اولانلرده اختلاف وارسه ده فخر رازينك بياننه نظراً بولرنا محرم اولدقلى سائر رجال منزله سنده درلر .

اربه ؛ احتياج معناسنه اولديغندن (غير اولى الاربه) ديمك نسوانه امتياهمى و اشتراهمى اولمايانلر ديمكدر . طفل ايله مراد ؛ عورت نساء جماعه قادر اولمايانلر و طائفة نسوانك جماعه متعلق امروانى بيلمير . يوم قبلر ديمكدر . يعنى هنوز بالغ اولمايان صبياندن قاريلرك تسترى لازم دكلدر ولكن بومثلو صبياندن خاتونك كو بكيه ديزى آره سنى ستر ايتمى لازمدر . فخر رازينك بيانى وجهله بو آيتده تعداد اولونان اون ايكى صنفك خاتونك زينته نظر ك جوازنده مشتركلسه ده آنلر مرتبه ده اوج قسم آريلورلر . برنجيسى ؛ نوع در آنك ايچون احترام مخصوص وار كه خاتونك هرجهتله منفعى اكا حلالدر . ايكنجيسى ؛ خلاصة البيان : اوتنجى جلد - ۲۱

بابا، دوده، اوغول، برادر، زوجهك باباسی، زوجهك اوغلوهر ذی رحم محرم در ضاع ده
سب کبی اولدیغی حالده بونلر ایچون خاتونک صاحنه و قوللرینه و دیزدن آشاغی آياقلىرینه
وبوکا مشابه سائر اعضا لرینه نظر ایتملى جائزدر. اوچنجیسی؛ رمال دوده نسوانه احتیاجی
قالایانلر و خاتونک کولمى در. بونلرله سوز سويلشمک جائز ایسه ده ذی رحم محرم
مرتبه سنده اولما دقلرندن بونلر خاتونک صاحنه و خصوصى زینتلىرینه باقامازلر. بناء علیه؛
خاتون بونلرک یاننده بولونا بیلیرسه ده بر درجه مستوره اولارق بولونمق افضلدر.

..

واجب تعالى خاتونلر ایچون لازم اولان وظائف ستیه دن بعضیلرینی بیاندنصکره
بعض آخری بیان ایتمک اوزره ﴿وَلَا يَضْرِبْنَ بَازُجِهِنَّ لِيُعْلَمَ مَا يُخْفِينَ مِنْ
زِينَتِهِنَّ وَتُوبُوا إِلَى اللَّهِ جَمِيعاً أَيُّهُ الْمُؤْمِنُونَ لَعَلَّكُمْ تُفْلِحُونَ﴾ بیوریور.

[یا اکرمرسل! سن مسلمان اولان قادینلره سويله که آنلر زینتلىرندن کیزلی اولان
زینتلىرینی بیلنمک ایچون آياقلىرینی یره وورماسونلر. ای مؤمنلر! فلاحه داخل اولوب
سعاده واصل اولمک ایچون قصیراتکنزک عفوینی استرحامله الله توبه و خطالریکزه
جمیعکنز ندامت ایدک.]

یعنی؛ کیزلی زینتلىرینی بیلدیرمک ایچون آنلر آياقلىرینی یره وورماسونلر که زینتلىرینی
کیمسه بیلمسون. چونکه زینت نسوان؛ شهواتی غالب اولان کیمسه لریک رغبتی موجب
اولمقله فتنیه بادی اولور. بناء علیه؛ زینتلىرینی اظهار ایتدکلى کبی اظهار ایدجک
معامله ده دخی بولونماسونلر.

بیضاوینک ومدارکک بیانلری وجهله بو آیت جلیله؛ زینته دلالت ایدن زینتک صداسنی
ایشتدیرمکدن نهی ایدنجی زینتی اظهاردن نهی اولاجنی اولویته ثابت اولدیغی کبی خاتونک
ضرورت اولما دنجی صداسنی اجانبک ایشیده کچی قدر قالدیرمى دخی منیدر. چونکه؛
صدانک فتنیه بادی اولاجنی میدانده در. بناء علیه؛ خاتونک اذانی کراهددر. زیرا؛
اذان محمدی؛ رفع صوته محتاجدر. کذلک شهوتله کنج خاتونک یوزینه باقی حرام

اولدیغه آیت دلالت ایدر. چونکه آیتده نهیک عاتی؛ فتنیه بادی اولمقدر. یوزه باقمده
فتنیه بادی اولمق دها زیاده در.

زمان جاهلیه ده خاتونلر آياقلىرینه آلتوندن و کموشدن بيله زیک طاقار و یوله کیدرکن
هرکس کندینک زینتی بیلسون ایچون آياقلىرینی پکجه باصارلردی. اوعادت کره بی جنب
حقک بو آیتله نهی بیوردینی ابن عباس حضرتلرندن وامام قتاده دن مرویدر.

واجب تعالى بو آیتده زینتی اظهاردن نهیدنصکره زینتک صداسنی اظهاردن دخی
نهی بیوردی که زینت موضعی اظهار ایتمک اصلاً جائز اولما دیغنی بیانده مبالغه اشارت اولسون.
واجب تعالى انسانلر هر نه قدر امره ونهیه اعتنا ایتمکه سعی ایتسملر دخی قصوردن
خالی اولامیه جقلری جهتله همه حال قصیراتلرندن ندامت کلیه محتاج اولدقلرینی بیان
ایچون عمومه خطاب اولارق توبه ایله امر بیوریور که هرکس واقع اولان خطالرینک
عفوینی استرحامله فلاحه وسعاده نائل اولسونلر.

ایشته بو آیت جلیله ده واجب تعالى شو صیره ده بهایم منزله سنده شهوات نفسانیه سنه
منهمک اولوب تستر نسوانه اعتراض ایتمک ایسته ی برطاقم کنج لریک آرزولرینی کوکندن
کسیور. چونکه؛ نسوانه لازم اولان آدابی جنب حق قرآنه ایمانی اولان مؤمنلر
ایچون تماماً بو آیتده بیان بیوریور. اما اسلام کسوه سنده عصر سعادت منافقلى کبی
باطنی کفر یا تله؛ طولو اولان بعض کیمسلر آوروپاده کوروب ویا ایشیتدکلى معامله
وحشیانه لری دار اسلامده ده تطبیق ایتمک ایستلر. کویا خاتونلرک مستوره اولمى
حریتلرینی سلب ایتمک و آنلری اسارت آلتنده یاشاتمق ایمش کبی برطاقم ضعیف نظریه لر
ایراد ایدرلر.

شمدی بز آنلردن سئوال ایدر و دیرز که «خاتونلر ده عفت و طهارت مطلوبیدر،
دکلیدر؟». البته ذره قدر عقلی اولان عفتک مطلوب و ممدوح اولدیغنی اقراره مجبوردر.
عفت مطلوب اولونجه مطلوب اولان عفتی محافظه ایچون خاتونک بر ارککه احتیاجنی ده
هیچ بر کیمسه انکار ایده مز. زیرا؛ خاتونلر رجاله نسبتله هر زمان و هر شیده که کسب
تجارت، اعدایه مدافعه، مسافه بعیده یه مسافرت و بر خانه یالکزجه اقامت و سائر
خصوصانده ده عاجز اولدقلری هر کسجه معلومدر و انکاره ده مجال یوقدر. بناء علیه؛
خاتونک بر رجله احتیاجی محققدر. شو حالده هر خاتونک ادامه حیاتنده البته بر رجله

احتیاجی درکار اولونجه اورجلك حسن ظنی و محبتی جلب ایتک خاتون ایچون برامر ضروریدر. زیرا؛ دنیاده رفاه و سعادت اوجلك محبتک بقاسنده و حسن ظنک دوامنده در. زوجك حسن ظنی ادامه ایسه خاتونك تهمت موقعلرندن احتراز و سوء ظنه بادی اولاجق شیردن امتناع ایتسیله حصول بولاجنی بدیدر. چونکه؛ سوء ظن آلتنده قطعاً محبت دوام ایتمز. محبت دوام ایتمه نجه امتزاجده دوام ایتمه جکندن سوء ظن عاقبت تفرقه بادی اولور و اکثریت اعتباریله تفریقندن ضرردیده اولانده خاتون دگلی در؟

خاتونك ایسته دیکی یرده کزوب ایسته دیکی کیمسه لرله کوروشمکده تهمت وارمیدر، یوقیدر؟ اگر بونی آرزو ایدنلر ایسته دیکی ایله کوروشمکده تهمت یوقدر دیرلرسه کندیلرینك حسن انسانیدن محروم اولدقلرینی اثبات ایتمش اولمازلرمی؟ چونکه؛ حسن انسانیدن آزیحق بهره سی اولان کیمسه خاتونك آله کچن ارککلرله کوروشمسنده تهمت و سوء ظنده واقع اولاجقنه البته قائل اولور. بوده انکاری غیر قابل بر حقیقتدر. اگر کوروشمکده تهمت و سوء ظن اولاجقنی اقرار ایدرلرسه انسان ایچون تهمت موقعندن احتراز لازم دگلی و هر قالفه سبب اختلاط دگلیدر؟ سوء ظنه بادی اولاجق شیئی خاتونلر ایچون تکلیفه نهدن احتیاج کوریبورلر؟ سوء ظنده بولونمقله سفیل اولاجق خاتون دگلیدر؟ چونکه سوء ظن؛ امتزاجه خلل ویردیکی جهتله تفرقه بادی اولدیغندن او خاتونك آناسی، باباسی اولدیغنی تقدیرده آنلرک یاننده یاشامسی زوجك معیتده حسن امتزاجله یاشامسنه معادل اولایلیرمی؟ اگر کیمسه سی یوق ایسه بوتون بوتون سفالته محکوم اولمازمی؟ شوخالده خاتونك زوجیله برابر محبت اوزره ادامه حیات ایتسیمی حریتدر، یوقسه بر طاقم سوء ظن آلتنده سفالته ادامه حیات ایتسیمی حریتدر؟ البته مواقع تهمتدن احترازیله برابر کندی خانه سنده برعائله رئیس اولارق زوجك محبتی آلتنده و حمایه سی و صایتیله یاشامانك سعادت اولدیغنده شبه وارمیدر؟

اگر تستر اعتراض ایدنلرک مقصدلری ارکک دیشی قاریشسون هر کس ایسته دیکی ایله ایسته دیکی زمان بلا پروا بولوشسون دیمک ایسه بر خاتونك نکاح آلتنده بولونوب و اولاد و انسال صاحبی اولوب آنلرک هر برنك مرادینی کوروب اولی و آخری، کنجلیکی و قوجه لنی بر یرده ناموسیله یشامقمی حریتدر، یوقسه بهایم کبی شوراده بوراده کزهرک بر طاقم اجنبی کیمسه لرک تعرضه معروض قالوب قوجه لغنده کیمسه یوزینه باقاز بر حال بریشانی اوزره افنای حیات ایتکمی حریتدر؟

اگر اعتراض ایدنلرک مقصدلری خاتون ایسته دیکی یرده کزسون و ایسته دیکی ایله کوروشسون قوجه سی ده آکا سوء ظن ایتسون حیوان کبی آنی بسله سون دیمک ایسه مسلمانلرک علوجنابی بونی رد ایدر. مادام که قادینك امر تعیشی و نفسی اغیارک تعرضندن حمایه ایتکده زوجنه احتیاجی واردر و زوجی ده آنک احتیاجنی دفع ایدیور. بونعمت مقابلی خاتونك ده حبس نفس ایتک کلفتی اختیار ایتسی لازمدر. حالبوکه خاتونلرک ده مستوره بولونمسی عفت و عصمتلرینه دلالت ایتدیکی ایچون ستری کندیلرینه مضرت عد ایتک شویله طورسون بلکه عزت و مزیت عد ایدرلر. چونکه؛ آنلر ربلرینك امرینه امتناله عبودیتده دوام ایتکده کی سعادت ایتراض ایدن کیمسه لر دن ده ای تقدیر ایدرلر. اما خاتونلر دن بومزیتی تقدیر ایده میوب آجیق و ایسته دیکی یرده کزیمک ایسته یئر بولنه بیلورسه ده آنلره اعتبار یوقدر. چونکه؛ او مقوله نسوان نادردر. حالبوکه اعتبار؛ اکثریتدر. اکثریتده سترله افتخار ایدنلرده در.

سربستی نسوانی آرزو ایدن کیمسه لر « قادینلرک آجیق کزیمسی عفتلرینه مانع دکلدر » دییه بیلورلر. اوت؛ آجیق کزیمک عفته مانع دکلدر. زیرا؛ آجیقده کزر و عقیقه ده اولور، بونی بزده انکار ایتمز. لکن شرع شریفک سترله امرنده کی حکمت؛ فتنه طریقلرینی سد ایتمکدر. چونکه؛ مستوره اولان بر خاتونك قیافتی کیمسه بیلمز. آجیق بر خاتونك قیافتی هر کس کوردیکی کبی کنج و کوزل بر خاتونی کورن کنج دلیقانلیردن او خاتونه میل ایتمین یوزده قاچ کیشی بولونابیلور؛ خاتون ایسه کنج و کندی زوجندن ده کوزل دلیقانلیری کوردیکنده قوه شهوانیه سنک حرکت ایتمه دیکنی کیم ادعا ایده بیلر و کندی زوجنه رغبتک آزالیه جفته کیم قناعت ایدر؟ اگر بو ادعاده بولونورلرسه قوه بشریه یی انکار ایتمش اولمازلرمی؟ شوخالده خاتونك آجیق کزیمسی فتنه یه وسیله اولماش می اولدی؟ اما بو حال عارضی اولوب قادینلرک هپسی بو وسیله ایله فعل فاحشی ارتکاب ایتمز دنیلر بیلور. اوت؛ بوده طوغریدر و لکن خاتونلرک یوزده اون و یا خود بشی بو وسیله ایله طریق مستقیمدن چیقارسه فتنه اولما دیمی؟ حکمت؛ بر شیک جنسنده آرانیر، فردنده آرانماز. شو حالده جنس سربستی ده ولو فردده اولسون فتنه یه بادی اولق بولونونجه او جنس سربستینك حرام اولمسی لازم گلزمی؟ حرام اولان بر شیک مقدماتی یعنی اسبابی ده حرام اولمازمی؟ بناء علیه؛ زنا یه ولو یوزده بر اولسون سبب اولان آجیق کزیمک حرام اولمازمی؟ آنجق

مستوره اولديني حالده دخی طریق مستقیمدن چیقانلرده انکار اولونماز، لکن امر الاهی به امتثال ایله اسباب محافظه یی یرینه کتیرد کدنصکره بوجهندن مسئول اولونمیه جنی کبی آچیقده کزیمک راده سنده فتنه اولامیه جنی شبهه سزدر .

وقت مرهونه قدر عالمک بقاسی انسانلر ایله وانسانلرده تناسل ایله وتناپیلده تناسله اولدیغندن دور آدمدنبری نکاحله امر ایتمک برشریعت و نکاحله ازدواج ایتمک برقوم کچشمیدر؟ نکاحدن مقصد؛ خاتونک زوجنه مخصوص اولوب غیرک تعرضندن محفوظ قالمی و سالم اولسی دگیلدر؟ سلامت؛ خاتونک ایسته دیکی محالدرده سلمه السلام کزیه سنده میدر، یوقسه کندی خانه سنده ایشیله کوجیله مشغول اولوب زوجندن باشقه کیسه یی کورمه مسنده میدر؟ فتنه دن سالم وزوجک قلبی راحت اولق هانکی سنده در؟ انصافی اولان دوشونسون . کذلک نسبه اعتنا لازم میدر، دگیلدر؟ اعتنا لازم اولدیغنی کیسه انکار ایتمز . نسبک شبهه دن وارسته اولسی بونک هانکی سنده در . شوخالده تستر نسوانه اعتراض؛ شهوات نفسانییه تبعیتدن باشقه برشی اولمادیغنی کبی احکام قرآنییه نک تحریفنی آرزو ایتمکدر .

واجب تعالی محرماتدن کوزلری قاپامق زنادن وزنایه وسیله اولاجق اسبابدن قاجینمق لازم اولدیغنی بیاندنصکره حلاله وسیله اولان نکاحله امر ایتمک اوزره ﴿وَأَنكِحُوا الْأَيَامَىٰ مِنْكُمْ وَالصَّالِحِينَ مِنْ عِبَادِكُمْ وَإِمَائِكُمْ إِنْ يَكُونُوا فُقَرَاءَ يُغْنِهِمُ اللَّهُ مِنْ فَضْلِهِ وَاللَّهُ وَاسِعٌ عَلِيمٌ﴾ بیوریور .

[ای] مؤمنلر! سزدن ارکاک و دیشی بکار اولانلر و کوله لریکز و جاریه لریکزدن امور دینه اعتنا ایدن خیرلیرینی نکاح ایدک وقت نکاحده فقر حاللرینه باقماک . اگر آنلر فقیر اولورلرسه الله تعالی فضل و کرمندن آنلری زنکین قیلار . زیرا؛ اللهم رزقی بول، آنلرک حاللرینی بیلیر . [بناء علیه؛ حاللرینه کوره رزقلرینی ویرر .

یعنی؛ نسبک ضیاعنه سبب اولان زنا حرام اولونجه سز نوع انسانک بقاسنه وانسانلر

بیشنده الفتہ و حسن صحبتہ و چوجفک لایقیله تربیه سنه و زیادہ شفقتہ یکانه خادم اولان نکاحه مسارعت ایدک و سزدن زوجی اولمایان بکارلری و کوله لریکز و جاریه لریکزدن نکاحه صالح و دیننده صلاح اولانلری سز نکاح ایدک که عالمک فسادینه و بلکه خرابنه و نوع انسانک انقراضنه بادی اولان زنایه میل ایتمسونلر . اگر آنلر فقیر اولورلرسه الله تعالی آنلری فضل و کرمندن اغنا ایدر . زیرا؛ الله تعالی جود و کرم صاحبی انعامی بولدر، آنلرک حاللرینی بیلیر . بناء علیه؛ حاللرینه موافق صورتده مرزوق ایدر .

امام شافعی «صومله شهوتی قطع ایتمک و عبادتله مشغول اولق نکاحله اشتغالدن افضلدر» دیمش ایسه ده امام اعظم «نکاحله اشتغال نافله عبادتله اشتغالدن افضلدر» بیورمشدر . زیرا نکاح؛ زنادن نفسی محافظه ایتدیکی ایچون ضرری دفعدر . نافله عبادت ایسه جلب منفعتدر . حالبوکه دفع مضرت؛ جلب منفعتدن اولی در . بناء علیه؛ نکاحله اشتغال ایتمک نافله عبادتله اشتغال ایتمکدن افضلدر . چونکه نکاح؛ اهل و عیال بیشنده عدالتی متضمندر . عدالتله اشتغال نافله ایله اشتغالدن و نکاح سنت مؤکده اولدیغنی جهتله سنت مؤکده ایله اشتغال؛ سائر نوافله اشتغالدن افضلدر، آنجق نکاحک لوازمه و حسن امتزاجه مقتدرایسه . اما اقتداری یوقسه نکاحدن تبری و صومه مداومتله اکتفا ایتمک اولی در . زیرا؛ حقوقی ایفا ایدمه چکی شیئی التزام ایتمک انسان ایچون کراحت و موجب اضطراب و کدردر . چونکه؛ تفسیرخازنده بیان اولوندیغنی وجهله (ابن مسعود) حضرتلرندن امام بخاری و مسلمک بالاتفاق روایت ایتدکلری بر حدیثنده رسول الله «ای دلیقانی جماعتی! سزدن بر کیسه نکاحک حقوقی ایفایه قادر اولورسه تزوج ایسون . زیرا تزوج؛ کوزی حرامدن قاپاتیر و انسانی زنادن محافظه ایدر و اگر نکاحک حقوقی ایفایه قادر اولامازسه اوروجه دوام ایسون . چونکه اوروج؛ شهوتی قاطعدر» بیورمشدر .

بو آیتده نکاحله امر؛ ندب ایچونددر و جوب ایچون دکلدر . کوله نک و جاریه نک نکاحلری افندیلرینه عائد اولوب افندیلرینک اذنی اولقسزین کندی نفسلرینی نکاح ایدمه چکلرینه آیت دلالت ایدر .

ایامی؛ ارکاک و دیشی نطاع آلتنده بولونمایانه بکرلر دیمکدر . امام شافعی عندنده

خاتونك نکاحنده و لیسنك اذنی شرطدر. اما امام اعظمه کوره صیلر ایچون ولیرینك اذنی شرط ایسهده بالغ اولان کیمسه و لیسنك اذنی اولمقسزین نفسی نکاح ایده بیلیر. بو آیت جلیله؛ نکاحك غنایه سبب اولدیغنه دلیلدر. زیرا؛ واجب تعالی نکاحه رغبت ایدنلر ایچون غنای و وعد بیوریور. نکاحده غنا دخی بالفعل مشاهددر. نکاحده غنایه اسباب ظاهریهده وارکه زوجله زوجنك رزقلری اجتماع ایدر. ایکسی تشریک مساعی ایتدکری کبی زوج نکاح سببیه اسبابه توسل ایدر بکار حالی کبی اولماز و بینهماده حاصل اولان چوجقلرك رزقلریده انضمام ایتمکله مجموع، آز و جوق بر یکون تشکیل ایدر. بناء علیه؛ حضرت عمر «نکاحك غیریدن غنا طلب ایدن کیمسه به بن تعجب ایدرم» بیورمشدر. شو حالده فقر حالك نکاحه مانع اولیه جفی و نکاحك غنایه سبب اولاجنی بو آیتدن مستفاد اولان فوائد جمله سندندر.

*

واجب تعالی حر و جاریه و کوله جمله انسانلرك نکاحلرینی بیاندنصرکه نکاحدن عاجز اولانلرك حاللرینی بیان ایتک اوزره ﴿وَلَيْسَتَغْنِفِ الَّذِينَ لَا يَجِدُونَ نِكَاحًا حَتَّى يُغْنِيَهُمُ اللَّهُ مِنْ فَضْلِهِ﴾ بیوریور.

[شول کیمسهلرکه نکاحك لوازمندن اولان مهری و نفقه بی بولامادیلر. الله تعالی آنلری فضلندن اغنا ایدوب نفقهیه و مهره قدرت و یرنجیه قدر آنلر نفسلرندن عفت طلب ایتسونلر و نفسلرینی زنادن صیانت سببیه قوه شهوانیهلرینه مدافعه ایتسونلرکه حرام اولان زنایه مبتلا اولماسونلر.]

یعنی؛ فقرا اولوب نکاحك اسبابی تدارك ایدهمه ینلره الله تعالی کنندی فضل و کرمدن آنلری اغنا ایدنجیه قدر نفسلرینی عفته جبر ایتسونلر و شهوتك مشقته صبر و تحملله عفته سعی و اقدام ایتسونلرکه زنادن خلاص اولسونلر. فقرانك نکاحك جوازینی بیاندنصرکه مبادی نکاحدن و نفقهدن عاجز اولانلری بو آیت جلیله حاللرینه اولی و افضل اولان شیئه ارشاد ایتمشدر. بو آیتلرده حسن تربیه و انسانك حاله لایق اولان احوالی بیاندنغایت انتظام وارددر.

چونکه؛ واجب تعالی اولافتنه دن و مواقع معصیتدن محافظه ایده جك اولان کوزلری قاپامقله امر ایتدی که کوزی ایله کورمك فتنیه و زنایه وسیله اولاجنی بیسانله ارکک و دیشی کوزلرینی حرامدن محافظه ایتلرینی امردنصرکه حرامدن مغنی قیلان و دینی محافظه ایدن نکاحله امر بیوردی. بعده نکاحدن عاجز اولانلرده مردانه برصورتده نفس امارهیه مقاومتله عزت نفس طاشیملرینی امر ایتدی که نفسك کوله سی اولقله زنا کبی آتی و آزیحق لذت ایچون بر طاقم رذالتی و دناتتی ارتکاب مذلتندن خلاص اولسونلر.

*
*
*

واجب تعالی کوله و جاریه نکاحلرینه افندیلرینه امر ایتدکنصرکه عبدلر و جاریه لر حریتلرینه طالب اولدقلرنده بدل کتابته کسملرینی امر ایتک اوزره ﴿وَالَّذِينَ يَبْتِغُونَ الْكِتَابَ ثُمَّ مَلَكْتَ اِيْمَانُكُمْ فَكُلِّبُوهُمْ اِنْ عَلِمْتُمْ فِيْهِمْ خَيْرًا وَاَوْهُمْ مِنْ مَّالِ اللَّهِ الَّذِي اَتَيْكُمْ﴾ بیوریور.

[کوله و جاریه ملک یمینله مالک اولدیغکنز مملوکلریکزدن بدل کتابته حریتلرینی طلب ایدنلرده خیر بیلیر و صلاح مأمول ایدرسه کز آنلری بدل کتابته کسک. اللهم سزه و یرمش اولدینی مالندن آنلره بر مقدار و یرک.] یعنی بدل کتابتدن بر مقدارینی تنزیلله عبدی مسرور ایتمکز امر مندوبدر.

کتابت؛ عقود شرعیه دن بر عقددر و صورتی شویله در: عبد و یا جاریه بر مقدار پاره بدلنده آزاد اولومسنی افندیسندن طلب ایدر. افندیسیده راضی اولورسه مثلاًیکرمی و یا اوتوزلیرایه اوچ آیدن و یا آلتی آیدن کبی برمدت تعیین ایده رک «سنی مکاتب ایتدم» دیدکنصرکه عبد و یا جاریه «قبول ایتدم» دیمسبیلله عقد منعقد اولور. اومدت ظرفنده مملوک قازانجه مالک اولور و تعیین اولونان مقداری مولاسنه تسلیم ایدرسه آزاد اولور. اگر تسلیم ایده مزسه مولی مخیردر ایسترسه عقدی فسخ ایدر کوله نک رقیق عودت ایدر، ایسترسه مدتی تمدید ایدر کوله بدل کتابته سعی ایدر. شو قدرکه عقد فسخ اولوندینی صورتده کوله و یا جاریه نک ائنده کی مال مولانك اولور.

کتابته امر؛ ندب ایچوندر و جواب ایچون دکلدرد. زیرا؛ مولا ملکندده مستقلدرد. بناء علیه؛ رضاسی شرطدرد. شو حالده کوله کتابته طالب اولمقله مولى ملکندن فراغت مجبور اولماز. فقط آیتك مقتضاسی مستحب اولان کتابتی قبول ایتمکدرد. حتی عبد طالب اولادن مولى بدل کتابته کسه بیلیر. عبد قبول ابتدکی صورتده عقد منعقد اولور. عبدك حسن حاله صاحبی و کسبله بدلی ادايه اقتدارى آیتده شرط قبلندی که طرفین متضرر اولماسونلر. بدله کتابتدن بر مقدارینی مولانك تنزیل ایتسی مستحب اولدیغنی ده جناب حق بو آیتله بیان بیوردی. **عقد کتابتك شرطی**؛ مولى عاقل و بالغ اولمقدرد. چونکه؛ مجنون وصبی عقدده اهل اولما دقلرندن پازا لقلری معتبر دکلدرد. آیتك سبب نزولی؛ (خویط بن عبدالعزی) نك بر کوله سی بدل کتابته طالب اولوب خویطك امتناع ایتسی اوزرینه آیت نازل اولمشدر.

**

واجب تعالی جاریه و کوله نك نکاحلرینی و بدل کتابته حریتلرینی اکتساب ایدیه بیله جککرینی بیاندنصکره جاریه لری زنایه اکرهك جائز اولما دیغنی بیان ایتك اوزره ﴿وَلَا تُكْرِهُوا فَتِيَاتِكُمْ عَلَى الْبِغَاءِ إِنِ ارْدُنَّ مُحْصَنَاتٍ لِّتَبْتَغُوا عَرَضَ الْحَيَوةِ الدُّنْيَا وَمَنْ يُكْرِهِنَّ فَإِنَّ اللَّهَ مِنْ بَعْدِ إِكْرَاهِهِنَّ غَفُورٌ رَحِيمٌ﴾ بیوریورد.

[اگر جاریه لریکیز زنادن عفت مراد ایدرلرسه حیات دنیا متاعنی طلب ایتك ایچون زنایه اکره ایتمهك بر کیمسه آنلری اکره ایدرسه آنلری اکره ایدنصکره الله تعالی غفوردر، رحیمدر.] چونکه؛ مکروه اولان کیمسه کرها ایشله دیکی فعلده معفو و معذوردر. یعنی؛ ای مؤمنلر! جاریه لریکیزی زنایه اکره ایتمهك. اکر آنلر عقللرینك قیسه لنی و عجزلریله برابر زنادن نفسلرینی محافظه مراد ایدرلرسه سزه اکره یاقیشماز. چونکه؛ عقلك و شرعك راضی اولیه جنی افعالدن آنلری محافظه سزه ده الیقسکره بناء علیه؛ آنلر ایسته مدیکی حالده سزك فعل فاحشه آنلری سوق ایتمکیز اقبح قیایمقدرد. شو حالده منفعت دنیایی طلب ایچون بر طاقم عقیقه جاریه لریکیزی فنا فعله سوقله عدالتدن

حقیمايك. اکر بر کیمسه اکره ایدرسه آنلری اکره ایدنصکره الله تعالی آنلری مغفرت ایدیجی و مرحمت بیوریجیدر. زیرا؛ آنلر مکروه اولدقلری جهته عفو اولونورلرولکن اکره ایدنلری الله تعالی اشد عذابه معذب قیلار.

بو آیتده ابوالسعود افندیك بیانی وجهله جاریه لرك تحصن مراد ایتلرینی بیان؛ افندیلرینه تعریض و توییح ایچوندر. چونکه؛ جاریه لرك شهوتلری غالب و نفسلری زنایی امر و محاسن اخلاقی ادرا کدن عقللری قاصر اولدیغنی حالده آنلر عفت مراد ایدرلرسه افندیلرینك عفت مراد ایتلری ده اولی ایکن بالعکس مولالرینك زنایه سوق ایتلری اشع دیمکدرد. جاریه لرك عفت مراد ایتلرینی بیان؛ عادت مستمره اولدیغنی بیان ایچوندر، یوقسه جاریه لرك عفت مراد ایتلرلرسه اکره جائز دیمك دکلدرد. زیرا؛ هر زمانده و مکانده و هر حالده زنایه سوق ایتك جائز دکلدرد. شو قدر که جاریه لرك زنایه میلی اولورسه افندیلرك سوقنده اکره اولماز. چونکه؛ جاریه زنایی بالرضا قبول ایدر ولکن بوضورتده جاریه ده افندی ده عاصی اولورلر. بومثللو افعال قیحه یه کندی ملککری و عائله لری داخلنده حمایه لری آلتنده بولونانلری اجبار ایدنلرك دنائت طبعلرینه اشارت ایچون بوقدر عظیم وزر و وبالی ارتکابلری هر زمان زواله معروض اولان متاع دنیایی طلب ضمنتده اولدیغنی بیان اولونمشدر. چونکه؛ بوقدر عظیم بر کنهای خسیس بر مقدار مال ایچون ارتکاب ایتك دنائتدن باشقه بر شی اولماز.

بو آیتده زنانك بك بویوك کنه اولدیغنه اشارت ایچون اکره ایدنصکره مکروه اولان جاریه لرك مغفرت الهیه یه محتاج اولدقلری بیان اولوندی. حالبوکه مکروه اولان کیمسه کرها ایشله مش اولدیغنی فعلدن مسئول اولماز. لکن زنانك شناخته بناء هر نه قدر کرها ایشله مش اولسه لر دخی مغفرتیه محتاج اولونجه اکره ایدنلرك حاللری تأسفه شایان بر حالدر. آیت جلیله نك سبب نزولی؛ فخر رازی، قاضی، ابوالسعود و خازنك بیانلرینه نظراً شویله در: (عبدالله ابن ابی) آتی جاریه سینه چادیر قورار و زنایه اجبار ایدر که آنلرك اجر تریله تمتع ایتسون. جاریه دن ایکیسنك رسول الله شکایت ایتسی اوزرینه بو آیت جلیله نك نازل اولدیغنی مرویدر.

خلاصه؛ جاریه سنی بر کیمسه نك زنایه اکره ایتسی جائز اولما دیغنی و اکره ایتدیکی

صورتده جاریه نك كرها ایشله دیکی کنایه اللهك مغفرت بیوره جفی بو آیتدن مستفاد اولان فوائد جمله سنددر .

واجب تعالی سوره نك بدایه سندبری ذکر اولونان احکامی بیاندنصکره قرآنی اوچ صفتله توصیف ایتک اوزره ﴿وَلَقَدْ أَنْزَلْنَا إِلَيْكُمْ آيَاتٍ مُّبَيِّنَاتٍ وَمَثَلًا لِّلَّذِينَ خَلَوْا مِن قَبْلِكُمْ وَمَوْعِظَةً لِّلْمُتَّقِينَ﴾ بیوریور .

[ذات الوهیمه قسم ایدرم که محقق بز عظیم الشان سزله احکامی وصلاح و نجاتکزی بیان ایدیجی آیتلر ایندیردک وسزدن اول کچنلرک ظلم وعدوانلری اوزرینه ترتب ایدن احوالدرینی بیان ایدر مثالدرده انزال ایتدک که سز آنلردن عبرت آلاسکز و متقیلره موعظهده انزال ایتدک که آنلر وعظ ونصیحت قبول ایتسونلر .]

بوآیتده واجب تعالی قرآن ایچون ؛ اوج صفت بیانه ایتدی : برنجیسی ؛ قرآنک آیتلری ، مهول و مرامی و انسانلرک صلوح و بختلرینی صورت و اضمرده بیانه ایتسیر . ایکنجیسی ؛ امت محمدیه ده اول کجی انلرک نورانه و انجیلدره بیانه اولونانه اهللرله مشابه اهللری قرآنه بیانه بیورسی و برهاتک مالنی آنلرک ماللرینه مشابه اولاری قرآنک بیانه ایتسیر . اوچنجیسی ؛ قرآنک متقیلره موعظه اولسیر .

قرآنک جمله انسانلره موعظه اولدینی حالده عاصیلری عصیاندن منع ایچون واجب تعالی قرآنک متقیلره وعظ اولدینی تخصیص بیوردی . چونکه ؛ قرآندن انتفاع ایدرجهک متقیلردر ، عاصیلر دکلددر . شو حالده آیتده عاصیلری اتقایه ترغیب وارددر . یاخود قاضی و بیضاوینک بیانلری وجهله آیتلر له مراد ؛ بوسوره نك آیتلرله و مثل ایله مراد ؛ حضرت عائشه نك افك قصه سیر . چونکه ؛ حضرت عائشه قصه سی ام سالفه دن حضرت مریم و حضرت یوسفک قصه لرینه مشابه و آنلرک نظیریدر .

واجب تعالی قرآنده مثل غریب ذکر ایتدیکنی بیاندنصکره بعض مثل غریبی بیان ایتک اوزره ﴿اللَّهُ نُورُ السَّمَوَاتِ وَالْأَرْضِ﴾ بیوریور .
[الله تعالی کوکلرک و یرک ضیاسنی و یریحیدر .]

بیضاوینک بیانی وجهله نور ؛ کوز ایله کوریلور و شمس قمرده و سائر ضیا و بریجی شلردنه مقابلدره اولاره جسم عکس ایدر بر کیفیت اولدیرفندره بو معناجه نورک واجب تعالی یه اطلاقی صحیح اولمادینی جهته تاویلر محتاجدر . بناء علیه « الله تعالی سموات وارضک نورینک صاحبی » دیمکدر . چونکه ؛ واجب تعالی هر شینه مالک و هر شینک صاحبی اولدینی کبی نورک دخی صاحبیدر . یاخود نور ؛ اهتدایه سبب اولدینی جهته بو مقامده هدرایت معناسنددر . بوکا نظراً معنای نظم : [الله تعالی سموات وارض اهلنی هدایتده قیلیدر] دیمک اولور . یاخود [الله تعالی سموات وارض حکمت عجیبه سیله تدبیر ایدیر] دیمکدر . چونکه ؛ بر قومک رئیس و مبرر امور لرینه نور دینک عربلر آره سنده جاریدر . شو حالده ﴿الله نور السموات﴾ دیمک ﴿الله مدبر السموات﴾ دیمکدر . یاخود [سموات و ارضک ناظمی] دیمکدر . چونکه ؛ حسن ترتیب و انتظام عجیبه نور اطلاقی وارددر . یاخود نور ؛ نور معناسنددر . بوکا نظراً معنای نظم : [الله تعالی سموات وارض نورلاندیر یجی] دیمکدر . چونکه ؛ واجب تعالی سمواتی ملکر و ییلدیزلر و آی و کونشله و یر یوزینی دخی انبیا و علما و مؤمنلر و نباتات و اشجارله نورلاندیر مشدر .

﴿مَثَلُ نُورِهِ كَمِشْكُوهٍ فِيهَا مِصْبَاحٌ الْمِصْبَاحُ فِي زُجَاجَةٍ﴾

[واجب تعالی نورینک قلب مؤمنده صفت عجیبه و شان غریبه سی پارلاق بللور ایچنده بولونان چراغ کندیسندره قونیلان پنجره کیدرکه او پنجره ده اصلا منفذ یوقدر . بللور ایچنده چراغ آنده موجوددر .] چونکه قلب مؤمن ؛ و هودک و سطنده بر پنجره و نور الهی کندیسندره مودوع اولاره مللور و نور الهی ده ضیا و بره چراغ مثابه سندره .

در. ياخود اللهك نوری ايله مراد : پیغمبر من علیه الصلوة والسلام افتر بمزدر .
زیرا پیغمبر من ؛ دیناک و سطنده عالمی نور لا ینبرجی بر نور السهربر .
﴿ اَلْزَّجَاجَةُ كَاَنَّمَا كُوَّكَبٌ دُرِّيُّ يُوقَدُ مِنْ شَجَرَةٍ مُّبَارَكَةٍ زَيْتُونَةٍ
لَا شَرْقِيَّةٍ وَلَا غَرْبِيَّةٍ ﴾

[اوبلاور کمال ضیا و یارلا ییشندن کآن پارلا یجی ییلدی زکه خیری چوق و کونک طوغدینی
و باتدینی یرده اولیه رق ارضک و سطنده یتمش زیتون آغاجک یاغندن یا ندر یلیور .]
بو آیتده زیتون آغاجک منافع کثیره سنه اشارت اولق اوزره واجب تعالی زیت آغاجی
بر کتله توصیف ایتدی . چونکه زیتون یتیر و یاغی یانار و ضیایی غایت کوزلدر . حتی
طوفان نصکره دنیا یوزنده اول بیتن آغاجک زیتون آغاجی اولدینی مرویدر . بناء علیه ؛
انسانلرک آندن انتفاعی دیگر آغاجلردن ده ا مقدمدر .

زیت آغاجک شرقه و غربه منسوب اولماسی ؛ صباح و آقشام کونش لرندن محروم
دکل هر زمان کونش کندینه اصابت ایدر دیمکدر . چونکه ؛ هر وقت کونش اصابت
ایدن آغاجک میوه سی غایت کوزل و ضیایی چوق اولور .

تفسیر خازنده بیان اولوندیغنه نظراً شرق و غربه منسوب اولمایان زیت له مراد ؛
دیناک و سطنده اولوردر . دیناک و سطنک ده شام شریف اولسی محتملدر . زیرا ؛ شامک
زیتونی هر یرک زیتونندن نفیس و اعلا اولدینی مشاهده اولونمقدهدر .

﴿ يَكَادُ زَيْتُهَا يُضِيءُ وَلَوْ لَمْ تَمْسَسْهُ نَارٌ ﴾

[او آغاجک یاغی ولو آتش مس ایتسه دخی ضیا و یرر و ضیا و یرمکه یقیندر .]

﴿ نُورٌ عَلَى نُورٍ ﴾

[او یاغک ضیایی ؛ ضیا اوزرینه ضیا ، نور اوزرینه نوردر .] چونکه مصباحک
نوری ؛ بللورک نوری اوزرینه نوردر .

﴿ يَهْدِي اللَّهُ لِنُورِهِ مَن يَشَاءُ ﴾

[الله تعالی کندی نوری ايله دیله دیکی قولنی هدایتده قیلار .] چونکه دیله دیکی
قولنه دین اسلامی توفیقله طریق حقه ایصال ایدر .

﴿ وَيَضْرِبُ اللَّهُ الْأَمْثَالَ لِلنَّاسِ وَاللَّهُ بِكُلِّ شَيْءٍ عَلِيمٌ ﴾

[الله تعالی مقصدی ایضاح ایچون ناسه ضروب امثالنی بیان ایدر . زیرا ؛ الله تعالی
هر کسک استعدادینی و هر شیئی بیلیر .]

﴿ فِي بَيُوتِ آذِنَ اللَّهُ أَنْ تَرْفَعَ وَيَذْكُرَ فِيهَا اسْمُهُ يُسَبِّحُ لَهُ فِيهَا بِالْغُدُوِّ وَالْآصَالِ ﴾
[او مشکات و مشکاتک ضیایی شول اولرده که او اولرک یوکسک قیلنمسنه و تعظیم
اولونمسنه الله تعالی اذن و یردی و او اولرده اللهک اسمی ذکر اولوندینی کبی صباح
و آقشام وقتنده الله تعالی تسبیح اولونور .]

اولرله مراد ؛ ممبرلدر . زیرا یر یوزنده مسجدلر ؛ الله عبادت ایتک ایچون
یا بیلمش عبادتخانه لدر . حتی کونک یوزندن ییلدی زلرک ضیایی بزه کوروندیکی کبی یر
یوزندن مسجدلرک ضیایی ده اهل سباه ییلدی زلرک کوروندیکی (ابن عباس) حضرتلردن
مرویدر . تفسیر خازنده بیان اولوندیغنه نظراً بعضیلری بو آیتده بیوت له مراد ؛ یر یوزنده
انبیاء کرام طرفنده بنا اولونانه دوت ممبردر . آنلردن کعبه معظمه ؛ ابراهیم و اسمعیل
علیهما السلامک بنامیدر . قدس مسجدی ؛ داور و سلیمان علیه السلامک بنامیدر .
مسجد مدینه و مسجد قبا ایسه بزم پیغمبر مزک بنامیدر . چونکه ؛ بونلرک بناسنه
و تعظیمله شانلرینک اعلاسنه الله تعالی اذن و یرمشدر .

بو مسجدلرده تسبیح له مراد ؛ صلوات و فروضهدر . چونکه صباح وقتنده قیلان
نماز ؛ صباح نمازیدر . دیگر دوت وقت ایسه وقت آصالد قیلنیر . زیرا اصیل ؛
قولنمقده نصکره اولاره وقتک بجز من الطلوع اولونور .

(مثل نوره) اللهک نور بک صفی دیمکدر . مشکات ؛ یر پیغمبر که دیوارک

طيارينه دليكي اولمايوب يالكز بولونمى اولمك ايجنه نازدر . چونكه؛ منفدى يالكز بر طرفه اولديغنده ايجنده يانان شمعك ضياى زياده اولور . مصباح؛ چراغ . زجاجه؛ بللورده قنديل . يعنى « اللهمك قوللرينى هدايته قىلان نورينك مثالى؛ بللورده قنديل ايجنده يانان چراغ كنديسنده بولونان نجره كيدير . او بللور ايجنده يانان چراغ كندنده بولونان نجرهك ضياى واسطه سيله هر كس اطرافى كوروب ايني و كوتوبى فرق ايتديكي كى نور الهى واسطه سيله هر كس طوغرو يولى بيلير . »

(الزجاجة كأنها كوكب دري) او چراغ؛ كنديسنده بولونان بللورده قنديل كانه بارلاق بر بيليردرك بوقارده بجرده طاقلى اولديغنده سماء بيلير كى هر كس كوروب ديمكدر . ايستين آنكله اهتدا ايدر و هر كس نسبتى بر در، هيچ بر كيمسه حقنده صاقل دكلدر . فقط او نورله تنور ايدن ايدر و تنور ايدمه ين ده تنور ايتمز . دُرِّي؛ ايجو دالري كى بارلاق ديمكدر .

(يوقد من شجرة مباركة زيتونة) او چراغ خيبري كثير و بر كى جوق اولامه زيتونه آغامك زيتوننده ماص اولامه ياغيد بانبيريدرك (لاشرقية ولا غربية) او زيتونه آغامي يالكز شرق و باخود يالكز غرب منسوب دكل، بلكه شرق و غرب نسبتى مساوى اولديغنده دائما شمس و مريجه و ميوه سى نمايد اولغونه و در لغونه اولديغى جرنده ياغى غايت صاف و برادر . حق (يكاد زيتنها يضيء ولو لم تمسسه نار) او آغامك ياغى او قدر مالهى كه آنسه طوقونمسه بيد همانه ضيا و برمكه ياقيندر . (نور على نور) چراغك نوري باهورك نوري و باغك صفونى ضيا اوزرينه ضيادر . (يهدى الله لنوره من يشاء) ايتة او نوريد الله تعالى و بدديكي قولنى طوغرو بول اولاشيدر . (ويضرب الله الامثال للناس) و ناس مقيفى آلامى ايجونه الله تعالى بو كى مثالى يانه ايدر . (والله بكل شئ عليم) زيرا؛ الله تعالى هر شئى بيلير .

بيضاوى ، نيسابورى و خازنك بيانلرى وجهله نورله مراد؛ هدايتدر . شو حاله (الله نور السموات والارض) ديمك الله تعالى سموات و ارضك هاديسى يعنى اهل سما

واهل ارضى هدايته قيندر و بو تمثيل ده هدايتى تمثيلدر . يعنى « اللهمك قوللرينى هدايتى؛ وضوح ظهرده خالص زيتون ياغندن يانديلمش بارلاق بيلديزه بكنزه ين بللور ايجنده يانان چراغ كندنده بولونان مشكاته يعنى نجره به بكنزهركه او نجرهك ضياى سبيله هر كسك اطرافى كوروب خيبرى و شرى فرق ايتديكي كى هدايت الهى ايله دخى هر كس حق و باطل يولنى بيلير و حق اولان طريقه واصل اولور » ديمكدر . او حاله هدايت الهيه؛ طوغرو يولى كوستر مكر . بومعناجه هدايتك جمله قوللره نسبتى مساويدرك شرقه و غربه مائل اولمايوب دائما شمس نسبتى مساوى اولان زيتون آغاجى كى هر كس نسبتى بر در و لكى او هدايتله اهتدا ايدن ايدر . حق هدايت الهيه او قدر اچيقدركه مستعد و شدت ذكايه مالك اولانلر تفكر و تعلمه محتاج اولمق سزين او هدايتله اهتدا ايدر لركه آتش طوقونمق سزين ضيا و برمكه مستعد اولان زيت ياغى كى بارلاقدر . چونكه الله تعالى نك قوللرينى هدايتى؛ كتابلر انزال ايتمكله اولور كه كتب سماويه؛ كلام الهى اولمقده و متضمن اولدينى احكامده و حقه عدالته دالته نظر انصافله باقانلره كونش كى بارلاقدر . رسل كرام و آنلرك معجزه لرى ايله ده هدايته قىلار كه كرك رسوللر و كرك معجزه لرى طريق حقه دالته شبهه براقيه حق درجه ده اچيقدركه و حدائته هدايتى؛ آفاقده و انفسده دليللر و علامتلر وضع ايتمكله اولور كه هر جمله سنك و حدائته دالالى پك ظاهر در . شو حاله اللهمك هدايتى؛ نور، مؤمنلرك اهتدالرى ده نور اوزرينه نوردر .

ياخود نور ايله مراد؛ رسول الله اولديغنه نظراً (كعب) حضرتلرينك بيانى و جهله معنائى آيت شويله در : [واجب تعالى نك نوري اولان محمد عليه السلامك صفت عجيبه سى؛ مشكاته بكنزه ين كو كسنده بللور كى اولان قلب نبويلرنده كى نبوت چراغى شجرة نبوتدن ضيا و يرزكه نور محمد لمعان ايدر و لوسه كندينك نى اولديغنه دائر تكلم و قوع بولماسون . آتش طوقونمق سزين كال صفوتندن زيتك ضيا و يرديكي كى نور نبوت دخى ضيا و يرر و نور محض اولان قلب محمد اوزرينه نبوت ده نور على نوردر و رسول الله جمله عالم رسول اولديغندن عمومه نسبتى و دعوتى مساويدرك، هيچ بر كيمسه حقنده رسالته فرق يوقدر . بناء عليه؛ دعوتنه اجابت ايدن مستفيد اولور] ديمكدر .

تفسير خازنده بيان اولونديغى و جهله (ابى بن كعب) ده بو آيت شويله معنا و ير مشدره : خلاصة البيان : اوتنجي جلد — ۲۲

[اللهم مؤمنده اولان نورينك مثلي مؤمنك مشكاته بکزه بن جسمنده موجود بللور کبی اولان قلبنده چراغه مشابه ایمانی شجرة مبارکه منزله سنده اولان اخلاصدن لمعان ايدر پارلار. کأن قلب مؤمن؛ سماءه معلق پارلايحي بيلديز کبی وجود انسانده معلق شرقه وغربه نسبتی يوق یعنی دائمی ایمانی ضیا ويرر دورور، يوقسه بروقه مخصوص دکلدرد و اخلاص نتیجه سی مؤمن اولديغنه دائر تکلم وقوعبولسه دخی ضیاسی ويرر کسيلمز. ایمان اوزره اخلاص؛ نور علی نوردر، یاخود ایمانی اوزره عملی؛ نور علی نوردر و یاخود مؤمنك ایمانی و قرآنك احکامی؛ نور علی نوردر.]

**

واجب تعالی یر یوزنده مسجدلرده اسمك ذکر وذات الوهیتی تسبیح اولونديغنی بیان ایتد کدنصکره تسبیح ایدنلرک کیملر اولديغنی بیان ایتک اوزره ﴿رِجَالٌ لَا تُلْهِيهِمْ تِجَارَةٌ وَلَا بَيْعٌ عَنْ ذِكْرِ اللَّهِ وَإِقَامِ الصَّلَاةِ وَإِيتَاءِ الزَّكَاةِ يَخَافُونَ يَوْمًا تَتَقَلَّبُ فِيهِ الْقُلُوبُ وَالْأَبْصَارُ﴾ بیوریور.

[یر یوزنده برطاقم رجللر اللهی نقائضدن تنزیه ایدرلر که او رجللری اللهی ذکر ایتکدن و نمازی اقامه و زکاتی و یرمکدن تجارت، بیع و شرا کبی معامله دنیویه دن هیچ یرسی مشغول ایتمز. حالبو که اورجللر اول برکوندن قورقارلر که او کونده قبلر مضطرب اولور و کوزلر کورمدیکنی کورور حیرتده قالیر.]

یعنی؛ یر یوزنده اللهه تسبیح ایدن رجال کاملردر و طریق السهی به سلوک ایچون اُنکلینی صیغامشلا و اخلاص اوزره ربلینی تنزیه دوام ایدرلر و غایت شانلری عالی و تعظیمه شایاندرلر. زیرا؛ اوشان عالی صاحبی اولان رجللری الله تعالی بی ذکر ایتکدن و جانب السهی به توجه ایلر درگاه الوهیتة التجا ایتکدن و صلوات مفروضه شرائطه رعایتله اوقائنده ادا ایتکدن و زکات مفروضه لرینی و یرمکدن آنلری تجارت و بیع و شرا کبی دنیایه متعلق معامله لراصلاح منع ایتمز. زیرا؛ آنلر اللهک امرینه امتالی هرشی اوزرینه تقدیم و هر اموردن اهمیتلی عدایدرلر. چونکه آنلر یوم عظیم اولان قیامت کوندن قورقارلر که او کونده قبلر

مضطرب اولور و حیرتده قالیر و کوزلرک ایچی طیشنه چیقار و بیاضلنی صاری و کولککه تبدل ایدر و قبلر بیلمدیکنی بیلیر و کوزلر کورمدیکنی کورور. زیرا؛ قلبك شکي یقینه و کوزك برده سی آجیقلغه انقلاب ایدر.

ذکرله مشغول اولان رجالك شانلرینه تعظیم ایچون رجال لفظی بو آیتده تعظیمه دلالت ایدن تنوینله وارد اولمشدر. فخر رازینك بیاننه نظراً طائفة نسوانك جمعه و جماعت ایچون حاضر اولملری واجب اولمادیغنه اشارت ضمنتده مسجده ذکر ایدنلرک رجال اولديغنی تصریح اولونمشدر. انسانی عبادتن منع ایدن شی اکثریتله تجارت و بیع و شرا اولديغنه اشارت ایچون تجارتك عبادتلرندن منع ایتدیکنی صراحة بیان بیورمشدر. «تجارت و بیع و شرا و سایر امور دنیا اقامه صلاته مانع اولماز» دیمک «وقتندن تأخیره سبب اولماز» دیمکدر. چونکه؛ وقتندن تأخیره اقامه اولونان صلاته اقامه دینلمز. بناء علیه اقامه صلات له مراد؛ وقتنده ادا اولونامر.

ذکر و تسبیحله مشغول اولان رجللرک عمللری یا لکزه عبادات ظاهریه منحصر دکلدرد، بلکه آنلر قبلر یله اللهک عذابندن خوف ایدرلر. چونکه؛ بیلیرلر که نه قدر دقت ایتسیرلر شان الوهیت لایق عبادت ایده بیلیمک بشر ایچون ممکن دکلدرد. بناء علیه؛ یوم قیامتك احوالندن اندیشه اوزره بولونورلر. بو عذابدن خوف و تلاشلی هر زمان موجود اولديغنه اشارت ایچون هر زمان بولونماسنه دلالت ایدن مضارع صیغه سیله وارد اولمشدر.

یوم قیامتده قبلرک و کوزلرک قبللری ایلر مراد؛ فخر رازینك بیانی وجهله قبلرک و کوزلرک مضطرب اولماسیر و یاخود دنیاده اولمه امور اللهینک برلیر. زیرا؛ قلب بیلمدیکنی بیلیر و کوزده کورمدیکنی کورور. یاخود قلب نجات امید ایدرکن هلاکدن خوف ایتکه منقلب اولور و کوزلرده دفتر اعمالك هانکی جانبندن کله جکنی بیلرمدیکندن کاه صاغ طرفه و کاه صول طرفه دوزر که دفترینک نره دن کله جکنی کورسون. و یاخود قبلر او کونده کوریلرک هول و شدائدك اضطرابندن یرندن آلاشیر حلقومه کلیر و کوزلر کولککه انقلاب ایدر.

**

واجب تعالى عبادته مشغول اولان كيمسه لرى ثنا ايتد كدنه كره اور جالك عبادتن غايه
امللرني بيان ايتك اوزره ﴿لِيَجْزِيَهمُ اللهُ اَحْسَنَ مَا عَمِلُوا وَيَزِيدَهُم مِّنْ فَضْلِهِ
وَاللهُ يَرْزُقُ مَنْ يَشَاءُ بِغَيْرِ حِسَابٍ﴾ بيوريور .

[ذكرله عبادته مشغول اولان رجلر او عبادتله مشغول اولمقدن مقصدلرى؛ الله
تعالى آنلرى عمللرينك اك اغلاسيله جزالانديرمسي وفضل وكرمندن آنلره عمللرندن دها
زياده ثواب ويرمسي ايچون در . الله تعالى ديله ديكي قولنى حسابسز مرزوق ايدر .]
يعني ؛ افعال عباد غرضسز اولماز، البته برغرضه مبتيدر . بناء عليه ؛ شور جالك ذكر
وفكرله فرض و نافلة نمازي قيلمقدن وز كاتي ادا ايتمكدن غرضلرى ؛ الله تعالى نك عمللرينك
غايه كوزلنى ودها كندى فضل وكرمندن استحقاقلرينك فوقنده زياده ثواب ويرمسي
ايچوندر . چونكه ؛ الله تعالى ديله ديكي قولنى حسابسز وعوضسز مرزوق ايدر؛ زيرا ؛
اللهك قدرتي كامل و احسانى واسعدر .

تفسير خازنده بيان اولونديغنه نظراً عمللرينك احسنيله جزادن مراد؛ طاعاتلرينك
كاييسله جزا و كناهلرندره مغفرت اولونميسيدر . ياخود عمللرندره دها كوزل بر جزا كه
برده اونه ، اوندره بريوزده قدر ثواب و برلمكدر . فضل وكرمندن زياده ايله مراد ؛
استحقاقلرينك فوقنده و برلمك عطاياى الهيه در .

ديله ديكي قولنى حسابسز مرزوق ايده جكنى بيان؛ فضل وكرمندن زياده ويره جكنى
وويرمكه قدرت تامه سي اولديغنى و احسانك واسع اولوب خزينه سته اصلا نقصان كلديكنى
تحقيق و تقريردر .

**

واجب تعالى مؤمنلك دنياده و آخرته حالى بيانن صكره كافرلك حالى بيان
ايتك اوزره ﴿وَالَّذِينَ كَفَرُوا أَعْمَالُهُمْ كَسَرَابٍ بِقِيعَةٍ يَحْسَبُهُ الظَّمْآنُ مَاءً حَتَّىٰ

اِذَا جَاءَهُ لَمْ يَجِدْهُ شَيْئًا وَوَجَدَ اللهَ عِنْدَهُ قَوِّيهُ حِسَابَهُ وَاللهُ سَرِيعُ الْحِسَابِ﴾
بيوريور .

[شول كافرلكه آنلك عمللرى دوز اووه و محرالرده صوكي كوريلن سرايه بگزدر .
صوسز اولان كيمسه آنى صو ظن ايدر . حق او سرايك كورونديكي يره قدر كلير
ولكن او سرايى موجود برشى بولماز . ايشته كافرلكه آخرته عمللرى واركي كلكلرندره
هيچ برشى بولامايبوب مأبوس اولونجه اوراده حاضر اولان اللهك قدرتي و امر واراده سنى
بولورلر . در حال الله تعالى آنك حسابنى كورور . زيرا ؛ الله تعالى نك حسابى غايه سريعدر]
يعني ؛ كافرلكه كفرلرى حاللرندره كندى اعتقادلرنجه عملدن خالى اولمازلر . بناء عليه ؛
او عمللرندن ثواب ده اميد ايدرلر ولكن عبادته اساس اولان ايمان اولماديغندن عمللرى صيغاق
زمانده دوز اووالر و محرالرده سير و سفر ايدوب صوصامش اولان كيمسه لركه كوروب
صو ظن ايتدكلى سرايه بگزدركه اوزاقدن كورن آنى آقار بر صو ويا كول ظن ايدر .
صوسزلقدن كال حرارت كنديني استيعاب ايدن كيمسه او سرايى صو ظنيله
كورديكي محله قدر كلير ، لكن سرايى كوردىكي محله صويه مشابه برشى بولماديغنى
كي كافرده عمانك ثوابى وار ظنيله قيامته كلير عملنك يوق اولديغنى كي او محله
اللهك عذابى بولور . در حال الله تعالى كفرينك جزاسنى و يرر كه زياده و نقصان اولماز .
زيرا ؛ الله تعالى نك حسابى سريعدر . بر كيمسه نك حسابى ديكر كيمسه نك حسابيه مانع
اولماز . در حال هر كسك حسابى كوريلور و هر كس عملنه كوره جزاسنى بولور ، اصلا
نقصان اولماز .

سراب ؛ هوانلك حرارتندره حاصل اوله اوزاقدن صوكي كوريلن بر ضيالاتندره
عبارتدر . واجب تعالى مؤمنك حالى بيان ايچون بر ضرب مثل ايراد ايدوب مؤمنك
عملنى نوره تشبيهله دنياده نور ايچنده و آخرته نوره بگزدرين ايماني و عملى سايه سنده
ابدى نعمت التهميه نائل اولاجغنى بيانله مؤمنك فوز و فلاح بولاجغنى ايضاح ايتدكدن
صكره كافرلكه حالى ده بو مثال عجيبه ايضاح بيورمشددر . چونكه ؛ كافر كندى دينى
واعتقادى اوزره ايشله ديكي عملنى وار ظنيله عرصه محشره كلوبده ثواب ظن ايتديكي

شیئک عین عذاب اولمش اولدیفنی کورونجه حسرتی زیاده اولمقده کآن صوصامش کیمسه نک سرابی صو ظنیه کلوب صوبی بولامادینی زمان حرارتی و غمی و کدری تزیاید ایدن کیمسه کبی اولاجفنی بیان بیورمشدر .

واجب تعالی کافرلرک حاللرینی ایکنجی بر مثاله دخی ایضاح ایتک اوزره

﴿ اَوْ كَظُلُمَاتٍ فِي بَحْرِ لُجِّيٍّ ﴾ بیوریور .

[یاخود اهل کفرک عمللری درین دکزده اولان قارنقلر کیدر .]

﴿ يَغْشَاهُ مَوْجٌ ﴾

[او دکزی بویوک طالعهلر اورتر] که

﴿ مِنْ فَوْقِهِ مَوْجٌ ﴾

[او طالعهلک اوزرنده باشقه بر طالعهل واردر .] زیرا ؛ دکز فورطنه یایدیفندن طالعهل دیگر طالعهل اوزرنه تراکم ایتدیکندن دکز تماماً طالعهلرله اورتولور .

﴿ مِنْ فَوْقِهِ سَحَابٌ ﴾

[او ایکنجی طالعهلک اوزرنده ییلدیزلری و ضیالرینی اورتمش قالین بلوط واردر .]

﴿ ظُلُمَاتٌ بَعْضُهَا فَوْقَ بَعْضٍ ﴾

[ایسته شووچ قارنلقدرکه اوقارنقلردن بعضیلری بعض آخرك فوقدهدر .]

﴿ إِذَا أَخْرَجَ يَدَهُ لَمْ يَكْدِ يَرَاهَا ﴾

[ظلمات اودرجه شدتلی اولورکه دکزده بولونان برانسان اوقارنلقده اثنی کوزینک قارشینسه چیقاردیفنده کندینه ک یقین اولان اثنی بیله کورمه یقین اولاماز . شو حالده کورمه یاقلاشامانجه اثنی کورمک هیچ ممکن اولاماز .]

﴿ وَمَنْ يَجْعَلِ اللَّهُ لَهُ نُورًا فَمَا لَهُ مِنْ نُورٍ ﴾

[کندی ایچون اللهک نور خلق ایتدیکی کیمسه ایچون نور اولماز .] بناء علیه ؛ دکزده اولان کرک بربری اوزرنه طالعهلر و کرک طالعهل اوزرنده بلوطک قارنقلردن بر فائده کورولم یوب بر طاقم اضطراب و اندیشه یی موجب اولدینی و کافرده عملندن فائده کورمدیکی کبی برچوق ضررینی ده کوره جکدر . حق عملک اساسی تشکیل ایدن کفرک ابدآ جهنمده قالمسنه سبب اولاجنی قطعیدر .

یعنی ؛ کافرلرک عمللری قارنلق کیجده مضطرب و مضطر اولان کیمسه لرک عمللری کیدرکه آنلر کیجه نک قارنلقنده درین بر دریاده بولونورلر . او دکزی ؛ کال شدتله طالعهل اوزرنه طالعهل ستر ایدر . بوتون دکز طالعهلدن عبارت اولدیفندن طالعهل ایله دکز اورتولمش اصلا کورولمز برحاله کلشدر . او طالعهلر ده شدتلی ودها قوتلی کلوب بربرینه چارپار و او طالعهلرک اوزرنه قارنلق و ثقیل بلوطلر احاطه ایتمش که او بلوطلرده تراکم ایتمش بعضیسی بعضیسنک اوزرنده بولونور حتی بدرجه یه کلیرکه کوزینک حداسنه اثنی چیقاردیفنده اثنی کورمه مز و کورمه یقین بیله اولاماز . ایسته کافرلرک عمللری ، کفر و طغیانلری و ظلم و عدوانلری ؛ دریای غفلتده بربری اوزرنه کلن طالعهلرکبی الله جهالت و آیات السیه یی مطالعه دن کوزلرینی منع ایتدکلری ایچون جهالتلری ، کثیف بلوطلر کبی دائمی اوزرلرنده قرار ایدوب طورر اصلا ضیا یوقدر . بناء علیه ؛ بونلر عمللرندن اصلا فائده کورمزلر چونکه ؛ الله تعالی نک نور ویرمدیکی کیمسه نک اصلا نوری اولماز . کافرلر جهالت و غفلته منهمک و مصر اولدقلردن وحدانیه دلالت ایدن علامات السیه یی کورمدکلری ایچون نورایمانه اهتداید مدکلرندن الله تعالی آنلری هدایتده قیلما دی . اللهک هدایتده قیلما دینی کیمسه ایچون اصلا هدایت اولماز .

تفسیر خازنده بیان اولوندینی وجهله شوآیتده کی تشبیهک خلاصه سی ؛ دریاده اوچ ظلمت واردرکه دکزک ظلمتی ، طالعهلک ظلمتی ، بلوطک ظلمتی در . کذلک کافردهده اوچ ظلمت واردرکه قبسه اعتقادی ک ظلمتی ، لسانده سوزینک ظلمتی ، عملک ظلمتی در . شرمالده لافک های ؛ شویانه اولونانه دکزک های کبی دیمکر . یاخود قلبی ؛ دکزه بکزه . منفعت استعدادی وار ولکن قلبنده اولان جهالت و شک و حیرت دکزک طالعهلرینه بکزه دکزک طالعهلک دکزی نظامندن چیقارماسیله منفعتدن منع ایتدیکی

کي قلبنده اولان جهالت قلبی سترله منفعت ایماندن منع ایدر . سوء اختیار نتیجه سی
قلبک اوزرینه وضع اولنان مهر ؛ دکزک اوزرنده اولان مظالم بلوطلره بکزرر . بناء علیه ؛
دکزک اوزرنده ظلمات تراکم ایتدیکی کبی کافرک اوزرنده ده ضلالتلر تراکم ایدر .
بو آیتده کافرلرک عمللرینک منفعتندن خالی اولسی سرابه ونور حقندن عاری اولدینی
جهتله ظلماته بکزه دیکنی بیان ایچون ظلمات (او) لفظیله سراب اوزرینه عطف
اولونمشر .

**

واجب تعالی مؤمنلرک قلبلرنده اولان نوری و کافرلرک قلبلرنده اولان ظلماتی
بطریق التمثیل بیان ایتدکنصکره توحیده دلالت ایدن دلیللری بیان ایتک اوزره
﴿ اَلَمْ تَرَ اَنَّ اللّٰهَ يُسَبِّحُ لَهُ مِّنْ فِي السَّمٰوٰتِ وَالْاَرْضِ الطَّيْرُ صٰاٰتٍ ﴾ بیوریور .
[حبییم ! سن کوروب بیلمدکی ؛ الله تعالی به کولکرده ویرده اولان روح صاحبلی
وقنادلری اچار و دوشهر اولدقلری حالد قوشلر تسبیح و جمیع نقائصدن و آفادن تنزیه
ایدلر .]

﴿ کُلُّ قَدِّ عَلِمَ صَلَاتُهُ وَتَسْبِيحُهُ ﴾

[و تسبیح ایدن و نماز قیلان قوللرندن هر برینک نمازلرینی و تسبیحلرینی الله تعالی
بیلیر و یاخود آنلردن هر بری کندنی تمیزی و دعاسنی و تسبیحنی بیلیر .]

﴿ وَاللّٰهُ عَلِيْمٌ بِمَا يَفْعَلُوْنَ ﴾

[زیرا ؛ الله تعالی آنلرک ایشله دکلی ایشلرینی و عمللرینی بیلیر .]

﴿ وَلِلّٰهِ مُلْكُ السَّمٰوٰتِ وَالْاَرْضِ ﴾

[چونکه ؛ سموات و ارضک ملکی و آنلرده بولونان مخلوقاتک جمله سنک ملکی اللهکدر
واللهک غیری آنلرک حقیقی صاحبلی یوقدر .] بناء علیه ؛ هر جمله سنی علمی احاطه ایتمش
علمندن بر ذره سی و بر فردی خارج دکلدر .

﴿ وَاِلَى اللّٰهِ الْمَصِيْرُ ﴾

[حالبوکه جمله سنک مرجعی و واره جق محلی اللهک حضور مغنویسیدر .] بناء علیه ؛
اللهک غیری مرجع یوقدر . چونکه ؛ یرک و کولکرک و دنیا و آخرتک مالکی و صاحبی
و علمی جمله سنی محیط اولونجه البته جمله نک مرجعی ازلی وابدی در .

یعنی ؛ کافرلر علاماتله استدلالدن محروملردر . حبییم ! سن کورمدک و بیلمدکی ؛
کوردرک و بیلدرک که کولکرده ویرده اولان جمله مخلوقات ویر ایل کولک آره سننده هواده
اوچان قوشلر قنادلرینی دوشه دکلی حالد الله تعالی نقائصدن و امکان حدوث کبی شان
الوهیته لایق اولماق شیلردن تنزیله تسبیح و تقدیس ایدرلر و آنلردن هر بری دعا لری
و تسبیحلرینی بیلیرلر . الله تعالی ده آنلرک ایشله دکلی افعالك جمله سنی بیلیر .

بیضاوینک بیانه نظراً قوشلر هواده بولونوب اکثریا یرده و کولکده بولونماق لری
ایچون جناب حق بو آیتده حیوانات ایچندن قوشلری آریجه ذکر بیوردینی کبی قوشلرک
رقت قلبی جلب ایده جک حاللری ده بیان بیوردی . زیرا ؛ قوشلرک قنادلرینی دوشه یرک
تسبیحلری و او حالد رب لرینه التجاری تذللک نهایی سی اولدیغندن نظر عبرتله باقان کیمسه نک
آغلاماق آئنده دکلدر . اما نظر عبرتدن اوزاق اولانلرک خاطر لرینه هیچ برشی کلز .
بو آیتده و بونک امثالی آیتلرده انس و جن و ملک لرک غیری مخلوقاتک تسبیحلرنده

مفسرینک و علماء اهل دینک اختلاف لری واردر . تسبیح ایله مراد ؛ مکلف اولابانه
مخلوقاتک واجب تعالی نک نقائصده منزله اولسنه دلالتی بیلیر ؛ چونکه ؛ هر برنده صانعک
قدرتیه و نقائصدن منزله اولدیغنه بیکلرجه دلیللر واردر ، یوقسه واجب تعالی بونلرک
هر برینه نظره و برر و نسبی الهام ایدر ده نطق می تسبیح ایدرلر ؛ تفسیر مدار کده بیان
اولوندینی و جمله بونلرک هر برینه واجب تعالی عجائب و غرائبی و حیل و دسائسی و کونا کون
صنعتلری الهام بیوردینی کور و لیدیکی کبی تسبیحی دخی الهام و نطق صورتیه تسبیح ایتلری
قدرت التهییه نظراً بعید دکلدر العلم عنده الله .

بعضیلر بو آیتده صلوات له مراد ؛ بنی آدمک صوفی و تسبیح له مراد ؛ سائر مخلوقاتک
نسب بیلیر دیمش لرسده صلوات له مراد ؛ دعا اولوب دعایی تسبیح کبی واجب تعالی نک محمد
مخلوقه الهام ایتسی ده احتمالدن بعید دکلدر .

خلاصه؛ برده و كوكده اولان جمله مخلوقات و هواده اوچان قوشلر قنادلريني دوشه و اولدقلى حالده جناب حق قانصدن تنزيه ايتدكلى و هر بر مخلوق كندى دعاسى و تسبيحى بيلدكلى و الله تعالى نك بونلردن هر برينك ايشله دكلى بيلديكى ورك و كوكك ملكى اللهم اولدينى و هر كسك مرجى آنجق حضور بارى اولاجنى بوآيتدن مستفاد اولان فوائد جمله سندنر .

..

واجب تعالى وحدانيته ايكنجى بر دلى بيان ايتك اوزره ﴿ اَلَمْ تَرَ اَنَّ اللّٰهَ يُرْجِيْ سَحَابًا ثُمَّ يُؤَلِّفُ بَيْنَهُ ثُمَّ يَجْعَلُهُ رُكَّامًا فَتَرَى الْوَدْقَ يَخْرُجُ مِنْ خِلَالِهٖ وَيُنَزِّلُ مِنَ السَّمَاءِ مِنْ جِبَالٍ فِیْهَا مِنْ بَرَدٍ فَيُصِیْبُ بِهٖ مَنْ يَّشَاءُ وَيَصْرِفُهُ عَنْ مَنْ يَّشَاءُ يَكَاذِبْنَ بَرَقَهٗ يَذْهَبُ بِالْاَبْصَارِ ﴾ بيوريور .

[سن كورمدكى؟ يا اكرم الرسل! الله تعالى بلوطلى سوق ايتد كدنسكره بلوطلك بينى جمع ايدر . صكره او بلوطلى بربرى اوزرنده متراكم قيلار . بناء عليه؛ سن رحمت دانه لرني بلوطلك آره سندن چيقار كورورسك و الله تعالى سماءه موجود طاغلردن طولو ازال ايدرده او طولوى ايسته ديكي قوله اصابت ايتديرر و ايسته ديكي قولندن صرف ايدر و بلوطدن حاصل اولان شمشك ضياسى كوزلك ضياسنى كيدر مكه يقين اولور .]

يعنى؛ سن حبيم كورمدك و بيلمدمكى؟ هم كوردك همده بيلدك كه الله تعالى ريوزندن سما جهته چيقان بخارك اجزالرندن حاصل اولان بلوطلى اراضيدن و بلده لردن ديله ديكي ارضه و بلدهيه سوق ايتد كدنسكره او بلوطلك پارچه لرني بربرينه ربط ايدر . كوك يوزى يكپاره بر بلوط اولور . صكره او بلوطلر طاغلر كى بربرى اوزرينه بيغيلير تراكم ايدر . يا غمور يا غاچق بر حاله كلنجه سن كورورسك كه يا غمور دانه لرى او بلوطك آره سندن چيقار و الله تعالى سماءه موجود طولودن تراكم ايتمش طاغلر مثابه سنده بلوطلردن طولو ياغديرر . ديله ديكي قولنك اكينلرينه ، باغلرينه و باغچلرينه اصابتله اهلاك ايدر

وديله ديكي قولنك باغلرينى و باغچلرينى آندن محافظه ايله باشقه محلا ره سوق ايدر . او بلوطدن حاصل اولان شمشك ضياسى، شدندن همان كوزلك ضياسنى كيدر مكه يقين اولور . تفسير خازنده بيان اولوندينى و جمله برنجى (من) ايتدا ايجومر . زيرا؛ ابتداء ازال سما جهتنددر . ايكنجى (من) بعضى معناسه در . زيرا؛ نازل اولان او طاغلره بكنزه ين بلوطلك بعضيسندنر . اوچنجى (من) جنس ايجومر . زيرا؛ او طاغلر طولو جنسندنر . بوكا نظراً معنى آيت : [الله تعالى طولو جنسندن اولان طاغلر كى يعنى بلوطلك بعضيسنى سمان ازال ايدر] ديمكدر .

بيضاوينك بيانى و جمله بونلردن هر برى اللهم وجودينه و وحدانيته و قدرت كامله سنه دلالت ايدر . چونكه؛ يردن هوايه چيقان بخارى بلوط يابمق و او بلوطك پارچه لرني طولوبلامق و آنلرك آره سندن انجو دانه لرى كى يا غمور ازال ايتك و بعض كره يا غمور يرينه طولو ياغديرمق و او طولو ايله بعض كيمسه لرك حاصلاتى خراب و بعضيلرينى او آفتدن محافظه ايتك و او رطوبت ايجندن بيلديريم دينلن بر آتشى و شدت ظلمتده كوزلك ضياسنى ازاله ايتمكه يقين بر ضيا خلق ايتك فاعل مختارك فعلنه دليلدر . بناء عليه؛ جمله سى خالقك وجودينه بربرهان قاطعدر و طبيعت واسطه سيله دكلدر . اكر طبيعت واسطه سيله اولسه طبيعتك مقتضاسى يا غمور ايسه دائماً يا غمور اولور، طولو اولماز . يا خود مقتضى طبيعت طولو ايسه دائماً طولو اولور، يا غمور اولماز . چونكه؛ طبيعتك مقتضاسى بر در، آبرى آبرى اولماز . كذلك بلوطك مقتضاسى ياغديرمق ايسه دائماً ياغديرر و اكر ياغديرماق ايسه دائماً ياغديرماز . هر يره ياغديرر و يا هر يره ياغديرماز . بعض يره ياغديرر و بعض يره ياغديرماق فاعل مختارك اختياريله در . كذلك بلوطده بعض كره شمشك اولوب بعض كره اولماسى فاعل مختارك خلق ايتمسيله در . مع هذا بلوطدن يا غمور يا غوب دورور كن برده بيلديريم دينلن بر آتشك ظهورى خالق تعالى نك وجودينه بك بويوك دليلدر . چونكه؛ صو ايله آتش يكديكرينه ضد اولدينى حالده هر ايكنسك ماده واحده اولان بلوطدن تولد ايتمى قدرت كامله اثريدر طبيعتله حصوله كلز . ريوزنده صرف طاشدن طاغلر خلق ايتديكى كى كوك يوزنده صرف بوزدن و طولودن طاغلر خلق ايتمسنده قدرة الله بر مانع اولمايندن آيتده جبالى تاويله حاجت يوقدر .

..

واجب تعالى وحدانيته او چنجى دليلى بيان ايتك اوزره ﴿يُقَلِّبُ اللَّهُ اللَّيْلَ وَالنَّهَارَ﴾
إِنَّ فِي ذَلِكَ لَعِبْرَةً لِّأُولِي الْأَبْصَارِ ﴿٣٤٨﴾ بيوريور .

[الله تعالى كيجهي كوندوزه و كوندوزى كيجهيه قلب ايدر . ايسته شو كيجهي
كوندوزه قلب ايتكده ادراك صاحبليته عبرت عظيمه واردر .]

يعنى ؛ الله تعالى فاعل حقيقى وقادر مختاردر . زيرا ؛ الله تعالى كيجهي كوندوزه
كوندوزى كيجهيه قلب ايدر . بناء عليه ؛ وقت معينده برى كيدر آرقه سندن ديكرى كليز .
ظلمت ضيايه وضيا ظلمته تبدل ايدر . عالمده هر ايكيسى ده حكمنى اجرا ايتديكى كى
كوندوزك حالى حرارت كيجهنك حالى برودتدر . ايسته شواحوالك جمله سنده علم و عرفان
وعقل و اذعان صاحبلى همچون فاعل مختارك وجودينه دلالت واضحه واردر . چونكه ؛
طبيعت ايجابى اولسه طبيعتك مقتضاسى ظلمت ايسه دائما ظلمت وضيا ايسه دائما ضيا
اولسنى ايجاب ايدجكندن عالم واحده بويلاهيكى ضدك بربرى تعقيب ايدوب دورماسنده
الته قادر مختارك قدرتيه اولديغه بونلردن هر برى برهان قاطعدر .

خلاصه ؛ كيجهنك كوندوزه و كوندوزك كيجهيه قلبنده بصيرت وفكر و عرفان
صاحبلى همچون عبرت اولدينى و بوعجائبدين عبرت آلايمانلرك بصيرتدن خالى بهايمن منزله سنده
اولدقلى بوآيتدن مستفاد اولان فوائد جمله سندندر .

واجب تعالى وحدانيته دلالت ايدن دليللردن دردنجيسى بيان ايتك اوزره ﴿وَاللَّهُ
خَلَقَ كُلَّ دَابَّةٍ مِنْ مَّاءٍ فَمِنْهُمْ مَنْ يَمْشِي عَلَى بَطْنِهِ وَمِنْهُمْ مَنْ يَمْشِي عَلَى رِجْلَيْنِ
وَمِنْهُمْ مَنْ يَمْشِي عَلَى أَرْبَعٍ يَخْلُقُ اللَّهُ مَا يَشَاءُ إِنَّ اللَّهَ عَلَى كُلِّ شَيْءٍ قَدِيرٌ﴾ بيوريور .

[الله تعالى هر حيوانى صودن خلق ايتدى . او حيواندن بعضيلرى قارنى اوزره بعضيلرى
ايكى آياقلى اوزره و بعضيلرى درت آياقلى اوزره يورور . زيرا ؛ الله تعالى ديله ديكي
شيئى ديله ديكي وجه اوزره خلق ايدر . چونكه ؛ اللهمك هر شيئه قدرتى محققدر .]

يعنى ؛ الله تعالى هر حيوانى كندينه مخصوص اولان نطفه دن خلق ايتدى . بناء عليه ؛
او حيوانانندن بعضيلرى ييلان و صوليجان كى قارنى اوزرنده و بعضيلرى انسانلر و قوشلر
كى ايكى آياقلى اوزرنده و بعضيلرى ده بهايمن كى درت آياقلى اوزرنده يورورلر . زيرا ؛
الله تعالى ديله ديكي مخلوق ايسسته ديكي وجهله اجزادن مركب اولسون ، بسيط اولسون
هر برينك اعضاى ، صورتلى ، هيئتلى ، حر كاتلى ، قوالرى و طبيعتلى بربرينه
بكرزه من برحالده ايجاد ايدر . چونكه ؛ هر شيئي و هر درلوسنى خلقه قادر و قدرتنه برحائل
يوقدر .

فخر رازينك بيانه نظرأ حيوانات له مراد ؛ بودنياده و يريوزنده بزم كوره بيلديكمز
حيوانلر اولدينى همچون ملكلرك نوردن و جنك آتشدن خلق اولونمسيه بوآيت سبوال
وارد اولماز . آنلرى بز كورمديكمز همچون آيتده داخل دكلردر . چونكه ؛ دابه ايله
مراد ؛ بزم نور و كرمزدر . يا ضرر هر حيوانك اساسى صودر . هر نه قدر بعض حيوانات
نطفه نك غيرى بر ماده دن خلق اولونور ايسه ده هر شى صو ايله ميدانه كلديكندن او ماده نك
اصلى ده صودر . شو حالده جمله حيوانات اساس اعتباريله صودن خلق اولونديغندن بوآيت ؛
جمله ذى روجه شاملدر .

دابه لفظى ؛ حيوانانده عقل صامبى اولانلر ده عقل صامبى اولمايانلر شامل اولديغندن .
عقل صاحبليته عقلى اولمايانلر اوزرينه تغليب همچون (منهم) ده عقلايه مخصوص ضمير
وارد اولمشدر .

بيضاوينك بيانى وجهله قارنى اوزره يورومكده قدرة الله دلالت دها زياده اولديغندن
قارنى اوزرينه يوروينلرك ذكرى آيتده تقديم اولونمشدر . كرجه حيوانات ايچنده عنكبوت
وعقرب كى درت آياقندن زياده آياقلى اولانلر وار ايسه ده درت آياقندن زياده ده هر حالده درت
آياقله يورومك داخل اولديغندن درت عددى ذكرله اكتفا اولونمشدر . چونكه ؛ قرق
آياقله يورورسه درت آياق قرق ايچنده موجود اولديغندن يته درت آياق اوزرنده يورودى
ديمك يالان اولماز . يا ضرر هر نه قدر حيواناتك آياغى چوق اولسه ده يوروديكندم اعتمادى
درت آياغه اولوب ديكرلى او درده تابع اولديغندن دردى ذكرله اكتفا اولونمشدر .

بوآیتده بیان اولوندیجی وجهله برنطفه دن انواع حیوانات خلق اولوندیجی حالده هیچ بریسی دیکرینه بکزه مدیکی کبی هیئتلی ، شکلری ، یورویشرلی ، طبیعتلی ، طرز معیشتلی ، قوت و قدرتلی و هر برینک دیکرینه قارشى مدافعه سی باشقه باشقه در . شو حالده بونلرک جمله سی اصل واحدن اولدقلری حالده مختلف صورته یارادملری فاعل مختارک اختیاری وقادر مطلق قدرتیله اولدیغنه دلالت ایدر . چونکه ؛ طبیعت مقتضای اولسه هبسی بر صورت و بر طبیعت اوزرینه اولسی لازمکلوردی . زیرا ؛ صویک طبیعتی نه ایجاب ایدرسه او ایجابندن تخالف ایده مزیدی . لکن تفاوت ایشدر . شو حالده فاعل مختارک اختیار یله در ، طبیعتک تأثیری یوقدر .

خلاصه ؛ هر حیوانک اصلی صودن خلق اولوندیجی و حیواناتدن بعضیلرینک قارنی اوزرینه و بعضیلرینک ایکی و بعضیلرینک درت آباق اوزرینه یورو ملری قدرۃ الله دلیل والله تعالی نک هر شیئی خلقه قادر اولدیجی بوآیتدن مستفاد اولان فوائد جمله سندندر .

**

واجب تعالی وحدانیتنه و قدرتنه دلالت ایدن دلیللری بیان ایتد کدنصکره حلال و حرامی ، هدایت و ضلالتی بیان ایدر آیتلر انزال ایلدیکنی و دیله دیکی قوللریجی طریق مستقیمه هدایتده قیلدیجی بیان ایتک اوزره ﴿ لَقَدْ أَنْزَلْنَا آيَاتٍ مُبَيِّنَاتٍ وَاللَّهُ يَهْدِي مَنْ يَشَاءُ إِلَى صِرَاطٍ مُسْتَقِيمٍ ﴾ بیوریور .

[ذات الوهیتنه قسم ایدرم که محقق بز عظیم الشان احکام دینی وحل و حرمتی و هدایت و ضلالتی بیان ایدر آیتلر انزال ایتدک . الله تعالی دیله دیکی قولنی دین اسلامه هدایتده قیلار .] یعنی ؛ خلقی ارشاد ایچون انواع دلائلی بیان ایدیجی . آیتلر انزال ایتدک . زیرا ؛ الله تعالی طریق حقه دلالت ایدن دلیللره استدلال و اولدله نظری توفیق ایتمکه ایسته دیکی قولنی جنتنه ایصال ایدن طوغری یوله هدایتده قیلار و عبده اراده سنی صرفله طریق مستقیمه داخل اولوب نعم ابدیه و سعادت سرمدیه نائل اولور . شو حالده عبد ایچون وظیفه ؛ دلیللری تدقیق ایدوب معانیسنی ملاحظه ایله مطلوبه واصل اولسنک اسبابنه توسل ایتمکدر .

خلاصه ؛ الله تعالی حلالی و حرامی بیان ایدر آیتلریجی انزال ایله قوللرینک وظیفه دینه لرینی بیان ایتدیکی و قوللرینک اراده لرینی صرف ایتلری اوزرینه اللهک دیله دیکی قوللریجی طریق مستقیمه هدایتده قیلجی بوآیتدن مستفاد اولان فوائد جمله سندندر .

**

واجب تعالی آیتلریجی انزال ایتدیکنی بیان دکنصکره ناسک اوج قسمه منقسم اولدیجی بیان ایتک اوزره ﴿ وَ يَقُولُونَ آمَنَّا بِاللَّهِ وَ بِالرَّسُولِ وَ أَطَعْنَا ثُمَّ يَتَوَلَّى فَرِيقٌ مِّنْهُمْ مِّنْ بَعْدِ ذَلِكَ وَ مَا أُولَئِكَ بِالْمُؤْمِنِينَ ﴾ بیوریور .

[اللهک هدایتده قیلدیجی کیمسه لر « بز الله و رسولنه ایمان ایتدک » دیرلر و آنلردن برفرقه « بز ایمان ایتدک » دید کدنصکره اطاعتدن اعراض ایدرلر . حالبوکه ایمان ایتدک دید کدنصکره اعراض ایدنلر مؤمن دکلردر .]

یعنی ؛ منافقلر آیتلریجی نظر اعتباره آلا یوب معانیسنی تأمل ایتدکلرندن جانلردن و ماللردن قورقدقلری ایچون یالکز لسانلریله « بز الله و رسولنه ایمان و اطاعت ایتدک » دید کدنصکره فعلیاته کلنجه آنلردن برفرقه اللهک و رسولنک حکمندن اعراض ایدرلر . زیرا ؛ بونلر مؤمن اولمادیلر . چونکه ؛ هر نه قدر لسانله اقرار ایتمشلر سده قبلرنده ایمان یوقدر ، حالبوکه ایمانک محلی ؛ قلبدر ، لسان آنک ترجانیدر .

بوآیتده ایمانلری اولمادیغنه دلیل ؛ حکم الهیه اعراضه ایتدکله کچه اعراض ایدن منافقلردن برفرقه ایسه ده اوفرقة نک اعراضه جمله سی راضی اولدقلری ایچون ایمان جمله سندن نفی اولوندیغندن هپسنک مؤمن اولماسیله حکم اولونمشدر . چونکه ؛ منافقلرک جمله سی بر اعتقادده اولدقلرندن واجب تعالی مجموعندن ایمانی نفی ایتمشدر . بوآیت ؛ ایمانک محلی قلب اولدیغنه دلالت ایدر . اگر ایمان لسانده اولسه بونلر لسانلریله ایمان ایتدکلری ایچون ایمانلری نفی اولونمازدی . ایمان ؛ قلبه نصیب و لسانه اقراردن مرکب اولدیغنه نظراً کچه لسانلریله اقرارلری وار ایسه ده قلبه تصدیق اولمادیغندن یالکز لسانه اعتبار اولونماشدر .

﴿وَإِذَا دُعُوا إِلَى اللَّهِ وَرَسُولِهِ لِيَحْكُمَ بَيْنَهُمْ إِذَا فَرِيقٌ مِنْهُمْ مُعْرِضُونَ﴾
[بينلرنده حكم ايتك ايجون الله ورسوله دعوت اولوندقلرنده آكسزين آنلردن برفره اجابت ايتكدن اعراض ايدرلر.]

يعني؛ يالكز لسانلريله ايمان ايدوب قبللرنده ايمان اولمايان منافقلر برحادهه اللهك ورسولنك حكمنه دعوت اولوندقلرنده دفعه كوريلوركه آنلردن برفره حكم رسول اللهدن اعراض ايدرلر. حالوكه دعوت؛ بينلرنده اولان نزاعى رسول اللهك حكمه قطع ايتسى ايجوندر.

مدارك وبيضاوينك بيانلرينه نظراً آيت جليله؛ منافقلردن (بشر) حقنده نازل اولمشدر. چونكه؛ (بشر)ك بريهوديله اراضى دعوالرنده يهودى محاكمه ايجون رسول الله كيدلم «دير. بشر» بن رسول الله كيتيم. اوبكا بغض ايدر. بناء عليه؛ (كعب بن اشرف) «كيدلم» ديمسى اوزرينه بوآيتك نازل اولدينى مرويدر. ياخود (مغيره بن وائل) حقنده نازل اولمشدر. چونكه؛ حضرت على ايله (مغيره) نك بينلرنده مشترك برتارلايى تقسيمدنصكره حضرت على حصه سنى بالرضا (مغيره) يه صااتار. مغيره تارلايى قبض ايدنجه «سن تارلانك صو چيقمايان جوراقلى طرفنى صااتون آلك» دير. مغيره ترلادن دونمك ايستر. حضرت على قبض وقوعبولديغندن دونمكه حق اولماديغنى ادما ايدر وحضور رسول الله محاكمه دعوت ايدنجه مغيره «بن رسول الله كيتيم». زيرا؛ بكا رسول الله حاشا ظلم ايدر «ديمسى اوزرينه بوآيتك نازل اولدينى مرويدر. بوآيت اولكى آيتده بيان اولونان حقندن اعراضى تفصيل وآنى ايضاح ايتمشدر. حقندن امتناع ايتدكلرينى بيان ايجون اعراض لفظيله منافقلردم اولونمشلردر. اعراضلرينك دوامنه اشارت ايجون دوامه دلالت ايدن جمله اسميه وارد اولمشدر.

**

واجب تعالى منافقلرك صفات ذميه لرندن ايكنجى بي بيان ايتك ايجون ﴿وَإِنْ يَكُنْ

لَهُمُ الْحَقُّ يَأْتُوا إِلَيْهِ مُذْعِنِينَ﴾ بيوريور.

[واكر اومنافقلر حق كنديلرينك اولديغنى بيلير وحكم لهلرينه اولاجغنى وعليلرينه اوليه جغنى آكلارلر سه كال اطاعت وانقيادله اعتماد ايدرك حضور رسالته سرعته كليرلر.]

﴿أَفِي قُلُوبِهِمْ مَرَضٌ أَمْ ارْتَابُوا أَمْ يَخَافُونَ أَنْ يَخِيفَ اللَّهُ عَلَيْهِمْ وَرَسُولُهُ﴾
[منافقلرك قبللرنده كفر ونفاق وظلمه ميل ايتك كى خسته لق مى واركه آنلر محاكمه ايجون حضور رسالته كلك ايسته مزلر؟ وياخود حبيب! سنك عصمت واستقامتكده شك ايتديلرده آنك ايجونمى اعتماد ايدميورلر؟ وياخود آنلر اللهك ورسولنك كنديلرينه ظلم ايدم جكلرنندن مى قورقيورلر وبوندن دولايى مى حضوركه كلك ايسته مزلر؟]

﴿بَلْ أُولَئِكَ هُمُ الظَّالِمُونَ﴾

[بلكه شو قبللرنده خسته لق اولان منافقلر آنجق ظالمردر. زيرا؛ ظلم آنلردن غيره تجاوز ايتمز.]

بيضاوينك بيانى وجهله بوآيتده (بل) لفظى بوندن اول بيان اولونان اوچ شقندن ايكنسى رد ايجوندر. شويله كه «آنلك قبللنده خسته لق مى وار؟ وياخود سنك عدالتكده مى شك ايدميورلر؟ وياخود اللهك ورسولنك ظلم ايدم جكندى قورقيورلر؟ بلكه آنلر رسول اللهك عدالتنده شك ايتمز. زيرا؛ هر زمان عدالتنى كوريرلر واللهك ورسولنك ظلم ايدم جكندن ده قورقمازلر. زيرا؛ آنلك عدالتنى ده بيليرلر. شو حالده قبللرنده خسته لق واردر. چونكه؛ آنلر آنجق ظالمردر. ايسته اولوندقلرنده اولان خسته لق سبيله حضور رسالتكه كلزلر وكنديلرى ظالم اولدقلرى جهته حق سزلقلرينه يول آرار وترويجنه حيله دوشونورلر» ديمكدر.

يعني؛ اكر آنلك حق يدلرنده اولورسه كال اطاعت وانقيادله وكندى لهلرينه حكم ايدم جكنه اعتماد ايدرك على المعجله حضور رسول الله كليرلر. چونكه؛ امللرى اموال دنياه منحصراً اولديغندن هان عجله كلكله مطلوبلرينه نائل اولمق ايسترلر. آنلك قلوبنده مرض نفاق وكفر مى وار؟ يوخسه اولدن ايمان ايتديلرده شيمدى اللهك ورسولنك عدالتنده شك مى ايتديلر؟ ياخود آنلر الله تعالى نك ورسولنك كنديلرينه ظلم ايتمسندن مى خلاصه البيان: اونجى جلد — ۲۳

قورقارلر؟ حاشا الله تعالى ورسولى عدالتدن آيرمازلر، حقله حكم ايدرلر. بناءً عليه؛
آنلرك حكملرنده اصلا ظلم اولماز، بلكه شو اوصاف ذميه ايله موصوف اولانلر آنجق
ظالمدر. ظلم آنلرك امثالندن باشقه سته تجاوز ايتمز.

بو آيتده فخر رازينك بيانى وجهله (ام) كلمهسى لفظده استفهام ايسه ده معناده فخر در.
زيرا؛ الله تعالى حقيقت حالى بيلديكى ايجون الله تعالى دن استفهام حقيقى جائز اولماز.
چونكه سؤال؛ بيلمهين كيمسه نك شانيدر. الله تعالى هر شئي بيلديكى ايجون سؤاله
احتياجى يوقدر.

بو آيت جليله ده بيان اولونان قىلرنده مرض وشك ورسول اللهك آنلره ظلم ايتمسندن
قورقورلى جمله سى بر معناه دلالت ايدر كى كوريلور سده حقيقتده هر اوچى ده آرى
آرى معنا افاده ايدر. چونكه قلبده مرض؛ نفاقلرينه اشارت در. شكلى؛ ايمانك
مصورلر نكده عارصه اولاره شهرلرينه اشارت در. حاشا رسول اللهك ظلم ايتمسندن
قورقورلى ده آنلرك دنيا سبيله دينى ترك ايمه مك درجه به بالغ اولمق لرينه اشارت در.
بناءً عليه؛ واجب تعالى بو اوچ صفتدن هر برلرله آرى آرى منافقلى ذم ايتمشدر.
زيرا قىلرنده مرضى بيانله؛ نفاقلرينى وشكلى بيانله؛ كفرلرينى ورسول اللهك عدالتنى
وامانتى واستقامتى بيلدكلى حالده رسول الله ظلم اسناد ايتملرى ايله دنيايى دين اوزرينه
ترجيح ايتدكلى بيانله؛ فنا حاللرينى عالمه اعلان بيورمش و منافقلى ده الى يوم القيام
مذموم اولمشدر.

بو حالده وبوصفتده بولونان انسانلر هر زمان مذموم اولدقلى كى هله شوزمانده حاشا
احكام السهيى بكنميه رك بر طاقم قوانين افرنجيهى حكم السهيى اوزرينه تقديم و ترجيح
ايتك ايسهين كيمسه لر عصر سعادتده بولونانلردن ده آشاغيدرلر. چونكه؛ احكام
السهيى دن هر برى عقول بشره موافق وعدالته مطابق اولديغندن آنك خارجنده بر قانون
آرامق حماقتدن باشقه برشى دكلدر ولكن احكام شرعيه به وقوفى اولمايانلره بونى آكلا تمق
امكانسدر. چونكه؛ آكلامق ايسه مزلر.

بو آيتده واجب تعالى حكم رسول الله راضى اولمايوب آنك خارجنده حكم طلب

ايدنلرك ظالم اولدقلى بيانله رسولنه ظلم اسناد ايدن كيمسه نك هر زمان ظالم اولديغنى
بيان بيورمشدر.

واجب تعالى منافقلىك حاللرينى بيانلر نكده مؤمنلرك حاللرينى بيان ايتك اوزره
﴿ إِنَّمَا كَانَ قَوْلَ الْمُؤْمِنِينَ إِذَا دُعُوا إِلَى اللَّهِ وَرَسُولِهِ لِيَحْكُمَ بَيْنَهُمْ
أَنْ يَقُولُوا سَمِعْنَا وَأَطَعْنَا وَأُولَئِكَ هُمُ الْمُفْلِحُونَ ﴾ بيوربيور.

[آنلره آرله رنده وقوعبولان منازعه اوزرينه اللهك ورسولنك حكمه دعوت
اولوندىلرنده مؤمنلرك سوزى آنجق «بز ايشيتدك واطاعت ايتدك» ديمكد و بوسوزى
سويلمكد اصلا تعلل و تردد ايتزلر. همان دعوتى ايشيدنجه اجابت ايدرلر. چونكه؛
ايمانلرى حقيقيدر، يالكز لسانلرنده دكلدر. قىلرنده صميميت وثبات وارد در. بناءً عليه؛
اصلا شبهه لرى يوقدر. ايشته او مؤمنلر فوز وفلاحه داخل اولوب سعادتده نائل اولانلردر.]
واجب تعالى بو آيتده حكم السهيى به اطاعت ايتك فلاحه سبب اولاجغنى بيانله حكم
رسول الله قارشى اتخاذ اولونا جق مسلك بو اولوب مؤمنه لايق اولان شرع شريفه سمعنا
واطعنا دنيلمك اولديغنى اشعار بيورمش وبونك خارجنده سوز سويلمك جائز اولمايغنى
بيان ايتمشدر. بناءً عليه؛ كتب فقهيه مزده بيان اولونديغى وجهله حكم شرعى به دعوت
اولونان كيمسه نك حكم شرعى بى انكار ايدرك اجابتدن امتناع ايدرسه تكفير اولونا جغنى
فقهاء عظام حضراتى بيان بيورمشلردر. چونكه؛ مؤمن ايمانيله شرعه اطاعت ايدمك جكنى
تعهد والتزام ايتديكندن حكم شرعى به راضى اولماق تعهد والتزامندن رجوع ايتكدردر.
شو حالده كبرى التزام ايتمش عد اولونور. بناءً عليه؛ «بن فتوايه راضى اولمام» ديهين
كيمسه نك كفريله حكم اولونور.

﴿ وَمَنْ يُطِيعِ اللَّهَ وَرَسُولَهُ وَيَخْشَ اللَّهَ وَيَتَّقْهُ فَأُولَئِكَ هُمُ الْفَائِزُونَ ﴾

[بر كيمسه حقه اطاعتله الله ورسولنه اطاعت و انقياد وكنديسندن صدور ايدن
كناهلردن ناشى اللهك عذابندن خوف وانديشه ايدر و عمرندن باقى قالان مدتده ده

معصيت ايشله مكدن چكينيڤر واللهدن قورقارسه ايشته شو اوصافي جامع اولانلرك بويوك ثوابه
وعندالله درجه علياه نائل اولاجقلرندن بونلر ايجون سلامت واردر وجهله قورقدقلرندن
قورتولوب اومدقلرينه نائل اولاجق آنجق آنلردر. شو حالده انسانك عذابدن قورتولميسنه
سبب؛ اللهك ورسولنك امرينه اطاعت ايتك وايشله ديكي قصوره قارشى اللهدن قورقق
وحرامى ارتكاب ايتمه مكله اتقايه متوقف اولديني بو آيتدن مستفاد اولان فوائد جمله سندندر.

**

واجب تعالى مؤمنلرك ثنياه شاين حاللريني بياندنصكره منافقلرك احوال نا لايقهلريني

بيان ايتك اوزره ﴿وَأَقْسَمُوا بِاللَّهِ جَهْدَ أَيْمَانِهِمْ لَئِنْ أَمَرْتَهُمْ لَيَخْرُجُنَّ﴾

بيوريور .

[رسول اللهك حكمنه كيتمكدن امتناع ايتدكلريني انكار ايتك اوزره منافقلر الله
شدته يمين ايتديلر وديديلر كه «اكر سن آنلره محاربه يه كيتملريني وايحابنده مملكتلرندن
وأولرندن چيقلريني امر ايدرسهك آنلر البته چيقلر» وبوسوزلريني يمينلريله تقويه وتأكيد
ايتديلر .]

﴿قُلْ لَا تُقْسِمُوا﴾

[حبيم ! سن آنلره «يالان اولارق يمين ايتمهك» ديمكله يمينلرينك يالان اولديغني
كنديلرينه سويله .]

﴿طَاعَةٌ مَعْرُوفَةٌ﴾

[وسوزيكه شونيده علاوه ايت دي كه «اي منافقلر ! سزدن مطلوب اولان
شي هر كسجه معروف اولان عبادت وطاعتدر ، يوقسه نفاق اوزره بنا اولونمش طاعت
منكره دكلدر . »]

﴿إِنَّ اللَّهَ خَبِيرٌ بِمَا تَعْمَلُونَ﴾

[«زيرا ؛ الله تعالى سزك عملكزي واسراريكزي بيلير . بناء عليه ؛ لسانكزدن
چيقان سوز قلكيزه موافق اولسون كه عذابه مستحق اوليه سكر . »]

يعني ؛ منافقلره اكر سن مراد ايدرسهك غزايه چيقلر يمين ايتديلر .
اي رسول مكرم ! سن آنلره دي كه «يالان يره يمين ايتمهك . سزدن مطلوب
اولان يمين دكلدر ، لايقيه معروف اولان طاعتدر . زيرا ؛ الله تعالى سزك عملكزي بيلير
ونيتكزدن خبرداردر . بناء عليه ؛ هراسراركزه مطلع اولديغندن قلكيزه موافق
صورتده عمل ايتمكز لازمدر . »

منافقلر رسول الله «سن نروده ايسهك بزه اوراده يز . اكر سن محاربه ايجون
چيقار ايسهك بزه چيقارز . سن اقامت ايدرسهك بزه اقامت ايدرز و
ايدرسهك مجاهده ايدرز . حتى خانه لريكزدن چيقلر ديسهك چيقارز و اموالزندن
وحرملر يميزدن كچك ديسهك كچهرز ، ديرلردى . مع هذا حكم رسول الله مخالفتده
ايدرلردى . جناب حق بو آيتله يمينلرينك وسوزلرينك يالان اولديغني بيان بيورمشدر .
طاعت معروف له مراد ؛ ناسي پيشده معروف اولانه ومخالفت ائري اولايانه طاعتدر .

خلاصه ؛ منافقلر رسول الله طاعت ايدمه جكلرينه دائرويرمش اولدقلري تأمينات وايتمش
اولدقلري يمينلرنده يالانجي اولدقلري وآنلردن مطلوب اولان يمين اولمايوب معروف
اولان طاعت اولديني بو آيتدن مستفاد اولان فوائد جمله سندندر . بناء عليه ؛ انسانلرك
هرشيلري جدى وسوزلري قلكلرينه موافق اولوق لازمدر وقلبه موافق اولميه رقسويله ن
سوز يالاندر . الله تعالى بونك هپسني بيلير وايحابنه كوره جزاسني ويرر .

**

واجب تعالى مقبول اولان يمين اولمايوب طاعت اولديغني بياندنصكره اطاعتله امر
ايتك اوزره ﴿قُلْ أَطِيعُوا اللَّهَ وَأَطِيعُوا الرَّسُولَ﴾ بيوريور .

[حبيم ! سن منافقلره «الله ورسولنه سزاطاعت ايدك . » زيرا ؛ سزك وظيفه كز
قلكيز ولسانكز وصدق ونيتكزله اطاعت ايتمكدر ، ديمكله اطاعتله امر ايت .

﴿فَإِنْ تَوَلَّوْا فَإِنَّمَا عَلَيْهِ مَا حُمِّلَ وَعَلَيْكُمْ مَا حُمِّلْتُمْ﴾

[وظیفه کز اطاعت اولونجه اکر سز اطاعتدن یوز دوندورورسه کز رسول اوزرینه آنجق مکلف اولدینی تبلیغ و امر اولوندینی عبادتی ادا ایتک وار و سزی اوزریکزه ده امرینه امتثال و مکلف اولدیغکز اطاعت واردر .]

﴿وَإِنْ تُطِيعُوهُ تَهْتَدُوا﴾

[واکر سز اورسوله اطاعت ایدرسه کز طوغرو یولی بولمش و هدایتدن نصیبکزی آلمش اولورسکز .]

﴿وَمَا عَلَى الرَّسُولِ إِلَّا الْبَلَاغُ الْمُبِينُ﴾

[حالبوکه رسول اوزرینه واجب اولمادی ، الا آجیق تبلیغ واجب اولدی .]

یعنی ؛ ای بنی معظم ! سن اومنافقلره ، فرائض و سنده الله تعالی به ورسولنه اطاعت ایدک . زیرا ؛ سزک دنیاده و آخرتده سعادت و سلامتکز اوامر و نواهیده صاحب شریعت اطاعتکزه در . اطاعت ایتزه کز فلاحیاب اولامازسکز ، دی و «اکر سز طاعتله امر اولوندقدنصکره طاعتدن اعراض ایدرسه کز رسول الله اوزرینه تحمل ایتدیکی امر رسالتک تعهدی و ثقلی واردر و سزک اوزرکزه تحمل ایدوب و تکلیف اولوندیغکز اطاعت واجبت واردر . رسول الله دعوتی اوزرینه اجابت ایتدیگکزه و زر ووبالی سزه عاندر ، مشقتی سز چکه جکسکز واکر اطاعت ایدرسه کز مقصد اقصا کزه نائل اولوب طریق حقه اهتدا ایده جکسکز . بناء علیه ؛ اطاعتکز هرشردن خلاص اولمکزه سبب اولاجقدر . رسول الله اوزرینه امر رسالتک مشقتی واردر و سزه تبلیغ و وظیفه سی آکا عاندر . بناء علیه ؛ تبلیغده طرف الهیدن مأجور اولور مسئول اولماز . زیرا ؛ رسول الله دینک احکامنی بیان ایدره ک آجیق تبلیغ ایتک واجبدر ، باشقه شی لازم دکلدرد . شو حالده سزه یولیه تبلیغ ایتد کدنصکره مسئولیت سزه عاندر ، دی که آنلر کندی وظیفه لرینی و رسول الله وظیفه سی بیلسونلر و عاقبت باشلرینه که جکی دوشونسونلر . زیرا ؛ اطاعتدن امتناعلرینک ضرری کندیلرینه عاندر .

خلاصه ؛ الله ورسولنه اطاعتک وجوبی و اطاعتدن اعراض ایدنلرک کناهلری کندیلرینه عانداولوب رسول الله عاندا اولمادینی واکر رسول الله اطاعت ایدرلرسه حقه

اصابت ایتمش اولاجقلری و رسول الله اوزرینه تبلیغدن باشقه بر وظیفه اولمادینی بوآیتدن مستفاد اولان فوائد جمله سندندر .

**

واجب تعالی رسولنه ایمان و اطاعت واجب اولدینی بیاندنصکره ایمانک بعض منفعتی

بیان ایتک اوزره ﴿وَعَدَ اللَّهُ الَّذِينَ آمَنُوا مِنْكُمْ وَعَمِلُوا الصَّالِحَاتِ لَيَسْتَخْلِفَنَّهُمْ فِي الْأَرْضِ كَمَا اسْتَخْلَفَ الَّذِينَ مِنْ قَبْلِهِمْ﴾ بیوریور .

[الله تعالی شول کیمسه لره وعد ایتدی که آنلر سزدن ایمان ایدن و عمل صالح ایشله یئلردر ، آنلره بیوردی . ذاتمه یمین ایدرم که آنلردن اول کچن امتلری ارضه خلیفه و مالک قیلدینی کبی الله تعالی ایمان ایدن و عمل صالح ایشله ین قوللرینی البته یر یوزنده خلیفه قیلار و ارضک تصرفی آنلره ویرر .]

﴿وَلَيُمَكِّنَنَّ لَهُمْ دِينَهُمُ الَّذِي ارْتَضَى لَهُمْ﴾

[والله تعالی مؤمن صالحلره شونی ده وعد ایتدی و بیوردی که ذاتمه یمین ایدرم که البته اهل ایمان ایچون اختیار ایدوب راضی اولدینی دینلرینی الله تعالی تهریر و تثبیت ایدرو جمله ادیان اوزره عالی قیلار .]

﴿وَلَيُبَدِّلَنَّهُمْ مِنْ بَعْدِ خَوْفِهِمْ أَمْنًا يَعْبُدُونَنِي لَا يُشْرِكُونَ بِي شَيْئًا﴾

[والله تعالی اهل ایمانه شونی ده وعد ایتدی و بیوردی که مؤمنلر بکا عبادت ایدر ، هیچ برشیتی بکا شریک قیلماز اولدقلری حالده . ذاتمه یمین ایدرم که البته الله تعالی آنلرک قورقورلندنصکره حاللرینی امنیته تبدیل ایدر . بناء علیه ؛ قورقو و اندیشه کیدر ، آنک یرینه امنیت و استراحت کلیر .]

﴿وَمَنْ كَفَرَ بَعْدَ ذَلِكَ فَأُولَٰئِكَ هُمُ الْفَاسِقُونَ﴾

[واکر بر کیمسه قورقونک امنیته تبدلندنصکره کفران نعمت ایدر شکرنی ادا ایتزه ایشه او کفران نعمت ایدنلر آنجق فاسقلر و طریق الهیدن چیقمش عاصیلردر .]

يعني؛ اي رسول معظم! سن رسالتله حامل اولديغك احكامي تبليغ ايت و اي مؤمنلر! سزده رسولكرك امرينه اطاعت و دعوتنه اجابت ايدك. زيرا؛ الله تعالى ايمانله عمل صالحى نفسنده جمع ايدن كيمسه لري البته ير يوزنده خليفه قلوب ارضك تصرفي آنلره ويره جگني و آنلردن اول كچن امتلره حكم و خلافت وارنده تصرفه اقتدار و يرديكي كي بونلرده اقتدار ويره جگني وعد ايتدي و وعديني يمينله تا كيد و تقويه بيوردي و آنلر ايجون اختيار ايدوب راضي اولديني دين اسلامي ارض اوزرنده قرارلاشديره جگني و يارديم ايتكله عالي قيا لجفني دخي وعد ايتدي و اهل ايمانك حاللريني قورقودنصكره امنيته و انديشه دنصكره استراحت و اضطراب دنصكره اطمئنانه تبديل ايدجگني ده وعد بيوردي. حالوكه آنلر بكا اخلاص اوزره عبادت ايدرلر و اصلا هيچ برشيئي بكا شريك قيلمازلر. ايشته شو ايمان و عبادت لرينه مكافات اولارق الله تعالى آنلره قوت و قدرت و يرر و دينلريني عالي قيار و اكر بر كيمسه شونعمتلر وجود بولدق دنصكره كفران ايدرسه ايشته آنلر طاعات الهيه دن چيقمش فاسقلردر.

فخر رازينك بياني وجهله بو آيت اصول اعتقادي دن واجب تعالى نك علمنه و قدرتنه و كلامنه و عبادته مستحق معبود اولديغنه و واحد حقيقي اولوب شريك دن منزّه بولونديغنه و رسول اللهك نبوت دعواسنك صدقه دلالت ايدر. چونكه الله تعالى نك ايلورده كي و قوعانده خبر و برسي و خبرينك عبيد ظهور انمسي؛ علمنك كالنه، اهل ايمان خليفه قير جفني خبر و برسي و خبر و يرديكي و خبر خليفه قيلمسي؛ قدرتنه، و وعد كلامله اولاجفندن و عدی؛ متكلم اولديغنه، قوللرينك آنجه كندينه عبادت ايدوب شرك ايتمكلريني خبر و برسي؛ معبود حقيقي اولوب شريك دن منزّه اولديغنه و آيت غابره خبري منضم اولديغي جهنم رسول اللهك دعواسنك صدقه دلالت ايدر.

طبري، بيضاوي و خازنك بيانلري وجهله بو آيتده بيان اولونان قورقونك زوالی و امنيتك كلسي رسول اللهك هجرت دنصكره واقع اولمشر. زيرا؛ رسول الله مكده اقامت ايتديكي مدت دائما اهل ايمان مشركلردن قورقو و انديشه اوزرينه بولونورلردی. هجرت

نبويه دنصكره مدينه ده اسلاميت تقرر و اهل ايمان تكثير ايدنجه قتال آتي نازل اولدي. قورقو امنيته و قبلرده اولان اضطراب سكوتنه تبديل ايتدي. بوندن اول اصحاب رسول الله سلاحسز بر طرفه كیده مزلردی. حتی بركون اصحابدن بريسي «عجا بزم اوزر يمزده بر امنيت كلويده سلاحسز ياتديغمزي كوره جگني ز؟» دينجه رسول الله «اوت! الله تعالى مؤمنلره قوت ويره جك و سزدن بر كيمسه برچوق انسانلر ايجنده ياننده هيچ دمير آتي اولمقسزين آرقه سي اوستي ياتاجق و قلبنه قورقوكله جك» بيورمسي اوزرينه بو آتي انزالله جناب حق اهل ايماني تبشير ايتديكي مرويدر. اخيرا جناب حق بو آيتده بيان ايتديكي وعديني تاماً انجام ايتمشر. حتی اهل اسلام كسرانك مملكتي و خزينه سي كاملاً استيلا ايتديلر و قيصر ك برچوق مملكتلريني آلديلر.

بيضاوينك بياني وجهله بو آيتك اثری خلفاء راشدين زماننده ظهور ايتمشر. زيرا؛ كاليله دين اسلامي اعزاز و اهل اسلامك قورقولرينك امنيته تبدي و وعد اولونان شيرك تاماً حصولي و وعد اولونان كيمسه لرك هر شرائطي جامع اولسي آنجق خلفاء اربعه ده اجتماع ايتمشر. چونكه؛ نيسابورينك بياني وجهله (منكم) لفظنده بولونان (من) بهمه ايجومر. شو حالده معنای نظم: [حاضر اولونانلردن بعضيكزي الله تعالى خليفه قيا لجق و آنلرك زماننده دين اسلامي اعلا و اضطرابلريني اطمئنانه تبديل ايدجك] ديمكدر، يوقسه ايمانله عمل صالحى جمع ايدنلرك هپسي خليفه اولاجق معناسنه دكلدر. آيتك نزولي زماننده موجود اولانلردن خلافت بودرت ذاتك طالعنده ظهور ايتمشر.

خلاصه؛ ايمانله عمل صالحى جمع ايدن منتك حكومه و ارضه مالك اولوب دينلرينك اعلا اولوناجني و آنلرك قورقولرينك امنيته تبديل ايدجكي و شو نعمتلره كفر ايدنلرك فاسق اولدقلري بو آيتدن مستفاد اولان فوائد جمله سنددر.

واجب تعالى الله و رسوله اطاعتله امر دنصكره اطاعتي تأييد ايدن اركان دينك بعضيسيله امر ايتك اوزره ﴿وَأَقِيمُوا الصَّلَاةَ وَآتُوا الزَّكَاةَ وَأَطِيعُوا الرَّسُولَ لَعَلَّكُمْ تُرْحَمُونَ﴾ بيوريور.

[ای مؤمنلر! اللهم احسانه نائل اولمق ایچون صلات مفروضه کزی وقتنده ادا ایدک. وقتنی فوتله ضایع ایتمه یک و اموال کزی خبائتدن و نفسلری کزی ماسوایه میل ایتمکدن تطهیر ایدن زکات کزی فقرایه و یرک که مالکزه محبت کز فقرانک حق اولان زکات کزی و یرمه مکزه سبب اولماسون. و رسولنه تمامیه اطاعت ایدک. زیرا رسوله اطاعت؛ سعادت کزه سیبدر.]
یعنی؛ صلاتی ادا و زکاتی اعطا و رسوله اطاعت کز رحمت الهیه بی امید کزه بناء ایشله یک که هر جمله سندن آری آری ثوابه نائل اولاسکز.

﴿لَا تَحْسَبَنَّ الَّذِينَ كَفَرُوا مُعْجِزِينَ فِي الْأَرْضِ وَمَا لَهُمْ فِي النَّارِ وَلَبِئْسَ الْمَصِيرُ﴾

[ای رسول اکرم! سن کافر لری یر یوزنده قوت و قدرت صاحب لریدر غیری عاجز قیلار لر ظن ایتمه. حالبو که آنلرک محلی آتشد و واره جقلری یر جهنم نه چر کیندر.]
یعنی؛ حبیبم! سن کافر لرک ثروتلرینه و قوتلرینه نظر ایدرک ظن ایتمه که آنلر یر یوزنده الهی عاجز قیلار لرده اللهم عذابی آنلره اولاشماز. بناء علیه؛ آنلر غضب الهیدن قورتولور لر ظن ایتمه. زیرا؛ الله تعالی بی کیمسه عاجز قیلاماز. الله تعالی دیله دیکندن دیله دیکی زمانده اخذ انتقام ایدر. هیچ برشی قدرت الهیه نک تأثیرینه مانع اولاماز. شو حالده دنیاده آنلرک کفر لری و ظلم لری سببیه الله تعالی آنلری اهلاک ایدر و آخرتده مقام لری و مسکن لری جهنم آتشد. بناء علیه؛ مرجعلری جهنم نه کوتو محلد.

**

واجب تعالی الهیه متعلق احکامی و دلائلی و اعراض ایدنلرک حاللری بیاندن صکره بو سورده نک اولنده بیان بیوردینی احکامه علاوه اولارق بعض احکامی بیان ضمننده
﴿يَا أَيُّهَا الَّذِينَ آمَنُوا لَيْسَ تَأْذِنُكُمُ الَّذِينَ مَلَكَتْ أَيْمَانُكُمْ وَالَّذِينَ لَمْ يَبْلُغُوا
الْحُلُمَ مِنْكُمْ ثَلَاثَ مَرَّاتٍ مِنْ قَبْلِ صَلَاةِ الْفَجْرِ وَحِينَ تَضَعُونَ ثِيَابَكُمْ
مِنَ الظُّهُرِ وَمِنْ بَعْدِ صَلَاةِ الْعِشَاءِ ثَلَاثُ عَوَازٍ لَكُمْ﴾ بیور یور.

[ای مؤمنلر! سزک مالک اولدیفکز کوله لری کز و جاریه لری کز دن خدمت کزده بولونانلر و هنوز بالغ اولمایان صیبلری کز سزک یانکزه کیرمک ایچون اوچ کره استیدان ایتسونلر. بر کره صباح نمازندن اول یانکزه کیرمک ایجاب ایدر سه استیدان ایتسونلر و اوکله وقتی قیلوله واستراحت ایچون البسه کزی اوزری کز دن چیقاردیفکز زمان یانکزه کیرمک ایجاب ایدر سه استیدان ایتدک لری کبی یاتسو نمازندن صکره دخی استیدان ایتسونلر، استیدانلر یانکزه کیرمسونلر. زیرا بو اوچ وقت؛ سز کیچون عورت محلکزک ستری مختل اولدینی و ققدر.]

یعنی؛ ای مؤمنلر! سزک کوله لری کز و جاریه لری کز دن خدمت کزده بولونانلر و کندی چو جقلری کز دن هنوز بالغ اولمایوب خانه کزداخلنده و خارجنده بولونانلر دن سزک یانکزه کیرمک ایچون کیجه ایله کوندوزک اوچ وقتنده اوچ کره استیدان ایتسونلر. برنجیسی؛ صباح نمازنده اولدر. زیرا؛ صباح نمازندن اول یانکزه کز دن قالمق وقتی اولدینی جهته آچیق بولونمق احتماله بناء استیدانلر کیرمک منهیدر. ایکنجیسی؛ اوکله ده اولدینی اربانه زمانکزه کی البسه کزی اویق و استراحت ایچونه چیقاردیفکز زمانه اولدینی جهته کورونمسی آرزو ایتدیککز محلکزک آچیق اولمق احتماله بناء او و قنده یانکزه کیرمک ایستین استیدانلر کیرمسون. اوچنجیسی؛ یاتسو نمازنده صکره اویق و ضلوت زمانکزه اولدینی ایچون استیدانلر کیرمک منهیدر. شو حالده کوله لری کز و جاریه لری کز و چو جقلری کز شو بیان اولونان آداب شرعی بی او کرتملیسکز که آدابک خلافتده حرکت ایتسونلر. زیرا بو اوچ وقت؛ سزک ایچون عورت محلکزک منکشف اولاجنی زماندر. بناء علیه بو وقتلرده کندیکزه دقت ایدوب خلوت کزی محافظه ایدرک اسرار کزه مطلع اولاجق کیمسه لری یانکزه آلاما یسکز.

بیضاوینک بیانی و جهله آیتده خطاب؛ ارک کله ایسه ده قادیلر ده شاملدر. بناء علیه؛ بو آیتک حکمنده رجال و نسوان جمله بی مساویدر. شو حالده بو اوچ وقتده رجل اوزرینه استیدانلر دخول جائز اولدینی کبی نسوان اوزرینه دخی دخول جائز دکلدز.

انسانك اكثر باعادته بواجب رفته البسه لبني ببقاروب استراحت ايتدكلى ايجونه
اشبواوج رفته وقت عورت دنيلمشدر. زيرابووقتلر سترك مختل اولمى غالب اولدينى زماندر.
امام اعظم عندنده صيانتك بلوغى احتلامه در. احتلام اولمازسه اوغلان اون سكر
قز اون يدى ياشنده مكلف اولورلر. امام شافعى وابويوسف وامام محمد عندلرنده احتلام
اولمازلسه اون بش ياشلرنده مكلف اولاجقلى فخر رازى وخازنك جمله بيانلرنددر
وكتب فقهيه مزده بيان اولونانده بودر.

آيت جليلهده استيدانه متعلق اولان امره استجاب ايجون ديه نلر وارسهده فخر رازينك
بيانه نظراً استيدان امرى وجوب ايجوندر. فقط كوله وجاريه دن بالغ اولانلره استيدان
واجبدر. استيدانسر كيررلسه وجوبى ترك ايتدكلى ايجون كناهكار اولورلر. اما بالغ
اولمايانلر حقهده امر بابالرى وآنالرينه در، يوقسه صيانه دكلدر. زيرا صيانه ؛ مكلف
اولما دقلرندن استيدانه امر، مكلف اولانلره امر در كه آنلك صيانه استيدانى تعليم ايتلملى
واجبدر. تعليم ايتزلرسه كناهكار اولورلر ديمكدر، يوقسه صيانه استيدان واجب معانسه
دكلدر. بومسئله ؛ صيانه نمازله امر مسئلهسى كيدر. چونكه صيانه نمازله امر ؛ امر
تكليفى اولمايوب اوتكليف مصلحته بناء بابالرينه وآنالرينه تكليف اولوب آنالرك وبابالرك
صيلره نماز قيلملى ايله امر ايتلملى واجب اولدينى كى بوآيتده بيان اولونان استيدان
ايله امر دن مستفاد اولان وجوب آنالرينه وبابالرينه عائددر. زيرا؛ آيتده بيان اولوندينى
وجهله صياني تربيه ايتزلرسه مسئوليت آنلر عائددر.

بو اوج وقتده عورت محلتك سترى خالدار اولدينى بيان ايتك ؛ استيدان واجب
اولديغك حكمتى بيان ايتكدر.

قاضى، فخر رازى وخازنك بيانلرينه نظراً آيت جليله ؛ حضرت عمر حقهده نازل
اولمشدر. چونكه ؛ رسول الله (مدلج بن عمرو الانصارى) نى صبى اولدينى حالده حضرت
عمرى چاغيرمق اوزره كونددر. مدلج حضرت عمرك خانه سنه كيرر اويقودن اويانديرر
ولكن حضرت عمر آچيق بولونور. چوجنك كورديكى بيلديكى ايجون «الله تعالى بزم
صيلريمزى وخدمتچيلريمزى شو وقتده استيدانسر يانمزه كيرمكدن نهى ايتسه بونهي
آرزو و آكاجبت ايدر» ديدى وچوجقه برابر حضور رسول الله كلدى، كوردى كه بوآيت

نازل اولمش الله حمد ايتدى. رسول الله نه ايجون حمد ايتديكى سؤال ايتدى. حضرت
عمر بويله برنهي جناب حق دن طلب ايتديكى خبر ويرديكى (ابن عباس) حضرت تلرندن
مرويدر. شو حالده بوآيت؛ حضرت عمرك آرزوسى اوزرينه نازل اولان آيتلردن برسيدر.
تفسير نيسابور يده بيان اولوندينى وجهله «(لا تدخلوا بيوتا) آيتى بوآيتله منسو خدر.
زيرا ؛ «(لا تدخلوا) آيتنده اذنلسر هر وقتده كيرمك منع اولوندى. بوآيتده اذن اوج
وقته تخصيص اولوندى. بناء عليه؛ بوآيت ناسخدر» ديمشلسه ده اصح اولان ناسخ دكلدر.
زيرا ؛ آيت سابقه مكلف اولوب خانه نك خارجنده اولانلر حقهده درو حكمتى باقيدر. بوآيت
ايسه خانه داخلنده عالنه دن اولان كوله لر وجاريه لر وخدمتچيلر وصييلر حقهده در.
بناء عليه ؛ هرايكى ايتك حكمتلى باقيدر. شو حالده آيت اولانك مقتضاسنه نظر آخانه نك
خارجندن كلن اجنبى بر مكلفك هر وقت استيدان ايتسى واجبدر. خانه داخلنده اولانلر
آيت ثانيه مقتضاسى اوج وقتده استيدان ايده جكلردر.

واجب تعالى اوج وقتده استيدانسر دخولك منهى اولدينى بيان نصكره اوج وقتك
غيريده استيدانسر دخولك جوازينى بيان ايتك اوزره ﴿لَيْسَ عَلَيْكُمْ وَلَا عَلَيْهِمْ
جُنَاحٌ بَعْدَهُنَّ طَوَّافُونَ عَلَيْكُمْ بَعْضُكُمْ عَلَى بَعْضٍ كَذَلِكَ يُبَيِّنُ اللَّهُ لَكُمْ
الْآيَاتِ وَاللَّهُ عَلِيمٌ حَكِيمٌ﴾ بيوريور.

[اى] مؤمنلر! شو اوج وقتدن صكره خدمتچيلريكزك بلا استيدان سرك
اوزريكزه كيرملرنده نه سرك ونه ده آنلك اوزرينه كناه يوقدر. زيرا؛ آنلر سرك
اوزريكزه وسرك بضميكنز آنلر اوزرينه طبيعت بشريه ايجابى طواف ايديجيدر. چونكه ؛
كيمكز خدمت ايتك وكيمكز خدمت اولونمق اوزره احتياجكنز اولديغدن هر وقتده
استيدانده كلفت واردر. بناء عليه ؛ استيدانك واجب اولمى اوج وقتده حصر اولوندى
اوج وقتك خارجنده استيدانسر كيروب چيقمقده بأس يوقدر. ايشته شو احكامى بيان

ايتديكي كې الله تعالى مصالحكزه موافق احكاملره شامل اولان آيتلري سزه بيان ايدر. زيرا؛ الله تعالى سرك ابي و كوتو عملكزي بيلير و حالكزه موافق حكم ايدر و حكمي حكمتدن خالي دكلدر.

(طوافون) كيرسي و جقملي موي اولده كيرلدر. اوچ وقتك غريده استيدانسر كيرمه مساعدهك علقى؛ چوق كيروب چيقلري اولديغنى افاده ايتمشدر.

خلاصه؛ كوله و جاريهك و بالغ اولماق صيانك صباح نمازندن اول ياتسو نمازندن سكره و قوشلق و قى يعنى اويقو و خلوت زمانى خانه داخلنده بولونان رجال و نسادن هيچ كيمسه اوزرينه خبرسز كيرملري جائز اولمايوب استيدانه محتاج اولدقلى و بو اوچ وقتك غريده كيروب چيقلمه شتله احتاج اولديغندن استيدانسر كيروب چيقلرينه مساعده شرعيه اولديغنى بو آيتدن مستفاد اولان فوائد جمله سندندر.

واجب تعالى صيانك استيدانه محتاج اولديغنى و اولماق و قى بيان نصكره اطفالك بالغ اولديغنده رعايتى واجب اولان احكامى بيان ايتك اوزره ﴿وَإِذَا بَلَغَ الْأَطْفَالُ مِنْكُمْ الْحُلُمَ فَلْيَسْتَأْذِنُوا كَمَا اسْتَأْذَنَ الَّذِينَ مِنْ قَبْلِهِمْ كَذَلِكَ يُبَيِّنُ اللَّهُ لَكُمْ آيَاتِهِ وَاللَّهُ عَلِيمٌ حَكِيمٌ﴾ بيوريور.

[سزدن صيلر احتلامه بالغ اولوب امارات شهوت كنديلرنده كورولديكنده اوغلان قيز هر كيم اولورسه اولسون آنلر كنديلرندن اول بالغ اولانلرك استيدان ايتدكلري كې استيدان ايتسونلر استيدانسر كيرمه سونلر.] زيرا؛ بالغ اولدقلى زماندن بالا اعتبار كنديلرندن اول بالغ اولانلرك حكمه كيردكلرندن اول بالغ اولانلرك هر زمان استيدانه محتاج اولدقلى كې بونلرده هر زمان استيدانه محتاجدر. [ايسته شو حكم جليلي بيان ايتديكي كې الله تعالى احكامه دلالت ايدن آيتلريني سزه بيان ايدر. چونكه؛ الله تعالى قوللرينك حاللريني بيلير و حكمتنه موافق احكامى وضع ايدر.] تفسيرمدار كده بيان اولونديغنى وجهله شو اوچ وقتك غريده بلا اذن دخول عادتلى

اولديغندن اطفال بالغ اولونجه او عادتلريني تركله استيدانه آليشدير مق واجبدر. بناء عليه؛ رجللرك هر وقت استيدان ايتدكلري كې يكي بالغ اولانلركده هر زمان استيدانلري لازمدر. حتى والده سنك بولونديغنى اوطيه كيرمه استيدان لازم اولديغنى ابن مسيب حضرتلرندن مرويدر. آيتك حكمى آنايه بابايه و جمليه شاملدر. شو حالده هر كيمك اوزرينه كيرمك ايسترسه استيدان واجبدر. ناس بو آيتك حكمتدن غافل اولدقلى بيان ضمنتده ابن عباس حضرتلرينك ناس اوچ آيتك حكميله عمل كيا ترك ايتدكلري اوچ آيتدن بريسي بو آيتدر «بيورديغنى مرويدر».

خلاصه؛ صياندن بلوغ ايرنلرك كنديلرندن اول بالغ اولانلرك خانه داخلنه كيرمه اذن ايسته مكله مأمور اولدقلى كې آنلرك دخى مأمور اولدقلى و الله تعالى نك بو مثللو احكامى قوللرينه عنایت اولارق بيان بيورديغنى بو آيتدن مستفاد اولان فوائد جمله سندندر.

واجب تعالى صياندن بالغ اولانلرك استيدانه مجبور اولدقلى بيان ايتديكي كې اختيارلقدن دولاي شهوتى قلامش قادينلرك بور كورلريني بورونمه مكله كناه اولماقديغنى بيان ايتك اوزره ﴿وَالْقَوَاعِدُ مِنَ النِّسَاءِ اللَّاتِي لَا يَرْجُونَ نِكَاحًا فَلَيْسَ عَلَيْهِنَّ جُنَاحٌ أَنْ يَضَعْنَ ثِيَابَهُنَّ غَيْرَ مُتَبَرِّجَاتٍ بِزِينَةٍ وَأَنْ يَسْتَعْفِفْنَ خَيْرٌ لَهُنَّ وَاللَّهُ سَمِيعٌ عَلِيمٌ﴾ بيوريور.

[طائفة نسواندن حيض و حملدن اوتورمش كمال اختيارلقدن شهوتى قلامش و اصلا نكاح آرزو ايتمينلر زينتلريني اظهار ايتدكلري حالده بور كورلريني بورونمه مكله آنلر اوزرينه كناه بو قدر و لكن آنلر بور كوريله عفت طلب ايدوب عفته دقت ايتلري حقلرنده خيرليدر. الله تعالى قوللرينك سوزلريني ايشيتير و حاللريني بيلير.]

يعنى؛ قادينلردن ار ككه و نكاحه ميل ايتمه بوب شهوات بشريه دن قطع علاقه ايتمش اولانلر ايچون رجاله زينتلريني كوسترمه مك شرطيله چارشاقلريني ترك ايتمكله كناه بو قدر. مع هذا بور كورلريني بورونمك آنلر ايچون ترك ايتلرندن خيرليدر. چونكه؛

مستوره بولونمق هر تهمندن عاريدر . الله تعالى اختيار قادينلرك رجالله سويله شدكلى سوزلرني ايشيتير و نيتلرني بيلير .

تفسير خازنده بيان اولونديغه نظراً اختيار اولمش ولكن اعضاسنده تناسب و كوزلكي زائل اولمايوب رجالك اشتهاسنه محل اولان خاتونلر بو آيتك حكمندن خارجلدر . بناء عليه ؛ بو مقوله خاتونلرك ، هر نه قدر اختيار اولسه لر دخي كنجلر كي چارشافلرني بورونملري لازمدر . چونكه ؛ بونلرده رجالك مينلي جلب ايده جك سبب موجود اولديغندن آنلر حقنده حكم ستر باقيدر .

خلاصه ؛ اختيار قادينلرده فتنه يه بادي اولاجق بر سبب قالماديغه بناء آنلرك چارشافسر كزملرنده بر باس يوق ايسه ده چارشافله كزملري تهمندن كلياً برى اولديني جهته حقلرنده خير وزيتلرني اظهار ايمه مك شرط اولديني بو آيتدن مستفاد اولان فوائد جمله سنددر .

واجب تعالى اختيارلغه بناء نكاح آرزوسنده اولمايان قادينلرك زيتلرني اظهار ايمه رك چارشاف بورونمه ملرني بيان ايتديكي كي انسانلرك يملك يملك خصوصنده كيملرك خانه سنده كافتسر يملك بيه جكلرني دخي بيان ايمك اوزره ﴿ لَيْسَ عَلَى الْاَعْمٰى حَرَجٌ وَلَا عَلَى الْاَعْمٰى حَرَجٌ وَلَا عَلَى الْمَرِيضِ حَرَجٌ وَلَا عَلَى اَنْفُسِكُمْ اَنْ تَاْكُلُوْا مِنْ بُيُوْتِكُمْ اَوْ بُيُوْتِ اَبَائِكُمْ اَوْ بُيُوْتِ اُمَّهَاتِكُمْ اَوْ بُيُوْتِ اِخْوَانِكُمْ اَوْ بُيُوْتِ اَخْوَاتِكُمْ اَوْ بُيُوْتِ اَعْمَامِكُمْ اَوْ بُيُوْتِ عَمَّاتِكُمْ اَوْ بُيُوْتِ اَخْوَالِكُمْ اَوْ بُيُوْتِ خَالَاتِكُمْ اَوْ مَا مَلَكَتْكُمْ مَفَاتِحُ اَوْ صَدَقْتَكُمْ ﴾ بيوريور .

[اعمى و طوپال و خسته لر اوزرينه سزكه برابر طعام ايتكده كوچلك يوقدر . و نفسكز اوزرينه كندى اولريكز دن و بالالريكز و آنالريكز و برادرلريكز و همشيرلريكز و عموجه لريكز و خاله لريكز و داييلريكز و تيزه لريكزك اولرندن و يا خود آناختارلرينه

مالك اولديغكز اولرندن و يا خود دوستكزك اولرندن خانه صاحبليكنك اذنه حاجت مس ايتكسزين بلاذن طعام ييكده كوچلك يوقدر . بيسكزده اولان مناسبه بناء استيدانسر اكه مساعدت شرعيه واردر .]

يعنى ؛ كور ، طوپال و خسته لر اوزرينه سزكه برابر طعام ييكده كوچلك يوقدر . زيرا ؛ بونلرك معذور اولملري سزكه برابر ييلرينه مانع دكلدر . چونكه ؛ عذرلري طرف التهمين آنلره و يرلمش برر هديه اولديغندن سزك آنلري حقير عد ايتكز جائز اولاماز و كذلك سزك اولاد و عيالكز بولونان اولريكزده و لوسه حرملريكزك و اوغلانلريكزك مالندن اولسون يملك ييكزده كناه يوقدر . زيرا ؛ انسانك كرك زوجه سنك و كرك اوغلونك خانه يي كندى خانه يي و ماللري كندى مالى كي اولديغندن بلاستيدان بونلرك طعاملرني ييكده باس يوقدر و بيسميريمك (انت و مالك لاييك = سن و سنك مالك بابانكدر) حديث شريفى ده بومعناي تايد ايتكده در . يا خود بالالريكزك و آنالريكزك و برادرلريكزك و همشيرلريكزك و عميلريكزك و خاله لريكزك و داييلريكزك و تيزه لريكزك اولرنده يملك ييكزده باس يوقدر . چونكه ؛ بونلرك جمله سي آره سنده تكليف سزك و انبساط و يكديكرينه قارشى بر حرمت موجود اولديغندن مشقت يوقدر . كذلك سزك مفتاحه مالك اولديغكز افنديكزك چفتلكنده و قويون آغيلنده بولونديغكز مدت افنديك مالندن بيوب ايچمكزده بر مانع يوقدر . چونكه ؛ حفظه و امورينك تسويه سنده مأمور اولديغكز جهته نفقه كزى آلق حقكزدر . چالماق و خانه كزه كوتورمه مك شرطيله بيه بيليرسكز . كذلك دوستكزك اوندن ييكزده باس يوقدر . چونكه ؛ دوستلر آره سنده بو كي شيلردن نمون اولق عادت و ناس آره سنده معروف اولديغندن تهمت يوقدر . بيضاوينك بياني وجهله صاحبك قرينه و يا صراحة اذنى اولسه بيله آنجق راضى اولاجنى بيلنمك شرطدر .

﴿ لَيْسَ عَلَيْكُمْ جُنَاحٌ اَنْ تَاْكُلُوْا جَمِيعاً اَوْ اَشْتَاتاً ﴾

[هيكز برابر بر چاناقدن اكل ايتكده كناه يوقدر .] زيرا ؛ برابر ييكده تواضع اولديني كي يكديكرينه محبت ده واردر . [و هر بر يكزك آيرى آيرى ييكزده دخي كناه يوقدر] زيرا ؛ آيرى آيرى طباقدن ييكده نظافت دهازياده در . بناء عليه ؛ هرايكيسنده خلاصة البيان : اوتنجي جلد — ۲۴

مساغ شرعی وارد، کراحت یوقدر. چونکه؛ انسانلرک ایکی صورته ده احتیاجلری اولدیغندن اقتضاء حاله کوره عمل ایتمه بو آیتله جناب حق مساعده بیورمشدر. ایشته بو آیتی بیلیمینلری آیری آیری طباقلرده طعام بیکه آلافرانغه لق دیرلر که کآن اسلامیتده جواز یوق ایمشده فرنکلرک ایجاد کرده سی ایمش کی بولونوزلر. حالوکه بر تجربه ده پیشمش بیک آیری قابلره تقسیمله هر فردک طعامی برسفرده کندی اوکنه قویمق بو آیتله مشروع اولدینی کی الیوم بدوی هر بلرده بیلیم موجوددر. بناء علیه؛ شو عنوان اوزره طعام بیک عادات اسلامیة جمله سنددر. اما شیمدیکی اصول اوزره یوکسک و شانلی ماصهلر ابتداء اسلامده یوقدی، آنحق خلفاء امویه دورنده باشلامش عادتلردن اولدینی جهته آلافرانغه دینیلن رسمک فرنکلرک ایجاد اولمایوب بورسم عادات اسلامیة دن اولدیغندن آلافرانغه دیهرک فرنکلره تخصیصی طوغرو دکلددر. کرچه سنت اولان سفره اوزرنده بیکدر، فقط ماصه اوزرنده بیکده مباحدر. بناء علیه؛ بر مانع شرعی یوقدر.

﴿ فَإِذَا دَخَلْتُمْ بُيُوتًا فَسَلِّمُوا عَلَى أَنْفُسِكُمْ تَحِيَّةٌ مِنْ عِنْدِ اللَّهِ مُبَارَكَةٌ طَيِّبَةٌ كَذَلِكَ يُبَيِّنُ اللَّهُ لَكُمْ الْآيَاتِ لَعَلَّكُمْ تَعْقِلُونَ ﴾

[خانه لره داخل اولدیغکزده الله تعالی طرفدن هدیه و خیر کثیر وبرکت اوزره مشتمل زیاده حیات اولارق نفسکزه و خانه صاحبزینه سلام و یرک. ایشته بو آیتده بیان ایتدیکی کی سزک تعقل ایدوب دوشونمکز ایچون الله تعالی سزه آداب صحبتکزه دلالت ایدن آیتلرینی دخی بیان بیورر.]

بو آیت جلیله نک نزولنده مفسرین اختلاف ایتشلردر. ابن عباس حضرتلردن ﴿یا ایها الذین آمنوا لا تأکلوا أموالکم بینکم بالباطل﴾ آیت جلیله سی نازل اولونجه اصحاب کرام «اعمی ایله طعام بیک کوجدر. زیرا؛ طعامک ایی موقعی بیلیمز حقی قالیر. طوپال ایله بیکده مشکدر. زیرا لایقيله اوتوروب راحت ایده مز. مریض ایسه ضعیف اولدیغندن لایقيله اکل ایده مدیکی جهته حقنی یوليله استیفا ایده مز. بناء علیه؛ بونلره برسفرده بولونما یز. زیرا؛ بزه حققری کچر باطل اولور. الله تعالی ایسه باطل اولارق اموالی بیکدن نهی ایدیور. شو حالده صاحب عذر اولان کیمسه لره طعام بیک باطلدر»

دیملری اوزرینه بو آیت نازل اولمشدر. بوکا نظراً معنای آیت: [اعمالک کوزی کورنه وطوپال اولان کیمسه نک صحیح الاعضا اولان کیمسه ایله و خسته نک صاغلام اولان کیمسه ایله طعام بیلرنده کوجلک و کنه اولمادیکی کی سزک کندی خانه لریکزه اهل و عیالکز و اولاد و انسالکز و سائر محارمکزه طعام اکل ایتمکزه دخی کوجلک یوقدر، ایسته دیککز کی اوتورور، یر و ایچر سکز] دیمکدر. کندی خانه لری ایله مراد؛ زوجه لرینک خانه لری و اولاد لرینک خانه لریمز. زیرا؛ زوجه و ولدک خانه سی زوجه و پدرینه نسبت اولوناییلیر. کذلک بابا لریکزک و یاخود آنلریکزک خانه لرنده ده اکل طعام ایتمکزه بآس یوقدر. زیرا؛ بینکزه کلیت و جزئیات اولدینی کی سز آنلرک خلفلری سکز. بناء علیه؛ برابر اکل طعام ایتمکده بر مانع یوقدر. برادر و یاخود همشیره لریکزه منشأ کز برادر و عموچه و یاخود پدریکزک قیز قرداشی که خاله کزک خانه لرنده استیذان سز اکل طعامه مساعده شرعی واردر. والده کزک برادری داییکز و همشیره سی تیزه کز والده کزله بر منبغ دن نشأت ایتدکلری ایچون آنلرک خانه لرنده ده طعام اکل ایتمکزه کوجلک اولمادیکی کی کوله لریکزک و جاریه لریکزک خانه لرنده دخی اکل طعام ایتمکزدن ضرر یوقدر. زیرا؛ آنلر آزاد اولونمش اولسونلر و یا آزاد اولونماش اولسونلر سز آنلرک ولی نعمتلری اولدیغکزدن بینکزه ارتباط تام اولدینی جهته طعاملرینی اکل ایتمکز جائزدر. یاخود بردوستکزک خانه سنده اکل طعام ایتمکزه بآس یوقدر. زیرا؛ بینکزه قرابت نسبیة دن ده قوتلی مناسبت معنویه اولدیغندن دیکر لرنده قرابت سببیه اذن وار عد اولونارق صراحة اذنه محتاج اولونمایوب قارنی آج اولونجه دانیشمقسزین قارنی طویورمق جائز اولدینی کی صدیقک خانه سنده ده اذن طلب ایتمقسزین قارنی طویورمغه مساعده شرعی واردر. اما بو آیتده تعداد اولونان اونبر ذاتدن ماعدا بر کیمسه نک خانه سنده خانه صاحبک اذنی اولقسزین اکل طعام ایدیلیمز. زیرا؛ غیریلره بینلرنده مناسبت اولمادیکی ایچون اذن اولمادیجه اکل مباح اولماز. شو قدر که بو آیتده ذکر اولونمایان دهه، بابا منزله سنده اولدینی کی اوغلونک اوغلی ده اوز اوغلو مثابه سنده در.

اکلک آدابنه کلنجه: مجتمعاً و متفرقاً اکل ایتمکده بآس یوقدر. بر خانه ده اکل طعام ایچون مساعده اولونوب کلدیگکزده طرف السیدن هدیه اولوب خانه صاحبزینه زیاده

حيات اولارق خيري متضمن وكدردن صافي سلام ويرك. زیرا؛ سلامتله دعاخانه صاحبته
امنيت بخش ايتديكي كبي واقع اولان مادی اكرامنه مقابل معنوی مكافات ايتمش اولاجفكزدن
سلامی ترك ايتمهك .

ياضوء آيتك سبب نزولی؛ اعمالر، كوتوروملرله وخستهلر، صاعلام اولان كيمسهلرله
طعام ييمك ايسته مزلردی . چونكه؛ هر كس آنلری حقير كوردكردن جناب حق دركاه
الوهيتنده صاعلامله معذور اولانلر بيشنده فرق اولمايوب جمله سی مساوی اولديغنی اعلان
ايچون بو آيتی انزالله معذورلرك قبليرنی تطيب بيورمشدر .

ياضوء معذور اولانلر اكل طعام ايچون صحيح اولان كيمسهلرله كلدكلرنده صحيح
اولان كيمسهك ياننده طعام اولماديغنی جهتهلر شوتعداد اولونان اقباسندن برينك خانه سته
كوتوروردی . معذورلر « بزى باشقه محله كوتوردی » ديهرك ايچينملری اوزرينه
بو آيت انزال اولونمشدر . بعضيلر آيتك سبب نزولی ابن عباسدن شويله روايت ايتديلر :
اصحاب كرام غزايه كيتدكلرنده خانه سته كيمسه سی اولمايان اوينك آناختارینی اجاباندن برينه
تسليمه خانه سته وكيل ايدر كيدر . وكيل اولان ذات هيچ برشی اكل ايتمكسزين خانه
صاحبي كلديكنده آناختارینی ويرنجه كورورك هيچ برشی اكل اولونماش . نه ايچون اكل
ايتديكنی سئوال ايدر . اذنی اولماديغنی ايچون اكل ايتديكنی بيان ايتمی اوزرينه بو آيت نازل
اولورك آناختاری تسليمك اذن اولديغنی آيت جليله ايله واجب تعالى بيان بيورمشدر .
آيتدن مقصد؛ شوتعداد اولونان كيمسهلرك خانه سته كيرديككزده كنديلری اولسه
دخی اكل طعام ايتك مباح ديمكدر . اما آزيق آلمق وياخود بر مقدارینی كندی
خانه سته كوتورمك جائز دكلدر .

تفسير خازنده بيان اولونديغنی وجهله بر كيمسه كندی خانه سته كيرديكنده عائله سته
وسائر خانه ده بولونانلره و كيمسه يوق ايسه كندی نفسنه سلام ويرر وملككرده رد سلام
ايدرلر . مسجدده كيرديكنده دخی كندی نفسنه سلام ويرمك مشروع اولديغنی بو آيتدن
مستفاد اولان فوائد جمله سندندر .

حضرت انس ، رسول الله بكا « يا انس ! سكا اوچ شی تعليم ايدهم كه آنلرله انتفاع
ايدهم سك » بيوردی . بنده « بابام آنام فدا اولسون يا رسول الله ! تعليم بيور » ديدم .
رسول الله « يا انس ! امتدن ملاقات ايتديكك كيمسهلره سلام ويرك عمرك اوزاسون .

خانه كه داخل اولديفكده سلام ويرك خيرك وبركتك چوق اولسون وقوشلق نمازی
قيل . زیرا قوشلق نمازی ؛ الله رجوع ايدنلرك نمازيدر « بيوردی .

خلاصه ؛ معذور اولانلرك صحيح اولانلرله اكل طعام ايتلرينك جوازی واقربا
ودوست و آزادلی كوله وجاريه لرك خانه لرنده بلاستيذان قارنی دويونجهيه قدر طعام اكل
ايتمكلكك جوازی وبر سفرده مجتمعا بر چاناقدن اكل ايتك وياخود آری آری
چاناقلردن اكل ايتمكلكك جوازی وبر خانه يه كيرلديكنده سلام ويرمكده بركت كثيره
اولديغنی بو آيتدن مستفاد اولان فوائد جمله سندندر .

**

واجب تعالى مؤمنلرك معلول اولانلرله طعام ييمك جائز اولديغنی بياندنصكره رسول الله
مخافظه آداب ايتمهك و حقوقه رعايته امرينه انقيادك لزومنی بيان ايتك اوزره
﴿ إِنَّمَا الْمُؤْمِنُونَ الَّذِينَ آمَنُوا بِاللَّهِ وَرَسُولِهِ وَإِذَا كَانُوا مَعَهُ عَلَى أَمْرٍ جَامِعٍ لَمْ
يَذْهَبُوا حَتَّى يَسْتَأْذِنُوهُ ﴾ بيوريور .

[آنجق مؤمنلر شول كيمسهلركه آنلر الله ورسوله ايمان ايتديلر وآنلر رسول اللهله
برابر اهل اسلامك امورندن برشی مشاوره ايتك اوزره جمع اولوندقلرنده رسول اللهدن
استيذان ايتدكجه كيتمزلر .]

يعنی ؛ مؤمن كامللر شول كيمسهلركه الله تعالى نك وحدانيتنه ورسولنك رسالته ايمان
ايتديلرده رسول اللهله برابر امور مسلميندن بر امر اوزرنده بولونديلر كه او امرك
حصولنده اجتماع شرطدر . جمعه ويايرام نمازلری، محاربه ومجاهده وبر امرحقنده مشاوره
كبي اجتماع ايجاب ايدن امورده رسول اللهله برابر بولوندقلرنده رسول اللهدن استيذان
ايدنجهيه قدر معيت رسول اللهدن افتراق ايتمزلر .

ابوالسعود افنديك بيانی وجهله رسول اللهدن استيذان ايتك ايمانك كئلنده داخلدر،
لكن استيذان ايتمكله كيتمك لازمكلمز . زیرا ؛ كيتمك اذن رسول اللهله اولاجفتدن
رسول الله اذن ويررسه كيدر اذن ويرمزه كيتمز . حتی جمعه كونی رسول الله منبره

چيكنجه بر كيمسه مسجددن برخدمت ايجون چيقيم ايسترسه آياق اوزره قالقارق رسول الله
كورونوب رسول الله اذن ويررسه كيتديكي ويررسه كيتديكي مفسرينك جمله بيانلاندند.
تفسير خازنده بيان اولونديغي وجهله امام المسلمين ايله برابر اهل اسلامك آرا وافكار
صاحبلى بر امرى مشاوره خصوصنده وياخود محاربه موقعنده اجتماع ايتدكلرنده امامه
مخالفت ايدهرك امامك حضورندن كيتمزلر، كيتمك ايستين امامدن استيدان ايدر.
ايسترسه امام اذن ويرر ايسترسه اذن ويرر. آنجق خاتونك حيسى ظهور ايتمى وياخود
بر رجليك جنب اولمى وياخود او مقامده تحملى غير قابل برخستلق حادث اولمى كى
اجتماعه بر مانع ظهور ايدرسه استيدانسر كيده بيلور. زيرا اعدار مشروعه ضروريه؛
هرشيدن مستنادر. بناء عليه ضرورتلر؛ محرماتى مباح قيلار.
ايسته بو آيت جليله امور مسلميندن بر امر مهم اوزرينه اجتماع ايدلديكنده اومسئلهده
اجتماعه خلل ويرمهك وحاضر بولونانلرك قوه معنويه لرني قيرمامق ايجون مجلسك آخريته
قدر دوامك لزومى واكر كيتمك ايجاب ايدرسه او مجلسده رياست ايدن ذاتدن اذن
آلق ايمان كاملك شرطندن اولديغنى اهل ايمانه توصيه ايتمش ورئيسه كاليله اتباعك وجوبى
بيان بيورمشدر.

**

واجب تعالى بر امر ايجون حضور رسول الله اجتماع اولونديغنده استيدانسر كيتمدكلرينى
واستيدان ايتمهك كالنده داخل اولديغنى بياندنصكره استيدانك همه حال لازم اولديغنى
واستيدان اولونديغنده اذن ويرمك راي عالى بي رسالتناهييه منوط بولونديغنى بيان ايتمك
اوزره ﴿إِنَّ الَّذِينَ يَسْتَأْذِنُونَكَ أُولَٰئِكَ الَّذِينَ يُؤْمِنُونَ بِاللَّهِ وَرَسُولِهِ فَإِذَا
اسْتَأْذَنُوكَ لِبَعْضِ شَأْنِهِمْ فَأَذَنْ لِمَنْ شِئْتَ مِنْهُمْ وَاسْتَغْفِرْ لَهُمُ اللَّهُ إِنَّ اللَّهَ
غَفُورٌ رَحِيمٌ﴾ بيوربيور.

[شول كيمسه لرك سندن اذن ايستديلر. ايسته آنلر الله تعالى يه ورسولنه ايمان
ايدنلردر. يا اكرم الرسل! آنلر بعض مهم ايشلرى ايجون سندن اذن ايسته دكلرنده سن

آنلردن ايسته ديككه اذن ويرر وآنلر ايجون اللهدن مغفرت طلب ايت. زيرا؛ الله تعالى
قوللرينك قصورينى عفو ايديجى ومغفرتله مرحمت بيوريجيدر. [يعنى؛ مهم بر امرى مشاوره ايجون حضور كده بولونان كيمسه لرك كيتمك اوزره
سندن اذن ايستلر. ايسته آنلر الله ورسولنه صدقه ايمان ايدنلردر. زيرا؛ اذنسر
حضور كدن چيكمادقلى جهته اللهه رسولى حضورنده حسن ادبه رعايت ايتمكه ايمانلرنده
نيانلرينى اظهار ايتديلر. كندى ايجون ظهور ايدن ايشلرينه كيتمك اوزره سندن استيدان
ايتدكلرنده اذن ويرمك راي عالى رسالتناهييرنه مودوعدر. آنلردن عذرلرى صحيح
اولانلردن ايسته ديككه اذن ويرمكه برابر آنلر ايجون اللهدن مغفرت طلب ايت. زيرا؛
سك اذنك آنلرك حضور نبويه كدن چيكمالرينه مساعده اولورسده امر دنيايى اختيار ايدوب
امر آخرتى وامور مهمه مسلمينى ترك ايتدكلرندن حاصل اولان قصورلرينك عفو
سك مغفرت طلب ايتمكه موقوفدر. بناء عليه؛ آنلر ايجون مغفرت طلب ايت. زيرا؛
الله تعالى بو مثللو ضرورى واقع اولان قصورلرينى مغفرت وقصورينه ندامت ايدنلره
مرحمت بيوريجيدر. استغفارله امر دنصكره اللهمك غفور ورحيم اولديغنى بيان ايدن جمله؛
استغفارله امرك ضمنتده مغفرت الهيهك وعد اولونديغنى بيان ايجوندر.

مدار كده بيان اولونديغى وجهله اذن طلب ايدنلر ايجون واجب تعالىك رسولنه
استغفارله امر ايتمى استيدان ايتمهك افضل اولديغنه دلالت ايدر. هر زمان اهل ايمان
ايجون لايق اولان امام المسلمين وامور دينده مقتدايه اولانلره حاللرى بو منوال اوزره
اولمق لازم اولوب مخالفت جائز اولماديغنه دخى دلالت ايدر. بناء عليه؛ امور مسلمين
اوزرنده عدالت اوزره بولونانلره هر مؤمنك آلدن كلديكى قدر معاونت ايتمى واجبدر.
بو آيت جليله بيضاوينك بيانى وجهله استيدان ايدنلرك مؤمن اولوب استيدان
ايتمهينلرك مؤمن اولماديغنه دلالت ايدر. چونكه؛ جناب حق استيدان ايدنلرك مؤمن
اولمى خبر ويردى كه استيدان ايتمهينلرك مؤمن اولاميه جغنى اشعار ايتمكدر.

زيرا؛ آيت جليلهده منافقره تعريض واردر. چونكه؛ تفسير مدار كده بيان اولونديغى
وجهله آيت جليله خندق غراسنده رسول اللهدن استيدان ايتمكسزين خانه لرينه عودت
ايدن منافقره حقتده نازل اولديغى مرويدر.

**

واجب تعالى حضور رسول الله اهل ايمانه لازم اولان وظيفه بي واستيدان ايتدكلى
صورتده اذن ويروب ويرمه مك رأى عالى بي رسالتپناهي به مودوع اولديغي بيسانديكره
رسول الله شان عاليرينه لايق اولان آدابدن بعض آخري بيان ايتك اوزره ﴿لَا تَجْعَلُوا
دُعَاءَ الرَّسُولِ بَيْنَكُمْ كَدُعَاءِ بَعْضِكُمْ بَعْضًا قَدْ يَعْلَمُ اللَّهُ الَّذِينَ يَتَسَلَّلُونَ
مِنْكُمْ لُوَاذًا فَلْيَحْذَرِ الَّذِينَ يُخَالِفُونَ عَنْ أَمْرِهِ أَنْ تُصِيبَهُمْ فِتْنَةٌ أَوْ يُصِيبَهُمْ
عَذَابٌ أَلِيمٌ﴾ بيوريور.

[سز بينكزده رسول الله دعوتى بعضيكزك بعضيكزه دعوتى كى قيلمليك. زيرا؛
الله تعالى سزدن برريكزه التجا ايدهرك حضور رسالتدن چيقان كيسه لى بيلير .
بناء عليه ؛ امر رسول الله مخالفت ايدنلر دنياده كنديلرينه قتل واسارت وسار بليات
كى فته و آخرته آجيديجى عذاب اصابت ايتكدن حذر ايتسونلر .]

يعنى ؛ اى مؤمنلر! رسول الله سزى براموره دعوتى، بينكزده بعضيكزله
بعضيكزى دعوتى كى عد ايتمهيك. زيرا ؛ رسول الله دعوتنه اجابت ايتك واجب دره.
چونكه دعوت رسول الله ؛ سزك ايچون البته بر مصلحتى ومنفعتكزى متضمن اولديغندن
مخالفتكز جائز دكلدر. اما بعضيكزك بعضيكزى دعوتنده اجابت واجب دكلدر. چونكه ؛
منفعت محقق اولماديغندن بعضاً اجابت ايدر وبعضاًه اجابتدن استتكاف ايدرسكز. الله
تعالى سزدن برريكزك قارالتيسنه صاقلانارق حضور رسول الله دن كيدنلرى محقق بيلير.
بناء عليه ؛ امر رسول الله مخالفت ايدنلر دنياده محنت و آخرته عذاب اليم اصابتدن
خوف وحذر ايتسونلر. زيرا رسول الله مخالفت ؛ هلا كى موجبدر .

قاضى ويبضاوينك بياننه نظراً بو آيتده دعاء رسول الله ايله مرادك نه دن عبارت
اولديغنده ارج احتمال واردر : برنجى احتمال ؛ امر و مخصوصى مشاوره و باخود بعض
امامم الربى بليغ و باخود بعض شئى نبي و نوصيه ايجوره اصحابنه بعض كيسه لى
ياغيرمقرر . بوكا نظراً معنای آيت : [رسول الله سزى بعض خصوصات ايچون

ياغيرديغنده دعوت رسول الله بينكزده بعضيكزك بعضيكزى دعوتنه قياس ايتمهيك .
زيرا ؛ رسول الله دعوتنه اجابت واجبدره . مخالفت و بلااذن حضورندن چيقمق حرامدر .
اما سزك برخصوصى مشاوره و مذاكره ايچون برريكزى دعوتكزه اجابت واجب
دكلدر ، مسامحه جائزدر . شوحالده دعوتلر بيننده فرق واردر] ديمكدر .

ايكنجى احتمال ؛ رسول الله نما ايتك و ياغيرمقرر . بوكا نظراً معنای آيت :
[رسول الله اسميله ياغيرمكزى سزك بعضيكزك بعضيكزه اسم ذاتكزله ياغيرديغندر
كى يايمليك . يعنى « يا محمد ! » ، « يا احمد ! » و « يا مصطفى ! » كى اسم ذاتيسيله ياغيرمايك ،
بلكه رسول الله تعظيمى اشعارايدر « يا رسول الله ! » ، « يا نبى الله ! » و « يا خير خلق الله ! »
و « يا اكرم الخلق ! » كى مدح رسول الله متضمن القابله ياغيرك . زيرا ؛ اسم ذاتيسيله
ياغيرمق تعظيمه منافيدر و رسول الله ندا كزده غايت خفيف صدا ايله سويلهيك] ديمكدر .
زيرا رفع صوته سويلهيك ؛ تعظيمه منافيدر .

اوچنجى احتمال ؛ رسول الله مناهايزدر . بوكا نظراً معنای آيت : [رسول الله
دعائى و جناب حقه مناجاتى بعضيكزك بعضيكز عليه دعا كزه قياس ايتمهيك . زيرا
دعاء رسول الله ؛ عند الوهيتده مستجابدر . بناء عليه ؛ عليهكزه دعايه سيديت ويرمهيك كه
هلا كزه بادی اولماسون . اما سزك دعا كزك قبولى محقق دكلدر . زيرا ؛ شرائطنه
لايقيله رعايت ايدمهديككز ايچون سزك دعا كز بعضاً قبول و بعضاًه رد اولونور .
بناء عليه ؛ دعائر بيننده فرق عظيم واردر] ديمكدر .

(يتسللون) آزار آزار مفي صورته بربرى آرقه مندره ميقوم ، (لوازا) بعضى
بعضيك آرقه مندره صافقوس و كيزله نمكدر . چونكه ؛ رسول الله مخالفت ايدن منافقلر
مسجدده حضور رسول الله صيقيليرلر برر ايكيشر مسجد شريفدن بربرى آرقه مندره
كيزله نهرك چيقارلردى . شوحالده آيت جليله آنلرى و آنلرك امثالنى ذم و بوكى معامله لرينى
تقييح ايتشددر . الله تعالى بوصورته آنلرك حضور رسول الله دن غيوتلرينى بيلديكى
بيان ايتك ؛ شوافعال قبيحه لرى اوزرينه مجازات ايدمهديكى بياندر . بناء عليه امر رسول الله
مخالفت ايدنلرك دنيا و آخرته معذب اولاجقلرينى بيانله مخالفتدن حذر ايتك واجب
اولديغنى بيان ؛ علم الهى اوزرينه تفريع اولونمشدر . چونكه ؛ الله تعالى مخالفتلرينى

بيلنجه مخالفت ايدنلره عذاب ايريشه جكدرد. او عذابدن حذر ايتلري واجبدرد. زيرا؛ الله تعالى حذر ايتلريني امر بيوردى. بو امر ايسه وجوب ايجوندرد.

**

واجب تعالى امر رسول الله مخالفت اوزره اصرار ايدنلره دنياده و آخرنده عذاب ايدده جكني بياندنسكره او عذابى ابقاعه قدرت كامله صاحبي اولديغنى بيان ايتك اوزره

﴿أَلَا إِنَّ لِلَّهِ مَا فِي السَّمَوَاتِ وَالْأَرْضِ قَدْ يَعْلَمُ مَا أَنتُمْ عَلَيْهِ وَيَوْمَ يُزْجَعُونَ إِلَيْهِ فَيُنَبِّئُهُمْ بِمَا عَمِلُوا وَاللَّهُ بِكُلِّ شَيْءٍ عَلِيمٌ﴾ بيوريورد.

[آگاه اولك و اويانيق بولونك اى غافلر! كوكلرده و يرده بولونان موجودات و مخلوقاتك جمله سى الله تعالى به مخصوصدر. اللهمك غيرى بر مالك و متصرف يوقدر. بناء عليه؛ الله تعالى سرك بو دنياده ايشله ديككز عملكز اوزرينه دوام ايتديككز مسلكككزك هپسنى بيلير و اول كون كه يوم قيامته آنلك حضور الهى به رجوع ايتدكلرنده جريان ايدده جك احوالى ده بيلير. بناء عليه؛ عمللرينك هر جزئى امر رسول الله مخالفت ايدن منافقلمه خبر ويرر. زيرا؛ الله تعالى هر شئي وبالخاصه آنلردن صدور ايدن اعمالك جمله سنى بيلير و مقتضاسنجه مجازات ايدر.]



روى بيك اوچيوز اوتوزسنه سى تشرين اولنك يكرمى آلتنجى بازار كونه تعادف ايدن عربى بيك اوچيوز اوتوز ايكي سنه سى ذى الحجه نك اون طقوزنجى بازار كوني ايكندى نمازندنسكره بو سورة نك ترجمه سى بعونه تعالى ختام بولشدرد.

مكه مكرمه ده نازل اولان سورة لردندرد. بنمسه برى آيتى حاويدرد.

﴿بِسْمِ اللَّهِ الرَّحْمَنِ الرَّحِيمِ﴾

﴿تَبَارَكَ الَّذِي نَزَّلَ الْفُرْقَانَ عَلَى عَبْدِهِ لِيَكُونَ لِلْعَالَمِينَ نَذِيرًا﴾

[شول ذات اجل و اعلانك خيرى و بركتى چوق اولدى كه او ذات كندى عبدى اوزره قرآنى ساددن و لوح محفوظدن اينديردى كه او عبد عالملى قورقوتيجى اولسون.]

يعنى؛ تعظم ايتدى و بوجه اولدى و قوللرينه احسان ايتديكى منافعى و سائر خير كثيرى و بركتى عقول بشر ادرا كدن عاجز اولدى و صفاتنده و افعالننده جمله موجوداتدن عالى اولدى شول الله تعالى كه او الله تعالى كندى عبدى و حبيبى اولان محمد عليه الصلاة والسلام اوزرينه حقه باطل و حلال ايله حرام بيننى تفريق ايدن قرآنى انزال ايتدى كه او عبد قرآنله انس و جن عالملى قورقوته و جمله عالمه پيغمبر اوله و هر كسى دين حقه دعوتله طوغر و يوله ارشاد ايدده.

بيضاوى، مدارك و خازنده بيان اولونديغنى وجهله (تبارك) خبرى هوق و بركتى توكمز و صفاتنده و افعالننده هر كسره زياده اولمى معناسنه اولديغنى جهته جنباب حقه مخصوص كلمه تعظيمدر. بناء عليه (تبارك) لفظى اللهمك غيرى به اطلاق اولونارق استعمال اولونماز. زيرا؛ الله مخصوص صفت اولونجه آنكله باشقه بر كيمسه توصيف اولونماز. طبرى و بيضاوينك بيانلري وجهله فرقانله مراد؛ قرآنمه. زيرا قرآن؛ احكاميه

مقدم باطل و اعجازيه محققه بطل بيننى تفريق ايتلري ببردنه فرقنى و برده نازل اولايوب متفرد اولمى يكرمى اوج سنده نازل اولمى ببردنه فرقان دنيلمشدر. قرآنك خير كثير و بركت عامه اوزرينه مشتمل و انواع منافعى متضمن اولديغنه اشارت ايجون قرآنى انزالده ذاتى (تبارك) لفظيله توصيف ايتمشدر. بناء عليه قرآن؛ علوم و معارفى جامع اولديغنى جهته علمك شرفنه و خير عظيم اولديغنه بو آيتده دلالت واردرد.

فخر رازینک بیانی وجهله بو آیتده عالمین ایله مراد؛ انسه مندر . کرچه عالم ملکورهده شامل ایسهده رسول الله ملکوره مبعوث اولمادیغندن ملکار رسول اللهک انذار ایدهجکی عالمده داخل دکدر . شو حالده عالم؛ انسه منک الی بوم القیام موجود اولامور افراییم شاملدر . بناء علیه؛ رسول اللهک الی بوم القیام موجود اولاجق مکلفینه پیغمبر اولدیغنه آیت دلالت ایدر .
رسول اللهک امتی عذاب السهی ایله انذارندن حاصل اولاجق قورقو وکدر (تبارک) لفظنک دلالت ایتدیکی خیر کثیر وبرکت تامهیه منافی دکدر . زیرا رسول اللهک اندازی؛ مرحمتی بر بابانک اولادینی تربیه ایتسی کیدر . نصل که پدرک اولادینی تربیه سنک اولی آجی اولوب صکره او تربیه دن برچوق منفعت حاصل اولدیغی کبی رسول اللهک انذارنده دخی هرنه قدر اولنده قورقو واندیشه حاصل اولورسهده او انذار سببیه اهتدا ایده رک عمل صالح ایشله یئرک ایلروده برچوق خیرات وسعادت ومنفعت دائمیه نائل اولاجقاری جهته انذار سببیه حاصل اولاجق اضطراب وضرر او اهتدا ایدن کیمسه نک منفعتنه نسبتله غایت آذرر . بناء علیه؛ انذاردن حاصل اولان قورقو خیر کثیر ضمنتده ضرر جزئی بی اختیار قیلندندر . شو حالده منافع دینییه نک منافع دنیویه دن اهمیتلی اولدیغنه آیت دلالت ایدر . چونکه؛ واجب تعالی خیر کثیر صاحبی اولدیغی بیاندنصکره منافع دینییه بیان ایدن قرآنی انزال ایتدیکنی بیانله منافع دینییه نک منفعتلر ایچنده اهمیتته تنبیه ایتشددر .

واجب تعالی رسولنک عالمی انذار ایتسی ایچون قرآنی انزالنی بیاندنصکره ذات الوهیتنک قرآنی انزال ایله عالمی اصلاحه قادر اولدیغنه دلالت ایدن اوصاف السیه دن بعضیسنی ذکر ایتک اوزره ﴿الَّذِي لَهُ مُلْكُ السَّمَوَاتِ وَالْأَرْضِ﴾ بیوریور .
[قرآنی حیپی اوزرینه انزال ایدن شول ذات اجل واعلادر که سموات وارضک ملکی وایسته دیکی کبی تصرف آکا مخصوصدر .]

﴿وَلَمْ يَخْذْ وَلَدًا وَلَمْ يَكُنْ لَهُ شَرِيكٌ فِي الْمُلْكِ﴾

[او الله تعالی ولد اتخاذ ایتدی . زیرا؛ یاردیمچی به احتیاجی یوقدر وملککنده کندی ایچون شریک اولمادی . بناء علیه؛ ملککنده استقلال اوزره تصرف ایدر .] شو حالده قوللرینی اصلاح ایچون ایسته دیکی قولنه کتابی انزال ایدر هیچ کیمسه نک مداخله به صلاحتی یوقدر .

﴿وَخَلَقَ كُلَّ شَيْءٍ فَقَدَرَهُ تَقْدِيرًا﴾

[والله تعالی هر شیئی ایجاد وهر برنی مقدار معین اوزرینه ترتیب و تقدیر ایتدی وهر کسندن مطلوب اولان غایه نه ایسه آکا کوره لازم اولان خاصه لک اسبابی حاضر لادی وواسبابه توسلک یوللرینی کوستردی وهر کسک اجل معینه قدر یاشایه بیله جکی معیشتلرینی تأمین و آکا کوره اعضا و آلترینی کندیلرینه تسلیم ایتدی . بناء علیه؛ هیچ کیمسه نک اعتراض واعتذاره مجالی قالمادی .]

یعنی؛ قرآنی انزال ایدن الله تعالی شول ذاتدر که یرک وکولرک ملکی و تصرفی آکا مخصوصدر . بناء علیه؛ کرک عالم علوی وکرک عالم سفلی جمله سی وجودنده و اجل معینه قدر بقاسنده خالق تعالی نک عنایتته محتاجدر . چونکه؛ ملک آنک اولوب تصرفنده مستقل اولدیغی ایچون هراحتیاجلرینی دفع ایدن اودر و آندن استمداد ایدر لر والله تعالی ولد اتخاذ ایتدی . بناء علیه؛ ملککنده وراثت جاری اولماز وولد اتخاذینه احتیاجی ده یوقدر . شو حالده کرک وراثت وکرک سائر صورتلرله ملککنده اصلا شریکی اولمادیغندن الوهیتده فرد واحددر و معبود بالحق در و آنک غیری حقیقی معبود اولمادیغندن جمله نک عبادتنه مستحق آنجق اودر .

بیضاوینک بیانی وجهله بو آیت حضرت عیسی اللهک اوغلو دییه ن بعض نصارانی ومشرکدرن (نویه) طائفه سی رد ایتشددر . زیرا؛ آنلر ملکار اللهک قزلریدر دیدکدرنده یالان سویلش وافترا ایتشلردر . الله تعالی هر شیئی خلق ایتدی وهر شیئک خلقتندن مقصد نه ایسه آکا کوره وجودینی وصور و اشکالی و حسننی و آلات و ادواتی و یاشایه بیله جکی اعضالرینی تقدیر و جمله سنی مقصدینه مساوی قیلدی . مثلا انسانی شو کوردیکمز شکل و صورت اوزره خلق ایتدی و آندن مقصد اولان تکالیفی قبوله وامور دین و دنیایه متعلق مصالحنی تسویه وادراک ایتکه مقتدر قیلدی .

كذلك هر مخلوق مصلحته مساوی و منفعتی بیلوب طالب اولور و مضرتندن قاجار بر حال اوزره تقدیر ایتدی . بناءً علیه ؛ مخلوقاتك تقدیری خلقتنه مساوی اولوب اصلاً تخلف یوقدر . ایسته شو بیان اولونان شیلرك جمله سی واجب تعالی نك قوللرینه خیر کثیری و برکت تامه سیدر . چونکه ؛ واجب تعالی اولاً مخلوقاتی خلق ایتدی ، ثانیاً هر برینك احوالی تدبیر عجیب ایله تدبیر ایتدی . حق بعضیلرینی بر چوق صنعتلر ایجادینه قادر و ادراك کامله صاحبی قیلدی و مخلوقاتدن بعضیلرینی بعضیسنه واسطه و آلت قیلدی که بعضیسی مالک و بعضیسی مملوک اولوب یکدیگرینه معاونت و مظاهرت ایتمکه عالمك انتظامی لایقیله جریان ایتسون . و بعضیسی زوجه لر قیلدی که یکدیگرینه الفت ایتسون و معامله ازدواجیه ایله ذریترلی میدان کلسون وقت مرهونه قدر عالم معمور اولسون و انتظام عالمه خلل کلسون . خلاصه ؛ سموات و ارضك ملکی اللهه مخصوص اولوب اللهدن باشقه حقیقی بر مالک اولمادی و باللهك ولد اتخاذه و شریکدن منزله اولدینی و جمله مخلوقاتی معیشتلرینه الو بریشلی خلق ایدوب مقدار معین اوزرینه تقدیر ایتدیکی بو آیتدن مستفاد اولان فوائد جمله سنددر .

**

واجب تعالی ذاتی الوهیه مناسب جلال و جمال صفتلریله توصیف ایتد کدنصکره اللهك غیری بر طاقم عاجز مخلوقلره عبادت ایدن مشرکلك مذهب لرینی ابطال ایتك اوزره ﴿ وَاتَّخِذُوا مِنْ دُونِهِ آلِهَةً لَا يَخْلُقُونَ شَيْئاً وَهُمْ يُخْلَقُونَ ﴾ بیوریور .
[اللهك دوننده مشرکلك معبودلر اتخاذه ایتدیلرکه او معبودلر هیچ بر شئی خلق ایده مزلر . حالبوکه آنلر کندیلری مخلوقلردر .]

﴿ وَلَا يَمْلِكُونَ لِأَنْفُسِهِمْ ظَرّاً وَلَا نَفْعاً وَلَا يَمْلِكُونَ مَوْتاً وَلَا حَيَوَةً وَلَا نُشُوراً ﴾

[و او معبودلر کندی نفسلری ایچون دفع مضرت و جلب منفعت مالک اولما دقلری کبی دنیاده بر کیمسه بی اولدورمکه و دیر یلتمکه و قبرندن قالدیروب نشر ایتمکه مالک اولما مزلر .]
یعنی ؛ الله تعالی سموات و ارضه مالک و الوهیت صفتلری ایله بحق متصف معبود

بالحق اولدینی حالدیه مشرکلك کندی آلرله یابدقلری طشاش و آغاج و آلتون و کوش پارچه سی کبی حقیر شیلری معبودلر اتخاذه ایتدیلرکه او معبودلر مخلوقاتدن ادنی بر شئی بلمکه بر ذره سنی بیله خلق ایده مدکری کبی کندیلری ده مخلوقلردر . حالبوکه معبودك هر شئی خلق ایتمکه قدرتی اولمق لازم اولدینی کبی کندینك ده مخلوق اولماسی الزمدر . زیرا ؛ مخلوق دائماً خالقنه محتاج اولدیفندن عبادت اولونمغه استحقاقی اولماز . بناءً علیه ؛ آنلرك معبودلرینه عبادت لری باطلدر . چونکه ؛ آنلرك معبود اتخاذه ایتدکری شیلر عبادت ایدنلره منفعت و مضرت و یرمك شویله دورسون کندی نفسلرینك منفعت و مضرتنه بیله مالک دکلردر . شو حالده آنلره عبادتده بر فائده یوقدر . كذلك آنلرك معبودلری انسانلری ایجاده و اولدورمکه و اولدکدن صکره دیر یلتوب حساب و جزا ایچون قبرندن قالدیروب محشره سوق ایتمکه دخی قادر و مالک دکلردر . حالبوکه معبود اتخاذه اولونان ذاتك بونلرك جمله سنه مقتدر اولسی لازمدر .

بو آیتده واجب تعالی الوهیتك لوازمندن درت شئی بیان ایتشددر : برنجیسی ؛
خالدیه اولوب مخلوق اولما مضره . ایکنجیسی ؛ دفع مضرت و جلب منفعت قادر اولما مضره .
اوچنجیسی ؛ دنیاده امیا و امانیه قادر اولما مضره . دردنچیسی ؛ آخرتده ناسی مشرکه و حساب و جزایه سرقه مقتر اولما مضره . معبود اولان ذاتك شو اوصاف ایله متصف اولسی لازم اولدیفندن بو اوصافله متصف اولمایان بوتلرك معبود اولمغه استحقاقلری اولمادیغنی بیانله آنلره عبادت ایدنلرك حماقتلرینه اشارت اولونمشدر .

**

واجب تعالی اولاً ذاتك قوت و قدرت صاحبی اولدیفنی و ثانیاً بوت پرستلرك مذهب لرینك باطل اولدیفنی بیاندن صکره نبوت حقنده کافرلرك شبه لرینی ازاله ایله نبوتی اثبات ایتك اوزره ﴿ وَقَالَ الَّذِينَ كَفَرُوا إِنَّ هَذَا إِلَّا إِفْكُ إِفْرِیْهِ ﴾ بیوریور .

[کافرلر « شو قرآن اولمادی ؛ الا بر یالان که محمد ﷺ او یالانی کندی افتر ایتدی » دیدیلر .]

﴿وَأَعَانَهُ عَلَيْهِ قَوْمٌ آخَرُونَ﴾

[« و او قرآن اوزرينه محمد ﷺ . قوم آخريارديم ايتدي » ديمكه قرآنك رسول اللهك نفسندن ايجاد ايتديكي برشي اولديغني ادا ايتديلر .]

﴿نَقَدْ جَاءُ ظُلْمًا وَزُورًا﴾

[بناء عليه ؛ بو سوزي سويله ينلر ظلم ويالانله كلديلر .] چونكه ؛ اللهك كلامنه قول كلامي ديمكه ظلم ايتديكاري كي يالان سوزده سويله مش اولديلر . شو حالده رسول الله « يالان سويلدي » ديدكاري سوزلريه كنديلري هم ظالم همده يالانجي اولديلر .

﴿وَقَالُوا آسَاطِيرُ الْأَوَّلِينَ اكْتَتَبَهَا فَهِيَ تُمْلَى عَلَيْهِ بُكْرَةً وَأَصِيلًا﴾

[ومشركر « قرآن اول كچن امترك كتابلرنده يازدقلى سطرلريد . محمد ﷺ نفسى ايجون يازدردى . بناء عليه ؛ او سطرلر صباح وآقشام اونوتماق ايجون قرائت اولونوركه محمد ﷺ آنى حفظ ايتسون » ديمكه قرآنى رسول اللهك اول كچنلرك كتابلرندن استساخ ايتيرديكنى ادا ايتديلر .]

يعنى ؛ الله ورسوله ايمان ايمهين شول كافرلر ديديلركه « شو قرآن اولمادى . الا يالاندر . محمد ﷺ آنى كندى نفسندن ايجاد ايتدى ولكن مرامنى ترويج ايتك وسوزيني ديكه تمك ايجون افترا ايدييور وبونى ايجادده قوم آخرده معاونت ايتدى » ديمكه قرآنه ورسول الله لايق اولماق شى اسناد ايتديلر . فقط بو سوزي سويله مكله ظلم ايتديلر وكنديلري يالان كتيرديلر وافترا ايتديلر . چونكه ؛ قرآن طرف السهيدن وحى اولديغني حالده كلام السهى اولديغني انكار ايتديلر . بناء عليه ؛ اللهك كلامنى غيره اسناد ايتمكه ظالم ايتديكاري كي رسول اللهك بر كيمسهدن استعانه ايتديكي حالده « قوم آخر اعانه ايتدى » ديمكه يالان سويلديلر وديديلركه « محمد ﷺ قرآن ديهرك كتيرديكي شى اول كچنلرك كتابلرينه يازلمش يالانلردر . آنلردن بر كاتبه يازدردى ويازلدقدن صكره او يالانلر محمد ﷺ اوزرينه صباحده وآقشامده اوقونوركه حفظ ايتسون اونوتماسون . چونكه ؛ كندى اوقويوب يازمق بيلمديكندن تكرار اوقومغه وازبرلمكه محتاجدر . بناء عليه ؛

غيريلرك تكرار تكرار اوقومسيله ازبرله دكدن صكره طرف السهيدن كلدى وحى در ديهرك خلقه ديكه تمك ايتير » ديمكه رسول اللهك نبوته وقرآنه طعن ايتك ايتستديلر .

فخر رازى وخازنك بيانلري وجهله بو آيت (نضر بن حارث) حقتنده نازل اولمشدر . چونكه ؛ نضر وامثالى مشركر « محمد ﷺ قرآنى (خويطب بن عبدالعزيز) نك كولهسى (عداس) دن و (عامر بن حضرمي) نك كولهسى (يسار) دن و (عامر) ك كولهسى (جبر) دن آيور . زيرا ؛ قرآنك مشتمل اولديغني معنالى اسكى كتابلردن حكايه ايدييورلر ولفظى ، آنلردن آلدغني معنائه كوره كندى اويديرييور . ديديلر . چونكه ؛ شو اوج كوله اهل كتابدن اولدقلى جهته تورانى وانجيلى اوقور وآنلرك احكامندن بعض مجلسلرده مكليلره حكايه ايتديكاري زمانده رسول الله نبوتى اظهار ايدنجه كولهلرك ايمان ايتلري اوزرينه بو افترايه جرأت ايتديلر . جناب حقتده آنلرك سوزلرينى حكايه وكنديلرينك ظالم ويالانجي اولدقلى بيان ضمنتده بو آتى انزال ايتديكي مرويدر وبو آيتده ويريلن جوابده كافيدر . چونكه قرآن ؛ فصاحت وبلاغتده طوق بشردن خارج اولديغني جهته كنديلري معارضه دن عاجز قالديلر . اكر انسانلرك ايجاد ايدمجه كي برشي اولسا ايدى كنديلري ايجاد ايدرلردى وغيرك اعانه سيله ممكن اولسه ايدى كنديلرينه اعانه ايدمجهك بيكلرجه فصحا وبلاغ موجود ايدى . شو حالده كنديلرينك برشي ياپاماملري قرآنك وحى السهى اولوب طعن ايدنلرك يالانجي اولدقلىرینه دلالتده كافيدر .

بو آيتلر ؛ بسه ملكى هادير : برنجيسى ؛ كافرلرك قرآنه يالانده وافترا ديملر . ايكنجيسى ؛ قرآنى ايجادده قوم آخر محمد ﷺ اعانه ايدمجه . اوچنجيسى ؛ بوسوزلريد كافرلرك ظالم ويالانجي اولمير . در دنجيسى ؛ قرآنه اول كچنلرك كتابلرينه رستم واسفنديار مظهرلى كي يازدقلى سطرلى ديملر . بشنجيسى ؛ محمد ﷺ قرآنى بائنه كتابلردنه استساخ ايتير ييور واونوتماق ايجونه آقشام وصباح كندى اوزرينه اوقونوركه ايتير ايتسونه وبائنه لرينه وحى ديهرك نيلغ ايتسونه ديملر .

واجب تعالى كافرلرك قرآنه سويله دكاري نا لايق سوزلرينى بياندنصكره رسولك خلاصة البيان : اونجي جلد - ۲۵

آنره ويره جي جوابي بيان ايتك اوزره ﴿قُلْ أَنْزَلَهُ الَّذِي يَعْلَمُ السِّرَّ فِي السَّمَوَاتِ وَالْأَرْضِ إِنَّهُ كَانَ غَفُورًا رَحِيمًا﴾ بيوريور.

[يا اكرم الرسل! قرآنه اعتراض ايدن كافرله سن دي كه «قرآني شول الله تعالى انزال ايتدي كه او الله تعالى سموات وارضه كيزلي اولان شيلري بيلير. زيرا؛ او الله تعالى توبه ايدنلره مغفرت وعبادت ايدنلره مرحمت ايدر.]

يعني؛ حليم! مشركلك كبر و غرورلرينه دلالت ايدن سوزلريني وقرآنه طعنلريني ايشيتد كدنسكره آنلره جوابده «قرآني شول الله تعالى انزال ايتدي كه او الله تعالى يردده و كوكلرده اولان اسراري بيلير. بناء عليه؛ سزي آكا معارضه دن عاجز قيلمشدر. سز ايسه ارباب فصاحت و بلاغتن اولمله برابر قرآني ابطاله حرصكز صوك درجه به وارمش ايكن قيصه بر آيتك بيله مثلي كتيرمكن عاجز قالدركز. شوحالده قرآنه طعن ايتمكن اوتانمازميسكز و سرك بوحالكز غضب الهی بي جالب اولمشدن قورقازميسكز؟ شوحالده سز تائب و مستغفراولك. زيرا؛ الله تعالى توبه ايدنلري يارلغار و عبادتله دركاهنه التجا ايدنلري رحمتله حصه ياب ايدر» ديمكله آنلري الزام ايت.

بيضاوينك بياني وجهله بو ايتده جوابك خلاصه سي؛ قرآنك الفاظنده اولان فصاحت بشرك ايجادينك فوقنده اولمسيه رسول الله ايجاد ايتدي ديدكلري سوزلريني رد ايتديكي كي قرآن ايلروده اولاجق برطاقم اخبار غيبه يي متضمن اولديني كي سموات وارضه اولان بر جوق اسرار اوزره مشتمل اولديني جهتله آني آنجق سموات وارضك وجهله عالم ملكوتك اسراري بيلن الله تعالى نك انزل ايتديكي وعالم ملكوتك اسرارينه واقف اولمايان بشر طرفندن ايجادی ممكن اولاماديغدن كافرلك «محمد ﷺ ايجاد ايتدي واول كچنلرك سطرلريد» سوزلرينك بطلاني ميدانده در. شوحالده ای مشركلر! فصل اولويور كه بويله واهی و كذب ميدانده اولان بر ادعايه جرأت ايدركز و بو سوزلريكله عقوبت الهیه دن قورقازميسكز؟ ديمكدر. بو سوزلرينك غضب الهی يي موجب اولوب لكن مرحمت الهیه تأخيرينه سبب اولديغنه و توبه ايدرلرله توبه لري قبول اولونوب عذابدن خلاص اولاجقلرينه جناب حقك غفور و رحيم اولديغني بيانله اشارت و توبه به

تشويق اولونمشلردر. چونكه؛ فخر رازينك بياني وجهله غائبدن خبر و مصالح عبادي لايقيه تمشيت و نظام عالمي تدبير اوزرينه مشتمل اولان احكام كلز، الا هر نوع معلومات اوزره عالم اولان ذات طرفندن كله بيلير. الله تعالى نك جمله عالمك اسرارينه مطلع اولديغني بيان ايتك؛ رسول الله وقرآنه طعن ايدن كافرلك كيزلي طعنلريني دخي بيلديكني بيانله كافرله تهديد اولونمشدر.

واجب تعالى كافرلك «قرآن رسول اللهك ايجادی وياخود اول كچنلرك يازدقلري يالانلردر» ديدكلرينه جوابدنسكره اوچنجي شهبه لريني و جوابي بيان ايتك اوزره ﴿وَقَالُوا مَالِ هَذَا الرَّسُولِ يَأْكُلُ الطَّعَامَ وَيَمْشِي فِي الْأَسْوَاقِ﴾ بيوريور.

[كافرله «نه اولويور شو رسالت ادعاسنده بولونان كيمسه به كه بزم كي طعام يبيور و چارشولرده يوريور صكره بزم اوزر يمزه تفوقله رسالت دعواسنه قيام ايد ييور» ديديلر.]

﴿لَوْلَا أَنْزَلَ إِلَيْهِ مَلَكٌ فَيَكُونُ مَعَهُ نَذِيرًا﴾ أَوْ يُلْقَى إِلَيْهِ كِتَابٌ أَوْ تَكُونُ لَهُ جَنَّةٌ يَأْكُلُ مِنْهَا ﴿

[«كاشكه آكا بر ملك انزال اولونسه ده آنكله برابر بزي قورقوتور اولسه ايدی وياخود آكا سمان بر خزينه آتلهسه ده آندن بول بول انتفاع ايتسه ايدی وياخود آنك ايجون بر باغچه اولسه ده آندن يسه ايدی او زمان بزم اوزر يمزه بر امتياز دعواسنه و بزم سزدن زياده مزيت وار. بناء عليه؛ بن رسولم ديمكه بر حق اولاييليردي. بونلردن هيچ بريسي اولمايوب بزم كي يسيوب ايجوب كزه ركن رسالت دعواسنه نه دن قيام ايد ييور و بو جسارتي زه دن آليور؟» ديديلر.] و بر قسمي بو قدرله اکتفا ايتديلر و ديديلر كه:

﴿وَقَالَ الظَّالِمُونَ إِنْ تَتَّبِعُونَ إِلَّا رَجُلًا مَسْحُورًا﴾

[مشركلك ظالملي ايمان ايدن مؤمنلره «سز اتباع ايتديكز، آنجق سحر اولونمش بر رجله اتباع ايتديكز» ديمكله رسول اللهك سحر اولونديغني ادعايه قدر جرأت ايتديلر.]

﴿ اُنْظُرْ كَيْفَ ضَرَبُوا لَكَ الْأَمْثَالَ ﴾

[نظر ايت كور كه حبيب! او مشركلر سنك حقه خلق آلامق ايجون نصل مثاللر بيان ايدرلر و سكارجل مسحور «سحر اولونمش برر جل» ديمكه قدر نصل جسارت ايدرلر.]

﴿ فَصَلُّوا ﴾

[بناء عليه؛ آنلر سنك نبوتكي بيلمكه وسيله اولان آچيق يولدن چيقديلر.]

﴿ فَلَا يَسْتَطِيعُونَ سَبِيلًا ﴾

[شوحالده آنلر طريق حقه و سنك نبوتكي تصديقه يول بولمغه قادر اولامازلر.]
چونكه؛ نبوتك صدقه و خاصه نبييه دلالت ايدن دليللري تركله بر طاقم خيالاته اتباع ايدنجه آنلري تركله طوغرو يول بولملري مشكلدر.]

يعني؛ كافرلر رسول الله كمال بغض و شدت وعداوتلري ايجابي ديديلر كه «شورسالت دعواسنده بولونان ذاته نه اولدي كه بزم كبي يمك يير و امور بيتيه سني تمثيت ايجون چارشولرده كزر. شو حالده بزلردن وسائر عوام ناسدن فرقي اولماديني ميدانده ايكن بزم اوزر يمزده تفوقله رسالت دعواسنه قالقيور. بزم اوزر يمزده رسالت دعواسي ايده جك ذاتك بر فضيلت و مزيبي اولمي دكيدر؟ اكر دعواسنده صادقسه كاشكه آنك اوزرينه آچيقدن ملك انزال اولونا ايدى و آنكه برابر بزي انذار ايده ايدى، شبهه سز بزي ايمان ايدرلك و ياخود ربسي طرفندن كندينه برخزينه آلمش اولاي ايدى و آنكه انتفاع ايتديكني كوره ايدك رسالتنده شبهه من اولمازدى و ياخود هر نوع ميويه يي جامع بر باغچه سي اولاي ايدى كندى آندن ييه وسائرلرينده يديره ايدى و بوسايه ده خلق كندينه اتباع ايده ايدى، بزده اتباع ايدرلك. بولردن هيچ بريسي اولماديني حالده آنك دعواسنه بز نصل اينانه لم. اكر دعواسي طوغرو اولايدي بولردن بريسي اولوردى، ديمكه قرآنه طعننده و رسول اللهك نبوتني انكارده اصرار ايتديلر و بوقدرله اكتفا ايتيمه رك ضعفاء ناسي ايمانندن منع ايتمك ايجون ظالملر ديديلر كه «سرك تابع اولديغكز محمد ﷺ سحر اولونمش بر كيمسه در. بناء عليه؛ اتباعه شايدن دكدر». ايشته ظالملر بوسوزلريه خلق اغفاله چاليشديلر.

جناب حق بولنره جوابده «حبيب! نظرايت باق كه سنك ايجون نصل مثاللر بيان و نصل سوزلر ايجاد ايديلورلر و قرآن وحى دكدر، محمد ﷺ ايجاد ايتدى و اول كچنلرك كتابلرينه يازلمش يالانلردر و رسول اولسه ياننده ملك اولوردى و ياخود زنكين اولور و هر كسده بولونمايان بر باغچه سي اولوردى و بزم كبي ييوب ايجمز و چارشولرده كز مزيدي كبي بر طاقم واهي مثاللره عقللريني يورديلر؛ بناء عليه؛ ضالانده و حيرتده قالديلر و كنديلرنده بولونان بر طاقم اوصاف نالايقه يي سكا اسنادله حاشا مجنون ديمكه قدر جرأت ايتديلر و بيلمديلر كه نبوت بر موهبه الهيه در. جناب حق ديله ديكي قولنه ويرر و آني سائرلردن ممتاز قيلار.»

بيضاوينك بياني وجهله مشركلرك شو شبهه لري حاقترلرينك درجه نهايه ده اولديغه دلالت ايدر. چونكه؛ رسل كرامك عوام ناسدن فرقلى امور جسمانيه و اموال دنيويه ايله دكل، بلكه احوال روحانيه و امور نفسانيه ايله در. بناء عليه؛ اموال و اولاد كبي دنيا متاعيله حاصل اولان مزيته اعتبار يوقدر، بلكه عوام ناسدن انبيانك فرقلى؛ قوه قدسيه و جناب حقتك آنلري نبوته اختيار ايدوب قوللريني ارشادي آنلري توديع ايتمكه در، يوقسه نبوت شرفك دنيا متاعيله مناسب يوقدر. فقط اهل شركك بوتون همملري و مطمح نظرلري هان دنيايه منحصر اولديغندن هر شرفي دنيا مالنده آرامق عادتلى اولديني جهتله انبيايه دخي امور دنيا جهتندن اعتراضى عادت ايتملردر. ايشته بومثللو اعتراضلر زمان سعادتة مخصوص اولمايوب هر زمانده اعتراض ايدنلر بولونا جفته بناء زمان سعادتة واقع اولان اعتراضلري جناب حق قرآنده بيان و معترضلري ذم ايتمشدر كه هر زمانده اعتراض ايدنلرك حاللري آنلره قياسله كنديلري اهل ايمان نظرنده مذموم اولسونلر. حتى آخرته صاغلام بر اعتقادي اولمايان مسلمان اسمنده و كسوه سنده اولان بر طاقم منافقلى ده بو كبي اعتراضه جرأت ايدنلري واردر. خصوصاً شوراده بوراده كزمش توفيق سزلق هر طرفي صارمش هانكي يوله كيده جكني شاشيرمش ملل سائر نك عادات قبيجهلريني تقدير و تحسين ايتمكه يلته نير كندى ديتندن خبري يوق باشقه بر دينه مال اولامامش بر طاقم كيمسه لر شورادن بورادن ايشتمش اولديني و نفسك آرزوسنه موافق بولديني بر قاچ كله ايله عادات اسلاميه و ديانت محمديه عليهنده بولونمق ايستر. بو كيلره جناب حق توفيق و يرسون ديمكدن باشقه برشي يوقدر. ديانت عليهنده بو كبي افتزالره

جرات ايدنلرك ظالم اولدقلرينه اشارت ايجون ضمير يرند اسم ظاهر اولارق (الظالمون) وارد اولشدر. چونكه؛ (وقال الظالمون) يرند (وقالوا) دنيلسه اولاييليردي ولكن ظلملريني تصريحله ذم اولونمازلردى.

ابوالسعود افدينك بيان وجهله صوك آيتك معناسى شويله در: [يا اكرم الرسل! نظرايت باق كه سنك حقكده شو عجب مثاللري وعقلدن خارج غريب اسناداتى فصل ايجاد ايتديلر وبومثاللره كندى عقللرينك مختل اولديغندن سكا اعتراضلرند احتجاجة صالح وارباب عقولك قبول ايدى جكي برديل كتيرومكدن عاجز ومتحير اولدقلريني اثبات ايتمشلردر. بناء عليه؛ كندى سخيف عقللريه دليل ظنيله كتيرومكدن شيلره اتباع ايدى رك يولدن چيقديلر وحقه ايصال ايدى جك طوغرو بر يول بولغه دخى قادر اولامديلر] ديمكدر. اوت! قوه واهمه سته اتباعله يولدن چيقان كيمسه نك دائما يولسز قالدغيني وطريق ضلالى ارتكابه اصرار ايتديكي وطريق حقه قبوله بركونا ياناشامديني على الاكثر كوروامكده در.

واجب تعالى كافرلرك شبهلرينك ايكنجى جوابى بيان ايتك اوزره ﴿تَبَارَكَ الَّذِي
إِنْ شَاءَ جَعَلَ لَكَ خَيْرًا مِنْ ذَلِكَ جَنَّاتٍ تَجْرِي مِنْ تَحْتِهَا الْأَنْهَارُ وَيَجْعَلُ لَكَ
قُصُورًا﴾ بيوريور.

[خيرى وبركتى چوق وجهله دن على اولدى وتعظم ايتدى شول الله تعالى كه او الله تعالى ايسترسه يا اكرم الرسل! سنك ايجون كافرلرك ديدكلرندن دها خيرلى آلتندن نهرلر جريان ايدر باغلر، باغچلر، كوشكلر وسرايلر خلق ايدر ولكن نبوته برمدارى اولماز. زيرا؛ انواع ميوه يي جامع باغلرى بولونان دنياده ميليونلرجه كيمسه لر بولونور ولكن نبوت مرتبه سته نائل اولامازلر.]

يعنى؛ حبيب! سنى برچوق نعمتلريه تربيه ونبوته تلطيف ايدن الله تعالى نك بركتى وخيرى چوق اولدى. بناء عليه؛ ديلرسه سنك ايجون دنياده كافرلرك سكا «برخزينه سى اولسه خرج ايتسه وياخود بر باغچه سى اولسه آندن يسه» ديدكلرندن دها خيرلى آلتندن نهرلر آقار وپيكارلر لمعان ايدر باغچلر وسرايلر وقوناقلر خلق ايدر. چونكه؛ خيرى

چوق وجهله دن على اولان ذات بونلرى خلق ايتكه قادردر ولكن بونلرك نبوته مدخلى يوقدر.

ايسته كافرلرك، رسول اللهك دنيا متاعنه التفات ايتديكى وسيله اتخا ايدى رك «شونلر اولسه ايدى رسول اولديغنده شبهه من قالمالدى ولكن بونلره مالك اولمادغيني جهته نبوت دعواسى طوغرو دكلدر» ديدكلرينه قارشى جناب حق ديلرسه رسولنه آنلرك ديدكلرندن دها زياده سنى وبره جكنى بيانله آنلرى رد ايتمش وبو كى نعمتلرى رسولى ايجون آخرته تاخير ايتديكنه اشارت بيورمشدر. چونكه آخرت نعمتلرى؛ دواملى وشرفلى وصافى وكردن سالم ومشقتى يوقدر.

فخر رازينك بياننه نظراً بو آيتك سبب نزولى؛ رسول اللهك كافرلرك بو كى نالايق سوزلرينه محزون اولدينى بر زمانده برمك كلى سلام ويردى «يارسول الله! الله تعالى هر شينك آناختارلرينى سكا ويرمكه ويرمه مك بيتنده سنى غيريقلىدى» ديننجه رسول اللهك «ربم بكا جمله سنى آخرته جمع ايتسون» ديمسى اوزرينه بو آيتك نازل اولدينى (ابن عباس) حضرتلرندن مرويدر.

واجب تعالى مشركلرك شبهلرينه اوچنجى جوابى بيان ايتك اوزره ﴿بَلْ كَذَّبُوا
بِالسَّاعَةِ﴾ بيوريور.

[بلكه كافرلر قيامتى انكار وتكذيب ايتديلر.]

﴿وَاعْتَدْنَا لِلَّذِينَ كَذَّبُوا بِالسَّاعَةِ سَعِيرًا﴾

[وبزده قيامتى تكذيب ايدن كيمسه ايجون شدتلى جهنم آتشى حاضرلادق.]

يعنى؛ بلكه كافرلر اوهاملرينه اتباع ايدى رك قيامتى وقيامت اوزره ترتب ايدى جك مثنوباتى ودرجات عالياتى ومشركلره موعود اولان عقوباتى ودركات هاويه يي تكذيب ايتدكلرندن قرآنى ورسالتى انكار ايدرلر. چونكه؛ قيامتى وآخرتى تكذيب ايتدكدن صكره قوللرى اصلاح ايجون كتاب انزال ايتك ورسول كوندرمك عيشدن عبارت اولور.

بناء عليه؛ آخرتى انكار ايدنك كتب سماويه و انبيائك نبوتلرني انكار ايتمى لازم كليد.
زيرا؛ آخرت اولمايجه بونلره لزوم قالمز. شو حالده قيامتى تكذيب ايدنلره بز جهنم آتشي
حاضر لادق. باقالم آخرت وارميدر، يوقيدر و كتابلرك و رسوللرك ديدكلرى طوغر و ميدر،
دكيدر؟ جهنمه كيرونجه انكار ايدنلر بيئرلر. يعنى «حييم! مشركلرك سنك رسالتكى
انكار ايتدكلرينه تعجب ايمه. زيرا؛ آنلر وقوعنده شبهه اولمايان قيساتى انكار
ايديورلر. شو حالده سنك بياناتكى واللهم سكا آخرتده وعد ايتديكى شيلرى تصديق
ايدرلرمي؟» ديمكدر.

بوآيت جهنمك الآن مخلوق و عاصيلر ايچون حاضر لاندغيه و مشركلرك شبهه لرى
بر شبهه علميه اولمايوب مجرد آخرتى انكارلرى اوزرينه بنا قيلنمش بر شبهه اولدغيه
دخى دلالت ايدر. (سعيماً) بيضاوينك بياني وجهله علوى شرتنى اولامه آشدر
وياخود جهنمك طبقه لرمنه عذابى شرتنى اولامه بر طبقه نك اسميدر كه آخرتى انكار ايدنلرك
او طبقه ده معذب اولاجكلرى بيان اولونمشدر.

**

واجب تعالى كافرلر ايچون احضار اولونان جهنمك بعض شدتى بيان ايتك اوزره

﴿إِذَا رَأَوْهُمْ مِنْ مَكَانٍ بَعِيدٍ سَمِعُوا لَهُمْ تَغِيْظًا وَ زَفِيرًا﴾ بيوربيور.

[جهنم كافرلى اوزاق بر مكادن كورديكند جهنم ايچون كافرلر غلظتنلى بر صدا
ايشيتيرلر و دهشتلى كورولتوسنى دويارلر.]

يعنى؛ اهل نارى جهنم اوزاقدن كورديكند كافرلر جهنم ايچون شدتلى علولر
و غصبه دلالت ايدر كورولتولر ايشيتيرلر كه دهها ايچنه كيرمهدن جهنم عاصيلره غضبى و شدتى
كوسترر. زيرا؛ غضب الهينك محلى اولدغندن الهك عظمتى نسبتنده غضبك عظمتنه
دلالت ايدن مهابتلى صدار و دهشتلى كورولتولر و قورقونج و عجب حاللر واللهم
قهرينه دلالت ايدن علامتار البته موجود اولاجغنى بيانه جناب حق عاصيلرى انصافه
دعوت ايتمشدر.

**

واجب تعالى كافرلرك جهنمدن اوزاق بولونقلرى زمانده كوره جكلرى احوالى بيان
صكره جهنمه يقين اولدقلرنده وايچنه كيردكلرنده كوره جكلرى احوالى بيان ايتك اوزره
﴿وَإِذَا أُلْقُوا مِنْهَا مَكَانًا ضَيِّقًا مُقَرَّنِينَ دَعَوْا هُنَالِكَ ثُبُورًا﴾ بيوربيور.

[كافرلر جهنمدن غايت طار بر محله آللى و آياقلرى باغلى اولدقلرى حالده آتدقلرنده
او مقامده هلا كه چاغيرلر. چونكه؛ هلا كدن باشقه چاغيره جق برشى بولامازلر.]

﴿لَا تَدْعُوا الْيَوْمَ ثُبُورًا وَاحِدًا وَادْعُوا ثُبُورًا كَثِيرًا﴾

[آنلر هلا كه چاغيرنجه طرف الهيدن ملكلر واسطه سيله آنلره «يالكلر برهلا كه
چاغيرمايك، بر جوق هلا كه چاغيرك» دنيولر.] چونكه؛ جهنمه هلاك چوقدر. مثلاً
سعادتن محروم اولق و ابدآ جهنمه قالمق و انواع عذابه دوچار اولق و آجاق و صوسزلق
كبي انواع سقالت معروض قالمق و آللى زنجيرله بويونلرينه باغلى اولق و هر زمان فرياد
و فغان ايچنده بوغولق و فريادلرني هيچ كيمسيه ديكه ته مه مك و زبانيلر طرفندن هر زمان
حقارته معروض قالمق جهنمه موجود هلا كار جمله سنددر. بناء عليه؛ آنلره «يالكلر
برهلا كه چاغيرمايك، بلكه بر جوق هلا كه چاغيرك» دنيله جكي بيان اولونمشدر.

يعنى؛ كافرلر آللى بوغازلرينه باغلى و زنجيرلره بررينه مقارن اولارق جهنمدن
غايت طار بر مكانه آتدقلرنده او مقامده آنلره هلا كه چاغيرلر و حزن و كدر هر طرفلرني
احاطه ايتديكندن آنلر كل اى هلا كز! سنك كلك زمانك كلدى، ديرلر. آنلر بو
منوال اوزره هلا كه چاغيرنجه طرف الهيدن و ياخود جهنمك زبانيلرى طرفندن «بو
كون سز يالكلر برهلا كه چاغيرمايك، بلكه جهنمه صاييلمز و توكنمز بر جوق هلا كه
چاغيرك» دنيولر كه بوسوز آنلر ايچون عذاب اوزرينه عذاب اولسون.

فخر رازينك بياني وجهله رسول الله بوآيتده بيان اولونان جهنمك طارلغندن سوال
اولونديغنده رسول اللهك «ديواره چيوينك چاقيلدغنى كبي اهل جهنم جهنمه چاقيلىر»
بيوردغنى مرويدر. چونكه؛ اهل جهنم جهنمه بالا اختيار كيرمزلر. بناء عليه؛ زبانيلر
آنلرى زور زورينه چيوى كبي جهنم آتشنه چاقلرلر. (امام كلبى) جهنمك طارلغنى
شويله تفسير ايتمشدر: «جهنمه اول كيرنلرى علو يوقارى قالديرر و صوكره كيرنلرى

زبانیلر یوقارودن آشاغی باصارلر . شو حالده بوموال اوزره صیقیشیرلر . بناء علیه ؛ جهنمه هر نوع عذابله معذب اولدقلری کبی نفس آلاماز درجده طارلقله دخی معذب اولاجقلری بوآیتده صراحة بیان اولونمشدر . چونکه ؛ (ضیقاً) شرنه طار دیمکدره .

واجب تعالی طاصیلر ایچون احضار اولونان عذابی بیاندنصکره اهل ناره لاحق اولاجق حسرتی و اهل جنتک ذوق و صفاسنی بیان ایتک اوزره ﴿ قُلْ اَذٰلِكَ خَيْرٌ اَمْ جَنَّةُ الْخُلْدِ الَّتِي وُعِدَ الْمُتَّقُونَ ﴾ بیوریور .

[یا اکرملرسل ! سن کافرلره « شو صفقی بیان اولونان جهنمی خیرلی یوقسه جناب حق طرفندن متقیله وعد اولونان جنت الخلدی خیرلی ؟ » دی که هانکیسی خیرلی اولدیغنی دوشونسونلر و آکا کوره حرکت ایتسونلر .]

﴿ کَانَتْ لَهُمْ جَزَاءٌ وَّمَصِيرًا ﴾

[« او جنت متقیلرک عمللرینه جزا و آنلرک واره جقلری محل اولدی . »]

﴿ لَهُمْ فِيهَا مَا يَشَآؤُنْ خَالِدِينَ ﴾

[« متقیلر مخلد اولدقلری حالده جتنده آنلر ایچون ایسته دکلری هرشی واردر » دی که کافرلرک حسرتلری آرتسون .]

﴿ كَانَ عَلَى رَبِّكَ وَعْدًا مَسْئُولًا ﴾

[شو متقیلره وعد اولونان جنت ربک تعالی طرفندن بر وعددر که او وعد مؤمنلر طرفندن ایسته نیلمش بر مطلوبدر .] چونکه ؛ مؤمنلرک مناجاتلرنده هر وقت ربلرندن ایسته دکلری جتندر . بناء علیه بووعد اولونان جنت ؛ اهل ایمان طرفندن دائماً ایسته نیلن و سوال اولونان شنیدر .

یعنی ؛ ای رسول ذی شان ! قیامتی انکار ایدن مشرکله تکدیر طریقله سن

دی که « شو صفقی بیان اولونان جهنم و آنده اولان عذابلر و هلاکلمی خیرلیدر ، یوقسه متقیلره طرف الهمیدن وعد اولونان جنت الخلدی خیرلیدر ؛ او جنت که آکا کیررلرونعمتلی ابدیدر ، اصلاً تغیر یوقدر و او جنت متقیلرک عمللرینه جزا و دنیاچه فدا ایتدکلری لذت قانییه بدلدیر و دنیاچه کیتدنصکره آنلرک واره جق مغلریدر . مع هذا متقیلر ایچون ابدی قالیجی اولدقلری حالده ایسته دکلری نعمتلر موجود ، اصلاً حسرت یوقدر . زیرا بووعد ؛ ربک تعالی اوزرینه وعد قوی ایدی . »

بیضاوینک بیانی وجهله جهنمه اصلاخیر اولمادیغنی حالده « جهنمی خیرلی و یاخود جنت می خیرلی ؟ » دیمکله جهنمه خیر اسناد ایتک کافرلرک اعتقادلرینی تزییف و آنلری استهزا ایله برابر تکدیر ایچوندیر ، یوقسه جهنمه خیر وارده جنتک خیریه مقایسه اولونسون معناسنه دکلدر . آیت ، متقیلرک عمللرینه ثواب و یرمک الله تعالی اوزرینه واجب اولمادیغنه دلالت ایدر . زیرا ؛ جناب حق جنتک وعد اولوندیغنی بیان ایتدی . وعد اولونان شی ایسه وعد ایدن کیمسه اوزرینه تفضل و احسان اولور ، واجب اولماز . اکر واجب اولسه و عددیخزدی و وعد الهی نک محقق اولوب تخلف اولمیه جفنه بناء واجب تعالی بوآیتده وعدینک متقیلرک عمللرینه جزا اولاجغنی ماضی صیغه سیله ایراد ایتمشدر که محقق اولدیغنه اشارت اولسون .

جتنده هر کسک هر ایسته دیکی و یربله جک اولونجه عملی آز اولوب آشاغی درجده بولونانلر عملی چوق اولوب درجات عالیاچه بولونانلرک درجه لرینی ایسته یه جکلری طبعیدر . هر آرزو ایتدکلری و یریلنجه آزع عمل صاحب لری چوق عمل صاحب لریه مساوی اولمازی ؛ شو حالده چوق عمل ایله آز عمل بیتنده فرق نه اولور ؛ اکر هر ایسته دیکی و یرلمزسه بوآیته مخالف اولمازی ؛ جنته کیرمش اولان بریدر جهنمه مخلد اولان اوغلونک خلاصی ایسته مزمی ؛ بو آیتک مقتضاسی هر ایسته دیکنی و یرنجه اوغلونک جهنمدن خلاصی مخلد اولسنه منافی اولمازی ؛ و اکر خلاص اولمازسه آرزو ایتدیکنی و یرمدیکنی جهته بوآیته مخالف اولمازی ؛ کبی سؤاللره فخر رازی وقاضینک بیانلری وجهله جواب شوبله در : اهل جنتک ادنی مرتبه سنده بولونانلر کندی مرتبه لرینک لذاتی و ذوق و صفاسیله مشغول اولدیغندن اعلی طبقه ده اولانلرک درجه لری خاطرینه کلز و آتی ایسته مز که ادنانک اعلایه مساوی اولسی لازم کلسون . کذلک جتنده اولان بریدرک جهنمه اولان اوغلو وسائر

اقرباسی خاطرینه کلمه که آنک خلاصی ایسته سون. زیرا جنت؛ دار فرح و سرور اولدیغندن کدر و الم ویره جک شیلری اهل جنتک عقلندن جناب حق بالکلیه ازاله ایدر که سرورلری دائم اولسون و فرح لرینه خلل کلسون. چونکه؛ جنتده اولان برکیمسه نك جهنمده اولان اولادی واجدادی و سائر اقرباسی خاطرینه کلمه آنلر ایچون کدر ایتمک ممکن اولاماز. البته کدر ایده جکدر، جنت ایسه کدره محل دکدر. بناء علیه؛ الله تعالی اهل جنته لطف اوابق اوزره کدر ویره جک شیلری تماماً قبلرندن چیقاریر که راحتلری تام اولسون. بونک امثالی دنیاده چوقدر: مثلاً انسانک باشنه آجینه جق و آغلانه جق بر مصیبت کلیر براییکون آجیر، آغلار و صکره اونوتور بردها عقلنه کلمه. بناء علیه؛ کولر اوینار باشقه ایشلریله مشغول اولور. اکر او آجی بی اونوتوق اولسه او کیمسه نك ایشلری معطل اولور و لیکن لطف الهی امدادینه ایریشیر براییکون آجیوب آغلادقندن صکره اوشیئی اونوتور، ایشنه باشلار، کآن اومصیبت اکا کلمه مش کی بر حال کسب ایدر. ایشته جنته کیرن کیمسه نك جهنمه کیدن اولادی و اقرباسی ایچون عرصه محشرده آجیر آغلار سه ده اهل جنت جنته و اهل جهنم جهنمه کیرد کدنصکره جنتده اولان کیمسه نك خاطرندن کدر ویره جک شیلر تماماً زائل و ذوق صفاسیله مشغول اولور. اما اهل نارك حسرتلری آرتسون و عذابلری زیاده اولسون ایچون اهل جنتی سیر و تماشا و اهل جنتک سرورلری زیاده له نسون ایچون اهل جهنمک حالنی مشاهده ایتلرندن کندی اولادی و اقرباسی کی آجیه جقلری کیمسه لری کورملری لازم کلم.

بوایت و بونک امثالی آیتلر انسانلرک هر آرزولرینه نائل اولملری جنته حصر ایتدیکنندن بودنیاده انسان ایچون هر املنه نائل اولوق ممکن دکدر. بناء علیه؛ دنیاده بوتون آرزوسنی اکمال ایتمش بر فرد تصور اولونا ماز. چونکه؛ بوتون املنی اکمال ایتمش ظن ایتدییک هر کیمی تصور ایتسه ک احواله مطلع اولونجه بیلیرسک که حاصل اولماش یوزلرجه آرزو و املی واردر، ولوسه او کیمسه حکمدار اولسون.

(وعداً مستولاً) دیمک مؤمنلر طرفنده ایسته مسه بر و عر دیمکدر. چونکه؛ مؤمنلر بش وقت عبادتلری عقیبنده جناب حق رضاسنی و جنتنی ایسته مکدن خالی قالمالر. والله تعالی ده مؤمنلره جنتنی و رضاسنی وعد ایتمش و قوللرده دائماً ایسته مشلردر.

واجب تعالی آخرتک احوالندن بعضیلرینی بیاندنصکره بعض آخری بیان ایتک اوزره ﴿وَيَوْمَ يَحْشُرُهُمْ وَمَا يَعْبُدُونَ مِنْ دُونِ اللَّهِ﴾ بیور بیور.
[ذکر ایت حییم! شول کونی که او کونده بز مشرک لک عبادت ایتدکلری پوتلرینی حشر ایدرز.]

﴿فَيَقُولُ أَأَنْتُمْ أَضَلَلْتُمْ عِبَادِي هَؤُلَاءِ أَمْ هُمْ ضَلُّ السَّبِيلِ﴾

[جابدلری و معبودلری حشر ایدنجه الله تعالی پوتلره خطاباً دیر که «ای پوتلر! بزم شو قوللری سزیمی اضلال ایتدیکنز یولدن چیقاردیکنز، یوقسه آنلر کندیلریمی ضلالتی ارتکابله یولدن چیقایلر؟ »]

﴿قَالُوا سُبْحَانَكَ مَا كَانَ يَنْبَغِي لَنَا أَنْ نَتَّخِذَ مِنْ دُونِكَ مِنْ أَوْلِيَاءَ﴾

[جناب حقک بو سؤالنه جوابده معبودلر دیرلر که « یارب! بزسنی جمیع نقائصدن تنزیه ایدرز که بزم ایچون سنک غیری بی دوستلر اتخا ایتک لایق اولمادی »]

﴿وَلَكِنْ مَتَّعْتَهُمْ وَأَبَاءَهُمْ حَتَّى نَسُوا الذِّكْرَ وَكَانَ قَوْمًا بُورًا﴾

[« ولیکن یارب! سن آنلره و بابالرینه نعمتلر و یردک و برچوق عمرلرله معمر قیلدک، حتی آنلر نعمتکده مستغرق اولارق سنک ذکر بیکی اونوتدیلر و هلا که مستحق برقوم اولدیلر » دیمکله کندیلرینک ضلالتی ارتکاب ایتدکلرینی بیان ایدرلر.]

یعنی؛ یا اکرم الرسل! اللهک غیری معبود اتخا ایدنلره ذکر ایت شول کونی که او کونده بز آنلری و باطل معبودلرینی حساب ایچون محشره جمع ایدرز و آنلر معبودلریله برابر جمع اولونجه الله تعالی مشرکلری توبیخ و ناس آره سنده رسوای و تحقیر ایتک ایچون معبودلره خطاباً « شو شرکله مألوف اولان منکر نعمت و ظالم قوللری سزیمی اضلال ایتدیکنز یولدن چیقاردیکنز، یوقسه کندیلریمی یولدن چیقایلر؟ » دیمکله سؤال ایدنجه مشرک لک معبود اتخا ایتدکلری شیلر جوابده « یارب! بزسنی جمیع نقائصدن تنزیه ایدرز که سندن باشقه بر دوست و ولی اتخا ایتک بزم ایچون مناسب اولمادی. شو حالده نصل اولور که

مشرکری اضلال ایدہ رک ربکزی ترک ایدکہ بزی ولی اتخاذا ایدکہ دیہ بیلیرز . بزم بویلہ برشینہ جرأتمز اولمادی ولکن یاربى ! سن آنلره وبابالرینه مساعدہ ایتدک اولاد واموال ویردک وبدنلرینی عافیتله عمرلرینی اوزون قیلدک حتی آنلر نعمتلیرکے مستغرق اولونجه سنک ذکرکی اونوتدیلر . بناء علیه ؛ هلاک اولان قوم زمزمه سندن اولدیلر . دیمکه هر نوع اتهاماتدن نفسلرینی تبرئه ایدرلر .

بیضاوینک ونعمت الله افندیکن بیانلری وجهله اللهک غیرى مشرککرم معبودلری ایله مراد ؛ مؤمنکه اید عیسی وعزیر علیهما السلام ویدیلرلر وسائر بونلردر . بونلرک ایچندن سوز سوزلکه قادر اولانلر « جناب حقک سزى اضلال ایتدیکنز بونلری ؟ » سئواله جوابلری لسانلریله در . اما سوزده قادر اولامایان بوتلر جناب حقک حیات وتکلمه قدرت ویرمسیله اولاجنی کی آنلرک جوابلری لسان حاله اولق دخی محتملدر . بو سئوال بالذات واجب تعالی طرفندن اولاجنه آیتده دلالت واردر . معبودلرده قباحث اولمایوب بوتون قباحث عبادت ایدن مشرککرده اولدیغنی بیلدیکی حالده جناب حقک سئوالی مشرککری توبیخ وخلق آنلرک حاللرینی بیلدیرمکدر . بو آیتده تسبیح ؛ واقع اولاده سئوالده تعجب معناسنی متضمن وجناب حق شرکدن تنزیه وکندیلمینک تسبیحله متصف اولدقلرینی بیان ایتمکدر . زیرا ؛ سئوال اولونان ذوات بعض نصارانک معبود اتخاذا ایتدیکی حضرت عیسی وبعض یهودک معبود اتخاذا ایتدیکی حضرت عزیر ومشرککردن برطافه نک معبود اتخاذا ایتدیکی ملکرک اولدیغنه نظراً بونلرمعصوملر اولوب وظیفه لری ناسی اصلاح وارشاد ایتک واللهی تقدیسله تسبیح ایتک اولدیغندن آنلره « شو مشرککری سزى اضلال ایتدیکنز ؟ » دیمک ؛ تعجبی موجبدر . زیرا ؛ آنلرده اصلا افساد واضلال اولماز . سئوال اولونانلر بوتلر ویلیدیلر اولدیغنه نظراً آنلرده جمادات قیلندن اولدقلری جهته اضلال اقتدارلری اولمادیغنی حالده آنلره « سزى اضلال ایتدیکنز ؟ » دیمک ؛ تعجبلرینی موجب اولدیغندن تسبیحه مسارعت ایدم جککری بیان اولونمشدر .

آنفایان اولوندیغنی وجهله اکر بوتلر تکلم صورتیه جواب ویریرلرسه تسبیحلری ده تکلم صورتیه در وا کر جوابلری لسان حال ایله اولورسه تسبیحلری ده لسان حال ایله در . فخر رازینک بیانی وجهله کافرلرک مال واولاد کی نعمتلی طغیانلرینه سبب اولوب

باشقه بر کیمسه طرفندن اضلال اولونمادقلرینی بیان ایچون جوابلرینه جناب حقک آنلره نعمت ویردیکنی درج ایدم جککری بیان اولونمشدر .

(قوماً بوراً) ههوک مستحق بر قوم اولدیلر دیمکدر . زیرا ؛ (بوراً) ههوک معناسه در . ذکر له مراد ؛ الله وقرآنه وانبیایه ایمانلر برابر ذکر الله . یعنی « سن آنلره نعمت ویردک آنلرده سکا و کتابک و شریعتک ایمانی و ذکرکی اونوتدیلر » دیمکدر . چونکه ؛ علی الا کثر نعمتک طغیان سبب اولدیغنی و بر چوق عابدلرک نعمته مستغرق اولونجه عبادتلرینی قباحته و طاعتلرینی معصیته تبدیل ایتدککری کورولمکده در .

**

واجب تعالی مشرککرم معبودلرینک سوبیله جککری سوزلرینی بیاندن صکره اوسوزلرک بونلری تکذیب اولدیغنی بیان ایتک اوزره ﴿ فَقَدْ كَذَّبُكُمْ بِمَا تَقُولُونَ فَمَا تَسْتَطِيعُونَ صَرْفًا وَلَا نَصْرًا ﴾ بیوریور

[ای کافرلر ! سزک معبودلریکنز سوبیله دیککنز سوزکنزله سزى تکذیب ایتدیلر . بناء علیه ؛ آنلر سزک عذابکزی دفعه وسزه یاردم ایتمکه قادر اولامازلر .]

﴿ وَمَنْ يَظْلِمْ مِنْكُمْ نُدِقْهُ عَذَابًا كَبِيرًا ﴾

[اکر سزه بر کیمسه ظلم ایدرسه بز آکا بویوک عذابى طادیریرز]

یعنی ؛ ای مشرککرم ! سز دنیا ده معبودمز دیه رک عبادت ایتدیکنز معبودلریکنز سزى کندی سوزلریکنزله تکذیب ایتدیلر . چونکه ؛ کندیلمینک معبود اولمادقلرینی بیانه سزک معبودلردر دیدیککنز سوزیککنز یالان اولدیغنی میدانه قویدیلر . بناء علیه ؛ آنلر هیچ بر وجهله سزدن عذابى دفعه قادر اولمادقلری کی کرک بالذات و کرک بالواسطه سزدن قالدیرمغه یاردم دخی ایدمزلر وا کر سزدن بر کیمسه ظلم ایدرسه بز او کیمسه به جهنمک عذابندن عبارت اولان بویوک عذابى طادیریرز . زیرا ظلم ؛ بویوک جنایت اولدیغندن جزایى اولان عذاب ده بویوکدر .

بو آيت؛ ظلم ايدن هر ظالمك معذب اولاجنه دلالت ايدرسده توبه ايدرسه ومظلوم ايله حاللا شيرسه و بر سبه مبنى عفو الهى به مظهر اولورسه بو صورتلرده عذابدن مستثادر. ظالم ظلمتك جزاسنى دنياده دنخى كورورسه ده دنيا عذابى آخرته نسبتله اهون و موقت اولوب مؤبد اولماديغندن آخرت عذابى بويوك اولقله توصيف اولونمشدر.

بيضاوينك بيانى وجهله كافرلرك ديدكلرى ايله مراد؛ بوتلمه اله بملر بر بوتلرك تكذيبلى ايله مراد؛ كنىر بربنك اله اوليوب اللهك مخلوقلى اولدقلىنى يانه ايتلمر بر

* *

واجب تعالى كافرلرك رسول الله «طعام بير، چارشوده كزر» ديمكله طعن ايتدكلرينه جواب ويرمش ايسده بو حال يالكز رسول الله مخصوص اولمايوب جمله پيغمبرلرده موجود اولديغنى بيانله مشركلرى تكديرى متضمن ايكنجى بر جوابى بيان ايتك اوزره ﴿وَمَا أَرْسَلْنَا قَبْلَكَ مِنَ الْمُرْسَلِينَ إِلَّا إِنَّهُمْ لَيَأْكُلُونَ الطَّعَامَ وَيَمْشُونَ

فِي الْأَسْوَاقِ﴾ بيوريور.

[يا اكرم الرسل! سندن اول رسوللردن هيچ بر رسول كوندرمك، الا آنلر البته طعام بيرلر، سنك بيديكك كى و چارشولرده كزرلر، سنك كزديكك كى.] چونكه؛ انبيائك عوام ناسدن فرق ظاهرده كورولمىن احوال معنويه در، يوقسه احوال جسمانيه دن عبارت اولان ييكده و چارشولرده يورومكده دكلدر. بناء عليه احوال ظاهريه و ضروريات بشريه ده انبياء كرامك ديكر انسانلردن فرقلى يوقدر. شو حالده ضروريات بشريه يى نبوت مانع عد ايتك نبوتك نهدن عبارت اولديغنى بيلمه مكدن و حماقتدن باشقه برشى دكلدر.

﴿وَجَعَلْنَا بَعْضَكُمْ لِبَعْضٍ فِتْنَةً﴾

[اى ناس! سرك بعضيكزى بعضيكزه فتنه و بيله قيلدق.]

﴿الْأَصْبِرُونَ﴾

[سز صبر ايدرميسكز؟]

يعنى؛ سرك بعضيكزى بعضيكزه بلا و فتنه قيلدق كه اوبلايه صبر ايدوب صبرايتديككزى بيله. مثلا فقرانى اغنيا ايله مبتلا قيلارزكه فقير اغنيايه باقارق حاله صبر ايدم جكمى، يوقسه جزع و فزع ايدمرك فقيرينه صبرله آلاجنى اچردن محرومى اولاجق؛ كذلك اغنيايى فقرا ايله مبتلا قيلارزكه غناسته شكرله فقرابه مرحمت و معاونت ايدم جك اچرمى آلاجنى و ياخود استحقاق و اهانتله غناسته شكرله آلاجنى اچردن محرومى اولاجق؛ كذلك خسته لرى صاعلام اولان كيمسه لرله و اشرافى ادانى و ادانى يى اشرافله بو متوال اوزره مبتلا قيلارز. كذلك رسوللرى امتلرله مبتلا قيلارزكه امتلرى ايمان ايتملر عداوت و اذا ايدرلر. بناء عليه؛ آنلرك يوزندن چوق مشقت چكرلر و امتلرى رسوللرله مبتلا قيلارزكه ايمان ايدوب سعادت دارينه نائل اولاجق ايكن بالمكس كفر ايدرلر و عذاب ابدى به دوچار اولورلر. شو حالده سزدن هر بريكر بولونديغكز حاله صبر ايدر ثوابه نائل اولورميسكز يوقسه صبر ايتمز بلايه مى كرفتار اولورسكز؟

﴿وَكَانَ رَبُّكَ بَصِيرًا﴾

[حالبوكه حليم! ربك تعالى صبر ايدنى و صبر ايتمه يى بيلير و كورور و جمله سنك جزاسنى عدالت اوزره ترتيب ايدر.]

تفسير خازن و نيسابوريد بيان اولونديغى وجهله بو آيت؛ قريشك زنكي نلرندن (ابو جهل) و امثالى كى فقراء اصحابه مبتلا اولانلر حقلرنده نازل اولمشدر. چونكه؛ آنلردن خاطرلى اولانلر و ثروت صاحبلرى فقراء اصحابى كوردكارنده عتف و شدت كوسترر و ديرلردى كه «بز اسلام اولسه ق بوقفرا كروهى بزدن اول اسلام اولدقلى جهتله بزم اوزر يمز فضيلتلى و مزيتلى اولاجق. بناء عليه؛ بز اسلام اولمايز» ديمكله اصحابدن فقرا اولانلرى ايمانلرينه مانع عد ايتمكله مبتلا اولمشدر.

آيت جليله نك لفظى قاعده كليده دركه جمله انسانلرك يكديكريله مبتلا اولديغنه دلالت ايدر. زيرا؛ نيسابورى و طبريده بيان اولونديغى وجهله مثلا اعمى اولان «الله تعالى ديله سه ايدى بنى فلان كيمسه كى كورور قيلاردى» و خسته اولان «الله تعالى ايسسته سه ايدى بنى فلان كيمسه كى صاعلام قيلاردى» و فقير اولان «الله تعالى ايسسته سه ايدى بنى ده فلان كى زنكي ن قيلاردى» ديمكله هر انسان يكديكريله مبتلا در. (ابى الدرداء) حضرتلر ينك خلاصة البيان: اونجى جلد - ٢٦

رسول اللهك «سلطان رعيه يوزندن هلاك اولور . زیرا ؛ عدالت ايتمز ورعيه سلطان يوزندن هلاك اولور . زیرا ؛ يويله اطاعت ايتمز وشديد اولان ضعيف يوزندن وضعيف اولانده شديد يوزندن هلاك اولور ، بيوروب بوآيتي قرائت ايتديكني روايتي ده جمله انسانلرك بربريله مبتلا اولديغنه دلالت ايدر .

..

اون طقوزنجي جزؤ

واجب تعالى كافرلك رسول اللهك رسالتنده شهبه لرندن بعضيلريني بياننصكره دردنجي
بر شهبه لرني بيان ايتمك اوزره ﴿ وَقَالَ الَّذِينَ لَا يَرْجُونَ لِقَاءَنَا لَوْلَا أُنْزِلَ عَلَيْنَا الْمَلِيْكَةُ أَوْ تَرَىٰ رَبَّنَا ﴾ بيوريور .

[شول كيمسه لر ديديلركه آنلر آخرتده بزم رضامزه ويا عذابمه ملاقات ايده جكلريني اميد ايتمز «كاشكه بزم اوزريمزه ملكلر انزال اولونا ايدى وياخود بز ربمزي كوره ايدكده محمد ﷺ كنوت دعواسنده صادق اولديغنه شهادت ايده ايديلر . بزده ايمان ايدرلك . ملك كلمدى وربمزي ده كورمذك . شوحالده دعواسنك صدقه شاهد اولمايجه بز فصل ايمان ايدلم ، ديمكه شهبه لرني ميدانه قويديلر .

﴿ لَقَدْ اسْتَكْبَرُوا فِي أَنْفُسِهِمْ وَعَتَوْا عُتُوًّا كَبِيرًا ﴾

[ذات الوهيمه يمين ايدرملر كه شوسوزلري سويله ين كافرلر كندى نفسلرنده بويوكلك ادما وحدلريني بيلميه رك بك زياده كبر وبك بويوك بر طغيانه طغيان وظلمده و طغيانده حديني تجاوز ايتديلر .] چونكه ؛ ايمانلريني ربلريني كورملرينه وياخود كنديلرينه ملك نازل اولمسه تعليق ايتديلر . بناء عليه ؛ لايق اولماق مرتبه لره استحقاق دعواسنه قالفشيديلر . يعنى ؛ آخرتي منكر اولملرينه بناء بزم رضامزه ويا عذابمه ملاقاتي اميد ايتمه ين مشركلر «كاشكه بزم ملكلر كلسه لر شهادت ايتسه لر وياخود ربمزي آچيقدن كورسهك

محمد ﷺ ك طوغرو سويلديكنه شهادت ايتسه ده بزده ايمان ايتسهك « ديديلر . حبيم ! ذات الوهيمه يمين ايدرملر كه بونلر نفسلرنده تكبر ايتديلر . زیرا ؛ بودنياده خالص قوللر ايتمز ايچون جائز اولمايان شيلري ايتسه مكله حدلريني تجاوز ايتديلر وبويوك طغيانده بولونديلر . (وعتو عتوآ كبراً) بيضاوينك بياني وجهله عتو ؛ ظلمده صريفي ايدري كچمكده .

شوحالده معنای نظم : [مشركلر ظلمده او قدر ايلري كيتديلركه ظالمك اك نهايت درجه سنه وارديلر] ديمكدر . زیرا ؛ اللهى كورملريني ايتسه ملري ظلمك نهايه سيدير . مشركلرك كبرلري قبللرنده كيزلي اولوب كندى بويوكلكلري كندى اعتقادلرنجه اولديغنه اشارت ايچون بوآيتده نفسلرنده استكبار ايتدكلري بيان اولونمشدر . چونكه استكبار ؛ بويوك عر ايتمكده . شوحالده بويوك عد ايتمكه بويوك اولق لازم كلز .

..

واجب تعالى مشركلرك دنيايه كنديلرينه ملك كلمسي آرزو ايتدكلريني بياننصكره آخرتده ملكلري كوره جكلريني وكوردكلرنده آرزولرينك خلافي ظهور ايده جكني بيان ايتمك اوزره ﴿ يَوْمَ يَرَوْنَ الْمَلِيْكَةَ لَا بُشْرَىٰ يَوْمَئِذٍ لِلْمُجْرِمِينَ وَيَقُولُونَ حَجْرًا مَّحْجُورًا ﴾ بيوريور .

[ذكر ايت حبيم ! شول كوني كه او كونده كافرلر ملكلري كورورلر واو كونده مجرملر ايچون اصلا بشارت و سروره دلالت ايدر بر شي يوقدر و آنلر « بز جتله تبشيرادن منع اولوندق ونار جعيمده حبس مؤبدله حبس اولوندق ، ديرلر .]

يعنى ؛ كافرلر دنيايه كورمك آرزو ايتدكلري ملكلري آخرتده كورورلر ولكن ملكلري كوردكلري كونده مجرم اولان مشركلر ايچون اصلا مژده اولماز . زیرا ؛ آنلرك كوردكلري ملكلر عذاب ملكلري اولوب آنلري جهنمه سوق ايچون كلكلريني كورونجه تبشيرادن محروم اولدقلريني بيلمه لرينه بناء كمال حيرت وحسرتله « بز جتله تبشيرادن تماميله منع وجهنمه ابدآ حبس اولوندق » ديمكه اسفلريني اظهار ايدرلر . شومعنا (حجراً محجوراً) كافرلك سوزلري اولديغنه نظرآدر . اما بوسوز ملكلرك

سوزی اولدیغه نظرآ معنای نظم شویله در : [حییم ! کافرله ذکر ایت شول کونی که او کونده آنلر ملکری کورورلر ولکن او کونده مجرمله بشارت یوقدر . بناء علیه ؛ ملکجر مجرمله دیرلر که « سزک اوزریکزه بشارتی موجب اولان جنت حرام اولقله حرام اولدیغندن جنتله تبشیردن محروم سکز »] دیمکدر . ملکجر بوسوزلریله کافرلری تحقیر ایدرلر . کافرلر کندی عمللرینی قبول اولوندی ظنیه ثواب امید ایتدکلرندن ملکجر بونلری بدایه کوردکلرنده عمللرندن استفاده ایده میه جکلرینی بیانه جواب ویره جکلری و هیچ بر تبشیراته نائل اولامیه جکلری ذکر اولونمشدر . چونکه ؛ فخر رازینک بیانی وجهله کافرلر کفرلرنده دخی کندیلرینی هدایتده ظن ایدوب ثواب بکله دکلری کبی مظلومه معاونت و فقرایه یار دیم ایتک وعطیه ویرمک وصله رحم و ابویه رعایت ایتک کبی صحیح عمللرینی دخی ثواب امیدیه ایشلرلر ولکن کفرلری جمله سنی ابطال ایتدیکندن امیدلری هبا اولور . زیرا فاسد اوزره بنا قیلنان عمل ؛ البته فاسددر . بناء علیه ؛ ملکگری کوردکلرنده هرشیده هرشیدن اول کمال یأس و حسرتلرینی موجب اولان شیهله جواب ویریه جکی بیان اولونمشدر .

بیضاوینک بیانی وجهله مجرملر له مراد ؛ مشرک اولدیغه نظرآ آنلر ایچون هیچ بشارت اولمادیغه اشارت ضمنتده ضمیر موضعنده اسم ظاهر اولارق (للمجرمین) لفظی وارد اولمشدر که تبشیراتدن محرومیتلرینه سبب ؛ جرملری اولدینی تصریح اولونسون . چونکه ؛ (للمجرمین) یرنده (لهم) دنیلسه معنا صحیح اولوردی ولکن بشارته مانع جرملری اولدینی بیلنمزدی . ملکجر مجرمله « سزک ایچون بشارت یوق » دییه جکلری کونده اختلاف وارسده اصح اولان بوم قیامتدر . (حجراً محجوراً) (حراماً محرماً) علیکم البشری و الجنة) دیمکدر . یعنی « سزک اوزریکزه مزده و جنت حرام اولقله حرام اولدی . بناء علیه ؛ سرور ویره جک شیلرک جمله سندن محروم سکز » دیمک اولور . بو آیت ؛ اوج حکمی مایه برنجیسی ؛ کافرلرک بوم قیامتدر ملکری کوره جکلری ؛ ایکنجیسی ؛ ملکجر مجرمله سزک ایچون اصله سرور ویره جک بشارت بوم دییه جکلری ؛

اوچنجیسی ؛ مجرملرک بوم مال کوروب بز سرور ویره جک شیلرک جمله سندن محروم دییه جکلری .

واجب تعالی کافرلرک بشارتدن محروم اولدقلرینی بیاندنصکره عمللرندن اصلا فائده کوره میه جکلرینی صراحة بیان ایتک اوزره ﴿ وَقَدْ مَنَّا إِلَىٰ مَا عَمِلُوا مِنْ عَمَلٍ جَعَلْنَاهُ هَبَاءً مَّنْثُورًا ﴾ بیوریور .

[بز آنلرک کفر حاللرنده ایشله دکلری عمللرینی قصد ایتدک . بناء علیه ؛ بز او عملی یوق ایتدک .]

یعنی ؛ کافرلر ایچون بشارت اولمادیغنی و بشارتی ایجاب ایدن جتدن محروم اولدقلرینی خبر ویرد کدنصکره آنلرک حال کفرلرنده مکارم اخلاق قیلندن مسافر قبول ایتک و مظلومه اعانه وصله رحم کبی عمللرینی قصد ایتدک ، یعنی او عمللرینه توجه ایتدک . بناء علیه ؛ او عمللرینی کونشده کوریلن ذره لر کبی فائده سز قیلدق و ابطال ایتدک .

(هباءً منثوراً) هبا ؛ بزهده کیرمه کونشک ایچنده کوریلن ذره لرده . (منثوراً)

طاغلمس دیمکدر . کونشک ایچنده کوریلن ذره لری انسان آله کله جک برشی ظنیه آلی اوزاتیر طوتا جفم ظن ایدوب طوتا مدینی کبی کافرلر عمللرینی قبول اولوندی ظنیه ثواب امید ایده رک آلرینی اوزاتیرلر ولکن آلرینه برشی کچمز . چونکه ؛ عملک قبولنک شرطی اولان ایمان اولمادیغندن کفرلری سببیه عمللرینی ابطال ایتدیکنی فائده کورمیه . جکلرینی جناب حق بو آیتله بیان بیورمش و کونشک ایچنده کی ذره لرک بر آره یه طوبیلا نوب انتفاع ممکن اولمادیغنی کبی بونلرک عمللریله انتفاع ایده میه جکلرینه دخی اشارت ایتمشدر .

(وقدما) بو آیتده (قصدا) یعنی « بز قصد ایتدک » معناسه در . چونکه ؛ بیضاوینک بیانی وجهله بو آیتده کافرلرک حاللری حکومت رئیسنه عصیان ایدن قومک حاله تشبیه اولونمشدر . زیرا ؛ رئیسه عصیان ایدن قومک عصیانلرینک سببی و قوتلرینی هرشیدن اول رئیس قصد ایدره اول امرده عاصیلرک قوتی و او اسبابی ازاله یی دوشونور . بناء علیه ؛

عصيانك سیدنی وقوتلرینی کسوب آتدقدنصرکه عاصیلری تنکیل ایدر وعصیاندن اثر
براقادینی کبی قومک جزاسنی ده ویرر . ایشته جناب حق کافرلرک مکارم اخلاق قبیلندن
وکووه نذکاری عمللرینی کفرلری سببیه ابطال ایتدکدنصرکه جزالری ویره جکنی بیان
ایتمشدر .

﴿ أَصْحَابُ الْجَنَّةِ يَوْمَئِذٍ خَيْرٌ مُّسْتَقَرًّا وَأَحْسَنُ مَقِيلًا ﴾

[قیامت کونده اصحاب جنت مقرومکان جهتندن غایت خیرلی وراحت جهتندن غایت
کوزلدر .]

یعنی ؛ الله ورسوللرینه وکتابلرینه ایمان ایدن اهل جنت تقرر ایده جکلری مکان
جهتندن غایت خیرلی و حوریلر و غلمانلرله الفت ایدوب راحت ایده جکلری خانه لری
جهتندن غایت کوزلدر . زیرا ؛ اصلاً اذا واندیشه یوقدر .

(مستقراً) قرار معناسنه اولوب قرارده اوزروه مدت قونوشوب کوروشمکی ایجاب
ایتمکندره « اهل جنت قرار یونندن خیرلی » دیمک « قونوشوب کوروشمک جهتندن
خیرلی » دیمکدر . (مقیلاً) محل قیلولر دیمکدر . قیلوله ؛ قوشلور اویقوسیدر .

بیضاوینک بیانی وجهله جتنده اویقو اولمادینی جهتله بومقامده زوجلر و حوریلرله
خلوت اولوب استراحت زمانی و مکانی غایت کوزل دیمکدر . اهل جنتک حسابدن فارغ
اولوب جتته قوشلق وقتی کیره جکلرینه اشارت ایچون (احسن مقیلاً) وارد اولدینی
فخر رازینک جمله بیاناتنددر .

..

واجب تعالی کافرلرک ملکلی کوره جکلرینی و عمللرینک باطل اولدینی و اهل
جنتک او کونده راحت اولاجقلرینی بیاندنصرکه قیامتده واقع اولاجق وقوعاتی بیان
ایتمک اوزره ﴿ وَيَوْمَ تَشَقَّقُ السَّمَاءُ بِالْغَمَامِ وَنُزِّلُ الْمَلَائِكَةُ تَنْزِيلًا ﴾ بیوریور .

[ذکر ایت حییم ! شول کونی که او کونده بلوطک سمان طلوعی سببیه سما شق
اولور و ملکک سمان ایندیلمکله ایندیریلور .]

﴿ أَلَمْ لِكُ يَوْمَئِذٍ الْخَلْقُ لِلرَّحْمَنِ ﴾

[او کونده جمله ملک رحمن تعالی یه ثابتدر و آنک غیری ملک صاحبی یوقدر .]

﴿ وَكَانَ يَوْمًا عَلَى الْكَافِرِينَ عَسِيرًا ﴾

[و او کون زمان جهتندن کافرلر اوزرینه غایت کوچ اولور .]

یعنی ، ای رسول مکرم ! سمانک بلوطله یاریلوب کثرتله ملککرتک تنزیل
اولوناجنی کونی ذکر ایت که او کونده ثابت وحق اولان ملک اللهکدر . زیرا ؛ رحمن
تعالی نک غیری بر ملک صاحبی یوقدر . چونکه ؛ اللهک غیری ملک صاحبلرینک ملکلی
بالکلیه زائل اولور و او کون کفرلری سببیه کافرلر اوزرینه نازل اولاجق عذابدن
دولایی آنک ایچون غایت کوچ و مشکل بر کون اولور .

فخر رازینک بیانی وجهله انبیاء عظام حضراتنه ملکک سمان کنیدی لری ایچون
تعیین اولونان محلدن نازل اولوردی . قیامتده سما یاریلنجه سمان اولان ملککرتک یربوزینه ،
سمانک هر طرفندن نازل اولاجقلرینه و ملائککه لفظی معنوم ملککرتک سمان اولدیرنه و قیامتده
انس و جنک محاسبه لری ده ارض اوزرنده اولاجقنه آیتده دلالت واردر . چونکه ؛ ملککرتدن
برقسی انسانلرک و جنیلرک عمل دفترلیله نازل اولوب عمل دفترلی صاحبلرینک آللرینه
و یریه جکندن و دیگر آیتلرده دخی ارضک دره سی تپه سی قالمایوب دوز و پارلاق براووه
شکلنده اولاجقنی بیان ؛ محاسبه نک ارض اوزرنده اولاجقنه دلالت ایدر . بو ارضک
عرصه محشر اولاجقنه و انس و جنی و سمان نازل اولان ملککرتی استیعاب ایده جک
مقدارده توسع ایده جکنه دائر بعض احادیث نبویه واردر . بو آیتده او کونک کافرلر
اوزرینه مشکل اولاجقنی بیانه مؤمنلر اوزرینه مشکل اولیه جقنه اشارت اولونمشدر .

بو مقامده غمام ایله مراد ؛ یا صحر بر بلوط که سمانک فوقنده ظهور ایده جکی و اوبلوطله
عمل دفترلرینی حامل اولان ملککرتک نازل اولاجقنی مرویدر . یا خود جمد سمانک فوقنده
جناب مقلک منور ایتمکی بر بلوط که او بلوطک سمانک یاریلاجنی مرویدر
والفظ آیه موافق اولانده بودر .

خلاصه؛ سمانك بلوطله ياريلاجنى وملكرك سمان اينه جكلى و اوكونده بالجمله مال وملك و حكم رحمن تعالى به ثابت وكافر لر اوزرينه اوكونك مشكل بركون اولاجنى بو آيتدن مستفاد اولان فوائد جمله سندندر .

واجب تعالى سمانك ياريلاجنى وملكرك سمان سرعتله اينديريله جكنى و اوكونك كافر لر مشكل اولاجنى بيان كنكره اوكونده ظالمك كمال حسرت و ندامتلىرى بيان ايتك اوزره ﴿ وَيَوْمَ يَعَضُّ الظَّالِمُ عَلَى يَدَيْهِ ﴾ بيوريور .

[ذكر ايت حليم ! شول كوفى كه اوكونده ظالم اولان كيمسه آللىرى ايصيرير .]

﴿ يَقُولُ يَا لَيْتَنِي اتَّخَذْتُ مَعَ الرَّسُولِ سَبِيلًا ﴾

[او ظالم ديركه « آه نه اولايدي رسول الله برابر بن بر يول طومش اولايديم » .]

﴿ يَا وَيْلَتَى لَيْتَنِي لَمْ أَتَّخِذْ فَلَانًا خَلِيلًا ﴾

[« اى بنم هلاكم كل بكا ! كاشكه بنى اضلال ايند فلان كيمسه بنى دوست اتخاذا ايمه مش اولايديم » ديمكه مفسد اولان كيمسه بنى دوست اتخاذا ايدوب سوزينه آلدايغنه ندامتى اظهار ايدر .] وسوزينه شونى ده علاوه ايدر كه :

﴿ لَقَدْ أَضَلَّنِي عَنِ الذِّكْرِ بَعْدَ إِذْ جَاءَنِي ﴾

[« الله يمين ايدرم كه بكا قرآن وموعظه رسول وكلمه شهادت كلكد كنكره محقق او كيمسه بنى اضلال ايتدى ويولدن چيقاردى . بناء عليه ؛ آنى دوست اتخاذا ايتديكمندن ندامت كوردم » .]

﴿ وَكَانَ الشَّيْطَانُ لِلْإِنْسَانِ خَذُولًا ﴾

[حالبوكه شيطان انسانى دائما رسواى قيلار اولدى .]

يعنى ؛ يا اكرم الرسل ! ذكر ايت شول كوفى كه اوكونده هر منكر ظالم كمال ندامت وحسرتندن آللىرى ايصيرير و ديركه « ايواه ! نه اولايدي بن مرشد كامل ومصلح عالم اولان رسول الله برابر بنى دنيا ده حقه ايصال ايدمك و آخرت ده شو كورديكم عذابدن قورتاره جق بر طوغرو يول طوتا ايدم » . بسوززليه دنيا ده طومش اولدينى يولك خطا اولديغنه ندامتى اظهار ايدر و ديركه « اى بنم هلاكم سرعتله بكا كل ! آه نه اولايدي كاشكه بن فلان جاهل مسرفى دوست اتخاذا ايمه مش اولايديم ، الله يمين ايدرم كه اومفسد بكا قرآن كلكد كنكره بنى ايمانندن و قرآنندن اضلال ايتدى ويولدن چيقاردى . حالبوكه شيطان انسانى دائما محجوب ايدر و خلق نظر نده رذيل و رسواى قيلار .

فخر رازى ، طبرى و بيضاويده بيان اولوندينى وجهله بو آيتك سبب نزولى شويده در : (عقبه بن ابى معيط) هر سرفردن كلكديكنده قومشولرينه بر ضيافت ويرردى . بر سرفردن كلكديكنده عادى وجهله ضيافت ويرردى و رسول الله دعوت ايتدى . رسول الله دوست اولديغنه بناء رسول الله « يا عقبه ! كلمه شهادتى او قيوب ايمان ايتدكه اكمككى ييم » بيورددى . (عقبه) رسول الله تكليفى قبول ايدر وكلمه شهادتى او قور و ايمان ايدر . رسول الله ده ضيافتى تشريفله طعامنى يير . (عقبه) نك غايت سو كلى احبابندن (ابى بن خلف) عقبه به عتاب ايدمك « ديشكدن چيكدك » ديمسى اوزرينه عقبه « بن ديمدن چيقمادم ولكن دعوت ايتديكم مسافرك اكمكى ييمدن خانه مدن چيقمسنه اوتاندم . بناء عليه ؛ مسافرك خاطرى ايجون كلمه شهادتى او قودم » دينجه (ابى) « اكر محمد ﷺ كى بوزينه تو كروكى آتارسك بو سوزيكه اينانيرم والا اينانام » ديمسى اوزرينه (عقبه) ارتداد بنى (ابى بن خلف) ه اينانديرمق ايجون بوجنايتى ارتكاب ايدر ، فقط رسول الله نمازده ايكن اوفله ديكي تو كروك كندى بوزينه عودت ايدر و بوزينى آتش كى ياقار و قتل اولونونجه به قدر بوزنده او ، يانيق علامتى بولونمشدر . (عقبه) نك شومعامله ملعونانه سى اوزرينه رسول الله « يا عقبه ! سن مككدن چيقمازسك ، الا بن سنك بوينكى قيديجله و ورورم » ديدى . فى الواقع (عقبه) مككدن چيقدى بدره كلكدى اسير اولدى . رسول الله امرى اوزرينه حضرت على قيليجه بوينى ووردى و نطق رسول الله يرينى بولدى و (ابى بن خلف) دخى رسول الله بر ضربه سندن متأثر اولارق مكيه كلكدى ومكده جاني جهنمه كيتدى . بو سبب نزوله

نظراً آیتده ظالم له مراد ؛ عقبه در. فلاز ایله مراد ؛ ابی در. ذکر له مراد ؛ کلمه شهادت و ایمانده. بوکا نظراً معنای آیت : [ظالم اولان عقبه کمال ندامتدن آلرینی ایصیریرودیر که « کاشکه بن رسول اللهله برابر نجات و یرم جک بریول طوتا ایدم و (ابی) خانقنی دوست اتخاذا یتیمه ایدم. زیرا ؛ اللهه یمین ایدرم که (ابی) کلمه شهادتی ذکر دن بنی اضلال ایتدی » دیمکه ندامتی اظهار ایدر] دیمکدر. فقط بو مثللو مقامده اعتبار لفظک عمومیه اولوب سبب نزولک خصوصیه باقیلما دیغندن آیت هر ظالمه و کناه اوزرینه بربرینی اضلال ایدن کیمسه لرك جمله سینه شامل اولوب هر ظالم و ظالمه اتباع ایدنلر آخرتده ندامت لرینی اظهار ایده جکلردر و بو محاوره هپسینده جریان ایده جکدر. رسول اللهک « کیشی دوستک دینی اوزرینه اولور. بناء علیه ؛ هر کسک حالنی، موازنه ده اوتوروب قالقوب الفت ایتدیکی کیمسه لره نظر ایدک و آنلرک حاللری ایله موازنه ایدک » بیوردینی حدیث شریفی ده بو معنایی تأیید ایدر.

دنیاده بر شینه صوک درجه ندامت ایدن کیمسه نک « ابواه » دیبه رک ألنی ایصیرمق عادت اولدینی کی بو عادتک آخرتده دخی جریان ایده جکنه بو آیت دلالت ایدر.

خلاصه ؛ ظالم اولان کیمسه نک آخرتده ظلمنه ندامت ایده رک آلرینی ایصیره جفی و نه اولای ایدی رسول اللهله برابر طوغرو یول طوتا ایدم « دیبه جکی و نه اولای ایدی فلان کیمسه بی دوست اتخاذا یتیمه ایدم » دیبه رک ندامت ایله جکی و شیطانک انسانی رسوای ایده جکنی بیان ایتدیکی بو آیتدن مستفاد اولان فوائد جمله سیندندر.

**

واجب تعالی کافر لرك قرآنه اعتراضلرندن رسول اللهک شکایت ایتدیکنی بیان ایتک اوزره ﴿ وَقَالَ الرَّسُولُ يَا رَبِّ إِنَّ قَوْمِي اتَّخَذُوا هَذَا الْقُرْآنَ مَهْجُورًا ﴾ بیوریور . [رسول معظم « یاربی ! بنم قوم شو قرآنی متروک اتخاذا ایتدیلر » دیدی .] یعنی ؛ مکهلرک قرآنه شدتله اعتراضلرندن متأثر اولارق رسول الله « یاربی ! بنم قوم اولان مشرکلر شو انسانک سعادتی کافل اولان قرآنی متروک اتخاذا ایتدیلر و احکامه

اصلا التفات ایتدیلر و شانیه لایق اولما دق شیر اسناد ایتدیلر « دیمکه قومندن رب سینه شکایت ایتدی .

رسول اللهک بوشکایتک یوم قیامتده اولاجغنی بیان ایدنلر وار سده اصح اولان بو شکایت دنیاده واقع اولمشدر و آیتک لفظی ده شکایتک دنیاده وقوعه دلالت ایتدیکنندن فخر رازی دنیاده وقوعنی ترجیح ایتمشدر .

(مهجوراً) ترك اولونمسه معناسنه ایسه ده بو مقامده قرآنی دیکلمه مک و ایمانه ایتیم مک و ایمانمده عملمده اعراضه ایتیمک معناسنه در که « قرآنی او قوماز و او قویانی دیکله من » دیمکدر . رسول اللهک « بر کیمسه قرآنی تعلم ایدر و مصحف شریفی باشی اوزرینه طاقار قرائتی ترک ایدر سه قرآن یوم قیامتده او کیمسه دن جناب حقه شکایت ایدر » بیوردینی حضرت انس دن مرویدر . شو حالده قرآنی تعلم ایدن کیمسه نک تلاوته دوامی لازم اولدیغنه بو حدیث شریف دلالت ایتدیکی کی ترک ایتیمک جائز اولما دیغنه ده بو آیت دلالت ایدر .

**

واجب تعالی رسولنک بوشکایتی اوزرینه رسولنی تسلیه ایتیمک اوزره ﴿ وَكَذَلِكَ جَعَلْنَا لِكُلِّ نَبِيٍّ عَدُوًّا مِنَ الْجُحْرِمِينَ ﴾ بیوریور . [حبییم ! سکا دشمن خلق ایتدیکنم کی هر نبی ایچون مجرملردن دشمن خلق ایتدک. بناء علیه ؛ قریشک عداوته سن محزون اولما .]

﴿ وَكَفَىٰ بِرَبِّكَ هَادِيًا وَنَصِيرًا ﴾

[و ربك تعالی هدایت و نصرت جهندن سکا کافی کلدی .]

یعنی ؛ یا اکرم الرسل ! سنک قومکدن سکا دشمنلر اولوب کتابکی دیکله میوب ایمان ایتدکلری کی هر نبی ایچون بز کناهکار و مجرم اولانلردن دشمن خلق ایتدک . آنلر نبیلرینه سؤ ابدیه بولوندیلر و شریعتلرینه ایمان ایتدیلر و سوزلرینی دیکله مدیلر . شو حالده قومک قرآنی ترک و سکا عداوت ایتلمی ذاتک مخصوص بر حال دکلدر ، بلکه جمله

انبیاءك مبتلا اولدینی احوالندرد . بناء علیه ؛ سن قومك عداوتلرینه مبالات ایتمه . زیرا ؛ ربك تعالی مقصدکه ایصال ایدم جك یولی کوسترمکده و دینکه یار دیم ایتمکده و دشمنلر کدن انتقام آلمقده سکا کافیدر ، باشقه یار دیمجیه حاجت یوقدر .
فخر رازینک بیانی وجهله خیری و شری خالق ، الله تعالی اولدیغنه بو آیت دلالت ایدر . چونکه ؛ آیتده الله تعالی هر نبی ایچون دشمن خلق ایتدیکنی بیان بیورمشدر . انبیایه عداوت ایسه کفردر . شو حالده کفرک خالق ؛ الله تعالی اولدیغنی بیان ایتمشدر . زیرا ؛ مؤمن اراده سنی ایمانه صرف ایدنجه الله تعالی خیر محض اولان ایمانی خلق ایتدیکی کبی کافرلر اراده سنی کفره صرف ایدنجه شر محض اولان کفری دخی خلق ایدر . فقط اللهم خلقی عبدك اراده سنی صرف اوزره ترتب ایتدیکندن عبد مجبور اولماز والله تعالی خلق ایتدی دیبهرك مسئولیتدن ده قورتولماز . زیرا ؛ او کفری ، اراده سنی صرفله کسب ایدن کندیسیدر .

واجب تعالی قرآنه و رسولنک نبوته اعتراض ایدن مشرک لرنک شبهه لرندن بشنجیسی بیان ایتک اوزره ﴿ وَقَالَ الَّذِينَ كَفَرُوا لَوْلَا نُزِّلَ عَلَيْهِ الْقُرْآنُ جُمْلَةً وَّاحِدَةً ﴾ بیور بیور .
[کافرلر « کاشکه قرآن محمد ﷺ اوزرینه تورات و انجیل کبی بردن انزال اولونسه ایدی بزده ایمان ایدردک » دیدیلر .]

﴿ كَذَلِكَ لِنُثَبِّتَ بِهِ فُؤَادَكَ وَرَتَّلْنَاهُ تَرْتِيلاً ﴾

[حبییم ! بز قرآنی اقتضا ایتدکجه انزال ایتدک که قرآنله سنک قلبکی تقویه ایدم وسکا بز قرآنی کمال تائی و تدریج له تلاوت ایتدک که الفاظنده سهو اولماسون .]
یعنی ؛ کافرلر رسول الله نبوتنده و قرآنک وحی منزل اولدیغنده شبهه ایدم رک « قرآن طرف الهمیدن منزل دکلدرد . اکر طرف الهمیدن منزل اولسه ایدی تورات و انجیل کبی دفعة نازل اولوردی . زیرا ؛ عادت الهمیه کتابی دفعة انزال ایتمکدر .

چونکه ؛ تورآنی موسایه و انجیلی عیسیایه دفعة انزال ایتدی . کاشکه قرآن ده دفعة انزال اولونسه ایدی عادت الهمیه موافق اولور بزده ایمان ایدردک . زیرا ؛ شک ایدم جك برشی قالمازدی « دیدیلر . اهل شرکک بو شبهه لرینی رد و ابطال و رسولانی تسلیه ایتک اوزره جناب حق « حبییم ! سنک قلبکی تقویه و قرآنله تثبیت ایتک ایچون قرآنی اقتضا ایتدکجه متفرق صورتده آیت بآیت ، سوره بسوره انزال ایتدک که سزه حفظی قولای و بحسب الاقتضا انزال اولونمقله سزک نبوتکیزی تأیید زیاده اولسون . زیرا ؛ سنک حالک انبیاء سابقه نك حالته قیاس اولونماز . چونکه ؛ انبیاء سابقه نك امتلری اوقویوب یازمق بیلدکلرندن و کندیلری اوقویوب یازدکلرندن دفعة کتابی قرآنله امتلرینه تعلیمده کوجلاک چکمز لردی و سن اوقویوب یازمادیغک ایچون قرآنی سنک اوزریکه متفرق صورتده انزال ایتدی که حفظکده و امتک تبلیغده مشقت چکمیسه سک و بز قرآنی جبریل واسطه سیله آهسته آهسته تلاوت ایتدک که حروفاته رعایت اولونسون و الفاظنده خطا اولماسون . »

قرآنک متفرق صورتده انزال اولونومده دفعة انزال اولونماسی کیه حکمت ؛ فخر رازینک بیانی وجهله مکرور :

برنجیسی ؛ رسول الله ﷺ اتمی اولسیدر . چونکه ؛ اوقویوب یازمقله مشغول اولما یجه دفعة نزوله از برله مک صعوبتلی اولاجغندن واجب تعالی حبیینه قرآنی تلقی قولای اولمق و سهو و غلطدن محافظه ایتک ایچون متفرق صورتده انزال ایتمشدر .

ایکنجیسی ؛ دفعة نزوله اهتمامک آز اولسیدر . زیرا ؛ کتاب هر زمان یاننده بولوندیغندن ایجابنده مراجعت ایتک اوزره از برینه دقت اولونماز . حالبوکه شریعت صاحبک کتابی از برنده اولمق البته فضله بر مزیتدر .

اوچنجیسی ؛ دفعة نزوله خلوص اوزرینه عمل ایتک مشکل اولور . زیرا ؛ احکام الهمیه نك اکثریسی زمان جاهلییه ده الفت ایتدکلری عادتلرینک خلافت اولدیغندن دفعة عادتلرینک کلیسی ترک ایتک البته ناس اوزرینه آغیر اولاجنی جهته جناب حق قوللرینه مرحله تدریج صورتیه انزال ایتمشدر . چونکه ؛ متفرق صورتله کلن تکالیفی قبولده خلقه سهولت اولاجنی آشکاردر .

در دنجیسی ؛ بو آیتده بیان اولوندی و جهله متفرقه صورته کلامکده رسول الله
قلبك نفیر اولونمیسیر . چونکه ؛ جبریلی زمان زمان کورمسيله قلب نبویلی قوت
بولدی کبی تحمل ایتدیکی وحی الهی بی ادا ایتمکده قوی وجسور اولاجنی شهسزدر
وقومی طرفدن اذایه صبری ده زیاده اولور . زیرا ؛ آره صره جبریل امینی کورمکله متاتی
زیاده اولاجغنده شه یوقدر و اقتضای حاله وزمانه کوره احکامک کلسنده امتی نظرنده
نینک قدری تراید ایده جکی و کلن احکامه تدریجاً ایمان ایتمکله امتک چوغالمسند البته
قوت فضله و شریعتک انتشاری قولای اولاجنی دخی شهسزدر .

بشنجیسی ؛ متفرق صورته کلسنده هر آیت معجز اولونجه مجموعک معجز اولاجغنده
شهر اولاز .

التنجیسی ؛ قرآنک دفعه کوره نازل اولسند امتک بصیرتی زیاده اولور . زیرا ؛
احتیاج اوزره بولونان شیدک قلوب ناسده تأثیری و مزیتی زیاده اولاجنی شهسزدر .
یدنجیسی ؛ هر آیت کلامک معارضه متفرقه زماندرده غلبه ایتمی رسول الله ، بونونه
دنیا برلشدر و معارضه ایتدر غلبه ایدمه بکنه الطمنانه قلب حاصل اولمیسیر .

سکزنجیسی ؛ جبریل امینک منصب سفارتی اوزانمور واردر . اما قرآن بردن نازل
اولسه ایدی قرآندن صوکره وحی کلیه جکی جهته او منصب سفارته ختام ویرلش اولاجغندن
وحیک متفرق اولارق کلسی او منصبک اوزامسنه وسیله اولمشدر و آراق آراق وحی
الهیته کلسيله برکت الهیه نازل اولسی رحمت الهیه جمهسندن قوللرک مستفید اولدقلرنده
شه یوقدر .

بو آیتده قرآنک تجویدینه و حروفاته رطایتله ترتیلنه دقت لازم اولدیغنه اشارت
واردر . چونکه ترتیل ؛ آهسته آهسته کمال وقار و تانی اید برشیی حروفاته رعایت
اوقومقدور . جناب حقک جبریل واسطه سيله حیثی اوزرینه ترتیل ایتدیکنی بیان ؛
مؤمنلرک قرآنک تجویدینه و سجاوندینه دقت ایتلری واجب اولدیغنی بیان ایتمکدر .

**

واجب تعالی مشرکلرک شبهه لرینی بیاندن صوکره آنلرک هر زمان ایراد ایتدکلری
اعتراضلرینک بطلاتی بیان ایتک اوزره ﴿ وَلَا يَأْتُونَكَ بِمَثَلٍ إِلَّا جِئَاكَ بِالْحَقِّ
وَإَحْسَنَ تَفْسِيرًا ﴾ بیوریور .

[یا اکرم الرسل ! کافرلر سکا هانکی زمانده عناد اوزره قرآنی ابطال زعميله بر مثال
کتیرمزلر ، الا بز آنلرک معارضه لرینی رد ایدمه جک حقه مقارن و انواع دلائل اوزره
مشمئل بر مثال کتیریرزکه او مثال ؛ بیان و تفسیر جهتندن غایت کوزل و مقصده دلالت
جهتندن غایت قوتلی اولور .] بناء علیه ؛ هر نه زمان آنلر طرفندن سکا « شویه اولسه
ایدی ده اعلای اولوردی » دیهرک برشی طلبنده بولونورلرسه بز آندن ده اعلای برشیه
جواب ویریرزکه دائماً سن غالب اولاسک .

خلاصه ؛ کافرلر هر نه زمان قرآنه اعتراض صدندده بر مثال کتیرسهلر جناب
حقک ، آنلرک کتیردیکنندن زیاده بر مثال ایله آنلری الزام ایدمه جکی بو آیتدن مستفاد اولان
فوائد جمهسنددر .

**

واجب تعالی قرآنه اعتراض ایدنلر هر نه صورته مثال کتیرسهلر رسولنه ده اعلاسنی
ویره جکنی و معارضه لرینی الزام ایدمه جکنی بیاندن صوکره قرآنه اعتراض ایدنلرک آخرته
مکانلرینی بیان ایتک اوزره ﴿ الَّذِينَ يُحْشَرُونَ عَلَىٰ وُجُوهِهِمْ إِلَىٰ جَهَنَّمَ أُولَٰئِكَ
سَرُّ مَكَانًا وَأَضَلُّ سَبِيلًا ﴾ بیوریور .

[قرآنه اعتراض ایدنلر شول کیمسهلرکه آنلر جهنمه یوزلری اوزرینه حشر اولونورلر
کیدرلر . ایشه آنلرک واره جقلری مکانلری غایت شرر و طریقاری غایت خطا وضالنددر .]
یعنی ؛ رسول اللهک نبوته و قرآنه اعتراض ایدنلر شول کیمسهلرکه آنلر جهنمه
یوزلری اوزرینه سوق اولونورلر . زیرا ؛ دنیا ده کی کبر و غرور و عنادلرینه جزا اولارق
آخرته یوزلری اوزرینه سورونه جکلردر . ایشه آنلرک جهنمه یرلری آتش اولدیغنی

جهتله زیاده شر در . چونکه ؛ دنیاده کیتمش اولدقلری یوللری کفر اولدینی جهتله ضاللتک اک زیاده سیدر . بناء علیه ؛ اکر عین انصافله نظر ایتسه لر کرک نبوته و کرک قرآنه اصلا اعتراض ایتزلر ولکن آنلرده چشم انصاف یوقدر . بناء علیه ؛ اعتراضه جرأت ایدرلر .

فخر رازینک بیانی وجهله (ابوهریره) حضرتلرندن رسول اللهک « یوم قیامتده ناس اوچ صف اوزره حشر اولونور . برنجیسی ؛ حیوانه اوزرنده یئرلی کیمر . ایکنجیسی ؛ یابا اولورده بورور . اوچنجیسی ؛ یوزلری اوزرنده سورورور » بیوردینی مرویدر . ایشه بوحدیث شریفده بر قسم عاصیلرک یوزلری اوزرینه حشر اولونوب جهنمه کیده جکلرینه دلالت ایدر . « یوزلری اوزرینه نصل یورورلر ؟ » دنیلدیکنده رسول اللهک « آیقلری اوزرینه یورونمکه قادر اولان الله تعالی یوزلری اوزرینه دخی یورونمکه قادردر » بیوردینی ده مرویدر . بناء علیه ؛ ییلانک یوزی اوستنه یورودیکی کبی بر قسم انسانلرک یوزلری اوزرینه یورویه جکلری بوآیتدن مستفاد اولان فوائد جمله سنددر .

واجب تعالی هرنبی ایچون دشمن خلق ایتدیکنی اجمالاً بیاندنصکره بعضیلرینی تفصیل ایتمک اوزره ﴿ وَلَقَدْ اَتَيْنَا مُوسٰی الْكِتٰبَ وَجَعَلْنَا مَعَهُ اَخَاهُ هَارُونَ وَزِيْرًا ﴾ بیوریور .

[ذات الوهیمه یمین ایدرم که محقق بز قوللریمیزک احوالی اصلاحه کافی توراتی موسی علیه السلامه ویردک و موسی ایله برابر برادری هرونی وزیر یعنی معین قیلدق .]
﴿ فَقُلْنَا اذْهَبَا اِلَى الْقَوْمِ الَّذِيْنَ كَذَّبُوْا بِآيٰتِنَا ﴾

[بز آنلره « بزم آیتلریمیزی تکذیب ایدن قومه کیدک طریق حقه دعوت ایدک » دیدک .]

﴿ قَدْ مَرَّ نَاهُمْ تَدْمِيْرًا ﴾

[آنلر کیدوب دعوت ایدوب قوم فرعون دعوتلرینه اجابت ایتمیجه بز او قومی اهلاک ایدر کبی جهنمه اهلاک ایتدک .]

یعنی ؛ بز هرنبی ایچون بر دشمن خلق ایتدک . از جمله موسی ایچون فرعونی دشمن قیلدق . چونکه ؛ بز عظیم الشان موسی علیه السلامه قوللریمیزک احواله کافی احکامی جامع توراتی محقق ویردک و قوللریمیزه تبلیغی امر ایتدک و موسی ایله برابر برادری هرور علیه السلامی آکا معین قیلدق که دینی ترویج و کتابی تبلیغ خصوصنده برادرینه یاردم ایتسون و اعلاء کلمه اللهی و دین موسایی نشر و تعمیمده برابر حرکت ایدرک یکدیگرینه معاونت ایتسونلر و بربرینه قوه الظاهر اولسونلر . بناء علیه ؛ بز آنلره « شول بر قومه رسول اولارق کیدک که او قوم بزم آیتلریمیزی تکذیب ایتدیلر و طریق حقدن چیقیدیلر . آنلره رسالتی تبلیغ و طریق حقه دعوت ایدک » دیدک .

موسی و برادری هرور علیهما السلام کیتدیلر . امرمن وجه اوزره دعوت ایتدیلر ولکن فرعون و قومی طریق حق قبولدن و دعوته اجابتدن امتناع و ثروتلرینه و قوتلرینه مغرور اولارق استهزا و استخفاف ایتدیلر . بناء علیه ؛ بزده آنلری اهلاک ایتدک ، حتی بر یوزنده آنلردن بر فرد بیله قالمادی جمله سی خاک هلاک سرلیدیلر .

فخر رازینک بیانی وجهله بوآیتده حضرت هرورک برادرینه وزیر اولدیغنی بیان ؛ دیگر آیتده نبی اولدیغنی بیانه منافی دکلدر . زیرا ؛ وزارتله نبوت بیننده منافات یوقدر . چونکه ؛ حضرت هرور نفسنده نبی اولدیغنی کبی امر تبلیغده برادرینه معین و ظهیر اولدیغنی جهتله آنک وزیری در .

تدمیر ؛ عجیب برصورتمه اهموک ایتمکر . فرعونک و قومک اوقدر قوت و شوکتلری و بنی اسرائیلک آنلرک نظرنده سینک قدر اهمیتلری اولمادیغنی حالده بر قوشلقده فرعون و عسکرینک دکره غرق اولمسیله بنی اسرائیلک ساحه سلامتیه چیقویورمسی و فرعون حکومتک محو و منقرض اولمسی و علمده اثری قالمایوب بر خیالاتدن عبارت اولیویورمسی جداً غریب برشی اولدیغنه اشارت ایچون جناب حق آنلرک اهلاک کندن غرابت معناسنی مشعر اولان تدمیر ایله تعبیر ایتمش و فرعون کبی جبارده نبی و قوتنه استناد ایدرک ظلم و تعدی بی عادت ایدنلری عبرته دعوت ایتمشدرکه هرکس بو عجیب وقعینی دائماً کوزی اوکنده طوتسون و کنندینک غضب الهیدن قورتولامیه جغنی بیلسون و خط حرکتی اکا کوره تعیین ایتسون .

خلاصه؛ جناب حقك حضرت موسايه توراتی ویردیکی و برادرینی کندینه وزیر قیلدینی و آیتلرینی تکذیب ایدن قوم فرعونه کیدك حقه دعوت ایدك دیدیکی و آنلرك کیدوب دعوت ایدوب دعوته اجابت ایتدکری و عاقبت خاطر و خیاله کلدك عجیب بر صورتده اهلاک ایتدیکی بو آیتدن مستفاد اولان فوائد جمله سنددر .

واجب تعالی حضرت موسایک دشمنی اولان فرعونی اهلاک ایتدیکنی بیاندنصکره حضرت نوحك دشمنلرینی اهلاک ایتدیکنی بیان ایتك اوزره ﴿وَقَوْمُ نُوحٍ لَّمَّا كَذَّبُوا الرُّسُلَ أَغْرَقْنَاهُمْ وَجَعَلْنَاهُمْ لِلنَّاسِ آيَةً﴾ بیوریور .

[قوم نوح رسل کرامی تکذیب ایتدکری زمان بز آنلری طوفانه غرق ایتدك و عبرت آلمق شانندن اولان ناسه بز آنلرك هلاک کیرینی علامت قیلدك که آنلرك اهلاک نه نظر ایدرك اومثللو جنایاتی ارتکاب ایتکدن امتناع ایتسونلر .]

﴿وَأَعْتَدْنَا لِلظَّالِمِينَ عَذَابًا أَلِيمًا﴾

[و بز قوم نوح کبی رسوللریمزى تکذیب ایدن ظالملر ایچون آجیدیجی عذابى حاضرلادق .]

بیضاوی و خازنك بیانلری وجهله قوم نوح یالکمز نوح علیه السلامی تکذیب ایتمشلرسده رسل کرامدن برینی تکذیب جمیعسنی تکذیب مقامنده اولدیغندن رسل لفظی جمع صورتنده وارد اولمشدر . یا ضور فخر رازینك بیانی وجهله قوم نوح نبوتی و رسالتی بالکلیه انکارایدن براهمه طائفه سندن اولدقلری جهتله رسوللرك کلیسنی تکذیب ایتدکرینه بناء رسل لفظی جمع صورتنده وارد اولمشدر . آنلرك رسوللرینی تکذیبلری سببیه هلاک اولملری جمیع ناسه علامت قیلدیلرکه رسولنی تکذیب ایدن هر قوم کندینك فلاح بولامیه جغنی بیلسون و قوم نوحدن عبرت آلسون . زیرا رسولی تکذیب؛ بر قومك هلاک نه سبب اولونجه هر قومك هلاک نه سبب اولاجغنده شبهه یوقدر . چونکه بر حکمه علت و سبب اولان شی؛ هر یرده او حکمه علت و سبب اولور . بناء علیه مادام که

رسولی تکذیب؛ قوم نوحك هلاک نه سبب اولدی . هر قومك هلاک نه سبب اولاجغنده ده تردده محل یوقدر . یالکمز دنیا ده هلاکله قالمایوب آخرتده دخی معذب اولاجقلری بیان اولونمشدر . قوم نوحك کفر و طغیانده حدینی تجاوز ایتدکرینی بیان ایچون جناب حق ظالم اولدقلرینی تصریح ایدرك ظلملرینی عالمه اعلان ضمتنده ضمیر موضعنده اسم ظاهر اوله رق (للظالمين) لفظنی ایراد بیورمشدر . چونکه ؛ (واعتدنا للظالمين) یرنده (واعتدنا لهم) « قوم نوح ایچون بز عذابى حاضرلادق » دنیلسه اولابیلیردی ولکن عذابلرینك سببی اولان ظلملری تصریح اولونماش اولوردی بو وسیله ایله جمله ظالملرك عاقبتلرینك عذاب اولاجغنی دخی تصریح اولونمشدر .

واجب تعالی قوم نوحك دنیا ده غرق اولوندقلرینی و آخرتده ظلملرندن ناشی عذابلری حاضرلاندیغنی بیانله رسولنی تسلیه ایتدیکنی کبی عاد و ثمود کبی ام سالفه دن هلاک اولانلرك بعضیلرینی دخی بیانله رسولنی تسلیه ایتك اوزره ﴿وَعَادًا وَثَمُودَ وَأَصْحَابَ الرَّسِّ وَقُرُونًا بَيْنَ ذَلِكَ كَثِيرًا﴾ بیوریور .

[بز عاد و ثمود و اصحاب رسی و بونلرك آره سنده برچوق قوملری اهلاک ایتدك .]

﴿وَكُلًّا ضَرَبْنَاهُ الْأَمْثَالَ﴾

[و او قوملردن هر بری ایچون برر مثالده بیان ایتدك .]

﴿وَكُلًّا تَبَّرْنَا تَتْبِيرًا﴾

[و آنلردن هر برلرینك اجزالرینی عذاب صورتیه طاعتدق .]

یعنی؛ قوم نوحی اهلاک ایتدیکمز کبی عاد و ثمود و رس دینلن مملکت اهالیسنی و بونلرك آره سنده نیلرینی تکذیب ایدن بر چوق امتلری و عاصی ملتلی اهلاک ایتدك و بونلردن هر بری ایچون بر طاقم عجیب قصه لر و مثاللر بیان ایتدك که هر که عبرت اولسون و آنلرك هلاکلرینك سبیلرینی آکلاتدق و هر برلرینك حاللرینه و زمانلرینه موافق و حکمتیزه مطابق قوانین شرعیه وضع ایتدك . آنلرك جمله سنی تکذیب ایتدیلر و اطاعتدن چیقیدیلر .

بناءً عليه ؛ آنلردن هر برينك اجزالريني تفريق ايتك صورتيله اهلاک ايتدک که هيچ بر فرد قالمادی کره عالمدن اسملری سيلندی .

(اصحاب الرس) رس ؛ بر قورمورده . بيضاوينك ونعمت الله وابوالسعود ايتديلك بيانلری وجهله بو قويونك باشنده بولونان اهالی اصحاب مواشیدن اهل ثروت اولوب بوتلره عبادت ايتدکلرندن طرف السهيدن طريق توحيد دعوت ايچون شعیب عليه السلام آنلره رسول کلدی ، فقط ايمان ايتديلر . جناب حق اولو قويولرينك صولريني قوروتدی ، صکره کندیلريني زلزله ايله يره باتيردی . ياخود رس ؛ بماء مهترنده بر بلده نك اسمير . او قريه ده نمود قومك بقيه سي بولونوردی . الله تعالى آنلره برني کوندردی ، قتل ايتديلر . جناب حق ده آنلری هلاک ايتدی . اصحاب رسك کيملر اولديغنه دائر بر چوق روايت وار ايسه ده ذکرينه حاجت کورولمه مشدر . چونکه مقصد ؛ نييلريني تکذيب ايدنلرک عصيانلری سبيله هلاک اولدقلريني بيان وقرآنده ذکر ايله امت محمدي عبرت وانصافه دعوتدر وبومقصد ؛ عصيانك هلاک سبب اولديغنی بيانله حاصلدر . اما هلاک اولان ملت هانكي ملت واصحاب رس کيم اولورسه اولسون عصيانلری سبيله اصحاب رسك اهلاکي قطعيدر ومقصوده بونی بيان ايتمکدرکه عاصی اولان کيمسه لری انتباهه دعوتدر .

(تتيراً) بيضاوينك بياني وجهله طاغيتمق وپريشان ايتك صورتيله اهلاک ايتدکدره شو حالده بونلرک هر برني طاغيتمق وپريشان ايتك صورتيله اهلاک ايتديکني بيانله جناب حق عذابلرينك شدته اشارت ايتمشدر .

واجب تعالى مشهور ملتلك غیری نييلريني تکذيبله اهلاک اولونان بر چوق ملتلك اولديغنه و آنلرک عدديني کندیندن غیری بيلن اولماديغنه اشارت ايچون قرونی مطلق ذکر ايتديکي کي کترله دخی توصيف ايتمشدر .

واجب تعالى ام سالفه نك هلاکني بيانله رسولني تسليه ايتديکي کي اول چکن ملتلك خرابه لريني کوردکلری حالده قريش ملتلك عبرت آلامدقلريني بيانله توبيخ ايتك اوزره

﴿ وَلَقَدْ آتَوْنَا عَلَى الْقَرْيَةِ الَّتِي أَمُطِرَتْ مَطَرًا سَوًّا ﴾ بيوريور

[ذات الوهيتمه يمين ايدرم که قريش قومی کوتو ياغمورلر یعنی طاش ياغديريلان قريه اوزرينه محقق کلدیلر .]

﴿ أَفَلَمْ يَكُونُوا يَرَوْنَهَا ﴾

[آنلر او قريه خرابه لرينه نظر ايدرلرده کورمديلرمي ؛ البته او خرابه لری کوردیلر و هانكي ملتک خرابه سي اولديغنی بيلديلر .]

﴿ بَلْ كَانُوا لَا يَزِجُونُ شُورًا ﴾

[بلکه قبرلرندن ديريلوب قالقه جقلرينه اميد ايتزلر . بناءً عليه ؛ او خرابه لردن ده عبرت آمازلر .]

يعنی ؛ قريش قومی قسوت قلبك ورسول الله بغض وعداوتك نهايه سنه وارمشلردی . زیرا ؛ آنلر شام جهته تجارت ايچون سنه ده بر قاچ دفعه سفرلرنده لوط عليه السلام قومك خرابه لری اوزرينه کلدیلرکه او قريه جناب حق طاش ياغديرمقله آنلری اهلاک ايتمشدی . قريش قومی سنه ده بر قاچ دفعه کوردکلری حالده قبلرينه اصلا رقت کلدیکی کي سبب هلاکلريني تحری ايدوب اصلا متنبه ده اولمادیلر . بلکه آنلر قيامتی و قبرلرندن قالقه جقلريني اميد ايتزلرکه متنبه اولسونلر . چونکه ؛ انسانك تکاليفك مشقته تحمل ايتمی آخرت قورقوسنه بناءً در . شو حالده آخرته ايمان ايتمين بوقدر کلفتی اختيار ايتز .

بيضاوينك بياني وجهله قريه ايله مراد ؛ قريه سدوم که لوط عليه السلام قومك قريه سمير . (مطرا السوء) ايله مراد ؛ اوقريه اهالي سي اوزرينه ياغانه طاشنه ياغموردره . قريش قومك شام يولی اوزرنده هر زمان مرور وعبورلرنده آنلرک خرابه لريني کوروب عبرت آلامدقلرندن تعيب اولونمشلردر . چونکه ؛ بوکي خرابه لردن عبرت آلمان کيمسه لر هر زمان تعيبه شايندرلر .

واجب تعالى مشرکلك رسولني تکذيبه اصرارلريني وامرنبوتده شبهه لريني وشبهه لرينه جوابلريني بيانلنصکره بالکز تکذيبله اکتفا ايتمه بوب رسول الله استهزاه قدر جرأت

ایتدکری بیان ایتک اوزره ﴿وَإِذَا رَأَوْكَ أَنْ يَخْبُذُونَكَ إِلَّا هُزُوا﴾ بیوریوره
[حییم! او مشرکرسنی کوردکلرنده سنی اتخاذا ایتزلر، آنجق استهزایه محل اتخاذا
ایدرلر.]

﴿أَهَذَا الَّذِي بَعَثَ اللَّهُ رَسُولًا﴾

[ودرلرکه «شومیدر شول کیمسه که الله تعالی آتی رسول کوندردی؟»]

﴿إِنْ كَادَ لَيُضِلُّنَا عَنْ آلِهَتِنَا لَوْلَا أَنْ صَبَرْنَا عَلَيْهَا﴾

[«اگر معبودلریمیزک عبادتلی اوزرینه صبرایتمه مش اولسه ایدک آز قالدی معبودلریمیزه
عبادتدن بزی اورسول اضلال ایده جکدی» دیمکه دین باطللرنده نباتله افتخار ایدرلر.]
یعنی؛ یا اکرم الرسل! مشرکرسنی کوردکلرنده حقیکده سوز سویله مزلر. آنجق
سنی استهزایه واستخفافه دلالت ایده جک سوزلری سویلرلر و شان نبویه لایق اولمادق
حقارتی آکدیرر معامله اتخاذا ایدرلر ودرلرکه «شونبوت دعواسنده بولونان کیمسه بی می
الله تعالی رسول کوندردی. یعنی رسول اولان واللهک رسالتله کوندردیکی شومیدر؟ اگر
بزی معبودلریمیزک عبادتلی اوزرینه صبر و متانت ایتمه مش اولساق معبودلریمیزک عبادتدن
هان همان بزی البته اضلال ایده جکدی و اضلال ایتمه یا قلاشدی» دیمکه هم سنی استخفاف
هم ده کندی دین باطللرنده عناد ایتدکری بیانله افتخار ایدرلر.

واجب تعالی کفار قریشک کمال عناد و جهالتلری بیان ایتمیشدر. چونکه؛
فخر ازینک بیانی وجهله بر کیمسه بی استهزا؛ ایکی شیدر اولور: برنجیسی؛ صورتمر.
رسول اللهک صورتی ایسه آنلرک صورتلرندن هر جهته کوزل اولدینی کبی رسول الله صورتیه
آنلردن تمیز دعواسنده بولونمادی، بلکه قوه قدسیه و دلائل جهتدن تمیز دعواسند بولوندی.
ایکنجیسی؛ صفت مهترمه اولور. رسول اللهک صفقی ایسه معجزه اظهار ایتمه که نبوت
دعواسنده بولونمقده در. آنلر ایسه معجزه به معارضه دن عاجز قالدیلر. عاجزک شانی ایسه
اوتانمقده، یوقسه استهزا دکدر. شوخالده استهزایه وسیله اولاجق برشی اولمادینی حالده
استهزایه جرأت؛ مجرد عناد و جهالتدر.

مشرکمر معبودلرینه صوک درجه تعظیم ایتدکلرندن رسول اللهک معبودلرینک بطلاتی
بیانده سعینی کندی زعملرنجه اضلال عد ایتدکری جهته «اگر بز صبر ایتمه مش اولسه
ایدک آز قالدی اضلال ایتمه یا قلاشمش ایدک» دیدیلر و بوسوزلری رسول اللهک آنلری دین
حقه دعوت ایتمکه جوق سعی ایتدیکنه دلالت ایدر.

واجب تعالی مشرکمرک رسولنی استهزا ایتدکری بیانده نصکره آنلرک مذهبلی اوج
وجهله ابطال و تزییف ایتک اوزره ﴿وَسَوْفَ يَعْلَمُونَ حِينَ يَرَوْنَ الْعَذَابَ مَنْ
أَضَلُّ سَبِيلًا﴾ بیوریور.

[مشرکمر عذابی کوردکری زمان مذهب جهتدن زیاده ضلالتده اولان کیم اولدینی
یقینه بیلرلر.]

﴿أَرَأَيْتَ مَنْ اتَّخَذَ إِلَهَهُ هَوَاهُ﴾

[خبر ویر حییم! کندی هوا و هوسنی معبود اتخاذا ایدن کیمسه بی سن کوردکی؟]

﴿أَفَأَنْتَ تَكُونُ عَلَيْهِ وَكِيلًا﴾

[سن آتی دین حقه دعوتده سعی ایدرسکده سن آنک اوزرینه وکیل اولابیلیرمیسک
وطریق حقه هدایتده قیلابیلیرمیسک و سن آتی دین باطلدن منع ایده بیلیرمیسک!]

﴿أَمْ تَحْسَبُ أَنَّ أَكْثَرَهُمْ يَسْمَعُونَ أَوْ يَعْقِلُونَ﴾

[بلکه حییم! سن آنلرک اکثریسی ایشیتیر و یا خود ایشیتدکری تعقل ایدرد و شونور
ظن ایدرسک.]

﴿إِنْ هُمْ إِلَّا كَالْأَنْعَامِ بَلْ هُمْ أَضَلُّ سَبِيلًا﴾

[حالبوکه آنلر اولمادی، الا بهایم کیدرلر، بلکه طریق جهتدن بهایمندن ده

زیاده ضلالتده درلر . [زیرا ؛ بهایم اوتلایه جنی مرهانی بیلیر قارنی طویاجق ومنفعت کوره جکی یره کیدر وعلفی ویرن صاحبی بیلیر آکا اقیاد ایدر .
یعنی ؛ یا اکرم الرسل ! سن آنلرک استهزالرینه محزون اولما . زیرا ؛ آنلر قورتولمق ممکن اولمایان عذاب جهنمی کوردکلرنده ضلالتده زیاده اولان کیملر اولدیغنی البته بیلیرلر و او زمان دنیاده یاپدقلری معامله لرینه ندامت ایدرلر ، فقط فائده ایتمز . آنلر سنک اضلال ایده جکندن بخت ایدرلر ، حالبوکه کنیدلرینک مذهبیلری عین ضلالت اولدیغنی میدانه چیقار . حییم ؛ سن شهوات نفسانیه سنی کنیدینه معبود اتخاذا کیمسه بی کوردکمی ؟ اوشخص لئیم اللهه عبادت ایدر کی نفسنه عبادت ایدوب دینی آرزوسنه بنا ایده رک خالقنه عبادتی ترک ایدرسه آنلر حق دویماز و طوغرو یوله کیتمز و دلائل قطعیه بی کورمز .
ای رسول ذی شان ! سن آنلرک شو حاللرینی کورورده نفسی معبود اتخاذا ایدن کیمسلر اوزرینه وکیل اولورمیسک و آنلری شرکدن وسفی استهزادن وسائر کناهلردن منع ایده بیایرمیسک و آنلره بکجی اولابیلیرمیسک ؛ هیچ برینه قادر اولامازسک . زیرا ؛ آنلر نفسلرینک کوله سی اولدقلرندن هوا وهوسلرینه تبعیتدن واز کچه مزلر . بناء علیه ؛ سن آنلرک بو حاللرینه محزون اولما . یوقسه آنلرک اکثریسی ایشیتیر وایشیتدیکنی دوشونورمی ظن ایدرسک ؛ آنلر اولمادی ، آنجق بهایم کیدرلر ، بلکه طریق جهتدن بهایمدن دها آشاغیدرلر . زیرا ؛ ضلالتلری بهایمدن زیاده در . چونکه بهایم ؛ صاحبنه اطاعت ایدر . بونلر ایسه وجودلرینی و رزقلرینی ویرن خالقلرینه اطاعت ایتمزلر و نفسلرینک آرزوسنی خالقلرینک عبادتی اوزرینه ترجیح ایدرلر . بناء علیه ؛ مشرککلرک حاللری بهایمدن چوق آشاغیدر . چونکه بهایم ؛ منفعت ومضررتی بیلیر بونلر ایسه اصلا منفعت ومضررت بیلیمزلر . بهایم اعتقاد حق بیلیمزسه ده باطلی اعتقادده ایتمز .
جناب حق بو آیتده نفسنه تبعیتله طریق حقدن چیقانلری صوک درجه ذم ایتمشدر . چونکه ؛ ابوالسعود افندینک بیانی وجهله (آرایت) لفظنده همزه تعجب معناسنی افاده ایدر . زیرا ؛ کافرلرک رسول اللهه واقع اولان استهزا کی جنایتلرینی بیاندنصکره رسول اللهی آنلرک بو عجیب حاللرندن تعجبه سوق ایتمش و بونلرک بو حاللرینی کورمک و تعجب ایتمک واجب منزلنده اولدیغنه دخی تنبیه ایتمشدر . (أفانت) ده بولونان همزه

استفهام نظر بر . بوکا نظراً معنای آیت : [حییم ؛ باق بونلرک حاللرینی کور و آندن تعجب ایت . زیرا سن ؛ بونلری شرکدن منع ایده جک وکیللری دکلسک . چونکه ؛ وظیفه ک تبلیغدر . آنلرک وظیفه لری ؛ اراده لرینی صرفله تکلیفی قبول ایتمکدر . حالبوکه هوا وهوسلری قبوله مانعدر] دیمک اولور .

ایشته زمانزده هوالرینه تابع اولوب احکام شرعیه بی کنیدی نفسلرینک آرزوسنه اویدورمق وشهوات نفسانیه لرینه موافق تأویل ایله حکم شرعی بی آئنده اویونجاق ایتمک ایستینلرده بو آیتک ذم ایتمدیکی کیمسه لردندر . چونکه ؛ نفسلرینک کوله سی اولمقده و نفسلرینک آرزوسنه مخالف اولان احکامی قبول ایتمه مکده زمان سعادتده اعتراض ایدنلرله شیمدیکلر بیتنده فرق یوقدر . زیرا آیت ؛ آنلره فصل شامل ایسه بونلره ده اویله جه شاملدر .

فخر رازی و خازنک بیانلرینه نظراً هوا وهوسله مراد ؛ انسانک باطل اولور . تبعیت ایتمیکی شیدر . حتی (سعید بن جبیر) ک « مشرککلردن بریسی طاشدن معمول پوته عبادت ایدرکن آندن دها کوزل برینی بولدیغنده اولکفی ترک ایده رک ایکنجی به عبادته باشلار و بو حال اوزره برچوق معبودلر دکیشدیرر طورور . بو حال تعجب اولونمیه جق برحقاقت دکلددر . رسول اللهه اتباع ایتمککلری رسول اللهک تکلیفی هوالرینه مخالف اولدیغنددر » بیوردینی مرویدر .

فخر رازی ، خازن و مدارکک بیانلری وجهله مشرککلری اوچنجی آیتده ذم اولکیلردن دهاشدتلیدر . زیرا ؛ عنادلرندن حق ایشیتمز وایشیتدکلرینی ده تفکر ایدوب دوشونمزلر . بناء علیه ؛ کمال غفلت و ضلالتده ضرب مثل اولان بهایمه تشبیه دنصکره بهایمدن دها آشاغی اولدقلری بیان اولونمشدر . شو حالده بوندن دها زیاده برذم اولاماز .

بیضاوینک بیانی وجهله بونلردن بعضیلری حق ایشیدوب و تفکر ایدوب ایمان ایتمککلرینه اشارت ایچون اکثریسنک ایشیتمدکلری بیان اولونمشدر که بعضیلرینک ایشیدوب حق قبول ایتمککلرینی بیانددر .

خلاصه ؛ رسول اللهه « آزالدی دینمز اوزرینه صبر ایتمسه ایدک بزى اضلال ایده جکدی » دییه نلرک جهنم عذابی کوردکلرنده ضلالتده زیاده اولان کیم اولدیغنی بیله جکلری و مشرککلرک کنیدی هوا وهوسلرینی معبود اتخاذا ایتمککلری و رسول اللهک

شرکدن آنلری منعه وکیل اولمادینی و آنلردن اکثریسی حق ایشیتمز و تفکر ایتمز بهایمندن دها آشاغی اولدقلری بوآیتدن مستفاد اولان فوائد جمله سندندر .

واجب تعالی حقندن اعراض ایدنلرک جهللری و مذهبیرینک فسادینی بیان ایتدیکی کبی صانعک وجودینه و قدرته دلالت ایدن دلیللری بیان ایتک اوزره ﴿ اَلَمْ تَرَ اِلٰی رَبِّكَ کَیْفَ مَدَّ الظِّلَّ وَلَوْ شَاءَ لَجَعَلَهُ سَاکِنًا ﴾ بیوریور .

[حبییم ! کورمدکی و نظرایدوب باقادیکی صانع تعالی نک صنعنه و قدرته، کولکبی نصل اوزاندی؟ زیرا؛ کونشک طلوع زمانی هرشیک کولکسی نقدر اوزون و اووقت نه قدر لطیف اولور و اگر ربک تعالی دیله مش اولسه ایدی کولکبی ساکن قیلار اصلاً حرکت ایتدیرمزدی و لکن کولکک نک دائماً برقرار اوزره طورمسی دیله مدی .]

﴿ ثُمَّ جَعَلْنَا الشَّمْسَ عَلَیْهِ دَلِیْلًا ﴾

[کولکبی اوزاندقنصره بز عظیم الشان کونشی کولک اوزرینه دلیل قیلدق . چونکه؛ کونش کلسه کولک بیلنمز .] نور کلهنج قارا کلک بیلنمدیکی کبی هرشی ضدیله بیلنیر .

﴿ ثُمَّ قَبَضْنَاهُ اِلَیْنَا قَبْضًا یَسِیْرًا ﴾

[کونش کلد کدنصره بز کولکبی آزیجق آزیجق اخذ ایدر طوبارلار و کونش یوکسلدکجه کولک طوبلانیر حتی تدریجاً و تماماً زائل اولور و صکره کونش غرب جهته دونونجه کولک آزار آزار میدانه کلیر و ایسته دیکمز محله دوندورورز . ایسته بونلرک جمله سی ربک تعالی نک قدرته دلالت ایدر آجیق دلیللردر .]

فخر رازینک بیانی وجهله بوآیتده کولکک ایلهر مراد؛ شفق ایلر کونش طوغمه آره سنده موجود اولانه کولککدر . آنک نعمت اولسی؛ کیجه نک قاراندنی ایلر کوندوزک ضیاسی آره سنده بر حال لطیف اولمسیدر . چونکه ظلمت؛ طبیعتک نفرت ایتدیکی برشی

اولدینی کبی کونشک ضیاسی ده کوزلری قاشدیرر و حرارتی صیقینی ویرر . اما کولککده بونک ایکسی ده اولمادیغندن کولکک احوالک جمله سنک اطیبیدر . بنا علیه؛ جتنده دائماً کولکک اولاجنی دیکر آیتلرده بیان اولونمشدر . کولکک نک عالمی احاطه سنده اسباب عادیه نک مدخلی اولمایوب آنجق مؤثر؛ واجب الوجودک مشیق اولدیغه تنیه ایچون (ولوشاء) جمله سی جمله معترسه اولارق وارد اولدینی روح الیان صاحبک جمله بیاناتندندر . (قبضاه) بز کولککبی مزیداً ازاله ایتک دیمکدر . (الینا) لفظیله کولککبی ایجاد و محو و ازاله ایدنک آنجق واجب الوجود اولدیغه و کونشله زائل اولدقن صکره تکرار وجودبولسی و کونشی یوکسلتمکله کولکک نک آزالسی و جناب حقک ایسته دیکجهته دوندورمسی خالقک وجودینه و قدرته دلیل اولوب هر مکلفک بومتللو دلیللرله صانعک وجودینه استدلال ایتسی واجب اولدینی بو آیتله بیان اولونمشدر . چونکه کولکک؛ عالم جمله سندن اولوب حادث و تبدل و تغیره معروض اولدیغندن البته بر صانعک وجودینه دلالت ایدر . زیرا؛ کونش کلوب یر یوزندن کولکک زائل اولونجه بوتون دنیاده اولان انسانلر طوبالانسلر و چالیشسلر صبحا و قنده اولان کولکک نک بر ذره سنی اعاده و ایجاد ایده منزلر . شو حالده عقلی اولان کیمسلر ایچون البته بونک موجدینی و مؤثرک کیم اولدینی آرامق و ائردن مؤثره استدلال طریقله صانعک وجودینه استدلال ایتک لازمدر . بوآیتده خطاب؛ ظاهرده هر نه قدر رسول الله ایسه ده حقیقته جمیع مکلفینه راجعدر .

واجب تعالی خالقک وجودینه دلالت ایدن دلیللردن ایکنجی بی ذکر ایتک اوزره ﴿ وَهُوَ الَّذِیْ جَعَلَ لَکُمُ النَّیْلَ لِبَاسًا وَالنَّوْمَ سُبَاتًا وَجَعَلَ النَّهَارَ نَشُورًا ﴾ بیوریور

[الله تعالی شول ذات لطیف در که اوزات کیجه بی سزک ایچون لباس منزله و او یقوی راحت قیلدی و کوندوزی ده معاشکزی تحصیل ایچون طاغیلاجفکز زمان قیلدی که معیشتکزی کسب ایچون کوجلک چکمی سکز .]

یعنی؛ الله تعالی شول واحد حقیقیدر که کال لطفندن سزک ایچون کیجه بی سزی

ستر ایدن لباسکنز کبی قیلدی که کیجه نك قارائنگنك هر طرفکزی احاطه سی سبیلله بر طرفه
کیده میوب راحت ایده سکنز و اویقوی سزه عین راحت قیلدی که دماغکنز و اعضالریکنز
دیگه نكکه عبادت و معیشتکنز خصوصنده لایقيله چالیشاسکنز و کوندوزی بر یوزنده
انتشارکنزه وسیله قیلدی که هر امورکنزی یوليله تسویه ایده سکنز .
کیم نك ظمعی البسه کبی انسانی ستر ایتربکنده کیجه لباس تشبیه اولونمشدر . اما کیجه نك
ستری؛ لباس مرتبه سنده اولامادیغندن کیجه نمازلرنده ستر عورت ایچون البسه لازمدر .
زیرا نماز خصوصنده ظلمت؛ البسه وظیفه سنی ایفا ایده من .
بیضاوینك بیانی وجهله اویقو اولومه و اویقودن اویانمق حشره بر نمونه در . زیرا ؛
انسان اویقو ایله یاتاغه کیرمک و اویانوب یاتاقدن قالمق اولوب قبره کیرمه نك و قیامت
اولوب قبردن قالمق عیندر . بناء علیه؛ بونلرله متنبه اولمق لازمدر . ایشه شو اساسه
بناء لقمان حکیم اوغلونه نصیحتنده « ای اوغلو ! اویودیغك کبی اویانیرسك .
کذلك اولدیك کبی قبر کدن قالمق سكر » دیمشدر که اویقو ایله اویقودن اویانمك اولومه
حشره بر نمونه اولدیغنه اشارت ایتمشدر .

**

واجب تعالی خالقك وجودینه دیگر دلیلی بیان ایتك اوزره ﴿ وَهُوَ الَّذِي أَرْسَلَ
الرِّيَّاحَ بَشَرًا بَيْنَ يَدَيْ رَحْمَتِهِ ﴾ بیوریور .

[الله تعالی شول ذات در که یاغمورك اولنده مزده جی اولارق روزکارلری کوندردر .]
﴿ وَأَنْزَلْنَا مِنَ السَّمَاءِ مَاءً طَهُورًا * لِنُخْرِجَ بِهِ بَلْدَةً مَّيْتًا وَنُسْقِيَهُ مِمَّا خَلَقْنَا
أَنْعَامًا وَأَنْهَیْ كَثِيرًا ﴾

[و بز سما جانبدن تمیز صوی ایزال ایدرز که اوصو سبیلله بلده میتی احیا وخلق
ایتدیکنز حیوانلری و بر چوق انسانلری صولایلم .]
یعنی ؛ الله تعالی شول ذات اجل واعدلدر که یاغمورك اولنده قوللری تبشیر ایدر

اولدینی حالده روزکارلری کوندرمکله مسرور ایدر . بناء علیه؛ روزکارك خلق اولونسی
واسته دیکی محله کوندرلمسی خالقك وجودینه آجیق بر دلیدر و بز عظیم الشان کمال قدرتمزله
سما جانبدن غایت طاهر صوی اولمش میته منزلنده اولان قورومش بلده لری احیا ایتك
وحیوانلری و چوق انسانلری صولامق ایچون ایزال ایتك که انسانلر بونعمترلرله وجود
خالقه استدلال ایتسونلر و بونعمتلك شکرینی ادا ایله اجر و ثوابته نائل اولسونلر .
بیضاوینك بیانی وجهله یاغمور صوی ایله هر نوع طهارت جائز اولدیغنه اشارت
ایچون (طهوراً) مبالغه صورتنده وارد اولمشدر . چونکه طهوراً ؛ نفسنه صوبك
کندی طاهر اولدینی کبی غیر یازی ده نظیر ایدر دیمکدر .

بوآیتده رحمت صوینك ایکی مهتره منفعی بیان اولونمشدر : برنجیسی ؛ بر یوزینی
امیا و نباتات آنکله حاصل اولمیسر . ایکنجیسی ؛ حیواناتمه و انسانلرله اکثرینك
یاغمور صوبك صولانمیسر . فقط انسانك و حیوانات سائره نك حیاتلرینه خادم اولان قورومش
بلده لرك نباتله احیاسی اولدیغندن رحمت صوینك منفعتی بیانده اولمش بلده بی احیاسی تقدیم
وانسانلرك و حیوانلرك بر قسمی نهرلروپیکارلردن صولاندقلری ایچون اکثرینك رحمت
صوی ایله صولاندینی بیان اولونمشدر . چونکه ؛ رحمت صوی ایله ادامه حیات ایدنلر
بادیه ده خیمه نشین اولان انسانلر و ایصسر چوللرده وقت کچرن حیوانلردر . شو حالده
اکثریت آنلرك ذاته نسبتله در ، یوقسه آقار صولردن ایچنلره نسبتله دکلدر . زیرا ؛
آقار صو ایله تعیش ایدنلر ذها چوقدر .

بیضاوینك بیانی وجهله تمیز صوبك منفعتی چوق و نظافتده مدخلی زیاده اولدیغنه اشارت
وانسانلرك ظاهرلرینی صو ایله تطهیر ایتدکاری کبی باطنلرینی ده ایمان و عمل صالحله تطهیر
ایتمك لازم اولدیغنه تنبیه ایچون صو طهارته توصیف اولونمشدر که انسان ایچون ظاهر
و باطن ، مادی و معنوی طهارتلك لزومه اشارتدر .

خلاصه ؛ جناب حق قوللری تبشیر و مسرور ایتك ایچون یاغمورك اولنده لطیف
روزکارلر کوندردیکی و رحمت صوینك غایت طاهر اولوب آنکله هر نوع طهارت جائز

ورحمت صوبی انزالدن مقصد قورومش بلده لری اوتلر واکینلرله احیا ایتک و حیوانلردن و انسانلردن چوقلرینی صولامق اولدیغی بو آیتدن مستفاد اولان فواید جمله سنددر .

واجب تعالی یاغمورک انسانلر حقنده نعمت اولدیغی بیان ایتدیکی کبی رحمتک تقسیماتی وبلده لره نزولک کیفیتنی دخی بیان ایتک اوزره ﴿وَلَقَدْ صَرَّفْنَاهُ بَيْنَهُمْ لِيَذَّكَّرُوا﴾ بیوریور .

[ذات الوهیتیمه یمین ایدرم که بز ناس بیننده وبلده لرده محقق یاغموری تقسیم ایتدک که آنلر نعمتلمیزی تذکر ایتسونلر و شکرینی یرینه کتیرسونلر .]

﴿فَأَبَى أَكْثَرُ النَّاسِ إِلَّا كُفُورًا﴾

[بز آنلری شکره دعوت ایدنجه ناسک اکثریسی شکردن امتناع ایتدیلر، آنجق کفران نعمته مصر اولدیلر .]

﴿وَلَوْ شِئْنَا لَبَعَثْنَا فِي كُلِّ قَرْيَةٍ نَذِيرًا﴾

[واکر بز ایسته مش اولسه ایدک هر قریه ده اهلینسی قورقوتاجق بر نبی کوندردک ولکن عموم قریه لره یالکز حییم ! سنی کوندردک که تبلیغک جمله سنه شامل در .]

﴿فَلَا تَطْعَمُ الْكَافِرِينَ﴾

[بز بالعموم قریه لره بعث ایدنجه حییم ! سن کافرلرک سوزلرینی دیکله مه ورأیلرینه اطاعت ایتمه .]

﴿وَجَاهِدْهُمْ بِهِ جِهَادًا كَبِيرًا﴾

[حییم ! سن قرآن ایله آنلره بویوک جهادله مجاهده ایت و آنلری طریق حقه دعوت چالیش .] زیرا ؛ آنلر قرآن طعنه سنک حقیکی ابطاله چالیشیورلر . سنده آنلره مخالفتده و باطللرینی ازالده سعی ایت .

یعنی ؛ یا اکرم الرسل ! ذاتیمه یمین ایدرم که بز انسانلره انعام و حاللرینی اصلاح

و معیشتلرینی توسیع ایتک و آنلرک تذکر ایدوب نعمتلمیزه شکر ایتلری ایچون آنلرک یینلرنده و بلده لری آره لرنده یاغموری کزدریر و تقسیم ایدرز که مختلف زمانلرده مختلف بلده لره یاغمورلر ازال ایدرز . حتی ازالک کیفیتنی ده بربرینه مخالف در . زیرا ؛ بعضیسی شدتلی و بعضیسی خفیف و بعضیسی کورولتولی و دیگری کورولتوسز و بعضیسنک دانه لری بویوک بعضیسنک کوچوک اولارق ازال ایدرز که بونعمتلك قدرینی بیلسونلر . حال بویله ایکن ناسک اکثریسی شکردن اعراض ایدر . آنجق کفران نعمتلمیزی تزید ایدرلر . چونکه ؛ شکردن اعراض ایدنلر رحمتک یاغمنسی ییلدیزه نسبت ایتدکلرندن خالق شکرلی ترک و خالقک غیرییه نسبتله کفرلرینی تزید ایدرلر واکر بز دیله مش اولسه ایدک هر قریه ده اهلینسی عذابله قورقوتاجق بر نبی بعث ایدرک ده سنک اوزریکه امر رسالته تحمیل ایتدیکنز شیلر خفیف و تبلیغ خصوصنده چکمش اولدیغک مشقت اهور اولوردی ولکن بصر بصیرتکه قوت و یرمکه عموم قریه لره سنی رسول کوندردک و بو خصوصده مشقت عظیمه تحمیل ایتدک که سنک ایچون احضار اولونان درجانی صبرک سبیلله کندیکه لازم قیلاسلک . حییم ! عموم قریه لره سنی نبی بعث ایدنجه کفر و عنادده طغیان ایدن کافرلره سن اطاعت و آنلرک آرزولرینه اتباع ایتمه و آنلرله قرآن و دین اسلام خصوصنده بویوک جهادله مجاهده ایت که آنلر سکا اطاعت و قرآنک فرائض و واجباتی اعتقاد و احکامیه عمله رغبت ایتسونلر .

بو آتده (صرناه) بز یاغموری ناس پشنده نبیل و تغییر ایدر دیمکدر که آنفا بیان اولوندیغی وجهله بعضاً بر بلده و بعضاً ده دیکر بلده و بعضاً شرعی و بعضاً ده شرعی هفت نبیل و تغییر ایدر دیمکدر . چونکه تصریف ؛ نبیل و تغییر معنانه در . بناء علیه ؛ بو مقامده نبیل و تغییر لازم اولاده تقسیم معنانه در که « بز بلده لر و انسانلر آره سنده رحمتی تقسیم ایتدک » دیمکدر .

فخر رازی، قاضی، طبری و خازنده بیان اولوندیغی وجهله (ابن عباس) حضرتلرندن روایت اولوندیغی نظر آ « برسنه نک یاغموری دیکر سنده دن زیاده اولماز . بناء علیه ؛ هر سنده یاغان یاغور بر نسبتده در . لکن الله تعالی یاغموری قوللری بیننده تقسیم ایتدیکندن دیله دیکی زمان دیله دیکی بلده یه سوق و دیکرندن منع ایدر » دیدیکی و سوزینه دلیل اولارق

(ابن عباس) ك بو آیتی او قودینی مرویدر. رسول اللهك « دنیا یوزینه کیجده و کوندوزده یا غمور یا غمادق بر ساعت یوقدر. بناء علیه؛ هر ساعت و هر دقیقه سمان یا غمور و برکت یا غار، لکن الله تعالی دیله دیکی بلده یه یا غدیروا ایسته دیکی قوللرینی مسرورایدنر. بیوردینی مرویدر. ابن مسعود حضرتلرینك روایتله رسول الله « هر سینه سمان یا غمور مقدار معین اوزره نازل اولور و بر قوم عصیان ایدر سه الله تعالی آنلرك یا غمورینی ایصسر چوللره و باشقه قومه و بلده لره تحویل ایدر. بیورمشدر. چونکه؛ یا غمورك یا غمسی محقق اولدینی کبی انسانلرك انتفاعه استعداد و استحقاق کسب ایتملری دخی شرطدر. بناء علیه؛ معصیتله استحقاقلرینی ضایع ایدنجه کندیلری ایچون تقسیم اولونان برکتك باشقه محله سوقیله انتفاعدن محرومیتلری دخی محققدر. شوحالده انسانلرا ایچون لازم اولان؛ وظیفه عبودیتده دوامله امرالهییه امتثال و لطف الاهی بی استرحام و نعمت سبحانییه استحقاق کسب ایتمك چاره سنی دوشونمکدر.

بو آیتده واجب تعالی رسولنه تعظیم ایتمشدر. چونکه؛ « ایسته مش اولسه ایدك هر قریه ده بر رسول بعث ایدردك ولکن هر قریه ده رسالت وظیفه سنی سکا تودیع ایتدك « دیمکله بالعموم ناسه رسول اولدینی بیان ایتمك؛ شان نبویلرینه تعظیم و بالجمله عالم اوزرینه تفضیلدر. زیرا؛ بر جوق کیسه لرك کوره جکی وظیفه بی ذات رسالتنهاییه تحمیل ایتمك البته عظمت شان و جلالت قدرینه دلالت ایدر. بناء علیه؛ رسولنه جهاد کیرله امر ایتمشدر. چونکه؛ هر قریه ده بر رسول بعث اولونسه هر رسول کندی قریه سی اهالیسیله مجاهده ایده جکدی. رسول الله عمومه رسول اولونجه عمومله مجاهده رسول اللهك عهد سینه ترتب ایتدیکندن رسول اللهك مجاهده سی مجاهده کیره در. شوحالده مجاهده ایله مراد؛ رسالتك وظیفه سنی اداره و خلقی دیمه حق دعوت ضرور سنده کمال غیرنه سعی ایتمکدر. کرچه جهادله مرادك مقامه اولور احتمالی و ارسده بوا احتمال بعیددر. چونکه قتال ایله امر؛ هجرتدنصکره وارد اولمشدر. بو آیت ایسه مکده نازل اولمشدر. شوقدر که دلائل و حجتلر ایراد ایدر ك سفها ایله مجاهده ایدوب آنلری الزامه چالیشمق قیلجمله مجاهده ایتمکدن بویوک اولدینی ایچون رسول اللهك مجاهده کیره دیمشدر.

خلاصه؛ عالمك هر ذره سنده مؤثر حقیقی واجب تعالی اولدینی کبی یا غمورك هر داملا سنده

دخی مؤثر الله تعالی اولدینی و باشقه هیچ برشیتك تأثیری اولمادینی و باشقه شیه تأثیر ویرن کیسه یه کفر لازم کله جکی بو آیتدن مستفاد اولان فوائد جمله سندندر.

**

واجب تعالی وحدانیتنه دلالت ایدن دلیل آخری بیان ایتمك اوزره ﴿ وَهُوَ الَّذِي مَرَجَ الْبَحْرَيْنِ هَذَا عَذْبٌ فُرَاتٌ وَهَذَا مِلْحٌ أُجَاجٌ ﴾ بیوربیور.

[الله تعالی شول ذات اجل و اعلا در که ایکی دکزی بر برینه قاریشدیردی. او ایکی دکزدن شو غایت طائیلدر و شو غایت آجی طوزلی صودر.]

﴿ وَجَعَلَ بَيْنَهُمَا بَرْزَخًا وَخِجْرًا مَحْجُورًا ﴾

[و او ایکی صویك آره سینه بر مانع خلق ایتدی که احدها آخره اصلا طغیان ایده من درجه ده بینلرینی فصل ایتدی.] زیرا؛ انسانلرك کوزلری کوره میه جکی بر سر خلق ایتدی که هیچ بری دیگرینه غلبه ایده من بر حالده قیلدی.

یعنی؛ ای کافر لر! ربکزدن ناصل غفلت ایدر و حالکزی اصلاح ایچون کوندرمش اولدینی رسولنك دعوتندن نه ایچون امتناع ایدرسکز. حالبوکه او الله تعالی شول قادر و قیوم در که ایکی دکزی و یا خود دکزه بکزه من ایکی بویوک صوبی که اوصولردن شو بریسی غایت طائیل ایچنلری قاندر و شو دیگر غایت آجی و طوزلی ایچیلمز بر حالده در. بونلری بر برینه قاریشدیردی. بونکله آنلرك آره سینه قدرتیله بر مانع خلق ایتدی که آنلر هر نه قدر صورتده قاریشمش لرسده حقیقتده قاریشمش لردر. زیرا؛ آره ده انسانلرك کوره میه جکلری مانع واردر. بناء علیه؛ دکزلرك صولری حقیقتده بر برینه قاریشماز حتی یکدیگرینه قارشی استعاده ایتمك صورتیله ﴿ حَجْرًا مَحْجُورًا ﴾ دیرلر و یا خود ﴿ حَجْرًا ﴾ (مستوراً) و ﴿ مَحْجُورًا ﴾ (ممنوعاً) دیمکدر. یعنی « ایکیسنك آره سینه کوزلرك کور مسندن ممنوع بر پرده خلق ایتدی » دیمکدر.

فخر رازینك، بیضاوینك و ابوالسعود افندینك بیانلری و حمله ایکی دکزدن طائیل صو ایله مراد؛ نیل، فرات و طوز که بویوک نهرلر و آجی صو ایله مراد؛ دکزر خلاصه البیان: اوننجی جلد — ۲۸

اولی احتمالی واردر. چونکه بویوک نهرلری دکزلره ایصال ایدر قاریشیدرر ولکن آنلر ظاهرده قاریشیرلرسده باطنده آنلرک بربرینه قاریشوب برینک اجزایی او برینی محو ایتمه مانع واردر. زیرا؛ هر برینک ذره لری آری آری موجودیتلرینی محافظه ایدرکه برینک اجزایی دیکرینه قلب اولماز. ایشه بو آیت خالقک فاعل مختار اولدیغه دلالت ایدر. چونکه؛ طاتلیق ویا آجیلوق ارضک ویا صویک طبیعتی ایجابی اولسه هر صو هر یرده طاتلی ویا خود هر یرده آجی اولوق لازم کلیردی. زیرا طبیعت؛ هر یرده مساوی اولدیغدن آنک اقتضاسنک دخی مساوی اولسی ضروریدر. حالوکه بعض محله طاتلی و بعض محله آجی اولسی خالقنک فاعل مختار اولوب ایسته دیکنی طاتلی و ایسته دیکنی آجی اولارق اختیار ایتدیکنه دلالت ایدر.

واجب تعالی وحدانیتنه دلیل آخری بیان ایتک اوزره ﴿وَهُوَ الَّذِي خَلَقَ مِنَ الْمَاءِ بَشَرًا فَجَعَلَهُ نَسَبًا وَصِهْرًا﴾ بیوریور. [الله تعالی شول ذات اجل واعلادرکه نطفه کی حقیر برصودن بشری خلق ایتدی ده او بشری ایکی قسم قیلدی: بری ارکک دیکری قادیندر.] ﴿وَكَانَ رَبُّكَ قَدِيرًا﴾

[حالوکه حییم! ربک تعالی هر شینه قادردر.] زیرا؛ بر نطفه دن ایکی نوع انسانی خلق ایتمه قادر اولان هر شینه قادر اولور.

یعنی؛ الله تعالی نطفه کی حقیر برصودن سرتلک و یوموشاقلقه اعضالرینک هر بری یکدیگرندن آری وطبعاً اجزایی مختلف انسانی خلق ایتدی که اعضاسندن یالکز بر عضونده اولان امتزاجی و اجزالرک یکدیگرینه اولان ارتباطی حل و کشف ایتمکدن بالجمله حکما عاجز و حیرته درلر. و انسانی؛ ایکی قسم قیلدی: برنجیسی؛ اولاد زکورد که انسانک کنیه نهبت اولور یغنه او قسمه نسب دنیلمشدر. ایکنجیسی؛

نسوانه جهنمنده حاصل اولاده قرابت و نوع انسانک بقاسنی تأمین ایمونه زوجه زوجه بیننده حاصل اولاده الفتی محافظه ایتدیکننده قادینه صهر دنیلمشدر. حالوکه انسانک هر ایکی قسمی عین نطفه دن خلق ایتک فاعل مختارک وجودینه دلالت ایدر. چونکه؛ طبیعتک اقتضاسیله اولسه یا هپسی ارکک ویا هپسی قادین اولوردی. کذلک شکلری دخی بر سیاق اوزره اولوق لازم کلیردی. زیرا؛ نطفه نک طبیعتی نه ایسه هر یرده اقتضایی بر اولوق ضروریدر. واجب تعالی بر ماده دن مختلف اعضا صاحبی بشری خلقه و او بشری بر برینه مخالف ایکی قیلغه و بلکه بعض زمانده بر نطفه دن و بر بطندن بری ارکک دیکری دیشی ایکیسنی بردن خلقه قادردر.

(صهراً) قابله یرمه دینورسده بوراده قابله واسطه سید حاصل اولاده قرابت معناسنده. شو حالده آیتده نسب ایله مراد؛ ارکک و صهرله مراد؛ قابله و آنک وسیده سید حاصل اولاده قرابت و مناسبتنه. بناء علیه «الله تعالی بشری نسب و صهر قیلدی» دیمک «ارکک قادین و زوج زوجه قیلدی» دیمکدر.

واجب تعالی وحدانیتنه دلالت ایدن بعض دلائلی ذکر دنصکره پوتلره عبادتله شرک ایدنلرک مذهبلرینی ابطال ایتک اوزره ﴿وَيَعْبُدُونَ مِنْ دُونِ اللَّهِ مَا لَا يَنْفَعُهُمْ وَلَا يَضُرُّهُمْ﴾ بیوریور.

[مشرکالر اللهک غیری منفعت و مضرت و یرمه ی پوتلره عبادت ایدرلر.]

﴿وَكَانَ الْكَافِرُ عَلَىٰ رَبِّهِ ظَهِيرًا﴾

[و کافر ربسنک علیه شیطانه ظهیر و معین اولدی.]

﴿وَمَا أَرْسَلْنَاكَ إِلَّا مُبَشِّرًا وَنَذِيرًا﴾

[یا اکرم الرسل! بز سنی کوندردمک، آنجق مؤمنلری تبشیر و کافرلری انذار ایدیجی کوندردک.]

یعنی ؛ الله تعالى نك علو شانی و كمال قدرتیله منفعت و مضرتی خلقه قادر ایكن
الله عبادتی تركه اللهك غیری بر طاقم بوتلره عبادت ایدرلر كه او بوتلر عبادت ایتدكاری
صورته آنلره منفعت و عبادتی ترك ایتدكاری صورته آنلره مضرت ایده مزلر؛ چونكه ؛
عاجزلردر . حالو كه معبودك ، الوهیتك لوازمندن اولان قدرت تامه صاحبی اولسی
لازمدر و كافر ربسی علیه شیطانه معین اولور . زیرا ربسنه معصیت ؛ شیطانه معاونتدر
وحییم ! بزم سنی ارسال اولمادی ، آنجق ایمان ایدنلری جنتله تبشیر و كافرلری جهنمله
قور قوتقم ایچون اولدی . زیرا ؛ كافرلر دلائله نظر ایدوب حق ارامادقلردن جهنمه
مستحققلردر . (ظهیراً) آرقه یعنی معین معناسه در . بناء علیه ؛ اللهم عصيانك شیطانه
معاونت ایتدكاریله ربسی علیه ظهیر دینشدر . « ربسی علیه » دیمك « ربسنك دینی
علیه » دیمكدر . چونكه ؛ كافرلر دین الهی علیه برینه معاونت ایدرلر و دین الهی نك
ابطالنه چالیشمقدن هیچ بر زمان خالی قالمازلر .

بیضاوی و خازنك بیانلری وجهله بو آیتده (ظهیراً) (ذلیلاً) معناسه اولمق
دخی محتملدر . بوكا نظراً معنای نظم : [ربسنك غیری بوتلره عبادت ایدن كافر ربسی
اوزینه ذلیل و حقیر اولدی . زیرا ؛ التفات الیه دن ساقط و نظر الیه دن متروك]
دیمكدر .

خلاصه ؛ كافرلر اللهك غیری بر طاقم عاجز مخلوقلره و منفعت و مضرت شانندن
اولمایان حقیر شیلره عبادت ایتدكاری و ربسنك غیریه عبادتله شیطانه آرقه و معین اولدقلری
و رسول الهی كوندرمكدن مقصد ؛ ایمان ایدنلری تبشیر و كفر ایدنلری انذار ایتك
اولدینی بو آیتدن مستفاد اولان فوائد جمله سندتدر .

واجب تعالی كافرلر شرك اوزره دوام ایتدكارینی بیاندن صوكر ا رسول اللهك آنلره
قارشى سوزلرینی بیان ایتك اورره ﴿ قُلْ مَا أَسْأَلُكُمْ عَلَيْهِ مِنْ أَجْرٍ إِلَّا مَنْ شَاءَ أَنْ

يَتَّخِذَ إِلَىٰ رَبِّهِ سَبِيلًا ﴾ بیوریور

[ای رسول ذیشان ! سن مشرکله دی كه « بن احکامی تبلیغ وطریق حق
سزه بیانم اوزرینه هیچ بر اجرت ایسته م ، الا شول کیمسه كه مالی ربسنك رضاسنه
صرفله ربسنه بر یول طوتمق ایسترسه آنی خیراته مالی صرف ایتمكدن منع ایتم « دیمكله
احکامی تبلیغه کندیلردن اجرت ایسته مدیکنی تفهیم ایت .]

﴿ وَتَوَكَّلْ عَلَى الْحَيِّ الَّذِي لَا يَمُوتُ ﴾

[وسن اولمك شانندن اولمایان حی و باقی اوزرینه اعتماد ایت ، كافرلر احوالنه مبالات ایتمه .]

﴿ وَسَبِّحْ بِحَمْدِهِ ﴾

[ربك تعالی نك شناسنه ملابس اولدیغك حالده تسبیحله جمیع نقائصدن تنزیه ایت .]

﴿ وَكَفَىٰ بِهِ يَذْنُوبٍ عَبَادٍ خَبِيرًا ﴾

[الله تعالی قوللرینك كناهلرینه خبردار اولمق جهتندن کافی اولدی .]

یعنی ؛ یا اكرم الرسل سن كافرله دی كه « ای كافرلر ! بن سزی دین حقه
دعوت اوزرینه سزدن بروجهله اجرت ایسته م . آنجق مالی فی سبیل الله اتفاق ایدوب خیراته
صرف ایتك ایستین کیمسه بی ده منع ایتم . زیرا ؛ ایمان و عبادتله و مالی خیراته صرفله
الله تقرب ایچون ربسنه بر طوغرو یول طوتمق ایستین کیمسه منع اولونماز و سزی
طریق حقه سوق ایتدیکم ایچون بکاده ثواب واردر . بناء علیه ؛ تکلیفی قبول و دعوتمه
اجابت ایدك « دیمكله آلرنده اولان ماللرینه طمع دنیویه اولمادیغنی بیان ایت كه بوجهتن
قلبلری مستریخ اولسون و اصلاً موته محکوم اولمایان حی و باقی اولان الله تعالی به هر ایشکی
تفویضله اعتماد ایت و اولمك شانندن اولان کیمسه لره اعتماد ایتمه . زیرا ؛ اوله جك کیمسه به
اعتماد ایدنلرک عاقبت آلری بوشه چیقار و آلدانیر . چونكه ؛ اعتماد ایتدیک کیمسه وفات
ایدنجه امیدلری ضایع و امکلری هبا اولاجنی شبهه سزدر و سن ربکی ثنا ایدر اولدیغك
حالده جمیع نقائصدن تنزیه و صفات کمالیه ایله توصیف ایت كه سکا و یرمش اولدینی نعمتلك
شکرینی ادا ایتمش اولاسك . چونكه ؛ ربك تعالی کیزلی و آشکار قوللرینك كناهلرینه
مطلع اولمق جهتندن کافیدر . بناء علیه ؛ كافرلر شرلرینی دفع ایتك خصوصنده باشقه
معینه حاجت یوقدر .

خلاصه؛ رسول اللهك شریعتی امتنه تبلیغده اجرت مادیه طلبنده بولونمادیغی وربسنه طوغرو یول طومتق ورضاسنه واصل اولق ایچون مالنی صرف ایدن کیسه صرفه مأذون اولوب مداخله جائز اولمادیغی وجهله امورده حی وباقی اولان الله تعالی به اعتماد لازم والله تعالی بی صفات کمالیه ایله ثنا و نقائصدن تنزیه ایتک واجب والله تعالی قوللرینک جمله کناهلرندن خبردار اولدیغی بوآیتدن مستفاد اولان فوائد جمله سندندر .

واجب تعالی ذاته اعتمادله امر ایتد کدنصکره اعتماد شایان اولدیغی بیان ایتک اوزره ﴿الَّذِي خَلَقَ السَّمَوَاتِ وَالْأَرْضَ وَمَا بَيْنَهُمَا فِي سِتَّةِ أَيَّامٍ﴾ بیوریور .
[اعتماد لازم اولان الله تعالی شول ذات که کوکلی ویری و بونلرک آره سنده اولان موجوداتی آلتی کون مقداری بر زمانده خلق ایتدی .]

﴿ثُمَّ اسْتَوَىٰ عَلَى الْعَرْشِ الرَّحْمَنُ﴾

[سمواتی وارضی خلق ایتد کدنصکره رحمن تعالی عرش اعظم اوزرینه استیلا و قهر و غلبه ایتدی .]

﴿فَاسْتَلِ بِهِ خَبِيرًا﴾

[حال بویله اولونجه رحمن تعالی نک اوصافی بیان بر کیسه دن سؤال ایت .]
بیضاوینک بیانی وجهله (خیراً) ایله مراد؛ واجب تعالی در بوکا نظراً معنای نظم :
[رحمن تعالی نک حالی الله تعالی دن سؤال ایت تفصیلاتی ذاتندن خبر آل] دیمکدر .
یاخود (خیراً) ایله مراد؛ جبریلدر . بوکا نظراً معنای نظم : [الله تعالی عالم مکوناتی خلق ایدن قادر و قیوم اولوب عرش اعظم قدرتی آلتنده مغلوب و مقهور اولونجه رحمن تعالی نک اوصافی جبریلدن سؤال ایت] دیمکدر . یاخود (خیراً) ایله مراد؛
اهل کتابره بر عالمدر . چونکه؛ مشرکدر رحمن اسمنی (مسلیمة الکذاب)ه اطلاق ایتد کلدن واجب تعالی به اطلاقنی تجویز ایتزلردی . بومثللو شیلرده مشرکدرک اهل کتابه اعتمادلری اولدیغندن جناب حق اهل کتابدن بر طالع رحمن اسمی اسماء حسنان اولوب اولمادیغی

حییینه سؤال ایتسنی امر ایتدی که « اهل کتابک ویردیکی خبری مشرکدر دیکله سون و سنی تصدیق ایتسونلر » دیمکدر ، یوقسه رسول الله بیلمدیکندن اهل کتابه صورده حق معناسنه دکلددر . شو حالده رحمن اسمنک اللهک غیریه اطلاق جائز اولمادیغی بیلدیرمک ایچون سؤال ایتسنی امر ایتشددر . چونکه؛ رسول الله سویلر سده دیکله مدکلرندن براهل کتاب عالمک رسول اللهی تصدیق ایتسنی آنلرک سمعنه واصل اولونجه آنلرک تصدیق ایتک احتیانه بناء سؤال ایله امر اولونمشدر .

بو آیتده استوی؛ قهر و غلبه معناسنه در . استوانک جناب حقه اسنادنده تأویل لازم اولدیغنه دائر تفصیل سبق ایتدیکندن اعاده سنه لزوم کوروله مشدر .

سموات وارضک ایجادندن اول ایام موجود اولمادیغندن بوراده آلتی کون ایله مراد؛ آلتی کونک مقداریدر . برآنده بو عالمی خلق ایتک قادر ایکن آلتی کون مقداری برمدته خلق ایتسی قوللرینه تأنی بی تعلیم ایتکدر . فخر رازینک بیسانه نظراً علمک ایجادینک ختامی جمعه کونه تصادف ایدن مقدارده اولدیغندن جمعه کونی مسلمانلره بایرام قیلنمشدر . نصل که ایجاد باشلانیلان مدتک بازار مقدارندن اعتبار اولوندیغی جهته بازار کونی نصاریه بایرام اولمشدر . « یعنی خلق اولونان مقدارک بدایه سی هفته ابتدا سندن و ختامی هفته باشنه تصادف ایتدیکندن کونلر خلق اولونوب شو کوریلن انتظام اوزره جریان باشلا بجه ختامک زمانی جمعه به تصادف ایتدی » دیمکدر . بو خصوصه دائر تفصیلات بعض احادیث نبویه ایله ده تأیید اولونمشدر .

﴿وَإِذَا قِيلَ لَهُمُ اسْجُدُوا لِلرَّحْمَنِ قَالُوا وَمَا الرَّحْمَنُ﴾

[طرف رسالتدن مشرکدره « رحمن تعالی به سجده ایدک » دنیلدیکنده مشرکدر « رحمن ندر و کیمر ؟ بز بیلیمه یورز » دیدیلر .]

﴿الَسَّجْدُ لِلَّهِ تَأْمُرُنَا وَزَادَهُمْ نُفُورًا﴾

[مشرکدر سوزلرینه شونی ده علاوه ایتدیلر و « یا محمد ! ﷺ سنک بز سجده ایتکله امر ایتدیکک شیئه بز سجده ایدرمی بز و سجده ایده لم می ؟ » دیمکله سجده دن

امتناع ایتدیلر و رسول اللهك «سجده ایدك» سوزی آنلرك نفرتلرینی زیاده ایتدی و ایماندن اوزاقلاشدیردی .

یعنی رسول الله طرفدن مشرکله «منفعت و مضرت و برمه یں برطاقم عاجز مخلوقاته عبادت ایتمهك ، بلکه رحن تعالی به سجده ایله عبادت ایدك» دنیلدیکنده آنلر «رحمن دیدیکك کیمدر؟ بز بیلمه یز. بیلمدیکمزالده سنك امر ایتدیکك شیئه سجده ایده لم می؟» دیدیلر و رسول اللهك آنلره سجده امری نفرتلرینی زیاده ایتدی . بناء علیه ؛ نصیحت رسول الله آنلره تأثیر ایتدی ، بلکه عکس تأثیر حاصل ایتدی . حالبوکه امره امثال ؛ وظیفه عبودیتدن ایدی .

فخر رازینك بیاننه نظراً بو آیت نازل اولونجه رسول الله صلی الله تعالی علیه وسلم افندیملره برابر (ابو بکر) ، (عمر) ، (عثمان) ، (علی) ، (عثمان بن مظعون) و (عمر بن عبسسه) رضی الله تعالی عنهم افندیلمیزده سجده ایتدیلر و مشرکله برطرفه چککلوب استهزا ایدرهك براقوب کیتمشلردر . بو آیت قرائت اولوندیغنده قرائت ایدنه وایشیدنلره سجده نك سنت اولدینی تفسیر خازنك جمله بیاناتنددر .

واجب تعالی کافرلرك سجده دن نفرتلرینی بیاندنصکره ذات الوهیتك سجده یه لایق اولدینی بیان ایتك اوزره ﴿تَبَارَكَ الَّذِي جَعَلَ فِي السَّمَاءِ بُرُوجًا وَجَعَلَ فِيهَا سِرَاجًا وَقَرَأَ مُنِيرًا﴾ بیوریور .

[الله تعالی عبادتدن نفرت ایتکدن چوق عالی و امرندن اوزاقلاش-مقدن چوق بوجه اولدی . چونکه ؛ الله تعالی شول اجل واعلادرکه عموم مخلوقاتك اوزرینه خیرات و برکاتی چوق اولقله برابر کوکمه ییلدیزلرك اسکانلری ایچون برجلر خلق ایتدی و او برجلرك هر برنده نیجه امور غریبه لر ایجاد ایلدی وسماده ضیا ویرر کونش و نور ویرر قری خلق ایتدی . بو قدر جسیم و نافع مخلوقاتی خلقه قادر اولان الله تعالی البته قوللرینك سجده سنه اهل و مستحقدر]

﴿وَهُوَ الَّذِي جَعَلَ اللَّيْلَ وَالنَّهَارَ خِلْفَةً لِّمَنۢ أَرَادَ أَنۢ يَذَّكَّرَ أَوْ أَرَادَ شُكُورًا﴾

[او الله تعالی شول ذات قادردرکه کیجه یی و کوندوزی بربرینه بدل و خلیفه قیلدی که بری کیدرسه یرینه دیکری کلیر . بناء علیه ؛ بر کیمسه نك احد هاده فوت ایتدیکی عملی دیکرنده قضا ایتسی ممکندر . شو حالده بری دیکرینه بدلدر و جناب حق بو عالم مکونانی شو انتظام اوزره خلق ایتدی که تذکر و تأمل ایتك و یاخود شکر ایتك مراد ایدن کیمسه دوشونسون کیجه ده و کوندوزده سیل کبی آقوب کلن نعمتله شکر ایتسون زماتی بوش بوشنه کچیرمسون و بو وسیله ایله ابدی سعاده نائل اولسون . شو حالده کیجه یی و کوندوزی شو منوال اوزره خلق ایتکدن مقصد اصلی ؛ انسانلرك متعظ اولوب دوشونملری و نائل اولدقلری نعمتله شکر ایتلری اولدیغنه بو آیت دلالت ایدر .

(بروجاً) اساس معناسنه نظراً بوکسك سمر ایلر و کوشلر ایسه ده بوراده سمداه یولونانه برطاقم مقاملردر که ییلدیزلرك بولونمقلری محله بربر . چونکه ؛ سمداه بویوک ییلدیز دیدر . مدارکده بیان اولوندینی وجهله شمسك و قمرک برر مقامی و دیکر بشنك ایکیشر مقاملری واردر . شو حالده یدی ییلدیزك اون ایکی برجی واردر و برجلرده شونلردر : (حمل) ، (ثور) ، (جوزا) ، (سرطان) ، (اسد) ، (سنبله) ، (میزان) ، (عقرب) ، (قوس) ، (جدی) ، (دلو) ، (حوت) در . ییلدیزلره کانتجه (شمس) ، (قمر) ، (مریخ) ، (زهره) ، (عطارد) ، (مشتی) و (زحل) در . بونلردن (سرطان) قمرک ، (اسد) شمسك مقامی اولدینی کبی (حمل) ایله (عقرب) مریخك و (ثور) له (میزان) زهره نك و (جوزا) ایله (سنبله) عطاردك (قوس) ایله (حوت) مشری نك (جدی) ایله (دلو) زحلك مقامیدر .

خلقه ؛ بر شیْ آخرك برینه کللمکره . بناء علیه ؛ کیمه و کوندوزده هر بری کیمه رب ویکری آنك برینه کلدیکنده خلقه دیمشدرکه بربرینك خلفی دیمکدر . حضرت عمر رضی الله تعالی عنه بریسی کلوب «یا عمر ! بو کیجه یاتسونمازی بنی فوت ایتدی» دیدیکنده حضرت عمر «کیجه کچیردیکك نمازی کوندوز اکیال و قضا ایت . زیرا ؛ الله تعالی کیجه ایله کوندوزی یکدیکرینه خلف قیلدی» بیورمشدر . ابن عباس حضرتلری ده بو آیتك

معنای آنست که بر کسی که و کوندوزدن برنده فرائض و یا واجبات و یا خود معناد اولان اوراد و اذکارندن برنی کچیرسه دیگرند قضا ایدر. زیرا؛ بریسی دیگرینک خلقی دره بیوردیغی مرویدر. و الحاصل بوعالی شوانتظام اوزره خلق ایدوب کیجه و کوندوزدن هر برنی دیگرینه خلیفه قیلمقله قوللرینک راحتلرینی و معیشتلرینی و عبادتلرینی تسهیل ایدن خلاقک او قوللرک سجده و سائر عبادتلرینه اهل اولدیغنه بو آیت دلالت ایدر.

واجب تعالی کیجه بی و کوندوزی شو انتظام اوزره خلق ایتمکدن مقصد اصلی قوللرک حق و حقیقت خصوصنده تأمل ایدوب نائل اولدقلری نعمتله شکر ایتک اولدیغنی بیاندنصرکه شکر ایدن قوللرک اوصافی بیان ایتک اوزره ﴿وَعِبَادُ الرَّحْمَنِ الَّذِينَ يَمْشُونَ عَلَى الْأَرْضِ هَوْنًا﴾ بیوریور.

[رحمن تعالی نک خالص قوللری شول کیسه لره آنلر ارض اوزرنده سکونت وقار و کمال تواضع اوزره یورورلر. آنلر سو قاقده کزرکن اصلا کبر ایتزلر، غایت ملایم کزرلر. حتی هیچ بر کیسه ایله منازعه ایتزلر.]

﴿وَإِذَا خَاطَبَهُمُ الْجَاهِلُونَ قَالُوا سَلَامًا﴾

[و آنلره بر طاقم جاهلر سومدکلری سوزلره خطاب ایتدکلرنده آنلر او جهلایه سلامتله دعا ایله مقابله ایدر و «سزه سلام اولسون» دیرلر.] و آنلرک فنا سوزلردن متأثر اولوب فناقله مقابله ایتزلر و اخذ انتقام ایتک جائز ایسه ده انتقامه ده میل ایتزلر. چونکه؛ طینتلرینک طهارتی ایجابی حلمله معامله ایدر و غضبلرینی هضمله قضاء الهینک جریاننه رضا و تسلیمیتله اکتفا ایدرلر. بناء علیه؛ کوندوزله بونلرک کندی حاللری و انشاء جنسلریله معامله لری بو منوال اوزره در.

﴿وَالَّذِينَ يَبْتَغُونَ لِرَبِّهِمْ سُجَّدًا وَقِيَامًا﴾

[اللهک خالص قوللری شول کیسه لره آنلر کیجه ایله بیتوت ایتدکلرنده ربلیینه

سجده و حضور الهیده قیامله وقت کچیرلر. زیرا؛ بونلر ریاسز ربلیینه کیجه ده و کوندوزده عبادتله قائمدرلر.]

بیضاوی، نیسابوری و مدارکده بیان اولوندیغی وجهله عبادک رحمنه اضافتی تخصیص و اهل ایمانه تعظیم و شرفلرینه اشارت ایچونددر. چونکه؛ کافر، مؤمن، مطیع و عاصی هر کس اللهک قوللری اولدقلری حالده مؤمنلری سچمک مجرد آنلرک شانلرینه تعظیم ایچونددر. واجب تعالی سجده دن نفرت ایدن مشرککلرک حاللرینی بیاندنصرکه سجده یه محبت

ایدن اهل ایمانک بوسورده ده طقوز صفتلرینی بیان ایتدی:

برنجیسی؛ کوندوزلری تواضع بورومک و بر کیسه ایله ایتدکلرک و هر کسه هوسه کجنوب منازعه ایتدکلرک و مالایغنی ایله اشتغالله وقار و حیثیتله خلل کنیره مکرر. ایکنجیسی؛ کنیرلرینه فنا سوزلره خطاب ایدرجه جاهلرک اذالرینه عمل ایدوب سلامتله دعا و مودیتله مقابله ایتدکلر.

اوچنجیسی؛ کیجه ایله رضاء الهی بی تفصیل ایچونه نماز قیلیم و سجده ایتدکلر. دیگر صفتلری بوندن صوکره کی آیتلرده بیان اولونمشدر. شومعا (عباد الرحمن) مبتدا (الذین) فیه اولدیغنه نظر آدر. اما اکثر مفسرینک بیانلری وجهله (عباد الرحمن) مبتدا (الذین) صفت و فیه سوره نک آخرنده (اولئک یجزون الغرفة) جمله سی اولدیغنه نظراً معنای آیت شویله در: [اللهک شو صفتلره متصف اولان قوللری جنت اعلا ده بویوک سرایلرله جزالانیرلر] دیمکدر.

مدارکده و نیسابوریده بیان اولوندیغی وجهله بعض علما بو آیتله استدلال ایدرک چارشوده آیه بینمک جائز ایسه ده کراحت اولدیغنی بیان ایتملردر. چونکه؛ آیه بینمک ملایمتله بورومکه ماینددر. خالص قوللرک جهلایه مقابله ایتدکلری سلام ایله مراد؛ جاهلرک شمرلرنه سلامت طلب ایتک و آنلرک فنا معامله لرینه اغماصه عین ایدوب آرقنه درشمه مکرر.

واجب تعالی خالص قوللرینک دردنجی صفتلرینی بیان ایتک اوزره ﴿وَالَّذِينَ يَقُولُونَ رَبَّنَا اصْرِفْ عَنَّا عَذَابَ جَهَنَّمَ إِنَّ عَذَابَهَا كَانَ غَرَامًا﴾ إِنَّهَا سَاءَتْ مُسْتَقَرًّا وَمُقَامًا ﴿بیوریور .

[رحمن تعالی نک خالص قوللری شول کیمسه لکه آنلر ربلیینه مناجاتلرنده وکیجه وکوندوز خلوتلرنده و نمازلری و تهجدلری عقینده «ای بزم ربمزا عاصیلر ایچون حاضرلانی عذاب جهنمی بزدن تبدیل و تغییر ایت و بزم اوزریمزدن آتی قالدیر. زیرا؛ عذاب جهنم هلاک اولدی و عاصیلره لازم و دائم اولدیغندن ابدی بر ضرر در. چونکه؛ جهنم قرارگاهک کوتوسی و اقامت اولونا حق محک الک زیاده چیر کینیدر» دیمکه جهنمدن استعاده ایدرلر.]

خالص قوللر لیل و نهار اخلاص اوزره اعمال صالحه سعی و غیرتلی و ربلیینه توجه تاملریله برابر ربلینک غضب و انتقامندن قورقارلر. زیرا؛ عمللریینه اصلاً اعتماد ایتمزلر. بناء علیه؛ آنجق لطف الهیدن استمداد ایدر و دیرلرک «یاربی! بزدن عذاب جهنمی قالدیر. زیرا عذاب جهنم؛ اهل جهنمدن ایرماز بر شروتوکه نمز بر هلاکدر. چونکه جهنم؛ مقر و مقام یونندن غایت کوتودر» دیمکه جهنمک شردن ربلیینه التجا ایدرلر. فخر رازینک بیانی وجهله مبرمک عاصیلره مضرت محضه اولدیغه اشارت ایچونه عذاب مبرم غرام دنیلمشدر. چونکه غرام؛ منفعت و رایجیسی اولابیانه بر مضرتدر. بو آیتده مستقر اهل ایمانه و مقام لافلره مصروفدر. زیرا؛ اهل ایمانه مبرم کیمدر. رسیده ایمانلرینک مطافاتی کورمک ایچونه مبرمده مخصوص و جنة کیمده جکلیینه بناء آنلر مقلدانه مستقر؛ لافلر ابدی قالا جکلیینه بناء آنلر مقلدانه مقام دنیلمشدر.

**

واجب تعالی خالص قوللرینک اوصاف ممدوحه لرندن بشنجیسنی بیان ایتک اوزره ﴿وَالَّذِينَ إِذَا أَنْفَقُوا لَمْ يُسْرِفُوا وَلَمْ يَقْتُرُوا﴾ بیوریور .

[اللهمك خالص قوللری شول کیمسه لکه آنلر فقرايه انفاق ایتدکلرنده انفاقده حدینی تجاوز ایدرک اسراف ایتمزلر و لزومندن نقصان و بر مکله تضییقده ایتمزلر.] ﴿وَكَانَ بَيْنَ ذَلِكَ قَوَامًا﴾

[و انفاقده افراطله تقریط آره سنده عدالت اوزره اولورلر.] یعنی رحمن تعالی نک خالص قوللری شول کیمسه لکه آنلر محتاج اولانلره و نفقه سی واجب اولان اولاد و عیاللرینه انفاق ایتدکلرنده شرعاً و عقلاً مذموم اولان اسراف درجه سته و ارماز وحدینی تجاوز ایتمزلر و حد لایقندن نقصانده و بر مزملر و مذموم اولان افراطله تقریط آره سنده بر حد وسطی اختیار و عدالت اوزره انفاقه دقت ایدرلر.

خازنک بیانه نظراً بو آیت اصحاب رسول اللهمك صفتلرینی بیان حقنده نازل اولمشدر. چونکه؛ آنلر تلذذ و تنعم ایچون یمزلر، بلکه آچانی دفع و عبادته قوت کلسون ایچون یرلر و البسه لرینی حسن جمال ایچون کیمزلر، بلکه ستر عورت ایچون کیرلر. حضرت عمرک «انسانه نفسنک هراسته دیکنی آلوب یمک اسراف یونندن کافیدر» بیوردینی بو معنای تأیید ایدر.

بیضاوینک بیانی وجهله بو آیتده اسراف؛ معصیه صرف ایتک و تقصیر؛ واجب اولانه زلت و فطره کبی من اللهی و نفقه سی لازم اولانلرک نفقه لرینی منع ایتکدر. بوکا نظراً معنای نظم: [اللهمك خالص قوللری شول کیمسه لردرک آنلر ماللرینی معصیه صرف ایتمزلر و صرفی واجب اولان محللردن ماللرینی اسیرکه مزملر] دیمکدر. تقصیر؛ بریمی لزومدره اکسیک یا بمر و عیالدره لازم اولانه نفقه بی نقصانه ایتکله آنلر اوزرینه کوجهک اموات ایتکدر. (قواماً) عدالت معنانه در. عدالت؛ ایکی طرفی مستقیم و مساوی اولدیغندره عدالته قوام دنیلمشدر.

**

واجب تعالی خالص قوللرک آلتجی صفتلرینی بیان ایتک اوزره ﴿وَالَّذِينَ لَا يَدْعُونَ مَعَ اللَّهِ إِلَهًا آخَرَ وَلَا يَقْتُلُونَ النَّفْسَ الَّتِي حَرَّمَ اللَّهُ إِلَّا بِالْحَقِّ وَلَا يَزْنُونَ﴾ بیوریور .

[رحمن تعالى نك خالص قوللری شول كيمسه لركه آنلر اللهله برابر باشقه بر معبوده عبادت ايتزلر و امور و خصوصلرنده اللهك غیری بر معبوده چاغیرمازلر و خصائل حمیده لرندن بریسی ده اللهك حرام قیلدیغی بر نفسی قتل ایتزلر، الا حد و قصاص کبی بر حقت تعلیقله قتل ایدرلر.] چونکه نفوس بشریه دن هر نفس؛ اللهك وحدانیتى اقراره محل اولدیغندن بنیه انسانیه یی ییقمق اللهك تعمیرینی امر ایتدیکی شیئی تخریب اولدیغی جهته احوال دن هیچ بر حالده جائز اولاماز. آنجق قصاص و یاخود حربی اولق صورتیه قتلنه اذن شرعی لاحق اولقله قتل اولونور. [و خالص قوللر زناده ایتزلر.] چونکه زنا؛ محافظه سی مطلوب اولان نسبی ضایع ایتدیکندن حرام اولان شیرك اك کوتوسیدر. زیرا زنا؛ انسانلرك نطفه سنك یکدیگرینه قاریشمقله نسبی شبهه دن وقایه ایچون اللهك وضع ایتش اولدیغی قانونك خارجنده بر معامله اولدیغندن معصیتلرك اك چیرکیندر.

﴿وَمَنْ يَفْعَلْ ذَلِكَ يَلْقَ أَثَامًا * يُضَاعَفْ لَهُ الْعَذَابُ يَوْمَ الْقِيَمَةِ وَيَخْلُدْ فِيهِ مُهَانًا﴾
[واکر بر کیمسه شو فنا افعال دن برینی ایشلر سه ایشله دیکی فعلك كناهنه ملاقی اولور و یوم قیامتده آنك ایچون عذاب ایکی قات اولور و حقیر و ذلیل اولدیغی حالده مخلد اولارق عذابده قالیر.]

بیضاوینك بیانی وجهله بو آیتده واجب تعالى خالص قوللرك اصول اعتقاده رعایتلرینی اللهله برابر اله آخره عبادت ایتدکلرینی بیانله اشارتدنصکره امهات معاصی اولان قتل و زنا یی ده آنلردن نفی ایتشدركه ایمانك کمالی بو ایکی ایله اولدیغنه و موعود اولان اجر و ثواباته نائل اولق ایمانی محافظه ایله برابر منهای ترکه محتاج اولدیغنه اشارت ایتشدركه چونکه؛ بر کیمسه بیان اولونان منهای ارتکابه برابر عبادت ایتسیله رحمن تعالى نك عبد خالصی اولاماز. بناء علیه؛ مؤمن کامل اولق هر ایکی جهتی جمع ایتمکله اولاجنی بو آیتده صراحة بیان اولونمشدر. بو آیتلرده بیان اولونان اخلاق حمیده نك ضدینی ارتکاب ایدن کافرله تعریض واردر. نفوس انسانیه نك قتل صورتیه افناسی ابدأ حرام اولوب آنجق قتلنی موجب اسبابدن بریسیله قتلک مباح اولدیغنه اشارت ایچون حقه مقارن اولارق وقوعولان قتلک مستثنا اولدیغی بیان اولونمشدر.

(یلق اناماً) انام؛ کناهك جزاسی، یاخود نفس کناه و یاخود مهرمنده بر دره نك

سمیر. بوکا نظراً معنای نظم: [شو بیان اولونان قتل و زنا کبی کناهلردن برینی ایشله یی کیمسه او کناهك جزاسی اولان عقوبته وجهمنده بو کناهی ایشله ییلره مخصوص انام اسمنده کی دره یه ملاقی اولور] دیمکدر.

فخر رازینك بیانی وجهله آیتك سبب نزولی؛ ابن مسعود حضرتلرینك رسول اللهدن هانکی کناهك بویوك اولدیغنك سؤال ایتسیدر. چونکه ابن مسعود رسول الله «هانکی کناه بویو کدر؟ یا رسول الله!» دینجه رسول الله «شرك ایتمکدر» بیورمشدر. بوندنصکره هانکیسی بویو کدر؟ دینجه «رزق قورقوسنه بناءً اولادینی اولدورمکدر» بیوردی. «بوندنصکره هانکیسی بویو کدر؟» سؤاله جواب اولارق رسول الله «قومشونك حرمنه زنا ایتمکدر» بیورمسی اوزرینه بو آیتك نازل اولدیغی مرویدر. بناءً علیه؛ آیت جلیله رسول للهك کلامنی تصدیق ایتمشدر.

**

واجب تعالى شو کناهلری ایشله ییلرك حاللرینی بیاندنصکره توبه ایدنلرك حاللرینی بیان ایتمک اوزره ﴿إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَٰئِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا﴾ بیوریور.

[شو کناهلری ایشله یی کیمسه عذابه مستحق اولور. الا کناهدن توبه و ایمان ایدن و عمل صالح ایشله یی کیمسه لرك الله تعالى سیئاتلرینی حسناته تبدیل ایدر. زیرا؛ الله تعالى توبه ایدنلری مغفرت و عمل صالح ایشله ییلره مرحمت ایدر.]

یعنی؛ شرك، قتل و زنا کبی جنایتی ارتکاب ایدنلر حقیر اولارق معذب اولورلر، الا شول کیمسه لركه ایشله دیکی کناهلره ندامت ایدر و اللهك غضبندن قورقار و ارتکاب ایتدیکی کناهلرك عفونی ربسندن استرحام و شرکدن و از کچرک اللهك وحدانیتنه ایمان و قلبده اولان ایمانی عمل صالح ایشله مکله تحقیق و تثبیت ایتدی. ایشته شو اوصافی حائز اولان کیمسه لرك الله تعالى کناهلرینی ثوابه تبدیل ایدر. زیرا؛ الله تعالى توبه ایدنلرك توبه لرینی قبول ایله مغفرت ایدر و عمللرینه ثواب و یرمکله مرحمت بیورر.

درجات جتنه نائل اولق ایچون ایمان کافی اولمایوب عمل صالح لازم اولدیغه اشارت ایچون ایماندنصکره عمل صالح ذکر اولومشدرد .
فخر رازینک بیانی وجهله سیئاتک حسناته تبدیلنده دوت جهنمه توبه واردرد .
برنجیسی ؛ دیاده مال کفرده ایشدکلری کناهلری جناب من مال اسلامده اعمال
صالحه تبدیل ایدر . مثلاً شرکی توبه سیله ایمانه و مؤمنی قتلی حال اسلامده مشرکلی قتله
وزنایی عفته تبدیل ایدر . بوکا نظراً واجب تعالی تائب و مستغفر اولان کیمسه بی شو
اعمال صالحه موفق قیلاجفی بو آیتله وعد ایدیور دیمکدر . بناء علیه بو آیت جلیله ؛
کوتو عمللرک یرینه ابی عمللر کله جکفی بیان ایتشدرد . ایکنجیسی ؛ توبه سبب کناهلری
نماؤ نحو اولدیغی کبی توبه عبادت اولدیغی جهنمه ثواب یازیلیر . اوچنجیسی ؛ سیئات
کیمر برانه ثواب کلیر . دردنجیسی ؛ توبه سبب عقوبات کیمر برینه درجهات کلیر دیمکدر .
﴿ وَمَنْ تَابَ وَعَمِلَ صَالِحًا فَإِنَّهُ يَتُوبُ إِلَى اللَّهِ مَتَابًا ﴾

[وا کر بر کیمسه توبه ایدر و عمل صالح ایشلر سه او کیمسه الله رجوع ایدر و توبه سی
عند الله مقبول اولدیغدن توبه سی عذاب کیده در ثواب کتیرر .] بو آیتده شرط توبه
و جزاده توبه در . بناء علیه ؛ « شرطله جزا ایکیسی برشی اولدیغدن حکم صحیح اولماز »
دیبه رک اعتراض وارد اولماز . زیرا شرط ؛ معصیتده رجوع معاسنه توبه اولوب جزاده
الله در طافه قصورینک عفوینی امر مامده رجوع معاسنه اولدیغدن شرطله جزانک
معناری آری آری اولدیغی جهته سوال وارد دکلدر . بوندن اولکی آیتده توبه ؛ شرکده
و سایر کناهلده رجوع معاسنه اولوب بو آیتده توبه ؛ الله رجوع معاسنه اولدیغدن
توبه لرک مرجعلری باشقهدر . بناء علیه ؛ تکرار یوقدر .

واجب تعالی خالص قوللرک یدنجی صفتلرینی بیان ایتک اوزره ﴿ وَالَّذِينَ لَا
يَشْهَدُونَ الزُّورَ وَإِذَا مَرُّوا بِاللَّغْوِ مَرُّوا كِرَامًا ﴾ بیوریور .

[خالص قوللر شول کیمسه لرکه آنلر یالان یره شهادت ایتزلر و آنلر لغویاته
اوغرادقلرنده نفسلرینه اکرامله کچیورلرر .]
یعنی ؛ اللهم خالص قوللرینک اخلاق حمیده لرندن بری ده آنلر یالان شیته شهادت
ایتمکلی کبی باطل اولان برشی اوزرینه یولاری تصادف ایتدیکنده دخی آکا التفات
ایتمکسزین کچمکله نفسلرینه اکرام ایدرلر . چونکه ؛ باطل اوزره حاضر اولق عین
معصیت اولدیغدن آکا التفات ایتدن کچوب کیدن کیمسه کندینی معصیتدن محافظه
ایتدیگی جهته نفسنه اکرام ایتش اولور .
خازنده بیان اولوندینی وجهله یالان یره شهادت ایدن کیمسه یه حضرت عمرک قرق
دکنک و وروب یوزینی قارالایوب چارشوده کزدیردیگی مرویدر . چونکه ؛ شهادتیه
غیرک حقنی ابطال ایله احقاق حقه یکانه مدار اولان شهادتی اخلاص ایتک اعظم جنایتدر .
زور ایله مراد ؛ یا لانه و یا لانک موقعیدر . بوکا نظراً معنای نظم ؛ [مؤمن کاملر یالان
سوله من و یالان موقعنه حاضر اولمازلر] دیمکدر . لغوله مراد ؛ فائده من هر شیدر .
بناء علیه ؛ انسانک دنیاسنه و آخرتنه فائده و برمه جک اویون محللرینک هپسی بو آیتده
داخلدر . چونکه ؛ فائده من و یهوده وقت کچیره جکی محله حاضر اولق انسان آواره
و معطل قیلدینی کبی دفتر اعمالنه برطاقم سیئات دخی یازیلاجفی جهته بو مثللو محله
التفات ایتمین کیمسه لر جناب حق مؤمن کامل عدادندن معدود قیلمله ثنا بیورمشدرکه
بونک عکسفی التزام ایدن عند الله البته مذمومدر . شو حالده لغویات ؛ ترکی واجب اولان
اویونلره و فاحش سوزلره و غلیظ لسانلره شاملدر .

**

واجب تعالی مؤمن کاملرک سکزنجی صفتلرینی بیان ایتک اوزره ﴿ وَالَّذِينَ إِذَا
ذُكِّرُوا بِآيَاتِ رَبِّهِمْ لَمْ يَخْرُوْا عَلَيْهَا سُومًا وَغَمِيانًا ﴾ بیوریور .

[مؤمن کاملر شول کیمسه لرکه آنلر ربلرینک آیتلریله وعظ اولوندقلرنده او آیتلر
اوزرینه قولقلری قاپالی و کوزلری اورتولی اولدقلری حالده قاپانمازلر ، بلکه آنلر آیات
خلاصه البیان : اونجی جلد — ۲۹

السهیه ایشتدکلرنده کوزلری وقولاقلری آجیق اولدقلری حالده کمال تواضعله یوزلری اوزرینه سجده قاپانیرلر و او آیتلرده اولان امراری و نهیلری و ضروب امشالی دیگر و آجیق کوزلریله قدرت السهیه دلالت ایدن آیتلری کورور آندن عبرت آلیرلر . [ایشته بو آیتده اللهک عظمتنه دلالت ایدن آیتلردن کوز یومانلره تعریض واردر .

**

واجب تعالی مؤمنلرک اخلاق حمیده سندن طقوزنجی بیان ایتک اوزره ﴿ وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْ لَنَا لِمَتَّقِينَ إِمَامًا ﴾ بیوریور .

[مؤمن کاملر شول کیمسه لرکه آنلر دعا لرنده یالکز کندی نفسلریله اکتفا ایتزلر، بلکه اولاد و عیاللرینک کنیدلریله برابر امور دینده صلاحلرینی و ایلری کیتملرینی ایستلر و دیرلرکه « ای بزم ربمز! سن بزم ایچون سرور و یره جک و کوزلریمزی دیکلن یره جک و نورلاندیره جق زوجهلر و ذریتلر و یرکه آنلرک صلاح حاللرینی و شریعتکله تامیلله یا پیشدقلرینی کورمکله کوزلریمز دیکله نسون » دیمکله جناب حقّه مناجاتده بولونورلر .] چونکه ؛ مؤمن ایچون اولاد و عیالک الله مطیع و امور دینده صلاحلرینی کورمکدن دهها زیاده راحت ایده جکی و قلبی مسرور اولاجنی برشی اولاماز . زیرا ؛ اولاد و عیالک صلاحی جتده برابر اولاجقلرینه دلیل اولدیغندن البته اولاد و اتباعک صلاحی قلباً استراحتنی موجب اولاجنی شبهه سزدر . و دعالرینه شونی ده علاوه ایدرلر و [« یاربی ! بزم اولاد و عیالمنی مطیع قبلدیفک کبی یزی حرام اولان شیلردن اجتناب ایدوب عذابکدن قورقان متقیلره مقتدا به قیل که بز آنلری ارشاده موفق اولالم » دیمکله مناجاتلرینه ختام و یرلر .] بو آیتده امور دینده ریاست ایسته مک جائز اولدیغنه دلالت واردر . چونکه ؛ اهل ایمانک شو منوال اوزره دعالرینی جناب حقک اوصاف ممدوحه دن عد ایتدیکی کبی امور دینده ریاست طلبی ابراهیم علیه السلامدن دخی واقع اولدیغنی دیگر آیتده مصر حدردر .

**

واجب تعالی مؤمنلرک اوصافی بیاندنصرکه بوصفتلری جائز اولان مؤمنلرک نائل اولاجقلری درجه لری بیان ایتک اوزره ﴿ أُولَٰئِكَ يُجْزَوْنَ الْغُرَّةَ بِمَا صَبَرُوا وَيُلَقَّوْنَ فِيهَا تَحِيَّةً وَسَلَامًا ﴾ خالدين فیها بیوریور .

[شو صفتلرله متصف اولان مؤمنلر مشرکله طرفندن کوردکلری اذایه و فقر و فاقه ایله برابر مجاهده نک شدتنه صبرلری سبیلله جنتک الک یوکسک طبقه لری ایله جزالانیرلر و آنلر ابداً جتده و یوکسک درجه لرنده قالیجی اولدقلری حالده ربلرندن ملکله واسطه سیله مرحبالره و هدیه لره و سلامه قاووشورلر و تعظیبات السهیه ایله تلطیف اولونورلر .]

﴿ حَسُنْتَ مُسْتَقَرًّا وَمُقَامًا ﴾

[زیرا جنت ؛ مؤمنلره کوزل قرارگاه و اقامت محلی اولدی .] چونکه ؛ خسته لق و فقر و ضرورت و اولوم کبی شیلر اولمادیغندن دائماً راحتلردر . بناء علیه ؛ اهل جنتک جمیع آفادن سالم اولاجقلرینه اشارت ایچون واجب تعالی سلام اهدا و هدیه ایله تلطیف اید . جنتک الک یوکسک طبقه لرنده اولاجقلرینی بیانله قوللرینی شو صفتلری کسب ایتمکله ترغیب ایتشدردر .

**

واجب تعالی قوللرینک عبادتلرینه احتیاجی اولمادیغنی و قوللرینه عبادتله امرک آنلرک منفعتلری ایچون اولدیغنی و کافرلرک جزالری البته لازم کلدیکنی بیان ایتک اوزره ﴿ قُلْ مَا يَعْشَوْنَ بِكُمْ رَبِّي لَوْلَا دُعَاؤُكُمْ فَقَدْ كَذَّبْتُمْ فَسَوْفَ يَكُونُ لِإِمَامٍ ﴾ بیوریور . [حییم سن کافرلره دی که « اگر سزک عبادتکیز اولماش اولسه ایدی بزم ربم سزه مبالات ایتزدی . زیرا ؛ سزک وجودکیز و عدمکیز عندالله مساویدر . شو حالده سزک قدریکیز آنجق ایمان و عبادتکیزلهدر . سز ایشه الهی و رسولنی و کتابنی تکذیب ایتدیکنیز . بناء علیه ؛ بو تکذیبکیزک جزاسنی یقینه کورورسکیز و البته بو جزا سزه لازم اولور . »]

یعنی؟ «بسم ربم سزى اسلامه وایمانه دعوت ایتمه مش اولسه ایدی سزى ایجادده نه ایشلیه جکدی وایشلنه جک نه کبی شی اولوردی. زیرا؛ سزک اعتبار کز ایمانله وایمانه دعوتله در. چونکه انسانک شرفی؛ الله معرفت وایمانله در. بناء علیه؛ معرفتی اولمایان انسانک سائر حیواناتدن فرقی یوقدر. شو حاله انسانک خلق اولونمسنده کی حکمت؛ ایمانه دعوت اولونمسیدر» دیمکه نصیحتده بولون. یاخود معنای آیت: [سزک شرک کز اولماش اولسه ایدی الله تعالی سزک عذاب کزی نه ایده جکدی وسزک عذاب کزدن الله بر فائده می وار ولکن تکذیب ایتدی کز. تکذیب کز عذابی البته سزه لازم اولور. یعنی سزى ایمانه دعوت مقصدی اولسه ایدی سزى خلق ایتمکه فائده نه اولوردی] دیمکدر.



رومی بیک اوچیوز اوتوز سنه سی تشرین اولنک اون دردنجی صالی کوننه تصادف ایدن عربی بیک اوچیوز اوتوز ایکی سنه سی ذی الحجه تک یدنجی کونی بوسوره تک ترجمه سی بعونه تعالی ختام بولشددر.

اوتنجی جلدک فهرستی

۲	سورة انبیاء	۷۳	حضرت داودک حکمدانصکره اوغلونک حکمنه رجوعی
۴	اهل کفرک قرآنی استهزای	۷۸	حضرت سلیمانک هواده روز کار واسطه سیله طیرانی
۸	کافرلرک قرآنه طعنده اوج قسمة ایرلدقلری	۸۰	حضرت سلیمان شیطینک اطاعتی
۱۱	رسل کرامک رجالدن اولوب نسادن اولمادی	۸۱	حضرت ایوبک دعاسنک قبولی ومصائبک دفعی
۱۵	اهالیسی ظالم اولان چوق قریه لک اهلای	۸۴	یونس علیه السلامک احوالی
۱۷	ظالم لک هلاک زمانی جرملرینی اعتراف ایتدکلی	۸۹	حضرت مریمک احوالی
۱۹	جناب حقک اویون وعیثله اشتغال ایتدی	۹۱	انبیائک جمله سی توحیدده متفق امت واحده اولدقلری
۲۲	ملک لک تسبیح لری انسان لک نفس لری منزلده در	۹۳	یاجوج ومأجوجه دائر بحث
۲۷	ملک لک صفق لری	۹۹	قیامتده سماک دورولوب محو اولاجنی
۳۰	سموات وارضک ماده اصلیه دن ایرلدقلری	۱۰۱	صلاحک، ملکک وقوتک تزئیدینه سبب اولدی
۳۳	یوللرک انسانلر حقنده عین نعمت اولدی	۱۰۳	رسول اللهک دین و دنیا جهتدن عالمه رحمت اولدی
۳۶	هر نفسک وفاتی وانسانلرک خیرله وشرله امتحانی	۱۰۸	سورة حج
۴۳	رسل کرامک جمله سنک امتلری طرفندن استهزا اولوندقلری	۱۰۸	قیامتک زلزله سی
۴۵	اللهک غیری قوللرندن عذابی دفع ایده جک بولونمادی	۱۱۱	انسانک الله تعالی حقنده بغیر علم مجادله سی
۴۶	ممالک لرینک بعض قسمی دشمن آلنه کچمک اثر غضب اولدی	۱۱۲	انسانک خلقتنک حشره دلالتی
۵۰	میزانده حکمت	۱۱۷	الله تعالی نک قبرده اولان انسانلری احیا ایده جکی
۵۳	حضرت ابراهیمک پدرینی دین حقده دعوتی	۱۲۰	دیننه اعتمادی اولمایانلرک حاللری
۵۶	حضرت ابراهیمک قومنک پوتلرینی قیردی	۱۲۴	دشمنلرینک بغض وعداوتلری اللهک رسولنه نصرتی منع ایده میه جکی
۵۸	حضرت ابراهیمی استجوابلری وآنک جوابی	۱۲۶	اساس اعتباریله انسانلر آرمه سننده دین ومذهبک آلتی اولدی
۶۳	حضرت ابراهیمی یاقغه قرار ویردکلی	۱۲۸	اللهک اهانت ایتدیکی کیمسه یه اکرام ایدن اولماز
۶۵	آتشک یاقمامسنده اوج احتمال		
۶۶	حضرت ابراهیم ولوطک هجرتلری وارض شامک برکتی		
۷۰	حضرت لوطه ویریلن نعمتلر وقومنک حالی		

- ۱۲۹ مسلمانلارلر يهوديلرك منازعهلر
۱۳۴ اهل كفرك مؤمنلر مسجده حرامدن
منع ايتدكلر
۱۳۷ بيتك بش دفعه بنا اولونديني
۱۳۸ حجه دعوت وجدن مقصدى بيان
۱۴۲ باطله عبادت عين نجاست مقامده اولديني
۱۴۶ حك بوامته مخصوص اولمايوب ايم سالفه ده
دخى بولونديني
۱۴۹ قربان اولمغه لايق اولان حيوان و قربان
أتندن صدقهك لزومى
۱۵۳ مقاتله حقنده اول نازل اولان آيت
ومؤمنلرك مقاتله به مآذون اولدقلر
۱۵۶ ديننه يارديم ايدنلره الله تعالىك يارديم
ايدمچكى
۱۵۸ امر بالمعروفى تماميله اجرا خلفاء راشدينه
ميسر اولديني
۱۶۰ اهايسى ظالم اولان قريهرك اهلاكى
۱۶۴ اهايسى ظالم اولان قريه به مهك وبرمك
هلاكه مانع اولماديني
۱۶۸ غرائيق قصه سنك يالان واقعا اولديني
۱۷۰ شيطانك وسوسه سنه مساعدتهك حكمتى
۱۷۵ مرتبه شهادتك كنه كيره ي اسقاط ايتديكى
۱۸۴ هر امت ايچون بر شريعت واو شريعتده
قربان و بيارام اولديني
۱۸۸ قرآن او قونديغنده كافرلرك اوقويان كيمسه به
عداوتلرى يوزلنده كورولديكى
۱۹۵ دينى اقامه ايچون جهادك واجب اولديني
۱۹۷ حضرت ابراهيمك مسلمانلرك بويوك پدرى
اولديني
۲۰۰ سورة مؤمنين
۲۰۴ مدت موقته ايله نكاح اولونان خاتونك
حلال اولماديني
۲۰۵ امانات وعهدك نلردن عبارت اولديني
- ۲۰۷ مؤمنلرك جنتده فردوس اعلايه وارث
اولاچقلرى
۲۱۲ سادن ياغمورك مقدار معين اوزره ازال
اولونديني
۲۱۵ زيتون آغاجنك اول طور طاغنده بيتديكى
۲۱۸ قوم نوحك حضرت نوحه اعتراضلرى
۲۲۳ دشمندن قورتولق نعمتلك اك بويوكى
اولديني
۲۲۷ هر قومك ايلرى كلنلرينك عوام طبقه سنى
اغفال ايتدكلرى
۲۳۲ هر ملتك بر اجلى اولوب اجلندن تقدم
وتاخر ايتديكى
۲۳۴ فرعونك وقومك ايمانندن استكبار ايتلرى
۲۳۷ حضرت عيسى ايله والده سنك قدرة الله
علامت اولدقلرى
۲۴۰ اعتقاد يادده جمله انبيا متفق اولوب امتلك
اختلاف ايتدكلرى
۲۴۴ مؤمنه لايق اولان دوت صفت اولديني
وهر كسه قدرتى نسبتنده تكليف اولونديني
۲۴۸ ارباب عصيانك بلا زمانى مراجعتلرينك
باب الهديه رد اولونديني
۲۵۰ حقهك ، ارباب عصيانك آرزولرينه اتباعى
لازم اولسه طملك فاسد اولاجنى
۲۵۵ آچقله عذاب هر عذابك فوقنده اولديني
۲۶۶ ظالملك شتامتى مظلوملرى احاطه ايتديكى
۲۶۷ شيطانك شرندين جناب حقه التجانك لزومى
قيامته نسيه اعتبار اولماديني
۲۷۳ جناب حقهك اهل جهنمه خطاى
۲۷۸ انسانلك عبث اولارق خلق اولونماديني
س
- ۲۸۱ سورة نور
۲۸۲ زمانك حكم شرعىسى
۲۸۴ زمانك شرعا شوقى دوت كره اقرار ويا
دوت شاهدله در

- ۲۸۶ سياست شرعيهك اجر اسنده فائده
۲۸۹ قذفك معناسى وحد قذف
۲۹۱ لعنه متعلق مسائل
۲۹۴ افك مسئلهسى
۳۰۶ مؤمنه وعيفه اولان قادينلرى زنا ايله
اتهامك لعنى موجب اولديني
۳۰۹ غيرك خانه سنه دخوله استيدانك لزومى
۳۱۱ آداب استيدانك اوچ اولديني
۳۱۱ بر كيمسه بولمايان خانه به كيرمك جائز اولماديني
۳۱۴ عائله مسكنى اولمايان خانلره ، حاملره
واوطه لره كيرمكده استيدانه حاجت اولماديني
۳۱۵ انسانلك كوزلرينى حرامدن صاقينملرينك
لزومى
۳۱۷ قادينلرك چارشاف بورونملرينك لزومى
۳۱۹ قادينلر ايچون زينتلرينى اظهار ايتك جائز
اولماديني
۳۲۳ تستر نسوانه دائر تفصيلات
۳۲۶ نكاحك غنايه وسيله اولديني
۳۲۸ نكاحه قادر اولاميانلرك عفتلرينى محافظه
لازم اولديني
۳۳۰ جاريه سنى زنايه اكراهك جائز اولماديني
۳۳۳ الله نور السموات آينه دائر تفصيلات
۳۴۲ اهل كفرك حاللرى وعمللرى قارائلق
اوزرينه قارائلق اولديني
۳۴۶ ياغمور وطولويه عائد تفصيلات
۳۴۸ حيواناتك جمله سى اساس اعتباريله صودن
خلق اولونديني
۳۵۵ مؤمنه لايق اولان شريعتده قارشى سمعنا
واطعنا ديمك اولديني
۳۵۹ اللهك مؤمنلره ارضه خليفه قىلاجنى وعد
ايتدينى
۳۶۲ حجره داخلنه كيرمك ايچون استيدانك وقتى
ولزومى
- ۳۶۵ برخانه دروننده بولونانلرك بر برلرى اوزرينه
اوچ وقتك غيرى ده استيدانلر كيرمكلرينك
جوازي
۳۶۷ اختيار قادينلر ايچون بوركونك لازم اولماديني
۳۶۸ انسانك اذنلر كيرمك خانه سنندن طعام
ايتمى جائز اولديني
۳۶۹ مجتمعا بر چاناقدن ويا آيرى آيرى چاناقدن
يتمك جائز اولديني
۳۷۶ رسول اللهك دعوتنه اجابتك وجوبى واسرينه
مخالفتك جائز اولماديني
۳۷۹ سورة فرقانه
۳۸۲ بوتلك هر شيدن عاجز اولدقلرى
۳۸۷ مشركلرك طعام ييكي و چارشوده يورومكى
رسالته منافي عد ايتدكلرى
۳۸۹ انبيانك سائر ناسدن امتيازلى قوه قدسيه
ايله در
۳۹۲ عاصيلرك اوزاقدن جهنمك كورولتولرينى
ايشيده جكلرى
۳۹۵ اهل جنتك جهنمه اولان اولادى
واقرباسى خاطرينه كليجكى و بو جهتدن
سرورلرينه خلل طارى اولميجنى
۴۰۰ انسانلك يكدىكريله مبتلا اولدقلرى
۴۰۳ كناهكارلر ايچون يوم قيامته اصلا تيشيرات
اولميجنى
۴۰۸ يوم قيامته كافر ك ندامتندن آلنى ايصيرميجنى
وشيطانك انسانى دائما رسواى ايتديكى
۴۱۳ قرآنك دفعه نازل اولمايوب متفرق
اولارق نازل اولسنده حكمت سكزدر
۴۲۳ اهل كفرك به ايمدن ده اشاغى بردركده
اولدقلرى
۴۲۷ كيجهك لباس مترلنده واويقو راحت
ايچون اولدينى
۴۳۰ ياغمورك تقسيماتى و بلده لره نزولك كيفيتى
۴۳۱ هر سنه ده ياغمورك مساوى اولدينى

۴۳۳	عصيانك يا غمورك انقطاعه سبب اولدينى	۴۴۴	انفاقده اسرافك جائز اولمادينى
۴۳۴	برنطفه دن انسانك ايكي قسم اولدينى	۴۴۶	عبد خالص اولاييلىك اوامره امتثال ايله
۴۳۶	كافرلر دىن السهى بى ابطاله چاليدى قلىرى		برابر محرماتدن اجتنابه موقوف اولدينى
۴۴۱	ساده برجلر و برجلر اسملرى	۴۵۰	امور دينده رياست ايستمه نك جوازي
۴۴۲	اللهك خالص قوللرينك صفتلىرى	۴۵۱	عندالله قولنك قدرى عبادت و ايمانله اولدينى

خطا، صواب جدولى

صواب	خطا	سطر	صفحه
ذات اللهه	ذات اللهه	۱	۵
ساحر	سحر	۱۲	۶
كسلمش	كسله س	۱	۱۸
ولده	والده	۱۹	۱۹
جوابى	جواب	۲۱	۴۴
موافق	موفق	۱۵	۵۱
اولمى	اولومسى	۱۰	۷۴
ايشيتمى سيدر	ايشيتمشدر	۲۳	۷۶
اولونديغنه	اولونه جغه	۱۰	۸۱
آردىم زده	آره مزده	۶	۸۸
ظاهر	ظاهر	۵	۹۵
وَ كُلُّ	وَلْ	۱۸	۹۵
بيورلمشدر	بيولمشدر	۲۵	۱۱۰
فَلْيَمْدُدْ	فَلْيَمْدُدْ	۳	۱۲۴
عزائىم	عزائىم	۹	۱۴۳
شر كده	شرده	۱۲	۱۴۴
كيجه	كيجه	۲۰	۱۷۲
أَوْ مَا تُؤَا	أَوْ مَا تُؤَا	۶	۱۷۴
اداء	اداره	۱۱	۱۸۴
صفتلىرى	صفتلىرىمىز	۸	۲۱۴
وحيايه	وصافى	۱۰	۲۳۹

۱۲۹
۱۳۴
۱۳۷
۱۳۸
۱۴۲
۱۴۶
۱۴۹
۱۵۳
۱۵۶
۱۵۸
۱۶۰
۱۶۴
۱۶۸
۱۷۰
۱۷۵
۱۸۴
۱۸۸
۱۹۵
۱۹۷
۲۰۰
۲۰۴
۲۰۵

صواب	خطا	سطر	صفحه
امر ایتدیک شیه	ایتدیک شیه	۱۳	۲۳۹
قیله	قلیه	۴	۲۵۱
إِدْفَعْ	إِذْغْ	۱۳	۲۶۵
کافره قذقدن حد	کافره حد	۱۸	۲۹۰
منکراتله امر ایدر	منکراتله ایدر	۱۸	۳۰۳
حَتَّى	حَسَّ	۱۲	۳۲۸
ظهورده	ظهرده	۲	۳۲۷
کوردکلریمزدر	لوردکلریمزدر	۱۱	۳۴۹
اطاعتکزی	اطاعتکز	۵	۳۶۲
آنلره	آنلر	۱۷	۳۶۴
ایمانک کالنده	کالنده	۱۶	۳۷۴
آنلره	آنلری	۱۲	۳۸۹
طریق حق	طریق حقه	۱۱	۳۹۰
سزدن	سزده	۱۴	۳۹۹
نیمجدهده	نیمجدهده	۱۲	۴۰۵
ایتدیکنی	ایده جکنی	۱۷	۴۱۰
قیلدی	قیلدی	۱۴	۴۳۴
هلاک اولوب عاصیلره	هلاک اولدی وعاصیلره	۷	۴۴۴
منفعت رایجہسی	منفعت و رایجہسی	۱۶	۴۴۴
اولدیغنی	اولدیغنک	۵	۴۴۷

اخطار:

سکزنجی جلدک قرق آلتنجی صحیفه سنک ایکنجی سطر نده [قَالَ لَا يَأْتِيَكُمَا
طَعَامٌ تُرْزَقَانِهِ إِلَّا نَبَأٌ تُكْمَا] آیت کریمه سنی تعقیب ایدن [بِتَأْوِيلِهِ قَبْلَ
أَنْ يَأْتِيَكُمَا] نظم جلیلنک بالترتیب قونولامادیغنی قارئلرمزدن استانبولده
بالاطده فرح کتخدا جامع شریفی خطیب وامامی حافظ ابراهیم افندی طرفندن
اشنای مطالعهده کورولمش اولمقله هر نصلسه اشنای ترتیب وتصحیحخنده بوصورتله
ذهول اولونان مذکور نظم جلیلک ارانه ایدیلن محله علاوهسی مع الاعتذار
رجا اولنور .

مكتبة
الشيخ
الشيخ





